



# СohãcјѠ Yere Yahuducuri Tju

Piratapuyo New Testament

## Contents

San Mateo . . . . .	1
San Marcos . . . . .	59
San Lucas . . . . .	94
San Juan . . . . .	155
Hechos . . . . .	198
Romanos . . . . .	251
1 Corintios . . . . .	277
2 Corintios . . . . .	302
Gálatas . . . . .	318
Efesios . . . . .	327
Filipenses . . . . .	336
Colosenses . . . . .	342
1 Tesalonicenses . . . . .	348
2 Tesalonicenses . . . . .	353
1 Timoteo . . . . .	356
2 Timoteo . . . . .	363
Tito . . . . .	368
Filemón . . . . .	371
Hebreos . . . . .	373
Santiago . . . . .	393
1 San Pedro . . . . .	400
2 San Pedro . . . . .	407
1 San Juan . . . . .	412
2 San Juan . . . . .	418
3 San Juan . . . . .	419
San Judas . . . . .	420
Apocalipsis . . . . .	423

Cohãcjã Yere Yahuducuri Tju  
New Testament in Piratapuyo (CO:pir:Piratapuyo)

copyright © 2011 Wycliffe Bible Translators, Inc.

© 2011, Wycliffe Bible Translators, Inc. All rights reserved.

Language: Piratapuyo

Translation by: Wycliffe Bible Translators, Inc.

Piratapuyo [pir], Colombia

### Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Piratapuyo

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright information.

You do not sell this work for a profit.

You do not change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

ISBN 978-1-5313-0526-0

---

PDF generated on 21 Sep 2016 from source files dated 21 Sep 2016  
ad83cef1-6eb5-5233-a8f3-356e47bbda0d

---

This print-on-demand edition of Scripture is designed, produced, and provided at cost by the Digital Bible Society. This is made possible through partnerships with the Bible League of Canada, Open Doors International and other missions and translation agencies. We are deeply grateful for the sacrifices made in translating this edition of Scripture and the generosity of others in making this Bible available to you.

To order additional copies of this Bible or hundreds of translations like it or to learn more about our ministries and the mission of Scripture distribution in every language, we invite you to visit [www.DBS.org](http://www.DBS.org) (USA), [www.BibleLeague.ca](http://www.BibleLeague.ca) (Canada), and [www.OpenDoors.org](http://www.OpenDoors.org) (Europe). May God bless your work in sharing and teaching these Scriptures, until, as it is written, the earth is *“filled with the knowledge of the glory of the LORD, as the waters cover the sea.”* (Habakkuk 2:14)

---

## San Mateo

*Jesucristo Cohācjū* macūno tiquiro acaye panopu cjēna ijire

(Lc 3.23-38)

<sup>1</sup> Jesucristo acayere panopu cjēnare yahutja yūhā. Tiquiro ñecūno mūnāno panopu cjēno Davi wame tiriqiuero ijie tiahye. Tiquiro ijiato pano tiquina ñecūno mūnāno iji turiariqiuero Abrahā wame tiriqiuero ijie tiahye.

<sup>2</sup> Abrahā Isaac pacuro ijiahye. Isaac Jacob pacuro ijiahye. Jacob Judā gūhā pacuro ijiahye. <sup>3</sup> Fare, Zara mehna tiquina pacuro Judā ijiahye. Tiquina pacoro Tamar wame tiricoro ijiahye. Fare Esrom pacuro ijiahye. Esrom Aram pacuro ijiahye. <sup>4</sup> Aram Aminadab pacuro ijiahye. Aminadab Naasón pacuro ijiahye. Naasón Salmón pacuro ijiahye. <sup>5</sup> Salmón Booz pacuro ijiahye. Tiquiro pacoro Rahab ijiahye. Booz Obed pacuro ijiahye. Tiquiro pacoro Rut ijiahye. Obed Isai pacuro ijiahye. <sup>6</sup> Isai Davi pacuro ijiahye. Davi pehe Israe masa puhuro ijiahye. Tiquiro Uriā wame tiriqiuero mūnāno namonore tiquiro namo tiri bato Salomo wame tiriqiuero pohna tiahye.

<sup>7</sup> Salomo Roboam pacuro ijiahye. Roboam Abia pacuro ijiahye. Abia Asa pacuro ijiahye. <sup>8</sup> Asa Josafat pacuro ijiahye. Josafat Joram pacuro ijiahye. Joram Uzia pacuro ijiahye. <sup>9</sup> Uzia Jotam pacuro ijiahye. Jotam Acaz pacuro ijiahye. Acaz Ezequia pacuro ijiahye. <sup>10</sup> Ezequia Manase pacuro ijiahye. Manase Amón pacuro ijiahye. Amón Josia pacuro ijiahye. <sup>11</sup> Josia Jeconia gūhā pacuro ijiahye. Tiquina ijiri pjere Israe yehpa cjēnare Babilonia cjēna pehe ñehe cāhye tiquina ya yehpapu.

<sup>12</sup> Sa ye Babilonia yehpapu tiquina esari bato, Jeconia Salatiere pohna tiahye. Salatiel Zorobabel pacuro ijiahye. <sup>13</sup> Zorobabel Abiud pacuro ijiahye. Abiud Eliaquim pacuro ijiahye. Eliaquim Azor pacuro ijiahye. <sup>14</sup> Azor Zadoc pacuro ijiahye. Zadoc Aquim pacuro ijiahye. Aquim Eliud pacuro ijiahye. <sup>15</sup> Eliud Eleazar pacuro ijiahye. Eleazar Matán pacuro ijiahye. Matán Jacob pacuro ijiahye. <sup>16</sup> Jacob José pacuro ijiahye. José María manūno ijiahye. María pehe Jesu pacoro ijiri. Jesu pehe

masare yūhduoatiquiro ijiro, Cristo tiquina ni pisuriqiuero ijiri.

<sup>17</sup> Sa yeye Abrahāre mari queo mahtagū tee Davire mari queo bato tigū ahriquina ijipihtiyequina tiquina panamena mehna ijiye, catorce cururi waro ijiahye. Sa yeye mari pari turi Davire mari queo mahtagū tee Babiloniapu Israe masare tiquina neato pano mari queo bato tigū ijipihtiyequina tiquina panamena mehna ijiye, catorce cururi waro pari turi ijiahye. Sa ye tuhasa Babiloniapu tiquina esari bato mari queo mahtagū tee Cristo tiquiro masa bajuagūpu mari queo bato tigū ijipihtiyequina tiquina panamena mehna ijiye, catorce cururi waro ijiahye tja.

*Jesucristo tiquiro masa bajarire yahuahye*  
(Lc 2.1-7)

<sup>18</sup> Sa ye ohō saha Jesucristo masa bajuari jiri. Tiquiro pacoro María pehe José mehna omoca dūhteaticoro ijiahye. Sa yero ticoro omoca dūhteato pano Espiritu Santo tutuaye mehna coā nijinogāre ne bucua cāhtaro masiahye ticoro basi. <sup>19</sup> Sa yero José ticorore omoca dūhteatiquiro tire masino, poto ijiyere yeriqiuero ijiro ticorore cohāno taro nimahye. Masa tiquina ihñono ticorore buoro ye dueraro, masa tiquina tūhoato pano yahuro marieno ticorore cohāno taro nimahye. <sup>20</sup> Tire tiquiro tūhoturi watoa Cohācjū yaquiro angel pehe quehēnopu Josere bajuaro, ohō saha niahye:

—José, Davi mūnāno panami iji turiagu, María mehna bue tiro marieno omoca dūhteya. Ticoro Espiritu Santo yedohoro mehna coā nijinogāre ne bucua cāhtaricoro ijire. Sa yegu bue tiro marieno omoca dūhteya ticorore. <sup>21</sup> Ticoro pohna tirota. Tiquirota ticoro macūnota tiquiro ya maca cjēnare pecapu wahaboriquinare yūhduoatiquiro ijirota. Tiquiro sa yūhduoatiquiro ijigū ihñagū Jesu wame yeguta mūhu tiquirogāre, niahye angel Josere.

<sup>22</sup> Ahri ijipihtiye sa wahahye panopu cjēno Cohācjū yere yahu muhtariqiuero tiquiro ni ojoariro sahata. Tire tiquirore Cohācjū ojoa dutiahye. Ohō saha ni ojoahye Cohācjū yere:

<sup>23</sup> Nuhmino, nijinogāre bocaro pohna tirota ticoro macūnogāre. Sa yero Emanuel wame tirota tiquirogā, ni ojoahye Cohācjū yere.

“Emanuel” nino “Cohācjū mari mehnata ijire”, nino niaga.

<sup>24</sup> Cohācjū yaquiro angel Josére tiquiro ni yahuri bato José pehe wahcā, angel dutiriro sahata Mariā mehna omoca dūhteahye.

<sup>25</sup> Tiquiro macnogāre ticoro pohna tiato pano José pehe ticoro mehna ijiera tiahye. Ticoro pehe pohna tia wahahye. Sa yero tiquiro pehe macnogāre Jesu wame yeahye.

## 2

Asū mūja taro cjēna Jesugāre ihñañe esahye

<sup>1</sup> Herode Judea yehpa cjēna pūhtoro tiquiro ijiri pje ti yehparū ijiri macarū Belēpū Jesu masa bajuahye. Tiquiro sa masa bajuari bato ñahpicohare buheye-quina ñahpicohare quehnoano masiñequina asū mūja taro cjēna ahta, Jerusalēpū wihiahye. <sup>2</sup> Sa wihiye, masare to cjēnare sinituahye:

—¿Judio masa pūhtoro ijiatiquiro yojopre nohorū masa bajuagari tiquiro? Asū mūja taropū cjāna ijiaya. Sa yena ñahpicoha coā bajua wahā sagū ihñana “Pūhtoro masa bajuaro niaga”, ni masii usā. Sa tia bajuagū ihñana, usā ihcāno mehna tiquirore ño peona ahtaū ohōpū, ni, yahuahye buheye-quina masare.

<sup>3</sup> Sa ye apequina Herodere tire yahuahye. Tiquina sa yahugū tūhoro Herode pehe būjua witi tūhotuahye. Sa yeye ijip-ihtiyequina Jerusalē cjēna gūhū tiquiro yero sahata būjua witi tūhotuahye tiquina gūhū. <sup>4</sup> Sa yero Herode pehe ijipihitiyequina pahia pūhtoare, mari judio masare buheye-quina gūhūre tiquiro piji cahmecoa peho, tiquinare sinituahye tiquiro:

—¿Nohorū masa bajuaboagari Cristo pehe, masa tūhotugū? ni sinituahye tiquiro.

<sup>5</sup> Ohō saha ni yahuahye tiquirore:

—Belēpū, Judea yehparū ijiri macarū Cristo masa bajuarota. Ohō saha ni ojoahye Cohācjū yere yahu mūhtariquiro:

<sup>6</sup> Belēpū yeequinare Israe masare duti-atiquiro, tiquinare cohteatiquiro ahtarota. Sa yero apeye macari Judea yehparū ijije macari yūhdūoro ijire Belē pehe, ni ojoahye Cohācjū yere, ni yahuahye tiquina Herodere.

<sup>7</sup> Tiquina sa ni yahuri bato Herode masa tūhoeropū asū mūja taropū ahtariquinare pijioahye. Tiquiro caharū tiquina esagū ihñano, tiquinare sinituahye. Tiquiro sa sinitugū tūhoye, tiquina ñahpicohare ihñari decore yahuahye tiquina. <sup>8</sup> Tiquina sa yahuri bato Herode pehe tiquinare Belēpū ohoro, ohō saha niahye tiquinare:

—Tiquirogāre quehnoano macaña. Tiquirogāre bocana yūhūre tojoana yahu tojoaya. Yūhū gūhū tiquirogāre ño peou wahau tūñ niaya, niahye tiquinare Herode.

<sup>9</sup> Tiquiro sa nidi bato, tiquina wahahye. Tiquina sa wahagū asū mūja taropū tiquina ihñaria ñahpicoha pehe tiquina pano ūhmu tāducuahye. Sa yero nijinogā tiquiro ijiro bui waro tojoa wahā sahye tia ñahpicoha. <sup>10</sup> Sa yeye ñahpicohare ihñañe, tutuaro bucueahye tiquina. <sup>11</sup> Nijinogā tiquiro ijiri wūhūpū esa, sajāa wahahye tiquina. Sa sajā saye, nijinogāre tiquiro pacoro mehna ijiri quirogāre ihñahye tiquina. Sa ihñañe tiquina dusepe curi mehna quehe sa, tiquirogāre ño peoahye. Ño peo tuhasa tiquina acarire pōoahye. Urure, bueyere, mirra wame tiye ehme sitiye gūhūre ne wio, tire tiquirogāre wapa marieno ohoahye. <sup>12</sup> Tire oho tuhasa carīa wahahye tiquina. Tiquina sa carīgū quehēnopū Cohācjū yahuahye tiquinare: “Herode caharū tojoeracāhñā”, ni yahuahye Cohācjū tiquinare quehēnopūre. Tiquiro sa ni yahuri bato, tiquina pehe wahcāhye. Tiquina sa wahcāri bato ape maharū tiquina ya dihtarū tojoaa wahahye.

José gūhū Jesugāre Egiptopū ne duhti cāa wahahye

<sup>13</sup> Tiquina sa wahari bato Cohācjū yaquiro angel quehēnopū Josére bajuaro, ohō saha niahye:

—Wahcāña. Herode pehe nijinogāre wejēno taro, macano nine yojopre. Sa ye nijinogāre tiquiro pacoro gūhūre Egiptopū ūmūñano ne duhti cāa wahaya. Topūre yūhū nidiro punota ijiya, tee yūhū yahugūpū, ni yahuahye angel Josére.

<sup>14</sup> Tiquiro sa nigū tūhoro, José pehe ñamita wahcā, nijinogāre, tiquiro pacoro gūhūre Egiptopū ne duhti cāa wahahye.

<sup>15</sup> Egiptopū esa, Herode catiro puno topūre ijiahye tiquina. Sa yeahye panopū cjāno Cohācjū yere yahu mūhtariquiro tiquiro ni

ojoariro sahata. Tire tiqiurore Cohācjū ojoa dutiahye. Ohō saha ni ojoahye Cohācjū yere: “Egiptopṛ ijiriqiurore yahu macære pijjiou”, ni ojoahye Cohācjū yere.

*Herode macanagāre wejē dutiahye*

<sup>16</sup> Sa ye ñahpicohare buheyequina tiquina duhti yuhdu cāgū tuhoro Herode pehe usua yuhdua wahahye. Sa usuaro, Belē cjenare, ti maca duhtu caha cjēna gūhure tiquina pohnene umagāre pua cūhma cwoyequinagāre wejē bato ti dutiahye tiqiuro. Coā warore ñahpicohare buheyequina ñahpicohare tiquina ihñari decore yahuahye Herodere. Tiquina sa nigū tuhoro tiqiuro wejē duariqiurogā masa bajuari decore masino, “Ohōpe cūhmari cwoe” nino, pua cūhma cwoyequinagāre wejē bato ti dutiahye. <sup>17</sup> Panopṛ cjūno Jeremia Cohācjū yere yahu muhtariqiuro tiqiuro ni ojoariro sahata wahahye. Ohō saha ni ojoahye tiqiuro:

<sup>18</sup> “Ramā wame tiropṛ bisirota. Tutuaro bujua witiye mehna utiye bisirota. Raquel panamena numia iji turiaye numiapṛ Israe masa namosānumia tiquina pohnene tutuaro utieta. Tiquina pohnene apequna wejēgū ihñāne, ne bujua witi duhusi”, ni ojoahye panopṛ.

<sup>19</sup> Sa ye Herode tiqiuro yariari bato Egiptopṛ ijiriqiurore Joséré Cohācjū yaqiuro angel quehēnopṛ bajuahye. Sa bajuaro ohō saha niahye Joséré:

<sup>20</sup> —Nijinogāre wejē duamediquina yariaa wahari. Sa yegū wahcāña. Tiquirogāre pacoro mehna Israe yehpapṛ ne tojoaa wahaya muhū, ni yahuahye angel Joséré:

<sup>21</sup> Tiquiro sa nidi bato José wahcā, ninjinogāre pacoro mehnata Israe yehpapṛ ne tojoaa wahahye. <sup>22</sup> Sa yeperota Arquelao Herode macūno pehe tiqiuro pacuro comesariqiuro ijigū tuhoro José pehe Judea yehpapṛ tojoa duaro cueahye. Sa yero pari turi tja quehēnopṛ tiqiurore yahu nemoahye. Tiquirore pari turi Judea yehpapṛ iji dutierahye. Tiquiro sa ni yahuri bato, tiquina Galilea yehpapṛ wahaa wahahye. <sup>23</sup> Ti yehpapṛ Nazare wame tiri macapṛ ijiahye tiquina. Sa yeahye tiquina Cohācjū yere yahu muhtariquina tiquina ojoariro sahata. Ohō saha ni ojoahye: “Cristo Nazare cjūnota ijire”, nieta masa”, ni

ojoahye Cohācjū yere yahu muhtariquina panopṛ cjēna.

### 3

*Ñu wame yeriqiuro masare yahuahye*

(Mr 1.1-8; Lc 3.1-9, 15-17; Jn 1.19-28)

<sup>1</sup> Sa ye ti pjere Ñu Cohācjū yequinare wame yeriqiuro ijiahye. Judea yehpapṛ masa marienopṛ tiqiuro Cohācjū yere yahu ducahye masare. <sup>2</sup> Ohō saha ni yahuahye tiquinare:

—Musa ñāne yerire bujua witiya. Tire duhuya. Ūhmuse cjūno Cohācjū masa puhtoro tiqiuro ijato mehenogā dūhsare, ni yahuahye tiqiuro.

<sup>3</sup> Panopṛ cjūno Isaia Cohācjū yere yahu muhtariqiuro Ñu tiqiuro buheatire ohō saha ni ojoahye:

Masa marienopṛ yahuducu sañuducuriqiuro ohō saha ni buherota tiqiuro: “Mari puhtoro ahtato pano mahare mari quehnoyuro saha quehnoana ijiyuya musa. Musa ñāne yerire bujua witiya”, ni sañuducurota, ni ojoahye Isaia Ñure.

<sup>4</sup> Sa yero Ñu camello poari suhtirore sañariqiuro, wahiqiuro cahsero mehna tuā dihoriqiuro ijiahye. Poreroare, nucu cjē umi gūhure ihyae tiahye. <sup>5</sup> Jerusalē cjēna, ijipihti Judea yehpapṛ ijieyquina, Jordā wame tiri ma cahapṛ ijieyquina gāhu tiqiurore tuhoye ahtahye. <sup>6</sup> Wihi, tiqiurore tuho, tiquina ñāne yerire bujua witi, Cohācjūre tire yahu yuhduahye tiquina. Sa tiquina yahugū tuhoro Jordāpṛ Ñu tiquinare wame yeahye.

<sup>7</sup> Sa yero peyequina fariseo masa, saduceo masa gāhu Ñure tiquina wame ye dutiye ahtagū ihñano tiqiuro yahuahye tiquinare:

—Añaa yero saha ña yuhduana ijire musa. Musa ñāne yerire bujua witi duerana Cohācjū masa ñāne yeri buhiri tiqiuro buhiri dahreato pano duhti masiedare musa. <sup>8</sup> Sa yena potota musa ñāne bujua witiya. Quehnoañene comesaya. Sa yena quehnoañe pehere yeya musa. <sup>9</sup> Ohō saha ni tuhotueracāhña: “Panopṛ cjūno Abraham mari ñecu munano ijie tiahye. Sa yena tiqiuro panamena iji turiana ijina mari Cohācjū yequina ijiaja”, ni, tuhotueracāhña musa. Musare niita

niaja. Abrahā panamena iji turiana ijimene musa. Musa sa ijiepegūta ti musa sa ijiye dūhseati ijierare. Cohācjū pehe ahri utā paca mehna Abrahā panamenare dojogū ye masine. Sa yero Abrahā panamena iji turiana musa ijiye ihyo waro ijire utā paca ti paca ihyo waro ijiro sahata. <sup>10</sup>Ohō saha ijire: Masa yucūri yero saha ijire. Cohācjū pehe yucūrire quēatiare comeare cūoriqiro yero saha ijire. Sa yero ñañe dūca tiye cjūre quē cohā, ti nuhcori gūhure dūte surerota. Dūte sure tuhasa, pecapū ūjūanota tiqiro ti cjūre, nuhcori gūhure. Sata yerota masa gūhure tiqirore cahmeeñequinare. <sup>11</sup>Yūhū bato yūhū yūhdūoro tutuariqiro ahtarota. Quehnoa yūhdūariqiro ijire tiqiro. Tiqiro yero saha ijieraja yūhū pehe. Sa yegū tiqirore tūhotugū, “Ihyo ijigū ijiaja yūhū”, ni tūhotuaja yūhū. Yūhū pehe musa ñañe yerire bujūa witi duti, musare wame yegū aco mehna yemi. Tiqiro pehe yūhū yūhdūoro yerota. Espiritu Santore masa mehna ijiducugū yerota tiqiro. Sa yero peca ñañene ūjūa wero sahata tiqiro ahtariqiro pehe musa ñañe yerire cose werota. <sup>12</sup>Yūhū bato ahtariqiro cahseri cohāriqiro yero saha ijire. Cahseri cohāriqiro tiqiro batiro mehna ijipihtiye trigo cahserire puti were. Tiqiro sa puti weri bato trigo pehere tiqiro ihbori wūhūpū ihborota. Sata yerota tiquina ñañene bujūa witiyequinare yūhū bato ahtariqiro. Tiqiro puti weye cahseri pehere tiqiro ūjūanota. Ti peca ūjūari peca ne yatisi. Sata yerota tiqiro yūhū bato ahtariqiro tiquina ñañene bujūa witiyequinare, ni yahuahye Ñu.

*Ñu Jesure wame yeahye  
(Mr 1.9-11; Lc 3.21-22)*

<sup>13</sup>Came Jesu Galileapū ijiriqiro waha, Jordā wame tiri mapū buha sahye Ñure wame ye dutiro. <sup>14</sup>Coā warore Ñu wame ye dueramahye.

—Yohou, mūhū pehe yūhū yūhdūoro tutuagū yūhū pehere mūhū wame yegū quehnoaboaga. Mūhūre wame yebogu ijieraja yūhū, ni yūhtimahye Ñu Jesure.

<sup>15</sup>Jesu pehe yūhtiahye tiqirore:

—Yūhūre wame yeya. Ohō saha yena, Cohācjū dutiro saha sohtoa tina niaja mari, niahye Jesu.

Tiqiro sa nigū tūhorō,

—Aū, ni yūhtiahye Ñu.

<sup>16</sup>Sa ni tuhasa, Jesure wame yeahye. Tiqiro wame ye tuhasagū Jesu diapū ducuriqiro maja dūcahye. Tiqiro maja dūcagū, ūhūmanopū parī maahye. Cohācjū yaqiro Espiritu bujua yero saha tiqiro bui dijia tagū ihñahye. <sup>17</sup>Sa dijia tagū ūhūmanopū yahuducuye bisiahye:

—Ahriqiro yūhū macū yūhū cahñiqiro ijire. Tiqiro mehna tutuaro bucueja, niahye ūhūmanopū.

## 4

*Watino ñañene ye dutimahye Jesure  
(Mr 1.12-13; Lc 4.1-13)*

<sup>1</sup>Sa ye Espiritu Santo pehe Jesure masa marienopū neahye, topū watino tiqirore ñañene ye dutiatio saha.

<sup>2</sup>Topū esaro cuarenta decori waro ihyaro marieno ijiahye Jesu. Sa yero ūjūa ahbahye. <sup>3</sup>Ūjūa tiqirore ahbagū ihñano watino pehe tiqiro cahapū esaro, ohō saha niahye:

—Mūhū Cohācjū macū ijigū, ahria utāre ihyaye dojomehneña, nimahye tiqiro Jesure.

<sup>4</sup>Jesu ohō saha ni yūhtiahye:

—Yeraja. Cohācjū yere tiquina ojoari pūpū ohō saha nine: “Masare ihyaye mehna dihita catieraro cahmene. Ijipihtiye Cohācjū tiqiro ye yahuye mehna ijiro cahmene”, nine Cohācjū, ni yūhtiahye Jesu watinore.

<sup>5</sup>Tiqiro sa ni yūhtiri bato watino pehe Jerusalēpū “Cohācjū ya maca” tiquina nidi macapū Jesure neahye. Topū esa, Cohācjū ya wūhū bui Jesure ne sahye tiqiro. <sup>6</sup>Ne sa tuhasa, tiqirore ohō saha nimahye:

—Cohācjū yere tiquina ojoari pū ohō saha nine: “Cohācjū tiqiro yequina angelere mūhūre ihñā ihbo dutirotā. Sa yeye tiquina pehe mūhūre ihñā ihboeta ‘Ūtāpū pūha tu maari,’ niñe”, nine tiqiro ojoari pū.

Tiqiro sa nidi poto ijigū mūhū Cohācjū macū ijigū yehrapū ūhpū dijia ihñōña yūhūre. Mūhūre tiquina yedohogū ihñōña yūhūre, nimahye watino.

<sup>7</sup>Jesu ūhpū dijia ihñō dueraro ohō saha ni yūhtiahye:

—Cohācjū yere tiquina ojoari pū ohō saha nine: “Musa pūhtoro Cohācjū tiqiro



nidire ‘¿Poto ijjajari?’ ni masi duana Cohācjūre ye ihño duti tuhueracāhña”, nine Cohācjū yere tiquina ojoari pū, niahye Jesu.

<sup>8</sup> Tiquiro sa ni yuhtiri bato uhmua yuhdudu cunaru Jesure ne mujahye watino tja. Tu buiru ne mija sa pje, ijipihitiye macarine ihñodoque dijioahye Jesure. Tiquina cuoye gūhure ihñohaye. <sup>9</sup> Sa ihñono Jesure ohō saha nimahye:

—Yuhure dusepe curi mehna quehe sa, ño peoya mahu. Mahu sa yegū ijipihitiye ahri macarine mahure ohoutja, ni yahumahye watino.

<sup>10</sup> Tiquiro sa nigū Jesu ohō saha ni yuhtihaye:

—Satana, wahaya mahu. Ohō saha nine Cohācjū yere tiquina ojoari pū: “Mahu puhtoro Cohācjū dihitare ño peoya. Tiquiro ye dutiye dihitare yeya”, nine Cohācjū yere tiquina ojoari pū, niahye Jesu watinore.

<sup>11</sup> Tiquiro sa nigū tuhoro watino wahaa wahahye. Tiquiro wahari bato angele pehe wihi, Jesure yedohoye ihyayere ohoahye angele.

*Galilea yehparu Jesu buhe ducahye  
(Mr 1.14-15; Lc 4.14-15)*

<sup>12</sup> Sa ye Nure peresuru tiquina yegū tuhoro, wahaa wahahye Jesu. Waha, Galilea yehparu esahye. <sup>13</sup> Topu ijiri macaru Nazarenu waha, yuhdu cā, Capernau wame tiri macaru esahye. Galilea wame tiri ditara duhtu caharu ijiri Capernau. Ti maca Zebulon yehpa caharu, Neftali yehpa caharu ijiri Capernau. Topu esa, ijiahye Jesu. <sup>14</sup> Sata yeahye Jesu panoru cjāno Cohācjū yere yahu mūhtariquiro Isaia tiquiro ni ojoariro sahata. Ohō saha ni ojoahye:

<sup>15</sup> Zebulon yehpa caharu, Neftali yehpa caharu, ditararu wahari maharu, Jordā wame tiri ma ape sie pahrepu Galilea yehpa ijire. Ti yehpa judio masa ijieyequina ya yehpa ijire. <sup>16</sup> To cjēna Cohācjū yere quehnoano masiedare. Sa masiedapeta quehnoariquiro ihñaheru masieta. Tiquina pehe Cohācjūre ne masiedare. Sa yeye pecaru wahaboriquina ijimahye. Sa yero ihcāquiro tiquinare Cohācjū yere masigū yerota, ni ojoahye Isaia.

<sup>17</sup> Topu ijiro, Cohācjū yere yahu ducahye Jesu:

—Musa ñañe yerire buja witiya. Sa yena quehnoañe comesaya. Uhmuse cjāno Cohācjū ijipihitiyequina puhtoro tiquiro ijimoto mehenogā dūhsare, ni yahu ducahye tiquiro.

*Pititiro wahi wejēnequinare tiquiro mehna cjēna ijiatiquinare pijiahye Jesu*

*(Mr 1.16-20; Lc 5.1-11)*

<sup>18</sup> Sa ye Galilea wame tiri ditara duhtu caharu esaro, Simore, tiquiro bahuro Andre mehna boca sahye Jesu. Simo tiquina Pedro ni pisuriquiro ijiahye. Tiquina pehe wahi wejēnequina ijieye, tiquina wēñecjūre doque ñoñe niahye ditararu.

<sup>19</sup> —Yuhu mehna cjāna ijanaja ahtaya musa. Yuhu mehna musa ahtagū musa wahire ñehe cahmecoana musa ijiro saha, Cohācjū yequina ijiatiquinare masare piji cahmecoana ijigū yeitja musare. Yuhu mehna musa ahtagū sa yeana jare cūtja musare, niahye tiquiro tiquinare.

<sup>20</sup> Tiquiro sa nigū tuhoyeta tiquina wēñecjūre cū cā, tiquiro mehna wahahye.

<sup>21</sup> Sa ye Jesu tiquina mehna yuhdu cā, Santiagore tiquiro bahuro Nū gūhure boca sahye tja. Tiquina Zebedeo pohne ijiri. Tiquina yaria yucasaru tiquina pacuro mehna tiquina wēñecjūre quehnoñe niahye. Tiquina purare tiquiro pijioahye. <sup>22</sup> Tiquiro sa pijiogū tuhoye, tiquina pehe duita tiquina pacurore, yucusa gūhure cū, Jesu mehna wahahye.

*Peyequina masare buheahye Jesu  
(Lc 6.17-19)*

<sup>23</sup> Sa ye ijipihitiropu Galilea yehpare Jesu buhe tinidi. Judio masa mari buheye wuhseru quehnoañe buheyere, uhmuse cjāno tiquiro puhtoro ijieye tiyere buheri. Tiquinare buhe, dohatieyquinare quehnoa wahagū yero, ijipihitiye dohatiyere yuhduori tiquiro. <sup>24</sup> Tiquiro sa yegū tuhoye Siria yehpa cjēna ijipihitiropu ti yehparu ijieyequina tiquirore masi ducari. Sa masiñe, sijoro saha ijieye dohatieye cuoyequinare, watāre cuoyequinare, ñama yariaye cuoyequinare, tini masieñequina gūhure ne sari. Sa yero ijipihitiyequina tiquinare yuhdugū yeri Jesu. <sup>25</sup> Tiquiro sa yegū ihñañe, Galilea yehpa cjēna, Decapoli cjēna, Jerusalē cjēna, Judea yehpa cjēna, Jordā

ape sie pahrē cjēna peyequina masa tiquiro mehna wahari.

## 5

Сѣнѣрѣ мѣја, топѣ буеаһе Јесу масаре

(Lc 6.20-23)

<sup>1</sup> Sa ye masa peyequina tiquiro caharḗ tiquina esagū ihñano Jesu сѣнѣрѣ мѣјаа wahahye. Мѣја sa, топѣ дѣјаһе. Топѣ дѣјигѣ tiquiro buheyequina tiquiro caharḗ esahye. <sup>2</sup> Tiquina esagū ihñano ohō saha ni buhe dūcaһe.

<sup>3</sup>—Tiquina ñañene bḗja witiyequina Cohācjüre cahmeñequina bucueyequina ijire. Өhmuse cjāno tiquiro pḗtoro ijiropḗre wahaeta tiquina. Өhmuse cjē tiquina ye ijire.

<sup>4</sup> Utiyequina gḗhḗ bucueyequina ijire. Tiquinare bucuegḗ yerota mari Расѣ.

<sup>5</sup> Apequinare yḗhdḗdḗca dueyequina “Ihyo ijina ijiaja ḗsā”, ni tḗhotuyequina bucueyequina ijire. Cohācjḗ “Ohoutja”, tiquinare tiquiro nidī yehpare сѣoeta tiquina.

<sup>6</sup> Cohācjḗ dutiro saha ye duayequina, quehnoañene ye duayequina bucueyequina ijire. Cohācjḗ tiquiro yedohogḗ tiquina quehnoañene yeducueta.

<sup>7</sup> Apequinare paja ihñañequina bucueyequina ijire. Tiquina sa paja ihñagḗ Cohācjḗ tiquina gḗhḗre paja ihñanota.

<sup>8</sup> Tiquina ñañene cosenohriquina bucueyequina ijire. Cohācjüre ihñæeta tiquina.

<sup>9</sup> Apequinare cahmequedagḗ yeyequina bucueyequina ijire. Tiquinare “Yḗhḗ pohna ijire”, ninota Cohācjḗ.

<sup>10</sup> Cohācjḗ dutiyere tiquina yeri buhiri apequina ñano yere Cohācjḗ tiquiro dutiriquinare. Tiquina sa ñano yegḗ bucueyequina ijire tiquina pehe. Өhmuse cjāno tiquiro pḗtoro ijiropḗ tiquiro yere сѣoeta tiquina.

<sup>11</sup> Yeere mḗsa yeri buhiri apequina mḗsare tiquina tuhtiepegḗta bucuena ijire mḗsa. Mḗsare tiquina ñano yepēgḗta bucuena ijire mḗsa. Yeequina mḗsa ijiri buhiri mḗsare ijipihtiyē ñañē tiquina qḗti dojomehnepegḗta tiquina ni mehōepēgḗta bucuena ijire mḗsa.

<sup>12</sup> Cohācjḗ yere yahu mḗhtariquinare mḗsa pano ijiriquinare tiquinapḗreta ñano

ye mḗhtahye. Tiquinare yeriro sahata mḗsa gḗhḗre apequina sa yegḗ bucueya. Quehnoano jeripohna tiya. Sa yero ḗhmuseḗ mḗsa esagḗ pajiro quehnoano yerota mḗsare Cohācjḗ, ni yahuahye Jesu.

*Moa yero saha, buhrioro yero saha ijire Jesu yequina*

(Mr 9.50; Lc 14.34-35)

<sup>13</sup> Sa ye Jesu buhe nemoahye:

—Moa mehna wahiquiro dihire ti ñano wahaeragḗ yero sahata mḗsa pehe yeequina pehe ijipihtiyequina apequinare ñañene tiquina ye dḗragḗ yere. Sa ijieperota moa pehe ti ñañē wahagḗ pari turi quehnoañē ye masiedare. Ti moa ne quehnoaedare. Ti sa wahagḗ ti moare cohāno cahmene. Ti moare cohāri bato ti bui masa сḗhta cḗre. Ne dḗhseati ijierare ti moa tiquiro cohāñē. (Ti dḗhseati ijieraro saha ijieracāhña mḗsa. Cohācjḗ ye pehere cohædacāhña,) ni yahuahye Jesu.

<sup>14</sup> Sa ye tiquiro buhe nemoahye:

—Buhrioro marine ihñagḗ yero sahata mḗsa pehe yeequina pehe ahri yehpa cjēnare Cohācjüre masigḗ yere. Сѣнѣ bui ijiri macare nḗono basioerare. <sup>15</sup> Sa ye sihāriare masa sihāñē, sutu docarḗ moha dapo masiedare. Tiare sihāriare ḗhmḗanorḗ duhu peore ti wḗhḗ cjēna ijipihtiyequina tiquina ihñatiare. <sup>16</sup> Ohō sahata mḗsa gḗhḗ buhrioro yero saha ijina, quehnoañene yeya. Mḗsa sa yegḗ ihñañē masa mari Расѣ ḗhmuse cjḗnore ño peo, “Tutuagu, quehnoagu ijire”, nieta, ni yahuahye Jesu.

*Cohācjḗ tiquiro dutiyere tiquiro ojoari gḗhḗre yahuahye Jesu*

<sup>17</sup> Sa ni tuhasa, tiquinare yahu nemoahye:

—Ahrire mḗsa masigḗ cahmeaja yḗhḗ. Cohācjḗ dutiyere Moisere tiquiro cḗrire, tiquiro yere yahu mḗhtañequina tiquina ojoari gḗhḗre cohāgḗ tagḗ niedḗ. Ti dutiyere mḗsare quehnoano yahu potou tḗu nii. Ti dutiyere poto ijigḗ ihñou ahta. Ti dutiye nidiro sahata ye sohtori tii tḗu nii. <sup>18</sup> Ijirota mḗsare niaja. Pihhiri deco pano ijinigḗ Cohācjḗ dutiye Moisere tiquiro cḗrire ne mehenogḗ cohāsi mari. Ahri yehpa, ḗhmuse gḗhḗ ti ijiro puno tiquiro dutiye gḗhḗ ijirota. <sup>19</sup> Sa yeye ti dutiyere ihquēquina yḗhdḗdḗcaye, apequinare sata ye dutiye, ḗhmuse cjḗno tiquiro pḗtoro

ijiroḡ cahacjēna yero saha ijieta. Ihcā dutirogā ijiepegūta tiquina yuhduḡucaye, cahacjēna yero saha ijieta tiquina. Apequina ti dutiyere quehnoano yeye, apequinare tiquina yero saha ye dutiye, uhmuse cjāno tiqiro puhtoro ijiroḡ puhtoa yero saha ijieta tiquina pehe. <sup>20</sup> Mūsare niita niaja yuhū. Judio masare buheyequina, fariseo masa gūhū Cohācjū cahmeñene queoro yerare. Tiquina yuhduoro Cohācjū cahmeñene yeya mūsa. Mūsa sa yerana, tiqiro puhtoro ijiroḡ ne esasi mūsa, ni yahuahye Jesu.

*Usuayere yahuahye Jesu*  
(Lc 12.57-59)

<sup>21</sup> Sa ni tuhasa, tiquinare yahu nemoahye:

—Panorḡ cjēna ohō saha ni tiquina yahurire tūhori jimedi mūsa: “Masare wejēdacāhña. Masare wejēdiqirore tiquina buhiri dahreatiqiro ijire”, tiquina nidire tūhori jimedi mūsa. <sup>22</sup> Ahri tiquina yahuri yuhduo cjūno mūsare ahri pehere yahu nemoutja. Tiquiro acayuro mehna usuariqiro pehe tiquina buhiri dahreatiqiro ijire masnore wejēdiqiro yero saha. Tiquiro acayurore tuhtiriqiro “Ne tūho masiñe mariegū ijire mūhū”, nidiquiro buhiri dahre dutiyequina caharḡ tiquina neatiquiro ijire. “Tūho masiegū ijire mūhū”, tiqiro acayurore sa nidiquirore pecarḡ wahaboaga tiqiro.

<sup>23</sup> Mūsa acayuro mūsare tiqiro ihñā tuhtigū ohō saha yeya. Cohācjū wūhḡrḡ Cohācjūre mūsa ño peoato pano, tiqirore wahiquirore mūsa ohoato pano ohō saha yeya. <sup>24</sup> Cohācjūre mūsa ohoatire duhu cū, mūsa acayuro caharḡ waha, “Pari turi cahmequedacāhña. To punota duhuuhna tire”, niña tiqirore. Mūsa sa nidi bato Cohācjūre oho, ño peona wahaya tiqiro ya wūhḡrḡ.

<sup>25</sup> Apequiro mūhure yahusā duaro, puhtoro masare beseriquiro caharḡ mūhure tiqiro nea duagū, tiqiro mehna usuaro marieno ijiya. Beseriquiro caharḡ tiqiro neato pano tiqiro mehna quehnoano ijiya. Mūhū sa yegū ihñāno tiqiro mūhure yahusāedaboaga. Mūhū sa quehnoano ijieragū ihñāno topūre mūsa esagū tiqiro pehe mūhure masare beseriquirore yahusānota. Tiquiro sa yahusāgū, beseriquiro pehe peresu

yeyequinapūre mūhure ohorota. Sa yeye tiquina mūhure peresu yeeta. <sup>26</sup> Ijirota niaja mūhure. Topḡ jiniita mūhū. Tee tiquina wapa ye dutirire mūhū wapa ye pehogḡrḡ wijiaguta mūhū, ni yahuahye Jesu.

*Apequiro namono mehna ñano yeyere yahuahye Jesu*

<sup>27</sup> Ohō saha ni yahu nemoahye Jesu:

—Panorḡ cjēnare ohō saha tiquina ni yahurire tūhori jimedi mūsa: “Apequiro namono mehna ñano yeracāhña”, tiquina nidire tūhori jimedi mūsa. <sup>28</sup> Ahri tiquina yahuri yuhduo cjūno mūsare ahri pehere yahu nemoutja. Numinore ñehedaperota, ihcāquiro ticorore ñano tutuaro cahmeno, ñano wacū tūhoturo, ñano ye tuhasari ticoro mehna.

<sup>29</sup> Sa yegū mūhū capea poto peherḡ ijiria mehna ñano yegū, tiare ore we ne mūhū cohāboriro sahata ti ñañene duhuya. Tire duhueragū pecarḡ wahaguta. Mūhū capeare mūhū cohāgū tia capea dihita butire. Mūhū pehere pecarḡ mūhū wahagū ña yuhduare. Sa yegū ti ñañene duhuya. <sup>30</sup> Sa yegū mūhū omoca poto pehe ijiri omoca mehna ñano yegū, ti omocare mūhū date cohāboriro sahata ti ñañene duhuya. Tire duhueragū pecarḡ wahaguta. Mūhū omocare mūhū cohāgū ti omoca dihita butire. Mūhū pehe pecarḡ mūhū wahagū ña yuhduare. Sa yegū ti ñañene duhuya, ni yahuahye Jesu.

*Tiquiro namonore cohāñene, wame peoye gūhure yahuahye Jesu*

(Mt 19.9; Mr 10.11-12; Lc 16.18)

<sup>31</sup> Ohō saha ni yahu nemoahye Jesu:

—Panorḡ ahri gūhure niahye: “Tiquiro namonore cohā duariqiro tiqiro cohātire yahuri pū mehna ticorore cohā masine”, nimahye panorḡ. <sup>32</sup> Ahri tiquina yahuri yuhduo cjūno mūsare ahri pehere yahu nemoutja. Tiquiro namono apequiro mehna ñano yericooro ticoro ijierapegūta ticoro manḡno ticorore cohāboaga. Ticoro sa cohānohricoro apequiro mehna omoca dāhtero, ñano yero niaga ticoro apequiro mehna ijiro. Ticoro manḡno ticorore tiqiro cohāri bato ticorore apequiro mehna ñano yegū yere. Sa yero tiqiro bato namo tiriqiro gūhū ticoro mehna ñano yero nine, ni yahuahye Jesu.

<sup>33</sup> Ohō saha ni yahu nemoahye Jesu:

—Panopu cjēna ohō saha tiquina ni yahurire tūhori jimedi mūsa: “Mūsa ni-diro sahata yeya. ‘Cohācjū mehna poto sa yeitja’ mūsa ni-diro sahata yeya”, tiquina ni yahurire tūhori jimedi mūsa. <sup>34</sup> Ahri tiquina yahuri yūhdūo cjūno mū sare ahri pehere yahu nemoutja. “Ūhmūse mehna poto nii niaja”, ni ūhmūse mehna wame peoeracāhña. Ūhmūse pehe Cohācjū mari pūhtoro tiqiro ijiro ijire. Ihyo ijiro ijierare. Sa ijigū ihñana sa niedacāhña. <sup>35</sup> Ahri yehpa mehna ne wame peoeracāhña. Ahri yehpa Cohācjū ya yehpa ijire. Sa ijigū ihñana sa niedacāhña. Jerusalē mehna ne wame peoeracāhña. Tutuariqiro mari pūhtoro ya maca ijire Jerusalē. Ihyo ijiri maca ijierare. Sa ijigū ihñana sa niedacāhña ti wamene. <sup>36</sup> “Yūhu dapu mehna poto nii niaja”, ni wame peoeracāhña. Mūsa poari yehseye poari wahagū ye masiedare mūsa. Ti poarire ñiñe wahagū gūhure ye masiedare mūsa. Sa ye masiena “Yūhu dapu mehna poto nii niaja”, ni wame peoeracāhña. <sup>37</sup> “Yenatja”, nina wame peoro marieno ohō saha dihitare tire niducuya. “Yesi”, nina gūhu wame peoro marieno niducuya. Mūsa wame peo nina, watīno ñariqiro dutiro saha yena niaga, ni yahuahye Jesu.

*Tiqina cahme ihña tuhtiyere yahuahye Jesu*

(Lc 6.29-30)

<sup>38</sup> Ohō saha ni yahu nemoahye Jesu:

—Panopu ohō saha tiquina ni yahurire tūhori jimedi mūsa. “Mūhure apequiro mūhu capeare tiqiro quē tihāriro sahata mūhu gūhu tiqirore quē tihā cahmeña. Mūhu upiriare tiqiro quē nuhariro saha mūhu gūhu quē nuha cahmeña”, tiquina ni-dire tūhori ijimedi mūsa. <sup>39</sup> Tiquina yahuri yūhdūo cjūno ahri pehere yahu nemoutja mū sare. Mūhure ñano yeriqirore sa ihña cāhña. Ihcā pehe mūhu wahsupure tiqiro quēgū, ape sie gūhure quē dutiya tiqirore. <sup>40</sup> Apequiro buhiri dahre dutiriqirore mūhure tiqiro yahusāgū, dutiriqirore pehe mūhu camisare mūhure yahusāriqirore oho dutiboaga. Tiqiro oho dutigū, tiqirore ohoya. Mūhu bui cjā suhtiro gūhure oho nemoña tiqirore. <sup>41</sup> Apequiro surara apee borore ihcā kilómetro mūhure tiqiro nea basa dutigū, ape kilómetrore waha nemoña tja. <sup>42</sup> Mūhure sinidiquirore ohoya. Sa

yegu apequiro mūhure waso dutigū wasoya tiqirore, ni yahuahye Jesu.

Mū sare ihña tuhtiyequinare cahña

(Lc 6.27-28, 32-36)

<sup>43</sup> Ohō saha ni yahu nemoahye Jesu:

—Masa ohō saha nine: “Mūsa mehna cjēnare cahña. Sa yena mū sare ihña tuhtiyequinare ihña tuhti cahmeña tja”, tiquina ni-dire tūhori jimedi mūsa. <sup>44</sup> Tiquina yahuri yūhdūo cjūno ahri pehere yahu nemoutja mū sare: Mū sare ihña tuhtiyequinare cahña. Mū sare ñano yeyequinare tiquina ye ijiatire Cohācjūre sini basaya. <sup>45</sup> Mūsa sa yena mari Pacu ūhmūse cjūno pohna ijire mūsa. Cohācjū pehe ihcāno saha yere masare. Ñañequina gūhure quehnoañequina gūhure asū asigū yere tiqiro. Sa yero Cohācjū dutiyere yeyequina gūhure, yeyequina gūhure acoro ahtagū yere tiqiro. Masare ihcāno saha tiqiro yeriro sahata mūsa gūhu yeya. <sup>46</sup> Mū sare cahñequina dihitare mūsa cahñgū ti ne dūhseati ijierare. Wapa ne cohteyequina gūhu sata yere. Sa yena ijiphiyequinare cahña. <sup>47</sup> Mūsa acaye dihitare mūsa quehnoano piti cagū ti ne dūhseati ijierare. Cohācjūre masieñequina gūhu sata yere. Sa yena ijiphiyequinare quehnoano piti caya. <sup>48</sup> Ñañe mariena ijija mūsa. Mari Pacu ūhmūse cjūno tiqiro ñañe marieniquiro tiqiro ijiro sahata mūsa gūhu ñañe mariena ijija, ni yahuahye Jesu.

## 6

*Quehnoañe yeyere yahuahye Jesu*

<sup>1</sup> Pari turi tiqiro yahu nemoahye:

—Cohācjū ye ijiatire quehnoañene yena, tire masare “Ohō saha ijigu ijijaja yūhu”, ni ye ihñoadacāhña apequinare. Mūsa sa ni ye ihñori buhiri quehnoañene mūsa yeri dūhseati ijierare. Sa yero Cohācjū ūhmūse cjūno quehnoañene mūsa yeri wapa mū sare ohosi. <sup>2</sup> Sa yena pejecnoyequinare yedohona, tire masare ye ihñoadacāhña. Masa tiquina ihñenopu yedohoya tiquinare. Sata ihquēquina ye ihñore mahapu ijieyequinare, judio masa mari buheye wūhsepu ijieyequina gūhure. Tiquina mari ihñono dihitare quehnoano iji mehoñequina ijire. Sa ye ihñore tiquina, “Quehnoañequina

ijire ahriquina”, masare ni ihña dutiye. Tiquina sa ni ihñagü sa ye ihñoñequina pehe bucue tuhasari. “Quehnoañequina ijire”, ni masa tiquina ño peogü bucue tuhasari tiquina. Sa yero Cohäcjü pehe ne bucue nemogü yesi tiquinare. <sup>3</sup> Sa yena pejecuoyequinare yedohona, masa tiquina ihñenopu yedohoya tiquinare. Musa mehna cjëna mehna ijina tiquina ihñeno pejecuoyequinare yedohoya. <sup>4</sup> Masa tiquina ihñenopu masa yedohoepegüta Cohäcjü pehe ihñare. Sa ihñano masa sa yeri wapa ohorota musare, ni yahuahye Jesu.

*Cohäcjüre siniñene yahuahye Jesu  
(Lc 11.2-4)*

<sup>5</sup> Pari turi tiquiro yahu nemoahye:

—Cohäcjüre sinina, masa ihñono dihita quehnoano iji mehoñequina yero saha yeracähña masa. Judio masa mari buheye wuhusepu ducu, mahapu gühñare ducu, Cohäcjüre sini ihñore tiquina masare. Sa sini ihñoñe poto masa tiquina ño peoye mehna tiquina bucue tuhasari. <sup>6</sup> Cohäcjüre sinigu tagu, muhu ya tucüpu biha sajãña. Biha sajã, mari Pacu ihñamehneniquirore siniña. Musa sa yegü masa marienopu masa siniepegüta mari Pacu musare tuhoro. Sa tuhoro musare quehnoano yerota tiquiro.

<sup>7</sup> Sa yena Cohäcjüre sinina, tuhuturo marieno masa sinidireta pari turi sini mare tojoeracähña. Ohõ sahata yere Cohäcjüre masieñequina. “Peye tahari ihcãno saha usã sinigü Cohäcjü usãre tuhoro”, ni tuhutumene tiquina. <sup>8</sup> Tiquina yero saha yeracähña masa. Musa siniato pano mari Pacu masa cahmeñene mas tuhasare. <sup>9</sup> Sa yena ohõ saha ni siniña masa Cohäcjüre:

Usã Pacu, ðhmuse cjü muhu quehnoagu sa ijiducure.

<sup>10</sup> Yojopure ijipihtyequina puhto ijiya. ðhmusepu muhu dutiro sahata tiquina yeriro sahata ahri yehpa cjëna gühñare yeahro.

<sup>11</sup> Sa yegu decoripe usã ihyatire ohoducuya usãre.

<sup>12</sup> Apequina usãre tiquina ñano yerire usã boaja. Sa yegu muhu gühñare usã ñano yerire boya.

<sup>13</sup> Sa yegu usã ñañene ye duagü usã tutuaro cahmegü ihñagü tire usãre ye dutieguta. Sa yegu usãre usã ñañene yeragü yeya.

Muhu usã puhto tutuagu sa ijiducuguta. Ijipihtyequina muhñare sa ño peoducuahro, ni siniña Cohäcjüre.

<sup>14</sup> Apequina musare tiquina ñano yerire masa bogü ihñano, mari Pacu ðhmuse cjëno gühñare masa ñano yerire borota. <sup>15</sup> Sa boeperota apequina musare tiquina ñano yerire masa boeragü mari Pacu gühñare masa ñano yerire bosì, ni yahuahye Jesu.

*Sijiyere buheahye Jesu*

<sup>16</sup> Sa yero tiquiro tiquinare yahu nemoahye:

—Cohäcjüre ño peona tana sijina bujua witiyequina yero saha ye ihñoedacähña. Sata yere masa ihñono dihita quehnoano iji mehoñequina. Tiquina wuhdo paca bujua witiyequina yero saha ijire. Tiquina sa ijiequina ijigü tiquina sijigü ihña masine masa. Ijirota musare nii niaja. Masa tiquinare ño peogü cahmene tiquina. Sa yeye tiquinare tiquina ño peogü ihñañe bucue tuhasari. Cohäcjü pehe tiquire tiquina ño peori wapa tiquinare bucuégü yesi. Sa yena tiquina yero saha ye ihñoedacähña masa. <sup>17</sup> Musa sijina, masa poaire aco mehna wa peo wuhapo peoya. Sa yena masa wuhdo pacare coseya.

<sup>18</sup> Musa sa yegü masa sijigü ihña masini masa. Cohäcjü dihita masa sijiyere ihña masinota. Musa sehsaro masa ijigü tiquiro masa mehna sa ijiducure. Sa ihñano tiquiro musare quehnoano yerota tiquire masa ño peori wapa, ni yahuahye Jesu.

*ðhmuse cjëne cuo dutiahye Jesu  
(Lc 12.33-34)*

<sup>19</sup> Sa yero tiquiro yahu nemoahye:

—Ahri yehpa cjëne ne cahme-coedacähña. Ohõ cjë ahbaa wahaboaga. Ti ahbaeragü yaqueriquiro neboaga tire. Tiquiro yaqueragü mecasia tuaboaga. Sa yero ahri yehpa cjë butiario cuarine. Sa yena ahri yehpa cjëne tutuaro cahmedacähña. <sup>20</sup> ðhmuse cjë pehere cahmeña masa. ðhmuse cjëne mecasia tua masiedare. Topu masa cuoye ne ahbaerare. Topure yaqueriquiro ne masiedare. Sa yena ðhmuse cjëne cahmeña masa. <sup>21</sup> Topu masa



Musa basi musa ñañene tutuaro yepenata tire masiedare musa, pajiri pjine musa ihñeno saha. ¿Duhse ijiro boro sa ijiajari musa? <sup>4</sup> Ohõ saha nibona ijire musa: “Yuhñ acayñ, ñañene yei nine muhñ. Sa yegũ tire duhuya”, nibona ijire musa. Sa nibona ijiepenata pajiro ñañene yere musa. ¿Duhse musa ñañene yepenata tire masiedajari musa? <sup>5</sup> Masa tiquina ihñono dihita quehnoano iji mehona ijire musa sa yena. Pajiri pjine musa capeapũ ijiri pjine musa ne muhtaboriro sahata musa ñano yeye pehere duhu muhtaña. Musa sa yeri bato musa acayũro tiqiro ñano yeyere duhugũ ye masiboaga, meheni pohcarogãre musa neboriro sahata.

<sup>6</sup> Diayea yero saha ijieyquina, yesea yero saha ijieyquina gũhñ ñañequina Cohãcjũ yere quehnoano yuhduyere tiquina ño peorare. Tiquina pehere yahueracãhña. “Tiquina bujape, ñano niari”, nina, yahueracãhña tiquinare, ni yahuahye Jesu.

Cohãcjũre mari siniñene yahuahye Jesu (Lc 11.9-13; 6.31)

<sup>7</sup> Sa yero tiqiro tiquinare yahu nemoahye:

—Cohãcjũre siniña musa. Sinina musa nenata. Musa sinidire bocanata. Tiquirore sa siniducuya musa. Musa sa yegũ tiqiro musare ohorota. <sup>8</sup> Ijipihtieyquina Cohãcjũre siniñequina neeta. Sa yeye tiquina sinidire bocaeta. Sa yero ijipihtieyquina Cohãcjũre sa siniducueyquinare tiqiro tiquinare ohorota.

<sup>9</sup> ¿Musa pohna pãgãre musare tiquina sinigũ utã pehere ohoboagari musa tiquinare? Ne ohosi. <sup>10</sup> ¿Musa pohna wahire musare tiquina sinigũ aña pehere ohoboagari musa tiquinare? Ne ohosi. <sup>11</sup> Musa ñana ijiepenata musa pohñare quehnoañene ohoe tiri musa. Sa yero Cohãcjũ pehe musa yuhduoro quehnoañene ohore musare tiqiro pohñare tiqirore sininare. Musa pohñare musa ohoriro yuhduoro Cohãcjũ pehe tiqiro pohñene ohore.

<sup>12</sup> Apequina musare tiquina quehnoano yegũ cahmene musa. Tiquinare musa quehnoano yegũ cahmeno sahata quehnoano yeya tiquina gũhñere. Tiquina quehnoano yerapegũta musa pehe tiquinare quehnoano yeya. Sata ye dutire Cohãcjũ dutiye Moiserre tiqiro cüripũ,

Cohãcjũ yere yahu muhtariquina tiquina ojoari gũhñ, ni yahuahye Jesu.

Meheni sopecahagã quitire yahuahye Jesu (Lc 13.24)

<sup>13</sup> Sa yero tiqiro yahu nemoahye tiquinare.

—Uhmusepũ Cohãcjũ cahapũ waha duana tiqiro yere yero cahmene musare. Sa yena tiqiro yere sa ye macaedacãno cahmene. Meheni sopecahagãpũ musa sajã duagũ mijorĩne. Sata mijorĩne Cohãcjũ cahapũ musa waha duagũ. Pecapũ masa tiquina wahagũ mijoedare. Pajiri sopecahapũ mari sajãgũ mijoedare. Ti sopecahapũ masa tiquina sajãboro saha pecapũ masa tiquina wahagũ mijoedare. Sa yeye peyequina masa topũ wahaye nine. <sup>14</sup> Cohãcjũ cahapũ musa waha duagũ mijorĩne. Meheñequinagã masa topũ wahaeta. Topũ wahayequina ijipihtieye decori Cohãcjũ mehna ijiducuenta, ni yahuahye Jesu.

Yucũgũ dũcare masina, tu padũ gũhñere masine musa (Lc 6.43-44)

<sup>15</sup> Sa yero tiqiro yahu nemoahye tiquinare:

—Quehnoano yeya. “Cohãcjũ yere yahu muhtana ijiaya”, ni mehoñequinare tuhoeracãhña musa. Tiquina oveja yero saha usueyquina saha bajumene. Tiquina tuhotuyepũ ñañequina ijire tiquina. <sup>16</sup> Tiquina ñano yegũ ihñana, ñañequina tiquina ijigũ masinata musa. Tiquina quehnoano yegũ ihñana quehnoañequina tiquina ijigũ masinata musa. Pota bucũgũ uhse tõhorine dũca tierare. Potagũ higuera pacare dũca tierare. <sup>17</sup> Quehnoadu yucũgũ quehnoañene dũca tire. Nãdu pehe ñañene dũca tire. <sup>18</sup> Quehnoadu yucũgũ ñañene ne dũca tierare. Sa yero ñadu quehnoañene dũca tierare. <sup>19</sup> Quehnoañene dũca tieye cjũre dũte cohã cã, pecapũ uñãnata. Sata yerota Cohãcjũ tiqiro cahmeñene yerariquinare. <sup>20</sup> Sa yena “Cohãcjũ yere yahu muhtana ijiaya”, ni mehoñequinare ohõ saha masinata. Tiquina yerire ihñana, tiquina ni mehoñequina ijigũ masinata, ni yahuahye Jesu.

“Musare ne masiedaja”, ninota Cohãcjũ peyequina masare (Lc 13.25-27)

<sup>21</sup> Sa yero tiqiroo yahu nemoahye tiquinare:

—Peyequina yũhũre “Pũhto” niñequina ijiepetata uhmũse cãũno Cohãcãũ tiqiroo pũh-toro ijiorũre wahasi tiquina. Yũhũ Pacũ uhmũse cãũno tiqiroo cahmeñene yeyequina dihita tiqiroo pũhoro ijiorũre wahæta. <sup>22</sup> Decorĩ pihitigũpũre peyequina masa ohõ saha nieta yũhũre: “Pũhto, mũhũ yere usã buhei. Mũhũ wame mehna watĩare cohãũ. Sa yena mũhũ tutuaye mehna peye bajumehneñene yei usã”, yũhũre niñequina ijietata. <sup>23</sup> Ohõ saha yũhtitja tiquinare: “Mũsare ne masiedaja. Nañene yena ijire mũsa. Yũhũ cahapũ ahtaeracãhña”, niitja yahu tiquinare, ni yahuahye Jesu.

Pũa wũhũ yeyequina quitire yahuahye Jesu

(Mr 1.22; Lc 6.47-49)

<sup>24</sup> Sa yero tiqiroo yahu nemoahye tiquinare:

—Sa ye ijipihitiquina ahri yũhũ buherire tũhoriquina yũhũ dutiyere yeyequina, quehnoano tũho masiniqiroo wũhũ dahreriquiroo yero saha ijire tiquina. Tiquiroo pehe uhcũãñe coperi sehe, wũhũre doco dũcahye. <sup>25</sup> Ti wũhũre peho tuhasari bato acoro tutuaro ahta, dia mini yũhũ waha, tutuaro wihnono wẽahye. Sa ti tutuaro wẽpegũta ti wũhũ uhcũãno tiqiroo docori wũhũ ijiro ne waha sa queherahye. <sup>26</sup> Sa yeye ijipihitiquina yũhũ buherire tũhoepeta yũhũ dutiyere yerariquina, tũho masieni qiroo wũhũ dahreriquiroo yero saha ijire. Tiquiroo pehe ti wũhũre padũro buigã doco, quehnoano ye dũcaerahye. <sup>27</sup> Ti wũhũre peho tuhasari bato, acoro tutuaro ahta, dia mini yũhũ waha, wihnono tutuaro wẽahye. Sa tutuaro wẽno ti wũhũ pehere wẽdoque cũ cãhye. Sa yero ti wũhũ tutuaro bora sa quehea wahahye, ni yahuahye Jesu.

<sup>28</sup> Tiquiroo sa ni buhegũ tũhoye, tũho maria wahahye masa. <sup>29</sup> “Tiquiroo potota pũhoro ijire. Sa yero quehnoano masi pehoriqiroo ijiro marine buhere tiqiroo. Mari judio masare buheyequina yero saha buherare”, ni tũhotuahye tiquina.

## 8

Jesu camĩ bũcũ mũna wihirore yũhũ waha gũ yeahye

(Mr 1.40-45; Lc 5.12-16)

<sup>1</sup> Jesu cãũpũ buhe dũjiriqiroo dijiaa wahahye. Tiquiroo dijiagũ ihñañe masa peyequina tiqiroo bato wahahye. <sup>2</sup> Tiquiroo sa wahagũ ihcãqiroo camĩ bũcũ mũna wihiro tiqiroore piti ca, dũsepe curi mehna quehe sa, tiqiroore siniahye.

—Pũhto, mũhũ yũhũre yũhũduo duagu yũhũduoya, niahye.

<sup>3</sup> Tiquiroo sa nigũ tũhoro tiqiroo omoca mehna Jesu tiqiroore ña peohye.

—Tire ye duaja. Mũhũre yũhũdũgũ yeitja, niahye Jesu tiqiroore.

Tiquiroo sa nigũta camĩ bũcũ mũna yatia wahahye. <sup>4</sup> Sa ni tuhasa Jesu tiqiroore niahye tja:

—Yũhũ mũhũre ohõ saha yerire ne apeqinane yahueracãhña. Mũhũ pagũre quehnoari pagũ waharire pahire ihũogũ wahaya. Moiserẽ Cohãcãũ tiqiroo cũriro sahata pahire minicũare ohoya mũhũ yũhũdũre masa ijipihitiquina tiquina masino quehnoano, niahye Jesu.

Surara pũhoro tiqiroo cahacãũno dohatigũ Jesu yũhũduoahye tiqiroore

(Lc 7.1-10)

<sup>5</sup> Sa ye Jesu Capernau wame tiri macapũ tiqiroo esagũ cien surara pũhoro tiqiroo cahapũ esa, tiqiroore tutuaro ohõ saha ni sinidi:

<sup>6</sup> —Pũhto, yũhũ cahacãũno ne pagũ tutueriquiroo waha masiedaro tiqiroore tutuaro purigũ ya wũhũpũ cuñari tiqiroo, nidi tiqiroo Jesure.

<sup>7</sup> Tiquiroo sa nigũ,

—Aũ, tiqiroo dohatiyere yũhũduogu wahãtja, nidi Jesu.

Tiquiroo sa nigũ ohõ saha nidi surara pũhoro:

<sup>8-9</sup> —Pũhto, quehnoanota. Wahægũta. Yũhũ yũhũduoro quehnoa yũhũdũagũ ijire mũhũ. Ya wũhũpũ mũhũre sajã ta dutibogũ ijieraja yũhũ. Mũhũ masiñe mehna yũhũduoya tiqiroore. Mũhũ sa yegũ yũhũ cahacãũno quehnoa waharota. Yũhũre yũhũ bũi ijieyequina apeqina pũhoro dutire. Yũhũ gãhũ surarare dutiaja. Ihcãqiroore “Wahaya”, yũhũ nigũ tiqiroo wahare. Apeqiroore “Ahtaya”, yũhũ nigũ



tiquiro ahtare. Yuhū cahacjūnore “Ahrrire yeya”, yuhū nigū tire yere. Mūhū gūhū dutigūta ijire. Sa yero mūhū dutiro sahata tiquiro dohatiriquiro yūhdūrota, nidi tiquiro.

<sup>10</sup> Tiquiro sa nigū tūho maria waharo, peyequina masa tiquiro mehna ijiyequinare ohō saha nidi Jesu:

—Ijirota musare niita niaja. Ahriquirō surara pūhoro Israe masūno ijieriquiro Cohācjūre tutuaro wacū tutuare. Tiquiro cahacjūnore yuhū yūhdūgū yeatire masi tuhasare. Ne Israe masare ahriquirō yero saha ijiyequinare ihñedaga yuhū. <sup>11</sup> Musare niita niaja. Peyequina ahriquirō yero saha Cohācjūre wacū tutuayequina ijipihtiro cjēna gūhū ūhmūse cjūno pūhoro tiquiro ijiropū esa, topū ijiyequina mehna ihyaeta. Abrahā, Isaac, Jacob mehna ihyaeta tiquina. <sup>12</sup> Masa apequina pehe Cohācjū tiquiro pūhoro ijiropū wahaboriquina tiquina ijiepegūta űanopū nahitianopū cohā cānota tiquinare. Topū tiquiro cohāriquina tutuaro uti, bujūa witiye mehna bahque dihoeta, ni yahuri Jesu.

<sup>13</sup> Tire sa ni tuhasa, surara pūhoro nidi. —Tojoahya mūhū ya wūhūpū. Mūhū cahacjūno yūhdūrota. “Potota yūhdūrota”, ni mūhū tuhoturiro sahata yūhdūrota, nidi Jesu.

Sa nigūta tiquiro cahacjūno pehe quehnoa wahari.

*Pedro mareonore dohatiricorore yūhdūoahye Jesu*

(Mr 1.29-31; Lc 4.38-39)

<sup>14</sup> Sa ye Jesu Pedro ya wūhūpū esa, Pedro mareono dohatigū ihñahye tiquiro. Ujuaye tigū cuñahye ticoro. <sup>15</sup> Ticoro sa ijigū ihñano ticoro omocare űa peoahye. Tiquiro sa űa peogūta ujuaye surua wahahye. Surugū tuhuro ticoro pehe wahcāduca, tiquinare ihyayere peoahye.

*Jesu peyequina dohatiequinare yūhdūoahye*

(Mr 1.32-34; Lc 4.40-41)

<sup>16</sup> Sa ye űamicahapū peyequina watīare cūoyequinare masa ne wihīahye Jesu cahapū. Tiquina sa ne wihigū ihñano ihcā tahata tiquiro waha dutigū watīa wahaa wahahye. Sa yero ijipihtiequina dohatiequina tiquina ne sariquinare yūhdūo pehoahye Jesu. <sup>17</sup> Sata yeahye tiquiro panopū

cjūno Cohācjū yere yahu mūhtariquirō Isaia tiquiro nidiro sahata. Ohō saha ni ojoahye: “Mari dohatiyere yūhdūo cānota tiquiro. Mari duti tiyere cohā cānota”, ni ojoahye Isaia Jesure.

*Ihquēquina Jesu mehna waha duamahye*

(Lc 9.57-62)

<sup>18</sup> Ape taha Jesu peyequina masa tiquiro cahapū tiquina ijigū ihñano, ohō saha nidi.

—Ape sie pahrēpū isa pehāuhna, nidi.

<sup>19</sup> Sa usā pehāto pano mari judio masare buheriquiro Jesu cahapū esa, ohō saha nidi:

—Buhegū, mūhū mehna waha duaja noho mūhū waharopū, nidi.

<sup>20</sup> Jesu ohō saha ni yūhtiri:

—Ihquēquina nūcu cjēna wahiquina tiquina coperi cūore. Minicjūa gūhū tiquina suhti cūore. Yuhū masū Cohācjū ohorigū pehe yuhū carīni wūhū cūoeraja, ni yūhtiri Jesu.

<sup>21</sup> Sa ye apequirō Jesu buheriquiro ohō saha nidi:

—Pūhto, yuhū pacū tiquiro yariagū yarīgutja. Sa ya tuhasagū pūrita mūhū mehna wahagutja, nidi tiquiro Jesure.

<sup>22</sup> Jesu yūhtiri:

—Yūhūre cahmeeñequina yariariquina yero saha ijire. Tiquina pehe yariariquinare yaahro. Sa yegū mūhū pehe yuhū mehna cjū ijiajū ahtaya, nidi tiquiro.

*Jesu wihnonore yusū dutiahye*

(Mr 4.35-41; Lc 8.22-25)

<sup>23</sup> Sa ni tuhasa yucusapū sajāri. Sa yena usā tiquiro buhena gūhū tiquiro mehna waha, sajān. <sup>24</sup> Ti ditarapū usā pehāgū waro wihnono tutuaro wēdi. Sa yero pahcōri yucusare quē mio cāmedi. Sa wihnono wēpegūta Jesu pehe carīno nidi. <sup>25</sup> Sa wahagū ihñana usā tiquirore wahcōu. Wahcō ohō saha nii:

—Pūhto, yūhdūoya. Mari minina tana niajū, nii usā.

<sup>26</sup> Usā sa nigū Jesu yūhtiri:

—¿Duhsena cue maca carī mūsa? Yūhūre wacū tutuerare mūsa, nidi Jesu usāre.

Sa ninota wahcāduca sa, wihnonore pahcōri gūhūre “Yūsūahya”, nidi. Tiquiro sa nigū wihnono yūhdūa wahari. Sa ye pahcōri gūhū yusū dijiaa wahari. <sup>27</sup> Tiquiro sa yegū ihñana acūana, ohō saha nii usā:

—¿Yohou, dahse ijiriqiro boro masano ijijari ahriqiro? Ahri wihnono, pahcōri gūhu tiqiro dutigū yuhdudacaerare tiqirore, nii usā.

Watia cōyequinare watiare cohāhye Jesu

(Mr 5.1-20; Lc 8.26-39)

<sup>28</sup> To bato pehā sa, Gadara cjēna ya yehparū esau. Topū usā esagū puaro umua masa coperi caharū ijiyequina Jesure piti cari. Tiquina watiare cōyequina cuayequina ijiri. Sa yero topū masa tiquina wahamehnenno ijiri. <sup>29</sup> Tiquirore piti ca, sañuducuri:

—¿Mūhu Cohācjū macū dahse yegū ahtajari mūhu usā caharūre? ¿Usāre Cohācjū tiqiro buhiri dahreati pje ijierapegūta usāre buhiri dahrei ahtau nijari mūhu? ni sañuducuri tiquina.

<sup>30</sup> Tiquina caharū peyequina yesea maca ihyaye nidi. <sup>31</sup> Tiquinare ihñañe, watia ohō saha nidi Jesure:

—Usāre cohāgū sisequina caharū waha dutiya usāre. Tiquina mehna iji dutiya usāre, ni sinidi watia Jesure.

<sup>32</sup>—Añ, wahaya, nidi Jesu.

Tiqiro sa nigū watia puaro masa mehna ijiriquina waha, yesea caharū esari. Tiquina mehna tiquina ijigūta yesea pari, pari cjūpū oma maa buha, ditarapū bora ñoja, mini yaria pihtia wahari.

<sup>33</sup> Tiquina sa wahagū ihñañe yeseare ihña ihboyequina pehe cuea waha, oma maa cāa wahari. Macarū esa, yesea tiquina minidire yahu site pehoahye. Watiare cōriquinare Jesu watiare tiquinapure ijiriquinare cohā wiori gūhure yahu pehoahye tiquina. <sup>34</sup> Sa tiquina yahu siteri bato ti maca cjēna ijip-ihtiyequina Jesure ihñañe ahtari. Sa ye tiqirore ihñañe, tutuaro mehna waha dutiri tiqirore.

## 9

Tini masieniqirore yuhduoahye Jesu

(Mr 2.1-12; Lc 5.17-26)

<sup>1</sup> Sa ye Jesu yucasarū sajā, ditarapū pehā, tiqiro masari macarū esahye. <sup>2</sup> Topū ayequina tini masieniqirore tiqiro cuñari cahsero mehna yo wua wihiahye Jesu caharū. “Jesu ahriqirore dohatiyere yuhdugū yerota”, ni tuhoutuahye tiquina. Tiquina sa ni tuhoutugū masino dohatiriqirore ohō saha niahye Jesu:

—Bucueya mūhu. Mūhu ñañe yeyere cohā tuhasau yūhu, niahye tiqiro.

<sup>3</sup> Tiquiro sa nigū tuhoye ihquēquina mari judio masare buheyequina ohō saha ni tuhutumahye. “Ahriqiro ihyo ijiriqiro sa nino ‘Cohācjū ijijaja’, nino nine. Sa nino Cohācjūre ñano nino nine”, ni tuhutumahye tiquina. <sup>4</sup> Tiquina sa ni tuhoutugū masino, ohō saha niahye Jesu:

—¿Dahsena sa ñano tuhoutuajari mūsa?

<sup>5</sup> “Mūhu ñañe yeyere cohā tuhasau”, yūhu nigū “Ni mehogu ijire”, nine masa quehnoano masiedapenata. “Wahcādūca, wahaya”, yūhu nigū tiqiro tinigū ihñana, yūhu nidi poto ijigū duita mūsa masinata. <sup>6</sup> Yūhu masū Cohācjū ohorigu ahri yehparū masa tiquina ñañe yeyere cohā masiaja yūhu. Masa tiquina ñañe yeyere cohācjūre cūri Cohācjū yūhure. Yūhu sa cohārire mūsa masiato saha ohō sahata ye ihñoutja mūsa ihñatire, niahye Jesu.

Sa ni tuhasa tini masieniqirore ohō saha niahye:

—Wahcādūcaya. Mūhu cuñari cahserore ne cāhña mūhu ya wūhūpū, niahye tiqirore.

<sup>7</sup> Tiquiro sa nigū tuhoro tini masieniqiro wahcādūca sa, tiqiro ya wūhūpū tojoa wahahye. <sup>8</sup> Sa wahagū ihñañe masa cueahye. Sa ye Jesure Cohācjū tiqiro tutuayere tiqiro ohogū ihñañe masa Cohācjūre ño peo, quehnoano yahuducuahye.

Jesu Mateore pijiahye

(Mr 2.13-17; Lc 5.27-32)

<sup>9</sup> Tiquina sa yeri bato Jesu topū ijiriqiro ahta, yūhure Mateore boca sari. Pūhtoa ye ijiatire masare wapa ne cohtegū ijimi. Sa yegū ti pjere yūhu dahrari tucūpū dujii. Topū yūhu dujigū ihñano ohō saha nidi yūhure:

—Yūhu mehna cjū ijiajū ahtaya, nidi Jesu yūhure.

Tiqiro sa nigū tuhogu wahcādūca tiqiro mehna wahañ.

<sup>10</sup> Came ya wūhūpū Jesu gūhu ihyaye ahtari. Peyequina wapa ne cohteyequina, “Ñano yeyequina”, tiquina niñequina gūhu usā mehna ihyari. <sup>11</sup> Tiquina mehna usā ihyagū ihñañe, fariseo masa usāre Jesu buhenare ohō saha nidi:

—¿Dahse yero masare buheriqiro wapa ne cohteyequina mehna, ñano yeyequina

mehna ihyajari? nidi tiquina usāre tiquiro buhenare.

<sup>12-13</sup> Tiquina sa nigū tūhoro Jesu pehe queoye mehna buhero yūhtiri:

—Dohatieyiquina duturure macaedare. Dohatieyiquina dihita duturure macare. Ñañequina dohatieyiquina yero saha ijire. Sa yegū ñañequina dihitare tiquina ñañene yerire bājua witi duti, quehnoañe pehere comesagū yei ahtaū nii yūhū. Tiquina basi “Quehnoana ijiaja usā”, ni tūhotuyequinare yedohogū ahtaerū. Cohācjū tiquiro nidire tiquina ojoarire masiña mūsa. “Wahiquinare mūsa wejē, ūjūa mūoñe mehna yūhūre mūsa ño peogū cahmedaja. Apequinare mūsa paja ihñagū pehere cahmeaja”, ni ojoahye. Ahri tiquiro ojoari dūhse nidire masiña mūsa. Tire quehnoano buhe nemona wahaya, nidi Jesu fariseo masare.

*Sijiyere sinituahye Ñu buheyequina Jesure*  
(Mr 2.18-22; Lc 5.33-39)

<sup>14</sup> Came Ñu wame yeriquiro buheyequina Jesu cahapū esa, sinituri:

—Usā Ñu buhena pehe peye tahari Cohācjūre ño peona tana, sijiaja. Fariseo masa gūhū sata sijire. ¿Dūhse yeye mūhū buheyequina pehe sijierajari? nidi tiquina Jesure.

<sup>15</sup> Jesu tiquiro tūhotuye mehna queoye mehna buhero taro tiquinare ohō saha ni yūhtiri:

—Ohō saha ijire ti: Omoca dūhteropū tiquina pijioriquina omoca dūhteriquiro mehna ijiye, siji masiedare. Sata yūhū buheyequina gūhū yūhū mehna ijiye, siji masiedare. Yūhū omoca dūhteriquiro yero saha ijiaja. Omoca dūhteriquiro bose deco tiquiro yegū tiquiro mehna cjēna bājua witiye mehna ijierare. Sa yeye ihyeyequina ijierare. Yūhū Pacū Cohācjū yūhūre tiquiro nedi bato pūritare yūhū buheyequina mehna ijisi yūhū. Sa yeye ti pjerpūta yūhū buheyequina gūhū sijieta, ni yūhtiri Jesu.

<sup>16</sup> Panopū cjē buheye wahma buheye mehna tiquina buhe more duagū ihñano ohō saha ni memori Jesu tiquinare queoye mehna buhero.

—Ne wahma cahsero suhtiro cahsero mehna mūnano suhtirore sere ohōno cahmedare. Sa yegū wahma cahsero mari coseri bato mūnano suhtirore weje

cahmecoa, paji yūhūaro tūhūgū yere. (Ahri yero saha mūna buheyere wahma buheye mehna piti dahre buheraro cahmene.)<sup>17</sup> Sa yena ne ūhse co bisiye core wahiquiro cahsero ajurore mūna ajurore pose yeraro cahmene. Sa yegū ūhse co bisiye pahmuñepū mūna ajurore tūhrē cāhre. Sa tūhūgū ūhse co gūhū, ajuro gūhū cohāa wahare. Sa yena ūhse co wahma core wahma ajuropū pose yero cahmene. Sa yegū ūhse co cohāeda, ajuro gūhū cohāedare. (Sata wahma buheye mūna buheye mehna buhe moredaro cahmene,) ni yahuri Jesu tiquinare.

*Jairo maconore maso, dii mūna dohatiducuricoro gūhūre yūhūoahye Jesu*

(Mr 5.21-43; Lc 8.40-56)

<sup>18</sup> Tiquiro sa ni yahuri watoa mari judio masa pūhtoā mehna cjēno Jesu cahapū wihiri. Wihi, dūsepe curi mehna quehe sa, ohō saha nidi.

—Yūhū maco mianogā yariaa wahari. Ticorore mūhū omocare duhu peogū ahtaya. Mūhū sa yegū masanota, nidi tiquiro Jesure.

<sup>19</sup> Tiquiro sa nigū tūhoro Jesu wahcādūca tiquiro mehna wahari. Usā tiquiro buhena gūhū wahā. <sup>20</sup> Usā mahapū wahaducugū topū numino dii mūna dohatiducuricoro Jesu batopū ahta, tiquiro suhtiro sohtoare dahra tuhahye. Doce cūhmari waro decoripe dii mūna dohatiro niahye. <sup>21</sup> Ohō saha ni tuhotuahye ticoro sa yero: “Ti suhtirore dahra tuhugo, quehnoa wahagota”, ni tuhotuahye ticoro. <sup>22</sup> Ticoro sa yegū masino Jesu majaredūca, ticorore nidi.

—Maco, bucueya mūhū. Mūhū yūhūre wacū tutuaye mehna quehnoago tojoare yojopure, nidi tiquiro.

Tiquiro sa nigūta yūhūa wahari ticoro.

<sup>23</sup> Sa ye tuhāsa Jesu pūhtoro ya wūhūpū esari. Topū esa, ñehe quea utiyequinare weōgū mūte pohoro saha ijidūre putiyequinare ihñari. Peyequina masa tiquina ñano bisigū gūhūre tūhori tiquiro. <sup>24</sup> Tiquina sa yegū ihñano masare ohō saha nidi:

—Wijiaya mūsa. Yariere ticoro. Carīno nine, nidi tiquinare.

Tiquiro sa nigū tuhoye “Sa ni maca cāno nine ahriquiro”, niñe, masa bājuri

tiquirore. <sup>25</sup> Sa yero wuhū puhiapure ijiye-quina masare tiquiro wio pehori bato yari-aricoro cahapū esa, ticoro omocare ñe-heahye. Tiquiro sa ñehēgū masa quehe sa, wahcādūca sahye ticoro. <sup>26</sup> Tiquiro sa yerire tuhoye, to cjēna masa ijipihitiquina yahu siteri.

Ñaro caperi bajueyequinare ihñagū yeahye Jesu

<sup>27</sup> Sa yero Jesu topū ijiriquiro wahagū, ñaro caperi bajueyequina tiquirore pisu nūnū tāri:

—Davi panami iji turiagu, masare yuhduoacjū, usāre paja ihñaña mūhū, ni sañuducuri tiquina.

<sup>28</sup> Tiquina sa nigūta Jesu ape wuhūpū sajāri. Tiquiro sa sajāgū masiñe caperi bajueyequina tiquiro cahapū sajāa wahari. Tiquina sa sajā sagū ihñano tiquiro pehe sinituri tiquinare:

—¿“Marine ihñagū yerota tiquiro”, ni tuhotuajari mūsa yuhūre? nidi tiquiro.

—Puhto, sata ni tuhotuaja usā, ni yuhtiri tiquina.

<sup>29</sup> Tiquina sa nigūta tiquina caperire ña peori. Ña peo ohō saha nidi:

—Yuhūre “Sa yerota”, mūsa ni tuhoturiro sahata sa yeaja mū sare, nidi Jesu.

<sup>30</sup> Tiquiro sa nigūta tiquina caperi pehe quehnoa wahari. Sa ye Jesu ohō saha nidi tiquinare:

—Ahri yuhū ohō saha yerire apequinare ne yahueracāhña, nidi.

<sup>31</sup> Tiquiro sa niepegūta waha, topū ijieyequinare yahu siteri tiquina tiquiro sa yerire.

*Yahuducueriquirore yahuducugū yeahye Jesu*

<sup>32</sup> Ti wuhūre tiquina wijiagū waro ihcāquiro yahuducueriquirore ne cāhtari masa. Watīno tiquiro mehna ijiriquiro tiquirore yahuducueragū yeahye. <sup>33</sup> Tiquina ne sagū ihñano watīnore Jesu cohā wiori. Tiquiro sa cohāgū watīnore cuoriquiro pehe yahuducua wahari. Tiquiro sa yegū ihñañe ijipihitiquina ihñā maria pihtia wahari.

—Ne, ahri yehpa Israe yehpapure ohō saha yeyere ihñedahti mari, ni yahuducuri tiquina basi.

<sup>34</sup> Fariseo masa pehe sijoro saha ni yahuducuri:

—Watīa puhtoro tutuaye mehna watīare cohāre ahriquiro, ni yahuducuri tiquina.

*Masare paja ihñahye Jesu*

<sup>35</sup> Sa ye ijipihitye macari topū ijie macarigāre, bujūye macari gūhūre buhe tinino wahari Jesu. Quehnoañe buheyere judio masa mari buheye wuhūsepū buhero wahari tiquiro. Sa yero Cohācjū puhtoro tiquiro ijiatire yahuri. Ijipihitye dohatiye gūhūre to cjēnare yuhduori tiquiro.

<sup>36</sup> Masa peyequina ñano yuhduyequinare, pejecuoro wahayequinare tiquina ijigū ihñano Jesu tiquinare paja ihñari. Tiquina oveja opana marieñequina yero saha tiquina ijigū ihñano Jesu tutuaro paja ihñari tiquinare. <sup>37</sup> Sa yero ohō saha nidi tiquiro usāre tiquiro buhenare, queoye mehna buhero:

—Trigo peye bucua tuhasagū peye ijigū dahraye pajiro ijire. Sa ijiepegūta dahrayequina pehe meheñequinagā ijire. Sata quehnoañe buheyere tuhōatiquina peyequina ijigū pajiro ijire mari dahraye. Sa ijiepegūta meheñequinagā dahrari masa yero saha quehnoañe buheyere buheatiquina gūhū meheñequinagā ijire.

<sup>38</sup> Sa yena quehnoañe buheyere buheatiquinare apequinare tiquiro ohoatire siniña Cohācjūre, nidi Jesu.

## 10

*Jesu doce waro beseahye tiquiro ohoatiquinare*

(Mr 3.13-19; Lc 6.12-16)

<sup>1</sup> Came doce usāre tiquiro buhenare Jesu pijio, tutuayere ohori usāre. Watīare usā cohā masiatire ijipihitye dohatiyere usā cohā masiatire ohori usāre.

<sup>2</sup> Ohō saha wame tii usā Jesu cūrina: Simo ijiri. Tiquiroreta Pedro ni pisuri Jesu. Simo bahūro Andre gūhū ijiri. Santiago gūhū tiquiro bahūro Ñu mehna ijiri. Tiquina Santiago gūhū pacuro Zebedeo wame tiri.

<sup>3</sup> Felipe, Bartolomé, Tomasu, yuhū Mateo ijii usā. Yuhū pehe puhto ya ye ijiatire masare wapa ne cohtegu ijimi. Usā mehna Santiago ijiri. Tiquiro pehe Alfeo macno ijiri. Sa yero Tadeo gūhū ijiri. <sup>4</sup> Simo celote ya curua cjēno ijimediquiro, Juda Iscariote gūhū ijiri. Juda pehe Jesure ihñā tuhtiyequinare ihñōatiquiro ijiri.

*Jesu tiqiro buheyequinare buhe dutiro ohoahye*

(Mr 6.7-13; Lc 9.1-6)

<sup>5</sup> Sa ye usäre doce tiqiro buhenare ohoro, “Ohö saha yeya”, ni yahuri usäre Jesu:

—Judío masa ijieyequina cahapure wahaeracähña. Ne Samaria yehpapu ijiye macaripu gühure wahaeracähña. <sup>6</sup> Israe yehpa cjëna cahapu pehere wahaya. Cohäcjäure masieñequina ijire tiquina. <sup>7</sup> “Ühmuse cjüno puhtoro tiqiro ijiato mehenogä dahsare”, ni buheya tiquinare. <sup>8</sup> Sa yena cami bucü muna wihare, apeye peye sijoro saha ijiye dohatiyere cnoyequina gühure yühdügü yeya. Yariariquinare masoña. Watia masa mehna ijieyequinare cohähña tiquinare. Musare sa ohogu niaja ahri tutuayere. Sa yena musa gühü yühü sa ohoriro sahata masare yühdügü yeya wapa neno marieno.

<sup>9</sup> Musa wahana niiferure ne nedacähña.

<sup>10</sup> Ne musa ajurore, puaro camisare, puapa dahpo suhtire, tuaye cju gühure nedacähña. Musa sañano dihitare sañaah wahaya. Apeye suhtire nedacähña. Musa buhena waharopu ijieyequina tiquina pehe musare pohe ijiatire ohoeta. Sata ohoro cahmene tiquinare.

<sup>11</sup> Ti macaripu esana, musare quehnoano piti catiquirore macaña. Sa yena ti wuhuputa tojoarñña. Tee, coa wahanapu wijiaya ti wuhure. <sup>12</sup> Sa yena wuhupu sajäna, “¿Ijajari musa?” niña ti wuhü cjënare. Musare quehnoano tiquina cahmegü “Cohäcjä mehna quehnoano ijiya musa”, niña tiquinare. <sup>13</sup> Musare tiquina cahmedagü, musa sa niborire nedacähña. <sup>14</sup> Sa yena musare tiquina cahmedagü, tiquina tuho dueragü ti wuhure wijiaya. Wijiana, dahpocäri cje dihta esa wahärire wejê site cüña musa tiquinare tiquina ye buhirire masigü yena. Ti maca cjëna musare cahmedagü sata yeya tiquina gühure. <sup>15</sup> Ijirota musare niita niaja. Ahri deco pihtigüpure Sodoma cjëna, Gomorra cjëna gühü tutuaro buhiri tiatiquinata ijire. Tiquina sa ijiepegäta tiquina yuhduoro musare cahmeeñequina buhiri tiatiquina ijietä, ni yahuri Jesu.

*Jesu yequinare apequina ñano yeatire yahuahye Jesu*

<sup>16</sup> Sa ni tuhasa ohö saha ni nemori:

—Yühure tuhoya musa. Oveja yero saha ijinare musare ñañequina watoa ohogu niaja. Tiquina ñañequina nucü cjëna yayia usuayequina yero saha ijire. Sa yena musa pehe apequina wahiquina wacü masieñequina yero saha ijiya. Sa ijina ijiepenata bujua yero saha ne usuena ijiya musa. <sup>17</sup> Quehnoano yeya musa. Musare masa puhtoare ohoeta. Judío masa mari buh-eye wuhusepu queeta musare. <sup>18</sup> Sa yeye yeequina musa ijiri buhiri macari cjëna puhtoa cahapu tiquina bui ijieyequina puhtoa cahapu gühure neañeta musare. Sa yena musare topu tiquina neagü puhtoare, judío masa ijieyequina gühure quehnoañe buheyere buhenata musa. <sup>19-20</sup> Musare puhtoare tiquina ohogu tiquinare musa niatire “Yohou, masiedaboaga”, ni tuhötueracähña. Musare tiquina sinitugüta musa niatire masinata. Sa masina tiquinare yahuna, musa tire musa esa tuharo yahuducuna nisi. Cohäcjä pehe mari Pacu tiqiro yaqiro Espiritu mehna musare yahuducugü yerota.

<sup>21</sup> Ti pjere tiquina wahmisumua tiquina bahanare wejê dutiye ohoeta puhtoare yeequina tiquina ijiri buhiri. Tiquina pacusumua tiquina pohnene wejê dutiye ohoeta puhtoare. Tiquina pohne pehe tiquina pacusumua wejê dutiye ohoeta puhtoare. <sup>22</sup> Sa yeye yeequina musa ijiri buhiri ihña tuhtietä masa ijipihtieyequina musare. Tiquina sa yepegäta ahri yehpapu musa catiro puno musare tiquina ñano yerire ihcäno sahana yuhure duhuerana, yuhdunata musa. <sup>23</sup> Ihcä macapu musare tiquina ñano yegü ape macapu duhti cähña. Ijirota musare niita niaja. Israe yehpapu ijiye macarine musa pehoato pano, yuhü masu Cohäcjä ohorigu ahri yehpapu tojoa taatja.

<sup>24</sup> Ne ihcäqiro buheriquiro tiqirore yahuriquiro buipü ijierare. Sa yero cahacjüno gühü tiqiro puhtoro bui cjüno ijierare. <sup>25</sup> Sa yero ohö saha tuhöturo cahmene buheriquirore: “Yühure buheriquiro yero sahata ijigätja”, ni tuhöturo cahmene. Cahacjüno gühure sata ni tuhöturo cahmene. “Yühü puhtoro yero sahata ijigätja”, ni tuhöturo cahmene. “Tiqiro bui ijigätja. Sa yegu yuhü puhtoro tiqiro ñano yuhduriro sahata ñano yuhdusi yuhü pehe”, ni tuhötueraro

cahmene. Yuhū pehe wuhū cĵūno yero saha ijiaja. Mūsa pehe ti wuhūpū dahrayequina yero saha ijire. Sa yeye masa yuhūre “Beelzebū ijire”, ni yahusāñe, mūsa gūhūre yeequinare űano ni yahuducueta tiquina, ni yahuri Jesu.

“¿Noa pehere cuegū quehnoajari?” ni yahuahye Jesu

(Lc 12.2-7)

<sup>26</sup> Sa ni tuhasa ohō saha ni nemori:

—Sa yena mū sare űano yeequinare cueracāhña. Masa tiquina yahuerarire came apequina masieta. Sa yeye tiquina nūori gūhūre apequina masieta. <sup>27</sup> Mū sare tūhoerogā yuhū yahurire peyequina masa watoa buhe turiaya mūsa. <sup>28</sup> Masūnore wejēñequina tiquiropagū dhitare wejēne. Tiquiropohna yariarere. Sa yena mū sare wejē duayequinare cueracāhña. Cohācĵū pehere cueya. Tiquiropohna mūsa pagurire, mūsa jeripohnari gūhūre pecapū cohā masine. Sa yena tiquiropohna pehere cueya.

<sup>29</sup> Pūaro siripia wapa mariedare. Tiquina sa wapa mariedapegūta ihcāquiropogāre Cohācĵū ne boerare. Cohācĵū dutieragū ne yariarere tiquiropogā. <sup>30</sup> Sa yero mūsa poarire ne ihcā poa da dūhsaro marieno masi pehore Cohācĵū. Sata mūsa ijiye tiye gūhūre masi pehore Cohācĵū. Sa masino mū sare ihña ihboducre. <sup>31</sup> Siripiare tiquiropohna cahño yuhūduoro, mūsa peherē cahñe Cohācĵū. Sa yena pajiro tūhotueracāhña mūsa.

Jesure mūsa wacū tutuarire yahuya masare

(Lc 12.8-9)

<sup>32</sup> Ihcāquiropohna “Jesu yaquiropohna ijiaja”, masare tiquiropohna ni yahugū yuhū gūhū tiquiropohna “Yaquiropohna ijire”, ni yahugutĵa yuhū Pacūre űhmūse cĵūnore. <sup>33</sup> Sa ijiyepogūta ihcāquiropohna “Jesu yaquiropohna ijieraja”, masare tiquiropohna nigū yuhū gūhū “Yaquiropohna ijierare tiquiropohna”, ni yahugutĵa yuhū Pacūre, ni yahuri Jesu.

Jesu masare tu wagū yere

(Lc 12.51-53; 14.26-27)

<sup>34</sup> Sa ni tuhasa ohō saha ni yahuri nemori:

—¿Dūhse ni tūhotuajari mūsa yuhūre? ¿“Tiquiropohna masare tiquiropohna buheri bato apequina tiquinare ihña tuhtisi”, ni, tūhotuajari mūsa? Sa ijierare. Masare yuhū buheri bato ihquēquina yeere tūhoeta. Apequina pehe tiquinare ihña tuhtieta. Ihcāno saha ijisi masa. <sup>35</sup> Būcūna yuhū

buhēyere tiquina tūhori buhiri tiquina pohne tiquinare ihña tuhtieta. Būcūna numia gūhū yuhū buhēyere tiquina tūhori buhiri tiquina pohna numia tiquinare ihña tuhtieta. Tiquina mareosānumia yuhū buhēyere tiquina tūhori buhiri tiquina macū namosānumia tiquinare ihña tuhtieta. <sup>36</sup> Sa yeye masa tiquina acayere ihña tuhtiyequina ijieta.

<sup>37</sup> Yuhūre tiquina cahīboriro yuhūduoro tiquina pacūsumūa pehere cahī yuhūduocaye, yeequina ijisi tiquina. Yuhūre tiquina cahīboriro yuhūduoro tiquina pohne pehere cahī yuhūduocaye, yeequina ijisi tiquina. <sup>38</sup> Sa yeye apequina curusapū yariariro saha yeequina tiquina ijiri buhiri űano yuhūdueta tiquina gūhū. Sata űano yuhūduoyequina yeequina ijisi tiquina. <sup>39</sup> Masa yuhūre wacūno marieno tiquina esa tuharo yeye pecapū wahaeta tiquina. Sa yeye yeere sa yeducuye ijipihtiye decori yuhū mehna ijieta tiquina, ni yahuri Jesu.

Mari wapatarire yahuahye Jesu

(Mr 9.41)

<sup>40</sup> Sa ni tuhasa ohō saha ni yahuri nemori:

—Mū sare yeequinare ihcāquiropohna quehnoano cahmeno, yuhū gūhūre cahmeno nine tiquiropohna. Sa yero tiquiropohna yuhūre quehnoano cahmediquiro yuhūre ohoriquiro gūhūre cahmeno nine. <sup>41</sup> Sa yero Cohācĵū yere yahuriquiro wapatarota. Tiquiropohna quehnoano yerota Cohācĵū. Sa yero tiquiropohna yere yahuriquiro tiquiropohna ijigū ihñano apequiropohna pehe yahuriquiro quehnoano cahmeno, yahuriquiro yero sahata wapatarota tiquiropohna gūhū. Sa ye apequiropohna quehnoano yeriquiro wapatarota. Sa yero quehnoano yeriquiro tiquiropohna ijigū ihñano apequiropohna pehe tiquiropohna quehnoano cahmeno, quehnoano yeriquiro yero saha wapatarota tiquiropohna gūhū. <sup>42</sup> Yaquiropohna ihcāquiropohna tiquiropohna ijigū ihñañe dūhse ijiyequina tiquiropohna acore mehenogā tiquina sihōepogūta, potota tiquinare quehnoano yerota Cohācĵū, ni yahuri Jesu.

## 11

űu wame yeriquiro tiquiropohna buhēyequinare  
Jesure sinitu dutiro ohoahye  
(Lc 7.18-35)

<sup>1</sup> ʔsäre tiqiro buhenare tiqiro sa ni yahuri bato to cahapũ ijiye macaripũ buhero wahari tiqiro.

<sup>2</sup> Sa ye tiqiro yerire Ñu peresupũ ijiriquiro tuhoohaye. Sa tuhooro Ñu tiqiro buheyequinare Jesure sinitu dutiro ohoohaye. <sup>3</sup> Sa ye Jesu cahapũ esa, sinituri tiquina Ñu buheyequina.

—¿Ñu “Yũhũ bato apequiro ahtarota”, tiqiro nidigũ ijiajari mũhũ? ¿Tiqiro nidigũ mũhũ ijieragũ apequirore cohtenatari usã? ni sinituri tiquina pehe Jesure.

<sup>4</sup> Tiquina sa nigũ tuhoro ye yuhtiri:

—Yojoꝛũre mũsa tuhorire, mũsa ihñarire Ñure yahuna wahaya: <sup>5</sup> “‘Caperi bajueyequina ihñare. Tini masieñequina tinine. Cami bucũna quehnoa wahare. Cahmono tuhoeyequina tuhoa wahare. Yariariquina masaa wahare. Tiquina ijiphtieyquinare quehnoa wahagũ yei yũhũ. Sa yegũ pejecũoyequinare quehnoañe buheyere yahuaja. <sup>6</sup> Yũhũre tuhoriquiro “Poto ijire”, niniquiro tiqiro bucuieriquiro ijire’, nidi”, ni, Ñure yahuna wahaya, nidi Jesu.

<sup>7</sup> Ñu buheyequina tiquina wahari bato, Jesu pehe Ñu ijiye tiyere yahu dũcari peyequina masare:

—Masa marienopũ taare wihnono wẽdoqueo mũjagũ ihñana eserari mũsa. <sup>8</sup> “Quehnoañe suhti tiriqirore ihñana wahañhna”, niedari mũsa masa marienopũ wahana. Quehnoañe suhti tiyequina wapa bujũyere cuoyequina puhtoia ye wũhũseꝛũ ijire. <sup>9</sup> Masa marienopũ esana Cohãcũũ yere yahu mũhtariqirore ihñana esari mũsa. Ijirota ijire. Ñu Cohãcũũ yere yahu mũhtariqiro ijire. Apequina Cohãcũũ yere yahu mũhtañequina yũhdũoro ijiriquiro ijire tiqiro pehe. <sup>10</sup> Panopũ Cohãcũũ yere tiquina ojoari pũꝛũ Ñure ohõ saha ni yahuahye:

Mari Paçũ tiqiro macũnore ohõ saha niyahye: “Mũhũ pano mũhũre yahuyuatiquirore ohogũ niaja”, niahye, ni ojoahye panopũre Ñure.

<sup>11</sup> Mũsare ijirota niaja. Apequina ijiphtieyquina bui ijire Ñu wame yeriquiro. Ahri decoripere tiqiro sa ijiepegũta uhmũse cãũno puhtoro ijioꝛũre ijiphtieyquina doçapũ ijiriquiro pũrita Ñu bui ijire.

<sup>12</sup> Ñu wame yeriquiro tiqiro buhe, wame ye dũcagũ peyequina masa uhmũse cãũno

puhtoro ijioꝛũ tiquina tutuaye mehna, tiquina esa tuhoro saã duamede. <sup>13</sup> Cohãcũũ yere yahu mũhtañequina tiquina ojoarire, Cohãcũũ Moiserere tiqiro cũriꝛũ gũhũre buhena Cohãcũũ tiqiro puhtoro ijiatore masiaja mari. Ñu gũhũ tireta yahuri. <sup>14</sup> “Elia ahtarota”, panopũ tiquina nidiquirota ijire Ñu pehe. Panopũ cãũna tiquina nidire “Poto ijire”, ni duana Ñu tiquina sa nidiquiro tiqiro ijigũ masinata mũsa. <sup>15</sup> Quehnoano tuhoya mũsa ahrire.

<sup>16</sup> ¿Yojoꝛũ cãũna masa yabequina yero saha ijiajari tiquina, mũsa tuhotugũ? Tiquina macanagã yero saha ijire. Apequina tiquina cahmeno saha tiquina yeragũ bucuere tiquinagã. Doeri cãũ duaropũ ape dujiye, ohõ saha ni pisupere tiquinagã basi: <sup>17</sup> “Mũsa basatire usã putipemi. ¿Duhsena mũsa basaerari usã tire putigũ? ʔsã tutuaro ñehe quea utipe, sañuducupemi. ¿Mũsa pehe duhsena usã mehna utiperari?” niducuriquina yero sahata ijire yojoꝛũ cãũna gũhũ. Yojoꝛũ cãũna tiquina cahmeno saha usã yeragũ ihñañe bucuere tiquina gũhũ. <sup>18</sup> Tiquina yero saha yena ohõ saha yere mũsa yojoꝛũ cãũna. Ñu wame yeriquiro Cohãcũũre ño peoro taro sjiro, vinore sihniedari. Tiquiro sa sihniedagũ ihñana “Watĩnore cuoriqiro ijire”, nimeidi mũsa tiqiro pehere. <sup>19</sup> Yũhũ masũ Cohãcũũ ohorigũ ijigũ yũhũ ihya, sihniaja. Yũhũ sa yegũ ihñana ohõ saha nine mũsa yũhũ pehere: “Ihñaña. Ahriqiro pajiro ihyariqiro, queheriquiro ijire. Wapa ne cohteyequina, ñano yeyequina gũhũ tiquina piti tiriqiro ijire tiqiro”, nine mũsa yũhũre. Sa nina macanagã yero saha yahuducuna nine mũsa. Mũsa cahmeno saha usã yeragũ bucuere mũsa. Sa masiedapenata usã ye ihñorire ihñana, Cohãcũũ yere usã masigũ masinata mũsa, nidi Jesu tiquinare.

*Tiquina ñañene bujũa witieyequina ye macari cãũnare tuhtiahye Jesu*

(Lc 10.13-15)

<sup>20</sup> Apeye macari cãũnare tuhtiri Jesu. Ti macarine apeye macari yũhdũoro Cohãcũũ tutuaye mehna ye ihñomedi tiqiro. Tiquiro sa ye ihñoepegũta tiquina ñañe yerire duhuerari tiquina. Sa yero ohõ saha ni tuhtiri Jesu tiquinare.

<sup>21</sup>—Corazín cjāna, mūsa ñano yuhdu-nata. Betsaida cjāna, mūsa gāhu ñano yuhdu-nata. Mūsa ye macaripure Cohācjū tutuaye mehna ye ihñomi. Tiro wame tiri macare, Sidō wame tiri maca gūhare tiquiro tutuaye mehna yuhū ye ihñogū ihñañe panopu to cjēna pehe tiquina ñañene bujua witiboaga. Sa yeye quehnoañene comesaboaga. Masa dija suhtire saña, peca cjē nujuare tiquina bui dahra site peoboaga tiquina ñañene bujua witiyere ihñone. <sup>22</sup> Mūsare niita niaja. Buhiri dahreati deco ijigū Cohācjū Tiro cjēna, Sidō cjēna yuhduoro mūsa pehere mūsa ñari buhirire ña yuhduaro buhiri dahrerota. <sup>23</sup> Capernau cjāna, mūsa esa tuharo umūsepu waha duamedi. Mūsare Cohācjū pecapu cohānota. Mūsa ya macapu Cohācjū tutuaye mehna ye ihñomi. Mūsa yuhure tuhoerari. Sodoma wame tiri macare Cohācjū tutuaye mehna yuhū ye ihñogū ti maca pehe yojopure ijiboaga. <sup>24</sup> Mūsare niita niaja. Buhiri dahreri deco ijigū Cohācjū Sodoma cjēna yuhduoro, mūsa pehere mūsa ñari buhiri ña yuhduaro buhiri dahrerota, nidi Jesu ti macari cjēnare.

—Yuhū cahapu sona taya, niahye Jesu (Lc 10.21-22)

<sup>25</sup> Ti pjere ohō saha nidi Jesu tiquiro Pacuro mehna yahuducuro:

—Yuhū Pacu, mūhu umūse cjēna puhto, ahri yehpa cjēna puhto ijire. Ahri mūhu buheyere “Quehnoano masina ijiaja usā”, niñequinare masigū yerare mūhu. Buhe pehoeyequina pehere mūhu yere masigū yere mūhu. Mūhu sa yegū, “Quehnoare”, niaja yuhū mūhure. <sup>26</sup> Sata ijire. Tiquina pehere masigū cahmedi mūhu, nidi Jesu tiquiro Pacurore.

<sup>27</sup> Sa yero masare ohō saha ni yahu nemori:

—Yuhū Pacu ijipihiyere yuhūre ohori. Tiquiro dihita yuhūre quehnoano masine. Sa yena usā dihita yuhū masi dutiye-quina mehna yuhū Pacure masiaja usā. <sup>28</sup> Mūsa ñañe apee boro nūcñe yero saha ijire. Nūcñene wāna mūsa tahrīno saha ñañene wahyia wahare mūsa. Sa wahyarina ijina yuhūre cahmeña mūsa. Mūsare sogū yeitja. Mūsa ñañe yeyere duhugū yeitja. <sup>29</sup> Yuhū dutiyere yeya. Yeere

quehnoano masiña. Yuhū paja ihñagu ijiaja. Sa yegu yuhducaegu ijiaja. Yuhū sa ijigū yeere quehnoano masiña mūsa. Sa yena soye mehna quehnoano jeripohna tinata mūsa. <sup>30</sup> Yeere mūsa yegū mijoedare. Sa yero mūsa wuaye ti nūcñedaro sahata yuhū pehe mūsare mehenogā ye dutiaja, nidi Jesu.

## 12

*Judio masa tiquina sori decore trigore pehehaye Jesu buheyequina*

(Mr 2.23-28; Lc 6.1-5)

<sup>1</sup> Mehenogā tiquiro sa ni buheri bato saurú ijigū usā Jesu mehna trigo wesepu esau. Usā tiquiro buhena ujua ahbana, trigore pehe, ihya tuhasa, yuhdu cā wahau usā. <sup>2</sup> Usā sa yegū ihñañe, fariseo masa Jesure ohō saha nidi:

—Tuhorīña usāre. ¿Duhse ye mūhu buheyequina saurú mari sori deco ijiepegūta dahrajari? Marine dutiyere yuhducaeye nine, nidi tiquina.

<sup>3-4</sup> Jesu yuhtiri. “Yuhū buheyequina yuhducaeye niedare”, ni yahuro taro ohō saha ni yuhtiri:

—Davi tiquiro mehna cjēna mehna ujua ahbaro Cohācjū wuhuru sajā, Cohācjū ye pāre ihyahye. Ti pāre pahia dihita ihyae tiahye. Cohācjū dutiyere tiquina ojoari pū apequinare ti pāre ihya dutierare. ¿Davi gāhu tire tiquina yerire Cohācjū ojoari pūpu buherari mūsa? (Ti pāre ihyaro Cohācjūre yuhducaro niedahye. Mi-are ahri pjerire ihyaye yuhū buheyequina gāhu Cohācjūre yuhducaeye niedare.) <sup>5</sup> Sa ye Cohācjū wuhuru dahrayequina pahia ne soerare mari soye decorire. Sa soerapeta Cohācjū dutiyere yuhducaeyequina ijierare. ¿Tire buherari mūsa Cohācjū Moiserre tiquiro cūri pūpu? <sup>6</sup> Mūsare niita niaja. Cohācjū wuhure ño peona ti wuhuru dahrayequina tiquina soeragū ihñāepenata “Quehnoanota”, nine mūsa. Ti wuhū yuhduoro yuhū pehere ño peoro cahmene. <sup>7</sup> Cohācjū yere tiquina ojoari pū ohō saha nine: “Wahiquinare wejē, ujua mūñe mehna yuhūre mūsa ño peogū cahmedaja. Apequinare mūsa paja ihñagū pehere cahmeaja yuhū”, nine tiquiro yere tiquina ojoari pū. Tiquiro sa nidire mūsa quehnoano tuhona, yuhū buheyequinare



tiquina buhiri mariedapegūta tiquinare tuhtieraboaga masa. <sup>8</sup> Yahu masa Cohācjū ohorigū ahri deco saurū decore masa tiquina yeatire yahugū ijigū puhto ijijaja, nidi Jesu fariseo masare.

*Omoca buhariquiro quiti ijire  
(Mr 3.1-6; Lc 6.6-11)*

<sup>9</sup> Tiquiro sa nidi bato waha, judio masa mari buheri wuhupū esau usā Jesu mehna. <sup>10</sup> Topū omoca buhariquiro ijiri. Sa yeye fariseo masa pehe Jesure yahusāne tehe, tiquirore sinituri:

—Saurū decore mari sori decore masunore yuhduo dutierare Cohācjū. ¿Sata ijijajari, muhu tuhotugū? ni sinituri tiquina.

<sup>11</sup> Jesu yuhtiri tiquinare:

—¿Musa yaquiro oveja saurū ijigū coperū tiquiro bora sajāgū tiquirore ne wioeraboagari masa? Ne wionata masa.

<sup>12</sup> Oveja yuhduoro ijire masuno pehe Cohācjū tiquiro ihnāgū. Sa yero saurū ijigū quehnoañene mari yegū quehnoarīne, ni yuhtiri Jesu tiquinare.

<sup>13</sup> Tiquiro sa nidi bato omoca buhariquirore ohō saha nidi:

—Muhu omocare siō potoya, nidi tiquiro.

Tiquiro sa nigū omoca buhariquiro pehe siō poto, omoca quehnoa wahari ape omoca quehnoari omoca yero saha. <sup>14</sup> Sori decore tiquiro sa yegū ihñañe, fariseo masa waha, tiquina basi ohō saha niahye:

—¿Duhse Jesure wejēnatari mari? niahye tiquina basi.

*Cohācjū yere yahu muhtariquiro panopū cjūno Jesure yahuahye*

<sup>15</sup> Jesu tiquina sa nidire masino, wahaa wahari. Tiquiro sa wahagū peyequina masa tiquirore nunū tāri. Sa yero tiquiro pehe ijipihitiyequina tiquina mehna cjēnare dohatiyequinare yuhdugū yeri. <sup>16</sup> Sa yero dohatiyequinare tiquinare tiquiro yuhduorire apequnare yahu site dutierari tiquiro. <sup>17</sup> Sa dohatiyequinare yuhdugū yero, Cohācjū yere yahu muhtariquiro Isaia panopū tiquiro ni ojoariro sahata yero nidi Jesu. Ohō saha ni ojoahye Isaia:

<sup>18</sup> Ohō saha nine Cohācjū: “Ahriquiro yuhū cahacjūno ijire. Tiquiro yuhū beseriquiro ijire. Tiquirore cahijaja. Sa yegu tiquiro mehna bucueaja. Yaquiro Espiriture tiquirore ohogutja. Sa yero yuhū tutuaye

mehna ijipihitiyequina masare yuhū buheyere yahurota tiquiro. <sup>19</sup> Sa yahuro tiquiro ne purīno mehna yahusi. Sa yero sañuducusi. Sa yero maca cjā mahapū peyequina masa watoa tiquiro tutuaro sañuducu yahusi. <sup>20</sup> Wuhjūgu nuhrino cuadu tiquiro nuhriedagū yero saha masa gūhure quehnoano yerota tiquiro. Mehenogā ujjūri pecare tiquiro yatigū yeraro saha masa gūhure quehnoano yerota tiquiro. Sata yeducurota tiquiro wafīnore tiquiro yuhduducato pano. <sup>21</sup> Sa yeye peyequina masa tiquirore wacū tutueta”, nine Cohācjū, ni ojoahye Isaia.

*—Jesu wafīno tutuayere cūore, ni yahusāhye masa*

*(Mr 3.20-30; Lc 11.14-23; 12.10)*

<sup>22</sup> Ihcā deco wafīno cūoriquirore masa ne cāhtari Jesu cahapū. Tiquiro pehe wafīnore cūoro yahuducu masiedari. Sa yero caperi ne bajuerari. Tiquina sa ne wihigū ihñano, yuhdugū yeri Jesu tiquirore. Tiquiro sa yegū wafīno cūoriquiro ihña, yahuducuri. <sup>23</sup> Tiquiro sa wahagū ihñañe, masa ihña maria wahari.

—¿Ahriquiro Davi panamino iji turiariquiro masare yuhduoatiquiro ijijajari? nidi tiquina basi.

<sup>24</sup> Jesu wafīare tiquiro cohārire tuhoye fariseo masa ohō saha ni tuhoturi:

—Beelzebū wafīa puhtoro tiquiro tutuaye mehna wafīare cohāre Jesu, ni tuhoturi tiquina.

<sup>25</sup> Tiquina sa ni tuhotugū masino, Jesu queoye mehna yahuri tiquinare, “Wafīno ye tutuaye mehna wafīare cohāgū niedaja”, nino taro:

—Ihcā yehpa cjēna tiquina basi cahmequeñe, ti yehpa cjēna waha pihtia wahaboaga. Ihcā maca cjēna tiquina basi cahmequeñe ti maca cjēna waha pihtia wahaboaga. Ihcā wuhū cjēna gūhū sata wahaboaga. <sup>26</sup> Sa yeye Beelzebū wafīa puhtoro pehe wafīare cohāno, tiquina wafīa tiquina basi cahmequeñe niboaga. Sa ye tiquina gūhū waha pihtia wahaboaga. <sup>27</sup> Ohō saha ni yahusāre masa yuhūre: “Tiquiro Beelzebū yedohoye mehna wafīare cohāre”, ni yahusāre masa. Musa mehna cjēna gūhū wafīare cohāre. ¿Wafīno tiquiro

tutuaye mehna watĩare cohājari tiquina gāhu, msa ihñagū? Sa cohāedare. Tire masine msa. Yuhū gūhu watĩno tutuaye mehna watĩare cohāedaja. <sup>28</sup> Sa yegu yuhū pehe watĩare cohāgu Cohācjū yaquiro Espĩritu tutuaye mehna tiquinare cohāja. Yuhū sa cohāgū ihñana ohō saha masiña msa: Cohācjū masa bui puhtoro ahri yehpapure iji tuhasare yojopure.

<sup>29</sup> Ohō sahata ijire queoye mehna mari buhegū: Tutuariquiro ya wuhūru arequiro sajā sa yaque masiedare. Tutuariquirore duhteraro tiquiro ya wuhūru sajā sa yaque masiedare. Tutuariquirore tiquiro duhteri bato sajā sa yaque masine, ni yahuri Jesu.

(Sa ni yahuri, watĩnore tiquiro yuhūdu-care yahuro. Watĩno tutuariquiro tiquiro ijiepegūta Jesu tiquirore yuhūdu-care watĩare cohāno.)

Sa ni tuhasa ohō saha ni yahu nemori Jesu.

<sup>30</sup> —Ihcāquiro yuhūre cahmedaro, yuhūre ihña tuhtiriquiro ijire. Ihcāquiro yuhūre yedohoeraro, yuhūre wape tigū yero nine.

<sup>31</sup> Sa yegu msare poto niita niaja yuhū. Ijipihtiye ñañene masa tiquina yegū, yahuducugū gāhure Cohācjū bo masine. Sa boeperota Espĩritu Santore tiquina ñano ni yahuducugū ti pūritare ne bosì. <sup>32</sup> Yuhūre masu Cohācjū ohorigure yuhūre tiquina ñano ni yahuducure bo masine Cohācjū. Espĩritu Santo pehere tiquina ñano ni yahuducure ne bosì Cohācjū. Yojopure, deco pihtigū gāhure tiquina sa nidire bosì tiquiro, ni buheri Jesu tiquinare.

*Masa tiquina yahuducuyere tūhona tiquina ijie tyere masiaja mari*

(Lc 6.43-45)

<sup>33</sup> Sa yero queoye mehna buhero ohō saha ni yahu nemori tiquinare:

—Quehnoadu yucūgu quehnoañene dūca tire. Nadu yucūgu ñañene dūca tire. Yucūgu dūcare masina “Tū dūcata ijire”, ni masiaja mari. Mari sa masino saha masa tiquina yahuducuyere tūhona tiquina ijie tyere masiaja mari. <sup>34</sup> Aña yero saha ñana ijire msa. Msa ñana ijina, quehnoañene ni masiedare msa. Mari wacūñepu mari tūhoturiro sahata mari dūseropu wijiare. <sup>35</sup> Quehnoariquiro quehnoañene tūhoture. Sa yero quehnoañene yahuducure. Ñariquiro ñañene tūhoture. Sa yero ñañene yahuducure. <sup>36</sup> Quehnoano

tūhotu yahuducuna ijiya msa. Quehnoano yahuducuerana, buhiri dahreati deco ijigū msa sa ni maca cārire Cohācjūre yahu yuhūnata. <sup>37</sup> Queoro msa yahuducurire masino “Quehnoana ijire”, ninota Cohācjū. Sa yero ñano msa yahuducurire masino “Ñana ijire”, ninota tiquiro, nidi Jesu tiquinare.

*Masa ñañequina Jesure Cohācjū tutuaye mehna ye ihño dutiahye*

(Mr 8.12; Lc 11.29-32)

<sup>38</sup> Tiquiro sa nidi bato mari judio masare buheyequina, fariseo masa gāhu tiquirore ohō saha nidi:

—Buhegu, Cohācjū ohorigu ijigu Cohācjū tutuaye mehna ye ihñoña usāre, nimedi tiquina.

<sup>39</sup> Jesu yuhtiri:

—Yojopu cjēna ñañequina, Cohācjūre cahmeñequina Cohācjū tutuaye mehna yuhū ye ihñogū ihña duamene. Tiquina sa ihña duepegūta Cohācjū yere yahu muhtariquirore Jona panopu cjūnore Cohācjū tiquiro tutuaye mehna tiquiro yeri dihitarre ye ihñonota masare. <sup>40</sup> Jona ihtia deco waro pajiriquiro wahi paa puhirapu ijiahye. Tiquiro sa wahariro sahata yuhū gāhu masu Cohācjū ohorigu ihtia deco waro masa copepu ijiguta. <sup>41</sup> Nīnive cjēna pehe Jona Cohācjū yere tiquiro yahurire tūhoye tiquina ñañe yerire bujua witiyahye. Sa bujua witiyequina ijie buhiri dahreati deco ijigū tiquina yojopu cjēnare tiquina ñañene bujua witiyequinare

“Ñañequina ijire”, ni, yahusāeta. Jona tiquinare Cohācjū yere tiquiro yahugū tūhoye quehnoañene cahmeahye tiquina pehe. Sa cahmeñe quehnoano yeye niahye yojopu cjēna yuhūoro. Sa yeye tiquina yojopu cjēnare yahusāeta. Msare niita niaja. Yojopu msare yuhū buheye Jona tiquiro buheri yuhūoro ijire. <sup>42</sup> Sa ye buhiri dahreati deco ijigū puhtoro sur cjōno panopu cjōno ducu, yojopu cjēnare “Ñañequina ijire”, ni yahusānota ticoro gāhu. Ticoro Salomo panopu cjāno tiquiro masiñene tūho duaro yoaropu ahri yehpa ape siepu ijiricoro Salomero tūhoro ahtahye. Sa yero quehnoano yero niahye yojopu cjēna yuhūoro. Sa yero ticoro yahusānota yojopu cjēnare. Msare niita niaja. Yojopu msare yuhū buheri Salomo

tiquiro buheri yuhduoro ijire, nidi Jesu tiquinare.

*Watino pari turi masunore tiquiro sajari quitire yahuahye Jesu*  
(Lc 11.24-26)

<sup>43</sup> Sa yero pari turi Jesu tiquiro tãhotuye mehna ohõ saha ni quiti yahuri tiquinare:

—Watino masuno mehna ijiriquiro waha, aco marieni yehparu tini, tiquiro ijiatore macamahye. <sup>44</sup> Sa bocaeraro, ohõ saha ni tãhotuahye tiquiro. “Masuno yuhu cohãriquiri mehnata pari turi ijigu wahautja”, ni tãhotuahye tiquiro. Sa ni tãhoturo tojoaa waha, tiquiro cohãriquirioretã bocahye. Sa tiquiro bocagã masuno pehe quehnoariquiri ijimahye. <sup>45</sup> Sa yero watino apequina siete wãtare tiquiro yuhduoro ñãnequinare pijiro wahahye. Tiquiro sa pijigã tiquina ijipihitiyequina tiquiro mehna ijiahye. Masuno pehe to pano ihcãquiri watinore curo, ñariquiri ijimahye. Cameru pehere peyequina wãtare cõriquiri ijiro, to pano tiquiro ijiriro yuhduoro ñã yuhduariquiri ijiahye. Yojoaru cãna Cohãcãre cõmediquina tiquirore cohãne, tiquina gãhu ñã yuhduayequina waro wahaeta, nidi Jesu tiquinare.

*Jesu acaye tiquirore yahu duahye*  
(Mr 3.31-35; Lc 8.19-21)

<sup>46</sup> Masare tiquiro sa ni yahuducuri watoa tiquiro pacoro tiquiro bahana mehna sopecaharu ducu, tiquirore yahu duari. <sup>47</sup> Sa yero ihcãquiri Jesure yahuri:

—Muhu paco muhu bahana mehna muhare yahu duaye sopecaharu ducuri, nidi.

<sup>48</sup> Tiquiro sa nigũ tãhoro topu ijiequinare ohõ saha nidi Jesu tiquinare buhero taro:

—¿Noa ijiajari yuhu paco, yuhu bahana gãhu, musa ihãagã? nidi.

<sup>49</sup> Sa nino, usãre tiquiro buhenare ñupuha, ohõ saha nidi:

—Ahriquina ijire yuhu paco, yuhu bahana yero saha ijiequina. <sup>50</sup> Tiquina yuhu Pacu umuse cãno tiquiro cahmeñene yere. Sa yeyequina yuhu bahu, yuhu baho, yuhu paco yero saha ijire, nidi Jesu tiquinare.

## 13

*Jesu oteriquiro quitire yahuahye*  
(Mr 4.1-9; Lc 8.4-8)

<sup>1</sup> Ti decota Jesu wãhuru ijiriquiro wi-jiari. Wijia, ditararu waha, ditara dãhtu caharu dujiri. <sup>2</sup> Tiquiro sa dujigã ihãne peyequina masa tiquiro caharu cahmecoa wahpaa waha, bihsaro yeri Jesure. Sa bihsagã ihãno yucusaru sajã, tiap dujiri tiquiro. Masa pehe paduraru ducuri. <sup>3</sup> Sa yero tiquiro peye queoye mehna yahuri tiquinare, buhero taro. Ohõ saha nidi tiquiro:

—Oteriquiro otero wahahye. <sup>4</sup> Tiquiro sa otero wahagã apeye pjeri maha dãhtu caharu bora quehe sahye. Topu bora quehe saye pjerire minicãa ahta, ihya cãhye. <sup>5</sup> Sa ye apeye pjeri utã paca watoa bora quehe sahye. Utã paca watoa dihta marieda cãunoru duita pihnimahye. <sup>6</sup> Sa pihnieperota asũ tutuaro asigũ, nuhcori marieda, ñaia wahahye. <sup>7</sup> Apeye pjeri taa watoa bora quehe sahye. Taa pehe dia yuhduã waha, oteye pehere wejãhye. <sup>8</sup> Apeye pjeri quehnoari yehparu bora quehe sahye. Quehnoano pihni, dũca tiahye. Apeye cã cien pjeri, apeye cã sesenta pjeri, apeye cã treinta pjeri dũca tiahye. <sup>9</sup> Ahrire quehnoano tãhoya musa, nidi Jesu.

*Jesu queoye mehna tiquiro buherire yahuahye*  
(Mr 4.10-12; Lc 8.9-10)

<sup>10</sup> Tiquiro sa nidi bato usã tiquiro buhena tiquiro caharu esa, sinituu usã tiquirore:

—¿Dãhse yegu masare queoye mehna buheajari muhu? ni, sinituu usã.

<sup>11</sup> Jesu yãhtiri:

—Uhmuse cãno tiquiro pãhtoro ijyere panoru cãna tiquina masiedarire musare yuhu buhenare masigũ yere Cohãcã. Apequina pehere sa yerare tiquiro. <sup>12</sup> Sa yero masiñequinare masi nemogã yerota tiquiro. Sa yeye tiquina pehe quehnoano masieta. Masiñequina pehe mehenogã tiquina masiepegãta tiquina pehere masiedagã yerota tiquiro. <sup>13</sup> Sa yegu queoye mehna buheaja. Ohõ saha ijire. Yojoaru cãna ihãnepeta, ihãdãriquina yero saha tojoare. Sa yeye tãhoepeta masiedare. Tire tãhoeyequina yero saha ijire tiquina. <sup>14</sup> Sa ijiequina ijyere Isaia panoru cãno tiquiro

ni ojoariro sahata yere tiquina. Ohō saha ni ojoahye:

Ohō saha nine Cohācjū: “Cohācjū yere tuhonata mūsa. Sa tuhopenata, ne masi mūsa. <sup>15</sup> Ahriquina masa dapu paca butiyequina tojoare. Sa ye tiquina cahmo coperire bihare, ‘tūhoari’, niñe. Tiquina caperire ihmitihāre, ‘ihñari’, niñe. Sa yeraye quehnoano ihñāne, masiboaga tiquina. Sa ye tuhoye, masiboaga tiquina. Tiquina wacūñepū quehnoano masiboaga. Sa masiñe yūhūre Cohācjūre cahmeboaga tiquina. Sa yūhūre cahmegū tiquina ñañene cohā, tiquinare pecapū wahaboriquinare yūhdugū yeboaga yūhū”, nine Cohācjū, ni ojoahye Isaia.

<sup>16</sup> Mūsa pehe mūsa caperi mehna ihñana, masine. Mūsa cahmo mehna tuhona, masine. Sa yena bucuena ijire mūsa. <sup>17</sup> Mūsare niita niaja. Yojoṗū mūsa ihñāne mūsa tuhoyere paṗoṗū cjēna Cohācjū yequina tutuaro ihña duamahye. Cohācjū yere yahu muhtariquina gūhū tire tutuaro ihña duamahye. Sa ihña duepeta ne ihñedahye. Yojoṗū mūsa tuhoye gūhūre tutuaro tuho duamahye tiquina. Sa masi duepeta tire masiedahye, ni yahuri Jesu usāre tiqiuro buhenare.

*Jesu oteriquiro queoyere yahu pehoahye*  
(Mr 4.13-20; Lc 8.11-15)

<sup>18</sup> Came Jesu usāre yahu nemori:

—Tūhoya mūsa. Oteriquiro queoyere mūsare yahutja. Yūhūre tuhona, quehnoano masiña. <sup>19</sup> Oteye pjeri quehnoañe buheye yero saha ijire. Sa yeye maha duhtū cahapū borari pjeri quehnoañe buheye yero saha ijire. Sa yeye masa quehnoañe buheyere tuhopeneta ne masiedare. Sa yero masa quehnoañe buheyere tiquina tuhogū ihñano watino pehe ahta, ti buheyere quehnoañe buheyere masi dutierare masare. Minicjūa ti pjerire tiquina dote nediro saha yere watino. <sup>20</sup> Sa ye utā paca watoa borari pjeri quehnoañe buheye yero saha ijire. Sa yeye masa quehnoañe buheyere tuho, bucueye mehna duita tire tuho nene. <sup>21</sup> Sa tuho nepeta utā paca watoa ijiye cjū nuhcori marieñe cjū yero saha ahriquina masa gūhū tutuerare. Sa tutueraye ñano

yūhdūye, yeequina tiquina ijiri buhiri apequina tiquinare ñano yegū ihñāne yee pehere duhu cāhre. Apequina tiquinare ñano yegū tire ihcāno sahaeraye, yeere duhu cāhre. <sup>22</sup> Sa ye taa watoa borari pjeri quehnoañe buheye yero saha ijire. Sa yeye masa quehnoañe buheyere tuhopeneta, ahri yehpa cjēne pajiro bujūa witi tuhotuye, niñeru pehere cahñe. Tiquina sa yegū ti pehe quehnoañe buheyere cahmotare. Sa cahmotagū masa quehnoañe pehere yerare. <sup>23</sup> Sa ye quehnoari yehpapū borari pjeri quehnoañe buheye yero saha ijire. Sa ye masa quehnoañe buheyere tuhoye, tire quehnoano masine. Sa masiñequina ijiye, Cohācjū cahmeno sahata quehnoañene yere tiquina. Ihquequina pajiro quehnoañene yere cien pjeri dūca tiro saha. Apequina doca cjūnogā quehnoañene yere sesenta pjeri dūca tiro saha. Apequina mehenogā quehnoañene yere treinta pjeri dūca tiro saha, ni yahuri Jesu usāre.

*Trigo watoa taa diari queoyere yahuahye*

<sup>24</sup> Sa ye pari turi queoye mehna buheri Jesu:

—Ūhmūse cjūno tiqiuro pūhtoro ijiye ohō saha ijire. Wese upūro tiqiuro wesepū quehnoañe pjerire tiqiuro oteriro saha ijire ūhmūse cjūno tiqiuro pūhtoro ijiye. <sup>25</sup> Wese upūro ijiptiyequina tiqiuro mehna cjēna gūhū tiquina carīno watoa tiqiore ihña tuhtiriquiro ahtahye. Sa ahtarō trigore ti oteriroṗū taare oteahye. Ote tuhasa wahaa wahahye. <sup>26</sup> Came trigo pihniahye. Sa ye ti dūca tiro taro yegū waro diaa wahahye. <sup>27</sup> Sa ye wese upūrore dahra cohteyequina tiqiuro cahapū esa, yahuahye: “¿Pūhto, quehnoañe pjeri dihitare muhū wesere muhū otepegūta, dahse ye taa gūhū diajari ti wesere?” nidi tiquina. <sup>28</sup> “Yūhūre ihña tuhtiriquiro ijiaga ti taare oteriquiro”, niahye wese upūro. “¿Taare usā curegū cahmeajari muhū?” nimahye tiqiore dahra cohteyequina. <sup>29</sup> “Taare cureracāhña, ‘Trigo pehere cureari’, nina. <sup>30</sup> Trigo taa mehna bucuariahdo. Dūca nedi pje ijiḡū neñequinare ohō saha niitja: ‘Taare cure muhtaña. Tuhasa mūsa curerire ūjūañe. Came trigore peheya. Pehe peho, tire yūhū

ihbori wuhurp cūña', niitja tiquinare", ni-  
ahye wese upuro, nidi Jesu, queoye mehna  
yahuro.

*Mostaza pje queoyere yahuahye Jesu*

*(Mr 4.30-32; Lc 13.18-19)*

<sup>31</sup> Sa ye apeye queoye mehna usāre ohō  
saha ni buheri tja:

—Ūhmuse cjāno tiquiro puhtoro ijiye  
mostaza pjegā yero saha ijire. Ti pjegā  
meheni pjegā waro ijire. <sup>32</sup> Ti pjegāre  
wesepu tiquiro oteri bato, quehnoano  
pihnine. Sa yero paji yuhduadu wahare.  
Sa wahagū minicjua pari ti dūpūripū suhti  
suhare, ni yahuri Jesu. (Sa nino ohō  
saha nino niahye. Mostaza pjegā pajidu  
tu bucuariro saha ūhmuse cjūnore mari  
puhtorore masiñequina meheñequinagā  
tiquina iji mūhtaepēgūta cameru peye-  
quina wahaeta.)

*Pāre pugū yeye queoyere yahuahye Jesu*

*(Lc 13.20-21)*

<sup>33</sup> Sa ye apeye queoye mehna usāre ohō  
saha ni buheri tja:

—Ūhmuse cjāno tiquiro puhtoro ijiye  
pāre pugū yeye yero saha ijire. Tire numino  
ihcā ajuro trigore aco mehna quehnoano  
tire dahra morene pā bucuatire. Ticoro  
sa yegū pāre pugū yeye pehe trigore  
quehnoano sehsaa wahare, nidi Jesu. (Sa  
nino ohō saha nino niahye. Pāre pugū yeye  
trigore ti sehsaa wahariro saha ūhmuse  
cjūnore mari puhtorore peyequina masa  
ijipihtiro cjēna masieta.)

*Queoye mehna Jesu tiquiro buherire  
yahuahye*

*(Mr 4.33-34)*

<sup>34</sup> Ahri ijipihtiyere buhero, queoye mehna  
yahuri Jesu. Queoye marieno yahuerari  
tiquiro tiquinare. <sup>35</sup> Sata yeri tiquiro Co-  
hācjū yere yahu mūhtariquiro ni ojariro  
sahata. Ohō saha ni ojoahye panorū:

Queoye mehna yahutja. Cohācjū ahri  
yehpare tiquiro bajumehnedi bato  
ne masare tiquiro yahuerarire  
yahutja, ni ojoahye Cohācjū yere  
yahu mūhtariquiro mūnano.

*Trigo watoa taa diari queoyere yahu pe-  
hoahye*

<sup>36</sup> Sa ye masare cohe ti, wuhurp saajā  
wahari Jesu. Sa yena usā tiquiro buhena  
tiquiro caharū esa, sinitu usā:

—Trigo watoa taa diari queoyere yahu  
pehoya usāre, nii usā tiquirore.

<sup>37</sup> Jesu yuhtiri usāre:

—Wese upuro quehnoañe pjerire  
oteriquiro yero saha ijiaja yuhū. Yuhū  
masū Cohācjū ohorigū ijiaja. <sup>38</sup> Wese pehe  
ahri yehpa yero saha ijire. Quehnoañe pjeri  
pihniñe ūhmuse cjāno puhtoro ijiropū  
ijiatiquina yero saha ijire. Taa pehe watino  
yequina yero saha ijire. <sup>39</sup> Wese upurore  
ihña tuhtiriquiro taare oteriquiro watino  
yero saha ijire. Tire nedi pje pihtiri deco  
yero saha ijire. Sa ye trigore neñequina  
angele yero saha ijire. <sup>40</sup> Taare tiquina  
cure ūjūariro saha pihtiri deco ijigū watino  
yequinare pecarū cohāeta tiquinare.  
<sup>41</sup> Yuhū masū Cohācjū ohorigū yequina  
angelere ohogutja. Yuhū ohogū angele  
pehe ñañene ye dutiyequinare, ñañene  
yeyequinare yuhū puhtoro ijiropū neañeta.  
<sup>42</sup> Ne sa tuhasa pecarū cohāeta tiquinare.  
Topū tiquina tutuaro uti, bujua witiye  
mehna bahque dihoeta. <sup>43</sup> Sa ye Cohācjū  
yequina tiquina Pacuro tiquiro puhtoro  
ijiropū ijiaeta. Topū ijiye, asū deco cjāno  
yero saha quehnoano buhrioeta tiquina.  
Ahrire quehnoano tuhoya mūsa, ni yahuri  
Jesu.

*Quehnoa yuhdayere tiquiro nūorire  
tiquiro bocari queoyere yahuahye*

<sup>44</sup> Sa ye apeye queoye mehna yahuri tja:

—Ūhmuse cjāno tiquiro puhtoro ijiye  
niñeru tiquiro nūori yero saha ijire.  
Masūno tire wesepū wacūeno mehna boca,  
pari turi tire nūo nemoahye. Sa bocaro  
tutuaro bucueahye tiquiro. Sa yero tiquiro  
bocarire neno taro, ti wesere dú duahye.  
Sa yero tiquiro yere dua peho, ti wesere  
dúahye, ni yahuri Jesu. (Sa nino ohō  
saha nino niahye. Ūhmuse cjāno tiquiro  
puhtoro ijiye tiquiro bocari yero saha ijire.  
Tiquiro bocarire tiquiro tutuaro cahmediro  
sahata ūhmuse cjūnore masa puhtorore  
tiquina masidi bato masa tutuaro cahmene  
tiquirore.)

*Wapa bujuri pje queoyere yahuahye*

<sup>45</sup> Sa ye apeye queoye mehna yahuri tja:

—Ūhmuse cjāno tiquiro puhtoro ijiye  
wapa bujūye pjerire perla wame tiye pjerire  
dūriquiro yero saha ijire. <sup>46</sup> Ti pjerire  
macano quehnoa yuhduari pjere bocahye.  
Bocaro, ti pjere dú duaro, ijipihtiyē tiquiro

yere dua pehoro wahahye. Sa dua tuhasa ti pjere wapa bujuri pjere dúahye, nidi Jesu. (Sa nino ohō saha nino niahye. Ti pjere perla pjere tiqiro cahmediro sahata uhmuse cjūnore masa puhtoro quehnoano tiquina masidi bato masa tutuaro cahmene tiqirore.)

Wēñanū queoyere yahuahye

<sup>47</sup> Sa ye apeye queoye mehna Jesu yahuri tja:

—Uhmuse cjūno tiqiro puhtoro ijiye wēñanū tiquina doque ñodu yero saha ijire. Tu wēñanū mehna peyequina wahi sijoro saha ijiyequinare ñehene. <sup>48</sup> Tu wahpaa wahagū wahi wejēnequina pehe ture paduorū weje nūña, quehnoañequina wahire besere. Quehnoañequinare tiquina puhusepū bese sajāre. Ñañequina wahire cohāre. <sup>49</sup> Pihtiri deco ijigū ohō saha ijirota. Angele pehe masare beseeta. Ñañequinare ne wioeta quehnoañequina cahapū ijiyequinare. <sup>50</sup> Ne wio, tiquinare pecapū cohāeta. Topū tiquina uti, tutuaro bujūna witiye mehna upiri bahque dihoeta ñañequina pehe, ni yahuri Jesu.

Mūna buheyere, wahma buheye gāhure yahuahye

<sup>51</sup> Tiquiro sa ni yahuri bato sinituri usāre: —¿Ahri ijiptiyere tuhoajari mūsa? ni sinituri tiqiro.

—Tuhoaja usā, ni yuhtii usā.

<sup>52</sup> Usā sa nigū tiqiro yahuri usāre:

—Judio masare buheyequina uhmuse cjūno tiqiro puhtoro ijiyere buheye, puaro buheyere yahure. Mūna buheyere, wahma buheye gāhure yahure. Tiquina wuhū upūro yero saha ijire. Tiquiro wuhūpū ijiyere quehnoañene ne wioro, wahmare, mūna gāhure ne wioro tiqiro, nidi Jesu usāre.

Jesu Nazarepū wahahye

(Mr 6.1-6; Lc 4.16-30)

<sup>53</sup> Ti queoyere tiqiro buheri bato, wahau usā tiqiro mehna. <sup>54</sup> Waha, tiqiro masari macapū esa. Topū esa, judio masa mari buheye wuhusepū buheri tiqiro. Tiquiro sa buhegū tuhoye, tuho maria wahari tiquina.

—¿Ahriqiro nohorū tuhoyari ahri buheyere? ¿Duhsero quehnoano masi pehoajari tiqiro? Cohācjū tutuaye mehna ye ihñore tiqiro basi. <sup>55</sup> Ahriqiro taboa dahrariqiro macūno ijire. Sa ye tiqiro

pacoro María ijire. Sa ye Santiago, José, Simo, Juda, tiqiro bahana ijire. <sup>56</sup> Yojoorūre tiqiro bahana numia ahri macapū ijire. Sa yero tiqiro mari yero saha ijiqiro ijire. ¿Sa ijieperota nohorū tuhoyari tiqiro ahri buheyere? ni yahuducuri tiquina basi.

<sup>57</sup> Sa ye tiquina tiqirore cahmedari. Tiquina sa cahmedagū ihñano ohō saha nidi Jesu tiquinare:

—Cohācjū yere yahu mūhtariqirore apequina ño peore. Tiquina sa ño peoepegūta tiqiro ya maca cjēna, tiqiro acaye tiqirore ño peerare. Sa yena yuhure ño peerare mūsa ohōpū yuhū masarigū ijigū, nidi tiqiro tiquinare.

<sup>58</sup> Sa yero tiqirore tiquina wacū tutueragū ihñano, ti macapū Cohācjū tutuaye mehna peye tahari ye ihñodari Jesu.

## 14

Ñu wame yeriqiro mūnano yariarire yahuahye

(Mr 6.14-29; Lc 9.7-9)

<sup>1</sup> Ti pjere Herode Galilea cjūno puhtoro Jesu yerire tuhoahye. <sup>2</sup> Sa tuhooro ohō saha nimahye:

—Ñu wame yeriqiro ijiaga masatjiāno. Sa yero yojoorūre tiqiro masari bato ahri tutuayere cuore tiqiro bajumehneñene yero, nimahye Herode tiqiro cahacjēnare. Jesure “Ñuta ijire”, ni tuhotumahye tiqiro Ñure tiquina wejēdi bato.

<sup>3-4</sup> Sa yero Ñure tiqiro wejē dutiatio pano Herode tiqiro bahūro Felipe namonore namo tiahye. Tiquiro sa yegū ihñano Ñu wame yeriqiro Herode pehere ohō saha nie timahye:

—Mūhū bahū namonore namo tigū Cohācjū dutiyere yuhduducagu nine mūhū, nie timahye Ñu.

Tiquiro sa nidi buhiri Herode tiqirore wejē duamahye. “Ñu Cohācjū yere yahu mūhtariqiro ijire”, ni tuhoturi judio masa”, nino, tiquina pehere cueahye Herode. “Ñure yahu wejēgū tiquina usuaboaga”, nino tiquinare cueahye. Sa cuero Ñure wejē dueramahye. Sa wejē dueraperota Herode tiqirore ñehē duhte duti, peresu yeahye. Tiquiro namono Herodia dutiro mehna sa yeahye Herode. <sup>6</sup> Sa ye Herode masa bajuari deco ijigū bese deco yeahye tiqiro. Topū Herodia macono

bose deco wihyequina tiquina ihñonopu basa ihñoahye. Ticoro sa basa ihñogū ihñano Herode bucueahye. Sa bucuerdo ticorore niahye:

<sup>7</sup> —Cohācjū mehna pota niita niaja. Yuhure mūhū sinino punota ohogutja yuhū mūhūre, niahye Herode pehe Herodia maconore.

<sup>8</sup> Tiquiro sa nigū tūhoro Herodia ticoro maconore ticoro siniatire yahuahye ticorore. Ticoro sa yahugū ticoro macono pehe ohō saha ni siniahye Herodere.

—Ñu wame yeriquiro dapure dāte sure dutiya. Sa yegū waparo mehna tiquiro dapure ohoya yuhure, niahye ticoro.

<sup>9</sup> Ticoro sa nigū tūhoro Herode tutuaro buja witiyahye. Masa tiquina ihñonopu “Ohogutja mūhūre”, niahye tiquiro. Sa yero tiquiro bue tiro “Mūhūre ohoeraja”, ni masiedahye ticorore. Sa yero ticoro dutiriro sahata Herode pehe tiquiro cahācjēnare Ñure wejē dutiahye. <sup>10</sup> Sa yero Ñu dapure dāte sure dutiahye. <sup>11</sup> Sa dāte sure tuhāsa, waparo mehna tiquiro dapure ne cāhtahye tiquina. Herodia maconore tiquiro dapure tiquina ohogū, ticoro pehe ticoro pacorore yuhduoahye tja.

<sup>12</sup> Tiquina sa yeri bato Ñu buheyequina ahta, tiquiro pagure masa coperu nea cūahye. Sa cū tuhāsa, tiquina tire Jesure yahuye wihiri.

*Cinco mil masare ihyaye ohoahye Jesu*  
(Mr 6.30-44; Lc 9.10-17; Jn 6.1-14)

<sup>13</sup> Tiquina sa ni yahugū tūhoro, Jesu usā mehna yucūsapu sajā, masa marienopu siho wahari. Jesu topu wahagū tūhoye, masa tiquina ye macaripu ijiriquina ahta, mahapu tiquirore nunū tā cāa wahari. <sup>14</sup> Sa yero usā wahā sari bato tiquiro peyequina masare ihñano, paja ihñari tiquinare. Sa paja ihñano tiquina mehna cjēna dohatiyequinare yuhdugū yeri. <sup>15</sup> Ñamicahapu usā tiquiro buhena tiquirore ohō saha nii:

—Ñamicahapu waharo nine. Ohō masa marienopu ijire. Sa yegū macaripu masare tiquina ihyatire dú dutiya tiquina pohe tiatire, nimi usā tiquirore.

<sup>16</sup> Jesu yuhtiri usāre:

—Wahaeracāhdo tiquina. Mūsa basita ihyayero ohoya tiquinare, nidi usāre.

<sup>17</sup> —Ihcā omope paca pā paca, wahi pūaro to punota ijire usāre, ni yuhtii usā.

<sup>18</sup> —Tire yuhure ne cāhtaya mūsa, nidi usāre.

<sup>19</sup> Tiquiro sa nigū tūhona neau usā. Usā ne sari bato taa bui masare tiquiro daji dutiri. Tiquina dujigū ihcā omope paca pā pacare, pūaro wahire ne, ūhmūsepu ihña mūo, Cohācjūre “Quehnoare”, nidi. Sa ninota pā pacare nuhano, usāre tiquiro buhenare ohori. Tiquiro sa ohogū usā pehe tire masare itii. <sup>20</sup> Sa ye ijipihtiyequina quehnoano ihya, yapi yuhduā wahari. Tiquina yapi wehorire doce pūhuse waro ne cahmecoā, wahpo dapou usā tiquiro buhena. <sup>21</sup> Topu tire ihyariquina mūsa dihtare queogū cinco mil mūsa ijiri. Numia, macanagā gūhū ijiri.

*Jesu aco bui tiniyahye*

(Mr 6.45-52; Jn 6.16-21)

<sup>22</sup> Came usāre tiquiro buhenare Jesu ditara ape sie pahrepu pehāyu dutiri masare tiquiro cohe tiri watoa. <sup>23</sup> Cohe ti tuhāsa, cūnūpu mūja, Cohācjūre sinino wahahye. Ñamine topu tiquiro ihcāquiota ijiahye. <sup>24</sup> Ti pjeta ditara decopu yucūsa mehna pehādūcuna nimi usā. Wihnono tutuaro ahta, pahcōri bujūye wahcā, yucū sare quē sajāri. <sup>25</sup> Sa wahagū bohrea mūja tato pano Jesu aco bui tini cāhtari usā cahapu. <sup>26</sup> Usā cahapu tiquiro ahtagū ihñana cue nii usā. Sa cuena sañuducumi usā.

—Yariariquiro mūnāno pagū ijire, ni sañuducumi usā.

<sup>27</sup> Usā sa cuegū ihñano Jesu ohō saha nidi:

—Ne yuhure ihña cueracāhña. Yuhūta ijiaja, nidi usāre.

<sup>28</sup> Tiquiro sa nigū tūhoro Pedro nidi tiquirore:

—Pūhto, potota mūhata ijigū, aco bui yuhure mūhū cahapu ducu cā dutiya, nidi tiquiro.

<sup>29</sup> —Ahtaya, ni yuhtiri tiquiro pehe.

Tiquiro sa nigū Pedro yucū sare dijia, aco bui Jesu cahapu ducu cāmedi. <sup>30</sup> Wihnono tutuaro ahtagū ihñano cueri tiquiro. Sa cuero diha dijiaa wahamedī.

—Yuhure yedohoya pūhto, ni sañuducuri tiquiro Jesure.

<sup>31</sup> Tiquiro sa nigūta tiquiro omocare ñehe, —Mehenogā wacū tutuare mūhū yuhure. ¿Dūhsegū yuhure wacū tutuerajari mūhū? nidi tiquiro Pedrorre.

<sup>32</sup> Tiquiro sa nidi bato yucū sapu sajāri tiquina. Tiquina sa sajāri bato wihnono

yahdua wahari. <sup>33</sup> Sa yena usā tiqiro buhena yucusapu ijina Jesure ño peou.

—Potota muhū Cohācjū machta ijire, ni usā tiqirore.

*Genesare cjēna dohatiyequinare yahduoahye Jesu*

(Mr 6.53-56)

<sup>34</sup> Sa yeri bato pehā, Genesare wame tiri yehrapu esau. <sup>35</sup> To cjēna Jesure ihña masidi. Sa masiñe tiqiro cahapu ijiyequinare dohatiyequinare ne cāhta dutiri. Sa ye tiquina dohatiyequinare tiqiro cahapu ne cāhtari.

<sup>36</sup> —Muhū suhtiro dūhtu caha dihitare usāre ñehe tuhu dutiya, ni sinidi tiquina Jesure.

Sa ye tiqiro suhtirore ñehe tuhuriquinape topequinata quehnoa wahari.

## 15

*Masa ñañequina wahagū yeyere yahuahye Jesu*

(Mr 7.1-23)

<sup>1</sup> Sa ye Jerusalē cjēna, fariseo masa, marie judio masare buheyequina mehna Jesu cahapu wihiye, sinituri tiqirore:

<sup>2</sup> —¿Dūhse ijiro boro mari acaye bucūna munapu tiquina dutirire yerajari muhū buheyequina pehe? Tiquina ihyato pano tiquina dutiriro sahata omo coserare, nidi tiquina Jesure.

<sup>3</sup> Jesu yahtiri tiquinare:

—¿Dūhse yena mari acaye panopu cjēna ye dutiye dihitare yena tana Cohācjū ye dutiye pehere yerajari mūsa pehe? <sup>4</sup> Ohō saha nine Cohācjū: “Mūsa pacūsumuare ño peoya”, nine. Sa yero “Ihcāquiro tiqiro pacūsumuare ñañene quitu dahreriquiro ijiro ti buhiri apequina tiquina wejēa-tiqiro ijirota”, nine Cohācjū. <sup>5</sup> Tiqiro sa niepegūta ohō saha ye dutire mūsa pehe tiquina pacūsumuare yedoho dutierana: Tiquina pacūsumuare ohoborire Cohācjū pehere oho dutire mūsa. Sa ni buhemene mūsa. <sup>6</sup> Sa buhena tiquina pacūsumuare ño peogū yerare mūsa. Mūsa sa yena Cohācjū dutiyere yahduducana nine mūsa, mari acaye panopu cjēna ye dutiye dihitare yena.

<sup>7</sup> Masa tiquina ihñono dihita quehnoano iji mehona ijire mūsa. Cohācjū yere yahu muhtariquiro Isaia mūsa potota yahu ojoahye panopure:

<sup>8</sup> Ahriquina masa yuhare quehnoano yahuducuepeta yuhare ne ño peoerare. <sup>9</sup> Sa ye yuhare tiquina ñu buheye ne dūhseati ijierare. “Cohācjū ye dutiye ijire ahri”, ni meho buhere tiquina ye buheye pehere, ni ojoahye Isaia, nidi Jesu fariseo masare, mari judio masare buheyequina gūhare.

<sup>10</sup> Sa ni tuhasa tiqiro cahapu masare pijio, ohō saha nidi:

<sup>11</sup> —Tūhoya mūsa. Yuhū niñene quehnoano masiña mūsa. Mūsa dūserire sajanē pehe mūsa ihyaye pehe mūsa ñana ijigū yerare. Mūsa ñañe yahuducuye pehe mūsa dūseri wijiaye pehe mūsa ñana ijigū yere, nidi Jesu.

<sup>12</sup> Tiqiro sa ni buheri bato usā tiqiro buhena pehe tiqirore yahuu.

—Muhū sa nigū tūhoye fariseo masa usuari, ni yahuu usā tiqirore.

<sup>13</sup> Tire tūho, ohō saha ni yahtiri usāre:

—Tiquina fariseo masa taa yero saha ijire. Yuhū Pacū uhmūse cjēno ijip-ihtiye oteyere tiqiro oterarire nuhcori mehnata cure, cohānota. Sata yerota tiquinare. <sup>14</sup> Tiquinare sa ihña cāhña mūsa. Tiquina caperi bajueyequina tiquina ihña masiedaro saha ne Cohācjū yere masiedare. Sa ye pecapu wahaeta. Sa masiedapeta apequina masieñequinare buhe duamedi. Sa ye caperi bajueyequina copepu tiquina boraboriro saha tiquina buhenohriquina gūhū pecapu wahaeta, nidi Jesu.

<sup>15</sup> Tiqiro sa nigū tūhoro Pedro nidi:

—Ahri quitire masa tiquina dūseri wijiaye quitire yahu nemoña usāre tja, nidi tiqiro Jesure.

<sup>16</sup> Jesu yahtiri:

—¿Ne, yojopu tūhoerajari mūsa? <sup>17</sup> Masa ihyayere ihyagū tiquina dūseripu sajanē. Sa ye tiquina paapu sajanē, yahdua wahare. Ihyo waro ijire. Mari ihyaye marine ñana wahagū yerare. ¿Ahrirre masiedajari mūsa? <sup>18</sup> Masa dūseripu wijiaye, tiquina yahuducuye pehe tiquina tūhotuyepu ahtare. Tiquina yahuducuye pehe ñañe ijiro, masare ñañequina ijigū yere. <sup>19</sup> Ñañe tūhotuye, masare wejēne, apequiro namono mehna ñano yeye, ñano yeye numia mehna ñano yeye, yaqueye, ni mehoñe, masare ñañe quitu dahreye masa tūhotuyepu ahtare. <sup>20</sup> Ti ñañe pehe masare



ñañequina ijigū yere. Sa yepegūta bucuna yee tirihi sahata masa omo coserapeta tiquina ihyagū ti masare ñañequina ijigū yerare, nidi Jesu.

*Judio masono ijericoro Jesure wacū tutu-ahye*

(Mr 7.24-30)

<sup>21</sup> Sa ni buhe tuhasa, usāre siho wahari tja. Tiro wame tiri maca cahapū Sidō wame tiri maca cahapū esau usā. <sup>22</sup> Usā topū esagū Canaa yehpa cǵono topū ijericoro Jesu cahapū esa, sañuducuri:

—Pūhto, Davi panami iji turiagu masare yuhduoacjū, yūhure paja ihñaña mūhu. Yūhū maco wafīnore cūoro, ña yuhduaro yuhduri ticoro, ni sañuducuri ticoro.

<sup>23</sup> Ticoro sa niepegūta Jesu yūhtierari. Sa yegū ihñana usā tiqiuro buhena pehe tiqiurore ohō saha nimi.

—Waha dutiya ticorore. Ñano cariboro bisiaga, nimi usā.

<sup>24</sup> Usā sa nigū tuhoro yūhtiri ticorore:

—Israe masare Cohācjūre masieñequina dihitare yedoho dutiro ohori yūhū Pacu yūhure, nidi tiqiuro.

<sup>25</sup> Tiquiro sa niepegūta Jesu dahpocāri cahapū dusepe curi mehna quehe sari ticoro.

—Pūhto, yedohoya yūhure, nidi ticoro.

<sup>26</sup> Jesu yūhtiri ticorore.

—Ohō saha ijire ahi: Coā warore wūhu upuro pohne ye ihyayere diayere oho muhtagū quehnoaedare. Israe masa yere ape yehpa cǵenare yūhū oho muhtagū quehnoaedare, nidi Jesu ticorore queoye mehna yahuro.

<sup>27</sup> —Sata ijire pūhto. Sa ijiepegūta diayea gūhū wūhū upuro mesa docapū tiquina ihya site boroyere ihya cohtere tiquina gūhū. Ape yehpa cǵo yūhū ijiepegūta yūhū gūhure yedoho masine mūhū, ni yūhtiri ticoro.

<sup>28</sup> Ticoro sa nigū tiqiuro yūhtiri:

—Numio, mūhū yūhure tutuaro wacū tutuare. Mūhū cahmeno sahata sa waharota, nidi Jesu ticorore.

Tiquiro sa nigūta duita quehnoa wahari ticoro macono.

*Peyequina dohatiyequinare yūhdugū yeahye Jesu*

<sup>29</sup> Sa ni tuhasa usāre siho waha, Galilea wame tiri ditara dūhtū cahapū siho esari tja. Esa, mehenagā cūnure mūja, tū

buipū dujiri. <sup>30</sup> Topū tiqiuro ijigū peyequina masa tini masieñequinare, caperi bajueyequinare, pari yuri wahayequinare, yahuducu masieñequinare, peyequina apequina dohatiyequinare tiqiuro cahapū ne wihiri masa. Ne wihi tuhasa Jesu dahpocāri cahapū duhu cūri tiquina. Tiquina sa duhu cūri bato quehnoa wahagū yeri Jesu tiquinare. <sup>31</sup> Tiquiro sa yegū ihñaña masa ihñā maria wahari. Yahuducu masieñequina tiquina yahuducugū ihñāne, pari yuri wahayequina tiquina quehnoa wahagū ihñāne, tini masieñequina tiquina tinigū ihñāne, caperi bajueyequina tiquina ihñagū ihñāne, ihñā maria wahari tiquina. Sa ye ohō saha nidi:

—Israe masa usā pūhto, Cohācjū tutuagu, quehnoagu ijire, ni ño peori tiquina Cohācjūre.

*Cuatro mil masare ihyayere ohoahye Jesu (Mr 8.1-10)*

<sup>32</sup> Tiquiro sa yeri bato Jesu usāre tiqiuro buhenare ohō saha nidi:

—Ahriquina masa yūhū mehna ihtia deco waro jji tuhasare. Sa ye pohe mariedare tiquinare. Pohe mariedagū ihñagu tiquinare paja ihñaja. “Tiquina mūja ahbayequina, mahapū borari”, nigū tiquinare ihyaye marieno tiquina ye wūhūsepū waha duti dueraja. Sa yegū tiquinare pohe oho duaja, nidi tiqiuro.

<sup>33</sup> Tiquiro sa nigū usā tiqiuro buhena tiqiurore sinituu:

—¿Dūhse mari ohōre masa marienopūre pāre boca ohoboagari mari? nii usā tiqiurore.

<sup>34</sup> —¿Nohope paca pā pacare cūojari mūsa? nidi.

—Siete pā pacare, meheñequinagā wahire cūoja, ni yūhtii usā.

<sup>35</sup> Usā sa nigū tiqiuro masare yehpapū duji dutiri. <sup>36</sup> Tuhasa siete pā pacare, wahigā gūhure ne, Cohācjūre “Quehnoare”, nidi. Sa ninota pā pacare nuha, usāre tiqiuro buhenare ohori. Sa yena usā pehe ti ihyayere masare itii. <sup>37</sup> Sa ye masa tire ihya, yapi yūhdūa wahari. Tiquina yapi wehorire siete pūhuse waro ne cahmeco, wahpou dapou usā. <sup>38</sup> Topū ihyariquinare mūma dihitare queogū cuatro mil waro mūma ijiri. Numia, macanagā gūhū ijiri. <sup>39</sup> Tiquina sa ihya tuhasagū Jesu masare waha duti,

yucusapu sajā, Magadán wame tiri yehpapu usäre siho esari.

## 16

*Fariseo masa, saduceo masa gũhu Cohãcjũ tutuaye mehna ye ihñogũ ihña duamahye (Mr 8.11-13; Lc 12.54-56)*

<sup>1</sup>Sa ye fariseo masa, saduceo masa mehna Jesu cahapu wihiri. Tiquiro ñano yegũ ihña duamedi tiquirore yahusã duaye. Sa ye tiquina tiquirore Cohãcjũ tutuaye mehna ye ihño dutimedi tiquiró masiedagũ ihña duaye, “Cohãcjũ ohoriqiro ijierare”, ni duaye. <sup>2</sup>Tiquina sa ye dutigũ Jesu yuhtiri tiquinare:

—Ñamicahapu uhmũano sohãgũ ihñana “Quehnoari ñami ijirota”, nine msa. <sup>3</sup>Sa yena bohrearo uhmũano sohãgũ, ñicuri deco ijigũ ihñana “Acoro ahtarota”, nine msa. Sa quehnoano masiepenata Cohãcjũ tutuaye mehna msare yũhu ye ihñogũ ihñaepenata ne tire quehnoano masiedare msa. <sup>4</sup>Yojopũ cjẽna ña yũhdueyquina Cohãcjũre ño peo dueyequina Cohãcjũ tutuaye mehna ye ihñogũ ihña duamene. Ye ihñosi yũhu. Cohãcjũ yere yahu muhtariqiro Jona tiquiró duhse waharire masi tuhasare msa. Ti dihitarẽ ihñoutja msare, ni yuhtiri Jesu.

Sa ni yahu tuhasa siho wahaa wahari tja.

*Fariseo masa saduceo masa tiquina ñaũ buheyere yahuahye Jesu (Mr 8.14-21)*

<sup>5</sup>Ditarare usã pehãna, pãre bo cũ cã, pehã tari jii usã. <sup>6</sup>Sa yero Jesu usäre yahuri:

—Quehnoano yeya. Fariseo masa, saduceo masa tiquina ye pã pugũ yeyere ihñana quehnoano yeya. Cuarĩne ti, ni yahuri.

<sup>7</sup>Tiquiro sa nigũ tuhona tuho masiedana, usã basi tire yahuducuu:

—Mari pãre mari ne cãhtaeragũ ihñano sa niaga ahriqiro, nimi usã basi.

<sup>8</sup>Usã sa nidire masino, usäre sinituri:

—¿Dũhsena msa pã borire wacũajari msa? Mehenogã waro yũhure wacũ tutuare msa. <sup>9</sup>¿Yojopũ masiedajari msa? ¿Cinco mil umũare ihcã omope pã pacare yũhu nuha ohorire, numia gũhure yũhu ohorire wacũedagari msa? ¿Nohope puhuse waro msa ne cahmecoa wahpo daporire wacũedagari msa? <sup>10</sup>¿Sa yegũ

siete pã pacare nuha, cuatro mil umũare yũhu ohorire, numia gũhure yũhu ohorire wacũedagari msa? ¿Nohope puhuse waro msa ne cahmecoa wahpo daporire wacũedagari msa? <sup>11</sup>¿Sa yena pã pugũ yeyere yũhu yahugũ duhse yena quehnoano tuhoerajari msa? Sa nigũ pã warore nigũ niedaja. Fariseo masa, saduceo masa tiquina pã pugũ yeyere ihñana quehnoano yeya. Cuarĩne ti, ni yahuri usäre tiqiro.

<sup>12</sup>Tiquiro sa ni yahugũpu usã masii. “Pã pugũ yeye”, nino pã warore nino niedari. Sa nino fariseo masa, saduceo masa tiquina buheyere nino nidi. “Tiquina ye buheyere tuhoeracãhña”, nino nidi.

*Jesu poto Cristo tiquiró ijiyere Cohãcjũ ohoriqiro tiquiró ijiyere yahuahye Pedro (Mr 8.27-30; Lc 9.18-21)*

<sup>13</sup>Sa ye Jesu mehna wahana, Cesarea Filipo wame tiri maca cahapu ijyie macaripũ esau usã. Sa yero macapu sajã sari bato Jesu usäre tiquiró buhenare sinituri:

—¿Noa boro ijagari yũhu, masa yũhure tiquina tuhotugũ? ni sinituri tiquiró.

<sup>14</sup>—“Ñu wame yeriquiro ijire”, nine muhure. Apequina “Elia ijire”, nine. Apequina “Jeremia ijiboaga o apequiro Cohãcjũ yere yahu muhtariquina mehna cjũno munano ijiboaga”, nine, ni yahtii usã tiquirore.

<sup>15</sup>—¿Msa pehe msa tuhotugũ noa boro ijagari yũhu? ni, sinituri tiquiró.

<sup>16</sup>Simo Pedro yuhtiri:

—Mũhu Cristo Cohãcjũ ohorigũ ijire. Cohãcjũ catiriqiro waro macu ijire mũhu, ni yahtiri Simo Pedro.

<sup>17</sup>—Simo Ñu macu mũhu bucuegũ ijire. Ohõ saha ni mũhu yũhure yuhtiyẽ masa tiquina yahuri ijierare. Yũhu Pacu uhmũse cjũno pehe tire muhure masigũ yeri. <sup>18</sup>Muhure niita niaja. Mũhu Pedro wame tigũ ijire. (Pedro nino utã nino nine.) Ahri utã paa bui tutuari wũhure yũhu yeboriro saha yeequina pehere wacũ tutuayequina ijigũ yeitja yũhu. Sa ye yeequina ne pecapu wahasi. <sup>19</sup>Uhmũse cjũno mari puhtoro ijiro cjã sawire muhure ohoutja. Sa yegũ ahri yehpare mũhu ye dutieragũ uhmũsepu gũhure ye dutisi. Ahri yehpare mũhu ye dutigũ uhmũsepu gũhure ye dutiyẽ ijieta, nidi Jesu.

<sup>20</sup> Tiquiro sa nidi bato usäre tiquiro buhenare ohõ saha nidi:

—Yuhure “Cristo ijire tiquiro”, ni yahu sitenedacãhña apeqinare, ni, dutiri usäre.

*Jesu tiquiro yaria masa wijiatiye yahuahye (Mr 8.31-9.1; Lc 9.22-27)*

<sup>21</sup> Ti pjeta Jesu usäre tiquiro buhenare quehnoano yahu peho ducari:

—Jerusalêpu yuhure waharo cahmene yojopure. Topu judio masa mari bucuna, mari pahia puhto, marine judio masare buheyequina gãhu yuhure ñano yeeta. Yuhure wejêeta. Sata ñano yuhdaro cahmene yuhure. Sa yegũ ihtia deco wahaboro masa wijiaguta, ni yahuri usäre tiquiro.

<sup>22</sup> Tiquiro sa nigũ tuhoro Pedro pehe ape sie cjũngã Jesure ne saduca, tiquirore ohõ saha nidi:

—Puhto, mũhu nino saha sa wahaeracãhdo. Mũhure tiquina wejêdacãhdo, nimesi tiquiro Jesure.

<sup>23</sup> Tiquiro sa nigũ tuhoro Jesu mareduca, tiquirore ohõ saha nidi:

—Satana yero saha yahuducugũ nine mũhu. Sa niedacãhña. Mũhu tuhutuye masa ye ijire. Cohãcjũ ye ijierare. Sa yegũ yuhũ yeatire cahmota duare mũhu, nidi Jesu Pedore.

<sup>24</sup> Tiquiro sa nidi bato usäre yahuri:

—Ihcãquiro yaquiro iji duaro, tiquiro cahmeno ye duamedire duhu cãnota. Sa yero yaquiro tiquiro ijiri buhiri ñano yuhdũeperota yuhure duhusi. Sa yero yeere yeducuriquiro ijirota. <sup>25</sup> Masũno yuhure wacũno marieno tiquiro esa tuhoro tiquiro cahmeno sahata yero, pecapũ waharota. Sa yero yeere masũno sa yeducuriquiro ijipihitiye decori yuhũ mehna uhmũsepu ijirota tiquiro. <sup>26</sup> Ihcãquiro masũno ahri yehpa cjẽne ijipihitiyere cõriquiro Cohãcjũre cahmedaro pecapũ waharo, yabere wapatajari tiquiro? Sa ijiriquiro ne wapataerare. Pecapũ tiquiro jeripohna wahagũ ne duhse wapa ye wioro basioerare. <sup>27</sup> Yuhũ masũ Cohãcjũ ohorigu yeequina angele mehna ahri yehpapũ tojoa tagu yuhũ Pacu asi siteye mehna tojoa tagu ijipihitiyequina masare tiquina ñahe yeri buhiri buhiri dahreitja. Tiquina quehnoañe pehere yegũ quehnoano yeitja tiquinare.

<sup>28</sup> Ijirota musare yahutja. Ihuẽquina musa

ohõpũre ijina musa yariato pano yuhure yahu puhto sajãgũ ihñanata, ni yahuri Jesu.

## 17

*Jesu tiquiro pagure comesahye*

*(Mr 9.2-13; Lc 9.28-36)*

<sup>1</sup> Sa ye seis decori bato Jesu Pedore, Santiagore tiquiro bahuro Ñu gãhure uhmũanũ cunũpu tiquina dihitare piji mũjari. <sup>2</sup> Uhmũanopũ tiquina esari bato tiquina ihñonopũ tiquiro pagure comesahye. Tiquiro wuhdo asũ deco cjũno yero saha asi siteahye. Sa yero tiquiro suhtiro buhrioro yero saha yehsero wahahye. <sup>3</sup> Sa ye Jesu Moise mũnano, Elia mũnano mehna tiquina yahuducugũ ihñahye tiquina ihtiaro buheyequina. <sup>4</sup> Sa yero Pedro Jesure nimahye:

—Puhto, mari ohõpu ijigũ quehnoa duare. Mũhu cahmegũ ihtia wuhugã yeitja. Mũhu ya wuhugã, Moise ya wuhugã, Elia ya wuhugã yeitja, nimahye tiquiro.

<sup>5</sup> Tiquiro sa ni yahuducuri watoa ehmeo quehnoano asiye ehmeo tiquinare cahmota hye. Sa wahagũ ehmeo watoapũ yahuducuyẽ bisiro ca tahye.

—Ahriquiro yuhũ macũ yuhũ cahĩniquiro ijire. Tiquiro mehna bucueaja. Tiquirore tuhoya, ni yahuducuro ca tahye.

<sup>6</sup> Sa nigũ tuhoye tiquiro buheyequina tuhõ maria waha, yehpapũ doque quehe sahye. <sup>7</sup> Tiquina sa wahari bato Jesu tiquina cahapũ esa, tiquinare buacarero, ohõ saha niahye:

—Wahcãducaya musa. Yojopũre musa ihñarire, musa tuhori gãhure cueracãhña, niahye tiquiro tiquinare.

<sup>8</sup> Tiquiro sa nigũ tiquina ihña wahcõ, Jesu dihitare ihñahye. Tiquina ihñariquina pehe mariedahye.

<sup>9</sup> Sa ye cunũpu tiquina dijia tagũ Jesu tiquinare tutuaro mehna niahye:

—Mianogãta yuhũ sa waharire apeqinare yahueracãhña. Yuhũ masũ Cohãcjũ ohorigu yuhũ yaria masa wijiari batopũ tire apeqinare yahuya musa, niahye Jesu.

<sup>10</sup> Tiquiro sa nidi bato Pedro gãhu tiquirore sinituahye:

—“Cristo masare yuhdũoatiquiro tiquiro ahtato pano Eliare ahta mũhtano cahmene”, nine marine judio masa

buhyequina. ¿Duhse ijero boro sa niajari tiquina? ni sinituahye tiquina tiqiurore.

<sup>11</sup> Jesu yuhtiahye:

—Potota ijire. Eliare ahta muhta dutiri Cohācjū, ijipihiyere quehno muhtatiqiurore. <sup>12</sup> Ohō saha nigū musare nigū naja. Elia wihi tuhasari. Tiquiro sa wihiepegūta tiquina tiqiurore ne ihña masiedari. Sa ye tiquina duhse ye duaro yeri jiri tiqiurore. Sata yeeta yuhū gūhure. Yuhū masū Cohācjū ohorigū ijiaja. Tiquina sa yegū ñano yuhdugtja yuhū, niahye Jesu.

<sup>13</sup> Tiquiro sa ni yahugū tiquina quehnoano tuhoahye. “Elia”, nino, Ñu wame yeriqiurore nino niahye. Tire masiahye tiquina.

*Jesu watinore cūriqiurore yuhduoahye (Mr 9.14-29; Lc 9.37-43)*

<sup>14</sup> Sa ye peyequina masa cahapū tiquina dijia tagū ihñano ihcāqiuro umāno Jesu cahapū esa, dusepe curi mehna quehe sari.

<sup>15</sup> —Puhto, yuhū macure paja ihñaña. Tiquiro ñama yariayere dohatiriqiuro ijire. Sa yero ña yuhduaro yuhdure. Peye tahari pecapū bora sa quehea mujare tiqiuro. Ihquē tahari diapū bora ñojoa mujare. <sup>16</sup> Sa yegū muhū buhyequina cahapū tiqiurore ne sami. Tiquina tiqiurore yuhduo masiedari, nidi tiqiuro Jesure.

<sup>17</sup> Jesu yuhtiri:

—Yojorū cjāna, ñana ijire mūsa. Yuhure ne wacū tutuerare. Yoa yuhduari pje musare buhemi yuhū. ¿Noho puno yoari pje yuhure mūsa cariboajari? Tiquirore ne cāhtaya yuhure, nidi Jesu.

<sup>18</sup> Sa yero watinore tiqiuro tuhtigūta watino pehe masūno mehna ijiriqiuro wahaa wahari. Sa wahari batogāta quehnoa wahari tiqiuro.

<sup>19</sup> Came usā tiqiuro buhena usā sehsaro ijina Jesure sinituu:

—¿Duhse usā pehe ahriqiuro pehere watinore cohā masiedari, muhū tuhotugū? ni sinituu usā.

<sup>20</sup> Jesu yuhtiri:

—Yuhure mehenogā wacū tutuare mūsa. Poto musare yahugūta naja. Mostaza capegā meheni pjegā ijire. Ti yero saha Cohācjūre mehenogā mūsa wacū tutuana ohō saha wahagū ye masinata mūsa. Ahdu

cūnure “Sohōpū wahaya”, mūsa nigū, waharota. Cohācjūre sata wacū tutuana, ijipihiyere ye masine mūsa. [ <sup>21</sup> Sa ijiepegūta ahriqiuro boro watinore mūsa cohā duana Cohācjūre tutuaro sinino cahmene musare. Sa ye duana sijiro cahmene musare Cohācjūre sinina tana,] nidi Jesu usāre.

*Pari turi Jesu tiqiuro yaria masa wijiatire yahuahye*

*(Mr 9.30-32; Lc 9.43-45)*

<sup>22</sup> Sa ye Galilea yehparū usā tinigū, Jesu usāre yahuri:

—Yuhū masū Cohācjū ohorigū ijiaja. Masa yuhure ñehe, apeqinapure yuhure ohoeta. <sup>23</sup> Sa tiquina ohori bato yuhure wejēeta. Sa tiquina wejēgū ihtia deco wahaboro masa wijiağūta, ni yahuri tiqiuro usāre.

Tiquiro sa ni yahugū tutuaro bujua witi usā.

*Cohācjū wuhū cjē wapare sinituahye apeqina*

<sup>24</sup> Sa yena Capernaupū sajā sagū, Cohācjū wuhū cjē ijiatire wapa ne cohteyequina Pedro cahapū esa, tiqiurore sinituahye.

—¿Musare buheriqiuro Cohācjū wuhū cjē wapa ijiatire wapa yeajari tiqiuro? ni sinituahye tiquina.

<sup>25</sup> —Wapa yere tiqiuro, ni yuhtiahye Pedro.

Tiquiro sa nidi bato wuhūpū tiqiuro sajāgū Jesu sinitu muhtahye Pedrorre:

—¿Simo duhse ni tuhotuajari muhū? ¿Ahri yehpa cjēna puhto yabequina pehere wapa neajari, muhū tuhotugū? ¿Tiquina mehna cjēnare wapa neajari? ¿O ape yehpa cjēna pehere wapa neajari, muhū tuhotugū? ni sinituahye tiqiuro Pedrorre.

<sup>26</sup> —Ape yehpa cjēna pehere wapa nene, ni yuhtiahye Pedro.

Tiquiro sa nigū Jesu yahuahye:

—Sa yero puhtoro tiqiuro ya yehpa cjēnare wapa nedari. <sup>27</sup> Sa ijiepegūta wapa ne cohteyequinare usuagū ye dueraja mari. Sa yena wapa yenata. Ditarapū wahaya. Topū esa, yohyeri dare doque ñoña. Sa yegū wahi muhure ihyariqiuro weje nuña. Tiquiro duseropū niñero cjoere bocagūta muhū. Ti cjoere queoro wapa tiri cjoere ijirota. Yuhure, muhū gūhure Cohācjū wuhū cjēna tiquina wapa negū quehnoano

queoro esa tuharota ti cjoē. Ti cjoere bocagu mari wapamonore wapa yegu wahaya, niahye Jesu Pedrore.

## 18

*Jesu buheyequina tiquina mehna cjānore pūhto sō duamahye*

(Mr 9.33-37; Lc 9.46-48)

<sup>1</sup>Ti pjere usā tiqiro buhena Jesu cahapu esa, sinituu tiqirore:

—¿Ūhmuse cjāno pūhtoro ijiropure usā mehna cjāno noa wahaboagari pūhtoro? ni sinituu usā.

<sup>2</sup>Usā sa nigū Jesu nijinogāre pijio, tiqirogāre usā caha duhu docori. Duhu doco tuhasa, usāre nidi:

<sup>3</sup>—Poto musare yahugutja. Ahriquina macanagā Cohācjūre tiquina pūhtoro waro tuhoture. Sa yena musa gūhu tiquina yero saha tuhotuna, quehnoañene came-sana, ūhmuse cjāno pūhtoro ijiropure wahanata. Tiquina yero saha tuhotuerana pūhtoro tiqiro ijiropu wahasi musa. <sup>4</sup>Sa yero ūhmuse cjāno pūhtoro ijiropure sa tuhotu cāriqiro ahriqiro nijinogā yero saha tuhoturiqirota apequina bui pūhtoro wahare. <sup>5</sup>Sa yena yeere yena tana ohō saha ijiyequinagāre cahmena, yūhu gūhure cahmene musa, ni yahuri Jesu.

*Ñañene yegū cuarīne*

(Mr 9.42-48; Lc 17.1-2)

<sup>6</sup>Sa yero tiquinare yahu nemori:

—Ahriqirogā yero saha ijiriqiro yūhure wacū tutuariqirogāre yahutja musare. Apeqiro ahriqirogā yero saha ijiriqirore ñañene ye dutiro tiqiro ña yūhdūaro yūhdūrota. Tiquiro wamūare pajiria utāre dūhte yo, pajiri mapu tiqirore cohāgū ñano wahaboaga tiqiro. Sa ijipegūta ahriqirogā yero saha ijiriqirore ñañene ye dutiriqiro tiqiro pehe pajiri mapu tiquina cohāriqiro yūhdūoro ñano yūhdūrota. <sup>7</sup>Masare ñañene yegū yeye ijire. Tire yeye ahri yehpa cjēna ñano yūhdūre. Ñañene yeducure masa. Tiquina sa yegū tiquinare ñañene yegū yeyequina pehe ña yūhdūaro yūhdūeta.

<sup>8</sup>Mūhu omoca mehna ñano yegu ti omocare mūhu dūte cohāboro saha ti ñañene duhuya. Tire duhueragu pecapu wahagūta. Topure ne peca yatierare. Mūhu omocare

mūhu cohāgū ti si dihita butiboaga. Sa yegu mūhu pehe sa bajuri turu ijipegūta came Cohācjū mehna ijigūta. Pua omoca mehna pecapu wahagu mūhu sa wahagū ña yūhdūaboaga. Sa yegu ti ñañene duhuya. Mūhu dahpocā mehna ñano yegu ti dahpocā gūhure mūhu dūte cohāboro saha ti ñañene duhuya. Tire duhueragu pecapu wahagūta. Topure ne peca yatierare. Mūhu dahpocāre mūhu cohāgū ti si dihita butiboaga. Sa yegu sa bajuri turu ijipegūta came Cohācjū mehna ijigūta. Pua dahpocā mehna pecapu wahagu mūhu sa wahagū ña yūhdūaboaga. Sa yegu ti ñañene duhuya. <sup>9</sup>Mūhu capea mehna ñano yegu tiare ore we mūhu cohāboro saha ti ñañene duhuya. Tire duhueragu pecapu wahagūta. Topure ne peca yatierare. Tiare mūhu cohāgū tia dihita butiboaga. Ihcā pehe capea mariedapegūta came Cohācjū mehna ijigūta. Pua capea mehna pecapu wahagu mūhu sa wahagū ña yūhdūaboaga. Sa yegu ti ñañene duhuya, ni yahuri Jesu.

*Oveja butiriqiro queoyere yahuahye Jesu*  
(Lc 15.3-7)

<sup>10</sup>Sa ni tuhasa ohō saha ni yahu nemori:

—Ne, ahriquinagāre macanagāre ihñā tuhtieracāhña. Musare niita niaja yūhu. Tiquinagā yeequina angele tiquinagāre cohteyequina ūhmusepu ijiyequina pehe yūhu Pacu cahapu sa ijiducure. [ <sup>11</sup>Yūhu masu Cohācjū ohorigu ahri yehrapu pecapu wahaboriqinare yūhdūogu tuu nii yūhu,] ni yahuri Jesu.

<sup>12</sup>Sa ni tuhasa tiqiro tuhotuye mehna ohō saha ni queoye mehna buheri usāre.

—Ovejare cohteriqiro cien ovejare cuoriqiro ihcāqiro oveja butia wahagū ohō saha yerota tiquinare cohteriqiro pehe. Apequina ovejare noventa y nueve ovejare tiquina ihyaropu duhu doco, butiriqirore macano waharota. <sup>13</sup>Ijirota nii niaja musare. Tiquirore bocaro bucuero ta tiqiro. Apequina noventa y nueve dūhsayequina mehna bucuero tiqiro. Tiquinare tiqiro bucuero yūhdūoro butiriqiro pehere bocaro tutuaro bucuero ta. <sup>14</sup>Sata mari Pacu ūhmuse cjāno ahriquina ihyo ijiyequina gūhure pecapu tiquina wahagū cahmedare, ni yahuri Jesu.

Mũhũ acayũro mũhũre ñano yegũ ohõ saha ye dutiahye Jesu

(Lc 17.3)

<sup>15</sup> Sa ni tuhasa ohõ saha ni yahu nemori:

—Mũhũ acayũro mũhũre ñano tiqũiro yegũ tiqũiro mehna yahugũ wahaya. Mũsa sehũsaro tire yahuya. Mũhũ sa yegũ tiqũiro mũhũre tuhoboaga. Tiqũiro tuhogũ “Mũhũre ne pari turi ohõ saha yesi yuhũ”, tiqũiro nigũ mũhũ acayũrore pari turi piti tigũ niaga mũhũ. <sup>16</sup> Mũhũre tiqũiro tuho dueragũ pũrita ihcãqũiro mehna waha duagu o pũaro mehna waha duagu tiqũinare piti ti cã, pari turi tiqũirore yahuna wahaya. Mũsa sa yena pũana o ihtiana tiqũirore mũsa yahusãgũ, “Poto tjire”, ni masieta apequina. <sup>17</sup> Sa yena mũhũ mehna cjẽna gũhũre tiqũiro tuho dueragũ ijipihtiyequina Jesu yequina cahmecoãnequinare yahusãna wahaya. Sa yena Jesu yequina cahmecoãnequinare tiqũiro tuho dueragũ ihũana Cohãcjũre ño peo dueriquiro tiqũiro ijiro saha yeya tiqũirore. Wapa ne cohteriquiro tiqũiro ijiro saha yeya tiqũirore.

<sup>18</sup> Jjirota mũsare niita niaja. Ahri yehparũ mũsa Jesu yequina ñañene mũsa ye dutieragũ uhmũsepu gũhũre ye dutisi. Ahri yehparũ mũsa quehnoañene ye dutigũ uhmũsepu gũhũre ye dutiye ijirota.

<sup>19</sup> Pari turi mũsare yahutja ahrire: Mũsa pũana Cohãcjũre sinigũ, mũsa pũana mũsa sinidire ihcãno saha mũsa tuhutugũ yuhũ Pacu uhmũse cjũno tire yerota. <sup>20</sup> Pũaro o ihtiaro yeequina, yeere yeatiqũina tiqũina cahmecoagũ yuhũ tiqũina mehna ijiaja, ni yahuri Jesu.

Cahacjũno apequiro tiqũiro wapamonore tiqũiro bo duerari quitire yahuahye Jesu

<sup>21</sup> Came Pedro Jesu caharũ esa, sinituri:

—¿Pũhto, yuhũ acayũro mũhũ yaquiro peye tahari yuhũre ñano tiqũiro yegũ ihũagu nohope tahari tire bogũtari yuhũ? ¿Siete tahari bogũtari yuhũ? ni sinituri Pedro.

<sup>22</sup> Jesu yũhtiri:

—Siete taharita mũhũre apequiro ñano yerire mũhũ bogũ to wahaerare. Peye tahari mũhũre ñano tiqũiro yegũ gũhũre boya.

<sup>23</sup> Uhmũse cjũno masa pũhtoro tiqũiro ijie ahri queoye yero saha

ijire. Ijipihtiyequina masa pũhtoro tiqũiro cahacjũnare tiqũirore wapamoñequinare wapa ye peho duti duamahye. <sup>24</sup> Tiquina wapamorire tiqũiro queo dũcagũ, tiqũirore dahra cohteyequina pehe pajiro wapamoriquirore tiqũiro caharũ ne cãhtahye. Wapamoriqũiro paji yuhũduaro wapamoahye tiqũiro pũhtoro. <sup>25</sup> Sa yero tiqũiro wapa ye masiedagũ tiqũiro pũhtoro tiqũirore, tiqũiro namonore, tiqũiro pohne cahacjũna sõ, tiqũinare apequinare dua dutimahye. Sa ye ijipihtiye tiqũiro cũoye gũhũre dua dutimahye, tiqũiro wapamonore wapa ye peho dutiro. <sup>26</sup> Tiquiro sa dua dutigũ pajiro wapamoriqũiro pehe dũsepe curi mehna quehe sa, tiqũiro pũhtoro tutuaro siniahye: “Pũhto, yuhũre paja ihũagu cohteniũa. Mũhũre wapa ye pehoutja”, niahye tiqũiro pũhtoro. <sup>27</sup> Tiquiro sa nigũ tuhoro, tiqũirore paja ihũano tiqũiro wapamonore sata bo cãhye.

<sup>28</sup> Tiquiro sa yeri bato wapamoriqũiro pehe waha, apequiro cahacjũnore tiqũirore mehenogã wapamoriqũirore boca sahye. Sa boca saro wamũa ñeheahye tiqũirore. “Yuhũre mũhũ wapamonore wapa ye pehoya”, niahye tiqũiro mehna cjũnore tiqũiro yero saha ijiriquirore cahacjũnore.

<sup>29</sup> Tiquiro sa nigũ apequiro cahacjũno pehe dũsepe curi mehna quehe sa, tiqũirore tutuaro sinimahye. “Yuhũre paja ihũagu mehenogã cohteniũa. Mũhũre wapa ye pehoutja”, nimahye apequiro cahacjũno tiqũirore. <sup>30</sup> Tiquiro sa ni siniepegũta yũhtierahye. Sa yero tiqũiro apequiro cahacjũnore peresu ye dutiahye. Tee tiqũiro wapa ye pehogũpũ wioro taro niahye tiqũirore. <sup>31</sup> Pajiro wapamoriqũiro mehenogã wapamoriqũirore tiqũiro sa yegũ ihũa, usua, apequina cahacjũna pehe tiqũina pũhtoro yahusãne wahahye.

<sup>32</sup> Tiquina sa ni yahusãgũ tuhoro tiqũina pũhtoro tiqũina yahusãriqũirore pijio, ohõ saha niahye: “Mũhũ ña yuhũduagu ijire. Mũhũ yuhũre tutuaro sinigũ mũhũ wapamonore bo pehomi yuhũ. <sup>33</sup> Mũhũre yuhũ sa yepegũta mũhũ pehe mũhũre wapamoriqũirore boerañohi. Mũhũ wapamono pehere yuhũ boriro sahata tiqũiro mũhũre wapamono gũhũre mũhũ bogũ quehnoa yuhũduaboaga. ¿Dũhsegu tiqũirore paja ihũedari mũhũ, sa yegũ?”

niahye puhtoro tiquiore. <sup>34</sup> Sa nino tutuaro usua, peresu yeahye tiquiore cahacjūnore. Tee tiquiore wapa ye pehogōpū wioro taro niahye, ni yahuri Jesu.

<sup>35</sup> Sa yero ohō saha ni ahri quitire yahu bato tiri:

—Sata yerota yūhū Pacū ūhmūse cjūno mūsare. Mūsa ijipihtina mūsa acaye mūsare tiquina űano yerire quehnoano mūsa bo pehoeragū tiquiore mūsare buhiri dahrerota, nidi Jesu.

## 19

*Tiquina namosānumiare cohāñene yahuahye Jesu*

(Mr 10.1-12; Lc 16.18)

<sup>1</sup> Tire tiquiore sa ni yahuri bato tiquiore Galileapū ijiriquire Judea yehpapū ūsāre siho wahari. Jordā wame tiri ma ape sie pahrepu esau ūsā. <sup>2</sup> Topū ūsā wahagū peyequina masa ūsāre nūnū tā cāri. Tiquina mehna cjēnare dohatiyequinare yūhdūgū yeri tiquiore.

<sup>3</sup> Sa ye ihquēquina fariseo masa Jesure yahusā duaye, űano tiquiore yahuducugū tūho duaye, tiquiore sinituri:

—¿Mari namosānumiare cohāgū quehnoaboagari? ¿Mari dutiye pehe sata ye dutiagari, mūhū tuhotugū? ni sinituri tiquina.

<sup>4</sup> Jesu yūhtiri:

—¿Cohācjū yere tiquina ojoari pūpū ne ahrire buherari mūsa? Ohō saha ni ojoahye: “Coā waropūre ahri yehpare bajumehnediquire ūmūno, numino gūhūre yeahye”, ni ojoahye. <sup>5</sup> Sa yero ohō saha ni ojoa nemoahye: “Sa yero ūmūno tiquiore pacūsumūre cohā wījīa, tiquiore namono mehna ijirota. Sa ye tiquina pūaro ijiepetā ihcā pagū yero saha ijire. <sup>6</sup> Sa ye tiquina pūaro yero saha ijierare. Ihcā pagū yero saha ijīye nine. Cohācjū tiquiore omoca dūhte dutiyequina ijire. Sa ye tiquinare cahme duhueraro cahmene”, ni ojoahye, nidi Jesu tiquinare.

<sup>7</sup> Tiquiore sa nigū fariseo masa sinituri tja:

—Mūhū ohō saha ni yahuepegūta ohō saha ni ojoahye Moise pehe: “Mūhū namonore cohā duagū papera pūre tire ojoaya. Sa ojoagū ti pūre mūhū namonore mūhū ohori bato ticorore cohā masine mūhū”, ni ojoahye Moise. ¿Mūhū nino saha

ijiepegūta Moise pehe dūhsero ohō saha ni ojoayari? ni yūhtiri tiquina tiquiore.

<sup>8</sup> Jesu yūhti cahmedi tiquinare:

—Cohācjūre mūsa űecusūmūa panopū cjēna tiquina tūho dueragū ihñano tiquina namosānumiare tiquina cohāgū, “Sata wahacūnahdo”, niahye Moise. Tiquiore sa niepegūta coā waropūre ahri yehpare sa ijierari. <sup>9</sup> Mūsare niita nīaja. Masūno tiquiore namono ticoro űano yerapegūta ticorore cohāno, apecorore namo tiro, tiquiore apecoro mehna űano yero nine. [Sa yero ahriquire cohāricorore namo tiriquire gūhū ticoro mehna űano yeriquire ijire,] nidi Jesu.

<sup>10</sup> Tiquina sa nigū tūhona, ūsā tiquiore buhena pehe tiquiore ohō saha nii:

—Sata ūmūno tiquiore namono mehna tiquina cahme cohāedagū mari pehere mari namo tieragū quehnoaboaga, nii ūsā.

<sup>11</sup> Jesu yūhtiri:

—Ihquēquinareta namo ti dutierare Cohācjū. Tiquiore namo ti dutiriquina dihita namo tieta. <sup>12</sup> Ūmūare namo ti dutieraye ihquēgā ijire. Ihquēquina ūmūa numiare cahmeeñequina masa bajuare. Apequina ūmūa masa tiquina apēni tōho tiquina weriquina pehe namo ti masiedare. Apequina ūmūa ūhmūse cjūno tiquina puhtoro yere yedoho duaye, namo tierare. Sa ye ahriquina namo ti dueyequina sata tuhotu cāhñequina, sata tiquina sohtori tigū quehnoare, nidi Jesu ūsāre.

*Macanagā ye ijitiare Cohācjūre sini basahye Jesu*

(Mr 10.13-16; Lc 18.15-17)

<sup>13</sup> Sa ye masa macanagāre Jesu cahapū ne wihiri. Sa ne wihiye, tiquina Jesure tiquiore omocare tiquinagā bui űa peo duti duamedī. Sa ye tiquinagāre Cohācjūre sini basa duti duamedī Jesure. Tiquina sa yegū ihñana ūsā tiquiore buhena tiquinare tuhtimi. <sup>14</sup> Ūsā sa tuhtigū ihñano, ūsāre Jesu ohō saha nidi:

—Macanagā yūhū cahapū ahtaahro. “Waharīsa”, niedacāhña tiquinagāre. Tiquinagā Cohācjūre tiquina puhtoro tuhoture. Sa ye tiquiore ūhmūse cjūno puhtoro ijioropū ahriquinagā yero saha tuhotuyequina ijire topūre, nidi Jesu ūsāre.

<sup>15</sup> Sa ninota tiquiore omocare tiquinagā bui űa peo tuhasa, wahaa wahari.

Doeri cjê upuro Jesure sinituahye  
(Mr 10.17-31; Lc 18.18-30)

<sup>16</sup> Tiquiro sa yeri bato ihcâquiro Jesu cahapu wihi, sinituri tiquirore:

—¿Ne quehnoagu buhegu, ijipihitiye decori Cohâcjû mehna iji duagu, quehnoañene ye duagu dahse yeboagari yahu? nidi tiquiro.

<sup>17</sup> —¿Dahse ijiro boro yuhure quehnoañene sinituajari mahu? Cohâcjû dihita quehnoariquiro ijire. Ijipihitiye decori Cohâcjû mehna iji duagu tiquiro dutiyere yeya, nidi Jesu.

<sup>18</sup> —¿Dise boro dutiye pehere nigu niajari? ni sinitu nemori tiquiro.

Jesu yuhtiri:

—Masare wejêdacâhña. Wuana tieracâhña. Yaqueracâhña. Ni mehoedacâhña. <sup>19</sup> Mahu pacusumare ño peoya. Mahu basi mahu cahño saha mahu cahapu ijiriquiro gâhure cahña. Ahri dutiyere yero cahmene, nidi Jesu.

<sup>20</sup> —Ahri dutiyere ne yuhdudacaera tii yahu. ¿Dahse ye nemoagari yahu ijipihitiye decori Cohâcjû mehna iji duagu? nidi tiquiro Jesure.

<sup>21</sup> Tiquiro sa nigû tuhoro Jesu yahu nemori:

—Mahu ñañe mariegu iji duagu mahu ye ijipihitiye duagu wahaya. Sa duagu ijipihitiye mahu wapatarî niñerure pejesoyequinare ohoya. Mahu sa yegû pajiro mahu ye uhmuseru, Cohâcjû cahapu ijirota. Mahu sa yeri bato yahu mehna cjê ijigû ahtaya, ni yahuri Jesu.

<sup>22</sup> Tiquiro sa nigû tuhoro tutuaro bujua witiri. Tiquiro doeri cjê upuro ijipihitiye cuoriquiro ijiri. Sa yero Jesu yahugû tuhoro tutuaro bujua witiri. Pejesoyequinare oho dueraro waha wahari.

<sup>23</sup> Tiquiro sa wahari bato Jesu usãre tiquiro buhenare yahu nemori:

—Ijirota musare niita naja. Doeri cjê upuro Cohâcjû puhtoro ijirupure tiquirore waharo basioera cjûre. <sup>24</sup> Musare yahu nemoutja: Camello pehe awia copepu tiquiro sajã duagû basioerare tiquirore. Tiquiro sa ijiro yuhduoro doeri cjê upuro Cohâcjûre cahmedaro, Cohâcjû puhtoro ijirupure waharo basioerare, nidi tiquiro.

<sup>25</sup> Tiquiro sa nigû tahona usã tuho maria waha, usã basi ohõ saha nii:

—Aa, dahse tiquiro nino sahata ijigû, ne ihcâquiro masuno Cohâcjû cahapu waha masiedaboaga, nii usã basi.

<sup>26</sup> Usã sa nigû Jesu usãre ihñano, yahuri:

—Masa tiquina esa tuhoro tiquina quehnoano yeri mehna Cohâcjû cahapu waha masiedare. Cohâcjû pehe masare pecapu wahaboriquinare yuhduo masine. Tiquiro ijipihitiye quehnoano ye masi peho cãre, nidi tiquiro usãre.

<sup>27</sup> Tiquiro sa nigû Pedro tiquirore nidi:

—Tuhoriña. Usã pehe usã ye ijipihitiye cû cãu mahu mehna wahana tana. ¿Usã ohõ saha yena, dahse ijiyere wapatanatari usã? nidi tiquiro.

<sup>28</sup> Tiquiro sa nigû tuhoro ohõ saha nidi Jesu:

—Musare niita naja: Pihitiri deco bato ijipihitiye wahma dihita comesaeta. Ti pjepure yahu masu Cohâcjû ohorigu yahu puhtoro yahu dujiropu asi siteropu dujiitja yahu. Topu yahu dujigû musa gâhu doce dujiye pahtaripu puhtoa tiquina dujiye pahtaripu dujinata. Sa yena Israe masare doce cururi cjênare besenata musa quehnoañequina gâhure, ñañequina gâhure. <sup>29</sup> Sa ye yeere yena tana musa wuhserere, musa bahanare, musa pacusumare, musa pohmare, musa weserere curina ijina, pajiro wapatanata. Sa yena ijipihitiye decori Cohâcjû mehna ijinata. <sup>30</sup> Sa ijiepegûta yojopure peyequina puhtoa ijiriquina ti pjepure ihyo ijiequina tojoaeta. Sa ye yojopure peyequina ihyo ijiequina ijimediquina ti pjepure puhtoa comesaeta, ni yahuri Jesu usãre tiquiro buhenare.

## 20

*Uhse wesere dahrayequina queoyere yahuahye Jesu*

<sup>1</sup> Sa ye Jesu pari turi queoye mehna yahu nemori tja:

—Uhmase cjãno masa puhtoro ijire. Wese upuro queoye mehna tiquiro puhtoro ijiyere yahutja musare. Tiquiro wese upuro bohrea quehagû tiquiro ya wesere dahratiquinare pijiro wahahye. <sup>2</sup> “Ihcã cjoie niñeru cjoie wapa yegutja ihcã decore”, niahye tiquinare. “Au”, niahye dahratiquina. Tiquina sa nigû wesepu dahra dutiro ohoahye tiquiro tiquinare. <sup>3</sup> Sa yero decopu nueve ijigû doeri cjê duaropu



wahahye tiqiro. Topu esaro, apequina dahraeyequinare ihñahye. <sup>4</sup> Sa ihñano tiquinare niahye: “Musa gũhu ya wesere dahrana wahaya. Quehnoano wapa yegutja”, niahye tiqiro. <sup>5</sup> Sa ye tiquina wesepu dahraye wahahye. Sa ye wese upuro coheri pje ijigũ, ñamicahapu tres ijigũ gũhure dahra dutiahye. <sup>6</sup> Sa ye ñamicahapu cinco ijigũ doeri cjẽ duaropu tiqiro wahahye tja. Topu esa, apequina dahraeyequinare ihñano, tiquinare niahye: “¿Musa dahse yena nijari dahraerapenata ohõpore?” ni sinituahye tiquinare. <sup>7</sup> “Ne, usãre dahraye mariedare”, ni yuhtiahye tiquina. “Musa gũhu ya wesere dahrana wahaya”, niahye tiquinare. Sa ye tiqiro nidiro sahata tiqiro ya wesere dahraye wahahye.

<sup>8</sup> Sa ye ñamicahapu dahra duhuri pje ijigũ wese upuro tiqiro dahrayequinare coheriquirore ohõ saha niahye: “Dahrayequinare pijiya. Tiquina wihigũ tiquinare wapa yeya. Cameru yuhu dahra dutiriquinare wapa ye muhtaña. Tiquinare wapa ye tuhasa, apequina gũhure wapa ye tuhasa, yuhu dahra duti muhtariquinare wapa ye bato tiya”, niahye tiqiro. <sup>9</sup> Sa yero cinco ijigũ dahra ducayequinare ihcã cjoe niñeru cjoe wapa yeahye. <sup>10</sup> Tiquiro sa wapa yegũ ihñañe, “Usãre paji cjũnogã wapa yerota”, ni tuhotumahye tiqiro duti muhtariquina pehe. Tiquina gũhure ihcãno saha wapa yeahye. <sup>11</sup> Sa ye niñerure tiqiro wapa yegũ tiquina puhtoro mehna usuaye, tiquina basi cahme niahye: <sup>12</sup> “Ahriquina usã batopu tiqiro dahra dutiriquina pehe ihcã horata dahrari. Usã pehe ihcã deco quehnoano dahra nahñoa wahami. Ñano asũ asiri usãre. Usã sa yoari pje dahraepẽgũta usã batopu dahra ducariquina gũhure ihcãno saha wapa yeri tiqiro”, ni usuahye tiquina basi. <sup>13</sup> Ihcãquiro tiquina mehna cjũno tiqiro sa nigũ tuhoro, wese upuro yuhtiahye tiqirore: “Ne yuhu acayũ, ‘Ihcã cjoe niñeru cjoere wapa yegutja’, nimi musare. Yuhu sa nigũ yuhtiri musa. Sa yegu yuhu nidiro sahata musare wapa yei yuhu. Queoro wapa yei musare. Ne yaquerũ musare. <sup>14</sup> Sa yegu yuhu wapa yerire ne, muhu ya wuhupu tojoarisa. Ahriquirore came yuhu dahra dutiriquiro

gũhure musare yuhu wapa yeriro punota wapa yegutja. <sup>15</sup> Yee niñeru ijire ahri. Sa yegu yuhu cahmeno sahata ahri mehna wapa yegutja. ¿Apequinare bui cjũnogã yuhu quehnoano wapa yegũ ihña tuhtijari muhu?” niahye tiqiro wese upuro, ni yahuri ti queoyere Jesu.

<sup>16</sup> Sa nino, yahu nemori tiqiro:

—Ahri queoye nidiro saha came cjã curua iji muhtari curua ijirota ummusepu. Sa ye iji muhtari curua pehe tiquina camerũ cjã curua tojoarota ummusepu, ni yahuri Jesu.

*Pari turi Jesu tiqiro yaria masa wijiatiye yahuahye*

(Mr 10.32-34; Lc 18.31-34)

<sup>17</sup> Sa ye Jerusalẽpu wahaducu, usãre doce tiqiro buhenare pijio tuhasa, ape siepu usãre usã sehsaro neari Jesu. Usã sehsaro usã ijigũ usãre yahuri:

<sup>18</sup> —Tuhoya yuhare. YojoPURE Jerusalẽpu wahana niaja mari. Topu yuhure masure Cohãcjũ ohorigure ñehe, apequinapure yuhure ohoeta. Pahia puhtoare, judio masare buheyequina gũhure yuhure ohoeta. Sa ye yuhure wejẽ dutieta tiquina. <sup>19</sup> Sa wejẽ dutiye, judio masa ijieyequinare yuhure ohoeta. Tiquina sa ohori bato tiquina pehe yuhure bujũpe, tana, curusapu quẽ bihaeta yuhure. Sa yegu yuhu yariari bato ihtia deco wahaboro masa wijiagutja, ni yahuri Jesu usãre.

*Santiago, Ñu mehna tiquina pacoro pehe tiquinare sini basahye Jesure*

(Mr 10.35-45)

<sup>20</sup> Sa ye Zebedeo namono puroro ticoro pohne mehna Jesu cahapu esa, dusepe curi mehna quehe sahye tiqirore sinino taro.

<sup>21</sup> —¿Dahse yuhu yegũ cahmeajari muhu? niahye Jesu ticorore.

—Muhu puhto sajãgu yuhu pohñare dutiyequina sõña. Sa yegu muhu pua peheripu duji dutiya tiquinare, ni siniahye ticoro.

<sup>22</sup> Jesu ohõ saha niahye:

—Musa ñano yuhduatire masiedapenata sa sinine musa. ¿YojoPURE yuhu ñano yuhduato saha musa gũhu ñano yuhdãna ihcãno sahaboagari musa? niahye Jesu ticoro pohñene.

—Ihcãno sahanata, ni yuhtiahye Santiago, Ñu mehna.

<sup>23</sup> —Ijirona niita niaja musare. Yuhū ñano yuhduato saha ñano yuhdunata musa gūhu. Sa ijiepegūta yuhū mehna dutiatiquinare, yuhū mehna dujiatiquinare bese masiedaja yuhū. Yuhū Pacu pehe quehno tuhasari tire. Sa ye tiqiro beseatiquina dihita yuhū poto pehe yuhū cū pehe pehe dujieta, niahye Jesu tiquinare.

<sup>24</sup> Sa yena usā apequina diez tiqiro buhena pehe Santiago, Ñu ahriquina p̄aro mehna usuau usā. Jesure tiquina pacoro ticoro sini basarire tuhona usuau tiquina mehna. <sup>25</sup> Usā sa usuagū ihñano, Jesu usāre ijipihitina tiqiro buhenare piji cahmecoa, yahuri usāre:

—Cohācjūre masieñequina p̄hntoa pehe tiquina masare dutiye, usaro mehna dutire. <sup>26</sup> Musa pehe ne sa yesi musa basi. Musa mehna cjēno p̄hntoro iji duaro, ijipihiteyequina tiqiro mehna cjēna cahacjūno ijiro cahmene tiqirore. <sup>27</sup> Sa yero ijipihiteyequinare dutiritiqiro iji duaro, apequina cahacjūno ijiro cahmene tiqirore. <sup>28</sup> Sata ijigū ijiaja yuhū gūhu. Yuhū masu Cohācjū ohorigu ahri yehpapure masare yedohogu ahtau. Sa yegu peyequina masa ye buhirire yariagu ahtau nii. Sa yegu masare pecap̄u wahaboriquinare yehduogu ahtau nii. Masare dutipegu tagu niedu, nidi Jesu usāre.

P̄aro caperi bajueyequinare ihñagū yeahye Jesu

(Mr 10.46-52; Lc 18.35-43)

<sup>29</sup> Sa ye Jericōp̄u ijirina usā wahagū peyequina masa Jesure n̄n̄u tāri. <sup>30</sup> Sa ye Jesu tiqiro yuhduagū p̄aro caperi bajueyequina maha d̄hntu cahap̄u dujiyequina tuhori. Sa tuhoye, ohō saha ni sañuducuri:

—P̄hnto, Davi m̄n̄ano panami iji turiagu, masare yuhduoacjū, usāre paja ihñaña, ni sañuducuri.

<sup>31</sup> Tiquina sa ni sañuducugū masa pehe tiquinare tuhtiri.

—Dihta mariahña, nidi masa tiquinare.

Tiquina sa tuhtigū tuhoye, to pano tiquina sañuducuriro yuhduoro sañuducu nemori tja.

—Usā p̄hnto, Davi m̄n̄ano panami iji turiagu, usāre paja ihñaña, ni sañuducu nemori.

<sup>32</sup> Tiquina sa nigū tuhoro Jesu esad̄ca, tiquinare pijio, sinituri:

—¿D̄hse yuhū yegū cahmeajari musa? ni sinituri.

<sup>33</sup> —P̄hnto, usāre ihñagū yeya, ni yuhtiri tiquina.

<sup>34</sup> Tiquina sa nigū Jesu tiquinare paja ihñari. Sa paja ihñano tiquina caperire ña peori. Tiquiro sa ña peogūta tiquina pehe ihñaa wahari. Sa ihñañe, tiqirore n̄n̄u tā cāa wahari.

## 21

Jerusalēp̄u esahye Jesu

(Mr 11.1-11; Lc 19.28-40; Jn 12.12-19)

<sup>1</sup> Sa ye Jerusalēp̄u esana tana Betfagē wame tiri macap̄u esa muhtau usā Jesu mehna. C̄n̄u Olivo wame tidu cahap̄u Betfagē ijiri. Topu esaro, usā tiqiro buhena mehna cjēnare p̄aro Jesu tiqiro pano oho muhtari. <sup>2</sup> Ohō saha dutiri tiquinare:

—Si macap̄u burroare nena wahaya. Topu esana, duita burrore ticoro mac̄nogā mehna tiquina d̄hntu docoricore bocanata. Tiquinare boca, yuta dare p̄a, ne cāhta basaya yuhure. <sup>3</sup> Musa sa yegū ihñano, burroa up̄aro “¿D̄hse tana burroare p̄ajari musa?” tiqiro nigū tuhona ohō saha ni yuhtiya. “Mari p̄hntoro burroare cahmedi. Sa yero mianogā wiarota tiqiro”, ni yuhtiya tiqirore, ni duti ohori Jesu p̄aro tiqiro buheyequinare.

<sup>4</sup> Sa yeri Cohācjū yere yahu muhtariqiro tiqiro ni ojoariro sahata. Ohō sahata ni ojoahye panop̄u:

<sup>5</sup> Jerusalē cjēnare ohō saha ni yahuya:

“Ihñaña musa. Musa p̄hntoro musa cahap̄u ahtare. Tiquiro quehnoano masa quehnoariquiro ijire. Burro mac̄nogā bui pesariquiro ahtarota”, ni yahuya Jerusalē cjēnare, ni ojoahye panop̄u.

<sup>6</sup> Jesu tiqiro dutiriquina p̄aro ti macap̄u esa, tiqiro dutiriro sahata yeahye tiquina.

<sup>7</sup> Burrore, ticoro mac̄nogā gūhure ne cāhta, tiquina bui sañañe suhtire tu we ne, burrogā bui duhu peori tiquina. Tiquina sa yeri bato Jesu tiqirogā bui m̄ja p̄jeri, waharo taro. <sup>8</sup> M̄ja p̄je tuhasa, tiqirogā bui Jerusalēp̄u wahari. Tiquiro ahtagū ihñañe masa peyequina tiquina bui cjē suhtire tu we ne, seō cū muhtari tiqiro wahari mahare, Jesure ño peoye. Apequina pehe p̄uri tiye d̄p̄urire mahap̄u cū muhtari tiqirore ño peoye. <sup>9</sup> Sa ye tiqiro pano

wahayequina, tiqiro bato nuna tãñequina mehna sañuducuri:

—Davi panamino iji turiariquirore marine yuhduoatiquirore ño peouhna. Ahriquiro Cohãcjũ ohoriquiro quehnoano ijiaho. Ëhmuse cjũnore “Tutuagũ ijire”, ni ño peouhna, ni sañuducuri masa.

<sup>10</sup> Sa ye Jerusalẽpu tiquina esagũ to cjẽna pehe ihña maria wahari.

—¿Noa ijiajari ahriquiro? ni cahme sinituri tiquina.

<sup>11</sup> Apequina masa yuhtiri:

—Ahriquiro Cohãcjũ yere yahu muhtariquiro Nazare cjũno Jesu wame tiriquiro ijire, ni yahuri tiquina masare.

*Cohãcjũ wuhũpu esahye Jesu*

*(Mr 11.15-19; Lc 19.45-48; Jn 2.13-22)*

<sup>12</sup> Came Cohãcjũ wuhũpu esari Jesu. Ti wuhũpu esa, sajãa wahari. Ti wuhũpu duayequinare, dúyequina gũhũre cohã wiori tiquiro. Sa yero niñeru comesaye mesarire ne majare cũ mũjari. Bujuaare duayequina tiquina dujiye pahtari gũhũre sata yeri. <sup>13</sup> Sa yero tiquinare ohõ saha nidi:

—Cohãcjũ yere tiquina ojoari pũpu ohõ saha nine: “Ya wuhũ Cohãcjũ mehna yahuducuri wuhũ wame tirota”, nimene tiquiro ojoari pũpu. Mũsa pehe ahri wuhũpu duana mũsa basi cahme yaquere mũsa, nidi tiquiro tiquinare.

<sup>14</sup> Tiquiro sa yeri bato caperi bajueyequina, tini masieñequina gũhũ Cohãcjũ wuhũpu tiquiro cahapu wihiri. Tiquina sa wihigũ tiquinare yuhdugũ yeri tiquiro. <sup>15</sup> Sa quehnoañene tiquiro yegũ ihñañe, pahia puhto, marine judio masare buheyequina gũhũ usuari tiquiro mehna. Sa ye macanagã Jesure “Davi panami iji turiagu, masare yuhduoacjũ, tutuagũ ijire mũhũ”, tiquina ni ño peogũ tuhoje usuari pari turi tiquina. <sup>16</sup> Sa usuaye ohõ saha nidi Jesure:

—¿Tiquina sa nigũ tuhoerajari mũhũ? Sa niedacãhdo, ni tuhtiri tiquina Jesure.

—Tiquina sa nigũ tuhoaja. ¿Cohãcjũ ojoari pũpu ahrire ne buherari mũsa?

Macanagã Cohãcjũre quehnoano ño peogũ yeri mũhũ, nine Cohãcjũ yere tiquina ojoari pũpu, nidi Jesu.

<sup>17</sup> Sa ni tuhasa tiquinare cohã cã, Betania wame tiri macapu esa, ti ñamine topu ijiri.

*Jesu higueraque yaria dutiahye*

*(Mr 11.12-14, 20-26)*

<sup>18</sup> Ape deco bohrearopu Jerusalẽpu tojoaro, ujuu ahbari Jesu. <sup>19</sup> Sa ujuu ahbaro, maha duhtu cahapu ijidu higueraque wame tidure ihñano, tu dũcare macano wahamedĩ. Dũca mariedari tu pehe. Pũri dihita ijiri. Tu sa ijigũ ihñano Jesu tũre ohõ saha nidi:

—Ahdũ ne pari turi dũca tisi, nidi tiquiro.

Tiquiro sa nigũta duita tu pehe ñaia wahari. <sup>20</sup> Tu sa wahagũ ihñana usã tiquiro buhena ihña maria wahau.

—¿Yohou, duhsero ahdũ duita ñaia wahajari? ni sinituu usã.

<sup>21</sup> Jesu yuhtiri:

—Ahrire wacũña mũsa. Cohãcjũre quehnoano wacũ tutuaya. “Potota sa yerota tiquiro”, nina, ahdũre yuhũ yeriro sahata ye masinata mũsa gũhũ. Sa yena ahdũre yuhũ yaria dutiriro yuhduoro ye masinata mũsa. Ahdũ cũnũre “Duha ne, pajiri mapu cohãdu ijiaho”, mũsa nigũ duha cohãdu ijirota. <sup>22</sup> Cohãcjũre mũsa wacũ tutuagũ, “Yuhũ sinidiro sahata waharota”, mũsa ni wacũgũ mũsa sinidiro sahata waharota, nidi Jesu usãre.

*Jesure dutiriquirore sinituahye apequina*

*(Mr 11.27-33; Lc 20.1-8)*

<sup>23</sup> Sa ye Cohãcjũ wuhũpu tojoa sa, buheri tiquiro. Tiquiro sa buhegũ pahia puhto, mari judio masa bucũna mehna tiquiro cahapu wihi, sinituri:

—¿Duhsegu canũ ñamicahare sa yeari mũhũ? ¿Noa mũhũre tire sa ye dutiari? ni sinituri tiquina.

<sup>24</sup> Tiquina sa nigũ Jesu yuhtiri:

—Mũsa pehere sinitu muhtagutja. Quehnoano yuhũre mũsa queoro yuhtigũ musare yahutja yuhũ gũhũ. <sup>25</sup> ¿Ñu masare tiquiro wame yegũ noa boro pehe tiquirore wame ye dutiyari, mũsa tuhotugũ? ¿O Cohãcjũ dutierayari? ¿O masa pehe dutiyari, mũsa tuhotugũ? ni sinituri Jesu tiquinare.

Tiquiro sa nigũ tiquina pehe tiquina basi ohõ saha nidi:

—¿Duhse ni yuhtinatarĩ mari? “Cohãcjũ Ñure dutie tiahye”, mari nigũ, “¿Duhseña Ñu tiquiro dutiepegũta tuho duerari mũsa?” niboaga Jesu marine. Sa yena “Cohãcjũ Ñure dutie tiahye”, ni yuhti masiedaja mari. <sup>26</sup> Ahriquina masa pehe “Potota Ñu Cohãcjũ yere yahu

mūhtariquiro ijiri”, ni tūhoturi tiquina. Sa ni tūhotuye “Ŋu tiquiro wame yegū Cohācjū pehe tiquirore dutierahye”, mari nigū tūhoye masa usueta mari mehna. Sa yena ti gūhure yahu masiedaja mari, nidi tiquina basi.

<sup>27</sup> Tiquina sa nidi bato Jesure yūhtiri tiquina.

—Ŋure wame ye dutiriquirore usā masiedaga, nidi tiquina.

Tiquina sa nigū tūhoro ohō saha nidi Jesu:

—Ti pje pūrita yūhū gūhū mūsa sinitu mūhtarire yahueraja mū sare. Yūhū yerire dutiriquirore yahueraja mū sare, nidi tiquiro tiquinare.

Pūaro pacūro queoyere yahuahye Jesu

<sup>28</sup> Tiquiro sa nidi bato Jesu queoye mehna buhe nemori tiquinare:

—¿Ne, dūhse tūhotuajari mūsa ahri queoyere? Pūaro pacūro ijiahye. Wahmino pehere ohō saha niahye tiquiro pacūro: “Macū, wesepū dahragū wahaya”, niahye.

<sup>29</sup> “Wahaeraja”, ni yūhtimahye tiquiro macūno cōā warore. Sa nieperota camerūre wesepū waha duaro ijiahye tiquirore. Sa yero wahahye tiquiro. <sup>30</sup> Sa yero tiquina pacūro tiquiro macūno dūhsariquiro cahapū esa, tiquiro wahminore tiquiro dutiriro sahata wesepū waha dutimahye. “Aū”, nimahye dūhsariquiro. Sa nieperota wahaerahye tiquiro. <sup>31</sup> ¿Diquiro pehe tiquiro pacūro dutiriro sahata yeari? ni sinituri Jesu.

—Tiquiro wahmino pehe yeahye, ni yūhtiri tiquina.

Tiquina sa nigū Jesu yahuri:

—Mū sare niita nijaja. Wapa ne cohteyequina, ūmūa mehna űano yeducuye numia tiquina buipū waro mūsa pehe űa yūhūduana ijire. Sa ye Cohācjū pūhtoro ijirōpūre mūsa esaborirore tiquina pehe mū sare esa mūhtaboaga. <sup>32</sup> Ŋu wame yeriquiro buhero mū sare “Quehnoano yeya”, ni yahumedi. Sa tiquiro yahugū dūhsariquiro pacūrore tiquiro yūhtierariro sahata tiquirore tūhoerari mūsa. Sa yena tiquirore yūhtierari. Wapa ne cohteyequina pehe, ūmūa mehna űano yeducuye numia gūhū tiquirore tūhori. Tiquina sa tūhogū ihūari mūsa. Mūsa sa ihūaepenata tiquirore ne tūho duerari.

Sa yena tūhoerari mūsa, nidi Jesu pahia pahtoare, mari judio masa bucūna gūhure.

*Ŋañequina dahra cohteyequina queoyere yahuahye Jesu*

(Mr 12.1-12; Lc 20.9-19)

<sup>33</sup> Sa ye Jesu pari turi queoye mehna ohō saha ni tiquinare buhe nemori:

—Apeye queoyere tūhoya mūsa. Dihta cūoriquiro ijiahye. Tiquiro ya dihtarū ūhse darire oteahye. Ote tuhasa, sahrīnore ye tuhasa, ūhsere tiquina cahta mutoati copere sehe, ūhmuari wūhugā yeahye.

’Sa yero ti wesere apequinare ihcā pehe pahrē pahma cūahye. Sa yero ti wesere tiquinare ihūa ihbo duti, ape yehpapū waha wahahye tiquiro. <sup>34</sup> Sa ye ūhse űidi pje ijigū wese upūro tiquiro cahacjēnare wesere ihūa ihboyequina cahapū ohoahye. Wese cjē tiquiro oteri dūcare tiquiro ya pahrē cjē dūcare ne dutiro ohomahye. <sup>35</sup> Sa ye wesere ihūa ihboyequina pehe tiquiro cahacjēnare űano yeahye. Ihcāquirore tūtaro quē, apequirore wejē, apequirore utā mehna doqueahye. <sup>36</sup> Came wese upūro pari turi tiquiro cahacjēnare tiquiro oho mūhtariquina yūhūdo cjūno ijiri curuare ohomahye tja. Sa ye wesere ihūa ihboyequina tiquina gūhure mūnanota yeahye tja.

<sup>37</sup> Sa yero tiquiro oho bato tiriquiro tiquiro macūno ijiahye. “Yūhū macū pehere űo peota”, nino tiquirore ohomahye. <sup>38</sup> Tiquiro sa ni tūhotuepegūta wesere ihūa ihboyequina tiquiro macūno ahtagū ihūañe, ohō saha niahye: “Wese upūro macūno ijire ahriquiro. Tiquirore wejēihna mari. Sa yero ahri wese mari ya wese tojoarota”, nimahye tiquina basi. <sup>39</sup> Sa niñeta tiquirore űehe, wese dūhtū cahapū ne cā, wejēahye tiquina tiquirore.

<sup>40</sup> ¿Ne, wese upūro ahtarō dūhse yerotari tiquiro wesere ihūa ihboyequinare? ni sinituri Jesu pahia pūhtoare, bucūna gūhure.

<sup>41</sup> Tiquiro sa nigū tiquina yūhtiri:

—Tiquiro apequinare wesere ihūa ihboatiquinare comesarota iji mūhtañequinare űa yūhūduayequinare wejēno taro. Tiquirore queoro dūcare tu watiquina pehere ihūa ihbo dutirota, ni yūhtiri tiquina.

<sup>42</sup> Tiquina sa nigūta Jesu yahu nemori tiquinare:

—¿Cohācjū yere tiquina ojoari pūpū ahrire yuhure tiqiuro ni ojoarire ne buherari mūsa?

Ahriquiro Cristo utā yero saha ijire. Utāre wūhū dahreyequina tiquina cohāno saha masa tiqiurore cohāeta. Tiquina sa yepegāta yojopure wūhū dahreyequina wūhure yeye tiquina cū mūhtaria utāre tiquina cūno saha Cohācjū tiqiurore pūhtoro sōri. Cohācjū pehe ahrire yeri. Tiquiuro sa yegū ihñana, “Quehnoa yūhduare”, ni, tuhotuaja mari, ni ojoahye panopū.

¿Tire ne buherari mūsa? <sup>43</sup> Mū sare niita njaja yūhū. Cohācjū tiqiuro pūhtoro ijiro mūsa ijato ijiboaga. Tiquiuro pūhtoro ijire apequina pehere mūsa ijiborirore ohorota Cohācjū. Apequina masa pehe tiqiuro dutiro sahata yeeta. [ <sup>44</sup> Ijipihtiyequina tia utā bui doque queheyequinare mūta sitea wahaeta. Sa yero tia utā pehe masūno bui bora pjero mūtaa wahagū yerota tiqiurore. Tiquiuro pagū mūnanore daye manarigā wahagū yerota. (Sata yūhure ño peo dueyequina yūhū buhiri dahreatiquina ñano yūhdueta,) ] nidi Jesu pahia pūhtoare, mari acaye judio masa bucna gūhure.

<sup>45</sup> Ti queoyere tiqiuro nigū tuhoye, “Sohō tiqiuro yahu mūhtari queoye, wesere ihñā ihboyequina queoye mehna marine nino niaga tiqiuro”, ni tuhoturi tiquina. <sup>46</sup> Sa ni tuhotuye, tiqiurore ñehe duamedī. Masa pehe Jesure ño peo, “Cohācjū yere yahu mūhtariquiro ijire tiqiuro”, niñequina ijie tiri tiquina. Tire masiñe, pahia pūhtoa, bucna mehna masare cueye, Jesure ñehedari.

## 22

*Pajiri bosc deco cjē queoyere yahuahye Jesu*

(Lc 14.15-24)

<sup>1</sup> Sa ye pari turi queoye mehna tiquinare buhe dūcari Jesu.

<sup>2</sup> —Uhmūse cjāno pūhtoro ijiro ahrī queoye yero saha ijire. Ihcā yehpa cjēna pūhtoro ijiahye. Sa yero tiqiuro macūno ya deco bosc deco yeahye. Tiquiuro omoca dūhteri bosc deco ijiahye. <sup>3</sup> Sa yero pūhtoro tiqiuro cahacjēnare bosc decore ihñāne ahtatiquinare piji dutiro ohomahye.

Tiquina pehe ahta duerahye. <sup>4</sup> Sa yero apequinare piji dutiro ohomahye tja tiqiuro cahacjēnare. “Yūhū pijioriquinare ohō saha ni yahuya. ‘Mari ihyatire dahre tuhasari. Wecūare, wecūagā dihi tiyequinagā gūhure wejē tuhasari. Sa yero ijipihtiro bosc deco cjē ijiatire quehno tuhasari. Sa yena bosc deco cjēne ihyana ahtaya’, ni yahuya tiquinare”, ni ohomahye pūhtoro tiqiuro cahacjēnare. <sup>5</sup> Tiquina sa yahuri bato tiqiuro pijionohriquina sa tuhotu cāhye. Bosc decore ihñāne wahaerahye. Ihcāquiro tiqiuro ya wesepū wahaa wahahye. Apequiro tiqiuro dahrayere ihñano wahahye. <sup>6</sup> Apequina pehe tiqiuro cahacjēnare ñehe, tiquinare ñano ye, wejē cāhye. <sup>7</sup> Tiquina sa yegū tuhoru, pūhtoro pehe usuahye. Usua, tiquina sa wejēdi buhiri buhiri dahre dutiro tiqiuro surarare ohoahye. Sa ye surara tiquinare wejē peho, tiquina ya macare uñā cāhye. <sup>8</sup> Tiquina sa yeri bato, pūhtoro tiqiuro cahacjēnare ohō saha niahye: “Bosc deco cjē ijiatire quehno tuhasamedī. Sa ijiepegāta yūhū pijio mūhtariquina yūhū bosc decore ihñaboriquina ijierare. Ñāñequina ijiri tiquina. <sup>9</sup> Sa yena macare ijie maharipū dūhse ijieyequina mūsa boca sayequinare bosc decore ihñatiquinare pijiya”, niahye tiqiuro cahacjēnare. <sup>10</sup> Tiquiuro sa nigū tiqiuro cahacjēna maharipū waha, ijipihtiyequinare tiquina boca sayequinare, ñāñequina, quehnoañequina gūhure yahuahye. Tiquina sa pijiri bato esahye tiquina pari. Quehnoano ti bosc deco tiquina yeri tūcūre masa wahpa yūhduā wahahye.

<sup>11</sup> Topū tiquina dūjigū pūhtoro pehe ihcāquirore omoca dūhteri deco cjā suhtirore sañeniquirore ihñahye. <sup>12</sup> “¿Ne yūhū acayū, dūhse yegū omoca dūhteri deco cjā suhtirore sañedapeguta sañā tari mūhū?” ni sinituahye pūhtoro.

Tiquiuro sa sinitugū masūno pehe yūhtierahye. <sup>13</sup> Tiquiuro sa yūhtieragū ihñano tiqiuro cahacjēnare ohō saha niahye: “Ahriquirore omocarine dūhteya. Tiquiuro dahpocāri gūhure dūhteya. Dūhte tuhasa ne wijia, sopecahapū cohāña tiqiurore nahitianopū. Topū tiqiuro tutuaro uti, buñā witiro mehna bahque dihorota”, niahye pūhtoro, ni yahuri Jesu.

<sup>14</sup>Tiquiro sa nidi bato ohō saha ni bato tiri tiquiro:

—Ahri queoye ijiro saha Cohācjū peyequina masa tiquiro pijioriquina ijiepetameheñequinagā tiquiro mehna tojoaeta, ni yahu bato tiri Jesu.

Pūhtoa ye wapare apequina sinituahye Jesure

(Mr 12.13-17; Lc 20.20-26)

<sup>15</sup>Tiquiro sa nidi bato fariseo masa waha, tiquirore tiquina yahusātire tiquina basi yahuducuahye. Tiquiro ñano yuhtigū tūho duaye nimahye tiquirore yahusāñe tehe.

<sup>16</sup>Sa yahuducuye tiquina mehna cjenare, Herode ya curua cjenā gūhure Jesure sinitu dutiye ohoahye. Tiquina pehe Jesu cahapū wihi, tiquirore meje cū sinitumedi:

—Buhegu, poto yahuducugū ni mehoñe mariegu mūhū ijigū masiaja usā. Cohācjū yere queoro mūhū yahugū gūhure usā masiaja. Sa yegū ihcāquiro pūhtoro waro ijiepegūta tiquiro gūhure dōyaro marieno potota yahure mūhū. <sup>17</sup>Sa yegū usāre yahuya. ¿Roma cjenā ijipihtiyequina pūhtoro yere marine wapa yero calmeajari, mūhū tūhotugū? ¿Mari dutiye wapa ye dutiajari, mūhū tūhotugū? ni sinitumedi tiquina Jesure.

<sup>18</sup>Tiquina sa nigū tūhoro tiquirore tiquina ñano ye duayere masino ohō saha nidi:

—Masa ihñono dihita quehnoano jji mehona ijire mūsa. ¿Dūhsena yūhū ñano yahuducugū tūho duajari mūsa? <sup>19</sup>Yojopūre niñeru cjoere pūhtoare wapa yeati cjoere ne cāhtaya. Ti cjoere ihñauhna, nidi tiquiro.

Tiquiro sa nigū tūhoye niñeru cjoere ne cāhtari tiquina.

<sup>20</sup>Sa yero tiquiro sinituri tiquinare:

—¿Noa boro queoye wahñajari ahri cjoere? ¿Noa boro wame wahñajari? ni sinituri.

<sup>21</sup>—César, masa ijipihtiyequina pūhtoro queoye, tiquiro wame gūhū wahñare, ni yuhtiri tiquina.

Tiquina sa nigū tūhoro Jesu yahuri:

—Ti pje pūrita masa ijipihtiyequina pūhtoro yere tiquiro pehere ohoya. Cohācjū yere Cohācjū pehere ohoya, nidi Jesu.

<sup>22</sup>Tiquiro sa nigū tūhoye, tūho maria waha, wahaa wahari.

Saduceo masa Cohācjū tiquiro masoñene sinituahye Jesure

(Mr 12.18-27; Lc 20.27-40)

<sup>23</sup>Sa ye ti decota ihquēquina saduceo masa Jesu cahapū wihiri. Saduceo masa pehe “Cohācjū yariariquinare masosi”, ni tūhotuyequina ijiri. Sa ye ohō saha nidi tiquina tiquirore:

<sup>24</sup>—Buhegu, ohō saha ni buheahye Moise: “Ihcāquiro wahmino namo tiriqiro pohna mariedaperota yariagū ihñano tiquiro baharore tiquiro wahmino namono ijiricorore nūoano cahmene. Sa yero wahmino mūnano tiquiro pohna tiboriro saha pohna tiro cahmene tiquiro baharore. Sa ye tiquiro pohne tiquiro wahmino mūnano pohne yero saha ijietā”, ni ojoahye Moise, nidi tiquina saduceo masa.

<sup>25</sup>Tire sa ni yahu tuhasa ahri queoyere yahu nemori tiquina Jesure:

—Ihcāquiro masuno ijiahye. Seis bahana tiahye tiquiro. Tiquina wahmino pehe namo ti, pohna mariediquiro yariaa wahahye. Sa yero apequiro tiquiro bahuro gūhū tiquiro wahmino namono ijiricorore nūoahye. <sup>26</sup>Sa nūoari bato tiquiro wahmino yero sahata pohna mariedaperota yariaa wahahye tja. Sa yero ahriquiro bahuro tiquiro wahmino mūnano yero sahata pohna mariedaperota yariaa wahahye. Sa dihita wahahye ihcāquiro pohne waro. Ne pohna mariedapeta yaria pih-tia wahahye tiquina. <sup>27</sup>Tiquina namono ijiricoro gūhū tiquina bato yariaa wahahye. <sup>28</sup>¿Cohācjū ijipihtiyequinare yariariquina mūnare tiquiro masogū diquiro boro namono pehe ijiboagari ticoro? Tiquina ijipihtiyequina ticorore namo tiriquina mūna ijiahye. ¿Sa yero diquiro namono pehe ijiboagari ticoro pototi? ni sinituri tiquina.

<sup>29</sup>Jesu yuhtiri tiquinare:

—Cohācjū yere tiquina ojoari pūre, tiquiro masiñe gūhure ne masiedare mūsa. Sa ye mūsa tūhotuye pehe ne poto ijierare. <sup>30</sup>Yariariquina mūna tiquina masa mūjari bato tiquina angele yero saha ijire. Namu marieñequina, manū marieñe numia ijire topure. <sup>31</sup>Yariariquina mūna tiquina masa wijiato pehere mūsare yahutja. ¿Cohācjū mūsare tiquiro nidire ne buherari mūsa? Ohō saha niahye tiquiro. <sup>32</sup>“ ‘Yūhū Abrahā, Isaac, Jacob tiquina pūhto ijiaja’, nine Cohācjū”, ni ojoahye

panopure. Tiquina yariari bato “Tiquina puhto ijiaja”, ni yahuahye Cohācjū. Sa nieperota yariariquina muna puhtoro ijierare Cohācjū. “Tiquina puhto ijiaja”, tiqiuo niñe mehna catiyequina tiquina ijigū masiaja mari. Tiquo catiyequina puhtoro ijire, ni yahuri Jesu tiquinare.

<sup>33</sup>Tiquo sa ni buhegū tuhoye peyequina masa tuho maria wahari.

*Quehnoa yuhduari dutirore yahuahye Jesu*

(Mr 12.28-34)

<sup>34</sup>Sa ye saduceo masa Jesure tiquina yahti masiedagū tuhoye, fariseo masa pehe tiqiuo cahapu cahmecoari. <sup>35</sup>Sa yero tiquina mehna cjūno marine judio masare buheriquo pehe Jesu tiqiuo ñano nigū tuho duaro meje cū sinitumedi tiqiuore.

<sup>36</sup>—¿Buhegū, Cohācjū ye dutiro quehnoa yuhduari dutiro noho pehe ijiajari, mahu tuhohogū? ni sinituri tiqiuo.

<sup>37</sup>Jesu tiqiuore yahtiri:

—“Tutuario masa jeripohna mehna, masa tutuaye mehna, quehnoano masa wacūñe mehna Cohācjūre cahñña”, nine Cohācjū. <sup>38</sup>Ahuri dutirota ijire quehnoa yuhduari dutiro apeye dutiye yuhduoro. <sup>39</sup>Ahuri dutiro bato apero dutiro quehnoa yuhduare: “Mahu basi mahu cahño saha mahu cahapu ijiiyequina gūhure cahñña”, nine Cohācjū. <sup>40</sup>Ahuri pu dutirota apeye dutiye gūhure masi pehogū yere. Ahuri pu dutirore yena, ijipihtiye apeye dutiyere ye pehona niaja mari. Cohācjū yere yahu mahtariquina panopu tiquina ojoari gūhure yena niaja mari, ni yahuri Jesu.

*Cristo Davi mūnano puhtoro ijire*

(Mr 12.35-37; Lc 20.41-44)

<sup>41</sup>Sa ye fariseo masa topu cahmecoañe-quina tiquina ijigū Jesu tiquinare sinituri:

<sup>42</sup>—“Cristo Cohācjū tiqiuo ohoatiqiuo ijire”, nine masa. ¿Noa boro ijiajari tiqiuo ñecūno mūnano panopu cjūno, masa tuhohogū? nidi tiqiuo.

—Cristo Davi mūnano panamino iji turiariquo ijirota, ni yahtiri tiquina.

Jesu yahuri:

<sup>43</sup>—¿Cristo Davi mūnano panamino iji turiariquo tiqiuo ijigū dahse yero Davi pehe puhtoro tiyari Cristore? ¿Dahse yero sa puhtoro ti dutiyari Espiritu Santo tiqiuore? Ohō saha niahye Davi:

<sup>44</sup>Cohācjū yuhu puhtoro ohō saha nidi: “Ohōpu yuhu poto pehepu dujiya. Sa yegu mahure ihña tuhtiyequinare mahure yuhduaca basautja yuhu”, nidi Cohācjū yuhu puhtoro, ni ojoahye Davi.

<sup>45</sup>Sa ni ojoarota Davi puhtoro tiahye Cristore. ¿Davi Cristo ñecūno iji turiariquo ijiro dahse yero tiqiuo puhtoro tiyari Cristore? Cristo Davi puhtoro ijire, ni yahuri Jesu.

<sup>46</sup>Tiquo sa ni yahugū tiquina tiqiuore ne yahti masiedari. Sa ye to punota sinitu duhu cāri tiquina tiqiuore. Sa ye cueye, pari turi sinituerari tiqiuore.

## 23

*Judio masare buheyequina, fariseo masa gūhu tiquina ñano yeyere yahuahye Jesu*

(Mr 12.38-40; Lc 11.37-54; 20.45-47)

<sup>1</sup>Sa ye peyequina masare, usā gūhure Jesu yahuri tja.

<sup>2</sup>—Marine judio masare buheyequina fariseo masa gūhu Cohācjū dutiye Moisere tiqiuo cūrire yahuyequina ijire tiquina.

<sup>3</sup>Tiquina sa yahuyequina ijigū masare tiquina yahuriro sahata tire ye pehoya masa. Sa yepenata tiquinare ihña cūedacāhña masa. Tiquina buheriro sahata yerare tiquina. <sup>4</sup>Masare peye dutire tiquina. Sa dutiepeta tiquina dutiro saha masa yeragū ihñañe tiquinare yedohoreare. <sup>5</sup>Masa tiquina ihñono dihita quehnoano ye ihñomene tiquina. Cohācjū yere tiquina ojoari pūre tiquina duhu sāñe acarigāre, buju cjuñe acarigāre tiquina wuhdoa bui dahte yori, masare ihña dutiye.

Tiquina omocari gūhure dahte yori. Sa ye tiquina sulhi tu pjeri da bui tiquina ohōri da ehya yuhduari da ijire. Cohācjūre tiquina ño peorire masa pehere ye ihñōñe nimene tiquina. Ti queoro ijierare tiquina sa ye ihñōñe. <sup>6</sup>Sa ye bose decori ijigū puhto tiquina dujiyepu duji duare. Sa ye judio masa mari buheye wuhsepu gūhure quehnoañe dujiye pahtari dihitare cahmene tiquina. <sup>7</sup>Sa ye doeri cjē duaropu apequina puhtoare quehnoano ño peo tiquina sinino saha tiquina piti cagū cahmene tiquina. Tiquinare “Buhegu”, masa tiquina ni pisugū cahmene.

<sup>8</sup>‘Apequina masare pisuye “Buhegu”, niedacāhdo. Masa ijipiltina ihcāno saha

ijina nine. Sa yegu musare buhegu ihcūta ijiaja. <sup>9</sup> Sa yena ahri yehpa cjenare “Mari pacu”, nina tiquinare ño peona niaga. Ne sa niedacāhña. Æhmuse cĵano dihita mari Pacu ijire. Tiquiro dihitare ño peoro cahmene marine. <sup>10</sup> Sa yena masunore “Pũhto”, niedacāhña. Musa pũhto yahu Cristo pehe ihcūta ijiaja. <sup>11</sup> Cahacĵano yero saha musare yedohoriqiro tiquiro ijire musa pũhtoro ijiatiquiro. <sup>12</sup> Ihcāqiro pũhtoro iji duaro tiquirore ihyo ijiriquiro yero saha ijiro cahmene. Sa yero “Ihyo ijigu ijiaja yahu”, ni tahoturiqiro pehe pũhtoro ijirota, ni yahuri Jesu.

*Judio masare buheyequina, fariseo masa mehna tiquina ni mehoñene yahuahye Jesu*

<sup>13</sup> Tiquiro sa nidi bato tiquinare yahu nemori:

—Musa judio masare buhena, fariseo masa gũhu ñano yũhdunata. Masa ihñono dihita quehnoano iji mehona ijire musa. Sijoro saha musa buhegu tũhoye masa pehe Cohācĵũ pũhtoro ijirorpũ wahasi. Musa gũhu topũre wahasi. Sa yena topũre waha duayequinare cahmotare musa.

[ <sup>14</sup> Musa judio masare buhena, fariseo masa gũhu ñano yũhdunata. Masa ihñono dihita quehnoano iji mehona ijire musa. Wape wiha numia ye wũhusere tiquina cũoye gũhũre ehmare musa tiquina numiare. Sa yena yoari pje masa ihñonorpũ Cohācĵũre sini ihñomene musa masare. Musa sa yeri buhiri peyequina yũhdũoro Cohācĵũ buhiri dahrerota musare.]

<sup>15</sup> Musa judio masare buhena, fariseo masa gũhu ñano yũhdunata. Masa ihñono dihita quehnoano iji mehona ijire musa. Pajiri mapũ pehã, yoaro cĵẽ yehparipũ wahare musa, musa dutiyere yeatiquirore macana tana. Musa dutiyere yeatiquirore boca, tiquirore buhere. Musa sa yegũ tiquiro pehe musa yũhdũoro pecapũ waha-tiquiro ijirota.

<sup>16</sup> Musa ñano yũhdunata. Caperi bajueyequina tiquina ihña masieno saha masiena ijire musa. Sa ijiepenata apequinare buhemene musa. Ohõ saha ni buhemene musa: “Cohācĵũ wũhu mehna yũhu nino sahata yeitja”, nidiquiro, tiquiro nidiro sahata yerapegũta quehnoanota”, ni buhemene musa. “Cohācĵũ ya wũhu cĵẽ uru mehna yũhu nino sahata yeitja”,

nidiquiro tiquiro pehere tiquiro nidiro sahata ye sohtori tiro cahmene”, ni ti gũhũre buhemene musa. <sup>17</sup> Caperi bajueyequina tiquina ihña masieno saha masiena ijire musa. Tũho masiena ijire. ¿Dise boro pehere ño peoro cahmeajari? Urure ño peoeraro cahmene. Cohācĵũ pehe ti uru ti wũhũpũ ijigũ quehnoañe ijigũ yere tire. Sa yena ti wũhu pehere ño peoro cahmene musare. Sa ye musa buheye pehe queoro ijierare. <sup>18</sup> Ahri gũhũre buhemene musa: “ ‘Cohācĵũ wũhu cĵã altar mehna yũhu nino sahata yeitja’, nidiquiro tiquiro nidiro sahata yeragũ quehnoanota”, ni buhemene musa. “ ‘Ti altar bui ijieye mehna Cohācĵũre tiquina ohori mehna yũhu nino sahata yeitja’, nidiquiro tiquiro pehere tiquiro nidiro sahata ye sohtori tiro cahmene”, ni buhemene musa. <sup>19</sup> Caperi bajueyequina tiquina ihña masieno saha masiena ijire musa. ¿Dise boro pehe ti waro ijiajari, musa tahotugũ? Cohācĵũre masuno tiquiro ohori ti waro ijiera cĵũre. Ti altar bui Cohācĵũre tiquiro ohogũ, quehnoañe wahare ti altar bui ijieye. Sa yero ti altar pehe ihyo ijiri altar ijierare. Cohācĵũre tiquina ohori bui cĵũnogã quehnoari altar ijire. <sup>20</sup> Sa yero “Cohācĵũ wũhu cĵã altar mehna yũhu nino sahata yeitja”, ihcāqiro nino, ti altar bui cĵẽ tiquiro ohori mehna sa nino niaga. Sa ye musa buheye pehe queoro ijierare. <sup>21</sup> Sa yero “Cohācĵũ wũhu mehna yũhu nino sahata yeitja”, ihcāqiro nino, potota Cohācĵũ mehnata sa ninota niaga. Cohācĵũ ti wũhu cĵũno ijire. <sup>22</sup> Sa yero “Æhmuse mehna yũhu nino sahata yeitja”, ihcāqiro nino, Cohācĵũ ijirorpũ mehnata sa nino niaga. Sa yero Cohācĵũ mehnata sa nino niaga. Tiquiro pehe to cĵũno ijire. Sa ye musa buheye pehe queoro ijierare.

<sup>23</sup> Musa judio masare buhena, fariseo masa gũhu ñano yũhdunata. Masa ihñono dihita quehnoano iji mehona ijire musa. Moa yero saha ijieyere ihyayere ocagũ yeyere cũona mehenogã ohomene musa. Cohācĵũre ño peona tana pahiare ohomene musa. Mehenogã ohomene musa. Menta, anís, comino wame tiye ocagũ yeyere ohomene musa. Sa ohopenata quehnoañene yerare musa. Sa yena masare paja ihñedare musa. Sa yena Cohācĵũre wacũ tutuerare musa. Oteye



dũcare mũa nedire mehenogã pahiare mũa ohogã quehnoare. Sa ohona ohõ saha ye nemoña: Quehnoañene yeya. Sa yena paja ihñaña masare. Sa yena Cohãcjũre wacũ tutuaya. <sup>24</sup> Caperi bajueyequina tiquina ihña masieno saha masiena ijire mũa. Ohõ saha yere mũa: Mũa ye dutiyere ye dutina, ihyo ijiyegã warore dutiyere yere mũa. Sa yepenata Cohãcjũ pototi tiqiro dutiye warore yerare mũa.

<sup>25</sup> 'Mũa judio masare buhena, fariseo masa gãhũ ñano yũhdũnata masa. Masa ihñoño dihita quehnoano iji mehona ijire mũa. Mũa waparire, mũa sihniñe wajarire bui mũa cosero saha quehnoañene ye ihñoore mũa buigã warona. Sa yepenata Cohãcjũ yere queoro yerare mũa. Apequina yere ehmana, mũa basi dihita bujũyere ne duana ijire mũa. Sa dihita tuhature mũa. <sup>26</sup> Caperi bajueyequina tiquina ihña masieno saha masiena ijire mũa fariseo masa. Mũa jeripohnarine comesaya mũa. Quehnoañe pehere yeya. Mũa sa yena masa tiquina ihñoõõpũ quehnoana ijinata mũa.

<sup>27</sup> 'Mũa judio masare buhena, fariseo masa gãhũ ñano yũhdũnata. Masa ihñoño dihita quehnoano iji mehona ijire mũa. Masa cope, yehseye mehna tiquina wisõri cope yero saha ijire mũa. Masa ti copere tiquina ihñagũ quehnoari cope bajure. Sa bajuepegũta, puhiapũ ahbariquirore, tiqiro cohãrine, ñañene ihñedare tiquina. <sup>28</sup> Sata mũa gãhũ masa ihñoõõpũ quehnoañequina yero saha bajumene mũa. Sa quehnoañequina yero saha bajuna mũa ijiepegũta mũa tuhõtuyepũ ñañe, ni mehoñe iji yũhdũare ahbaye yero saha, ni yahuri Jesu.

*Judio masare buheyequina, fariseo masa gãhũre tiqiro buhiri dahreatire yahuahye Jesu*

<sup>29</sup> Sa ni tuhasa ohõ saha ni yahu nemori tiquinare:

—Mũa judio masare buhena, fariseo masa gãhũ ñano yũhdũnata. Masa ihñoño dihita quehnoano iji mehona ijire mũa. Cohãcjũ yere yahu mũhtañequina panõpũ cjẽna tiquina masa coperire quehnoano quehnomene mũa, tiquinare ño peoro saha yena. Sa yena quehnoano yeyequina mũa tiquina queoyere mũa yeri queoyere

quehnoano quehnomene mũa. <sup>30</sup> Sa yena ohõ saha niducumene mũa: “Panõpũre usã ñecusumũa iji turiayequina mũa tiquina yeriro saha usã pehe yeraboaga. Ti pjeõpũ ijieyquinare Cohãcjũ yere yahu mũhtariquinare usã wejẽdaboaga”, niducumene mũa. <sup>31</sup> Sa nina mũa ñecusumũa iji turiayequina Cohãcjũ yere yahu mũhtariquinare wejẽdiquina mũa tiquina yerire ihñoona nine. Tiquinare wejẽdiquina mũa tiquina panamena iji turiana mũa ijieye gãhũre ihñoona nine mũa. <sup>32</sup> Mũa ñecusumũa iji turiayequina mũa tiquina yeriro sahata ye sohorti ticũnahña.

<sup>33</sup> 'Añaã yero saha ña yũhdũana ijire mũa. Mũa ñañe yerire bujũa witi duerana Cohãcjũ mũa ñañe buhirire pecapũ musare tiqiro cohãto pano duhti masiedare mũa. <sup>34</sup> Sa yegũ musare niita niaja. Cohãcjũ yere yahu mũhtariquinare, apequina quehnoano masiñequinare, apequina musare buheatiquinare mũa cahapũ ohoutja. Yũhũ sa ohogũ mũa pehe ihquẽquina tiquinare wejẽnata. Apequinare curusapũ quẽ bihanata. Apequinare mũa buheye wũhũsepũ tananata. Sa yena macaripepũ tiquinare ñano yena, oma nũnũ tãnata mũa. <sup>35</sup> Mũa sa yena ijipihitiyequina ñañe marieñequinare mũa wejẽdi buhiri buhiri tinata. Abe mũnanore Caĩ wejẽdi buhiri ijipihitina mũa gãhũ buhiri tinata. Ijipihitiyequina tiqiro bato ijieyquinare quehnoañequinare tiquina wejẽdi buhiri gãhũre buhiri tinata mũa gãhũ. Sa yena Cohãcjũ wũhũ cahapũ wahiquinare mũa ohori altar cahapũ Zacariare wejẽahye mũa. Tiqiro pehe Berequia macũno ijiahye. Sa yena tiqiro gãhũre mũa wejẽdi buhiri buhiri tinata mũa. <sup>36</sup> Ijirota musare yahuguta niaja. Tiquina ijipihitiyequinare tiquina wejẽdi buhiri yojõpũ cjẽna gãhũ buhiri tieta, ni yahuri Jesu.

*Jerusalẽ cjẽnare tutuaro cahãahye Jesu (Lc 13.34-35)*

<sup>37</sup> Sa ni tuhasa ohõ saha ni nemori:

—Ahyou, Jerusalẽ cjãna, Cohãcjũ yere yahu mũhtariquinare wejẽdina ijire mũa. Mũa acaye panõpũ cjẽna gãhũ sata yeyequina mũa ijiahye. Sa yena mũa cahapũ tiqiro ohoriquinare utã paca mehna doque wejẽdina ijire mũa. Canaca ticoro

pohnene ticoro wäye düpuri mehna ticoro moha cuñano saha peye tahari cahiducumi musare. Musare cahmeme. Musa pehe yuhure ne cahmedari. <sup>38</sup>Yojoṛu musa ya maca cohōri maca ijirota. <sup>39</sup>Ijirota musare niita niaja. Cameṛu ahtaṛtaja yuhū. Sa yuhū ahtagū ihñana musa yuhure “Cohācjū tutuaye mehna ahtariquiro quehnoahdo”, ninata. Yuhure musa tire niato pano yuhū tojoa tato pano pari turi yuhure ihñasi musa, nidi Jesu tiquinare.

## 24

—Cohācjū wuhū cohāri wuhū ijirota, niahye Jesu

(Mr 13.1-2; Lc 21.5-6)

<sup>1</sup>Sa ye Cohācjū wuhūṛu ijiriquiro Jesu tiquiro wijia wihigū usā tiquiro buhena ti wuhure ti wuhū cahapu ijiye wuhuse gūhure ihñana,

—Quehnoa yahduye wuhuse ijicjoare. Ihñaña mūhū gūhū, nii usā tiquirore.

<sup>2</sup>Jesu yuhtiri:

—Ahri wuhusere yojoṛure ihñamene musa. Musare yahugūta niaja. Ahri wuhusere ijipihtiye musa ihñari, ahri wuhuse cjē utā paca gūhure cohā pehoeta. Ne ihcāria utā tojoasi, nidi tiquiro usāre.

*Pihtiri deco ijiatire yahuahye Jesu*

(Mr 13.3-23; Lc 21.7-24; 17.22-24)

<sup>3</sup>Came Olivo wame tidū cunūṛu esa, topū dujiri Jesu. Topū dujigū usā tiquiro buhena usā sehsharo tiquiro cahapu esau.

—Yahuya usāre. ¿Duhse ijigū sa waharotari mūhū nidiro saha waharo? ¿Ahri yehpapū mūhū tojoa tati deco, pihtiatī deco panogā ijigū duhse ti waha ducagū ihñanatarī usā? ni sinituu usā.

<sup>4</sup>Jesu yuhtiri:

—Quehnoano yeya musa. Sa yena musare apequina tiquina ni mehoñene tūhoeracāhña. <sup>5</sup>Peyequina masa “Cristo ijiaja yuhū”, ni mehoñequina ahtaeta. Tiquina sa ni mehogū tūhoye peyequina masa Cohācjū yere duhueta. <sup>6</sup>Musa cahagāṛu masa apequina tiquina cahme wejēgū tūhonata musa. Sa yena yoaropū gūhure tiquina cahme wejēgū tūhoonata musa. Sa tūhoopenata ne tire pajiro wacūedacāhña. Sa waharota. Tiquina sa yegū pihtiatī deco dūhsarīnōta. <sup>7</sup>Ti pjere ihcā yehpa cjēna ape yehpa cjēna

mehna cahme wejēeta. Sa ye ihcāquiro pahutoro yequina apequiro pahutoro yequina mehna cahme wejēeta. Sa ye peyequina masa ūjua mehna yarieta. Sa yero peye yehparipū yehpa ūhūminota. <sup>8</sup>Sa wahagū ahri yehpa cjēnare tiquina ñano yahdu nemoato dūhsarota ti pjere. Ñano yahdu nemoeta.

<sup>9</sup>Ti pjere apequina musare ñehe, ñano ye dutiye ohoeta musare apequina puh-toapure. Tiquina sa ohogū musare wejēeta. Yeequina musa ijiri buhiri ijipihtiye-quina musare ihña tuhtietā. <sup>10</sup>Ti pjere peyequina yeequina ijimediquina yuhure cohāeta. Sa ye tiquina mehna cjēnare tiquina ihña tuhtietā. Sa ye tiquina mehna cjēna tiquina ijiepegūta tiquinare ñano yeatiquinare ohoeta tiquina. <sup>11</sup>Ti pjere peyequina “Cohācjū yere yahu mūhtana ijiaja”, ni mehoñequina ijietā. Sa ye peyequina masa tiquina ni mehoñene tūhoeta. <sup>12</sup>Ti pjere ña yahduaro yeeta masa. Sa ye tiquina mehna cjēnare cahī nemosi. <sup>13</sup>Sa yena musa tutuana ijina, ahri yehpapū musa catinino puno ihcāno sahana, yahduñata musa. <sup>14</sup>Sa yero ahri quehnoañe buheye ijipihitropū ahri yehpapure tiquina yahuri buheye ijirota. Cohācjū pahutoro ijiyere yahuri buheye tiquina yahu siteri buheye ijirota, ijipihitiyequina ti buheyere tiquina masiata saha. Tiquina sa yahuri bato pihtiri deco ducarota.

<sup>15</sup>Cohācjū yere yahu mūhtariquiro Daniel mūnāno panopū cjēno ña yahduariquirore Cohācjū yere ñano yeriquirore yahue tiahye panopure. Ti pjere tiquiro ñariquiro pehe Cohācjū ya wuhūṛu tiquiro ducugū ihñanata musa. Ahri yuhū nidire quehnoano masiña musa. <sup>16</sup>Topū tiquiro ducugū ihñañe, Judea yehpapū ijieyequina pehe cunū cahapu oma duhtiahro. <sup>17</sup>Sojaro mehna oma duhtiahro. Ti pjere tiquina wuhūseri bui cjē paariṛu ijieyequina wuhū puhiaṛu ijiyere tiquina yere ñeñe wahaeracāhdo tiquina ūmūñano waharo. <sup>18</sup>Sa ye ti pjere apequina weseripū ijieyequina tiquina bui cjē suhti wuhūṛu ijieye suhtire ñeñe wahaeracāhdo tiquina ūmūñano waharo. <sup>19</sup>Ti pjere niji pacosānumia, tiquina pohnene apūoñe numia gūhū pejecūoro wahaeta. <sup>20</sup>Sa yena Cohācjūre ohō saha ni siniña: “Pohecu ijigū judio masa usā soye decori ijigū gūhure usā

oma duhtiati deco ijieracãhdo”, ni siniña masa Cohãcjüre. <sup>21</sup> Ti decorire masa ña yuhduaro wahaeta. Ahri yehpare tiquiro bajumehnedi bato masa ñano yuhdæ tiahye. Tiquina sa yuhdæpegütã ijipihtiye ti puriñe yuhduoro pihitiri deco panogã ña yuhduaro yuhdæta masa. Sa ñano tiquina yuhduri bato pari turi sata ñano yuhdusi ahri yehpapu. <sup>22</sup> Cohãcjü ti decorire meheñe decorigã ijigü yerota. Tiquiro sa yeragü ne ihcãquiro masano yuhdueraboaga. Sa yero tiquiro beseriquina tiquina yuhduatire meheñe decorigã cünota Cohãcjü.

<sup>23</sup> Ti pjere apequina musare “Ihñaña. Ohõpu ijire Cristo”, tiquina nigü tiquinare tuhoeracãhña. “Topu ijire Cristo”, tiquina nigü tiquinare tuhoeracãhña. <sup>24</sup> “Cristo ijiaja”, ni mehoñequina, “Cohãcjü yere yahu muhtarina ijiaja”, ni mehoñequina ijietã ti pjere. Sa ye Cohãcjü tiquiro beseriquinare ni mehoñe, tiquina bajumehneñene ye ihñoeta. Cohãcjü yequinare Cohãcjüre tiquina cohãgü ye duare tiquina ni mehoñequina. <sup>25</sup> Ahri ijipihtiyere yahuyuaia musare ti sa wahato pano. Sa yena tuhoya musa. <sup>26</sup> Apequina masa musare “Ihñaña. Masa marienõpu ijire Cristo”, tiquina nigü topure ihñaña wahaeracãhña. Sa yena “Ohõpu ahri tucüripu ijire tiquiro”, tiquina nigü tiquinare tuhoeracãhña. <sup>27</sup> Yuhu masu Cohãcjü ohorigu wacüeno mehna tojoa tautja. Uõo miadoqueoro uhmüsere asü muja tarõpu, asü sajãnopu wacüeno mehna ti miadoqueoro saha wacüeno mehna tojoa tautja yuhu. <sup>28</sup> Masa tiquina ñañe yeducuriõpu topu Cohãcjü tiquina ñañe buhiri buhiri dahrerota tiquinare, ni yahuri Jesu.

*Cristo ahri yehpapu tiquiro tojoa tatire yahuahye tiquiro*

(Mr 13.24-37; Lc 21.25-33; 17.26-30, 34-36)

<sup>29</sup> Sa ye tiquinare yahu nemori:

—Ti ñano yuhdæye decori bato asü deco cjüno, ñami cjüno gũhu buhrio duhueta. Tiquina sa wahagü ñahpicoha paca uhmüserepü ijieye paca bora dijia taeta. Sa ye uhmüse cjë yehpari, ñahpicoha gũhu ti sa wahaducurore comesaeta. Sa ye ñuhmieta. <sup>30</sup> Ti pjeta yuhu masu Cohãcjü ohorigu uhmüserepü yuhu bajumehnenore yuhu ihñogü ihñaeta masa. Sa ye ijipihtiye cururi cjëna

utieta. Sa yegu yuhu tutuaye mehna, yuhu asi siteye mehna uhmüano cjë ehmeo cururi bui ahri yehpapure yuhu tojoa tagü ihñaeta tiquina. <sup>31</sup> Corneta bisirota. Sa yegu yeequina angelere ijipihtiõpu ahri yehpapu ohoutja yuhu. Sa ye ijipihtiõpu yeequina yuhu beseriquinare tiquina neeta.

<sup>32</sup> Yojõpüre higueraure tuhotuya musa. Tu queoye mehna musare buheitja. Tu yucugü püri tigü ihñaña, cãhma mehenogã dahsagü masine musa. <sup>33</sup> Sata ahri ijipihtiye yuhu nidire ti sa wahagü ihñaña, yuhu tojoa tato mehenogã ti dahsagü masinata musa. <sup>34</sup> Jirota niita niaja musare. Ti pje cjëna tiquina yariato pano ijipihtiye yuhu nidiro sahata sa wahaerota. Uhmüse, ahri yehpa gũhu pihitia wahaerota. <sup>35</sup> Yuhu yahuducuye pehe ne comesasi. Ijipihtiye yuhu nidiro sahata sa waha sohtori tirota.

<sup>36</sup> Ti decore yuhu tojoa tati decore, ti hora gũhure masiedaja yuhu. Angele gũhu tire masiedare. Masa gũhu masiedare. Yuhu Pacu dihita tire masine.

<sup>37</sup> Noé tiquiro ijiri pje cjëna tiquina ijiriro sahata ahri yehpapu yuhu tojoa tato panogãre sata ijietã masa. <sup>38</sup> Yehpa miniato pano masa ihya, sihni, yeahye. Sa ye ye umã, numia mehna omoca dahteahye. Noé gũhu yucusapu tiquina sajãto pano sa yee timahye masa. <sup>39</sup> Duita tutuaro acoro ahta, wacüeno mehna yehpa minia wahahye. Masa gũhu mini pihitia wahahye. Wacüeno mehna tiquina minidiro saha yuhu masu Cohãcjü ohorigu ahri yehpapure wacüeno mehna tojoa tautja. <sup>40</sup> Ti pjere wesepu puaro dahrayequina ijigü ihcãquiro yuhure cahmediquirore neitja. Sa yero yuhure cahmediquirore topu tojoarota. <sup>41</sup> Ti pjere puaro numia ihcãnopu tiquina trigore ña mutoñequina numia ijigü ihcãcoro yuhure cahmedicorore neitja. Sa yero yuhure cahmedicoro topu tojoarota.

<sup>42</sup> Quehnoano wacü masi cohteya. Yuhu masa puhto, yuhu tojoa tati decore ne masiedare musa. <sup>43</sup> Ahrire wacüña. Yaqueriquiro wuhupü tiquiro sajã yaqueato panore wuhu upuro masino, ti ñami tiquiro cariedaboaga, yaqueriquirore cohtero. Sa yero yaqueriquirore tiquiro ya wuhupü sajã dutieraboaga. Yaqueriquiro tiquiro wacüeno mehna tiquiro ahtariro saha wacüeno mehna ahtaütja yuhu. <sup>44</sup> Sa

yena yeere sa yeducuna yũhũre cohteya. Yũhũ masũ Cohãcã ohorigũ ahri yehpapũ tojoa tagũ wacũeno mehna ahtautja, nidi Jesu.

*Apequiro dahra cohteriquiro tiquiro puhtorore ño peo, apequiro ño peoerare (Lc 12.41-48)*

<sup>45</sup> Sa ye Jesu queoye mehna ohõ saha ni buhe nemori tja:

—Dahra cohteriquiro tiquiro puhtorore ño peoriquiro tuho masiniquiro ijire. Tiquiro sa ijigũ ihñano apequina dahra cohteyequina bui cũre tiquirore tiquiro puhtoro pehe waharo taro. Sa tiquirore cũ tuhasa wahaah wahare puhtoro. Sa yero ihyari pje ijigũ dahra cohteriquiro apequinare ihyayere itire. <sup>46</sup> Came puhtoro tiquiro ya wũhũpũ tojoa wihire. Tiquiro tojoa wihigũ ihñano dahra cohteriquiro pehe tiquiro puhtoro dutiriro sahata ye pehoriquiro ijiro, bucueriquiro ijirota. <sup>47</sup> Ijirota musare niita niaja. Tiquiro sa yegũ ihñano tiquiro puhtoro ijiphtiye tiquiro yere ihña ihboriquiro cũnota tiquirore. <sup>48</sup> Sa yepegũta ñariquiro dahra cohteriquiro pehe “Yũhũ puhtoro bajuerare”, nino, <sup>49</sup> apequina dahra cohteyequinare quẽpe, pajiyo ihya, sihni, queheyequina mehna queherota. <sup>50</sup> Came tiquiro puhtoro wacũeno mehna tojoa tarõta. Ti deco, ti hora gũhũre ne masiedare dahra cohteriquiro. <sup>51</sup> Puhtoro pehe tojoa taro ñariquiro tiquiro ñano yerire tuhorõ, tiquirore tutuaro buhiri dahrerota. Sa yero ni mehoñequina tiquina waharopũ cohãnota tiquirore. Topãre tiquiro tutuaro uti, bujũa witiro mehna bahque dihorota, ni yahuri Jesu.

## 25

Pũa omope nuhmia queoye mehna buheahye Jesu

<sup>1</sup> Sa ye Jesu pari turi queoye mehna ohõ saha ni buhe nemori tja:

—Uhmũse cãjãno puhtoro tiquiro ijire ahri queoye yero saha ijire: Pũa omope nuhmia ijiahye. Ihcã ñami tiquina sihõñe paca mehna omoca dũhteatiqirore piti caye wahahye. <sup>2</sup> Tiquina mehna ihcã omope numia tuho masieñequina numia ijiahye. Apequina numia pehe ihcã omope numia tuho masieñequina numia ijiahye. <sup>3</sup> Tuho masieñequina numia pehe tiquina

sihõñe pacare, pose tiye pacare nemahye. Apee pacare uhse pose tiye pacare ti pihigũ tiquina pioborire nedahye. <sup>4</sup> Tuho masieñequina numia pehe tiquina sihõñe paca uhse pose tiye pacare neahye. Apee paca tiquina pioati paca gũhũre neahye. <sup>5</sup> Sa ye omoca dũhteatiqiro tiquiro bajueragũ tiquina numiare wũjũa purigũ carĩa wahahye. <sup>6</sup> Sa yero ñami decopũ saũuducugũ tuhoahye. “Tuhoaya. Omoca dũhteatiqiro ahtaro ca tare. Tiquirore piti cana ahtaya”, ni saũuducugũ tuhoahye. <sup>7</sup> Tiquiro sa nigũ tuhoaya numia wahcã, tiquina ye sihõñe pacare quehnoahye. <sup>8</sup> Sa ye tuho masieñequina numia pehe apee numia tuho masieñequina numiare ohõ saha niyahye: “Uã sihõñe paca yatiro nine. Sa yena mehenogã musa ye uhsere ohoya uãre”, ni sinimahye tiquina numia. <sup>9</sup> Tiquina sa siniepegũta tuho masieñequina numia ohõ saha yũhtiahye: “Uã ye uhse mari ijiphtinare esa tuhaeraboaga. Sa yena uhse cuoyequinare musa basi dũna wahaya”, ni yũhtiahye tuho masieñequina numia pehe. <sup>10</sup> Sa ye tuho masieñequina numia dũye wahahye. Tiquina sa wahari bato omoca dũhteatiqiro wihiahye. Tiquiro wihigũ ihña tiquina yere quehno tuhasariquina numia tuho masieñequina numia tiquirore piti cahye. Piti ca bõse deco omoca dũhteri decopũ tiquiro mehna ihñane wahahye. Sa ye bõse decore tiquina yeri wũhũpũ apequina mehna numia tiquina sajãri bato, sopecahare biha cãhye. <sup>11</sup> Camepũ tuho masieñequina numia pehe wihimahye. “Puhto, uãre põohña”, nimahye tiquina numia. <sup>12</sup> “Ijirota musare niita niaja. Musare masiedaja yũhũ”, niyahye tiquiro tiquina numiare.

<sup>13</sup> Sa yena tuho masieñequina numia tiquina yere quehnoano quehno tuhasa, tiquina cohteriro saha quehnoana, ñañe mariena iji, cohteya musa gũhũ. Yũhũ tojoa tati decore ti hora gũhũre ne masiedare musa, ni yahuri Jesu.

*Niñeru cjoeri uru cjoeri queoyere yahuahye Jesu*

<sup>14</sup> Sa ni yahu tuhasa queoye mehna ohõ saha ni buhe nemori tja:

—Ti pjere yũhũ tojoa tati pje ahri queoye yero saha ijirota. Wũhũ upuro ijiahye. Tiquiro ape siepũ tinino waharo taro, tiquirore dahra cohteyequinare pijioahye.

Sa yero tiquinare tiquiuro yere cohte duti-ahye.

<sup>15</sup> Sa cohte dutiro tiquina ihbo masino puno tiquinare niñeru cjoerire ohoahye. Ihcãquirore ihcã omope cjoeri wapa bujũye cjoerire uru cjoerire ohoahye. Apequiore pũa cjoe ohoahye. Apequiore ihcã cjoe ohoahye. Tiquinare oho tuhasa, wahaa wahahye. <sup>16</sup> Sa ye ihcã omope cjoeri tiquiuro ohoriqũro duita tiquiuro wahari batota ti cjoeri mehna apee borore dúahye. Tiquiuro dúrĩre apequinare duahye. Tiquiuro duari wapa pũa omope cjoeri wapa yeahye tiquiore. Sa yero pũa omope cjoeri cũoahye. <sup>17</sup> Sa yero pũa cjoe tiquiuro ohoriqũro duita tiquiuro wahari batota ti cjoeri mehna apee borore dúahye. Tiquiuro dúrĩre apequinare duahye. Tiquiuro duari wapa pititia cjoe wapa yeahye tiquiore. Sa yero pititia cjoe cũoahye. <sup>18</sup> Ihcã cjoere tiquiuro ohoriqũro pehe cope sehe, ti cjoere yahye, ti copepũ nũono.

<sup>19</sup> Cãme yoari bato tiquina puhtoro wiahahye. Sa wihiro tiquiuro niñeru cjoeri mehna tiquina ñehe nemorire queoro ahtaro tiquiore dahra cohteyequinare pi-jiõahye. <sup>20</sup> Sa yero ihcã omope cjoeri tiquiuro puhtoro cahapũ esa, yahuahye tiquiore: “Ihcã omope cjoeri yũhũre ohori mũhũ. Ihñaña. Ti cjoeri mehna apeye cjoerire ñehe nemou”, niahye tiquiore. <sup>21</sup> “Quehnoano yeaya mũhũ. Mũhũ quehnoagn, yũhũ dutiriro saha yerĩgũ ijire. Mehenogãre quehnoano yeaya mũhũ. Sa yegũ yojopũre mũhũre pajiro mũhũ dahratire cũtja. Sa yegũ yũhũ mehna bucueya mũhũ”, niahye tiquiuro puhtoro. <sup>22</sup> Sa yero pũa cjoere ñehediquiro puhtoro cahapũ esa, yahuahye tiquiore: “Pũa cjoe yũhũre ohori mũhũ. Ihñaña. Ti cjoeri mehna apeye cjoeri pũa cjoe ñehe nemou”, niahye tiquiuro. <sup>23</sup> “Quehnoano yeaya mũhũ. Mũhũ quehnoagn, yũhũ dutiriro saha yerĩgũ ijire. Mehenogãre quehnoano yeaya mũhũ. Sa yegũ yo-jo-pũre pajiro mũhũ dahratire cũtja. Sa yegũ yũhũ mehna bucueya mũhũ”, niahye tiquiuro puhtoro.

<sup>24</sup> Sa yero ihcã cjoere ñehediquiro puhtoro cahapũ esa, yahuahye tiquiore: “Puhto, mũhũ apequina pehere tutuaro dahra dutĩgũ ijire. Sa tutuaro dahra dutĩgũ ijĩgũ mũhũ basĩ oterapegũta ti ducare

nene mũhũ. <sup>25</sup> Mũhũ sa ijĩgũ mũhũre cuei. Sa cuegũ cope sehe, ti copepũ mũhũ niñeru cjoere nũou. Ihñaña. Ohõpũ ijire mũhũ ya cjoe niñeru cjoe”, niahye tiquiuro. <sup>26</sup> “Mũhũ ñagn, cape bujũgũ ijire. Yũhũ basĩ oterapegũta ti ducare yũhũ negũ ijĩgũ masine mũhũ. <sup>27</sup> Yũhũ sa ijĩgũ ihñaapegũta yũhũ niñeru cjoere niñeru ihbori wũhũpũ ihboboaya mũhũ. Mũhũ sa ihbogũ tiquina ti cjoere wiyepũ apee niñeru oho nemoboaya tiquina”, niahye puhtoro tiquiore. <sup>28</sup> Sa nino apequina tiquiuro dahra cohteyequinare dutiahye tiquiuro: “Niñeru cjoere ehmaña tiquiore. Pũa omope cjoerire cũoriquiro pehere ohoya. <sup>29</sup> Cũoyequinare oho nemoutja. Sa ye pajiro cũoeta. Cũoyequina pehere mehenogã tiquina cũoepẽgũta tire ehmautja. <sup>30</sup> Ahriquiuro dahra cohteriquiro dahseatiquiuro ijjerare. Nahitianopũ ñanopũ cohã cãhña tiquiore. Topũ tiquiuro tutuaro uti, bujũa wĩtiro mehna bahque dihorota”, niahye puhtoro, ni yahuri Jesu.

#### *Buhiri dahreatire yahuahye Jesu*

<sup>31</sup> Sa ye Jesu yahu nemori:

—Yũhũ masũ Cohãcjũ ohorigũ ijipihtiye-quina angele mehna puhto ijĩgũ tagũ, yũhũ puhtoro dujiropũ yũhũ asi siteye mehna dujĩgũtja. <sup>32</sup> Sa yũhũ dujĩgũ, ahri yehpa cãena ijipihtiyequina yũhũ cahapũ cahmecoaeta. Tiquina sa cahmecoari bato pũa curua tu waũtja tiquinare. Ovejare ihña ihboriquiro ovejare, cabra gũhũre tiquiuro tu wariro saha masare tu wa docoutja. <sup>33</sup> Sa tu wagũ oveja yero saha ijĩyequinare quehnoañequinare yũhũ poto pehe bese docoutja. Sa yegũ cabra yero saha ijĩyequinare ñañequinare yũhũ cũ pehe pehepũ bese docoutja. <sup>34</sup> Yũhũ sa yeri bato yũhũ ijipihtiyequina puhto pehe yũhũ poto pehepũ yũhũ bese docoriquinare ohõ saha ni yahutja: “Yũhũ Pacũ musare quehnoano yere. Ahri yehpare bajumehnenopũ musa ye ijiatire tiquiuro puhtoro ijĩrore quehnoyu tuhasari Cohãcjũ. Sa yena yojo-pũre tiquiuro quehnorĩropũre ijina ahtaya. <sup>35</sup> Yũhũ ujuũ ahbagũ musa pehe yũhũre ihyayere ohori. Yũhũ aco wũogũ yũhũre musa sihõri. Mũsa cahapũ yũhũ tinĩgũ yũhũre ihña masiedapenata yũhũre quehnoano piti cari musa. <sup>36</sup> Suhti mariegũ yũhũ ijĩgũ ihñana musa pehe yũhũre suhti sãari. Dohatĩgũ

yuhũ ijigũ masa yuhũre ihñana ahtari. Peresupũ yuhũ ijigũ gũhũre yuhũre ihñana ahtari masa”, niitja quehnoañequinare. <sup>37</sup> Yuhũ sa nigũ tũhoye tiquina yuhũre sinitueta: “¿Pũhto, duhse ijigũ mũhu ẽjua ahbagũ mũhũre ihyayere ohori usã? ¿Duhse ijigũ mũhu aco wũogũ mũhũre sihõri usã? <sup>38</sup> ¿Duhse ijigũ mũhũre ihña masiedapenata mũhũre quehnoano piti cari usã? ¿Duhse ijigũ suhti mariegu mũhu ijigũ mũhũre suhti sãari usã? <sup>39</sup> ¿Duhse ijigũ mũhu dohatigũ o peresupũ mũhu ijigũ gũhũre mũhũre ihñana esari usã?” nieta yuhũre. <sup>40</sup> Tiquina sa ni sinitugũ tũhogũ yuhũ pũhto tiquinare yahutja. “Ijirota musare niita niaja. Ahriquina yeequina mehna cãno ihyo ijiriquireo tiquireo ijiepegũta, tiquireo musa sata yeri. Sa ijiriquireo sa yena, yuhũre yero saha yena nidi musa tiquinare”, ni yahutja.

<sup>41</sup> Quehnoañequinare yuhũ sa ni yahuri bato yuhũ cũ pehe pehepũ ducuyequinare yuhũ ijipihitiyequina pũhto ohõ saha ni yahutja: “Cohãcjũ tiquireo buhiri dahreatina ijire musa. Yuhũ mehna tojoeracãhña. Pecapũ wahaya musa. Ti peca ne yatierare. Watĩno, tiquireo yequina angele gũhũ tiquina ijiatire ti pecare yeri Cohãcjũ. <sup>42</sup> Yuhũ ẽjua ahbagũ musa pehe yuhũre ihyayere ohoerari. Yuhũ aco wũogũ masa yuhũre sihõedari. <sup>43</sup> Yuhũre masiedana musa yuhũre piti caerari. Sa ihña cãri. Suhti mariegu yuhũ ijiepegũta, yuhũre suhti sãedari musa. Dohatigũ yuhũ ijigũ peresupũ yuhũ ijigũ gũhũre sa ihña cãri musa yuhũre”, ni yahutja tiquinare ñañequinare. <sup>44</sup> Yuhũ sa nigũ tũhoye tiquina yuhũre sinitueta: “¿Pũhto, mũhu ẽjua ahbagũ, mũhu aco wũogũ, usã masiedigũ mũhu ijigũ, suhti mariegu mũhu ijigũ, dohatigũ mũhu ijigũ, peresupũ mũhu ijigũ duhse ijigũ usã pehe mũhũre yedohoerari?” ni sinitueta yuhũre. <sup>45</sup> Tiquina sa ni sinitugũ yuhũ tiquinare ohõ saha ni yahutja: “Ijirota musare niita niaja. Ahriquina yeequina mehna cãno ihyo ijiriquireo musa ne yedohoerari. Sa ijiriquireo musa yedohoerana, yuhũreta sa yena nidi musa”, ni yahutja tiquinare. <sup>46</sup> Sa yero tiquinare sa buhiri dahreducurota Cohãcjũ. Ti buhiri dahreye ne pihtisi. Sa ye, quehnoañequina pehe ijipihitiye decori

quehnoano ijieta, ni yahuri Jesu.

## 26

*Pahia pũhto, judio masa bucũna mehna Jesure wejẽ duahye*

(Mr 14.1-2; Lc 22.1-2; Jn 11.45-53)

<sup>1</sup> Ti ijipihitiye tiquireo buhiri bato Jesu usãre tiquireo buhenare yahuri:

<sup>2</sup> —Pũa deco bato pascua ijirota. Tire musa masine. Ti pjere yuhũ masure Cohãcjũ ohorigure ñeheeta. Ñeheñe, yuhũre curusapũ wejẽeta, nidi tiquireo usãre.

<sup>3</sup> Sa ye pahia pũhto, judio masa bucũna gũhu cahmecoahye. Caifa pahia pũhtoro ya wũhũpũ cahmecoahye tiquina. <sup>4</sup> Topũ cahmecoahye, tiquina ni mehoñe mehna Jesure ñehe tiquina wejẽatire cahme yahuye niyahye.

<sup>5</sup> —Bose deco ijigũ tiquireo ñehedacãhña, “Masa usuari”, nina, niyahye tiquina basi.

*Numino ehme sitiye uhse mehna Jesure pio peoahye*

(Mr 14.3-9; Jn 12.1-8)

<sup>6</sup> Ti pjere Simo cami bucũ mũna wihiro ijimediquiro ya wũhũpũ ijiri Jesu. Tiquireo ijiri maca Betania wame tiri maca ijiri. <sup>7</sup> Ti wũhũpũ tiquireo ihyari watoa ihcãcoro numino ehme sitiye ne cãhta, Jesu dapu bui pio peori. Ti ehme sitiye alabastro wame tiriapũ pose tiri. Wapã bujũye co ijiri. <sup>8</sup> Ticoro sa pio peogũ ihñana usã Jesu buhena usuah.

—¿Duhsero ahricoro ahri core wapã bujũyere sa ye siteajari? <sup>9</sup> Ti ehme sitiye duaboaya. Sa duaro pajiro wapã ñeheboaya. Sa ñeheno ti niñerure pejecũoyequinare ohoboaya ahricoro, nii usã tiquireo buhena.

<sup>10</sup> Usã sa ni usuagũ ihñano, Jesu yahuri usãre:

—Sa niedacãhña ticorore. Yuhũre quehnoano yero nine. <sup>11</sup> Pejecũoyequina pehe musa mehna sa ijiducuetã. Sa yena tiquina pehere musa oho masine. Yuhũ pehe ahri yehparũre musa mehna sa ijiducusi. <sup>12</sup> Yuhũre tiquina yato pano yuhũ pagũre quehnoyuro, ticoro yuhũre pio peori. <sup>13</sup> Ijirota musare niita niaja. Ijipihitiye ahri yehparũ quehnoañe buheyere tiquina yahuropũ ahricoro yojopũre ticoro yerire yahueta. Tiquina sa yahugũ tũhoye

ticorore masa peyequina wacūeta, ni yahuri Jesu usāre.

*Juda Iscariote Jesure ihña tuhtiyequinare ihñoahe*

(Mr 14.10-11; Lc 22.3-6)

<sup>14</sup> Ti pjere ihcāquiro usā mehna cjāno Juda Iscariote pahia puhtoah cahapu esahye.

<sup>15</sup> Esa, tiquinare sinituahye.

—¿Jesure musare yuhū ihñogū noho puno wapa yenatari musa? ni sinituahye tiquinare.

Tiquiro sa nigū tiquina tiqiurore treinta cjoeri plata cjoerire ohoahye.

<sup>16</sup> Tiquina sa ohogū Juda pehe Jesure tiqiuro ihñoaati ñamine cohtero niahye.

*Jesu tiqiuro buheyequina mehna tiqiuro ihya bato tiri deco ijiahye*

(Mr 14.12-25; Lc 22.7-23; Jn 13.21-30; 1 Co 11.23-26)

<sup>17</sup> Sa ye pugū yeye moremehneñe pāre tiquina ihyati deco bose deco iji dūcari deco usā tiqiuro buhena Jesu cahapu waha, sinituu tiqiurore:

—¿Noho boropū bose deco ijigū mari ihyatire quehnoyu dutigū ohoutjari mahū usāre? nii tiqiurore.

<sup>18</sup> Usā sa nigū tiqiuro yahtiri:

—Jerusalēpū wahaya. Topū ijiriqiurore ohō saha ni yahuya: “Marine buheriqiuro tiqiuro ñano yuhduati deco mehenogā dahsatjiñohōti. Pascua ijigū mahū ya wuhupū Jesu usāre tiqiuro buhenare siho ihyati ijiñohōti”, ni yahuya ti wuhū uporore, ni ohori Jesu usāre.

<sup>19</sup> Sa yena usāre tiqiuro dutiriro sahata yena, pascua ijigū usā ihyatire quehnou usā.

<sup>20</sup> Sa ye ti ñamine usā mehna doce tiqiuro buhena mehna ihyaro nidi Jesu. <sup>21</sup> Usā ihyari watoa tiqiuro usāre yahuri:

—Ijirota musare niita niaja. Ihcāquiro musa mehna cjāno yuhūre ihña tuhtiyequinare ihñonota yuhūre, ni yahuri tiqiuro usāre.

<sup>22</sup> Tiquiro sa nigū tūhona tutuaro bujua witina, tiqiurore sinitu dūcau usā ijipihtina:

—¿Puhto, yuhūta ijijari mahūre ihñoaču? ni sinituu.

<sup>23</sup> Usā sa ni sinitugū tiqiuro yahtiri:

—Yuhū ihyari papū yuhū mehna soha ihyariqiuro ijire yuhūre ihña tuhtiyequinare ihñoaatiqiuro. <sup>24</sup> Panopū yuhūre tiquina ojoariro sahata yuhū masu

Cohācjū ohorigū yariagutja. Sa yero yuhūre ihña tuhtiyequinare ihñoaatiqiuro ñano yuhduota. Tiquiro pehe masa bajueraro quehnoa yuhduaboaya. Ñano yuhdueraboaya, nidi Jesu.

<sup>25</sup> Tiquiro sa nigūta tiqiurore ihñoaatiqiuro Juda sinituri:

—¿Buhegū, mahūre ihñoaču ijijari yuhū? ni sinituri tiqiuro.

Jesu yahtiri:

—Ūhū. Mūhata ijire, nidi.

<sup>26</sup> Sa ni yahu tuhasa usā tiqiuro buhena mehna ihyaro taro nidi. Sa yero Jesu pāre ne, Cohācjūre “Quehnoare”, nidi. Sa ni tuhasa tire nuha, usāre tiqiuro buhenare itiri.

—Ahrire ne, ihyaya. Ahri yuhū pagū ijire, nidi tiqiuro.

<sup>27</sup> Sa ni tuhasa tiqiuro sihnidi pare ne, Cohācjūre “Quehnoare”, ni, usāre ohori.

—Musa ijipihtina ahrire sihniña. <sup>28</sup> Ahri yuhū dii ijire. Peyequina masa tiquina ñañe yerire cohāgū tagu yariatja. Sa yegū yuhū diire cohātja. Cohācjū “Musare yuhduoutja”, tiqiuro nidiro esagū yuhū yariaro mehna tiqiuro nidiro sohtori tirota.

<sup>29</sup> Musare niita niaja. Yuhū Pacū tiqiuro puhtoro ijirōpū ūhmusepū musa mehna wahma core ūhse core sihniitja. Mari sa sihniato pano ahri core sihni nemosi yuhū, nidi Jesu usāre.

<sup>30</sup> Sa yena Cohācjū yere basa tuhasana cūnpū Olivo wame tidupū wahañ usā.

*Pedro Jesure tiqiuro cohātire yahuahye Jesu*

(Mr 14.26-31; Lc 22.31-34; Jn 13.36-38)

<sup>31</sup> Topū usā esagū Jesu pehe usāre yahuri:

—Mia ñami yuhūre cohā cānata musa.

Ohō sahata nine Cohācjū tiqiuro yere tiquina ojoari pūpū yuhūre yahuro: “Ovejare ihña ihboriqiuro yero saha ijiriqiurore yuhū Cohācjū cohāgutja. Yuhū sa cohāgū tiqiuro yequina oveja yero saha ijিয়ে-quina duhti site cāa wahaeta”, nine Cohācjū tiqiuro yere tiquina ojoari pūpū. <sup>32</sup> Sa yegū Cohācjū yuhūre tiqiuro masori bato musa pano Galileapū wahayutja yuhū, nidi tiqiuro.

<sup>33</sup> Tiquiro sa nigū tūhoro ohō saha nimesi Pedro:

—Yuhū mehna cjēna ijipihtiyequina mahūre tiquina cohāepēgūta yuhū pehe mahūre ne cohāsi, nimesi Pedro tiqiurore.

<sup>34</sup> Jesu yahtiri:

—Ijirota niita niaja mūhare. Mía ñami canaca tiqiro yahuato pano “Yūhu Jesure masiedaga”, niita mūhu. Ihtia taha sa niita mūhu, nidi tiqiro Pedroro.

<sup>35</sup> Tiqiro sa niepegūta Pedro ohō saha ni yūhtiri:

—Mūhu mehna yūhare tiquina wejē duepegūta “Jesure masiedaga”, ne nisi yūhu, ni yūhtimedi Pedro.

Sa yena usā gūhu apequina tiqiro buhena Pedro tiqiro nidiro sahata nimi usā Jesure.

*Getsemaní wame tiri wesepu Cohācjüre siniahye Jesu*

(Mr 14.32-42; Lc 22.39-46)

<sup>36</sup> Sa ye Getsemaní wame tiri wesepu Jesu usā tiqiro buhena mehna waha, topu esa, usāre nidi:

—Ohō dujiyuya. Mūsa ohō dujiri watoa sohō cjūnogāpu Cohācjüre sinigu wahagu niaja, nidi tiqiro usāre.

<sup>37</sup> Sa ni tuhasa, Pedroro, puaro Zebedeo pohnene tiquina ihtiarore piji cāri. Sa yero tiqiro tutuaro bujua witi, ñano jeripohna tiahye. <sup>38</sup> Sa bujua witiro tiqiro mehna cjēnare tiqiro piji cāriquinare ohō saha niahye:

—Tutuaro ñano jeripohna tiaja yūhu. Yūhare tutuaro purīno saha tūhotugu niaja. Sohō cjūnogā wahagu niaja. Ohōpu tojoaya. Sa yena yūhu mehnata carīedacāhña mūsa gūhu, niahye tiqiro tiquinare.

<sup>39</sup> Sa ni tuhasa mehenogā waha nemo, yehrapu quehe sa, Cohācjüre niahye:

—Mai, yūhu ñano yūhduatire ye dueragu yeracāhña. Yūhu sa niepegūta yūhu cahmeno saha yeracāhña. Mūhu pehe masine. Mūhu cahmeno saha yeya yūhare, ni siniahye tiqiro Cohācjüre.

<sup>40</sup> Sa ni tuhasa, ihtiaro tiqiro buheyequina cahapu wihiro, carīnequinare ihñahye. Tiquinare ihñano, Pedroro ohō saha niahye:

—¿Ihcā hora waro yūhu mehna carīegu iji masiedajari mūhu? <sup>41</sup> Quehnoano yeya mūsa. Sa yena Cohācjüre siniducuya mūsa, “Ñano yeari”, nina. Mūsa tūhotuye mehna quehnoañene ye duamene mūsa. Mūsa sehsaro sa ye duepenata tire ye masiedare mūsa, ni yahuahye Jesu.

<sup>42</sup> Sa ni yahu tuhasa, pari turi waha, Cohācjüre siniahye:

—Mai, yūhu ñano yūhduatire ye duagu yeya yūhare. Mūhu cahmeno saha yeya, ni siniahye tiqiro.

<sup>43</sup> Ni, tiqiro buheyequina ihtiaro buheyequina cahapu pari turi wihiahye tja. Sa wihiro carīnequinareta ihñahye tja. Wūjua purī yūhduahye tiquinare.

<sup>44</sup> Sa yero tiquinare cū cā, pari turi waha, Cohācjüre siniahye. To pano tiqiro nidiro sahata niahye tja. <sup>45</sup> Sa ni tuhasa tiqiro buheyequina cahapu wihi, tiquinare ohō saha niahye:

—¿Yojopu pūritare carīnina nijari mūsa? ¿Sorīna nijari mūsa? niahye tiqiro.

Sa ni tuhasa, masa tiquina ahtagū ihñano, ohō saha niahye.

—Tūhoya. Mianogāta yūhu masure Cohācjū ohorigure ñañequinare ohoeta yūhare. <sup>46</sup> Wahcāña. Isa wahana. Ihñaña. Yūhare ihña tuhtiyequinare ihñootiqiro ohōpu ahtare, niahye tiqiro.

*Jesure ihña tuhtiyequina tiqirore peresu yeahye*

(Mr 14.43-50; Lc 22.47-53; Jn 18.2-11)

<sup>47</sup> Tiqiro sa nino watoa usā mehna cjāno ijimediquiro Juda pehe wihiri. Masa peyequina ahtari tiqiro mehna. Tiquina pahia puhto, judio masa bucūna gūhu tiquina ohoriquina ijiri. Noseñe pjīnne, yucu tiāri gūhure cuori. <sup>48</sup> Coā warore Jesure ihña tuhtiyequinare ihñootiqiro masare ohō saha ni yahuyu tuhasahye:

—Yūhu wahsupu ihmidiqirota ijirota mūsa ñeheatiqiro. Tiqirore yūhu ihmidi bato ñeheña tiqirore, niahye Juda tiquinare.

<sup>49</sup> Sa ye wihiro Jesu cahapu duita wahari.

—¿Buhegu, ijijari mūhu? ni, tiqirore wahsupu ihmidi.

<sup>50</sup> Tiqiro sa ihmigū Jesu ohō saha nidi:

—Yūhu acayū, ohōpore mūhu yei tū ahtarire yeya mūhu, nidi tiqiro.

Sa ye tiquina Jesure ñehedi.

<sup>51</sup> Tiquina sa yegū ihñano Jesu mehna cjāno tiqiro ñoseni pjīne tuā we ne, pahia puhtoro cahacjānore cahmonore date pahre cāri. <sup>52</sup> Tiqiro sa yegū ihñano Jesu tiqirore yahuri.

—Mūhu ñoseni pjīne ihboya. Apequinare mūhu ñosegū tiquina ñose cahmegū yariagūta mūhu. <sup>53</sup> Yūhu Pacure



yuhure yuhū yedoho dutigū tiquiro pehe peyequina angelere doce cururire yuhū cahapū ohoboaya tiquiro. ¿Tire masiedajari mūhū? <sup>54</sup> Sa yedohoboriquiro tiquiro ijiepegūta tiquirore yuhure yedoho dutisi yuhū. Yuhū sa dutieragū Cohācjū yere tiquina ojoari pū ti nidiro sahata sa waharota, nidi tiquiro.

<sup>55</sup> Sa ni tuhasa masare yahuri tiquiro:

—¿Duhse ijiro boro mūsa ñoseñe pñini mehna, yucu tiāri mehna yaque bucurore yero saha mūsa yuhure ñehena ahtajari? Decoripe Cohācjū wuhupū masare yuhū buhe dujigū, mūsa yuhure ne ñehedari. <sup>56</sup> Sa ijiepegūta ahri ijipihtiye sa waharo nine Cohācjū yere yahu mūhtariquina tiquina ni ojoariro sahata, nidi Jesu.

Tiquirore tiquina sa ñehegū ihñana usā tiquiro buhena tiquirore cohā oma cāa wahau usā.

*Judio masa puhto Jesure sinituahye*

(Mr 14.53-65; Lc 22.54-55, 63-71; Jn 18.12-14, 19-24)

<sup>57</sup> Sa ye tiquirore ñehediquina pahia puhtoro Caifa wame tiriquire ya wuhupū ne sahye tiquirore. Ti wuhupūta marine judio masare buheyequina, bucuna gūhū cahmeoahye. <sup>58</sup> Topū Jesure tiquina neagū Pedro yoaropū tiquinare ihñana mūnū tāhye. Sa mūnū tāno Caifa ya wuhure cahmotari sahrīnōre esa, ti sahrīno puhīapū sajāa wahahye. Sajā sa, ti wuhure cohteyequina surara mehna dujiahye. Jesure tiquina duhse yegū ihñano taro niahye.

<sup>59</sup> Sa ye pahia puhto, apequina puhto mehna Jesure wejē duti duaye, ni mehoñe mehna tiquirore tiquina ñano buhiri dahreatire wacū macamahye. <sup>60</sup> Tiquina yahusātire wacū bocaerahye. Sa wacū bocaerapeta peyequina masa tiquirore sa ni meho yahusā maca cāhye. Sa ye puaro tiquina bato wihyequina tiquirore yahusāhye tja.

<sup>61</sup> —Ahriquire ohō saha nidi: “Cohācjū wuhure cohā masiaja. Sa cohāgū ihtia deco wahaboro ti wuhure pari turi yeitja”, tiquiro nigū tuhōu usā, ni yahusā maca cāhye Jesure.

<sup>62</sup> Tiquina sa nidi bato pahia puhtoro wahcādūca sa, Jesure sinituahye:

—¿Ahriquina mūhure tiquina yahusāpegūta tiquinare yuhti cahmedajari mūhū? niahye puhtoro.

<sup>63</sup> Tiquiro sa nigū tuhōeperota Jesu sata tuhōtu cāhye. Tiquiro sa yuhtieragū ihñano pahia puhtoro pari turi sinituahye tja:

—Cohācjū catiriquiro wame mehna poto niña mūhū. Mūhū sa niedagū tiquiro mūhure buhiri dahrerota. Yahuya usāre. ¿Cristo Cohācjū macūta ijajari mūhū? ni sinituahye tja.

<sup>64</sup> Tiquiro sa nigūpūta Jesu yuhtiahye:

—Tiquirota ijiaja. Mūsa poto yahugūta niaja. Came yuhū masū Cohācjū ohorigū yuhū Pacū tutuariquire cahapū tiquiro poto pehepū yuhū dujigū ihñanata mūsa. Sa yena uhmūse cjē ehmeo cururi bui yuhū ahtagū gūhure ihñanata mūsa, ni yuhtiahye Jesu.

<sup>65</sup> Tiquiro sa nigū tuhoro pahia puhtoro tiquiro sañari suhtirore tuhōre cāhye apequinare “Usua yuhduare”, ni ihñana masi dutiro.

—Cohācjūre pajiro ñano yahuducuro nine ahriquire. Sa ye tiquiro ñano yahuducuyere tuhō tuhasaja mari. Sa ye topequinata yahusāhō ahriquire. Ohōpūta tiquiro ñano yahuducugū tuhōaja mari basita. <sup>66</sup> ¿Duhse yenatari mari yojopūre ahriquire? ni sinituahye tiquiro apequina puhtoare.

—Tiquiro ñari buhiri wejē cāno cahmene tiquirore, ni yuhtiahye tiquina.

<sup>67</sup> Tiquina sa nidi bato tiquiro wuhdoare sihco puti ohō, tiquirore quēpeahye tiquina. <sup>68</sup> Tiquirore quēpe tuhasa, ohō saha niahye tiquirore:

—¿Noa pehe mūhure quēajari? Cristo ijigū ihñedapeguta yahuya usāre, ni bujipeahye tiquina.

*—Tiquirore masiedaga, niahye Pedro Jesure*

(Mr 14.66-72; Lc 22.56-62; Jn 18.15-18, 25-27)

<sup>69</sup> Sa ye ti wuhū cahapū ijiri paapū quehnoari paapū Pedro pehe dujiahye. Tiquiro sa dujigū ihñano pahia puhtoro cahacjōno tiquiro cahapū esaro, ohō saha niahye:

—Mūhū gūhū Jesu Galilea cjūno mehna ijiri, niahye ticoro.

<sup>70</sup> Ticoro sa nigū tuhoro, Pedro ohō saha niahye:

—¿Duhse ni maca cōo nijari mūhū? Mūhū nidiquirore ne masiedaga yūhū, ni-ahye Pedro ticorore ijipihtiyequina tiquina tūhoropū.

<sup>71</sup> Tiquiro sa nidi bato ti paa cjā sahrīno sopecaha cahapū wahahye Pedro. Topū tiquiro ijigū apecoro cahacjōno tiquirore ihñano, topū ijiyequinare ohō saha niahye:

—Jesu Nazare cjūno mehna ijiri ahriquiro, niahye ticoro Pedore tja.

<sup>72</sup> Ticoro sa nigū tūhoro Pedro yūhtiahye: —Cohācjū mehna poto nii niaja. Tiquiro mūhū nidiquirore ne masiedaga yūhū, ni yūhtiahye Pedro.

<sup>73</sup> Sa ye came cjūno topū ducuyequina Pedro cahapū waha, tiquirore ohō saha niahye tja:

—Poto tjire. Jesu yequina mehna cjū ijire mūhū gūhū. Tiquina yero saha yahuducure mūhū, niahye tiquina Pedore.

<sup>74</sup> Tiquina sa nigū Pedro yūhtiahye:

—Poto Cohācjū mehna nii niaja mūsare. Yūhū poto yūhū niedagū Cohācjū yūhūre buhiri dahreahro. Tiquirore mūsa nidiquirore ne masiedaga yūhū, ni yūhtiahye tiquiro tiquinare.

Tiquiro sa nigūta canaca yahuahye.

<sup>75</sup> Tiquiro yahugū tūhoro Jesu tiquirore nidire wacūahye. “Canaca tiquiro yahuato pano ‘Jesure masiedaga’, niita mūhū. Ihtia taha waro sa niita mūhū”, Jesu tiquirore nidire wacūahye Pedro. Sa wacūno, ti sahrīnore wijia, tutuaro utiahye.

## 27

*Pilato cahapū Jesure neahye*

(Mr 15.1; Lc 23.1-2; Jn 18.28-32)

<sup>1</sup> Sa ye bohrea quehagūpū pahia pūhtoa mari judio masa būsana gūhū Jesure tiquina wejē dutiatire cahme yahuducuahye. <sup>2</sup> Tiquina sa yeri bato tiquirore dūhte, Pilato cahapū nea, tiquirore ohoahye Pilatore. Pilato pehe ti yehpa cjēna pūhtoro ijiri.

*Juda Iscariote yariaa wahahye*

<sup>3</sup> Sa yero Jesure tiquina wejē dutigū ihñano Juda pehe Jesure ihñoriquiro tiquirore tiquiro ihñorire tutuaro wacū būjūa witiahye. Sa būjūa witiro treinta cjoeri tiquiro nehedi niñeru cjoerire wiaro waharo, pahia cahapū, būsana cahapū esa, ohō saha niahye:

<sup>4</sup> —Jesu mūsare yūhū ihñoriquiro ñañe marieniquiro tiquiro ijipegūta tiquina wejē dutiri tiquirore. Sa yegū mūsare tiquirore ihñogū ñano yegū niaya yūhū, ni yahuahye Juda tiquinare.

Tiquiro sa ni yahuri bato tiquina yūhtiahye:

—Sata yecūnahdo. Ūsāre dūhseati ijierare ti mūhū sa niñe. Mūhū dihita sa ni tūhōture tire, ni yūhtiahye tiquina tiquirore.

<sup>5</sup> Tiquina sa ni yūhtiri bato Cohācjū ya wūhūpū Juda tiquiro ye niñeru cjoerire doque site cūahye. Doque site cū, wahaa wahahye. Waha, yuta dare dūhte ohō, tiquiro basi wamūare tu suha, uhpu cjū sa, yariaa wahahye.

<sup>6</sup> Sa ye pahia pūhtoa niñeru cjoerire ne, ohō saha niahye:

—Ahri niñerure Cohācjū wūhū cjā acaropū niñeru ihbori acaropū mari cū masiedaja. Ahri niñeru mehnata masūnore wejē dutiri. Sa ye mari ye dutiye marine sa ijiye niñerure ihbo dutierare, niahye tiquina basi.

<sup>7</sup> Tiquina sa nidi bato “Ohō saha yeihna”, tiquina ni yahuri bato dihi suturire yeriquiro ya yehpare dúahye. Ti cjoeri mehna dúahye. Ape sie cjēna tiquina wihi tiquina yariagū tiquina yati yehpa ijiatore ti yehpare dúahye. <sup>8</sup> Sa ye ti yehpare “Dii yehpa”, wame yeri masa. Yojoṛpū gūhūre sata wame tire. <sup>9</sup> Ahri ijipihtiye sa wahahye Jeremia panopū “Sa waharota”, tiquiro ni ojoariro sahata. Tiquiro Cohācjū yere yahu mūhtariquiro ijiahye. Ohō saha ni ojoahye tiquiro: “Treinta niñeru cjoerire plata cjoerire ‘To punota wapa yenata tiquirore ūsā ñehēatire’, nieta Israe masa. <sup>10</sup> Sa ye ti cjoeri mehna dihi suturire yeriquiro ya yehpare dúeta tiquina. Ohō sahata yūhūre ye dutiri Cohācjū”, ni ojoahye Jeremia panopū.

*Pilato Jesure sinituahye*

(Mr 15.2-5; Lc 23.3-5; Jn 18.33-38)

<sup>11</sup> Sa ye Pilatore tiquina ohori bato tiquiro pehe Jesure sinituahye:

—¿Potota judio masa pūhtota ijijari mūhū? ni sinituahye Jesure.

—Mūhū nino sahata ijijaja, ni yūhtiahye Jesu.

<sup>12</sup> Sa ni yūhtieperota, pahia pūhtoa, būsana gūhū tiquina tiquirore yahusāgū

yáhtierahye Jesu. <sup>13</sup> Tiquiro sa yáhtieragū ihñano Pilato sinituahye:

—¿Ahri ijipihtiye mähare tiquina yahusárire tahoerajari mähü? ni sinituahye tiquiro Jesure.

<sup>14</sup> Tiquiro sa ni sinituepegūta Jesu ne mehenogā yáhtierahye. Tiquiro sa yáhtieragū ihñano Pilato ne dähse ni masiedahye.

*Jesure wejē dutiahye*

*(Mr 15.6-20; Lc 23.13-25; Jn 18.38-19.16)*

<sup>15</sup> Cuhmaripe pascua ijigū masa yaquiro ijiatiquirore ihcáquiro peresupū ijiriquire Pilato sa wio basaducue tiahye.

<sup>16</sup> Ti pjere Barrabá wame tiriquire peresupū ijiahye. Tiquirore masiahye masa. <sup>17</sup> Sa yero tiquina cahmeoagū Pilato pehe sinituahye tiquire:

—¿Diquiro pehere müsare wio basaboagari yuhü? ¿O Barrabá pehere o Jesure Cristo tiquina nidiquirore wio basaboagari yuhü? ni sinituahye tiquiro.

<sup>18</sup> Jesure masa cahīgū ihñañe judio masa mari puhtoa tiquirore ihña tuhtiahye. Sa ihña tuhtiyehye tiquirore ohoahye Pilatore. Sa yero masa tiquina cahīdi buhiri tiquina ihña tuhtirire masino Pilato Jesure wio duamahye.

<sup>19</sup> Sa ye Pilato masare ñañe yeyequinare tiquiro beseri pahtapū dujigū tiquiro namono tiquirore quitu ohoahye: “Mía ñamine Jesure quehēgo, tutuaro ñano yuhdū. Sa yegu tiquirore ñañe marieniquirore ne sijoro saha yeracáhña mähü”, ni yahudoqueoahye tiquiro namono Pilatore.

<sup>20</sup> Sa ye coā waropūre pahia puhtoa, bucūna gāhu masare ohō saha ni duti tuhasahye. “Barrabá pehere wio duti, Jesu pehere wejē dutiya”, ni dutiahye masare.

<sup>21</sup> Sa yero Pilato masare sinituahye:

—¿Ahriquina pūarore diquiro pehere müsare wio basaboagari yuhü? ni sinituahye.

—Barrabá pehere wio basaya usāre, ni yáhtiahye.

<sup>22</sup> —¿Ahriquiro Jesu Cristo tiquina nidiquiro pehere dähse yeitari yuhü, müsā sa ni sañuducugū? ni sinituahye tiquiro.

—Curusapū quē biha wejēña tiquirore, ni yáhtiahye masa ijipihtiyequina.

<sup>23</sup> —¿Yabe borore ñañene yeari ahriquiro, müsā sa nigū? niahye tiquiro.

Tiquiro sa nigū tühoyehye tiquina tutuaro mehna sañuducuahye:

—Curusapū quē biha wejēña tiquirore, ni sañuducuahye masa tiquirore.

<sup>24</sup> Tiquina sa ni sañuducugū tühoro, tiquirore tiquina tuho dueragū ihñano “Masa usua, cahmequeboaga”, nino, yáhtiro ohō saha yeahye Pilato. Masa tiquina ihñonopū tiquiro omo coseahye. Sa omo cosero ohō saha niahye.

—Ahriquirore wejēdi buhiri yee buhiri ijierare. Mūsā ye buhiri ijire, nino omo coseahye.

<sup>25</sup> Tiquiro sa nigū tühoyehye ijipihtiyequina masa ohō saha niahye.

—Ahriquirore wejēdi buhiri usā, usā pohna gāhu usā ye buhiri ijiahro, niahye masa.

<sup>26</sup> Tiquina sa nigū tühoro Pilato Barrabáre peresupū ijiriquire wio dutiahye masa tiquina cahmeniquirore. Sa ye tuhasa Jesu pehere yuta dari mehna tana duti, tiquirore curusapū wejē dutiro ohoahye surarare.

<sup>27</sup> Tiquiro sa ohogū Pilato ya wuhapū tiquiro yequina surara Jesure neñe esahye. Sa ye tiquina surara ijipihtiyequina Jesu cahapū cahmeoahye. <sup>28</sup> Sa ye tiquiro suhtire tu we ne, puhtoro ya suhtiro saha bajuri suhtirore tiquirore sāahye. <sup>29</sup> Sa sā tuhasa, pota behtore ye tuhasa, tiquiro dapu bui duhu peoahye. Sa duhu peo tuhasa, yucūgure poto pehe dahra suhahye. Dahra suha tuhasa, dasepe curi mehna quehe sa, bujūpeahye tiquirore.

—Quehnoano ahtaya. Judio masa puhto, quehnoano ahtaya, ni bujūpeahye tiquirore.

<sup>30</sup> Sa nieta tiquirore silco puti ohō, tiquina dahra suhadre tiquirore tuā we ne, tiquiro dapure quēahye tu mehnata.

<sup>31</sup> Tiquina sa bujūperi bato tiquina sāari suhtirore tu we ne, tiquiro ye suhti pehere sāahye tja. Sāa tuhasa, curusapū wejēñe tehe, tiquirore ne wijiahye.

*Tiquina Jesure curusapū quē biha, wejēahye*

*(Mr 15.21-32; Lc 23.26-43; Jn 19.17-27)*

<sup>32</sup> Tiquirore ne cā, Simo wame tiriquire Cirene cñūnore piti ca, tiquirore Jesu wūari curusare wua cā dutiri.

<sup>33</sup> Wua cã Gólgota wame tiropu esari. “Gólgota”, nino “Dapu pehtoro”, nino nine.

<sup>34</sup> Sa ye vinore suēne co mehna tiquina moreñe core Jesure ohomedi. Ti acore sihni tuhu, sihniedari tiqiuro.

<sup>35</sup> Sa ye Jesu ye suhtire tiquina tu we nedi bato tiqiurore curusapu quē bihari tiquina. Sa quē biha tuhasa, tiqiuro ye suhtire “¿Noa yaro ijirotari ohō?” ni, cahme doqueperi, ni ojoahye panopu. <sup>36</sup> Doquepe tuhasa tiqiurore ihña dujuducuri tiquina. <sup>37</sup> Tiquiro dapu bui curusapu ohō saha ni ojoari pjine duhu ohōri tiquina tiqiuro ñañe buhirire yahu duaye. “AHRQUIRO JESU JUDIO MASA PHTORO IJIRE”, ni ojoari tiquina ti pjine.

<sup>38</sup> Came puaro yaque bucunare Jesu cahapu apeye curusaripu quē biha docori tiquina. Ihcāquiro tiqiuro poto pehe, apeqiro tiqiuro cū pehe pehe quē biha docori tiquina. <sup>39</sup> Curusari cahapu yuhdu cāñequina Jesure ihña, tiquina dapu pacare yure, tiqiurore ñano yahuducuri:

<sup>40</sup> —¿Cohācjū wuhure cohā, ihtia deco wahaboro pari turi ti wuhure dahreborigu ijiajari muhu? Cohācjū macu ijigū muhu basi dijia taya. Sa yegu muhu basi yedo-hoya, nidi masa.

<sup>41</sup> Sata ni bujūperi tiqiurore. Pahia puh-toa gūhu, marine judio masare buheye-quina gūhu, bucuna gūhu tiqiurore sa ni bujūperi.

<sup>42</sup> —Tiquiro apequinare yuhduoriqiuro ijiro tiqiuro basi gūhu yuhduoahro. “Israe masa puhito ijiaja”, nimene tiqiuro. Sa yena tiqiuro basi dijia tagū ihñana tiqiurore wacū tutuanata. <sup>43</sup> Tiquiro pehe Cohācjūre wacū tutuamene. Sa yero “Cohācjū macu ijiaja”, nimene tiqiuro. Tiquiro sa ijigū Cohācjū pehe tiqiurore yedoahoahro, ni bujūperi tiquina.

<sup>44</sup> Yaque bucuna tiqiuro cahapu tiquina quē bihanohriquina sata tiqiurore bujūpe, ñano yahuducuri tiquina gūhu.

*Jesu yariaa wahahye*

(Mr 15.33-41; Lc 23.44-49; Jn 19.28-30; He 6.19-20; 10.19-20)

<sup>45</sup> Sa ye coheri pje ijigū ihtia hora waro ijpilhtiropu nahitiano ijiri. <sup>46</sup> Sa yero ti pjere nahitia yuhdugū waro Jesu tutuaro sañuducuri:

—¿Elí, Elí lema sabactani? nidi tiqiuro. Sa nino ohō saha nino niahye: “¿Yuhū

Pacu, yuhū Pacu, dūhsegu yuhure cohājari muhu?” nino nidi.

<sup>47</sup> Tiquiro sa nigū tuhoye ihquēquina topu ducuyequina ohō saha nimedi:

—Cohācjū yere yahu muhtariqiurore Eliare pijiro niboaga, nimedi tiquina.

<sup>48</sup> Sa yero ihcāquiro tiquina mehna cjāno oma cã, aco ihmini suhte mehna vino suēne core soha tuhasa, yucūgu sohtoapu dūhte ohō, Jesu cahapu esa, tiqiurore si-hōmedi. <sup>49</sup> Tiquiro sa yegū ihñañe apeqina sihōriqiurore ohō saha nidi:

—Cohteniña. Elia ahriqiurore tiqiuro yuhduogū ihñañu mari, nidi apeqina.

<sup>50</sup> Tiquina sa nidi bato pari turi sañuducu, Jesu pehe yariaa wahari. <sup>51</sup> Tiquiro yariagūta Cohācjū wuhū cjā suhtiro cahsero, topu tiquina cahmotari cahsero deco tuhnu maa dijia, cjū saa wahahye. Sa yero yehpa gūhu ñuhmidi. Sa ñuhmigū utā paca bujūpe paca waltia wahari. <sup>52</sup> Sa ye masa coperi parigū, peyequina Cohācjū yequina muña panopu yariariquina muña masa wijiahye. <sup>53</sup> Masa wijia, Jesu masa wijari bato ti coperire cohā cã, quehnoari macapu Jerusalēpu wahari tiquina. Topu tiquina wahagū peyequina masa ihñahye tiquinare.

<sup>54</sup> Sa ye ti ijpilhtiyere ihñañe, yehpa ñuhmigū ihñañe, surara puhoro tiqiuro yequina surara mehna ihña maria wahari. Tiquina Jesure curusapu ijiariqiurore cohteyequina ijiri. Ihña maria waha, ohō saha nidi:

—Ijirota ijire. Ahriqiuro Cohācjū macunota ijimeya, nidi tiquina.

<sup>55</sup> Sa ye Galileapu Jesu mehna ahtariquina numia tiqiurore yedohoriquina numia yooropu tiqiurore curusapu ijiariqiurore ihñaducuye nidi. <sup>56</sup> Tiquina numia mehna María Magdalena ijiri. Apecoro María wame tiricoro gūhu ijiri. Ticoro pehe Santiago, José gūhu pacoro ijiri. Apecoro Zebedeo namono ijiri.

*Jesu pagure masa copepu cūahye José*

(Mr 15.42-47; Lc 23.50-56; Jn 19.38-42)

<sup>57</sup> Sa ye ñamicahapu José Arimatea cjāno doeri cjē upuro topu wihiyahye. Tiquiro Jesu buheri qiurore ijiri. <sup>58</sup> Wihi, Pilato cahapu esa, Jesu pagure siniahye. Tiquiro sa sinigū tuhoro Jesu pagure tiqiurore oho dutiahye Pilato. <sup>59</sup> Tiquiro sa dutiri bato José pehe tiqiuro pagure ne dijio, quehnoari suhtiro

wete marieni suhtiro mehna tiqiro pagure wahmeahye. <sup>60</sup> Wahme tuhasa, José tiqiro ya masa copepū cūahye Jesu pagure. Ti cope tiquina utāpū seheri cope wahma cope ijiri. Ti copepū ne saǰā duhu cū tuhasa, pajiria utāre tu torē cāhye tia mehna biharo taro. Biha tuhasa, waha wahahye. <sup>61</sup> Sa ye María Magdalena, apecoro María mehna ti copepe ihña dujiducuahye.

*Jesure tiquina cūri copere surara cohteahye*

<sup>62</sup> Sa ye ape deco, pascua ijiatire tiquina quehnori deco bato, saurū ijigū pahia puhto, fariseo masa gāhū Pilato cahapū cahmecoahe. <sup>63</sup> Cahmecoa tuhasa ohō saha niahye tiquina Pilatore:

—Puhto, tiqiro ni mehoriquiro Jesu catiro ohō saha niahye: “Ihtia deco wahaboro masa wijiaǰutja yūhū”, niahye tiqiro. <sup>64</sup> Tiqiro sa nidiqiro ijigū tiqiro buheyequina pehe tiqiro pagure yaqueboaga. Sa yaqueye masare ohō saha ni-boaga: “Jesu masa wijiarī”, niboaga tiquina. Tiqiro Jesu pehe masare ni mehono nidi. Sa ijiepegūta tiqiro buheyequina pehe “Tiqiro masa wijiarī”, niñe, ni mehoñe nieta. Sa yero Jesu tiqiro ni mehoriro yūhdūoro tiquina ye ni mehoñe pehe ña yūhdūarota. “Sa yaqueari”, nigū ihtia deco waro tiqiro masa copere mūhū yequina surarare cohte dutiya, niahye tiquina Pilatore.

<sup>65</sup> Pilato yūhtiahye:

—Ан. Ti copere cohteahro. Sa yena mūsa gāhū mūsa ye masino puno ti copere quehnoano cohteya, niahye tiqiro tiquinare.

<sup>66</sup> Tiqiro sa nigū tiquina waha, ti copere biharia utā mehnaruta ñehogūputa wihtā ñeheahye masa tiquina saǰāgū ihña masiñe tehe. Sa ye surarare ti copere cohte dutiahye.

## 28

*Jesu masa wijiahye*

(Mr 16.1-8; Lc 24.1-12; Jn 20.1-10)

<sup>1</sup> Sa ye judio masa mari sori deco saurū pehe yūhdūgū domingo ijigū ñami cǰūnogā ijigū María Magdalena apecoro María mehna Jesu masa copere ihñañe wahahye.

<sup>2</sup> Sa yero duita yehpa tutuaro ñuhmiahye. Sa ñuhmigū mari puhtoro tiqiro yaquiro angel uhmūsepū ijiriquiro dijia ta, masa

copere biharia utāre tu torē cā, tia bui dujiahye. <sup>3</sup> Ūpo miadoqueoro yero saha quehnoano asi siteahye tiqiro. Sa ye tiqiro suhti ehmeo curua yero saha quehnoano yehseye suhti ijiahye. <sup>4</sup> Tiqiro sa bajuagū ti copere cohteyequina surara cue yūhdūye, nanare yūhdūa waha, buigā warona yaria yūhdūa wahahye. <sup>5</sup> Sa yero angel pehe tiquina numiare ohō saha niahye:

—Yūhūre cueracāhña. Curusapū tiquina quē bihariqiro, Jesure mūsa macagū masiaja yūhū. <sup>6</sup> Tiqiro yojopare ohōre mariedare. Tiqiro nidiro sahata masa wijiaa wahari. Tiqiro pagure tiquina cūrirore ihñana ahtaya. <sup>7</sup> Sa yena tiqiro buheyequina cahapū umūñano waha, ohō saha ni yahuna wahaya: “Jesu masa wijiarī. Sa yero mūsa pano Galileapū tiqiro wahayurota. Topū tiquiroro ihñanata mūsa”, ni yahuna wahaya mūsa. Ahrita ijire mū sare yūhū yahuri quitī, niahye angel tiquina numiare.

<sup>8</sup> Tiqiro sa nidi bato tiquina numia masa copepū ijiye numia sojaro mehna wijia, tiquiroro cuepeta bucue yūhdūye mehna Jesu buheyequinare yahuye oma cāa wahahye. <sup>9</sup> Sa wahayequina numiare Jesu piti ca, ohō saha niahye:

—¿Quehnoano ijijari mūsa? niahye tiqiro.

Tiqiro sa nidi bato, tiquina pehe tiqiro cahapū esa, dahpocārine ñehe, tiquiroro ño peoahye.

<sup>10</sup> —Cueracāhña mūsa. Yūhū bahanare “Galileapū wahaya”, ni yahuna wahaya. Topū yūhūre ihñaeta tiquina, niahye Jesu tiquinare.

*Masa copere cohteyequina surara tiquina ihñarire yahuahye*

<sup>11</sup> Tiqiro sa nidi bato numia wahari wato ihquēquina masa copere cohteriquina mehna cǰēna surara, Jerusalēpū pahia puhtoare ijipihtiyere yahu pehoye wahahye. Jesu tiqiro masa copepū wijiarire yahu peho cāhye. <sup>12</sup> Tiquina sa ni yahugū pahia puhto, judio masa mari bucūna mehna cahmecoahe. Cahmecoa, yahuducuahye. Sa yeye surarare ni meho dutiye niñerure wapa yeahye.

<sup>13</sup> —Ohō saha niña mūsa masare: “Ñami usā carīdi bato tiqiro buheyequina pehe masa copepū wihi, tiqiro pagure ne cāri

jiri”, ni yahuya masare. <sup>14</sup> Musa sa ni yahugũ Pilato pehe musa carĩ yuhduarire tũhoboaga. Tiquiro sa tũhogũ, “Musare tuhtiarĩ”, nina, musare yahu basanata usã tiquirore, niahye tiquina surarare.

<sup>15</sup> Tiquina sa nidi bato surara pehe niñerure ñehe, tiquinare tiquina ni meho dutiriro sahata masare yahuye wahahye. Sa ye tiquina ni mehoriro sahata Jesu tiquiro masa copere wijiariye yahuducuri judio masa. Yojopũ gũhũre sata nine tiquina.

*Jesu tiquiro yere buhe dutiro ohoahye tiquiro buheyequinare*

*(Mr 16.14-18; Lc 24.36-49; Jn 20.19-23)*

<sup>16</sup> Sa ye usã Jesu buhena once buhena cunũpũ Galileapũ ijidũpũ Jesu tiquiro waha dutidũpũ wahaũ usã. <sup>17</sup> Topũ esa, Jesure ihñana, ño peou usã tiquirore. Sa ño peopenata, usã ihquẽquina “Ahrikiro Co-hãcjũ macũno ijieraboaga”, ni tũhotumi. <sup>18</sup> Usã sa ño peogũ tiquiro pehe usã cahapũ wihi, ohõ saha nidi:

—Ahri yehpapũre, uhmũsepũ gũhũre Co-hãcjũ ijipihtiyequina bui tutuayere ohori yũhũre. <sup>19</sup> Tiquiro sa ohogũ ohõ saha dutiaja musare: Ijipihtiro cjẽnare yeere buhena wahaya. Yeequina tiquina wahatire buhena wahaya. Sa yena mari Pacu wame mehna, yuhũ wame mehna, Espĩritu Santo wame mehna tiquinare wame yeya. <sup>20</sup> Sa yena musare yuhũ dutirire tiquina ye pehoatire buheya tiquinare musa. Sa yena ahrire yuhũ niatire wacũña: Ijipihtiyे decori ahri yehpa ijiro puno musa mehna sa ijiducugũtja. Musa mehna yuhũ sa ijiducuatire wacũña musa, ni yahuri usãre Jesu.

## San Marcos

*Ñu wame yeriquiro buhe dũcahye*  
(Mt 3.1-12; Lc 3.1-9, 15-17; Jn 1.19-28)

<sup>1</sup> Ahri pũpũ Jesucristo Cohãcjũ macũno tiquiro yerire quehnoañe buheyere yahu dũcaja. <sup>2</sup> Cohãcjũ yere yahu mũhtariquiro mũnano Isaia tiquiro ojoariro sahata yahuye ijire. Ohõ saha ni ojoahye tiquiro: Cohãcjũ tiquiro macũnore ohõ saha ni-ahye: “Mũhũ pano mũhare yahuyu-atiquirore ohoyugũ niája. <sup>3</sup> Sa yero tiquiro masa marienopũ waharota. Tiquirore tũhoyequinare yahuro saũuducurota: ‘Mari pũh-toro tiquiro ahtato pano mahare mari quehnoyuro saha quehnoana ijiyuya mũsa. Mũsa ñañe yerire bũjũa witiya,’ ni saũuducurota,” ni-ahye Cohãcjũ, ni ojoahye Isaia.

<sup>4</sup> Ñu wame yeriquiro masa marienopũ buhee tiahye.

—Mũsa ñañe yerire bũjũa witiya. Yo-joorpũre quehnoañe pehere comesaya. Sa yena wame yenhõrina ijia. Mũsa sa came-sagũ ihñano Cohãcjũ mũsa ñañe yerire borota, ni buhee tiahye tiquiro.

<sup>5</sup> Sa yero ijipĩhtiyequina Judea dihta cjẽ macari cjẽna Jerusalẽ cjẽna mehna tiquiro cahapũ esagũ ihñañõ Ñu pehe Jordã wame tiri mapũ wame yeahye tiquinare. Tiquinare tiquiro wame yegũ tiquina pehe tiquina ñañe yerire yahu yũhdũahye Cohãcjũre.

<sup>6</sup> Sa yero Ñu camello poari suhtirore sañariquiro wahiquina cahsere mehna tuã dihoriquiro ijiahye. Poreroare, umiquina mũcu cjẽna umine ihyae tiahye. <sup>7</sup> Sa yero ohõ saha ni buhee tiahye.

—Yũhũ bato yũhũ yũhdũoro tutu-ariquiro ahtarota. Quehnoa yũhdũariquiro ijire tiquiro. Tiquiro yero saha ijieraja yũhũ pehe. Sa yegũ tiquirore tũhotugũ, “Ihyo ijigũ ijiaja yũhũ”, ni tũhotuaja yũhũ.

<sup>8</sup> Mũsare wame yegũ aco mehna wame yei. Tiquiro pehe yũhũ yũhdũoro yerota. Espĩritu Santore masa mehna ijiducugũ yerota, ni buhee tiahye Ñu.

*Ñu Jesure wame yeahye*  
(Mt 3.13-17; Lc 3.21-22)

<sup>9</sup> Sa ye ti pjere Jesu Nazarepũ Galilea yehpapũ ijiri macapũ ijiriquiro Jordã wame tiri mapũ esahye. Topũ tiquiro esagũ Ñu wame yeahye tiquirore. <sup>10</sup> Tiquiro wame ye tuhasagũ Jesu diapũ ijiriquiro maja saduca uhmũanopũ ihña mũoahye. Uhmũse parĩ maa wahahye. To parĩ maagũta Espĩritu bujua yero saha Jesu bui dijia tahye. <sup>11</sup> Sa yero uhmũsepũ yahuducuro ca tahye:

—Mũhũ yũhũ macũ yũhũ cahĩgũ ijire. Mũhũ mehna tutuaro bucueaja, nino ca tahye uhmũsepũ.

*Satana ñañene ye dutimahye Jesure*  
(Mt 4.1-11; Lc 4.1-13)

<sup>12</sup> Ti pjere Jesure masa marienopũ Espĩritu Santo neahye. <sup>13</sup> Topũre esaro cuarenta decori waro ijiahye. Watĩno pehe Jesu tiquiro ñañene yegũ ihña duaro ñañene ye dutimahye tiquirore. Sa yero Jesu wahiquina mũcu cjẽna mehna ijiahye. Topũ tiquiro ijigũ ihñañe angele pehe tiquirore yedohoahye.

*Jesu Galilea yehpapũ buhe dũcahye*  
(Mt 4.12-17; Lc 4.14-15)

<sup>14</sup> Sa ye Ñure peresupũ tiquina biha daporĩ bato Jesu pehe Galilea yehpapũ quehnoañe buheyere Cohãcjũ pũh-toro ijiyere yahuro wahahye. <sup>15</sup> Ohõ saha ni yahuahye:

—Yojoorpũre ohõ saha ijire. Cohãcjũ tiquiro pũh-toro ijiato mehenogã dũhsare. Mũsa ñañe yerire bũjũa witiya. Sa yena quehnoañene comesaya. Quehnoañe buheyere tũhoya mũsa, ni buhee tiahye Jesu.

*Jesu pititiaro wahi yohyeyequinare* “Yũhũ mehna cjãna ijiana ahtaya”, niahye  
(Mt 4.18-22; Lc 5.1-11)

<sup>16</sup> Tire yahu tuhasaro Galilea wame tiri ditara duhtu cahapũ esaro, ihñahye Simore, tiquiro bahuro Andre mehna. Tiquina wahi yohyeyequina ijiahye. Sa ye tiquina wẽñecjũre doque ñõñe niahye ti ditarapũ.

<sup>17</sup> —Yũhũ mehna cjãna ijiana ahtaya mũsa. Yũhũ mehna mũsa ahtagũ mũsa wahire ñehe cahmecoana mũsa ijiro saha Cohãcjũ yequina ijiatiquinare masare piji cahmecoana ijigũ yeitja mũsare. Yũhũ mehna mũsa ahtagũ sa yeanaajare cõtja mũsare, niahye Jesu.

<sup>18</sup> Tiquiro sa nigū tūhoye tiquina wēñecjare cū cā, tiquiro mehna wahahye.

<sup>19</sup> Sa ye tiquina mehenogā yūhdū cā, Santiagore, tiquiro bahuro Ōu gāhure boca sahye tja. Tiquina pehe Zebedeo pohne ijiahye. Tiquina yaria yucūsapū wēñecjare quehnoñe niahye. <sup>20</sup> Sa yero tiquiro pijioḡū tiquina pehe tiquina pacūrore, tiquirore yedohoyequina mehna yucūsapū cū cā, Jesu mehna wahahye.

*Watīare cūoriquiro Jesure piti cahye  
(Lc 4.31-37)*

<sup>21</sup> Sa ye tiquina Capernau wame tiri macapū esahye. Sa yero saurū ijigū judio masa buheri wūhūpū buhero esahye tiquiro. <sup>22</sup> Sa yero tiquiro quehnoano masi pehoriquiro buhero usā judio masare buheyequina yero saha ijierahye tiquiro. Tiquiro sa buheḡū ti maca cġēna tūho maria wahahye. <sup>23</sup> Ti pjere ti wūhūpū ijiriquiro watīare cūoriquiro ijiahye. Sa yero ohō saha niahye Jesure:

<sup>24</sup> —Mūhū Jesu Nazare cġū cariboeracāhñā usāre. ĶDahse yei tūū niajari usāre? ĶMūhū usāre butigū yei tūū niajari? Cohācġū macū quehnoagū mūhū ijigū yūhū masiaja, ni sañuducuahye tiquiro Jesure.

<sup>25</sup> Tiquiro sa nigū tūhoro Jesu tuhtiahye watīare:

—Dihta mariahñā. Duhuya tiquirore, niahye Jesu.

<sup>26</sup> Sa yeye watīa tiquirore yehpapū doque quehe sa tunugū yeye, tiquiro tutuaro sañuducuri watoa duhuahye tiquirore. <sup>27</sup> Sa ye ijipihtiyequina ti wūhūpū dujiyequina acua yūhdūa waha, ohō saha niahye:

—Ahyou. ĶAhri wahma buheye ijiajari? Tiquiro pūhtoro yero saha dutire watīare. Tiquiro dutigū tiquina watīa pehe yūhdūdūcaerare tiquirore, ni yahuducuahye ti wūhūpū dujiyequina tiquina basi.

<sup>28</sup> Sa ye meheñe decori batota duita ijipihtiyequina Galilea yehpa cġēna tire tiquiro sa yerire tūhoahye.

*Jesu Simo Pedro mareonore duti yūhdūḡū yeahye*

*(Mt 8.14-15; Lc 4.38-39)*

<sup>29</sup> Sa ye Jesu gūhū judio masa buheri wūhūpū ijiriquina wijiaa wahahye. Tiquina sa wijari bato Jesu, Santiago, Ōu, apequina tiquina mehna cġēna gāhure, Simo, tiquiro

bahuro Andre mehna tiquina ya wūhūpū siho sajā sahye. <sup>30</sup> Ti pjere Simo mareono ujuaye dohatiricoro cūñano bui ticoro cūñagū ihñāñe yahuahye Jesure. <sup>31</sup> Tiquina sa ni yahugū tūhoro tiquiro pehe ticoro cahapū esaro, ticoro omocare ñehe, ticorore weje wahcō dapoahye. Tiquiro sa weje wahcō dapogūta ticorore ujuaye surua wahahye. Ti sa sururi bato ticorota ihyayere peoahye.

*Jesu peyequina dohatiyequinare yūhdūoahye*

*(Mt 8.16-17; Lc 4.40-41)*

<sup>32</sup> Namicahapū asū sajāri bato masa peyequina dohatiyequinare, watīa cūoyequinare Jesu cahapū ne sahye. <sup>33</sup> Sa ye ijipihtiyequina ti maca cġēna cahmecoa dūca sahye ti wūhū sopecahapū. <sup>34</sup> Sa yero Jesu peyequina dohatiyequinare, peyequina watīa cūoyequinare quehnoa wahagū yeahye. Peyequina watīare cohāhye. Sa yero Jesure watīa tiquirore masigū ihñano Jesu pehe tiquinare yahuducu dutierahye.

*Jesu buhe tinino wahahye*

*(Lc 4.42-44)*

<sup>35</sup> Sa ye ñami cġūno wahcā, nahitia cġūḡū masa marienopū Cohācġūre sinino wahahye Jesu. <sup>36</sup> Tiquiro sa wahagū ihñāñe Simo gūhū tiquirore macañe esahye. <sup>37</sup> Sa ye tiquirore piti caye, ohō saha niahye:

—Masa ijipihtiyequina mūhūre macañe nidi, niahye tiquina.

<sup>38</sup> Tiquina sa nigū tūhoro ohō saha niahye Jesu:

—Ahri macarine buheḡū ahtaū yūhū. Sa yena apeye macari ohō cahagā cġē macaripū wahañhna mari. Yūhū ti macari gāhūre buheitja, niahye Jesu tiquinare.

<sup>39</sup> Sa yero ijipihtiye Galilea yehpare buhe tiniahye. Sa yero macaripe judio masa buheye wūhūsepū buhero, watīare masa mehna ijieyequinare cohā wioahye.

*Jesu cami būcū māna wihirore yūhdūoahye*

*(Mt 8.1-4; Lc 5.12-16)*

<sup>40</sup> Sa ye apequiro dohatiriquiro cami būcū māna wihiro Jesure piti caro dūsepe curi mehna quehe sa siniahye:

—Mūhū yūhūre yūhdūo duagū yūhdūoya, niahye cami būcū māna wihiro.



<sup>41</sup> Tiquiro sa nigū tūhoro Jesu tiquirore paja ihñahye. Sa yero tiquiro omocare siðoquoqueo tiquirore ña peoahye. Sa ña peoro ohō saha niahye:

—Tire ye duaja. Quehnoagū ijiya mūhū, niahye Jesu.

<sup>42</sup> Tiquiro sa nigūta tiquiro cami ahbari yati maa wahahye. Quehnoa wahahye tiquiro. <sup>43</sup> Tiquiro sa wahagū ihñano Jesu tiquirore tutuaro mehna yahuahye:

<sup>44</sup>—Apequinare ahrire yahu siteracāhña. Sa yahuerapegata mūhū pagure pahire ihñōña. Cohācjū dutiye Moiserē tiquiro cūriro sahata yeya. Sa yegū minicjuare ohoya pahire mūhū quehnoagū mūhū waharire masare mūhū ihñōatire, niahye Jesu. Sa ni tuhasa “Wahaya”, niahye tiquirore.

<sup>45</sup> Tiquiro sa yahu dutierapegūta tiquiro waha, ijipihitiye macari cjēnare Jesu yerire yahuahye. Tiquiro sa yahuri bato Jesu masa peyequina ijirōpūre waha masiedahye. Sa yero tiquiro meheñequinagā ijirōpū iji-ahye. Topū tiquiro ijigū peye macari cjēna tiquiro cahapū esahye.

## 2

*Jesu tini masieniquirore tinigū yeahye*  
(Mt 9.1-8; Lc 5.17-26)

<sup>1</sup> Meheñe decori bato Jesu Capernaupū tojoa wahahye. Wūhūpū tiquiro ijigū masa tūhoahye. <sup>2</sup> Sa ye topū masa peyequina cahmecoa, ti wūhūre wahpa wijiadūca saa wahahye. Sa yero Jesu tiquinare quehnoañe buheyere yahuahye. <sup>3</sup> Sa ye apequina gūhū ahta, pititiaro mūna tini masieniquirore ne wihiahye. <sup>4</sup> Tiquina masa peyequina ijigū ihñāne Jesu cahapū sajā masiedahye. Sa ye tiquina wūhū buipū muji pahmare ne wedoqueo, Jesu bui waro meheni copegā dahre, tini masieniquirore tiquiro cuñari cahsero mehna duhu dijioahye Jesu caha waro. “Jesu ahriquirōre tiquiro dohatiyere yūhdūgū yerota”, ni tūhotuahye tiquina. <sup>5</sup> Tiquina sa ni tūhotugū masino Jesu pehe dohatiriquirore ohō saha ni yahuahye:

—Yūhū macū, mūhū ñāne yerire cohā tuhasau, niahye Jesu tini masieniquirore.

<sup>6</sup> Tiquiro sa nigū tūhoye, ūsā acaye judio masare buheyequina topūre dujiyequina tiquina basi ohō saha ni tūhotumahye: <sup>7</sup> “Ahriquirō sa ni yahuducueracāhdo. Cohācjāre ñano yahuducuro nine

tiquiro. Masūno mari yero saha ijiriquiro ijire tiquiro gūhū. Sa yero tiquiro ahriquirō ñāne yerire cohā masiedare. Cohācjū dihita masa tiquina ñāne yerire cohā masine”, ni tūhotumahye tiquina. <sup>8</sup> Tiquina sa ni tūhotugū ihñano Jesu tiquina tūhotuyere masino ohō saha niahye:

—¿Duhse yena masa sa ni tūhotuajari? <sup>9</sup> “Mūhū ñāne yerire cohā tuhasaja”, yūhū nigū, “Ni mehogu ijire”, yūhūre nina nine masa masiedapenata. Tiquiro tini masieniquirore “Wahcādūca, wahaya”, yūhū nigū, tiquiro tinigū ihñana yūhū nidi potota ijigū duita masinata masa. <sup>10</sup> Yūhū masū Cohācjū ohorigū ahri yehpāpūre masa tiquina ñāne yerire cohā masiaja yūhū. Yūhū sa cohārire masa masiato saha ohō saha tiquiro wahagū yeitja, niahye Jesu judio masare buheyequinare.

Sa ni tuhasa tini masieniquirore ohō saha niahye:

<sup>11</sup>—Mūhūre niita niaja. Wahcādūcaya. Mūhū cuñari cahserore ne cāhña mūhū ya wūhūpū, niahye Jesu tiquirore.

<sup>12</sup> Tiquiro sa nigūta tini masieniquirore wahcādūca sa, tiquiro cuñari cahserore ne, ijipihitiyequina tiquina ihñono wijiāa wahahye. Tiquiro sa yegū ihñāne tiquina ijipihitiyequina ihñā acūaa wahahye. “Cohācjū tutuariquirō ijire. Ne mari ohō saha yegūre ihñeda tii”, niahye tiquina basi.

*Jesu Levīre* “Yūhū mehna cjū ijiajū ah-taya”, niahye

(Mt 9.9-13; Lc 5.27-32)

<sup>13</sup> Sa ye pari turi Jesu ditara dūhtū cahapū wahahye. Sa yero masa peyequina tiquiro cahapū tiquina cahmecoagū ihñano tiquiro buheahye tiquinare. <sup>14</sup> Sa ye tuhasa topū ijiriquiro waharo Levīre Alfeo macūnore tiquiro dahrrari tucūpū boca sahye. Apequina mehna pūhtoā ye ijiatire wapa ne cohteyequina ijiahye Levī gūhū. Tiquirore boca saro ohō saha niahye:

—Yūhū mehna cjū ijiajū ahtaya mūhū, niahye Jesu Levīre.

Tiquiro sa nigū Levī pehe wahcādūca sa, Jesu mehna wahahye.

<sup>15</sup> Jesu mehna wahayequina peyequina ijiahye. Sa yero Levī ya wūhūpū mesa cahapū peyequina wapa ne cohteyequina mehna, “Ñano yeyequina”, tiquina niñequina mehna tiquiro buheyequina mehna

dujiahye Jesu. <sup>16</sup> Topu tiquina dujiri bato apequina usā judio masare buheyequina, fariseo masa mehna Jesu tiquiro ihyagū ihñahye tiquina. Sa ihñahye ohō saha ni-ahye:

—¿Duhsero ñano yeyequina, wapa ne cohteyequina mehna ihyajari Jesu? ni sinituahye judio masare buheyequina Jesu buheyequinare.

<sup>17</sup> Tiquina sa nigū tūhoro queoye mehna yuhtiahye Jesu:

—Dohatiyequina duturure macaedare. Dohatiyequina dihita duturure macare. Ñañequina dohatiyequina yero saha ijire. Sa yegū ñañequina dihitarē tiquina ñañē yerire bujua witi duti, quehnoañē pehere tiquinare comesagū yegū tagū nii yuhū. Tiquina basi “Quehnoana ijiaja usā”, ni tūhotuyequinare yedohogu tagū niedu yuhū, niahye tiquiro tiquinare.

*Sijiyere Jesure sinituahye apequina*  
(Mt 9.14-17; Lc 5.33-39)

<sup>18</sup> Ti pjere Nu buheyequina, fariseo masa gūhū Cohācjūre ño peoye tehe, sijie tiahye. Sa ye masa Jesure sinituahye:

—Nu buheyequina, fariseo masa buheyequina gūhū Cohācjūre ño peoye tehe sijire. ¿Duhse ye mūhū buheyequina sijierajari? niahye tiquina Jesure.

<sup>19</sup> Jesu tiquiro tūhotuye mehna queoye mehna buhero tiquinare ohō saha ni yuhtiahye:

—Ohō saha ijire ti: Omoca duhteriquiro bose deco ijigū tiquiro mehna cjēna bujua witiro mehna ijierare. Sa ye sijiyequina ijierare. Sata yuhū buheyequina gūhū yuhū mehna ijiye, siji masiedare. <sup>20</sup> Yuhū Pacu Cohācjū yuhūre tiquiro neari bato pūritare pari turī yuhū buheyequina mehna ijisi yuhū. Sa ye ti pjeru yuhū buheyequina gūhū sijieta, niahye Jesu.

<sup>21</sup> Panopu cĵē buheye mehna tiquina buhe more duagū ihñano ohō saha ni nemoahye Jesu tiquinare queoye mehna buhero.

—Ne wahma cahsero suhtiro cahsero mehna mūnano suhtirore sere ohōno cahmedare. Sa yegū wahma cahsero mari coseri bato mūnano suhtirore weje cahmeco, paji yuhūaro tūhūgū yere. (Sata mūna buheye wahma buheye mehna piti dahre buheraro cahmene.) <sup>22</sup> Sa yena ne uhse co bisiye core wahiquiro

cahsero ajuropūre mūna ajuropūre pose yeraro cahmene. Sa yegū uhse co bisiye pahmuñepū mūna ajurore tūhū dijiaa wahare. Ti ajuro tūhūgū uhse co gūhū ajuro gūhū cohāa wahare. Sa yena uhse co wahma core wahma ajuropū pose yero cahmene. (Sata wahma buheye mūna buheye mehna buhe moredaro cahmene,) ni buheahye Jesu tiquinare.

*Saurū ijigū Jesu buheyequina trigo parorire peheahye*

(Mt 12.1-8; Lc 6.1-5)

<sup>23</sup> Ape deco saurū ijigū Jesu gūhū trigo wesepū wahahye. Tiquiro buheyequina pehe trigo parorire pehe yuhū cāhye.

<sup>24</sup> Tiquina sa yegū ihñahye ohō saha ni tuhtiahye fariseo masa Jesure:

—Tūhorīña usāre. ¿Duhse ye mūhū buheyequina saurū mari sori deco ijiepegūta dahrajari? Mari dutiyere yuhūducaye nine, niahye tiquina Jesure.

<sup>25-26</sup> Tiquina sa nigū tūhoro Jesu tiquinare yuhtiahye. “Yuhū buheyequina yuhūducaye niedare”, nino taro ohō saha niahye:

—Davi mūnano tiquiro mehna cjēna mehna ūjua ahbaro, Cohācjū wuhūpū sajā, Cohācjū ye pāre ihyahye. Sa yero tiquiro mehna cjēna gūhūre ti pāre ohoahye. Ti pāre pahia dihita ihyae tiahye. Cohācjū dutiye tiquina ojoari pū apequinare ti pāre ihyā dutierare. Ti pjere Abiatar wame tiriquiro pahia puhtoro ijiahye. ¿Davi gūhū tire tiquina yerire Cohācjū yere tiquina ojoari pūre buherari masa? (Ti pāre ihyaro Cohācjūre yuhūducayo niedahye. Miare ahri pjerire ihyaye yuhū buheyequina gūhū Cohācjūre yuhūducaye niedare,) niahye Jesu tiquinare.

<sup>27</sup> Sa ni tuhasa ohō saha ni nemoahye:

—Sa yero Cohācjū saurū decore tiquina sori deco cūno, masa ya deco cūno nidi dahra wahyariquinare so dutiro. Ti deco cahacjēna ijiatire cūno niedari masare. <sup>28</sup> Sa yegū yuhū masū Cohācjū ohorigū ahri deco saurū decore masa tiquina yeatire yahugū ijigū puhto ijiaja, niahye Jesu tiquinare.

### 3

*Omoca buhariquiro quiti ijire*  
(Mt 12.9-14; Lc 6.6-11)

<sup>1</sup> Sa ye Jesu usā judio masa buheri wuhūpū esaro, sajāhye tja. Sa yero

omoca buhariquiro gũhu topu ijiahye. Sa ye ti wuhuru ijiyequina Jesu dihitare ihñadoque ohōahye. <sup>2</sup> Saurú ijigũ Jesu omoca buhariquirore tiquiro yũhduogũ ihña duahye tiquina. Tiquiro sa yegũ ihñañe tiquirore yahusã duahye. “Mari sori decore Jesu dahraro nine”, ni yahusã duahye tiquina. <sup>3</sup> Sa yero ohō saha niahye Jesu omoca buhariquirore:

—Wahcãdũca saya. Ohõpũ ahtaya, niahye.

Sa ni tuhasa ti wuhuru ijiyequinare yahuahye:

<sup>4</sup> —¿Saurú ijigũ quehnoañene yegũ quehnoadajari? ¿O ñañe yegũ pehere quehnoajari, masa tuhutugũ? Saurú ijigũ masunore masogũ quehnoarĩne. Masunore wejẽgũ pehere quehnoaedare, ni yahuahye Jesu tiquinare.

Tiquiro sa niepegũta tiquina pehe ne yũhtierahye. <sup>5</sup> Tiquina sa yũhtieragũ ihñano Jesu tiquina mehna usuahye. Tiquina tuho dueragũ ihñano Jesu bujua witiahye.

—Mũhũ omocare siõ potoya, niahye tiquiro omoca buhariquirore.

Tiquiro sa nigũ tuhoro tiquiro omocare siõ potoahe. Tiquiro siõ potogũta omoca quehnoa wahahye. “Sa omoca quehnoa wahagũ ihñañe fariseo masa wijiaa wahahye. Wijia, Herode mehna cjẽna mehna cahme-coa, “¿Dũhse ye Jesure wejẽnatari mari?” niahye tiquina basi.

*Masa peyequina ditara duhtũ cahapu iji-ahye*

<sup>7-8</sup> Sa ye Jesu tiquiro buheyequina mehna ditara cahapu wahahye. Tiquina sa wahagũ ihñañe Galilea cjẽna masa peyequina tiquiro bato esahye. Sa ye Judea yehpa cjẽna, Jerusalẽ cjẽna, Idumea yehpa cjẽna, Jordã wame tiri ma ape sie pahrẽ cjẽna, Tiro wame tiri maca cjẽna, to cahapu ijiyequina, Sidõ wame tiri maca cjẽna, to cahapu ijiyequina mehna masa peyequina ijipihtiyequina tiquiro yerire tuhoye, tiquiro cahapu esahye. <sup>9</sup> Sa ye masa peyequina ijiye, Jesu cahare bihsa dũca sahye. Sa yero Jesu yucũsare quehno pahsa dutiahye tiquiro buheyequinare. <sup>10</sup> Peyequina dohatiyequinare tiquiro yũhduogũ ihñañe apequina dohatiyequina gũhu Jesure piha duaye, bihsa dũca sahye. <sup>11</sup> Sa ye watiare

cũoyequina pehe Jesure ihñañe tiquiro cahapu dũsepe curi mehna quehe sahye.

—Mũhũ Cohãcjũ macũ ijire, ni sañudu-cuahye tiquina tiquirore.

<sup>12</sup> Sa yero tiquinare Cohãcjũ macũno tiquiro ijiyere tutuaro mehna apequinare yahu dutierahye Jesu.

*Jesu tiquiro buheyequinare doce tiquiro ohoatiquinare bese docoahe*

(Mt 10.1-4; Lc 6.12-16)

<sup>13</sup> Sa ye Jesu cunuru mũa, tiquiro cahmeñequinare pijiahye. Tiquiro pijigũ tuhoye, tiquiro cahapu esahye tiquina. <sup>14</sup> Sa yero doce umũare tiquiro mehna cjẽnare, tiquiro ohoatiquinare, apeye macaripure tiquiro yere buheatiquinare bese docoahe Jesu. Sa ye tiquina ya curua Jesu cũriquina wame tiahye. <sup>15</sup> Sa yero dohatiyequinare yũhduoatire, watiare cohãti gũhure cũahye tiquinare. <sup>16-19</sup> Ahriquina ijiahye doce mũna Jesu tiquiro bese docoriquina: Simo, Santiago Zebedeo macũno, Ñu Santiago bahũro, Andre, Felipe, Bartolomé, Mateo, Tomasu, Santiago Alfeo macũno, Tadeo, Simo celote ya curua cjãno ijimediquiro, Juda Iscariote, ahriquina ijiahye tiquiro bese docoriquina. Jesu Simore Pedro wame yeahye. Santiagore, Ñu mehna Boanerges wame yeahye. Boanerges “Uõpo cjẽna”, nino nine. Juda Iscariote Jesure ihña tuhtiyequinare ihñoatiquiro ijiahye.

—Jesu watĩno tutuayere cũore, ni yahusãhye masa

(Mt 12.22-32; Lc 11.14-23; 12.10)

<sup>20</sup> Tiquinare bese doco tuhasa, dijia, Jesu tiquiro buheyequina mehna wuhuru sajãa wahahye. Sa ye topu pari turi masa peyequina cahmecoañe, bihsaa wahahye. Tiquina sa bihsagũ ihñano Jesu ihya masiedahye. Sa ye tiquiro buheyequina gũhu ihya masiedahye. <sup>21</sup> Sa ye apequina Jesu acaye tire tuhoye tiquiro cahapu esahye, tiquirore ñehemahye. “Tiquiro tuho masieniquiro waharo nine”, nimahye tiquina.

<sup>22</sup> Apequina ohõ saha nimahye:

—Beelzebũ tiquirore sa wahagũ yero niga. Tiquiro watiare cohãno, Beelzebũ watĩa puhtoro tutuaye mehna tiquinare cohãre, nimahye Jerusalẽpu ahtariquina usã judio masare buheyequina.

<sup>23</sup> Tiquina sa nigū tūhoro Jesu pehe tiquinare piji, tiquiro tūhotuye mehna queoye mehna yahuahye tiquinare, “Watīno ye tutuaye mehna watīare cohāgu niedaja”, nino taro.

<sup>24</sup> —Watīa tiquina basi cohā masiedare. Sa ye ihcā yehpa cjēna tiquina basi cahme wejē, ti yehpa cjēna yaria pihtia wahaboaga. <sup>25</sup> Sa ye ihcā wuhū cjēna tiquina basi cahmequeñe ti wuhū cjēna waha pihtia wahaboaga. <sup>26</sup> Sa yero Satana watīa puhtoro pehe watīare cohāno tiquina basita cahmequeñe niboaga. Sa ye tiquina waha pihtia wahaboaga.

<sup>27</sup> ‘Ohō sahata ijire mari queoye mehna buhegū. Tutuariquiro ya wuhūpū apequiro sajā sa yaque masiedare. Tutuariquirore dūhteraro tiquiro ya wuhūpū sajā sa yaque masiedare. Tutuariquirore tiquiro dūhteri bato sajā sa yaque masine, ni yahuahye Jesu.

(Ohō saha ni yahuahye watīnore tiquiro yūhdūdcarire yahuro. Watīno tutuariquiro tiquiro ijiepegūta Jesu tiquirore yūhdūdcare watīare cohāno.)

<sup>28</sup> Sa ni tuhasa ohō saha ni yahu nemoahye Jesu:

—Poto niita niaja musare. Ijipihtiyē ñañe masa tiquina yegū tiquina yahuducugū gūhūre Cohācjū bo masine. <sup>29</sup> Sa boeperota Espiritu Santore tiquina ñano yahuducugū ti pūritare ne bosī. Tiquina sa nidi buhiri sa buhiri tiducuyequina ijieta, niahye Jesu tiquinare.

<sup>30</sup> Jesu Espiritu Santo tiquiro tutuaye mehna watīare tiquiro cohāepēgūta “Tiquiro watīno tutuaye mehna watīare cohāno nine”, nimahye masa. Tiquina sa nigū tūhoro ti quitire Espiritu Santo quitire yahuahye Jesu tiquinare.

*Jesu acaye tiquirore pijiahye  
(Mt 12.46-50; Lc 8.19-21)*

<sup>31</sup> Sa ye Jesu bahana tiquiro pacoro mehna wihiahye. Sa wihye sopecahapū ijiahye. Apequinare piji dutiahye tiquirore. <sup>32</sup> Sa ye masa tiquiro cahapū dujiyequina yahuahye tiquirore.

—Mūhū paco, mūhū bahana mehna sopecahapū mūhūre pijiri, niahye.

<sup>33</sup> Tiquina sa nigū tūhoro ohō saha niahye Jesu tiquinare buhero taro:

—¿Noa ijijari yūhū paco, yūhū bahana gūhū, mūsa ihñagū? niahye tiquiro tiquinare buhero.

<sup>34</sup> Sa nino tiquiro caha dujiyequinare ihñano ohō saha niahye:

—Ahriquina ijire yūhū paco, yūhū bahana yero saha ijieyequina. Cohācjū cahmeñene yere ahriquina. <sup>35</sup> Sa yeyequina yūhū bahū, yūhū baho, yūhū paco yero saha ijire, ni buheahye Jesu tiquinare.

## 4

*Jesu oteriquiro quitire buheahye  
(Mt 13.1-9; Lc 8.4-8)*

<sup>1</sup> Sa ye pari turi ditara dūhtū cahapū Jesu buhe dūcahye. Sa ye topūre buhe dūcaro masa peyequina tiquiro cahapū tiquina cahmecoagū ihñano Jesu pehe yucūsapū buhe pahsahye. Sa ye masa pehe ditara dūhtū cahapū dūcahye. <sup>2</sup> Sa yero Jesu peye tiquiro tūhotuye mehna piti dahre yahuahye tiquinare buhero.

<sup>3</sup> —Ahri quitire tūhoya mūsa, niahye tiquiro.

—Oteriquiro otero wahahye. <sup>4</sup> Tiquiro sa otegū apeye pjeri maha dūhtū cahapū bora quehe sahye. Sa bora quehe saye pjerire minicjūa ahta, ihya cāhye. <sup>5</sup> Sa ye apeye pjeri utā pjeri watoa bora quehe sahye. Utā pjeri watoa dihta marieda cjūno ijiepegū duita pihnimahye. <sup>6</sup> Sa pihnidi ijieperota, asū tutuaro asigū nūhcori marieda, ñaia wahahye. <sup>7</sup> Apeye pjeri taa watoa bora quehe sahye. Taa pehe dia yūhdūa waha, oteri pehere wejē cāhye. Sa yero dūca mariedahye. <sup>8</sup> Apeye pjeri quehnoari dihtare bora quehe sahye. Quehnoano pihniñe ijiro quehnoano dūca tiahye. Apeye cjū treinta pjeri, apeye cjū sesenta pjeri, apeye cjū cien pjeri dūca tiahye. <sup>9</sup> Ahrire quehnoano tūhoya mūsa, niahye Jesu.

*Jesu quti mehna tiquiro buherire yahuahye*

*(Mt 13.10-17; Lc 8.9-10)*

<sup>10</sup> Sa ye tiquina sehsaro ijiye doce buheyequina, apequina Jesu mehna ijieyequina ti quitire masi duaye, Jesure sinituahye. <sup>11</sup> Tiquina sa sinituri bato Jesu ohō saha ni yahuahye:

—Cohācjū masa puhtoro tiquiro ijiyere, panopū apequina tiquina masiedarire musare masigū yere Cohācjū. Apequina

pehere sa yerare tiquiro. Tiquinare quiti mehnata buheitja. <sup>12</sup> Sa ye tiquina ihñaepeta ihñedariquina yero saha tojoare. Sa ye tūhoepeta masisi. Tiquina masiñe quehnoañe pehere comesaboaya. Tiquina sa comesagū ihñano tiquina ñañe yerire boboaya Cohācjū. (Sa ijiepegūta tiquina pehe ne tuho duerare,) niahye Jesu.

*Jesu oteriquiro quitire yahu pehoahye*  
(Mt 13.18-23; Lc 8.11-15)

<sup>13</sup> Tiquiro sa nidi bato ohō saha ni yahu nemoahye tiquinare:

—¿Ahri quitire tūhoena nijari mūsa?  
¿Mūsa ahri quitire tūhoerana, dūhse ap-eye quitire tūhonatari mūsa? niahye Jesu tiquinare.

Sa ni tuhasa ohō saha ni yahu nemoahye tiquinare:

<sup>14</sup> —Oteriquiro tiquiro oteri pjeri quehnoañe buheye yero saha ijire. <sup>15</sup> Sa yero maha dūhtu caha bora quehe sari pjeri quehnoañe buheye yero saha ijire. Sa yero masa quehnoañe buheyere tiquina tūhogū ihñano Satana pehe ahta, ti buheye quehnoañe buheyere masi dutierare tiquinare, minicjua ti pjerire tiquina dote nediro saha yero. <sup>16</sup> Sa ye utā pjeri watoa bora quehe sari pjeri quehnoañe buheye yero saha ijire. Sa ye masa quehnoañe buheyere tūho, bucueye mehna duita tire tuho ñehe maa wahare. <sup>17</sup> Sa tuho ñehepeta utā pjeri watoa ijiye cju nuhcori marieñe cju yero saha ahriquina masa gūhu tutuerare. Sa tutueraye, ñano yūhdūye, yeequina tiquina ijiri buhiri apequina tiquinare ñano yegū ihñañe yee pehere duhu cāhre. Apequina tiquinare ñano yegū tire ihcāno sahaeraye, yeere duhu cāhre. <sup>18</sup> Sa ye taa watoa bora quehe sari pjeri quehnoañe buheye yero saha ijire. <sup>19</sup> Sa ye masa quehnoañe buheyere tūhoepeta, ahri yehpa cjēne pajiro bujua witi tūhotuye, niñeru pehere cahine. Apee boro gūhure peye tutuaro cahmene. Tiquina sa ni tūhotugū ti pehe quehnoañe buheyere cahmotare. Ti sa cahmotagū masa quehnoañe pehere yerare. <sup>20</sup> Sa ye quehnoari yehpapū bora quehe sari pjeri quehnoañe buheye yero saha ijire. Sa ye masa quehnoañe buheyere tūhoye tire cahmene. Sa masiñequina ijiye, Cohācjū tiquiro cahmeno sahata quehnoañene yere

tiquina. Ihquēquina mehenno quehnoañene yere treinta pjeri dūca tiro saha. Apequina bui cjūno quehnoañene yere sesenta pjeri dūca tiro saha. Apequina pajiro quehnoañene yere cien pjeri dūca tiro saha, ni yahuahye Jesu tiquinare.

*Jesu sihāria quitire buheahye*  
(Lc 8.16-18)

<sup>21</sup> Sa ni tuhasa ohō saha ni nemoahye:

—Ne sihāriare dihi sutu docapū cūedare. Sa ye tiare cumuno docapū cūedare. Ūhmuanopū duhu peore quehnoano buhrio dutiye. <sup>22</sup> Ijipihtiye tiquina masiedarire came masa masieta. Sihāria buhriogū mari ihña masino saha panopūre tiquina masiedarire masieta masa. <sup>23</sup> Ahrire quehnoano tūhoya mūsa. <sup>24</sup> Mehenogā masi duana mehenogā masinata. Pajiro masi duana pajiro masinata. Sa yena mūsa tūhona quehnoano tūho nūñña. <sup>25</sup> Quehnoano tūho nūñriquiro quehnoano masinata. Tūho nūñriquiro, “Mehenogā tūhoaja”, tiquiro niepegūta ti pehe butia waharota, niahye Jesu tiquinare.

*Jesu trigore oteriquiro quitire buheahye*

<sup>26</sup> Sa ni tuhasa ohō saha ni yahu nemoahye:

—Cohācjū masa puhtoro tiquiro ijiye trigore oteriquiro yero saha ijire. <sup>27</sup> Ote tuhasa bohrearo tiquiro oteri pihniñene ihñare tiquiro. “¿Dūhse pihni wijia ta dūcajari?” ni ihña masiedare oteriquiro tiquiro basi. <sup>28</sup> Ti oteri ti basi dūca tire. Pari pūgā wijia muhtare. Came pari paro wijia, bucuare. <sup>29</sup> Ti parori bucu tuhasagū ihñano, pehere peheri pje ijigū. (Tiquiro ote, ti bucuarire tiquiro masiedaro saha Cohācjū yequina masa tiquina wahari gūhure yahu peho masiedare masa,) ni buheahye Jesu.

*Mostaza pje quitire yahuahye Jesu*  
(Mt 13.31-32; Lc 13.18-19)

<sup>30</sup> Sa ni tuhasa ohō saha ni buhe nemoahye queoye mehna buhero:

—¿Ne Cohācjū masa puhtoro tiquiro ijiye yabe boro yero saha ijijari, mūsa tūhotugū? ¿Dise quiti mehna tire yahunatari? <sup>31</sup> Mostaza pjegā yero saha ijire Cohācjū puhtoro ijiye. Ti pjegā tiquiro otegūre mehene pjegā waro ijire. <sup>32</sup> Sa ijieperota ti pjegā quehnoano pihnine. Sa yero pajidu wahare. Sa ye tūdupuri

bujaye dɔpuri bucuagū ihñañe minicjua ti dɔpuriɔ suhti suhare, niahye Jesu. (Sa nino ohō saha nino niahye. Mostaza pjegā pajidu tɔ bucuariro saha ũhmuse cjñore mari puhtorore masiñequina meheñequinagā tiquina iji muhtaepēgūta camepɔre peyequina wahaeta.)

*Quiti mehna tiquiro buherire yahuahye Jesu*

(Mt 13.34-35)

<sup>33</sup> Sa yero ti quiti tiquiro nidiro saha peye quitre tiquina tuho ñeheno puno quehnoañe buheyere buehahye tiquinare. <sup>34</sup> Quiti marieno yahuerahye tiquinare. Sa yero tiquina sehsaro ijyiequinare Jesu quehnoano yahu pehoahye tiquiro buheyequinare.

*Jesu wihnonore yusu dutiahye*

(Mt 8.23-27; Lc 8.22-25)

<sup>35</sup> Sa ye ti decore ñamicahapɔ Jesu tiquiro buheyequinare ohō saha niahye:

—Isa, si pahrēpɔ pehāñhna, niahye tiquinare.

<sup>36</sup> Tiquiro sa nigū tuhoye yucusapɔ sajā, masare yehpapɔ ducuyequinare tota cū, tiquiro buheyequina dihita Jesure ne pehā wahahye. Sa ye apeye yucusari mehna apequina tiquina bato pehāhye. <sup>37</sup> Tiquina sa pehāgū wihnono tutuaro wēahye. Sa wēno yucusare tutuaro pahcōri quē sajahye. Mehenogā dūhsamahye tiquina miniboriro. <sup>38</sup> Sa wahari watoa Jesu yucusa ohotuɔpɔ suhti puti buipɔ carino niahye. Sa ye tiquina tiquirore wahcōahye.

—¿Buhegu, muhɔ cuerajari? Mari minina tana niajū, niahye tiquina tiquirore.

<sup>39</sup> Tiquina sa nigūta Jesu pehe wahcā, wihnonore,

—To punota wē duhuya, niahye.

Sa ninota pahcōri gūhure,

—Yusuahya, niahye.

Tiquiro sa nigūta wihnono yūhdua wahahye. Sa ye pahcōri gūhɔ yusu dijiaa wahahye.

<sup>40</sup> —¿Duhse yena cue maca cāna niajari musa? ¿Musa yūhure wacū tutuerajari? niahye Jesu.

<sup>41</sup> Sa wahagū ihñañe acua yūhdua wahahye.

—¿Yohou, duhse ijiriquiro boro masano ijiajari ahriquiro? Ahri wihnono, pahcōri

gūhɔ tiquiro dutigū yūhducaerare tiquirore, niahye tiquina pehe.

## 5

*Watīare cuoriquirore yūhduoahye Jesu*

(Mt 8.28-34; Lc 8.26-39)

<sup>1-2</sup> Sa ye tiquina si pahrēpɔ Gerasa cjēna ya yehpapɔ pehā sahye. Sa yero Jesu pehe yucusapɔ sañariquiro maja saduc-ahye. Tiquiro sa maja saducari bato watīa cuoriquiro masa coperi utā coperi watoapɔ ijiriquiro wijia ta, tiquiro cahapɔ ahtahye. <sup>3</sup> Watīa cuoriquiro masa coperi watoa ijiriquiro ijiahye. Apequina pehe tiquirore come da pajiri da mehna ñehē duhte masiedahye. <sup>4</sup> Sa ye peye tahari masa tiquirore dahpocāri apōñe behitori mehna, come dari mehna duhtemahye. Tiquiro omocari gūhure duhtemahye. Sa yero tiquiro pehe come darire nuha, dahpocāri apōñe behitori gūhure nuha site mūjahye. Sa ye tutuariquiro tiquiro ijiro mehna masa pehe tiquirore ñehē masiedahye. <sup>5</sup> Ñami ijigū, deco ijigū utā coperi watoapɔ cunapɔ sa sañuducue tiahye tiquiro. Sa yero utā mehna tiquiro basi tiquiro pagure quēe tiahye. <sup>6</sup> Sa yero yoropɔ Jesure ihñadoqueo tiquiro cahapɔ oma maa cāhta, dusepe curi mehna quehe sahye tiquirore ño peoro taro.

<sup>7-8</sup> —Watīa duhuya tiquirore, niahye Jesu.

Tiquiro sa nigū tuhoro watīa cuoriquiro ohō saha niahye:

—¿Jesu, Cohācjū tutuariquiro macɔ, yabere yegu tɔu niajari muhɔ yūhure? Cohācjū tiquiro ihñonopɔ siniaja yūhɔ muhure. Yūhure ñano yeracāñña, ni sañuducuahye watīa cuoriquiro Jesure.

<sup>9</sup> —¿Duhse wame tiajari muhɔ? niahye Jesu tiquirore.

—Usā peyequina ijiaja. Sa yena “Peyequina watīa” wame tiaja. <sup>10</sup> Usā ahri dihtapɔ ijinare ape siepɔ waha dutieracāñña, niahye watīa cuoriquiro.

<sup>11</sup> Ti pjere yesea peyequina tiquina cahapɔ cunɔ dahpotopɔ ihyaye niahye.

<sup>12</sup> Topɔ tiquina ihyaducugū ihñañe, ohō saha ni siniahye watīa:

—Sisequina yesea cahapɔ waha duti ya usāre. Tiquina mehna iji duti ya usāre, ni siniahye watīa tiquirore.

<sup>13</sup> Tiquina sa nigū tuhoro tiquinare waha dutiahye Jesu. Tiquiro sa waha dutigū

watīa masæno mehna ijiriquina waha, yesea dos mil yesea cahapæ esahye. Tiquina cahapæ tiquina esari bato yesea pehe ijipihtiyequina ditara dæhtu cahapæ oma buha, ti ditarapæ bora ñojoa, mini yaria pihitia wahahye.

<sup>14</sup> Tiquina sa minigū ihñañe, yeseare cohteyequina pajiri macapæ, daye macarigapæ gūhure tire yahuye waha, oma cāa wahahye. Tiquina sa yahugū tuhoye masa pehe peyequina tiquiro yerire ihñañe wahahye. <sup>15</sup> Sa ye Jesu cahapæ wihiye, watīa cæoriquiro tiquiro suhti tiriqiro, tuho masiniqiro tiquiro dujigū ihñañe, ihña maria waha, cueahye. <sup>16</sup> Sa ye watīa cæomediquiro, yesea gūhure tiquina sa waharire ihñariquina apequinare yahu pehoahye. <sup>17</sup> Tiquina sa yahu pehogū tuhoye, Jesure tutuaro mehna ape sieru waha dutiahye.

<sup>18</sup> Sa yero yucæsaræ Jesu tiquiro sajāgū ihñano, “Mūhū mehna waha duaja”, ni tutuaro sinimahye watīare cæomediquiro Jesure. <sup>19</sup> Tiquiro sa nigū Jesu tiquirore yahuahye:

—Yūhū mehna wahaeracāhña. Mūhū ya wūhūpæ mūhū caha ijyeyequina cahapæ yūhū mūhū pæhto mūhure yūhū yerire yahugū wahaya. Mūhure yūhū paja ihñarire yahugū wahaya tiquinare, niahye tiquirore.

<sup>20</sup> Tiquiro sa nigū watīa cæomediquiro pehe Decapoli wame tiri macapæ Jesu tiquirore yūhdæorire yahu dæcahye. Tiquiro sa ni yahugū tuhoye ijipihtiyequina masa tuho maria wahahye.

*Jairo maconore yūhdæoro, dii mūna wihoro dohatiducuricoro gūhure yūhdæoahye Jesu*

(Mt 9.18-26; Lc 8.40-56)

<sup>21</sup> Sa ye pari turi Jesu tiquiro majare pehā sagū masa peyequina tiquiro cahapæ ditara dæhtu cahapæ cahmeoahye. <sup>22</sup> Sa yero usā judio masa buheri wūhure ihña ihboriquiro Jairo wame tiriqiro ahta, Jesure ihña, tiquiro dahpocāri cahapæ dusepe curi mehna quehe saro, ohō saha niahye:

<sup>23</sup> —Yūhū macogā yariaro nidi. Sa yegu ticorore mūhū omoca mehna ña peogu, yūhdæogu ahtaya. Mūhū sa yegū ticoro masanota, niahye tiquiro Jesure.

<sup>24</sup> Tiquiro sa nigū Jesu gūhū pehe tiquiro mehna wahahye. Mahapæ tiquiro wahagū masa peyequina tiquirore nūnū tā cā bihsaro esadæca sahye. <sup>25</sup> Sa yero numino doce cæhmari waro decoripe dii mūna dohatiducuricoro topæ ijiahye. To pano peyequina duturua ticorore ñano yūhdægū yehahye. <sup>26</sup> Sa yero duturuare ijipihtiye ticoro niñeru mehna wapa yemahye ticoro aco ye dutiro. Tiquina sa yepegūta ticoro mūnanota ijiducu cāhye. Sa yero ticoro tiquinare ihñari bato to pano ijiriro yūhdæoro ñano wahahye. <sup>27</sup> Ticoro sa ñano yūhdæari bato Jesu yeyere tuhoye, apequina yahuahye ticorore. Sa yero ticoro Jesu bato masa peyequina watoa ahta, Jesu suhtirore ñehe tuhuahye. <sup>28</sup> “Yūhū tiquiro suhtiro dihitarre ñehe tuhugo quehnoa wahagota”, ni tuhotuahye. <sup>29</sup> Sa yero ticoro sa ñehe tuhuri bato ticoro dii mūna dohatiyere yūhdægū ticoro pagure quehnoari pagū tuhotuahye. <sup>30</sup> Sa yero Jesu tiquiro tutuaye mehna dohatiyere tiquiro cohārire masino, masa watoa majaredæca sa ihñahye.

—¿Noa yūhū suhtirore ñehe tuhuajari? niahye tiquiro.

<sup>31</sup> Tiquiro sa nigū tuhoye tiquiro buheyequina ohō saha niahye:

—Bihsarīne. Sa ye masa peyequina mūhure pihare. “¿Noa yūhure ñehe tuhuajari?” nigū, ¿dæhse nigū sa niajari mūhū? niahye tiquina pehe tiquirore.

<sup>32</sup> Sa yero Jesu tiquirore ñehe tuhuricorore macahye. <sup>33</sup> Tiquiro sa macano watoa ticoro pehe ticoro pagū quehnoa wahagū tuhoturo, cue nanare dusepe curi mehna quehe sahye tiquiro caha tiquirore ño peoro. <sup>34</sup> Sa yero ticoro potota yahu pehoahye tiquirore. Ticoro sa ni yahuri bato Jesu ticorore yahuahye:

—Maco, yūhure mūhū wacū tutuaye mehna quehnoago tojoare yojopære. Bucu-eye mehna wahaya. Dohatiye mariego ijija, niahye Jesu ticorore.

<sup>35</sup> Tiquiro sa ni yahuducuri bato judio masare buheri wūhure ihña ihboriquiro ya wūhū cǰēna yahuye wihiahye.

—Mūhū maco yaria wahari. Sa yegu buheriquirore piji cæhteracāhña, niahye tiquina.

<sup>36</sup> Tiquina sa niepegūta sa tūhotu cāhno, Jesu ti wūhare ihña ihboriquirore ohō saha ni yahuahye:

—Bujua witieracāhña. Yūhure wacū tu-tuaya. Ti dihitare yeya, niahye ti wūhare ihña ihboriquirore.

<sup>37</sup> Sa ni tuhasa Santiago, tiquiro bahuro Ńu, Pedro tiquina dihitare “Yūhū mehna ahtaya”, niahye Jesu. <sup>38</sup> Sa yero judio masa buheri wūhare ihña ihboriquirore ya wūhūpū esahye. Ti wūhūpū masa peye-quina űnāno bisi űehe quea utigū, tiquina sañuducugū tūhoahye Jesu.

<sup>39</sup> —Ńāno ni, űehe quea utieracāhña musa. Ticorogā musa sa ni utigū yarierare. Carīno nine, niahye Jesu tiquinare.

<sup>40</sup> Tiquiro sa nigū tūhoye “Sa ni maca cāhno nine ahriquiro”, ni bujuaahye tiquina pehe tiquirore.

Sa yero tiquiro tiquinare sopesahapū wio peho cāhye. Sa wio tuhasaro ticorogā pascūmūare, tiquiro mehna cĵēna gūhūre ticorogā cahapū neahye Jesu. <sup>41</sup> Sa yero Jesu ticoro omocare űehe, “Talita cum”, niahye tiquiro. “Talita cum”, nino, “ ‘Meheni-corogā wahcāña’, niaja yūhū”, nino nine.

<sup>42</sup> Tiquiro sa nigū ticorogā wahcādūca sa, tiniahye. Doce cūhmari cūoricoro ijiahye ticoro. Ticorore tiquiro sa yegū ihñañe tiquina ihña maria wahahye. <sup>43</sup> Sa yero Jesu tutuaro mehna tiquiro sa yerire yahu site dutierahye. Sa ye tuhasa ticorore ihyayere oho dutiahye.

## 6

*Nazare cĵēna Jesure cahmedahye*  
(Mt 13.53-58; Lc 4.16-30)

<sup>1</sup> Sa ye topū ijiriquiro Jesu waha, tiquiro buheyequina mehna tiquiro ya dihtapū tojoa sahye. <sup>2</sup> Sa yero Jesu saurū ijigū judio masa buheri wūhūpū buhe dūc-ahye. Tiquiro sa buhegū masa peyequina tiquirore tūhoye, acua wahahye.

—ĴAhriquiro nohorū tūhoyari ahri buheyere? ĴDūhse yero quehnoano masi pehojari ahriquiro? Cohācĵū tutuaye mehna ye ihñore ahriquiro masare. <sup>3</sup> Ahriquiro taboa dahrari masūno María macūno, Santiago, José, Juda, Simo tiquina wahminota ijimederō. Sa ye tiquiro bahana numia mari ye macapū ijinimedi. Sa yero

tiquiro gūhū mari yero saha ijiriquiro ijire, niahye tiquina Jesure tūhoriquina.

Sa ye Jesure ihña tuhtiyē, tiquirore cahmedahye. <sup>4</sup> Tiquina sa cahmedagū ihñāno ohō saha niahye Jesu:

—Cohācĵū yere yahu māhtariquirore apequina űo peore. Tiquina sa űo peoepegūta tiquiro ya maca cĵēna, tiquiro acaye tiquiro ya wūhūpū ijieyequinata űo peerare tiquirore. Sa yena yūhūre űo peerare musa ohōre bacuarigū yūhū ijigū, niahye Jesu tiquinare.

<sup>5</sup> Sa yero ti macapū ijiriquiro Jesu Cohācĵū tutuaye mehna ye ihñō masiedahye. Sa ye ihñōedaperota ihquēquina dohatiyequina bui tiquiro omocare duhu peo, yūhūdoahye tiquiro. <sup>6</sup> Sa yero to cĵēna Jesure tiquina wacū tutueragū ihñāno, “ĴDūhse ijiro boro yūhūre cahmedajari?” ni tūhotuahye tiquiro. Sa yero Jesu ti maca cahapū ijieye macaripū buhero wahahye.

*Jesu doce buheyequinare buhe dutiro ohoahye*

(Mt 10.5-15; Lc 9.1-6)

<sup>7</sup> Sa ye Jesu doce tiquiro buheyequinare pijio, pūeyequina dihita ohoahye tiquinare macaripūre buhe dutiro. Sa yero tiquiro tutuayere ohoahye tiquinare watiare tiquina cohātire. <sup>8</sup> Sa ohoro apee boro, ihyayere, ajurire, niñerure tiquiro ne cā dutierahye tiquinare. Tiquina tuaye cĵū dihitare ne cā dutiahye tiquinare. Ihcānota suhtirore saña dutiahye tiquinare. Pūaro saña dutierahye. <sup>9</sup> Sa yero cūhta cūñe cahserire saña dutiahye tiquinare. Ihcā suhtirota saña dutiahye tiquinare. Pūaro saña dutierahye. <sup>10</sup> Sa yero ohō saha ni yahuahye tiquinare:

—Ĵjipihtiyē macaripūre mū sare tiquina carīno ohogū ti wūhūpūta tojoarīña. Coā wahanapū wijiaya ti wūhūre. <sup>11</sup> Sa yena ape maca cĵēna mū sare tiquina cahmedagū tiquina tūho dueragū ti macare yūhūdūana dahpocāri cĵē dihta esa wahārire wejē site cūña musa tiquinare tiquina ye buhirire masigū yena, ni yahuahye Jesu tiquinare.

<sup>12</sup> Sa ye doce buheyequina masare tiquina űāñe yerire bujua witi dutiye, quehnoañe pehere ye dutiye, buheye wahahye. <sup>13</sup> Sa wahaye peyequina watiare cohāñe, dohatiyequinare űhse mehna wisōñe yūhūdūgū yeahye.



Ñu wame yeriquire apequna wejēahye  
(Mt 14.1-12; Lc 9.7-9)

<sup>14</sup> Sa ye Jesure masa peyequina masi-  
ahye. Sa yero tiquire yerire pūtoro  
Herode tūhoahye. Sa tūhooro ohō saha ni  
tūhotumahye tiquire: “Ñu wame yeriquire  
yariariquire pari turi bajuaro niaga. Sa ba-  
juariquire ijero tiquire tutuaye mehna tire  
yero niaga”, ni tūhotumahye Herode. “Jesu  
Ñuta ijire”, ni tūhotumahye. <sup>15</sup> Apequna  
pehe ohō saha ni tūhotumahye: “Elia ijire”,  
ni tūhotumahye. Apequna pehe “Cohācǰū  
yere yahu mūhtariquire panopū cǰēna yero  
saha ijire tiquire”, ni tūhotumahye tiquina  
Jesure. <sup>16</sup> Tiquina sa ni tūhotuepegūta  
Herode pehe Jesu tiquire yerire tūhoro ohō  
saha ni tūhotumahye. “Ñu yūhū dapu dūte  
sure dutiriquiro bajuaro niaga”, ni tūho-  
tumahye.

<sup>17-18</sup> Nūre tiquina wejēato pano Herode  
tiquire nēhe duti, peresu ye dutiahye.  
Herode tiquire bahūro Felipe namonore  
Herodia wame tiricorore ehma, namo  
tiahye.

—Mūhū bahū namonore namo tigu Co-  
hācǰū dutiyere yūhdūdcagū nine mūhū, ni  
yahuahye Ñu Herodere.

Tiquire sa nidi buhiri Herode namono  
Herodia Nūre peresu tiquina yegū cah-  
meahye. <sup>19</sup> Sa yero ticoro pehe Nūre ihña  
tuhtiro, tiquire wejē duti duamahye. Sa  
ye dueperota ticoro tiquire wejē duti  
masiedahye. <sup>20</sup> Herode Nūre cuero “Ñu  
quehnoañene yeriquire, quehnoariquire  
ijire”, ni tūhotuahye. Sa yero Herodere  
cariboro yeahye Ñu pehe tiquire yahuro.  
Sa cariboepegūta tiquire bucueye mehna  
tūhomahye Nūre. <sup>21</sup> Tiquire sa bucu-  
eye mehna tūhoepegūta Herodia tiquire  
ticoro wejē dutiati deco umū sahye. Ti pje  
Herode masa bajuari deco ijigū tiquire bose  
deco dahreahye. Sa ye tiquire yequina go-  
bierno cǰēna, surara pūhto, Galilea cǰēna  
pūhto gūhū tiquire ya bose decore ihñañe  
wihiahye. <sup>22</sup> Sa yero Herodia macono bose  
decore ihñano wihiro tiquina ihñonopū  
basa ihñoahye. Ticoro sa basa ihñogū  
ihñañe, Herode tiquire pijoriquina gūhū  
bucueahye. Tiquina sa bucuegū ihñano ohō  
saha niahye Herode:

—Mūhū cahmeñene siniña yūhūre. Sa  
yegū ohogutja mūhūre mūhū cahmeñene.

<sup>23</sup> Cohācǰū mehna poto niaja mūhūre. Mūhū  
sinino puno yeere deco mehna ohogutja  
mūhūre, niahye tiquire ticorore.

<sup>24</sup> Tiquire sa nigū ticoro Herodia macono  
pehe ticoro pacoro cahapū waha, sinitu-  
ahye:

—ǰYabere sinigotari yūhū? ni sinituahye  
ticoro pacorore.

—Ñu wame yeriquire dapure siniña, ni-  
ahye ticoro pacoro pehe.

<sup>25</sup> Ticoro sa nigūta Herodia macono  
umūñano pūtoro Herode cahapū waha,  
siniahye:

—Mianogāta Ñu wame yeriquire da-  
pure waparo mehna ohoya yūhūre, niahye  
ticoro.

<sup>26</sup> Ticoro sa nigū tūhoro pūtoro Herode  
pehe tutuaro buña witiahye. Masa tiquina  
ihñonopū “Ohogutja mūhūre”, niahye  
tiquire. Sa yero bue tiro, tiquire “Mūhūre  
ohoeraja”, ni masiedahye ticorore. <sup>27</sup> Sa  
yero duita surarare peresupū ijyiequinare  
cohteriquirore Ñu dapure dūte sure ne  
cāhta dutiahye. <sup>28</sup> Tiquire sa dutigū tūhoro  
surara pehe waha, tiquire dapure dūte  
sure, waparo mehna ne cāhtahye. Ne cāhta  
nuhminore Herodia maconore ohoahye.  
Sa yero ticoro tiquire dapure nēhe, ticoro  
pacorore oho yūhdūoahye.

<sup>29</sup> Sa ye Ñu buheyequina ijiriquina pehe  
tire tūhoye, topū esa, tiquire pagure masa  
coperū ne cā, cūahye.

*Jesu cinco mil masare ihyaye ohoahye*  
(Mt 14.13-21; Lc 9.10-17; Jn 6.1-14)

<sup>30</sup> Sa ye Jesu ohoriquina tiquire cahapū  
tojoa saye, tiquina yerire, tiquina buherire  
yahuahye tiquire. <sup>31</sup> Ti pjere masa peye-  
quina sa majareducueye, tiquinare ne ihyaro  
ohoerahye. Sa yero ohō saha niahye Jesu  
tiquinare.

—Masa marienopū mari sehsaro sona  
wahauhna, niahye tiquinare.

<sup>32</sup> Sa ye tiquina sehsaro yucūsa mehna  
masa marienopū wahahye. <sup>33</sup> Tiquina sa  
wahagū ihñañe masa peyequina tiquinare  
masiahye. Sa masiñe peye macari cǰēna  
mahapū waha, Jesu tiquire esatorpū  
tiquina masa pehe oma cā esa mūhtahye.

<sup>34</sup> Tiquina sa esagū Jesu tuha sa paha,  
yucūsapū sañariquire maja dūcaro, tiquire  
masa peyequina ijigū ihñahye. Oveja  
cohteriquiro marieñequina yero saha  
ijiahye masa, tiquire ihñagū. Sa yero Jesu

tiquinare paja ihñano, peye quehnoañe buheyere buheahye. <sup>35</sup> Ñamicahapũ doce buheyequina Jesu cahapũ esa, ohõ saha niahye:

—Ohõ masa marienopũ ijire. Ñamicaha waharo nine. <sup>36</sup> Ohõ cahagã ijyie wuhuseripũ, macaripũ gũhũre tiquina ihyatire dú dutiya masare tiquina pohe tiatire, niahye tiquina Jesure.

<sup>37</sup> —Ihyayere ohoya tiquinare, nimahye Jesu tiqiuro buheyequinare.

Tiqiuro sa nigũ ohõ saha ni yũhtiahye:

—¿Dos cientos niñeru cjoeri mehna tiquina ihyati pãre dúnatari usã? niahye tiquina Jesure.

<sup>38</sup> —¿Nohope paca pã ijijari? Ihñana wahaya, niahye tiqiuro.

Tiqiuro sa nigũ tiquina pehe ihyayere bocaye, ohõ saha niahye:

—Ihcã omope paca pã paca, pũaro wahi ijire, niahye tiquina pehe.

<sup>39</sup> Tiquina sa nigũ tũhoro Jesu pehe pe cururi taa bui duji dutiahye masare.

<sup>40</sup> Tiqiuro sa duji dutiri bato tiquina pe cururi dujiahye. Ihquẽ cururire cincuenta masa ijiahye. Apeye cururi pehere cien masa ijiahye. <sup>41</sup> Tiquina sa duji tuhasagũ ihñano Jesu pehe ihcã omope paca pã pacare, pũaro wahi mehna ne, uhmuseripũ ihñano mũoahye. Sa ihñano mũono Cohãcjũre “Quehnoare”, nino niahye. Tiqiuro sa nidi bato pã pacare nuha, tiqiuro buheyequinare masare iti duti ohoahye. Sa yero pũaro wahire iti dutiahye ijipihtiyequinare.

<sup>42</sup> Sa ye ijipihtiyequina ihya, yapĩ yũhdũa wahahye. <sup>43</sup> Tiquina ihya dũharire doce pũhũse waro pãre, wahi gũhũre ne cahme-coa wahpo dapoahye tiquina. <sup>44</sup> Sa ye pãre ihyariquina umũa dihitare tiquina queogũ cinco mil umũa ijiahye.

*Jesu aco bui tiniahye*

*(Mt 14.22-27; Jn 6.16-21)*

<sup>45</sup> Ti pjeta Jesu tiqiuro buheyequinare yucũsapũ sajã duti, ape sie pahrẽpũ Bet-saidapũ tiqiuro pano pehãyu dutiahye. Sa yero tiquina pehãri watoa Jesu pehe masare cohe tiahye. <sup>46</sup> Cohe ti tuhasa cunũpũ Cohãcjũre sinino wahahye. <sup>47</sup> Came ñamipũ yucũsa mehna ditarapũ tiquina pehãducugũ Jesu ihcãqiurota tiquina pehã tariporũ ijiahye. <sup>48</sup> Sa yero tiquina ñano yũhdũa wajagũ, tiquina pano wihnono wẽgũ

ihñadoqueoahye tiqiuro. Sa yero bohrea mũja tato pano tiquina cahapũ esaro, aco bui tini cãa wahahye. Tiquinare tiqiuro yũhdũ cã duamahye. <sup>49</sup> Tiqiuro yũhdũ cã duepegũta tiqiurore aco bui ahtagũ ihñañe, cue niahye. “Yariariqiuro ijiboaga”, ni ihñamahye tiquina. Sa ni tũhotuye tiquina sañuducuahye. <sup>50</sup> Ijipihtiyequina tiqiurore ihñañe, ihña maria wahahye. Tiquina sa ihña mariagũ ihñano Jesu tiquinare yahuahye:

—Wacũ tutuaya mũsa. Ne, yũhũre cuer-acãhña. Yũhũta ijijaja, niahye tiquinare.

<sup>51</sup> Sa ni tuhasa tiqiuro tiquina mehna yucũsapũ sajãhye. Tiqiuro sajãri batogãta wihnono yũhdũa wahahye. Sa wahagũ tiquina pehe acũa yũhdũa wahahye.

<sup>52</sup> Tiqiuro pãre peye yerire wacũedahye tiquina. Tire quehnoano masiedahye.

*Jesu Genesare cjẽnare, dohatiyequinare yũhdũoahye*

*(Mt 14.34-36)*

<sup>53</sup> Sa ye tiquina pehã sa, Genesare dihtapũ pehã sa, tiare dũhte poho, dũhtũ cahapũ pahsahye. <sup>54</sup> Sa ye yucũsapũ ijiriquina tiquina majagũta masa pehe Jesure ihña masiahye. <sup>55</sup> Sa ihña masiñe ijipihtiyo tiquina ya yehpapũ oma maja, dohatiyequinare tiquina cuñañe cahseri mehna yo cãhtahye. “Jesu topũ ijiri”, masa nigũ tũhoye topũre esahye tiquina. <sup>56</sup> Sa ye ijipihtiye macari tiqiuro esahye macaripũ, bũjũye macaripũ, daye macarigãpũ, meheñe wũhũsegã ijyie cahapũ gũhũre masa dohatiyequinare Jesu cahapũ nea cũahye. Sa topũ maharipũ tiquina cũnorũ Jesure tiqiuro suhtiro dũhtũ cahare ñehe tuhu duaye, tutuaro siniyahye tiquina:

—Mũhũ suhtiro dũhtũ caha dihitare usãre ñehe tuhu dutiya, ni siniyahye.

Sa ye tiqiuro suhtirore ñehe tuhuriquinape quehnoa wahahye tiquina.

## 7

*Masa ñañequina wahagũ yeyere yahuahye Jesu*

*(Mt 15.1-20)*

<sup>1</sup> Sa ye Jerusalẽpũ ahtariquina usã acaye judio masare buheyequina, fariseo masa gũhũ Jesu cahapũ cahme-coahye. <sup>2-4</sup> Fariseo masa ijipihtiyequina apequina judio masa mehna panorũ cjẽna tiquina dutiriro saha

tiquina omocarine omo coserape ihyera tiahye. Sa ye doeri cĵē duayequina cahapū esayequina tiquina ye wuhusepū wihiye tiquina dutiriro saha tiquina omocarine omo coserape ihyera tiahye. Sa ye peye apeye dutiyere panopū cĵēna judio masa tiquina dutiyere yee tiahye. Sihniñe parire coseye, dihi suturire coseye, come suturire coseye, yee tiahye tiquina judio masa, “Cohācĵū sa cahmene”, niñe. Sa ye Jesu cahapū cahmecoañe Jesu buheyequina judio masa tiquina dutiriro saha tiquina omo coseragū ihñahye fariseo masa. <sup>5</sup> Sa ihña tuhasaye Jesure sinituahye:

—Māhū buheyequina ihyaye mari ñecusūmū māna tiquina dutiriro sahata tiquina omocarine omo coserape. ¿Duhse yeye mari dutiyere yerajari? niahye tiquina Jesure.

<sup>6</sup> Tiquina sa nigū tūhoro Jesu yahuahye tiquinare.

—Masa tiquina ihñono dihita quehnoano iji mehona ijire masa. Cohācĵū yere yahu māhtariquiro mñnano Isaia mūsare panopūre potota yahue tiahye. Ohō saha niahye:

Ahriquina masa yūhure quehnoano yahuducuepeta yūhure ne ño peoarare. <sup>7</sup> Sa ye yūhure tiquina ñu buheye duhseati ijierare. “Cohācĵū ye dutiye ijire ahri”, ni meho buhere tiquina buheye, ni ojoahye Isaia.

<sup>8</sup> Ti ijirota ijire. Panopū cĵēna ye dutiye pehere yena tana Cohācĵū ye dutiyere yerare masa. <sup>9</sup> Cohācĵū ye dutiyere cohāna, masa acaye ye dutiye pehere yere masa. <sup>10</sup> Ohō saha yena Cohācĵū ye pehere yūhdūducana nine masa. Panopūre ohō saha niahye Cohācĵū tiquiro dutiyere Moiserere cūno: “Masa pacusūmūare ño peoya. Ihcāquiro tiquiro pacusūmūare ñano quiti dahreriquiro ijiro ti buhiri tiquina wejēatiquiro ijirota”, niahye Cohācĵū Moiserere tiquiro cūri dutiye. <sup>11</sup> Tiquiro sa niepegūta ohō saha ye dutire masa tiquina pacusūmūare yedoho dutierana: Tiquina pacusūmūare tiquina ohoborire Cohācĵū pehere oho dutire masa. Sa ni buhemene masa. <sup>12</sup> Sa buhena tiquina pacusūmūare ño peogū yerare masa tiquinare. <sup>13</sup> Sa yena Cohācĵū dutiyere yūhdūducana nine masa mari acaye panopū cĵēna ye dutiye pehere yena. Apequinare masa ye buheye dihitar

tūho dutire masa. Peye sa ijiyere yere masa, niahye Jesu tiquinare.

<sup>14</sup> Sa ni tuhasaro apequinare pijioahye. Ohō saha niahye:

—Masa ijipihtina tūhoya yūhure. Yūhū niñene quehnoano masiña masa. <sup>15</sup> Masa dūserire saĵāñe pehe masa ihyaye pehe mūsare ñana ijigū yerare. Masa ñañe yahuducuye pehe masa dūseri wijiaye pehe mūsare ñana ijigū yere. [ <sup>16</sup> Yūhure quehnoano tūhoya,] niahye Jesu.

<sup>17</sup> Sa ni tuhasa Jesu masa cahapū ijiriquiro waha, wūhūpū saĵāa wahahye. Sa saĵā sagū ihñañe tiquiro buheyequina pehe tiquiro buherire sinituahye. Tiquina sa sinitugū tūhoro ohō saha niahye tiquiro:

<sup>18</sup> —¿Ne tūho ñehedajari masa? Masa dūserire saĵāñe pehe masa ihyaye pehe mūsare ñana ijigū yerare. <sup>19</sup> Ti masa tūhotuyepure saĵāedare. Masa paarpū saĵā yūhdūa wahare, niahye Jesu.

Sa nino “Ijipihtiye ihyaye quehnoañe ijire”, nino niahye. <sup>20</sup> Ohō saha ni nemoahye:

—Masa ñañe yahuducuye pehe masa dūseri wijiaye pehe mūsare ñana ijigū yere. <sup>21-22</sup> Nāno tūhotuye, wūana tiye, numia mehna ñano yeducuye, mūma mehna ñano yeducuye, masare wejēñe, yaqueye, apequiro yere tutuaro cahme yūhdūye, ñano yeye, ni mehoñe, peye ñañene yeducuye, apequiro yere coo ihña tuhtiye, ñano quiti dahreye, “Apequinare yūhdūducāja”, ni tūhotuye, tūho masieñequina ijiye, ti ijipihtiye mūsare masa tūhotuyepū ahtare. <sup>23</sup> Ijipihtiye ahri ñañe masa tūhotuyepū ahta, mūsare ñana ijigū yere, niahye Jesu.

*Judio masono ijiericoro Jesure wacū tutuahye*

(Mt 15.21-28)

<sup>24</sup> Sa yero Tiro wame tiri maca cahapū esaro, to cĵā wūhūpū saĵāa wahahye. Sa yero apequinare tiquiro ijiri wūhure yahu dutierahye. Sa yahu dutieraperota tiquinare tiquiro duhti masiedahye. <sup>25</sup> Ti pjereta numino ticoro macono watino cūoricoro tiquiro cahapū ijiahye. Sa ye Jesu yerire ihñañe apequina ticoro pacorore yahuahye. Tiquina sa yahuri bato ticoro pacoro pehe waha, Jesu dahpocāri cahapū dūsepe curi mehna quehe sahye tiquirore

ño peoro. <sup>26</sup>Ticoro Siria yehparu ijiri yehpa Fenicia wame tiri yehpa cjõno ijiahye.

—Watĩnore cohãrĩña yũhũ macore, ni siniahye ticoro Jesure.

<sup>27</sup>Ticoro sa sinigũ tuhoro ohõ saha niahye Jesu:

—Wahmanore wũhũ upũro pohne ye ihyayere diayeare yũhũ oho mũhtagũ to wahaerare. (Israe masa yere ape yehpa cjẽnare yũhũ oho mũhtagũ to wahaerare,) niahye Jesu ticorore queoye mehna yahuro.

<sup>28</sup>—Sa tjire puhto. Sa ijiepegũta diayea gũhũ mesa doca tiquina pohne ihya site dijioyere ihya cohtere tiquina gũhũ. (Ape yehpa cjõ yũhũ ijiepegũta yũhũ gũhũre yedoho masine mũhũ,) ni yũhtiahye ticoro.

<sup>29</sup>—Mũhũ sa ni yũhtigũ mũhũ macore watĩno duhu tuhasari. Ihũngo wahaya, niahye Jesu ticorore.

<sup>30</sup>Tiquiro sa nigũ tuhoro waha, ticoro wũhũparu esaro, ticoro maconore watĩno marienicoropũre cuñanopũ ijiricorore ihũahye.

*Cahmono* tũhoeriquirore, yahuducu masieniquirore yũhdũoahye Jesu

<sup>31</sup>Ti pjere Jesu Tiro wame tiri maca cahapu ijiriquiro waha, Sidõ wame tiri macare esa yũhdũ cã, Decapoli wame tiri macare esa yũhdũ cã, Galilea wame tiri ditarapu esahye. <sup>32</sup>Sa ye cahmono tũhoeriquirore, yahuducu masieniquirore Jesu cahapu ne cãhtahye apequina.

—Mũhũ omoca mehna ña peoya tiquirore, ni siniahye tiquina tiquirore.

<sup>33</sup>Tiquina sa nigũta Jesu pehe tũhoeriquirore ne cã, masa marienopũ siho esahye. Tiquina sehsharo ijiahye. Sa yero Jesu tiquiro omo piri mehna tũhoeriquirore cahmo coperire ohbe sõahye. Sa ye tuhasa, sihco puti, tiquiro ñehmenore ña peoahye.

<sup>34</sup>Sa ye tuhasa mũhũsepu ihũña mũo, jeri ne, ohõ saha niahye:

—Efata, niahye Jesu. “Efata”, nino “Põohũña”, nino nine. Sa nino tiquirore tũho dutiro niahye. Sa yero yahuducu dutiro niahye.

<sup>35</sup>Tiquiro sa nigũta tiquiro pehe tũho boca, tiquiro ñehmeno cahbiro wahagũ tũhoturo quehnoano yahuducuahye. <sup>36</sup>Sa yero Jesu tiquinare tire apequinare yahu site dutierahye. Tiquiro sa yahu site dutier-

site nemoahye. <sup>37</sup>Sa ye masa tũho maria wahaye, ohõ saha niahye:

—Ijiphtiyere tiquiro quehnoano yere. Tũhoeyequinare quehnoano tũhogũ yere. Yahuducu masieñequina gũhũre quehnoano yahuducugũ yere Jesu, niahye masa.

## 8

*Cuatro mil masare ihyayere ohoahye Jesu (Mt 15.32-39)*

<sup>1</sup>Ti pjere pari turi masa peyequina cahmecoari bato ihyaye marieñequina tiquina ijigũ ihũano Jesu tiquiro buheyequinare pijioahye:

<sup>2</sup>—Ahriquina masa ihtia deco waro yũhũ mehna iji tuhasari. Sa ye tiquinare pohe mariedare. Tiquina pohe mariedagũ ihũngũ tiquinare paja ihũña yũhũ.

<sup>3</sup>Apequina tiquina mehna cjẽna yoaropũ ahtari. “Tiquinapu mũña ahbayequina mahapu borari”, nigũ tiquinare ihyaye marieno tiquina ye wũhũsepu waha duti dueraja. Sa yegu tiquinare pohe oho duaja, niahye Jesu tiquiro buheyequinare.

<sup>4</sup>—¿Dũhse ye mari ohõre masa marienopũre pãre boca ohoboagari mari? niahye Jesu buheyequina tiquirore.

<sup>5</sup>—¿Nohope paca pã pacare cõojari masa? ni sinituahye Jesu.

—Siete pã paca ijire, niahye tiquina.

<sup>6</sup>Sa yero tiquiro masare yehparu duji duti, siete pã pacare ne, Cohãcjũre “Quehnoare”, niahye. Sa ni tuhasa, ti pacare nuha, tiquiro buheyequinare oho, masare iti dutiahye. Tiquiro sa dutiri bato tiquiro buheyequina pehe pãre masare itiahye. <sup>7</sup>Sa ye wahi gũhũre meheñequinahã cõoahye tiquina. Sa yero tiquinare Cohãcjũre “Quehnoare”, ni, wahi gũhũre iti dutiahye. <sup>8</sup>Tiquina iti tuhasagũ tiquina ihyaye, yapi yũhdũa wahahye. Tiquina ihya dũharire siete puhuse waro ne cahmecoahye wahpo dapoahye tiquina. Tiquina cuatro mil masa ijiahye. <sup>9-10</sup>Sa ye tuhasa Jesu masare cohe tiahye. Cohe ti tuhasa tiquiro buheyequina mehna yucũsapũ sajahye. Sajã tuhasa Dalmanuta wame tiri maca cahapu wahahye.

*Fariseo masa Jesure Cohãcjũ tutuayeh mehna ye ihũo dutiahye (Mt 16.1-4; Lc 12.54-56)*

<sup>11</sup> Sa ye fariseo masa wihi, Jesu mehna cahme duse tutuahye. Tiquina Jesure Cohācjū tutuaye mehna ye ihño dutiye, tiqiuro ye ihño masiedagū ihña duamahye.

<sup>12</sup> Tiquina sa dutigū tūhoro Jesu tutuaro bujua witi pihopūri, jeri sajäedaro, ohō saha niahye:

—¿Musa yojopū cjāna dūhse yena musa Cohācjū tutuaye mehna ye ihñoñene ihña duajari? Potota niita niaja musare. Yojopū cjānare musare Cohācjū tutuaye mehna ne ye ihñosi yūhu, niahye Jesu.

<sup>13</sup> Sa ni tuhasa waha, pari turi yucūsapū sajä, ape sie pahrēpū pehāa wahahye.

*Fariseo masa, Herode mehna cjēna gūhūre tiquina ñañe buheyere yahuahye Jesu (Mt 16.5-12)*

<sup>14</sup> Sa wahaye, pāre bo cū, yucūsapū ihcāri-ata pāre cūoahye tiquina. <sup>15</sup> Sa yero Jesu cua petaro mehna yahuahye tiquinare.

—Quehnoano yeya. Fariseo masa, Herode mehna cjēna gūhū tiquina ye pāre pugū yeyere ihñana quehnoano yeya. Cuarine ti, ni yahuahye.

<sup>16</sup> Tiquiro sa nigū tūhoye tiqiuro buheyequina pehe tire tiquina basi yahuducuahye.

—Mari pāre mari ne cāhtaeragū ihñano sa niaga ahriqiuro, nimahye tiquina.

<sup>17</sup> Tiquina sa nidire masino tiquinare sinituahye Jesu:

—¿Dūhse yena musa pā borire wacūajari musa? ¿Musa masiedajari? ¿Tūhoerajari? ¿Tūho duerajari musa? <sup>18</sup> ¿Caperi tina ijiepenata ihñedajari musa? ¿Sa yena cahmono tina ijiepenata tūhoerajari musa? ¿Musa ahrire wacūedajari? <sup>19</sup> ¿Yūhu ihcā omope paca pā pacare nuha, cinco mil masare yūhu ohorire wacūedajari musa? ¿Tiquina ihya dūharire nohope pūhūserē pā pacare musa ne cahmecoa wahpo daporī pūhūserē neari musa? niahye Jesu tiquinare.

—Doce pūhūse nei, niahye tiquina tiqiurore.

<sup>20</sup> —¿Sa ye yūhu siete pā pacare cuatro mil masare yūhu ohori bato nohope pūhūserē pā pacare musa wahpo daporī pūhūserē neari musa? niahye Jesu.

—Siete pūhūse nei, niahye tiquina tiqiurore.

<sup>21</sup> —¿Sa ihñāepenata quehnoano masiedajari musa? niahye Jesu tiquinare.

*Jesu caperi bajueriquirore ihñagū yeahye*

<sup>22</sup> Sa ye Betsaidapū tiquina esagū ihñañe, masa pehe caperi bajueriquirore ne cāhtahye.

—Tiquirore ña peoya, ni tutuaro siniahye tiquina Jesure.

<sup>23</sup> Sa yero Jesu caperi bajueriquirore omocare ñehe, ti maca dūhtū cahapū tiqiurore tūā cāhye. Topū ne sa, tiqiuro caperire sihcō puti, tiqiuro omocari mehna tiqiurore ña peohye.

—¿Mūhū ihñagū bajuajari? ni sinituahye Jesu.

<sup>24</sup> Tiquiro sa nigū tiqiuro pehe ihñano ohō saha niahye:

—Ūmuare ihñaja. Yūhū sa ihñāepēgūta tiquina yucuri tiniñe cū yero saha bajure, niahye caperi bajueriquiro.

<sup>25</sup> Tiquiro sa nigū tūhoro Jesu pehe tiqiuro omocari mehna tiqiuro caperire ña peohye tja. Tiquiro sa ña peori bato caperi bajueriquiro tutuaro tiqiuro ihñagū caperi quehnoano bajuahye. Sa yero ijipihtiyere quehnoano ihñahye tiqiuro. <sup>26</sup> Sa yero Jesu tiqiurore tiqiuro ya wūhūpū ohoahye.

—Macapū pūritare wahaeracāhña, niahye Jesu tiqiurore.

*Jesu potota Cristo tiqiuro ijiyere Cohācjū ohoriquiro tiqiuro ijiyere yahuahye Pedro (Mt 16.13-20; Lc 9.18-21)*

<sup>27</sup> Sa ye Jesu tiqiuro buheyequina mehna Cesarea Filipino wame tiri maca cahapū ijyere macaripū waha nemoahye. Topū waharo Jesu sinituahye tiqiuro buheyequinare:

—¿Noa boro ijyagari yūhū, masa yūhūre tiquina tūhotugū? ni sinituahye tiqiuro.

<sup>28</sup> Tiquiro sa sinitugū tūhoye yūhtiahye tiquina:

—“Ñū wame yeriquiro ijyere”, nine. Apequina “Elia ijyere”, nine. Apequina “Cohācjū yere yahu mūhtariquina mehna cjño ijy-boaga”, nine, ni yūhtiahye tiqiuro buheyequina tiqiurore.

<sup>29</sup> Tiquiro sa nidi bato Jesu sinitu nemoahye:

—¿Musa pehe tūhotugū noa boro ijyagari yūhū? ni sinituahye tja.

—Mūhū Cristo Cohācjū ohorigū ijyere, ni yūhtiahye Pedro.

<sup>30</sup> Tiquiro sa nigū tūhoro Jesu ohō saha niahye:

—Yuhure “Cristo ijire tiqiro”, ni yahu site niedacãhña apeqinapure, niahye tiquinare.

*Jesu tiqiro yaria masa wijiatire yahuahye (Mt 16.21-28; Lc 9.22-27)*

<sup>31</sup> Sa ye tiqiro buhe dũcahye tiquinare.

—Yuhũ masũ Cohãcjũ ohorigũ ijijaja. Sa yegũ tutuaro ñano yũhdũgũta. Sata waharo cahmene yuhure. Judio masa bucuna, pahia puhto, mari judio masare buheye-quina yuhure cahmedaye, yuhure wejẽeta. Tiquina sa wejẽgũ ihtia deco wahaboro masa wijiatũta, niahye Jesu tiquinare.

<sup>32</sup> Sa nino ne tuho wisiagũ yero marieno yahuro niahye tiquinare. Tiquiro sa nigũ tuhoru Pedro pehe yoa cjũnogã Jesure ne sadũca, tiqirore sa ni dutierahye.

<sup>33</sup> Tiquiro sa ni dutieragũ tuhoru Jesu tiqiro buheyequinare majare ihña, tuhtiahye Pedore.

—Satana yero saha yahuducugũ nine mũhũ. Sa niedacãhña. Mũhũ tuhotuye masa ye ijire. Cohãcjũ ye ijierare, niahye tiqiro Pedore.

<sup>34</sup> Sa ni tuhasa masare tiqiro buheye-quina mehna tiqiro cahapũ pijio ohõ saha niahye:

—Ihcãquiro yaquiro iji duaro, tiqiro esa tuharo ye duamedire duhu cãnota. Sa yero yaquiro tiqiro ijiri buhiri ñano yũhdũeperota yuhure duhusi. Sa yero yeere yeducuriqiro ijirota. <sup>35</sup> Masũno tiqiro esa tuharo tiqiro cahmeno sahata yeriquiro pecapũ waharota. Sa yero masũno, yeere sa yeducuro, quehnoañe buheyere sa yeducuro, ijipihtiyere decori yuhũ mehna ahmũsepeũ ijiducurota.

<sup>36</sup> ¿Ihcãquiro masũno ahri yehpa cjẽne ijipihtiyere cuoriquiro pecapũ waharo yabere wapatajari tiqiro? Sa ijiriquiro ne wapataerare. <sup>37</sup> Pecapũ tiqiro jeripohna wahagũ ne dũhse wapa ye wioro basioeraga. Masũno jeripohna ihyo waro ijierare. <sup>38</sup> YojoPURE, ñañequina Cohãcjũre cahmeeñequina tiquina esa tuharo yeri deco ijiro nine. Ihqũequina yuhure, yuhũ buheye gũhure bæ tisãboaga. Tiquina sa yegũ ihñagũ yuhũ masũ Cohãcjũ ohorigũ quehnoañequina angele mehna yuhũ Pacu asi sitero mehna tojoa tagũ yuhure bæ tisãnequinare bæ tisãgũta yuhũ gũhũ, ni yahuahye Jesu.

## 9

<sup>1</sup> Sa ni tuhasa ohõ saha ni nemoahye Jesu: —Potota niita niaja musare. Ihqũequina musa ohõPURE ijina musa yariato pano Cohãcjũ tiqiro puhtoro ijiorPURE yuhũ sajàgũ yuhure ihñanata, niahye Jesu tiquinare.

*Jesu tiqiro pagure comesahye (Mt 17.1-13; Lc 9.28-36)*

<sup>2</sup> Sa ye seis decori bato Jesu Pedore, Santiagore, tiqiro bahuro Ñu gũhure ahmũanũ cãnpũ tiquina dihitare piji mũjahye. Ahmũanopũ esari bato tiquina ihñonopũ tiqiro pagure comesaa wahahye. <sup>3</sup> Tiquiro suhtiro asi sitero yero saha yehsero wahahye. Ahri yehpa cjẽna numia suhti coseyequina numia sa yehseye ye masiedare. <sup>4</sup> Sa ye Jesu Elia mũnano, Moise mũnano mehna tiquina yahuducugũ ihñahye tiquina ihtiaro tiqiro buheyequina. <sup>5,6</sup> Sa ye tiquina tutuaro cueahye. Sa cuero dũhse ni masiedamehno ohõ saha nimahye Pedro:

—Puhto, mari ohõ ijigũ quehnoa duare. Ihtia wuhũgã yematja. Mũhũ ya wuhũgã, Moise ya wuhũgã, Elia ya wuhũgã yematja, nimahye tiqiro Jesure.

<sup>7</sup> Sa yero tiquina bui ehmeo curua cahmotahye. Sa cahmotagũta ehmeo watoapũ nino ca tahye:

—Ahriqiro yuhũ macũ yuhũ cahĩniqiro ijire. Tuhoaya tiqirore, nino ca tahye.

<sup>8</sup> Sa nigũta Pedro gũhũ ihñamahye. Jesu dihitare ihñahye. Tiquina ihñariquina pehe mariedahye. <sup>9</sup> Sa yero cãnpũ tiquina dijia tagũ Jesu tiquinare yahuahye:

—Mianogã yuhure sa waharire apeqinare yahueracãhña. Yuhũ masũ Cohãcjũ ohorigũ yuhũ yaria masa wijiaro bato tire apeqinare yahuya musa, ni yahuahye tiqiro.

<sup>10</sup> Sa ye tiqiro dutiriro sahata tiquina ihñarire yahuerahye apeqinare. Sa ye tiquina basi ohõ saha ni sinitu yahuducuahye:

—¿“Yuhũ yaria masa wijiaro bato”, nino dũhse nino niari tiqiro? ni, yahuducuahye tiquina.

Sa ye Jesure ohõ saha ni sinituahye:

<sup>11</sup> —“Cristo tiqiro ahtato pano Eliare ahta muhtano cahmene”, nine mari acaye judio masare buheyequina. ¿Dũhse ijiro

boro sa niagari tiquina? ni sinituahye tiquina tiqiore.

<sup>12-13</sup> Jesu yuhtiahye:

—Ijirota ijire. Eliare ahta mæhta dutiri Cohæcþj, ijiphtiyere quehno mahta-tiqiore. Yuhu masu Cohæcþj ohorigu peye tahari ñano yuhduguta. Apequina yuhure cahmedaye, ñano yeeta. ¿Duhse ijiro boro tire sa ni ojoari, musa tuhogutã? Sa yegu ahrire niitja musare: Elia wihi tuhasari. Tiquiro sa wihiepeguta tiquina cahmediro saha tiqiore ñano yeahye. Sata ni ojoahye tiqiore, niahye Jesu tiquinare.

*Jesu coã wahmua cãhtariqiore yuhduoahye*

*(Mt 17.14-21; Lc 9.37-43)*

<sup>14</sup> Sa ye dijia ta, apequina buheyequina cahapu esa, peyequina masare ihñahye. Tiquiro buheyequina pehe judio masare buheyequina mehna cahme duse tutuaye niahye. <sup>15</sup> Sa ye Jesu gũhu tiquina dijia tagũ ihñañe, ijiphtiyequina masa acua waha, tiqiuro cahapu oma cãa wahahye. Tiquiro cahapu esaye,

—¿Ahtajari? niahye tiqiore.

<sup>16</sup> —Ahtaja, ni tuhasa,

—¿Duhse ni cahme duse tutuana niari musa tiquina mehna? ni sinituahye Jesu tiqiuro buheyequinare.

<sup>17</sup> Tiquiro sa ni sinitugũ tuhoro, masa watoa ducuriqiuro yahuahye tiqiore:

—Buhegu, yuhu macure watino cõoriqiore mæhure ne cãhtami. Watino pehe tiqiore yahuducu dutierare. <sup>18</sup> Yuhu macure tiqiuro ñehegu yehpapu bora, bahque diho, buhaa wahae tiri tiqiuro. Sa waharo sahpo tua wahae tiri. Sa yegu mæhu buheyequinare watinore cohã dutimi. Yuhu sa dutiepeguta tiquina cohã masiedari watinore, ni yahuahye Jesure.

<sup>19</sup> Tiquiro sa nigũ tuhoro Jesu ohõ saha niahye tiquinare:

—Ne, yuhure wacũ tutuerare musa. Yoari pje musare buhemaja yuhu. ¿Noho puno yoari pje yuhure musa cariboajari? Tiquiore ne cãhtaya yuhure, niahye Jesu.

<sup>20</sup> Tiquiro sa nigũ tuhoye watino cõoriqiore Jesu caha ne cãhtahye. Tiquina ne wihigũ ihñano watino pehe coã wahmua cãhtariqiore yehpapu doque

quehe sa, tunu nanaregũ yeahye. Sa yero sahpo tuua wahahye.

<sup>21</sup> —¿Noho puno yoari pje watinore cõoajari ahriqiuro? ni, sinituahye Jesu pehe tiqiuro pacurore.

—Nijnogã ijiroputa tiqiore cõo ducari.

<sup>22</sup> Sa yero watino pehe tiqiore pecapu, acopu cohã wejemedi. Sa yegu mæhu ye masigu usãre paja ihña, yedohoya, niahye tiqiuro pacuro Jesure.

<sup>23</sup> Tiquiro sa nigũ tuhoro ohõ saha niahye Jesu:

—¿“Mæhu ye masiegu ijire”, nijari mæhu yuhure? Yuhure mæhu wacũ tutuagũ ihñano, Cohæcþj ijiphtiyere ye peho masine, mæhure yedohoro, niahye Jesu.

<sup>24</sup> Tiquiro sa nigũta coã wahmua cãhtariqiuro pacuro ohõ saha ni sañuducuahye:

—Mæhure wacũ tutuaja. Yuhu wacũ tutueragũ ihñagu yuhure yedohoya mæhure yuhu wacũ tutuato saha, niahye tiqiuro.

<sup>25</sup> Sa yero masa peyequina tiquina cahapu oma cãhta, tiquina cahmecoagũ ihñano, Jesu watinore ohõ saha ni tuhtiahye:

—Mæhu yahuducu dutiegu, tãho dutiegu ahriqiuro mehna ijirigu wahaya. Sa wahagu tiqiore pari turi cariboeracãhña, niahye Jesu.

<sup>26</sup> Tiquiro sa nigũ tuhoro watino sañuducu, coã wahmua cãhtariqiore yehpapu doque quehe sa tunu nanaregũ ye, wahahye. Tiquiro sa yegũ coã wahmua cãhtariqiuro yariariqiuro yero saha wahahye.

<sup>27</sup> —Tiquiro yariaa wahare, nimahye masa peyequina.

Tiquina sa niepeguta Jesu pehe tiqiuro omocare ñehere, tiqiore wahcõahye. Tiquiro sa wahcõgũ wahcãhye tiqiore pehe.

<sup>28</sup> Came Jesu gũhu wuhupu tiquina sajã sagũ tiqiuro buheyequina tiqiore sinituahye:

—¿Duhse yena usã pehe watinore cohã masiedayari, mæhu tuhogutã? ni sinituahye tiquina.

<sup>29</sup> —Ahriqiuro boro watinore cohã duana Cohæcþjre tutuaro sinino cahmene musare, ni yuhtiahye Jesu tiquinare.

*Pari turi Jesu tiqiuro yaria masa wijiatiire yahuahye*

*(Mt 17.22-23; Lc 9.43-45)*

<sup>30</sup> Sa ye topu ijiriquina waha, Galilea yeh-papu esa, yuhdua wahahye. Topu tiquina waharire apequina masigū cahmedahye Jesu tiqiuro yequinare buhero taro. <sup>31</sup> Topu esaro tiqiuro buheyequinare buheahye. Ohō saha ni buheahye:

—Yuhu masu Cohācjū ohorigū ijjaja. Masa yuhure ñehe, apequinapure yuhure ohoeta. Tiquina sa ohoi bato yuhure wejēta. Tiquina sa wejōrigū ijiepegūta ih-tia deco wahaboro masa wijiagutja, niahye tiquinare.

<sup>32</sup> Tiquiro sa nigū tuhoye tiquina quehnoano tuho ñehedahye. Sa ye cuye, tiqiurore tire sinitu nemoedahye.

*Jesu buheyequina tiquina mehna cjñore puhto sō duaye nimahye*

(Mt 18.1-5; Lc 9.46-48)

<sup>33</sup> Sa ye Capernaupu tiquina esari bato wuhapu tiquina ijigū Jesu pehe sinituahye tiquinare.

—¿Mahapure ahtana, dūhse ni yahuducu cāhtana niari mūsa? ni, sinituahye tiquinare.

<sup>34</sup> Tiquiro sa sinitugū tiquina yahtierahye. Mahapure ahtaye, cahme ohō saha ni yahuducu cāhtaye niahye:

—¿Mari mehna cjñore diquiro pehere mari puhtoro sōnatarī mari? ni yahuducye niahye mahapure ahtaye.

<sup>35</sup> Sa ye tiquina sa nidire bæe tiye Jesure yahtierahye. Tiquina sa yahtieragū ihñano Jesu nuju sa, tiqiuro buheyequinare doce buheyequinare pijio ohō saha niahye:

—Mūsa puhtoia iji duana ijipihtieyequina masa tiquina cahacjana ijiro cahmene mū sare. Sa yena ihyo ijina ijipihtieyequina docapu ijinata mūsa, niahye Jesu tiquinare.

<sup>36</sup> Sa nino nijinogāre tiquina watoa duhu docoahye. Duhu doco tuhāsa tiqiurogāre ne wua, ohō saha ni yahuahye:

<sup>37</sup> —Yeere ye duana ahriqiurogāre mūsa cahmena, yuhu gūhure cahmene mūsa. Sa yena yuhure cahmena, yuhure ohoriqiuro mari Pacu gūhure cahmene mūsa, niahye Jesu tiquinare.

*Marine ihña tuhtiriqiuro ijieraro, mari mehna cjñano ijire*

(Mt 10.42; Lc 9.49-50)

<sup>38</sup> Came Ņu ohō saha niahye Jesure:

—Buhegu, mūhu wame mehna watīare cohāriqiurore usā ihñan. Mari mehna

cjñano tiqiuro ijieragū ihñana tire tiqiurore ye dutierahti usā, niahye tiquina.

<sup>39</sup> Tiquina sa nigū tūhoro Jesu tiquinare yahuahye:

—Sa niedacāhña mūsa tiqiurore. Ihcāqiuro yuhu wame mehna Cohācjū tutuaye mehna yero, came yuhure ñano ni yahuducu masiedare. <sup>40</sup> Marine ihña tuhtiriqiuro ijieraro, tiqiuro mari mehna cjñano ijire. <sup>41</sup> Mū sare potota nii niaja. Yeequina mūsa ijigū ihñane apequina mū sare tiquina yedohogū ihñano Cohācjū tiquinare quehnoano yerota. Acore mū sare tiquina mehenogā sihōgū tiquinare quehnoano yerota Cohācjū tiquina sa yeri wapa, niahye Jesu tiquinare.

*Ñañene yegū cuarīne*

(Mt 18.6-9; Lc 17.1-2)

<sup>42</sup> Sa yero Jesu yahu nemoahye:

—Ahriqiurogā yero saha ijiriquirore yuhure wacū tutua ducariqiurore yahugutja mū sare. Apeqiuro ahriqiurogā yero saha ijiriquirore ñañene ye dutiro tiqiuro ña yuhduaro yuhdurota. Ihcāqiurore tiqiuro wamūapu pajiria utāre dūhte yo, pajiri mapu tiqiurore tiquina cohāgū ñano wahaboaga tiqiuro. Sa ijiepegūta ahriqiurogā yero saha ijiriquirore ñañene ye dutiriqiuro tiqiuro pehe pajiri mapu tiquina cohāriqiuro yuhduoro ñano yuhdurota. <sup>43-44</sup> Mūhu omoca mehna ñano yegu ti omocare mūhu dūte cohāboriro saha ti mūhu ñano yeye pehere duhuya. Tire duhueragu pecapu wahagūta. Topure ne peca yatierare. Sa ye becoa ne yarierare. Mūhu omocare cohāgū ti si dihita butiboaga. Sa yegu mūhu pehe sa bajuri turu ijiepegūta came Cohācjū mehna ijigūta. Pua omoca mehna pecapu wahagu mūhu sa wahagū ña yuhduaboaga. Sa yegu ti mūhu ñano yeye pehere duhuya.

<sup>45-46</sup> Mūhu dahpocā mehna ñano yegu ti dahpocā gūhure mūhu dūte cohāboriro saha ti mūhu ñano yeye pehere duhuya. Tire duhueragu pecapu wahagūta. Topure ne peca yatierare. Sa ye becoa ne yarierare. Mūhu dahpocāre mūhu cohāgū ti si dihita butiboaga. Sa yegu sa bajuri turu ijiepegūta came Cohācjū mehna ijigūta. Pua dahpocā mehna pecapu wahagu mūhu sa wahagū ña yuhduaboaga. Sa yegu ti mūhu ñano yeye pehere duhuya. <sup>47-48</sup> Mūhu capea mehna



ñano yegu tiare ore we muhu cohaboriro saha ti muhu ñano yeye pehere duhuya. Tire duhueragu pecapu wahaguta. Topure ne peca yatierare. Sa ye becoa ne yarierare. Tiare muhu cohāgū tia dihita butiboaga. Ihcā capea mariedapēgūta came Cohācǵū mehna ijiguta. Pua capea mehna pecapu wahagu muhu sa wahagū ña yuhduaboaga. Sa yegu ti muhu ñano yeye pehere duhuya.

<sup>49</sup> Ahri yehparu ijina ñano yuhdunata musa. Pecapu mari ujūgū marine purino saha ñano yuhdunata musa. <sup>50</sup> Moa quehnoano ocare. Moa ocaeragū ti moare ocagū yero basioerare. Moa ocaeraro ti moa ne quehnoadare. Ti moare dahsero basioerare. Sa ijigū ihñana ti moare cohāno cahmene. Moa quehnoano ti ocaro saha musa gūhu masa quehnoana ijiya. Sa yena apequina mehna quehnoano mehna ijiya, ni yahuahye Jesu tiquinare.

## 10

*Tiquina namosānumiare cohāñene yahuahye Jesu*

(Mt 19.1-12; Lc 16.18)

<sup>1</sup> Sa ye tiqiro topu ijiriquiro waha, Judea yehpa cahapu esa, Jordā wame tiri ma ape sie pahrēpū esahye. Topu tiqiro esagū ihñañe masa peyequina tiqiro cahapu cahmecoahye tja. Tiquina sa cahmecoagū ihñano to pano tiqiro buheriro sahata pari turi buheahye tja. <sup>2</sup> Tiquiro sa buheri watoa fariseo masa wihiahye. Jesure ñano tiqiro yahuducugū tūho duamahye tiquina. Sa tūho duaye tiquina Jesure sinituahye.

—¿Mari namosānumiare cohāgū quehnoaboagari? ¿Mari dutiye pehe sata ye dutiajari, muhu tūhotugū? ni sinituahye tiquina.

<sup>3</sup> —¿Dahse ye dutiajari to Moise musare tiqiro cūri? ni yūhtiahye Jesu.

<sup>4</sup> —“Pepera pūre musa cohāñene yahuyere ojoana musa namosānumiare cohā masine”, niahye Moise, ni yūhtiahye fariseo masa pehe.

<sup>5</sup> Tiquina sa nigū tūhoro ohō saha ni yahuahye Jesu:

—Cohācǵū dutiyere musa ye dueragū ihñano sa ni ojoahye Moise. <sup>6</sup> Tiquiro sa ni ojoari ijiepegūta ahri yehpare bajumehnediquiro umano, numino gūhure yeahye. <sup>7</sup> Sa yero umano tiqiro pacusumare cohā wijia, tiqiro namono

mehna ijirota. <sup>8</sup> Sa ye tiquina puaro ijiepetata ihcā pagu yero saha ijire. Sa ye tiquina puaro yero saha ijierare. Ihcā pagu yero saha ijiye nine. <sup>9</sup> Cohācǵū tiqiro omoca dahte dutiriquina ijire. Sa ye tiquinare cahme duhueraro cahmene, niahye Jesu tiquinare.

<sup>10</sup> Sa ni tuhasa tiqiro buheyequina mehna wuhupu sajāa wahahye. Wuhupu sajā sa, tiquina namosānumiare cohāñene tiqiro buheyequina sinituahye tja tiqirore. <sup>11</sup> Tiquina sa sinitugū tiqiro yūhtiahye:

—Tiquiro namonore cohāriqiro apecorore namo tiro, apecoro mehna ñano yeriquiro ijire. Sa yero tiqiro cohāricorore ñano wahagū yero nine. <sup>12</sup> Sa yero numino pehe ticoro manunore cohāno, apequirore manū tiro, tiqiro mehna ñano yericoro ijire, niahye Jesu tiquinare.

*Macanagā ye ijiatire Cohācǵūre sini basahye Jesu*

(Mt 19.13-15; Lc 18.15-17)

<sup>13</sup> Sa ye macanagāre Jesure ña peo dutiye tehe tiquinagāre Jesu cahapu ne cāhtaye niahye. Tiquina sa yegū ihñañe tiqiro buheyequina pehe tiquinagāre ne cāhtayequinare tuhtiahye. <sup>14</sup> Tiquina sa tuhtigū ihñano Jesu usuaro, ohō saha ni ahye tiquinare:

—Macanagā yūhu cahapu ahtaahro. “Waharisa”, niedacāhña tiquinagāre. Tiquinagā Cohācǵūre tiquina puhtoro tūhoture. Sa ye Cohācǵū tiqiro puhtoro ijiropure ahriquinagā yero saha tūhotuyequina ijire topure. <sup>15</sup> Ijirota niita niaja musare. Ahriquinagā Cohācǵūre tiquina cahmeno saha musa pehe cahmedana, tiqiro cahapu wahasi musa. Musa wahaeragū musa puhtoro ijisi tiqiro, niahye Jesu.

<sup>16</sup> Sa ni tuhasa Jesu macanagāre ne wua, tiquinagāre ña peoro ohō saha niahye:

—Ahriquinagā quehmoañequina wahaahro, ni sini basahye Cohācǵūre.

*Doeri cǵē upuro Jesure sinituahye*

(Mt 19.16-30; Lc 18.18-30)

<sup>17</sup> Sa ye Jesu mahapu tiqiro wahaducugū apequiro pehe oma cā, tiqiro dahpocāri cahapu dusepe curi mehna quehe sahye tiqirore ño peoro.

—¿Ne, quehnoagu buhegu, yuhu ijipihitiye decori Cohăcju mehna iji duagu dăhse yegutari yuhu? niahye tiqiro Jesure.

<sup>18</sup> Tiquiro sa nigu Jesu yăhtiahye:

—¿Dăhse ijiro boro yăhure “Quehnoagu”, ni pisuajari măhă? Cohăcju dihita quehnoariquiro ijire. <sup>19</sup> Ahri Cohăcju dutiyere masine măhă: Masare wejădacăhă. Wuana tierăcăhă. Yaquerăcăhă. Ni mehoedăcăhă. Apequina yere ni meho nedăcăhă. Musa pacăsumăre ņo peoya. Ahri dutiyere yere cahmene masare, ni yahuahye Jesu tiqirore.

<sup>20</sup> —Buhegu, tire ijipihitiyere coă wăhmă căhtăgu ijigupăta yăhdădăcaera tii yuhu, niahye tiqiro Jesure.

<sup>21</sup> Tiquiro sa nigu tăhoro Jesu pehe tiqirore ihăadoque ohă, cahiahye. Sa yero ohă saha niahye:

—Mehenogă dăhsare măhure măhă ye pehoato. Ijipihitiyere măhă yere duagu wahaya. Sa yegu ijipihitiyere măhă wapatari niņerure pejecăoyequinare ohoya. Măhă sa yegu pajiro măhă ye ņhmăsepu, Cohăcju cahăpu ijirota. Măhă sa yeri bato yuhu mehna cju ijiajă ahtaya, niahye Jesu tiqirore.

<sup>22</sup> Tiquiro sa nigu tăhoro tiqiro pehe peye doeri cje cĂorirore ijiro tire pejecăoyequinare oho dĂeraro, bjuă witi, coera, wahaa wahahye.

<sup>23</sup> Tiquiro sa bujuă witiġu ihăano Jesu majaredăca sa, tiqiro buheyequinare ihăadoque ohă, ohă saha niahye:

—Doeri cje cĂoyequina Cohăcju pĂhtoro ijirĂpĂre tiquinare waharo basioera cjĂre, niahye tiquinare.

<sup>24</sup> Tiquiro sa nigu tăhoye tiquina pehe tiqirore tĂho maria wahahye. Sa ni tuhasa Jesu pari turi yahuahye tiquinare:

—Yuhu acaye, ijipihitiyequina doeri cje opana CohăcjĂre wăcĂno marieno Cohăcju pĂhtoro ijirĂpĂ tiquinare waharo basioerare. <sup>25</sup> Camello pehe awia cĂpĂpĂ tiqiro sajă duagĂ basioerare. Tiquiro sa ijiro yăhdĂoro doeri cje cĂoriqirore CohăcjĂre wăcĂno marieno Cohăcju pĂhtoro tiqiro ijirĂpĂre tiqirore waharo basioerare, ni yahuahye tiquinare.

<sup>26</sup> Tiquiro sa nigu tăhoye to pano tiquina tĂho mariariro yăhdĂoro tĂho maria waha, tiquina basi ohă saha niahye:

—Yohou, tiqiro nino sahata potota ijigĂ ne ihcĂquiro masĂnore yăhdĂoeraboaga Cohăcju, niahye tiquina basi.

<sup>27</sup> Tiquina sa nigu tĂhoro Jesu tiquinare ihăadoque ohă, ohă saha niahye:

—Masa tiquina esa tĂhoro quehnoano yeri mehna Cohăcju cahăpu waha masiedare. Cohăcju pehe masare pecăpu wahaboriquinare yăhdĂo masine. Tiquiro ijipihitiyere quehnoano ye masi peho cĂhre, niahye Jesu tiquinare.

<sup>28</sup> Tiquiro sa nigu Pedro tiqirore ohă saha niahye:

—TĂhorĂna. Ŭsă pehe ijipihitiyere űsă yere cĂ cĂ măhă mehna wahana tana, niahye tiqiro Jesure.

<sup>29</sup> Tiquiro sa nigĂta Jesu ohă saha niahye:

—Ijirota niita niaja mĂsare. Quehnoăne buheyere, yeere yena tana yăhure ņo peona tana mĂsa wăhĂsere, mĂsa bahanare, mĂsa pacăsumăre, mĂsa pohnare, mĂsa weserire cĂrina ijina, pajiro wăpatanata mĂsa yojĂpĂre. <sup>30</sup> Sa yena mĂsa wăhĂsere, mĂsa bahanare, mĂsa pacăsĂnumiare, mĂsa pohnare, weserire, to pano mĂsa cĂoriro yăhdĂoro yojĂpĂre peye cĂonata mĂsa. Sa ye apequina mĂsare ņano yeeta. Sa yena camepĂre ape tjuorĂpĂ ijipihitiyere decori Cohăcju mehna ijinata. <sup>31</sup> YojĂpĂre peyequina pĂhtoă ijiriquina ti pĂpĂre ihyo ijieyequina tojoaeta. Sa ye yojĂpĂre peyequina ihyo ijieyequina ijiriquina ti pĂpĂre pĂhtoă comesaeta tja, ni yahuahye Jesu tiquinare.

*Pari turi Jesu tiqiro yaria masa wijiatire yahuahye*

(Mt 20.17-19; Lc 18.31-34)

<sup>32</sup> Sa ye tiquina mahăpĂ maja, JerusalĂpĂ mĂjaĂne niahye. Jesu tiquina panogă ņhmĂ tĂhye. Sa tiqiro ņhmĂ tĂġĂ ihăăne tiqiro buheyequina ihăa maria wahahye. Sa ye tiquina bato nĂnu tĂriquina pehe cuero mehna nĂnu tĂhye. Sa yero Jesu tiqiro buheyequinare tiquina sehşaro neahye tja. Sa yero masa tiqirore dăhse yeatire Jesu yahu dĂcahye tiquinare.

<sup>33</sup> —TĂhoya yăhure. YojĂpĂre JerusalĂpĂ wahana niaja mari. TopĂ masa yuhu masĂre Cohăcju ohorigure ņehe, apequinăpĂre yăhure ohoeta. Pahia pĂhtoare, mari acaye judio masare buheyequina ġĂhure yăhure ohoeta. Sa ye yăhure wejĂ dutieta tiquina. Sa wejĂ dutiye judio

masa ijieyequina pehere yuhure ohoeta.  
<sup>34</sup>Tiquina sa ohori bato tiquina pehe yuhure bujape, sihco puti ohō, tana, wejēeta. Sa yegu yuhu yariari bato ihtia deco wahaboro masa wijiatgja, ni yahuahye Jesu tiquinare.

*Santiago, Ñu mehna Jesure siniahye  
 (Mt 20.20-28)*

<sup>35</sup>Sa ye Santiago, Ñu mehna Jesu cahapu esaye, siniahye tiqiurore. Tiquina Zebedeo pohne ijiahye. Sa ye ohō saha ni siniahye:

—Buhegu, usā sinino saha usāre yeya mahu, niahye tiquina Jesure.

<sup>36</sup>—¿Dahse yuhu yegū cahmeajari masa? niahye Jesu tiquinare.

<sup>37</sup>—Ijiphtiyequina puhtoro ijigu usāre mahu mehna duji dutiya. Ihcāquiro mahu poto pehe, apeqiro mahu cū pehe pehe duji dutiya usāre, mahu mehna puhto usā ijia to saha, niahye tiquina Jesure.

<sup>38</sup>Tiquina sa nigū tuhoro ohō saha ni yahuahye Jesu tiquinare:

—Musa ñano yuhduatore masiedapenata sa sinine yuhure. ¿Yojopure yuhu ñano yuhduato saha masa gūhu ñano yuhduna ihcāno sahaboagari? ni sinituahye tiquinare.

<sup>39</sup>Tiquiro sa sinitugū tuhoye tiquina yuh-tiahye:

—Ihcāno sahanata, ni yuh-tiahye tiquina.

Tiquina sa nigū Jesu ohō saha ni yahuahye:

—Yuhu ñano yuhduato saha ñano yuhdunata masa gūhu. <sup>40</sup>Musa sa yuhduanaja masa ijiepegūta, yuhu mehna dutiatiquinare, yuhu mehna dujiatiquinare bese masiedaja yuhu. Ahrire yuhu Pacu pehe quehno tuhasari. Sa ye tiquiro beseatiquina dihita yuhu poto pehe yuhu cū pehe pehe dujieta, niahye Jesu tiquinare.

<sup>41</sup>Sa ye apeqina puca omopequina buheyequina Santiago, Ñu ahriquina puaro mehna usuahye tiquina sa sinidire tuhoye.

<sup>42</sup>Tiquina sa usuagū ihñano Jesu tiquiro buheyequinare pijio ohō saha niahye:

—Cohācjūre masieñequina puhto pehe tiquina masare dutiye, usuaro mehna dutire. <sup>43</sup>Musa pehe ne sa yesi masa basi. Musa mehna cjāno puhtoro iji duaro, ijiphtiyequina tiquiro mehna cjēna cahacjāno

ijiro cahmene tiqiurore. <sup>44</sup>Sa yero ijiphtiyequinare dutiriqiuro iji duaro, apeqina cahacjāno ijiro cahmene tiqiurore. <sup>45</sup>Sata ijigu ijiaja yuhu gūhu. Yuhu masu Cohācjū ohorigu ijiepegūta ahri yehapū masare yedohogu ahtau. Sa yegu peyequina masa ye buhirire yariagu ahtagu nii. Sa yegu peyequina masare pecapū wahaboriquinare yuhduogu ahtagu nii. Masare dutipegu ahtagu niedu, niahye Jesu tiquinare.

*Bartimeore, caperi bajueriquirore ihñagū  
 yeahye Jesu*

*(Mt 20.29-34; Lc 18.35-43)*

<sup>46</sup>Sa ye tiquina Jericōpū esahye. Sa yero Jesu tiquiro buheyequina, masa peyequina mehna ti macapū ijieyequina tiquina wahagū Bartimeo pehe maha dūhtu cahapū dujiahye. Tiquiro Timeo macūno caperi bajueriquiro ijiro, decoripe masare niñerure siniducuriqiuro ijiahye. <sup>47</sup>Sa yero topū Jesu Nazare cjāno tiquiro cahapū ahtagū tuhoro Bartimeo ohō saha ni sañuducuahye:

—Jesu, Davi munano panami iji turiagu, masare yuhduocjū, paja ihñaña yuhure, ni sañuducuahye Jesure.

<sup>48</sup>Tiquiro sa nigū tuhoye masa peyequina Bartimeore “Dihita mariahña”, ni tuhtiahye tiquina tiqiurore. Tiquina sa tuhtigū tuhoro Bartimeo to pano tiquiro sañuducuriro yuhduo cjāno sañuducu nemoahye tja:

—Jesu, Davi munano panami iji turiagu, masare yuhduocjū, paja ihñaña yuhure, ni sañuducuahye tiquiro.

<sup>49</sup>Tiquiro sa ni sañuducugū tuhoro Jesu pehe esadaca, “Pijiohya tiqiurore”, niahye. Tiquiro sa nigū tiquina pehe caperi bajueriquirore piji cāhye:

—Bucueya. Wahcāducaya. Tiquiro mahure pijiore, niahye tiquina Bartimeore.

<sup>50</sup>Tiquina sa nigū tuhoro tiquiro bui cjā suhtirore tu we cū, uhpu yuhdu cā, Jesu cahapū esadacahye. <sup>51</sup>Sa yero Jesu sinituahye tiquirore.

—¿Dahse yuhu yegū cahmeajari mahu? niahye Jesu tiqiurore.

—Yuhu puhto, yuhure ihñagū yeya, niahye caperi bajueriquiro.

<sup>52</sup>—Wahaya. Mahu yuhure wacū tutuagu quehnoa wahare, niahye Jesu tiqiurore.

Tiquiro sa nigūta caperi bajueriquiro ihñaa wahahye. Sa quehnoa waharo Jesu mehna mahapū wahaa wahahye.

## 11

*Jerusalēpū esahye Jesu*

(Mt 21.1-11; Lc 19.28-40; Jn 12.12-19)

<sup>1</sup> Sa ye Jerusalēpū tiquina esato panogā Betfagé wame tiri maca cahapū, Betania wame tiri maca cahapū ijidapū, Olivo wame tidū cūhapū esa mūhtahye. Topū esaro p̄arore tiquiro buheyequina mehna cjēnare Jesu ohoro ohō saha niahye:

<sup>2</sup> —Si macapū wahaya. Topū esana duita burrogāre tiquina dūhte docoriquirogāre bocanata. Apequina pesamehnediquirogā ijiaga. Tiquirogāre bocana, yuta dare pā, ne cāhta basaya yūhure. <sup>3</sup> Mūsa sa yegū ihñano burrogā up̄ro “¿Dahsena burrogāre p̄ajari?” tiquiro nigū tuhona, ohō saha ni yūhtiya tiquirore: “Mari pūhtoro burrogāre cahmedoqueo nidi. Sa yero mianogāta wiarota tiquiro”, ni yahuya tiquirore, ni yahu duti ohoahye tiquiro buheyequinare p̄arore.

<sup>4</sup> Tiquiro sa nigū waha, wūhū cahapū ijiri mahapū sopecaha cahapū burrogāre tiquina dūhte docoriquirogāre bocahye. <sup>5</sup> Sa ye tiquirogāre yuta dare tiquina p̄agū ihñañe topū ducuyequina sinituahye tiquinare:

—¿Dūhse yena tana mūsa yuta dare p̄ajari burrogāre? ni sinituahye tiquina.

<sup>6</sup> Tiquina sa nigū tuhoye, tiquina pehe Jesu tiquiro nidiro sahata yahuahye topū ducuyequinare. Tiquina sa yahugū tuhoye topū ducuyequina pehe “Neahñā”, niahye tiquinare. <sup>7</sup> Sa ye tiquina burrogāre Jesu cahapū ne sahye. Tiquina ne sari bato tiquirogā bui tiquina suhtire duhu peo tuhasagū ihñano, Jesu pehe tiquirogā bui mūja pjeahye, waharo taro. <sup>8</sup> Sa ye masa peyequina tiquina bui sañañe suhtire tu we ne, mahapū seō cū mūhtahye, Jesure ño peoye. Apequina pehe pūri tiye dūp̄urire weseripū tiquina ne cāhtari dūp̄urire mahapū cūahye.

<sup>9</sup> Sa ye tiquiro pano wahayequina, tiquiro bato ahtayequina mehna ohō saha ni sañuducuahye:

—Ahriquirore ño peouhna. Ahriquirō Cohācjū tiquiro ohoriquiro quehnoano

ijiahero. <sup>10</sup> Mari ñecū iji turariquirō Davi mūnano pūhtoro tiquiro ijiriro saha ahtariquirō quehnoano ijiahero. Ūhmūse cjūnore “Tutuagū ijire”, ni ño peouhna, ni sañuducuahye tiquina.

<sup>11</sup> Sa yero Jesu Jerusalēpū esaro Cohācjū ya wūhapū sajā saro, ti wūhapū ijiyere ijipihtiyere ihñā peho cāhye. Ihñā tuhasa “Namicahapū ijire. Deco cjūnota wahahñā”, nino, Jesu tiquiro buheyequina doce buheyequina mehna Betaniapū wahahye.

*Jesu higueraḡure yaria dutiahye*

(Mt 21.18-19)

<sup>12</sup> Sa ye ape deco tiquina Betaniapū ijiriquina wahaa wahahye. Sa yero Jesu pehe ūjua ahbaa waha, yoaropū higuera wame tidūre quehnoano pūri tidūre ihñano tū dūcare macano wahamahye. <sup>13</sup> Dūca mariedahye. Dūca tiri pje ijieraro pūri dihita ijiahye. <sup>14</sup> Sa yero dūca mariedagū ihñano ohō saha niahye:

—Ahdū dūcare masa ne pari turi ihyeracāhdo. Ne dūca tieracāhdo, niahye Jesu.

Tiquiro sa nigū tiquiro buheyequina pehe tuhoahye.

*Jesu Cohācjū wahure Cohācjū mehna yahuducuri wūhū ye dutiahye*

(Mt 21.12-17; Lc 19.45-48; Jn 2.13-22)

<sup>15</sup> Tiquiro sa yeri bato tiquina Jerusalēpū esahye. Topū esaro, Jesu Cohācjū ya wūhapū sajā saro apee boro duayequinare, dūyequina gūhure cohā wioahye. Sa yero niñeru comesaye mesarire yo wahcō, ne majare cū mūjahye. Bujuaare duayequina tiquina dujiye pahtari gūhure sata yeahye. <sup>16</sup> Sa yero apee borore ne sajā dutierahye masare. <sup>17</sup> Sa yero Jesu ohō saha ni buheahye tiquinare:

—Ohō saha nine Cohācjū yere tiquina ojoari pū: “Ya wūhū Cohācjū mehna yahuducuri wūhū wame tirota. Sa yero ijipihtiro cjēna ya wūhū ijirota”, ni ojoahye Cohācjū yere tiquina ojoari pū. Ti pū sa niepegūta mūsa pehe ahri wūhapū dūana, mūsa basi cahme yaquere mūsa, ni buheahye tiquinare.

<sup>18</sup> Tiquiro sa ni buhegū ijipihtiyequina masa pehe tuho maria wahahye. Sa ye pahia pūhtoa, ūsā judio masa buheyequina mehna tiquirore cue niahye. Sa ye tiquina

tiqirore wejēatire wacū macamahye. <sup>19</sup>Tiquina sa yegū ñamicahap̄ Jesu tiqiro buheyequina mehna ti macap̄ ijiriquina wahaa wahahye.

*Higueragū ñaia wahahye*  
(Mt 21.20-22)

<sup>20</sup>Sa ye bohrearo mahap̄ maja taye, higueragure ihñahye. Tū nuhcorip̄ ñai d̄ca, ñaia wahahye tū. <sup>21</sup>Tare ihñano Pedro pehe wacū, ohō saha niahye:

—Buhegū, ihñaña. Higueragū mahū yaria dutidū yaria wahaya, niahye Pedro.

<sup>22</sup>Tiqiro sa nigūta Jesu yahuahye tiquinare:

—Cohācjūre wacū tutuaya m̄sa. <sup>23</sup>Ijirota niita niaja m̄sare. Ahdū cun̄re pajiri map̄ m̄sa cohā dutigū m̄sa nidiro saha sa waharota. Cohācjūre quehnoano m̄sa wacū tutuagū “Yuhū sinidiro saha waharota”, m̄sa ni tuhōtugū m̄sa nidiro saha waharota. <sup>24</sup>Sa yegū ahrire yahugut̄ja m̄sare. Cohācjū mehna yahuducuna, tiqirore sinina, “Yuhū sinidiro saha ohorota yuhure”, ni tuhōtuya. M̄sa sa yegū ihñano Cohācjū m̄sa siniñene ohorota. <sup>25</sup>Sa yena Cohācjū mehna m̄sa yahuducuoato pano m̄sare apequina tiquina ñano yegū m̄sa usarire duhuya. M̄sa sa yegū ihñano mari Pacū uhm̄se cjūno m̄sa ñañe yeri pehere tiqiro gūhū usua duhurōta. [ <sup>26</sup>M̄sare ñano yeriquinare m̄sa usua duhueragū mari Pacū gūhū uhm̄se cjūno m̄sa ñañe yeri pehere usuaro ne duhūsi tiqiro gūhū,] niahye Jesu.

*Pahia p̄hōta, judio masare buheyequina, buc̄na mehna Jesu mehna cahme d̄se tini wiahye*

(Mt 21.23-27; Lc 20.1-8)

<sup>27</sup>Tiqiro sa nidi bato tiquina Jerusalēp̄ wahahye tja. Sa ye Jesu Cohācjū wuhap̄ tiqiro tinigū ihñañe pahia p̄hōta, usā judio masare buheyequina, buc̄na gūhū tiqiro cahap̄ esaye, tiqirore sinituahye:

<sup>28</sup>—¿Duhsegū can̄re sa yeari mahū? ¿Noa mahure tire sa ye dutiari? ni sinituahye tiquina Jesure.

<sup>29</sup>Tiquina sa nigū Jesu yuhtiahye:

—M̄sa pehere sinitu mah̄tagut̄ja. Quehnoano yuhure m̄sa yuhtigū m̄sare yahugut̄ja yuhū gūhū. <sup>30</sup>¿Ñu masare tiqiro wame yegū noa boro pehe tiqirore wame

ye dutiyari, m̄sa tuhōtugū? ¿O Cohācjū dutierayari? ¿O masa pehe tiqirore dutiyari, m̄sa tuhōtugū? ni sinituahye tiquinare.

<sup>31</sup>Tiqiro sa nigū tiquina pehe tiquina basi ohō saha niahye:

—¿Duhse ni yuhtinatari mari? “Cohācjū Ñure dutiri jiri”, mari nigū, “¿Duhseña Cohācjū Ñure tiqiro dutiepegūta tiqirore tuhō duerari m̄sa?” niboaga Jesu marine. <sup>32</sup>Sa yero “Ñu tiqiro wame yegū Cohācjū pehe tiqirore dutierari jiri”, mari nigū masa pehe usueta mari mehna, niahye tiquina basi.

“Potota Ñu Cohācjū yere yahu mah̄tariqiro ijire”, ni tuhōtue tiahye masa pehe. Sa ye pahia p̄hōta, usā judio masare buheyequina, buc̄na mehna tiquinare cue niahye. <sup>33</sup>Sa ye tiquina Jesure ohō saha ni yuhtiahye:

—Ñure wame ye dutiriqirore usā masiedaga, niahye tiquina Jesure.

—Ti p̄je p̄rita yuhū gūhū ahrire yuhū yerire dutiriqirore yahueraja m̄sare, niahye Jesu tiquinare.

## 12

*Ñañequina dahra cohteyequina quitire yahuahye Jesu*

(Mt 21.33-46; Lc 20.9-19)

<sup>1</sup>Sa ye Jesu tiqiro tuhōtuye mehna ohō saha ni queoye mehna buhe d̄cahye tiquinare.

—Wese up̄ro uhse darire oteahye. Ote tuhasa, sahr̄n̄ore doco, uhsere tiquina c̄hta m̄toati copere sehe, uhm̄ari wuhgā dahreahye tiqiro. Sa yero ti wesere apequinare ihcā pehe pahma cūno, ti wesere cohte dutiahye. Cohte duti tuhasa ape siep̄ wahaa wahahye tiqiro. <sup>2</sup>Came uhse ñidi p̄je ijigū wese up̄ro tiqiro cahacjūnore wese c̄je tiqiro ya pahma c̄je d̄care ne dutiro ohomahye. <sup>3</sup>Sa ye wesere cohteyequina pehe tiqiro cahacjūnore ñehe, quēahye tiqirore. Sa ye tuhasa tiqiro cahacjūnore uhse tōhorine ohōrapeta tojoa dutiahye tiqirore. <sup>4</sup>Sa yero wese up̄ro apeqiro tiqiro cahacjūnore ohomahye tja. Sa ye cohteyequina pehe tiqiro dapure cami dahre, ñano yeahye tiquina tiqirore. <sup>5</sup>Sa yero apeqiro pehere tiqiro ohogū cohteyequina tiqirore

wejēahye. Peyequina apequina gūhure sa dihita ye mujahye. Apequina pehere quē, apequina pehere wejēahye tiquina.

<sup>6</sup> Sa yero wese upuro macuno dihita dahsahye. Tiquiro cahīniqiro ijiahye. Sa yero tiqiro macunore ohoahye, “Yuhu macu pehere ño peoeta”, nino. <sup>7</sup> Tiquiro sa ni tuhotepegūta cohteyequina tiquina basi ohō saha ni yahuducuahye: “Wese upuro macuno ijire ahriqiro. Tiquirore wejēihna mari. Sa yero ahri wese mari ya wese tojoarota”, nimahye tiquina basi. <sup>8</sup> Sa niñe tiqirore ñehe, wejē, wese duhtu cahapu ne cā, cohā cāhye tiquina tiqirore.

<sup>9</sup> ¿Ne wese upuro ahtaro dahse yerotari tiqiro wesere cohteyequinare, musa tuhotepegū? Ohō saha yerota tiquinare: Tiquiro tiquinare wejēno, apequina pehere wesere cohte dutirota. <sup>10-11</sup> ¿Cohācjū yere tiquina ojoari pūre ahrire buherari musa? Ohō saha ni ojoahye:

Ahriqiro Cristo utā yero saha ijire. Utāre wūhure dahreyequina tiquina cohāno saha masa tiqirore cohāeta. Tiquina sa cohāepēgūta yojopure wūhure dahreyequina wūhure yeye, tiquina cū muhtaria utāre tiquina cūno saha Cohācjū tiqirore puhtoro sōri. Cohācjū pehe ahrire yeri. Tiquiro sa yegū ihñana, “Quehnoa yūhdware”, ni tuhotuaja mari, ni ojoahye panopure.

¿Tire ne buherari musa? niahye Jesu tiquinare.

<sup>12</sup> Tiquiro sa nigū tuhoye pahia puhtoa, usā acaye judio masare buheyequina, bucuna mehna ohō saha ni tuhotuahye: “Jesu wesere cohteyequina quti mehna marine tuhtiro nine”, ni tuhotuahye. Sa ni tuhotuye Jesure ñehe duamahye. Sa ñehe duepeta masare cue niahye. Sa cueye tiqirore cohā cāa wahahye.

*Fariseo masa, Herode ya curua cjēna mehna gobierno cjē wapare sinituahye Jesure*

(Mt 22.15-22; Lc 20.20-26)

<sup>13</sup> Waha, tiquina fariseo masare, Herode ya curua cjēna gūhure Jesure sinitu dutiye ohoahye tja. Jesu ñano tiqiro yuhtigū ye duamahye tiquina, tiqirore yahusāñe tehe. <sup>14</sup> Sa ye Jesu cahapu esaye, tiqirore niji sio sinitumahye:

—Buhegu, poto yahuducugu, ni mehoñe mariegu muhu ijigū masiaja usā. Cohācjū yere queoro muhu yahugū gūhure masi-aja usā. Sa yegu ihcāqiro puhtoro waro ijiepegūta tiqiro gūhure dōyaro marieno potota yahure muhu. Sa yegu usāre yahuya. ¿Roma cjēno ijipihtiyequina puhtoro yere marine wapa yero cahmeajari, muhu tuhotepegū? ¿Mari dutiye wapa ye dutiajari, muhu tuhotepegū? ni sinituahye tiquina Jesure.

<sup>15</sup> Tiquina sa sinitugū tuhoro tiquina ñano ye duayere masino Jesu ohō saha ni sinituahye tiquinare:

—¿Dahse yena yuhu ñano yahuducugū tuho duajari musa? Yojopure niñeru cjoere ne cāhtaya. Ti cjoere ihñaañna, niahye Jesu tiquinare.

<sup>16</sup> Tiquiro sa nigū tuhoye tiquina pehe ihcā cjoere ne cāhtahye. Tiquina ne wihigū Jesu sinituahye tiquinare:

—¿Noa boro queoye wahnajari ahri cjoere? ¿Noa boro wame wahnajari? ni sinituahye tiqiro.

—César, masa ijipihtiyequina puhtoro queoye, tiqiro wame gūhu wahnare, ni yuhtiahye tiquina.

<sup>17</sup> Tiquina sa nigū Jesu yahuahye tiquinare:

—Ti pje pūrita masa ijipihtiyequina puhtoro yere tiqiro pehere ohoya. Cohācjū yere Cohācjū pehere ohoya, ni yahuahye Jesu.

Tiquiro sa nigū tuhoye tuho maria wahahye.

*Cohācjū tiqiro masoatire yahuahye Jesu saduceo masare*

(Mt 22.23-33; Lc 20.27-40)

<sup>18</sup> Sa ye ihquēquina saduceo masa Jesu cahapu wihiahye. Saduceo masa pehe “Cohācjū yariariquinare masosi”, ni tuhotuyequina ijiahye. <sup>19</sup> Sa ye tiquina ohō saha niahye tiqirore:

—Buhegu, ohō saha ni buheahye Moise: “Ihcāqiro wahmino namo tiriqiro pohna mariedaperota yariagū ihñano tiqiro bahore tiqiro wahmino namono ijiricore nūoano cahmene. Sa yero wahmino munano tiqiro pohna tiboro saha pohna tiro cahmene tiqiro bahore. Sa ye tiqiro pohne tiqiro wahmino munano pohne yero saha ijieta”, ni ojoahye Moise, niahye tiquina Jesure.

<sup>20</sup> Tire ni tuhasa, ahri quitireta yahu nemoahye Jesure:

—Ihcāquiromo masuno ijiahye. Seis bahana tiahye. Tiquiro wahmino pehe namo ti, pohna mariedaperota yariaa wahahye. <sup>21</sup> Sa yero apequiro tiquiro bahuro gūhū tiquiro wahmino namono ijiricorore cūomahye. Tiquiro sa nūoari bato tiquiro wahmino yero saha pohna mariedaperota yariaa wahahye tja. Sa yero ahriquiro bahuro tiquiro wahmino mūnano yero saha pohna mariedaperota yariaa wahahye. <sup>22</sup> Sa dihita wahahye ihcāquiromo pohne waro. Ne pohna mariedapeta yaria pihitia wahahye tiquina. Tiquina namono ijiricoro gūhū tiquina batota yariaa wahahye. <sup>23</sup> ŹNe, Cohācjū ijipihitiyequinare yariariquina mūnare tiquiro masogū diquiro namono pehe ijiritari ticoro? Tiquina ijipihitiyequina ticorore namo tiriquina mūna ijiahye. ŹSa yero diquiro namono pehe ijiboagari ticoro pototi? ni sinituahye tiquina.

<sup>24</sup> Jesu yūhtiahye tiquinare:

—Cohācjū yere tiquina ojoari pūre, tiquiro masiñe gūhūre ne masiedare mūsa. Sa yero mūsa tūhotuye pehe ne poto ijierare. <sup>25</sup> Yariariquina mūna tiquina masa mūjari bato angele yero saha ijire. Namō marieñequina, manū marieñe numia ijire topūre. <sup>26</sup> Yariariquina mūna tiquina masa wijiato pehere mū sare yahugātja: Tire Moise quehnoano yahu pehoahye. Mehenogā Źjūri quitire ohō saha ni yahuahye tiquiro: “Yūhū Abrahā, Isaac, Jacob tiquina pūhto tjiāja”, ni yahuri Cohācjū yūhūre”, ni ojoahye Moise tiquiro ojoari pūpū. <sup>27</sup> Tiquina yariari bato “Tiquina pūhto tjiāja”, ni yahuahye Cohācjū. Sa nieperota yariariquina mūna pūhtoro ijierare Cohācjū. “Tiquina pūhto tjiāja”, tiquiro niñe mehna catiyequina tiquina ijigū masiāja mari. Tiquiro catiyequina pūhtoro ijire. Sa yena “Yariariquina masasi”, ni tūhotuna potota tūhotuerare mūsa, niahye Jesu tiquinare.

*Quehnoa yūhdūro dutirore yahuahye Jesu*

(Mt 22.34-40)

<sup>28</sup> Sa ye ihcāquiromo Źsā acaye judio masare buheyequina mehna cūño tiquina cahapū wihi, tiquina cahme yahuducugū tūhoahye.

Jesu quehnoano yūhtiyere tūhoro sinituahye tiquirore.

—ŹCohācjū ye dutiro quehnoa yūhdūari dutiro noho pehe ijiajari, mūhū tūhotugū? ni sinituahye tiquiro Jesure.

<sup>29</sup> Jesu tiquirore yahuahye:

—Ahri dutiro ijire apeye dutiye bui quehnoa yūhdūari dutiro: “Israe masa, tūhoya. Cohācjū mūsa pūhtoro yūhū ihcūta ijiaja. <sup>30</sup> Tutuaro mūsa jeripohnari mehna, quehnoano mūsa wacūñe mehna, mūsa tutuaye mehna yūhūre cahīña”, nine Cohācjū. <sup>31</sup> Ahri dutiro bato apero dutiro quehnoano ijire. “Mūhū basi mūhū cahīno saha mūhū cahapū ijijequina gūhūre cahīña”, nine Cohācjū. Ahri pūaro dutirotota ijipihitiye apeye dutiye yūhdūoro ijire, ni yahuahye Jesu tiquirore.

<sup>32</sup> Tiquiro sa nigū judio masare buheriquiro ohō saha niahye:

—Sa ijire. Buhegū, potota nine mūhū. Cohācjū ihcāquirotota ijire. Apequiro tiquiro yero saha ijiriquiro mariedare. Mūhū niñe potota ijire. <sup>33</sup> Cohācjūre tutuaro mari jeripohnari mehna, mari wacūñe mehna, mari tutuaye mehna tiquirore cahīno cahmene marine. Yūhū caha ijijequinare yūhū basi yūhū cahīno saha tiquina gūhūre cahīno cahmene yūhūre. Wahiquinare wejē Źjūa mūo mari ohori mehna mari ño peogū quehnoarimene. Ahri yūhdūoro Cohācjūre, masa gūhūre mari cahīne quehnoa yūhdūare. Mūhū sa niñe ijirōta ijire, niahye judio masare buheriquiro Jesure.

<sup>34</sup> Tiquiro sa quehnoano yūhtigū tūhoro Jesu yahuahye tiquirore:

—Mehenogā dūhsare mūhūre Cohācjūre mūhū quehnoano masiāto, niahye tiquirore.

Tiquiro sa nigū tūhoye apequina cueye, ne sinituerahye Jesure.

*Cristo Davi mūnano pūhtoro ijire*

(Mt 22.41-46; Lc 20.41-44)

<sup>35</sup> Sa ye Cohācjū wūhūpū buhero ohō saha niahye Jesu:

—“Cristo Davi mūnano panamino iji turariquiro ijire”, ni buhere mari acaye judio masare buheyequina. ŹDūhse niñe sa ni buheajari tiquina? <sup>36</sup> Davi tiquiro basi Espiritu Santo tiquiro dutiriro sahata ohō saha ni yahuahye:

Cohācjū yuhū pūhtorore ohō saha nidi: “Ohōpū yuhū poto pehe dujiya. Sa yegū mūhūre ihña tuhtiyequinare mūhūre yūhdūdaca basagūtja yuhū”, nidi Cohācjū yuhū pūhtorore, ni ojoahye Davi mūnāno.

<sup>37</sup> Sa ni ojoaro Davi mūnāno pūhtoro tiahye Cristore. ¿Davi mūnāno Cristo nēcūno mūnāno iji turiariquiro ijieperota dūhsare Davi pehe pūhtoro tiyari Cristore? Cristore Davi mūnāno pūhtoro ijire, ni yahuahye Jesu.

Tiquiro sa ni buhegū peyequina masa bucueye mehna tūhoahye tiquirore.

*Jesu judio masare buheyequina tiquina ñañene yahuahye*

(Mt 23.1-36; Lc 11.37-54; 20.45-47)

<sup>38</sup> Sa yero tiquiro buhe nemono ohō saha niahye:

—Mari acaye judio masare buheyequina tiquina ñañe yeyere quehnoano ihñaña. Sa yena tiquina yero saha yeracāhña. Tiquina yoaye suhti saña, masa tiquina ihñonopū majare, doeri cjē duaropū apequina pūhtoare quehnoano ño peo tiquina sinino saha tiquina piti ca sinigū cahmene tiquina. <sup>39</sup> Sa ye mari judio masa buheye wūhūsepu quehnoañe dujiye dihitare duji duare. Sa ye bose deco ijigū topū gūhūre quehnoañe dujiye dihitare cahmene tiquina. <sup>40</sup> Tiquina wape wiha numia ye wūhūse tiquina cūoye gūhūre ehmare ti numiare. Sa ye tiquina masa ihñonopū yoari pje Cohācjūre siniducumene masare ihña dutiye. Tiquina sa yeri buhiri apequina bui cjūno tiquinare Cohācjū pajiro buhiri dahrerota, niahye Jesu tiquinare.

*Wape wihoro ticoro ohorire yahuahye Jesu*  
(Lc 21.1-4)

<sup>41</sup> Sa yero Jesu Cohācjū wūhū cjē niñeru tiquina sāri acaro cahapū dujiyahye. Topū masa tiquina niñeru duhu sāgū ihña dujiro niahye. Sa ye niñeru opana ti acaropū pajiro duhu sāhye. <sup>42</sup> Sa yero wape wihoro pejecūoricoro ti acaropū ahta, pūa cjoegā duhu sāhye. Pūa cjoē ihcā centavo pose ijire. <sup>43</sup> Ti cjoeri ticoro duhu sāgū ihñano tiquiro buheyequinare pijioahye:

—Ijirota niita niaja mū sare. Ahricoro wape wihoro pejecūoricoro pehe niñeru ihbori acaropū duhu sāno apequina ijipihiyequina tiquina ohori yūhdūoro ohori

ticoro pehe. <sup>44</sup> Apequina doeri cjē opana pajiro tiquina ohoepēgūta tiquina ye pajiro dūhsare. Ahricoro pehe pejecūoricoro ijieperota ijipihiyequinare ticoro ihyatire dūborigāre oho pehori, niahye Jesu.

## 13

—Cohācjū wūhū cohāri wūhū ijirota, niahye Jesu

(Mt 24.1-2; Lc 21.5-6)

<sup>1</sup> Sa ye Cohācjū wūhūpūre tiquina wijiagū ihcāquiro buheyequina mehna cjūno ohō saha niahye:

—Buhegū, ihñaña. Ahri wūhūse quehnoañe utā paca mehna tiquina yeri wūhūse quehnoa yūhdūaye wūhūse ijicjoare, niahye tiquiro.

<sup>2</sup> Tiquiro sa nigū Jesu yahuahye tiquinare:

—Ahri ijipihiyequinare mari ihñari wūhūse, ahri wūhūse cjē utā paca gūhūre cohā pehoeta. Ne ihcāria utā tojoasi, niahye Jesu tiquinare.

*Decori pihtiatire yahuahye Jesu*

(Mt 24.3-28; Lc 21.7-24; 17.22-24)

<sup>3</sup> Sa ye Jesu Olivo wame tidū cūhūpū Cohācjū wūhū potopū ijidūpū esahye. Tū buipū dujiyahye. Topū Pedro, Santiago, Ñu, Andre mehna tiquina sehāro ijire, tiquina tiquirore sinituahye:

<sup>4</sup> —Yahuya usāre. ¿Dūhse ijigū sa wāharotari mūhū nidiro saha wāharo? ¿Deco pihtiatō panogā ijigū dūhse ti wāha dūcagū ihñanatarī usā? ni sinituahye tiquina Jesure.

<sup>5</sup> Jesu yūhtiahye:

—Quehnoano yeya mūsa. Sa yena apequina tiquina ni mehoñene tūhoeracāhña mūsa. <sup>6</sup> Peyequina masa “Cristo ijiaja yuhū”, ni mehoñequina ahtaeta. Tiquina sa ni mehogā tūhoye peyequina masa Cohācjū yere duhueta.

<sup>7</sup> Mūsa cahagā masa apequina tiquina cahme wejēgū tūhonata mūsa. Sa yena yoaropū gūhūre tiquina cahme wejēgū tūhoonata mūsa. Sa tūhoopenata ne tire pajiro tūhotueracāhña. Sa wāharota. Tiquina sa yegū pihtiatō deco dūhsārīnota.

<sup>8</sup> Ti pjere ihcā yehpa cjēna ape yehpa cjēna mehna cahme wejēeta. Sa ye ihcāquiro pūhtoro yequina apequiro pūhtoro yequina mehna cahme wejēeta. Sa yero ijipihitiri yehpa ñuhminota. Sa ye peyequina masa



ujua mehna yarieta. Sa wahagū ahri yehpa cjenare tiquina nāno yuhdu nemoato dūh-sarinota. Nāno yuhdurieta.

<sup>9</sup> Sa wahagū ihñana mūsa basi quehnoano yeya. Apequina mū sare ñehe, ñano ye dutiye ohoeta apequina puhtoapure. Sa ye judio masa mari buheye wuhusepu mū sare quēeta. Tiquina sa yegū bujuye macari cjenā puhtoa, tiquina bui puhtoa gūhu mū sare buhiri dahreye tehe sinitueta mū sare. Yeequina mūsa ijiri buhirire apequina mū sare yahasāeta. Sa yena yeere yahunata mūsa tiquinare.

<sup>10</sup> Sa ye pihtiatī deco pano quehnoañe buheye ijipihitiye yehpari cjenare buheripū ijirota. <sup>11</sup> Sa yena mū sare buhiri dahre dutiye, buhiri dahre dutiatiquiro cahapu tiquina neagū tiquirore mūsa niatire “Yahu masiedaboaga”, ni tuhotueracāhñā mūsa. Ti pjere mūsa niatire mū sare Espiritu Santo yahurota. Tiquiro sa yahurire yahuya mūsa. Mūsa esa tuharo yahuducusi mūsa. Espiritu Santo mū sare yahuducu basarota.

<sup>12</sup> Ti pjere tiquina wahmisumūa tiquina bahanare wejē dutiye ohoeta puhtoare, yeequina tiquina ijiri buhiri. Tiquina pacusumūa tiquina pohnene wejē dutiye ohoeta puhtoare. Tiquina pohne pehe tiquina pacusumūare wejē dutiye ohoeta puhtoare. <sup>13</sup> Sa ye yeequina mūsa ijiri buhiri mū sare masa ijipihitiyequina ihñā tuhtietā. Tiquina sa yepēgūta ahri yehpapū mūsa catiro puno mū sare tiquina nāno yerire ihcāno sahana yuhñere duhuerana, yuhdunata mūsa.

<sup>14</sup> Sa yena ña yuhduriquirore Cohācǰū yere ñano yeriquirore ihñanata mūsa. Cohācǰū ya wuhūpu tiquirō ducugū ihñanata. Topū tiquirōre ijieraro cahmene. Topū tiquirō ducugū ihñañe Judea yehpapū ijijyequina cūnū cǰurū duhti oma mūjāa wahaahro. Ahri yuhñū nidire quehnoano masiñā mūsa. <sup>15</sup> Sojaro mehna oma duhtiaaro. Ti pjere tiquina wuhuse bui cǰē paaripū ijijyequina wuhū puhīapū ijijyere tiquina yere neñe wahaeracāhdo tiquina waha madoqueoato saha. <sup>16</sup> Sa ye ti pjere apequina tiquina weseripū ijijyequina tiquina bui cǰē suhtire wuhūpu ijijye suhtire neñe wahaeracāhdo tiquina waha madoqueoato saha. <sup>17</sup> Ti pjere niji pacosānumia, tiquina pohnene apūoñe numia gūhu pejēcuro wahaeta. <sup>18</sup> Sa yena ohō saha

ni siniñā Cohācǰūre: “Pohecū ijigū sa wahaeracāhdo”, ni siniñā tiquirōre. <sup>19</sup> Ti decorire masa ña yuhduaro wahaeta. Ahri yehpare tiquirō bajumehnedi bato masa ñano yuhdue tiahye. Ti sa ijiepegūta ijipihitiye ti puriñe yuhduoro pihtiatī deco ijigūre ña yuhduaro masa yuhdueta. Sa ñano tiquina yuhduri bato pari turi sa ña yuhduaro yuhdusi ahri yehpapū. <sup>20</sup> Sa yero Cohācǰū ti decorire meheñe decorigā ijigū yerota. Tiquiro sa yeragū ne ihcāquiro masūno yuhdueraboaga. Sa yero tiquirō beseriquina tiquina yuhduatire meheñe decorigā cūnota Cohācǰū.

<sup>21</sup> Ti pjere apequina mū sare “Ihñāñā. Ahriquirō ijire Cristo”, tiquina nigū tiquinare tuhoeracāhñā. “Топū ijire Cristo”, tiquina nigū gūhñere tuhoeracāhñā. <sup>22</sup> “Cristo ijijaja”, ni mehoñequina, “Cohācǰū yere yahu muhtana ijijaja”, ni mehoñequina ijietā ti pjereta. Sa ye Cohācǰū beseriquinare ni mehoñe, tiquina tutuaye mehna ye ihñoeta. Cohācǰū yequinare Cohācǰūre tiquina cohā duagū ye duare tiquina mehoñequina. <sup>23</sup> Ahrire yahuyujā mū sare sa wahato pano. Sa yena quehnoano yeya mūsa, ni yahuahye Jesu.

*Jesu ahri dihtapure tiquirō tojoa tatire yahuahye*

(Mt 24.29-35, 42-44; Lc 21.25-36)

<sup>24</sup> Sa ni tuhasa ohō saha ni yahuahye Jesu:

—Ti decori ijigū tiquina ñano yuhduri bato asū deco cǰūno, ñami cǰūno gūhu buhrio duhu cāeta. <sup>25</sup> Tiquina sa wahagūta ñahpicoha paca uhmusepu ijijye paca bora dijiaa wahaeta. Sa ye uhmuse cǰē yehpari, ñahpicoha gūhu ti sa wahaducurore comesaeta. Sa ye ñuhmieta. <sup>26</sup> Ti pjeta yuhū masū Cohācǰū ohorigū ahtagutja. Sa ye uhmusepu yuhū tutuaye mehna yuhū asi siteye mehna uhmuse cǰē ehmeo cururi buipū ahri yehpapure yuhū tojoa tagū ihñāeta masa. <sup>27</sup> Sa yegū yeequina angelere ijipihitropū ahri yehpapū ohogutja. Sa ye ijipihitropū yeequina yuhū beseriquinare tiquina neeta.

<sup>28</sup> Yojopure higeragure tuhotuya mūsa. Tu quiti mehna mū sare queoye mehna buhegutja. Tu yucugū pūri tigū ihñāna cūhma mehenogā dūhsagū masine mūsa. <sup>29</sup> Sata ahri ijipihitiye yuhū nidi sa wahagū

ihñana, yuhũ tojoa tato mehenogã dah-sagũ masinata mũa. <sup>30</sup> Ijirota niita ni-aja musare. Ti pje cjẽna tiquina yariato panore ijipihtiye yuhũ niديو sahata sa waharota. <sup>31</sup> Æhmũse, ahri yehpa gũhũ pih-tia waharota. Yuhũ yahuducuye pehe ne comesasi. Ijipihtiye yuhũ niديو sahata sa waha sohtori tiarota.

<sup>32</sup> Ti decore yuhũ tojoa tati decore, ti hora gũhũre masiedaja yuhũ. Angele gũhũ tire masiedare. Masa gũhũ ne masiedare. Yuhũ Pacũ dihita tire masine.

<sup>33</sup> Mũa gũhũ ti decore masiedare. Sa yena quehnoano yeya. Quehnoano cohteya. Cohãcjũre siniña mũa. <sup>34</sup> Ohõ saha cohteya mũa. Ahri quiti mehna musare queoye mehna buhegatja. Wuhũ upũro yoaropũ tiquiرو tinino saha ijire ahri. Tiquiro wahato pano tiquiro cahacjẽnare wuhũre cohte dutiahye. Tiquinape tiquina dahrayere cũahye. Sa yero wuhũre cohteriquirore tiquiro tojoa tatore cohte dutiahye. <sup>35</sup> Sa yena mũa gũhũ quehnoano wacũ masi cohteya. Wuhũ upũro tiquiro tojoa tatore tiquina masiedariro saha yuhũ mũa pũhto tojoa tati decore masiedare mũa gũhũ. Namicahapũ, ñami deco, canaca tiquiro yahuri pje ijigũ bohrearopũ ahtaboaga. <sup>36</sup> Yuhũ sa wacũeno mehna yuhũ wihiatore masina, yeere sa yeducuya. Sa yena yuhũre quehnoano cohteya. <sup>37</sup> Sa yegũ musare yuhũ nino sahata ijipihtiye-quinare sa niaja: Quehnoano wacũ masi cohteya, niahye Jesu tiquinare.

## 14

*Pahia pũhto*, judio masare buheye-quina mehna Jesure wejẽ duahye  
(Mt 26.1-5; Lc 22.1-2; Jn 11.45-53)

<sup>1</sup> Sa ye ti pjere pascua wame tiri bõse deco pano pugũ yeye moremehneñe pãre tiquina ihyati deco pano, pũa deco dah-sarĩahye. Ti pjere pahia pũhto, usã acaye judio masare buheyequina mehna Jesure tiquina ni mehoñe mehna tiquina ñehe wejẽatire cahme yahuducuye niahye.

<sup>2</sup> —Bõse deco ijigũ tiquirõre ñehedacũhna “Masa usuari”, nina, niahye tiquina basi.

*Numino ehme sitiye* uhse mehna Jesure pio peohye  
(Mt 26.6-13; Jn 12.1-8)

<sup>3</sup> Sa ye Jesu gũhũ Betaniapũ, Simo cami bacũ mũa wihiro ijimediquiro ya wuhũpũ ijiahye. Sa yero tiquina ihyari watoa numino pehe alabastro mehna yeriare ehme sitiye nardo wame tiye uhserẽ pose tiriare ne wihiahye. Ti uhse pehe wapa bujãye ijiahye. Sa yero ticoro tiare pohadoqueo, Jesu dapu bui pio peohye. <sup>4</sup> Ticoro sa yegũ ihñañe apequina usuaa wahahye.

—¿Duhse yero ahricoro ahri ehme sitiye co wapa bujãyere sa ye siteajari? <sup>5</sup> Tire ticoro duaboaya. Tire duaro tres cientos niñerũ cjoerire wapataboaya. Sa yero ti niñerure pejecũoyequinare ohoboaya ticoro, ni cohteahye apequina pehe ticoro sa yegũ ihñañe.

Sa ye tiquina ticorore tuhtiahye.

<sup>6</sup> Tiquina sa nigũ tuhoro Jesu tiquinare yahuahye:

—Sa niedacũhna ticorore. Yuhũre ticoro quehnoano yero nine. <sup>7</sup> Pejecũoyequina pehe mũa mehna sa ijiducũeta. Sa yena mũa cahmedi pje tiquinare oho masine. Yuhũ pehe ahri yehpare mũa mehna sa ijiducũsi. <sup>8</sup> Ticoro cũoro puno mehna ticoro yuhũre sa yeri. Yuhũre tiquina yato pano yuhũ pagure quehnoyuro, ehme sitiye pio peori ticoro. <sup>9</sup> Sa yegũ potota niita niaja musare. Ijipihitiro ahri yehparũ quehnoañe buheyere tiquina yahuatopũ ahricoro yojopãre ticoro yerire yahueta. Tiquina sa yahugũ tuhoye ticorore masa peyequina wacũeta, ni yahuahye Jesu.

*Juda Iscariote Jesure ihña tuhtiequinare tiquiro ihñõatire yahuahye pahia pũhtoare*  
(Mt 26.14-16; Lc 22.3-6)

<sup>10</sup> Ti pjereta Juda Iscariote doce buheye-quina mehna cjũno Jesure tiquiro ihñõatire yahuro wahahye tiquirore ihña tuhtie-quinare, pahia pũhtoare. <sup>11</sup> Sa ye pahia pũhto tire tuhoye bucueahye.

—Muhũre niñerure ohonatja, niahye tiquina Judare.

Sa yero Jesure ihña tuhtiequinare tiquiro ihñõatire wacũ macahye.

*Jesu tiquiro buheyequina mehna tiquina ihya bato tiri deco ijiahye*

(Mt 26.17-29; Lc 22.7-23; Jn 13.21-30; 1 Co 11.23-26)

<sup>12</sup> Pugũ yeye moremehneñe pãre tiquina ihyati bõse deco iji dũcari deco, ovejare

pascua deco ijigū ihyatiquirore tiquina we-jēati deco ijiahye. Ti pjere tiquiro buheye-quina pehe sinituahye Jesure:

—¿Noho boropu bose deco ijigū mari ihyatire quehnoyu dutigū ohoutjari māhu ūsāre? niahye tiquirore.

<sup>13</sup> Tiquina sa nigūta Jesu pehe puaro tiquiro buheyequina mehna cjēnare ohoahye.

—Jerusalēpu wahaya. Topu mūsa esagū aco suture wuāriquiro mū sare piti carota. Tiquiro piti cagū tiquiro mehna wahaya. <sup>14</sup> Sa wahana tiquiro siho sajāri wuhupu esana wuhu upurore ohō saha ni yahuya: “¿Nohopu yuhū buheyequina mehna pascua cjē ihyayere ihyanatari?” nidi buheriquiro”, niña wuhū upurore. <sup>15</sup> Mūsa sa nigū tuhoro ūhmuano cjā tucūre pajiri tucūre mari cahmeñe mehna tiquina quehnori tucūre ihñonota wuhū upuro. Topu mari ihyatire dahreya mūsa, niahye Jesu tiquinare.

<sup>16</sup> Tiquiro sa nigū tuhoye tiquina tiquiro buheyequina ti macapu wahahye. Topu esagū tiquinare tiquiro nidiro sahata wahahye. Sa ye tiquina pascua cjē ihyayere dahreahye.

<sup>17</sup> Sa ye nahitia cāhtagū Jesu doce tiquiro buheyequina mehna topure esahye. <sup>18</sup> Sa yero tiquina mehna mesapu ihyaro Jesu tiquinare yahuahye:

—Poto niita niaja musare. Ihcāquiro mūsa mehna cjāno yuhū mehna ihyariquirota yuhūre ihña tuhtiyequinare ihñonota, ni yahuahye Jesu tiquinare.

<sup>19</sup> Tiquiro sa nigū tuhoye tiquina pehe buja witiahye.

—¿Yuhūta ijiajari mūhure ihñoaçu? ni sinitu phtiahye tiquina Jesure.

<sup>20</sup> —Mūsa mehna cjūnota ijire tiquiro. Yuhū ihyari papu yuhū mehna soha ihyariquirota ijire yuhūre ihña tuhtiyequinare ihñoaquiro. <sup>21</sup> Panopu yuhūre tiquina yahu ojaroro sahata yuhū masū Cohācjū ohorigū yariagūta. Sa yero yuhūre ihña tuhtiyequinare ihñoriquiro pejecuro yuhūrota. Tiquiro pehe masa bajueragū, quehnoa yuhūaboya. Nāno yuhūderaboya, niahye Jesu tiquinare.

<sup>22</sup> Sa ni yahu tuhasaro tiquiro buheye-quina mehna ihyaro taro niahye. Sa yero Jesu pāre ne, Cohācjūre “Quehnoare”,

niahye. Sa ninota tiare nuha, itiahye tiquinare.

—Ahrire ne ihyaya. Ahri yuhū pagu ijire, niahye tiquiro tiquinare.

<sup>23</sup> Sa ni tuhasa tiquiro sihni pare ne, Cohācjūre “Quehnoare”, ni tuhasa, ohoahye tiquinare. Tiquiro oho tuhasagū tiquina ijiphtiyequina tire sihniahye.

<sup>24</sup> —Ahri yuhū dii ijire. Peyequina masa tiquina ñañe yerire cohāgu tagu yariagutja. Sa yegu yuhū diire cohāgutja. Mari Pacu “Mū sare yuhūogutja”, tiquiro nidiro esagū yuhū yariaro mehna tiquiro nidiro sohtori tirota. <sup>25</sup> Poto niita niaja musare. Cohācjū tiquiro puhtoro ijiropu wahma core uhse core yuhū sihniato pano, ahri dihtapure uhse core pari turi sihni yuhū, niahye Jesu tiquinare.

*Pedro Jesure tiquiro cohātire yahuahye Jesu (Mt 26.30-35; Lc 22.31-34; Jn 13.36-38)*

<sup>26</sup> Sa ye tiquina ihcā taha Cohācjū ye basayere basa tuhasa, cūnapu Olivo wame tidapu wahaa wahahye. <sup>27</sup> Topu siho esaro Jesu tiquinare yahuahye:

—Yojorūre mūsa ijiphtina yuhūre cohānata. Ohō sahata nine Cohācjū yere tiquina ojoari pūpu yuhūre yahuro: “Ovejare ihña ihboriguero yero saha ijiriquirore Cohācjū cohānota. Sa tiquiro cohāgū tiquiro yequina oveja yero saha ijieyequina duhti site cā wahāeta”, nine Cohācjū yere tiquina ojoari pūpu. <sup>28</sup> Sa yegu Cohācjū yuhūre tiquiro masori bato mūsa pano Galileapu wahayugutja yuhū, niahye Jesu tiquinare.

<sup>29</sup> Tiquiro sa nigū Pedro ohō saha niahye:

—Yuhū mehna cjēna ijiphtiyequina tiquina cohā cāpepūta yuhū pehe mūhure ne cohāsi, nimahye Pedro tiquirore.

<sup>30</sup> Jesu yuhtiahye:

—Potota niita niaja mūhure. Mía ñamita canaca pua taha tiquiro yahuato pano “Yuhū Jesure masiedaja”, nigūta mūhu. Ihtia taha sa nigūta mūhu, niahye Jesu Pedrore.

<sup>31</sup> Tiquiro sa niepēgūta Pedro ohō saha ni tutuaro bisiro yuhtiahye:

—Mūhu mehna yuhūre tiquina wejē duepēgūta “Jesure masiedaja”, ne nisi yuhū, ni yuhtimahye tiquiro Jesure.

Pedro sa nigū tuhoye tiquiro mehna cjēna gūhu sa dihita ni yuhtiahye.

Getsemaní wame tiri wesepeḡ Jesu Cohācjüre siniahye

(Mt 26.36-46; Lc 22.39-46)

<sup>32</sup> Sa ye tiquina Getsemaní wame tiri wesepeḡ wahahye. Topḡ esaro ohō saha niahye Jesu:

—Yḡḡ Cohācjüre yḡḡ sinino watoa ohō dujyuya, niahye tiqiro buheyequinare.

<sup>33</sup> Sa ni tuhasa Pedrore, Santiagore, Ñure tiquinare ihtiarore piji cāhye. Tiquinare sa piji cāno, pajiro tūhotu dūcahye tiqiro. Sa yero ñano jeripohna tiahye.

<sup>34</sup> Sa bujua witiro tiqiro mehna cjēnare tiqiro piji cāriquinare ohō saha niahye:

—Yḡḡ ñano jeripohna tiaja. Yḡḡre tutaro purino saha tūhotuḡ niaja. Ohō tojoaya. Sa yena yḡḡ mehnata cariedacāñā mūsa gḡḡ, niahye Jesu tiquinare.

<sup>35-36</sup> Sa ni tuhasa tiqiro topḡ mehenogā waha nemo, yehparḡ quehe saro, Cohācjüre niahye:

—Mai, mḡḡ ijipihiyere ye masine. Sa yegḡ yḡḡ ñano yḡḡduatire ye dueragḡ yeracāñā. Yḡḡ sa niepegūta yḡḡ cahmeno saha yeracāñā. Mḡḡ pehe masine. Mḡḡ cahmeno saha yeya yḡḡre, ni siniahye tiqiro Cohācjüre.

<sup>37</sup> Sa ni tuhasa, ihtiaro tiqiro buheyequina cahapḡ wihiro, carñequinare ihñahye. Tiquinare ihñano Pedrore niahye:

—¿Simo, carḡḡ nijajari mḡḡ? ¿Ihcā hora waro yḡḡ ihcāno mehna carḡegḡ iji masiedajari mḡḡ? <sup>38</sup> Quehnoano yeya mūsa. Sa yena Cohācjüre siniducuya mūsa, “Ñano yeari”, nina. Mūsa tūhotuye mehna quehnoañene ye duamene mūsa. Mūsa sehsaro sa ye duepenata tire ye masiedare mūsa, niahye Jesu Pedrore.

<sup>39</sup> Sa ni yahu tuhasa pari turi waha, Cohācjüre siniahye. To pano tiqiro sinidiro sahata siniahye tja. <sup>40</sup> Sa sini tuhasaro pari turi tiquina cahapḡ wihiahye tja. Sa wihiro carñequinare ihñahye tja. Wujua quehe yḡḡduahye tiquina. Sa ye tiquina Jesure dḡḡse ni masiedahye. <sup>41</sup> Sa yero pari turi Cohācjüre tiqiro sinidi bato tiquina cahapḡ wihī, tiquinare niahye:

—¿Yojopḡ pūritare carñina nijajari mūsa? ¿Sorina nijajari mūsa? To punota ḡḡḡ saro taro nine. Mianogāta yḡḡre Cohācjū ohorigūre ñañequinare tiquina

ohoati pje ḡḡḡ saro nine. <sup>42</sup> Wahcāñā. Isa wahana. Ihñāñā. Yḡḡre ihñā tuhtiyequinare ihñoatiqiro ohō ahtare, niahye Jesu tiquinare.

Jesure ihñā tuhtiyequina tiqirore peresu yeahye

(Mt 26.47-56; Lc 22.47-53; Jn 18.2-11)

<sup>43</sup> Tiqiro sa nino watoata Juda, doce buheyequina mehna cjēno ijimediqiro wihiahye. Sa ye masa peyequina ñoseñe pñini, yucḡ tiāri cūoyequina tiqiro mehna wihiahye. Pahia pūhtoā, judio masare buheyequina, bucūna, tiquina ohoriquina masa pehe ijiahye. <sup>44</sup> Coā warore Jesure ihñā tuhtiyequinare ihñoatiqiro masare ohō saha ni yahu queo tuhasahye.

—Wahsupure yḡḡ ihmidiqiro tiqirota ijirota mūsa ñeheatiqiro. Tiqirore yḡḡ ihmidi bato ñeheñā tiqirore. Sa yena quehnoano ñeheñā tiqirore “Duhtiarī”, nina, ni yahu tuhasahye Juda pehe.

<sup>45</sup> Sa yero wihirota Jesu cahapḡ duita waha madoqueohye.

—Buhegḡ, ninota wahsupure ihmiahye tiqirore.

<sup>46</sup> Tiqiro sa yegḡ ihñāñe tiquina Jesure ñeheahye.

<sup>47</sup> Tiquina sa yegḡ ihñano to cahapḡ ducuyequina mehna cjēno tiqiro ñoseni pñine tuā we nedoqueo, pahia pūhtoro cahācjūnore tiqiro cahmonore dūte pahrē cāhye.

<sup>48</sup> Sa yero Jesu ohō saha niahye:

—¿Dḡḡse ijiro boro mūsa ñoseñe pñini mehna, yucḡ tiāri mehna ahtana, yaqueriqirore yero saha yḡḡre ñehena ahtajari? <sup>49</sup> Decoripe Cohācjū wḡḡparḡ musare yḡḡ buhe dujigḡ, mūsa yḡḡre ne ñehedari. Sa ijiepegūta ahri ijipihiyere sa waro niaga Cohācjū yere tiquina ni ojariro sahata, niahye Jesu masare.

<sup>50</sup> Sa ye Jesu buheyequina tiqirore cohā cā, ijipihiyequina oma site cāa wahahye.

<sup>51</sup> Sa yero wahmūno suhti mariediqiro ihcāno coma cjūno dihita comariqiro Jesu bato nḡḡ tāmahye. Tiqiro sa nḡḡ tḡḡḡ ihñāñe tiqirore ñehemahye. <sup>52</sup> Tiqirore tiquina ñehe duagḡ ihñano tiqiro coma cjūnore cohā cā, suhti mariediqiro oma cāa wahahye.

Puhtoa cahapu neahye Jesure

(Mt 26.57-68; Lc 22.54-55, 63-71; Jn 18.12-14, 19-24)

<sup>53</sup> Sa ye pahia puhtoro cahapu Jesure ne cāhye. Sa ye ijipilhtieyuina pahia puhtoa, bucuna, usā acaye judio masare buheye-quina gūhu cahmeoahye. <sup>54</sup> Sa yero Pedro pehe Jesu bato yoaropu nūnu tāhye. Sa nūnu tāno pahia puhtoa ya wūhu cahapu esahye. Sa yero tiquiro ti wuhure cohteye-quina surara mehna peca dūhtu cahapu sohma dujiahye.

<sup>55</sup> Pahia puhtoa, ijipilhtieyuina apequina puhtoa gūhu Jesure wejē duti duaye, ni mehoñe mehna tiquirore tiquina ñano buhiri dahreatore wacū macañe nimahye. Tiquina yahusātire wacū bocaerahye.

<sup>56</sup> Sa wacū bocaerapeta peyequina masa tiquirore sa yahusā maca cāhye. Tiquina yahusāñe poto ijierahye. Apequiro sijoro saha ni, apequiro sijoro saha niahye. <sup>57</sup> Sa ye apequina topu esaye, Jesure yahusāhye.

<sup>58</sup> —Ahriquiro ohō saha nidi: “Yūhu ahri wuhure Cohācjū wuhure masa tiquina dahleri wuhure cohāgutja. Sa cohāgu ihtia deco wahaboro ti wuhure pari turi yegutja. Ti wūhu masa tiquina dahleri wūhu ijisi”, tiquiro nigū usā tūhou, niahye ni meho yahusāñequina.

<sup>59</sup> Tiquina sa ni yahusāepēgūta tiquina yahusāñe gūhu poto ijierahye. Apequiro sijoro saha ni, apequiro sijoro saha niahye.

<sup>60</sup> Tiquina sa nigū tūhoro pahia puhtoro tiquina watoa ducuriquiro wahcādūca sa, Jesure sinituahye:

—¿Ahriquina mūhure tiquina yahusāepēgūta tiquinare yūhti cahmedajari mūhu? ¿Mūhure tiquina yahusārire dūhse ni yūhti cahmeajari mūhu? niahye tiquiro Jesure.

<sup>61</sup> Tiquiro sa nigū tūhoeperota Jesu sata tūhotu cāhye. Tiquiro sa yūhtieragū ihñano pahia puhtoro tiquirore sinituahye tja:

—¿Cristota ijiajari mūhu? ¿Quehnoariquiro Cohācjū macu warota ijiajari mūhu? niahye tiquiro Jesure.

<sup>62</sup> —Tiquiro tjaia. Sa yena yūhure masure Cohācjū ohorigure yūhu Pacu tutuariquiro poto peheru yūhu dujigū ihñanata mūsa. Sa yegu ūhmūse cjē ehmeo cururi watoa yūhu ahtagū gūhure ihñanata mūsa, niahye Jesu tiquirore.

<sup>63-64</sup> Tiquiro sa nigūta pahia puhtoro pehe tiquiro sañari suhtirore tiquiro basi tūhrē cāhye, apequinare “Usua yūhdūare”, ni ihña masi dutiro.

—Cohācjūre ñano yahuducuro nine ahriquiro. Sa yena tiquiro ñano yahuducuyere tūho tuhasaja mari. Sa ye topequinata yahusāhdo ahriquirore. ¿Sa yena dūhse yenatari mari yojoṗure ahriquirore? niahye pahia puhtoro apequina puhtoare.

—Tiquiro ñari buhiri wejēno cahmene tiquirore, ni yūhtiahye apequina puhtoa.

<sup>65</sup> Sa ye tiquina mehna cjēna Jesure sihco puti, tiquiro caperire dūhte biha, tiquirore quēpeahye. Quēpe tuhasa ohō saha ni-peahye:

—¿Noa pehe mūhure quēari? Ihñedapeguta yahuya usāre, ni bujūpeahye tiquina.

Sa ye puhtoro yequina surara pehe Jesure quēpe tuhasa, neahye.

—Tiquirore masiedaga, niahye Pedro Jesure (Mt 26.69-75; Lc 22.56-62; Jn 18.15-18, 25-29)

<sup>66</sup> Sa yero wūhu caha ijiri paapu quehnoari paapu Pedro ijigū pahia puhtoro cahacjōno wihiahye. <sup>67</sup> Pedro tiquiro sohmagū ihñano ticoro tiquiro dihitare ihñaducuahye.

—Nazare cjūno mehna, Jesu mehna mūhu gūhu ijiri, niahye ticoro Pedrore.

<sup>68</sup> Ticoro sa nigū tūhoro tiquiro ohō saha niahye:

—¿Dūhse ni macago nijari mūhu? Mūhu nidiquirore ne masiedaja yūhu, niahye Pedro ticoro.

Tiquiro sa nidi bato Pedro sahrīno sopecaha cahapu wahahye. Sa yero topu tiquiro ducugū canaca yahuahye. <sup>69</sup> Topu tiquiro ijigū ihñano cahacjōno pehe ticoro cahapu ducuyequinare yahuahye tja:

—Ahriquiro gūhu Jesu buheyequina mehna cjūno ijire, niahye ticoro.

<sup>70</sup> Ticoro sa nigū tūhoro Pedro pari turi ohō saha niahye tja:

—Tiquirore masiedaja yūhu, niahye tja.

Sa yero came cjūnopu topu ducuriquina Pedrore ohō saha niahye:

—Ijirota ijire. Mūhu Galilea cjū ijire. Sa yegu tiquina mehna cjūta ijire mūhu, niahye tiquina tiquirore.

<sup>71</sup> Tiquina sa nigū tūhoro tiquiro yūhtiahye:

—Potota Cohācǰū mehna niaja māsare. Potota yuhū niedagū Cohācǰū yuhure buhiri dahreahro. Tiquirore mūsa nidiquirore ne masiedaga yuhū, ni yahtiahye Pedro tiquinare.

<sup>72</sup>Tiquiro sa nigūta canaca yahuahye tja. Tiquiro sa yahugū tūhoro Jesu tiquirore nidire wacūahye Pedro: “Canaca pūa taha tiquiro yahuato pano mūhū yuhure ‘Jesure masiedaga’, nigūta mūhū. Ihtia taha sa nigūta mūhū”, Jesu tiquiro nidire wacūahye Pedro pehe. Tiquiro sa nidire wacūno, tutuaro utiahye Pedro.

## 15

### *Pilato Jesure sinituahye*

(Mt 27.1-2, 11-14; Lc 23.1-5; Jn 18.28-38)

<sup>1</sup>Sa ye bohrearopū pahia pūhōa, bācūna, usā judio masare buheyequina, ijipihtiye-quina apequina pūhōa mehna cahme-coa, yahuducuahye tiquina yeatire masiñe tehe. Tiquina basi yahuducu tuhasa, Jesure dūhte, ne cā, Pilatore ohoahye tiquirore. <sup>2</sup>Tiquina ne sagū ihñano Pilato tiquirore sinituahye:

—¿Potota judio masa pūhtota ijiajari mūhū? niahye tiquiro Jesure.

—Mūhū nino sahata ijiaja, ni yahtiahye Jesu.

<sup>3</sup>Sa ye pahia pūhōa peye yahusāhye tiquirore. <sup>4</sup>Tiquina sa ni yahusāgū tūhoro Pilato tiquirore sinituahye tja:

—Ahriquina mūhure peye yahusāñe nine. ¿Tiquina sa yahusāpepegūta yūhtierajari mūhū? niahye tiquiro.

<sup>5</sup>Tiquiro sa niepegūta Jesu ne pari turi yahti nemoedahye. Sa yero Pilato ne dūhse ni masiedahye.

### *Jesure wejē dutiahye*

(Mt 27.15-31; Lc 23.13-25; Jn 18.38-19.16)

<sup>6</sup>Cūhmaripe pascuaripe masa yaquiro ijia-tiquirore ihcāquiro peresupū ijiriquirore tiquina cahmediquirore Pilato wio basaducue tiahye. <sup>7</sup>Ti pjere Barrabá wame tiriquire peresupū ijiahye. Tiquiro pūhōtoare cohā duayequina, masare wejēñe-quina mehna cjūno ijiahye. <sup>8</sup>Sa ye masa peyequina Pilato cahapū esaye, tiquirore siniahye:

—Cūhmaripe usāre mūhū yeducuriro sahata yeya usāre. Ihcāquiro peresupū

ijiriquirore usāre wio basaya, niahye tiquina.

<sup>9</sup>Tiquina sa nigūta Pilato tiquinare sinituahye:

—¿Mūsa yaquiro ijia-tiquirore mūsa judio masa pūhtorore wio basaboagari yuhū? ni sinituahye masare Jesure wio duaro.

<sup>10</sup>Jesure masa tiquina cahīgū ihñāñe pahia pūhōa gūhū tiquirore ihñā tuhtiahye. Sa ihñā tuhtiyē tiquirore ohoahye Pilatorē. Sa yero masa tiquina cahīdi buhiri tiquina ihñā tuhtirire masino Pilato Jesure wio duamahye. <sup>11</sup>Tiquiro sa wio duepegūta pahia pūhōa Jesu mehna masare usuagū yeahye. Ohō saha ni dutiahye tiquinare: “Barrabá pehere wioya. Jesure wejē dutiya”, ni dutiahye masare.

<sup>12</sup>Sa yero Pilatore Barrabáre tiquina wio dutiri bato Pilato tiquinare sinituahye tja:

—¿Ahriquire judio masa pūhtoro mūsa nidiquiro pehere dūhse yegutari yuhū, mūsa sa nigū? ni sinituahye tiquiro.

<sup>13</sup>—Curusapū quē biha wejēña tiquirore, ni sañuducuahye masa.

<sup>14</sup>—¿Yabe borore ñañene yeari ahriquire, mūsa sa ni sañuducugū? ni sinituahye tiquinare.

Tiquiro sa nigū tūhoye tiquina sañuducu nemoahye tja:

—Curusapū quē biha wejēña tiquirore, ni sañuducuahye tiquina.

<sup>15</sup>Tiquina sa ni sañuducugū tūhoro Pilato pehe masare bucuegū ye duaro Barrabá pehere peresupū ijiriquirore wio dutiahye masa tiquina cahmediquirore. Sa yero Jesu pehere yuta dari mehna tana duti, curusapū quē biha wejē dutiro ohoahye surarare.

<sup>16</sup>Sa ye surara Pilato ya wūhūpū pretorio wame tiri wūhūpū tiquirore ne sahye. Ne sa tuhasa tiquina apequina surarare tiquina mehna cjēnare cahmeoñe tehe pijioahye.

<sup>17</sup>Sa ye tiquina pūhtoro ya suhtiro yero saha bajuri suhtirore Jesure sāa, pota behitore dahre, ti behitore tiquiro dapu bui duhu peoahye. <sup>18</sup>Sa ye tuhasa ohō saha ni būjūpeahye tiquina tiquirore:

—Quehnoano ahtaya. Judio masa pūhōto, quehnoano ahtaya, ni būjūpeahye.

<sup>19</sup>Sa nieta yucūgū mehna tiquiro dapure quē, tiquirore sihco puti wisō, cua pesaro yeyequina yero saha tiquirore quehe sa, ño peoro saha yeahye. Tiquirore ñano

yeye niahye. Sa ye bujapeye niahye. <sup>20</sup> Sa yepe tuhasa tiquina sãari suhtirore tu we nedoqueo, tiquiore ye suhti pehere tiquiore sãa, tiquiore curusapu quẽ biha wejẽne wahaye, nea wahahye tiquina.

*Tiquina Jesure curusapu quẽ biha we-jãhye*

(Mt 27.32-44; Lc 23.26-43; Jn 19.17-27)

<sup>21</sup> Sa ye topu wahariquiore, Simo Cirene cjũno ihquẽ wãhuse ijiroru esariquiore, tiquina cahapu wihigũ ihããne surara pehe tiquiore Jesu ya curusare wãa cã dutiahye. Alejandro, Rufo pacuro ijiahye Simo pehe.

<sup>22</sup> Waha, Gólgota wame tiroru esahye. Gólgota nino “Dapu pehtoro”, nino nine. <sup>23</sup> Sa ye vinore mirra wame tiye co mehna tiquina moredi core Jesure ohomahye. Sa yero ti core sihni duerahye tiquiore. <sup>24</sup> Sa ye curusapu Jesure quẽ bihahye tiquina. Quẽ biha tuhasa tiquiore suhti ijirire “¿Noa yaro ijirorari ohõ?” ni cahme doquepeahye tiquina.

<sup>25</sup> Jesure curusapu tiquina quẽ bihagũ ihtia hora dahsahye coheri pje esato. <sup>26</sup> Sa ye curusapu ohõ saha ni ojoari pjine duhu ohõahye tiquina tiquiore ñãne buhirire yahu duaye. “AHRIQUIRO JUDIO MASA PËHTORO IJIRE”, ni ojoahye tiquina ti pjine.

<sup>27</sup> Sa ye puaro yaque bucuna Jesu caha apeye curusaripu tiquina quẽ biha ohõriquina ijiahye tiquina. Ihcãquiore poto pehe, apequiore cũ pehe pehe quẽ biha ohõahye tiquina gãhure. [<sup>28</sup> Tiquina sa yegũ panoru Cohãcjũ yere tiquina yahu ojoari sahata waharo niahye. Ohõ saha ni ojoahye: “‘Dutiyere yãhdudãcayequina mehna cjũno ijire’, ni, tãhoturi masa tiquiore”, ni ojoahye panoru.]]

<sup>29</sup> Sa ye curusari cahapu yãhdu cãnequina Jesure ihãa, tiquina dapu pacare yuredoqueo, tiquiore ñano ni yahuducuahye:

—Quehnoare. Quehnoare. ¿Cohãcjũ wãhure cohã, ihtia deco wahaboro pari turi ti wãhure dahreacjũ ijiajari mãhu? <sup>30</sup> Mãhu basi dijiahya. Sa yegũ mãhu basi yedohoya. Sa yegũ yãhdu witigata mãhu, ni bujapeahye tiquina.

<sup>31</sup> Tiquina yero sahata pahia puhtoa gãhu usã judio masare buheyequina gãhu tiquiore sa ni bujapeahye. Sa ni bujapeye ohõ saha niahye tiquina basi:

—Tiquiore apequinare yãhdũoriquiore ijieperota tiquiore basi yãhduo masiedare. <sup>32</sup> “Israe masa puhto, Cristo ijiaja”, nime di tiquiore. Sa yena tiquiore basi dijia tagũ ihããna tiquiore wacũ tutuanata, ni bujapeahye tiquina.

Sa ye yaque bucuna tiquiore caha tiquina quẽ biha ohõriquina gãhu sata ñano ni bujapeahye tiquiore tja.

*Jesu yariaa wahahye*

(Mt 27.45-56; Lc 23.44-49; Jn 19.28-30; He 6.19-20; 10.19-20)

<sup>33</sup> Sa ye coheri pje ijigũ ihtia hora waro ijipihitiroru nahitiaa wahahye. <sup>34</sup> Sa yero nahitia yãhdugũ waro Jesu tutuaro sañuducuahye:

—¿Eloi, Eloi lema sabactani? niahye tiquiore.

Sa nino ohõ saha nino niahye. “¿Yãhu Pacu, yãhu Pacu, dahsegu yãhure cohãjari mãhu?” nino niahye.

<sup>35</sup> Tiquiore sa nigũ tãhoye ihquẽquina topu ducuriquina ohõ saha nimahye:

—Cohãcjũ yere yahu mãhtariquiore Elia mnanore pijioro niboaga, nimahye tiquina.

<sup>36</sup> Sa yero ihcãquiore tiquina mehna cjũno oma cã, aco ihmini suhtere vino sũẽne core tiquiore sohari suhtere ne cã, yucũgu sohtoapu dahte ohõ, Jesure sihõmahye. Sa sihõno ohõ saha nimahye:

—Cohteniãa. Elia mnanano ahriquiore tiquiore yãhdũogũ ihãariihna mari, nimahye tiquiore apequinare.

<sup>37</sup> Tiquiore sa nidi bato Jesu pehe tutuaro sañuducu, yariaa wahahye. <sup>38</sup> Tiquiore yariagũta Cohãcjũ wãhu cã suhtiro cahsero tore tiquina cahmotari cahsero deco mehna bui pehe tãhnũ dijia ta, tãhnũ maa cjũ saa wahahye. <sup>39</sup> Tiquiore sa yariagũ ihããno surara puhtoro Jesu caha ducuriquiore ohõ saha niahye:

—Ijirota ijire. Ahriquiore Cohãcjũ macunota ijire, niahye tiquiore.

<sup>40</sup> Sa ye yororu ducuye numia Jesure ihãaducuye niahye. Tiquina numia mehna María Magdalena ijiahye. Apecoro María wame tiricoro gãhu ijiahye. Ticoro pehe José, tiquiore bahuro Santiago, tiquina pacoro ijiahye. Apecoro Salomé ijiahye.

<sup>41</sup> Tiquina numia Jesu yere quehnoano tãhoyequina numia ijiye, Galilea yehpapu tiquiore ijigũ tiquiore yedohoe tiahye.

Tiquina numia mehna peyequina apequina numia gũhã Jerusalẽpũ Jesu mehna ahtariquina numia ijiahye.

*Jesu pagure masa copepũ cũahye*  
(Mt 27.57-61; Lc 23.50-56; Jn 19.38-42)

<sup>42-43</sup> Sa ye ti deco tiquiro yariari deco saurũ pano judio masa usã sori deco pano ijiri deco ijiahye. Sa yero pascua cjẽ ijiatire tiquina quehnoyuri deco ijiahye. Ti ñamita José Arimatea cjũno cuero marieno Pilato cahapũ esahye Jesu pagure sinino esaro. José judio masa usã pũhtoahye mehna cjũno, pũhtoahye tiquina cua pesaro ihñariquiro waro ijiahye. Sa yero Cohãcjũ masa bui tiquiro pũhtoro sajãtore cohtero niahye. <sup>44</sup> Sa yero José Pilatore tiquiro sini tuhasagũ tũhoro tũho maria wahahye Pilato pehe. “¿Jesu yaria tuhasayari?” ni tũhoturo, tũho maria wahahye. Sa yero surara pũhtorore pjjio ohõ saha niahye tiquirore:

—¿Jesu yariaa wahari? ni, sinituahye tiquirore.

<sup>45</sup> Tiquiro sa nigũ surara pũhtoro yũhtiahye:

—Yariaa wahari, niahye.

Tiquiro sa nigũ Pilato Jesu pagure oho dutiahye Josére. <sup>46</sup> Tiquiro sa oho dutiri bato José quehnoari suhtiroro dúahye. Dú tuhasa, Jesu pagure ne dijio, suhtiro mehna wahme, masa copepũ utãpũ tiquina seheri copepũ tiquiro pagure cũahye. Cũ tuhasa, ti cope caha ijiria utãre pajiria utãre tu torẽ cã, ti copere bihahye. <sup>47</sup> Sa ye María Magdalena, María José pacoro Jesure tiquina cũriroro ihñahye.

## 16

*Jesu masa wjjiahye*  
(Mt 28.1-10; Lc 24.1-12; Jn 20.1-10)

<sup>1</sup> Sa ye saurũ yũhdũgũ María Magdalena, María Santiago pacoro, Salomé mehna wisõne co ehme sitiyeere dúahye tiquiro pagure wisõne tehe. <sup>2</sup> Sa ye domingo bohrea quehno Jesure tiquina cũri copepũ wahahye tiquina. <sup>3</sup> Wahaducuye, ohõ saha niahye:

—¿Ti copere biharia utãre noa marine põo basarotari na? niahye tiquina basi.

<sup>4</sup> Ti copepũ esahye, ti copere biharia utãre pajiria utãre tiquina põo cũriare ihñahye tiquina. <sup>5</sup> Sa ihñahye ti copepũ sajã sahye.

Sa sajã saye, wahmũnore poto pehe dujiriquire yehseye suhti tiriquire ihña, acuaa wahahye. <sup>6</sup> Tiquina sa acũagũ ohõ saha niahye tiquiro:

—Yũhũre ihña acũeracãhña. Jesu Nazare cjũno tiquina quẽ biha wejẽdiquiro masa macariquiro masa wjjia tuhasari. Ohõre mariedare. Tiquirore tiquina cũriroro ihñahya. <sup>7</sup> “Tiquiro masa pano Galileapũ waharota”, ni yahuna wahaya tiquiro buheyequinare, Pedro gũhũre. Topũ tiquiro ni diro sahata masa tiquirore ihñanata, ni yahuahye wahmũno tiquinare.

<sup>8</sup> Tiquiro sa nigũ tũhoye tiquina cueye, nanare, masa cope cahapũ ijiriquina oma cãa wahahye. Sa cueye apeqinane yahuerahye.

*Jesu María Magdalenare bajuahye*  
(Jn 20.11-18)

[ <sup>9</sup> Sa ye domingo ijigũ Jesu tiquiro masa wjjiri bato María Magdalenare bajua mũhtahye. Ticoro siete watĩare cuomedicoro ijimahye. Sa yero Jesu tiquiro yariato pano watĩare tiquiro cohãnohricoro ijiahye. Sa yero ticoro pehere bajua mũhtahye tiquiro masa wjjiri bato. <sup>10</sup> Sa ye Jesu mehna cjẽna tiquiro yariagũ ihñahye tutuaro bũjũa witi, utiye niahye. Sa tiquina utiri watoa ticoro pehe tiquirore ihñarire yahumahye tiquinare. <sup>11</sup> “Cristo catiri. Ihñaa”, ticoro ni yahuepegũta tũho duerahye.

*Jesu tiquiro buheyequinare bajuahye*  
(Lc 24.13-35)

<sup>12</sup> Came pũaro tiquina mehna cjẽna wũhũse marienopũ tiquina tinigũ Jesu sijoro saha bajuriquiro tiquinare bajuahye. <sup>13</sup> Tiquiro sa bajuagũ ihñahye tiquina tojoaa waha, apeqinane Jesu yequinare tire yahuahye. Tiquina sa ni yahuepegũta tiquina pehe tũho duerahye.

*Jesu tiquiro yere buhe dutiro ohoahye tiquiro buheyequinare*

(Mt 28.16-20; Lc 24.36-49; Jn 20.19-23)

<sup>14</sup> Came doce tiquiro buheyequinare mesa cahapũ tiquina dujigũ tiquinare bajuahye tiquiro. Sa yero tiquirore ihñariquinare tiquina yahugũ tũho dueyequinare masino Jesu tiquinare tuhtiahye. Tiquirore tiquina quehnoano wacũ tutuerari buhirire tuhtiahye tiquinare. <sup>15</sup> Sa tuhti tuhasaro tiquinare ohõ saha niahye:



—Ahri yehpa ijipihtiropu quehnoañe buheyere ijipihtiyequina masare buhena wahaya. <sup>16</sup> Yuhure wacū tutuayequinare tiquina wame yenhriquinare pecapu wahaboriquinare yahduorota Cohācjū. Sa ye yuhure wacū tutuayequina Cohācjū tiquiro buhiri dahreatiquina pecapu wahatiquina ijjeta. <sup>17</sup> Sa ye yuhure wacū tutuayequina yuhū tutuaye mehna ohō saha yeeta: Yuhū tutuaye mehna, yuhū wame mehna watiare cohāeta. Sa ye wahma yahuducuyere yahuducueta. <sup>18</sup> Sa ye añaaare tiquina ñehegū, ijipihtiyē nima dūhse ijiye nimare tiquina sihnigū, tiquinare ne purīsi. Sa ye dohatiyequina bui tiquina omocarine tiquina ña peogū dohatiyequina pehe quehnoa wahaeta, niahye Jesu tiquiro buheyequinare.

*Jesu uhmūseru mūjaa wahahye  
(Lc 24.50-53)*

<sup>19</sup> Sa ni yahu tuhasa mari puhtoro Jesu uhmūseru mūjaa wahahye. Topu esaro Cohācjū poto pehe dujahye tiquiro mehna puhtoro ijiro. <sup>20</sup> Sa ye Jesu buheyequina ijipihtiropu quehnoañe buheyere buheye wahaah wahahye. Tiquina sa buhegū mari puhtoro tiquinare yedohoahye. Tiquiro tutuaye mehna ye ihño, masigū yeahye tiquinare, masare tiquiro ye buheyere tuho dutiro. To punota ijire.]

## San Lucas

<sup>1-2</sup> Puhito Teófilo, ahrire mahu buheatire mahure ojoa ohogu niaja. Jesu usā mehna ijinino tiqiro yerire apequina ojoa dūca tuhasari jiri. Coā waropure Jesure ihñariquina, tiqiro yere buheriquina tiquina ni yahuriro sahata apequina tire ojoa dūca tuhasari jiri. <sup>3</sup> Sa yegu ahri ijipihiyere quehnoano masi peho duagu buhei. Sa yegu yuhu gūhu tire quehnoano ojoa duaja mahu buheatire yegu. <sup>4</sup> Jesu yere yahuyequina mahure buhe tuhasari. Tire quehnoano mahu masi nemoatire ahri pūre mahure ojoa ohogu niaja.

*Ŋu wame yeatiqiro tiqiro masa bajuatire angel yahuahye*

<sup>5</sup> Jesu masa bajuato pano, Herode Judea yehpa cjēna puhtoro tiqiro ijigū Zacaria wame tiriqiro pehe pahī ijiahye. Sa yero Zacaria tiqiro ya curua cjēna pehe pahia curua Abia mūnāno ya curua cjēna ijiahye. Zacaria namono gūhu pahī Aaron mūnāno panameono iji turiaricoropū ijiahye. Ticoro pehe Elisabe wame tiricoro ijiahye. <sup>6</sup> Tiquina pūaro Cohācjū dutiyere quehnoano ye pehoyequina tiquina ijigū ihñano, “Decoripe quehnoañene yere”, ni ihñahye Cohācjū tiquinare. <sup>7</sup> Elisabe ne pohna marienicozo ijiahye. Ticoro Zacaria mehna sata muhū cāhye pohna mariedape.

<sup>8</sup> Pahia dahrayere dahraye tehe, decoripe tiquina comesae tiahye. “Zacaria ya curua cjēna ijire”, tiquina nidi bato tiqiro pahia decoripe tiquina yeducuriro saha Cohācjū ya wuhupū dahraro taro niahye Zacaria. <sup>9</sup> Pahia sa yeducuriro saha tiquina “¿Noare ijiirotari ūjūa mūoatiqiro?” niñe, doquepeye mehna bueyere ehme sityere ūjūa mūoatiqirore beseahye. Cohācjūre ño peori altarpū tiquina beseriqiro Zacaria ehme sityere ūjūa mūoatiqiro ijiahye. Sa yero tiqiro Cohācjū wuhupū sajāa wahahye ūjūa mūono waharo. <sup>10</sup> Wuhupū ijiro ehme sityere tiqiro ūjūa mūono watoa ijipihiyequina masa pehe sopecahapū Cohācjūre sinie tiahye. <sup>11</sup> Ti pjere Cohācjū yaquiro angel Cohācjūre ño peori altar poto pehe bajuadūca sahye Zacariare. <sup>12</sup> Tiquiro sa bajuagū ihñano Zacaria tiqirore ihñā

maria, cuea wahahye. <sup>13</sup> Sa tiqiro cuegū ihñano angel tiqirore yahuahye:

—Zacaria, cueracāhña. Cohācjū mahu sinidire tuhori. Sa yena mūsa pohna tinata. Mūsa macū masa bajuarota. Tiquiro bajuagū Ŋu wame yeya tiqirogāre. <sup>14-17</sup> “Tiquiro quehnoariqiro, tutuariqiro ijire”, ni, ihñanota Cohācjū mahu macūre. Tiquiro masa bajuari bato vinore, sihbiorire sihnisi. Sa yero tiqiro masa bajuari bato Espiritu Santo nidiro sahata yeriqiro ijiirota tiqiro. Sa yero peyequina mahu acaye Israe masare Cohācjū mari puhtoro quehnoano cahmegū yerota mahu macū. Sa yero tiqiro Cohācjū yere buhero Elia mūnāno Cohācjū yere yahu mūhtariqiro tiqiro buheriro sahata Espiritu Santo yedohoro mehna Cohācjū tutuaye mehna mahu macū gūhu buherota. Sa buhero tiquina pacusumua tiquina pohne mehna quehnoano cahme cahigū yerota. Sa yero dutiyere yuhdūdaricquinare quehnoano tiquina ño peoye mehna yuhūtigū yerota. Sa buhero mari puhtoro Cohācjū yequina ijiatire yerota tiqiro. Sa yegu tiqiro masa bajuari bato mahu bucuegūta. Peyequina apequina gūhu bucueta, niahye angel Zacariare.

<sup>18</sup> Tiquiro sa nigū tuhoro Zacaria pehe sinituahye angelre:

—Ūsā bucūna ijiaja. ¿Sa yegu mahu nidi poto ijigū dūhse masigutari yuhū? niahye tiqiro.

<sup>19</sup> Tiquiro sa nigū angel pehe tiqirore yahuahye:

—Yuhu Gabriel wame tigu ijiaja. Cohācjū cahacjū tiqiro cahapū ducugū ijiaja yuhu. Cohācjū ahri quehnoañe quitire yahu dutiro, mahu cahapū yuhure ohori. <sup>20</sup> Yuhu yahuriro sahata potota waharota. Yuhu sa niepegūta yuhure mahu poto tuhoerari. Sa yegu yojopure mahu yahuducuegu wahagūta. Mahu macū tiqiro bajuari bato yahuducugūta tja, niahye angel Zacariare.

<sup>21</sup> Sopecahapū ijieyequina masa Zacariare cohteye niahye. “¿Dūhse ijiro boro tiqiro Cohācjū wuhupū ijiro, sojaro wija taerajari?” ni, cohteye niahye masa tiqirore. <sup>22</sup> Sa yero ti wuhupū ijiriqiro wija wihi, tiquina mehna yahuducu masiedahye. Tiquiro sa yahuducu masiedagū ihñañe “Tiquiro Cohācjū wuhupū bajuano hno niaya”, ni, tuhohuahye tiquina. Sa yero

yahuducu masiedaro tiquiro omocari mehna masare yahuducuahye.

<sup>23</sup> Cohācjū wuhurp tiquiro dahraye pitigū, tojoaa wahahye tiquiro ya wuhurp. <sup>24</sup> Tiquiro sa wahari bato tiquiro namono Elisabe coā nijinore cō cāhtarō niahye. Sa yero ticoro ihcā omope asūri waro masa cahapū wahaerahye. <sup>25</sup> Ohō saha niahye ticoro: “YojoPURE yuhure Cohācjū yedohori. Yuhū pohna mariego ijigo tutuaro buoro tuhottuu yuhū. Cohācjū yedohoro mehna nijinogāre bocagota”, ni tuhottuahye ticoro.

*Jesu tiquiro masa bajuatire yahuahye angel*

<sup>26-27</sup> Elisabe seis asūri ticoro niji pacoro ticoro ijiri bato Cohācjū pehe angel Gabriel wame tiriquirore nuhmino cahapū ohoahye. Ticoro Nazarepū Galilea yehpapū ijiri macapū ijiahye. María wame tiricoro ijiahye. José wame tiriquiro ijiahye ticoro mehna omoca dūhteatiquiro. Tiquiro panopū cūno Davi mūnāno panamino iji turiariquiro ijiahye. <sup>28</sup> Sa yero María cahapū esaro, angel yahuahye:

—ŶNe, ijijari mūhū, María? Cohācjū mūhū mehna ijiro nine. Sa yero mūhūre quehnoano yero nine. [Ijipihtiye numia apequina numia yuhduoro quehnoano yere mūhūre,] niahye angel ticorore.

<sup>29</sup> Tiquiro sa nigū tuhoro, ticoro tutuaro wacū tuhottuahye. Angel tiquiro yahurire tuhottoro “ŶDuhse nino yuhure sa niagari?” ni wacūahye ticoro. <sup>30</sup> Ticoro sa ni wacūgū ihñano angel yahuahye ticorore:

—María, Cohācjū mūhūre tutuaro cahīne. Sa yego mūhūre yuhū yahuatire tuho acueracāhña. <sup>31</sup> Quehnoano tuhoya. Nijinore bocagota mūhū. Sa yero mūhū macū masa bajuarota. Tiquirore Jesu wame yegota mūhū. <sup>32-33</sup> Tiquiro tutua yuhduariquiro ijirota. Sa ye tiquirore “Cohācjū ūhmuse cūno macūno ijire”, nieta masa. Sa yero mūhū macū ñecūno iji turiariquiro mūnanopū Davi mūnāno Israe masa tiquina puhtoro tiquiro ijiriro sahata mūhū macū gūhure cūnota Cohācjū. Sa yero ijipihtiye decori tiquiro Israe masare dutirota. Sa yero tiquiro puhtoro ijiye pehe ne pihtisi, niahye angel.

<sup>34</sup> Tiquiro sa nigū María pehe sinituahye:

—ŶDuhse yuhū manū mariedapegota pohna tiboagari yuhū? niahye ticoro.

<sup>35</sup> Ticoro sa nigū angel pehe yahuahye:

—Espíritu Santo mūhūre pohna tigū yerota. Sa yero Cohācjū tiquiro tutuaye ehmeo curua yero saha ahtarota mūhūre. Sa ye “Cohācjū macūno ijire”, nieta masa mūhū macūre ñañe yerariquirore. <sup>36-37</sup> Cohācjū ijipihtiyere ye masine. Sa yero mūhū acayoro Elisabe bucuoro ijieperota nijinogāre bocari ticoro gūhū. Ticoro pohna tirota ūmānogāre. Masa ticorore “Pohna marienicoro ijire”, tiquina nidicoro, yojoPURE seis asūri waro wahare nijino ticoro bocari bato, niahye angel María.

<sup>38</sup> Tiquiro sa nigū María yūhtiahye:

—Yuhure tuhoya. Mari puhtoro tiquiro cahacjō ijiaja yuhū. Mūhū nidiro saha yuhure sa wahaahro, niahye ticoro.

Ticoro sa nidi bato angel wahaahro wahaahye.

*María Elisabere ihñano wahahye*

<sup>39</sup> Tiquiro sa nidi bato María cūnū cū ijiri yehpapū Judea yehpapū ijiri macapū sojaro mehna wahaahro wahahye. <sup>40</sup> Topū esaro, Zacaria ya wuhurp sajāno, “ŶNe, ijijari?” niahye ticoro Elisabere. <sup>41</sup> Ticoro sa nigū Elisabe tuhogūta, ticoro macūno pehe niji suhtiropū ijiriquiro nuhmiahye. Elisabe Espiritu Santo dutiro sahata ye pehoricoro ijiro, tiquiro tutuayere buoricoro ijiahye. <sup>42</sup> Sa yero tutuaro bucuere mehna ticoro tutuaro yahuducuahye.

—Ijipihtiyequina numia yuhduoro mūhūre quehnoano yeri Cohācjū. Mūhū macū gūhūre quehnoano yeri Cohācjū. <sup>43</sup> Cuehi, yuhū puhtoro pacoro yuhū cahapū ahtagū quehnoano yeri yuhūre Cohācjū. <sup>44</sup> Mūhū yuhūre “ŶNe, ijijari?” mūhū nigū yuhū macū pehe niji suhtiropū ijiriquiro bucuere mehna nuhmiahti yuhūre. <sup>45</sup> Cohācjū tiquiro nidiro sahata yerota. Sa yego tiquiro yahurire tuhorigo ijigo bucuere ijire mūhū, niahye Elisabe.

<sup>46</sup> Ticoro sa nigū María yūhtiahye:

“Cohācjū quehnoariquiro, tutuariquiro ijire”, niaja. Yuhū quehnoano jeripohna tiaja. <sup>47</sup> Cohācjū yuhūre pecapū wahaborigore yedohoriquiro ijire. Sa yero yojoPURE yuhūre quehnoano bucuere mehna ijigū yere. <sup>48-49</sup> Yuhūre tiquiro cahacjōre wacūri jiri. Cohācjū

tutua yuhduariquiro quehnoañe dihitare yuhare yedohori. Sa ye yojobare “Ticorore Cohãcjũ quehnoano yeri”, ijipihtiyequina masa sa ni, yahuducueta yuhare. Cohãcjũ ñaÑe marieniquiro ijire.

<sup>50</sup> Ijipihtiye decori ijipihtiyequina tiqirore ño peoyequinare tiqiro paja ihñariquiro ijire. <sup>51</sup> Cohãcjũ tiqiro tutuaye mehna yeahye. “Apequinare masi yuhduacaja”, niÑequinare yuhduacahye tiqiro.

<sup>52</sup> Pũhtoare cohãhye tiqiro. Sa yero cahacjẽna pehere pũhtoa yero saha cũahye tiquinare. <sup>53</sup> Ujua ahbayequinare tiqiro quehnoañe ihyayere ohoahye. Sa yero peye doeri cjẽ cuoyequinare doeri cjẽ cuoeragũ yeahye tiqiro. <sup>54-55</sup> Mari ñecusũma iji turiayequina mũnare tiqiro yahu cũriro sahata ye pehoahye Cohãcjũ. “Pecapũ wahaboriquinare yuhduoutja”, tiqiro ni yahu cũriro sahata ye pehoahye. Sa yero tiqiro cahacjẽnare Israe masare tiqiro yedohoahye. Abrahã mũnanore mari ñecusũma mũnare ijipihtiye-

quina tiqiro acaye tiqiro bato ijiequina gũhure Cohãcjũ ijipihtiye decori sa paja ihñaducuriquiro ijie tiahye. Tiquinare tiqiro yahu cũrire boerahye Cohãcjũ, niahye María.

<sup>56</sup> Ihtia asũ waro Elisabe mehna ijiahye. To puno ticoro ijiri bato ticoro ya macapũ tojoaa wahahye María.

### *Ñu masa bajuahye*

<sup>57</sup> Elisabe ticoro niji wahcõ, pohna tiahye. Ticoro macũno masa bajuahye. <sup>58</sup> Sa yero Cohãcjũ ticorore tiqiro sa yegũ ticoro ya maca cjẽna ticoro acaye gũhũ ticoro mehna bucueahye. <sup>59</sup> Ocho decori tiqiro masa bajuari bato, tiqiro pacusũma tiqirogãre cuhnucunũ sohtoa cahserogãre yuhre ne dutiye tee niahye. Sa yeye tiquina mehna cjẽna tiquina cahapũ esahye tiquina yuhre negũ ihñañe tehe. Tiquina mehna cjẽna Zacaria tiqiro pacuro wamene tiqirogãre wame ye duamahye. <sup>60</sup> Tiquina sa wame ye duepegũta tiqiro pacoro ohõ saha niahye:

—Tiqiro pacuro wamene wame yeraja. Ñu wame yenatja tiqirogãre, niahye ticoro.

<sup>61</sup> —Mũhũ acaye ne ihcãquiro Ñu wame tiriqiro mariedare, niahye tiquina ticorore.

<sup>62</sup> Sa ye tiquina omocari mehna yahuducu, Zacariare sinituahye tiquina:

—¿Mũhũ waro dahse wame ye duajari mũhũ macure? ni, sinituahye tiqirore.

<sup>63</sup> Tiquina sa nigũ tiqiro pehe ojoari pũÑe sini, ñehe, ojoahye: “Yuhũ macũ Ñu wame tirota”, ni, ojoahye Zacaria. Tiqiro sa ni ojoagũ tiquina pehe tuho maria wahahye. <sup>64</sup> Tiqiro sa ni ojoari bato tiqirore yahuducugũ yeahye Cohãcjũ. Sa yero tiqiro yahuducua wahahye.

—Cohãcjũ tutuariquiro, quehnoariquiro ijire, niahye tiqiro.

<sup>65</sup> Tiqiro sa ni yahuducugũ tuhoye to cjẽna tuho maria wahahye. Sa ye ahri ijipihtiyere Judea yehpa cjẽnare cunũ cjũ watoa ijiequinare masa yahu siteahye. Sa ye masa to cjẽna quehnoano masi phtia wahahye. <sup>66</sup> Ijipihtiyequina tire tuhoye wacũahye. “Cohãcjũ tutuayere ahriqirogã core. Sa yero ihyo ijiriqiro ijisi tiqirogã”, ni, tuhutuahye masa.

### *Zacaria Cohãcjũre ño peoahye*

<sup>67</sup> Sa yero tiqiro pacuro Zacaria Espĩru Santo dutiriro sahata ye pehoriquiro ijiro tiqiro tutuayere cuoriquiro ijiro Cohãcjũ yere yahuahye:

<sup>68</sup> Cohãcjũre ño peouhna mari. Mari Israe masa tiqiro yequina ijiaja mari. Sa yero mari cahapũ wihiro, marine yedohoro quehnoano yuhduagũ yerota. <sup>69</sup> Sa yero Cohãcjũ tutuariqirore marine pecapũ wahaborinare quehnoano yuhduagũ yeatiqirore ohori jiri. Marine quehnoano yuhduoatiqiro tiqiro acayno mũnano Davi ijire. Davi mũnano pehe marine yuhduoatiqiro cahacjãno ijire. <sup>70</sup> Panopũ tiqiro yere yahu mũhtariquinare Cohãcjũ ohõ sahata ni ahrire yahu dutiahye. <sup>71</sup> Marine ihña tuhtiyequina marine ñano tiquina ye duagũ ihñano “Mũsare yedohoutja”, ni, cũahye Cohãcjũ marine. <sup>72</sup> Mari ñecusũma

mūnare “Mūsare paja ihñagu, yedohoutja. Mūsare yuhū yahu cūrire wacūtja”, niahye Cohācjū mari ñecusumua iji turiayequina mūnare. Ti pjepure tiqiuro nidiro sahata marine yojopure yere. <sup>73-75</sup> Ohō saha ni cūahye Cohācjū panopure Abrahāre: “Mūhū acaye camerū ijyeyequinare ihña tuhtiyequina tiquina ijigū cohāutja. Sa yegu mūhū acayere yedohoutja. Sa ye tiquina cuero marieno yuhū dutiyere ye masieta. Sa yegu tiquina ñañene yuhū cohāgū, tiquina yuhū ihñonopū ijipihtiye decori quehnoañequina ijiducueta”, ni, yahu cūahye panopū Cohācjū mari acayuro mūnanore Abrahāre, niahye Zacaria.

Sa ni tuhasa tiqiuro macunore ohō saha niahye:

<sup>76-77</sup> *Маса, мұһүре* ohō saha nieta masa: “Cohācjū tutua yuhduariqiuro tiqiuro yere yahu mūhtariqiuro ijire”, nieta mūhure. Sa yegu mūhū mari pūhtoro Cristo pano wahayugata mūhū. Sa wahagu ohō saha ni yahugata mūhū. “Cohācjū musa ñañene cohāno, pecapū wahaborinare yuhduorota mūsare”, ni, yahugata mūhū. Sa ni yahugu mari pūhtoro tiqiuro ahtatire yahuyugu niguta mūhū. <sup>78</sup> Cohācjū pehe marine tutuaro paja ihñariqiuro marine quehnoano yeriqiuro ijiro, tiqiuro marine pecapū wahaborinare yuhduo duare. Marine yuhduoro ahtaro Cristo mari cahapū ahtarota. <sup>79</sup> Ijipihtiyequina marine pecapū wahaborinare yuhduo duare tiqiuro. Sa yero Cohācjūre masiena mari ijigū ihñano marine masigū ye duare tiqiuro. Sa yero mari quehnoano ihcāno mehna mari ijiatire yahurota marine, niahye Zacaria.

<sup>80</sup> Sa yero Zacaria macuno quehnoano pagu tiriqiuro masahye. Sa yero Cohācjūre tutuaro ño peoahye. Sa yero yoari pje masa marienopū ijie tiahye. Israe masare buhe ducaro topata ijie tiahye.

## 2

*Jesu masa bajuahye*  
(Mt 1.18-25)

<sup>1</sup> Ti pjere ijipihtiye yehpari cjēna pūhtoro Augusto ijie tiahye. Sa yero ijipihtiyequinare queo dutiahye. <sup>2</sup> Ahriquina masare tiquina coā queo ducagū Siria yehpa cjēna pūhtoro Cirenio wame tiriqiuro ijiahye. <sup>3</sup> Sa ye ijipihtiyequina tiquina ñecusumua panopū cjēna ye macaripū tiquina wamene ojoa ohōñe wahahye. <sup>4</sup> José gūhū Nazarepū Galilea yehparū ijiri macapū ijiriquina waha, Judea yehparū Belē wame tiri macapū esahye. Pūhtoro Davi mūnano panopū cjūno tiqiuro masa bajuariro ijiahye Belē. José Davi mūnano panamino iji turiariqiuro ijiro Belēpū tiqiuro wamene ojoa ohō dutiro wahahye. <sup>5</sup> Sa yero María tiqiuro omoca dūhteaticro mehna topū tiqiuro wamene ojoa ohō dutiro esahye. Ticoro pehere meheñe decorigā dūhsahye nijino bajuato. <sup>6</sup> Sa yero Belēpū esaro ticoro niji wahcōahye. <sup>7</sup> Topure masa tiquina carīni wūhū ne esa tuhaeraha tiquinare. Sa yero ticoro pohna ti tuhasa, tiquiogāre suhtiro mehna coma, wecua tiquina ihyari cohropū, taa bui tiquiogāre duhu peoahye. Tiquiogā ticoro coā macū ti mūhtariqiurogā ijiahye.

*Angele ovejare ihña ihboyequinare bajuahye*

<sup>8</sup> Ti ñamine oveja tiquina ijirpū ovejare ihña ihboyequina tiquina yequina ovejare ihña ihboye niahye. <sup>9</sup> Sa yero Cohācjū ohoriquiro angel tiquinare bajuahye. Tiquiro sa bajuagū Cohācjū asi siteye tiquinare buhrioahye. Tiquiro sa asi sitegū ihñañe, ovejare ihña ihboyequina cuea wahahye. <sup>10</sup> Tiquina sa wahagū angel tiquinare yahuahye:

—Quehnoañe quitire mūsare yahugū ahtaja. Ijipihtiyequinare masare buceguē yeroa ahri qūiti. Sa yena yūhure cueracāñña mūsa. <sup>11</sup> Mia ñamine pūhtoro Davi mūnano ya macapū mūsare pecapū wahaborinare yuhduoatiqiuro, Cristo Cohācjū ohoriquiro mari pūhtoro masa bajua tuhasari. <sup>12</sup> Sa yero suhtiro mehna comariquiogā wecua ihyari cohro bui tiquina duhu peoriquiogā musa ihñatiquiogā tiqiuro ijirota, ni yahuahye angel tiquinare.

<sup>13</sup> Tiquiro sa nigūta peyequina ūhmuse cjēna iji muhtariquiro angel mehna Cohācjāre ño peohye. Ohō saha ni ño peohye tiquina:

<sup>14</sup> Cohācjāre ūhmuse cjūnore ño peouhna. Sa ye Cohācjū tiquiro cahīnequina cuero marieno cahmequeno marieno quehnoano ijiahiro, ni, ño peohye angele pari.

<sup>15</sup> Sa ni tuhasa ūhmusepū tiquina mujari bato ovejare ihña ihboyequina pehe tiquina basi cahme yahuducuahye:

—Ahrire Cohācjū marine tiquiro yahurire Belēpū isa ihñauhna, niahye tiquina basi.

<sup>16</sup> Sa niñe sojaro mehna wahaa wahahye. Tiquina Marfare, Josere boca sa, nijinogāre wecua ihyari cohropū tiquina duhu peoriurogāre ihñahye tiquina. <sup>17</sup> Ovejare ihña ihboyequina tiquirogāre ihña tuhasa nijinogāre angel tiquiro yahurire yahuahye apequinare. <sup>18</sup> Tiquina sa ni yahugū ijipitiyequina tiquinare tuho maria wahahye. <sup>19</sup> Ahri ijipitiyere María wacū tuhotuahye. <sup>20</sup> Sa yeye ovejare ihña ihboyequina pehe angel tiquiro yahuriro saha ijigū ihñañe, “Cohācjū tutuariquiro ijire”, ni bucueahye. Sa ni bucueye tojoaa wahahye.

Cohācjū wuhupū Jesu pacusumna tiquirogāre neahye

<sup>21</sup> Ihcā semana bato nijinogā tiquiro cuhnucunū sohtoa cahserogāre yuhre ne tuhasa tiquirogāre tiquina Jesu wame yeahye. Jesure coā waro ticoro bocato pano angel pehe “Jesu wame yeya tiquirogāre”, ni yahu tuhasahye. Sa yeye tiquirogāre Jesu wame yeahye.

<sup>22-24</sup> Cohācjū dutiye Moise tiquiro yahuriro saha yeye tehe, José, María mehna Jerusalēpū wahahye. Topū wahahye María ticoro pohna tiri bato pagū quehnoaricoro ticoro saharire ihñono taro. Cohācjū dutiriro sahata tiquina minicjuare ohoye wahahye Cohācjāre ño peoye. Ohō saha dutiahye Cohācjū: “Bujuaare puaro ohoya yuhure. O tiquina mariedagū apequina boro minicjuare ohoya yuhure ño peona”, ni dutiahye Cohācjū. Tiquiro dutiriro sahata yeahye tiquina ticoro pagū quehnoari pagū ticoro waharire ihñone taye.

Topū wahaye tiquina Jesugāre neahye. Tiquirogāre Cohācjāre “Ahriurogā mūhu yaquiro ijiatiquirogā ijire”, ni ihñone wahahye. Ohō saha yeahye Cohācjū yere tiquina ojoari pūpū tiquiro ye dutiriro sahata. “Ijipitiyequina musa pohna coā bajua muhtañequinagāre Cohācjāre ihñona. ‘Ahriurogā mūhu yaquirogā ijiatiquiro ijire’, ni ihñona”, ni dutiahye Cohācjū. Sa ye tiquiro dutiriro sahata yeahye tiquina, Jerusalēpū ijiiye.

<sup>25</sup> Ti macapū Simeo wame tiquiro ijiahye. Tiquiro quehnoariquiro, Cohācjāre ño peoriuro jiro, Israe masare Cohācjū yedohoatire cohteriquiro ijiahye. Sa yero Simeo Espiritu Santo tiquiro nidiro saha yeriquiro ijiahye. <sup>26</sup> Sa yero tiquiro yariato pano Cohācjū tiquiro ohoatiquirore Cristore tiquiro ihñatire yahuahye Espiritu Santo tiquirore Simeore. <sup>27</sup> Sa yero Espiritu Santo tiquirore dutigū Cohācjū wuhupū sajāa wahahye. Tiquiro sajā sari bato Jesu pacusumna tiquina macunogāre ne sajāhye. Cohācjū tiquiro dutiriro sahata yeye niahye. <sup>28</sup> Simeo pehe tiquirogāre wua ne, Cohācjāre ño peo, “Quehnoare”, ni, tiquiro mehna yahuducuahye.

Ohō saha niahye tiquiro Cohācjāre:

<sup>29-32</sup> Yojoapū pūritare puhto, mūhu nidiro sahata masare pecapū waha-boriquinare yuhduoatiquirore ohori jiri mūhu. Tiquiro judio masa ijieyequinare buhero mūhure quehnoano masigū yerota tiquinare. Masare yuhduoatiquiro Israe masunore mūhu cūahye. Usā acayūrore Israe masunore mūhu cūgū ijipitiyequina masiñe, “Israe masare quehnoano yere Cohācjū”, nieta masa. Ahriurogā usāre yuhduoatiquiro ijire. Sa yegu ahriurogāre ihña tuhasagu, yojoapūre quehnoano bucuegū yariūtja, niahye Simeo.

<sup>33</sup> Simeo tiquirogāre tiquiro sa nigū tiquirogā pacusumna pehe tuho maria wahahye. <sup>34</sup> Sa yero Simeo tiquinare “Quehnoano ijia musa”, nino tiquiro María Jesu pacore yahuahye:

—Cohācjū ahriurogāre beseahye. Sa beseriquirogā tiquiro ijiepegūta judio masa peyequina tiquirore yuhdaducaeta. Sa ye tiquina pecapū wahaeta. Sa yero judio

masare peyequina tiqiuro yuhduoatiqiuro gũhure Cohãcjũ beseri tiqiurogãre. Tiquiro Cohãcjũ yere yahuriqiuro tiqiuro ijiepegũta masa peyequina tiqiurore ñano ni yahuducuetã. <sup>35</sup> Tiquina sa yegũ apeqũna tiquina ñano wacũñene masieta. Sa yego mũhu tutuaro purĩno yero saha bũjua wítigota, niahye Simeo Maríare.

<sup>36</sup> Topũ Cohãcjũ yere yahu mũhtaricoro Ana wame tiricoro ijiahye. Ticoro Fanuel macono ijiro, Aser mũnana ya curua cjõno ijiahye. Bũcnoro waro ijiahye. Ticoro nuhmino ijiro manũ tiahye. Sa yero siete cãmari waro ticoro manũno mehna ijiahye. To puno tiqiuro ijiri bato ticoro manũno yariaa wahahye. <sup>37</sup> Sa yero ochenta y cuatro cãmari waro wape wihoro ijie tiahye ticoro. Sa yero ticoro deco gũhure ñami gũhure Cohãcjũ yere yero taro siji, Cohãcjũ mehna yahuducu, Cohãcjũ wũhure ne wijaera tiahye. <sup>38</sup> Simeo tiqiuro yahuducuri watoa ticoro tiquina cahapũ wihoro, bucuero, Cohãcjũre “Quehnoare”, niahye. Sa yero Jerusalẽ cjẽnare pecapũ wahaboriqũnare yuhduoatiqiurore cohteyequinare ticoro Jesugãre yahuahye peyequina masare.

*José, María, Jesu mehna Nazarepũ tojoaa wahahye tja*

<sup>39</sup> Cohãcjũ dutiriro sahata ye tuhasaye, tiquina ya macapũ Nazarepũ tojoaa wahahye. Galilea yehparũ ijiahye ti maca Nazare. <sup>40</sup> Sa yero Jesu quehnoano masa, tutuariqiuro wahahye. Sa yero tiqiuro quehnoano tuho masiniqiuro ijiahye. Sa yero tiqiurore Cohãcjũ quehnoano yeahye.

*Jesu coã wahmũa dũcaro, Cohãcjũ ya wũhũpũ judio masare buheyequina mehna yahuducuro niahye*

<sup>41</sup> Cũhmaripe Jesu pacusũmua Jerusalẽpũ pascua decorire bõse decorire ihñañe wahae tiahye. <sup>42</sup> Jesu doce cũhmarĩ tiqiuro cwogũ tiquina yeducuriro sahata tiquina ijipihtiyequina Jerusalẽpũ wahahye. <sup>43</sup> Sa yeye bõse decorire ihña tuhasa tiquina ya macapũ tojoaa wahahye tja. Tiquina sa tojoepegũta Jesu pehe Jerusalẽpũ tojoa cãhye. Tiquiro pacusũmua tiqiuro tojoa queherire masiedahye. <sup>44</sup> “Tiquiro mari mehna cjẽna mehna ijiaga”, ni tuhõtumahye tiquina. Sa ye tiquina ihcã deco waro Jesu marieno wahamahye. Sa

ye tiquina Jesure tiquina acaye watoa macamahye. <sup>45</sup> Ne bocaerahye. Sa ye tiquina Jerusalẽpũ tiqiurore macañe wahahye.

<sup>46</sup> Ihtia deco bato Cohãcjũ wũhũpũ tiqiurore boca sahye. Sa yero Jesu judio masare buheyequinare tuho, tiquinare sinituro niahye. Sa ye cahme yahuducuye niahye. <sup>47</sup> Tiquina ijipihtiyequina Jesure tuhoye quehnoano masiniqiurogã tiqiuro ijigũ ihñañe, tiquina tuho maria wahahye. <sup>48</sup> Tiquiro pacusũmua gũhũ Jesure ihñañe, ihña maria wahahye. Sa yero tiqiuro pacoro tiqiurore ohõ saha niahye:

—¿Macã, dũhsegũ sa yeajari mũhu usãre? Mũhu pacusũmua ohõ saha ni tuhõtuũ usã. “Tiquiro butia wahaga”, ni macaja usã mũhũre, niahye ticoro macũnore.

<sup>49</sup> Ticoro sa nigũ tiqiuro pacusũmũare yahuahye:

—¿Dũhsena yũhũre macajari mũsa? Yũhũ Pacũ yũhũre tiqiuro dutiriro saha yegũ niaja. ¿Tire masiedajari mũsa? niahye tiqiuro.

<sup>50</sup> Tiquiro sa niepegũta tiquina tuho ñehadahye.

<sup>51</sup> Sa yero Jesu Nazarepũ tojoaa waha, tiqiuro pacusũmũare ne yuhducaerahye. Ahri ijipihtiye tiqiuro yerire Maríã quehnoano wacũahye. <sup>52</sup> Sa yero Jesu bũcũã, quehnoano tuho masiniqiuro wahahye. Sa ye Cohãcjũ, masa gũhũ “Quehnoariqiuro ijire”, ni ihñañe tiqiurore.

### 3

*Ñu wame yeriqũro masare Cohãcjũ yere yahuahye*

(Mt 3.1-12; Mr 1.1-8; Jn 1.19-28)

<sup>1</sup> Ti pjere tiquina pũhtoro Tiberio wame tiriqiuro pũhtoro ijiri bato quince cãmari wahahye. Sa yero Poncio Pilato wame tiriqiuro Judea yehpa cjẽna pũhtoro ijiahye. Sa yero Herode wame tiriqiuro Galilea yehpa cjẽna pũhtoro ijiahye. Tiquiro bahũro Felipe Iturea yehpa cjẽna, Tracõnite yehpa cjẽna gũhũ tiquina pũhtoro ijiahye. Sa yero Lisania wame tiriqiuro Abilinia yehpa cjẽna pũhtoro ijiahye. <sup>2</sup> Sa ye Anãs, Caifa mehna ijipihtiyequina pahia pũhtoa ijiahye. Ahriquina ijipihtiyequina tiquina ijiri pjere Ñu Zacaria macũno

masa marienopu ijiriquirore Cohācjū pehe tiquirore tiquiro yere yahu dutiahye. <sup>3</sup> Sa yero Jordā wame tiri ma duhtu cahapu ijiri yehpapu ijiphtiropu Ņu buhero wahahye.

—Musa ñañe yeyere bujua witiya. Yojopure quehnoañe pehere comesaya. Sa yena wame yenhriana ijija. Musa sa came-sagū ihñano Cohācjū musa ñañe yerire borota, ni, buhee tiahye tiquiro.

<sup>4</sup> Isaia munano panopu cjūno Cohācjū yere yahu muhtariquiro ojoariro sahata ahriquiro yojopure yero niahye. Ohō saha ni ojoahye Isaia Ņu tiquiro buheatire:

Masa marienopu yahuducu sañuducuriquiro ohō saha ni buherota: “Mari puhtoro ahtato pano mahare mari quehnoyuriro saha quehnoana ijiyuya musa. Musa ñañe yerire bujua witiya. <sup>5</sup> Pe wuhtari, pe buhuari gūhure quehnoari paa mari yeriro saha, pari yawi ijiye maharine potoye mahari mari yeriro saha, ñañe maharine quehnoañe maharine mari yeriro saha, wetere musa coseriro saha musa ñañe yeyere duhuya. <sup>6</sup> Musa sa yegū Cohācjū musare pecapu wahaborinare tiquiro yuhduogū ihñæta ijiphtiri yehpa cjēna”, ninota tiquiro sañuducu yahuriquiro pehe, ni ojoahye Isaia munano panopure.

<sup>7</sup> Masa peyequina Ņu cahapu wihiye tiquiro tiquinare wame yegū cahmeahye tiquina. Sa yero tiquiro tiquinare yahuahye:

—Añaa pari yero saha ña yuhduna, cue duhti duana ijire musa. Musa ñañe yerire bujua witi duerana Cohācjū musa ñañe buhirire tiquiro buhiri dahreato pano duhti masiedare musa. <sup>8</sup> Sa yena potota musa ñañene bujua witina ijina, quehnoañene comesana ijina, quehnoañe pehere yeya musa. Ohō saha ni tuhotueracāhña. “Panopu cjūno Abrahā mari ñecu munano ijie tiahye. Sa yena tiquiro panamena ijina mari Cohācjū yequina ijiaja”, ni tuhotueracāhña musa. Musare niita niaja. Abrahā panamena iji turiana ijimene musa. Musa sa ijiepegūta ti musa sa ijiye dahseati ijierare. Cohācjū pehe ahri utā paca mehna Abrahā acayere dahre masine. Sa ye

Abrahā acaye musa ijiye ihyo waro ijire utā paca ihyo waro ti ijiro saha. <sup>9</sup> Ohō saha ijire: Masa yucari yero saha ijire. Cohācjū pehe yucurire queatiare comeare cuoriquiro yero saha ijire. Sa yero ñañe dca tiye cjure date cohā, ti nuhcori gūhure date sure peho cānota. Date sure tuhasa, pecapu uñanota tiquiro ti cjure, nuhcori gūhure. Sata yerota masa gūhure tiquirore cahmeeñequinare, niahye Ņu masare.

<sup>10</sup> Tiquiro sa nigū tuhoye masa pehe tiquirore sinituahye:

—¿Dahse yenatari usā? niahye tiquina Ņure.

<sup>11</sup> —Pua suhtiro cuoriquiro suhti mariediquirore ihcāno ohoya. Sa yena musa ihyaye cūona apequina gūhure ohoya, niahye Ņu.

<sup>12</sup> Meheñequinagā puhtoia ye ijiatire wapa ne cohteyequina wame yenhriquina iji duahye tiquina gūhū. Sa yeye Ņu cahapu wihiye, tiquirore sinituahye:

—¿Buhegu, usā pehe dahse yenatari usā? niahye tiquina tiquirore.

<sup>13</sup> —Musa puhtoia tiquina dutiro punota masare wapa neña. Ni meho wapa ne nemoedacāhña, ni yahuahye Ņu tiquinare.

<sup>14</sup> Apequina surara tiquirore sinituahye tja:

—¿Usā pehe dahse yenatari? niahye tiquina tiquirore tja.

—Masa yere niñerure ehmedacāhña. Sa yena tiquina ye niñerure ni meho nedacāhña. Musare tiquina wapa yero punota bucueya, ni, yahuahye Ņu.

<sup>15</sup> Masa Cristore Cohācjū tiquiro ohoatiquirore cohtey niahye. Sa yeye ohō saha ni tuhotu dcahye tiquina Ņure. “Ahriquiro Ņu pehe Cristo ijiboaga”, ni tuhotumahye tiquina. <sup>16</sup> Tiquina sa nigū tuhoro Ņu ijiphtieyquinare yahuahye:

—Yuhū bato yuhū yuhduoro tutu-ariquiro ahtarota. Quehnoa yuhduariquiro ijire tiquiro. Tiquiro yero saha ijieraja yuhū pehe. Sa yegu tiquirore tuhotugu, “Ihyo ijigu ijiaja”, ni tuhotuaja yuhū. Yuhū pehe musare wame yegu aco mehna wame yemi. Tiquiro pehe yuhū yuhduoro yerota. Espiritu Santore masa mehna ijiducugū yerota. Sa yero pecapu ñañene tiquiro uñū werō saha tiquiro ahtariquiro pehe musa ñano yeyere cose werota. <sup>17</sup> Yuhū



bato ahtariquiro trigo cahseri cohãriquiro yero saha ijire. Ti cahserire cohãriquiro tiquiro batiro mehna ijiphtiye trigo pjeri cahserire puti were. Sa ye tuhasa trigo pehere tiquiro ihbori wãhãpã cùnota. Sata yerota tiquina ñañene bujua witiyequinare yãhã bato ahtariquiro. Tiquiro puti weri cahseri pehere ijũanota. Ti peca tiquiro ijũari peca ne yatisi. Sata yerota tiquiro yãhã bato ahtariquiro tiquina ñañene bujua witiyequinare, ni yahuahye Ñu.

<sup>18</sup> Peye tiquiro sa ni yahuye mehna masare quehnoañe buheyere yahuahye Ñu. <sup>19</sup> Sa yero pahutoro Herodẽ pehe tiquiro bahũro Felipe namonore tiquiro namo tiri buhiri, pajiro ñañene tiquiro yeri buhiri gũhũre Ñu tiquirore yahumahye. <sup>20</sup> Tiquiro sa ni yahuri buhiri Herode pehe Ñure peresu yeahye, pari turi ñañene yero.

*Ñu Jesure wame yeahye  
(Mt 3.13-17; Mr 1.9-11)*

<sup>21</sup> Ñure tiquina peresu yeato pano apequina masare Ñu pehe wame yero niahye. Tiquinare wame yero Jesu gũhũre wame yeahye. Sa yero Jesu diapũ ducuriquiro Cohãcãre tiquiro sinino watoa ãhmuse parĩ maa wahahye. <sup>22</sup> Sa parĩ maari bato Espĩritu Santo bujua yero saha bajuriquiro Jesu buipũ djia tahye. Tiquiro ahtagũ ãhmusepũ yahuducuro ca tahye:

—Mũhũ yãhũ macũ yãhũ cahĩgũ ijire. Mũhũ mehna tutuaro bucueaja, nino ca tahye ãhmusepũ.

*Jesu acaye panopũ cãena ijiahye  
(Mt 1.1-17)*

<sup>23</sup> Jesu buhe dũcari cãhmare treinta cãhmarĩ cãoahye tiquiro. “Tiquiro Josẽ macũno ijire”, ni, tuhutumahye masa. Josẽ pehe Elĩ macũno ijiahye. <sup>24</sup> Elĩ Matat macũno ijiahye. Matat Levĩ macũno ijiahye. Levĩ Melqui macũno ijiahye. Melqui Jana macũno ijiahye. Jana Josẽ macũno ijiahye. <sup>25</sup> Josẽ Matatĩa macũno ijiahye. Matatĩa Amos macũno ijiahye. Amos Nahũm macũno ijiahye. Nahũm Esli macũno ijiahye. Esli Nagai macũno ijiahye. <sup>26</sup> Nagai Maat macũno ijiahye. Maat Matatĩa macũno ijiahye. Matatĩa Semeĩ macũno ijiahye. Semeĩ Josec macũno ijiahye. Josec Judã macũno ijiahye. <sup>27</sup> Judã Joanãn macũno ijiahye. Joanãn Resa macũno ijiahye. Resa

Zorobabel macũno ijiahye. Zorobabel Salatiel macũno ijiahye. Salatiel Neri macũno ijiahye. <sup>28</sup> Neri Melqui macũno ijiahye. Melqui Adi macũno ijiahye. Adi Cosam macũno ijiahye. Cosam Elmadam macũno ijiahye. Elmadam Er macũno ijiahye. <sup>29</sup> Er Josuẽ macũno ijiahye. Josuẽ Eliezer macũno ijiahye. Eliezer Jorim macũno ijiahye. Jorim Matat macũno ijiahye. <sup>30</sup> Matat Levĩ macũno ijiahye. Levĩ Simeo macũno ijiahye. Simeo Judã macũno ijiahye. Judã Josẽ macũno ijiahye. Josẽ Jonam macũno ijiahye. Jonam Eliaquim macũno ijiahye. <sup>31</sup> Eliaquim Melea macũno ijiahye. Melea Mena macũno ijiahye. Mena Matata macũno ijiahye. Matata Natãn macũno ijiahye. <sup>32</sup> Natãn Davi macũno ijiahye. Davi Isaf macũno ijiahye. Isaf Obed macũno ijiahye. Obed Booz macũno ijiahye. Booz Salmõn macũno ijiahye. Salmõn Naason macũno ijiahye. <sup>33</sup> Naason Aminadab macũno ijiahye. Aminadab Admin macũno ijiahye. Admin Arni macũno ijiahye. Arni Esrom macũno ijiahye. Esrom Fare macũno ijiahye. Fare Judã macũno ijiahye. <sup>34</sup> Judã Jacob macũno ijiahye. Jacob Isaac macũno ijiahye. Isaac Abrahã macũno ijiahye. Abrahã Tarẽ macũno ijiahye. Tarẽ Nacor macũno ijiahye. <sup>35</sup> Nacor Serug macũno ijiahye. Serug Ragau macũno ijiahye. Ragau Peleg macũno ijiahye. Peleg Heber macũno ijiahye. Heber Sala macũno ijiahye. <sup>36</sup> Sala Cainãn macũno ijiahye. Cainãn Arfaxad macũno ijiahye. Arfaxad Sem macũno ijiahye. Sem Noẽ macũno ijiahye. Noẽ Lamec macũno ijiahye. <sup>37</sup> Lamec Matusalẽ macũno ijiahye. Matusalẽ Enoco macũno ijiahye. Enoco Jared macũno ijiahye. Jared Mahalaleel macũno ijiahye. Mahalaleel Cainãn macũno ijiahye. <sup>38</sup> Cainãn Eno macũno ijiahye. Eno Sete macũno ijiahye. Sete Adãn macũno ijiahye. Adãn Cohãcã yeriquiro ijiahye.

#### 4

*Watĩno ñañene ye dutimahye Jesure  
(Mt 4.1-11; Mr 1.12-13)*

<sup>1</sup> Jesu Espĩritu Santo dutiro saha ye pehoriquiro ijiro, Jordã wame tiri ma cahapũ ijiriquiro tojoaa wahahye. Tiquiro sa tojoaa wahagũ Espĩritu Santo pehe tiquirore masa

marienopu neahye. <sup>2</sup>Topu esaro cuarenta decori ijiahye. Sa yero watino pehe Jesure ñañene yegū cahmemahye. Sa yero ñañene ye dutimahye tiqiurore. Ti decorire ne Jesu ihyerahye. Sa yero ti decori pihtigū waro tiqiuro ujua ahbahye.

<sup>3</sup>Tiqiuro sa ujua ahbagū ihñano watino ohō saha nimahye Jesure:

—Muhñ Cohācjū macu ijigū, ahria utāre ihyaye dojemehneña, nimahye Jesure.

<sup>4</sup>Jesu ohō saha ni yuhtiahye:

—Yeraja. Cohācjū yere tiquina ojoari pūpū ohō saha nine: “Masare ihyaye mehna dihita catieraro cahmene. Ijipihtiye Cohācjū ye yahuye mehna ijiro cahmene”, nine Cohācjū, ni yuhtiahye Jesu watinore.

<sup>5</sup>Tiqiuro sa nidi bato watino pehe tiqiurore cñññ hñmñanñ buipū ne mña saro, duita ijipihtiye macarine ihñō dijioahye Jesure. <sup>6</sup>Sa ihñono Jesure yahuahye:

—Ijipihtiye ahri macari yuhure tiqiuro ohori ijire. Sa yegū yuhñ cahmediqiurore oho masiaja. Sa yegū ahri macarine, ahri macari cjenare dutiati gūhure, tiquina cñoye mehna muhure ohoutja. <sup>7</sup>Yuhure muhñ ño peogū ahri macari ijipihtiye macarine muhure ohoutja, niahye watino Jesure.

<sup>8</sup>Jesu ohō saha ni yuhtiahye tiqiurore:

—Muhñe ño peeraja. Ohō saha nine Cohācjū yere tiquina ojoari pū: “Muhñ puhtoro Cohācjū dihitaro ño peoya. Tiqiuro ye dutiye dihitaro yeya”, ni ojoahye Cohācjū yere, niahye Jesu watinore.

<sup>9-11</sup>Tiqiuro sa nidi bato Jerusalēpu watino pehe tiqiurore ne cā, Cohācjū wuhñ buipū ne sahye. Ne sa tuhasa tiqiurore ohō saha nimahye:

—Cohācjū yere tiquina ojoari pū ohō saha nine: “Cohācjū tiqiuro yequina angelere muhñe ihñā ihbo dutirota. Sa yeye tiquina pehe muhñe ihñā ihboeta, ‘Muhñpū utāpū puhari’, niñe”, ni ojoahye Cohācjū yere tiquina ojoari pūpū. Tiqiuro sa nidi poto ijigū muhñ Cohācjū macu ijigū, yehparpū uhpu dijia ihñōña yuhñe. Muhñe tiquina yedohogū ihñōña yuhñe, nimahye watino Jesure.

<sup>12</sup>Jesu uhpu dijia ihñō dueraro ohō saha ni yuhtiahye tiqiurore:

—Cohācjū yere tiquina ojoari pū ohō saha nine: “Musa puhtoro Cohācjū tiqiuro nidire ‘¿Poto ijiajari?’ ni masi duana, Cohācjūre ye ihñō duti tuhueracahña”, nine Cohācjū yere tiquina ojoari pūpū, niahye Jesu watinore.

<sup>13</sup>Sa yero watino ijipihtiye ñañene Jesure ye dutimahye. Sa duti tuhasaro mehenogā duhu cāriahye.

*Galilea yehparpū Jesu buhe dūcahye*  
(Mt 4.12-17; Mr 1.14-15)

<sup>14</sup>Came Jesu Galileapū tojoaa wahahye. Sa yero tiqiuro Espiritu Santo tutuaye mehna yeahye. Topu ijipihtiropū masa tiqiurore quitī tiahye. <sup>15</sup>Judio masa buheye wuhñesepū Jesu gūhñ buhee tiahye. Sa ye ijipihtiyequina masa tiqiurore quehnoano yahuducuahye.

*Nazare cjēna Jesure ne cahmedahye*  
(Mt 13.53-58; Mr 6.1-6)

<sup>16-17</sup>Came Nazarepū Jesu tiqiuro masaripūta esahye. Topu esa, saurū ijigū tiqiuro sa yeducuriro saha judio masa tiquina buheri wuhñpū sajā sahye. Topu tiqiuro Cohācjū yere tiquina ojoari pūre buhero taro topu ducuahye. Tiqiuro sa ducugū ihñāñe to cjēna pehe Cohācjū yere yahu muhtariqiuro Isaia mñano tiqiuro ojoari pūre tiqiurore ohoahye. Ti pūpū Jesu ahri yahuyere bocaro buheahye:

<sup>18</sup>Cohācjū yaqiuro Espiritu yuhñ mehna ijiro, yuhñe dutiri. Tiqiuro pejecñoyequinare quehnoañe buheyere yahu dutiro ohori yuhñe. Sa yero peresupū ijiequina gūhñe tiquinare tiqiuro yuhñduotire yahu dutiro ohori yuhñe. Caperi bajueyequina tiquina quehnoano ihñatire ohori yuhñe. Sa yero masa ñano tiquina yenohriquinare wioacjūre yuhñe ohori. <sup>19</sup>Mari puhtoro Cohācjū tiqiuro yequinare pecarpū wahaboriquinare tiqiuro yuhñduotire yuhñe yahu dutiro ohori, ni buheahye Jesu.

<sup>20</sup>Sa ni buhe tuhasa Jesu ti pūre quehnoari tunu torē, wuhñ cjūnore wia tuhasa, nuju sahye. Tiqiuro nuju sagū ihñāñe topu ijiequina ijipihtiyequina tiqiuro dihitaro ihñahye. <sup>21</sup>Tiqiuro sa yegū tiqiuro tiquinare yahu dūcahye:

—Ahri mianogāta yuhū buhero saha Cohācjū tiquiro nidiro sahata waharo nine, niahye Jesu.

<sup>22</sup> Tiquiro sa nigū tūhoye “Ahriquiro quehnoariquiro ijire”, ni tūhotuahye tiquina. Sa yeye tiquina tiquiro quehnoano yahuducugū tūhoye, tūho maria wahahye. Sa yeye ohō saha niahye tiquina basi:

—¿Yohnah, José macno ijierajari ahriquiro? niahye tiquina basi.

<sup>23</sup> Tiquina sa nigū masino Jesu yuahuhye tiquinare:

—Yuhū buheyere tūho duerana, ohō saha ni tūhoture mūsa yūhūre: “Duturu dohatiro tiquiro basi aco ti masine duturu waro tiquiro ijyere ihñono. Mūhū gūhū duturu tiquiro ye ihñono saha mūhū nidiro saha ijigū Cohācjū tutuaye mehna ye ihñōña ūsāre. Capernaupere Cohācjū tutuaye mehna ye ihñōñohiti mūhū. Ūsā gūhūre sa ye ihñōña, mūhū buheyere ‘Poto tjire’, ūsā niato saha”, ni duare mūsa yūhūre.

<sup>24</sup> Ahrire yahutja mū sare. Cohācjū yere yahu mūhtariquirore tiquiro ya maca cjēna ño peerare. Sa yena yūhūre ño peerare mūsa ohōpū yuhū masarigū ijigū. <sup>25</sup> Sata ijiahye panopere. Panopū Elia tiquiro ijiri pjere ihtia cūhma ape cūhma deco waro ne acoro ahtaerahye. Sa yero ijipihitropūta ne ihyaye mariedahye. <sup>26</sup> Ti pjere peyequina wape wiha numia Israe yehparū tiquina ijiepegūta Cohācjū Elia mūnanore tiquinare yedoho dutiro ohoerahye. Tiquiro ya macare sa ye dutieraperota ape yehparū Sidō cahapū ijiri macapū Sarepta wame tiri maca cjōno wape wihorore yedoho dutiro Elia mūnanore ohoahye Cohācjū. <sup>27</sup> Came Cohācjū yere yahu mūhtariquiro Eliseo mūnanao tiquiro ijiri pjere Israe yehparū peyequina cami bacū mūna wiha tiquina ijiepegūta ihcāquiro Israe masūnore ne quehnoa wahagū yerahye Eliseo mūnanao. Tiquiro ya yehpa cjēnare yeraperota Naamán wame tiri quiro Siria yehpa cjūno dihitare quehnoa wahagū yeahye tiquiro. Sa yero Israe masare yedohoeraro, Israe masa ijieyequina pehere yedohoahye Cohācjū, niahye Jesu tiquinare.

<sup>28</sup> Tiquiro sa nigū tūhoye ijipihtieyequina ti wūhūpū ijieyequina usua yūhdūa wahahye. <sup>29</sup> Sa yeye tiquina wahcādūca,

Jesure ne wijia, ti maca dūhtū cahapū ijiri cūhūpū tiquirore tundoque dijio duamahye. <sup>30</sup> Tiquina sa ye duepegūta Jesu tiquina wa-toata wahaa wahahye.

*Watīnore cūoriquiro Jesure piti cahye (Mr 1.21-28)*

<sup>31</sup> Came Jesu Galilea yehparū ijiri macapū Capernau wame tiri macapū esa, saurū ijigū masare buheahye. <sup>32</sup> Quehnoano masi pehoriquiro tiquiro buhegū tūhoye masa tūho maria wahahye. <sup>33</sup> Ti wūhūpū watīnore cūoriquiro ijiahye. Tutuaro sañuducuahye: <sup>34</sup> —Mūhū Jesu Nazare cjū ūsāre cariboeracāhña mūhū. ¿Dūhse yegu tagū niajari ūsāre? ¿Mūhū ūsāre butigū yegu tagū niajari? Cohācjū macū, quehnoagu mūhū ijigū yuhū masiaja, ni sañuducuahye Jesure.

<sup>35</sup> Tiquiro sa nigū tūhoro Jesu tuhtiahye watīnore:

—Dihta mariahña. Duhuya tiquirore, niahye Jesu.

Tiquiro sa nidi bato masūnore watīno pehe yehparū doque quehe sa tunugū yeahye. Tiquiro sa yeri bato tiquiro pehe quehnoa wahahye. <sup>36</sup> Topū ijieyequina ijipihityequina tiquiro sa wahagū ihñāne, ihñā maria wahahye. Sa ye tiquina basi ohō saha ni yahuducuahye:

—¿Yabe boro buheye ijiajari ahri sa wahagū yeye? Yohnah. Tutuaro mehna pūhtoro yero saha ahriquiro watīnare dutire. Sa yeye tiquiro dutiro sahata tiquina masare duhure, ni yahuducuahye tiquina basi.

<sup>37</sup> Tiquiro sa yegū ihñāne ti yehparū ijipihitropū masa Jesure quiti dahreahye.

*Jesu Simo Pedro mareonore dutire yūhdūoahye*

*(Mt 8.14-15; Mr 1.29-31)*

<sup>38</sup> Judio masa tiquina buheri wūhūre wijia, Simo ya wūhūpū saja sahye Jesu. Topū Simo mareono dohatiro niahye. Tutuaro ujuaye tiahye. Sa ye tiquina ticoro dohatigū yuahuhye Jesure. <sup>39</sup> Tiquina yahuri bato tiquiro ticoro cahapū esa, ujuayere suru dutiahye. Tiquiro sa suru dutiri bato ticorore ujuaye surua waha, duita quehnoa wahahye. Ticoro sa waharo wahcā nuju sa, ticorota tiquinare ihyayere peoahye.

*Peyequina dohatieyequinare yūhdūoahye Jesu*

*(Mt 8.16-17; Mr 1.32-34)*

<sup>40</sup> Asū sajāri bato ijipihtiyequina masa tiqiuro cahapū ijyequina dohatiyequinare Jesu cahapū ne sahye. Dohatiyequina peyequina sijoro saha ijye dohatiyere cūoahye. Sa yero Jesu tiqiuro omocari mehna tiquina bui űa peo, ijipihtiyequinare tiquina dohatiyere quehnoano yūhdūoahye. <sup>41</sup> Watīa gūhure Jesu duhu dutigū tiquina duhuye sañuducūahye:

—Mūhū potota Cohācjū macū ijire, ni-ahye tiquina Jesure.

Jesu Cohācjū ohoriquiro tiqiuro Cristo ijigū watīa masiahye. Sa yero Jesu tiquinare yahuducu dutierahye, “ ‘Cristo ijire’, ni yahu siteari”, nino.

*Galilea yehpapū buheahye Jesu  
(Mr 1.35-39)*

<sup>42</sup> Bohrea mūja tagū Jesu ti macapū ijiriquiro waha, masa marienopū esahye. Tiquiro sa esari bato masa tiqiurore maca cā, boca saye, ohō saha niahye:

—Usā ya macapū tojoaya usā mehna. Ape sie wahaegūta, nimahye tiquina Jesure.

<sup>43</sup> Tiquina sa niepegūta tiqiuro pehe ohō saha ni yūhtiahye:

—Cohācjū tiqiuro pūhtoro ijiyere quehnoañe buheyere apeye macaripū gūhure buhe duaja yūhū. Cohācjū yūhure ohori tire yahuacjūre, niahye Jesu tiquinare.

<sup>44</sup> Sa yero Judea yehpapū ijye wūhūserū, judio masa tiquina buheye wūhūserū tiqiuro buhe tiniahye.

## 5

*Jesu tiqiuro buheyequinare peyequina wahi wejēgū yeahye*

*(Mt 4.18-22; Mr 1.16-20)*

<sup>1</sup> Ape deco Jesu Genesare wame tiri ditara dūhtū cahapū esahye. Topū tiqiuro ijigū ihñañe peyequina masa Cohācjū yere tuho duaye tiqiurore mūnū tā sahye. Quehnoano wahpa dūca saa wahahye masa pari. <sup>2</sup> Pūa yucūsa padūropū pahsaye yucūsarire Jesu ihñahye. Ti yucūsari cjēna yohyeyequina maja sadūca, tiquina wēñecjūre coseye niahye. <sup>3</sup> Sa yero Jesu Simo yariapū sajāhye. Sajā tuhāsa tia yucūsa dia dūhtū cahapū cuñariare weje buho dutiahye. Sa yero yucūsapū duji, masare buheahye. <sup>4</sup> Buhe tuhāsa, Jesu Simore ohō saha niahye:

—Deco cjūnogā tu wioya. Sa yena mūhū mehna cjēna mehna mūsa wēñecjūre doque űoñia wahi űeheanaja, niahye Jesu.

<sup>5</sup> Tiquiro sa nigū tūhoro Simo Jesure yūhtiahye:

—Pūhto, wahi wejē bohreami usā mia űamine. Bohreepenata ne ihcāquirogā wejēdahti usā. Sa wejēdapenata mūhū dutiro saha doque űo tuhunata, ni yūhtiahye Simo.

<sup>6</sup> Sa ni tuhāsa tiquina doque űoahye. Sa tiquina doque űogū tiquina wēñecjūre peyequina wahi sajāhye. Peyequina tiquina sajāgū wēñecjū tūhnūa wahamahye. <sup>7</sup> Sa wahagū ihñañe aperia cjēnare tiquina mehna cjēnare pijioahye.

—Mūsa gūhū yedohona ahtaya űsāre, ni pijioahye Simo gūhū.

Tiquina sa yedohori bato pūaria yucūsa quehnoano miniparo bocahye wahire.

<sup>8</sup> Simo Pedro sa wahi peyequina tiquina sajāgū ihñano, Jesu cahapū dūsepe curi mehna quehe sa, tiqiurore niahye:

—Yūhū pūhto, mūhū mehna ijibogū ijieraja yūhū. űagu ijiaya yūhū. Sa yegu yūhure duhuya, niahye Simo Jesure.

<sup>9</sup> Tiquiro, ijipihtiyequina tiqiuro mehna cjēna gūhū peyequina wahi sajāgū ihñañe, ihñā maria wahahye tiquina gūhū. <sup>10</sup> Pūaro Simo mehna cjēna Zebedeo pohne Santiago, tiqiuro bahūro űū mehna, tiquina gūhū ihñā maria wahahye. Tiquina sa ihñā mariagū ihñano Jesu Pedore yahuahye:

—Ihñā mariedacāhñā. Yojoapūre mūhū wahire űehe cahmecoagu mūhū ijiro saha Cohācjū yequina ijatiquinare piji cahmecoagu ijigūta mūhū, niahye Jesu Simore.

<sup>11</sup> Tiquiro sa nidi bato tiquina yucūsarire ditara dūhtū cahapū weje mo cū cā, tiquina ye ijipihtiyere topūta cū cā, Jesu mehna wahāa wahahye.

*Jesu camī būcū mūna wihirore camī yatigū yeahye*

*(Mt 8.1-4; Mr 1.40-45)*

<sup>12</sup> Jesu ape macapū tiqiuro ijigū camī būcū mūna wihiro tiqiurore piti cahye. Sa piti caro tiqiuro Jesure ihñā, dūsepe curi mehna quehe sa, tutuaro siniahye:

—Pūhto, mūhū yūhure yūhdūo duagu yūhdūoya, ni siniahye.

<sup>13</sup> Tiquiro sa nidi bato Jesu tiqiurore űa peoro ohō saha niahye:

—Tire ye duaja. Yojoꝛꝛꝛ quehnoagꝛ ijiya muhꝛ, niahye.

Tiquiro sa nigꝛta tiquiro cami ahbari yatia wahahye. <sup>14</sup> Sa yero Jesu tiquirore dutiahye:

—Ahri yuhꝛ ohꝛ saha yerire apequinare yahueracãhña. Pahi cahapꝛ wahaya yojoꝛꝛe. Sa yegꝛ muhꝛ pagꝛe quehnoari pagꝛ waharire ihñõña tiquirore. Cohãcjũ dutiye Moiserẽ tiquiro cũri nidiro saha yeya. Sa yegꝛ pahire pũaro minicjuare ohoya muhꝛ cami yahdũrĩre ijipihtiye-quinare ihñogꝛ tuhꝛ, niahye cami bũcu mũna cuomediquire.

<sup>15</sup> “Yahueracãhña”, tiquiro sa niepegũta ijipihtiropꝛ masa Jesure quti dahre nemoahye. Tiquina sa quti dahregũ tuhoye masa peyequina tiquiro cahapꝛ esahye. Dohatiyequina yuhdũ duaye, tiquina gũhꝛ tiquiro cahapꝛ esahye. <sup>16</sup> Tiquina sa esapegũta Jesu masa marienopꝛ Cohãcjũre sinino wahaa wahahye.

*Jesu tini masieniquire yuhdũoahye*

*(Mt 9.1-8; Mr 2.1-12)*

<sup>17</sup> Ape deco Jesu buhegũ fariseo masa, judio masare buheyequina gũhꝛ topꝛ dujiahye. Tiquina peye macari Galileapꝛ ijiye macari cjẽna, Judeapꝛ ijiye macari cjẽna, Jerusalẽ cjẽna ijiyahye. Sa yero Jesu Cohãcjũ tutuaye mehna dohatiye-quinare yuhdũoahye. <sup>18</sup> Meheñequinagã mũna tini masieniquire tiquiro cuñari cahsero mehna yo wua wihiahye. Sa yeye tiquirore Jesu cahapꝛ cũ duaye, wuhũpꝛ yo sajã duamahye tiquina tiquirore. <sup>19</sup> Sa sajã duepeta masa peyequina ijigũ tiquina tiquirore yo sajã masiedahye. Sa yeye tiquirore wuhũ buipꝛ yo mũjahye. Yo mũja sa, mehenogã põo we, ti coperpꝛ tini masieniquire tiquiro cuñari cahsero mehna duhu dijioahye Jesu cahapꝛ ijiye-quina watoa. <sup>20</sup> “Jesu ahriquire tiquiro dohatiyere yuhdũgũ yerota”, ni tuhotuahye tiquina. Tiquina sa ni tuhotugũ masino Cohãcjũre tiquina wacũ tutuayere masino, Jesu tini masieniquire ohꝛ saha ni yahuahye:

—Yuhꝛ acayũ, muhꝛ ñañe yeyere yuhꝛ cohã tuhasaũ, niahye Jesu tiquirore.

<sup>21</sup> Tiquiro sa nigũ tuhoye fariseo masa, judio masare buheyequina gũhꝛ tiquina

basi ohꝛ saha ni tuhutumahye: “Ahriquire sa ni yahuducueracãhdo. Masũno mari yero saha ijiro, tiquiro ñañe yeyere cohã masiedare. Cohãcjũ dihita masa tiquina ñañe yeyere cohã masine”, ni, tuhutumahye tiquina.

<sup>22</sup> Jesu tiquina tuhutuyere masino, ohꝛ saha niahye:

—¿Dũhse yena sa ni tuhotuajari musa? <sup>23</sup> “Muhꝛ ñañe yeyere yuhꝛ cohã tuhasaja”, yuhꝛ nigũ, “Ni mehogꝛ ijire”, yuhũre nine musa quehnoano masiedapenata. “Wahcãdũca wahaya”, yuhꝛ nigũ tiquiro tinigũ ihñana yuhꝛ nidi poto ijigũ duita masinata. <sup>24</sup> Yuhꝛ masu Cohãcjũ ohorigũ ahri yehpãpũ ñañe yeyere cohã masiaja yuhꝛ. Masa tiquina ñañe yeyere cohãcjũre cũri Cohãcjũ yuhũre. Yuhꝛ sa cohãrĩre musa masiato saha ohꝛ saha ye ihñoutja musa ihñatire, niahye Jesu.

Sa ni tuhasa tini masieniquire ohꝛ saha niahye:

—Muhũre niita niaja. Wahcãdũcaya. Mũhũ cuñari cahserore ne cãhña muhꝛ ya wuhũpꝛ, niahye tiquirore.

<sup>25</sup> Tiquiro sa nigũ tuhõrota ijipihtiye-quina tiquina ihñonopꝛ wahcãdũca, tiquiro cuñari cahserore ne, tiquiro ya wuhũpꝛ tojoa wahahye. Sa waharo tiquiro Cohãcjũre ño peoro, bucueye mehna quehnoano yahuducuahye. <sup>26</sup> Tiquiro sa yegũ ihñañe masa pehe ijipihtiyequina ihña maria wahahye. Tiquina ihña maria waha, Cohãcjũre ño peoye, bucueye mehna quehnoano yahuducuahye:

—Miare sijoro saha ijiyere ihñau mari, niahye tiquina.

*Jesu Levĩre pijiahye*

*(Mt 9.9-13; Mr 2.13-17)*

<sup>27</sup> Sa ye tuhasa waha, Levĩ wame tiriquire tiquiro dahrari tucũpꝛ ijiriquire boca sahye Jesu. Levĩ pehe pũthoa ye ijiatire masare wapa ne cohteriquiro ijiyahye. Sa boca saro tiquirore ohꝛ saha niahye:

—Yuhꝛ mehna cjũ ijicjũ ahtaya, niahye tiquiro Levĩre.

<sup>28</sup> Tiquiro sa nigũ Levĩ pehe ijipihtiye tiquiro dahrayere duhu cã, Jesu mehna wahaa wahahye.

<sup>29</sup> Came Levĩ ya wuhũpꝛ Jesu ya bose deco yeye niahye. Topꝛ peyequina wapa ne

cohteyequina, apequina Leví gũhũ mehna dujiahye. <sup>30</sup> Tiquina mehna Jesu gũhũ dujigũ ihñañe meheñequinagã fariseo masa, judio masare buheyequina mehna usua, Jesu buheyequinare sinituahye.

—¿Dũhsena ñano yeyequina, wapa ne cohteyequina mehna ihyajari mũa? ni tuhtiahye tiquina.

<sup>31</sup> Tiquina sa nigũ tuhoru Jesu yuhtiahye tiquinare. Ohõ saha ni queoye mehna buheahye:

—Dohatieyequina duturure macaedare. Dohatieyequina dihita duturure macare. Ñañequina dohatieyequina yero saha ijire. <sup>32</sup> Sa yegũ ñañequina dihitare tiquina ñañene bujũa witi dutigũ, quehnoañe pehere comesagũ yegũ tũũ nii yũhũ. Tiquina basi “Quehnoana ijiãa usã”, ni tuhotuyequinare yedohogũ ahtaerũ yũhũ, ñahye Jesu.

*Sijiyere Jesure sinituahye apequina*

*(Mt 9.14-17; Mr 2.18-22)*

<sup>33</sup> Sa yeye meheñequinagã masa Jesure ohõ saha ni sinituahye:

—Ñũ buheyequina peye tahari Cohãcjãre ño peoye tehe, sijire. Sa yeye, tiquina peye tahari Cohãcjãre sinine. Fariseo buheyequina gũhũ tiquina yero saha yere. Tiquina sa yepegũta mahũ buheyequina pehe ihya, sihnine. Sa ye Cohãcjãre ño peoye tehe, sijierare. ¿Dũhse yeye sa yerajari tiquina? ñahye tiquina Jesure.

<sup>34</sup> Tiquina sa nigũ Jesu tiquiro tuhotuye mehna quiti dahre buhero taro tiquinare ohõ saha ni yuhtiahye:

—Ohõ saha ijire ti: Omoca dũhteropũ tiquina pijioriquina omoca dũhteriquiro mehna ijiye, siji masiedare. Sata yũhũ buheyequina gũhũ yũhũ mehna ijiye, siji masiedare. Yũhũ omoca dũhteriquiro yero saha ijiãa. Omoca dũhteriquiro bosc deco tiquiro yegũ tiquiro mehna cjẽna ihyeyequina ijiãare. <sup>35</sup> Yũhũ Pacu Cohãcjũ yũhũre tiquiro nedi bato pũritare yũhũ buheyequina mehna ijisi yũhũ. Sa yeye ti pjerũta yũhũ buheyequina gũhũ sijieta, ñahye Jesu.

<sup>36</sup> Panopũ cjẽ buheye wahma buheye mehna tiquina buhe more duagũ ihñaño ohõ saha ni nemoahye Jesu tiquinare queoye mehna buhero.

—Ne wahma suhtirore meheni cahserogã tuhrẽ ne, mũana suhtirore sere ohõno cahmedare. Mari sa sere ohõna wahma cahserore tuhrẽ cohãna niaja. Sa yero wahma cahsero mũana suhtiro mehna ihcãno saha bajuerare. <sup>37</sup> Sa yena ne uñse co bisiye core wahiquire cahsero ajurupũre mũana ajurupũre pose yero cahmedare. Sa yegũ uñse co bisiye pahmuñerũ mũana ajurore tuhrẽ cãhre. Sa tuhnũgũ uñse co gũhũ, ajuro gũhũ cohãa wahare. <sup>38</sup> Sa yena uñse co wahma core wahma ajurupũ pose yero cahmene. (Sata wahma buheye mũana buheye mehna buhe moreदारo cahmene.) <sup>39</sup> Mũana core masa tiquina sihnidi bato, wahma core cahmedare tiquina. Ohõ saha nine masa. “Mũana co wahma co bui cjũnogã quehnoañe ijire”, nine masa, ñahye Jesu tiquinare.

## 6

*Judio masa tiquina sori decore trigore peheahye Jesu buheyequina*

*(Mt 12.1-8; Mr 2.23-28)*

<sup>1</sup> Ape deco saurũ ijigũ Jesu gũhũ trigo wesepũ esahye. Topũ esa, tiquiro buheyequina pehe trigo parorire pehe, ti pjerire sahquẽ site dijio, ti pjerire ihya cã wahaa wahahye tiquina. <sup>2</sup> Tiquina sa yegũ ihñañe meheñequinagã fariseo masa tiquinare sinituahye:

—¿Dũhse yena mũana saurũ mari sori deco ijiepegũta Cohãcjũ tiquiro dutierari decore dahrajari mũana? ñahye fariseo masa.

Tiquina sa nigũ tuhoru Jesu tiquinare yuhtiahye “Yũhũ buheyequina yũhdũducaye niedare”, nino taro:

<sup>3-4</sup> —Davi mũano tiquiro mehna cjẽna mehna uñãa ahbaro, Cohãcjũ wũhũpũ sajã, Cohãcjũ ye pãre ihyahye. Sa ihyaro tiquiro mehna cjẽna gũhũre ti pãre ihya dutiro ohoahye. Ti pãre pahia dihita ihyae tiahye. Cohãcjũ dutiye ti pãre apequinare ihya dutierare. ¿Davi mũano tire tiquiro yerire buherari mũana? (Ti pãre ihyaro Cohãcjũre yũhdũducaro niedahye. Miare ahri pjerire ihyaye yũhũ buheyequina gũhũ Cohãcjũre yũhdũducaye niedare.) <sup>5</sup> Yũhũ masũ Cohãcjũ ohorigũ ahri deco saurũ decore masa tiquina yeatire yahugũ ijigũ pũhto ijiãa, ñahye Jesu.

*Omoca bñhariquiro quitu*  
(Mt 12.9-14; Mr 3.1-6)

<sup>6</sup> Ape deco saurú ijigū Jesu judio masa tiquina buheri wñhupñ sajà saro, buheahye masare. Topñ omoca potu pehe bñhariquiro ijiahye. <sup>7</sup> Meheñequinagā judio masare buheyequina, fariseo masa gñhñ Jesure yahusā duamahye. “Saurú decore masunore dohatiyere yñhdñoboaga Jesu”, ni, ihña nñññ yahusā duamahye tiquina Jesure. <sup>8</sup> Jesu tiquina tñhotuyere masino, omoca bñhariquirore ohō saha niahye:

—Wahcādūcaya. Ohōpñ ahtaya, niahye tiquiro.

Tiquiro sa nidi bato omoca bñhariquiro pehe wahcādūca, topñ ducuahye. <sup>9</sup> Sa yero Jesu tiquinare sinituahye.

—Musare sinitutja: ¿Saurú ijigū yabere ye dutiajari Cohācjū dutiye? ¿Quehnoañene yegū quehnoaedajari? ¿Ñañene yegū pehere quehnoaboagari, masa tñhotugū? Saurú ijigū masunore masogū quehnoarñe. Saurú ijigū masunore wejēgū pehere quehnoaedare. Ñarñe, niahye Jesu tiquinare.

<sup>10</sup> Sa nino Jesu tiquinare ijipñtiyequinare ihñadoqueo, omoca bñhariquirore ohō saha niahye tja:

—Mñññ omocare siō potoya, niahye tiquiro.

Tiquiro sa nigūta omoca bñhariquiro pehe siō potogūta, omoca quehnoa wahahye. <sup>11</sup> Tiquiro sa yegū ihñañe tiquina tiquiro mehna tutuaro usuahye.

—¿Dñhse yenatari mari ahriquirore? niahye tiquina basi.

*Jesu tiquiro buheyequinare docere tiquiro ohoatiquinare bese docoahye*  
(Mt 10.1-4; Mr 3.13-19)

<sup>12</sup> Ti decorire Jesu cññpñ Cohācjñre sinino mñjaa wahahye. Topñ ijiro, ñamine Cohācjñ mehna yahuducu bohreahye. <sup>13</sup> Bohrearopñ tiquiro buheyequinare tiquiro cahapñ pñjoahye. Pñjo tuhasa, tiquina mehna cjñnare doce waro tiquiro ohoatiquinare bese docoahye. Sa ye tiquiro cñriquina wame tiahye. <sup>14-15</sup> Ahriquina ijiahye Jesu tiquiro bese docoriquina: Simo ijiahye. Simore Pedro ni pisuahye Jesu pehe. Simo bahñro Andre, Santiago, Ñu, Felipe, Bartolomé, Mateo, Tomasu, Santiago ijiahye. Santiago pehe Alfeo

macño ijiahye. Sa ye Simo celote ya curua cjño ijimediquiro, <sup>16</sup> Juda Santiago bahñro, Juda Iscariote tiquina ijiahye tiquiro bese docoriquina. Juda Iscariote pehe Jesure ihña tuhtiyequinare ihñoatiquiro ijiahye.

*Jesu peyequina masare buheahye*  
(Mt 4.23-25)

<sup>17</sup> Sa ye Jesu tiquiro buheyequina mehna cñññ buipñ ijiriquina dijia taye, peyequina apequina tiquiro buheyequina mehna wihidūca, quehnoari paapñ ducuahye tiquina. Ijipñtiropñ Judea yehpapñ ijiye macari cjēna, Jerusalē cjēna, Tiro wame tiri maca cjēna, Sidō wame tiri maca cjēna pajiri ma dñhtñ cahapñ ijiye macari cjēna masa peyequina tiquiro cahapñ wihiahye. <sup>18</sup> Tiquina Jesu buheye tñhoeye tehe, tiquina dohatiyere cohāgū cahmeahye. Watña cñoyequina gñhñ tiquiro cahapñ wihi, quehnoa wahahye. <sup>19</sup> Jesu tiquiro tutuaye mehna yñhdūgñ yeahye tiquinare. Sa ye tiquina ijipñtiyequina tiquirore dahra tuhuye ahtahye.

*Jesu bucueye, bñjña witiye gñhñre buheahye*

(Mt 5.1-12)

<sup>20</sup> Came Jesu tiquiro buheyequinare ihña, yahuahye:

—Musa pejecñona, (musa ñañene bñjña witina), Cohācjñ tiquiro pahtoro ijirorñ wahanata msa. Sa yena msa bucuenata.

<sup>21</sup> ‘Yojorñre msa ñjña ahbana, yapina ijinata. Sa yena bucuenata.

‘Yojorñ utina ijina, came msa bñjñnata. Sa yena msa bucuenata.

<sup>22</sup> ‘Yñññ masñ Cohācjñ ohorigñ ijiñja. Sa yena yeere yena msa ijiri buhiri apequina mñsare tiquina ihña tuhtiepegūta bucuena ijire msa. Mñsare tiquina cohārepegūta bucuenata. Mñsare tiquina ñano yahuducuepegūta “Ñana ijire”, mñsare tiquina niepegūta msa pehe bucuenata. <sup>23</sup> Mñsare tiquina sa yegū ihñano ñhmñsepeñ msa esagū pajiro quehnoano yerota Cohācjñ mñsare. Sa yena tutuaro bucuena ijiya. Quehnoano jeripohna tina ijiya. Mñsare ihña tuhtiequina tiquina acaye panorñ cjēna sata ñano yeahye Cohācjñ yere yahu mñhtariquina gñhñre.

<sup>24</sup> Sa yena m̄sa yojop̄ peye c̄ona ahri yehpap̄ m̄sa quehnoano iji c̄a tuhasari. Sa yena ñano yuh̄d̄nata ijinata m̄sa.

<sup>25</sup> Yojop̄ yapina m̄sa ɰ̄j̄na ahbanata. M̄sa sa ijinata ñano yuh̄d̄nata.

Yojop̄ure m̄sa b̄j̄urina ijina camerp̄ure utinata. Sa yena ñano yuh̄d̄nata.

<sup>26</sup> “Coh̄c̄j̄ yere yahu m̄htana iji-aja”, ni mehoñequinare “Quehnoañequina ijire”, nimahye peyequina panop̄ c̄j̄ena. Sa nimediquina tiquina acaye yojop̄ c̄j̄ena ḡh̄u sata “Quehnoañequina ijire”, niboaga ihquẽquina m̄sa mehna c̄j̄enare. Tiquina sa ninohrina m̄sa ijina ñano yuh̄d̄nata m̄sa ḡh̄u, ni buheahye Jesu.

M̄sare ih̄ña tuhtiyequina tiquina ijiepeḡta tiquina ḡh̄ure cah̄ña

(Mt 5.38-48; 7.12)

<sup>27</sup> Sa yero oh̄o saha ni buhe nemoahye Jesu:

—Yuh̄ure tuho duanare, m̄sareta niḡu niaya. M̄sare ih̄ña tuhtiyequina tiquina ijiepeḡta tiquina ḡh̄ure cah̄ña. M̄sare ih̄ña tuhtiyequinare quehnoano yeya. <sup>28</sup> M̄sare “Ñano yuh̄d̄ahro”, niñequina tiquina ijiepeḡta quehnoa dutiya tiquinare. M̄sare ñano yeyequina tiquina ijiepeḡta “Tiquina ḡh̄u quehnoano iji-ahro”, ni sini basaya Coh̄c̄j̄are. <sup>29</sup> Ihc̄aquiuro m̄sa wahsupure tiquiuro quẽḡu, ape sie ḡh̄ure quẽ dutiya tiquiore. M̄sa bui c̄j̄a suhtirore tiquiuro ehmaḡu m̄sa camisa ḡh̄ure sa oho c̄h̄ña tiquiore. <sup>30</sup> M̄sare sinidiquirore tiquiuro sinino punota ohoya tiquiore. M̄sa yere tiquiuro neḡu tiquiore sinituerac̄h̄ña pari turi tire. <sup>31</sup> Apequina m̄sare tiquina quehnoano yeḡu cahmene m̄sa. Tiquinare m̄sa quehnoano yeḡu cahmeno saha quehnoano yeya tiquina ḡh̄ure. Tiquina quehnoano yerapeḡta m̄sa pehe tiquinare quehnoano yeya.

<sup>32</sup> M̄sare cah̄ñequina dihitarẽ m̄sa cah̄ḡu ti ne dah̄seati ijierare apequina pehere m̄sa cah̄edaḡu. Ñañequina ḡh̄u sata yere. <sup>33</sup> Sa yena m̄sare quehnoano yeyequina dihitarẽ m̄sa quehnoano yeḡu ti ḡh̄u ne dah̄seati ijierare apequina pehere m̄sa quehnoano yeraḡu. Tire ñañequina ḡh̄u yere. <sup>34</sup> Sa yero “Yuh̄ure wiaya tire”, m̄sa niñequina dihitarẽ m̄sa wasoḡu ne ti dah̄seati ijierare. Ñañequina ḡh̄u apequinare

“Yuh̄ure wiaya tire”, tiquina niñequinare wasore. <sup>35</sup> Sa yena m̄sa pehe m̄sare ih̄ña tuhtiyequina ḡh̄ure cah̄ña. Sa yena tiquinare quehnoano yeya. Apequiore wasona “Yuh̄ure ne wias̄i ahriquiuro”, ni tuhotuenata tiquiore wasoya. Coh̄c̄j̄u pehe tiquiore “Quehnoare”, nieñequina ḡh̄ure, ñañequina ḡh̄ure quehnoano yere. Tiquiuro yero saha yeya m̄sa ḡh̄u. M̄sa sa yeḡu Coh̄c̄j̄u tutuaro quehnoano yerota m̄sare. Sa yena Coh̄c̄j̄u tutua yuh̄d̄ariquiuro ɰ̄hm̄se c̄j̄eno pohna ijinata. <sup>36</sup> Mari Pac̄u ɰ̄hm̄se c̄j̄eno tiquiuro paja ih̄ñariro sahata m̄sa ḡh̄u masare paja ih̄ñaña, ni yahuahye Jesu.

Apequina ḡh̄ure “Ñañequina ijire”, niedac̄h̄ña

(Mt 7.1-5)

<sup>37</sup> Sa yero tiquinare yahu nemoahye:

—Apequinare “Ñañequina ijire”, niedac̄h̄ña m̄sa. M̄sa sa niedaḡu Coh̄c̄j̄u m̄sa ḡh̄ure “Ñana ijire”, nisi. Apequina m̄sare tiquina ñano yerire tiquina ñano nidi ḡh̄ure boya m̄sa. M̄sa sa boḡu ih̄ñano Coh̄c̄j̄u m̄sa ḡh̄ure m̄sa ñañe yerire borota. <sup>38</sup> Apee borore c̄ona apequinare ohoya. M̄sa sa ohoḡu Coh̄c̄j̄u ḡh̄u m̄sare ohorota. Sa ohoro quehnoano queoro m̄sare pajiro ohorota. Quehnoano wahpa yuh̄d̄uro ohorota. Apequinare m̄sa ohoriro punota Coh̄c̄j̄u ḡh̄u m̄sa ḡh̄ure ohorota, niahye Jesu tiquinare.

<sup>39</sup> Sa ni tuhasa Jesu quiti mehna buhero oh̄o saha ni yahu nemoahye:

—Caperi bajueyequina sehsaro tiquina basi quehnoano tuã c̄a masiedare. Sa tuã c̄añe, tiquina p̄arop̄ bora maa sajãa wahaeta coperu. (Sata Coh̄c̄j̄u yere masieñequina apequinare buhe masiedare. Sa ye tiquina ijiphtiyequina pecapu wahaeta.) <sup>40</sup> Buheyequina tiquinare buheriquirore masi yuh̄d̄ucaerare. Sa ijiepetã ijiphtiyequina buheyequina tiquina quehnoano buhe pehori bato tiquinare buheriquiro yero saha ijieta, niahye Jesu.

<sup>41</sup> Sa ni tuhasa apeye quiti mehna yahu nemoahye:

—Mari queoye mehna buheḡu oh̄o saha yena ijire m̄sa: M̄sa acaȳro tiquiuro capeapu meheni pohcaroḡa tiquiore bora sajãḡu ti pohcaroḡare quehnoano



ihñare msa. Msa ya capeapu pajiri pji ijepeguta ti pjine ne ihñedare msa. Meheni pohcarogare msa ihñano saha msa acayuro tiqiro ñano yeye pehere quehnoano ihñare msa. Msa basi msa ñañene tutuaro yepenata tire masiedare msa pajiri pjine msa ihñedaro sahata. ¿Dahse yena sa yeajari msa? <sup>42</sup> Ohõ saha nina yero saha ijire msa: “Yuhu acayu, ñañene yegu nine mahu. Sa yegu tire duhuya”, nina yero saha ijire msa. Sa nina ijeepenata pajiro ñañene yere msa pehe. ¿Dahse yena msa ñañene yepenata tire masiedajari msa? Masa ihñono dihita quehnoano iji mehona ijire msa sa yena. Pajiri pjine msa capeapu ijiri pjine msa ne muhtaboriro saha msa ñano yeye pehere duhu muhtaña. Msa sa yeri bato msa acayuro tiqiro ñano yeyere duhugü ye masiboaga meheni pohcarogare msa neboriro saha, ni bueahye Jesu.

*Masa yahuducyere tuhona tiquina ijiye tiyere masiaja mari*

(Mt 7.17-20; 12.34-35)

<sup>43</sup> Sa yero queoye mehna buhero ohõ saha ni yahu nemoahye tiquinare:

—Quehnoadu yucugü ñañene dca tierare. Sa yero ñadu quehnoañene dca tierare. <sup>44</sup> Yucu dcare masina tare masine msa. Potagu higuera pacare dca tierare. Sa yero pota bucugü uhse töhorine dca tierare. <sup>45</sup> Sata ijire masa gühu. Quehnoariqiro tiqiro tuhutyepu quehnoañe ijire. Sa yero tiqiro quehnoañene yere quehnoadu quehnoañene dca tiro saha. Ñariqiro tiqiro tuhutyepure ñañe ijire. Sa yero tiqiro ñañene yere ñadu ñañene dca tiro saha. Mari tuhutyepu marine ti ijiro saha yahuducuaja mari, ni yahuahye Jesu.

*Pna wuhu yeyequina quitire yahuahye Jesu*

(Mt 7.24-27)

<sup>46</sup> Sa yero tiquinare yahu nemoahye:

—Msa wuhure “Puhto”, nine. Sa niepenata yuhu dutiye pehere yerare msa. ¿Dahse ijiro boro sa yerajari?

<sup>47</sup> Ijipihiyequina wuhure cahmeñequina yuhu yahuyere tuhore. Sa yeye yuhu dutiyere yuhdudcaerare. Ohõ sahata ijire wuhure yuhdudcaeyequina:

<sup>48</sup> Wuhu dahreriqiro yero saha ijire

tiquina. Tiquiro uhcuñe coperire sehe, wuhure doco dcare. Ti wuhu quehnoano tiqiro yeri wuhu ijiro dia minigü tutuaro aco tutuepeguta ti wuhu quehnoano tojoare. <sup>49</sup> Sa yeye yuhu dutiyere tuhøpeta yuhdudcaeyequina pehe wuhure quehnoano yerariqiro yero saha ijire. Ti wuhure buigã doco, quehnoano ye dcaerare. Tiquiro sa yeri wuhu ijiro dia minigü aco tutuagü duita ti wuhu cohõ burra wahare. Sa yero ti wuhu tutuaro bora quehea wahare, niahye Jesu.

## 7

*Surara puhtoro cahacjnore tiqiro dohatigü Jesu yuhduoahye tiqirore*

(Mt 8.5-13)

<sup>1</sup> Ti quitire masare yahu tuhasa Jesu gühu Capernaupu esahye. <sup>2</sup> Topu ijiriqiro cien surara puhtoro tiqiro cahacjnore tutuaro cahiahye. Tiquiro cahacjno pehe tutuaro dohatiro, yariaropu niahye. <sup>3</sup> Sa yero Jesu yeyere tuhoro, judio masa bucunare Jesu cahapu ohoahye puhtoro pehe.

—Dohatiriqirore yuhduogu ahtaya, ni, yahu dutiro bucunare ohoahye puhtoro.

<sup>4</sup> Tiquina Jesu cahapu esa, ohõ saha ni tutuaro mehna yahuahye tiqirore:

—Surara puhtoro usãre ohori. Tiquiro cahacjnore dohatiriqirore yuhdugü cahmedi tiqiro. Tiquiro puhtoro pehe quehnoariqiro ijire. Tiquiro sa ijigü yedohoya tiqirore. <sup>5</sup> Mari ya maca cjñare tiqiro cahine. Sa yero tiqiro usã buheri wuhure tiquina yeri wapare wapa yere, niahye bucuna Jesure.

<sup>6</sup> Tiquina sa ni yahugü tuhoro Jesu pehe tiquina mehna wahahye. Surara puhtoro ya wuhu cahagapu tiqiro esagü puhtoro pehe tiqiro mehna cjñare Jesure ohõ saha ni yahu dutiro ohoahye:

—Puhto, quehnoanota. Ahtaeracãña. Quehnoagu ijieraja yuhu. Ya wuhupu mähure sajã ta dutibogu ijieraja yuhu. <sup>7</sup> Sa yegu mahu cahapu wahaeraja. Yuhu sa ijepeguta mahu masiñe mehna yuhdu dutiya mahu tiqirore. Mahu sa yegu yuhu cahacjno quehnoanota. <sup>8</sup> Wuhure yuhu bui ijiyequina apequina puhtoa dutire. Sa yegu yuhu gühu surarare dutiaja. Ihcaqirore “Wahaya”, yuhu nigü tiqiro wahare. Apeqirore “Ahtaya”, yuhu nigü tiqiro ahtare. Yuhu cahacjnore “Ahrire yeya”, yuhu

nigū tire tiqiro yere. Mūhū gūhū dutigūta ijire. Sa yero mūhū dutiro saha tiqiro dohatiriquiro yūhdarota, ni yahu dutiahye surara puhtoro.

<sup>9</sup> Tiquiro sa nigū tūho maria waharo, peyequina masa tiqiro mehna ijiyequinare majareduca sa, yahuahye:

—Musare niita niaja. Tiquiro surara puhtoro Israe masūno ijieriquiro Cohācjūre tutuaro wacū tutuare. Tiquiro cahacjūnore yahu yūhdugū yeatire masi tuhasare. Israe masare ne ahriquiro yero saha ijiyequinare ihñeda tirū yūhū, niahye Jesu.

<sup>10</sup> Tiquiro sa nidi bato surara puhtoro Jesu cahapū tiqiro ohoriquina tiqina puhtoro ya wūhūpū tojoaa wahahye. Tojoa sa dohatiriquiro yūhdariquiropūre ihñahye tiqina.

*Jesu wape wihoro macūnore masoahye*

<sup>11</sup> Came cjūnogā Nai wame tiri macapū Jesu tiqiro buheyequina mehna peyequina masa mehna wahahye. <sup>12</sup> Ti macare sajāri sopecaha cahapū tiqiro esagū yariariquirore masa ne wijia taye niahye. Yariariquiro pacoro wape wihoro ijiahye. Ihcāquirota ijiriquiro yariahye. Sa ye to cjēna masa peyequina ticoro mehna wahahye. <sup>13</sup> Tiquina sa wahagū ihñano Jesu ticorore paja ihñahye.

—Utieracāhñā, niahye Jesu ticorore.

<sup>14</sup> Sa nino yariariquiro tiqiro masa putire ña peoahye. Tiquiro sa ña peogū ihñāne ti putire wūayequina pehe esaducāhye.

—Macū, yūhū mūhūre ohō saha niaja. Wahcā nujuña, niahye Jesu.

<sup>15</sup> Tiquiro sa nidi bato yariariquiro mūnāno wahcā nuju, yahuducāhye. Sa yero Jesu tiqirore tiqiro pacorore wiahye. <sup>16</sup> Tiquiro sa yegū ihñāne tiqina ijiphiyequina cuea wahahye. Sa yeye tiqina Cohācjūre ño peo, ohō saha niahye:

—Cohācjū yere yahu mūhtariquiro masi yūhdariquiro yojopū pūritare mari watoa ijire, niahye tiqina.

—Cohācjū marine tiqiro yequinare yedohoro wihi tuhasare, niahye apeqina.

<sup>17</sup> Sa yeye ijiphiyequina Judea yehpa cjēnare ti yehpa dūhtū cahapū ijiye macari cjēnare Jesu yerire masa yahu site peoahye.

*Ñu wame yeriquiro tiqiro buheyequinare Jesure sinitu dutiahye*

(Mt 11.2-19)

<sup>18</sup> Sa ye Jesu yerire ihñāne Ñure yahuahye tiqiro buheyequina. Sa tiqina yahugū tūhoro pūarore tiqiro cahapū pijio, <sup>19</sup> Jesure sinitu dutiro ohoahye Ñu. Ohō saha ni sinitu dutiahye:

—¿Ñu “Yūhū bato apeqiro ahtarota”, tiqiro nidigūta ijijari mūhū? ¿Tiquiro nidigū mūhū ijieragū apeqirore cohtenatari usā? ni sinitu dutiahye Ñu pūaro tiqiro buheyequinare.

<sup>20</sup> Sa ye tiqina Jesu cahapū esa, sinituahye tiqirore:

—Ñu wame yeriquiro mūhūre sinitu dutiro ohori usāre. ¿Ñu “Yūhū bato apeqiro ahtarota”, tiqiro nidigūta ijijari mūhū? ¿Tiquiro nidigū mūhū ijieragū apeqirore cohtenatari usā? ni sinituahye tiqina Jesure.

<sup>21</sup> Ti pjeta peyequina dohatiyequinare, watia cūoyequinare, caperi bajueyequinare yūhdugū yeahye Jesu. <sup>22</sup> Sa yero Ñu ohoriquinare Jesu yūhtiahye:

—Yojopūre mūsa ihñarire mūsa tūhorire Ñure yahuna wahaya: Ohō saha niña: “Caperi bajueyequina ihñare. Tini masieñequina tinine. Cami ahbariquina quehnoa wahare. Tūhoeriquina tūhoā wahare. Yariariquina masaa wahare. Tiquina ijiphiyequinare quehnoa wahagū yei yūhū. Sa yegū pejecūoyequinare quehnoañe buheyere yahuaja. <sup>23</sup> Yūhūre tūhoriquiro ‘Poto ijire’, nidiquiro tiqiro bucueriquiro ijire”, Ñure ni yahuna wahaya, niahye Jesu.

<sup>24</sup> Ñu buheyequina tiqina wahari bato Jesu pehe Ñu tiqiro ijiye tiyere yahu dūcāhye peyequina masare:

—Masa marienopū esana, taare wihnono wēdoqueo mūjagū ihñana eserari mūsa. <sup>25</sup> “Quehnoañe suhti sañariquirore ihñana wahāhñā”, niedari mūsa masa marienopū wahana. Quehnoañe suhti sañānequina wapa būjūyere cūoyequina puhtoa ye wūhūsepū ijire. Masa marienopū ijierare. <sup>26</sup> Masa marienopū esana Cohācjū yere yahu mūhtariquirore ihñana esari mūsa. Ijirota ijire. Ñu Cohācjū yere yahu mūhtariquiro ijire. Apeqina Cohācjū yere yahu mūhtariquina yūhdūoro

ijiriqiro ijire tiqiro pehe. <sup>27</sup> Panopu Cohācjū yere tiquina ojoari pūpu Ņure ohō saha ni yahuahye:

Mari Pacu tiqiro macūnore ohō saha niahye: “Muhū pano muhare yahuyu-atiqirore ohogutja. Muhū wihiatore quehnoyurota tiqiro”, niahye Cohācjū, ni ojoahye panopure Ņure.

<sup>28</sup> Musare poto niita niaja. Apequina masa ijipihtiyequina bui ijire Ņu. Ahri decoripure tiqiro sa ijiepegūtā Cohācjū tiqiro puhtoro jjiropure ijipihtiyequina docapu ijiriqiro pūrita Ņu bui ijire, niahye Jesu masare.

<sup>29</sup> Tiqiro sa nigū tahoye ijipihtiyequina masa, wapa ne cohteyequina mehna Ņu tiqiro wame yenohriquina ijie ohō saha ni tuhotuahye Cohācjūre. “Cohācjū poto yeriqiro ijire”, ni tuhotuahye tiquina.

<sup>30</sup> Fariseo masa pehe, judio masare buheyequina gūhu Ņu wame yenohriquina iji duerahye. Sa ye tiquinare Cohācjū yequina tiqiro ye duagū cahmedahye tiquina.

<sup>31</sup> Sa yero Jesu pari turi yahuahye:

—¿Yojopu cjēna masa disequina yero saha ijiajari tiquina, mūsa tuhutugū?

<sup>32</sup> Tiquina macanagā yero saha ijire. Apequina tiquina cahmeno saha yeragū bucuere tiquinagā. Doeri cjē duaropu apepe dujiye, ohō saha ni pisuducure tiquinagā basi: “Mūsa basatire usā putipemi. ¿Dahsena mūsa basaerari usā putipegū? Usā tutuaro ņehe quea utipe, sañuducumi. ¿Mūsa pehe dahsena usā mehna utiperari?” niducuyequina yero sahata ijire yojopu cjēna gūhu. Yojopu cjēna tiquina cahmeno saha usā yeragū ihñañe bucuere tiquina gūhu.

<sup>33</sup> Ņu wame yeriqiro Cohācjūre ño peoro taro sjiro, vinore sihnedare. Tiqiro sa sihnedagū ihñana, “Watīnore cūore. Sa yero tuho masieniqliro ijire”, nimesi mūsa tiqirore. <sup>34</sup> Yūhu masū Cohācjū ohorigu ijigu, yūhu ihya sihniaja. Yūhu sa yegū ihñana ohō saha nine mūsa yūhu pehere.

“Ihñaña. Ahriqliro pajiro ihyariqliro, queheriqliro ijire. Wapa ne cohteyequina, ñano yeyequina gūhu tiquina mehna piti tiriqliro ijire tiqiro”, nine mūsa yūhure. Sa nina macanagā yero saha yahuducuna ijire mūsa. Mūsa cahmeno saha usā yeragū bucuere mūsa. <sup>35</sup> Sa masiedapenata usā ye

ihñorire ihñana, Cohācjū yere usā masigū masinata mūsa, ni yahuahye Jesu.

*Simo wame tiriqliro fariseo masūno ya wūhūpu ijiahye Jesu*

<sup>36</sup> Fariseo masūno tiqiro ya wūhūpu ihya dutiro pijiahye Jesure. Tiqiro sa pijigū Jesu tiqiro ya wūhūpu esa, tiquina ihyari mesa cahapu nuju sahye. <sup>37-38</sup> Ti macapure ñañe yericoero ijiahye. Jesu fariseo masūno ya wūhūpu tiqiro dujigū ticoro tuhoahye. Sa tuhoro alabastro mehna yeriare ehme sitiye pose tiri-

are ne cāhta, Jesu behero pehepu wihidaca, utiahye. Sa utiro, Jesu dahpocārine ticoro yahco co mehna weo, ticoro poari mehna wūoahye. Tiqiro dahpocāri wūagū ihñano ticoro tiqiro dahpocārine ihmi, ehme sitiye mehna pio peoahye. <sup>39</sup> Ticoro sa yegū ihñano fariseo masūno Jesure pijiriqliro tiqiro basi ohō saha ni tuhutumahye: “Ahricoro tiqirore ņehe tuhuricoero ñañe yericoero ijire. Ahriqliro Jesu Cohācjū yere yahu muhtariqliro ijiro tīre masiboaga”, ni, tuhutumahye. <sup>40</sup> Tiqiro sa ni tuhutuyere masino Jesu yahuahye tiqirore:

—Simo, yojopu pūritare muhare yahu duaja, niahye Jesu.

—¿Buhegu, yūhare dahse ni yahu duajari muhu? niahye Simo.

<sup>41</sup> Tiqiro sa nigū Jesu ohō saha ni queoye mehna buhe yahuahye:

—Puhtorore puaro wapamoñequina ijiahye. Ihcāqliro wapamoriqliro quinientos niñeru cjoerire wapamoahye. Apeqliro pehe cincuenta niñeru cjoerire wapamoahye. <sup>42</sup> Sa ye tīre tiquina wapa ye masiedagū ihñano tiqiro tiquina wapamoñene wapa ye dutierahye. ¿Yojopu pūritare diqliro pehe wapamoriqliro tiqiro puhtorore cahī yūhdūrotari? ni sinituahye Jesu.

<sup>43</sup> Simo yūhtiahye:

—Ōbah, pajiro wapamoriqliro mehenogā wapamoriqliro yūhdūoro tiqiro puhtorore cahīboaga, niahye Simo.

—Poto yūhtiri muhu yūhare, niahye Jesu.

<sup>44</sup> Sa ni tuhasa tiqirore pio peoricorore majare ihñā, Jesu Simore yahu nemoahye:

—Ahricorore ihñaña mũhu. Mũhu ya wũhũpũ yũhu sajã wihiri bato yũhu dahpocãrine coseatĩ acore yũhũre ohoerari mũhu. Ahricoro pehe ticoro yahco co mehna yũhu dahpocãrine weo, ticoro poari mehna wũori yũhũre. <sup>45</sup>Mũhu pehe yũhũre piti ca ihmiedari. Ahricoro pehe ohõpũ yũhu dujiro puno yũhu dahpocãrine ihmidi. <sup>46</sup>Mũhu pehe yũhu dapure uhse mehna pio peoerari. Ticoro pehe yũhu dahpocãrine ehme sitiye mehna pio peori. <sup>47</sup>Sa nigũ mũhũreta yahugũta nijaja. Ahricoro ticoro ñañe yeye pe yũhũduaye ijire. Sa ijieperota ticoro tutuaro cahĩne yũhũre. Sa yegũ ticoro ñañene bou. Sa yeye tiquina ñañene mehenogã yũhu bonohriquina mehenogã cahĩne yũhũre, niahye Jesu Simore.

<sup>48</sup>Sa ni tuhasa tiquiro ticorore yahuahye: —Yojopũ pũritare mũhu ñañe yeyere bou, niahye Jesu.

<sup>49</sup>Tiquiro sa nigũ tũhoye Jesu mehna dujyeyquina tiquina basi ohõ saha ni yahuducuahye:

—Ahriquiro potota ñañe yeyere boriquiro ijire. ¿Dũhse ijiriquiro boro ijijari ahriquiro ñañene boriquiro? niahye tiquina basi.

<sup>50</sup>Sa yero Jesu numinore ohõ saha ni yahuahye:

—Yũhũre mũhu wacũ tutuagũ mũhũre pecapũ wahaborigore yũhũduoja. Cuero marieno mũhu ya wũhũpũ tojoa wahaya, niahye Jesu ticorore.

## 8

### *Numia Jesure yedohoahye*

<sup>1</sup> Came bũjũye macarigũ, daye macarigãpũ gũhũre esa, Cohãcjũ tiquiro puhtoro ijyere quehnoañe buheyere yahuahye Jesu. Doce tiquiro buheyeyquina pehe tiquiro mehna ijyahye. <sup>2</sup> Sa ye numia gũhu watĩa cõmediquina numia, dohatimediquina numia Jesu quehnoa wahagũ tiquiro yeriquina numia tiquiro mehna tiniahye. “María”, tiquina nidicorore “Magdalena”, ni pisue tiahye ticorore. Ticorore siete watĩare Jesu cohãhye to pano. Sa yero ticoro gũhu Jesu mehna tiniahye. <sup>3</sup> Chuza wame tiriquiro Herodere yedohomediquiro namono Juana gũhu Jesu mehna tiniahye. Susana wame

tiricoro gũhu apequina numia mehna peyeyquina tiquina cõoye mehna Jesu gũhũre yedohoahye.

### *Jesu oteriquiro quitire yahuahye*

(Mt 13.1-9; Mr 4.1-9)

<sup>4</sup> Sa ye peye macari cjẽna Jesu cahapũ cahmecoahye. Tiquina sa cahmecoari bato Jesu tiquiro tũhotuye mehna queoye mehna tiquinare yahuahye buhero taro:

<sup>5</sup> —Oteriquiro otero wahahye. Tiquiro sa otegũ apeye pjeri maha dũhtũ cahapũ bora quehe sahye. Sa yeye ti pjerire masa cũhta diho cũahye. Sa ye minicjũa pari pehe ti pjerire ihyahye. <sup>6</sup> Sa ye apeye pjeri utã paca watoa bora quehe sahye. Topũ yehpãpũ aco mariedahye. Sa ye ti pjeri piñni wahcãdũca ñaia wahahye. <sup>7</sup> Apeye pjeri taa watoa bora quehe sahye. Taa pehe ti oteye mehna piñniahye. Taa pehe dia yũhũdu waha, oteyere wejãhaye. <sup>8</sup> Apeye pjeri quehnoari yehpãpũ bora quehe sahye. Quehnoano piñni, dũca tiahye. Sa ye peye dũca tiahye, niahye Jesu.

Sa ni tuhasa ohõ saha tutuaro ni nemoahye:

—Ahrire quehnoano tũhoya mũsa, niahye tiquiro.

### *Jesu queoye mehna tiquiro buherire yahuahye*

(Mt 13.10-17; Mr 4.10-12)

<sup>9</sup> Came tiquiro buheyeyquina ti queoyere masi duaye, Jesure sinituahye:

—¿Ahri queoye mehna dũhse ni yahugũ nijari mũhu? ni, sinituahye tiquina.

<sup>10</sup> Tiquina sa nigũ Jesu yũhtiahye:

—Cohãcjũ masa puhtoro tiquiro ijyere panopũ apequina tiquina masiedarire mũsare masigũ yerota Cohãcjũ. Apequina pehere sa yerare tiquiro. Tiquinare queoye mehnata buheitja. Yũhu sa yegũ tiquina yũhu buheyere tũhoepeta masisi, niahye Jesu tiquiro buheyeyquinare.

### *Jesu oteriquiro quitire yahu pehoahye*

(Mt 13.18-23; Mr 4.13-20)

<sup>11</sup> Sa ni tuhasa tiquinare yahu nemoahye:

—Ohõ saha ni yahure ahri quti: Oteye pjeri quehnoañe buhaye yero saha ijire.

<sup>12</sup> Sa ye maha dũhtũ cahapũ borari pjeri pehe quehnoañe buhaye yero saha ijire. Sa yero masa quehnoañe buheyere tiquina tũhogũ ihñano watĩno pehe ahta, ti

buheyere masi dutierare masare. Minicjua ti pjerire tiquina dote nediro saha yere. Tiquiro sa yeragū tiquina Cohācjüre wacū tutuaboa. Tiquina sa wacū tutuagū ihñano Cohācjū pehe tiquinare pecarū wahaboriquinare yuhduoboa. <sup>13</sup> Utā pjeri watoa borari pjeri quehnoañe buheye yero saha ijire. Sa ye masa quehnoañe buheyere tūho, bucueye mehna tire tūho nene. Sa tūho nepeta utā watoa ijiye cju nūhcori marieñe cju yero saha ahriquina masa gūhu mutuerare. Sa tutueraye yeequina tiquina ijiri buhiri apequina tiquinare ñano yegū ihñañe yee pehere duhu cāhre. <sup>14</sup> Sa ye taa watoa borari pjeri quehnoañe buheye yero saha ijire. Sa ye masa quehnoañe buheyere tūhoepeta, ahri yehpa cjēne pajiro bñna witi tūhotu, niñeru pehere cahī, ahri yehpa cjēne bucuere tiquina. Sa yeye ti pehe quehnoañe buheyere cahmotagū, masa pehe quehnoañe pehere yerare. <sup>15</sup> Sa ye quehnoari yehparū borari pjeri quehnoañe buheye yero saha ijire. Sa yeye masa quehnoañe buheyere tūhoye, quehnoano mehna ti buheyere yuhducaerare. Sa ye yucgū dca tiro saha quehnoañe buheyere tūhoyequina pehe Cohācjū tiquiro cahmeno saha quehnoañene yere, niahye Jesu.

*Jesu sihāria quitire buheahye*

*(Mr 4.21-25)*

<sup>16</sup> Sa ni tuhasa apeye queoye mehna buheahye tiquiro:

—Ne sihāriare dihi sutu docarū cūedare masa. Sa ye tiare cumuno docarū cūedare. Ūhmuanorū tiare duhu peore wñhūrū sajā tayequina tiquina quehnoano ihña sajā tato saha. <sup>17</sup> Ijipihtiye tiquina masiedarire came masa masieta. Sihāria buhriogū mari ihña masino saha panorū tiquina masiedarire masieta masa.

<sup>18</sup> Sa yena msa tūhona quehnoano tūho nññña. Quehnoano tūho nññriquiro, quehnoano masinota. Tūho nññediquiro “Mehenogā tūhoaja”, tiquiro niepegūta ti pehere boaa waharota, niahye Jesu.

*Jesu acaye tiquirore pijiahye*

*(Mt 12.46-50; Mr 3.31-35)*

<sup>19</sup> Came Jesu bahana tiquina pacoro mehna tiquiro caharū wahaye nimahye. Masa peyequina ijigū tiquiro caharū

eserahye. <sup>20</sup> Sa yero ihcāquiro Jesure yahuahye:

—Mūhū paco mūhū bahana mehna sopecaharū ducuri. Mūhure ihñañe taye niñohti, niahye tiquiro Jesure.

<sup>21</sup> Tiquiro sa nigū Jesu ohō saha ni yahuahye ijipihtiyequinare:

—Cohācjū buheyere tūhoyequina, tire yuhducaeyequina tiquinata yūhū paco yūhū bahana yero saha ijire, niahye Jesu tiquinare.

*Jesu wiñnonore yusū dutiahye*

*(Mt 8.23-27; Mr 4.35-41)*

<sup>22</sup> Ape deco Jesu tiquiro buheyequina mehna yucsarū sajāhye.

—Isa, pehāhna, ni, tiquina ijipihtiye-quina tia mehna ditararū pehāa wahahye.

<sup>23</sup> Sa pehāno carīa wahahye Jesu. Tiquina sa pehāducuropū tutuaro wiñnono wēahye. Wiñnono wēgū bñjūye pahcōri wahcā, tiquinare mio cāmahye. Sa waharo miono cua yuhduahye tiquinare. <sup>24</sup> Sa wahagū ihñañe, acnaa waha, Jesu caharū waha, tiquirore wahcōahye.

—Buhegū, mari yariana tana niajū, niahye tiquina.

Tiquina sa nigū Jesu pehe wahcā, wiñnonore,

—To punota wē duhuya, niahye.

Sa nino pahcōri gūhure,

—Yusua wahaya, niahye.

Tiquiro sa nigūta wiñnono yuhduā wahahye. Sa ye pahcōri gūhū yusū dijiaa wahahye. <sup>25</sup> Sa wahari bato Jesu tiquinare ohō saha niahye:

—¿Musa yūhure wacū tutuerajari? niahye tiquiro.

Tiquiro sa nigū tiquina pehe cue, acnaa waha, tiquina basi ohō saha ni yahuducuahye:

—¿Yohou, dahse ijiriquiro boro masno ijiajari ahriquiro? Ahri wiñnono, pahcōri gūhū tiquiro dutigū yuhducaerare tiquirore, niahye tiquina basi.

*Watīa cñoriquirore yuhduahye Jesu*

*(Mt 8.28-34; Mr 5.1-20)*

<sup>26</sup> Sa ye tiquina ape sie pahrēpū Gerasa cjēna ya yehparū pehā sahye. Ti yehpa Galilea yehpa poto ijiahye. <sup>27</sup> Topū Jesu tiquiro maja sadcagū waro to cjūno watīa cñoriquiro tiquiro caharū ahtahye. Tiquiro yoari pje suhti marieniquiro ijiro, tiquiro

ya wuhupure ne ijierahye. Sa yero masa coperi utāpu tiquina seheri coperi cahapu ijie tiahye tiqiuro. <sup>28-29</sup> Sa ye peye tahari watia tiqiurore ñeheahye. Sa yero tiqiuro peresupū ijigū tiqiuro omocarine, dahpocārine come dari mehna dūhteriqiuro ijieperota, ti darire tuā sure mujahye. Sa ye watia pehe tiqiurore masa marienopū ne cā mujae tiahye. Sa yero tiqiuro Jesure ihñadoqueo, tutuaro sañuducu, Jesu cahapū dusepe curi mehna quehe sahye. Tiquiuro sa yegū ihñano Jesu pehe tiqiurore dutiahye:

—Ahriqiuro mehna ijieracāhña. Wahaya watia, niahye.

Tiquiuro sa nigū tuhoro watia cuoriqiuro tutuaro sañuducu, sinituahye Jesure:

—¿Jesu, uhmuse cjū Cohācjū macu yabere yei tuū nijari mūhu yuhure? Yuhure ñano yeracāhña, niahye watia cuoriqiuro.

<sup>30</sup> Tiquiuro sa nigū Jesu pehe sinituahye tiqiurore:

—¿Dūhse wame tiajari mūhu? niahye.

Peyequina watia tiqiuro mehna ijiahye. Sa yero ohō saha niahye tiqinane cuoriqiuro.

—Watia peyequina wame tiaja usā, ni, yuhitiahye watia cuoriqiuro.

<sup>31</sup> —Uhcūāri coperū usāre waha dutieracāhña, ni, tutuaro siniahye watia pehe.

<sup>32</sup> Ti pjere topū cūnū dahpotopū yesea peyequina ihyaye niahye. Tiquina topū ihyagū ihñañe watia ohō saha ni siniahye Jesure:

—Sisequina yesea cahapū waha dutiya usāre. Tiquina mehna iji dutiya usāre, ni, siniahye watia.

Tiquina sa nigū tuhoro Jesu tiqinane yesea cahapū waha dutiahye. <sup>33</sup> Tiquiuro sa waha dutiri bato watia pehe masūno mehna ijimediquina waha, yesea cahapū esahye. Tiquina cahapū tiquina esari bato yesea pehe pari cjūrū oma maa buhaa waha, ditarapū bora ñojoa mini yaria pihtia wahahye.

<sup>34</sup> Yeseare cohteyequina yesea tiquina sa minigū ihñañe, cue, oma cāa wahahye. Sa oma cā macapū esa, ti maca cjēnare, ihquē wuhuse ijiro cjēna gūhure tiquina ihñarire yahu siteahye. <sup>35</sup> Tiquina sa yahu siteri bato masa ihñañe wahahye. Sa ye Jesu cahapū esa, watia cuomediqiurore

suhti sañariqiuro tuho masiniqiuro tiqiuro dujigū ihñahye tiquina. Tiquina ijipihitiyere ihñañe, tiquina cue niahye. <sup>36</sup> Watia cuomediqiuro tiqiuro quehnoa waharire ihñañequina apequinare tiquina ihñarire yahuahye. <sup>37</sup> Ti pjeta Gerasa yehpa cjēna peyequina Jesure tutuaro cueye, tiqiurore waha dutiahye. Tiquina sa waha dutigū Jesu yucsarū sajà, waharo taro niahye. <sup>38</sup> Watia cuomediqiuro Jesu wahato pano tutuaro sinimahye tiqiurore:

—Mūhū mehna waha duaja, ni sinimahye.

<sup>39</sup> Tiquiuro sa nigūta Jesu tiqiurore yuhitiahye:

—Mūhū ya macapū wahaya. Sa wahagū Cohācjū mūhure tiqiuro yerire yahuya apequinare, niahye Jesu.

Tiquiuro sa nidi bato waha, tiqiuro ya macapū esaro, masūno pehe Jesu tiqiurore yerire ijipihitiyequina tiqiuro ya maca cjēnare yahuahye.

*Jairo maconore yuhduoro, dii mūna wihoro dohatiducuricoro gūhure yuhduoahye Jesu*

(Mt 9.18-26; Mr 5.21-43)

<sup>40</sup> Ape sie pahrēpū Jesu pari turi tiqiuro pehā sagū ihñañe masa peyequina tiqiurore cohte, buceye mehna piti cahye tiqiurore. <sup>41-42</sup> Topū judio masa buheri wūhū cohteriqiuro Jairo wame tiriqiuro Jesu cahapū esa, tiqiuro dahpocāri cahapū dusepe curi mehna quehe sahye tiqiurore ño peoro. Tiquiuro macono yariaro niahye. Ticoro ihcācorota ijiricoro doce cūhmari cuoricoro ijiahye. Sa yero tiqiuro ya wuhupū Jesure piji cāhye. “Au”, ni, tiqiuro mehna wahahye Jesu gūhū.

Mahapū tiquina sa wahagū pe yuhduayequina masa ijiye, wahpa yuhduahye. <sup>43</sup> Sa yero apecoro numino doce cūhmari waro dii mūna dohatiducuricoro topū ijiahye. To pano duturuare ijipihitiye ticoro ye niñuru mehna wapa yemahye ticoro aco ye duri. Tiquina sa aco yepēgūta mūnanota ijiducu cāhye ticoro.

<sup>44</sup> Sa yero ticoro Jesu behero pehepū ahta, tiqiuro suhtiro sohtoare ticoro ñehe tuhugūta ticoro dohatiye pihtia wahahye.

<sup>45</sup> Ticoro sa ñehe tuhugū tuhuturo Jesu sinituahye.

—¿Noa yuhū suhtirore ñehe tuhuajari? niahye tiqiuro.

Ijipihtiyequina “Ñehe tuhueru”, niahye. Sa ye Pedro gũhũ ohõ saha niahye:

—Buhegu, bihsarĩne. Sa yeye masa peye-quina muhare ñehe tuhure. ¿Duhsegu sa ni sinituajari muhũ? niahye tiquina Jesure.

<sup>46</sup> Tiquina sa nigũ Jesu yũhtiahye:

—Mianogãta yũhũ yũhdugũ yei ihcã-corore. Sa yegu yuhure ticoro ñehe tuhugũ masiaja, niahye tiquiro.

<sup>47</sup> Tiquiro sa nigũ tuhoro ticoro duhti masiedaro, nanarericoro Jesu cahapũ dũsepe curi mehna quehe sahye tiquirore ño peoro. Sa ye ijipihtiyequina masa tiquina tuhoro pũ ticoro dohatiyere, Jesure ticoro ñehe tuhure, ticoro quehnoa waharire yahuahye ticoro. <sup>48</sup> Ticoro yahu tuhasagũ Jesu ticorore yahuahye:

—Maco, yuhare muhũ wacũ tutuaye mehna quehnoago tojoare yojopũre. Bucu-eye mehna wahaya, niahye ticorore.

<sup>49</sup> Tiquiro sa nini watoa Jairo ya wũhũpũ ijiriquiro yahuro wihiahye:

—Muhũ macogã yariaa wahari. Sa yegu buheriquirore piji cãhtaeracãhña, niahye tiquiro.

<sup>50</sup> Tiquiro sa nigũ tuhoro, Jairore ohõ saha ni yahuahye Jesu:

—Bũjua witi tuhoturacãhña. Yuhare wacũ tutuaya. Ti dihitare yeya. Muhũ sa yegũ ticorogã masaa waharota, niahye Jesu.

<sup>51</sup> Sa ni tuhasa tiquiro ya wũhũpũ esa, Pedro, Ñu, Santiago, dohatiricoro pacusũmũa topequinata ne sajãhye. Apequina pehere Jesu sajã dutierahye. <sup>52</sup> Topũ ijipihtiyequina masa tiquina ñehe quea utiri watoa sajã sahye Jesu.

—Utieracãhña. Ticorogã yariere. Carĩno nine, niahye tiquiro.

<sup>53</sup> Tiquiro sa nigũ tuhoye tiquina pehe ticoro yariaricoro ijigũ masiñe, Jesure bũjua hye. “Sa ni macã cãno nine”, ni bũjua hye. <sup>54</sup> Sa yero Jesu ticorogã omocare ñehe, pisuahye:

—Mehenicorogã wahcãña, niahye.

<sup>55</sup> Tiquiro sa nigũta yariaricoro masaa waha, wahcãduca sahye ticorogã. Ticoro wahcãducari bato Jesu ticorore ihyayere oho dutiahye. <sup>56</sup> Ticoro sa masagũ ihñañe ticoro pacusũmũa ihña maria wahahye. Sa yero Jesu tire apequinare yahu dutierahye.

## 9

*Jesu doce tiquiro buheyequinare buhe dutiro ohoahye*

(Mt 10.5-15; Mr 6.7-13)

<sup>1</sup> Sa ye Jesu docere tiquiro buheyequinare pijio, tiquiro tutuayere ohoahye tiquinare. Watiare tiquina cohãtire, dohatiyequinare yũhdugũ yeati gãhure tiquiro tutuayere ohoahye tiquinare. <sup>2</sup> Sa ye tuhasa tiquinare Cohãcjũ tiquiro pũhtoro ijiyere buhe dutiro, dohatiyequinare yũhdũo dutiro ohoahye tiquinare. <sup>3</sup> Ohõ saha ni dutiahye Jesu tiquinare:

—Mũsa wahana apee borore nedacãhña. Tua dũre, ajurore, ihyayere, niñerure nedacãhña. Mũsa sañano dihitare saña cãhña. Apeye suhtire nedacãhña.

<sup>4</sup> Ijipihtiye macaripũ musare tiquina carĩno ohogũ ti wũhũpũta ijiniña. Coã wahanapũ wijiaya ti wũhũre. <sup>5</sup> Apeye macari cjẽna musare tiquina cahmedagũ ihñaana ti macarine yũhdũ cãa wahaya. Sa wahana mũsa dahpocãri cjẽ dihta esa wahãrere wejẽ site cũña mũsa tiquinare tiquina ye buhirire masigũ yena, niahye Jesu.

<sup>6</sup> Tiquiro sa nidi bato tiquiro buheye-quina pehe waha, ijipihtiye macaripũ quehnoañe buheyere yahu tiniahye. Sa ye dohatiyequinare yũhdũo tiahye.

*Jesu tiquiro yerire Herode tuhohayeh*

(Mt 14.1-12; Mr 6.14-29)

<sup>7</sup> Sa ye Herode Galilea yehpa cjẽna pũhtoro Jesu yerire tuhohayeh. “¿Noa boro ijajari tiquiro Jesu?” nieperota ne masiedahye. Ihquẽquina ohõ saha nimahye Jesure. “Ñu wame yeriquiro mũnano masa mũjahye. Sa yero ‘Jesu’, tiquina nidiquiro tiquirota ijire”, nimahye ihquẽquina. Tiquina sa nigũ tuhoro Herode Jesure dũhse ni masiedahye. <sup>8</sup> Sa ye apequina “Tiquiro Elia mũnano yojopũ bajoaro nine”, nimahye. Apequina pehe “Cohãcjũ yere yahu mũhtariquina panopũ cjẽna mehna cjũno yojopũ masa bajoaro nine”, nimahye Jesure. <sup>9</sup> Tiquina sa ni yahuducuepegũta ohõ saha ni tuhutuahye Herode: “Ñu dapure dũte sure duti tuhasaũ yũhũ. ¿Yojopũre ijiriquiro masa tiquina yahuriquiro noa boro ijibogari tiquiro pehe?” ni, tuhuturo tiquiro Jesure ihña duamahye.

*Jesu cinco mil masare ihyayere ohoahye  
(Mt 14.13-21; Mr 6.30-44; Jn 6.1-14)*

<sup>10</sup> Sa ye Jesu tiqiro ohoriquina tiqiro cahapũ tojoa sa, tiquina yerire yahuahye Jesure. Tiquina yahu tuhasagũ Jesu tiquina dihitarẽ Betsaida wame tiri macapũ siho wahahye. <sup>11</sup> Tiquina waharire masiñe, masa peyequina tiquinare nũnu tã cã wahahye. Jesure tiquina mũm sagũ ihñano piti cahye Jesu tiquinare. Sa yero tiqiro Cohãcjũ puhtoro ijyere tiquinare yahu, dohatiye-quinare yũhdugũ yeahye.

<sup>12</sup> Ñamicahapũ doce tiqiro buheyequina tiqiro cahapũ esa, Jesure yahuahye:

—Ohõ masa marienopũ ijire. Ohõ majano cjẽ wuhusepũ ahriquina masare ohoya. Cariato, tiquina ihyati gãhure maca dutiya tiquinare, niahye tiquina Jesure.

<sup>13-14</sup> Tiquina sa nigũ Jesu yũhtiahye tiquinare:

—Sa niedacãhña. Ihyayere ohoya tiquinare, niahye.

Tiqiro sa nigũ tũhoye tiquina yũhtiahye:

—Ihcã omope paca pã paca, puaro wahi to punota cõoaja mari. ¿Ahriquina peyequina masa tiquina ihyatire dũboagari usã? niahye tiqiro buheyequina.

Peyequina masa tiquina ijigũ ihñañe sa niahye tiqiro buheyequina. Topũre cinco mil mũma ijiahye. Sa yero Jesu yahuahye tiqiro buheyequinare:

—Cincuenta masare ihcã curua duji dutiya. Apeye cururi gãhure topequinata duji dutiya, niahye Jesu tiqiro buheyequinare.

<sup>15</sup> Tiqiro sa nigũ buheyequina tiqiro dutiriro sahata ye, ijipihtiyequina masare duji dutiahye. <sup>16</sup> Duji duti tuhasa Jesu ihcã omope paca pã pacare puaro wahire ne, mũmũanopũ ihña mũoahye. Sa ihña mũono Cohãcjũre “Quehnoare”, niahye. Tiqiro sa nidi bato pã pacare nuha, tiqiro buheyequinare masare iti dutiro ohoahye. <sup>17</sup> Sa ye tiquina ijipihtiyequina masa ihya, yapi yũhdũa wahahye. Tiquina yapi wehorire doce pũhuse ne cahmecoa wahpo dapoahye tiqiro buheyequina.

*Jesu potota Cristo tiqiro ijyere Cohãcjũ  
ohoriquiro tiqiro ijyere yahuahye Pedro  
(Mt 16.13-19; Mr 8.27-29)*

<sup>18</sup> Ihcã deco Jesu ihcãquirola ijiro, Cohãcjũre sinino niahye. Tiquiro sinini watoa tiqiro buheyequina tiqiro cahapũ esahye. Sa yero Jesu sinituahye tiquinare:

—¿Noa boro ijiagari yũhũ, masa yũhũre tiquina tũhotugũ? ni sinituahye.

Tiqiro sa sinitugũ tũhoye tiqiro buheyequina yũhtiahye:

<sup>19</sup> —“Ñu wame yeriquiro ijire”, nine mũhũre. Apequina “Elia ijire”, nine. Apequina “Cohãcjũ yere yahu mũhtariquina mehna cjũno panopũ cjũno masa bajuaro nine yojopũre”, nine, ni yũhtiahye tiqiro buheyequina pehe tiqirore.

<sup>20</sup> Tiquina sa nidi bato Jesu tiquinare sinituahye tja:

—¿Mũsa pehe mũsa tũhotugũ, noa boro ijiagari yũhũ? ni, sinituahye tja.

—Mũhũ Cristo Cohãcjũ ohorigũ ijire, ni yũhtiahye Pedro.

*Jesu tiqiro yaria masa wijiatiye yahuahye  
(Mt 16.20-28; Mr 8.30-9.1)*

<sup>21</sup> Sa ye Pedro “Cristo ijire mũhũ”, tiqiro nidire apequinare Jesu yahu site dutierahye tiqiro buheyequinare. <sup>22</sup> Sa ni yahu site dutiera tuhasa ohõ saha ni nemoahye:

—Yũhũ masũ Cohãcjũ ohorigũ tutuaro ñano yũhdũta. Sata yũhdũro cahmene yũhũre. Sa ye mari judio masare buheyequina, bucũna, pahia puhtõa mehna yũhũre cahmeda, yũhũre wejẽeta. Tiquina wejẽdi bato ihtia deco wahaboro masa wijiagutja, niahye Jesu tiquinare.

<sup>23</sup> Came ijipihtiyequinare ohõ saha ni yahuahye Jesu:

—Ihcãquirola yaquirola iji duaro, tiqiro cahmeno ye duamedire duhu cãnota. Sa yero yaquirola tiqiro ijiri buhiri ñano yũhdũeperota yũhũre duhusi. Sa yero yeere yeducuriquirola ijirõta. <sup>24</sup> Masũno yũhũre wacũno marieno tiqiro esa tuharo tiqiro cahmeno saha yero, pecapũ waharõta. Sa yero yeere sa yeducuriquirola ijipihtiyere decori yũhũ mehna mũmũsepe ijiducurota. <sup>25</sup> ¿Ihcãquirola masũno ahri yehpa cjẽne ijipihtiyere cõoriquiro Cohãcjũre cahmedaro pecapũ waharo, yabere wapatajari tiqiro? Sa ijiriquiro ne wapataerare. <sup>26</sup> Ihquẽquina yũhũre, yũhũ buheye gãhũre bũe tisãboaga. Tiquina sa yegũ ihñagu yũhũ gãhũ yũhũre sa yeyequinare bũe tisãgutja. Yũhũ



masu Cohācjū ohorigu quehnoañequina angele mehna usā asi siteropu, yuhu Pacu tiquiro asi siteropu tojoa tagu tiquinare bue tisāguta. <sup>27</sup> Poto niita niaja musare. Yojoḡare ihquēquina musa ohōḡare ijiyequina musa yariato pano Cohācjū ijiḡitiyequina bui ḡutoro tiquiro iji ducagū ihñanata musa, niahye Jesu tiquinare.

*Jesu tiquiro ḡagure comesahye*

*(Mt 17.1-8; Mr 9.2-8)*

<sup>28</sup> Sa ye ocho decori tire tiquiro yahuri bato Jesu Pedrose, Ñure, Santiagore tiquina dihitare pijahye. Sa ye waha, Cohācjūre siniñe waha, cunḡuḡu mūjaa wahahye tiquina. <sup>29</sup> Cohācjūre tiquiro sinini watoa Jesu ya wuhdoa comesahye. Sa yero tiquiro suhtiro asi siteri suhtiro quehnoano yehseri suhtiro wahahye. <sup>30</sup> Tiquiro sa wahari watoa ḡuaro umua tiquiro mehna yahuducuye niahye. Yahuducuyequina pehe Elia munano, Moise munano ḡūhu ijjahye. <sup>31</sup> Tiquina ummuse cjē asi siteye mehna bajuahye. Jesu camegāta Jerusalēḡu tiquiro yariatire tiquina Jesu mehna yahuducuye niahye. <sup>32</sup> Pedro ḡūhure wūjaa puri yuhduahye. Sa carīepeta acua, wahcā wihi, Jesu tiquiro asi siteyere ihñañe, ḡuaro tiquiro mehna ducuyequina ḡūhure ihñahye. <sup>33</sup> Moise munano ḡūhu tiquina wahato panogā Pedro Jesure ohō saha nimahye:

—ḡuhto, mari ohōre ijjgū quehnoa duare. Ihtia wuhḡā yematja. Mūhu ya wuhḡā, Moise ya wuhḡā, Elia ya wuhḡā yematja, nimahye Pedro.

Sa nieperota tiquiro nidire ne masiedahye. <sup>34</sup> Tiquiro sa ni yahuducuri watoa tiquinare ehmeo curua cahmotahye. Sa cahmotagū ihñañe tiquina cuea wahahye. <sup>35</sup> Sa yero ehmeo puhiaru yahuducuye bisiro ca tahye:

—Ahriquiro yuhu macu, yuhu beseriquiro ijire. Quehnoano tūhoya tiquirore, nino ca tahye ehmeo curua puhiaru.

<sup>36</sup> Tiquiro sa nidi bato Jesu dihitare ihñahye tiquina. Came tiquina ihñarire aḡequinare yahuerahye. Ne ihcāquirore yahuerahye.

*Jesu watīno cūoriquiroḡare yuhduoahye*  
*(Mt 17.14-21; Mr 9.14-29)*

<sup>37</sup> Ape deco tiquina cunḡuḡu tiquina dijia tagū peyequina masa Jesure piti cahye. <sup>38</sup> Sa yero tiquina mehna cjūno Jesure pisuahye:

—Buheḡu, mūhure tutuaro ahrire sini duaia yuhu. Yuhu macu ihcāquirota ijire. Sa yegu tiquirore ihñā basaya mūhu. <sup>39</sup> Watīno tiquirore ñehe, sañuducu tunu nanareḡū ye, sahpo tua wahagū yee tire. Sa yero watīno yuhu macure ñano yuhduḡū ye, ne duhu duerare. <sup>40</sup> Mūhu buheyequinare watīnore cohā dutiḡu tutuaro sinimi. Yuhu sa sinieḡegūta tiquina tiquirore cohā masiedari, niahye tiquiro Jesure.

<sup>41</sup> Tiquiro sa nigū Jesu pehe ohō saha niahye tiquiro buheyequinare:

—Yojoḡu cjēna musa ñana ijire. ¿Yuhure ne wacū tutuerabutiḡari? Yoabutiari ḡje musare buhemi yuhu. ¿Noho puno yoari ḡje yuhure musa cariboboḡari? ni tuhtiahye Jesu.

Sa ni tuhasa watīa cūoriquiro ḡacurore ohō saha niahye:

—Mūhu macure ne cāhtaya, niahye.

<sup>42</sup> Tiquiro sa nidi bato tiquiro macno Jesu caharu tiquiro ahtari watoa watīno pehe tiquirore yehḡaru doque quehe sa, tunu nanareḡū yeahye. Tiquiro sa yegū Jesu watīnore waha dutiahye. Tiquiro sa dutiḡū watīnore cūoriquiroḡa yuhduā wahahye. Sa yero Jesu pehe tiquiroḡare wiahye tiquiro ḡacurore. <sup>43</sup> Ijiḡitiyequina masa Cohācjū tutuaye mehna tiquiro quehnoa wahagū ihñañe, ihñā maria wahahye.

*Pari turi Jesu tiquiro yaria masa wijiatiye yahuahye*

*(Mt 17.22-23; Mr 9.30-32)*

Masa Jesu tiquiro yerire tiquina ihñā, ihñā maria wahagū Jesu pehe tiquiro buheyequinare ohō saha ni yahuahye:

<sup>44</sup> —Mianogāta yuhu yahuatire boeracāñna musa. Yuhure Cohācjū tiquiro ohorigure aḡequiro yuhure ñehe dutiro ohorota masare, niahye Jesu.

<sup>45</sup> Tiquiro sa nieḡegūta tiquina pehe tiquiro yahuyere quehnoano tūhoerahye. Tiquiro yahurire tiquinare masino basioerahye. Ti ḡjeta Cohācjū tiquinare tire tūho dutiero niahye. Sa ye tiquina cueye, tire tiquirore sinituerahye.

*Jesu buheyequina tiquina mehna cjūnore ḡuhto sō duamahye*  
*(Mt 18.1-5; Mr 9.33-37)*

<sup>46</sup> Came Jesu buheyequina cahme sehña soye niahye:

—¿Mari mehna cjño diquiro pehe puh-toro sajãnotari? niñe niahye tiquina basi.

<sup>47</sup> Tiquina sa nigũ Jesu pehe tiquina tuhutyere masino, nijinogãre tiquiro cahapũ ducu duti, tiquiro buheyequinare yahuahye:

<sup>48</sup> —Yeere yena tana ahriquiogãre cahmena, yũhũ gũhũre cahmene musa. Sa yena yũhũre cahmena, yũhũre ohoriquiro gũhũre cahmene musa. Musa mehna cjño musa cahacjño ijiro tiquiro gũhũ puh-toro ijirota, niahye Jesu.

*Marine ihña tuhtiriquiro ijieraro, mari mehna cjño ijire*

(Mr 9.38-40)

<sup>49</sup> Came Ñu Jesure ohõ saha ni yahuahye:

—Buhegũ, mũhũ wame mehna watĩare cohãriquirore usã ihñaũ. Mari mehna cjño tiquiro ijieragũ ihña tãre tiquirore ye dutierũ usã, niahye Ñu Jesure.

<sup>50</sup> Tiquiro sa nigũ Jesu Ñure apequina buheyequina gũhũre ohõ saha ni yahuahye:

—Sa niedacãhña musa tiquirore. Marine ihña tuhtiriquiro ijieraro, tiquiro mari mehna cjño ijire, niahye Jesu tiquiro buheyequinare.

*Jesu Santiagore, Ñu gũhũre tuhtiahye*

<sup>51</sup> Ti pjere Jesu ahmũsepũ tiquiro wahato panogã, “Jerusalẽpũ wahautja”, niahye tiquiro. Sa nino topũ waharo niahye.

<sup>52</sup> Sa ye Jesu tiquiro pano ohoriquina waha, Samaria yehpa cjã macarũ esa, topũ Jesu tiquiro ijatire quehno duamahye. <sup>53</sup> Jesu Jerusalẽpũ waharo taro niahye. Topũ wahatiquiro tiquiro ijigũ tuhoye, to cjẽna tiquirore cahmedahye. <sup>54</sup> Tire tuhoye Santiago, Ñu mehna yahuahye Jesure:

—Pũhto, mũhũ cahmegũ ahmũse cjã peca mehna tiquinare wejẽ dutinata, nimahye tiquina tiquirore.

<sup>55</sup> Tiquina sa nigũ Jesu majare ihña, tuhtiahye tiquina paarore.

<sup>56</sup> Sa tuhti tuhasa, ape macarũ Jesu gũhũ wahaa wahahye.

*Apequina Jesu mehna wahamahye*

(Mt 8.19-22)

<sup>57</sup> Ti mahapũ tiquina wahagũ, ihcãquiro Jesure yahuahye:

—Mũhũ mehna waha duaja noho mũhũ waharopũ, niahye tiquiro.

<sup>58</sup> Tiquiro sa ni tuhasagũ Jesu yũhtiahye:

—Ihquẽquina nũcũ cjẽna wahiquina tiquina coperi cõore. Minicjũa gũhũ tiquina suhti cõore. Yũhũ masũ Cohãcjũ ohorigũ pehe yũhũ carĩni wũhũ cõoeraja, niahye Jesu.

<sup>59</sup> Came apequirore Jesu pijiahye:

—Yũhũ mehna cjũ ijicjũ ahtaya, niahye.

Tiquiro sa nigũ yũhtiahye Jesure:

—Pũhto, yũhũ pacũ tiquiro yariagũ yarigũtja. Sa ya tuhasagũ pũrita mũhũ mehna wahagũtja, niahye tiquiro.

<sup>60</sup> Tiquiro sa nigũ Jesu yahuahye:

—Yũhũre cahmeeñequina yariariquina yero saha ijire. Tiquina pehe yariariquinare yaahro. Sa yegũ mũhũ pehe Cohãcjũ tiquiro puh-toro ijijere quehnoañe buheyere buhegũ ahtaya, niahye Jesu tiquirore.

<sup>61</sup> Sa yero apequiro Jesure ohõ saha niahye:

—Pũhto, mũhũ mehna wahautja. Mũhũ mehna yũhũ wahato pano yũhũ acayere cohe tinii wahautja, niahye tiquiro Jesure.

<sup>62</sup> Tiquiro sa nigũ Jesu yahuahye tiquirore:

—Dahrariquiro dahra dueraro tiquiro dahseatiquiro ijierare. Tiquiro yero sahata ijiriquiro ohõ saha ijire: “Cohãcjũ yere ye duaja”, nieperota tire yerare. Tiquiro Cohãcjũ yaquiro ijiboriquiro ijierare, niahye Jesu.

## 10

*Jesu setenta y dos buheyequinare buhe du-tiro ohoahye*

<sup>1</sup> Came Jesu apequina buheyequinare setenta y dos buheyequinare bese, macaripũ tiquiro wahato pano ohoyuahye. Ti macarine pũeyequina dihita ohoyuahye tiquiro. <sup>2</sup> Sa ohoyuro ohõ saha ni yahuahye tiquinare queoye mehna buhero:

—Trigo peye ti bucua tuhasagũ peye ijigũ dahraye pajiro ijire. Sa ijiepegũta dahrayequina pehe meheñequinagã ijire. Sata quehnoañe buheyere tuhoatiquina peyequina ijigũ pajiro ijire mari dahraye. Sa ijiepegũta meheñequinagã dahrari masa yero sahata quehnoañe buheyere buheatiquina gũhũ meheñequinagã ijire.

Sa yena quehnoañe buheyere buheatiquinare apequinare tiquiro ohoatire siniña Cohăcjure mŭsa. <sup>3</sup> Wahaya mŭsa. Mŭsare yuħu ohogŭ mŭsa oveja pohne yayia watoa tiquina ijiro sahata mŭsa gŭħu ñañequina usuayequina watoa ijinata. <sup>4</sup> Niñeru ajurore, paji cĵiri ajuro gŭħare, dahpo suhtire nedacăħña. Mŭsa mahapu tinina apequinare boca sa yahuducueracăħña. Poto wahaya. <sup>5</sup> Ijiphtiyē mŭsa saĵăne wuħsepu saĵăna, “Ahri wuħu cĵēna quehnoano ijiaħro”, ni mŭħtaña. <sup>6</sup> Ti wuħu cĵēna quehnoano mehna ijiyequina cahmequeno marieñequina tiquina ijigŭ, tire niña tiquinare. Quehnoano mehna tiquina ijieragŭ ihñana ti wuħu cĵēnare sa niedacăħña. <sup>7</sup> Ihcă wuħupu saĵă saducana tiquina quehnoañequina ijigŭ ti wuħputa tojoaya. Topu tiquina duhu peorire iħya, sihniña. Dahrayequinare tiquina wapatayere neno cahmene. Sa yena tiquina wapatayere tiquina neno sahata tiquina duhu peorire neña mŭsa gŭħu. Sa yena ihcă wuħputa mŭsa esari wuħputa ijina, ti maca cĵē wuħsepu carĭ tiniedacăħña. <sup>8</sup> Macapure mŭsa esana to cĵēna pehe mŭsare tiquina cahmeñequina ijigŭ ti iħyayere tiquina duhu peorire iħyaya. <sup>9</sup> To cĵēna dohatiyequinare yuħduoya. Sa yena ohŭ saħa niña to cĵēnare: “Cohăcĵŭ yoĵopure mari puħtoro tiquiro iĵiati mehenogă duħsare”, niña tiquinare. <sup>10</sup> Ape macapu mŭsa esagŭ tiquina pehe mŭsare cahmedaboaga. Tiquina cahmedagŭ ihñana ti maca decopu waha, ohŭ saħa niña tiquinare. <sup>11</sup> “Ahri maca cĵē dihtare dahpocări cĵē dihtare wejē site cohăna niaja ŭsăre mŭsa cahmedari buhiri ihñona. Sa yena ahrire wacŭña. Cohăcĵŭ mari puħtoro yoĵopure tiquiro iĵiati mehenogă duħsare”, niña tiquinare. <sup>12</sup> Mŭsare poto niita niaja. Sodoma cĵēna ña yuħduayequina ijiaħye. Tiquina sa iĵiepegăta pihtiatĭ deco ijigŭ Cohăcĵŭ tiquiro buhiri dahreatĭ deco ijigŭ Sodoma cĵēna yuħduoro mŭsare cahmeñequina pehere buhiri dahrerota, niaħye Jesu.

*Apeye macari cĵēna Cohăcĵure yuħduucayequina iĵire*  
(Mt 11.20-24)

<sup>13</sup> Came Jesu ohŭ saħa niaħye macari cĵēnare:

—Corazĭn cĵăna, mŭsa ñano yuħduñata. Betsaida cĵăna, mŭsa gŭħu ñano yuħduñata. Mŭsa ye macaripure Cohăcĵŭ tutuaye mehna ye ihñomi. Tiro wame tiri macare, Sidŭ wame tiri maca gŭħure tiquiro tutuaye mehna yuħu ye ihñogŭ ihñane panopu to cĵēna pehe tiquina ñañene buĵua witiboaga. Sa ye quehnoañene comesaboaga. Duita tiquina masa dija suhtire saña, tiquina basi peca cĵē nujuare tiquina bui dahra site peoboaga tiquina ñañene buĵua witiyere ihñone. <sup>14</sup> Cohăcĵŭ tiquiro buhiri dahreatĭ deco ijigŭ Tiro cĵēna, Sidŭ cĵēna yuħduoro mŭsa pehere mŭsa ñari buhiri mŭsare tutuaro buhiri dahrerota tiquiro. <sup>15</sup> Capernaucĵăna, mŭsa esa tuharo ŭmŭsepu waha duamene. Mŭsa sa waha duepegăta mŭsa ñari buhiri mŭsare Cohăcĵŭ pecapu cohănota, niaħye Jesu.

<sup>16</sup> Sa ni tuħasa Jesu tiquiro buheyequinare yahuahye:

—Mŭsare tuħoyequina yuħu gŭħure tuħore. Mŭsare cahmeñequina, yuħu gŭħure cahmedare. Sa yeye yuħure cahmeñequina, tiquina yuħure ohoriqiro gŭħure cahmedare, niaħye Jesu tiquinare.

*Setenta y dos buheyequina tojoa wihiaħye*

<sup>17</sup> Came setenta y dos buheyequina bucu-eye mehna tojoa wihiaħye:

—Puħto, mŭħu wame mehna mŭħu tutuaye mehna watĭare ŭsă dutigŭ tiquina pehe ŭsăre yuħducaerare, niaħye tiquina Jesure.

<sup>18</sup> Tiquina sa nigŭ Jesu yuħtiaħye tiquinare:

—Ŭmŭsepu mia sitedoque dijioro sahata, watĭno tiquiro bora dijia tagŭ ihñan. <sup>19</sup> Quehnoano tuħoya. Mŭsare yuħu tutuayere ohou yuħu. Sa yegŭ añaa parire, cutĭpa parire, watĭnoro marine ihña tuħtiriqirore mŭsa yuħducatire ohou yuħu. Sa ye tiquina mŭsare ñano ye masiedare. <sup>20</sup> Yuħu sa ohoepegăta watĭa mŭsare tiquina yuħducaeragŭ ihñana ti dihtare bucueracăħña. Ahri pehere bucueya. Ŭmŭsepu Cohăcĵŭ yequina tiquina wamene tiquiro oĵoa ohŭri tĵupu mŭsa wamene tiquiro oĵoa ohŭgŭ ihñana, ti pehere bucueya mŭsa, niaħye Jesu tiquinare.

*Jesu bucueahye*

(Mt 11.25-27; 13.16-17)

<sup>21</sup> Ti pjere Espiritu Santo Jesure tutuaro bucuegã yeahye. Sa yero Jesu ohõ saha niahye:

—Mai, mũhu ãhmũsepũ gãhũre yeh-papũ gãhũre pũto ijire. Masi yãhdũdũ-cayequinare mũhu yahuerarire ihyo ijiye-quina pehere yahuri mũhu. Mũhu sa yegũ ihãagũ “Quehnoa yãhdũare”, niaja. Sata ijire mai. Mũhu ye duariro sahata, mũhu cahmediro sahata tiquinare mũhu yere yahuri mũhu, niahye Jesu.

Sa ni tuhasa apequinare ohõ saha niahye:

<sup>22</sup>—Yũhu Pacũ ijiipihiyere yũhũre ohori. Yũhu Pacũ dihita yũhũre masine. Yũhu gãhũ tiqiurore masiaja. Yũhu beseriquina gãhũ tiqiurore masine, yũhu masi dutiye-quina ijiye. Topequinata yũhu Pacũre masiaja usã, niahye Jesu.

<sup>23</sup> Tiquiro sa nidi bato tiquina seh-saro ijigũ Jesu tiqiuro buheyequinare ohõ saha niahye:

—Ahri ijiipihiyere musa ihãana bucuena ijire. <sup>24</sup>Ijirota ijire. Peyequina Cohãcjũ yere yahu mũhtariquina, ihquẽ yehpari cjẽna pũtoã gãhũ yojopũ musa ihãarire ihãa duamahye tiquina gãhũ. Sa ye musa tũhori gãhũre tũho duamahye, niahye Jesu.

*Quehnoariqiuro Samaria cjãno quitire yahuahye Jesu*

<sup>25</sup> Ti pjeta judio masare buheriquiro Jesu cahapũ wihi, Jesure tiqiuro ñano yahuducũ ye duamahye:

—¿Buhegũ, yũhu ijiipihiyere decori Cohãcjũ mehna iji duagũ dũhse yeboagari yũhu? ni, sinituahye tiqiuro Jesure.

<sup>26</sup> Tiquiro sa nigũ Jesu yũhtiahye tiqiurore:

—¿Dũhse ni yahuajari Cohãcjũ yere tiquina ojoari pũpũ? ¿Cohãcjũ tiqiuro ni ojoarire dũhse ni tũhotuajari mũhu? niahye Jesu tiqiurore.

<sup>27</sup> Jesu sa nigũ tiqiuro yũhtiahye:

—Ohõ saha niahye Cohãcjũ: “Tutuaro musa jeripohnari mehna, quehnoano musa tutuaye mehna, musa wacũne mehna Cohãcjũre cahĩna. Sa ye mũhu basi mũhu cahĩno saha mũhu cahapũ jiyequina gãhũre cahĩna”, niahye tiqiuro Jesure.

<sup>28</sup> Tiquiro sa nigũ Jesu yũhtiahye:

—Potota nine mũhu. Tire yeya. Sa yegũ ijiipihiyere decori Cohãcjũ mehna ijigũta mũhu, niahye tiqiurore.

<sup>29</sup> “Ahriqiuro Cohãcjũ dutiyere ye pehoriqiuro ijire”, masa tiqiurore tiquina ni ihãagũ cahmeahye judio masare buheriquiro. Sa cahmeno tiqiuro Jesure ohõ saha ni sinituahye:

—¿Noa boro ijiboagari yũhũre mũhu cahĩ dutiriqiuro? niahye tiqiuro.

<sup>30</sup> Tiquiro sa nigũ Jesu ohõ saha ni queoye mehna piti dahre buheahye:

—Ihcã deco Jerusalẽpũ ahtariqiuro Jericõpũ wahariqiurore mahapũ tiqiuro tinigũ yaqueyequina tiqiurore ñeheahye. Sa ñeheñe, tiqiuro suhtirore tu we ne, tiqiurore tutuaro quẽahye. Sa tutuaro quẽ, tiqiuro yariaro taro yegũ duhuahye tiquina tiqiurore. <sup>31</sup> Ti pjeta pahi ti mahapũ ahtahye. Sa ahtaro tiquina quẽdiquirore ihãaepërõta maha ape sie dũhtũ cahapũ yãhdũ cãa wahahye. <sup>32</sup> Sa ye Cohãcjũ wũhũpũ dahrariqiuro gãhũ pejecũoriqiuro cahapũ esa, tiqiurore ihãa, maha ape siepũ yãhdũ cãa wahahye. <sup>33</sup> Sa ye Samaria cjãno pehe topũ waha, yoa cjũnopũ pejecũoriqiurore ihãa, tiqiurore paja ihãahye. <sup>34</sup> Sa yero tiqiuro pejecũoriqiuro cahapũ esa, ãhse, vino mehna moredire tiqiuro camine pio peoahye. Pio peo tuhasa suhtiro cahsero mehna dũhteahye tiqiuro camine. Tuhasa, pejecũoriqiurore tiqiuro yaqiuro burro bui duhu peo, carĩni wũhũpũ ne cãhye tiqiurore. Topũ ijero, Samaria cjãno quehnoano ihãa ihboahye tiqiurore.

<sup>35</sup> Ape deco tiqiuro carĩni wũhu upũrore pũa cjoẽ niñeru cjoerire oho, ohõ saha niahye: “Ahriqiurore ihãa ihboya. Ahri esa tuhaeragũ pari turi tojoa tagũ wapa ye pehoutja”, niahye Samaria cjãno wũhu upũrore, niahye Jesu.

<sup>36</sup> Sa ni tuhasa niahye judio masare buheriquirore sinituahye Jesu:

—¿Ahriquina ihtiaro mũna diqiuro pehe ijiajari pejecũoriqiurore cahĩdiquiro? niahye Jesu.

<sup>37</sup> Tiquiro sa nigũ tũhoro buheriquiro pehe Jesure yũhtiahye:

—Pejecũoriqiurore yedohoriqiuro ijiaga tiqiurore cahĩdiquiro, niahye tiqiuro Jesure.

—Wahaya. Mũhũ gãhũ masare sata yei wahaya, niahye Jesu buheriquirore.

*Marta, María gãhũ cahapũ tiniahye Jesu*

<sup>38</sup> Sa ye Jesu tiquiro buheyequina mehna tiquina wahagū, ape macapū tiquina tinigū, Marta wame tiricoro tiquinare ticoro ya wuhupū sajā ta dutiahye. <sup>39</sup> Ticoro bahoro María tiquiro dahpocāri cahapū duji, tiquiro buheyere tūhoahye. <sup>40</sup> Ticoro sa yegū ihñano Marta ticoro dahraye peye ijigū usuahye. Sa yero ticoro Jesure yahuahye:

—¿Pūhto, yuhū ihcōta dahragū yuhure yuhū baho ticoro yedohoeragū mūhure quehnoajari, mūhū ihñagū? Ticorore yuhure yedoho dutiya, niahye Marta Jesure.

<sup>41</sup> Ticoro sa nigū Jesu yūhtiahye:

—Marta, dahraye peye cūogo pajiro tūhoture mūhū. <sup>42</sup> Cohācjū tiquiro yere tūho dutire. María quehnoañene yero taro, tire cahmene. Sa yegū yuhure ticoro tūhogū “Yedohogo wahaya”, niedaja ticorore, niahye Jesu Martare.

## 11

*Jesu Cohācjūre siniñene buheahye*  
(Mt 6.9-15; 7.7-11)

<sup>1</sup> Ihcā deco Jesu Cohācjūre sinino niahye. Tiquiro sini tuhasagū, ihcāquiro tiquiro buheyequina mehna cjāno tiquirore ohō saha niahye:

—Pūhto, Ņu tiquiro buheyequinare tiquiro buheriro sahata Cohācjūre siniñene usā gūhure buheya mūhū, niahye tiquiro Jesure.

<sup>2</sup> Tiquiro sa nigū tūhoro Jesu tiquinare yahuahye:

—Ohō saha Cohācjūre siniña: “Usā Pacū, ūhmuse cjū mūhū quehnoagu sa ijiducure. Yojoṗure ijipihtieyequina pūhto ijiya. <sup>3</sup> Sa yegū decoripe usā ihyatire ohoducuya usāre. <sup>4</sup> Apequina usāre tiquina ñañe yerire usā boaja. Sa yegū mūhū gūhū usā ñañe yerire boya. Sa yegū usā ñañene ye duagū usā tutuaro cahmegū ihñagu tire usāre ye dutiegūta”, ni siniña Cohācjūre, niahye Jesu tiquinare.

<sup>5</sup> Came Jesu quitī mehna tiquiro buheyequinare ohō saha ni buheahye:

—Ihcāquiro ñami decopū tiquiro acayuro ya wuhupū waha, tiquirore siniyahye: “Yuhū acayū, ihtiarīa pā pacare ohoya

yuhure. <sup>6</sup> Apequiro yuhū acayuro tinino ahtariquiro mianogāta ya wuhupū wihiri. Sa yegū tiquirore yuhū nuati mariedare”, niahye tiquiro acayurore. <sup>7</sup> Tiquiro sa nigū tiquiro acayuro wuhū puhīapū ijiriquiro yūhtiahye: “Yuhure cariboeracāhña. Sopecaha bihariro ijire. Yuhū, yuhū pohna mehna carīna niaja. Wahcāno pjeraga yuhure mūhure ihyayere ohoborigū”, niahye tiquiro acayuro. <sup>8</sup> ¿Dūhse waharotari sinidiquiro? Poto niaja musare. Tiquiro acayuro ijieperota, ihyaye ohoboriquiro wahcā duerahye. Tiquiro wahcā duerapegūta ihyaye sinidiquiro pehe bue tiro marieno tiquiro yoari pje siniducugū ijipihtieyē tiquiro sinidiro sahata ohorota. <sup>9</sup> Sa yegū ahrire musare ni yahugū niaja: Cohācjūre siniña. Sa sinina musa nenata. Musā sinidire bocanata. Tiquirore sa siniducuya. Musā sa yegū tiquiro ohorota. <sup>10</sup> Ijipihtieyequina Cohācjūre siniñequina neeta. Sa ye tiquina sinidire bocaeta. Sa yero ijipihtieyequina Cohācjūre sa siniducuyequinare tiquiro tiquinare ohorota.

<sup>11</sup> ¿Musā pohna musare wahire tiquina sinigū añare ohoboagari musa tiquinare? <sup>12</sup> ¿Musā pohna canaca duere tiquina sinigū cutipare ohoboagari musa tiquinare? Ne ohosi. <sup>13</sup> Musā ñana ijiepenata musa pohñare quehnoañene ohoe tiri musa. Sa yero Cohācjū pehe musa ohori yuhūduoro quehnoañene ohore musare. Tiquiro mari Pacū ūhmuse cjūno Espiritu Santore ohorota tiquirore siniñequinare, niahye Jesu tiquiro buheyequinare.

—Jesu watīno tutuayere cūore, ni, yahusāhye masa

(Mt 12.22-30; Mr 3.20-27)

<sup>14</sup> Ti pje Jesu watīnore cohāno niahye. Watīno pehe yahuducu masiedagū yeahye masunore. Sa yero watīno masunore tiquiro duhuri bato masuno pehe yahuducu dūcahye. Tiquiro yahuducugū tūhoye masa peyequina tūho maria wahahye. <sup>15</sup> Tiquina sa tūho mariepegūta apequina pehe ohō saha niahye:

—Ahriquiro Jesu watīare tiquiro cohāgū Beelzebū wame tiriquiro watīa pūhtoro pehe tiquirore yedohore, niahye apequina.

<sup>16</sup> Apequina “¿Jesu Cohācjū tiquiro ohoriquiro ijiajari?” ni masi duaye

tiqirore Cohācjū tutuaye mehna ye ihño dutimahye. <sup>17</sup> Tiquina sa dutigū tūhoro “Watīno tutuaye mehna watiare cohāre”, ni, tiquina tūhotuyere masino, tiquinare ohō saha ni yahuahye Jesu, “Watīno ye tutuaye mehna watiare cohāgū niedaja”, nino taro:

—Ihcā yehpa cjēna tiquina basi cahmequeñe, ti yehpa cjēna yaria pihtia wahaboaga. Sa ye ihcā wūhū cjēna tiquina basi cahmequeñe, ti wūhū cjēna waha pihtia wahaboaga. <sup>18</sup> Sa ye, watīno yequina watia tiquina basi cahmequeñe, tiquina watia gūhū waha pihtia wahaboaga. Ihcā curua iji masiedaboaga. Mūsa yūhūre ohō saha nine. “Tiquiro watīno tutuaye mehna watiare cohāre”, mūsa yūhūre nina niaga. <sup>19</sup> ¿Yūhūre mūsa nidi poto ijigū mūsa mehna cjēna watiare cohāñe watīno tutuaye mehnata cohājari tiquina gūhū, mūsa ihñagū? Mūsa mehna cjēna watiare cohāñe, watīno tutuaye mehna cohāñe niedare. Ahrire masina watīno tiqiro tutuaye mehna watiare yūhū cohāedagū masinata mūsa. <sup>20</sup> Sa yegu yūhū pehe watiare cohāgū Cohācjū tutuaye mehna cohāja. Ahrire masina, Cohācjū tiqiro pūhtoro iji dūcayere masinata mūsa.

<sup>21</sup> Tutuariquiro tiqiro ye wamoah mehna tiqiro ya wūhūre tiqiro ihña ihbogū tiqiro yere apequina yaque masiedare. <sup>22</sup> Tiquiro sa ihña ihboepēgūta apequiro tutua yūhdūriquiro tiqiro mehna cahmeque, tiqirore yūhdūdūca, tiqiro ye wamoare ehma cā, tiqiro yere ehma cāhre. Ohō sahata ye yūhdūdūcaro cahmene watiare. <sup>23</sup> Ihcāquiro yūhūre cahmedaro, yūhūre ihña tuhtiriquiro ijire. Ihcāquiro yūhūre yedohoeraro yūhūre ñano yero nine, ni buheahye Jesu.

*Watīno pari turi masūnore tiqiro sajāri quitiye yahuahye Jesu*  
(Mt 12.43-45)

<sup>24</sup> Sa yero tiqiro tūhotuye mehna ohō saha ni queoye mehna buheahye tiquinare:

—Watīno masūno mehna ijiriquiro waha, tiqiro aco marieni yehpapū tinino, tiqiro ijiatore macamahye. Bocaeraro, ohō saha ni tūhotuahye: “Masūno yūhū duhuriquiro mehna pari turi ijigū wahautja”, ni, tūhotuahye tiqiro. <sup>25</sup> Sa nino tiqiro tojoa waha, masūnore bocahye. Sa tiqiro bocagū

masūno pehe quehnoariquiro ijimahye. <sup>26</sup> Sa yero watīno apequina siete watiare tiqiro yūhdūoro ñañequinare pijiro wahahye. Tiquiro sa pijigū tiquina ijipihtiyequina watia masūno mehna ijiahye. Sa yero masūno pehe to pano ihcāquiro watīnore cūoro, ñariquiro ijimahye. Camerū pehere peyequina watiare cūoriquiro ijiro, to pano tiqiro ijiriro yūhdūoro ña yūhdūariquiro ijiahye, niahye Jesu.

*Jesu bucueyere yahuahye*

<sup>27</sup> Tire tiqiro sa nigū masua watoa ijiricoro numino Jesure yahuahye:

—Mūhūre pohna tiricoro, mūhūre apūoricoro bucuericoro ijire, niahye Jesure.

<sup>28</sup> Ticoro sa ni tuhasagū tūhoro Jesu ticorore yūhtiahye:

—Cohācjū yahuducuyere tūhoyequina tiqiro dutiyere yeyequina tiquinata ijiaga bucueyequina, niahye Jesu ticorore.

*Masa ñañequina Jesure Cohācjū tutuaye mehna ye ihño dutiahye*  
(Mt 12.38-42; Mr 8.12)

<sup>29</sup> Sa ye peyequina masa Jesu caharū tiquina wihigū, tiqiro tiquinare yahu nemoahye:

—Yojorū cjēna ñañequina ijire. Yūhūre poto nigū yūhū ijiyere tiquina masi duaye, Cohācjū tutuaye mehna yūhū ye ihñogū ihña duamene. Tiquina sa ihña duepegūta Jona panorū cjūno Cohācjū tutuaye mehna tiqiro yeri dihitaro ihñonota Cohācjū tiquinare. <sup>30</sup> Jona Cohācjū yere yahu mūhtariquiro ijiro, tiqiro Nínive wame tiri maca cjēnare Cohācjū yere tiqiro masigū yeriro sahata yūhū masū Cohācjū ohorigū masigū yeaja yojorū cjēnare. <sup>31</sup> Buhiri dahreati deco ijigū pūhtoro sur cjōno panorū cjōno ducu, yojorū cjēnare “Ñana ijire mūsa”, ni, yahusānota ticoro. Ticoro Salomo panorū cjūno tiqiro masiñene tūho duaro yojorū ahri yehpa ape sierū ijiricoro Salomore tūhoro ahtahye. Sa yero quehnoano yero niahye yojorū cjēna yūhdūoro. Sa yero ticoro yahusānota yojorū cjēnare. Sa nigū mū sare poto niita niaja. Yojorū mū sare yūhū buheye Salomo tiqiro buheri yūhdūoro ijire. <sup>32</sup> Buhiri dahreati deco ijigū Nínive wame tiri maca cjēna gūhū ducu, yojorū cjēnare “Ñana ijire mūsa”, ni yahusāeta tiquina. Jona tiquinare

Cohācjū yere tiquiro yahugū tūhoye, tiquina ñañene bujua witi, quehnoañene cahmeahye tiquina pehe. Sa cahmeñe quehnoano yeye niahye yojopu cjēna yuhduoro. Sa ye tiquina gūhu yojopu cjēnare “Ñana ijire masa”, ni yahusāeta. Musare poto niita niaja. Yojopu musare yahu buheye Jona tiquiro buheri yuhduoro ijire, ni yahuahye Jesu.

*Masa tiquina tūhoturo sahata yere*  
(Mt 5.15; 6.22-23)

<sup>33</sup> Sa yero queoye mehna buhero ohō saha ni yahu nemoahye tiquinare:

—Masa sihāiare sihāñe n̄oedare. Tiare sihāñe dihi sutu docapu duhu dapoerare. Tiare ahmūsepu duhu peore wūhūpu sajā tayequina tiquina quehnoano ihña sajā tatore yeye. <sup>34</sup> Sihāria quehnoano buhriogū mari quehnoano ihña masino sahata quehnoañene tūhotuye mehna quehnoano ye masinata masa. Masa tūhoturo sahata yere masa. Quehnoañene tūhotuna quehnoano yere masa. Quehnoañene tūhotuerana ñañe pehere yere masa. <sup>35</sup> Sa yena quehnoano yeya. Masa tūhotuyepu ñañene wacūedacāhña. Ñañene ne cahmedacāhña. <sup>36</sup> Tuhasa masa tūhotuyepu quehnoañe ijigū, ñañe ne mariedagū quehnoañe dihitare tūhotunata, ni buheahye Jesu.

*Fariseo masare, judio masare buheyequina*  
gūhure Jesu tuhti yahuahye

(Mt 23.1-36; Mr 12.38-40; Lc 20.45-47)

<sup>37</sup> Jesu tiquiro buhe tuhasagū ihña, fariseo masuno tiquirore tiquiro ya wūhūpu ihya dutiro pijahye. Sa yero Jesu tiquiro ya wūhūpu sajā sa, tiquina ihyaropu tiquina mehna nuju sahye. <sup>38</sup> Tiquiro sa nuju sagū fariseo masuno pehe Jesure ihña n̄n̄uno judio masa tiquina omo coseducuro sahata tiquiro omo coseragū ihñano ohō saha ni tūhotuahye: “Yohou. ¿Ahriquiuro dūhsero omo coserajari usā yero saha?” ni tūhotuahye. <sup>39</sup> Tiquiro sa ni tūhotugū masino Jesu tiquirore yahuahye:

—Masa fariseo masa sihniñe parire, wari gūhure bui pehe dihitare masa cosero sahata quehnoañene ye ihñore masa buigā warona. Sa yepenata Cohācjū yere queoro yerare. Apequina yere ehma mujare masa. Sa yena ñañe dihitare tūhoture masa. <sup>40</sup> Tūho masiedare masa. Cohācjū

masa pagurire yeriquiro masa tūho masiñe gūhure yeahye. ¿Tire masiedajari masa?  
<sup>41</sup> Sa yena masa yere pejecuoyequinare ohoya masa. Masa sa yena quehnoañene tūhotuna ijinata.

<sup>42</sup> Masa fariseo masa ñano yuhdunata. Moa yero saha ijiyere ihyayere ocagū yeyere cuona mehenogā ohomene masa. Cohācjūre ño peona tana pahiare ohomene masa. Sa ohoopenata quehnoañene yerare masa. Sa yena masare paja ihñedare masa. Sa yena Cohācjūre ño peoerare masa. Ot-eye ducagāre masa nedire mehenogā Cohācjūre masa ohogū quehnoarīne. Sa ohona ohō saha ye nemoña: Quehnoañene yeya. Sa yena paja ihñaña masare. Sa yena Cohācjūre ño peoya masa.

<sup>43</sup> Masa fariseo masa ñano yuhdunata. Buheri wūhūpu ijina, quehnoañe dujiye dihitare duji duare masa. Doeri cje duaropu apequina pūtoare quehnoano ño peo tiquina sinino saha musare piti cagū cahmene masa.

<sup>44</sup> Ñano yuhdunata masa. Masa cope n̄ori cope yero saha ijire masa. Ti cope cahagā masa ijije, puhia pu cjūno ahbariquirore ihñedare tiquina. (Sata masa masa cahagā ijije, masa tūhotuyepure ñañe ijiyere masiedare tiquina,) niahye Jesu tiquinare.

<sup>45</sup> Tiquiro sa nigū tūhoro judio masare buheyequina mehna cjāno Jesure yahuahye:

—Buhegu, tire nigū usā gūhure ñano ni niaga muhū, niahye tiquiro Jesure.

<sup>46</sup> Tiquiro sa nigū Jesu yūhtiahye:

—Ijirota ijire. Judio masare buhena masa gūhu ñano yuhdunata. Masa apequnare tiquina ye masiedarire ye dutire masa tiquinare. Sa ye dutiepenata masa pehe tiquinare ne mehenogā yedohoerare ti dutiyere tiquina yeati pehere.

<sup>47</sup> Sa yena masa ñano yuhdunata. Cohācjū yere yahu mūhtariquina panopu cjēna tiquina masa coperire quehnoano quehnomene masa tiquinare ño peoro saha yena. Masa sa yepēgūta panopu cjēna masa acaye pehe tiquinare wejēahye. <sup>48</sup> Masa acaye panopu cjēna pehe Cohācjū yere yahu mūhtariquinare tiquina wejēdiro sahata masa gūhu yeboaga. Sa yena yojopure ti masa coperire quehnomene masa. Sa quehnona masa acaye tiquinare tiquina

wejêdire wacûre mûsa. Sa tiqûina wejôrire wacûna “Quehnoa câhre”, ni wacûre mûsa.

<sup>49</sup> Cohâcÿu tiqûiro masiñe mehna ohô saha ni yahuahye: “Yeere yahu mûhtariqûina gûhure yuhû buhe duti cûriqûina gûhure ohoutja tiqûinare. Sa yeve tiqûina yuhû ohoriquinare apequinare wejê, apequinare ñano yeeta”, niahye Cohâcÿu. <sup>50-51</sup> Ahri yehpare Cohâcÿu tiqûiro bajumehnedi bato Caï pehe Abere wejêahye. Sa ye Cohâcÿu yere yahu mûhtariqûinare Abe bato ijiyeqûina gûhure ñañequina wejêahye. Came Zacariare Cohâcÿu wuhupû Cohâcÿure ño peori altar cahapû mûsa acaye wejêahye. Ijipihtiyeqûina tiqûinare tiqûina wejêdi buhiri yojopû cÿenare Cohâcÿu buhiri dahrerota. Sata ijire. Mûsare niguta niaja. Ijipihtiyeqûina tiqûinare tiqûina wejêdi buhirire yojopû cÿenare Cohâcÿu buhiri dahrerota.

<sup>52</sup> Mûsa judio masare buhena, mûsa ñano yahdunata. Cohâcÿu masiñene tiqûina ojoari pûrine cuopenata apequinare yahuerare mûsa. Mûsa basi Cohâcÿu yere tûhoerare. Sa yena apeqûina tiqûiro yere tiqûina tûho duepegûta tire mûsa tiqûinare tûho dutierare, niahye Jesu tiqûinare.

<sup>53-54</sup> Tiquiro sa nigû tûhoye judio masare buhयेqûina, fariseo masa gûhû tiqûiro mehna usua, tiqûirore ñano yahuducuahye. Sa ye Jesu tiqûiro ñano yuhutigû tûho duaye, tiqûina peye ni meho cû sinitumahye tiqûirore, tiqûirore yahusâ duaye.

## 12

*Tiqûina ni mehoducurire Jesu yahuahye*  
(Mt 16.6; 10.26-27; Mr 8.15)

<sup>1</sup> Sa ye Jesu cahapû masa peyeqûina cahmecoa, wahpa yahdaahye. Topû Jesu tiqûiro buhयेqûinare ohô saha ni yahuducuahye:

—Quehnoano wacû masiña mûsa. Fariseo masa tiqûina ye pâre pugû yeyere ihñana quehnoano wacû masiña. Tiqûina ni mehoducurire nigû niaja “Pâre pugû yeve”, nigû. <sup>2</sup> Ijipihtiye apeqûina tiqûina masiedarire came masieta. <sup>3</sup> Sa yero ñamipûre tiqûina nûo yahuducurire buhrioropû bajugû yero sahata Cohâcÿu yahurota. Bihari tucûpû apeqûirore

cahmono caha tiqûina nidire masa peyeqûina watoa yahurota Cohâcÿu, ni yahuahye Jesu.

*Masa tiqûina cueatiquirore yahuahye Jesu*  
(Mt 10.28-31)

<sup>4</sup> Sa yero Jesu yahu nemoahye tiqûinare: —Poto niita niaja mûsare. Masare wejêñequina wejê tuhasa pari turi tiqûina wejôriqûina mûnare ñano ye nemo masiedare. Sa yena mûsare wejê duayeqûinare cueracâhña. <sup>5</sup> Yojopûre mûsa cueatiquirore mûsa ño peotiquirore yahutja. Cohâcÿu pehere cue, ño peoya. Tiquiro mûsa yariari bato pecapû cohâ masine mûsare. Sata ijire. Poto nigû niaja. Cohâcÿu pehere cue, ño peoya.

<sup>6</sup> Ihcâ omopeqûina siripia wapa mariedare. Sa wapa mariedapegûta ihcâquirogâre Cohâcÿu ne boerare. <sup>7</sup> Sa yero mûsa poarire ne ihcâ poa da dahsaro marieno masi pehere Cohâcÿu. Sata mûsa ijiye tiye gûhure masi pehere Cohâcÿu. Sa masino mûsare ihña ihboducure. Siripia yahduoro Cohâcÿu cahine mûsa pehere. Sa yena tiqûirore ño peona, cueracâhña mûsa, niahye Jesu.

*Jesu yeqûina masa ijiyere yahuya masare*  
(Mt 10.32-33; 12.32; 10.19-20)

<sup>8</sup> Sa ye Jesu yahu nemoahye:

—Mûsare niita niaja. Ihcâquiroya “Jesu yaqûiro ijtaja”, masare tiqûiro nigû ihñagû, yuhû masû Cohâcÿu ohorigû “Tiquiro yaqûiro ijire”, ni yahutja Cohâcÿu yeqûina angelere. <sup>9</sup> Ihcâquiroya “Jesu yaqûiro ijieraja”, masare tiqûiro nigû, yuhû gûhû “Tiquiro yaqûiro ijierare”, ni, yahutja Cohâcÿu yeqûina angelere.

<sup>10</sup> Ihcâquiroya yuhure ñano tiqûiro ni yahuducugû ti ñañene Cohâcÿu bo masine. Sa boeperota ihcâquiroya Espiritu Santo pehere tiqûiro ñano ni yahuducugû ti ñañene ne Cohâcÿu bosî.

<sup>11</sup> Mari judio masa buheri wuhupû puhto cahapû apeqûina mûsare ne sajâ “Ñañequina ijire”, ni yahusâeta. Tiqûina sa yahusâgû mûsa yahuducuatire “Acuehi, masiedaboaga”, ni tûhotueracâhña.

<sup>12</sup> Tiqûina mûsare yahusâgûta Espiritu Santo mûsa yahuducuatire yahurota, niahye Jesu.

*Doeri cÿê upûro quitire yahuahye Jesu*



<sup>13</sup> Sa ye masa mehna cjũno Jesure ohõ saha ni yahuahye:

—Buhegu, usã pacu tiquiro yariari bato tiquiro ye usãre tojoare. Sa yegu yũhu wahmine tire yũhu gũhure queoro tu wa dutiya, niahye tiquiro Jesure.

<sup>14</sup> Tiquiro sa nigũ Jesu yũhtiahye:

—Ne ti borore tu wabogu ijieraja yũhu, niahye Jesu tiquirore.

<sup>15</sup> Sa ni tuhasa Jesu ijipihitiyequinare yahuahye:

—Quehnoano yeya masa. Doeri cjẽne, apee boro gũhure cahiedacãhña. Peye cœopenata ti mehnata bucueducueraja mari, niahye Jesu.

<sup>16</sup> Sa ni tuhasa Jesu quitu mehna yahuahye tiquinare:

—Doeri cjẽ upũro quehnoari yehpare cœoahye. Sa ye ti yehpapũ tiquiro otegũ quehnoano dũca tiahye. <sup>17</sup> Sa yero tiquiro basi ohõ saha ni tũhotumahye: “Dũca ihboye wũhuse ne esa tuhaerare. <sup>18</sup> Yojoapũre ohõ saha yeitja: Yojoapũ yũhu ihboye wũhuse cohã cã, muna wũhuse yũhduoro wahma wũhuse yeitja. Ti wũhusepu yũhu oteye dũcare, ijipihitiyere yeere ihboutja.

<sup>19</sup> Yũhu sa yeri bato, ohõ saha ni, tũhotutja yũhu basi: ‘Yũhu peye apee boro cœogũ ijiaja. Quehnoano soutja. Sa yegu ihya, sihni, bucuaitja’, ni tũhotutja yũhu basi”, ni tũhotumahye tiquiro. <sup>20</sup> Tiquiro sa ni tũhotugũ Cohãcjũ tiquirore yahuahye: “Mũhu ne tũho masiegu ijire. Mia ñamita mũhu yariagũta. Mũhu sa wahagũ mũhu ye, mũhu cahĩdi butia waharota”, niahye Cohãcjũ tiquirore, niahye Jesu masare.

<sup>21</sup> Tire nino, masare ohõ saha ni yahuahye Jesu:

—Sata wahaeta doeri cjẽ opana Cohãcjũre wacũeñequina. Sa yero peye doeri cjẽne, niñerure tiquiro ye ijati dihitare ihboriquiro Cohãcjũre wacũedarõ, tiquiro pejecuoriquiro yero saha ijirota, Cohãcjũ tiquiro ihñagũ. Sa yero Cohãcjũ tiquirore ihña bucuere, niahye Jesu.

*Cohãcjũ* tiquiro pohnene ihña ihbore  
(Mt 6.25-34)

<sup>22</sup> Sa ye Jesu tiquiro buheyequinare ohõ saha ni yahuahye:

—Ahrire musare nigũ niaja: Mũsa ihyatire, mũsa suhti sañatire, pajiro bujua witi tũhotueracãhña. <sup>23</sup> Cohãcjũ musare

bajumehnenõ, ihyatiquina dihitare yerari musare. Sa yero suhti sañatiquina dihitare yerari musare tiquiro. <sup>24</sup> Minicjua parire Cohãcjũ tiquiro ihña ihboye masiña. Tiquina weseri marieñequina ijire. Sa ye ihyayere tiquina ihboye wũhuse tiquinare mariedare. Tiquina sa ijigũ ihñano tiquinare Cohãcjũ tiquina ihyatire ohore. Minicjua yũhduoro masa pehere cahĩne Cohãcjũ. <sup>25</sup> Pajiro masa tũhotuye mehna ti musare ihcã hora cati nemogũ yerare. Sa yero masa pajiro tũhotuye dũhseati ijierare. <sup>26</sup> Sa ye pajiro masa tũhotuye mehna ne mehenogã ye masiedare masa. ¿Sa yena pajiro masa tũhotuye ti dũhseati ijierapegũta dũhse yena masa ihyatire, masa sihniatire, masa sañatire pajiro bujua witi tũhotuajari?

<sup>27</sup> Nũcu cjẽ cohorire tũhotuya. Ti cohorì ti basi suhtire yerare. Sa yerapeta quehnoañe suhti sañañequina yero saha quehnoano bajure ti cohorì. Salomo mũnano quehnoañe suhtire sañariquiro tiquiro ijiepegũta ti cohorì pehe tiquiro yũhduoro quehnoa yũhduaye cohorì waro ijire. <sup>28</sup> Cohorire quehnoañe cohorì yere Cohãcjũ pehe. Tiquiro sa yepegũta cohorì pehe meheñe decorigã ijiducume ñai bora dijiaa wahare. Mehenogã ijì, ape deco pecapu uñũa wahare. Ti sa ijiepegũta cohorire quehnoañe cohorì ijigũ yere Cohãcjũ. Sa yero Cohãcjũ cohorire tiquiro quehnoañe cohorì tiquiro yeriro yũhduoro masa gũhure quehnoano yerota. Suhtire ohorota. Mehenogã Cohãcjũre wacũ tutuare masa. <sup>29</sup> Sa yena masa ihyatire, masa sihniatire pajiro bujua witi tũhotueracãhña. <sup>30</sup> Cohãcjũre cahmeeñequina pehe ahri yehpa cjẽna pehe tire sa macaducueye nine. Mari Pacũ ñhmuse cjũno ijipihitiye masa cahmeñene masine. Tiquiro sa masigũ pajiro bujua witi tũhotueracãhña. <sup>31</sup> “Cohãcjũ yũhu puhtoro ijire”, ni tũhotu, tiquirore cahmeña masa. Mũsa sa yeri bato Cohãcjũ pehe masa cahmeñe dũhsagũ ohorota, ni yahu nemoahye Jesu.

*Uhmusepu* mari peye cœo masiaja  
(Mt 6.19-21)

<sup>32</sup> Sa yero tiquinare yahu nemoahye:

—Yũhu cahĩna, meheñequinagã ijiepenata, cueracãhña masa. Cohãcjũ tiquiro puhtoro ijiorũre tiquiro mehna masa ijigũ

cahmene tiqiro. <sup>33</sup> Sa yena m̄sa yere dua pehoya. Tire dua, ti niñerure ne, pejecuoyequinare ohoya. Sata m̄sa yegū uhm̄se c̄jē m̄sa wapataye ne pihtisi. Uhm̄seper̄ m̄sa ye ijero ne pihtierare. Top̄re m̄sa yere nea masiedare yaqueriqiro. Sa ye mecasia ḡh̄u tire tua masiedare. <sup>34</sup> Uhm̄seper̄ m̄sa ye ijigū uhm̄se c̄jē dihitare tuh̄otunata m̄sa, niahye Jesu.

*Jesu tiqiro tojoa tatire cohte dutiahye tiqiro yequinare*

<sup>35-36</sup> Sa ni tuhasa tiquinare yahu nemoahye:

—M̄sa yere quehnoyu tuhasariquina yero saha yeere sa yeducuna ijina yuh̄are cohteya. Dahra cohteyequina tiquina puhtoro omoca dah̄teri bose decop̄u tiqiro wahagū tiqiro tojoa tatire tiquina cohtere. Tiquina sa cohteriro saha yuh̄u tojoa tatire cohteya m̄sa ḡh̄u. Puhtoro tiqiro wuh̄ap̄u wihi, sopecahare tiqiro dotegū tuh̄oye tiquina duita p̄o s̄ore tiqirore. <sup>37</sup> Dahra cohteyequina tiquina puhtoro wihigū tiqiro cahmeno sahata yeducuyequina ijiye, bucuyequina ijieta. Tiquina sa yegū ih̄n̄ano puhtoro pehe dahra cohteriquiro yero saha comesarota. Sa yero dahra cohteyequinare duji dutiro, tiqiro tiquina ihyayere peorota. <sup>38</sup> Tiqiro wihiri p̄je ñami decop̄u, o bohreaḡup̄u ijiepeḡuta dahra cohteyequina pehe tiqiro wihiri p̄jere tiqirore quehnoano cohteyequina ijiye, bucuyequina ijieta tiquina. <sup>39</sup> Ahr̄ire wacūña. Yaqueriqiro wuh̄ap̄u tiqiro wihiato pano ti wuh̄u c̄j̄eno masiedare. Wuh̄u c̄j̄eno yaqueriqiro tiqiro wihiatore masino, yaqueriqirore saj̄a ta dutieraboaga. Sa yero wacūeno mehna ahtare yaqueriqiro. <sup>40</sup> Sa yena m̄sa ḡh̄u cohteya. Yuh̄u mas̄u Coh̄āc̄j̄u ohorigu wacūeno mehna ahtaut̄ja. Sa yena yeere sa yeducuna ijina cohteya m̄sa, niahye Jesu tiquinare.

*Apeqiro dahra cohteriquiro tiqiro puhtorore tiqiro ño peogū, apeqiro pehe ño peerahye*

(Mt 24.45-51)

<sup>41</sup> Tiqiro sa nigū Pedro pehe sinituahye Jesure:

—¿Ahr̄i quitire yahugū us̄are nigū niajari? ¿O ijipih̄tiyequinare sa nigū niajari? niahye Pedro.

<sup>42</sup> Tiqiro sa nigū Jesu tiqiro tuh̄otuyey mehma oh̄o saha ni queoye mehna buheahye tiquinare:

—Dahra cohteriquiro tiqiro puhtorore ño peoriquiro tuh̄o masiniquiro oh̄o sahata ijire. Puhtoro tinino waharo, dahra cohteriquirore tiqiro ya wuh̄are cūre. Tiqiro cūnohriqiro pehe dutiriquiro ijirota. Sa yero tiqiro ihyari p̄je ijigū apequina dahra cohteyequinare ihyayere itire. <sup>43</sup> Came puhtoro tiqiro wihigū dahra cohteriquiro pehe tiqiro puhtoro tiqiro dutiriro sahata ye pehoriquiro ijero, tiqiro bucueriquiro ijirota. <sup>44</sup> Poto niḡta niaja masare. Tiqiro sa yegū tiqiro puhtoro ijipih̄tiye tiqiro yere ih̄ña ih̄boriquiro cūnota tiqirore. <sup>45</sup> Apeqiro dahra cohteriquiro pehe “Yuh̄u puhtoro yoari p̄je bajarere”, niboaga. Sa nino apequina dahra cohteyequinare um̄hare, numia ḡh̄ure quē m̄ja, pajiro ihya, sih̄ni, queheboaga. <sup>46</sup> Tiqiro sa yeri bato wacūeno mehna tiqiro puhtoro wihirota. Sa wihiro tiqirore ñano buhiri dahrerota. Sa yero Coh̄āc̄j̄ure yuh̄dud̄c̄ayequinare tiqiro coh̄ānop̄u tiqirore coh̄ānota.

<sup>47</sup> Sa yero dahra cohteriquiro tiqiro puhtoro cahmeñene masiniquiro ijieperota tire tiqiro yeragū, tiqiro quehnoano dahraeragū tiqiro puhtoro pehe tiqirore yuta da mehna tananota. <sup>48</sup> Apeqiro pehe dahra cohteriquiro tiqiro puhtoro cahmeñene masiniquiro ijero quehnoano yeragū ih̄n̄ano tiqiro puhtoro pehe deroḡa tiqirore tananota. Coh̄āc̄j̄u pajiro masare ohoro pajiro tiquinare apequinare oho dutirota. Sa yero tiqiro cahmeñene masigū yere masare. Quehnoano tiqiro masigū yenhriquinare quehnoano yuh̄ti dutire tiqiro, niahye Jesu.

*Jesu masare cahme tu wagū yere*

(Mt 10.34-36)

<sup>49</sup> Sa ni tuhasa Jesu tiquinare yahuahye tja:

—Peca ūj̄a weriro sahata yuh̄u ahr̄i yehp̄ap̄re masa tiquina ñañe yeyere cose weḡu ahtaḡu nii. Yojōp̄u p̄urita peca ūj̄a wero saha ñañe marieñequina masa tiquina ijigū tutuaro cahmeaja yuh̄u. <sup>50</sup> Yuh̄u ñano yuh̄d̄ut̄ja. Yuh̄u sa ñano yuh̄d̄uatire cohteḡu, ñano jeripohna tiaja yuh̄u. <sup>51</sup> ¿Dah̄se ni tuh̄otujari m̄sa yuh̄are? ¿“Tiqiro masare tiqiro buheri

bato apequina tiquina basi ihña tuhtisi”, ni tuhoutuajari msa yuhure? Sa ijierare. Masare yuh buheri bato ihquẽquina yeere tuhoeta. Apequina pehe tiquinare ihña tuhtieta. Ihcãno saha ijisi masa. Msare niguta niaja. Masa yuh buheyere tuhoye, pua curua cahme tu waeta. <sup>52</sup>Yojopure ihcã wuh cjẽna ihcã omopequina masa yuh buheyere tuhoye, pua curua tiquina basi cahme tu waeta. Ihcã curua ihtiaro, ape curua puaro ijeta. <sup>53</sup>Tiquiro pacuro tiquiro macunore ihña tuhtirota yaquiro tiquiro ijiri buhiri. Tiquiro macuno gũh tiquiro pacurore ihña tuhtirota yaquiro tiquiro ijiri buhiri. Sa yero ticoro pacoro maconore ihña tuhtirota yacoro ticoro ijiri buhiri. Sa yero apecoro macono gũh ticoro pacorore ihña tuhtirota yacoro ticoro ijiri buhiri. Sa yero ticoro mareono ticoro macu namonore ihña tuhtirota yacoro ticoro ijiri buhiri. Sa yero apecoro macu namono gũh ticoro mareonore ihña tuhtirota yacoro ticoro ijiri buhiri. Sa waharota, yuh buheyere tiquina tuhogũ, niahye Jesu.

*Quehnoari deco ijiatire, ñari deco ijiatire  
masa tiquina masĩene yahuahye Jesu  
(Mt 16.1-4; Mr 8.11-13)*

<sup>54</sup>Sa ye Jesu masare ohõ saha ni yahuahye tja:

—Ahrie pehepu acoro cururire ihñana, duita “Acoro ahtarota”, nine msa. Msa sa nidi bato acoro ahtare. <sup>55</sup>Sa yena surpu wihnono ahtagũ “Asiri deco ijirota”, nine msa ahri yehpau ijina. Msa sa nidi bato cahmari deco ijire. <sup>56</sup>Msa masa ihñonopu quehnoano iji mehoducuna ijire. Msa ahri yehpare uhmuse gũhure ihñana, quehnoari deco ijiatire, ñari deco ijiasi gũhure masine msa. ¿Sa yena yojopu cjẽ decorire masiepenata dũhsena ahri yehpa cjãna yojopure msa dũhse wahatire masiedajari msa? niahye Jesu.

Msare ihña tuhtiriquiro mehna msa cahmequedire cahmeque duhuya  
(Mt 5.25-26)

<sup>57</sup>Sa ni tuhasa ohõ saha ni yahu nemoahye:

—¿Msa poto yeatire yojopu masiedajari msa? <sup>58</sup>Apequiro mũhure yahusãno waharo buhiri dahre dutiri wuhupu waha dutiboaga. Topu wahana “Pari turi mũhure

sa yesi”, nigu cahmeque duhuya. Mũh sa duhueragũ tiquiro buhiri dahre dutiriquiro cahapu neaboaga mũhure. Sa yero buhiri dahre dutiriquiro pehe mũhure surarare tiquiro ohogũ, mũhure surara peresu yeeta. <sup>59</sup>Mũhure nigu niaja. Topu ijiniita mũh. Tee tiquina wapa ye dutirire mũh wapa ye pehogupu wijiaguta mũh, niahye Jesu.

## 13

Msa ñaňe yerire bujua witi, quehnoañe pehere comesaya

<sup>1</sup>Tjere meheñequinagã masa Jesure ohõ saha ni yahue tiahye:

—Galilea cjẽna wahiquire wejẽ ujã mso Cohãcjãre tiquina ño peori watoa Pilato pehe tiquinare wejẽahye. Tiquiro sa wejẽgũ wahiquire dii mehna masa dii moreahye, ni, yahuahye tiquina Jesure.

<sup>2</sup>Tiquina yahu tuhasagũ Jesu yuhthiahye:

—¿Galilea cjẽna Pilato tiquiro wejẽgũ wejõriquina munare dũhse ni tuhoutuajari msa? ¿Tiquina sa yariagũ apequina Galilea cjẽna yuhduoro ñañequina tiquina ijiri buhiri sa yeyari Cohãcjã tiquinare, msa tuhutugũ? <sup>3</sup>Ijierare. Msare niita niaja. Msa pehe msa ñañene bujua witiarana, quehnoañe pehere comesaerana, msa gũh yariana pecapu wahanata. <sup>4</sup>Sa ye sohõ ijiriquina diez y ocho masa Siloé wame tiri wuh uhmuari wuh tiquina bui wihnoa dijiaro, tiquinare wejẽ pehoahye. ¿Sa waha yariaye, apequina Jerusalẽ cjẽna yuhduoro ñañequina ijiyari tiquina, msa tuhutugũ? <sup>5</sup>Ijierare. Msare niita niaja. Msa ñañene bujua witiarana quehnoañe pehere comesaerana, msa gũh yarianata. Sa yena pecapu wahanata, niahye Jesu tiquinare.

*Higueragu dũca mariedu quitire  
yahuahye Jesu*

<sup>6</sup>Sa ni tuhasa apeye queoye mehna piti dahre yahuahye tiquinare:

—Wese upuro tiquiro wesepu higueragure cuoahye. Sa yero tiquiro tu dũcare macano wahamahye. Bocaerahye. <sup>7</sup>Bocaeraro tiquiro wese dahrariquire yahuahye. “Tũhoya yuhure. Ihtia cũhmaro higueragu dũcare macamaja. Dũca mariedare. Tu dũca mariedagũ tũre quẽ cohã cãhña. Tu ya wesepu ijigũ apedure otero basioerare. Apedu tu ihyaborire

ihyaboaga tū dūca mariedu pehe”, niahye wese upūro tiquirore dahra coheriquirore. <sup>8</sup>Tiquiro sa nigū tūhoro dahra coheriquiro ohō saha niahye: “Pūhto, ahdū ihcā cūhma waro ducurīahdo. Tū nūhcoripū yūhū sehēgutja. Tuhasa, wāhiquiro cūhta mehna ti copere yautja. <sup>9</sup>Yūhū sa yeri bato tū ape cūhma dūca tiro dūca tiboaga. Tū dūca mariedagū mūhū quē cohā dutigūta”, niahye dahra coheriquirore wese upūrore, ni, yahuahye Jesu.

*Saurū deco ijigū* Jesu dohatiricorore yūhdūoahye

<sup>10</sup>Ti pje saurū deco ijigū Jesu judio masa buheri wūhūpū buhero niahye. <sup>11</sup>Topū wafīno cūoricoro ijiahye. Wafīno pehe diez y ocho cūhmari waro dohatigū yeahye ticorore. Sa yero pari tū ducuricoro ijiro, potō ducu masiedahye. <sup>12</sup>Ticoro sa ijigū ihñano Jesu ticorore ihña, pisuahye:

—Numio, mūhū dohatiye pihtia wahare, ni, pisuahye Jesu.

<sup>13</sup>Tiquiro pisuri bato ticorore tiquiro ña peogū duita ticoro quehnoano potō dūca sahye. Sa waharo “Cohācjū tu-tuagū, quehnoagū ijire mūhū”, ni ño peoahye ticoro. <sup>14</sup>Jesu ticorore saurū deco ijigū tiquiro yūhdūogū ihñano judio masa buheri wūhū coheriquiro pehe tiquiro mehna usuahye. Sa usuaro tiquiro masare ohō saha niahye:

—Seis decori ijire mari dahraye decori. Sa yena mūsa dohatiyequinare yūhdūo du-ana, ti decorire tire yeya. Saurū mari sori decore tire yeracāhña, niahye ti wūhūre coheriquiro.

<sup>15</sup>Tiquiro sa nigū Jesu ohō saha ni yūhti-ahye:

—Masa ihñono dihita quehnoana jji mehona ijire mūsa. Mūsa wecūre, burro gūhūre cūona saurū decore tiquina dūhteri dare pā, tiquinare ne buha, sihni dutiboaga.

<sup>16</sup>Yojoṛpū ahricorore Abrahā mūnāno acayorore wafīno diez y ocho cūhmari waro ticorore dohatigū yere. ¿Saurū deco ijigū ticorore yūhdūo dutierajari mūsa? niahye Jesu.

<sup>17</sup>Tiquiro sa nigū tūhoye, tiquina buoro wahahye. Sa ye apequina pehe ijipihtiye-quina Jesu yerire ihña, bucueahye.

*Mostaza pje queoyere yahuahye Jesu*  
(Mt 13.31-32; Mr 4.30-32)

<sup>18</sup>Sa ye Jesu queoye mehna buheahye masare:

—¿Ne Cohācjū masa pūhtoro tiquiro ijyie yabe boro yero saha ijijari? Ahri quiti mehna tire tiquiro pūhtoro ijyiere yahutja yūhū. <sup>19</sup>Mostaza pjegā yero saha ijire. Ti pjegāre oteriquiro tiquiro ya wese otere. Tiquiro oteri bato ti pjegā pihnine. Sa ye tū bucūagū minicjūa pari ti dūpūripū suhti suhare, niahye Jesu. (Sa nino ohō saha nino niahye. Mostaza pjegā pajidū tū bucuariro saha ūhmūse cjūnōre mari pūhtorore masiñequina meheñequinagā tiquina iji mūhtaepēgūta camepū tiquina peyequina wahaeta.)

*Pā pugū yeye queoyere yahuahye Jesu*  
(Mt 13.33)

<sup>20</sup>Sa yero pari turi Jesu queoye mehna buheahye:

—¿Ne Cohācjū masa pūhtoro tiquiro ijyie yabe boro yero saha ijijari? <sup>21</sup>Pāre pugū yeye yero saha ijire. Tire numino ihcā ajuro trigore aco mehna quehnoano tire dahra morene pā bucūatire. Ticoro sa yegū pāre pugū yeye pehe trigore quehnoano sehśaa wahare, niahye Jesu. (Sa nino ohō saha nino niahye. Pāre pugū yeye trigore ti sehśaa wahariro saha ūhmūse cjūnōre mari pūhtorore peyequina masa ijipihtiro cjenā masieta.)

*Meheni sopecahagā quitire yahuahye Jesu*  
(Mt 7.13-14, 21-23)

<sup>22</sup>Sa ye Jesu bujūye macaripū, daye macarigāpū gūhūre buhe cā, Jerusalēpū esaro taro niahye. <sup>23</sup>Tiquiro sa wahari watoa masūno Jesure ohō saha ni sinituahye:

—¿Pūhto, meheñequinagā masare pecapū wahaboriquinare yūhdūorotari Cohācjū? niahye tiquiro Jesure.

Tiquiro sa nigū Jesu queoye mehna buhero ohō saha ni yahuahye:

<sup>24</sup>—Peyequina masa Cohācjū cahapū waha duaye, sajā duamene. Mehēni sopecahagāre mūsa sajā duagū mijorīne. Sata Cohācjū cahapū mūsa waha duagū mijorīne. Masa sa sajā duepeta sajā masiedare. Sa yena mūsa pehe mehēni sopecahagāre mūsa tutuaro sajā duaboro sahata Cohācjū pehere tutuaro masiña.

<sup>25</sup>Ohō saha yerota Cohācjū peyequina masare. Tiquiro wūhū upūro yero saha

ijire. Wuhu upuro wahcā, sopecahagāre biharota. Tiquiro sa yegū sopecahagāpū ducuna, dotenata. Dotena ohō saha ninata. “Pūhto, sope pahmare pōhñā”, mūsa nigū wuhu upuro pehe yuhtirota. “Mūsare, mūsa ahtariro gūhure ne masiedaja yuhū”, ni yuhtirota. <sup>26</sup> Tiquiro sa nigū mūsa yuhtinata. “Muhū mehna usā ihya, sihni. Usā ya macapū buheri muhū”, ninata mūsa. <sup>27</sup> Mūsa sa nigū tiquiro pehe yuhtirota. “Mūsare, mūsa ahtariro gūhure ne masiedaja. Ijipihtina mūsa ñañe yerina yuhū cahapū ahtaeracāhñā”, ninota wuhū upuro. <sup>28</sup> Sa ye Abrahāre, Isaare, Jacore, ijipihtieyquina Cohācjū yere yahu muhtariquinare Cohācjū tiquiro puhtoro ijirere tiquina ijigū ihñana, mūsa pehe sopecahapū cohōrina ijina tutuaro utinata. Sa yena mūsa tutuaro bujua witina, bahque dihonata. <sup>29</sup> Ti pjere ijipihtiro cjēna Cohācjū tiquiro puhtoro ijipūre esa, tiquiro mehna ihya dujieta. <sup>30</sup> Yojoṗure ihyo ijieyquina ijiriquina ti pjere puhtoa ijieta. Sa yeye yojoṗure puhtoa ijiriquina ti jepūre ihyo ijieyquina ijieta, niahye Jesu.

*Jerusalē cjēnare tutuaro cahñahye Jesu (Mt 23.37-39)*

<sup>31</sup> Ti pjere meheñequinagā fariseo masa Jesu cahapū esa, tiquirore yahuahye:

—Herode muhure wejē duare. Sa yegu ape sierū wahaya muhū, niahye tiquirore.

<sup>32</sup> Tiquina sa nigū Jesu pehe yuhtiahye:

—Herode ni mehoñe peyariquiro ijire tiquiro. Ohō saha ni yahuya tiquirore: “Jesu watiare cohāno nine. Sa yero dohatiyequinare yuhduoro nine. Tire miare, ñamia gūhure yerota. Sa yero ñamia bohrearo dahra bato tirota”, ni yahuya Herodere.

<sup>33</sup> Sa yegu miare waha, ñamia gūhure waha, ñamia bohrearo gūhure waha, Jerusalēpū esautja. Cohācjū yere yahu muhtagure yuhure wejēeta masa. Cohācjū yere yahu muhtariquinare tiquina wejēgū Jerusalēpū ijiro cahmene tiquinare. Sa yegu yuhū gūhure Jerusalēpū ijiro cahmene.

<sup>34</sup> Ahyou, Jerusalē cjāna, mūsa Cohācjū yere yahu muhtariquinare wejē, mūsa cahapū tiquiro ohoriquinare utā paca mehna doque wejēdi mūsa. Canaca ticoro pohnene wāye dūpūri mehna ticoro moha cuñano saha peye tahari mūsare cahiducumi. Mūsare cahmemi. Mūsa pehe

yuhure ne cahmedari. <sup>35</sup> Yojoṗure mūsa ya maca cohōri maca ijirota. Ijirota niita niaja mūsare. Cohācjū mari puhtoro tiquiro tutuaye mehna ahtaajtja yuhū. Yuhū ahtagū mūsa yuhure “Cohācjū tutuaye mehna ahtariquiro quehnoahdo”, ninata. Yuhure mūsa tire niato pano pari turi yuhure ihñasi mūsa, niahye Jesu.

## 14

*Dohatiriquirore yuhduoahye Jesu*

<sup>1</sup> Ape deco saurū ijigū fariseo masa puhtoa mehna cjūno ya wuhupū Jesu ihyaro wahahye. Ti wuhupū ijieyquina tiquirore ihñā nūñahye. <sup>2</sup> Sa yero omoca, ñecu gūhū ipinohriquiro tiquiro cahapū esahye. <sup>3</sup> Sa yero Jesu judio masare buheyequinare, fariseo masa gūhure sinituahye:

—¿Saurū ijigū dohatiriquirore yuhduo dutiajari Cohācjū yere tiquina ojoari pūpū? niahye Jesu.

<sup>4</sup> Tiquiro sa ni sinituepegūta tiquina yuhtierahye. Tiquina yuhtieragū ihñano Jesu dohatiriquirore yuhduo, “Wahaya”, niahye tiquirore. <sup>5</sup> Sa ye tuhasaro, tiquinare sinituahye tja:

—¿Ihcāquiro mūsa mehna cjūno tiquiro macuno saurū deco mari sori deco ijigū aco ijiri copepū tiquiro bora sajāgū ne wioeraboagari, mūsa tuhōtugū? ¿Tiquiro yaquiro wecū gūhure ne wioeraboagari, mūsa sa nina? Ne wioboaga tiquiro, niahye Jesu.

<sup>6</sup> Tiquiro sa niepegūta tiquina tiquiro siniturire yuhti masiedahye tja.

*Omoca dūhteri bōse deco ijigū pijioriquinare yahuahye Jesu*

<sup>7</sup> Fariseo masuno ya wuhupū ijiro ti wuhū cjūno tiquiro pijioriquina quehnoañe dujiyere tiquina besegū ihñahye Jesu. Sa ihñā tuhasa ohō saha ni yahuahye ijipihtiequinare:

<sup>8</sup> —Omoca dūhteri bōse deco mūsare tiquiro pijiogū, quehnoañe dujiyere bese dujieracāhñā. Mūsa yuhduoro cua pesayequinare pijioaboaga ahri wuhū upuro. <sup>9</sup> Tiquiro sa yegū mūsa quehnoañe dujiyepū dujigū “Ahriquina cua pesayequina pehere mūsa dujiyere ohoya”, niboaga wuhū upuro mūsare. Tiquiro sa nigū mūsa pehe buoro wahana, ñañe dujiyepū dujiboaga.

<sup>10</sup> Sa yena wuhũ upũro musare tiqiro pi-jiogũ, ñaãe dujiyepũ duji muhtaña. Musa sa yegũ wuhũ upũro musare “Quehnoaãe dujiye pehere dujina ahtaya”, ninota musare tiqiro. Musa sa wahagũ apeqũna tiqiro pijioriquina pehe musare ño peoye mehna ihñaeta. <sup>11</sup> Ihcãquiro tiqiro basi “Puh-tota ijiãja”, ni tuhaturiqliro cahacjũno ijirota. Sa yero apeqũro “Cahacjũ ijiãja”, ni, tuhaturiqliro, apeqũnare yuhdũdũca dueriquiro tiqiro pehe puhtoro ijirota, niahye Jesu tiquinare.

<sup>12</sup> Sa ni tuhasa Jesu wuhũ upũrore yahuahye:

—Muhũ bõse deco dahregũ muhũ cahapũ ijiyequinare, muhũ bahanare, muhũ acayere, doeri cje õpanare pijioeracãhña. Muhũ tiquinare pijioegũ muhũ gũhũre tiquina gũhũ piji cahmeeta. Sa piji cahmeãe muhũre tiquina wapamonore wapa yeeta. <sup>13</sup> Muhũ bõse deco dahregũ pejecũoyequinare, tini masieñequinare, pari yuri wahayequinare, caperi bajueyequinare pijiohya. <sup>14</sup> Muhũ sa yegũ ihãano Cohãcjũ muhũre quehnoano yerota. Tiquina pehe muhũre tiquina wapamonore wapa ye masiedare. Sa yero quehnoaãequina yariariquina tiquina masa mujari pje ijigũ Cohãcjũ pehe quehnoano muhũ yeri wapa muhũre quehnoano yerota, niahye Jesu wuhũ upũrore.

*Pajiri bõse deco queoyere yahuahye Jesu (Mt 22.1-10)*

<sup>15</sup> Tiquiro sa nigũ tuhoro apeqũro ihyari mesa cahapũ dujiriqliro, Jesure yahuahye:

—Cohãcjũ tiqiro puhtoro ijiropũ tiqiro ihyari mesa cahapũ dujiyequina tutuaro bucueyequina ijieta, niahye tiqiro Jesure.

<sup>16</sup> Tiquiro sa nigũ Jesu ahri queoyere yahuahye tiqirore:

—Pajiri bõse deco dahreriquiro peyequina masare pijioahye. <sup>17</sup> Tiquiro pijiori bato bõse deco tiqiro cahacjũnore tiqiro pijioriquinare yahu dutiro ohoahye. “Isa, ijiptiyere bõse deco cje ijiatire quehno tuhasari. Sa yero musare pijiori”, ni, yahu dutiahye tiqiro cahacjũnore. <sup>18</sup> Tiquiro cahacjũno tiqiro sa ni yahuepegũta, tiqiro pijionohriquina pehe “Waha masiedaja”, niahye tiquina. Tiquiro pijio muhtanohriqliro ohõ saha ni yahuahye

tiqiro cahacjũnore. “Mianogãta yehpare dũu. Sa yegũ ti yehpare ihãagũ wahagũ niãja. Sa yero waharo basioeraga. No peo cjũña muhũ yuhũre. Yuhũre basioerare”, niahye tiqiro pijio muhtanohriqliro pehe tiqiro cahacjũnore. <sup>19</sup> Apeqũro pehe ohõ saha niahye: “Wecũare pũa omoca pihtiyequinare mianogãta dũu. Buhe tuhugũ wahau tuũ niãja ti weje cãtore. Sa yegũ wecũare “¿Quehnoano dahrajari?” ni ihãagũ wahagũ tuũ niãja. Sa yegũ wahasi. Yuhũre basioerare”, niahye tiqiro gũhũ. <sup>20</sup> Apeqũro pehe ohõ saha niahye: “Yuhũ mianogãta omoca dũhte. Sa yero bõse decopũ waharo basioeraga yuhũre”, niahye tiqiro cahacjũnore.

<sup>21</sup> Tiquiro sa nigũ cahacjũno pehe tojoa waha, tiqiro puhtoropare tiquina nidire yahu peho cãhye. Tiquiro sa ni yahugũ tiqiro puhtoro tutuaro usua, ohõ saha niahye tiqiro cahacjũnore. “Wuhũse watoa cje maharipũ wahaya. Pejecũoyequinare macarãsa. Sa yegũ pejecũoyequinare, tini masieñequinare, caperi bajueyequinare, pari yuri wahayequinare mũmũano ne cãhtaya tiquinare”, niahye puhtoro. <sup>22</sup> Came cjũnogã tiqiro cahacjũno yahuahye tiqiro puhtorore: “Puhto, muhũ dutiriro sahata yei. Yuhũ sa yeppegũta apeqũna gũhũ esa tuhaeta”, niahye tiqiro cahacjũno. <sup>23</sup> Tiquiro sa nigũ puhtoro tiqirore dutiahye: “Ihquẽ wuhũse ijiropũ wahaya. Topũ bujũye maharipũ, daye maharigãpũ gũhũre masare ya wuhũpũ ahta dutiya, ya wuhũpũ tiquina wahpagũ. <sup>24</sup> Poto niita niãja muhũre. Ahriquina yuhũ pijio muhtamediquina yuhũ ihyayere ne mehenogã ihyasi”, niahye puhtoro, ni yahuahye Jesu.

*Jesu mehna wahagũ mijorĩne (Mt 10.37-38)*

<sup>25</sup> Ti pjere peyequina masa Jesu mehna wahahye. Sa yero Jesu tiquinare majare ihña, yahuahye:

<sup>26</sup> —Ihcãquiro yuhũ buheriquiro iji duaro apeqũna yuhdũoro yuhũ pehere cahĩno cahmene. Tiquiro pacũrore, tiqiro pacorore, tiqiro namonore, tiqiro pohnene, tiqiro bahanare, tiqiro pagũ gũhũre tiqiro cahĩno yuhdũoro yuhũ pehere cahĩno cahmene. <sup>27</sup> Ihcãquiro yuhũ buheriquiro iji duaro yeere sa

yeducuriquiuro ijirōta. Sa yero yaquiuro tiquiuro ijiri buhiri ñano yuhdæperota yuhure ne duhusi. <sup>28</sup> Ahrire masiyuro cahmene musare. Ohō saha ijire ti: Wuhū dahreriquiuro tiquiuro uhmuari wuhure yeato pano wuhū wapa tiatire queo muhtare. Sa yero, ti wuhure tiquiuro pehoatire masine tiquiuro. <sup>29</sup> Wapa tiyere queoeraro ti wuhure yero pehoeraboa. Sa ye tiquiore ihñañequina bujūpeboa. <sup>30</sup> “Ahriquiuro ti wuhure yero, tutuerare”, ni, bujūpeboa. <sup>31</sup> Puhtoro apequiuro puhtoro yeequina mehna tiquina cahmequeato pano, tiquiuro yequina surarare tiquiuro cahme wejē dutiati pano, tiquiuro yequina surarare queorota. “¿Yuhū diez mil surara mehna apequiuro veinte mil surara cæoriquiuro mehna cahme wejēgū tutueraboagari yuhū?” ni, tuhoturo queorota tiquiuro. <sup>32</sup> Sa queoro, tiquiuro tutueratire masinota. Sa masino apequiuro puhtoro tiquiuro yequina surara mehna cahme wejēno ahtariquiuro yoaropu tiquiuro ijigūta, tutueriquiuro pehe “Cahme wejēdacūhna”, ni dutiro ohoboaga dahra cohteriquiuro. <sup>33</sup> Sa yena yuhū buhena iji duana, musa yeatire musare masino cahmene. Musa ye duaye pehere duhu duerana, yuhū buhena iji masiedare, ni yahuahye Jesu.

*Moa acayere yahuahye Jesu  
(Mt 5.13; Mr 9.50)*

<sup>34</sup> Sa yero tiquinare yahu nemoahye:

—Moa quehnoano ocare. Ti ocaeragū ocaye yero basioerare. <sup>35</sup> Moa ocaeraro ti moa ne quehnoaedare. Ti moare dūhsero basioerare. Ti sa ijigū ti moare cohāno cahmene. Ne dūhseati ijierare ti moa. (Ti dūhseati ijieraro saha ijieracāhna musa. Cohācjū ye pehere cohāedacāhna.) Ahrire quehnoano tuhoya musa, niahye Jesu.

## 15

*Oveja butiriquiuro queoyere yahuahye Jesu  
(Mt 18.10-14)*

<sup>1</sup> Sa ye ape deco peyequina wapa ne cohteyequina apequina “Ñañequina”, tiquina niñequina mehna Jesure tuhoye ahtahye. <sup>2</sup> Tiquina sa yegū ihñañe fariseo masa, judio masare buheyequina gūhū Jesure ihña tuhtiye, ohō saha niahye tiquina basi:

—Ahriquiuro ñañequinare piti tire. Sa yero tiquina mehna ihyare, ni, yahuducuahye tiquina basi.

<sup>3</sup> Tiquina sa ni yahuducugū Jesu tiquiuro tuhotuye mehna ohō saha ni, queoye mehna buheahye tiquinare:

<sup>4</sup> —¿Cien oveja cæoriquiuro ihcāquiuro oveja butigū ihñano dahse yerotari tiquiuro? Ohō saha yerota. Tiquiuro noventa y nueve ovejare tiquina ihyaripou cū, butiriquiuro macano waharota. Ovejare bocaropu duhurōta. <sup>5</sup> Tiquiuro bocaro bucueroṭa. Sa yero tiquiuro butiriquiuro wua peo, tiquiuro ya wuhūpū ne tojoa waharota. <sup>6</sup> Ne tojoa sa, tiquiuro cahapu ijieyquinare, tiquiuro acayere piji cahmecoanota. “Yaquiuro oveja butiriquiuro boca tuhasaū. Sa yena yuhū mehna bucueya”, ninota tiquiuro tiquinare. <sup>7</sup> Poto niita niaja musare. Noventa y nueve oveja peyequina tiquina ijiri sahata, peyequina masa ohō saha ni tuhoture: “Ñano yeraja. Sa yegu yuhū ñañene bujua witisī. Quehnoañe pehere comesasi yuhū”, ni, tuhoture peyequina masa. Tiquina sa ni tuhotugū ihñañe uhmuse cjenā Cohācjū cahapu ijieyquina bucuere. Apequiuro pehere bucuero. Butiriquiuro oveja ihcāquiuroṭa butiriro sahata tiquiuro upuro tiquiuro bocariro sahata ihcāquiuro ñariquiuro tiquiuro ñañene bujua witigū, quehnoañe pehere comesagū ihñañe, Cohācjū cahapu ijieyquina tutuaro bucuere, niahye Jesu.

*Niñeru cjoē butiri queoyere yahuahye Jesu*

<sup>8</sup> Sa ni yahu tuhasa, queoye mehna yahu nemoahye tja:

—¿Pua omope cjoeri niñeru cjoeri cæorico ihcā cjoē butigū dahse yerotari ticoro? Ohō saha yerota ticoro. Sihāriare sihā, wuhure coha, quehnoano maca pehorota. Ti cjoere bocaropu duhurōta. <sup>9</sup> Ti cjoere boca tuhasa, ticoro cahapu ijieyquinare, ticoro mehna cjenare piji cahmecoanota. “Niñeru cjoē yuhure butiri cjoere bocaū. Sa yena yuhū mehna bucueya”, ninota ticoro. <sup>10</sup> Potota niita niaja musare. Sata ihcāquiuro ñariquiuro tiquiuro ñañene bujua witigū quehnoañe pehere comesagū Cohācjū yequina angele pehe tutuaro bucueta, niahye Jesu.

*Tiquiuro macano butiri queoyere yahuahye Jesu*

<sup>11</sup> Sa ni yahu tuhasa Jesu queoye mehna yahu nemoahye tja:

—Вүсүрө поһне рүаро үмүа иҗаһе.  
<sup>12</sup> Дүһсариқиро пеһе оһо саһа ниаһе тiquiro pacүрө: “Май, мүһү яриари бато мүһү оһоатире үһүре оһоҗа”, ниаһе тiquiro pacүрө. Тiquiro са нигү тiquina pacүро рүаропүрета тiquiro поһнене итаһе тiquiro сүорире. <sup>13</sup> Меһеһе decorigā бато дүһсариқиро тiquiro yere иҗиптиҗере не, yoаропү аре җеһпапү җаһаа җаһаһе. Топү есаро түһо масиениқиро yero саһа ye, тiquiro ниһеруе, тiquiro yere ye site پهһо сәһе. <sup>14</sup> Тiquiro ye site پهһори бато ти җеһпапүре не иһҗае марiedi пје иҗи дүсәһе. Са yero тiquiro үҗаа аһбаһе. <sup>15</sup> Са yero ти җеһпа сҗе даһраҗере macаһе. Тiquiro bocагү тiquiro пүһторо yeseа coһтериқиро сәһаҗе тiquiro. <sup>16</sup> Са yero тiquiro yeseare nu, тiquina иһҗаҗере иһҗа дуамаһе. Тiquiro са иһҗа duepegāта ти иһҗаҗере то сҗеһна оһоераһе тiquiro. <sup>17</sup> Са ye тiquiro топү җаүәһе. “Үһү pacүре даһра coһтеҗеқина пеһе бүҗүҗе иһҗаҗере иһҗаҗере. Тiquina иһҗа дүһари гәһү бүҗүҗе дүһсәре. Тiquina са queһноано үһдүри җатоа үһү пеһе оһдүрү иҗигү, үҗаа аһбагу ниага. <sup>18</sup> Yoҗопүре үһү pacү caһарү тоҗоагүтҗа. Үһү pacү caһарү есагу оһо саһа ниитҗа тiquiro: ‘Май, Cohäcҗәре һано yeи. Мүһү гәһүре һано yeи. <sup>19</sup> Näгу иҗаҗа үһү. Мүһү macү yero саһа иҗибогу иҗераҗа үһү. Мүһүре даһра coһтериқиро yero саһа yeҗа үһүре’, ниитҗа үһү pacүре”, ни туһотуаһе тiquiro. <sup>20</sup> Са ни туһотуроҗа җаһсәдүсә, тiquiro pacүро caһарү тоҗоаа җаһаһе. Топү тiquiro есариқиро тоҗоа тагү тiquiro pacүро пеһе yoаропүта тiquiro macүноре иһһаһе.

“Тiquiro са җиһгү иһһано macүноре паҗа иһһаһе. Паҗа иһһано тiquiro caһарү ома сә, тiquiroре қеү суһсу мaa, тiquiro җаһсүрүе иһмиаһе pacүро тiquiro macүноре. <sup>21</sup> “Май, Cohäcҗәре һано yeи. Мүһү гәһүре һано yeи. Näгу иҗаҗа үһү. Мүһү macү yero саһа иҗибогу иҗераҗа үһү”, ниаһе тiquiro pacүрө. <sup>22</sup> Тiquiro са нигү түһоро pacүро пеһе даһра coһтеҗеқинаре пјиаһе. “Soҗаро меһна, queһноа үһдүри суһтироре не сәһтаҗа. Са yeҗа үһү macүре сәәһа. Сәә туһаа, тiquiro omoca саһари беһторе сәә, даһпо суһти гәһүре сәәһа.

<sup>23</sup> Сәә туһаа, диһи тирiquiroгәре җеүсәгәре җеҗеһә. Bose deco yeиһна мари. <sup>24</sup> Аһриқиро үһү macү яриариқиро yero саһа җаһариқиро иҗире. Са җаһаеperoҗа yoҗопүре сәтире тiquiro. Тiquiro бутимедиқироре пари тури боцау. Са yeҗа босе deco yeиһна мари”, ниаһе тiquiro pacүро. Тiquiro са ниди бато босе deco даһре дүсәһе тiquina.

<sup>25</sup> Ти пҗере тiquiro җаһмино пеһе җесепү иҗаһе. Ғесепү иҗиреқиро coһе тоҗоа таро үһү caһарү есаро, тiquina басәҗере түһоаһе тiquiro. <sup>26</sup> Түһоро, иһсәқиро даһра coһтериқироре пјио, тiquiroре синитуаһе тiquiro: “җДәһсе иҗиро боро басәҗе ниари?” ниаһе тiquiro даһра coһтериқироре. <sup>27</sup> “Мүһү баһү coһери. Тiquiro queһноариқиро, сәтириқиро тiquiro coһегү мүһү pacү диһи тирiquiroгәре җеүсәгәре җеҗе дүтири”, ни үһтиаһе даһра coһтериқиро. <sup>28</sup> Тiquiro са ни җаһүгү тiquiro җаһмино пеһе тутуаро usuаро, үһһүрү сәҗәедәһе. Тiquiro сәҗәедәгү иһһано тiquiro pacүро сопесаһарү җиҗа та, “Сәҗә тәҗа”, ни, пјиҗмаһе тiquiro macүноре. <sup>29</sup> Тiquiro са пјиҗү macүно үһтиаһе. “Түһоҗа май. Yoари пје мүһүре даһра coһтериқиро yero саһа мүһүре yeдoһоми. Са yeҗү мүһү дүтиҗере не иһсә таһа үһдүдүсәерү. Үһү мүһүре даһра coһтеpegāта үһүре не оһоерари мүһү үһүре үһү пити тиеқина меһна үһү босе deco даһреатире. <sup>30</sup> Са yero аһриқиро мүһү macү пеһе һәһеқина нуmia меһна мүһү yere ye site پهһоһоһти. Тире ye site پهһо туһаа, үһһүрү тiquiro тоҗоа җиһгү диһи тирiquiroгәре җеүсәгәре җеҗе дүтиһоһти мүһү тiquiro иһҗатиқиро”, ниаһе тiquiro җаһмино пеһе pacүроре. <sup>31</sup> “Macү, үһү меһна иҗиптиҗе decorи мүһү иҗигү иҗиптиҗе үһү сүоҗе мүһү ye иҗире. <sup>32</sup> Мүһү баһү пеһе яриариқиро yero саһа җаһари marine. Са ye yoҗопүре тiquiro сәтириқиро иҗире. Тiquiro бутиреқиро yero саһа иҗире. Тiquiro са җаһари бато yoҗопүре тiquiroре боцау. Са yero тiquiro тоҗоа җиһгү мари босе deco ye bucueгү queһноаре”, ниаһе тiquiro macүноре, ниаһе Jesu тiquinare.

## 16

*Ниһеру coһтериқиро түһо масиниқиро*



quitire Jesu yahuahye

<sup>1</sup> Sa ye ahri quitire tiqiuro buheyequinare yahuahye Jesu:

—Doeri cjē upuro ye niñerure cohteriquiro niñerure quehnoano tiqiuro ihboeragū ihñano apequiro pehe yahusāhye doeri cjē upurore. “Mũhu ye niñerure ye sitero nine”, ni yahusāhye tiqiurore. <sup>2</sup> Tiquiro yahusā tuhasari bato niñerure cohteriquirore pijioahye. Sa yero tiqiuro wihigū ihñano, tiqiurore puhtoro yahuahye. “Yee niñerure mũhu ye siterire apequiro yũhure yahuri. Sa yegū yeere cohtegū iji nemosi mũhu. Sa yegū yeere mũhu yerire yahu peho ojoaya. Mũhure cohāgu niaja”, niahye puhtoro tiqiurore. <sup>3</sup> Tiquiro sa nidi bato ohō saha ni tuhotuahye cohteriquiro tiqiuro basi: “Yũhu puhtoro yũhure cohāno taro niaga. Yũhu tutueraja. Sa yegū tutuaro dahra masiedaja. Sa yegū apequinare yũhu niñerure sinigū buoro yuhduboaga yũhu. ¿Sa yegū dahse yeitari yũhu? <sup>4</sup> Yojoru pūritare yũhu yeatire masiaja yũhu. Ohō saha yũhu yegū yũhu dahraye mariedagū yũhu puhtoro wapamoñequina yũhure cahīeta. Sa ye tiquina ye wũhusepũ sajā dutieta yũhure”, ni tuhotuahye tiqiuro. <sup>5</sup> Sa ni tuhoturo tiqiuro ijiptiyequina tiqiuro puhtoro wapamoñequinare pijioahye. Pijio tuhasa, cohteahye. Wihī muhtariquirore ohō saha ni sinituahye tiqiuro. “¿Yũhu puhtoro noho puno wapamoajari mũhu?” niahye tiqiuro. <sup>6</sup> Tiquiro sa nigū wapamoriquiro pehe yũhtiahye. “Cien tambores uhsere olivo dũca mehna tiquina yeri uhsere wapamoaja tiqiurore”, ni, yũhtiahye. Tiquiro sa ni yahugū cohteriquiro pehe ohō saha ni yahuahye. “Ohōpũ ijire mũhu wapamonore oja ohōri pũ. Dujija. Sa yegū mũhu wapamonore deco mehna ne, deco mehna oja quehnoña”, niahye cohteriquiro wapamoriquirore. <sup>7</sup> Sa ni tuhasa apequiro wapamoriquirore sinituahye tiqiuro. “¿Mũhu waro, noho puno wapamoajari?” niahye tja. “Cien ajuri trigo pjeri ajurire wapamoaja yũhu”, niahye wapamoriquiro niñerure cohteriquirore. “Ohōpũ ijire mũhu wapamonore oja ohōri pũ. Mũhu wapamonore ochenta oja quehnoña”, niahye cohteriquiro. <sup>8</sup> Tiquiro

sa quehnoano ni meho mihnigū ihñano “Ahriquiro ni mehoriquiro quehnoano masidiquiro ijiaga”, ni tuhotuahye tiqiuro puhtoro niñerure cohteriquirore. Ahri deco cjēna, Cohācjũre cahmeeñequina tiquina yere quehnorire tiquina niñerure ihborire Cohācjũ yequina yuhduoro masiaga tiquina, niahye Jesu.

<sup>9</sup> Sa ni tuhasa Jesu yahu nemoahye:

—Sa yegū mũsare niita niaja. Mũsa cuoyere, pejecuoyequinare mũsa ohogū, tiquina pehe mũsare cahīeta. Mũsa sa yegū mũsa cuoye pihtiaro bato mũsa uhmusepũ esagū mũsare cahīeta topare.

<sup>10</sup> Ihyo ijiyequina ye dahrayere pototo yena, puhtoa ye dahraye gũhure pototo yenata. Ihyo ijiyequina ye dahrayere queoro yerana, puhtoa ye dahraye gũhure queoro yesi mũsa. <sup>11</sup> Sa yena ahri yehparũ mũsa cuoye mehna mũsa quehnoano yerana Cohācjũ mũsare tiqiuro ye buheye gũhure quehnoano yesi mũsa. Sa yero ti buheye cūsi tiqiuro. <sup>12</sup> Sa yena apequiro yere mũsa quehnoano ye basaeragū ihñano mũsa ye ijiatire ohosi mũsare.

<sup>13</sup> Ihcāquiro Cohācjũ pehere wacūno, tutua yuhduaro niñerure pehere wacūedare. Niñerure pehere tutua yuhduaro wacūno Cohācjũ pehere wacūedare. Niñerure dihitare cahmediquiro ijiro Cohācjũre bucuegū yerare. Cohācjũ gũhure, niñerure gũhure puarore cahme yuhduarocarobasioerare mũsare. Niñerure cahme yuhduariquiro Cohācjũre quehnoano ño peo masiedare, niahye Jesu.

<sup>14</sup> Tiquiro sa nigū tuhoye fariseo masa pehe tiqiurore bujũpeahye. Tiquina pehe niñerure cahīahye. Sa ye bujũpeahye. <sup>15</sup> Tiquina bujũpegū tuhoro Jesu tiquinare yahuahye:

—Masa tiquina ihñonore mũsa quehnoano yemene. Mũsa sa yegū “Quehnoañequina, pototo yeyequina ijire”, nimene masa mũsare. Cohācjũ pehe mũsa tuhutuyere masine. Masa “Quehnoa yuhduare”, tiquina nidire Cohācjũ pehe sijoro saha ni tuhoture. Tire ihña yabire, niahye Jesu.

Cohācjũ dutiyere, tiqiuro puhtoro ijiyere yahuahye Jesu

<sup>16</sup> Sa ni tuhasa ohō saha ni nemoahye Jesu:

—Ñu wame yeriquiro tiquiro ijiato pano Moisere tiquiro cūri dutiye mehna Cohācjū marine dutiri. Cohācjū yere yahu muhtariquina tiquina ojoari mehna gūhu marine dutiri. Yojoṛu pehere Ñu tiquiro buhe ducari bato quehnoañe buheyere, Cohācjū tiquiro puhtoro ijiye gūhure masi ducare masa. Sa masiñe masa tiquina esa tuharo tiquina tutuaye mehna Cohācjū tiquiro puhtoro ijirore saǰā duamene.<sup>17</sup> Moisere tiquiro cūri dutiyeṛu Cohācjū nidiro sahata ye pehorota tiquiro. Ūhmuse gūhu ahri yehpa gūhu pihitia wahaepēgūta Cohācjū nidiro sahata ye pehorota, niahye Jesu.

*Namonore cohāñene yahuahye Jesu*

*(Mt 19.1-12; Mr 10.1-12)*

<sup>18</sup> Sa ni tuhasa ohō saha ni nemoahye Jesu:

—Masuno tiquiro namonore cohāno, apecoro mehna omoca duhtero, ticoro mehna ñano yero nine. Apequiro tiquiro cohāricoro mehna omoca duhtero, tiquiro gūhu ticoro mehna ñano yero nine, niahye Jesu.

*Doeri cjē upuro, pejecuoriquiro queoyere yahuahye Jesu*

<sup>19</sup> Sa ye queoye mehna yahuahye Jesu:

—Ti pjeṛe doeri cjē upuro ijie tiahye. Tiquiro suhti pehe wapa buju yuhduahye. Sa yero decoripe quehnoañe dihitarē ih-yaro, peye cuoahye tiquiro.<sup>20</sup> Sa yero ti pjere apequiro pejecuoriquiro, Lázaro wame tiriquiro ijie tiahye. Tiquiro pagu peye cami tiriquiro ijiahye. Sa ye apequina pehe tiquirore doeri cjē upuro ya wahu cjā sahrino caharu ne sae tiahye.<sup>21</sup> Sa yero pejecuoriquiro pehe doeri cjē upuro tiquiro ihyari mesa docaru yehparu dujuro tiquiro ihya site dijioyere ihyaē timahye. “Tiquiro ihya site dijiorire ihyagu yapigūta yahu”, ni, tuhote timahye tiquiro. Sa ye dayeay tiquiro camine nehneñe ahtae tiahye.

<sup>22</sup> Sa yero pejecuoriquiro tiquiro yariaa wahagū, Abrahā caharu paraíso wame tioru angele tiquirore ne mujahye. Sa yero doeri cjē upuro gūhu tiquiro batogāta yariaa wahahye. Tiquiro yariagū tiquirore yahye.<sup>23</sup> Sa yero doeri cjē upurore tutuaro peca ujūahye. Sa yero pecaru ijiro ūhmuseṛu ijirore Abrahāre ihñahye. Lázaro gūhure ihñahye.<sup>24</sup> Ihña tuhasa,

tiquiro Abrahāre pisuahye. “Yuhu acayu Abrahā, paja ihñaña yuhure. Pecaru yuhu ñano yuhdugu niaja. Yuhu sa wahagū Lázaro yuhure ohoya. Sa yero acore tiquiro omo piriaru soha, yuhu ñehmenore aco mehna nehono ahtaahro. Tire yusuoahro tiquiro”, niahye doeri cjē upuro.<sup>25</sup> Tiquiro sa nigū Abrahā tiquirore yahuahye: “Yuhu acayu, catiguru mahu ijipihitiye quehnoañene cuori. Lázaro pehe decoripe ñano yuhduri. Yojoṛu pehere mahu ñano yuhdugū tiquiro pehe ohōṛe bucueye mehna ijiro nine.<sup>26</sup> Sa ye mari watoa uhcuari cope ijire. Sa ye ohōre ijieyquina toru waha masiedare. Sa ye toru ijieyquina ohōṛe ahta duayequina ahta masiedare”, niahye Abrahā doeri cjē upurore.<sup>27</sup> Tiquiro sa nigū doeri cjē upuro ohō saha ni nemoahye: “Yuhu acayu, tutuaro siniaja mūhure. Lázaro yuhu pacu ya wuhuru ohoya.<sup>28</sup> Yuhu ihcā omopequina bahana tii. Lázaro tiquinare yahuahro. Tiquina ohōre ñano yuhduropure ahtaeracāhdo”, niahye tiquiro.<sup>29</sup> Sa nigū Abrahā pehe yuhtiahye: “Cohācjū dutiyere Moise marine cūrire, Cohācjū yere yahu muhtariquina tiquina ojoarire cuore mahu bahana. Sa ye mahu bahana tireta tuhoahro”, niahye Abrahā.<sup>30</sup> Tiquiro sa nigū doeri cjē upuro pehe yuhtiahye: “Yuhu acayu Abrahā, tire cuoepeta quehnoano tuhosi. Lázaro yariariquiro masa bajua, tiquina caharu esagū ihñañe tiquina pehe ñañene bujua witi, quehnoañe pehere comesaeta. Sa ye quehnoañene yeeta yuhu bahana pehe”, niahye doeri cjē upuro manano.<sup>31</sup> Tiquiro sa nigū Abrahā pehe yahuahye: “Mahu bahana Moise cūri pū tiquiro yahuyere, Cohācjū yere yahu muhtariquina muna tiquina yahuyere tuho dueyequina ijire. Sa ye Lázaro yariariquiro manano masa bajuepegūta tiquina Cohācjūre tuho duasi”, niahye Abrahā, ni, yahuahye Jesu.

## 17

*Ñañene yegū cuarine*

*(Mt 18.6-7, 21-22; Mr 9.42)*

<sup>1</sup> Sa ye Jesu yahuahye tiquiro buheyequinare:

—Masare ñañe yegū yeye peye ijire. Sa yeye masa ñañene yere. Ti sa ijiepegūta masunore ñañene yegū yeriquiro pehe ña

yuhduaro yuhdurota. <sup>2</sup> Masunore tiquiro wamuaru pajiria utare duhte yo, pajiri maru tiquirore cohagü ñano wahaboaga tiquiro. Apequiro pehe ahriquinagã mehna cjünogãre ñañene yegü yero pajiri maru tiquina cohãriquiro yuhduoro ñano yuhdurota. Tiquirore tutuaro buhiri dahrero cahmene. <sup>3</sup> Quehnoano yeya musa. Musa acayuro ñano tiquiro yegü ihñana “Yeracãhña”, niña tiquirore. Sa yena tiquiro ñañene bujua witigü, quehnoañene comesagü musa pehe tiquiro ñañe yeyere boya. <sup>4</sup> Sa yero musa acayuro ihcã decota siete tahari musare ñano tiquiro yegü musare tiquiro bo dutigü boya. “Pari turi mähare ñano yesi”, siete tahari tiquiro nigü tope taharita tiquiro ñano yerire boya, niahye Jesu.

*Cohãcjüre wacü tutuayere yahuahye Jesu*

<sup>5</sup> Sa ye Jesu buheyequina tiquirore ohõ saha niahye:

—Cohãcjüre usãre quehnoano wacü tutuana nemogü yeya, niahye tiquina Jesure.

<sup>6</sup> Tiquina sa nigü Jesu yuhtiahye:

—Mostaza capegã meheni pjegã ijire. Ti yero saha Cohãcjüre mehenogã wacü tutuana, ohõ saha wahagü ye masinata musa: Ahdu yucugure ohõ saha ni masine: “Muhü yucugü muhü basi duhtu cã, pajiri maru bora ñjoañã”, ni masine musa. Musa sa nigü tu yucugü pehe musa dutiro sahata waharota, niahye Jesu.

*Dahra cohteriquiro tiquiro dahrayere yahuahye Jesu*

<sup>7</sup> Came ahri quitire yahuahye Jesu:

—Musare dahra cohteriquiro ijiro weseper tanare. Sa yero ovejare ihña ihbore. ¿Dahra cohteriquiro tiquiro tojoa wihigü dahse niboagari musa tiquirore? ¿“Sojaro mehna ahtaya. Muhü ihyaye ohõpu ijire”, niboagari musa? <sup>8</sup> Sa niedare musa. Tiquirore ohõ saha nine musa: “Yuhü ihyayere doha quehnoña. Sa yegü yuhü ihya sihniügü yuhure cohteya. Yuhü bato muhü gühü ihya sihniña”, nine musa dahra cohteriquirore. <sup>9</sup> Dahra cohteriquiro musa dutiyere tiquiro yegü tiquirore “Quehnoare”, niedare musa. Tiquiro dahraye dihitare yero niaga tiquiro. <sup>10</sup> Musa gühü tiquiro yero saha ijire. Cohãcjü dutiriro sahata ye pehona ohõ saha ni,

tuhotuya musa. “Usã gühü dahra cohtena dihita ijiaja. Ihyo ijina ijiaja usã. Usã dahraye dihitare yei usã”, ni, tuhotuya musa, niahye Jesu tiquiro buheyequinare.

*Pua omopequina cami bucü muna wi-hare yuhduoahye Jesu*

<sup>11</sup> Ape deco Jerusalëpu Jesu waharo niahye. Topu waharo Samaria yehpa, Galilea yehpa, ti pua yehpa watoa yuhdu cahye.

<sup>12-13</sup> Ape macaru wahari maharu tiquiro tinigü pua omopequina cami bucü muna wiha pehe tiquirore piti cahye. Sa ye yoa cjünopu ducuye pisuahye:

—Jesu, puhto, usãre paja ihñaña, niahye tiquina.

<sup>14</sup> Sa nigü tiquinare ihña, yahuahye Jesu:

—Pahire musa pagurire quehnoañe paguri musa waharire ihñona wahaya, niahye tiquinare.

Sa nidi bato tiquina wahari watoa quehnoa wahahye. <sup>15</sup> Sa yero ihcãquiro tiquina mehna cjüno quehnoano tiquiro pagu wahagü ihñano, Jesu caharu majare tojoa tahye. Sa tojoa taro tutuaro mehna Cohãcjüre ño peoahye. “Cohãcjü tutuariquiro, quehnoariquiro ijire”, ni, ño peoahye tiquiro. <sup>16</sup> Sa nino tiquiro Jesu dahpocãri caha dusepe curi mehna quehe sa, “Quehnoare”, niahye tiquiro. Samaria cjüno ijiahye. <sup>17</sup> Tiquiro sa yeri bato Jesu ohõ saha ni sinituahye:

—Pua omopequina ijiri masa quehnoa wahariquina. ¿Apequina nueve dahsayequina pehe nohopu ijiagari tiquina?

<sup>18</sup> Ahriquiro ape yehpa cjüno dihita Cohãcjüre “Quehnoare”, nino taro tojoa tari. ¿Dahse ijiro boro apequina ahtaerajari? niahye Jesu.

<sup>19</sup> Sa ni tuhasa Jesu yahuahye dusepe curi mehna quehe sariquirore.

—Wahcãducaya. Wahaya. Muhü Cohãcjüre wacü tutuagu, yuhdure muhü, niahye Jesu tiquirore.

*Cohãcjü tiquiro puhtoro ijiatire yahuahye Jesu*

(Mt 24.23-28, 36-41)

<sup>20</sup> Ti pjere meheñequinagã fariseo masa Jesure sinituahye:

—¿Dahse ijigü Cohãcjü puhtoro iji ducarotari? niahye tiquina.

Tiquina sa nigü Jesu yuhtiahye:

—Cohācjū tiquiro pūhtoro iji dūcagū masa ihña masiedare. <sup>21</sup>“Cohācjū puhtoro ijiye ohōpū ijire”, ni masiedare. “Sohōpū ijire”, ni masiedare. Cohācjū tiquiro puhtoro ijiye masa tiqina tuhotuyepū ijire, niahye Jesu fariseo masare.

<sup>22</sup>Sa ni tuhasa Jesu tiquiro buheyequinare ohō saha ni yahuahye:

—Came yūhū masū Cohācjū ohorigū ahri yehparū yūhū tojoa tatire tutuaro cahmenata mūsa. Mehenogā yūhūre ihña duepenata yūhūre ihñasi mūsa. Mūsa yūhūre sa ihña duepegāta ti pjere ahtasi yūhū. <sup>23</sup>Apequina mū sare ohō saha nieta. “Tiquirore ihñaña. Cristo ijire. Ahriquirōre ihñaña. Cristo ijire”, nieta mū sare. Tiquina sa niepegāta tiquinare tuhoeracāhña. <sup>24</sup>Ūpo miadoqueoro wacūeno mehna ti mia sitedoqueoro sahata yūhū gūhū masū Cohācjū ohorigū wacūeno mehna tojoa tautja. <sup>25</sup>Ahrire yūhū yeato pano yūhū tutuaro ñano yūhduta. Sa ye yojo pū cjēna yūhūre cahmesi. <sup>26</sup>Noé tiquiro ijiri pje cjēna tiqina ijiriro sahata yūhū masū Cohācjū ohorigū yūhū tojoa tagū sata ijietā masa.

<sup>27</sup>Noé tiquiro ijiri pjere ijipihtiyequina masa sa iyaducue tiahye. Sa ye sihniducue tiahye. Ūmua, numia mehna omoca dūhtee tiahye. Noé pajiria yucūsapū tiquiro sajāto pano Cohācjū tiquinare tiquiro mioato pano ti ijipihtiyere masa yeducue tiahye. Sata ijirota yūhū tojoa tagū gūhūre. <sup>28</sup>Lote tiquiro ijiri pje cjēna tiqina ijiriro sahata yūhū tojoa tagū ijietā masa. Lote tiquiro ijie tiri pjere masa ihya, sihni, dú, dua, wesorire ote, wūhūse yeahye. <sup>29</sup>Tiquina sa yeri watoa Sodoma wame tiri macapū ijiriquiro Lote tiquiro wahari deco ūhmūse cjā peca, peca asiye paca utā pjeri gūhū acoro ahtaro saha tiqina bui bora pje, tiquinare wejē pehoe tiahye. <sup>30</sup>Yūhū masū Cohācjū ohorigū wacūeno mehna yūhū tojoa tagū tiqina yero sahata yeyequina ijietā masa ti pjere.

<sup>31</sup>Ti pjere ihcāquiro tiquiro ya wūhū bui cjā paapū quehnoari paapū ijiriquiro wūhū puhiapū tiquiro ye ijigū tire neno wahaeracāhdo tiquiro sojaro mehna wahato saha. Sa yero wesepū ijiriquiro gūhū ti pjere tiquiro ya wūhūpū piheracāhdo tiquiro sojaro mehna wahato saha. <sup>32</sup>Lote namono ticoro waharire wacūña mūsa. <sup>33</sup>Masūno

yūhūre wacūno marieno tiquiro esa tuharo tiquiro cahmeno saha yero, pecapū waharota. Sa yero yeere sa yeducuriquiro ijipihtiyē decori yūhū mehna ūhmūse pū ijirota.

<sup>34</sup>Ti ñamine pūaro ihcā cuñanopū carīnequinare ihcāquiro yūhūre cahmeniquirore neitja. Sa yero yūhūre cahmedariquiro topū tojoarota. <sup>35</sup>Ti pjere pūaro numia ihcānopū tiqina trigore tu mutoñe numiare ihcācōro yūhūre cahmenicōrore neitja. Sa yero yūhūre cahmedaricōro topūta tojoarota. <sup>36</sup>[Sa ye wesepū pūaro dahrayequina tiqina ijigū ihcāquirota neitja. Ihcāquiro topū tojoarota,] niahye Jesu.

<sup>37</sup>Sa nigū tiquiro buheyequina pehe sinituahe tiquirore.

—¿Nohopū sa waharotari? ni sinituahe tiqina.

Tiqina sa nigū Jesu yahtiahye:

—Masa tiqina ñano yeducuripū, topū Cohācjū buhiri dahrerota tiquinare, niahye Jesu.

## 18

*Wape wihoro ticoro buhiri dahre dutiye queoyere yahuahye Jesu*

<sup>1</sup>Sa ye Jesu tiquinare Cohācjūre sinifēne yahuro ohō saha niahye:

—Mūsa Cohācjūre sinina, cohteya tiquiro yahtiatire. Yoari pje cohtepenata bujua witierracāhña. Tiquirore sinina duhueracāhña, niahye Jesu.

<sup>2</sup>Tiquiro sa nidire buhero taro ahri queoye mehna yahuahye tiquinare:

—Ape macapū tiqina buhiri dahre dutiriquiro ijiahye. Tiquiro Cohācjūre ño peoerahye. Sa yero masa gūhūre ño peoerahye. <sup>3</sup>Sa yero wape wihoro gūhū topū ijiahye. Ticoro tiquiro cahapū sa majareno ohō saha niahye: “Yūhūre ihña tuhtiriquirore buhiri dahre dutiya mūhū. Yūhūre ni cahmota basaya”, ni siniducuahye ticoro tiquirore. <sup>4</sup>Ticoro sa nigū peye tahari tiquiro “Yesi yūhū”, nimahye ticorore. Tiquiro sa niepegāta ticoro peye tahari sa siniducuro tiquirore ni cariboro ye cāmahye. Ticoro caribogū, ohō saha niahye tiquiro basi. “Yūhū Cohācjūre, masa gūhūre ño peoeraja. <sup>5</sup>Yūhū sa ño peogū yūhū ijiepegāta ahricoro pehe

yuhure caribo ye cāmaga. Yuhure sa cariboro yuhure caributigā yerota ticoro. Sa ni yahusāducugū ticorore ihña tuhtiriquireore buhiri dahre dutiitja”, niahye buhiri dahre dutiriquireo, niahye Jesu.

<sup>6</sup> Sa nino Jesu tiquireore yahu nemoahye:

—Sa niahye ñariquireo buhiri dahre dutiriquireo. Tiquireo nidire wacūña masa. <sup>7</sup> Tiquireo yahduoro Cohācjū pehe tiquireo yequina tiquireo beseriquinare ñamipū, decopā tiquireo sinidiquinare yuhtiro, yedohorota. <sup>8</sup> Musare niita niaja. Cohācjūre tiquina sinidiro sahata duita tiquireo yedohorota. <sup>9</sup> Tiquireo sa yuhtiriquireo ijiepegūta yuhū masū Cohācjū ohorigū ahri yehpapū tojoa tagū Cohācjūre wacū tutuayequinare bocaboagari yuhū? niahye Jesu.

Ñaro masa Cohācjūre tiquina siniñe quitire yahuahye Jesu

<sup>9</sup> Sa ye apeye quitire mehna ohō saha ni yahuahye Jesu: “Usā pehe quehnoana ijiaja. Apequina pehe ñano yeyequina ijire”, ni, tuhtuyequinare ahri quitire yahuahye:

<sup>10</sup> —Cohācjū ya wuhupū ñaro umū Cohācjūre siniñe wahahye. Ihcāquireo fariseo masūno ijiahye. Apequireo wapa ne cohteriquiro ijiahye. <sup>11</sup> Sa yero fariseo masūno pehe ducu, ohō saha ni yahuahye Cohācjūre: “Yuhū yaquerigū, ñañene yerigū, numia mehna ñano yerigū ijieraja. Apequina yero saha ijieraja. Ahriquireo wapa ne cohteriquiro yero saha ñagu ijieraja. Sa yegū mahure ‘Quehnoare’, niaja Cohācjū. <sup>12</sup> Yuhū semanaripe pua decore mūhū yere yegū sijiaja. Sa yegū pua omope cjoeri niñeru cjoerire wapatagū ihcā cjoere mahure ohoaja”, niahye fariseo masūno Cohācjūre. <sup>13</sup> Sa yero wapa ne cohteriquiro pehe yoaropū muhri yo ducu, tiquireo ñañene bujua witi, ummusepūre ihñedahye. Tiquireo ñañene bujua witiquireo ijiro tiquireo cutirore quē ohō, siniyahye Cohācjūre: “Cohācjū, yuhū ñagu ijiaja. Sa yegū mūhū paja ihñaña yuhure”, niahye tiquireo Cohācjūre. <sup>14</sup> Musare niita niaja. Ahriquireo wapa ne cohteriquiro pehere tiquireo ya wuhupū tojoagū Cohācjū pehe “Mūhū ñañene cohā tuhasau”, niahye tiquireore. Apequireo fariseo masūnore “Mūhū ñañene cohāu”, niedahye Cohācjū. “Yuhū quehnoagu

ijiaja”, nidiquireo Cohācjū ihñagū ñariquireo ijire. “Yuhū ñagu ijiaja. Sa yegū yee ñañene bujua witiāja”, nidiquireo Cohācjū quehnoariquireo ijigū yerota tiquireore, niahye Jesu.

*Macanagāre tiquina ye ijiatire Cohācjūre sini basahye Jesu*

(Mt 19.13-15; Mr 10.13-16)

<sup>15</sup> Sa ye masa tiquina pohnene macanagāre Jesure ña peo dutiye tehe, tiquireo cahapū ne wihiahye. Tiquina sa yegū ihñañe Jesu buheyequina tiquinagāre ne wihyequinare tuhtiahye. <sup>16</sup> Tiquina sa tuhtigū ihñano Jesu macanagāre pijioahye tiquireo cahapū. Pijio tuhasa ohō saha niahye tiquireo buheyequinare:

—Macanagā yuhū cahapū ahtaahro. “Waharisa”, niedacāhña tiquinagāre. Tiquinagā Cohācjūre tiquina puhtoro tuhoture. Sa ye Cohācjū puhtoro ijipore ahriquinagā yero sahata tuhotuyequina ijire topūre. <sup>17</sup> Potota niita niaja musare. Ahriquinagā Cohācjūre tiquina cahmeno saha masa pehe cahmedana, tiquireo cahapū wahasi masa. Masa wahaeragū masa puhtoro ijisi tiquireo, niahye Jesu.

*Doeri cje upuro Jesure sinituahye*

(Mt 19.16-30; Mr 10.17-31)

<sup>18</sup> Tiquireo sa nidi bato judio masa puhtoa mehna cjuño Jesure sinituahye:

—¿Ne, quehnoagu, buhegu, ijipihtiyere decori Cohācjū mehna iji duagu, duhse yeboagari yuhū? niahye tiquireo.

<sup>19</sup> Tiquireo sa nigū Jesu yuhtiahye:

—¿Duhse ijiro boro yuhure “Quehnoagu”, ni pisujari mūhū? Cohācjū dihita quehnoariquireo ijire. <sup>20</sup> Ahri Cohācjū dutiyere masine mūhū. “Wuana tieracāhña. Masare wejēdacāhña. Yaqueracāhña. Ni mehoedacāhña. Masa pacsumare ño peoya”, ni, sa ye dutire Cohācjū. Sa yegū tire yeya mūhū, niahye Jesu.

<sup>21</sup> Tiquireo sa nigū Jesure yuhtiahye:

—Tire ijipihtiyere yuhū coā wahmū cāhtagū ijigaputa yuhūducaerahti, niahye tiquireo.

<sup>22</sup> Tiquireo sa nigū tuhoro, Jesu tiquireore ohō saha ni yahuahye:

—Mehenogā duhsare mūhure mūhū ye pehoati. Ijipihtiyere mūhū yere duagu wahaya. Sa yegū ijipihtiyere mūhū wapatari niñerure pejesuoyequinare ohoya. Mūhū

sa yegū peye mūhu ye uhmūsepu, Cohācjū cahapu ijirota. Sa ye tuhasagu yūhu mehna cjū ijiacju ahtaya, niahye Jesu tiqiore.

<sup>23</sup> Tiquiro sa nigū tuhoru tiqiore pehe peye doeri cjē cuoriqiore ijiro tire pe-  
jecuoyequinare oho dueraro, tutuaro bujua witi, wahaa wahahye.

<sup>24</sup> Tiquiro sa bujua witiġū ihñano Jesu ohō saha ni yahuahye apequinare:

—Doeri cjē opana Cohācjū tiqiore puh-  
toro ijiropure tiquinare waharo basioera  
cjūre. <sup>25</sup> Camello pehe awia copepu tiqiore  
sajā duagū basioerare tiqiore. Tiquiro  
sa ijiro yūhdūoro doeri cjē upuro Co-  
hācjūre cahmedaro, Cohācjū tiqiore puh-  
toro ijiropure waharo basioerare, niahye  
Jesu.

<sup>26</sup> Tiquiro sa nigū tiqiore tuhoyequina  
ohō saha niahye:

—Aa, duhse tiqiore nino saha potu iġigū,  
ne ihcāqiuro masūno Cohācjū cahapu waha  
masiedaboaga, niahye tiquina basi.

<sup>27</sup> Tiquina sa nigū Jesu yuhtiahye:

—Masa tiquina esa tuharo quehnoano  
yeri mehna Cohācjū cahapu waha  
masiedare. Cohācjū pehe masare pecapu  
wahaboriquinare yūhdūo masine. Tiquiro  
ijipihtiyere quehnoano ye masi peho cāre,  
niahye Jesu tiquinare.

<sup>28</sup> Tiquiro sa nigū Pedro tiqiore ohō  
saha niahye:

—Tuhorñā. Uśā pehe ijipihtiyē uśā  
yere cū cāu mūhu mehna wahana, niahye  
tiqiore Jesure.

<sup>29</sup> Tiquiro sa nigū Jesu ohō saha niahye:

—Potota musare niita nijaja. Mūsa  
Cohācjū yere yena tana mūsa wūhūse,  
mūsa pacūsumūare, mūsa bahanare, mūsa  
namosānumiare, mūsa pohūare cūrina  
ijina pajiro wapatanata mūsa yoġopure.  
<sup>30</sup> Mūsa cūri yūhdūoro wapatanata. Sa yena  
mūsa yariari bato ijipihtiyē decori Cohācjū  
mehna iġinata mūsa, niahye Jesu tiquinare.

*Pari turi Jesu tiqiore yaria masa wijiatiire  
yahuahye*

(Mt 20.17-19; Mr 10.32-34)

<sup>31</sup> Sa ye Jesu doce tiqiore buheyequinare  
neahye. Sa neano tiquinare yahuahye:

—Tuhoja yūhure. Yoġopure mari  
Jerusalēpu wahana nijaja. Topu yūhure  
masure Cohācjū ohorigure Cohācjū yere  
yahu mūhtariquina panopu tiquina  
yahuriro sahata sa yeeta yūhure. <sup>32</sup> Topu

masa yūhure ñeheñe, judio masa ijieye-  
quinare ohoeta yūhure. Yūhure tiquina  
ohori bato tiquina yūhure bujūpe, ñano  
ni, yūhure sihco puti ohōeta. <sup>33</sup> Sa ye yuta  
dari mehna tana tuhasa wejēeta yūhure. Sa  
yegū ihtia deco wahaboro masa wijiagūta  
yūhu, niahye Jesu tiquinare.

<sup>34</sup> Tiquiro sa ni yahurire quehnoano  
masiedahye tiqiore buheyequina. Cohācjū  
tire tiquinare quehnoano masigū yerani-  
ahye.

*Caperi bajueriquore ihñagū yeahye Jesu  
(Mt 20.29-34; Mr 10.46-52)*

<sup>35</sup> Sa ye Jesu gāhu Jericó wame tiri  
maca cahagāpu esahye. Topu caperi ba-  
jueriquiro maha duhtu caha duji, niñeru  
sinino niahye. <sup>36</sup> Sa yero masa peyequina  
tiqiore caha yūhdūagū tuhoru sinituahye  
tiquinare:

—¿Duhse ijiro boro masa peyequina  
yūhdūajari? ni sinituahye tiqiore.

<sup>37</sup> —Jesu Nazare cjāno waharo nine, ni,  
yahuahye apequina tiqiore.

<sup>38</sup> Tiquina sa ni yahugū tuhoru tiqiore  
sañuducuahye:

—Jesu, Davi mūnāno panami iġi turiagu,  
masare yūhdūoacju, yūhure paja ihñāña, ni  
sañuducuahye Jesure.

<sup>39</sup> Tiquiro sa nigū tiqiore caha ihñadu-  
cuyequina pehe, “Dihta mariañña”, ni tuh-  
tiahye tiqiore. Tiquina sa ni tuhtiepegūta  
to pano tiqiore sañuducuriro yūhdūoro  
sañuducu nemoahye tja:

—Davi mūnāno panami iġi turiagu,  
masare yūhdūoacju, yūhure paja ihñāña,  
ni sañuducuahye tiqiore.

<sup>40</sup> Tiquiro sa ni sañuducugū tuhoru, Jesu  
pehe esadūca, “Pijioya tiqiore”, niahye.  
Tiquiro sa nigū tiquina pehe caperi ba-  
jueriquore piji cāhye. Tiquina sa piji  
cāgū Jesu cahapu esagū Jesu pehe tiqiore  
sinituahye:

<sup>41</sup> —¿Duhse yūhu yegū cahmeajari mūhu?  
niahye Jesu.

—Yūhu puhto, yūhure ihñagū yeya, ni  
yuhtiahye caperi bajueriquiro.

<sup>42</sup> —Ihñāña. Yūhure wacū tutuagu,  
quehnoa wahare mūhu, niahye Jesu  
tiqiore.

<sup>43</sup> Tiquiro sa nigūta caperi bajueriquiro  
ihñaa wahahye. Sa quehnoa waharo,  
tiqiore Jesu mehna wahahye. “Cohācjū

tutuariquiro ijire”, niahye tiquiro. Sa ye masa peyequina caperi bajueriquiro ihñagü ihñañe “Cohäcjö quehnoariquiro, tutuariquiro ijire”, niahye tiquina güñu.

## 19

### Zaqueo Jesure piti cahye

<sup>1</sup> Sa ye Jesu Jericópu esa, ti macapu yuhdu cáno taro niahye. <sup>2</sup> Doeri cjé upuro Zaqueo wame tiriquiro wapa ne cohteyequina pñhtoro topu ijiahye. <sup>3</sup> Sa yero tiquiro Jesure “¿Diquiro boro ijiagari?” ni ihña masino taro Jesure ihña duamahye. Sa tiquiro ihña duepegüta ñhmuediquirogä ijigü masa peyequina tiquirogäre cahmatahye. <sup>4</sup> Sa yero tiquiro masare oma yuhdu cá, sicómoro wame tidu yucugurpu mujahye Jesure ihñano taro. Came cjünogä tü cahapu Jesu yuhduaro taro niahye. Sa yero Zaqueo tñpu cohtero niahye. <sup>5</sup> Tiquiro sa cohte pesari watoa Jesu pehe tü dahpotopu esadaca, Zaqueore ihña müo, tiquirore pisuahye:

—Zaqueo yojopure mühu ya wuhñpu tojogutja. Sa yegü sojaro mehna dijia taya, niahye Jesu.

<sup>6</sup> Tiquiro sa nigü Zaqueo pehe sojaro mehna dijia ta, tutuaro bucueye mehna tiquiro ya wuhñpu waha dutiahye Jesure. <sup>7</sup> Tiquiro sa piti cagü ihñañe, ijipihtiyequina masa tiquina basi ohö saha ni yahuducuahye:

—Ahriquiro Jesu ñariquiro ya wuhñpu tinino waha duare, ni, yahuducuahye ijipihtiyequina tiquina basi.

<sup>8</sup> Zaqueo pehe piti ca tuhasa topu ducuro, Jesure yahuahye:

—Pñhto, tuhoya yuhñure. Ijipihtiye yeere deco mehna pejesuoyequinare ohoutja. Sa yegü yuhñu arequirore cien niñeru cjoerire ni meho ehmarigü ijigü, cuatro cientos niñeru cjoerire wapa ye bui peoutja tiquirore, niahye Zaqueo Jesure.

<sup>9</sup> Tiquiro sa nigü Jesu pehe yahuahye tiquirore:

—Miare müñure müñu ya wuhñpu ijiyequina güñure pecapu wahaboriquinare Cohäcjö yuhduo tuhasare. Müñu güñu Abrahä munano acayü ijire. <sup>10</sup> Yuhñu masu Cohäcjö ohorigu pecapu wahaboriquinare macagü ahtagü nii. Topu wahaboriquinare

quehnoano yuhduogu ahtagü nii, niahye Jesu Zaqueore.

*Niñeru cjoeri uru cjoeri quitire yahuahye Jesu*

(Mt 25.14-30)

<sup>11</sup> Sa ye tiquirore tuhoyequinare Jesu apeye queoye mehna yahuahye. Mehenogä dahsahye Jerusalëpu tiquiro esato. Sa ye tiquirore tuhoyequina ohö saha ni tuhoutuahye: “Cohäcjö pñhtoro yojopure iji ducaro taro nine”, ni, tuhoutuahye tiquina. <sup>12</sup> Tiquina sa ni tuhoutuagü Jesu yahuahye tiquinare:

—Ihcäquiro pñhtoro macño pñhtoro sajätiquiro yoraropu ape yehrapu waharo taro niahye. Topure esagü ihñano tiquina tiquirore pñhtoro söñe tee niahye. Came tiquiro ya wuhñpu tojoa wihiro taro niahye. <sup>13</sup> Coä warore tiquiro wahato panore pñhtoro pña omopequina dahra cohteyequinare pijioahye. Sa pijioro, tiquiro tiquinare tiquinape cjoeri niñeru cjoeri wapa büjuye cjoeri uru cjoerire ohoahye. Oho tuhasa, yahuahye tiquinare: “Yuhñu mariedagü ahri niñeru mehna müsa wapata nemoatire macaña”, niahye tiquiro dahra cohteyequinare. <sup>14</sup> Sa ye tiquiro ya maca cjënata tiquirore cahmedahye. Sa cahmedaye, apequinare tiquirore pñhtore yahu dutiye ohoahye. “Müñu usä puhto ijigü cahmedaja usä”, niahye tiquina yahu dutiriquina pehe. <sup>15</sup> Sa tiquina cahmedapegüta came tiquina pñhtoro sajähye tiquiro. Pñhtoro sajä tuhasa tiquiro ya wuhñpu tojoa tahye.

<sup>16</sup> Sa tojoa wihiro dahra cohteyequinare tiquiro ye niñeru mehna tiquina wapata nemore masino taro, tiquinare pijioahye. <sup>17</sup> Tiquiro pijiori bato, wihi mühtariquiro tiquirore yahuahye: “Pñhto, müñu niñeru cjoer, yuhñure müñu ohori cjoer mehna pña omope cjoeri wapata nemou yuhñu”, niahye dahra cohteriquiro pñhtore. <sup>18</sup> “Quehnoano yeaya müñu. Müñu quehnoagu dahra cohtegu ijire. Müñu mehenogä mehna yuhñu dutiriro sahata ye pehogü ijigü yojopu pña omope macari cjëna tiquina pñhto ijiacju wahagüta müñu”, niahye pñhtoro dahra cohteriquirore. <sup>19</sup> Tiquiro bato wihiriquiro tiquiro mehna cjëno ohö saha niahye: “Pñhto, müñu ya cjoer niñeru cjoer yuhñure müñu ohori cjoer mehna ihcä omope cjoeri

wapata nemou yuhū gūhū”, ni yahuahye tiqiro pūhtoro. <sup>19</sup> “Ihcā omope macari cĵēna pūhto ijiaçjū wahagata mūhū”, niahye pūhtoro tiqirore. <sup>20</sup> Tiquiro sa nidi bato apequiro dahra cohteriquiro wihi, yahuahye: “Pūhto, mūhū niñeru cĵoe ohō ijire. Suhtiro cahsero mehna coma, ti cĵoere ihbou. <sup>21</sup> Mūhū tutuaro dahra dutigū ijire. Sa tutuaro dahra dutigū ijigū mūhū basi oterapeguta ti ducare nene mūhū. Sa yegū mūhūre cue nii”, niahye tiqiro pūhtoro “Ti cĵoe mehna wapataerū yuhū”, ni yahuro. <sup>22</sup> Tiquiro sa nigū tiqiro pūhtoro ohō saha niahye: “Mūhū sa nigū ñagu ijire mūhū. Yūhūre mūhū sa nidi buhiri mūhūre buhiri dahregutja yuhū. Yuhū mūhūre tutuaro dahra dutigū yuhū ijigū masine mūhū. Apequina yere yuhū negū yuhū oterarigū ijiepeguta ducare negū yuhū ijigū masine mūhū. <sup>23</sup> Yuhū sa ijigū ihñapeguta ya cĵoere niñeru ihbori wūhūpū cūedahya mūhū. Tire tiquina wasori wapa wapata nemoboaya mūhū. ¿Dūhsegū sa yerari mūhū? Tire mūhū yegū tojoa wihigū wapata nemoboaya yuhū”, niahye tiquina pūhtoro. <sup>24</sup> Sa ni tuhasa tiqiro cahapū ducuyequinare dutiahye: “Niñeru cĵoere ehmaña tiqirore. Pūa omope cĵoerire cūoriquirore ohoya”, niahye pūhtoro. <sup>25</sup> Tiquiro sa nigū tiquina pehe yahuahye tiqirore: “Pūhto, pūa omope cĵoeri cūoriquiro peye cūo tuhasare”, niahye tiquina. <sup>26</sup> Tiquina sa nigū pūhtoro yūhtiahye: “Mūsare niita niaja. Ijipihtiequina cūoyequinare oho nemoutja. Cūeriquiro pehere mehenogā tiqiro cūoepēgūta tire ehmagūtja. <sup>27</sup> Yojoṗū pūritare yūhūre ihñā tuhtieyequinare yūhūre tiquina pūhtoro iji dutierariquinare yuhū cahapū ne cāhtaya. Sa yena yuhū ihñonopū wejēña tiquinare”, niahye pūhtoro dahra cohteyequinare, ni, buheahye Jesu.

*Jerusalēpū esahye Jesu*

*(Mt 21.1-11; Mr 11.1-11; Jn 12.12-19)*

<sup>28</sup> Sa ni tuhasa Jesu apequina pano Jerusalēpū wahahye. <sup>29</sup> Tiquiro Betfagē wame tiri maca cahapū Betania wame tiri maca cahapū esa, cūnū Olivo wame tidū cahapū esa mūhtahye. Jerusalēpū tiqiro esato mehenogā dūhsatjāhye. Sa yero

pūaro tiqiro buheyequinare Jesu ohoro ohō saha niahye:

<sup>30</sup> —Si macapū burrogāre nena wahaya. Topū esana, burrogāre tiquina dūhte do-coriqirogāre boca sanata. Apequina pe-samehnediqirogā ijiaga. Tiquirogāre bocana, yuta dare pā, ne cāhta basaya yūhūre. <sup>31</sup> Mūsa sa yegū ihñano, burrogā upuro “¿Dūhsena burrogāre pājari?” tiqiro nigū tūhona ohō saha ni yūhtiya tiqirore: “Mari pūhtoro burrogāre cahmedoqueo nidi”, ni, yahuya tiqirore, ni yahu duti ohoahye tiqiro buheyequinare pūarore.

<sup>32</sup> Tiquiro sa nigū tiquina pūaro pehe tiqiro nidiroṗ esahye. Tiquina sa esagū ijipihtie Jesu tiqiro nidiro sahata ijiyahye. <sup>33</sup> Sa ye tiqirogāre tiquina pāgū ihñāne tiqirogā opana tiquinare sinituahye:

—¿Dūhsena yena tana mūsa yuta dare pā-jari burrogāre? ni, sinituahye tiquina.

<sup>34</sup> —Mari pūhtoro burrogāre cahmedoqueo nidi, ni yūhtiahye tiquina.

<sup>35</sup> Sa ni yahu tuhasa tiqirogāre Jesu cahapū ne sahye. Ne sa tuhasa tiquina bui cĵē suhtire tiqirogā bui seō peo, tiqirogā buiṗ Jesu mūja pĵegū yedohoahye tiquina.

<sup>36</sup> Jesu tiqirogā bui pesagū tiqiro wahato pano masa tiquina bui cĵē suhtire tu we ne, mahapū seō cū mūhtahye Jesure ño peoye.

<sup>37</sup> Sa ye tiquina Jerusalē cahagāpū esa, Olivo wame tidūpū dijia tari mahapū esahye. Topū Jesu buhegū tūhoyequina peyequina ijipihtie Cohāçjū tutuaye mehna tiqiro ye ihñorire, tiqiro quehnoañe yerire tiquina ihñarire wacūñe, Cohāçjūre “Quehnoagu, tutuagu ijire”, ni sañuducuahye. Sa ye tutuaro sañuducu, Cohāçjūre ño peoye, ohō saha niahye:

<sup>38</sup> —Ahriqiro Cohāçjū tiqiro ohoriquirore, mari pūhtoro Cohāçjū quehnoano yeahro. Ūhmūse cĵēna quehnoano ijiāhro. Cohāçjū tiqiro tutu-ariqiro ijigū ijipihtiequina masiahdō, ni ño peohye tiquina.

<sup>39</sup> Tiquina sa nigū tūhoye fariseo masa meheñequinagā tiquina watoa ijiyequina Jesure yahuahye:

—Buhegū, mūhū buheyequinare dihta maria dutiya, niahye tiquina.

<sup>40</sup> —Mūsare niita niaja. Tiquina sañuducueragū utā paca pari pehe sañuducuboga, niahye Jesu fariseo masare.



<sup>41</sup> Sa ni tuhasa Jesu Jerusalē cahagāpū esa, ti macare ihñano, utiahye. <sup>42</sup> Ohō saha niahye tiqiuro:

—Jerusalē cjāna yojopū pūritare mūsare pecapū wahaborinare Cohācjū tiqiuro yuhduoatire mūsa masigū quehnoa yuhduaboaga. Sa ijiepegūta yojopūre mūsa tire ne tuho duerare. Sa yero Cohācjū tire mūsare masi dutierare. <sup>43</sup> Mūsare ihña tuhtiyequina mūsa ijiri macare cahmota sotoa peho queheeta. Sa ye, mūsare tiquina wijia dutisi. <sup>44</sup> Ti pjeta tiquina mūsa ya macare cohā pehoeta. Mūsa gūhure wejēeta. Mūsare ihña tuhtiyequina quehnoano cohā pehoeta mūsa ya macare. Cohācjū pecapū wahaborinare mūsare tiqiuro yuhduoatire mūsa masi duerari. Mūsa masi duerari buhiri mūsare ihña tuhtiyequinare Cohācjū mūsare cohā dutirota, niahye Jesu Jerusalē cjēnare.

*Cohācjū wūhūpū Jesu esahye  
(Mt 21.12-17; Mr 11.15-19; Jn 2.13-22)*

<sup>45</sup> Sa ye Jerusalēpū esaro, Jesu Cohācjū wūhūpū sajāa wahahye. Sa yero apee boro duayequinare ti wūhūpū ijyeyequinare boca saro, tiquinare cohā wio cāhye. Ohō saha niahye tiquinare:

<sup>46</sup> —Cohācjū yere tiquina ojoari pūpū ohō saha nine: “Ya wūhū Cohācjū mehna yahuducuri wūhū wame tirota”, niahye tiqiuro yere tiquina ojoari pūpū. Tiquiro sa niepegūta mūsa pehe ahri wūhūpū duana, mūsa basi cahme yaquere mūsa, niahye Jesu.

<sup>47</sup> Sa ye decoripe Cohācjū wūhūpū Jesu buheahye. Sa ye pahia pūhtoa, judio masare buheyequina, masa pūhtoa gūhū tiqiurore tiquina wejēatire wacū macahye. <sup>48</sup> Masa ijipihtiyequina tiqiurore sa tūhoducuyē, tiqiuro buheyere quehnoano tūho nūñānequina ijiahye. Tiquina sa quehnoano tūho nūñgū Jesure wejē duayequina pehe tiqiurore tiquina wejēatire bocaerahye.

## 20

*Pahia pūhtoa, judio masare buheyequina, būsana gūhū Jesu mehna cahme tuhtiyē niahye*

*(Mt 21.23-27; Mr 11.27-33)*

<sup>1</sup> Ape deco Cohācjū wūhūpū Jesu masare quehnoañe buheyere buhero niahye.

Tiquiro sa buhegū pahia pūhtoa, judio masare buheyequina, būsana mehna tiqiuro cahapū wihiye, sinituahye:

<sup>2</sup> —Yahuya usāre. ¿Dūhsegu canere sa yeari mūhū? ¿Noa mūhure tire sa ye dutiari? niahye tiquina Jesure.

<sup>3</sup> Tiquina sa nigū Jesu yūhtiahye tiquinare:

—Mūsa pehere sinitu mūhtagutja. Yahuya yūhure. <sup>4</sup> ¿Ñu masare tiqiuro wame yegū noa boro pehe tiqiurore wame ye dutiyari, mūsa tūhotugū? ¿O Cohācjū dutierayari? ¿O masa pehe dutiyari, mūsa tūhotugū? ni sinituahye Jesu tiquinare.

<sup>5</sup> Tiquiro sa nigū tiquina pehe tiquina basi ohō saha niahye:

—¿Dūhse ni yūhtinatari mari? “Cohācjū Ñure dutie tiahye”, mari nigū, “¿Dūhsena Ñure Cohācjū dutiepegūta tiqiurore tūho duerari mūsa?” niboaga Jesu marine. Sa yena “Cohācjū Ñure dutie tiahye”, ni yūhti masiedaja mari. <sup>6</sup> Ahriquina masa pehe “Potota Ñu Cohācjū yere yahu mūhtariqiuro ijire”, ni tūhoture tiquina. Sa ni tūhotuye “Ñu tiqiuro wame yegū Cohācjū tiqiurore dutierahye”, mari nigū tūhoye marine masa utā paca mehna doqueeta. Sa yena ti gūhure yūhti masiedaja mari, ni yahuducuahye tiquina basi.

<sup>7</sup> Sa ni yahuducu tuhasa tiquina Jesure yūhtiahye:

—Ñure wame ye dutiriqiurore usā masiedaja, niahye tiquina.

<sup>8</sup> Tiquina sa nigū Jesu yūhtiahye:

—Ti pje pūrita yūhū gūhū mūsa sinitu mūhtarire yahueraja mūsare. Ahrire yūhū yerire dutiriqiurore yahueraja mūsare, niahye tiquinare.

*Ñañequina dahra cohteyequina queoyere yahuahye Jesu*

*(Mt 21.33-44; Mr 12.1-11)*

<sup>9</sup> Sa ye Jesu tiqiuro tūhotuye mehna queoye mehna ohō saha ni buhe dūcahye masare:

—Wese upūro ūhse darire oteahye. Ote tuhasa, ti wesere apequinare ihcā pehe pahma cūahye. Pahma cūno ti wesere tiquinare ihña ihbo dutiahye. Sa duti tuhasa ape yehpapū waha, yoari pje bājuerahye. <sup>10</sup> Sa yero ūhse ñidi pje ijigū wese upūro tiqiuro cahacjūnore wesere ihña ihboyequina cahapū ohoahye. Wese

cjê oteri ducare tiquiro ya pahrê cjêne ne dutiro ohomahye. Sa ye ihña ihboyequina pehe tiquiro cahacjünore piti ca quêahye tiquirore. Sa ye tiquina tiquirore ducare ohoerapeta tojoa dutiahye. <sup>11</sup> Sa yero wese upuro apequiro tiquiro cahacjünore ti wese cjê oteri ducare ne dutiro ohomahye tja. Sa ye wesere ihña ihboyequina tiquiro gâhure quê, ñano yeahye tiquirore. Sa ye tuhasa tiquirore ti ducare ohoerapeta tojoa dutiahye tja. <sup>12</sup> Tiquina sa yeri bato wese upuro apequiro cahacjünore ohomahye tja. Sa ye wesere ihña ihboyequina pehe tiquiro gâhure cami dahre, ti wese duhtu cahapu cohâ câhye tiquirore.

<sup>13</sup> Tiquina sa yeri bato wese upuro ohô saha ni tuhutumahye: “¿Dahse yegutari yuhû? Ohô saha yegutja. Yuhû macure yuhû cahîniquirore ohogutja. Ijjirota ijire. Tiquina tiquirore ño peoeta”, ni tuhutumahye wese upuro pehe. <sup>14</sup> Sa ye tiquiro macunore tiquiro ohoriquirore esagû ihñañe ihña ihboyequina pehe tiquina basi ohô saha ni, yahuducuahye. “Ahriquiro wese upuro macuno ijire. Tiquirore wejêihna. Sa yero ahri wese mari ya wese tojoarota”, nimahye tiquina basi. <sup>15</sup> Sa ni tuhasa wese upuro macunore wese duhtu cahapu nea, wejê câhye tiquirore. ¿Tiquina sa yegû ihñano dahse yerotari wese upuro wesere ihña ihboyequinare? niahye Jesu.

<sup>16</sup> —Ti wesere ihña ihboyequinare wejêno taro, apequinare wesere ihña ihbo dutirotota, ni yuhutihye Jesu tiquiro basi.

Tiquiro sa nigû tuhoye masa pehe ohô saha niahye:

—Marine sa wahaeracâhdo, niahye tiquina.

<sup>17</sup> Tiquina sa nigû Jesu pehe tiquinare sinituahye:

—¿Cohâcjû yere tiquina ojoari püre ohô saha ni yahuducuyê, dahse nino niajari, mûsa tuhutugû?

Ahriquiro Cristo utâ yero saha ijire. Utâre wuhû dahreyequina tiquina cohâno saha masa tiquirore cohâeta. Tiquina sa yepêgûta yojopure wuhû dahreyequina wuhure yeye tiquina cû muhtaria utâre tiquina cûno saha Cohâcjû tiquirore puhtoro sôri, ni ojoahye.

<sup>18</sup> ¿Ijipihtiyequina tia utâ bui doque queheyequinare muta sitea wahaeta. Sa yero tia utâ masuno bui bora pjero, mutaa wahagû yerota tiquirore. Tiquiro pagû munanore daye manarigâ wahagû yerota, niahye Jesu. (Sa nino tiquirore cahmedariquina, tiquiro buhiri dahrea-tiquina tiquina ñano yahuduatire yahuro niahye.)

Puhtoa ye wapare apequina sinituahye Jesure

(Mt 21.45-46; 22.15-22; Mr 12.13-17)

<sup>19</sup> Tiquiro sa nigû tuhoye judio masare buheyequina, pahia puhtoa gâhû, “Jesu wesere ihña ihboyequina queoye mehna marine tuhtiro nine”, ni, tuhutuahye tiquina.

Sa ni tuhutuye tiquina Jesure ñehe duamahye. Sa ñehe duepeta tiquina masare cue niahye. <sup>20</sup> Sa cuye, Jesure tiquina ñeheatu pjere cohteahye tiquina. Sa ye “Poto ijiiyequina yero saha ye meho ijiiya mûsa”, niahye tiquina apequinare. Tiquiro ñano ni yuhutigû ye duaye nimahye tiquirore yahusâ duaye. Sa ye Jesure sinitu dutiye ohoahye ni mehoñequinare. Jesu ñano ni yahuducugû tuhoye ti yehpa cjêna puhtoro peresu ye dutiye tee nimahye. <sup>21</sup> Sa ye tiquina Jesure ni meje cû sinituye nimahye:

—Buhegu, poto yahuducugû, ni mehoñe mariegu muhû ijigû usâ masiaja. Sa yegu ihcâquiro puhtoro waro tiquiro ijiepegûta tiquiro gâhure dóyaro marieno potota yahure muhû. Muhû Cohâcjû yere poto muhû buhegu gâhure usâ masiaja. <sup>22</sup> Yahuya usâre. ¿Ne, Roma cjünore ijipihtiyequina puhtoro gobierno cjêne marine wapa yero cahmeajari, muhû tuhutugû? ¿Mari dutiye wapa ye dutiajari, muhû tuhutugû? ni sinituahye tiquina Jesure.

<sup>23</sup> Tiquina sa nigû tuhoro Jesu tiquina ñano ye duayer masino, tiquinare yuhutihye:

<sup>24</sup> —Yojopure niñeru cjoere puhtoare wapa yeati cjoere ne câhtaya. Ti cjoere ihñaahna, niahye.

Ti cjoere tiquina ne wihigû ihñano ohô saha niahye Jesu:

—¿Noa boro queoye wahñajari ahri cjoere? ¿Noa boro wame wahñajari? niahye Jesu tiquinare.

—César, masa ijipihituequina pūhtoro queoye, tiqiro wame gūhu wahñare, ni yūhtiahye tiquina.

<sup>25</sup> Tiquina sa nigū Jesu yahuahye:

—Ti pje pūrita masa ijipihituequina pūhtoro yere tiqiro pehere ohoya. Cohācjū yere Cohācjū pehere ohoya, niahye Jesu tiquinare.

<sup>26</sup> Sa ye masa tiquina ihñonopū Jesure ñano ni yahuducugū ye masiedahye tiquina. Sa ye Jesu yūhtiyere tūhoje, tiquina tūho maria wahahye. Sa tūho maria waha, dihta maria wahahye.

Cohācjū tiqiro masoatire yahuahye Jesu saduceo masare

(Mt 22.23-33; Mr 12.18-27)

<sup>27</sup> Sa ye meheñequinagā saduceo masa Jesu cahapū wihiahye. “Cohācjū yariariquinare masosi”, ni tūhotuyequina ijiahye saduceo masa. Sa ye tiquina ohō saha niahye tiqirore:

<sup>28</sup> —Buhegū, ohō saha ni bueahye Moise: “Ihcāqiro tiqiro wahmino namo tiriqiro pohna mariedaperota tiqiro yariagū ihñano tiqiro bahūrore tiqiro wahmino namono ijiricorore nūoano cahmene. Sa yero tiqiro wahmino mūnano tiqiro pohna tiboriro sahata pohna tiro cahmene tiqiro bahūrore. Sa ye tiqiro pohne tiqiro wahmino mūnano pohne yero saha ijijeta”, ni, ojoahye Moise, niahye tiquina.

<sup>29</sup> Tire ni tuhasa ahri quitire tja yahu nemoahye Jesure:

—Ihcāqiro masūno ijiahye. Seis bahana tiahye. Tiquina wahmino pehe namo ti, pohna mariedaqiro yariaa wahahye. <sup>30</sup> Sa yero apequiro tiqiro bahūro gūhu tiqiro wahmino namono ijiricorore nūoahye. Tiquiro sa nūoari bato tiqiro wahmino yero sahata pohna mariedaperota tiqiro gūhu yariaa wahahye. <sup>31</sup> Sa yero ahriqiro bahūro gūhu tiqiro wahmino mūnano yero sahata pohna mariedaperota yariaa wahahye. Sa dihita wahahye ihcāqiro pohne waro. Ne pohna mariedapeta yaria pihitia wahahye. <sup>32</sup> Tiquina namono ijiricoro gūhu tiquina batota yariaa wahahye. <sup>33</sup> ŹNe, Cohācjū ijipihituequinare yariariquina mūnare tiqiro masogū diqiro namono pehe ijiboagari ticoro pototi? Tiquina ijipihituequina ticorore namo tiriquina

mūna ijiahye. ŹSa yero diqiro namono pehe ijiroroti? ni sinituahye tiquina.

<sup>34</sup> Tiquina sa nigū Jesu yūhtiahye:

—Yojopū cjēna omoca dūhtere. <sup>35</sup> Tiquina sa dūhtepēgūta apequina pehe topū cjēna pehe sa ijierare. Apequina amūare, numia gūhūre poto yeyequinare Cohācjū quehnoañequina ijigū yerota. Tiquina yariari bato masa mūjaeta. Sa ye tiquina topū omoca dūhterare. <sup>36</sup> Sa ye tiquina angele yero sahata ne yariasi. Tiquina Cohācjū masoriquina ijije, Cohācjū pohne ijire. <sup>37</sup> Yojopure yariariquina mūna tiquina masa wijiati pehere mū sare yahutja. Tire Moise quehnoano yahu pehoahye. Tiquiro mehenagā Źjūri quitire ohō saha ni yahuahye: “Abrahā, Isaac, Jacob tiquina pūhtoro ijire Cohācjū”, ni ojoahye Moise. <sup>38</sup> Tiquina yariari bato “Tiquina pūhto ijiaja”, ni yahuahye Cohācjū. Sa nieperota yariariquina mūna pūhtoro ijierare Cohācjū. “Tiquina pūhto ijiaja”, tiqiro niñe mehna catiyequina tiquina ijigū masiaja mari. Tiquiro catiyequina pūhtoro ijire. Ijipihituequina masa catire, Cohācjū ihñagū, niahye Jesu tiquinare.

<sup>39</sup> Tiquiro sa nigū meheñequinagā judio masare buheyequina ohō saha niahye:

—Buhegū, mūhu quehnoano yūhtiri, niahye tiquina Jesure.

<sup>40</sup> Sa ye pari turi Jesure sinitu duerahye tiquina.

Cristo pehe Davi mūnano pūhtoro ijire

(Mt 22.41-46; Mr 12.35-37)

<sup>41</sup> Came Jesu ohō saha ni yahu nemoahye tiquinare:

—“Cristo Davi mūnano panamino iji turariqiro ijirota”, ni buhere apequina. ŹDūhse ye tiquina sa ni buheajari? <sup>42</sup> Davi mūnano tiqiro basi Salmopū tiqiro ojoari pūpū ohō saha ni, ojoahye:

Cohācjū yūhu pūhtorore ohō saha nidi: “Ohōpū yūhu poto pehepū dujiya. <sup>43</sup> Sa yegū mūhūre ihñā tuhtiequinare mūhūre yūhdudūca basautja yūhu”, nidi Cohācjū yūhu pūhtorore, ni, ojoahye Davi mūnano.

<sup>44</sup> Sa ni ojoaro Davi mūnano Cristore “Yūhu pūhtoro”, ni pisuahye. Davi mūnano Cristo ñecāno iji turariqiro ijieperota Cristore

“Yuhū puhtoro”, ni pisuahye. ¿Davi mnanano Cristo ñecano iji turiariquiro ijieperota dūhse ijiro boro tiquiro “Yuhū puhtoro”, ni pisuyari Cristore? Cristo pehe Davi mnanano puhtoro ijire, ni yahuahye Jesu.

*Judio masare buheyequina tiquina ñañe yeyere yahuahye Jesu*

(Mt 23.1-36; Mr 12.38-40; Lc 11.37-54)

<sup>45</sup> Masa peyequina Jesure tiquina tuhori watoa Jesu pehe tiquiro buheyequinare ohō saha ni yahuahye:

<sup>46</sup> —Mari judio masare buheyequina tiquina ñañe yeyere ihñana quehnoano wacū masiña. Sa yena tiquina yero saha yeracāhña. Tiquina yoaye suhti saña, masa tiquina ihñonopu tini, doeri cjē duaropu apequina puhtoare quehnoano ño peo tiquina sinino saha tiquina piti ca sinigū cahmene tiquina. Sa ye tiquina mari judio masa buheye wuhusepu quehnoañe dujiye dihitare duji duare. Sa ye bose deco ijigū topu gūhure quehnoañe dujiye dihitare cahmene. <sup>47</sup> Tiquina wape wiha numia ye wuhusere tiquina cūoye gūhure ehmare ti numiare. Sa ye tiquina masa ihñonopu yoari pje Cohācjūre siniducumene masare ihña dutiye. Tiquina sa yegū apequina bui cjūno tiquinare Cohācjū buhiri dahrerota, niahye Jesu tiquinare.

## 21

*Wape wihoro Cohācjū wuhupu ticoro ohorire yahuahye Jesu*

(Mr 12.41-44)

<sup>1</sup> Sa ni yahu tuhasa Cohācjū wuhū cjē niñeru tiquina sāri acarore niñeru opana tiquina ye niñerure duhu sīgū ihña dujiro niahye Jesu. <sup>2</sup> Sa ihñano wape wihoro pejecuoricoro pu cjoegāre ticoro duhu sīgū gūhure ihñahye. <sup>3</sup> Tire ihña tuhasa ohō saha ni yahuahye:

—Potota niita nijaja musare. Ahricoro wape wihoro pejecuoricoro pehe niñeru sāri acaropu duhu sāno apequina ijipihitiyequina ohori yuhduoro ohori ticoro pehe. <sup>4</sup> Apequina niñeru opana pajiro tiquina ohoepēgūta tiquina ye pajiro dūhsare. Ahricoro pehe pejecuoricoro ijieperota ijipihitiye ticoro ihyatire ticoro dūborigāre oho pehori, niahye Jesu.

—Cohācjū wuhū cohōri wuhū ijirota, niahye Jesu

(Mt 24.1-2; Mr 13.1-2)

<sup>5</sup> Sa ye apequina Cohācjū wuhure ohō saha niahye:

—Quehnoañe utā paca mehna yeri wuhū, quehnoa yuhduari wuhū ijicjoare. Masa Cohācjū ya wuhū ijiatire tiquina ohori gūhu ti wuhupure quehnoano cūri jire, ni, yahuducuye niahye.

Tiquina sa nigū Jesu yahuahye tiquinare:

<sup>6</sup> —Ahri ijipihitiye mari ihñari wuhusere, ahri utā paca gūhure cohā pehoeta. Ne ihcāria utā tojoasi, niahye Jesu tiquinare.

*Pihitiati deco ijiatire yahuahye Jesu*

(Mt 24.3-28; Mr 13.3-23)

<sup>7</sup> Tiquiro sa nigū tuhoye tiquina pehe sinituahye tiquirore:

—¿Buegu, dūhse ijigū mūhu nidiro saha sa waharotari? ¿Pihitiati deco panogā ijigū dūhse ti waha ducagū ihñanatari usā? ni sinituahye tiquina Jesure.

<sup>8</sup> Jesu yuhitiahye tiquinare:

—Quehnoano yeya mūsa. Sa yena mū sare apequina tiquina ni mehoñene tuhoeracāhña. Peyequina masa “Cristo ijijaja yuhū”, ni mehoñequina ahtaeta. Sa niñe, “Yojopure pihitiati deco ijiatimehenogā dūhsare”, nieta. Tiquina sa nigū tuhoeracāhña. <sup>9</sup> Sa ye apequina “Cahme wejēne nine”, mū sare nieta. “Yojopure puhtoare masa cohāñe nine”, nieta. Mūsa tire tuhona cueracāhña. Pihitiati deco pano ohō saha waha mūhtanota. Sa wahagū pihitiati deco wahato dūhsarinota, niahye Jesu.

<sup>10</sup> Sa ni tuhasa ohō saha ni yahu nemoahye:

—Ihcā yehpa cjēna ape yehpa cjēna mehna cahme wejēeta. <sup>11</sup> Sa yero tutuaro yehpa ñuhmi, masa peyequina ujuā mehna yaria, ijipihitiro cjēna dohatieta. Sa ye uhmūse cjē cua pesaye bajuagū ihñañe, masa ihña maria wahaeta.

<sup>12</sup> Ahri ijipihitiye sa wahato pano, apequina mū sare ñehe, ñano yeeta. Sa ye mari judio masa buheye wuhusepu tiquina mū sare yahusā, peresu yeeta mū sare. Tiquina sa yegū peye yehpari cjēna puhtoa cahapu, peye macari cjēna puhtoa cahapu ducunata mūsa tiquina yahusānohrina. Yeequina mūsa ijiri

buhiri sa yeeta. <sup>13</sup> Tiquina sa yahusāgū mūsa pehe quehnoañe buheyere tiquinare yahunata. <sup>14</sup> Ti pjere musare tiquina yahusāgū pūhtorore mūsa yuhtiatire “Yahu masiedaboaga”, ni tūhotueracāhña mūsa. <sup>15</sup> Yuhū musare yahu basautja. Musare sa yedohogu tūho masiñene, quehnoañe yahuducuye gūhure musare yahugū yeitja. Mūsa sa yegū musare ihña tuhtiyequina pehe mūsa yahuducuyere tūho, “Ti poto ijjerare”, ni, yuhti masisi. <sup>16</sup> Ti pjere mūsa pacusumua, mūsa bahana, mūsa acaye, mūsa mehna cjēna gūhū musare ihña tuhtiyequinare ohoeta musare, yeequina mūsa ijiri buhiri. Tiquina sa yegū musare ihña tuhtiyequina mūsa mehna cjēnare apequinare wejēeta. <sup>17</sup> Sa ye yeequina mūsa ijigū ihñañe, ijiphtiyequina musare ihña tuhtieta. <sup>18</sup> Musare sa ihña tuhtiepetā ne mehenogā musare ñano yesi. <sup>19</sup> Sa yena mūsa wacū tutuana ijiya. Mūsa sa yena, Cohācjū mehna sa ijiducunata.

<sup>20</sup> Sa ye peyequina surara Jerusalēpū tiquina cahmota sotoa peho cāgū ihñana, Jerusalēne tiquina cohāto mehenogā dūhsagū masinata mūsa. <sup>21</sup> Ti sa wahagū ihñañe Judea yehparū ijieyequina cūnū cju caharū oma duhtiahro. Sa ye Jerusalēpū ijieyequina wahaahro. Sa ye weseripū ijieyequina Jerusalēpū tojoeracāhdo sojaro mehna tiquina wahato pehe. <sup>22</sup> Ti decoripū buhiri dahreye decoripū ijiphtiyē Cohācjū tiquiō ojarī pū tiquiō nidiō sahata sa waharota. <sup>23</sup> Ijiphtiropū ahri yehparū ñano yahdueta. Ti sa wahagū, niji wahcōne numia, tiquina pohnene apūoñe numia gūhū pejecūoro wahaeta. <sup>24</sup> Apequina ahri maca cjēna mehna cahme wejēeta. Sa ye apequina ahri maca cjēnare ijiphtiyē yehparipū ne cā, peresu yeeta. Sa ye judio masa ijieyequina Jerusalēne ñano ye, tiquinare yūhdūducaeta. Judio masa ijieyequina ya deco pihitigūpū Jerusalē cjēnare ñano ye duhueta, ni yahuahye Jesu.

*Jesu ahri yehparū tiquiō tojoa tatire yahuahye*

*(Mt 24.29-35, 42-44; Mr 13.24-37)*

<sup>25</sup> Sa yero tiquinare yahu nemoahye:

—Ti pjere asū deco cjēno, ñami cjēno, ñahpicoha gūhū sijoro saha ijieyequina wahaeta. Ijiphtiyequina ahri yehpa cjēna

“Acuehi, yarianata”, ni tūhotuyequina pajiri ma cjē pahcōri cua yūhdūaro ti pahcōri bisi cāhtagū tūhoye tutuaro cueeta. <sup>26</sup> Ti pjere ūhmūse cjē yehpari, ñahpicoha gūhū ti sa wahaducurore comesaeta. Sa ye ñuhmieta. Ti sa wahagū ihñañe, masa pehe ahri yehpa pihtiatire cohteyē, tutuaro cueeta. <sup>27</sup> Ti pjeta yuhū masū Cohācjū ohorigū Cohācjū tutuayē mehna tiquiō asi siteyē mehna ehmeo curua buipū yuhū ahtagū ihñaeta masa. <sup>28</sup> Ahri sa waha dūcagū ihñana, wacū tutuana ijiya. Sa yena ūhmūsepū ihñaña. Ti pjere Cohācjū musare pecarū wahaborinare tiquiō yūhdūoato mehenogā dūhsarota, niahye Jesu.

<sup>29</sup> Sa ni tuhasa ahri queoyē mehna buheahye Jesu:

—Higueragure, apeye cju gūhure tūhotuya mūsa. <sup>30</sup> Tū yucūgu pūri tigū ihñana, cūhma mehenogā dūhsagū masine mūsa. <sup>31</sup> Sata ahri ijiphtiyē yuhū nidire ti sa wahagū ihñana, Cohācjū tiquiō pūhtoro ijiati pje mehenogā dūhsagū masinata mūsa.

<sup>32</sup> Musare poto niita niaya. Ti pje cjēna tiquina yariato pano ijiphtiyē yuhū nidiō sahata sa waharota. <sup>33</sup> Ūhmūse, ahri yehpa gūhū pihtia waharota. Yuhū yahuducuyē pehe ne comesasi. Ijiphtiyē yuhū nidiō sahata sa waha sohtori tirota.

<sup>34</sup> Yuhū tojoa tati decore ne masiedare mūsa. Sa yena quehnoano yeya. Bose decorire queheye decorire yeducueracāhña. Sa yena queheracāhña. Ahri yehpa cjēne pajiro tūhotueracāhña. Mūsa yuhū nidiō sahata yena, wacūeno mehna ahri yehparū yuhū ahtagū mūsa ne acūasi. <sup>35</sup> Wahiquirore yuri da wacūeno mehna ti da tūā suhara saha wacūeno mehna ahtahtja yuhū. Ijiphtiyequina ahri yehpa cjēna tiquina masiedi watoa ti deco wacūeno mehna sa waharota. <sup>36</sup> Quehnoano wacū masi cohteyā. Sa yena Cohācjūre ahrire sa siniducuya: “Ahri pihtiatī decore sa wahagū yūhūre yedohoya. Tutuayere ohoya yūhūre ahrire quehnoano yuhū yūhdūatire. Sa yegu Cristore mahū ohoriquirore cuero marieno yūhūre piti cagū yeya”, ni, siniña Cohācjūre, niahye Jesu.

<sup>37</sup> Sa ye ti decorire Cohācjū wūhūpū Jesu buhee tiahye. Ñaminipe buhe tuhasaro Olivo wame tidū cūnūpū waha, topū jī

bohreaye tiahye. <sup>38</sup> Bohreayepe tahari ijipih-tiyequina masa Cohācjū wuhupū tiquirore tuhoye wahae tiahye.

## 22

*Pahia pūhtoa, judio masare buheye-quina mehna wejē duahye Jesure*

(Mt 26.1-5, 14-16; Mr 14.1-2, 10-11; Jn 11.45-53)

<sup>1</sup> Sa ye ti pjere pugū yeye moremehneñe pāre tiquina ihyati bose deco mehenogā duhsahye. Ti bose deco pascua wame tiahye. <sup>2</sup> Sa ye pahia pūhtoa, judio masare buheyequina mehna Jesure wejē duaye, tiquina wejēatire wacū macahye. Jesure wejē duepeta, masa pehere cueahye, “Usuari”, niñe.

<sup>3</sup> Sa ye watīno Juda Iscariotere ñano tiquiro ye dutigū Juda pehe yūhtiahye tiquirore. Juda doce buheyequina mehna cjūno ijimahye. <sup>4</sup> Sa yero tiquiro pahia pūhtoare, Cohācjū wuhū cjēna surara pūhtoa mehna gūhure yahuro wahahye. Tiquina cahapū esa, tiquinare Jesure tiquiro ihñoatire yahuahye tiquinare. <sup>5</sup> Tiquiro sa nigū tuhoye, tiquina bucue, “Mūhure niñerure wapa yematja”, niahye tiquina Judare. <sup>6</sup> Tiquina sa nigū Juda “Añ, tiquirore mūsare ihñoutja”, ni, masa tiquina ihñeno watoa Jesure ihña tuhtiequinare tiquiro ihñoati ñamine cohtero niahye.

*Jesu buheyequina mehna tiquiro ihya bato tiati deco ijiahye*

(Mt 26.17-29; Mr 14.12-25; Jn 13.21-30; 1 Co 11.23-26)

<sup>7</sup> Pugū yeye moremehneñe pāre ihyati bose deco iji dūcari deco ijiahye. Sa yero pascua cjē ijiatire ovejare tiquina ihya-tiquinare tiquina wejēdi deco ijiahye. <sup>8</sup> Ti pjeta Pedrore, Ñu gūhure Jesu yahuahye:

—Bose decopū mari ihyatire quehnona wahaya, niahye Jesu tiquinare.

<sup>9</sup> —¿Noho boropū mari ihyatire quehnoyu dutigū ohoajari mūhū usāre? ni sinituahye tiquina tiquirore.

<sup>10</sup> Tiquina sa nigū Jesu yūhtiahye:

—Jerusalēpū mūsa esagū aco sutu wūariquiro mūsare piti carota. Tiquiro piti cagū tiquiro mehna wahaya. <sup>11</sup> Sa wahana tiquiro siho sajāri wuhupū esana wuhū upūrore ohō saha ni yahuya. “¿Nohopū

yuhū buheyequina mehna pascua cjē ihyayere ihyanatari?” nidi buheriquiro”, niña wuhū upūrore. <sup>12</sup> Mūsa sa nigū tuhoro ūhmuano cjā tucūre pajiri tucūre mari cahmeñe mehna tiquina quehñori tucūre ihñonota wuhū upūro. Topū mari ihyatire dahreya mūsa, niahye Jesu tiquinare.

<sup>13</sup> Tiquiro sa nigū tiquina ti macapū wahahye. Topū tiquina esagū tiquinare tiquiro nidiro sahata wahahye. Sa ye tiquina pascua cjē ihyatire dahreahye.

<sup>14</sup> Ihyari pje ijigū Jesu doce tiquiro buheyequina mehna ihya dujiahye. <sup>15-16</sup> Topū ihyaropū dujiro Jesu tiquinare yahuahye:

—Mūsare niita niaja. Ahri pascua bose decore mari dahreaja Cohācjū tiquiro yequinare tiquiro yūhdūotire wacūna. Came Cohācjū tiquiro pūhtoro ijiropū tiquiro yequinare yūhdūo tuhasarota. Tiquiro sa yūhdūoato pano ahri deco cjēne pari turi ihyasi yuhū. Sa yegū yojopūre yuhū ñano yūhdūato pano ahri pascua cjē ihyayere mūsa mehna tutuaro ihya duahti yuhū, niahye Jesu.

<sup>17-18</sup> Sa ninota Jesu sihnidi pare ne, Cohācjūre “Quehnoare”, ni sini, tiquinare yahuahye:

—Mūsare niita niaja. Cohācjū ijipih-tiye-quina pūhtoro tiquiro ijiatō pano ahri vinore ne pari turi sihnisi yuhū. Sa yena ahri vinore ne, mūsa basi iti sihnīña, niahye Jesu.

<sup>19</sup> Sa ni tuhasa pāre ne, Cohācjūre “Quehnoare”, niahye. Sa yero tiare nuha, itiahye tiquinare. Tiare itiro, tiquinare yahuahye:

—Ahri yuhū pagū ijire. Yuhū pagū yūhure ihña tuhtiequinare tiquina ohori pagū ijirota mūsare yuhū yūhdūoati. Sa yena yūhure mūsa wacūatire ahrire ihyaya, niahye Jesu.

<sup>20</sup> Sa ihya tuhasa sata tiquiro tiquinare sihnidi pa gūhure ohoahye. Sa ohoro, tiquinare yahuahye:

—Mūsa ñañe yeyere cohāgū tagū yariūtja. Sa yegū yuhū diire cohāūtja. Cohācjū “Mūsare yūhdūotja”, tiquiro nidiro esa tuhagū yuhū yariaro mehna tiquiro nidiro sohtori tirota.

<sup>21</sup> Yojopūre tuhoya mūsa. Yūhure ihña tuhtiequinare yūhure ihñoatiquiro

yojorpure yuhū mehna ohō dujire. <sup>22</sup>Cohācjū tiquiro dutiriro sahata yuhū masu Cohācjū ohorigū yariūtja. Tiquiro sa yaria dutiepegūta yuhūre ihña tuhtiequinare ihñoatiquiro pūrta ña yuhduaro yuhdurota, niahye Jesu tiquinare.

<sup>23</sup> Tiquiro sa nigū tiquina pehe tiquina basi ohō saha ni sinituahye:

—¿Jesure ihña tuhtiequinare ihñoatiquiro mari mehna cjūno diquiro boro iji-agari? ni, yahuducuahye tiquina basi.

—¿Mari mehna cjūno diquiro pehe iji-agari puhtoro? ni yahuducuahye Jesu buheyequina tiquina basi

<sup>24</sup> Came Jesu buheyequina ohō saha ni yahuducuahye:

—¿Mari mehna cjūno diquiro pehe iji-agari puhtoro? ni yahuducuahye tiquina basi.

<sup>25</sup> Tiquina sa ni yahuducugū tūthoro Jesu tiquinare yahuahye:

—Cohācjūre cahmeeñequina puhtoa pehe tiquina masare dutiye, purīno mehna dutire. Sa ye puhtoare “Tiquina masare yedohoyequina ijire”, nimene apequina masa tiquinare. <sup>26</sup> Mūsa pehe sa yesi mūsa basi. Mūsa mehna cjūno mūsa wahmi pehere tiquiro bahūro yero saha ijiro cahmene. Mūsa mehna cjūno puhtoro iji duaro cahacjūno yero saha ijiro cahmene tiquiroro. <sup>27</sup> ¿Diquiro ijiajari puhtoro? ¿Ihya dujiriquiro pehe puhtoro ijiajari? ¿O ihyayere itiriquiro pehe puhtoro ijiajari? Ihya dujiriquirota ijiaga puhtoro. Tiquiro sa ijiepegūta yuhū pehe cahacjūno yero saha mū sare yedohogū ahtau.

<sup>28</sup> Masa yuhūre tiquina ñano yeppegūta mūsa pehe yuhūre duhuerare. <sup>29</sup> Sa yegu yuhū Pacu yuhūre tiquiro puhtoro sōriro sahata mūsa gūhūre puhtoa sōgūta yuhū.

<sup>30</sup> Yuhū puhto yuhū ijigū yuhū ihyari mesapu mūsa gūhū ihya, sihñinata. Sa yena mūsa puhtoa dujiyere dujinata. Mūsa topū dujina Israe masare doce cururi cjēnare besenata mūsa ñañequinare, quehnoañequinare, niahye Jesu tiquiro buheyequinare.

*Pedro Jesure tiquiro cohātire yahuahye Jesu (Mt 26.31-35; Mr 14.27-31; Jn 13.36-38)*

<sup>31</sup> Sa ni tuhasa Pedrore Jesu ohō saha ni yahuahye:

—Simo Pedro yuhūre tūhoya. Mū sare ijipihtinare watīno yuhūre cohāgū ye duare. Trigo wese cjūno trigore tiquiro wejē site cohāriro sahata mū sare ijipihtinare watīno ñano ye duare. Sa ye duaro, Cohācjūre sinidi. <sup>32</sup> Tiquiro sa sinigū ihñagū yuhū pehe Cohācjūre sini basau mūhure. Yuhūre mūhū wacū tutua duhueratire sini basau mūhure. Sa yegu mūhū yuhū mehna cjū pari turi ijigū yeequinare yedohoya mūhū, yuhūre tiquina wacū tutua nemoati, niahye Jesu Pedrore.

<sup>33</sup> Tiquiro sa nigū Pedro yuhtiahye:

—Puhto, yuhūre tiquina peresu yeppegūta, yuhūre tiquina wejē duepegūta mūhū mehna cjū ijiitja, niahye Pedro.

<sup>34</sup> Jesu yuhtiahye:

—Pedro, mūhūre niita niaja. Mia ñami canaca tiquiro yahuato pano “Jesure masiedaja”, nigūta mūhū apequinare. Ihtia taha sa nigūta mūhū, niahye Jesu Pedrore.

*Jesure tiquina ñano ye dūcato mehenogā duhsahye*

<sup>35</sup> Sa ni tuhasa Jesu tiquiro buheyequinare yahuahye:

—¿Sohō ijiri pje niñeru ajuro mariena, pajiri ajuro mariena, dahpo suhti mariena mū sare yuhū ohogū apee boro duhsari mū sare? ni sinituahye Jesu.

—Ne usāre yabe duhsaerari, ni yuhtiahye tiquina.

<sup>36</sup> —Ti pjere mū sare duhsaerapegūta yojorp pehere niñeru ajurore cuona tire neña. Pajiri ajurore cuona gūhū neña. Sa yena mū sare ñoseni pjī mariedagū mūsa suhtire duana ti pjine dūya. <sup>37</sup> Ahrire mū sare nii niaja. Cohācjū yere tiquina ojoari pūpū tiquina nidiro sahata yuhūre sa waharo cahmene. Ohō saha niahye ti pūpū: “ ‘Tiquiro dutiyere yuhūdu-cayequina mehna cjūno ijire’, nieta masa”, ni, ojoahye, niahye Jesu.

<sup>38</sup> —Ihñaña puhto. Pūa pjī ñoseñe pjīnine cuoaja usā, niahye tiquiro buheyequina.

—To punota ijire, ni yuhtiahye Jesu.

*Getsemaní wame tiri wesepe Jesu Cohācjūre siniahye*

*(Mt 26.36-46; Mr 14.32-42)*

<sup>39</sup> Sa ye Jesu tiquiro sa yeducuriro sahata Olivo wame tidū cūnupū wahahye. Tiquiro sa wahagū tiquiro buheyequina

tiqiro mehna wahahye. <sup>40</sup> Topu esaro tiqiro tiquinare yahuahye:

—Cohācjüre siniña musa ñano yeratire, niahye Jesu tiquinare.

<sup>41</sup> Sa ni tuhasa tiqiro dihita mehenogā waha nemo, dusepe curi mehna quehe sa, Cohācjüre siniahye:

<sup>42</sup> —Mai, yuhu ñano yuhduatire ye dueragu yeracāhña. Yuhu sa niepegūta yuhu cahmeñe pehere yeracāhña. Muhu pehe masine. Muhu cahmeno saha yeya yuhure, ni siniahye Jesu Cohācjüre.

<sup>43</sup> Tiquiro sa sinigū uhmusepu ahtariquiro angel Jesure bajua, yedohoahye tiqirore. <sup>44</sup> Sa yero Jesu ñano jeripohna ti, tutuaro mehna Cohācjüre siniahye. Sa yero tiqiro asi ti cuhsaye dii pjeri yero saha tiqirore wijia, yehpapu bora quehe sahye.

<sup>45</sup> Cohācjüre sini bato ti, wahcādūca sa, tiqiro buheyequina cahapu wihiahye. Tiquiro wihigū tiqiro buheyequina tutuaro bujua wityequina ijiye, carīñe niahye. <sup>46</sup> Sa yero Jesu tiquinare ohō saha ni yahuahye:

—¿Dūhsena carīajari musa? Wahcāña. Cohācjüre siniña musa, “Ñano yeari”, nina, niahye Jesu tiquinare.

*Jesure ihña tuhtyequina tiqirore peresu yeahye*

(Mt 26.47-56; Mr 14.43-50; Jn 18.2-11)

<sup>47</sup> Tiquiro sa ni yahuducuri watoa masa peyequina wihiahye. Juda doce buheyequina mehna cjēno ijimediqiro masare uhmū tā cāhtariquiro ijiahye. Sa yero tiqiro Jesu cahapu wihī, wahsupu ihmi-ahye tiqirore. <sup>48</sup> Tiquiro sa ihmigū Jesu tiqirore sinituahye:

—¿Juda, yuhu masure Cohācjū ohorigure yuhure ihña tuhtyequinare ihñogu yuhure wahsupu ihmiñe mehna sa yeajari mūhu? niahye Jesu.

<sup>49</sup> Tiquiro sa nidi bato Jesu buheyequina masa Jesure tiquina ñeheatire masiñe, tiqirore sinituahye:

—¿Pūhto, usā ñoseñe pñini mehna tiquina mehna cahmequema? niahye tiquina.

<sup>50</sup> Tiquina sa nidi bato ihcāquiro Jesu buheyequina mehna cjūno pehe pahia pūhtoro cahacjūnore tiqiro ñoseni pñi mehna

tiqiro cahmonore poto pehe ijiri cahmonore date pahrē cāhye. <sup>51</sup> Tiquiro sa yegū ihñano Jesu tiqirore ohō saha niahye:

—Sa yeracāhña, niahye.

Ni, cahacjūno cahmono ijiriropu ña ohōahye. Tiquiro ña ohōgūta cahmono mūnano sahata ijiahye tja. <sup>52</sup> Sa ye tuhasa pahia pūhtoare Cohācjū wūhu cjēna surara pūhtoare, bucuna gāhure tiqirore ñeheñe ahtariquinare Jesu sinituahye:

—¿Dūhse ijiro boro musa ñoseñe pñini, yucu tiāri mehna yaqueriqirore tiquina yeriro saha musa yuhure ñehena ahtajari? <sup>53</sup> Decoripe Cohācjū wūhupu musa mehna yuhu ijigū, musa yuhure ñehedari. Sa ijiepegūta yojopure musa ya deco yuhure musa ñano yeati deco ijire. Yojopu watīno tiqiro ñano yeati deco gāhu ijire, niahye Jesu.

*—Tiqirore masiedaja, niahye Pedro Jesure*  
(Mt 26.57-58, 69-75; Mr 14.53-54, 66-72; Jn 18.12-18, 25-27)

<sup>54</sup> Tiquina Jesure ñehe tuhasa pahia pūhtoro ya wūhupu neahye tiquina tiqirore. Tiquina topu neagū Pedro yoaropu tiquinare ihña nūnu tāhye. <sup>55</sup> Pūhtoro ya wūhupu esa, topu wūhu cahapu ijiri paapu, quehnoari paa decopu peca wijiāhye arequina. Tiquina wijiāgū ihñano Pedro peca cahapu dujiyequina mehna dujiahye. <sup>56</sup> Tiquiro dujiri bato ihcācoro cahacjūno tiqirore quehnoano ihña, arequinare ohō saha ni yahuahye:

—Ahriquiro gāhu tiqiro mehna ijiri, niahye ticoro.

<sup>57</sup> Ticoro sa nigū tūhoro Pedro yūhtiahye:

—Numio, tiqirore ne masiedaja yuhu, nimahye tiqiro.

<sup>58</sup> Came cjūnogā apeqiro Pedore ihña, ohō saha ni yahuahye:

—Mūhu gāhu tiquina mehna cjū ijire, niahye tiqiro.

—Ne ijieraja, nimahye Pedro.

<sup>59</sup> Ihcā hora bato apeqiro apeqinare ohō saha ni yahuahye:

—Ijirota ijire. Ahriquiro Galilea cjūno ijire. Sa yero potota Jesu mehna ijiri ahriquiro gāhu, niahye tiqiro apeqinare.

<sup>60</sup> Tiquiro sa nigū Pedro yūhtiahye:

—Ne, mūhu nidiquirore masiedaja yuhu, ni yūhtiahye Pedro.



Tiquiro sa ni yahuducuri watoa canaca yahuahye. <sup>61</sup> Tiquiro yahugūta Jesu wūhū cahapū ijiriquiro Pedroro majare ihñadoqueoahye. Tiquiro sa yegū Pedro pehe Jesu tiquiro nidire wacūahye. “Mia ñami canaca tiquiro yahuato pano, ‘Yūhū Jesure masiedaja’, nigūta mūhū. Ihtia taha sa nigūta mūhū”, Jesu tiquiro nidire wacūahye Pedro. <sup>62</sup> Sa wacūno Pedro topū wija ta, tutuaro utiahye.

*Jesure bujape, quēahye tiquina*  
(Mt 26.67-68; Mr 14.65)

<sup>63</sup> Sa ye Jesure cohteyequina surara tiqiurore bujape, quēpeahye. <sup>64</sup> Sa quēpeye, tiqiuro caperire dūhte cahmota, tiqiurore sinituahye:

—¿Diquiro mūhure quēari? Ihñedapegūta yahuya usāre, ni sinitupeahye tiquina.

<sup>65</sup> Sa ye peye ñano ni yahuducuahye tiquina tiqiurore.

*Jesure pūhtoa sinituahye*  
(Mt 26.59-66; Mr 14.55-64; Jn 18.19-24)

<sup>66</sup> Bohrearopū judio masa bucūna, pahia pūhtoa, judio masare buheyequina gūhū cahmecoahye. Tiquina sa cahmecoanopū apequina tiquina cahapū Jesure ne cāh-tahye.

<sup>67</sup> —Yahuya usāre. ¿Cristota ijijari mūhū? ni sinituahye tiquina Jesure.

Tiquina sa nigū Jesu yūhtiahye:

—Mūsare yūhū yahugū, yūhure tūhosi mūsa. <sup>68</sup> Mūsare yūhū sinitugū yūhure yūhtisi mūsa. Sa yena yūhure wiosi mūsa. <sup>69</sup> Mūsa wioerapegūta came cjunogā ijipihitiye decori yūhū masū Cohācjū ohorigū Cohācjū tutuariquiro tiquiro poto peherū dūjigūta, niahye Jesu.

<sup>70</sup> Tiquiro sa nigū tiquina ijipihitiyequina sinituahye tja pari turi:

—¿Sa nigū Cohācjū macūta ijijari mūhū? niahye tiquina.

—Mūsa nino sahata ijijaja, ni yūhtiahye Jesu tiquinare.

<sup>71</sup> Tiquiro sa nigū tiquina ohō saha ni yahuducuahye tiquina basi:

—Ahriquiro Cohācjūre pajiro tiquiro ñano yahuducugū mari basi tūhou. Sa ye topequinata yahusāhdo ahriquirore, niahye tiquina basi.

## 23

*Pilato Jesure sinituahye*

(Mt 27.1-2, 11-14; Mr 15.1-5; Jn 18.28-38)

<sup>1</sup> Sa ni tuhasa tiquina ijipihitiyequina wahcāduca, Jesure Pilato cahapū neahye.

<sup>2</sup> Ne esa, Jesure yahusā dūcahye:

—Ahriquiro mari ya yehpa cjenare tiqiuro ñano ye dutigū usā tūhou. Mari pūhtoro ahriquiro wapa ye dutierare. Sa yero tiquiro “Pūhto ijijaja. Cristo masare yūhdūoacjū ijijaja yūhū”, ni yahuducure tiqiuro basi, ni yahusāhye tiquina Jesure.

<sup>3</sup> Tiquina sa ni yahusāri bato Pilato Jesure sinituahye:

—¿Judio masa pūhtota ijijari mūhū? niahye tiqiuro Jesure.

—Mūhū nino sahata ijijaja, ni yūhtiahye Jesu.

<sup>4</sup> Tiquiro sa nigū Pilato pahia pūhtoare, masa gūhure yahuahye:

—Ahriquiro buhiri mariedare, niahye tiqiuro.

<sup>5</sup> Tiquiro sa niepegūta tiquina tutuaro yahusā nemoahye:

—Tiquiro buheye mehna masare cahme-quegū yere. Galilea yehpapū tiquiro tire ye dūcari. Sa ye dūca tuhasa ijipihitiro Judea yehpapū tire tiquiro yere. Sa yero yojopū ohōpū gūhure tire yero taro nine, ni, yahusāhye tiquina.

*Herode Jesure sinituahye*

<sup>6</sup> Tiquina sa ni yahusāgū tūhoro Pilato pehe sinituahye:

—¿Ahriquiro Galilea cjunō ijijari? niahye tiqiuro.

<sup>7</sup> —To cjunota ijire, ni yūhtiahye apequina.

Tiquina sa ni yūhtigū tūhoro Pilato pehe Jesu tiquiro ijiri yehpare masino pūhtoro Herode ya yehpa cjunō Jesu tiquiro ijigū masiahye. Tire masino Jesure Herode cahapū ohoahye. Ti pjere Herode Jerusalēpū ijiahye. <sup>8</sup> To pano Herode Jesure tūho tuhasahye. Tiquiro sa tūhori bato yoari bato tiqiurore ihña duahye. Jesu Cohācjū tutuaye mehna tiqiuro ye ihñogū ihña duamahye tiqiuro. Sa yero tiqiuro Jesure ihñano, bucueahye. <sup>9</sup> Sa yero peye tahari sinituahye Jesure. Tiquiro sa sinituepegūta Jesu ne yūhtierahye tiqiurore. <sup>10</sup> Pahia pūhtoa, judio masare buheyequina gūhū Herode cahapū esa,

tutuario Jesure yahusāhye. <sup>11</sup> Tiquina yahusāri bato, Herode tiquiro yequina surara mehna bujape, Jesure ñano yeahye. Sa bujapeye, quehnoari suhtirore puhtoro tiquiro sañari suhtiro yero saha bajuri suhtirore saahye tiquina Jesure. Sa bujape tuhasa, tiquirore Pilato cahapũ ohoahye tja. <sup>12</sup> Ti decore Herode, Pilato mehna quehnoano tiquina basi cahme yeyequina iji dũcahye. To panore tiquina basi cahme ihña tuhtiyequina ijinimahye.

*Masa Jesure wejẽ dutiahye  
(Mt 27.15-26; Mr 15.6-15; Jn 18.39-19.16)*

<sup>13</sup> Sa ye Pilato pahia puhtoare, apequina puhtoare, masa gũhũre tiquiro pijiogũ, cahmeoahye. <sup>14</sup> Tiquina cahmeoia pihitigũ ihñano ohõ saha ñahye Pilato tiquinare:

—Ahriquiore yũhũre ne cãhtana, “Tiquiro masare ñano ye dutiri”, nimeri masa yũhũre. Yojoꝛũ masa ihñonopũ ahriquiore quehnoano sinitu pehou tja. Yũhũ sa sinituri bato masa tiquirore sa yahusãducugũ tiquirore ñañe buhiri ne mariedare, yũhũ ihñagũ. <sup>15</sup> Herode gũhũ tiquirore “Ne, ñañe buhiri mariedare”, nidi. Sa nino ahriquiore pari turi usãre oho majare tojore tja. Sa yena ahriquiore tiquiro ñañe buhiri mariedagũ tiquirore masa wejẽ duti masiedare. <sup>16</sup> Sa yegũ tiquirore yuta dari mehna tana dutiitja yũhũ. Sa tiquina tanari bato tiquirore wioutja, nimahye Pilato masare.

[<sup>17</sup> Cãhmaripe pascua bosc decorire masa yaquiore ijiatiquiore ihcãquiore peresupũ ijiriquiore Pilato wio basaducue tiahye.]

<sup>18</sup> Sa ye Pilato “Jesure wioutja”, tiquiro nigũ tuhoye ijipihiyequina masa ohõ saha ni sañuducuahye:

—Tiquirore Jesure wejẽña. Barrabá pehere usãre wio basaya, ni sañuducuahye masa.

<sup>19</sup> To pano Barrabá pehere Jerusalẽpũ puhtoare tiquiro cohã dutiri buhiri, masare tiquiro cahmeque dutiri buhiri, tiquiro wejẽdi buhiri, peresu yeahye tiquirore. Sa ye camẽpũre tiquirore masa wio dutiye ñahye. <sup>20</sup> Pilato Jesu pehere wio duamahye. Sa yero tiquiro masare sinituahye tja. <sup>21</sup> Tiquiro sa wio duepegũta tiquina tiquirore ñahye tja:

—Curusapũ quẽ biha wejẽña tiquirore. Wejẽña tiquirore, ni sañuducuahye tiquina.

<sup>22</sup> Tiquina sa nigũ Pilato ihtia taha waro ohõ saha nimahye tiquinare:

—¿Yabere ñano yeri tiquiro masa sa ni sañuducugũ? Ne tiquirore ñañe buhiri mariedare. Sa yegũ tiquirore wejẽ duti masiedaja. Tiquirore yuta dari mehna tana dutiitja. To punota ye dutiitja. Sa yegũ wioutja tiquirore, nimahye Pilato.

<sup>23</sup> Tiquiro sa niepegũta tiquina tutuario mehna sañuducu nemo, Jesure curusapũ wejẽ dutiahye. Tiquina sa ni sañuducugũ tuhoro tiquina cahmediro sahata Pilato yeahye. <sup>24</sup> Sa yero tiquina sinidiro sahata Pilato Jesure wejẽ dutiahye. <sup>25</sup> Sa dutiro tiquiro peresupũ ijiriquiore masare cahmequegũ yeriquirore, masare wejẽdiquirore masa tiquina sinidiro sahata Pilato Barrabá pehere wioahye. Sa yero Pilato Jesure curusapũ wejẽ dutiahye.

*Tiquina Jesure curusapũ quẽ biha wejẽahye*

*(Mt 27.32-44; Mr 15.21-32; Jn 19.17-27)*

<sup>26</sup> Sa ye tiquina Jesure wejẽñe wahaye, neahye. Ti pje tiquina sa yeri watoa Simo wame tiquirore Cirene cãno ihquẽ wũhũse ijirupũ esariquiore tojoa taro ñahye. Jerusalẽpũ tiquiro wihigũ ihñañe Jesure neañequina tiquirore piti ca, ñehe, curusare tiquirore wũa cã dutiahye Jesu bato pehe.

<sup>27</sup> Sa ye masa peyequina Jesure ihña mũnũ tãhye. Sa ye masa watoa ijieyequina numia tiquirore tiquina sa yegũ ihñañe tutuario utiahye. <sup>28</sup> Tiquina utigũ tuhoro, tiquina numiare Jesu majare ihña, ohõ saha ñahye:

—Jerusalẽ cãna numia, yũhũre utieracãhña. Masa ye ijiatire, masa pohna ye ijiati gũhũre utiya. <sup>29</sup> Apeye decori ijigũ ña yũhũaro yũhũnata masa. Ti pjere masa ohõ saha nieta. “Pohna mariena numia, pohna tien numia, apũoedari numia yojoꝛũ mari ijigũ quehnoa yũhũaboaga”, nieta numia. <sup>30</sup> Ti pjere cãhũre ohõ saha ni yahuducuetã masa. “Mũhũ cãhũ usã buirũ bora dijia taya. Usãre mũoña”, nieta masa cueye. <sup>31</sup> Masa yũhũre buhiri mariegure ohõ saha tiquina yegũ, ñañe buhiri cõoyequina pehe ña yũhũaro wahaeta, ñahye Jesu.

<sup>32</sup> Apequina pũaro dutiyere yũhũducayequina tiquina ijigũ tiquina gũhũre Jesu mehna tiquina wejẽatiquinare neahye tiquina. <sup>33</sup> Tiquinare nea, “Dapu pehtoro”,

wame tiropu esa, curusapu Jesure quē biha ohōahye. Sa ye puaro yuhduducayequina gāhure apequirore tiquiro potō pehe, apequirore tiquiro cū pehe pehe quē biha ohōahye. <sup>34</sup> Tiquina sa yegū Jesu ohō saha niahye:

—Mai, ahriquina yuhure wejēatiquina yojopu tiquina nāno yerire boya tiquinare. Tiquina dahse yerire masiedare tiquina. Sa yegū tiquina nāno yerire boya, niahye Jesu.

Sa ye Jesu suhtire cahme itiyē, tiquina doquepeahye. Tiquiro suhtire “¿Noa yaro ijirōtari ohō?” ni cahme doquepeahye tiquina. <sup>35</sup> Sa ye masa topu ducuyequina tiquina ihñaducuri watoa judio masa puh-toa Jesure bujūpeahye:

—Tiquiro apequina masare yariaboriqinare yuhduōhohti. Sa yero tiquiro Cristo Cohācjū beseriquiro ijiro, yojopu yariaboriquiro ijiro, tiquiro basi yuhduoahro, ni, bujūpeahye tiquina.

<sup>36</sup> Surara gāhū tiquirore bujūpeahye. Jesu cahapu esa, tiquina tiquirore nāñe co vironē ohomahye. <sup>37</sup> Tirē yeye ohō saha niahye tiquina:

—Muhū judio masa tiquina puhto ijigū muhū basi yuhduya. Sa yegū yuhdu wītigūta muhū, ni, bujūpeahye tiquina.

<sup>38</sup> Sa ye tiquiro bui ohō saha ni ojoa ohōahye. “AHRIQUIRO JUDIO MASA PŪHTORO IJIRE”, ni, ojoa ohōahye.

<sup>39</sup> Apequiro tiquiro mehna tiquina quē biha ohōriquiro yuhduducariquiro pehe nāno yahuducuahye Jesure:

—¿Muhū Cristo masare yuhduoacjū ijierajari? Muhū basi, usā gāhure yedohoya, niahye tiquiro Jesure.

<sup>40</sup> Tiquiro sa nigū tūhoro apequiro yuhduducariquiro Jesu potō pehepu tiquina quē biha ohōriquiro pehe tiquirore ohō saha niahye:

—Mari gāhure potō ijyē mehna buhiri dahrere tiquina. ¿Duhsegū Cohācjūre ne ño peerajari muhū? <sup>41</sup> Marine nāñe buhiri ye, potō yeye nine tiquina. Nāñene mari yeri buhiri marine buhiri dahrere tiquina. Ahriquiro pehe nāñene yerare, niahye tiquiro apequiro yuhduducariquirore.

<sup>42</sup> Sa nino, tiquiro Jesure ohō saha niahye:

—Jesu, muhū puhto ijigū tojoa tagū, yuhure wacūña, niahye tiquiro Jesure.

<sup>43</sup> —Muhure ahrire nii niaja. Miare paraíso wame tiropu muhū yahu mehna ijiita, niahye Jesu tiquirore.

*Jesu yariaa wahahye*

(Mt 27.45-56; Mr 15.33-41; Jn 19.28-30; He 6.19-20; 10.19-20)

<sup>44</sup> Sa ye coheri pje ijigū asū asi duhahye. Sa yero ijipihtiro ti dihtapure ihtia hora waro quehnoano nahitiahye. <sup>45</sup> Nahitiari watoa, Cohācjū wuhū cjā suhtiro cahsero, tiquina tore cahmotari cahsero decopu ti cahsero uhmūsepu tūhū dāca, tūhū yojoa saa wahahye. <sup>46</sup> Sa yero Jesu tutuaro sañuducuahye:

—Mai, yuhū jeripohnare muhure wiaja muhū ihña ihboatire, ni, sañuducuahye Jesu.

Sa ni tuhasa yariaa wahahye.

<sup>47</sup> Tiquiro sa yariagū ihñano, surara puhtoro pehe “Cohācjū tutuariquiro ijire”, nino, “Ahriquiro Jesu mūnāno potota quehnoariquiro ijimeya”, niahye surara puhtoro.

<sup>48</sup> Sa ye tiquina wejēgū ihñāñe ahtariquina Jesu tiquiro yariagū ihñāñe, tiquina ye wuhūsepu tojoa wahahye. Tojoa waha, tiquina nāñe yerire bujūa witiye mehna tiquina cutiro bui quē ohōahye. <sup>49</sup> Ijipihtiyequina Jesu yequina tiquiro mehna cjēna Galileapu tiquiro mehna ahtariquina numia gāhū Jesure yoaropu ihñaducuahye.

*Jesu pagure masa copepu cūahye*

(Mt 27.57-61; Mr 15.42-47; Jn 19.38-42)

<sup>50-51</sup> Ti pjere José wame tiriquiro topu ijiahye. Judea yehpa cjā maca Arimatea wame tiri maca cjūno ijiahye. Sa yero tiquiro quehnoariquiro, potō yeriquiro ijiro, Cohācjū puhtoro iji ducature cohteriquiro ijiahye. Sa yero tiquiro judio masa puh-toa mehna cjūno ijieperota Jesure tiquina wejē dutigū cahmedamahye tiquiro. <sup>52</sup> Sa yero Pilato cahapu esa, Jesu pagure siniahye. <sup>53</sup> Sini tuhasa, Jesu pagure ne dijio, quehnoari suhtiro mehna tiquiro pagure wahmeahye. Sa wahme tuhasa, masa copepu utāpu tiquina seheri copepu cūahye tiquiro pagure. Ti copere ne apequina yariariquinare cūedarīahye. <sup>54</sup> Ti deco saurū deco ijiatire tiquina quehnoyuri deco ijiahye. Saurū tiquina sori deco ijiasi mehenogā dahsahye.

<sup>55</sup> Sa ye Galileapɸ Jesu mehna ahtariquina numia masa copepɸ Jos  mehna wahahye. Masa copepɸ esa, ti copere ih a, Jesu pagure tiquina c rيره ih ahye. <sup>56</sup> Came tiquina ye w h sepɸ tojoaa waha, ehme sitiye co, wis ne mehna quehnoahye tiquina. Sa ye saur  ijig  Coh c  dutiye Moisere tiquiro c ri dutiye nino sahata tiquina soahye.

## 24

*Jesu masa wijiahye*

(Mt 28.1-10; Mr 16.1-8; Jn 20.1-10)

<sup>1</sup> Domingo ijig  bohrearopɸ tiquina numia ehme sitiye tiquina quehnorire Jesu masa copepɸ ne c mahye. <sup>2</sup> Ti copepɸ esa, ti copere bihariare ut re tiquina p o duhu c ria ut re ih ahye. <sup>3</sup> Sa ih a ne tiquina ti copepɸ saj a wahahye. Jesu pagure bocaerahye tiquina. <sup>4</sup> Tiquiro pagure bocaera, “ D hse wahayari?” ni t hotuahye tiquina. Tiquina sa ni t hotu yahuducuri watoa p aro  m a asi siteye suhti sa a ne-quina tiquina cahapɸ ducuahye. <sup>5</sup> Topɸ tiquina ducug  ih a, numia cueye, d sepe curi mehna quehe sahye. Sa ye  m a pehe tiquinare yahuahye:

— D hsena yariariquiro ijire Jesure macajari m sa? Yojo re tiquiro catiriquiro ijire. <sup>6</sup> Tiquiro oh re mariedare. Masa wijia tuhasari.  Soh  ijiri pjere tiquiro Galileapɸ m sa mehna ijire m sare tiquiro nidire wac ajari m sa? <sup>7</sup> “Y h re Coh c  ohorigure apequiro ohorota  a nequinare. Tiquiro ohori bato y h re curusapɸ qu  biha wej eta tiquina. Sa yegɸ y h  yariari bato ihtia deco wahaboro masa wijia atja y h ”, nidi m sare.  Tiquiro sa nidire wac ajari m sa? niahye  m a pehe.

<sup>8</sup> Tiquina sa nig  t hoye, numia pehe tiquiro nidire wac ahye. <sup>9</sup> Tiquina sa nidi bato tiquina tojoaa waha, once buheye-quinare apequina g h re tire yahu pehoahye. <sup>10</sup> Tiquina numia pehe Mar a Magdalena, Juana, Mar a Santiago pacoro ijiahye. Tiquina numia apequina numia g h  ijiahye Jesu buheyequinare yahuri numia. <sup>11</sup> Tiquina sa ni yahuepeg ta Jesu buheye-quina pehe “Poto ni e niedaga. Ni meho e niaga ahriquina numia”, ni t hotumahye. Sa ye tiquina numiare t ho duerahye.

<sup>12</sup> Tiquina sa nig  t horo, Pedro pehe masa copepɸ oma c , ih ano wahahye. Ti copepɸ esa, tiquiro muhri ih a s ahye. Jesure tiquina wahmede suhtiro dihitare ih ahye. “ D hse wahayari?” ni, t hotu, tiquiro ya w h pɸ tojoaa wahahye.

*Emau wame tiri maca c  mahapɸ Jesu bajuahye*

(Mr 16.12-13)

<sup>13</sup> Ti decota p aro Jesu buheyequina mehna c ena Emau wame tiri macapɸ waha niahye. Jerusal  once kil metro yoaro ijire Emaupɸ esato. <sup>14</sup> Emaupɸ waha, ijipihitiye Jerusal pɸ ti pjere Jesu tiquiro sa waharire tiquirore tiquina  ano yerire yahuducu c ne niahye. <sup>15</sup> Tiquina sa ni yahuducuri watoa Jesu pehe tiquina cahapɸ esa, tiquina mehna wahahye. <sup>16</sup> Sa ye tiquirore ih aepeta tiquina tiquirore ih a masiedahye.

<sup>17</sup> — D hse ni yahuducu c na nijari m sa? ni, sinituahye Jesu.

Tiquiro sa nig  tiquina b j a witiye-quina esadacahye.

<sup>18</sup> Cleofa wame tiriquiro pehe Jesure y htiahye:

— Yojo re Jerusal pɸ tiquina yerire m h  dihitata masiedajari? ni sinituahye tiquiro.

<sup>19</sup> — D hse wahari Jerusal p re? niahye Jesu.

Tiquiro sa nig  Cleofa y htiahye:

—Jesure Nazare c n re tiquina yerire nina niaja. Tiquiro Coh c  yere yahu m htariquiro ijimedi. Sa ye tiquiro yahuducurire t hoye, tiquiro yeri g h re ih a ne, “Tutuariquiro ijire”, ni, t hotumedi masa. Coh c  g h  sata ni t hotuaga. <sup>20</sup> Mari pahia p htoa, apequina p htoa mehna tiquirore wej  dutiye, apequinare ohori. Tiquina sa ohog  apequina pehe tiquirore curusapɸ qu  biha wej di. <sup>21</sup> “Roma c enare coh tiquiro Israe masa p htoro ijiatiquiro ijire”, ni, t hotumi us  tiquirore. Mia mehna ihtia deco wahare tiquiro yariari bato. <sup>22</sup> Mehe nequinag  numia us  mehna c ena numia us re acug  yeri. Bohrearopɸ Jesu tiquiro masa copepɸ tiquina numia esa, <sup>23</sup> tiquiro pagure bocaera hti. Tiquiro pagure bocaeraye, tiquina tojoa wihi yahuri. “Us re angele bajuari. Jesu cati hti”, ni yahuri us re numia pehe.

<sup>24</sup> Tiquina sa nigū apequina usā mehna cjēna ti copepū esa, numia tiquina nidiro sahata ihñañohti. Tiquina gūhū Jesure ihñedañohti, niahye tiquiro Jesure.

<sup>25</sup> Tiquiro sa nidi bato Jesu yahuahye tiquinare:

—Musa ne tuho masiedare. ¿Cohācjū yere yahu mūhtariquina mūna tiquina nidire quehnoano tuhoerari musa?

<sup>26</sup> Cristore tiquiro puhtoro ijato pano ummusepū tiquiro mūjato pano tiquirore ñano yūhdaro cahmedi. ¿Tire masiedajari musa? niahye Jesu tiquinare.

<sup>27</sup> Sa nino Cohācjū Cristore tiquiro ni yahu tiquina ojoarire Jesu yahu peho cāhye tiquinare. Moise mūnano tiquiro ojoarire Jesu yahu dūcahye. Sa yero ijipihtiyequina Cohācjū yere yahu mūhtariquina Cristore tiquina ojoari gūhūre yahu peho cāhye tiquiro.

<sup>28</sup> Tiquina wahari macapū tiquina esaye taye yegū, Jesu pehe tiquinare yūhdū cāa wahamahye. <sup>29</sup> Tiquiro sa yepegūta tiquina tiquirore waha dutierahye:

—Usā mehna tojoaya. Ñamicapū ijire. Nahinopū nine, niahye tiquina tiquirore.

Sa yero Jesu tiquina mehna wūhūpū sajāa wahahye. <sup>30</sup> Wūhūpū sajā sa, tiquiro tiquina mehna ihyari mesapū nuju sa, pāre ne, Cohācjūre “Quehnoare”, niahye. Sa nino ti pāre nuha ne, tiquinare ohoahye. <sup>31</sup> Tiquiro sa yegū ihñañe tiquina Jesure ihña masiahye. Tiquina ihña masi dūcagūta tiquiro buti maa wahahye. <sup>32</sup> Tiquiro sa buti maa wahagū ihñañe tiquina basi ohō saha ni yahuducuahye:

—Mahapū tiquiro marine tiquiro yahuducuri watoa Cohācjū tiquiro ojoarire tiquiro yahuri watoa mari jeripohnari mehna quehnoano bucueye mehna tuhotuu mari, niahye tiquina basi.

<sup>33</sup> Sa ni tuhasa tiquina duita Jerusalēpū majare tojoaa wahahye tja. Topū esa, once buheyequinare apequina mehna cahme-coañequinare bocahye. <sup>34</sup> Tiquina esagū, once buheyequina ohō saha niahye:

—Potota mari puhtoro masa wijiañohti. Simo Pedro tiquirore ihñañohti, niahye once buheyequina.

<sup>35</sup> Tiquina sa nigū pūaro Emau cjēna mahapū Jesure tiquina ihñarire yahuahye:

—Jesu pāre tiquiro nuhagū usā ihña masii tiquirore, ni, yahu pehoahye tiquina apequinare.

*Jesu tiquiro buheyequinare bajuahye*  
(Mt 28.16-20; Mr 16.14-18; Jn 20.19-23)

<sup>36</sup> Tiquina sa ni yahuri watoa tiquina cahapū iji tuhasahye Jesu pehe.

—¿Ijijari musa? niahye tiquiro tiquinare.

<sup>37</sup> Tiquiro sa nigū tuhoeye tiquina “Mari yariariquiro mūnanore ihñana niaja”, ni tuhotuye, tutuaro cueahye. <sup>38</sup> Tiquina sa cuegū ihñano tiquiro tiquinare yahuahye:

—¿Dūhsena cueajari musa? ¿Dūhsena “Ahri poto ijierare”, niajari musa? <sup>39</sup> Yūhū omocarine, yūhū dahpocāri gūhūre ihñaña. Musa yūhūre ihñana, ihña masinata. Yūhūre ñehe tuhuya. Ñehe tuhuna masinata musa. Yariariquiro mūnanopū pagū mariedare. Yūhū pehe pagū tiaja, niahye Jesu.

<sup>40</sup> Sa nino tiquiro omocari gūhūre, tiquiro dahpocāri gūhūre ihñaohye tiquinare.

<sup>41</sup> Tiquiro sa ihñoepēgūta tiquina tutuaro bucue, ihña maria waha, “Ahri poto ijieraga”, ni tuhotuñahye. Tiquina sa tuhotugū masino Jesu tiquinare sinituahye:

—¿Ohōpū ihyaye ijijari? niahye tiquiro.

<sup>42</sup> Tiquiro sa nigū tuhoeye wahi dohariquiro ohoahye tiquirore. <sup>43</sup> Tire ne, tiquina ihñonopū Jesu ihyahye. <sup>44</sup> Ihya tuhasa, Jesu yahuahye tiquinare:

—Sohō ijiri pje musa mehna ijigū musare yūhū yahuriro sahata yojopū yūhū sa waha. Cohācjū dutiye Moise marine tiquiro cūri tiquiro sa ni ojoariro sahata yūhūre sa wahari. Cohācjū yere yahu mūhtariquina, Salmo ojoari pūre ojoayequina gūhū panopū yūhūre tiquina ni yahuriro sahata yojopūre yūhūre sa wahari. Sa wahacjūta ijii yūhū, niahye Jesu.

<sup>45</sup> Sa ni tuhasa Cohācjū yere tiquina yahu ojoarire tiquiro buheyequinare masigū yeahye Jesu:

<sup>46</sup> —Cohācjū yere tiquina ojoari ohō saha nine: “Cristore ñano yūhdaro cahmene. Sa yero ihtia deco wahaboro tiquiro yariari bato tiquiro masa wijiarota. <sup>47</sup> Tiquiro masa wijari bato ijipihtiye yehparipū tiquiro yequina Cristo yere yahueta. Masa tiquina ñañene tiquina bujūa witiatiere, quehnoañene tiquina comesatire Cohācjū

tiquina ñañene tiquiro cohātire yahueta tiquiro yequina. Sa yahuye taye, Jerusalēpū yahu dūcaeta”, niahye Cohācjū yere tiquina ojoari pūpū, niahye Jesu.

<sup>48</sup> Sa ni tuhasa ohō saha ni yahu nemoahye:

—Musa pehe ahri ijipihiyere ihñarina ijire. Sa yena apequinare yahunata.

<sup>49</sup> “Espiritu Santore musare ohoutja”, Cohācjū tiquiro nidiquirore yūhū pehe musare ohoutja. Tiquiro ūhmūse cjē tutuayere ohoatiquiro ijire. Sa yena Jerusalēpū tiquiro wihatire cohteya musa, niahye Jesu tiquiro buheyequinare.

*Jesu ūhmūsepū mūjaa wahahye*

*(Mr 16.19-20)*

<sup>50</sup> Sa ni tuhasa Jesu tiquinare Jerusalēpū ijijyequinare Betania cahapū neahye. Topū esa, Jesu tiquiro omocarine ne mūo, “Quehnoano ijija”, niahye tiquinare. <sup>51</sup> Sa ni tuhasa, tiquinare cū, ūhmūsepū mūjaa wahahye. <sup>52</sup> Tiquiro mūjari bato tiquina tiquirore ño peo, Jerusalēpū tutuaro bucueye mehna tojoaa wahahye. <sup>53</sup> Topū iji, decoripe tiquina Cohācjū wūhūpū Cohācjū mehna yahuducu, “Quehnoare”, ni ño peohye tiquina tiquirore. To punota ijire.

## San Juan

*Cohācĵū* ye yahuducuyere yahuriquiro masunota iji dācahye

<sup>1</sup>Duitaputa ahri yehpa to ijiato panoputa Cohācĵū ye yahuducuyere yahuriquiro Cristo masare yuhduoatiquiro duita iji tuhasae tiahye. Tiquiro Cohācĵū mehna ijiahye. Sa yero tiquiro Cohācĵūta iji cāhno niahye. <sup>2</sup>Duitaputa coā waropure Cristo Cohācĵū mehna ijiahye. <sup>3</sup>Sa yero coā waropure ne mariedarire bajumehneahye. Ahri yehpare, ahmūserere, ijipihiyere, masa gūhure bajumehne dutiahye Cohācĵū tiquirore. Sa yero ahrire bajumehne pehoahye tiquiro. Ahrire yojoṗure mari ihñañene, mari ihñedari gūhure tiquiro bajumehnedagū ne mariedariboya. <sup>4</sup>Cristo catiyere ohoriquiro ijiro nine. Buhrioro marine to quehnoano ihña masigū yero saha mari Pacure quehnoano masigū yere. Sa yero mari Pacure masigū yere masare. <sup>5</sup>Ahri yehpa cĵēna ñañene wacū, tiquina tutuaro cahmeñe nahitiano yero saha ijiye nine. Buhrioro quehnoano marine to ihña masigū yero saha Cohācĵū ye yahuducuyere yahuriquiro masare masigū yere. Sa yero nahitiano buhrioro to yuhducaero sahata Cristore ne ñañe yuhducaerare.

<sup>6-7</sup>Cohācĵū Ñu wame tiriquiro pehere ohoahye, Cristo buhrioro yero saha ijiriquire masare yahu muhta dutiro. Tiquiro ohogū Ñu pehe masare yahuro ahtari tiquiro yahuriquire Cristore ijipihiyequina tiquina wacū tutuatire. <sup>8</sup>Ñu pehe Cristo ijierari. Sa ijieraro tiquiro Cristo pehere masare yahu muhtano ahtari. <sup>9</sup>Cristo buhrioro yero saha ijiriquire ijipihiyequina masare Cohācĵūre masigū yeatiquiro pehe ahri yehpapū ahtari jiri. Ijirota ijire ahri. Tiquiro buhrioro yero saha ijiriquire warota ijire.

<sup>10</sup>Sa yero Cristo ahri yehpapū ijiri jimedi. Ahri yehpare bajumehnediquiro ijiahye. Tiquiro sa ijiepegūta tiquiro ya yehpa cĵēna tiquirore ne masiedari. <sup>11</sup>Tiquiro ya yehpapū masa bajuari jimedi. Tiquiro ya yehpapū tiquiro masa bajuariquiro ijiepegūta tiquiro ya yehpa cĵēna pehe ne tiquirore cahmedari jiri. <sup>12</sup>Tiquina

sa cahmedapegūta apequina pehere ijipihiyequina tiquirore cahmeñequina pehere tiquinare Cohācĵū tiquiro pohne ijigū yeri jiri. Tiquirore wacū tutuayequina pūrita potota tiquiro pohne warota ijire. <sup>13</sup>Tiquina Cohācĵū pohmeta ijiye nine. Sa ye masa tiquina masa bajuariro saha ijierare, Cohācĵū pohne tiquina wahagū.

<sup>14</sup>Sa yero Cristo masuno tiquiro iji dācari bato mari mehnata ijire tiquiro. Tiquiro sa ijigū ihñana masare cahñiquiro, potota yahuriquiro tiquiro ijigū usā masii. Tiquiro dihita Cohācĵū macuno ijiro tutuariquiro quehnoariquiro ijiri. Tiquiro sa ijiriquire ijigū usā masii. <sup>15</sup>Ñu Cristore yahu muhtano ohō saha ni sañuducuri masare yahuro:

—Siquiro ahtare yuhū ohō saha ni yahuriquiro: “Tiquiro yuhū bato ahtariquiro ijire. Sa ijieperota tiquiro yuhū yuhduoro tutuariquiro ijire. Tiquiro yuhū masa bajuato panopū iji tuhasahye. Sa yero tiquiro yuhū yuhduoro tutuariquiro ijire”, masare yuhū ni yahuriquiro ahriquirota ijire, nidi Ñu Jesure masare yahuro.

<sup>16</sup>Tiquiro Cristo pehe quehnoano tutuaro masare cahñiquiro ijiro marine ijipihitinare quehnoano yeducuri. <sup>17</sup>Cohācĵū dutiyere Moise pehe cū muhtahye marine. Jesucristo pehe Cohācĵū masare tiquiro cahñene buhero ahtari. Cohācĵū tiquiro potota yahuducuyere gūhure buhero ahtari. <sup>18</sup>Masa ne Cohācĵūre ihñedare. Tiquirore mari ihñedapegūta tiquiro macuno ihcāquirota ijiriquire tiquiro Pacuro mehna sa ijiducure. Sa yero tiquiro Pacurore marine masigū yeri.

*Apequina Ñu wame yeriquire sinituahye*  
(Mt 3.3, 11-12; Mr 1.2-3, 7-8; Lc 3.4-6, 15-17)

<sup>19</sup>Usā acaye judio masa puhtoa Jerusalēpū ijieyequinare pahiare, Cohācĵū wuhpū dahrayequina gūhure Ñu cahapū ohori jiri. “¿Noa boro ijijari muhū?” ni sinitu dutiye ohori jiri tiquinare. Tiquina sa sinitugū ohō saha ni yahuri Ñu pehe. <sup>20</sup>Yeero boro marieno yahuri. Potota yahuri:

—Yuhū Cristo Cohācĵū masare yuhduo dutiro tiquiro ohorigū ijieraja, nidi tiquiro.

<sup>21</sup>Tiquiro sa nigū tiquina pehe tiquirore pari turi sinituri tja:

—¿Muhū Cristo ijieragu Elia pehe ijijari muhū? nidi tiquina.

—Ijieraja yuhũ, nidi tiqiro.

—¿Usã cohterigũ Cohãcjũ yere yahu muhtacjũ pehe ijiajari muhũ? nidi tiquina.

—Tiqiro ijieraja yuhũ, nidi Ñu pehe.

<sup>22</sup> Tiqiro sa nigũ tiquina tiqirore pari turi sinituri tja:

—Usãre sinitu dutiriquinare usã yahuro quehnoano pota usãre yahu madoqueohya. ¿Noa boro pehe ijiajari muhũ? ¿Muhũ basita dahse ijigũ ijiajari muhũ? “Sa ijigũ ijiaja yuhũ”, ni yahuya usãre, nidi tiquina Ñure.

<sup>23</sup> Tiquina sa nigũ ohõ saha ni yuhtiri tiqiro:

—Masa marienopũ ohõ saha ni sañuducugũ ijiaja yuhũ, Cohãcjũ yere yahu muhtariquiro Isaia munano tiqiro ni yahuriro sahata: “Mari puhtoro tiqiro ahtato pano mahare mari quehnoyuro saha quehnoana ijyuya musa”, ni masare yahu sañuducugũ ijiaja yuhũ, nidi Ñu tiquinare.

<sup>24</sup> Ñure sinituyequina fariseo masa tiquina ohoriquina ijiri. <sup>25</sup> Sa ye tiquina Ñure sinituri tja:

—¿Muhũ Cristo, Elia, Cohãcjũ yere yahu muhtagũ usã cohterigũ ijierapegata dahsegũ masare wame yeajari muhũ? nidi tiquina.

<sup>26</sup> Tiquina sa nigũ tuhoro yuhtiri tiqiro:

—Yuhũ aco mehna masare wame yeaja. Apequiro pehe musa masieniquiro pehe musa watoa iji tuhasare. <sup>27</sup> Tiqiro pehe yuhũ bato ahtariquiro yuhũ yuhduoro tutuariquiro ijire. Quehnoa yuhduariquiro ijire. Tiqiro yero saha ijieraja yuhũ pehe. Sa yegũ tiqirore tuhutugũ, “Ihyo ijigũ ijiaja yuhũ”, ni tuhutuaja yuhũ, nidi Ñu tiquinare.

<sup>28</sup> Sa ni yahuducuri tiquina, Betaniapũ Jordã wame tiri ma ape sie pahrẽpũ, Ñu masare tiqiro wame yeriropũ.

*Jesu Cohãcjũ* ohoriquiro tiqiro yaquiro cordero yero saha ijiriquiro ijire

<sup>29</sup> Ape decopũ Jesu Ñu cahagã cjũno tiqiro ahtagũ Ñu tiqirore ihñano ohõ saha nidi:

—Ihñaña. Ahriquiro Cohãcjũ ohoriquiro tiqiro yaquiro cordero yero saha ijiriquiro ijire. Corderore mari wejẽdiro sahata masa ahriquiro gũhure wejẽeta. Sa yariaro ahri yehpa cjẽnare tiquina ñañe yerire cohãnota tiqiro. <sup>30</sup> Ahriquirota ijire yuhũ ohõ saha

nidiquiro: “Yuhũ bato ahtariquiro yuhũ yuhduoro tutuariquiro ijire. Yuhũ masa bajuato pano tiqiro iji tuhasahye. Sa yero tiqiro yuhũ yuhduoro tutuare”, yuhũ nidiquiro ahriquirota ijire. <sup>31</sup> Yuhũ pehe ahriquirore masiedahti. Sa masiedapeguta aco mehna wame yei ahtau nii yuhũ acaye Israe masa ahriquirore tiquina masiatore, nidi Ñu.

<sup>32</sup> Sa ni tuhasa Ñu yahu nemori:

—Espiritu Santo uhmusepũ bujua yero saha Cristo bui dijia ta, tiqiro bui whiducagũ ihñau. <sup>33</sup> Cohãcjũ yuhure tiqiro yahueragũ tiqirore ne masiedaboaga yuhũ. Tiqiro yuhure musare aco mehna wame ye dutiro ohoriquiro Cohãcjũ pehe ohõ saha ni yahu muhta tuhasari yuhure: “Espiritu Santo dijia ta tiqiro bui whiducanohriquiro tiquirota ijirota. Tiqiro pehe Espiritu Santore masa mehna ijiducugũ yerota”, nidi Cohãcjũ yuhure. <sup>34</sup> Yojoopũ pũritare tiqirore ihña tuhasau yuhũ. Sa ihñagu “Potota Cohãcjũ macano ijire”, nii yuhũ musare, ni yahuri Ñu usãre.

*Jesu buhayequina tiqiro piji* muhtariquina ijire

<sup>35-36</sup> Ape decopũ Ñu mehna usã puana tiqiro buhena usã ducugũ, Jesu usã cahapũ yuhdu cãno nidi. Tiqiro sa yuhdu cãgũ Ñu tiqirore ihñano, pari turi ohõ saha nidi usãre:

—Ihñaña. Ahriquiro Cohãcjũ yaquiro cordero yero saha ijiriquiro ijire, nidi Ñu.

<sup>37</sup> Tiqiro sa nigũ usã puana tiqiro buhena pehe tire tuhona Jesure nunũ tãu. <sup>38</sup> Usã sa nunũ tãgũ ihñano Jesu usãre majare ihña, sinituri:

—¿Yabere macana niajari musa? nidi tiqiro.

Tiqiro sa nigũ usã gũhũ sinituu tiqirore:

—¿Buhegu, nohopũ ijiajari muhũ? nii usã tiquirore.

<sup>39</sup> —Yuhũ mehna ahtatjiãna ihñana taya, nidi Jesu usãre.

Tiqiro sa nigũ usã pehe tiqiro ijiropũ ihñana wahau. Ti pjere ñamicahapũ cuatro hora ijiri. Sa yena ti decore tiqiro mehna tojoau usã.

<sup>40</sup> Usã puana Ñure tuhorina, Jesure nunũ tãrina yuhũ piti Andre mehna ijii. Andre pehe Simo bahuro ijiri. <sup>41</sup> Sa yero duita



tiqiro wahminore Simore maca, boca, tiqirore ohō saha ni yahuahye:

—Mesiare Cohācjū marine yuhdno dutiro tiqiro ohoriquore usā boca, niahye Andre Simore. Mesiā usā ye mehna nina, Cristo nina niaja.

<sup>42</sup>Sa ni tuhasa tiqiro Simore Jesu cahapu neari. Tiqiro cahapu esagū ihñano Jesu pehe Simore ohō saha nidi:

—Muhū Simo wame tigū, Ñu macu ijire. Yojoḡure muhure Cefa wame yeitja, nidi Jesu Simore. Cefa usā ye mehna nina, Pedro nina niaja.

*Felipere, Natanae gūhure pijiahye Jesu*

<sup>43</sup>Ape decopu Jesu Galilea yehrapu waha duari. Sa yero tiqiro wahato pano Felipere piti ca ohō saha nidi:

—Yuhū mehna cjū ijiacju ahtaya, nidi Jesu.

<sup>44</sup>Felipe pehe Betsaida cjūno ijiri. Tiqiro Andre, Pedro mehna ihcā maca cjēna ijiri tiquina. <sup>45</sup>Sa yero Felipe Natanaene maca, tiqirore bocaro ohō saha ni yahuri:

—Cohācjū dutiyere Moise tiqiro ojoari pūpu tiqiro yahuriqirore apequina Cohācjū yere yahu mūhtariquina gūhū tiquina yahuriqirore usā boca. Jesu Nazare cjūno, José macunota ijire, nidi tiqiro Natanaene.

<sup>46</sup>—Nazarepūre ne ihcāqiro quehnoariqiro mariedare, nidi Natanae.

—Ihñagū taya muhū, nidi Felipe.

<sup>47</sup>Sa ye Jesu cahapu tiqiro esagū ihñano Jesu pehe ohō saha nidi Natanaene:

—Ahriqiro yojoḡu ahtariqiro potota quehnoariqiro judio masano warota ijire. Tiqirore mehoñe ne mariedare, nidi Jesu Natanae pehere.

<sup>48</sup>Tiqiro sa nigū tuhoro Natanae pehe tiqirore sinituri:

—¿Duhsegū yuhare quehnoano masiajari muhū? nidi.

—Felipe muhure tiqiro pijiato pano, higueraḡu docapu muhū ijigū ihñau yuhū muhure, nidi Jesu.

<sup>49</sup>Tiqiro sa nigū Natanae pehe ohō saha nidi tja:

—Buheḡu, potota muhū Cohācjū macu ijire. Muhū Israe masa usā puhto ijiacju ijire, nidi Natanae.

<sup>50</sup>Tiqiro sa nigū tuhoro ohō saha ni yuhtiri Jesu:

—Higueraḡu docapu yuhū muhure ihñarire masigū yuhure “Cohācjū macu ijire”, ni wacū tutuare muhū. ¿Tita muhure sa masigū yeajari? Ahri muhure yuhū ihñari yuhduoro Cohācjū tutuaye mehna ye ihñogutja yuhū muhure. Yuhū sa ye ihñogū ihñaguta muhū, nidi Jesu Natanaene.

<sup>51</sup>Sa ninota ohō saha ni yahu nemori:

—Potota muhure niita niaja. Yuhū masū Cohācjū ohoriguta ijiaja. Uhmuseḡu parī maagū Cohācjū tiqiro yequina angele yuhū bui tiquina dijia tagū, tiquina mijagū gūhure ihñaguta muhū, nidi Jesu tiqirore.

## 2

*Canā wame tiri macapu tiquina omoca duhteropu Jesu wahahye*

<sup>1</sup>Ihtia deco bato Canāpu Galilea yehrapu ijiri macapu omoca duhteri bose deco ijiri. Sa yero Jesu pacoro ti wuhapu ijiri. <sup>2</sup>Jesu mehna usāre tiqiro buhena gūhure omoca duhteropu pijiori tiquina. <sup>3</sup>Ti bose deco cjē vino pihdigū Jesu pacoro tiqirore yahuri:

—Yojoḡure vino pihitia wahari, nidi ticoro Jesure.

<sup>4</sup>Ticoro sa nigū tuhoro Jesu ohō saha nidi:

—¿Iñō, duhsego tago tire yuhure yahuarari muhū? Masa yuhure tiquina masiato dahsarīne, nidi Jesu tiqiro pacorore.

<sup>5</sup>Tiqiro sa nidi bato tiqiro pacoro pehe tiquina cahacjēnare dutiri:

—Yuhū macu tiqiro dutiro sahata yeya, nidi ticoro.

<sup>6</sup>Ti pjeḡure usā acaye judio masa Cohācjū yere yeye tehe masare tiquina ḡurire sa coseducu dutie tiri. Sa ye ti wuhapure seis suturi utā mehna tiquina yeri suturi aco pose tiye suturi ijiri. Ti suturi Cohācjū yere yeye tehe tiquina coseye aco pose tiye suturi ijiri. Ti suturi cincuenta o setenta litro pose esa tuhari. <sup>7</sup>Sa yero tiquina cahacjēnare dutiri Jesu:

—Ahri suturire acore pio sã nemoña. Quehnoano wahpo dapoya, nidi Jesu.

Tiqiro sa nigū tiquina pehe quehnoano wahpo dapo peho cāhri ti suturire.

<sup>8</sup>Tiqina sa yeri bato Jesu tiquinare dutiri tja:

—Yojoḡure ti acore wa ne, wuhū cjūnore ohoya, nidi.

Tiqiro sa nigū tuhoye ti acore wa ne, wuhū cjūnore ohori. <sup>9</sup>Tiqina sa ohogū tiqiro pehe ti acore vino wahagū

yeri acore sihni tuhuri. Ti acore tiquiro duhse yerire masiedari tiquiro. Tiquiro sa masiedapegüta tiquiro cahacjēna ti acore wayequina pehe masidi. Wuhū cjūno sa masiedaro omoca dakteriquirore pijio, ohō saha ni yahuri:

<sup>10</sup>—Apequina masa quehnoañe vinore sihō mūhtare. Masa tiquina quehnoano sihni bato pū ña cjūne core sihōri tiquina. Mūhū pehe quehnoañe core ihbo, came cjūno ti core sihōri usāre, nidi wuhū cjūno omoca dakteriquirore.

<sup>11</sup> Canápū Galileapū ijiri macapū Jesu acore vino tiquiro wahagū yero, topū Cohācjū tutuaye mehna coā ye dūcari. Sa yero apequinare tiquiro tutuayere ihñori Jesu. Tiquiro sa ihñori bato usā tiquiro buhena tiquirore wacū tutuañ.

<sup>12</sup> Came Jesu tiquiro pacorore, tiquiro bahanare, usāre tiquiro buhena gūhūre Capernaupū siho esari. Topū esana, meheñe decorigā tojoariñ usā.

*Jesu Cohācjū wuhūpūre esahye  
(Mt 21.12-13; Mr 11.15-18; Lc 19.45-46)*

<sup>13</sup> Pascua ijigū judio masa usā bose deco ijiato mehenogā dūhsatjiāri. Sa yero Jesu Jerusalēpū esari. <sup>14</sup> Topū esaro tiquiro Cohācjū wuhūpū sajā saro, wecūare, ovejare, bujuare duayequinare boca sari. Sa yero niñerure comesayequina mesaripū dujigū tiquina gūhūre boca sari. <sup>15</sup> Sa boca saro yuta dari mehna tanari da ye, tiquinare ijip-ihtiyequinare sopecahapū tana nūnū wiori. Oveja, wecūa gūhū tana nūnū wio cāri tiquiro. Sa yero niñeru comesayequina ye mesarire ne majaredoqueo, doque cū cāri. Ti niñeru cjoeri gūhūre doque site cāri. <sup>16</sup> Sa ye tuhasa bujuare duayequinare ohō saha nidi:

—Mūsa bujuare ne wijiyaya. Yūhū Pacū ya wuhūre apee boro duari wuhū yer-acāñā, nidi Jesu tiquinare.

<sup>17</sup> Tiquiro sa yegū ihñana usā tiquiro buhena pehe Cohācjū yere tiquina ojoari pūpū tiquiro nidire wacū: “Cohācjū, mūhū ya wuhūre tutuaro cahīaja. Sa cahīgu ti wuhūre ñano tiquina yegū ihñagu tutuaro bujuare witiaya yūhū”, ni ojoahye Cohācjū yere tiquina ojoari pūpū”, ni wacū usā Jesu buhena.

<sup>18</sup> Jesu tiquiro sa yeri bato usā acaye judio masa pūhtoa tiquirore sinituri:

—¿Dūhsegu mūhū ahriquinare Cohācjū wuhūpūre ijyeyequinare cohā wioari? Cohācjū mūhūre tire ye dutiriquiro tiquiro ijigū Cohācjū tutuaye mehna ye ihñora mūhū usā ihñatire, nidi tiquina Jesure.

<sup>19</sup> Tiquina sa nigū Jesu yahtiri:

—Ahri wuhūre mūsa cohāgū ihtia deco wahaboro tuhasatja yūhū, nidi Jesu tiquinare.

<sup>20</sup>—Ihtia deco ahri wuhūre yesi mūhū. Cuarenta y seis cahmari waro tiquina yeri wuhū ijire ahri wuhū, nidi tiquina pehe Jesure.

<sup>21</sup> Tiquiro sa nigū tiquina tiquirore quehnoano tuhoerari. Jesu “Ahri wuhūre”, nino tiquiro pagūre nino nidi jimedī.

<sup>22</sup> Sa ye tiquiro yariari bato, tiquiro masa wijiyari bato usā tiquiro buhena pehe tiquiro nidire wacūna, Cohācjū yere tiquina ojoari pūre Jesu tiquiro yahuri gūhūre “Ti ijirota ijire”, ni wacū usā.

*Ijipihiyequina tiquina wacūne Jesu masine*

<sup>23</sup> Pascua bose deco ijigū Jesu Jerusalēpū ijiri. Topū tiquiro ijigū masa peyequina Cohācjū tutuaye mehna tiquiro ye ihñogū ihñāne tiquirore wacū tutuari. <sup>24</sup> Tiquina sa wacū tutuepegūta Jesu masa tiquina wacūne quehnoano masino, “Yūhūre sa wacū tutuaducūta”, ni tuhotuerahye. <sup>25</sup> Masa tiquina tuhotuyere quehnoano masidi tiquiro. Sa masino masa tiquina tuhotuyere apequinare ne sinituerari.

### 3

*Jesu Nicodemore yahuahye*

<sup>1</sup> Ti macare Nicodemore wame tiriquiro, judio masa pūhtoa mehna cjūno ijiri. Tiquiro fariseo masa ya curua cjūno ijiri. <sup>2</sup> Sa yero ihcā ñami tiquiro Jesu cahapū ahta, tiquiro mehna yahuducūahye:

—Buhegū, mūhū Cohācjū buhe dutiro tiquiro ohorigū mūhū ijigū usā masiaja. Cohācjū mūhūre tiquiro yedohoeragū mūhū pehe tiquiro tutuaye mehna ne ye ihñoed-aboaga. Mūhū peye tahari Cohācjū tutuaye mehna ye ihñore, niahye Nicodemo Jesure.

<sup>3</sup> Tiquiro sa nigū Jesu pehe yahuahye:

—Ijirota mūhūre niita niaja. Wahma masa bajuariquiro yero saha pari turi masa bajuariquiro dihita Cohācjū yaquiro iji masine, niahye Jesu.

<sup>4</sup> —Yohnah. ¿Bucuro pehe dahse ye pari turi masa bajuaboari tiqiro? Tiqiro pacoro niji suhtirop majare sajã, pari turi baja masiedaboaga tiqiro, niahye Nicodemo.

Tiqiro sa nigũ Jesu yahtiahye:

<sup>5</sup> —Ijirota niita niaja mũhare. Wahma masa bajuariqiro yero saha aco mehna, Espiritu Santo tiqiro tutuaye mehna pari turi masa bajuariqiro dihita Cohãcjũ yaqiro iji masine. <sup>6</sup> Numia niji pacosãnumia ijiye, macanagãre masa bajuagũ yere. Espiritu Santo pehe masare Cohãcjũ pohne ijigũ yere. <sup>7</sup> “Wahma masa bajuariqiro yero saha pari turi masa bajuariqiro dihita Cohãcjũ yaqiro iji masine”, yũhu nigũ, tũho wisieracãhã. <sup>8</sup> Espiritu Santo masare Cohãcjũ pohne tiqiro yegũ ti wihmono yero saha ijire. Wihmono to ahtariorp ahtare. To ahtaro ca tagũ mari tuhoaja. Sa tuhoopenata to ahtariorre, to wahariorre ne masiedaja. Sata yere Espiritu Santo masare Cohãcjũ pohne yero, niahye Jesu Nicodemore.

<sup>9</sup> —Mũhu niñene quehnoano masiedaga, niahye Nicodemo.

<sup>10</sup> Tiqiro sa nigũ tũhoro ohõ saha niahye Jesu:

—¿Mũhu judio masare buhegu ijiepegũta, dahsegu yũhu niñene tuhoerajari? <sup>11</sup> Ijirota niita niaja mũhare. Usã masidire usã ihñarire usã yahuaja. Usã sa yahueregũta ne musa acaye judio masa ne tũho duerare. <sup>12</sup> Ahri yehpa cã mehna masa tiquina masa bajuari mehna musare queoye mehna yũhu buhe mũhtarire “Ijirota ijire”, niedare musa. Sa niedana queoye mehna buhero marieno Cohãcjũ yere yũhu yahugũ gãhũre “Ijirota ijire”, nisi musa.

<sup>13</sup> Ne ihcãqiro ãhmũserp Cohãcjũ cahapũ wahariqiro ne pari turi tojoa tasi. Yũhu masũ Cohãcjũ ohorigũ yũhu dihita ãhmũserp ijirigũ ahri yehparp ahtaũ. Sa yegũ yũhu dihita Cohãcjũ yere musare yahu masiaja. <sup>14</sup> Panopũre masa marienopũ Moise mũnano bronze wame tiri come mehna tiquina yeriquire aũare yucũgu tiquina docodũpũ duhu yoahye. Yucũgũpũ tiquina duhu yoriro sahata yũhũre masũre Cohãcjũ ohorigũre tiquire tiquina yeriro sahata yũhũ gãhũre duhu yoeta. <sup>15</sup> Yũhũre tiquina sa yeri bato ijipihtiequina yũhũre

wacũ tutuayequina ijipihtie decori Cohãcjũ mehna ijiducueta, niahye Jesu.

Cohãcjũ ijipihtiequinare cahĩne

<sup>16</sup> Sa ni tuhasa ohõ saha ni nemoahye:

—Cohãcjũ ijipihtiequina ahri yehpa cãenare tutuaro cahĩne. Sa yero yũhũre tiqiro macũre ihcũta ijigũre Cohãcjũ ohori ijipihtiequina yũhũre wacũ tutuayequina pecapũ tiquina “Wahaeracãhdo”, nino. Sa ye ijipihtie decori Cohãcjũ mehna ijietã tiquina. <sup>17</sup> Cohãcjũ yũhũre tiqiro macũre masare buhiri dahre dutiro ohoerari yũhũre ahri yehparpũre. Sa yero masare pecapũ wahaboriquinare yũhũre ohoerari yũhũre ohoerari.

<sup>18</sup> Yũhũre Cohãcjũ macũre wacũ tutuayequinare ne buhiri dahresi Cohãcjũ. Yũhũre wacũ tutuayequina pũritare Cohãcjũ buhiri dahre duti tuhasari. Masa yũhũre Cohãcjũ macũre ihcũta ijigũre tiquina wacũ tutuerari buhiri, buhiri dahrerota tiquinare. <sup>19</sup> Yũhũ, Cohãcjũ macũ ahri yehparpũ ahtaũ buhrioro quehnoano marine to ihñã masigũ yero sahata Cohãcjũ yere quehnoano masigũ yeaja. Yũhu sa masigũ yegũ ihñãne yũhũre wacũ tutuayequina yũhũre cahmedare. Tiquina ñãne yeye pehere quehnoano cahmene. Tiquina sa cahmedi buhiri tiquinare buhiri dahrerota. <sup>20</sup> Ijipihtiequina ñãne yeyequina tiquina ñãne yeyere duhu duerare. Sa ye buhrioro to bajumehmeno sahata tiquina ñãne yerire “Bajumehneari”, niñe, yũhũre cahmedari tiquina. <sup>21</sup> Quehnoañene yeyequina pehe yũhũre, yũhũ buheye gãhũre cahmene. Cohãcjũ yere tiquina yeyere yũhũ quehnoano bajuro dahregũ bæ tierare tiquina. Sa ye yũhũre buhrioro yero saha ijigũre cahmene, ni yahuahye Jesu.

*Pari turi Ñu wame yeriquire Jesure yahuahye*

<sup>22</sup> Came Jesu usãre tiqiro buhenare Judea yehparpũ silho wahari. Topũ esaro to cãena mehna meheñe decorigã tojoa, wame yeri tiquinare. <sup>23</sup> Ñu gãhũ masare wame yero niahye Enõn wame tiri macapũ. Enõn Salim wame tiri macã cahapũ ijiri. Topũ dia ijiri. Sa yero Ñu topũ wame yero niahye masare. <sup>24</sup> Tiquina peresu yeato pano Enõrpũ wame yero niahye Ñu. <sup>25</sup> Ti pjere Ñu buheyequina mehna cãena meheñequinagã judio

masano mehna wame yeyere yahuducuye niahye. <sup>26</sup> Sa ye tiquina Ñu cahapu esa, tiquiore yahuahye:

—Buhegu, Jordā si pahrēpu mahu mehna ijiriquiro “Tiquirota ijiaga”, mahu nidiquiro pehe yojopare masare wame yero nine. Tiquiro sa yegū ijipihtiequina tiquiore cahapu dihita wahare, niahye tiquina Ñure.

<sup>27</sup> Tiquina sa nigū tūhoro Ñu yūhtiahye:

—Tiquiro tutuariquiro ijigū Cohācjū pehe tiquiore sa ijigū yere. <sup>28</sup> “Cristo ijieraja”, yuhū nigū masa tūhori. Sa ijierapegūta tiquiore pano ohonoho mūhtarigu ijijaja yuhū. <sup>29</sup> Cristo mehna masa tiquina wahagū ihñagu tutuaro bucueaja. Ohō saha ijire ti: Omoca dūhtericoro ticoro manūno mehna ijiro wahare. Omoca dūhtegū cohteriquiro pehe dūhteatiquiro namo tigū ihñano tiquiore yahuducugū tūhoro tutuaro bucuere. Sa yegū yuhū omoca dūhtegū cohteriquiro tiquiore bucueriro saha Cristo mehna masa tiquina wahagū ihñagu tutuaro bucueaja. <sup>30</sup> Cristo pehere wacū tutuaro cahmene masare. Yuhū pehere wacū tutuaro cahmene masare, ni yūhtiahye Ñu.

Cohācjū macano ūhmūsepu ahtariquiro ijire

<sup>31</sup> Sa ni tuhasaro ohō saha ni nemoahye Ñu:

—Ūhmūsepu ahtariquiro ijipihtiequina yūhdūoro tutuariquiro ijire. Ahri yehpapu masarina ijina ahri yehpa cjāna ijijaja mari. Sa yena ahri yehpa cjēne yahuducuaaja mari. Ūhmūsepu ahtariquiro pehe ijipihtiequina yūhdūoro tutuariquiro ijire.

<sup>32</sup> Tiquiro ihñarire, tiquiore tūhore tiquiore yahure. Tiquiro sa yahuepegūta tiquiore yahuyere masa pehe ne tūho duerare.

<sup>33</sup> Ūhmūsepu ahtariquiro tiquiore yahuyere masa tūhoye, “Cohācjū potota nidiquiro ijire”, niñe nine tiquina. <sup>34</sup> Ahriquiro Cristore Cohācjū ohoriquiore Espiritu Santo ye tutuayere oho pehore Cohācjū. Sa yero tiquiore Cohācjū ye yahuducuyere yahure.

<sup>35</sup> Cohācjū tiquiore macanore tutuaro cahñe. Sa yero ijipihtiequina puhtoro iji dutiri tiquiore macanore. Ijipihtie uporo iji dutire tiquiore. <sup>36</sup> Cohācjū macanore wacū tutuayequina pehe ijipihtie decori Cohācjū mehna ijieta. Tiquiro macanore

yūhdūdcayequina pehe Cohācjū cahapu wahasi. Sa ye ijipihtie decori ūhmūsepu ijisi. Sa yero Cohācjū tiquinare tutuaro buhiri dahrerota, niahye Ñu.

## 4

*Jesu Samaria cjōno mehna yahuducuro niahye*

<sup>1</sup> Jesu Ñu yūhdūoro peyequina buheyequinare tiquiore cūogū, Ñu yūhdūoro masare tiquiore wame yegū fariseo masa tūhoahye. <sup>2</sup> Tiquina sa tūhopegūta Jesu pehe tiquiore basi masare wame yerari. Ūsā tiquiore buhena pehe masare wame yei. <sup>3</sup> Fariseo masa tiquina sa masigū tūhoro Jesu pehe Judea yehpapu ijiriquiro Galilea yehpapu ūsāre siho tojoaa wahari.

<sup>4</sup> Topu wahana Samaria yehpare esa yūhdū cāna tana nii ūsā. <sup>5</sup> Sa yūhdū cāna Samaria yehpapu ijiri macapu Sicar wame tiri macapu esau. Ti maca cahapu panopu cjūno Jacob mūnano tiquiore macano José mūnanore tiquiore ohori yehpa ijiri. <sup>6</sup> Topu Jacob mūnano tiquiore sihnidi cope ijiri. Sa yero Jesu pehe yoaropu ahtariquiro ijiro, tiquiore wahyia yūhdūaro ti cope dūhtū cahapu nuju sari. Ti pje tiquiore nuju sari pje coheri pje waro ijiri. <sup>7-8</sup> Ūsā tiquiore buhena pehe macapu ihyayere ūsā dūna wahari bato ihcāquirota tiquiore topu tojoa nuju sari. Sa yero Samaria cjōno ti coperu aco waro wihigū Jesu ticorore acore siniahye:

—Acore ohoya yūhūre, niahye.

<sup>9</sup> —Mūhū judio masu ijire. Yuhū pehe Samaria cjō ijijaja. ¿Dūhsegu yūhūre acore sinijari mūhū? niahye ticoro Jesure.

Judio masa Samaria cjēnare ihña tuhtiequina ijire. Sa yero ticoro sa niahye.

<sup>10</sup> Ticoro sa nidi bato Jesu ticorore yahuahye:

—Mūhūre Cohācjū tiquiore yedoho duayere masigo, mūhūre acore sinigūre masigo, mūhū yuhū pehere siniboaya. Mūhū sa sinigū apeye aco pehere ohoboaya yuhū. Ti aco pehe catigū yere, niahye Jesu ticorore.

<sup>11</sup> Tiquiro sa nigū tūhoro ticoro yūhtiahye tiquiore:

—Ne mūhūre sutu mariedare. Sa yero ahri cope ūhcūārīne. ¿Sa yegū ahri catigū yeye acore nohoru wa neboagari mūhū?

<sup>12</sup> Marī ñesca mūnano Jacob panopu cjūno

ahri copere marine cūe tiahye. Tiquiro, tiquiro pohne, nuñequina gūhñ ahri acore sihnie tiahye. ¿“Apeye acore ohoboaya yuhñ”, mñhñ nign, Jacob yuhñoro tutu-agn ijjajari mñhñ, sa ni tuhutuagn? niahye ticoro.

<sup>13</sup> Ticoro sa nigū Jesu yuhtiahye:

—Ijipihtiequina ahri acore sihniñequina, pari turi aco wñoeta. <sup>14</sup> Yee aco pehere sihniñequina ne pari turi aco wñosi. Sa ye, yee acore sihniñequina Cohācjū mehna sa ijiducueta. Ma pohterñ aco to sa wjiaducuro sahata yee aco ne pihtisi, niahye Jesu.

<sup>15</sup> Tiquiro sa nigū tuhoro numino pehe ohō saha niahye:

—Ti acore ohoya yuhñare pari turi yuhñ aco wñoeraro quehnoano. Sa yego pari turi ne ohōpñare aco wasi yuhñ, niahye ticoro.

<sup>16</sup> Ticoro sa nigū Jesu ticorore yahuahye:

—Ti pje pūrta mñhñ manunore pijigo wahaya. Pji tuhasa ohōpñ ahtaya tiquiro mehna, niahye Jesu ticorore.

<sup>17-18</sup> —Manñ mariego ijiaja yuhñ, niahye ticoro.

—Ijirota nimene mñhñ. Ihcā omope tahari manñ ti tuhasamedi mñhñ. Sa yero yojoḡpñare mñhñ mehna ijiriquiro mñhñ manñno ijierare. Sa ye “Manñ mariego ijiaja”, nigo potota nimene mñhñ, niahye Jesu ticorore.

<sup>19</sup> Tiquiro sa nigū tuhoro ohō saha niahye ticoro:

—Āa, Cohācjū yere yahu mñhtagn ijire mñhñ, yuhñ tuhutuḡñ. <sup>20</sup> Ūsā ñecusumñña iji turiayequina mñña ahññ cññpñ Cohācjūre ño peoe tiahye. Sa yena mñsa pehe judio masa “Jerusalēpñ Cohācjūre ño peoro cahmene masare”, nie tiri mñsa judio masa, niahye ticoro.

Ticoro sa nigū Jesu yuhtiahye:

<sup>21</sup> —Numio, yuhñ pehere tuhōrñña. Camerñ ahññ cññpñ, Jerusalēpñ gūhñare mari Pacñre ño peosi mñsa. <sup>22</sup> Mñsa pehe mñsa ño peoriquirore masiedare. Masare yuhñoatiquiro judio masñnota ijire. Sa yena usā judio masa pehe usā ño peoriquirore masiaja. <sup>23</sup> Yojoḡpñare, camerñ gūhñare Cohācjūre potota ño peoyequina tiquina quehnoano tuhutuye mehna tiquirore ño peoeta. Sa mari ño peoḡñ cahmene Cohācjū. <sup>24</sup> Cohācjūre, pagñ marieniquiro tiquiro ijigñ masa tiquirore ihñedare. Sa ye tiquirore ño peoye, tiquina

quehnoano tuhutuye mehna tiquirore quehnoano potota ño peoro cahmene masare, niahye Jesu.

<sup>25</sup> Tiquiro sa nigūta ticoro yuhtiahye:

—Mesia, “Cristo” tiquina nidiqiro pehe masare yuhñoatiquiro tiquiro ahtatire masiaja yuhñ. Tiquiro ahtaro marine ijip-ihitiyere buhe peho cānota, niahye ticoro.

<sup>26</sup> —Yuhñta ijiaja Cristo, niahye Jesu ticorore.

<sup>27</sup> Tiquiro sa nigū waro wihii usā. Sa yena usā tiquiro buhena pehe Jesu numino mehna tiquiro yahuducugñ ihñana, ihñña maria wahau. Sa ihñña mariepenata, “¿Duhse cahmeajari mñhñ? ¿Duhse niari mñhñ ticorore?” ni sinituerñ tiquirore.

<sup>28</sup> Sa yero numino ticoro ya suture duhu dapo cā, macarñ wahaa wahari. Topñ esaro masare yahuro, ohō saha niahye:

<sup>29</sup> —Yuhñ yerire yahu pehoriquirore ihñana ahtaya mñsa. Tiquiro potota Cristo ijiboaga, ape taha yero, niahye ticoro.

<sup>30</sup> Ticoro sa nigū tuhoye ti maca cjēna pehe Jesure ihñañe ahtari. <sup>31</sup> Ti pje usā Jesu buhena pehe tiquirore tutuaro ihya dutimi:

—Buehñ, ihyaya, nimi usā.

<sup>32</sup> —Sijoro ijiye ihyayere cñoaja yuhñ. Tire mñsa masiedare, nidi tiquiro.

<sup>33</sup> Tiquiro sa nigū tuhona usā basi ohō saha ni yahuducuu:

—¿Apequina tiquirore ihyaye oho tuhasayari? nii usā basi.

Ūsā sa nigū Jesu yahuri:

<sup>34</sup> —Masa pehe ihya coare. Yuhñare ohoriquiro tiquiro cahmeñe pehere ye coaja yuhñ pehe. <sup>35</sup> “Pittia asñ duhsare mari dñca duha neato”, wese upñro tiquiro nidiro saha mñsa pehe ni tuhōtueracāhñña. “Cohācjū yere usā yahuato duhsarñne”, ni tuhōtueracāhñña. Ijirota niita niaja mñsare. Yojoḡpñ pūritare masare ihñañña. Dñcare neni pje to ijiro sahata, yojoḡpñ pūrta masa yuhñ buheyere tiquina tuhōati pje ijiro nine. <sup>36</sup> Oteye dñcare neñequinare tiquina wapa yeriro sahata yeere buheriquinare, yeequina ijiatiquinare pijiyequinare, tiquina sa yeri wapa tiquinare quehnoano yeitja yuhñ. Tiquina sa buheḡñ tuhoye yuhñ buheyere tuhoyequina yeequina pehe Cohācjū mehna ijipihtie decori ijiducueta. Sa ye tiquinare buhe mñhtañequina, came yeequina wahagñ yeeyequina gūhñ ihcāno

saha bucueducueta. <sup>37</sup> “Ihcãquiro ote muhtariquiro ijire. Apequiro pehe dũcare neniquiro ijire”, nie tiahye panopũ. Ti ijirota ijire. Tiquina sa nidiro sahata ihquẽquina yeere yahu muhtaũequina ijire. Apequina pehe yeere buheye, yeequina wahagũ yere. <sup>38</sup> Wese upũro yequina dahra cohteyequina oterariquina tiquina ijiepegũ tiquiro oteye dũcare tiquinare ne dutiro ohore. Sa masare buhe muhtaedarina mũsa ijiepegũta yeequina wahatiquinare buhe dutigu ohoaja mũsare. Apequina pehe tiquinare buhe muhta tuhasari. Tiquina buheriquinapũre pari turi buhe nemona, yeequina wahagũ yenata mũsa pehe. Sa ye buhe muhtaũequina pehe tiquina yedohoro mehna apequinare yeequina wahagũ yenata mũsa, nidi Jesu.

<sup>39</sup> Ti pjere Samaria cõõno “Yũhu yerire tiquiro yahu pehori”, ticoro sa nigũ tũhoye Samaria cjẽna peyequina Jesure cahmeahye. <sup>40</sup> Sa ye Samaria cjẽna Jesu cahapũ esaye, “Usã mehna tojoarĩna”, nidi tiquirore. Tiquina sa nigũ usã gũhu tiquiro mehna pũa deco tojoarĩ. <sup>41</sup> Apequina gũhu peyequina Jesure tũhoye, cahmedi tiquirore. <sup>42</sup> Ohõ saha nidi masa numinore:

—Coã waropũre muhũ yahurire tũhona, Jesure cahmei. Yojoopũ pũritare tiquiro yahuducuyere tũhona tiquirore cahmeaja. Sa yena tiquiro pehere tũhona ahri yehpa cjẽnare pecapũ wahaboriquinare yuhdũoriquiro potota tiquiro ijigũ yojoopũ usã masiaja, nidi masa Samaria cõõnore.

Pũthoro macũnore dohatiriquirore yuhdũoahye Jesu

<sup>43</sup> Pũa deco bato Jesu usãre Galilea yehpapũ siho wahari. <sup>44</sup> Coã waropũre ohõ saha nie tiri tiquiro: “Cohãcjũ yere yahu muhtariquirore tiquiro ya yehpa cjẽna tiquirore ño peerare. Sa ye yũhũre ño peerare ohõ cjẽna ohõpũ yũhu bũcũarigũ ijigũ”, nie tiri Jesu. <sup>45</sup> Sa ye Galileapũ tiquiro esagũ to cjẽna tiquirore quehnoano piti cari. To pano Jerusalẽpũ bõse deco Jesu tiquiro yerire ihũariquina ijiri tiquina.

<sup>46</sup> Sa ye Canãpũ Galileapũ ijiri macapũ acore tiquiro uũse co bajumehnedi macapũ wahũũ usã tiquiro mehna. Canã cahapũ ijiri macapũ Capernaũ wame tiri macapũ pũthoro macũno dohatiro niahye. <sup>47</sup> Sa yero Jesu Judeapũ ijiriquiro tiquiro Galileapũ

esagũ pũthoro tũhoahye. Tire tũhoro Jesu cahapũ wihiri:

—Yũhu macũ yariaro nidi. Sa ye tiquirore yuhdũogũ ahtaya, ni tutuaro mehna pijiri tiquirore.

<sup>48</sup> Tiquiro sa nigũ tũhoro Jesu yũhtiri:

—Cohãcjũ tutuaye mehna yũhu yegũ ihũedana, ne yũhũre wacũ tutuerare mũsa, nidi Jesu tiquirore.

<sup>49</sup> Tiquiro sa nigũ pũthoro pehe ohõ saha nidi:

—Pũtho, yũhu macũ tiquiro yariato pano ahtaya, nidi tiquiro Jesure.

<sup>50</sup> —Tojoahya. Mũhu macũ catiaga, nidi Jesu.

Tiquiro sa nigũ tũhoro, “Tiquiro nidiro sahata catirota yũhu macũ”, nino, pũthoro tojoa wahari.

<sup>51</sup> Sa tojoaducuriquirore tiquiro cahãcjẽna tiquirore piti ca, yahuahye:

—Mũhu macũ catiri, ni yahuahye tiquina tiquirore.

<sup>52</sup> —¿Noho asũ ijigũ yuhdũari yũhu macũ? ni sinituahye tiquiro cahãcjẽnare.

—Canũre coheri pje batogã ujuaye sururi tiquirore, niahye tiquina.

<sup>53</sup> Tiquina sa nigũ tũhoro ohõ saha ni tũhotuahye tiquiro: “Jesu yũhũre tiquiro sa ni yahuri pjeta ujuaye suruaya”, ni tũhotuahye pũthoro pehe. “Poto ninota niaya yũhũre”, nino, tiquiro ijipihtiyequina tiquiro acaye mehna Jesure wacũ tutuahye.

<sup>54</sup> Jesu Judea yehpapũ ijiriquiro Galilea yehpapũ tiquiro esari bato pũthoro macũnore tiquiro yuhdũorire mari queogũ pũa taha Cohãcjũ tutuaye mehna ye ihũo tuhasari Jesu.

## 5

*Tini masieniquirore yuhdũoahye Jesu*

<sup>1</sup> Came judio masa Cohãcjũre usã ño peori bõse deco ijigũ Jesu Jerusalẽpũ esari tja.

<sup>2</sup> Topũ oveja wame tiri sopecaha cahapũ cuhsari cope ijiri. Usã judio masa ye mehna niũe Betzata wame tiri cope ijiri. Ti cope cahapũ ihcã omope tihamehneũe tucũri ijiri. <sup>3</sup> Ti tucũripũ peyequina dohatiyequina cuũari. Caperi bajueyequina, pari yuri wahayequina, tini masieniquina tiquina ti cope cahapũ ijiri. [Topũ ijiye aco ñuhmi maanore cohteye nidi. <sup>4</sup> Topũ buharo ti cope cjẽ acore ihquẽ tahari ñuhmigũ ye

mujahye angel. Ti cope cjē aco ñuh-midi bato ña mio muhtariquiro pehe duhse ijyere dohatiyere cworiquiro quehnoa wahahye.] <sup>5</sup> Sa yero tore treinta y ocho cahmari waro dohatiriquiro ijiri. <sup>6</sup> Topu tiquiro cuñagū ihñano tiquiro sa yoari pje dohatiriquiro ijigū masidi Jesu tiquirore. Sa masino tiquirore sinituri:

—¿Pagu dohatiye mariegu iji duajari muhū? nidi Jesu.

<sup>7</sup> Tiquiro sa nigūta dohatiriquiro yuhtiri:

—Ti aco ñuhmigū yuhure aco ijiri coperu neaboriquiro mariedare. Ti coperu yuhū ña mio duepegūta apequna pehe yuhū pano sa ña mio muhtaducure, nidi tiquiro Jesure.

<sup>8</sup> —Wahcādūcaya. Muhū cuñari cahserore ne cāhña, nidi Jesu tiquirore.

<sup>9</sup> Tiquiro sa nigūta dohatiriquiro pehe tiquiro cuñari cahserore ne, tini ducari. Ti deco saurū judio masa usā sori deco ijiri.

<sup>10</sup> Ti decore Jesu sa yegū ihñañe judio masa usā puhtoa pehe dohatimediquirore ohō saha ni yahuahye:

—Miare saurū deco mari sori deco ijiepegūta muhū cuñari cahserore neare muhū. Sa yegu mari dutiyere yuhdudacagu nine muhū, niahye tiquina tiquirore.

<sup>11</sup> —Yuhure yuhū dohatiyere cohāriquiro pehe ohō saha nidi yuhure: “Muhū cuñari cahserore ne cāhña”, nidi tiquiro yuhure, ni yuhtiahye dohatimediquiro.

<sup>12</sup> —¿Tire muhure sa nidiquiro pehe noa boro ijari tiquiro? ni sinituahye tiquina.

<sup>13</sup> Topu masa peyequina tiquina ijigū ihñano Jesu pehe waha tuhasari. Sa yero dohatimediquiro pehe tiquirore yuhduoriquiro wamene masiedahye. <sup>14</sup> Came Cohācjū wuhūpū Jesu tiquirore piti ca yahuri:

—Tuhorīña muhū yuhure. Yojorūre quehnoano pagu tire muhū. Ñañene ye nemoedacāhña. Pari turi ñañene ye nemogu muhū dohatiriro yuhduoro wahagūta muhū, nidi Jesu tiquirore.

<sup>15</sup> Tiquiro sa nidi bato dohatimediquiro pehe usā judio masa puhtoa tiquirore sinituriquina caharū esaro yahuahye tiquinare:

—Jesu wame tiriquiro yuhure yuhdugū yeri, ni yahuahye tiquiro.

<sup>16</sup> Sa ye saurū ijigū dohatiriquirore tiquiro dohatiyere Jesu cohāgū masiñe, judio masa usā puhtoa pehe tiquirore ñano ye ducari.

<sup>17</sup> Sa ñano tiquirore tiquina ye duagū masino Jesu pehe yahuri tiquinare:

—Yuhū Pacu yojorūre dahrarīno nine. Yuhū gūhū dahrarī niaja, ni yahuri tiquirore ñano ye duayequinare.

<sup>18</sup> Tiquiro sa nigū judio masa usā puhtoa pehe tiquiro mehna tutuaro usuaye, to pano tiquina nidiro yuhduoro tiquirore wejē duari. Saurū decore tiquina sori decore ihcāquiro dohatiriquirore tiquiro yuhduogū ihñañe tiquina usuari. Sa usuaye tiquiro Cohācjūre “Yuhū Pacu”, nigū tuhoye, tiquina pehe to pano tiquina nidiro yuhduoro usua nemoahye tja. “‘Yuhū Pacu’, nino Jesu tiquiro basi ‘Cohācjū mehna ihcāno saha ijiāja’, ni wacūaga tiquiro”, ni tuhutori judio masa usā puhtoa.

*Jesu Cohācjū ohoriquiro ijire*

<sup>19</sup> Sa ye Jesu tiquinare yahuari:

—Ijirota niita niaja musare. Yuhū Cohācjū macu, yuhū esa tuharo yeraja. Yuhū Pacu tiquiro yerire ihñagū, tire yeaja.

<sup>20</sup> Yuhū Pacu yuhure tiquiro macure cahñe. Sa yero tiquiro yerire yuhure ihño pehore. Ahri yojorū tiquiro tutuaye mehna yuhū yeri yuhduoro tiquiro apeyere ye dutirota yuhure. Tiquiro sa ye dutigū tiquiro tutuaye mehna ye ihñoutja yuhū. Sa yena ihña maria wahanata musa. <sup>21</sup> Yuhū Pacu yariariquinare tiquiro masoriro sahata yuhū gūhū yuhū cahmeñequinare masoutja. <sup>22-23</sup> Ne yuhū Pacu pehe masa tiquina ñañe buhirire buhiri dahreriquiro ijierare. Yuhū pehere tire tiquina ñañe buhirire buhiri dahreacjūre cūri yuhū Pacu. Ijipihtiyequina masa tiquirore tiquina ño peoriro sahata yuhū gūhure tiquina ño peotire buhiri dahreacjūre cūri yuhure. Yuhure tiquiro macure ño peoerana yuhū Pacu gūhure ño peoerare musa. Tiquiro ijire yuhure ohoriquiro, nidi Jesu.

<sup>24</sup> Sa ni tuhasa ohō saha ni yahu nemori:

—Ijirota niita niaja musare. Yuhū yahuducuyere tuhoyequina, yuhure ohoriquirore wacū tutuayequina ijipihtiye decori uhmusepū sa ijiducuetā. Sa yegu tiquinare buhiri dahresi yuhū. Sa ye tiquina pecarū wahaboriquina yuhdueta. <sup>25</sup> Ijirota niita niaja musare. Pecarū

wahatiquina yuhure Cohācjū macure tiquina tūhoati pje yojopu ijire. Camerpu gūhure yuhure tiquina tūhoeta tja. Sa tūhoye tūho nūnūnequina pehe Cohācjū mehna sa ijiducuetā. <sup>26</sup> Cohācjū yuhū Pacu pehe sa ijiducugū yeriquiro ijire. Sa yero yuhure tiquiro macure sa ijiducugū yeacju iji dutiri tiquiro yuhure. <sup>27</sup> Sa yegu yuhū masu Cohācjū tiquiro ohorigu yuhū ijigū tiquiro masare buhiri dahreacjūre cūri yuhure. <sup>28</sup> Ahrire tūhona, tūho mariedacāhña mūsa. Ape decopure ijipihtiyequina yariariquina masa coperipū ijieyequina yuhū yahuducugū tūhoeta. <sup>29</sup> Sa tūhoye, quehnoañene yeriquina ijipihtiye decori Cohācjū mehna ijiatiquina masa mūjaeta. Nañene yeriquina pehe ñañene tiquina yeri buhiri pecapu wahaeta, ni yahuri Jesu.

<sup>30</sup> Sa ni tuhasa ohō saha ni yahu nemori:

—Yuhū esa tuharo ne yeraja. Ne yuhū basi yuhū cahmeno ye dueraja. Yuhure ohoriquiro tiquiro dutiriro sahata ye duaja. Sa yegu tiquiro nidiro sahata buhiri dahreaja. Sa yegu yuhū masare buhiri dahregu queoro yeaja. <sup>31</sup> “Yuhū tutuagu ijiaja”, yuhū ni yahugū “Muhū yahuye ne poto ijierare”, ni masiboaga mūsa. <sup>32</sup> Apequiro ijire yuhure yahuriquiro. Tiquiro ņu pehe masare yahure yuhure. Masare yahure tiquiro yahuri ijirota ijire. Tire yuhū quehnoano masiaja. <sup>33</sup> Mūsa apequina pehere ņupure yuhure sinitu dutina ohori. Sa yero potota yahure tiquiro musare. <sup>34</sup> “Cohācjū macūno ijire ahriquiro”, yuhure ni yahuatiquinare macaedaja. Sa macaedapeguta ņu masūno tiquiro ijiepegūta yuhure “Cohācjū macūno ijire”, tiquiro ni yahurire yahugu niaja. Mūsa yuhure wacū tutuatire, mūsa pecapu wahaborina mūsa yuhduatire yuhure ņu tiquiro yahurire yahugu niaja. <sup>35</sup> Sihāria meheñe decorigā ihña masigū yero sahata ņu musare buhe mūhtano mehenogā tiquiro catiro puno musare masigū yeri. Tiquiro sa buhegū tūhona meheñe decorigā bucueri mūsa. <sup>36</sup> Yuhū ijieye tiyere tiquiro sa buhepegūta Cohācjū pehe yuhū ijieye quehnoano yahure. Tiquiro sa yahugū ņu yuhū ijieye tiquiro yahuye yuhduoro ijire Cohācjū ye yahuye. Sa yegu Cohācjū tiquiro tutuaye mehna yuhure tiquiro ye

dutirire yojopu yei niaja. Ahrire yuhū yegū ihñana potota Cohācjū ohorigu yuhū ijieye masine mūsa. <sup>37</sup> Sa yero yuhū Pacu yuhure ohoriquiro tiquiro basi “Tiquiro yuhū ohoriquiro ijire”, ni yahure musare. Tiquiro sa ni yahuepegūta tiquiro yahuducuyere ne tūhoerari mūsa. Sa yena mūsa tiquirore ne masiedari. <sup>38</sup> Yuhure Cohācjū ohorigure mūsa ne tūho duerari. Sa yena mūsa Cohācjū yere ne cahmedari. <sup>39</sup> Cohācjū yere tiquina ojoari pūre mūsa buhena, “Marī ahri pūre buhena ijipihtiye decori Cohācjū mehna sa ijiducunata”, nine mūsa. Ti pūta yuhure yahure. <sup>40</sup> Ti pū yuhure ti yahuepegūta mūsa pehe yuhure cahmedare. Ijipihtiye decori Cohācjū mehna mūsa sa ijiducuatire yuhure sini duerare mūsa, ni yahuri Jesu.

<sup>41</sup> Sa ni tuhasa ohō saha ni nemori:

—Yuhure mūsa ño peoeragū ihñagu usueraja yuhū pehe. <sup>42</sup> Mūsa pehe Cohācjūre mūsa cahñedagū masiaja yuhū. <sup>43</sup> Cohācjū yuhū Pacu tiquiro yuhure dutiriro sahata yuhū ahtaepēgūta mūsa yuhure cahmedari. Apequiro pehere Cohācjū ohoeriquiro tiquiro ijiepegūta tiquiro pehere cahmenata mūsa. <sup>44</sup> Apequina masa musare tiquina ño peogū cahmene mūsa. Cohācjū mūsa mehna tiquiro bucuegū cahmedare mūsa. Tiquiro dihita Cohācjū waro ijire. Sa cahmedana yuhū gūhure tūhoerare mūsa. Yuhure wacū tutuerare. <sup>45</sup> Musare yuhū Pacure ne yahusāsi yuhū. Tire masiña mūsa. Moise tiquiro ojoari pū pehe musare yahusānota. “Ti pū cje dutiyere mari ye pehona, Cohācjū cahapu wahanata”, mūsa nidi pū pehe musare yahusānota. <sup>46</sup> Moise tiquiro ojoari pūpu yuhū pehere yahuahye. Sa yena ti pūre “Ijirota ijire”, nina, yuhū yahuye gūhure “Ijirota ijire”, niboaya mūsa. <sup>47</sup> Moise tiquiro ojoari pūre “Ijirota ijire”, niedana, yuhū yahuducuye gūhure “Ijirota ijire”, nisi mūsa, nidi Jesu tiquinare.

## 6

*Cinco mil masare ihyayere ohoahye Jesu  
(Mt 14.13-21; Mr 6.30-44; Lc 9.10-17)*

<sup>1</sup> Sa tiquiro buheri bato Galilea wame tiri ditara ape sie pahrepu usā Jesu mehna pehāa wahau. Ti ditara pajiri ditara Tiberia wame tiri. <sup>2</sup> To pano Galilea yehpapu Jesu dohatiequinare tiquina dohatiyere tiquiro



cohāgū masa ihñae tiri. Tiquina sa ihñari bato Jesu pehāgū ihñāne masa peyequina tiqirore nūnu tā cāri. <sup>3</sup> Topu esana usā tiqiro buhena pehe tiqiro mehna cūnupū mūja sa, tū buipū duji. <sup>4</sup> Ti deco pascua wame tiri bose deco ijiato judio masa usā ya bose deco mehenogā dūhsari. <sup>5-6</sup> Topu dujiro, Jesu peyequina masa tiqiro cahapū tiquina ahtagū ihñadoqueori. Sa ihñadoqueoro Felipere sinituri:

—Ahriquina masa tiqina ihyatire nohopū dūnatari mari? nidi Felipere.

Jesu tiqiro basi tiqiro yeatire masieperota Felipere sinituri, “¿Dūhse yahtitrotari?” nino. <sup>7</sup> Tiquiro sa sinitugū tuhoro Felipe yūhtiri:

—Doscientos niñeru cjoeri pose ihyayere mari dūpegūta masare dayegā ihyayere mari itiepegūta ne esa tuhasi, nidi Felipe Jesure.

<sup>8</sup> Usā mehna cjūno Andre, Simo Pedro bahuro pehe Jesure yahuri:

<sup>9</sup> —Ihcā omope pā pacare, pūaro wahire nijino ohō cūore. To punogāta tiqiro cūoepegūta masa pehe peyequina waro ijire. Sa yero ahri mehenogā ihyaye ne esa tuhasi, nidi Andre.

<sup>10</sup> —Masare duji dutiya mūsa, nidi Jesu usāre tiqiro buhenare.

Topu taa dayegā ijiro ijiri. Usā duji dutigū masa nuju sa pihtiari taa buipū. Umua dihitare mari queogū cinco mil ijiri. <sup>11</sup> Tiquina sa nuju sagū ihñano Jesu pehe pāre ne, Cohācjūre “Quehnoare” nidi. Sa ni tuhasarota usāre tiqiro buhenare iti dutiri. Tiquiro sa dutigū usā pehe dujiyequinare iti cāu. Pūaro wahi gūhure iti cāu. Ijipihtiyequinare quehnoano tiquina esa tuhoro ihyayere tiquinare itii. <sup>12</sup> Sa ye masa pehe yapia wahari. Tiquina sa yapigū ihñano Jesu usāre nidi:

—Tiquina ihya dūharire quehnoano ne peho cāhñā. Sa yena tiquina ihya dūharire ne bosu, nidi.

<sup>13</sup> Tiquiro sa nigū usā pehe ihcā omope pā paca dūhsarire usā ne cahmecoagū doce pūhuse waro wijiari. <sup>14</sup> Sa ye masa ti bajumehnenore Jesu tiqiro yegū ihñāne, ohō saha nidi:

—Ijirota ijire. Ahriquiro Cohācjū yere yahu muhtariquiro ahri yehpapū ahtariquiro mari cohteriquirota ijire, nidi tiquina.

<sup>15</sup> Tiquina Jesure tiquina pūhtoro ijia-tiqiro ñehe sō duamedu. Jesu tire masino pari turi ihcāquirota cūnupū wahaah wahari.

*Jesu aco bui tiniahye*

(Mt 14.22-27; Mr 6.45-52)

<sup>16</sup> Nāmicahapū usā tiqiro buhena ditrapū buhañ. <sup>17</sup> Topure buha sa, yucusapū sajā, Capernau wame tiri macapū pehāu. Usā pehāri pje ñamipū ijiri. Sa yero Jesu usā cahapū ahtaerani. <sup>18</sup> Wihnono tutuaro wēgū, pajiri ma pahcōri wahcāri. <sup>19</sup> Ihcā omope kilometro esaboro waro usā esagū waro Jesu usā cahapū wihiri. Aco bui tiqiro ahtagū ihñau usā. Sa usā cahapū tiqiro ahtagū ihñana usā cuei. <sup>20</sup> Sa usā cuegū ihñano tiqiro usāre yahuri:

—Ne yūhure ihñā cueracāhñā. Yūhuta ijiaja, nidi Jesu.

<sup>21</sup> Tiquiro sa nigū tuhona usā bucueye mehna tiqirore piti ca sajā dutii. Tiquiro sajāri batogāta usā wahari yehpapure pehā sa tuhasau.

*Masa pehe Jesure macahye*

<sup>22</sup> Ti ñamine masa topū tojoariquina pehe ihcāriata usā pehātiare ihñahye. Tia mehna usā pehāgū ihñari tiquina. Jesu usā mehna tiqiro wahaeragū gūhure ihñari tiquina. Sa ye ape decore tiqirore cohteye nimahye. <sup>23</sup> Tiberia wame tiri macapū ahtaye, Jesu Cohācjūre “Quehnoare”, tiqiro niديو cahagā cjūnopū, masare tiqiro ihyaye itiriro caha cjūnopū wahā sahye tiquina yucūsa mehna. <sup>24</sup> Sa ye ape deco usā Jesu mehna ijirirore usā mariedagū ihñāne, masa yucusapū sajā, Capernaupū usāre nūnu tā pehā sari. Jesure maca saye nidi tiquina.

*Jesu catiyere oho, ihyaye yero saha ijiriquiro ijire*

<sup>25</sup> Ditarapū pehā, Jesure boca saye, masa sinituri tiqirore:

—¿Buhegu, dūhse ijigū ahtari muhu ohōpūre? ni sinituri tiquina.

<sup>26</sup> Tiquina sa sinitugū Jesu tiquinare yahuri:

—Ijirota niita niaja mū sare. Bajumehnedire yūhu yepegūta yūhu pehere wacū tutuerare mūsa. Yūhure wacū tutuerapenata yūhure macare mūsa. Yūhu mehna bujūye ihyana, mūsa yapirina yūhure maca cāhtari tja. <sup>27</sup> Ihyaye ne sa ijuducuerare. Camepū pihtia wahare.

Sa yena tire wacūdduceracāhña. Apeye ihyaye sijoro saha ijiye ihyaye pehere macaña musa. Ti ihyayere bocana ijiphtiye decori Cohācjū mehna ijinata. Sa ye ti ihyaye pūrta ne pihtierare. Ti ihyayere yuhū masū Cohācjū ohorigu musare ohoutja. Cohācjū yuhū Pacu yuhūre tire oho dutiriquiro ijire. Cohācjū tiquiro ohorigu yuhū ijiyere ihño tuhasari musare, nidi Jesu.

<sup>28</sup> Tiquiro sa nigū tiquina sinituri tiquirore:

—Cohācjū tiquiro ye dutiyere yena tana dahse yenatari usā? ni sinituri tiquina.

<sup>29</sup> —Ahrire Cohācjū musare ye dutire: “Yuhū ohoriquire wacū tutuaya”, nino musare ye dutire Cohācjū, nidi Jesu.

<sup>30</sup> Tiquiro sa nigū tuhoye tiquina ohō saha nidi tja:

—Cohācjū ohorigu ijigu tiquiro tutu-aye mehna ye ihñoña usāre mūhure usā quehnoano wacū tutuatire. ¿Yabe borore yeitjari mūhū? <sup>31</sup> Mari ñecusumua mūnapu panopu cjēna masa marienopu maná wame tiye pacare ihyae tiahye. Cohācjū yere tiquina ojoari pūpu ohō saha ni yahuahye: “Tiquiro tiquinare ūhmuse cjē ihyayere ohoe tiahye tiquina ihyatire”, ni ojoahye Cohācjū yere tiquina ojoari pūpu. ¿Tiquiro sa yeriro sahata yeitjari mūhū gūhū? nidi tiquina.

<sup>32</sup> Tiquina sa nigū Jesu yahuri tiquinare:

—Ijirota niaja musare. Moise ūhmuse cjē ihyayere ohoerari musare. Yuhū Pacu pehe ūhmuse cjē ihyaye potota ijiyere musare ohoriquire ijire. <sup>33</sup> Cohācjū ye ihyaye ūhmusepu dijia taye, ijiphtiri yehpa cjēnare catiyere oho masine, nidi Jesu tiquinare.

<sup>34</sup> —Pūhto, decoripe ti ihyayere ohoya usāre, nidi tiquina.

<sup>35</sup> Tiquina sa nigū tuhoro Jesu yahuri tiquinare:

—Yuhū pehe catiyere oho, ihyaye yero saha ijigū ijaia. Mari ye ihyayere mari ihyari batota duita ūjua ahbaa wahaja mari tja. Sihniñe gūhure mari sihniidi batota aco wūoa wahaja tja. Sa ijiepegūta yuhūre cahmediquiro, yuhūre wacū tutuariquiro ūjua ahbaerariquiro yero saha tiquiro bucueye tiquirore pihtisi.

<sup>36</sup> Musa pehe yuhūre ihñāepenata yuhūre wacū tutueranine. Tireta musare yahue timi yuhū. <sup>37</sup> Ijiphtiyequina yeequina

ijiatiquinare yuhūre yuhū Pacu tiquiro cūriquina pehe yuhūre cahmeeta. Sa ye yuhūre cahmeñequinare ne cohāsi yuhū. <sup>38</sup> Ūhmusepu ahtagu yuhū cahmeno yei ahtagu niedu yuhū. Yuhūre ohoriquire tiquiro cahmediro sahata yei ahtagu nii yuhū. <sup>39</sup> Ahrita ijire yuhūre ohoriquire tiquiro cahmeñe waro: Ijiphtiyequina yeequina yuhūre tiquiro ohoriquire yuhū boeragū cahmene yuhūre ohoriquire pihtiri deco ijigū tiquina masa mūjatire. <sup>40</sup> Ijiphtiyequina yuhūre Cohācjū macure ihñānequina, yuhūre wacū tutuayequina ijiphtiye decori tiquiro mehna tiquina ijigū cahmene yuhū Pacu. Sa yegu pihtiri decopu tiquinare masoutja, nidi Jesu.

<sup>41</sup> “Yuhū ūhmusepu ahtaye ihyaye yero saha ijigū ijaia”, tiquiro nigū tuhoye judio masa usā pūhtoa pehe tiquiro mehna usua, tiquina basi Jesure ñano ni yahuducuri.

<sup>42</sup> —¿Ahriquiro Jesu José macano ijierajari? Tiquiro pacaro, pacoro gūhure mari masiaja. Sa yero mari yero saha pagu tiriquirota ijire. ¿Sa ijieperota dahsero “Ūhmusepu ahtau”, niajari tiquiro? ni usuari tiquina.

Tiquina sa nigū tuhoro Jesu yahuri tiquinare:

<sup>43</sup> —Musa yuhūre ñano ni yahuducueracāhña. <sup>44</sup> Yuhū Pacu yuhūre ohoriquire pehe masare yuhū pehere cahmegū yere. Tiquiro sa yeragū masa pehe yeequina iji masiedaboaya. Pihtiri deco ijigū yeequinare masoutja yuhū.

<sup>45</sup> Cohācjū yere yahu mūhtariquina pehe ohō saha ni ojoahye: “Cohācjū tiquinare buherota”, ni ojoahye Cohācjū yere yahu mūhtariquinapu. Ijiphtiyequina yuhū Pacu ye buherye tuhoyequina, tiquirore yūhtiyequina yuhūre cahmene. Sa yeye yeequina ijire.

<sup>46</sup> Yuhū Pacure ne ihcāquiro masūno ihñedare. Yuhū Cohācjū ohorigu dihita yuhū Pacure ihñāu. <sup>47</sup> Ijirota niaja musare. Yuhūre wacū tutuariquiro ijiphtiye decori yuhū Pacu mehna sa ijiducurota. <sup>48</sup> Yuhū catiyere oho, ihyaye yero saha ijigū ijaia. <sup>49</sup> Musa ñecusumua mūna iji turi-ayequina masa marienopu manāre ihyae tiahye. Sa tire ihyāepeta yariaa wahae tiahye. <sup>50</sup> Ūhmusepu ahtari ihyayere yuhū niñe ihyayere masūno ihyaro, ne pecapu wahasi. <sup>51</sup> Yuhū ūhmusepu ahtari ihyaye

catiyere oho, ihyaye yero saha ijigū ijiaja yuhū. Ahri ihyayere ihyariquiro ijipihtiye decori yuhū Pacū mehna sa ijiducurota. Ahri ihyaye catigū yere. Ahri ihyaye yero saha ijiye yuhū paguta ijire. Ijipihitiri yehpa cjēna Cohācjū mehna tiquina sa ijiducuatire yuhū pagure ohogutja. Sa ohogu yariagutja, nidi Jesu.

<sup>52</sup> Tiquiro sa nigū tahoye usā acaye judio masa pehe tire ohō saha ni yahuducuri tiquina basi:

—¿Ahriquiro dūhse ye tiquiro pagure ihyatire ohorotari? nidi tiquina basi.

<sup>53</sup> Tiquina sa nigū tūhoro Jesu yahuri:

—Ijirota niaja mūsare. Yuhū masū Cohācjū ohorigū ijiaja. Yuhū pagure ihyariquiro, yuhū diire sihnienukiro ūhmūsepu wahasi. <sup>54</sup> Sa yuhū pagure ihyariquirore, yuhū diire sihnienukiro pihitiri deco ijigū masotutja. Sa yero ūhmūsepu sa ijiducurota tiquiro. <sup>55</sup> Yuhū pagū potota ihyaye waro yero saha ijire. Yuhū dii potota sihniēne yero saha ijire. <sup>56</sup> Yuhū pagure ihyariquiro yuhū diire sihnienukiro yuhū mehna bucuēye mehna ijiducurota. Sa yegū yuhū gūhū tiquiro mehna bucuēye mehna ijiducuaja. <sup>57</sup> Yuhū Pacū yuhūre ohoriquiro sa ijiducure. Sa ijiducuro, yuhū gūhūre sa ijiducugū yere. Sa yeye yuhūre sa ijiducugure masa ihyaye, Cohācjū mehna ūhmūsepu sa ijiducuetā tiquina gūhū. <sup>58</sup> Ahri tjire ūhmūsepu ahtari ihyaye. Mari ñecūsumūa mūna iji turiayequina tiquina ihyari yero saha ijierare ahri ihyaye. Tiquina pehe ti ihyayere ihyapeta yaria pihitia wahae tiahye. Ahri ihyaye pehere ihyariquiro ūhmūsepu sa ijiducurota, nidi Jesu.

<sup>59</sup> Capernaupū judio masa usā buheri wūhūpū Jesu buhero, sata ni yahuri.

*Jesu ye buheyere tūhona ūhmūsepu sa ijiducunata mari*

<sup>60</sup> Peyequina Jesure cahmeñequina tiquiro sa ni buheyere tūhoye, ohō saha ni yahuducuri:

—Ahri buheye tutuaro mijore. Sa yena mari tūho duera cjūaja, ni yahuducuri tiquina basi.

<sup>61</sup> Tiquina sa nigū Jesu pehe tiquina yahuducurire masidi. Sa masino tiquiro sinituri tiquinare:

—¿Ahri buheyere tūhona usuajari mūsa? <sup>62</sup> ¿Yuhū masū Cohācjū ohorigū ūhmūsepu yuhū tojoaa wahagū ihñana dūhse ni tūhotunatari mūsa? ¿To gūhūre usuanatari mūsa? <sup>63</sup> Masūno tiquiro jeripohñare cūoro catire. Tiquiro pagū pehe tiquirore catigū yerare. Masūno tiquiro jeripohñana tiquirore catigū yero saha yuhū buheye pehe mūsare Cohācjū mehna sa ijiducugū yere. <sup>64</sup> Apequina mūsa mehna cjēna ne yuhūre wacū tutuerare, nidi Jesu.

Coā waropūre Jesu tiquirore wacū tutueyequinare masidi. Sa yero tiquirore ihñā tuhtiyequinare ihñōatiquiro gūhūre masi tuhasari. Sa tiquirore wacū tutueyequinare masino “Apequina mūsa mehna cjēna yuhūre wacū tutuerare”, nidi Jesu.

<sup>65</sup> Sa ni tuhasa ohō saha ni nemori:

—Ohō saha ni yahumi mūsare: “Yuhū Pacū masare yuhū pehere cahmegū yere. Tiquiro sa yeragū masa pehe yeequina iji masiedaboaya”, mūsare nie timi, nidi Jesu.

<sup>66</sup> Tiquiro sa ni buhegū tahoye peyequina Jesure cahmediquina tiquirore cohā, tiquiro mehna pari turi wahaerari. <sup>67</sup> Tiquina sa yegū ihñano Jesu usāre doce tiquiro buhenare sinituri:

—¿Mūsa gūhū yuhūre cohānatjari? ni sinituri usāre. <sup>68</sup> Tiquiro sa nigū Simo Pedro yūhtiri tiquirore:

—Pūhto, usāre apequiro buheriquiro mariēdare. Mūhū ye buheyere tūhona Cohācjū mehna sa ijiducunatja usā. Mūhū ye buheye dihita tire yahure usāre. <sup>69</sup> Sa yena usā mūhūre wacū tutuaja. Sa yena mūhū quehnoagu, Cohācjū macū tiquiro ohorigū mūhū ijigū usā masiaja. Sa yena mūhūre cohāsi usā, nidi Simo Pedro Jesure.

<sup>70</sup> Tiquiro sa nigū tūhoro Jesu yahuri usāre:

—Yuhū pehe mūsare doce besei. Sa ijiepegūta ihcāquiro mūsa mehna cjūno wafino yaquiro ijatiquiro ijire, nidi usāre tiquiro buhenare.

<sup>71</sup> Sa nino Judare Simo Isariote macūno nino nidi. Juda pehe doce usā mehna cjūno Jesure ihñā tuhtiyequinare ihñōatiquiro ijiri.

## 7

*Jesu acaye tiquirore “Cohācjū macūno ijire”, ni, ne masiedahye*

<sup>1</sup> Came Jesu Galilea yehpapu tinino wahari. Judea yehpapu judio masa tiqiurore wejê duari. Tiquina sa wejê duagû masino tiqiuro ti yehpapu wahaerari. <sup>2</sup> Judio masa daye wuhusegâ usâ yeati bose deco mehenogâ dahsatjiari. <sup>3</sup> Sa ye Jesu bahana tiqiurore yahuri:

—Judeapu wahaya. Topu mahu yequinare mahu bajumehneñene ihñogu wahaya mahu. <sup>4</sup> Masare mahu bajumehneñene ihño duagu ne nñosi mahu. Ye ihño cahmene. Potota ahri bajumehneñene ye masigu ijigu tire masare ihñoña, nimesi tiquina.

<sup>5</sup> Tiquiro bahana ijiepetu Jesure “Cohâcjû macuno ijire”, niedari. Sa yeye sa nidi tiquina tiqiurore. <sup>6</sup> Tiquina sa nidi bato Jesu yahuri tiquinare:

—Masa yuhare tiquina quehnoano masiati pje dahsarine. Musa ihña duana bose deco ijigû waha masine. <sup>7</sup> Ahri yehpa cjêna musa pehere ihña tuhtierare. Tiquina ñañe yerire yuhu yahugû tiquina yuhu pehere ihña tuhtire. <sup>8</sup> Bose deco ijigû wahaya musa sehsaro. Yuhu pehere yahu wahati pje dahsarine. Sa yegu yuhu pehe bose decore mianogâre ihña wahaari, nidi Jesu tiquinare.

<sup>9</sup> Sa nino tiqiuro Galileapu tojoari.

*Jesu daye wuhusegâ tiquina yeri bose deco ijigû wahahye*

<sup>10</sup> Bose decopu Jesu bahana tiquina wahari bato Jesu gûhu tiquina bato wahari. Sa waharo masa tiquina ihñeno watoa wahari. <sup>11</sup> Bose deco ijiequina judio masa usâ puh-toa tiqiurore macari:

—¿Nohopu ijiagari tiqiuro? ni sinituahye tiquina.

<sup>12</sup> Sa ye masa gûhu Jesure peyequina yahu wajahye. Apequina “Tiquiro quehnoariqiuro ijire”, niahye. Apequina “Tiquiro ñariqiuro ijire. Masare mehoriqiuro ijire”, ni yahu wajahye tiquina.

<sup>13</sup> Sa niepeta judio masa usâ puh-toare cueye masa tiquina ihñenopu Jesure yahu wajahye.

<sup>14</sup> Bose decori deco mehna dahsagû Cohâcjû wuhupu Jesu sajâ saro, buheri.

<sup>15</sup> Tiquiro sa buhegû usâ acaye judio masa tuhõ maria waha, ohõ saha nidi:

—¿Ahriqiuro buheropu buhemehnediqiuro ijieperota dahsero

quehnoano masi pehoajari? nidi tiquina basi tiqiurore.

<sup>16</sup> Tiquina sa nigû Jesu yahuri tiquinare:

—Yuhu buheri yee yahuducuye ijierare. Yuhare ohoriqiuro ye yahuducuye pehe ijire ahri buheye. <sup>17</sup> Cohâcjû cahmeñene ye duayequina yuhu buheye pehere Cohâcjû ye yahuducuye ti ijigû masieta. Yuhu esa tuharo yuhu buheragû gûhare masieta tiquina. <sup>18</sup> Ihcâqiuro tiqiuro esa tuharo tiqiuro masiñe mehna buhero “Yuhu dihitare ño peya”, nino nine tiqiuro. Sa ijiepegûta yuhare ohoriqiuro pehere musa ño peogû cahmeaja yuhu pehe. Yuhu sa nigû tuhona “Potota ni yahuducure tiqiuro. Ne mehoedare”, ni masinata musa.

<sup>19</sup> Cohâcjû dutiyere Moise manano pehe cûahye masare. Tiquiro sa cûepegûta musa ijipihtina ti dutiye pehere ne yuhtierari. ¿Dahsena yuhare wejê duajari musa? nidi Jesu usâ acaye judio masare.

<sup>20</sup> —Tuhõ masiedare mahu. Watinore cûore mahu. Muhare wejê duayequina mariedare, ni yuhtiri tiquina Jesure.

Tiquina sa nigû Jesu yuhtiri:

<sup>21</sup> —Mari judio masa mari sori deco saurû ijigû ihcâ tahata Cohâcjû tutuaye mehna dohatiriqiuro tiqiuro dohatiyere yuhu cohâgû musa ihña maria wahari. <sup>22</sup> Mari ñecusumua muna panopu cjêna pehe tiquina pagure cuhnucunû sohtoa cahserogâre yuhre neñequina tiquina yeriro sahata Moise yuhre ne dutiahye. Potota Moise pehe ti dutiurore cûedahye. Mari ñecusumua muna iji turiayequina pehe tire cû, yahu turiahye. Tiquiro sa dutigû saurû sori deco ijiepegûta masunore tiqiuro cuhnucunû sohtoa cahserogâre yuhre nene musa. <sup>23</sup> Saurû ijigû masunore tiqiuro cuhnucunû sohtoa cahserogâre yuhre nene musa, Moise dutiyere yena tana. ¿Musa gûhu saurû decore tire yepenata ti decopu dohatiriqiurore yuhu yuhduogû dahsena yuhu mehna usuajari musa? <sup>24</sup> Yuhu yerire musa quehnoano masiedapenata, yuhare ñano tuhøtueracahña. Musa quehnoano masidi bato yuhare musa tuhøtugû potota ijirota. Yuhu yerire masina, queoro masiña musa, nidi Jesu.

*Jesu coã waropu tiqiuro ahtariorre yahuahye*

<sup>25</sup> Tiquiro sa ni yahuri bato meheñe-quinagā Jerusalē cjēna tiquirore ohō saha ni yahu wajari:

—¿Ahriquiuro judio masa puhtoqa tiquina wejē duariquiuro ijierajari? <sup>26</sup> Sa yero tiquirore tiquina wejē duepegūta ijipihtiye-quina ihñono masare buhero nine tiquiro. Sa ye tiquirore wejē duayequina ijiepetā sa ihña cāre. ¿“Tiquiro potota Cristo ijire”, ni, tuhotuagari puhtoqa pehe? <sup>27</sup> Sa ijiepegūta ahriquiuro Jesu tiquiro ahtariorre mari masaja. Cristo pehe masare yuhduoatiquiro tiquiro ahtagū tiquiro ahtariorre pehere masimehnedare. Sa yero masare yuhduoatiquiro Cristo waro ijierare Jesu, ni yahu wajari tiquina Jerusalē cjēna.

<sup>28</sup> Tiquina sa niñene masino, Jesu ohō saha ni tutuaro sañuducu buheri Cohācjū wuhapū:

—Yuhure ohō saha ni tuhoture mūsa: “Tiquirore masaja. Sa yena tiquiro ahtariorre gūhure masaja”, ni tuhotumene mūsa. Mūsa sa ni tuhotuepenata yuhure ohoriquiurore ne masiedare mūsa. Yuhure ohoriquiurore poto niniquiuro, poto yeriquiuro ijire. Tiquirore ne masiedare mūsa. <sup>29</sup> Tiquirota yuhure ohori. Sa yegū tiquiro cahapūta ahtau. Sa yegū yuhū pehe tiquirore masaja, nidi Jesu judio masare.

<sup>30</sup> Tiquiro sa nigū tuhoye tiquirore ñehe duamedī. Tiquina sa ñehe duepegūta Jesu tiquiro ñano yuhduati pje duhsarīdi. Sa ye tiquina tiquirore ñehe masiedari. <sup>31</sup> Apequina masa pehe peyequina tiquirore wacū tutuaye, ohō saha nidi:

—“Cristo peye tahari Cohācjū tutuaye mehna ye ihñonota”, panopū tiquina ni yahu muhtariorre sahata ahriquiuro Jesu pehe peye tahari Cohācjū tutuaye mehna ye ihñore. Ijipihtiyequina apequina yuhduoro Cohācjū tutuaye mehna ye ihñore tiquiro. Sa yero Cristo Cohācjū ohoriquiurota ijire ahriquiuro Jesu, nidi Jesure wacū tutua dūcayequina.

*Fariseo masa Jesure peresu ye dutiahye*

<sup>32</sup> Masa Jesure tiquina sa ni yahuducugū tuhoahye fariseo masa. Sa ye tiquina, pahia puhtoqa mehna Jesure ñehe dutiye ohoahye surarare, Cohācjū wuhure cohteyequinare.

<sup>33</sup> Sa yero Jesu judio masare ohō saha nidi:

—Meheñe decorigā mūsa mehna ijiniitja. Sa yegū mehenogā bato yuhure ohoriquiuro

cahapū wahahtja. <sup>34</sup> Yuhū ijiatore mūsa waha masiedare. Sa yena yuhure macaepenata ne bocasi mūsa, nidi Jesu judio masare.

<sup>35</sup> Tiquiro sa nigū tuhoye tiquina basi ohō saha ni yahuducuri:

—¿Ahriquiuro sa nino nohopū waharotari, mūsa tuhotugū? ¿Griego masa cahapū judio masa waha siteriquina tiquina ijie macaripū griego masapūre buhero waha bogari ahriquiuro? <sup>36</sup> ¿“Yuhū ijiatore mūsa waha masiedare. Sa yena mūsa yuhure macaepenata ne bocasi”, tiquiro nigū duhse nino boro ahriquiuro sa niajari? ni yahuducuri judio masa tiquina basi.

*Catigū yeye mārīne yahuahye Jesu*

<sup>37</sup> Bose deco bato tiri deco ti deco waro ijiro nidi. Ti decore Jesu topū ducuro, tutuaro mehna sañuducu yahuri:

—Aco wñoyequina acore tiquina tutuaro cahmeno saha ijipihtiye decori Cohācjū mehna mūsa ijiatore tutuaro cahmena yuhure siniña. Mūsa sa sinigū tiquiro yequina mūsa iji dutitja. <sup>38</sup> Yuhure wacū tutuayequinare ohō saha ni ojoahye Cohācjū yere tiquina ojoari pūpū: “Mārī pohteripū catigū yeye aco sa wijiaducuro sahata catigū yeriquiuro tiquina mehna sa ijiducurota”, ni ojoahye Cohācjū yere tiquina ojoari pūpū, ni yahuri Jesu judio masare.

<sup>39</sup> Sa catigū yeriquiurore wame peo yahuro “Yuhure wacū tutuayequina Espiritu Santore cūoeta”, nino nidi Jesu. Tiquiro uhmūsepu tiquiro mūjadarīgū Espiritu Santo pehe wihieraniahye.

*Judio masa tu wahye pua curua*

<sup>40</sup> Jesu tiquiro sa nigū tuhoye, masa peyequina ohō saha ni yahuducuri:

—Ahriquiuro potota Cohācjū yere yahu muhtariorre mari cohteriquiro ijire, nidi masa.

<sup>41</sup> Ohō saha nidi apequina gāhū:

—Ahriquiuro Cristo marine yuhduoatiquiro ijire, nidi.

Apequina pehe ohō saha nidi:

—Cristo ahtariorre, Galilea yehpa cjūno ijisi tiquiro. Ahriquiuro Jesu pehe to cjūnota ijire. <sup>42</sup> Cristo Davi mūnāno panamino ape tjuro cjūno ijiatiquiro ijirōta. Sa yero Davi ya maca ijirirōpū Belēpū Cristo masa bājuarōta. Ohō saha ni yahure Cohācjū yere tiquina ojoari pūpū. Ahriquiuro Jesu pehe

Belêpɩ masa bajuerahye. Sa yero tiqiro Cohăcĵũ ohoriquiro Cristo waro ijjerare, nidi tiquina.

<sup>43</sup> Sa ye Jesure tãhomediquina pua curua tu wari tiquina basi. <sup>44</sup> Meheñequinagã masa pehe Jesure ñehe duamedî. Sa ñehe duepeta tiqirore ñehedari.

*Judio masa pãtoa Jesure ne wacũ tũuerahye*

<sup>45</sup> Sa ye surara pahia pãtoa cahapũ fariseo masa cahapũ tojoaa wahahye. Tiquina tojoa sagũ ihñãñe tiquina surarare sinituahye:

—¿Dũhsena Jesure ñehedari mũa? ni sinituahye tiquina pehe.

<sup>46</sup> —Tiqiro quehnoa yũhdũaro yahuducuriquiro ijiri. Apequina tiqiro yero saha yahuducuyequina ne mariedare, ni yũhtiahye surara tiquinare.

<sup>47</sup> Tiquina sa nigũ fariseo masa pehe ohõ saha ni yahuahye:

—¿Mũsare tiqiro mehogũ “Potota nino niaga”, nijari mũa gũhũ? <sup>48</sup> Mari pãtoa Jesure wacũ tutueyequina ijiye ne tiqirore cahmedare. Ʋsã gũhũ sa ijina tiqirore cahmedaja. <sup>49</sup> Ahriquina masa pehe Cohăcĵũ dutiyere Moisere tiqiro cũrire masiedare. (Sa masieñequina ijiye Jesure wacũ tutuayequina ijiye, tiqirore cahmene.) Tiquina sa cahmedî buhiri tiquinare mari Pacũ buhiri dahrerota, ni ahye fariseo masa.

<sup>50</sup> Fariseo masũno Nicodemo Jesure yahuducuro esariquiro topũ ijiahye tiquina mehna. Tiquina sa nigũ tũhoro ohõ saha niahye tiqiro tiquinare:

<sup>51</sup> —Jesu ñano yerire masiedaja mari. Sa masiedana marine tiqiro yahuato pano tiqirore buhiri dahre masiedaja mari. Sa masiedapenata tiqirore buhiri dahrena, mari ye dutiyere yũhdũducana nijaja mari, niahye Nicodemo tiquinare.

<sup>52</sup> Tiqiro sa nigũ tũhoye ohõ saha ni yũhtiahye tiquina:

—¿Mũhũ gũhũ tiqiro yero saha Galilea cĵũta ijijari? Cohăcĵũ yere tiquina ojoari pũre buhe pehoya. Sa buhegũ “Cohăcĵũ yere yahu mũhtariquina ne ihcãquiro mariedare Galileare”, ni buhe masiita mũhũ. (Sa yero sa ni maca cãno nine Jesu,) ni yũhtiahye tiquina Nicodemore.

[ <sup>53</sup> Tiquina sa nidi bato tiquina ye wũhũsepũ tojoaa wahahye.

## 8

Ʋmũno mehna ñano yericorore judio masa pãtoa wacũeno mehna esa pjeahye

<sup>1</sup> Jesu cãhũpũ Olivo wame tidũpũ wahari. <sup>2</sup> Sa yero bohrearo Cohăcĵũ wũhũpũ tiqiro esari tja. Tiqiro esagũ ihñãñe masa peyequina tiqiro cahapũ cahme-coari. Tiquina sa cahmeoagũ ihñano tiqiro pehe dũjtĩãno tiquinare buhe dũcari. <sup>3</sup> Tiqiro sa buheri watoa Ʋsã acaye judio masa buheyequina, fariseo masa mehna ti wũhũpũ numinore ne cãhtari. Ticoro Ʋmũno mehna ñano yegũ waro wacũeno mehna esa pjeahye tiquina ticorore. Sa esa pjeje ticorore Cohăcĵũ wũhũpũ ne saĵari tiquina. Ne saĵã sa tuhasa ijipihtiyequina ihñono ticorore duhu docoye ohõ saha nidi:

<sup>4</sup> —Buhegũ, ahricoro Ʋmũno mehna ñano ticoro yegũ waro wacũeno mehna ticorore esa pjei. <sup>5</sup> Cohăcĵũ dutiyere Moise mũnanopũ marine tiqiro cũri ohõ saha nine: “Ʋmũno mehna ñano yericorore Ʋtã paca mehna doque wejẽña”, niahye Cohăcĵũ dutiye. ¿Mũhũ waro dũhse ni tãhotuajari ahrire? ni sinituri tiquina Jesure.

<sup>6</sup> Jesu ñano nigũ tũho duaye nimesi tiquina tiqirore yahusãñe tehe. Tiquina sa sinituepegũta Jesu muhri quehe, yehpapũ tiqiro omo piria mehna ojoari. <sup>7</sup> Sa tiquina ni sinituducugũ Jesu pehe wahcã nuju sa, tiquinare yahuri:

—Mũa mehna cĵũno ñano yerariquiro ticorore Ʋtã mehna doque mũhtaahdo, nidi Jesu.

<sup>8</sup> Sa ni tuhasa pari turi muhri quehe, yehpapũ ojoari tja. <sup>9</sup> Tire tũhoye tiquina ñãñe yerire wacũñe, tiquina wahmĩsumũa pehe wijia mũhtari. Tiquina bato tiriquina mehna cĵena gũhũ wijia pihtia wahari. Sa yero numino topũ dũcuricoro Jesu mehna tojoari. <sup>10</sup> Sa yero Jesu wahcã nuju sa ticorore sinituri:

—¿Nohopũ wahajari tiquina? ¿Mũhũre buhiri dahre duamediquina mariedajari yojorũre? nidi ticorore.

<sup>11</sup> —Mariedare pãto, ni yũhtiri ticoro.

—Yũhũ gũhũ buhiri dahreraja mũhũre. Wahaya. Sa yego ñãñene ye nemoedacãhña, nidi Jesu ticorore.]

*Buhrioro marine ihña masigū yero saha Jesu ahri yehpa cjenare mari Pacure masigū yere*

<sup>12</sup> Pari turi Jesu ti wuhupū ijiyequinare yahuri:

—Buhrioro marine to ihña masigū yero sahata yuhū ahri yehpa cjenare Cohācjūre masigū yeaja. Yuhūre wacū tutuariquiro ijipihitiye decori Cohācjū mehna sa ijiducurota. Sa yero tiquiro quehnoañene wacūnota. Sa yero tiquiro ñañene wacū duerare, ni yahuri Jesu.

<sup>13</sup> Tiquiro sa nigū tiquirore fariseo masa ohō saha nidi:

—Muhū basi muhū ijiye tiyere sa ni yahuducugū nine. Sa ye muhū ohō saha ni muhū esa tuharo muhū ni yahuducu maca quehe ne dahseati ijierare, nidi tiquina Jesure.

Tiquina sa nigū Jesu yuhtiri:

<sup>14</sup>—Yuhū ahtarirorū masiaja yuhū. Yuhū wahato gāhūre masiaja yuhū. Musa ne tire masiedare. Musa ohō saha niepegūta yuhū ijiye tiyere musare yuhū yahuri poto tjire.

<sup>15</sup> Musa esa tuharo masa ihñari dihitarē masine masa. Sa yena quehnoano masiedare masa. Sa masiedapenata yuhūre ñano ni yahuducure masa. Yuhū pehe yuhū esa tuharo masare ne sa niedaja. <sup>16</sup> Sa yegu masa tiquina ijiye tiyere ihña masigū yuhū esa tuharo ihña masiedaja. Yuhū pūrita yuhūre ohoriquiro mehna ihña masiaja. Sa yegu masa tiquina ijiye tiyere yuhū ihña masiñe poto tjire. <sup>17</sup> Musare dutiye tiquina ojoari pū ohō saha ni yahure. “Puarō masa ihcāno saha tiquina yahugū ohō saha tiquina yahuye poto tjire”, ni yahu ojoari jiri. <sup>18</sup> Yuhūre yahuriquiro mehna usā puana tjiaja. Yuhū ijiye tiyere yahuaja yuhū. Sa yero yuhū Pacū gāhū yahure yuhū pehere. Tiquiro tjire yuhūre ohoriquiro, nidi Jesu.

<sup>19</sup>—¿Nohorū ijiagari muhū pacū? ni sinituri tiquina.

—Yuhūre masa masiedare. Yuhū Pacū gāhūre masiedare masa. Yuhūre masina, yuhū Pacū gāhūre masiboaga masa, ni yuhtiri Jesu tiquinare.

<sup>20</sup> Jesu tiquinare buhero sa ni yahuducuri Cohācjū wuhupū tiquina niñeru sāne acari caharū. Tiquiro ñano yuhūduati pje ijieranidi. Sa ye tiquina mehna tiquiro ijepegūta tiquina tiquirore ñehedari.

—Yuhū wahatorpūre masa pehe waha masisi, niahye Jesu

<sup>21</sup> Pari turi Jesu tiquinare yahuri tja:

—Yuhū ahtarirorū wahautja. Yuhū wahari bato masa yuhūre macanata. Sa yena masa ñañe buhiri tiye mehna yarianata. Yuhū wahatorpūre masa pehe waha masisi, ni yahuri Jesu.

<sup>22</sup>—“Yuhū wahatorpūre masa pehe waha masisi”, tiquiro nigū tūhoye, “¿Ahriquiro tiquiro basi wejē yariarotari, sa nino?” nidi usā acaye judio masa tiquina basi.

<sup>23</sup> Tiquina basi sa nigū Jesu yahuri tiquinare:

—Musa pehe ahri yehpa cjana ijire. Yuhū pehe ahmūse cjū ijiaja. Ahri yehparū bajarina ijire masa pehe. Uhmūserū ahtarigū ijiaja yuhū pehe. <sup>24</sup> Musa yuhū ijiye tiyere yuhū nidire “Poto ijierare”, nina, masa ñañe buhiri tiye mehna yarianata masa. Sa yegu “Musa ñañe buhiri tiye mehna yarianata masa”, nimi musare, nidi Jesu tiquinare.

<sup>25</sup>—¿Noa boro ijiajari muhū? ni sinituri tiquina.

—Coā waropūre yuhū niducuriro sahata ijiaja yuhū. <sup>26</sup> Musare yuhū yahuati pajiro dahsarīne. Sa yero masa ñano yeri buhirire musare yuhū yahuati pajiro dahsarīne. Sa yegu yuhūre ohoriquiro tiquiro yahurire ahri yehpa cjenare yahuaja. Tiquiro yahuri poto tjire, nidi Jesu tiquinare.

<sup>27</sup> “Yuhūre ohoriquiro”, tiquiro nigū tūhoye, “Mari Pacū ijiaja”, ni tūhotuerari tiquina. <sup>28</sup> Tiquina sa ni tūhotueragū ihñano Jesu yahuri tiquinare.

—Yuhūre masare Cohācjū ohorigūre masa yucū teō mehna wahcō doconata. Masa sa yena, “Tiquiro Cohācjū ohoriquiro tjire”, ni masinata masa yehare. Sa yena yuhū esa tuharo yuhū yerarigū ijigū masinata masa. Sa yena yuhū Pacū yuhūre tiquiro buheri dihitarē yahurigū yuhū ijigū gāhūre masinata masa. <sup>29</sup> Sa yero yuhūre ohoriquiro pehe yuhū mehna ijire. Tiquiro cahmeñene ijipihitiye decori yeducuaja. Sa yero yuhūre tiquiro ne cohāedare, nidi Jesu.

<sup>30</sup> Tiquiro sa nigū tūhoye, tiquirore masa peyequina wacū tutuari.

*Cohācjū pohnene, ñañe yeyequina gāhūre yahuahye Jesu*

<sup>31</sup> Sa ye apequina judio masa Jesure wacū tutuari. Sa yero Jesu tiquinare yahuri:

—Yuhū dutiyere ye pehona, potota yuhū buhena ijire masa. <sup>32</sup> Sa yena poto masinata masa. Poto ijiyere masina, ñaṇe yeyere duhu masinata. Sa yena cahacjēna yero saha iji nemosi masa, nidi Jesu tiquinare.

<sup>33</sup> Tiquiro sa nigū tūhoye ohō saha ni yūhtiri tiquina:

—Usā pehe panopū cjūno Abrahā mūnano panamena iji turiana ijiaja. Sa yena ne apequina tiquina cahacjāna ijieraja usā. ¿Sa yegū “Cahacjēna yero saha iji nemosi”, nigū, duhse ijiro boro usāre sa niajari mūhū? ni sinituri tiquina Jesure.

<sup>34</sup> Tiquina sa nigū tūhoro ohō saha nidi tiquiro:

—Ijirota niaja mūsare. Ijipihtieyquina ñañene yeyequina pehe tiquina ñañene ye duhu masiedare. Sa yero ñañe pehe tiquina puhtoro yero saha ijire. Sa ijieyquina ijie cahacjēna yero saha ijire tiquina.

<sup>35</sup> Cahacjūno pehe tiquiro puhtoro ya curua cjūno ijipihtiey decori ijiducuerare. Ti wūhū cjūno macūno pehe ijipihtiey decori potota ti curua cjūno ijire tiquiro. (Yuhū pehe Cohācjū macū ijiaja. Sa yegū dutigū ijiaja. Mūsa ñañe yeyere duhu dutiitja.)

<sup>36</sup> Sa yena yuhū Cohācjū macū ñañene yuhū duhugū yenohrina ijina potota ñañene duhurina ijire masa. <sup>37</sup> Abrahā mūnano panamena iji turiana masa ijigū masiaja. Sa ijiepenata yuhū yahuyere pehere tūho duere masa. Sa yena yuhūre wejē duare masa.

<sup>38</sup> Yuhū Pacū yuhūre tiquiro masigū yerire yahuaja mūsare. Yuhū sa yahuepegūta mūsa pacū watīno mūsare tiquiro dutiyere yere mūsa gūhū, nidi Jesu tiquinare.

<sup>39</sup> —Abrahā mūnano panopū cjūno usā ñecu mūnano ijie tiahye. Sa yero watīno usā pacū ijierare, ni yūhtiri tiquina.

Tiquina sa nigū Jesu yūhtiri:

—Abrahā panamena iji turiana ijina, tiquiro yeriro sahata yeboaga masa.

<sup>40</sup> Cohācjū yuhūre poto tiquiro yahuyere mūsare yuhū yahuepegūta yuhūre wejē duare masa. Abrahā mūnano pehe ne sa yera tiahye. <sup>41</sup> Mūsa pacū tiquiro yeriro sahata yere mūsa, nidi Jesu tiquinare.

Tiquiro sa nigū tiquina yūhtiri:

—Omoca duhtemeñeñequina pohna ijieraja usā. Ihcāqirota ijire usā Pacū. Tiquirota ijire Cohācjū, nidi tiquina.

<sup>42</sup> Tiquina sa nigū Jesu yūhtiri:

—Cohācjū mehna cjū ijigū, ohōpūre ahtaṁ. Sa yena Cohācjū mūsa Pacū tiquiro ijigū yuhūre cahiboya masa. Yuhū esa tuhoro ahtaerū yuhū pūrita. Cohācjū tiquiro ohogū ahtaṁ ohōpūre. <sup>43</sup> ¿Dūhsena yuhū yahuducuyere tūhoerajari mūsa? Yuhū yahuyere tūho duerare masa. Sa yena tūhoerare masa. <sup>44</sup> Mūsa pacū pehe watīno ijire. Sa yena watīno cahmeñe pehere ye duare masa. Ahri yehpa coā waropū to iji dūcagūpū, yojopū gūhūre tiquiro masare wejēdiquiro ijire. Tiquirore poto yahuducuyere mariedare. Sa yero tiquiro ne poto yahuducuerare. Tiquiro coā waropūre ni meho mūhta dūcariquiro ijie tiahye. Sa yero tiquiro sa ni mehoducuriquiro ijiro, ni mehoñene yahure. <sup>45</sup> Yuhū pehe mūsare poto yahuaja. Sa yuhū yahuepegūta yuhūre tūhoerare masa. <sup>46</sup> “Mūhū ñano yegū ijire”, yuhūre ni masiedare masa. ¿Poto mūsare yuhū yahuepegūta dūhsena tūhoerajari mūsa? <sup>47</sup> Cohācjū pohne pehe tiquiro yahuducuyere tūhore. Tiquiro pohne ijierana, tiquiro yahuducuyere tūho duerare masa, nidi Jesu tiquinare.

*Abrahā tiquiro ijiato pano Cristo pehe iji tuhasae tiahye*

<sup>48</sup> Tiquiro sa nigū tūhoye judio masa tiquirore ohō saha nidi:

—“Mūhū Samaria cjū ijire. Sa yegū watīnore cuore mūhū”, usā nidi poto tjire, nidi tiquina Jesure.

<sup>49</sup> Tiquina sa nigū tūhoro ohō saha ni yūhtiri Jesu:

—Watīnore cūoeraja yuhū. Yuhū Pacūre ño peoaja. Mūsa pehe yuhūre ño peoerare.

<sup>50</sup> Yuhūre masa tiquina ño peogū cahmedaja yuhū. Yuhū Pacū pehe yuhūre ño peogū cahmene masare. Tiquiro pūrita yuhū ijie tiyere quehnoano ihña masino, sata ño peo dutire. Sa yero yuhūre tiquina cahmedari buhiri, buhiri dahreatiquiro ijirota tiquiro.

<sup>51</sup> Ijirota niaja mūsare. Yuhū dutiyere yeriquiro ijipihtiey decori Cohācjū mehna sa ijiducurota, nidi Jesu.

<sup>52</sup> Tiquiro sa nigū tūhoye ohō saha nidi tiquina:

—Yojopū pūritare watīnore cūogū mūhū ijigū usā quehnoano masiaja. Abrahā mūnano yariaa wahahye. Cohācjū yere



yahu muhtariquina gũhu yaria pihtia wahahye. ¿Sa yegu “Yũhu dutiyere yeriquiro ijipihtiyec decori Cohãcũ mehna sa ijiducurota”, nigũ dũhse nigũ sa nijari muhũ?<sup>53</sup> ¿Usã ñecu munano Abrahã yuhduoro tutuajari muhũ? Tiquiro, Cohãcũ yere yahu muhtariquina gũhu yariaa wahahye. ¿Muhũ pehe noa boro ijjajari muhũ, sa ni yahuducugũ? Muhũ sa nibogu ijierare, nidi tiquina.

<sup>54</sup> Tiquina sa nigũ tuhoro Jesu yahu nemori:

—Yũhu basi “Tutuagu ijijaja yũhu”, yahu nigũ, tutuagu ijieraboaga yũhu. Yũhu Pacu pehe “Tiquiro tutuariquiro ijire”, nine yuhure. “Usã Pacu”, musa nidiquiro pehe yũhu Pacu tjire.<sup>55</sup> Musa pehe yũhu Pacure ne masiedare. Yũhu pehe tiquirore masi-aja. “Tiquirore masiedaja”, nigũ musa yero saha ni mehoñe peyagu ijiboaga yũhu. Potota tiquirore masiaja. Sa yegu tiquiro dutiyere yeaja.<sup>56</sup> Ahri yehpapu yũhu ahtatore mari ñecu Abrahã munano masie tiahye. Sa masino tiquiro bucuee tiahye, nidi Jesu.

Tiquiro sa nigũ tiquina yũhtiri:

<sup>57</sup> —Cincuenta cũhmarĩ cũoeraga muhũ. Abrahã munano panopũ cãno ijiri. ¿Yojopũre tiquiro munanore muhũ dũhse masibogari? nidi judio masa Jesure.

<sup>58</sup> —Ijirota nijaja musare. Abrahã tiquiro ijiato pano yũhu pehe iji muhta tuhasae tii, nidi Jesu tiquinare.

<sup>59</sup> Tiquiro sa nigũ tuhoye tiquina pehe utã pacare ne, tiquirore doque duamedĩ. Tiquina sa doque duepegũta Jesu pehe Cohãcũ wuhũpũ ijiriquiro duhti wijiaa wahari.

## 9

*Caperi bajueriquirore ihãagũ yeahye Jesu*

<sup>1</sup> Sa yena Jesu usã tiquiro buhena mehna mahapũ wahana, apeqirore caperi bajueriquirore boca sau. Tiquiro wahna masa bajuaropũta caperi bajueriquiro ijie tiahye.<sup>2</sup> Usã gũhu tiquirore ihãana, sinituu Jesure:

—¿Buhegũ, ahriquiro dũhsero caperi bajueriquiro masa bajuayari? ¿Ñañene yeyari tiquiro sa waharo? ¿O tiquiro pacusũmũ pehe ñañene yeyari tiquiro sa wahagũ? ni sinituu usã pehe Jesure.

<sup>3</sup> Usã sa nigũ tuhoro ohõ saha ni yũhtiri tiquiro:

—Ahriquiro ñañene yeri buhiri caperi bajueriquiro wahaerari. Tiquiro pacusũmũ gũhu ñañene tiquina yeri buhiri caperi bajueriquiro wahaerari. Cohãcũ tiquirore caperi bajueragũ yeri tiquirore ihãagũ yero taro, masare tiquiro ihãoatire.<sup>4</sup> Yũhure ohoriquiro tiquiro cũrire yojopũre yero cahmene marine. Ñamipũ mari dahra masieno sahata camepũ yuhure ohoriquiro tiquiro cũrire ye masiedaja mari.<sup>5</sup> Ahri yehpapũ buhioro marine to ihãa masigũ yero saha ijigu ahri yehpa cãenare Cohãcũ yere masigũ yeaja yũhu, nidi Jesu.

<sup>6</sup> Sa ni tuhasarota yehpapũ sihco puti cũri. Tiquiro sa sihco puti cũrire dihta mehna dahra more, caperi bajueriquirore tiquiro caperire wisõri.<sup>7</sup> Sa wisõno ohõ saha nidi Jesu:

—Siloé wame tiri copepũ cuhsari copepũ muhũ caperire cosegũ wahaya, nidi Jesu.

Siloé usã ye mehna niñe “Ohori cope”, niñe nidi.

Jesu tiquiro caperire cose dutiriquiro pehe waha, cose, caperi ihãariquiropũ tojoa wihiri.<sup>8</sup> Tiquiro tojoa wihigũ tiquiro cahapũ ijieyquina tiquirore ihãari. To pano niñeru sinimediquiro tiquiro ijigũ ihãariquina tiquirore ohõ saha nidi tiquina basi:

—¿Ahriquiro sohõ ijiriquiro niñeru sinituquiro ijierajari? nidi tiquina.

<sup>9</sup> —Tiquirota ijire, nidi apeqina pehe.

—Tiquiro ijierare. Tiquiro saha bajuquiro ijire, nidi apeqina pehe.

Tiquina sa nigũ tuhoro caperi bajueramediquiro pehe ohõ saha nidi:

—Tiquiro tjijaja yũhu, nidi tiquinare.

<sup>10</sup> Tiquiro sa nigũ masa tiquirore sinituri.

—¿Caperi bajuegũ ijirigũ dũhse waha ihãari muhũ? ni sinituri tiquina tiquirore.

<sup>11</sup> —Jesu wame tiriquiro sihco co mehna dihta mehna dahra more, yũhu caperire wisõri. Yũhure wisõ tuhasa “Siloé wame tiri copepũ muhũ caperire cosegũ wahaya”, tiquiro nigũ cosegũ esau yũhu. Yũhu sa coseri bato yũhu caperi quehnoano bajuri yũhure, ni, yahuri tiquiro masare.

<sup>12</sup> —¿Muhure sa yeriquiro nohopũ ijjagari tiquiro? nidi tiquina.

—Obah. Noho ijiro ijijaja, nidi tiquiro.

*Caperi bajueramediquirore fariseo masa sinituahye*

<sup>13</sup> Sa ni yahuducu tuhasa tiquina caperi bajueramediquirore fariseo masa cahapu neari. <sup>14</sup> Ti deco Jesu dihtare sihco co mehna dahra more caperi bajueriquirore tiqiuro ihñagū yeri deco saurú deco ijiri. Ti deco usā sori deco ijiri. <sup>15</sup> Sa ye fariseo masa pehe tiqiurore sinituahye tja.

—¿Duhse ye mñhñ ihñari? ni sinituahye tiquina.

—Dihta mehna yuhñ caperire wisōri. Sa yegu yuhñ caperire yuhñ coseri bato ihña ducan yuhñ, ni yahuahye tiqiuro tiquinare.

<sup>16</sup>—Tiqiuro saurú decore mari sori decore mari dahra dutieri decore dahraya. Sa yero tiqiuro Cohācjū yaqiuro ijierare, niahye apequina fariseo masa pehe.

Apequina pehe ohō saha niahye:

—Ñañene yeriquiro ohō saha yuhñ masiedare. Sa yero tiqiuro quehnoariqiuro ijiboaga, niahye apequina.

Sa ye tiquina pua curua tu wahye tiquina basi. <sup>17</sup> Sa ye pari turi tiquina caperi bajueramediquirore sinituahye tja.

—¿Mñhñ caperire quehnoano yeriquirore mñhñ waro duhse ni tuhutuajari Jesure? niahye tiquina tiqiurore.

—Tiqiuro potota Cohācjū yere yahu muhtariqiuro ijire, niahye caperi bajueramediquiro.

<sup>18</sup> Coā waropure judio masa ohō saha ni tuhutumahye. “Ahriqiuro caperi bajueramediquiro ijierare”, ni tuhutumahye tiquina. Sa ni tuhutuye caperi bajueramediquiro pacsumuare pijioahye tiquina. <sup>19</sup> Pijio, tiqiuro pacsumuare sinituahye fariseo masa pñhtoa.

—¿Ahriqiuro potota musa macu ijiajari? ¿Duita tiqiuro caperi bajueriquiro masa bajuari? ¿Potota caperi bajueriquiro ijieperota duhsero ihñajari yojopure? ni sinituahye tiquina tiqiuro pacsumuare.

<sup>20</sup>—Ahriqiuro usā macuta ijire. Sa yero duita caperi bajueriquiro masa bajue tiri tiqiuro. <sup>21</sup> Tire masiepenata tiqiuro ihñarire, tiqiurore ihñagū yeriquiro gñhñ masiedaja usā. Usā macure sinituya. Bucuro ijire tiqiuro. Tiqiuro basi yahu masine, niahye tiqiuro pacsumuare.

<sup>22</sup> Judio masa usā pñhtoa coā waropure ohō saha nie tiahye.

—“Jesuta Cristo Cohācjū ohoriqiuro ijire”, niñequinare mari buheye wñhñsepu

sajā dutisi usā, nie tiahye judio masa pñhtoa.

Tiqiuna sa nigū tahoye caperi bajueramediquiro pacsumuare judio masa pñhtoa cue niahye. <sup>23</sup> Sa cueye, “Бучуро ijire tiqiuro. Tiquirore sinituya”, niahye tiquina judio masa pñhtoa.

<sup>24</sup> Came judio masa pñhtoa pari turi pijioahye caperi bajueramediquirore tja. Pijio ohō saha niahye tiqiurore:

—Cohācjū mehna poto yahuya mñhñ. Jesure ni mehoriqiuro tiqiuro ñañe yeriquiro ijigū usā masiaja. Sa yegu poto yahuya usāre, niahye judio masa caperi bajueramediquirore.

<sup>25</sup> Tiquina sa nigū tuhoro ohō saha ni yñhtiahye tiqiuro:

—Jesure tiqiuro ñañe yeriquiro ijigū masiedaja yuhñ. Ihcānota masiaja yuhñ. Panopure caperi bajuegu ijie tii yuhñ. Yojopure ihñaja yuhñ. Ti dihtare masiaja yuhñ, ni yñhtiahye caperi bajueramediquiro tiquinare.

<sup>26</sup>—¿Duhse yeri mñhñre tiqiuro? ¿Mñhñ caperi ihñatire duhse yeri tiqiuro mñhñre? ni sinituahye tiquina.

<sup>27</sup>—Tireta musare yahu tuhasami yuhñ. Yuhñ sa niepegūta musa ne tuhō duerare yuhñre. ¿Duhse ye duana pari turi yuhñ yahugū tuhō duajari musa? ¿Musa gñhñ tiqiuro buhena iji duajari? niahye tiqiuro tiquinare.

<sup>28</sup> Tiqiuro sa nigū tahoye tiquina tuhtiahye tiqiurore:

—Mñhñ Jesu buherigu ijire. Usā pehe Moise buhena ijiaja. <sup>29</sup> Potota Cohācjū Moiserre yahuduce tiahye. Jesu tiqiuro ahtarirore usā masiedaja, niahye tiquina caperi bajueramediquirore.

<sup>30</sup> Tiquina sa nigū yñhtiahye tiqiuro:

—¿Tiqiuro ahtarirore musa masiedagū yuhñre ihñagū yeriquiro ijio, Cohācjū ohoriqiuro ijieraboagari tiqiuro? <sup>31</sup> Cohācjū ñañe yeyequinare tiquina siniñene tuhoreare. Ti pūritare mari masiaja. Tiquinare tuhorerapota Cohācjūre ño peoriqiurore, tiqiuro dutiyere yeriquirore tiqiuro siniñene tuhore Cohācjū. <sup>32</sup> Coā waropure ahri yehpa iji ducagūpure ne coā masa bajuaropu caperi bajueriquirore ne ihcāqiuro ihñagū yeriquiro marieda tiahye.

<sup>33</sup> Sa yero Jesu Cohācjū ohoriqiuro ijieraro

yuhure ihñagü yeraboaya tiquiro, niahye tiquiro tiquinare.

<sup>34</sup>—Muhü duita ñagü ijie tiahye. ¿Sa ijiepegüta usäre buhe duajari muhä? niahye judio masa puhto tiquirore.

Sa ni tuhasayeta tiquina tiquirore cohã wio cãhye.

*Jesu yere cahmeeñequina caperi bajueyequina tiquina ihña masieno saha mari Pacure masiedare*

<sup>35</sup> Sa yero caperi bajueramediquirore tiquina cohã wiorire Jesu tuhori. Sa tuhoro caperi bajueramediquirore boca saro tiquirore sinituri:

—¿Masunore Cohãcjü ohoriquirore wacü tutuajari muhä? nidi Jesu.

<sup>36</sup>—¿Puhto, noa ijiajari tiquiro? Tiquirore masigü wacü tutuagutja tiquirore, nidi caperi bajueramediquiro Jesure.

<sup>37</sup>—Tiquirore ihña tuhasari muhä. Yojoppure muhä mehna yahuducugü tiquirota ijiaja yuhü, nidi Jesu caperi bajueramediquirore.

<sup>38</sup>—Puhto, muhare wacü tutuaja, nidi caperi bajueramediquiro.

Sa nino tiquiro Jesu caha dusepe curi mehna quehe sa, tiquirore ño peori.

<sup>39</sup> Tiquiro sa ño peogü ihñano ohõ saha nidi Jesu:

—Quehnoañequina, ñañequina gãhu tiquina yerire masigü yei ahtau ahri yehppure. Caperi bajueyequina tiquina ihña masieno saha tiquina yero saha ijieyequina yuhü Pacure masiedare. Sa masieñequinare yuhü Pacure masigü yei ahtau yuhü. “Usã quehnoano masiaja”, ni tuhutumediquina quehnoano tiquina masiedarire masigü yei ahtau yuhü, nidi Jesu.

<sup>40</sup> Tiquiro sa nigü tuhoye meheñequinagã fariseo masa tiquirore ohõ saha nidi:

—¿Caperi bajueyequina tiquina ihña masieno saha quehnoano masiedare musa gãhu”, nii nijajari muhä usäre? nidi fariseo masa Jesure.

<sup>41</sup> Tiquina sa nigü ohõ saha nidi Jesu:

—Caperi bajueyequina tiquina ihña masieno saha potu musa quehnoano masiedagü, musare buhiri mariedaboaya. “Usã quehnoano masina ijiaja”, musa nidi buhiri, buhiri tina ijinine musa yojoppure, nidi Jesu tiquinare.

## 10

*Ovejare cohteriquiro quitire yahuahye Jesu*

<sup>1</sup> Came queoye mehna buhero ohõ saha nidi Jesu:

—Ijirota niaja musare. Ovejare cohteri sahrño sopecaha sajäedariquiro, sopecaha marienopü sajäriquiro pehe yaque bucuro ijire. <sup>2</sup> Sopecaha sajäriquiro pehe ovejare cohteriquiro ijire. <sup>3</sup> Sopecahare cohteriquiro sopecahare pöre ovejare cohteriquiro sajäto. Ovejare cohteriquiro yahuducugü tãho cãhtare tiquiro nuñequina oveja pari. Tiquinare pijioro tiquina wame mehna pisuducure tiquiro. Sa yero tiquinare sahrñopü ijiriquinare piji wiodocore sopecahapü.

<sup>4</sup> Tiquiro yequinare ijipihiyequinare piji wio tiquinare sa ummü tãducure. Oveja pehe tiquiro yahuducuyere tãho masiñe tiquiro bato nannü tãre. <sup>5</sup> Apequirore tiquina ihña masieniquirore nannü tãedare tiquina. Sa ye apequina tiquina yahuducuyere tuhoye, cue oma sitea wahare, nidi Jesu tiquinare.

<sup>6</sup> Ahri queoyere tiquiro sa yahuepegüta tiquiro yahuyere masiedari tiquina.

*Jesu ovejare quehnoano cohteriquiro yero saha tiquiro yequinare quehnoano cohtere*

<sup>7</sup> Pari turi Jesu tiquinare yahuri tja:

—Ijirota niaja musare. Ovejare cohteri sahrño sopecaha yero saha ijiaja yuhü. <sup>8</sup> Ijipihiyequina yuhü pano ahtayequina ni mehoñene buheyequina yaqueyequina yero saha ijire. Tiquina sa ijiepegüta oveja yero saha ijieyequina yeequina pehe apequinare ne tãho cãedare. <sup>9</sup> Yuhü ovejare cohteri sahrño sopecaha yero saha ijiaja. Sopecaha sajäñequina yero saha ijire yuhure wacü tutuayequina. Sa yegü tiquinare pecapu wahaboriquinare yãhdoutja. Ovejare cahmotari sahrño tiquinare cahmotariro sahata yuhü yãhdoyequinare cahmotautja. Sa ye tiquina cahmeñene cuoeta tiquina, nidi Jesu.

<sup>10</sup> Sa ni tuhasa ohõ saha ni nemori:

—Musare ni meho buheyequina ovejare yaqueyequina yero saha ijire. Apequina yaque duaye, apequina wejẽ duaye

ahtare. Oveja yero saha ijyiequinare, yeequina ijipihtiye decori Cohācjū mehna ijiatiquinare yegū ahtau yuhū. Sa yegū yeequina decoripe tiquina bucuatire ahtau yuhū. <sup>11</sup>Ovejare quehnoano cohteriquiro yero saha ijiaja yuhū. Ovejare quehnoano cohteriquiro yariatiquiro ijieperota tiquiro yequina ovejare cohtere, “Sijoro wahari”, nino. Yeequina Cohācjū mehna tiquina sa ijiducuatire yegū yariūtja yuhū. <sup>12</sup>Oveja upuro cahācjūno pehe oveja upuro ijierare. Sa yeye oveja tiquiro yequina ijierare. Sa yero yairo ovejare tiquiro ihyaro ahtagū ihñano tiquiro cahācjūno pehe ovejare cohā doco cā, oma cāa wahare. Tiquiro sa cohā docori bato, yairo ovejare tiquiro ñehēgū ihñañe oveja pari oma site cāa wahare. <sup>13</sup>Tiquiro cahācjūno pehe tiquiro wapataye dihitare cahmene. Sa yero tiquiro ovejare quehnoano cohte coerare, nidi Jesu.

<sup>14</sup>Sa ni tuhasa ohō saha ni nemori:

—Ovejare quehnoano cohteriquiro yero saha ijiaja yuhū. Sa yegū yeequinare masiaja yuhū. Sa yeye yeequina pehe yuhūre masine. <sup>15</sup>Sata yuhū Pacu gūhu yuhūre masine. Sa yegū yuhū gūhu yuhū Pacure masiaja. Oveja yero saha ijyiequina yeequina Cohācjū mehna tiquina sa ijiducuatire yariūtja yuhū. <sup>16</sup>Apequina oveja ape sahrino cjēna yero saha ijyiequina apequina masa gūhu yeequina ijietā. Tiquina gūhure neagūtja. Sa ye yuhū yahuducugū tūho cāeta tiquina gūhu. Sa ye yeequina ijipihtiyequina ihcā curuata ijietā. Sa yegū yuhū dihita yeequinare cohteitja, nidi Jesu.

<sup>17</sup>Sa ni tuhasa ohō saha ni nemori:

—Yeequina Cohācjū mehna tiquina sa ijiducuatire yariūtja yuhū. Yuhū yariari bato masa mujagūtja. Sa yeacju yuhū ijigū yuhū Pacu yuhūre cahīne. <sup>18</sup>Yuhū wejē dutieragū yuhūre wejē masiedaboaya tiquina. Yuhū cahmeno sahata yuhūre wejēeta. Sa yegū yeequina Cohācjū mehna tiquina sa ijiducuatire yariūtja. Yaria masiaja yuhū. Sa yegū masa mja masiaja. Yuhū Pacu yuhūre tireta ye dutiri, nidi Jesu.

<sup>19</sup>Tiquiro sa nigū tūhoye judio masa pua curua tu wari. Apequina sijoro tūhotu, apequina gūhu sijoro tūhoturi.

<sup>20</sup>—Tiquiro watīno cuore. Sa yero tūho masiedare. ¿Dūhsena tiquire pari turi

tūhoajari masa? nidi apequina peyequina judio masa.

<sup>21</sup>Apequina pehe ohō saha nidi:

—Watīno cuoreiquiro ijiro sa ni yahuducueraboaya. Caperi bajueriquirore ihñagū ye masiedare watīnore cuoreiquiro. Sa yero watīnore cuoreare Jesu, nidi apequina judio masa.

*Judio masa Jesure cahmedahye*

<sup>22</sup>Ape deco usā acaye judio masa Jerusalēpu bose deco yeye nidi pari turi. Cohācjū wuhūre panopu Cohācjūre tiquina ohorire tiquina wacūati deco ijiri. Ti pjere pohēcu ijiri. <sup>23</sup>Ti decore Salomo wame tiri tucūpu Cohācjū wuhūpu ijiri tucūpu Jesu ihña tinino nidi. <sup>24</sup>Ti tucūpu tiquiro ijigū ihñañe usā acaye judio masa tiquiro cahapu cahmecoā, tiquire sinituri.

—Yoabutiari pje usāre quehnoano yahueraga mūhu. Poto usāre quehnoano yahu madoqueohya mūhu. ¿Cohācjū ohorigu Cristota ijiajari mūhu? nidi tiquina Jesure.

<sup>25</sup>Tiquina sa nigū tūhoro ohō saha ni yahtiri Jesu:

—Mūsare yahu tuhasamajagu. Yuhū sa yahuepegūta yuhūre tūho duerare masa. Yuhū Pacu yuhūre tiquiro dutiriro sahata tiquiro tutuaye mehna ye ihñoaja. Sa yegū yuhū Cristo ijiereta mūsare ihñogu niaja. <sup>26</sup>Yuhū sa ihñoepēgūta yuhūre tūho duerare masa. Mūsa pehe yeequina ijierare. Sa yena apequiro yequina oveja yero saha ijina, yuhū pehere tūhoerare masa. <sup>27</sup>Ovejare cohteriquirore tiquiro yequina tiquina tūhoriro saha yuhūre yeequina tūhore. Sa yegū tiquinare masiaja yuhū. Sa ye tiquina yuhū mehna wahare. <sup>28</sup>Sa yegū ijipihtiye decori Cohācjū mehna ijigū yeaja tiquinare. Sa ye tiquina pecapu wahasi. Sa yegū yeequinare yuhū cohtegū apequina pehe ne yuhūre ehma masiedare yeequinare. <sup>29</sup>Yuhū Pacu yuhūre yeequinare ohoriquiro ijipihtiyequina yuhūoro tutuariquiro ijire. Sa ye yuhū Pacu pehe yeequinare tiquiro cohtegū apequina pehe tiquiro gūhure ne ehma masiedare tiquinare. <sup>30</sup>Yuhū, yuhū Pacu mehna ihcūta ijiaja, nidi Jesu judio masare.

<sup>31</sup>Tiquiro sa nigū tūhoye judio masa pehe tiquire tiquina doque wejēati utā pacare

pari turi nemedi tja. <sup>32</sup> Tiquina sa yegū ihñano Jesu sinituri tiquinare:

—Yuhū Pacu tutuaye mehna peye tahari ye ihñomi musare. ¿Dise boro pehere yuhū yeri buhiri yahure utā paca mehna doque wejē duajari mūsa? ni sinituri Jesu.

<sup>33</sup> Tiquiro sa nigū tuhoye ohō saha nidi tiquina:

—Cohācjū tutuaye mehna mūhū ye ihñori buhiri mūhure utā mehna doque wejē dueraja usā. Cohācjūre mūhū ñano yahuducuri buhiri mūhure utā paca mehna doque wejē duaja usā. Masu ijiepegūta “Cohācjū ijiaja yuhū”, mūhū niñe buhiri mehna mūhure utā paca mehna doque wejē duaja usā, ni yūhtiri tiquina.

<sup>34</sup> Tiquina sa ni yūhtigū tuhoro Jesu tiquinare yahuri:

—Mūsa gūhure “Cohāmana”, ni pisuri Cohācjū. Sata ni ojoahye tiquiro dutiyere tiquina ojoari pūpu. <sup>35</sup> Cohācjū yere tiquina ojoari pū potota ijigū mari masiaja. “Ni mehoñe ijire”, ti pūre ni masiedaja mari. Sa yero tiquiro yere tuhoyequinare potota tiquiro “Cohāmana”, ni pisure. <sup>36</sup> Cohācjū yahure besetjāno, ahri yehpapure ohori. Sa yegu yuhū “Cohācjū macu ijiaja”, yuhū nidi buhiri “Cohācjūre ñano yahuducuro nine Jesu”, nine mūsa yahure. ¿Dūhsena yahure sa niajari mūsa? <sup>37</sup> Yuhū Pacu tiquiro cahmediro sahata tiquiro tutuaye mehna yuhū ye ihñoedagū pūritare yuhū buherire “Poto tjire” niedaboaga mūsa.

<sup>38</sup> Yuhū Pacu tiquiro tutuaye mehna yuhū ye ihñoepēgūta yuhū pehere tuho duerare mūsa. Sa tuho duerapenata tiquiro tutuaye mehna yuhū ye ihñogū ihñana yuhū yerire “Poto tjire”, niñā mūsa. Mūsa sa nina, yuhū Pacu mehna usā ihcāno saha ijigū masinata mūsa. Sa yena tuhonata mūsa, nidi Jesu tiquinare.

<sup>39</sup> Tiquiro sa nigū tiquina pari turi tiquirore ñehe duamedī. Tiquina sa ñehe duagū ihñano tiquiro duhti wijiaa wahari.

<sup>40</sup> Sa wijiariquiroputa Ńu masare tiquiro wame ye mūhtariorpu Jordā asū mūja taro pehepu pari turi Jesu wahari tja. Topu esaro tojoa cāri tiquiro. <sup>41</sup> Sa ye masa peyequina tiquirore ihñāne esari. Ohō saha nidi tiquina basi:

—Ńu pehe Cohācjū tutuaye mehna ye ihñoedari. Sa ye ihñoedapegūta ijipihtiyē

Jesure tiquiro yahuri pehe queorota ijire, nidi masa tiquina basi.

<sup>42</sup> Sa ye topure masa peyequina wacū tutua ducari Jesure.

## 11

*Lázaro wame tiriqiro yariaa wahahye*

<sup>1</sup> Sa ye Betania wame tiri maca cjūno Lázaro wame tiriqiro dohatiroy niahye. Ti macapū tiquiro wahmiosānumia gūhu María, Marta mehna ijiri. <sup>2</sup> María pehe Jesure ehme sitiye pio wisōaticoro, ticoro poari mehna tiquirore tu coseaticoro ijire. Ticoro bahuro Lázaro pehe dohatiroy niahye. <sup>3</sup> Sa ye tiquina numia apequinare Jesure yahu dutiye ohoahye.

—Pūhto, mūhū cahñiquiro dohatiroy nine, ni yahu dutiye ohoahye Lázaro wahmiosānumia.

<sup>4</sup> Ti quitire tuhoro ohō saha nidi Jesu:

—Yojopure Lázaro tiquiro dohatiye tiquiro yariati ijierare. Cohācjū tutuayere masare ihñoatire yojopure tiquiro dohatire. Sa ye yuhū tutuagu yuhū ijigū gūhure masa ihñāeta, nidi Jesu.

<sup>5</sup> Jesu Martare, ticoro bahoro gūhure, Lázaro gūhure tutuaro cahīdi. <sup>6</sup> Sa nino Lázaro tiquiro dohatigū tuhoperota topu Jesu pua deco tojoari. <sup>7</sup> Pua deco bato Jesu ohō saha nidi usāre tiquiro buhenare:

—Pari turi Judea yehpapū tojoa wahauhna tja, nidi usāre.

<sup>8</sup> —Buhegu, canuagāta judio masa mūhure utā paca mehna doque wejē duamedī. ¿Dūhsegu pari turi tojoa waha duajari mūhū? nii usā pehe.

<sup>9</sup> Usā sa nigū tuhoro tiquirore tiquina wejē masiedarīne yahuro, queoye mehna buhero ohō saha nidi usāre:

—Pajiro tuhotuercāhña. Ihcā decore doce horari waro ijire. Asū deco cjūno ijigū quehnoano ihñaja mari. Sa yena decore tinina, ne pūha boraeraja mari. <sup>10</sup> Nahitianopu tiniñequina pūha boraahare. Asū deco cjūno mariedagū quehnoano ihñedare tiquina, nidi Jesu. (Sa nino ohō saha nino niahye: “Yojopure yuhū Pacu yere yuhū yahu pehoato dūhsarīne. Sa ye yuhūre wejē masiedarīne”, nino niahye.)

<sup>11</sup> Sa nino usāre yahu nemori tja:

—Mari mehna cjëno Lázaro, carïno niaga. Tiquiro sa carïpegüta yuhü tiquirore wahcögu wahautja, nidi usäre.

<sup>12</sup> —Puhto, Lázaro carïniquiro ijiro, yahdurota, nii usä.

<sup>13</sup> Usä sa niepegüta Jesu “Carïno niaga”, nino “Yariaa wahare”, nino nidi jimedi. Tiquiro sa nigü tuhona “Lázaro soro niaga”, ni tuhotumi usä pehe. <sup>14</sup> Usä sa ni tuhotugü masino Jesu poto yahuri usäre:

—Lázaro yariaa wahaga. <sup>15</sup> Yuhü marieno tiquiro yariagü quehnoarïne. Sa yena masa yuhüre wacü tutua nemonata. Isa mari ihñana wahauhna tiquiro cahapü, nidi Jesu.

<sup>16</sup> Tomasu sahduariquiro tiquina ni pisuriquiro ohö saha nidi usäre:

—Mari gühü Jesu mehna wahauhna. Tiquirore wejëne, mari gühüre wejëahdo, nidi Tomasu.

*Jesu sa ijiducugü yeriquiro masare masoriquiro ijire*

<sup>17</sup> Sa ye topüre usä esari bato to cjëna ohö saha ni yahuri Jesure:

—Pititia deco wahare Lázaro munanore masa copepü tiquina cüri bato, ni yahuri tiquirore.

<sup>18</sup> Betania pehe Jerusalë cahapü ihtia kilómetro yoaro ijiri. <sup>19</sup> Sa ye usä acaye judio masa peyequina Martare, María gühüre ñehe quea utiye ahtahye Lázaro yariari bato. <sup>20</sup> Sa yero Jesu mehna usä esana tana yegü tuhoro Marta pehe usäre piti caro ahtari jiri. Ticoro sa piti caro wahagü María pehe tiquina ya wuhupü tojoahye. <sup>21</sup> Sa piti caro Marta ohö saha nidi Jesure:

—Puhto, yuhü bahü tiquiro yariato pano mähü ohöpu ijigü tiquiro yarieraboaya. <sup>22</sup> Yojobü gühüre Cohäcjure mähü sini basagü tiquiro mähü sinino sahata yerota, nidi Marta Jesure.

<sup>23</sup> —Mähü bahü masa wijiara, nidi Jesu ticorore.

<sup>24</sup> —Ahri yehpa pihtiati deco tiquiro masa wijiatore masiaja yuhü, nidi ticoro.

<sup>25</sup> Ticoro sa nigü Jesu yahuri tja:

—Yuhü masa wijiagü yegü tjiaja. Yuhü sa ijiducugü yegü tjiaja. Yuhüre wacü tuuariquiro yarieperota sa ijiducurota. <sup>26</sup> Sa ye ijipihtiyequina Cohäcju mehna ijiducuyequina yuhüre wacü tutuayequina ne pecapü wahasi. ¿Ahrire masiajari mähü? nidi Jesu ticorore.

<sup>27</sup> —Puhto, masiaja yuhü. Cristo Cohäcju macü, “Ahri yehpapü ahtarota”, tiquina nidigü mähü ijigü masiaja yuhü, nidi Marta Jesure.

*Lázaro masa cope cahapü esaro Jesu uti-ahye*

<sup>28</sup> Marta sa ni tuhasa ticoro bahoro Marïare pijiro wahari.

—Marine buheriquiro mari ya macapüre wihiri. Mähüre pijire, derogä ni yahuahye Marïare.

<sup>29</sup> Ticoro sa nigü tuhoro María sojaro mehna wahcädüca, usä cahapü ahtahye Jesure ihñano taro. <sup>30</sup> Tiquina ya macapü esera nii usä. Marta ticoro piti cariropu ijinii usä. <sup>31</sup> Judio masa ti wuhupü Marïare ñehe quea utiye niahye. Sa ye ticoro wahagü ihñañe, tiquina ticorore nñu tä cähye. “Ticoro bahuro munanore tiquina cüri copepü utiro waharo nine ticoro”, ni tuhutumahye tiquina. Sa ni tuhötuye ticorore nñu tä cähye.

<sup>32</sup> Sa yero María usä cahapü wihiro, Jesure ihña, tiquiro dahpocäri cahapü dasepe curi mehna quehe sari.

—Puhto, yuhü bahü tiquiro yariato pano mähü ohöpu ijigü tiquiro yarieraboaya, nidi ticoro Jesure.

<sup>33</sup> Sa yero judio masa ticoro mehna ahtariquina gühü tiquina utigü ihñano Jesu pehe tutuaro bujua witi ñano jeripohna tiri.

<sup>34</sup> —¿Lázaro munanore nohopü cohäri masa? ni sinituri Jesu.

—Ihñau taya, ni piji cäri tiquina.

<sup>35</sup> Tiquina sa nigü tuhoro Jesu utiri.

<sup>36</sup> —Lázaro munanore Jesu tutuaro cahimetaryi, nidi judio masa tiquina basi.

<sup>37</sup> Apequina pehe ohö saha nidi:

—Caperi bajueriquirore ihñagü yeriquiro ijire ahriquiro Jesu. ¿Sa yero Lázaro tiquiro yariato pano tiquirore yahdueraboayari? nidi tiquina.

*Lázaro masa wijiahye*

<sup>38</sup> Sa yero Jesu pari turi tutuaro bujua witi. Sa yena usä ijipihtina Lázaro masa copepü esau. Utäpu tiquina seheri cope ijiri. Sa yero tiquiro pagure tiquina siö säa cüri cope ijiri. Sa yero ti cope pajiria utä mehna tiquina bihari cope ijiri.

<sup>39</sup> —Utä bihariare neña, nidi Jesu.

Tiquiro sa nigü tuhoro Marta yari-riquiro munano wahmiono ohö saha nidi:

—Pũhto, yojoꝑũ pititia deco waha tuhasare tiquiro yariari bato. Sa yero tiquiro paꝑũ ijiro urĩ yũhduaga, nidi Jesure.

<sup>40</sup>—“Yũhũre wacũ tutuago Cohãcũ tutuayere ihũagota”, mũhũre nimigũ, nidi Jesu Martare.

<sup>41</sup>Tiquiro sa nidi bato tiquina utã bihariare ne wiori. Tiquina sa nedi bato Jesu pehe uhmuseꝑũ ihũa mũo, Cohãcũre ohõ saha nidi:

—Mai, yũhũre mũhũ tuho tuhasari. Tire mũhũ yegũ masigũ bucueaja mũhũre.

<sup>42</sup>Yũhũre mũhũ decoripe tuhoducure. Tire masiaja. Sa masiepeguta yũhũ mũhũ ohorigũ yũhũ ijigũ ohõre ducuyequina tiquina masiatire mũhũre sa niaja. Tire “Potota ijire”, tiquina nino quehnoano sa nigũ niaja, nidi Jesu tiquiro Pacũrore.

<sup>43</sup>Sa ni tuhasa Jesu tutuaro saũducuri:

—Lázaro ahtaya, ni saũducuri tiquiro.

<sup>44</sup>Tiquiro sa nigũ yariariquiro mũnano omocarine tiquiro dahpocãri gũhũre suhti cahseri mehna tiquina dũhtemediquiro, tiquiro dapure suhtiro mehna tiquina wahmediquiro, masa copeꝑũ wijia tari.

—Tiquina dũhterire pãña tiquirore, nidi Jesu.

*Judio masa pũhto pehe Jesure ñehe duamahye*

(Mt 26.1-5; Mr 14.1-2; Lc 22.1-2)

<sup>45</sup>Tiquiro sa masogũ ihũañe peyequina judio masa mehna cãena María mehna ahtariquina Jesure wacũ tutua, cahmedi.

<sup>46</sup>Apequina tiquina mehna cãena pehe fariseo masa cahapũ esaye, Jesu yerire yahuahye tiquinare. <sup>47-48</sup>Sa ye pahia pũhto, fariseo masa pũhto gũhũ cahmecoa, tiquina basi ohõ saha ni yahuducuahye:

—Jesu peye tahari Cohãcũ tutuaye mehna ye ihũore. Tiquiro sa ye ihũogũ “Tire yeracãhña”, mari niedagũ ijipihtiequina masa tiquirore cahmeñe, tiquiro mehna wahaboaga. Sa ye Roma cãena pũhto Cohãcũ wũhũre cohã dutiye ohoeta tiquina yequina surarare. Mari ya dihta gũhũre ehmaeta tiquina. (Mari ya dihta cãena Jesure tiquina pũhtoro cũgũ ihũañe Roma cãena pũhto “Marine cohãñe nine”, ni usua ñano yeeta marine.) ¿Sa yena dũhse yenatari yojoꝑũre? ni yahuducuahye tiquina basi.

<sup>49</sup>Tiquina sa niepegũta apequiro Caifa wame tiriquire ti cahmare pahia pũhtoro ijiro, tiquinare yahuahye:

—Musa pehe ne masiedare. <sup>50</sup>Judio masa ijipihtina mari ye ijiatire ihcãquiro masano tiquiro yariagũ quehnoare. Tiquiro yari-eragũ marine ijipihtina judio masare cohã peho cãboaga. Tire musa masiedare, ni-ahye Caifa tiquinare.

<sup>51</sup>Sa nino tiquiro esa tuhoro sa nino niedahye. Pahia pũhtoro tiquiro ijigũ judio masa ye ijiatire Jesu yariatire mari Pacu pehe Caifare sa ni yahu dutiahye. <sup>52</sup>Jesu yariaro judio masa dihtare yũhũoro taro niedare. Sa yariaro ijipihtiequina Cohãcũ pohne ahri yehpapũ iji siteyequina gũhũre ihcã curuata ijigũ yeatire yariatiquiro ijiri Jesu. <sup>53</sup>Sa ye ti decota tiquina “¿Jesure dũhse ye wejẽnatari mari?” ni yahuducuye, tiquirore wejẽñe tee niahye.

<sup>54</sup>Tiquina sa wejẽ duagũ masino Jesu peyequina judio masa watoa pari turi tinino wahaerari. Sa yero masa marieno cahagã Efraĩ wame tiri macapũ usãre siho wahari. Usãre ti maca siho tojoarĩdi Jesu.

<sup>55</sup>Ti pjere pascua bose decori usã judio masa usã bose decori ijiatore mehenogã dũhsatjiãri. Sa ye bose deco panogã masa peyequina apeye macari cãena Jerusalẽꝑũ cahmecoari. Pascua cãene tiquina ihyato pano Cohãcũ yere yeye tehe, tiquina cahmomohore cohoro saha tiquina ñañene cosee tee nidi. <sup>56</sup>Sa ye tiquina Jesure macañe niahye. Sa ye Cohãcũ wũhũꝑũ ijieyequina ohõ saha ni yahuducuahye:

—¿Bose decore ihũano ahtaeraboari Jesu, musa tuhutogũ? niahye tiquina basi.

<sup>57</sup>Sa ye pahia pũhto, fariseo masa gũhũ ohõ saha ni yahu dutiahye masare:

—Jesu wihigũ ihũana, yahuya usãre. Tiquirore ñehena tana niaja, niahye pũhto masare.

## 12

*María Jesu dahpocãrine ehme sitiye mehna pio peoahye*

(Mt 26.6-13; Mr 14.3-9)

<sup>1</sup>Jesu, usã tiquiro buhena mehna Betaniapũ usã esari bato pascua deco esato seis decori waro dũhsarĩdi. Lázaro Jesu masoriquiro ti maca cãeno ijiri. <sup>2</sup>Usã esari bato Jesu gũhũ usã ihyatire dahreri apequina. Sa ye Lázaro, Jesu, usã mehna

mesa cahapɔ nuju saɔ. ʘsɔ sa nuju sari bato Marta ihyayere peori ʘsɔre. <sup>3</sup> Sa yero María ehme sitiye ʘhsere nardo wame tiye cohori ʘhsere kilo deco mehna ne cãhta Jesu dahpocãrine pio peori. Ti ʘhse wapa ti yũhdũari. Pio peo tuhasa ticoro poari mehna wũori. Ticoro sa pio peori bato ti wũhu quehnoano ehme siti sehsaa wahari. <sup>4</sup> ʘsɔ mehna cjãno, Jesure ihña tuhtiye-quinare ihñoatiqiro Judá Iscariote pehe ohõ saha nidi:

<sup>5</sup> —¿Dũhse yero ahricoro sa ye sitejari? Tire ticoro duaboaya. Tire duaro tres cientos niñeru cjoerire wapataboaya. Sa yero ticoro ti niñerure pejecũoyequinare ohoboaya, nidi tiqiro.

<sup>6</sup> Judá pehe pejecũoyequinare yedoho duerari. Tiquiro ʘsɔ niñerure ihbo basariqiro ijieperota yaqueriqiro ijiri. Sa yero tiqiro ʘsɔ niñerure ihquẽ tahari ne mũjari. Sa yero “Ti niñerure neitja”, nino, sa nidi Maríare tiqiro.

<sup>7</sup> Tiquiro sa nigũ tũhoro ohõ saha nidi Jesu:

—Sa niedacãhña ticorore. Ticoro ehme sitiye yũhare ticoro duharire yũhare pio peori, yũhare tiquina yato pano yũhu pagure quehnoyuro. Pejecũoyequina pehe mũa mehna sa ijiducuenta. Sa yena tiquinare oho masine mũa. <sup>8</sup> Yũhu pehe ahri yehpapure mũa mehna sa ijiducusi, nidi Jesu.

*Pahia pũhtoa Lázarore wejẽ duahye*

<sup>9</sup> Sa ye Jesu Betaniapũ tiqiro ijigũ tũhoye, ʘsɔ acaye judio masa peyequina tiqirore ihñañe ahtari. Tiquiro dihítare ihñañe ahtaye niedari. Lázaro yari-amediqirore Jesu masoriqirore tiqiro gũhare ihñañe ahtaye nidi. <sup>10</sup> Tiquina ihñañe esarire masiñe, pahia pũhtoa Lázaro gũhare wejẽ duari. <sup>11</sup> Lázaro yariamediqiro Jesu masoriqiro ijigũ ihñañe peyequina masa Jesure wacũ tutuari. Tiquiro sa masogũ ihñañe peyequina judio masa tiquina pahia ye buhaye pehere duhu cãri. Tiquina sa duhugũ ihñañe pahia pũhtoa pehe usua yũhdũye Lázarore wejẽ duari.

*Jerusalẽpũ esahye Jesu*

(Mt 21.1-11; Mr 11.1-11; Lc 19.28-40)

<sup>12</sup> Pascua bose decore tiquina yegũ peyequina masa Jerusalẽpũ ihñañe wahari jiri. Ape deco Jerusalẽpũ Jesu ahtatire masa

tũhori. <sup>13</sup> Sa ye iqui pohnarine ne cã, tiqirore piti caye wahari. Sa piti caye ohõ saha ni sañuducuri tiquina:

—Ahriqirore ño peuhna. Ahriqiro Cohãcjũ ohoriqiro quehnoano ijiahro. Ahriqiro judio masa mari pũhoro tjire, ni sañuducuri tiquina.

<sup>14</sup> Jesu burrogã tiqiro bocariqirogã bui pesari. “Ohõ sahata yerota”, ni ojoahye Cohãcjũ yere tiquina ojoari pũpũ:

<sup>15</sup> Jerusalẽ wame tiri maca cjãna, cuer-acãhña mũa. Ihñaña. Mũa pũhoro burrogã bui pesa cãhtare, ni yahuahye Cohãcjũ yere tiquina ojoari pũpũ.

<sup>16</sup> “Tiquina sa ni ojoari Jesure nino ni-aga”, ni, ʘsɔ tiqiro buhena quehnoano masiedarĩ. Sa masiedapenata uhmũsepu Jesu mũjari bato ʘsɔ ti ojoarire wacũ boca tũho masii. Ohõ saha ni tũhotuu: “Cohãcjũ yere tiquina ojoari pũ pehe Jesure yahuro nimeya. Sa ye Cohãcjũ yere tiquina ojoari pũ nidiro sahata yeri masa Jesure”, ni tũhotu, masii ʘsɔ.

<sup>17</sup> Lázarore masa copepu ijiriqirore Jesu pisu masogũ ihñariquina pehe yahuri masare. <sup>18</sup> Sa ye Lázarore Jesu masorire tũhori bato masa peyequina Jesure ihñañe ahtari. <sup>19</sup> Tiquina sa ahtagũ ihñañe fariseo masa tiquina basi ohõ saha niahye:

—Ijiphtiyequina Jesu yequina dihita waha ye nine yojoppure. Sa yena mari dũhse ye masiedaga tiquinare, niahye fariseo masa tiquina basi.

*Meheñequinagã griego masa Jesure maca cãhtahye*

<sup>20</sup> Sa ye bose deco Cohãcjũre ño peoye ahtayequina mehna cjẽna meheñequinagã griego masa ijiri. <sup>21</sup> Sa ye tiquina Felipe cahapũ wihiahye. Felipe pehe Betsaida wame tiri maca Galilea yehpapũ ijiri maca cjũno ijiri. Sa ye tiqiro cahapũ wihiriquina ohõ saha niahye tiqirore:

—Jesure ihña duaga ʘsɔ, niahye tiquina.

<sup>22</sup> Tiquina sa nigũ tũhoro Felipe Andrepure tire yahuro wahahye. Sa ye tiquina pũaro Jesure yahuri. <sup>23</sup> Tiquina sa ni yahuri bato Jesu tiquinare yahuri:

—Yũhu masũ Cohãcjũ ohorigũ ijiaja. Yũhare ijiphtiyequina tiquina ño peoati pje yojoppure ijirota nine. Yojoppure yũhu yariati pje ijirota nine. <sup>24</sup> Potota mũsare yahugũ niaja. Oteri pjere yehpapũ mari



yaeragū, ti pjere mari oteragū ihcā pjeta tojoarota. Sa yero ti pjere mari yari bato pihni, dūca tirota. (Sata yūhū yariari bato yūhure tiquina yari bato peyequina masare Cohācjū mehna sa ijiducatiquina ijigū yeitja yūhū.) <sup>25</sup> Ahri yehparū mūsa ijiyere pajiro tūhotuboaga mūsa. Sa tūhotuna Cohācjūre wacūedana, pecarū wahanata mūsa. Ahri yehparū mūsa ijiyere sa tūhotu cāna, Cohācjū mehna sa ijiducunata. <sup>26</sup> Yeere ye duana yūhū buheyere quehnoano tūhoya mūsa. Mūsa sa yena mūsa gūhū yūhū ijiropū ijinata. Yeere yeriquirore yūhū Pacū pehe ņo peorota, nidi Jesu.

*Jesu tiqiro yariatore yahuahye*

<sup>27</sup> Sa ni tuhasa ohō saha ni nemori:

—Yojoṗure yūhū ņano jeripohna tiaja. ζYūhū Pacure dūhse nigutari yūhū? ζ“Mai, yūhū ņano yūhduatire yeracāhña yūhure”, niboagari yūhū? Tire niedaja yūhū. ņano yūhduacjūta ahri yehparū ahtau. Sa yero yūhū ņano yūhduati pje yojoṗure ijirota nine, ni yahuri usāre tiqiro buhenare.

<sup>28</sup> Sa yero ohō saha nidi tiqiro Pacūrore:

—Mai, mūhū tutuagu ijiyere yojoṗure ihñōña masare, nidi Jesu tiqiro Pacūrore.

Tiqiro sa nigū ūhmūsepū yahuducuro ca tari:

—Tutuagu yūhū ijiyere masare ihñō tuhasau. Yojoṗure sa yegu pari turi ihñoutja masare, nino ca tari.

<sup>29</sup> Tiqiro sa nigū tūhoye topū ducuyequina masa peyequina ohō saha nidi:

—Ūpo ijiaga sa bisiro, nidi masa.

—Angel Jesure yahuro nidi, nidi apequina masa.

<sup>30</sup> Ohō saha nidi Jesu pehe:

—Ūhmūsepū sa bisiro yūhure tūho dutiro niedari. Mūsa pehere tūho dutiro sa bisiro ca tari. <sup>31</sup> Yojoṗure ahri yehpa cjēna tiquina ņañe yeri buhirire buhiri dahrerota tiquinare. Ahri yehpa cjēna pūh-toro watnōre cohānota Cohācjū. <sup>32</sup> Sa yegu yūhure curusapū tiquina wahcō docogū peyequina masare yeequina ijiatiquinare yeitja yūhū, nidi Jesu.

<sup>33</sup> Sa nino curusapū tiqiro yariatore yahuro nidi Jesu masare. <sup>34</sup> Tiqiro sa nigū tūhoye masa pehe tiqirore ohō saha nidi:

—Cohācjū yere tiquina ojoari pūṗū ohō saha nine: “Cristo ijipiltiye decori ijirota”,

ni ojoahye. ζTiqiro sa ni ojoagū mūhure masare Cohācjū ohorigure dūhse yeye curusapū wahcō docoetari masa mūhure? ζMasūno Cohācjū ohoriquiro noa ijiajari tiqiro? ni sinituri tiquina.

<sup>35</sup> Tiquina sa nigū ohō saha ni yūhtiri Jesu:

—Buhriore mehna mari ihñā masigū yero saha masare Cohācjū yere quehnoano masigū yeaja yūhū. Came cjūnogā mūsa mehna ijisi yūhū. Mūsa yūhū buhegū yojoṗure tūhoya mūsa “ņañe yeari”, nina, Cohācjū mehna mūsa sa ijiducatiure. Yūhū buheyere tūhoeyequina nahitiano tiniñequina yero saha tiquina wahatore masiedare. <sup>36</sup> Sa yegu buhriore yero saha ijigū ijiaga yūhū. Sa yegu mūsa buhegū Cohācjū yere quehnoano masigū yeaja mūsa. Yojoṗure yūhū wahato pano yūhure wacū tutuaya. Sa wacū tutuana yeequina ijinata mūsa, nidi Jesu.

Sa ni yahu tuhasa duhti cāa wahari.

*Judio masa Jesure cahmedahye*

<sup>37</sup> Peye tahari Cohācjū tutuaye mehna tiquinare Jesu tiqiro ye ihñoepegūta peyequina judio masa tiqirore ne tūho duerari.

<sup>38</sup> Cohācjū yere tiquina ojoari pūṗū Isaia mūnāno tiqiro ojoariro sahata yeye nidi tiquina. Ohō saha ni ojoahye Isaia mūnāno: Cohācjū, mūhū buheyere usā yahugū masa ne tūho duerare. Mūhū tutuayere tiquinare mūhū ye ihñoepegūta, tire “Poto ijerare”, nidi tiquina, ni ojoahye Isaia mūnāno.

<sup>39</sup> Tiquina sa tūho dueragū ihñāno Cohācjū tiquinare masiedagū yeri. Ti gūhure Isaia mūnāno ohō saha ni ojoahye:

<sup>40</sup> Caperi bajueyequina yero saha ijigū yee tiahye Cohācjū tiquinare. Sa yero tiqiro yere masiedagū yee tiahye tiquinare. Sa ye tiqiro tutuayere ihñāepeta tiquina ihñārire masiedare. Sa ye tiqiro buheyere tūhoepeta tire masiedare tiquina. Cohācjū ye buheyere masiñe tiquina ņañe yerire cohā dutiboaya. Sa yero tiquinare yūhduoboaya tiqiro, ni ojoahye Isaia mūnāno Cohācjū yere tiquina ojoari pūṗū.

<sup>41</sup> Sa ni ojoaro Isaia Cristo tutuayere masino tiqiro nidiro sahata Cristore yahu ojoahye.

<sup>42</sup>Apequina Jesure tiquina cahmedapegūta judio masa usā pahtoa mehna cjēna peyequina Jesure wacū tutua, cahmedi. Sa cahmepeta tiquina fariseo masare cueye apequinare “Jesu yequina wahau usā”, ni yahu duerari. Tire tiquina yahugū tuhoye Jesure tiquina cahmedi buhiri judio masa usā buheri wuhūpū tiquinare sajā dutieraboaga fariseo masa pehe. <sup>43</sup>Cohācjüre bucuēgū ye duepeta ti yahduoro fariseo masa pehere bucuēgū ye duari Jesure cahme dūcayequina. Sa ye tiquina “Jesu yequina wahau”, ni apequinare yahu duerari.

*Jesu yahuyere tiquina tūho duerari buhiri masa buhiri tieta*

<sup>44</sup>Sa ye Jesu tutuaro sañuducu, yahuri:

—Yūhūre wacū tutuariquiro yūhū dihitare wacū tutuerare. Yūhūre ohoriquiro gūhūre wacū tutuare tiquiro. <sup>45</sup>Sa ye yūhūre masiñequina yūhūre ohoriquiro gūhūre masine. <sup>46</sup>Buhriero mehna mari ihña masigū yero saha ahri yehparū Cohācjū yere masigū yei ahtaū nii yūhū. Sa yegū Cohācjū yere masare masigū yeaia. Ihcāquiro nahitiano wahariquiro yero saha ñañene yeducure. Yūhūre wacū tutuariquiro tiquiro yero saha yesi. Yūhūre wacū tutuariquiro potota tuhoro. <sup>47</sup>Apequina yūhū yahuyere tuhooepeta yūhū nidiro saha yerare. Tiquina sa yerapegūta tiquina yerari buhirire buhiri dahresi yūhū pehe tiquinare. Ahri yehparūre buhiri dahregū ahtagū niedū yūhū. Ahri yehpa cjēnare pecarū wahaboriquinare yahduoacjū ahtagū nii yūhū. <sup>48</sup>Yūhūre cahmeeñequina, yūhū yahuye gūhūre cahmeeñequina buhiri dahrenohatiquina ijietā. Tiquina yūhū yahuyere tiquina tuhooerari buhiri ahri yehpa pihtiri deco ijigūpū buhiri tieta. <sup>49</sup>Yūhū esa tuharo yeraja. Yūhū Pacū yūhūre ohoriquiro pehe yūhūre yahu dutiri. Sa yero yūhū yahuye pehe tiquiro ye yahuducuye ijire. <sup>50</sup>Tiquiro ye yahuducuyere tuhona Cohācjū mehna sa ijiducunata mūsa. Sa yegū yūhū Pacū tiquiro yahu dutiriro sahata yahuaja mū sare, nidi Jesu.

### 13

*Jesu buheyequina dahpocārine coseahye tiquiro*

<sup>1</sup>Sa ye pascua deco bose deco panogā ahri yehpare tiquiro cohā cātoire tiquiro Pacūro cahapū tiquiro wahatore masidi Jesu. Sa yero ahri yehpa cjēnare tiquiro yequinare tiquiro tutuaro cahīdi tiquina mehna tiquiro ijiro puno. Sa cahīducure tiquiro yequinare.

<sup>2</sup>Ti ñamine Jesu usā tiquiro buhena mehna usā ihyagū Juda Iscariotere Simo macunore Jesure ihña tuhtieyquinare ihño duti tuhasari jiri watino pehe. <sup>3</sup>Sa yero mari Pacū Cohācjū Jesure ijipihtieyquina bui tiquiro puhtoro sōrīre masidi Jesu. Sa yero Cohācjū cahapū tiquiro ahtarire came ahmūsepu tiquiro mūjati gūhūre masidi. <sup>4</sup>Sa masino wahcādūca, tiquiro suhtiro bui cjānore tu we ne, tore cū tuhasa, suhtiro cahsero mehna tiquiro pari yūjū dahteri. <sup>5</sup>Dūhte tuhasa, waparopū acore pio sāa, usā tiquiro buhena dahpocārine cose dūcari. Usāre cose tuhasa tiquiro dahteri cahsero mehna wūori usā dahpocārine.

<sup>6</sup>Apequina buheyequinare cose cā, Simo Pedropure esari. Tiquiro dahpocārine tiquiro coseato pano Pedro pehe tiquirore ohō saha nidi:

—¿Puhto, yūhū dahpocārine cosegū tūū niajari mūhū? nidi Pedro Jesure.

<sup>7</sup>—Mianogā mūhūre yūhū yeatire masiedare mūhū. Sa masiedapegūta camepu masiita mūhū, nidi Jesu tiquirore.

<sup>8</sup>—Yūhū dahpocārine ne cosesi mūhū, nidi Pedro.

—Mūhūre yūhū coseragū yaquiro ijisi mūhū, nidi Jesu.

<sup>9</sup>—Puhto, yūhū dahpocāri dihitare coseracāñā. Yūhū dahpocārine, yūhū omocarine, yūhū dapu gūhūre coseya, nidi Pedro.

<sup>10</sup>Tiquiro sa nigū Jesu queoye mehna buhero ohō saha nidi:

—Ihcāquiro masūno cuhsaro tiquiro pagure quehnoano tu cose pehore. Sa yero pari turi tiquirore tu cosero cahmedare. Tiquiro dahpocāri dihitare tu cosero cahmene. Ijipihtina mūsa ñañe yerire coserina mūsa ijiepegūta ihcāquiro mūsa mehna cjāno tiquiro ñañene cosemehnediquiro ijire, nidi Jesu.

<sup>11</sup>Jesu tiquirore ihña tuhtieyquinare ihñoatiquirore masidi: Sa masino “Ihcāquiro mūsa mehna cjāno tiquiro ñañene cosemehnediquiro ijire”, nidi.

<sup>12</sup> ʘsā dahpocārīne cose tuhasa, tiqiro suhtirore saña tuhasa, nuju sari tiqiro dujiriroputa.

—¿Mianogā mūsare yūhū yerire masia-jari mūsa? <sup>13</sup> Mūsa yūhūre “Buhegū”, ni pisuna, “Pūhto”, ni pisuna poto ninata nine mūsa yūhūre. Mūsare buhegū, mūsa pūhto potota ijiaja yūhū. <sup>14</sup> Sa yena yūhū mūsare buhegū, mūsa pūhto ijiepegūta mūsa dahpocārīne yūhū cosegū ihñana mūsa gūhū mūsa mehna cjēna dahpocārīne coseya. <sup>15</sup> Mianogā mūsa yeatire mūsare ihñou. Mūsa mehna cjēnare mūsa yedo-hoatire ihñou. Mūsare yūhū yeriro sahata mūsa gūhū yeya. <sup>16</sup> Ijirota niaja mūsare. Mūsa yūhū cahācjēna yero saha ijina yūhū bui ijierare. Mūsare buhe duti yūhū ohorina ijire mūsa. Sa yena yūhū bui ijierare mūsa. Sa yegū “Yūhū yeriro sahata yeya”, nii mūsare. <sup>17</sup> Ahrire masina, yūhū dutiyere yena, bucuena ijinata mūsa.

<sup>18</sup> Mūsare ijiphtinare sa niedaja. Yūhū beseriquinare masiaja yūhū. Cohācjū tiqiro yere tiquina ojoari pūpū tiqiro ni ojoariro sahata waharota. “Yūhū mehna ihyariquirota yūhūre wejē duari”, ni ojoahye Cohācjū yere tiquina ojoari pūpū. <sup>19</sup> Tiqiro sa yeato pano ahrire yahuyugū niaja mūsare. Yūhūre tiqiro sa yeri bato, “Jesuta Cristo Cohācjū ohoriquirota ijire”, mūsa niatire ahrire mūsare yahuyugū niaja yūhū. <sup>20</sup> Ijirota mūsare niaja. Yūhū ohoriquinare cahmediquiro yūhū gūhūre cahmene tiqiro. Sa yero yūhūre cahmediquiro yūhūre ohoriquiro gūhūre cahmene tiqiro, nidi Jesu ʘsāre tiqiro buhenare.

*Juda Jesure ihña tuhtiyequinare tiqiro ihñoatore yahuahye Jesu*

(Mt 26.20-25; Mr 14.17-21; Lc 22.21-23)

<sup>21</sup> Sa ni yahu tuhasa Jesu tutuaro bujua witi. Sa bujua witiro yahuri tiqiro ʘsāre.

—Ijirota mūsare niaja. Ihcāquiro mūsa mehna cjūno yūhūre ihña tuhtiyequinare yūhūre ihñonota, nidi Jesu.

<sup>22</sup> Tiqiro sa nigū tuhona Jesure ihñoatiquirore masiedana, ʘsā basi cahme ihñaa. <sup>23</sup> Jesu buhēyequina mehna cjū yūhū, Jesu cahīdigū ijii. Sa yegū tiqiro cahapū pari paha dujii. <sup>24</sup> Sa yero Simo Pedro yūhūre tiqiro omoca mehna sinituri:

—¿Jesure ihñoatiquiro noa pehere nino niajari Jesu? Yahuya ʘsāre, nino, tiqiro omoca mehna sinituri Pedro.

<sup>25</sup> Tiqiro sa nigū yūhū pehe Jesu cahapū dujirigū sinituu tiqirore:

—¿Pūhto, noare nigū niajari mūhū? nii yūhū.

<sup>26</sup> —Ahria pāre dahra waha ne, yūhū ña mio yūhū ohoatiquiro pehe tiqirota ijire yūhūre ihñoatiquiro, nidi Jesu.

Sa ni tuhasa pāre tiqiro dahra waha nedirore ña mio tuhasa tire Simo Iscariote macanore Judare ohori. <sup>27</sup> Sa yero pāre tiqiro ñehedi bato watino pehe Judare ñano ye dutiri jiri. Sa yero Jesu tiqirore ohō saha nidi:

—Mūhū yeatore sojaro mehna ye mado-queohya mūhū, nidi Jesu Judare.

<sup>28</sup> Tiqiro sa nigū tuhona ʘsā mesapū dujina, Jesu Judare tiqiro nidire quehnoano masieda. <sup>29</sup> Ihquēquina ohō saha ni tuhōtumi: “Juda ʘsā niñerure ihboriquiro ijire. Sa yero bose deco ʘsā ihyatire dú dutiro ohori Jesu Judare. O pejecuoyequinare niñerure oho dutiro niboaga Jesu”, ni tuhōtumi ʘsā ihquēquina. <sup>30</sup> Sa yero Juda ti pāre ñehe tuhasa, wijiāa wahari. Tiqiro wijiari pje ñami ijiri.

*Wahma dutirore yahuahye Jesu*

<sup>31</sup> Tiqiro wijiari bato ohō saha nidi Jesu:

—Yojoṛpū pūritare yūhū masū Cohācjū ohorigū yūhū tutuagū yūhū ijiye tiyere ihñonota Cohācjū masare. Sa yegū Cohācjū tiqiro tutuariquiro ijiyere ihñoutja yūhū pehe. <sup>32</sup> Sa yegū Cohācjū tiqiro tutuayere yūhū ihñogū tiqiro pehe yūhū tutuaye gūhūre yojoṛpū pūritare ihñō madoqueorota. <sup>33</sup> Yūhū pohna yūhūre tuhōya. Meheñe decorigā mūsa mehna ijinigūta. Yūhū wahari bato yūhūre macanata mūsa. Sa yegū mari acaye judio masare yūhū nidiro sahata mūsa gūhūre niaja. “Yūhū wahatore mūsa pehe waha masiedare”, tiquinare yūhū nidiro sahata mūsa gūhūre yahuaia. <sup>34</sup> Wahma dutirore mūsare yahugūta. Mūsa mehna cjēnare cahīña mūsa. Mūsare yūhū cahīdiro sahata, mūsa mehna cjēnare cahīña. <sup>35</sup> Sa yena mūsa mehna cjēnare mūsa cahīgū ihñāne, yeequina mūsa ijiyere masieta apequina, nidi Jesu ʘsāre.

“Jesure masiedaja”, Pedro tiqiro niatire yahuahye Jesu

(Mt 26.31-35; Mr 14.27-31; Lc 22.31-34)

<sup>36</sup> Tiquiro sa nigū Simo Pedro Jesure sinituri:

—¿Puhto, nohopu wahautjari mahu? nidi Pedro.

—Yuhu wahatopure yojopure yuhu mehna waha masiedare mahu. Yojopure waha masiedapeguta came yuhu cahapu wahaata mahu, nidi Jesu Pedore.

<sup>37</sup> —¿Puhto, dahsegu yojopure mahu mehna waha masiedaboari yuhu? Yuhure tiquina wejē duepegūta mahu ne duhusi yuhu, nidi Pedro Jesure.

<sup>38</sup> —¿Yuhure ne duhueragutari mahu? Poto mahu yahutja. Canaca tiqiro yahutato pano “Jesure masiedaja”, niita mahu apeqinane. Ihtia taha sa niita mahu, nidi Jesu Pedore.

## 14

Jesu Cohācjū cahapu wahari maha yero saha ijire

<sup>1</sup> Came Jesu usāre ohō saha ni yahuri:

—Ne bujua witi, pajiro wacūedacāhña. Cohācjūre wacū tutuaya. Sa yena yuhu gāhure wacū tutuaya. <sup>2</sup> Yuhu Pacu tiqiro jjiropure peye wuhuse ijire. Mūsa ijiatore quehnoyugu wahagutja. Ti ijirota ijire. Sa yegu musare tire yahuaja. <sup>3</sup> Sa yegu mūsa ijiatore quehno tuhasa, tojoa tautja yuhu. Sa yegu yuhu cahapu mūsa ijiatire musare negu ahtautja yuhu. <sup>4</sup> Sa yena yuhu wahati mahare masine mūsa, nidi Jesu usāre tiqiro buhenare.

<sup>5</sup> —Puhto, mahu wahatore masiedaja usā. ¿Sa yena dahse ye mahu wahati mahare masinatari usā? ni sinituri Tomasu Jesure.

<sup>6</sup> Tiquiro sa ni sinitugū Jesu yuhtiri:

—Cohācjū cahapu wahagū yegu ijiita niaja yuhu. Sa yegu poto ijiyere yahugu ijiita niaja yuhu. Sa yegu uhmūsepure catiducugū yegu ijiita niaja yuhu. Sa ye yeequina dihita yuhu Pacu cahapu wahaeta. <sup>7</sup> Yuhure masina, yuhu Pacu gāhure masiboya mūsa. Yojopure tiqiore ihñari mūsa. Sa yena tiqiore masi tuhasare mūsa, nidi Jesu usāre.

<sup>8</sup> Tiquiro sa nigū Felipe ohō saha nidi:

—Puhto, mari Pacure ihñona usāre. To punota ihña duaja usā, nidi tiqiro.

<sup>9</sup> Tiquiro sa nigū Jesu yahuri:

—¿Felipe, yoari pje yuhu mehna ijiepeguta, mahu masiedajari yuhure? Yuhure ihñariqiro yuhu Pacu gāhure ihña tuhasari. ¿Sa yegu “Mari Pacure ihñona usāre”, nigu dahsegu sa nijari mahu yuhure? <sup>10</sup> Yuhu, yuhu Pacu mehna puana ijiepenata ihcūta ijiaja. ¿Tire “Poto ijierare”, niimeje nijari mahu? Musare yahugu yuhu esa tuharo yahugu niedaja. Yuhu Pacure yahu basagu niaja. Sa yero tiqiro yuhu mehna ijiriqiro tiqiro tutuaye mehna ye ihñore. <sup>11</sup> Yuhu, yuhu Pacu mehna puana ijiepenata ihcūta ijiaja. Tire “Ijirota ijire”, ni wacūña mūsa. Tire “Ijirota ijire”, niedana, Cohācjū tutuaye mehna yuhu ye ihñore wacūna, yuhu Pacu mehna yuhu ihcūta ijiyere “Ijirota ijire”, ni wacūña mūsa. <sup>12</sup> Ijirota musare niaja. Yuhure wacū tutuariqiro yuhu yeriro sahata yerota. Sa yero tiqiro pehe yuhu yuhdoro yerota. Yuhu Pacu cahapu tojoa wahu tū niaja yojopure. Sa yero yuhure wacū tutuariqiro yuhu yuhdoro Cohācjū tutuaye mehna ye ihñonota. <sup>13</sup> Sa yegu yuhure wacū tutuayequina tiquina sinino punota yeitja. Sa yegu yuhu Pacu tiqiro tutuariqiro ijiyere ihñoutja. <sup>14</sup> Yuhure wacū tutuana mūsa ijigū mūsa sinino punota yeitja, nidi Jesu.

—Espiritu Santore musare ohoutja, ni yahuahye Jesu

<sup>15</sup> Sa ni tuhasa ohō saha ni nemori:

—Yuhure mūsa cahña, yuhu dutiyere quehnoano ye pehonata. <sup>16</sup> Yuhu Pacure sinitja. Yuhu sa sinigū yuhu Pacu pehe apeqirore musare yedohoatiqirore musare ohorota. Sa yero tiqiro musare yedohoatiqiro pehe ijiphiye decori mūsa mehna ijirota. <sup>17</sup> Tiquiro poto yahuriqiro Espiritu Santota ijire. Ahri yehpa cjēna pehe Espiritu Santore masiedare. Sa ye tiqiore cūo masiedare. Tiquirota mūsa mehna ijirota. Sa yena mūsa pehe tiqiore cūonata. Sa yena tiqiore masine mūsa. <sup>18</sup> Musare cohāsi yuhu. Mūsa mehna ijigū tagu, tojoa tautja yuhu. <sup>19</sup> Sa ijiepegūta mehenogā dahsare yuhu wahato. Yuhu wahari bato ahri yehpa cjēna yuhure wacū tutuayequina yuhure pari turi ihñasi. Mūsa pehe yuhure ihñanata. Yuhu catigu ijigū mūsa gāhu ijiphiye decori Cohācjū mehna catinata. <sup>20</sup> Ti deco yuhu tojoa tati deco

yuhũ Pacu mehna ihcũta usã ijigũ masinata musa. Sa yegu yuhũ mehna cjãna musa ijigũ musa mehna cjũ yuhũ ijigũ gũhũre masinata musa. <sup>21</sup> Yuhũ dutiyere yeriquiro yuhũre cahĩniquirola ijire. Sa yero yuhũre cahĩniquirola yuhũ Pacu pehe cahĩnota. Sa yegu yuhũ gũhũ tiquirola cahĩitja. Sa ye yuhũre quehnoano masigũ yeitja tiquirola, nidi Jesu usãre tiquiro buhenare.

<sup>22</sup> Usã mehna cjũno apequirola Juda wame tiriquirola ijiri. Juda Iscariote Jesure ihña tuhtiyequinare ihñoa tiquiro ijierari tiquiro. Apequirola Juda ijiri. Sa yero tiquiro Jesure sinituri:

—¿Puhto, dahse yeitjari muhũ usãre sa nigũ? ¿Ahri yehpa cjẽnare muhũre masigũ yeragũ, yabere yeitari muhũ usã dihitare muhũre masigũ yegu? ni sinituri Juda.

<sup>23</sup> Tiquiro sa nigũ tuhoro Jesu tiquirola yahuri:

—Yuhũre cahĩnequina, yuhũ dutiyere quehnoano yeye nine. Tiquina sa yegũ yuhũ Pacu pehe tiquinare cahĩnota. Sa yena tiquina mehna ijina ahtanatja usã.

<sup>24</sup> Yuhũre cahĩniquirola yuhũ dutiyere yere. Sa ye yuhũ yahuye musa tuhori pehe yee yahuye ijierare. Yuhũre ohoriquirola ye yahuye pehe ijire. Tiquiro yuhũ Pacu ta ijire.

<sup>25</sup> Musa mehna injigu ahrire musare yahugu njaja. <sup>26</sup> Came yuhũ sinigũ yuhũ Pacu Espĩritu Santore ohorota musare. Sa yero Espĩritu Santo pehe musare yedohoa tiquiro ijiro, musare buhe pehorota tiquiro. Sa yero musare yuhũ yahurire musare wacũgũ yerota tiquiro.

<sup>27</sup> Musare quehnoano ijigũ yeitja yuhũ. Yuhũ quehnoano ijiriro sahata quehnoano ijigũ yeitja yuhũ musare. Ahri yehpa cjẽna tiquina ni mehoriro sahata yesi yuhũ musare. Yuhũ pũrita potota quehnoano ijigũ yeitja musare. Bujna witi pajiro wacũedacãhña musa. Sa yena cueracãhña musa. <sup>28</sup> “Yuhũ wahautja. Sa yegu musa mehna ijigu tagũ tojoa tautja”, musare yuhũ sa ni yahugũ tuho tuhasari musa. Tire tuhona, bucueboaya musa. Yuhũre musa poto cahĩna, bucueboaya musa. Yuhũ Pacu pehe yuhũ yuhũoro tutuare. Sa yena tiquiro cahapu yuhũ wahatore musa masidi bato yuhũre cahĩna, bucueboaya musa. <sup>29</sup> Musa yuhũre wacũ tutuatire yuhũ wahatore yahuyugu njaja musare.

<sup>30</sup> Ahri yehpa cjẽna puhtoro watĩno puhtoro ijiro taro nine yojopure. Tiquiro sa ijiro tagũ yuhũ musa mehna yuhũ yahuducu bato tiati pje mehenogã dahsare. Tiquiro pehe yuhũre yuhũdũca masiedare. <sup>31</sup> Sa yegu yuhũre yuhũ Pacu tiquiro dutiriro sahata yeaja yuhũ. Sata yeaja yuhũ, yuhũ Pacu yuhũ cahĩne ahri yehpa cjẽna tiquina masiatire. Wahcãdũcaya. Isa wahana, nidi Jesu usãre tiquiro buhenare.

## 15

Jesu uhse da yero saha ijiriquiro ijire

<sup>1</sup> Came queoye mehna buhero usãre ohõ saha nidi Jesu:

—Yuhũ potota uhse da yero saha ijigu ijiaja. Yuhũ Pacu pehe uhse dare ihña ihboriquiro yero saha ijire. <sup>2</sup> Yeequina uhse da dũpuri yero saha ijiequina yuhũ mehna cjẽnata ijire. Uhse da dũpuri dũca marieñe dũpurire ihña ihboriquiro tiquiro pehe cohãriro saha yuhũ Pacu tiquiro cahmeñene yerariquinare cohãre. Dũca tiye dũpurire ihña ihboriquiro tiquiro quehnoriro saha yuhũ Pacu tiquiro cahmeñene yeyequinare yedohorota tiquiro, “Yuhũ cahmeñene ye nemoahdo”, nino. <sup>3</sup> Yeere tuhona, “Ijirola ijire”, nidi musa. Sa yero yuhũ Pacu musa ñañe yerire cohã tuhasari. <sup>4</sup> Yuhũ mehna cjãna ijiaja musa. Sa yegu musa mehna ijiequina. Uhse da dũpuri uhse da mehna wahñaedaye dũpuri ijie, ti dũpuri pehe dũca mariedare. Sata yuhũ mehna cjãna ijierana, yuhũ Pacu cahmeñene ye masiedare musa.

<sup>5</sup> Yuhũ uhse da yero saha ijigu ijiaja. Musa pehe ti da dũpuri yero saha ijina ijire. Yuhũ mehna cjũno mehna yuhũ ijigũ dũca tiye dũpuri yero saha tiquiro yuhũ Pacu cahmeñene yere. Yuhũ mehna cjãna ijierana yuhũ Pacu cahmeñene ye masiedare musa. <sup>6</sup> Ñañe dũpurire tiquiro cohãboriro saha yuhũ mehna cjẽna ijieyequinare yuhũ Pacu cohãnota. Ti dũpuri ñai dijiaa wahagũ uhse dare ihña ihboriquiro ti dũpurire ne cahmecoa pecapu ujia cohãnota. Sata yerota Cohãcjũ yuhũ mehna cjẽna ijieyequinare.

<sup>7</sup> Yuhũ mehna cjãna ijina, yuhũ buheyere boeraboaga musa. Sa boerana, musa cahmeno punota siniña. Sa yegu

musa sinino punota ye basautja. <sup>8</sup> Yuhū Pacu cahmeñene yena musa ijigū ihñañe “Jesu yequina ijire ahriquina”, ni masieta masa. Sa ye musare ihñañe yuhū Pacure ño peota. <sup>9</sup> Yuhū Pacu yuhure tiqiro cahīdiro sahata musare yuhū gūhū cahie tii. Yuhū cahīna ijiducuya musa. <sup>10</sup> Yuhū cahīnequina ijiducyequina yuhū dutiyere yere. Yuhū Pacu ye dutiyere yeaja yuhū. Sa yegū tiqiro cahīnogu ijiducujaja yuhū. Sata musa gūhū yuhū dutiyere yena yuhū cahīna ijiducunata musa.

<sup>11</sup> Ahrire musare yahuu yuhū mehna musa quehnoano bucueatire. Sa yena tutaro bucuenata musa. <sup>12</sup> Ohō saha dutiaja musare: Musare yuhū cahīdiro sahata musa mehna cjēna gūhūre cahīña. <sup>13</sup> Ihcāquiro masuno tiqiro mehna cjēno ye buhiri yariaro tiqiro mehna cjēnore tutaro cahīne, apequina tiquina cahīdiro yuhūoro. <sup>14</sup> Sa yena yuhū dutiyere yena yuhū mehna cjāna ijire musa. <sup>15</sup> Potota yuhū mehna cjāna waro ijire musa. Musa sa ijigū ijipihtiyere yuhū yerire yahuaja musare. Cahācūno tiqiro puhtoro yerire masiedare tiqiro. Sa yegū “Yuhū cahācāna ihyo ijina ijire musa”, musare niedaja. Yuhū Pacu yuhure tiqiro yahurire musare yahu pehou. Sa yahugū “Yuhū mehna cjāna ijire musa”, musare niaja yojopure. <sup>16</sup> Musa pehe yuhure ne beserari. Yuhū pehe musare besei yuhū Pacu cahmeñene musa yeatire. Musa sa yegū musa yeye ne ihyo waro ijisi. Ahri deco yoaro punota sa ijiducuatī ijire musa yeye. Musa sa yegū yuhure musa wacū tutuagū yuhū Pacure musa sinino punota tiqiro musare ohorota. <sup>17</sup> Ahrire musare dutiaja yuhū: Musa mehna cjēnare cahīña musa, ni yahuri Jesu.

*Jesure tiqiro yequina gūhūre ahri yehpa cjēna ihña tuhtire*

<sup>18</sup> Sa yero tiqiro yahu nemori:

—Ahri yehpa cjēna musare tiquina ihña tuhtigū ihñana ahrire wacūña musa: Musare tiquina ihña tuhtiatō pano yuhū pehere ihña tuhti muhtari tiquina. <sup>19</sup> Cohācjūre cahmedana musa ijigū, ahri yehpa cjēna tiquina cahme cahīdiro sahata musa gūhūre cahīboaya tiquina. Ahri yehpa cjāna musa ijigū musare besei. Sa yena yojopure ahri yehpa cjāna waro ijierare musa. Musa sa ijieragū ihñañe

ahri yehpa cjēna musare ihña tuhtire. <sup>20</sup> “Yeequina ijina musa yuhū bui ijierare”, musare yuhū nidire wacūña musa. Sa yena yuhū docapū ijina yuhū ñano yuhūdiro sahata ñano yuhūdnata musa gūhū. Yuhure ñano yeriquinata musa gūhūre ñano yeeta. Yuhū buhegū yuhūtiquinata musa buhegū gūhūre yuhūtieta tiquina. <sup>21</sup> Ahri yehpa cjēna yuhure ohoriquirore masiedare. Sa ye yuhure wacū tutuana musa ijigū ihñañe tiquina ñano yeeta musare.

<sup>22</sup> Tiquinare yuhū buhegū ahtaeragū yuhure tiquina cahmedari buhiri, buhiri mariedaboaya. Yojopure tiquinare yuhū buheri bato “Ñañe buhiri mariedare usāre”, ni masiedare tiquina. <sup>23</sup> Yuhure ihña tuhtiriquiro yuhū Pacu gūhūre ihña tuhtire. <sup>24</sup> Cohācjū tiqiro tutuaye mehna apequina tiquina ne yerarire ye ihñou. Sa ye tiquinare tire yuhū ye ihñoadagū tiquinare ñañe buhiri mariedaboaya. Cohācjū tutuaye mehna yuhū ye ihñorire tiquina ihñari bato yuhure yuhū Pacu gūhūre ihña tuhtire tiquina. <sup>25</sup> Sa ihña tuhtiyere Cohācjū yere tiquina ojoari pūpū duitaputa tiqiro ni ojoariro sahata yeye nidi tiquina. Ohō saha ni ojoahye: “Tiquinare yuhū ñano yerapegūta yuhure ihña tuhtire tiquina”, ni ojoahye duitaputa Cohācjū yere tiquina ojoari pūpū.

<sup>26</sup> Yuhū batopū musare yedohoatiqiro, yuhū Pacu mehna ijiriquiro musare yuhū ohoatiqiro Espiritu Santota ijire. Tiquiro potota yahuriquiro ijire. Sa yero tiqiro ahtarō, yuhū ijiye tiyere yahurota musare. <sup>27</sup> Masare yuhū buhe ducagūputa musa gūhū decoripe yuhū mehna ijiducuri. Sa yena musa gūhū yuhū ijiye tiyere yahunata apequinare, ni yahuri Jesu.

## 16

<sup>1</sup> Sa ni tuhasa usāre ohō saha ni yahu nemori:

—Came yuhū buheyere yuhū gūhūre musa cohādatire ahrire ijipihtiyere yahuu musare. <sup>2</sup> Judio masa mari buheye wuhusepū musa sa jā duagū musare sa jā dutisi yeequina musa ijiri buhiri. Sa ye ape tahapū musare wejē, “Cohācjū cahmeñene yena niaja”, ni tuhuetamaga apequina. <sup>3</sup> Sa ye yuhū Pacure, yuhū gūhūre tiquina masiedare. Sa masiedaye musare

ñano yeeta tiquina. <sup>4</sup> Sa yena musare ñano tiquina yegū ihñana “Tiquina ohō saha yeato panota Jesu yahu tuhasari usāre”, ni wacūnata musa. Musa sa ni wacūatire yojoṗure ahrire yahu muhtagu niaja musare, ni yahuri Jesu.

*Espíritu Santo tiqiro yeatire yahuahye Jesu*

Sa ni tuhasa ohō saha ni yahu nemori:

—Coā waropure musa mehna ijigu ahrire musare yahueru. <sup>5</sup> Yojoṗu pehere yuhure ohoriquiro cahapu wahautja. “¿Nohopu wahautjari muhu?” yuhure ni, ihcāquiro borota ne sinituerari musa. <sup>6</sup> Sa sinituerapenata yuhu wahatire musare yuhu yahu mujagū musa ñano jeripohna tire. <sup>7</sup> Musare ijirota yahuguta niaja. Yuhu wahari bato musare quehnoanota. Yuhu uhmusepu waheragū musare yedohoatiquiro pehe ah-taeraboaya. Wahagu musare tiqirore oho dijioutja yuhu. <sup>8</sup> Yuhu sa oho dijiogū tiqiro ahtarota. Sa wihiro ahri yehpa cjēna ñañe yeyequina tiquina ijiyere tiquinare masigū yerota tiqiro. Sa yero quehnoano ijiye tiye gūhure buherota tiqiro masare. Sa yero Cohācjū masare tiqiro buhiri dahreato gūhure yahurota masare yedohoatiquiro pehe. <sup>9</sup> Yuhure wacū tutueyequina ijire ahri yehpa cjēna. Sa yero yedohoatiquiro pehe masa ñañe yeyequina tiquina ijiye tiyere tiquinare masigū yerota. <sup>10</sup> Yuhu Pacu cahapu wahautja. Yuhu sa wahari bato masa yuhure ihñasi. Sa yero quehnoano ijiye tiye gūhure buherota yedohoatiquiro pehe. <sup>11</sup> Ahri yehpa cjēna puhtorore watinore Cohācjū buhiri dahre duti tuhasari. Sa yero Cohācjū masare tiqiro buhiri dahreati gūhure yahurota yedohoatiquiro pehe.

<sup>12</sup> Pajiro ijire musare yuhu yahuatī. Yuhu sa yahu nemo duepegūta tire yuhu yahugū yojoṗu masinisi musa. Sa yena yojoṗure quehnoano tuhosi musa. <sup>13</sup> Yuhu sa yahu nemoedagū Espiritu Santo pehe musare yahu nemono ahtarota. Tiquiro esa tuharo musare yahusi. Tiquirore yuhu Pacu yahu dutirire tiqiro yahurota musare. Sa yero musare poto yahu pehorota. Sa yero “Camepu ohō saha warahota”, ni yahurota tiqiro musare. <sup>14</sup> Sa yero yeere musare tiqiro yahurota. Sa yahuro yuhure ño peogū yerota masare. <sup>15</sup> Ijipihtiye yahu Pacu ye, yee gūhu ijire. Sa yegu “Espiritu

Santo pehe yeere yahurota musare”, nii musare, ni yahuri Jesu.

—Bujua witina ijiepenata came bucuena musa, ni yahuahye Jesu

<sup>16</sup> Sa ni tuhasa ohō saha ni yahu nemori:

—Mehenogā bato musa yuhure ihñasi. Sa yena mehenogā bato musa yuhure ihñanata tja, nidi Jesu usāre tiqiro buhenare.

<sup>17</sup> Tiquiro sa nigū tuhona, usā pehe meheñequinagā ohō saha ni yahuducuu usā basi:

—¿“Mehenogā bato musa yuhure ihñasi. Sa yena mehenogā bato musa yuhure ihñanata tja”, nino duhse nino sa nijari marine? ¿Sa yero “Yuhu Pacu cahapu wahautja”, nino duhse ijiro boro marine sa niagari tiqiro? <sup>18</sup> ¿“Mehenogā bato”, nino duhse nino sa nijari ahrikiro? Tiquiro ni yahurire quehnoano masiedaja mari, ni yahuducuu usā basi.

<sup>19</sup> Usā sa ni yahuducugū Jesu tiqirore usā sinitu duarire masino, usāre yahuri:

—¿“Mehenogā bato musa yuhure ihñasi. Sa yena mehenogā bato yuhure ihñanata tja”, yuhu nidire sinitu duajari musa? ¿Tire yuhu nidire masiedajari musa? <sup>20</sup> Ijirota musare nigū niaja. Yuhu yariagū ihñana musa utinata. Sa yena tutuaro bujua witinata. Sa ye yuhure ño peoyequina pehe bucueta. Musa pehe bujua witina ijiepenata, came bucuena musa. <sup>21</sup> Ohō saha ijire ti: Numino niji wahcōno, ticoro ñano yahduato pano ijire. Sa yero ticoro tutuaro bujua witire. Sa bujua witeperota ticoro pohna tiri bato ticoro puridire wacūedare ticoro. Nijinogā ahri yehpau tiqiro masa bajuagū ticoro bucuere. Sa yero ticoro puridire wacūedare. <sup>22</sup> Sata musa yojoṗure bujua witinata. Came musare ihñautja. Sa yena musa tutuaro bucuena. Musa sa bucuēgū apequina musare bujua witiḡu ye masisi.

<sup>23</sup> Ti deco musa yuhure ihñari deco yuhure sinitusi musa. Masi tuhasarinapu ijinata. Ijirota musare nigū niaja. Yuhure musa wacū tutuagū ihñano yuhu Pacure musa sinifene tiqiro musare ohorota. <sup>24</sup> Ahri deco pano yuhu tutuaye mehna Cohācjūre siniedarīdi musa. Yuhure wacū tutuatjāna Cohācjūre siniña. Musa sa

sinigū mūsa sinidire mūsare ohorota, mūsa quehnoano bucueaire, nidi Jesu usāre.

*Ñañequinare Jesu pehe yūhdūdūcahye*

<sup>25</sup> Sa ni tuhasa ohō saha ni nemori:

—Queoye mehna mūsare yahue tii. Sa yahuepegūta came mūsare queoye mehna yahusi yūhu. Sa yahueragu yūhu Pacu pehere quehnoano poto yahutja mūsare.

<sup>26</sup> Ti decore mūsare yūhu Pacure sini basasi yūhu. Yūhure wacū tutuana, mūsa basi tiqiurore sininata. <sup>27</sup> Mūsa yūhure cahīne. Sa yena yūhu Pacu cahapu yūhu alhtarigu ijigū “Ijirota ijire”, nine mūsa. Sa nina mūsa ijigū ihñano yūhure cahīna mūsa ijigū ihñano yūhu Pacu pehe mūsare cahīne. Tiquiro sa cahīgū tiqiurore mūsa sininata.

<sup>28</sup> Yūhu Pacu cahapu ijirigu ahri yehpapure ahtau yūhu. Sa yegu yojopure ahri yehpapu ijirigu yūhu Pacu cahapu wahautja, nidi Jesu.

<sup>29</sup> Tiquiro sa nigū usā tiqiuro buhena ohō saha nii:

—Yojopu pūrita queoye marieno yahuducugū quehnoano bajuro yahugu nine mūhu usāre. <sup>30</sup> Mūhu quehnoano masi pehogu mūhu ijigū yojopu pūritare usā masiaja. Sa ye apeqūina mūhure buhe masiedare. Tire yojopure usā quehnoano masiaja. Usā quehnoano masina, Cohācjū cahapu alhtarigu mūhu ijigū “Ijirota ijire”, niaja usā, nii usā Jesure.

<sup>31</sup> Usā sa nigū Jesu yūhtiri usāre:

—Yojopure “Ijirota ijire”, niajari mūsa? <sup>32</sup> Came cjūno ijipiltina mūsa wūhūsepu waha sitena, yūhure cohānata mūsa. Mūsa sa cohāpepegūta yūhu Pacu pehe yūhu mehna ijire. Sa yegu yūhu ihcūta ijieraja. <sup>33</sup> Ahrire mūsare yahu mūhtau, yūhure mūsa wacū tutuaye mehna mūsa quehnoano ijiatore. Cohācjūre cahmeeñequina cahapu mūsa ijigū ñano yeeta mūsare tiquina. Tiquina sa yepegūta bucueya mūsa. Ahri yehpa cjēna tiquina ñañe yerire yūhdūdūcagu ijiata yūhu. Sa yena yūhure wacū tutuana bucueya mūsa, nidi Jesu usāre tiqiuro buhenare.

## 17

*Jesu tiqiuro buheyequinare Cohācjūre sini basahye*

<sup>1</sup> Sa ni yahu tuhasa Jesu ūhmūanopu ihñano, Cohācjūre ohō saha ni yahuducuri:

—Mai, yojopure mūhu yahu queoriro sahata yūhure ñano tiquina yeati pje esarota nine. Yūhure mūhu macure masare ño peogū yeya. Mūhu sa yegū mūhure masare ño peogū yeitja yūhu gūhu. <sup>2</sup> Ijipihtiequina pūhto yūhure cūri mūhu. Sa yegu yūhure mūhu ohoriquinare mūhu mehna sa ijiducugū yeitja yūhu. Sa yegu mūhure masare ño peogū yeitja yūhu. <sup>3</sup> Mūhu dihita Cohācjū waro ijire. Yūhu Jesucristo mūhu ohorigū ijiata. Sa ye ijipihtiequina mūhure masiñequina, yūhu gūhure masiñequina ūhmūsepu mari mehna sa ijiducūeta, nidi Jesu.

<sup>4</sup> Sa ninota ohō saha ni nemori mari Pacure:

—Ahri yehpapure mūhu ye dutirire ye peho tuhasau yūhu. Sa yegu mūhure masare ño peogū yei yūhu. <sup>5</sup> Ahri yehpa ijiato pano mūhu mehna yūhu ijigū ijipihtiequina yūhure tiquina ño peo mūhtariro sahata yojopure yūhure tiquina ño peogū yeya tja.

<sup>6</sup> Ahri yehpapu ijieyequinare yūhure mūhu ohoriquinare mūhure masigū yei. Mūhu ohoriquina mūhu yequina ijire. Sa yegu tiquinare ohori mūhu yūhure. Sa ye mūhu dutiyere yeri tiquina. <sup>7-8</sup> Yūhure mūhu yahurire tiquinare buhei. Yūhu sa buhegū tūhoye yūhu buheyere cahmedi tiquina. Sa ye potota mūhu cahapu alhtarigu yūhu ijigū masine tiquina. Sa ye mūhu ohorigu yūhu ijigū “Ijirota ijire”, ni tūhoture tiquina. Sa ye ijipihtie yee mūhu ye ti ijigū masine tiquina.

<sup>9</sup> Tiquinare mūhure sini basagu niaja. Apeqūina pehere sini basagu niedaja yūhu. Yūhure mūhu ohoriquina mūhu yequina ijire. Sa yegu tiquinare sini basagu niaja mūhure. <sup>10</sup> Tiquina ijipihtiequina mūhu yequina ijire. Sa ye mūhu yequina pehe yeequina ijire. Yūhure wacū tutuaye yūhu tutuagu ijiyere masigū yere tiquina masare.

<sup>11</sup> Yojopure ahri yehpapure tojoasi yūhu. Mūhu cahapu wahu tū niaja. Yūhu sa wahaepēgūta yojopure yūhure mūhu ohoriquina ahri yehpare tojoare. Mai, mūhu quehnoagu ijire. Yūhure mūhu ohoriquinare mūhu tutuaye mehna ihñano ihbo basaya. Mūhu sa ihñano ihbogū mari ihcūta mari ijiro saha tiquina gūhu ihcā curuata ijiagro. <sup>12</sup> Tiquina mehna ijigū mūhu



tutuaye mehna tiquinare quehnoano ihña ihbou. Ihcãquiro pûrita pecapû waharota mûhû yere tiquina ojoari pûpû yahuriro sahata.

<sup>13</sup> 'Yojoþure mûhû cahapû wahaû tûu niaja. Sa yegû ahri yehpapû ahri ijipihtiyere yeequinare yahuaja yûhû mehna tiquina quehnoano bucueatire. <sup>14</sup> Mûhû yere yahuu tiquinare. Tiquina gûhû yûhû yero sahata ahri yehpapû iji dojoatiquina ijierare. Sa ye ahri yehpa cþena pehe tiquinare ihña tuhtire. <sup>15</sup> "Ahri yehpapû ijieyeequinare, yeequinare neahña", niedaja. Yûhû sa niedapegûta tiquinare quehnoano ihña ihboya. "Watino ñañene tiquinare ye dutiari", nigû, quehnoano ihña ihboya tiquinare. <sup>16</sup> Ahri yehpa cþû ijieraja. Tiquina gûhû yûhû yero sahata ahri yehpapû iji dojoatiquina ijierare. <sup>17</sup> Yeequinare mûhû buheye mehna quehnoañequina yeya tiquinare. Mûhû yahuye pehe ijirota ijire. <sup>18</sup> Ahri yehpapûre yûhûre mûhû ohoriro sahata yûhû pehe yeequina gûhûre mûhû yere buhe dutigu ohou. <sup>19</sup> Mûhû cahmeñene yegû tagû yariacþû ijigû yûhû pagure ohoaja. Sa yeaja yûhû, yeequina gûhû mûhû cahmeñene pota tiquina quehnoano yeatire.

<sup>20-21</sup> ' "Yeequina yojoþure ijieyeequina dhitare yedohoya", ni sini basaeraja yûhû. Yeequina apequina gûhûre yeere tiquina buheri bato tiquina gûhû yûhûre wacû tutuaeta. Tiquina gûhûre yedohoya, yeequina ijipihtieyeequina ihcã curua tiquina ijiro quehnoano. Yûhû mûhû mehna mari þana ijiepenata ihcûta ijiaja. Ihcûta mari ijiro sahata tiquina gûhû mari mehna ihcã curuata ijiahiro. Ihcã curuata ijiahiro, mûhû ohorigû yûhû ijiyere ijipihtieyeequina masa "Ijirota ijire", tiquina niatire. <sup>22</sup> Yûhûre mûhû tutuaye ohorire yeequinare ohou. Ti tutuayerere cuoye, ihcûta mari ijiro sahata tiquina gûhû ihcã curuata ijieta. <sup>23</sup> Yûhû tiquina mehna ijiaja. Sa yegû mûhû yûhû mehna ijire. Mari sa ijigû yeequina potota ihcã curuata quehnoano ijieta. Ihcã curuata tiquina ijigû ihñañe mûhû ohorigû yûhû ijiyere ahri yehpa cþena masieta. Sa ye yûhûre mûhû cahïdiro sahata yeequina gûhûre mûhû cahïñene masieta masa.

<sup>24</sup> 'Mai, ahri yehpa iji ducato pano yûhûre cahïe tiri mûhû. Sa cahïgu yûhû tutuagu

ijiyere ihñori mûhû. Sa yegû yûhûre mûhû ohoriquinare yûhû mehna tiquina ijigû cahmeaja, yûhû tutuagu ijiyere tiquina masiatire. <sup>25</sup> Mai, mûhû quehnoagu ijire. Ahri yehpa cþena ñañequina mûhûre masiedare. Yûhû pehe mûhûre masiaja. Sa ye mûhû ohorigû yûhû ijigû masine yeequina. <sup>26</sup> Tiquinare mûhûre masigû yei. Came gûhûre mûhûre tiquinare masigû yeitja, yûhûre mûhû cahïdiro sahata apequinare tiquina cahïatire. Sa yegû yeequina mehna ijigûtja, nidi Jesu mari Pacure.

## 18

*Jesure peresu yeahye*

(Mt 26.47-56; Mr 14.43-50; Lc 22.47-53)

<sup>1</sup> Tiquiro sa nidi bato Jesu, usã gûhû tiquiro buhena Cedrô wame tiri mare pehã, olivo wame tiye cþû wesepû esau. <sup>2</sup> Peye tahari ti wesepû Jesu mehna cahmecoe tii. Sa yero Juda Jesure ihña tuhtieyeequinare ihñaotiquiro ti wesere masidi. <sup>3</sup> Sa masino þua curua surarare uhmû tã câhtari ti wesepû Jesure ihñono taro. Ihcã curua surara waro ijiri. Ape curua surara Cohãcþû wûhûre cohteyeequina ijiri. Tiquina pahia þuhto, fariseo masa tiquina ohoriquina ijiri surara, Cohãcþû wûhûre cohteyeequina mehna. Sa ahtaye sihãñe pacare, sihãñe cþû gûhûre sihã câhtari. Tiquina wamoa gûhûre ne câhtari tiquina. <sup>4</sup> Ti wesepû tiquina wihiri bato Jesu tiquiro ñano yûhûduatire masino, tiquinare piti ca, sinituri:

—¿Noare macana nijari mûsa? nidi Jesu.

<sup>5</sup> —Jesu Nazare cþûnore macaja usã, ni yûhtiri tiquina.

—Tiquiro tþiaja yûhû, nidi Jesu.

Juda pehe Jesure ñehe dutiro ihñoriquiro tiquina mehna ijiri. <sup>6</sup> Sa ye "Tiquiro tþiaja yûhû", Jesu nigûta tiquina pehe tuho maria waha, du siti maa, yehpapû bora quehe sari. <sup>7</sup> Tiquina sa wahagû ihñano pari turi sinituri tiquinare Jesu:

—¿Noare macana nijari mûsa? nidi.

—Jesu Nazare cþûnore macana niaja usã, ni yûhtiri tiquina tja.

<sup>8</sup> —"Yûhû tþiaja", ni tuhasamigu yûhû mûsare. Sa yena yûhûre ñehena ahriquinare yûhû mehna cþenare peresu yeracãhña mûsa, nidi Jesu.

<sup>9</sup> Sa usäre cahĩno ne ihcãquirore butigũ yerari. Sa yero to pano Cohãcjũre tiquiro nidiro sahata yero nidi tiquiro. “Yũhũre mũhũ ohoriquinare ne ihcãquiro boeru”, tiquiro nidiro sahata yero nidi Jesu. <sup>10</sup> Sa ye Simo Pedro ñoseni pjĩne cũoro, ti pjĩne tũã we nedoqueo, pahia pũhtoro cahacjũno Malco wame tiriquire cahmonore dũte pahrẽ cãri. Poto pehe cjã cahmonore dũte pahrẽ cãri. <sup>11</sup> Tiquiro sa dũte pahrẽgũ ihñano Jesu tiquire ohõ saha nidi:

—Mũhũ ñoseni pjĩne ihboya. Yũhũ Pacu yũhũre tiquiro ñano yũhdũ dutiriro sahata ñano yũhdũtja yũhũ, nidi Jesu Pedroro.

*Pahia pũhtoro cahapũ Jesure neahye tiquina*

(Mt 26.57-58; Mr 14.53-54; Lc 22.54)

<sup>12</sup> Tiquiro sa ni tuhasagũta surara, tiquina pũhtoro mehna, Cohãcjũ wũhũre cohteyequina surara gũhũ Jesure ñehe, tiquire dũhteri. <sup>13</sup> Dũhte tuhasa Anãs cahapũ nea mũhtari tiquina. Anãs pehe Caifa mareino ijiri. Caifa pehe ti cũmare pahia pũhtoro ijiri. <sup>14</sup> “Judio masa ye ijiatire ihcãquiro masũno yariagũ quehnoanota”, nidiquire boro ijiri Caifa pehe.

—Jesure masiedaja, niahye Pedro

(Mt 26.69-70; Mr 14.66-68; Lc 22.55-57)

<sup>15</sup> Sa yena yũhũ Simo Pedro mehna Jesure yoa cjũnopũ ihñã nũnũ tãu. Caifa ya wũhũpũ neañe nidi Jesure. Yũhũ pehe pahia pũhtoro tiquiro ihñã masinohgũ ijigũ Jesu bato pũhtoro ya wũhũ ijiri sahrĩnopũ sajã wahau. <sup>16</sup> Yũhũ sa sajãgũ Pedro pehe sahrĩno sopechahapũ tojoadau sari. Sa yegũ majare wijia ta, sopechare cohterico-rore sinituu. Yũhũ sa sinitu tuhasagũ ticoro Pedroro sajã ta dutiri. Ticoro sajã ta dutiri bato yũhũ Pedroro ne sajã wahau. <sup>17</sup> Yũhũ sa ne sajãgũ ihñano sopechare cohterico-rore pehe Pedroro sinituri:

—¿Jesu buheyequina mehna cjũ ijierajari mũhũ? nidi ticoro Pedroro.

—Ijieraja yũhũ, ni yũhtiri Pedro pehe.

<sup>18</sup> Usã esato pano to cjẽna pũhtoã cahacjẽna, surara mehna tiquina sohmati pecare wijia tuhasari jiri. Yũsuarĩdi. Sa ye tiquina ti peca dũhtũ caha ducuye, sohmañe nidi. Tiquina sa sohmagũ ihñano Pedro gũhũ ahta, sohmaro.

*Pahia pũhtoro Jesure sinituahye*

(Mt 26.59-66; Mr 14.55-64; Lc 22.66-71)

<sup>19</sup> Sa ye pahia pũhtoro Jesu buherire, usã tiquiro buhena gũhũre sinituahye Jesure. <sup>20</sup> Tiquiro sa sinitugũ Jesu pehe yũhtiahye tiquire:

—Ijiphtiyequinare buhegu tiquina ihñono ducuu. Sa buhegu judio masa mari buheye wũhũsepu Cohãcjũ wũhũpũ gũhũre sa buheducuu yũhũ. Dũhtitjãgũ buherũ yũhũ. <sup>21</sup> ¿Dũhsegu yũhũre sinituajari mũhũ? Sinitu duagu yũhũ buheyequinare sinituya. Yũhũ buherire tiquina masine, ni yũhtiahye Jesu.

<sup>22</sup> Tiquiro sa nigũ tuhoro topũ ducuriquire surara pehe tiquiro omoca mehna Jesure quẽahye.

—Sa niedacãhña pahia pũhtoro, ni ahye surara pehe Jesure.

<sup>23</sup> Tiquiro sa nigũta Jesu ohõ saha niahye:

—Ñano yũhũ ni yahuducurire yahuya yũhũre. ¿Poto musare yũhũ yahuepegũta, dũhsegu tagũ yũhũre quẽajari mũhũ? ni ahye Jesu surarare.

<sup>24</sup> Came Anãs Jesure tiquina dũhteriquirore Caifa pahia pũhtoro cahapũ ohoahye.

—Jesure masiedaja, pari turi niahye Pedro  
(Mt 26.71-75; Mr 14.69-72; Lc 22.58-62)

<sup>25</sup> Sa ye Simo Pedro peca dũhtũ cahapũ ducuro, sohmano nidi. Tiquiro sa sohmaducugũ ihñãne to cjẽna tiquire sinituri:

—¿Mũhũ gũhũ Jesu buheyequina mehna cjũ mũhũ ijierajari? nidi tiquina Pedroro.

—Ijieraja yũhũ, ni yũhtiri Pedro.

<sup>26</sup> Sa yero pahia pũhtoro cahacjẽna mehna cjũno Pedro tiquiro cahmono dũte pahrẽdiquiro acayaro pehe Pedroro sinituri:

—¿Jesure tiquina ñehedi wesepũ yũhũ ijigũ mũhũ gũhũ tiquiro mehna ijieracoahye? ni sinituri tiquiro Pedroro.

<sup>27</sup> —Yũhũ tiquiro mehna ijierũ, nidi Pedro.

Tiquiro sa nigũta canaca yahuri.

*Jesure Pilato sinituahye*

(Mt 27.1-2, 11-14; Mr 15.1-5; Lc 23.1-5)

<sup>28</sup> Nami cjũno ijigũ Caifa ya wũhũpũ ijiriquina Jesure ne wijia, Roma cjẽna pũhtoro Pilato ya wũhũpũ nea wahari tiquina. Sa wahapeeta tiquiro ya wũhũpũ sajãedari. Pascua deco ijigũ tiquina ihyatiquina ijiye, ohõ saha nidi: “Judio masũno ijierare Pilato. Tiquiro sa ijiriquiro ijigũ tiquiro ya

wuhare sajāna, mari dutiyere yuhudu-cana niboaga. Sa yena mari sajāgū marine bose deco cjē ihyayere ihya dutieraboaga”, nidi. Sa niñe puhtoro Pilato ya wuhare sajāedari Jesure neariquina pehe. <sup>29</sup>Tiquina sa sajāedagū ihñano Pilato tiquina cahapu wuhu sopecahapu esaducaro, tiquinare sinituri:

—¿Yabe buhirire ahriquiore yahusā duajari musa? nidi Pilato tiquinare.

<sup>30</sup>—Ahriquiore quehnoariquiore ijigū muhure usā ohoeraboaya. Nariquiore ijire tiquiore, ni yuhtiri tiquina.

<sup>31</sup>Tiquina sa nigū Pilato ohō saha nidi:

—Musa basita tiquiore neañā. Sa yena musa ye dutiye ti nidiro sahata tiquiore buhiri dahreya, nidi Pilato tiquinare.

—Musa ye dutiye pehe usāre masunore wejē dutierare, nidi tiquina Pilatore.

Sa niñe Jesure wejē dutiye tee nidi.

<sup>32</sup>Tiquina sa wejē dutigū Jesu pehe curasapu tiquiore yariatire to pano tiquiore yahuriro sahata wahari. <sup>33</sup>Tiquina sa nidi bato, Pilato pehe wuhapu majare sajā, Jesure pijioahye. Pijio tuhasa, tiquiore sinituahye:

—¿Judio masa tiquina puhto tjiajari muhu? ni sinituahye Pilato.

<sup>34</sup>—¿Muhu esa tuharota sa ni sinituajari muhu yuhare? ¿O arequina pehe yuhare tiquina yahusāri bato tire sinituajari muhu? niahye Jesu Pilatore.

<sup>35</sup>—Judio masu ijieraja yuhu. Muhu ya yehpa cjēna, pahia puhtoa gūhu muhure ohori usāre. ¿Yabere ñano yeari muhu tiquina sa buhiri dahre duagū? niahye Pilato.

<sup>36</sup>—Ahri yehpa cjū puhto ijieraja yuhu. Ahri yehpa cjū puhto yuhu ijigū, yuhu buheyequina yuhare yedohoboaya. Judio masare ñehe dutieraboaya. Yuhu puhto ijiye ahri yehpa cjē ijierare, niahye Jesu Pilatore.

<sup>37</sup>—¿Sa yegu puhto ijiajari muhu sa nigū? niahye Pilato.

—Muhu nino sahata puhto ijiaja. Masa tiquina puhto ijigū tagu masa bajuu yuhu. Sa yegu ahri yehapu ahtau tiquina puhto ijii tuhū, poto ijiyere yahugu tuhū. Ijip-ihitiyequina poto ijiyere taho duayequina, yuhu yahuyere tuhore, niahye Jesu.

<sup>38</sup>—¿Yabe boro ijiajari poto ijiye? niahye Pilato.

*Judio masa Jesure wejē dutiahye  
(Mt 27.15-31; Mr 15.6-20; Lc 23.13-25)*

Sa ni tuhasa Pilato judio masa caha majare tojoa tiquinare yahuri:

—Ahriquiore Jesure ne buhiri mariedare. <sup>39</sup>Cahmaripe pascua ijigū ihcāquiore peresu ijiriquiore musa wio dutiducure. ¿Sa yegu ahriquiore Jesureta musa puhtoro ijiatiquiore musare wio basagari yahu? nidi Pilato judio masare.

<sup>40</sup>Tiquiore sa nigū tuhoye judio masa ohō saha ni sañuducuri:

—Tiquiore wioeracāhña. Barrabá pehere usāre wio basaya, ni sañuducuri judio masa Pilatore.

Barrabá pehe yaque bucuro ijiri.

## 19

<sup>1</sup>Tiquina sa ni sañuducuri bato Pilato Jesure tana dutiahye. Sa ye tiquiore yequina surara pehe tiquiore tanahye. <sup>2</sup>Tana tuhasa tiquina pota behto ye tuhasa, Jesu dapu buipū duhu peoahye. Duhu peo tuhasa, puhtoa ye suhti borore tiquiore sāa tuhasa, tiquiore cahapu esa dūca, ohō saha ni bujpeahye tiquina:

<sup>3</sup>—Quehnoano ahtaya. Judio masa puhto, quehnoano ahtaya, ni bujpe, Jesu wuhdoare quē mujahye.

<sup>4</sup>Sa yero Pilato pari turi judio masa cahapu waha, tiquinare yahuri:

—Tuhoya musa. Ahriquiore ne buhiri mariediquiore ijire. Sa yegu tire musa masi-atire musa cahapu tiquiore ne cāhtau, nidi Pilato.

<sup>5</sup>Tiquiore sa ni tuhasagū Jesu pota behto pesariquiore, puhtoa ye suhti borore sañariquiore wuhapu ijiriquiore wijia tari. Tiquiore sa wijia tagū Pilato tiquinare ohō saha nidi:

—Ihñañā. Ahriquiore ijire tiquiore, nidi Pilato.

<sup>6</sup>Tiquiore sa ni tuhasagū tuhoye, pahia puhtoa, surara gūhu Jesure ihñañe, sañuducuri:

—Curasapu quē biha wejēña tiquiore. Curasapu quē biha wejēña tiquiore, ni sañuducuri tiquina.

—Tiquiore ne buhiri mariedare. Sa yena musa basita tiquiore neañā. Sa yena

musata tiqiurore curusapũ quẽ biha wejẽña, nidi Pilato tiquinare.

<sup>7</sup>—Tiqiuro basi “Cohãcjũ macũ ijiaja”, nie tiri. Tire tiqiuro sa nigũ usã dutiye pehe tiqiurore wejẽ dutire, nidi tiquina Pilatore.

<sup>8</sup> Tiquina sa nigũ tuhoro cue yũhdũa wahari Pilato pehe. <sup>9</sup> Sa yero pari turi wũhũpũre majare sajã, Jesure sinituahye tja:

—¿Noho cjũ ijiajari mũhũ? ni sinituahye tiqiuro Jesure.

Tiqiuro sa ni sinituepegũta Jesu tiqiurore yũhtierahye.

<sup>10</sup> Tiqiuro sa yũhtieragũ ihñano Pilato tiqiurore sinitu nemoahye:

—¿Yũhũre yũhtierajari mũhũ? Yũhũ mũhũre peresapũ ijirigũre wio masiaja. Sa yegũ mũhũre curusapũ gũhũre quẽ biha wejẽ dũti masiaja yũhũ. ¿Tire masiedajari mũhũ? niahye Pilato Jesure.

<sup>11</sup>—Cohãcjũ mũhũre tiqiuro dutieragũ yũhũre ñano ye dutieraboaya mũhũ. Yũhũre ihña tuhtiuoquinare ihñoriqiuro pehe mũhũ yũhdũoro ñano buhiri tire, niahye Jesu Pilatore.

<sup>12</sup> Tiqiuro sa nigũ tuhoro Pilato pehe tiqiurore wio duamahye. Tiqiuro sa wio duepegũta pari turi judio masa sañuducuri:

—Jesu “Pũhto ijiaja”, nino mari ijipiltina pũhtorore Roma cjãnore ihña tuhtiriqiuro ijire tiqiuro. Sa yegũ tiqiurore wio gũ mũhũ gũhũ mari pũhtorore ihña tuhtigũ ijiaja mũhũ, ni sañuducuri judio masa Pilatore.

<sup>13</sup> Tiquina sa nigũ tuhoro Jesure wũhũpũ ijiriquiurore ne wijia ta, buhiri dahre dutiro taro tiqiuro dũjiri pahapũ nuju sari Pilato. Tiqiuro buhiri dahre dutiri paa utã mehna tiquina yeri paa judio masa ye mehna Gabata wame tiri. <sup>14</sup> Ti deco pascua bose deco usã ihyatire usã quehñori deco ijiri. Ti pjere coheri pje waro ijiri. Nuju sa tuhasa Pilato masare ohõ saha ni yahuri:

—Ahriqiuro tjire mũsa pũhtoro, nidi tiqiuro.

<sup>15</sup> Tiqiuro sa nigũ tuhoye judio masa sañuducuri:

—Yariahro tiqiuro. Yariahro tiqiuro. Curusapũ quẽ biha wejẽña tiqiurore, ni sañuducuri tiquina.

—¿Mũsa pũhtoro tiqiuro ijiepegũta tiqiurore curusapũ quẽ biha wejẽ dutiajari mũsa? nidi Pilato.

Tiqiuro sa nigũ ohõ saha ni yũhtiri pahia pũhto:

—Mari ijipiltina pũhtoro Roma cjãnota tiqiuro usã pũhtoro ijire. Apeqiuro pũhtoro usãre mariedare, ni yũhtiri pahia pũhto.

<sup>16</sup> Tiquina sa ni yahuducuri bato Pilato Jesure curusapũ quẽ biha wejẽ dutiro, tiqiurore ohori tiquinare.

*Jesure quẽ biha wejẽahye tiquina*  
(Mt 27.32-44; Mr 15.21-32; Lc 23.26-43)

Sa ye tiquina Jesure ne wijari. <sup>17</sup> Tiquina ne wijagũ Jesu pehe tiqiuro ya curusare tiqiuro basi wũa ne, dapu pehtoro wame tiropũ esari. Usã judio masa ye mehna Gólgota wame tiri. <sup>18</sup> Topũ esaye tiquina Jesure quẽ biha ohõri. Sa ye apeqiura pũarore ihcãqiuro tiqiuro poto pehe, apeqiuro tiqiuro cũ pehe pehe quẽ biha ohõri tiquina. Sa yero Jesu tiquina deco curusapũ wahñari. <sup>19</sup> Tiquina quẽ biha tuhasagũ Pilato taboa pjine ojoa dũti, Jesure tiquina quẽ biha ohõri curusapũ quẽ biha ohõ dutiri jiri ti pjine. Ohõ saha ni ojoa dutiri jiri tiqiuro: “AHRIQUIRO JESU NAZARE CJÛNO, JUDIO MASA PũHTORO IJIRE”, ni ojoa dutiri jiri Pilato ti pjine. <sup>20</sup> Ti pjine ojoaro judio masa ye mehna, Roma cjẽna ye mehna, griego masa ye mehna ojoari jiri apeqiuro. Sa yero Jesure curusapũ tiquina quẽ biha ohõri maca cahagã ijiri. To cahagã ijieyequina peyequina judio masa Pilato ojoa dutirire ihña, buheri. <sup>21</sup> Sa buhe tuhasa judio masa usã pahia pũhto ohõ saha nidi Pilatore:

—“Ahriqiuro judio masa pũhtoro ijire”, ni ojoa dutieracãhña. Usã pũhtoro ijierare ahriqiuro. Sa yegũ ohõ saha ni ojoa quehno dutiya mũhũ. “Ahriqiuro ‘Judio masa pũhto ijiaja’, ni ihcãquiurota tiqiuro basita sa ni tuhturiqiuro ijiri”, ni ojoa quehno dutiya, nidi pahia pũhto.

<sup>22</sup>—Yũhũ ojoa dũti mũhtariro sahata ijirota, nidi Pilato tiquinare.

<sup>23</sup> Jesure tiquina quẽ bihari bato pititari surara pehe Jesu suhtire tiquina basi itiri. Tiquina sa iti duepegũta ihcã suhtiro yoari suhtiro dohori marieni suhtiro ijiri. Ti suhtiro suhari suhtiro ijiri. <sup>24</sup> Ti suhtiro sa ijigũ ohõ saha nidi tiquina basi:

—Ahri suhtirore tuhrẽdacũhna. Ahri suhtirore neatiqiurore masi duana, doquepeihna mari, nidi tiquina basi.

Sa doquepeye, Cohācjū yere tiquina ojoari pūpū tiquina ni ojoariro sahata yeye nidi tiquina. “Yūhū suhtire tiquina basi itiri. Sa ye yūhū suhtire neatiquinare masi duaye, doqueperi tiquina”, ni ojoahye Cohācjū yere tiquina ojoari pūpū. Tiquiro sa ni ojoariro sahata sa yeye nidi tiquina.

<sup>25</sup> Surara tiquina sa yegū, Jesu pacoro, Jesu mūono, María Cleofa namono, María Magdalena mehna Jesu curusa cahagā ihñaducuri tiquina. <sup>26</sup> Sa yero tiquiro pacoro yūhū tiquiro cahñogū gūhū tiquiro cahapū ūsā ducugū ihñano tiquiro pacorore yahuri Jesu:

—Yojopure ahriqiro mūhū macū ijire, nidi Jesu tiquiro pacorore.

<sup>27</sup> Sa ni tuhasa, yūhūre ohō saha ni yahuri tiquiro:

—Yojopure ahricoro mūhū paco ijire, nidi Jesu yūhūre.

Tiquiro sa nidi bato Jesu pacorore ya wūhūpū iji dutii.

*Jesu yaria wahahye*

(Mt 27.45-56; Mr 15.33-41; Lc 23.44-49)

<sup>28</sup> Tiquiro sa ni yahuri bato ohō saha ni tūhotu, masiahye Jesu: “Ijipilthiye Cohācjū yūhūre dahra dutiro tiquiro cūrire ye pehou”, ni tūhotu, masiahye Jesu. Sa masino Cohācjū yere tiquina ojoari pūpū tiquiro ni yahuriro sahata ohō saha nidi Jesu:

—Aco wūoaga yūhū, nidi Jesu.

<sup>29</sup> Sa yero topū vino sūēñe co pose tiri sutu dujiri. Sa yero topū ijiriquiro aco ihmini suhtere sūēñe co mehna tiquina sohari suhtere yucūgū hisopo wame tidū sohtoapū duhte ohōri. Sa yero Jesu dūseropū siō ohōri. <sup>30</sup> Ti core Jesu ihmi tuhasa ohō saha nidi:

—To punota ijiaga, ninota tiquiro dapure muhri yo, yariaa wahari.

*Surara Jesu pati pahma batogā ñoseahye ñosenū mehna*

<sup>31</sup> Ti deco pascua bose deco pano ijiri. Bose deco cjēne ūsā ihyatire quehñori deco ijiri. Sa ye ape deco saurū ijigū tiquina bose deco ijigū curusaripū yariariquinare cū duerari. Ti deco Cohācjūre tiquina ño peori bose deco ijiri. Sa ye ti decopū tiquina quē biha ohōriquinare curusaripū tiquina wahñagū cahmedari tiquina. Sa ye tiquina quē biha ohōriquinare tiquina ñecu cohārine quē nuha dutiye tehe, judio masa siniahye Pilatore, “Tiquina yaria

madoqueohro”, niñe. Tiquina sa yeri bato tiquina pagūrire ne dijio madoqueoye tee nidi. <sup>32</sup> Tiquina sa dutigū surara pehe curusari cahapū esa, ihcāqiro yaqueriquiro ñecu cohārine quē nuhari. Apequiro gūhūre sata yeri tiquina. <sup>33</sup> Sa ye Jesu ñecu cohārine quē nuhae tee yemehe, tiquiro yariariquiro ijigū ihñañe, quē nuhaedari.

<sup>34</sup> Sa quē nuhaedaye ihcāqiro surara tiquiro pati pahma batogā ñosenū mehna ñosedo. Tiquiro sa ñosegū duita tiquiro dii, aco mehna wijiari. <sup>35</sup> Ti sa wahagū ihñau yūhū. Yūhū ahri pūre ojoarigū musare poto yahuaja. Poto yūhū yahuye ijigū masiaja yūhū. Musare yahuaja mūsa gūhū Jesure mūsa wacū tutuato saha. <sup>36</sup> Cohācjū yere tiquina ojoari pū ti nidiro sahata sa wahari: “Tiquiro cohārine ne ihcā cohāre quē nuhaedari”, tiquiro ni ojoariro sahata Jesu ñecu cohārine ne ihcā cohāre quē nuhaedari. <sup>37</sup> Sa yero ape pūpū Cohācjū yere tiquina ojoari pūpū ohō saha nine. “Tiquirore tiquina ñosediquirore ihñæta tiquina”, ni ojoahye Cohācjū yere tiquina ojoari pūpū.

*Jesu pagūre masa copere cūahye*

(Mt 27.57-61; Mr 15.42-47; Lc 23.50-56)

<sup>38</sup> Tiquiro yariari bato José Arimatea cjūno Jesu pagūre ne dijio taro, Pilatore siniahye. José pehe apequina judio masare cuero, Jesure wacū tutuariquiro tiquiro ijiyere yahu duerahye. Sa yero tiquiro pagūre sinidi bato Pilato pehe Jesu pagūre nea dutiahye. Tiquiro nea dutigū José curusa cahapū esa, Jesu pagūre nea wahahye. <sup>39</sup> Nicodemo gūhū José mehna wahahye. Tiquiro yucūgū cjē ehme sitiye, mirra wame tiye ehme sitiye yucūgū cjē mehna dahra moredire ne cāhye. Jesu pagūre tiquina cohāto pano tiquina quehnoati iji-ahye ti ehme sitiye. Tiquiro ne cāhtari treinta kilo nūcūahye. Nicodemo sohō ijiri pje Jesu mehna tiquiro coā yahuducuri pje ñamipū Jesu cahapū esariquiro ijiahye. <sup>40</sup> Sa ye tiquina pūaro Jesu pagūre ne, judio masa yariariquinare ūsā cohāducuro sahata tiquiro pagūre ehme sitiye mehna suhti mehna wahmeahye. <sup>41</sup> Curusapū Jesure tiquina wejēdoro cahapū wese ijiri. Ti wesepū masa cope ūtāpū wahma tiquina seheri cope ijiri. Ti copere ne ihcāqiro yariariquirore cohāedaridi. <sup>42</sup> Pascua bose

deco judio masa bose deco usā ihyatire quehñori deco ijiri. Sa ijiri deco ijigū ti cope cahagā tiquiro curusa ijigū, topu cūahye tiquina Jesu pagure.

## 20

*Jesu masa wijiahye*

(Mt 28.1-10; Mr 16.1-8; Lc 24.1-12)

<sup>1</sup> Domingo ñami cjünogā ijigū, bohreato panogā María Magdalena Jesu masa coperu esahye. Topu esaro ti copere tiquina tu biharia utāre yoa cjünopu tiquina pōo cūria utāre ihñahye ticoro. <sup>2</sup> Sa ijigū ihñano, usā cahapu oma tojoa tari ticoro. Simo Pedro mehna yuhu usā puana ijii. Wihi ohō saha ni yahuri usāre ticoro:

—Mari puhtoro pagure ne cāri jiri. Nohopu ne cā cūcoayaye mari masiedaja, nidi ticoro usāre.

<sup>3</sup> Ticoro sa nigu tuhona, Pedro mehna masa coperu ihñana wahan usā. <sup>4</sup> Sa ihñana wahan usā puana oma cāu. Sa oma cāna, yuhu Pedrose oma yuhdu cāgu masa coperu esa muhtau. <sup>5</sup> Topu esagu muhri ihña sōu ti copepure. Muhri ihña sōgu tiquirore tiquina wahmedi suhtiro dihitaré ihñau. Sa ye ti copere sajædu. <sup>6</sup> Yuhu sa ihñari batopu Simo Pedro yuhu batopu wihiri. Wihi masa coperu sajā, tiquiro pagure tiquina wahmedi suhtirore ihñari tiquiro. <sup>7</sup> Sa yero Jesu dapure tiquina wahmedi cahsero gūhure ihñari tja. Ti cahsero sijoro cuñano tiquiro torēdi cahsero ijiri. <sup>8</sup> Sa yegu yuhu gūhu masa coperu esa muhtarigu ti copere sajāu. Jesu sa mariedagū ihñagu “Potota Jesu masa wijiahya”, ni tuhottuu yuhu. <sup>9</sup> Ti copere usā wahato pano Cohācjū yere tiquina ojoari pūpu Cristo tiquiro yariatire yahurire, tiquiro masa wijiatire yahuri gūhure usā quehnoano masiedarimi. Ti copere yuhu ihñari bato, “Ijirota Jesu masa wijiahya”, ni, tuhottuu yuhu. <sup>10</sup> Sa ihña tuhasa usā ye wuhusepu tojoa wahan.

*Jesu María Magdalenare bajuahye*

(Mr 16.9-11)

<sup>11</sup> Sa ye masa coperu María majare tojoa ta, ti cope sopecahapu wihi, ducuro, utiro niahye. Sa utieperota ticoro muhri ihña sōahye masa copere. <sup>12</sup> Sa ihña sōno puaro angelere, yehseye suhti sañañequinare Jesu tiquiro cuñamediropu tiquina dujigū ihñahye ticoro. Ihcāquiro tiquiro dapu timediropu dujiahye. Apequiro

tiquiro dahpocāri timediropu dujiahye. <sup>13</sup> Tiquinare ticoro ihñagū tiquina pehe ticorore sinituahye:

—¿Numio, dūhse yego utiajari mūhu? niahye tiquina.

—Yuhu puhtoro pagure ne cāri jiri. Sa yego tiquiro pagure tiquina cūrire masiedaga yuhu, niahye ticoro.

<sup>14</sup> Sa ni tuhasa, majareducamenno Jesure topu ducuriquirore ihñahye ticoro. Sa ihñaeperota Jesure masiedahye ticoro.

<sup>15</sup> —¿Numio, dūhse yego utiajari mūhu? ¿Noare macago niajari? niahye Jesu ticorore.

“Ahriquiro ahri wesere cohteriquiro ijire”, ni tuhottumahye ticoro Jesure. Sa ni tuhotturo, ohō saha niahye ticoro:

—Mūhu tiquiro pagure nedigu ijigu mūhu cūrirore yahuya yuhure. Mūhu yahuri bato tiquiro pagure negotja, niahye ticoro tiquirore.

<sup>16</sup> Ticoro sa nidi bato Jesu ohō saha niahye:

—María, niahye.

Tiquiro sa ni pisugū tuhoro majare ihñadoqueo ticoro hebreo ye mehna ohō saha niahye:

—Rabuni, niahye ticoro Jesure. “Rabuni”, nino, “Buhegu”, nino niahye.

<sup>17</sup> —Yuhu Pacu cahapu mujaedaritaja yuhu. Yuhu sa mujaedarigū yuhure ñehedacāhña. Sa yego apequina yeequina cahapu wahaya. Tiquina cahapu esago ohō saha ni yahuya tiquinare: “Yuhu Pacu cahapu wahan tuu niaja. Mūsa Pacu gūhu ijire tiquiro. Yaquiro Cohācjū cahapu wahan tuu niaja. Mūsa yaquiro Cohācjū gūhu ijire tiquiro’, nidi Jesu”, ni yahuya tiquinare, niahye Jesu Maríare.

<sup>18</sup> Tiquiro sa nidi bato María Magdalena usā Jesu buhena cahapu wihi, yahuri usāre:

—Mari puhtorore ihñau yuhu, ni, Jesu tiquiro yahu dutirire yahuri usāre ticoro.

*Jesu tiquiro buheyequinare bajuahye*

(Mt 28.16-20; Mr 16.14-18; Lc 24.36-49)

<sup>19</sup> Ti deco domingo ñamicahapu usā Jesu buhena usā acaye judio masare cuena, wuhupu biha sajā, dujii usā. Sa usā dujigū Jesu usā watoapu bajuaduca saro ohō saha nidi:

—¿Ne, ijiajari mūsa? Quehnoano ijiiya mūsa, nidi.

<sup>20</sup> Sa ni tuhasa, tiqiro omocarine, tiqiro pati pahma bato gühure usäre ihñori. Sa yena usä tiqirore usä puhtorore ihñana bucae. <sup>21</sup> Pari turi Jesu usäre ohö saha nidi: —Quehnoano ijija musa. Yuhü Pacu yuhure tiqiro ohoriro sahata, musa gühure yee buheyere buheanare ohoaja, nidi Jesu usäre.

<sup>22</sup> Sa ni tuhasa tiqiro usäre puti peori. Sa puti peoro Espiritu Santore usä ñeheatire ihñono nidi usäre. Ihño tuhasa ohö saha nidi:

—Yojopü Espiritu Santore ñeheña musa, musa mehna ijiatiqirore. <sup>23</sup> Apequina tiquina ñañe yerire musa bogü, sata ijjeta. Sa ye apequina tiquina ñañe yerire musa boeragü ti bori ijisi, nidi Jesu usäre tiqiro buhenare.

*Jesure masa wijiariqirore Tomasu ihñahye*

<sup>24</sup> Jesu usä watoapü tiqiro bajuagü Tomasu sühduariqiro tiquina ni pisuriqiro usä mehna mariedari.

<sup>25</sup> Tiqiro sa mariedagü usä mehna cjëna tiqirore yahumedi.

—Mari puhtorore usä ihñau, ni yahumi usä Tomasure.

Usä sa ni yahuepegüta ohö saha nidi Tomasu:

—Tiqiro omocarine tiquina quë bihari coperire ihñedagü, ti coperire yuhü omo piria mehna ohbe tuhueragu “Ijirota masa wijiayahya”, nisi yuhü. Sa yegü tiqiro pati pahma bato ijiri copere yuhü omoca mehna siö söedagü, “Ijirota masa wijiayahya”, nisi yuhü tiqirore, nidi Tomasu.

<sup>26</sup> Ocho decori bato pari turi usä tiqiro buhena usä wuhupü ijii. Ti pjere Tomasu usä mehna ijiri. Ti wuhü bihari wuhü ijiri. Bihari wuhü ijiepegüta Jesu wuhupü sajä taro, usä watoapü bajuaduca saro ohö saha nidi:

—¿Ne, ijijari musa? Quehnoano ijija musa, nidi.

<sup>27</sup> Sa ni tuhasa, tiqiro Tomasure yahuri:

—Ihñaña yuhü omocarine. Sa ye muhu omo piria mehna yuhü omocarine tiquina quë bihari coperire ohbe tuhuya. Sa yegü muhu omoca mehna yuhü pati pahma bato ijiri copere siö sö tuhuya. “Poto ijierare”, niedacähña. “Ijirota ijire”, niña muhu, nidi Jesu Tomasure.

<sup>28</sup> Tiqiro sa nidi bato Tomasu yuhtiri:

—Muhü yuhü puhto ijire. Yaquiro Cohäcjü ijire muhu, nidi Tomasu Jesure.

<sup>29</sup> —Yuhure muhu ihñari bato yuhure wacü tutuare muhu. Apequina pehe yuhure ihñedapeta yuhure wacü tutuaeta. Sa ye tiquina muhu yuhduoro bucaeeta, nidi Jesu Tomasure.

*Jesure mari masiatire ahri püre ojoahye Ñu*

<sup>30</sup> Sa yero peye apeye gühure Cohäcjü tutuaye mehna ye ihñori Jesu usä mehna ijiro. Tire tiqiro yerire ahri püpü ojoa pehoeradu yuhü. <sup>31</sup> Sa ojoa pehoerapegüta ahri püpü yuhü yahurire ojoau “Jesuta Cristo Cohäcjü ohoriquiro ijire. Tiqiro potota Cohäcjü macno ijire”, musa ni masiatire. Sa yena musa tiqirore wacü tutuana Cohäcjü mehna musa sa ijiducuatire ojoau ahri püre.

## 21

*Jesu siete tiqiro buheyequinare bajuahye*

<sup>1</sup> Came Tiberia wame tiri ditara dühüta cahapü usäre tiqiro buhenare Jesu pari turi bajuari tja. Usäre bajuaro ohö saha yeri tiqiro. <sup>2</sup> Simo Pedro, Tomasu sühduariqiro tiquina niniquiro, Natanae Galilea yehpapü ijiri maca. Caná wame tiri maca cjëno, apequina puaro buheyequina, Zebedeo pohna puana usä ohöpequinata cahmecoau.

<sup>3</sup> Sa usä cahmecoari bato Simo Pedro usäre ohö saha nidi:

—Wahi wejëgu wahaü niaja, nidi tiqiro.

—Usä gühü muhu mehna wahanatja, nii usä tiqirore.

Sa ni tuhasa buhaa wahaü. Sa yena yucusa mehna wahaü. Ti ñamine usä quehnoano wahi wejë bohreepenata ne ihcäqiro wahi wejëdadu. <sup>4</sup> Bohrea parí quehagü Jesu padüropü ducugü tiqirore ihñami usä. Sa ihñaepenata tiqirore ihña masiedu usä. <sup>5</sup> Sa yero tiqiro pehe usäre sinituri:

—¿Ne wahi wejëjari musa? nidi Jesu.

—Ne wejëdabutiaga usä, ni yahtii usä.

<sup>6</sup> —Yucusa poto pehe pahre pehe doque ñoña. Tie pehe doque ñona wahi wejënatata musa, nidi usäre.

Tiqiro sa nigü tahona usä tiqiro nidirota doque ñou. Usä doque ño tuhasagüta peyequina wahi sajari. Peyequina wahi sajägü wëñanure yucusapü weje säana cüedadü usä. <sup>7</sup> Sa yegü yuhü Jesu cahñogü Pedroro yahuu:

—Mari puhtorota ijire siquiro paduropu ducuriquiro, nii yahu Pedrose.

Yuhu sa nigū tūhoro Jesuta tiquiro ijigū masino, Simo Pedro tiquiro suhtirore sañari. Wahi wejēno taro tiquiro suhtirore tu weriquiro ijinidi. Tiquiro suhtirore saña tuhasa, diapu uhpu ñojoaa wahari. <sup>8</sup> Sa yena usā apequina buhena yucusapu ijina, cien metro yoaro diapure pahsau usā. Sa yena wēñanure wahi peyequina sajadure yucusa mehna weje nuñau usā. <sup>9</sup> Duhtu cahapu usā wahā sagū, topu peca niti dihita asi cuñari peca ijiri. Ti peca bui tiquiro puhō cūriquirore wahire ihñau usā. Pā gūhure ihñau usā.

<sup>10</sup> Sa usā ihñagū ihñano Jesu usāre ohō saha nidi:

—Mianogā mūsa wejēdiquinare meheñe-quinagā ne cāhtaya, nidi usāre.

<sup>11</sup> Tiquiro sa nigū Simo Pedro pehe Jesu mehna ijiriquiro yucusapu sañā, wēñanure, bujūyequina wahi ciento cincuenta y tres wahi sajadure weje majari. Peyequina wahi sajaepeta wēñanure tuhrēdari.

<sup>12</sup> —Ihyana ahtaya, nidi Jesu usāre.

“¿Noa boro ijiajari mūhu?” ni sinitueru usā tiquirore. Usā puhtoro tiquiro ijigū masii usā. <sup>13</sup> Sa yero Jesu peca cahapu esaro, pāre ne, usāre itiri. Wahi gūhure itiri.

<sup>14</sup> Sa yero Jesu tiquiro masa wijari bato paduropu bajuaro ihtia taha usāre tiquiro buhenare bajuaro nidi.

*Jesu Simo Pedro mehna yahuducuahye*

<sup>15</sup> Usā ihyari bato Jesu Simo Pedrose sinituri:

—¿Simo Ñu macu, ahriquinare mūhu cahino yuhduoro yūhure cahīajari mūhu? nidi Jesu Simo Pedrose.

—Puhto, mūhure cahīaja yūhu. Mūhure yūhu cahīgū masine mūhu, ni yūhtiri Simo Pedro.

<sup>16</sup> —Sa yegu ovejagāre tiquina nuno saha yeequinare buheya mūhu, nidi Jesu.

Sa ni tuhasa pari turi tiquiro Simo Pedrose sinituri:

—¿Simo Ñu macu, yūhure cahīajari mūhu? nidi Jesu.

—Puhto, mūhure cahīaja yūhu. Mūhure yūhu cahīgū masine mūhu, ni yūhtiri Simo Pedro.

—Ovejare cohteriquiro ovejare tiquiro quehnoano cohtero saha, yeequinare

quehnoano buhe cohteya, nidi Jesu Pedrose.

<sup>17</sup> Sa ni tuhasa pari turi Simo Pedrose sinituri:

—¿Simo Ñu macu, yūhure cahīajari mūhu? nidi Jesu tja.

Ihtia taha sa ni tiquiro sinitugū tūhoro Simo Pedro tutuaro bujūa witiri:

—Puhto, mūhu masi pehore. Mūhure yūhu cahīgū masine mūhu, ni yūhtiri Simo Pedro.

—Ovejare tiquina nuno saha yeequinare buheya mūhu. <sup>18</sup> Ijirota mūhure niaja. Mūhu wahmū ijigū mūhu suhtire saña, mūhu cahmediropu tinie tiahye mūhu. Sa yerigū mūhu ijipegāta came mūhu bucū ijigū, mūhu omocarine mūhu siōdoqueogū apequiro mūhure suhtiro sāanota. Sa yero mūhu waha dueroru mūhure neanota, nidi Jesu Simo Pedrose.

<sup>19</sup> Sa nino Simo Pedrose dūhse waha tiquiro yariatire yahuro nidi. Cameru bucuro tiquiro wahagū sa yeye taye niahye apequina tiquirore. Cohācjū yere Pedro yeri buhiri apequina tiquirore wejēñe taye niahye. Sa yero Pedro yariatire yahuro nidi Jesu. Sa ni yahu tuhasa, ohō saha ni nemori Pedrose:

—Poto yūhu buheriro sahata yeya mūhu, nidi Jesu Pedrose.

*Jesu tiquiro cahīniquiro buheriquiro ahri pūre ojoariquiro ijire*

<sup>20</sup> Tiquiro sa nigūta Pedro pehe majare ihñadoqueo, yūhure Ñure Jesu tiquiro cahñogu buherigure tiquinare yūhu nūnu tīgū ihñano Pedro Jesure sinituri. Yūhu pehe Pedro ihñarigū to pano ohō saha nidigū ijii. “¿Puhto, mūhure ihña tuhtiyequinare ihñoatiquiro pehe noa boro ijiagari tiquiro?” ni Jesure siniturigu ijii yūhu. Ti pjere Jesu tiquiro pari paha ihya dujii yūhu. Sa yero yūhure ihñano Pedro Jesure sinituri:

<sup>21</sup> —¿Puhto, ahriquiro pehe dūhse waharotari? ni sinituri.

<sup>22</sup> —Tire mūhure yahueraja. Ahri yehrapu yūhu tojoa tato pano ahriquirore ijiducugū yūhu yeatire masiedare mūhu. Sa yegu mūhure yahueraja. Poto yūhu buheriro sahata yeya mūhu, nidi Jesu Pedrose.

<sup>23</sup> Tire tiquiro yahurire ijiptiyequina Jesu yequina tiquina basi yahu sitemedi.



Tire yahu siteye ohō saha nimesi tiquina pehe: “Jesu tiquiro cahīniqiro buheriquiro yariasi”, ni yahu sitemedi yahure Jesu yequina tiquina basi. Tiquina sa niepegūta “Tiquiro yariasi”, nino niedari jimesi Jesu. “Ahri yehpapu yahu tojoa tato pano ahriqirore ijiducugū yahu yeatire masiedare mahu. Sa yegu mahure yahueraja”, nidi Jesu Pedrore.

<sup>24</sup> Jesu buherigu ahrire yahurigu, ahri pure ojoarigu ijiaja yahu. Sa yena ahri yahu yahuye poto ijigū masiaja mari.

<sup>25</sup> Peye apeye gahure Jesu yeri. Tiquiro yerire mari oja pehogū ti puri ojoari puri peye waro wahaboaga. Sa ye ti purine mari ihbogū esa tuhaeraboaga ahri yehpa. Wahpaa wahaboaga, yahu tuhotugū. To puno tjire.

## Jesu buhe dutiro tiqiro cūriquina tiquina yerire yahuri pū ijire

—*Espíritu Santo ahtarota, niahye ahri pūre  
ojoariquiro*

<sup>1,2</sup> Teófilo, ahri quitire mūhure ojoagu niaja. To pano yūhu ojo muhtari pūre Jesu yerire, tiqiro buheyere mūhure yahu tuhasau. Tee ūhmūsepū tiqiro mūjarire yūhu yahu bato tii. Jesu tiqiro mūjato pano Espiritu Santo tutuaye mehna dutiahye tiqiro bese cūriquinare. <sup>3</sup> Sa ye Jesu curusapū tiqiro yariari bato ihquē tahari pagū tiriqiro bajuahye tiqiro cūriquinare. Cuarenta decori bato bajua bato tiahye. Sa yero tiqiro basi catiriqiro ijiyere ihñoahye tiquinare. Sa bajuaro mari Pacū tiqiro pūhtoro ijiyere quehnoañe buheyere yahuahye tiquinare.

<sup>4</sup> Jesu tiqiro cūriquina mehna ijinino tiquinare ohō saha ni yahuahye:

—Jerusalēpūta ijiniña yojoapūre. “Espiritu Santore musare ohogutja”, yūhu Pacū tiqiro nidiqirore cohteniña. Tire tiqiro nidire musare yahuu yūhu. <sup>5</sup> Ūnu musare wame yero aco mehna wame yemedi. Yūhu pehe ti yūhdūoro yeitja musare. Mehenogā bato Espiritu Santore mūsa mehna ijiducugū yeitja musare, niahye Jesu.

*Jesu ūhmūsepū mūjaa wahahye*

<sup>6</sup> Sa ye ape taha cūnūpū Olivo wame tidūpū Jesu tiquinare tiqiro bajuagū ihñañe tiquina sinituahye tiqirore:

—*¿Pūhto, Israe yehpare tiquina ehmari yehpare dūhse ijigū usāre pari turi cūgutjari mūhu? ¿Dūhse ijigū mari acaye warore pūhtoro sōgutjari mūhu? niahye tiqiro yequina.*

<sup>7</sup> Tiquina sa nigū tūhoro Jesu ohō saha niahye:

—Mari Pacū dihita ti decore mūsa ya yehpare mūsa quehnoano ijiatire cū masine. Ti decore musare masino basioerare. <sup>8</sup> Sa masiedapenata musare Espiritu Santo tiqiro wihigū Cohācjū ye tutuayere cūonata mūsa. Tiqiro ye tutuayere mūsa cūona Jerusalē cjēnare,

ijipihtiyequina Judea yehpa cjēnare, Samaria yehpa cjēnare, sa ye ijipihtiye yehpari cjēnare quehnoañe buheyere buhenata mūsa. Yūhu yariarire, yūhu masa mūjarire tiquinare buhenata mūsa, ni yahuahye Jesu tiquinare.

<sup>9</sup> Sa ni yahu tuhasa, Jesu ūhmūsepū mūjaa wahahye. Tiquina tiqirore ihña nūnu tā mūogūta ehmeo curua puhiapū sajā, buti mūjaa wahahye. <sup>10</sup> Sa ye tiquina Jesu mūjariqirore tiquina ihña mūori watoa pūaro angele yehseye suhti sañañequina Jesu tiqiro cūriquina watoa bajuadūca sahye. <sup>11</sup> Sa ye tiquinare ohō saha niahye:

—*¿Mūsa Galilea cjāna, dūhse ijiro boro ihña mūoducuna nijari mūsa? Ahriqiro Jesu ūhmūsepū mūjariqiro, tiqiro mūjariro saha ahtarota, ni yahuahye angele.*

*Jesu cūriquina Juda mūnanore comesa-tiqirore beseahye*

<sup>12</sup> Sa ye Jesu yequina cūnūpū Olivo wame tidūpū ijiriquina dijia ta, Jerusalēpū tojoa sahye. Tū cūnūpūre ihcā kilómetro yūhdūo cjūno yoaro ijiahye Jerusalē dūhtū cahapūre. <sup>13</sup> Tojoa sa, ūhmūanopū tiquina ijiri tucūpū mūjaa wahahye. Ahriquina ijiahye: Pedro, Ūnu, Santiago, Andre, Felipe, Tomasu, Bartolomé, Mateo, Santiago, Simo, Juda ijiahye. Santiago pehe Alfeo macūno ijiahye. Simo pehe celote wame tiri curua cjāno ijimediquiro ijiahye. Juda pehe Santiago acayuro ijiahye. <sup>14</sup> Peye tahari ahriquina ijipihtiyequina, nūmia mehna, María Jesu pacoro mehna, Jesu bahana mehna quehnoano cahmecoa, tutuaro mehna mari Pacūre sinie tiahye.

<sup>15</sup> Sa ye ti decorie masa peyequina cahmecoahye. Ciento veinte ijiye ijiboaya. Sa yero Pedro pehe tiqiro mehna cjēna Cristo yequina watoa ducu, yahuahye tiquinare:

<sup>16</sup> —Yūhu acaye, Cohācjū panopū tiqiro nidiro sahata waharo nidi. Tire Espiritu Santo Davire yahu dutiahye Juda mūnanore. Juda mūnana Jesure ñeheatiquinare ihñoriqiro ijiri. <sup>17</sup> Sa yeatiqiro ijieperota mari mehna Jesu yere yeriqiro ijimedi. Sa yero usā mehna cjānota ijimedi, niahye Pedro.

<sup>18</sup> Jesure ihño dutiye tiquina wapa yerire Juda mūnana pehe wiari bato tiqiro basita wejē yariaa wahahye. Sa yero boraa waha, tiqiro cūhta misi da tūhūna waha,

yariaa wahahye. Tiquiro wiari mehna apequina mehenogā yehpare dúahye. <sup>19</sup> Ijipihtiyequina Jerusalē cjēna masi pihti cāri jiri Juda mūnano tiquiro ñano yerire. Sa masiñe tiquiro ye niñeru mehna tiquina dúri yehpare Acéldama wame yeri jiri tiquina ye yahuducuye mehna. Acéldama niñe, “Dii yehpa”, niñe nine. <sup>20</sup> Came ohō saha ni nemoahye Pedro:

—Panopu tiquina ojoariro sahata sa wahari Juda mūnano. Salmo tiquiro ojoari pūpū ohō saha ni ojoahye:

Tiquiro wuhū cohōri wuhū ijiahro. Sa ye apequina ti wuhūre ijieracāhdo, ni, ojoahye.

Ohō gūhure ohō saha ni ojoahye:

Apequiro tiquiro dahrayere comesariquiro ijirota, ni, ojoahye Salmopu.

<sup>21-22</sup> Sa yena mari ihcāquiro beseihna. Ņu wame yeriquiro mūnano masare tiquiro buheri watoa ihquēquina Jesu yequina mari mehna wahari. Tiquina mehna cjūnore ihcāquiro bese neno cahmene mari mehna cjūno ijiatiquirore. Jesu mehna mari ijigū mari mehna sa ijiducuriquirore besero cahmene. Sa mari beseri bato Jesu tiquiro masa mūjarire mari mehna buherota, ni yahuahye Pedro tiquiro acayere Cristo yequinare.

<sup>23</sup> Tiquiro sa nigū tuhoye pūarore bese bocahye tiquina. Ihcāquiro José Justo wame tiriquire beseahye. Tiquiro Barsaba tiquina ni pisuriquiro ijiahye. Sa ye apequirore Matia wame tiriquire beseahye. <sup>24-25</sup> Tiquinare bese boca tuhasa, tiquina mari Pacure ohō saha ni siniahye:

—Muhū usā pūhto, ijipihtiyequina masa tiquina tuhoyere masine. Ahriquina pūaro usā beseriquina ijire. Juda mūnanore comesatiquirere diquiro muhū cahmeniquirore beseya. Jesure cohātjiano Juda mūnano pehe pecapu wahahye. Tiquirore comesariquiro Jesu tiquiro cūriquiro ijirota. Sa yero usā mehna quehnoañe buheyere buherota, niahye tiquina mari Pacure.

<sup>26</sup> Sa niñeta Juda mūnanore comesatiquirere beseye tehe utā paca mehna doque cū mūjahye “Noa pehe sajānotari”, niñe. Matia tiquiro quehnoano wijiagū, tiquiro pehe Jesu cūriquina once cūriquina mehna cjāno tojoahye.

## 2

*Espíritu Santo Jesu yequina mehna iji dūcahye*

<sup>1</sup> Sa ye Pentecoste wame tiri deco ijigū tiquina ijipihtiyequina ihcā wuhūpu cahmecoahye. <sup>2</sup> Ti pjereta wihnono tutuaro wēno saha hūmuanopu bisiro ca tahye. Sa bisiro ca tagū tuhoahye ijipihtiyequina ti wuhūpu ijiriquina. <sup>3</sup> Sa ye peca pohna yero saha ijiye tiquina ijipihtiyequina dapu paca bui bajuahye. Ti peca pohnarigā ñehmeno yero saha bajuahye. <sup>4</sup> Sa yero Espiritu Santo wihiahye tiquinare tiquiro tutuayere ohoro taro. Espiritu Santo tiquinare yedohoro puno tiquina pehe apequina ye mehna quehnoano yahuducuahye.

<sup>5</sup> Ti decorire Jerusalēpu peyequina judio masa ijiahye. Mari Pacure ño peoyequina ijiahye. Tiquina macaripe cjēna ijiahye. <sup>6</sup> Sa ye hūmusepu bisigū tuhoye Jesu buheyequina cahapu peyequina cahmecoahye. Masape ye yahuducuyere Jesu buheyequina tiquina yahuducugū tuhoahye. Sa tiquina yahuducugū tuhoye, tiquina tuho maria wahahye.

<sup>7-8</sup> —Ahyou, ¿Dahse yeye ahriquina Galilea cjēna ijiepetā quehnoano mari yere yahuducujari? Tiquina mari masa bajuariopu ahtariquina yero sahata yahuducuye ca tare, niahye tiquina pehe.

<sup>9-10</sup> —Ijipihtiyequina mari yere yojopure yahuducuye nine: Partia cjāna, Media cjāna, Elā cjāna, Mesopotamia cjāna, Judea cjāna, Capadocia cjāna, Ponto cjāna, Asia cjāna, Frigia cjāna, Panfilia cjāna, Egipto cjāna, Libiapu ijiye macaripu Cirene cahapu ijina, Romapu ahtarina ijiaja mari. Ihquēquina judio masa ijiaja mari. Apequina mari judio masa ijiena, judio masa ye buheyere buhenapu ijiaja mari. <sup>11</sup> Creta cjēna gūhū, Arabia cjēna gūhū ijire mari mehna. Sa yena ahriquina mari yere tiquina yahuducugū tuhoaja mari. Tiquina mari ye mehna Cohācjū tutuaye mehna tiquiro yerire yahuye nine, ni yahuducuahye masa tiquina basi.

<sup>12</sup> Sa niñeta tiquina tuho acūaa waha, tiquina ihñarire tiquina tuhōrire quehnoano masiedahye.

—¿Ahri dahse ijiro boro ahriquina apequina ye mehna Cohācjū yere sa

quehnoano yahuducujari, m̄sa t̄ho-tugū? ni cahme sinituahye tiquina basi.

<sup>13</sup> Tiquina sa ni t̄hotuepegūta apeqaina tiquina mehna c̄jēna b̄j̄peahye:

—¿D̄hse ahriquina sihbiori sihni, que-  
heye n̄ajari? ni b̄j̄peahye apeqaina  
tiquina basi.

*Pedro masare yahuahye*

<sup>14</sup> Sa yero Pedro once Jesu c̄uriquina mehna ducu, masare yahuahye:

—M̄sa Judea yehpa c̄jana, ijiphtina  
Jerusalēp̄u ijina, ahrire masiña m̄sa. Ȳh̄u  
yahugū t̄hoya m̄sa. <sup>15</sup> M̄sa t̄hotuye  
poto ijierare. Yojopta nueve hora ijire.  
Sa ye ahriquina queherare. <sup>16</sup> Ahriquina  
Cohācj̄u panop̄u tiquiro nidiro sahata yeye  
nine. Ti p̄ep̄ure Joere Cohācj̄u yere yahu  
m̄htariquirore, ahrire yahu dutiahye Co-  
hācj̄u pehe:

<sup>17</sup> Iji bato tiye decori ijigū ohō saha  
ijirota: Yaquiro Espiriture masare  
ijiphtiyequinare ohogutja. Sa ye  
m̄sa pohnap̄u yeere yahueta. Sa  
ye m̄sa mehna c̄jēna wahma p̄jia  
bajumehneñene ih̄naeta. Sa ye  
m̄sa mehna c̄jēna buc̄na que-  
hēnop̄u quehēeta. <sup>18</sup> Sa yegu ȳh̄u  
cahacj̄enare, ȳh̄u cahacj̄ena numia  
ḡh̄ure yaquiro Espiriture ohogutja.  
Sa ye tiquina yahueta yeere.  
<sup>19</sup> Sa yegu ȳh̄u tutuaye mehna  
bajumehneñene ye ih̄nogutja  
eh̄manop̄u. Yehpap̄u ḡh̄ure  
ȳh̄u bajumehneñene ih̄nogutja:  
Diire, pecare, peca ohmeore  
ih̄nogutja. <sup>20</sup> Sa yero asū deco  
c̄j̄no nahitiaa waharota. Nami  
c̄j̄no dii yero saha sohāriquiro  
comesarota. Ohō saha waharota  
Cristo m̄sa p̄htoro tiquiro ahtati  
deco, ȳh̄u nidi deco pano. Ti  
decor̄u ih̄na maria wahaeta masa.  
Sa yero ih̄yo ijiri deco ijisi. Ti deco  
quehnoari deco ijirota. <sup>21</sup> Sa yero  
ohō saha ijirota. Ijiphtiyequina  
masa Cristore tiquina n̄añene  
cohā duti siniñequinare tiquiro  
tiquinare pecap̄u wahaboriquinare  
ȳh̄d̄orota, nine Cohācj̄u, ni  
ojoahye Joel.

<sup>22</sup> M̄sa Israe masa ȳh̄u yahugū t̄hoya:  
Jesu Nazare c̄j̄no pehe Cohācj̄u ohoriquiro

ijiri. Jesure tiquiro ohorire masa tiquina  
masiato saha tiquiro tutuaye mehna ye  
ih̄nori musare. M̄sa tire masine. <sup>23</sup> Jesure  
ohori musare apeqiro. Panop̄u Cohācj̄u  
“Sa waharota”, tiquiro nidiro sahata sa yeri  
apequiro. Sa yena m̄sa Jesure curusap̄u  
wejē dutiri masa n̄añequinare. <sup>24</sup> Cohācj̄u  
pehe Jesure yariariquiro m̄nanore ma-  
sori. Pari turi ne yariasi tiquiro. Tiquiro  
yaria dojoerare. Sa catiducuatiquiro ijire.  
<sup>25</sup> Ohō saha n̄ahye Davi panop̄u c̄j̄no Cristo  
tiquiro niboriro sahata:

Ȳh̄u p̄htō, ȳh̄u mehna ijire m̄h̄u.  
Ijiphtiyē decori Cohācj̄u ȳh̄u  
p̄htō ȳh̄u caha m̄h̄u ijigū  
ih̄nae tii ȳh̄u cuerato saha.  
<sup>26-27</sup> M̄h̄u Cohācj̄u ȳh̄u jeripohnare  
yariayequina tiquina ijirop̄are ne  
cohāsi. Ȳh̄ure n̄anop̄u ȳh̄u  
jeripohnare cohāsi m̄h̄u. Ȳh̄u  
m̄h̄u cahacj̄u m̄h̄ure ño peoḡu  
ijija. Ȳh̄u pagure ahba dutisi  
m̄h̄u. Sa yegu tutuaro bucueaja.  
Bucueye mehna yahuducujaja. Sa  
yegu m̄h̄ure Cohācj̄ure quehnoano  
wacū tutuagu ijigu cuero marieno  
quehnoano iji c̄j̄. <sup>28</sup> Ȳh̄ure pari turi  
catigū yeguta m̄h̄u. Ȳh̄u mehna  
m̄h̄u ijigū tutuaro bucueaja, ni,  
ojoahye Davi m̄n̄ano Cristo tiquiro  
niboriro sahata.

<sup>29</sup> Acaye, ohō saha quehnoano yahugutja  
m̄sare Davire mari acayuro, panop̄u  
c̄j̄n̄ore. Tiquiro yariaa wahahye. Sa  
yero tiquirore tiquina yari cope yojoep̄re  
ijire. Sa yero “Ȳh̄u pagure ahba dutisi  
m̄h̄u”, ni ojoaro tiquiro basi wame peo  
yahuro niedahye. <sup>30-31</sup> Panop̄u Cohācj̄u Davi  
m̄nanore ohō saha n̄ahye: “Poto niita  
n̄aja. M̄h̄u panamena iji turiayequina  
mehna c̄j̄no m̄h̄u yero saha ahri  
yehpa c̄j̄na p̄htoro ijirota”, n̄ahye  
Cohācj̄u Davire. Davi Cohācj̄u yere yahu  
m̄htariquiro ijiahye. Sa yero Cristore  
Cohācj̄u tiquiro p̄htoro s̄otire masino,  
Cristo tiquiro masa m̄jatire yahu m̄hta  
tuhahye Davi pehe. Ohō saha n̄ahye:  
“Tiquiro yariayequina ijirop̄are iji dojoasi.  
Tiquiro pagu top̄u ahbasi”, n̄ahye Davi.  
<sup>32</sup> Ahriquirore Jesure Cohācj̄u masori. Usā  
ijiphtina ih̄na. <sup>33</sup> Cristo mari Pacu poto  
pehep̄u ijire dutiriquiro ijiro. Sa yero  
tiquiro Pacuro “Esp̄ritu Santore yehpap̄u

ohogutja”, niahye tiquiore. Sa yero Cristo pehe ahriquinare Espiritu Santore ohori. Yojoþure Espiritu tiquiore yeyere musa ihñana nine. Sa yena musa tãhore. <sup>34</sup> Davi munano pehe Jesu tiquiore mujariro sahata uhmuseþu mujaedahye. Sa yero tiquiore basi ohõ saha niahye:

Cohãcþu nidi yũhũ þãhtorore: “Yũhũ poto peþeru dujiya muhũ. <sup>35</sup> Mũhũre ihña tuhtiequinare muhũre yũhdũdũca basautja yũhũ”, nidi Cohãcþu yũhũ þãhtorore, niahye Davi munano.

<sup>36</sup> Sa yena ijiphtina Israe masa ahrire quehnoano masiña musa: Ahriquiore Jesure musa curusaru wejediquire msa þãhtoro sõri Cohãcþu pehe. Tiquiore musare yũhũoatiquiore Cristore cõri Cohãcþu, ni yahuahye masare Pedro.

<sup>37</sup> Tiquiore sa nigũ tãhoye tutuaro þujua witiye, cueye masa pehe Pedro gũhũre sinituahye:

—¿Usã acaye, dũhse yenatari usã? ni sinituahye tiquina.

<sup>38</sup> Tiquina sa ni sinitugũ yãhtiahye Pedro gũhũ:

—Musa ñahe yeyere þujua witina ijiya. Quehnoañe pehere comesaya. Sa yena Jesu wame mehna wame yenohrina ijiya musa ijiphtina. Musa sa yegũ musa ñañene borota Cohãcþu. Musa sa yegũ Espiritu Santo musa mehna ijirota. Cohãcþu yaquiore Espiritu Santore sa oho cãnota musare. <sup>39</sup> Musare, musa poñnare, musa panamena iji turiayequinare, yoaropu cjenare, ijiphtiequina Cohãcþu mari þãhtoro tiquiore beseriquinare, “Potota yũhũogutja musare”, ni, cũahye Cohãcþu, niahye Pedro.

<sup>40</sup> Sa ni tuhasa peye yahu nemoahye tiquiore. Sa yero tutuaro mehna yahuahye tiquinare:

—Ahri yehpa cjenare tiquina ñano yeri buhirire buhiri dahrerota Cohãcþu. Sa yena musa pehe Cohãcþu yequina ijiya. Musa sa ijigũ tiquiore musare buhiri dahresi, niahye Pedro masare.

<sup>41</sup> Tiquiore sa nigũ tãhoye peyequina tiquiore yahuducuyere quehnoano tãhohye. Sa yero tiquinare tiquiore wame yeahye. Sa ye Cohãcþu yequina mehna cjenã tres mil masa waha nemoahye. <sup>42</sup> Sa ye tiquina masa Cristo cõriquina mehna

decoripe ijie tiahye. Sa ye tiquina ti buheyere decoripe tãhoe tiahye. Tiquina ihyayere cahme iti, Cohãcþu sini, Cristo cõriquina mehna quehnoano ijie tiahye.

*Jesu yequina coã iji dũcayequina tiquina ijie tiyere yahuahye*

<sup>43</sup> Sa ye Cohãcþu tutuaye mehna ye ihñohye Jesu cõriquina. Tiquina sa yegũ ihñañe masa ijiphtiequina ihña maria wahae tiahye. <sup>44</sup> Sa ye ijiphtiequina Jesure wacũ tutuayequina cahmecoa, quehnoano ijie tiahye. Sa ye tiquina yere cahme itie tiahye. <sup>45</sup> Tiquina yere dua, ijiphtiequinare apee boro marieñequinare tiquinape ohoe tiahye tiquina. <sup>46</sup> Sa ye decoripe tiquina Cohãcþu wũhũru cahmecoa tiahye. Ijiphtiequina tiquina ye wũhũseþu bucueye mehna cahmecoa, ihyae tiahye. <sup>47</sup> Tiquina sa cahmecoa, “Cohãcþu quehnoariquiore ijire”, ni ño peoe tiahye. Sa ye apeqina masa tiquinare cahme yũhdũe tiahye. Sa yero decoripe Cohãcþu apeqinare tiquiore yequina wahagũ yee tiahye.

### 3

*Tini masieniquire yũhũoahye mari Pacu*

<sup>1</sup> Ñamicaharu tres ijigũ Cohãcþu mehna yahuducuri pje ijigũ Pedro, Ñu mehna Cohãcþu wũhũru wahaye niahye. <sup>2</sup> Decoripe ti wũhũ cã sopecaha quehnoari sopecaha wame tiri sopecaharu apeqina ihcãquiore masunore ne cãhta, duhu dapoe tiahye. Tiquiore masuno pehe wahma masa bajaranota tini masiedahye. Sa yero tiquiore ti sopecaha cahã niñerure sini dujie tiahye ti wũhũru sajanẽequinare. <sup>3</sup> Sa ye Pedro, Ñu mehna ti wũhũru tiquina esaducagũ tini masieniquire pehe tiquinare ihña, niñerure siniahye. <sup>4</sup> Sa ye Pedro gũhũ tiquiore ihña, Pedro pehe ohõ saha niahye:

—Usãre ihñañã muhũ, niahye Pedro tiquiore.

<sup>5</sup> Tiquiore sa nigũ tãhoro “Ahriquina mehenogã yũhũre niñerure ohoe”, ni tãhoturo ihñadoque ohõ, tãhohye tiquinare. <sup>6</sup> Tiquiore sa ni tãhotuepegũta Pedro tiquiore ohõ saha ni yahuahye:

—Niñerure cuoeraja yũhũ. Cuoerapeita, ahrire yeitja muhũre. Jesucristo Nazare

cjũno tiquiro tutuaye mehna tiniña mũhu, niahye Pedro tini masieniquireore.

<sup>7</sup> Sa ninota tiquiro omocare poto pehe cjã omocare ñehe, tiquirore weje wahcõ docoahye. Ti pjeta tini masieniquireore tiquiro ñecari tutuua wahahye. <sup>8</sup> Tiquiro sa wahari bato tiquiro wahcãduca sa, waha dũcahye. Sa yero tiquiro waha, uhpu maa, “Cohãcjũ quehnoariquiro ijire”, ni bucueahye. Sa bucuerdo tiquina mehna Cohãcjũ wũhũpũ sajã wahahye. <sup>9</sup> Tiquiro sa tinigũ “Cohãcjũ quehnoariquiro ijire”, tiquiro nigũ masa ijipihtiyequina tiquirore ihñahye. <sup>10</sup> Sa ye masa tiquirore ihña masiahye. Tiquiro Cohãcjũ wũhũ cjã sopecaha quehnoari sopecaha caha niñerure tiquiro sini dujirire masiahye masa. Sa ye tiquiro tinigũ ihñañe, ihña maria wahahye.

*Cohãcjũ wũhũpũ Pedro masare buheahye*

<sup>11</sup> Sa ye tini masieniquiro Pedro gũhũre tiquiro ñeheni watoa, masa ijipihtiyequina ihña maria waha, quehnoari paapũ Salomo wame tiri paapũ oma cã, cahmecoahye. <sup>12</sup> Tiquina sa cahmecoari bato Pedro pehe yahuahye tiquinare:

—¿Musa Israe masa, dũhse yena ahriquireore ihña mariajari? ¿Dũhse yena usãre musa ihña mũnũajari? Ušã pehe usã ye tutuaye mehna Cohãcjũre usã wacũ tutuaye mehna usã esa tuharo ahriquireore tinigũ yerũ usã. <sup>13</sup> Abrahã, Isaac, Jacob mari ñecũsumũna panopũ cjẽna Cohãcjũre ño peoe tiahye. Tiquiro Cohãcjũ pehe tiquiro cahãcjũnore Jesure tutuariquiro, quehnoariquiro tiquiro ijigũ musare ihñoe tiri. Musa Jesure tiquirore ihña tuhtiyequinare ohori. Sa yena Pilato tiquirore peresu wio duepegũta musa pehe tiquirore wiogũ cahmedari. Pilatore Jesure ohori musa. <sup>14</sup> Pilato tiquirore wio duamedì. Tiquiro sa wio duepegũta musa Jesure quehnoariquirore, quehnoano yeriquirore cahmedana, apequirore masa wejẽdiquiro pehere wio dutiri musa. <sup>15</sup> Sa yena Jesure marine catigũ yeriquirore wejẽdi musa, usã acaye judio masa. Tiquiro yariagũ Cohãcjũ tiquirore masori. Tire usã ihñau. <sup>16</sup> Sa yena usã tiquirore wacũ tutuana ijijaja. Ušã sa wacũ tutuagũ ihñano ahriquireore musa yojopũ ihñariquireore musa ihña

masieniquireore Jesu pehe tiquiro tutuaye mehna tinigũ yeri.

<sup>17</sup> Yũhũ acaye, mari pũthoa mehna Jesure quehnoano masiedapenata tiquirore wejẽdi musa. Tire masiaja yũhũ. <sup>18</sup> Sa ye panopũ cjẽna Cohãcjũ yere yahu mũhtariquina Cohãcjũ tiquinare tiquiro yahu dutiriro sahata yahuahye tiquina. “Cristo ñano yũhdũrota”, ni yahuahye tiquina. Tiquina sa ni yahuriro sahata sa wahari yojopũre. <sup>19</sup> Sa yena yojopũre musa ñañe yerire bũjua witina ijija. Quehnoañe pehere comesaya. Cristore wacũ tutuaya. Sa yero musa ñañe yerire borota Cohãcjũ. Sa yero musare bucueye decori cũnota tiquiro. Sa yena quehnoano jeri sajãnata. <sup>20</sup> Sa yero Cohãcjũ Cristore tiquiro beseriquirore musare ohorota. Cristo Jesuta ijire. <sup>21</sup> Cohãcjũ cahapũ jiji nine Jesu. Panopũ Cohãcjũ tiquiro yere yahu mũhtariquinare yahuyu dutiahye. Masare ahri yehpa gũhũre tiquiro yeatire yahuyu dutiahye. Sa yero tiquiro yahuriro sahata yojopũre ijipihtiyere quehnono nine. Quehno tuhasaro pari turi Cristore ahri yehpapũ ohorota. <sup>22</sup> Moise tire yahuro ohõ saha niahye: “Mari mehna cjũnore mari acayũrore Cohãcjũ yere yahu mũhtariquireore Cohãcjũ mari pũthoro ohorota musare. Yũhũre tiquiro ohoriro saha ohorota tiquiro gũhũre. Sa yena musare tiquiro yahugũ tuho pihti cãhña musa. <sup>23</sup> Ohõ saha ijirota. Ijipihtiyequina tiquirore tuhoerariquinare, tiquiro dutiyere yerariquinare tiquiro cohãnota. Cohãcjũ yequina mehna cjẽna ijisi tiquina”, niahye Moise.

<sup>24</sup> Ijipihtiyequina Cohãcjũ yere yahu mũhtariquinape Samuel, tiquiro bato ijijyequina gũhũ ahri decorire yahuahye. <sup>25</sup> Mari ñecũsumũnare panopũ cjẽnare yahuahye Cohãcjũ. Mari gũhũre sa ni yahuro niahye. Abrahãre tiquiro nidiro sahata mari gũhũre ni yahuro niahye. Ohõ saha ni yahuahye Cohãcjũ Abrahãre: “Ijipihtiri yehpa cjẽnare quehnoano yeitja. Ohõ saha tire yeitja: Camerũ jiji mũnũ tãriquiro mũhũ acayũro pehe masare quehnoano ye basarota yũhũre”, niahye Cohãcjũ Abrahãre. <sup>26</sup> Sa yero Cohãcjũ tiquiro macũnore mari cahapũ oho mũhtari mari ñañe yeyere duhu dutiatiquirore. Sa yero marine tiquiro

quehnoano yeri, niahye Pedro tiquinare.

#### 4

*Pedro, Ñu mehna puhtoare yahuducuahye*

<sup>13</sup>Masa mehna tiqiro yahuducuri watoa pahia, Cohācjū wuhure cohteyequina surara puhtoro, saduceo masa gūhu tiquinare tuhoahye. Ohō saha ni buheahye Pedro Ñu mehna masare:

—Jesu tiqiro yariari bato masa mujaa wahari. Tiqiro sa masagū ihñana mari gūhu came mari tiqiro yequina mari masa mujatire masiaja mari, ni yahuahye Pedro gūhu.

Tiquina sa nigū tuhoye puhtoa pehe tiquina mehna usuahye. Sa usuaye nahi quehagū ihñañe tiquina Pedrore, apequna Jesu cūriquina gūhure ñehe, peresu yeahye. <sup>4</sup>Puhtoa tiquina sa cahmedapegūta peyequina Cohācjū yere tuhoyequina pehe “Ijirota ijire”, ni tahotuahye. Sa ye Jesu yequina peyequina sajahye. Tiquinare amua sehsarore mari queogū Jesure wacū tutuayequina cinco mil masa ijiahye.

<sup>5</sup>Sa ye ape decopū ti maca cjēna puhtoa, bucūna, judio masa buheyequina mehna Jerusalēpū cahmecoahye. <sup>6</sup>Sa yero pahia puhtoro, Anás wame tiriqiro topū ijiahye. Tiqiro acaye gūhu ijiahye. Caifa, Ñu, Alejandro, apequna mehna Anás acaye gūhu ijiahye. <sup>7</sup>Sa ye tiquina Pedro gūhure tiquina cahmedoqueogū, surara pehe puhtoa watoapū tiquinare ne wihi docoahye. Tiquina sa yeri bato puhtoa sinituahye Pedro gūhure:

—¿Noa ye tutuaye mehna msa tiqirore tinigū yeari? ¿Noa ijiajari musare tire ye dutiriquiro? ni, sinituahye tiquina.

<sup>8</sup>Tiquina sa nigū tuhoru Espiritu Santo tutuaye mehna yahuahye Pedro tiquinare:

<sup>9</sup>—¿Musa puhtoa, msa bucūna, usā tini masieniquirore quehnoa wahagū usā yerire sinituna nijari msa? <sup>10</sup>Ahrire masiña msa ijipihina, Israe masa. Ahrire Jesucristo sa yeri. Jesu Nazare cjēno, msa curusapū wejēdiquiro, Cohācjū tiqiro masoriquiro pehe ahriqiro tini masieniquirore quehnoa wahagū yeri. Sa yena ahriqirore yojopūre msa ihñonopū tiqiro tinigū ihñare msa. Ohō saha nine Cohācjū yere tiquina ojoari pūpū

Cristore yahuro: <sup>11</sup>“Ahriqiro utā yero saha ijiriquiro ijire. Utāre wahu dahreatiquina tiquina cohāno saha masa tiqirore cohāri. Tiquina sa yepegūta yojopūre wahu dahreriquina wuhure yeye tiquina cū muhtari utāre tiquina cūno saha Cohācjū tiqirore puhtoro sōri. Tiqiro Cristo pehe mariedagū Cohācjū yequina wahaeraboaya masa. Tiqiro sa ihyo ijiriquiro ijierapegūta msa mari puhtoa mehna tiqirore cahmedari. Msa sa cahmedapegūta Cohācjū pehe tiqirore mari puhtoro sōri”, ni ojoahye panopūre. <sup>12</sup>Ne, apeqiro masare pecapū wahaboriquinare yuhduoriquiro ne mariedare. Ahri yehpapūre Jesu dihita masare yuhduoriquiro ijire. Ne apequna tiqiro yero saha ijieyquina ne mariedare, ni yahuahye Pedro tiquinare.

<sup>13</sup>Tiqiro sa ni yahuri bato Pedro, Ñu mehna buhemehneñequina tiquina ijigū ihñañe, cuero marieno tiquina buhegū ihñañe, puhtoa, bucūna, judio masa buheyequina mehna tuho maria wahahye. Sa ye Jesu yero saha tiquina buhegū ihñañe, ohō saha masiahye tiquina: “Pedro, Ñu gūhu potota Jesu mehna cjēna ijire ahriquina”, ni, masiahye tiquina. <sup>14</sup>Sa yero tini masieniquiro ijimediquiro Pedro gūhu mehna ijiahye. Tiqiro quehnoariquiro ijigū ihñahye puhtoa, bucūna, judio masa buheyequina mehna. Sa ye tiquina Pedro gūhure “Ñano yeye nine”, ni yahusā masiedahye. <sup>15</sup>Sa yahusā masiedaye, puhtoa tiquina cahmecoari tucūpū ijieyquinare Pedro gūhure wijia dutiahye. <sup>16</sup>Tiquina wijari bato tiquina basi ohō saha ni yahuducuahye:

—¿Ahriquinare dahse yenatari mari? ni, yahuducuahye tiquina.

Ohō saha ni yahuducu nemoahye:

—Pedro, Ñu mehna Cohācjū tutuaye mehna tini masieniquirore tinigū yeri jiri. Sa ye Jerusalē cjēna ijipihityequina tiquina sa yerire masidi. Sa yena mari pehe “Sa yerari tiquina”, ni masiedaja mari. <sup>17</sup>Sa yena Jesu tiqiro buherire apeqinare buhe dutieracūhna tiquinare, “Apequna ti buheyere cahmeari”, nina, ni yahuducuahye tiquina basi.

<sup>18</sup>Sa ni yahuducu tuhasa Pedro gūhure pijio, ohō saha niahye:

—Jesu tiqiro buherire ne buheracãhña apeqinare. Tire ne yahuducueracãhña, nimahye tiquinare.

<sup>19</sup> Tiquina sa nigū tãhoye Pedro, Ñu mehna ohõ saha niahye tiquinare:

—Musa ohõ saha nigū mäsare yãhtina, Cohãcjũ pehere yãhdũcãna niboaga usã. ¿Noa pehere usã yãhtigũ cahmeajari musa? ¿Musa pehere usã yãhtigũ cahmeajari musa? ¿O Cohãcjũ pehere usã yãhtigũ cahmedajari musa? <sup>20</sup> Usã pehere usã ihñarire, usã tãhorire usãre nuono basioerare, ni yãhtiahye Pedro, Ñu mehna.

<sup>21</sup> Tiquina sa nigū tãhoye pãhto pehe pari turi dutimahye tiquinare tja:

—Jesu tiqiro buherire musa buheri buhiri ñano yãhdũnata musa, nimahye pãhto tiquinare.

“Ñu, Pedro mehna ñano yeye nine”, ni masiedari jiri tiquina. Sa ye masa pehe tini masieniquiro tiqiro yãhdũgũ ihñañe, “Cohãcjũ potota quehnoariquiro ijire”, niahye masa. Tiquina sa nigū tãhoye pãhto pehe Pedro gũhãre buhiri dahre masieda, tiquinare wioahye. <sup>22</sup> Tini masieniquiro, tiquina yãhdũoriquiro cuarenta cahmari caoriquiro ijiahye.

*Jesu yequina tiquina cueratire siniahye Cohãcjũre*

<sup>23</sup> Sa ye Pedro, Ñu mehna tiquina mehna cjẽna cahapũ esa, pahia pãhto, bucãna tiquinare tiquina nidire yahuahye.

<sup>24</sup> Tiquina sa nigū tãhoye tiquina ijipihiyequina mari Pacure Cohãcjũre siniahye:

—Usã pãhto, mũhu ãhmãsere, yehpare, mãri gũhãre yerigũ, ijipihiyequina catiyequinare yerigũ ijire mũhu. <sup>25</sup> Mũhu yaqiro Espiritu Santo usã ñecũ mũnãno Davire mũhu cahacjũnore ahrire yahu dutiahye mũhu nidiro sahata:

¿Dãhse ye Israe masa ijieyequina usuajari?

Tũho masieñequina ijire masa.

<sup>26</sup> Peye yehpari cjẽna pãhto cahmecoã, mari pãhtoro Cohãcjũre, tiqiro pãhtoro sõriquiro Cristo gũhãre ihña tuhti, ñano ye duare tiquinare, ni yahu dutiahye mũhu Davire panopure.

<sup>27</sup> Sa tjire. Ahri macapũ Herode, Poncio Pilato, judio masa ijieyequina, judio masa mehna mũhu beseriquirore Jesure quehnoariquiro mũhu cahacjũnore

wejë duaye, cahmecoari. <sup>28</sup> Ti pje mũhu cahmediro sahata “Sa waharota”, mũhu nidiro sahata yeri tiquina. Mũhu masiñe mehna sa ni yahuahye mũhu. <sup>29</sup> Sa yegũ usã pãhto, tiquina usãre “Musa buheri buhiri ñano yãhdũnata”, tiquina nidire wacũña mũhu. Usãre yãhdũoya. Sa yegũ usãre mũhu cahacjãnare cuero marieno mũhu buheyere yahu dutiya usãre. <sup>30</sup> Mũhu tutuaye mehna dohatiyequinare yãhdũoya. Sa yegũ mũhu buheyere cuero marieno yahu dutiya usãre. Sa yegũ Jesu quehnoariquiro mũhu cahacjãno tiqiro tutuaye mehna ye ihño dutiya usãre. Sa yegũ dohatiyequinare usã yãhdũ dutigũ tiqiro tutuaye mehna yedohoya usãre, ni siniahye tiquina mari Pacure.

<sup>31</sup> Tiquina sa ni sinidi bato, tiquina cahmecoari wũhu ñuhmia wahahye. Sa ñuhmigũta Espiritu Santo tiqiro tutuaye mehna wacũ tutuayequina wahagũ yehye tiquinare. Sa wahaye, Espiritu Santo tiqiro dutiriro sahata yeye, cuero marieno Cohãcjũ yere yahuahye tiquina.

*Jesu yequina tiquina yere itie tiahye*

<sup>32-33</sup> Sa ye Cohãcjũ tiqiro tutuaye mehna tiquina Jesu cãriquina ohõ saha ni yahue tiahye masare: “Jesu tiqiro masarire usã ihñau”, ni, yahue tiahye tiquina masare. Sa yero tiquinare ijipihiyequinare Cohãcjũ quehnoano yedohoducue tiahye. Sa ye Jesure wacũ tutuayequina peyequina ijieye, tiquina ihcãno saha tãhotuyequina ijie tiahye. Sa ye tiquina yere, tiquina doeri cjẽne “Yee dihita ijire”, ne nieda tiahye. Tiquina ijipihiyequina tiquina yere apee boro marieñequinare tiquina mehna cjẽnare itie tiahye. <sup>34</sup> Sa ye tiquina mehna cjẽna pejecũoyequina marieda tiahye. Tiquina mehna cjẽna dihta cãoyequina, wũhuse cãoyequina tiquina yere duae tiahye. <sup>35</sup> Sa duaye tiquina wapatarire ne cãhta, Jesu cãriquinare ohoe tiahye. Sa ye tiquina pehe tire tiquina mehna cjẽnare itie tiahye. Ijipihiyequina cãoyequinare itie tiahye. <sup>36</sup> Ti pjere ihcãquiro tiquina mehna cjãno Josã wame tiriquiro ijiahye. Jesu cãriquina Josãre Bernabã wame yehye. Tiquiro wame Bernabã “Masare bucueriquiro ijire”, nine griego ye mehna. Tiquiro Levĩ ya curua cjãno Chipre nucãno cjãno ijiahye. <sup>37</sup> Sa yero tiqiro wese



caoriquiro ijiro tire duahye. Sa yero tiquiro wapatarire Jesu cūriquinare ohoahye tiquiro apequinare iti dutiro.

## 5

*Anania tiquiro namono Safira mehna ni mehoahye*

<sup>1</sup> Apequina gūhū Bernabé yero saha yemahye. Tiquina Anania wame tiriqiro, tiquiro namono Safira wame tiricoro ijiahye. Tiquina ya wesere duahye tiquiro.

<sup>2</sup> Sa dueperota tiquiro wapatarire tiquiro basi neahye. Tiquiro namono gūhū tiquiro sa yerire masiahye. Sa yero tiquina wapatarire tiquina dūharire ne cāhta, Jesu cūriquinare ohoahye Anania pehe. Sa ohoro “Oho pehogū niaja”, nimahye tiquiro. <sup>3</sup> Tiquiro sa yegū ihñano Pedro tiquirore yahuahye:

—Anania, watīno mūhūre ni meho dutiri jiri Espiritu Santore. Sa yegū mūhū ya yehpare dua, mūhū wapatarire mūhū basi nedi jiri. <sup>4</sup> Mūhū duato pano mūhū ya wese ijiri. Sa yero mūhū duari bato mūhū ya wapata ijiri. ¿Sa yegū dūhse ijiro boro sa ni mehoari mūhū? Mūhū usā dihitare ni mehoedari. Cohācjū gūhūre ni mehoari mūhū, niahye Pedro tiquirore.

<sup>5</sup> Tiquiro sa nigū tūhorota, Anania pehe doque quehe sa, yariaa wahahye. Sa ye ijipihtiyequina tiquiro sa wahagū masīne, tuturo cueahye. <sup>6</sup> Tiquiro yariari bato wahma pjia ahta, tiquiro pagūre suhtiro cahsero mehna wahme, sopecahapū ne wijia, yahye tiquirore.

<sup>7</sup> Sa ye ihtia hora bato Anania mūnano namono, tiquiro yariarire masiedaro Pedro cahapū sajāhye. <sup>8</sup> Sa yero Pedro ticorore ohō saha niahye:

—¿Mūsa ya wesere duatjiāna noho puno wapatarī mūsa? niahye tiquiro.

Sa yero ticoro manūno mūnano tiquiro nidiro punota, “To punota wapataū usā”, ni yahumahye ticoro.

<sup>9</sup> Sa yero Pedro yahuahye ticorore:

—¿Dūhse yena mūsa ihcāno saha Cohācjū yaquiro Espiriture ni meho duajari? Tūhoya yojoṗṗere. Mūhū manūno mūnanore yariquina ahtare. Mūhū gūhūre mūhū pagūre neñe taye nine, niahye Pedro.

<sup>10</sup> Tiquiro sa ni yahugūta ticoro doque quehe sa yariaa wahahye. Sa ye wahma pjia ti wūhūre sajā wihi, ticoro pagūre ne

wijiaa wahahye. Ne wijia ticorore ne cāa wahahye. Ne cā, ticoro manūno mūnano pari paha yahye. <sup>11</sup> Sa ye Jesu yequina ijipihtiyequina apequina tire tūhoye cue yahduahye.

*Jesu cūriquina Cohācjū tutuaye mehna ye ihñohaye*

<sup>12</sup> Sa ye masa watoapū Jesu cūriquina peye tahari Cohācjū tutuaye mehna ye ihñoe tiahye. Sa ye tiquina Salomo wame tiri tucūpū quehnoari tucūpū cahmecoae tiahye. <sup>13</sup> Sa ye apequina tiquinare cueye, tiquina cahapū wahaera tiahye. Sa cuepeta tiquinare Jesu cūriquinare, “Quehnoañequina ijire ahriquina”, nie tiahye masa.

<sup>14</sup> Sa ye umūa, numia peyequina Jesure wacū tutua dūcahye. <sup>15</sup> Sa ye tiquina dohatiyequinare ne cāhta, coma cjūñe mehna pū ta, duhu cūe tiahye mahapū tiquinare. Sa ye Pedro tiquinare tiquiro ña peogū cahmeahye tiquinare ne cāhtariquina pehe dohatiyequina tiquina yūhdūgū cahmeñe. Tiquinare tiquiro ña peoragū Pedro tiquina bui watidoque peogū cahmeahye tiquina. Ti dihitare cahmeahye tiquina yūhdūato saha. <sup>16</sup> Sa ye Jerusalē caha ijiye macari cjēna gūhū dohatiyequinare, watīa mehna ijiyequina gūhūre ne cāhtae tiahye. Ijipihtiyequina tiquina pagūri quehnoa wahahye.

*Jesu cūriquinare apequina ñano yee tiahye*

<sup>17</sup> Tiquina sa yegū ihñane pahia pūhtoro, tiquiro mehna cjēna mehna Pedro gūhūre ihñā tuhtiahye. Pahia pūhtoro mehna cjēna saduceo masa ijiahye. <sup>18</sup> Sa ye tiquina usua yūhdūa, Jesu cūriquinare ñehe, peresu yeahye. <sup>19</sup> Sa yero ñamipū Cohācjū yaquiro angel pōohye tiquinare peresupū dujiyequinare. Sa ye tiquinare wijia ta dutiro yahuahye angel:

<sup>20</sup> —Cohācjū wūhūpū wahaya. Ti wūhūpū ijina Cohācjū tiquiro masorire ahri quehnoañe buheyere yahuya masare, niahye angel tiquinare.

<sup>21</sup> Tiquiro sa nigū tūhoye, ñami cjūno Cohācjū wūhūpū sajā, masare buheahye tiquina. Ti decota pahia pūhtoro, tiquiro mehna cjēna, Israe masa pūhtoa mehna cahmecoae, Jesu cūriquinare peresupū ijiyequinare ne cāhta dutimahye surara pūhtoare. <sup>22</sup> Sa niepegūta surara pūhtoa peresu tiquina yeri wūhūpū waha, ihñahye.

Tiquinare bocaerahye. Bocaera, tojoa wahahye. Tojoa sa yahuahye tiquina puh-toare:

<sup>23</sup>—Peresupn ijiye sope pahmari bihari pahmari dihita ijiri. Sa ye ti pahmari cahapn tiquina peresu yeriquinare cohteyequina ducuri. Sa ihñan usā. Usā sa ihñapegūta pōo sāa, usā ihñagū, tiquina peresu yeriquina mariedari, ni yahuahye tiquina.

<sup>24</sup>Tiquina sa nigū tūhoye, surara Cohācjū wūhūre cohteyequina puh-toro, pahia puh-toa mehna tire tūho, tūho maria wahahye. “¿Dūhse waha soh-toro tirotari ahri, tiquina sa ye ye?” ni, tūhotuahye tiquina. <sup>25</sup>Sa yero tiquina cahapn apequiro ahta, tiquinare yahuahye:

—Musa peresu yeriquina Cohācjū wūhūpn ijiri. Ihñana wahaya. Ti wūhūpn masare buheye nidi tiquina, ni yahuahye.

<sup>26</sup>Tiquiro sa nigū tūhoro, surara puh-toro tiquiro yequina surara mehna waha, Jesu cūriquinare pari turi ñeche cāhtahye tja. Sa ñehepeta tiquinare surara tuhtierahye. Sa ye tiquinare quēboriquina ijiepetā, masare cueye quēdahye tiquinare. “Ahriquinare mari quēgū apequina masa pehe utā paca mehna doqueeta marine”, ni, tūhotuahye tiquina surara pehe. <sup>27</sup>Sa ye tiquinare ne cāhta, puh-toa caha duhu docoahye tiquina. Tiquina sa ne wihū duhu docogū pahia puh-toro tiquinare tuhtiahye:

<sup>28</sup>—Musare usā tutuaro dutimi. “Jesu yere buheracāhñā”, nimi usā musare. Usā sa niepegūta musa pehe ijipihtiyequina Jerusalē cjenare buheri musa. Jesu tiquiro yariari buhiri, usāre buhiri tigū ye duana niaga musa, niahye puh-toro pehe.

<sup>29</sup>Tiquiro sa nigū tūhoro Pedro pehe apequina Jesu cūriquina mehna yūhtiahye:

—Cohācjū dutiri pehere ye muhtanātja. Sa yena came Cohācjū cahmegū masa tiquina dutiyere yena tja. <sup>30</sup>Cohācjū, mari acaye panopn cjenā puh-toro Jesure masori jiri. Tiquirota ijire musa curusapn quē biha wejēdiquiro. <sup>31</sup>Jesure “Quehnoagu ijire”, ni, tiquiro poto pehe duji dutiri Jesure tiquiro Pacuro pehe. Sa yero Jesu masa puh-toro, masare masoriquiro ijiro, Israe masare tiquina ñañe yerire bujau witiyequina iji dutiro, tiquina ñañene cohā duare Jesu. <sup>32</sup>Sa yena usā pehe Jesu tiquiro yerire ihñarina ijina tire yahua ja usā. Espiritu

Santo tire ihñariquiro ijiro yahure tiquiro gūhū. Tiquirore Espiritu Santore Cohācjū ohori. Ijipihtiyequina Cohācjū dutiyere yeyequinare tiquiro Espiritu Santore ohori, ni yahuahye tiquinare.

<sup>33</sup>Tiquiro sa nigū tūhoye puh-toa pehe usua yūhdūahye. Sa ye tiquina Jesu cūriquinare wejē duamahye. <sup>34</sup>Sa wejē duepegūta Gamalie, fariseo masano topn ijiriquiro tiquinare “Wejēari”, nino tiquinare yahuro taro niahye. Tiquiro puh-toa mehna cjenō, dutiyere buheriquiro ijigū, masa tiquirore ño peoe tiahye. Tiquiro Jesu cūriquinare mehenogā cohte dutiro ape siepn tiquinare ne cā dutiahye surarare. Tiquina sa ne cāri bato tiquiro yahuahye masare:

<sup>35</sup>—Musa Israe masa, ahriquinare musa yeatire quehnoano tūhotuya “Musapn wejēari”, nina. <sup>36</sup>Wacūña Teuda mūnanore. Tiquiro basi “Masare yūhdūdcagū ijia ja yūhū”, nidi masare. Sa ye masa peyequina cuatro cientos masa tiquiro mehna cjenā tojoari. Sa ye apequina pehe tiquirore wejēdi jiri. Tiquiro buheyere buheriquina pehe waha sitea wahari jiri. Sa ye tiquina mūna yojopure mariedare. <sup>37</sup>Came masare tiquina queori pje ijigū Galilea cjenō Juda wame tiquiro mūnāno masare tiquiro buhegū tiquiro mehna masa peyequina tojoari. Tiquiro gūhū yariaa wahari jiri. Sa ye tiquiro yequina ijipihtiyequina waha sitea wahari jiri. <sup>38</sup>Sa nigū musare yojopu ahriire yahugū niaja. Sa ihñā cāhñā ahriquinare Jesu yere yahuyequinare. Sa ye ahri buh-eye, ahriquina ye buheye Cohācjū ye buh-eye ijieraro, pihtia waharota Teuda gūhū tiquina ye buheye ti pihtiro sahata. <sup>39</sup>Sa ijiepegūta ahri Cohācjū ye buheye ijiro, ne pihtisi. Ahri buheye Cohācjū ye ijigū ne ahriire butigū ye masiedare musa. Musa ahriire butigū ye duana Cohācjū mehna cahmequena niboaga musa, niahye Gamalie tiquinare.

<sup>40</sup>Tiquiro sa ni yahugū tūhoye, “Ijirota ijire”, ni tūhotuahye masa. Sa ye tiquina Jesu cūriquinare pijio, tiquina wihigū ihñañe, tiquinare tanahye. “Jesu yere buheracāhñā musa”, ni tuhasa, tiquinare waha dutiahye. <sup>41</sup>Tiquina sa waha dutigū tūhoye tiquina puh-toa cahapn ijiriquina wahaa wahahye. Jesu yere tiquina yeri buhiri ñano yūhdūye tutuaro bucheahye

Jesu cūriquina. <sup>42</sup> Sa ye decoripe Cohācjū wuhəpə, tiquina ye wuhusepə Cristo Jesu ye buheyere yahue tiahye tiquina.

## 6

*Siete yedohoyequinare beseahye Jesu yequina*

<sup>1</sup> Ti decorire Jesu buheyequina peyequina wahahye. Sa ye judio masa tiquina quehnoano yeragū ihñañe griego masa pehe tiquina mehna cahme tuhtiahye Jesu yequina dihita ijiepetā. Griego masa wape wiha numiare decoripe tiquina ihyayere quehnoano tiquina itieragū ihñañe, judio masare tuhtiahye. <sup>2</sup> Sa ye doce Jesu cūriquina, peyequina Jesu buheyequinare tiquina cahapə pijio, ohō saha ni yahuahye:

—Usā Cohācjū yere buhena ijiaja. Ihyayere itiborina ijieraja usā. <sup>3</sup> Mūsa usā acaye, siete umuare, “Quehnoañequina”, apequina tiquina niñequinare, quehnoano tūho masiñequinare, Espiritu Santo cūoyequinare macañā. Tiquinare ihyayere iti dutiya mūsa. <sup>4</sup> Sa yena usā pehe decoripe Cohācjūre sini, Cohācjū yere buhenatja, niahye tiquina Jesu cūriquina.

<sup>5</sup> Tiquina sa nigū tūhoye, “Añ, sata yeihna”, niahye tiquina ijipihtieyequina Jesu yequina. Sa ye Estebāre Cristore wacū tutuariquirore, Espiritu Santo tutuayere pajiro cūoriquirore beseahye tiquina. Apequina gūhure beseahye. Felipere, Prócorore, Nicanore, Timore, Parmenare, Nicolare ihyaye itiatiquinare beseahye tiquina. Nicola pehe judio masuno ijieriquiro Antioquía cjūno judio masa ye buheyere cahmeno, tiquina mehna sajāmediquiro ijiahye. <sup>6</sup> Tiquina beseriquinare Jesu cūriquina cahapə ne wihiahye apequina Jesu yequina pehe. Tiquina sa ne wihigū ihñañe tiquina Cohācjūre sini basaye, tiquina beseriquina bui omocarine duhu peohayhe.

<sup>7</sup> Sa ye ti yehpa cjēna Cohācjū yere masi pihti cjūñe niahye. Sa ye Jerusalēpə ijieyequina Jesu buheyequina peyequina wahahye. Sa ye pahia gūhū peyequina Jesu yequina wahahye.

*Apequina Estebāre ñeheahye*

<sup>8</sup> Sa yero Estebā Cohācjū tutuayere cūoriquiro ijiahye. Tiquiro Cohācjū quehnoano yenhriquiro ijiahye. Sa

yero tiquiro Cohācjū tutuayere mehna ye ihñoahye masa tiquina ihño. <sup>9</sup> Tiquiro sa yepegūta judio masa tiquina buheri wuhū cjēna tiquirore ihña tuhtiahye. Sa ye tiquiro mehna cahme duse tini wiaye niahye. Cahācjēna ijirire yahdū wiritiquina wame tiyequina ijiahye tiquina. Cirene cjēna, Alejandría cjēna, Cilicia cjēna, Asia cjēna mehna peyequina ijiahye tiquina. <sup>10</sup> Sa ye Estebā quehnoano masiniquiro Espiritu Santore pajiro cūoriquiro tiquiro yahuducugū tūhoye tiquina “Mūhū nidi potō ijierare”, tiquirore ni ihño masiedahye. <sup>11</sup> Sa tūho dueraye tiquina apequinare ni meho dutiye, wapa yeahye tiquinare. Tiquina sa ni meho dutigū ohō saha ni yahusāmahye tiquina:

—Ahriquiro Cohācjūre tiquiro ñano yahuducugū, Moiserere tiquiro ñano yahuducugū gūhure usā tūhou, ni yahusāmahye ni mehoñequina pehe apequinare.

<sup>12</sup> Tiquina sa nigū tūhoye masa, judio masa buheyequina, bscūna gūhū tiquiro mehna usuahye. Sa ye tiquina Estebāre ñehe, tiquina puhtoa cahapə neahye tiquirore. <sup>13-14</sup> Sa ye tiquina apequinare ni meho dutiahye:

—Ahriquiro decoripe Cohācjū wūhure, tiquiro dutiye gūhure ñano yahuducuriquiro ijire. Tūhou usā tiquirore tiquiro ohō saha nigū: “Jesu Nazare cjūno Cohācjū wūhure cohānota. Sa yero tiquiro Moise dutiyere marine yahurire comesarota Jesu”, nidi Estebā usā tūhogū, ni meho yahusāmahye tiquina.

<sup>15</sup> Sa ye ijipihtieyequina topə dujiyequina Estebāre quehnoano ihñadoque ohō, tiquiro wahdoare ihñahye tiquina. Angel yero saha bajuahye tiquiro wūhdoa.

## 7

*Estebā Jesu yere yahuahye*

<sup>1</sup> Sa ye pahia puhtoro sinituahye Estebāre.

—¿Ahriquina niñe potota ijiajari? ni, sinituahye tiquiro Estebāre.

<sup>2</sup> Tiquiro sa nigū tūhorō, Estebā pehe tiquinare ohō saha ni yahuahye:

—Yūhū acaye, bscūna, usā pacusūmna tūhoya. Abrahā marī ñecu mūnāno panopə cjūno Mesopotamiapə tiquiro ijigū, Harāpə tiquiro ijiato pano, Cohācjū tutuariquiro

asi siteriquiro pehe tiqirore Abrahāre bajuahye. <sup>3</sup> Sa bajuaro Cohācjū yahuahye tiqirore. “Mūhū ya yehpare mūhū acaye mehna ijieracāhña. Sa yegū ape yehparū wahaya. Mūhū sa wahagū mūhure ti yehpare ihñogutja yūhū”, niahye Cohācjū Abrahāre. <sup>4</sup> Tiquiro sa nigū tuhoye, Abrahā gūhū Caldea yehpa cjēna ya yehparū ijiriquina wahahye. Sa yero Harāpū esahye. Topū esa, ijiahye. Sa yero tiqiro pacuro yariari bato ahri yehpa yojopū musa ijiri yehparū Cohācjū ahta dutiahye Abrahāre. <sup>5</sup> Cohācjū Abrahā tiqiro ijiri yehpare quehnoano waro cūedarīahye tiqirore. Ne mehenogā cūedarīahye. Sa yero Abrahā pohna marieniquiro ijiepegūta Cohācjū pehe tiqirore ohō saha ni yahuahye. “Mūhūre, mūhū panamena ape tjuro cjēnapūre ahri yehpare ohogutja”, niahye Cohācjū Abrahāre. <sup>6</sup> Sa ninota ohō saha ni yahu nemoahye Cohācjū. “Mūhū panamena ape tjuro cjēna ape yehparū wahaye, topū apequina caharū ijije, tiquina cahacjēna ijieta tiquina. Sa ye cuatro cientos cūhmari waro to cjēna ñano yeeta mūhū panamena iji turiayequinare. <sup>7</sup> Sa yegū to cjēnare tiquina sa yeri buhiri buhiri dahregutja yūhū. Yūhū sa yeri bato mūhū panamena iji turiayequina ahri yehparū wihieta tja. Sa ye ahri yehparū yūhū cahacjēna ijieta tiquina”, niahye Cohācjū Abrahāre. <sup>8</sup> Sa nino Cohācjū “Yūhū nidiro sahata yegutja”, nino Abrahā tiqiro wacūatire ohō saha cūahye tiqirore. Cūhncunū sohtoa cahserogāre yūhure ne dutiahye tiqirore, tiqiro ni yahuripūre wacū dutiro. Sa ye Abrahā Isaare pohna tiahye. Ocho decori bato cūhncunū sohtoa cahserogāre yūhure neahye Isaare. Came Isaac Jacore pohna tiahye. Sa yero Jacob doce waro pohna tiahye. Tiquina doce pehe mari ye cururipe mari dahpoto cjēna ijiatiquina ijiahye.

<sup>9</sup> Sa ye tiquina mari ñecusumua mūna panopū cjēna Josére cooye ihña tuhtye, tiqirore dua cāhye Egiptopū wahayequinare. Sa yero Josére Cohācjū yedohoahye. <sup>10</sup> Tiquiro ñano yūhdugū ihñano Cohācjū tiqirore yedohoahye. Tiquiro sa yedohogū José pehe quehnoano tūho masiniquiro wahahye. Sa yero faraō Egipto cjāno puhtoro pehe Josére

cahmeahye. Tiquirore cahmegū yeahye Cohācjū pehe. Tiquiro sa yegū faraō pehe Josére puhtoro sōahye tiqiro yequina masare dutiatiquirore. Tiquiro faraō ya wūhū gūhure puhtoro ijiahye.

<sup>11</sup> Sa ye ti pjere Egiptopū, Canaarū ne acoro ahtaerahye. Sa ye ñano yūhdūahye to cjēna. Sa ye mari ñecusumua mūna panopū cjēna ihyayere bocaerahye. <sup>12</sup> Sa bo-caeraro Egiptopū trigo ijigū tuhoro, Jacob tiqiro pohnene mari ñecusumua mūnare topū coā ohoro niahye. <sup>13</sup> Came Egiptopū tiquina esagū José tiqiro wahmisumūare yahuahye. “Musa bahuta ijiaja yūhū”, niahye tiquinare. Sa yero José acayere coā ihñano niahye puhtoro faraō. <sup>14</sup> Came José tiqiro wahmisumūare tiqiro pacuro Jacore piji dutiro ohoahye. Tiquiro acaye setenta y cinco masa ijiahye. <sup>15</sup> Tiquiro macūno pijiogū tuhoro Jacob wahahye Egiptopū tiqiro macūno caharū. Tiquiro macūno caharū ijiro, came yariaa wahahye. Sa ye mari ñecusumua mūna gūhū topū yaria piltia wahahye. <sup>16</sup> Sa ye Siquē wame tiropū tiquina pagūrire nea, masa coperire sehe tuhasa cohāhye tiquina pagūrire. Abrahā tiqiro dūri yehpa ijiahye ti yehpa. Panopū Abrahā ti yehpare Hamor pohnene dúahye niñeru mehna.

<sup>17</sup> Sa yero Cohācjū Abrahāre “Ahri yehpare ohogutja mūhūre”, niahye. Ti yehpare “Ohogutja”, tiqiro nidi pje umū sagū tiqiro acaye Israe masa peyequina masa wahahye. <sup>18</sup> Egiptopū tiquina ijinigū, apequiro puhtoro sajāhye. Sa yero tiqiro puhtoro pehe Josére masiedahye. <sup>19</sup> Tiquiro mari acayere ñano ye dua, tiquina pohnene wejē dua, cohā dutiahye tiquinare. Sa yero mari ñecusumua mūna iji turiayequinare ñano yeahye puhtoro faraō pehe. <sup>20</sup> Tiquiro sa yeri watoa Moise mūnano pehe masa bajuahye. Tiquiro quehnoariquiro, Cohācjū tiqiro quehnoano ihña coariquiro ijiahye. Sa ye ihtia asū waro quehnoano ihboahye tiquiogāre tiqiro pacusumua. <sup>21</sup> Sa yero Moisere tiquina nūo nemoedagū faraō maco tiquiogāre ihña boca, ne maja, ticoro macūnore yero saha cūoahye tiquiogāre. <sup>22</sup> Sa ye Egipto cjēna quehnoano masiñequina yere buheahye Moisere. Sa yero cuero marieno yahuducuriquiro puhtoro yero saha yeriquiro ijiahye Moise.

<sup>23</sup> Sa ijieperota tiqiro cuarenta cūhmari

сәоро тiquiro acayere Israe masare ihña duaro tiquina cahapũ tinino wahahye. <sup>24</sup> Sa tinino esaro Egıpto cñũno Moise acayũrore tiquiro ñano yegũ Moise ihñaahye. Sa ihñano tiquiro acayũrore yedohoahye Moise. Tiquiro acayũrore yedohoro, Egıpto cñũno pehere wejẽahye tiquiro. <sup>25</sup> Sa yero Moise ohõ saha ni tũhotumahye. “Yũhu acaye tiquina acayũrore yũhu yedohogũ ihñañe ‘Cohãcñũ marine quehnoano yedohogũ ye dutiro ohori ahriquirore’, ni tũhotueta yũhu acaye”, ni tũhotumahye Moise. Tiquiro sa ni tũhotuepegũta tiquina pehe ne sa ni tũhotuerahye. <sup>26</sup> Ape decopũ Moise tiquiro acayere pũaro tiquina basi cahmequeñequinare ihñaahye. Sa yero tiquiro tiquinare yahumahye. “¿Musa basi ijiepenata cahmequejari musa?” nimahye Moise tiquinare. <sup>27</sup> Tiquiro sa nigũ tũhoro ihcãquiro tiquiro acayũrore ñano yeriquiro Moisere tудоqueoahye. “Mũhu usã pũhto ijierare. Usãre dutigũ ijierare mũhu. <sup>28</sup> ¿Canũre Egıpto cñũnore mũhu wejẽdiro sahata yũhũre wejẽ duagu nijari mũhu?” niahye tiquiro Moisere. <sup>29</sup> Tiquiro sa nigũ tũho maria waha, Moise oma duhti cãa wahahye. Madiã yehpapũ wahaa wahahye. Topũre numino boca pũaro pohna tiahye.

<sup>30</sup> Sa ye Moise cuarenta cũhmari waro topũ tiquiro ijiri bato Sinaf wame tidũ canũ caha masa marienopũ tiquiro ijigũ angel tiquirore bajuahye. Angel pehe yucũgu mehenugã ãjũri peca pohnapũ bajuahye. <sup>31</sup> Tu sa ãjũgũ ihñano Moise ihña maria wahahye. Ti pecare cahagã quehnoano tiquiro ihñano wahagũ waro Cohãcñũ tiquirore yahuahye. <sup>32</sup> “Cohãcñũ ijiaja yũhu. Mũhu ñecũsumũa Abrahã, Isaac, Jacob tiquina ño peorigũ ijiaja”, niahye Cohãcñũ Moisere. Tiquiro sa nigũ tũhoro Moise pehe nanarea wahahye. Ne ihña wahcõedahye. <sup>33</sup> Sa yero Cohãcñũ yahuahye tiquirore. “Mianogãta yũhu cahapũ ducũgu nine mũhu. Sa yegũ cua pesaro mehna mũhu dahpo suhtire tu weya. <sup>34</sup> Yeequina masa Egıtopũ tiquina ñano yũhdũgũ ihñaũ. Tiquina utiyere tũhou. Sa yegũ tiquinare yedohogũ ahtau. Tiquina sa wahagũ ihñaũgũ wahaya mũhu gũhu. Egıtopũ mũhũre ohogũtja tiquinare yedoho dutigũ”, niahye Cohãcñũ Moisere.

<sup>35</sup> Tiquina pehe mari acaye Israe masa Moisere cahmedahye. “Mũhu usã pũhto

ijierare. Mũhu usãre dutigũ ijierare”, Moisere sa niñe cahmedaye niahye tiquina. Tiquina sa cahmedapegũta Cohãcñũ tiquirore Egıtopũ ohoahye, mari acayere Israe masare yedohoatiquirore, pũhoro ijiaitiquirore. Angel tiquirore yucũgu bajuariquiro pehe oho basahye tiquirore. <sup>36</sup> Moise mari acayere Israe masare Egıtopũ ijieyequinare wioahye. Sa yero Egıtopũ ahriquiro Moise Cohãcñũ tutuaye mehna ye ihño dũcahye. Sa yero pajiri ma sohãri mapũ sa yeahye tja. Camerũ masa marienopũ gũhũre cuarenta cũhmari waro Cohãcñũ tutuaye mehna ye ihñoahye tiquiro. <sup>37</sup> Ahriquiro Moise pehe mari acayere Israe masare yahuahye. “Yũhu yero saha ijiriquirore Cohãcñũ yere yahu mũhtariquirore Cohãcñũ ohorota. Sa yero tiquiro musa mehna cñũno musa acayũro ijirota”, niahye Moise tiquinare. <sup>38</sup> Moise masa marienopũ mari acaye Israe masa mehna ijiahye. Sa yero Sinaf wame tidũ canũpũ tiquirore yahuriquiro angel mehna ijiahye. Sa yero mari ñecũsumũa panopũ cñẽna mehna ijiahye tiquiro. Cohãcñũ tiquiro dutiyere cũriquiro ijiahye Moise.

<sup>39-40</sup> Sa ye ti dutiyere canũpũ Moisere tiquiro cũri watoa mari ñecũsumũa panopũ cñẽna Egıtopũ tojoaa duahye, Moisere yũhdũdũcayehye. Tiquina tiquirore cahmedahye. Sa cahmedaye, tiquina Moise bahũro Aarõre ohõ saha niahye: “Cohãmana queoyere yeya mari yequina ijia-tiquinare. Sa ye tiquina mũhu yeriquina marine dutiye mari waha duari mahapũ marine neaeta. ¿Tiquiro Egıtopũ ijieyequinare marine ne cãhtariquiro Moise dũhse wahayari tiquiro? Masiedaja usã”, niahye tiquina. <sup>41</sup> Sa ye ti decorire tiquina wecũ queoyere uru mehna yeahye. Sa ye tuhasa, tiquina wahiquinare wejẽ, tiquina yeriquiro cahapũ ne cãhta, ño peoahye tiquirore. Sa ye tiquina yeriquiro wecũre ihña, bucue, boscue deco yeahye. <sup>42</sup> Cohãcñũ wecũre tiquina ño peogũ ihñano tiquinare cohã cãa wahamahye. “Yũhũre cohã, ñahpicoha pehere ño peocũnahdo”, nino cohã cãa wahamahye. Cohãcñũ yere yahu mũhtariquina sa ni, ojoahye.

Musa yũhũre ña yũhũaro yeri. Israe masa masa marienopũ cuarenta cũhmari waro ijina, wahiquinare musa wejẽnequinare musa ãjiañe-

quinare ohona, yuhure masa ño peoboriro sahata yemedi masa. Sa yepenata yuhū pehere masa ño peoerari. <sup>43</sup> Sa yena masa Molo wame tiriquire ño peona ijina, tiquire ño peori wuhure cuori masa. Nahpicoha apequiro cohācjū Rejā wame tiria queoyere masa yeriare masa ño peori tja. Ti queoyere masa yeriquinare masa ño peori. Masa sa yeri buhiri musare Babilonia ape sie pahrēpu cohāgūtja yuhū, ni, yahu ojoahye Cohācjū yere yahu mūhtariquina.

<sup>44</sup> Sa ye masa marienopū Cohācjū masa mehna tiquire ijiri wuhure wahiquina cahseri wuhure cuoahye mari ñecusumua panopū cjēna. Ti wuhū Cohācjū masa mehna tiquire yahuducuri wuhū ijiahye. Ti wuhū Cohācjū dutiye tiquire ojoari pjīni utā pjīni ijiahye. Ti wuhure Cohācjū tiquire yahuro sahata Moiseri tiquire ihñoriro sahata dahre dutiahye Cohācjū Moiseri. <sup>45</sup> Sa ye mari ñecusumua panopū cjēna Josué mehna ti wuhure wahiquina cahseri mehna tiquina yeri wuhure ne cāhtahye ahri yehpapū mari ijiri yehpapū. Tiquinare mari acaye Israe masare Cohācjū tiquire cūati yehpapūre ahri yehpapūre tiquina wihato pano ahri yehpapū iji mūhtariquina Cana cjēna mūnare Cohācjū cohā cāhye. Ti pjere Cohācjūre ño peori wuhure wahiquina cahseri wuhure cuoahye mari ñecusumua. Tee Davi mūnano tiquire ijigūpū cūo bato tiahye ti wuhure. <sup>46</sup> Sa yero Davi mūnano Cohācjūre bucuegū yeahye. Sa yero Cohācjū ya wuhū ijiatire Davi pehe ye duaro, sinimahye Cohācjūre. <sup>47</sup> Tiquire sa siniepegūta Salomo pehe Cohācjū ya wuhure yeahye. <sup>48</sup> Tiquire sa yepēgūta Cohācjū pehe masa tiquina yeri wuhūre ijierare. Ohō saha niahye Cohācjū yere yahu mūhtariquire.

<sup>49</sup> “Uhmuse yuhū dujiro ijire. Topū dujigū dutiaja yuhū. Sa yero yehpa pehe yuhū dahpocārine duhu peoro yero saha ijire. Yuhū tutua yuhūdagū ijiaja. Ya wuhū ijiatore ye masiedare masa. Cohācjū yuhū ijigū yuhū ijati wuhure masa ye masiedare. <sup>50</sup> Yuhū basi ahri yehpare ijipihtiro yei yuhū”, niahye Cohācjū, ni ojoahye Cohācjū yere yahu

mūhtariquire.

<sup>51</sup> Musa ne yuhti duena ijire. Cohācjū yere tuhopenata, tiquire yuhti duerare. Espiritu Santore yuhūduca yuhūduare masa. Masa ñecusumua tiquina yeriro sahata yere masa. <sup>52</sup> Masa ñecusumua ijipihtiequina Cohācjū yere yahu mūhtariquinare ñano yeahye. Tiquina Cohācjū yere yahu mūhtariquina pehe “Came quehnoariquire Cohācjū yere yahu mūhtariquire ahtarota”, tiquina ni yahuyequina ijigū tuhoye masa ñecusumua mūna sa ni yahuriquinare wejē tiahye. Sa yena “Quehnoariquire”, tiquina nidiquire masa gūhū yojopūre tiquire ya curua cjāna ijiepenata tiquire wejēdi. <sup>53</sup> Cohācjū dutiyere angele pehe yahumahye musare. Sa yena masa ti dutiyere cuomahye. Sa yena ti dutiyere yuhūducarī masa, niahye Estebā.

*Tiquina Estebāre utā paca mehna doque wejēahye*

<sup>54</sup> Tiquire sa nigū tuhoye tiquina pehe tutuaro usuahye. Sa tutuaro usuaye, cuayequina wahahye. <sup>55</sup> Tiquina sa usuepegūta tiquire Espiritu Santo dutiriro sahata ye pehoriquire ijiro, tiquire tutuayere quehnoano cuoriquire ijiro, uhmūsepu ihñadoque mūo, Cohācjū asi siteyere ihñahye Estebā. Jesu Cohācjū poto pehepu ducugū ihñahye tiquire. <sup>56</sup> Sa ihñano ohō saha niahye:

—Uhmūsepu mehenogā parī we maagū Jesu Cohācjū ohoriquire Cohācjū poto pehepu tiquire ducugū ihñaja yuhū, niahye Estebā.

<sup>57</sup> Tiquire sa nigū tuhoye tiquina tutuaro sañuducu, tiquina cahmo coperice biha cā, ihcāno mehna tiquire cahapū oma maa cā, tiquire ñeheahye. <sup>58</sup> Nehe tuhāsa, tiquire ne cā, ti maca dūhtu cahapū cohāhye tiquire. Sa ye utā paca mehna doque wejēahye tiquire. Tiquina sa wejēato pano tiquire yahusāriquina tiquire utā paca mehna doqueatiquina tiquina suhtire tu we, wahmūnore Saulo wame tiriquire tiquina suhtire cūo basa dutiahye. <sup>59</sup> Sa yero Estebāre tiquina wejēato pano ohō saha niahye tiquire:

—Jesu yuhū pūhto, yuhū jeripohnare neña, niahye tiquire.

Tiquire sa nino watoa tiquina pehe utā paca mehna doqueye niahye tiquire.

<sup>60</sup> Sa yero tiquiro dusepe curi mehna quehe sa, ohō saha niahye:

—Puhto Jesu, ahriquina yojopu ñano yahure tiquina yeyere tiquinare buhiri dahreracāhña mūhu, niahye Estebā.

Sa nidi bato tiquiro yariaa wahahye.

## 8

<sup>1</sup> Sa yero Estebā tiquiro yariagū ihñano, “Quehnoare”, niahye Saulo pehe.

*Saulo Jesu yequinare ñano yeahye*

Sa ye ti decoreta Jesu yequinare Jerusalēpu ijiyequinare ñano ye dūcahye apequina pehe. Tiquina sa ye dūcagū Jesu yequina Judea yehapu, Samaria yehapu, yoaropu duhti site cāa wahahye. Jesu cūriquina dihita wahaerahye. <sup>2</sup> Sa ye apequina Cohācjüre ño peoyequina Estebāre ya, tutuaro utiahye tiquina. <sup>3</sup> Sa yero Saulo pehe Jesu yequinare ña yahduaro yee timahye. Tiquiro tiquina ye wuhusepu sajā, mūhare, numiare ñehe, peresupu biha docoe tiahye.

*Samariapu Jesu yere buheahye Felipe*

<sup>4</sup> Sa yeye yoaropu waha siteriquina Jesu yere buheahye. <sup>5</sup> Sa yero Felipe Samaria wame tiri macapu esa, Cristo yere buheahye ti maca cjēnare. <sup>6</sup> Tiquiro sa buhegū ti maca cjēna quehnoano tuhoe tiahye. Sa ye Cohācjū tutuaye mehna tiquiro ye ihñogū ihñahye tiquina. Sa ihñāne tiqiore quehnoano tuhoe tiahye. <sup>7</sup> Peyequina watīare cūoyequina tiquiro cahapu tiquina wihigū ihñano watīa pehere waha dutie tiahye tiquiro. Watīa pehe tutuaro sañuducu, duhu cāa wahahye tiquina. Sa yero peyequina tini masieñequinare, pari yuri wahayequinare quehnoano pagu tiyequina wahagū yeahye. <sup>8</sup> Tiquiro sa yegū ihñāne ti maca cjēna peyequina masa buceahye.

<sup>9</sup> Ti pjere Simo wame tiriqiro ti maca cjēno yairo ijiyahye. Sa yero yayia tiquina yerire ye ihñoe tiahye Samaria cjēnare. Tiquiro sa ye ihñogū ihñāne, ti maca cjēna ihña maria waha, tiqiore cua pesaro ihñae tiahye.

—Yūhu masi pehogu ijiaja, nimahye Simo pehe tiquinare.

<sup>10</sup> Tiquiro sa yegū ihñāne masa pehe ohō saha nie timahye:

—Ahriqui Cohācjū ye tutuayere cūoriqiro ijire. Cohācjū yero saha tutuariqiro ijire, nie timahye tiqiore masa, puhtoa mehna.

Tiquina ijiptiyequina quehnoano tuhohye tiqiore.

<sup>11</sup> Tiquiro yayia tiquina yeye mehna yoari pje ye ihñoe tiahye tiquinare. Tiquiro sa ye ihñogū ihñāne tiquina ihña maria wahae tiahye. Sa ye tiquina tiqiore ño peoe tiahye. <sup>12</sup> Tiquina sa ño peoepegūta Felipe pehe Cohācjū tiquiro puhtoro ijiyere, Jesucristo yere quehnoane buheyere yahuahye. Tiquiro sa yahugū tiquina tiqiore quehnoano tuhohye. Tiquina sa quehnoano tuhogū ihñano mūha, numia gūhure wame yeahye Felipe. <sup>13</sup> Sa yero Simo gūhu Felipere quehnoano tuhoe tiahye. Sa yero tiquiro gūhure wame yeahye. Tiquiro sa wame yeri bato Felipe mehna tojoae tiahye tiquiro. Felipe pehe Cohācjū tutuaye mehna tiquiro ye ihñogū ihñano, dohatiyequinare tiquiro yahduogū ihñano Simo ihña maria wahahye.

<sup>14</sup> Sa ye Samaria cjēna Cohācjū yere tiquina tutuaro cahmegū Jesu cūriquina Jerusalēpu ijiyequina tuhooahye tiquinare. Sa tiquina cahmegū tuhoooye Pedrone, ņu gūhure ohoahye Samariapu. <sup>15</sup> Topu esaye Pedro gūhu Cohācjüre siniahye. “Ahriquina Samaria cjēna mūhure ño peoyequina mūhu yaqiro Espiritu Santore cūoahro”, ni, sini basahye tiquina Cohācjüre. <sup>16</sup> Tiquina Samaria cjēna Jesucristo wame mehna wame yeriquina ijiyahye. Ti dihitare masiahye tiquina. Sa ye Espiritu Santore cūoera tiahye ti pjere tiquina. <sup>17</sup> Sa ye Pedro, ņu mehna Samaria cjēnare tiquina omocarine tiquina bui duhu peori bato Espiritu Santore cūo dūcae tiahye tiquina.

<sup>18</sup> Sa yero Pedro gūhu tiquina omocari mehna tiquina duhu peogū ihñahye Simo. Espiritu Santore tiquina ñehogū gūhure ihñahye tiquiro. Sa ihñariqiro ijiro, ti tutuayere cahmeno, niñeru mehna wapa ye duamahye. Ohō saha nimahye Simo:

<sup>19</sup> —Yūhu gūhure ohoya ahri tutuayere. Yūhu gūhu yūhu omocari mehna masa bui duhu peo yegu tūu niaja Espiritu Santore tiquina ñeheato saha. Sa yegu ahri yūhu

yeati wapare wapa ye duaja, nimahye Simo tiquinare.

<sup>20-21</sup> Tiquiro sa nigū tūhoro Pedro ohō saha niahye:

—Mūhū niñeru mehna Cohācjū ye tutu-ayere mūhū dú duari buhiri mūhū niñeru mehnata pecapū wahaya mūhū. Cohācjū mūhū tūhotuyere masine. Mūhū ñagū ijinine. Sa yegū ahrire usā yeyere ye masiedare mūhū. Ahrire yebogū ijier-are mūhū. <sup>22-23</sup> Tutuaro ihña coore mūhū. Sa yegū ñañe yeyere ne duhu masiedare mūhū. Sa yegū ahrire mūhū ñañe yerire bujua witiya mūhū. Cohācjūre mūhū ñañe tūhotuyere bo dutigū siniña mūhū. Mūhū sa yegū ihñano tiquiro mūhū ñañene borota, niahye Pedro tiquirore.

<sup>24</sup> Tiquiro sa nigū tūhoro Simo yūhtiahye tiquirore.

—Yūhūre sini basaya mūsa Cohācjūre mūhū nidiro saha yūhū wahaeragū. Ti buhiri pecapū waha dueraja yūhū, niahye Simo tiquirore.

<sup>25</sup> Came Pedro Ñu mehna Cohācjū yere yahuahye. “Jesu tiquiro masa mujagū ihñau usā”, ni, Samaria yehparū ijiye macari cjēnare quehnoañe buheyere buheahye. Tiquinare Cohācjū yere buhe tuhasa Jerusalēpū tojoa wahahye.

*Felipe Etiopía yehpa cjūnore buheahye*

<sup>26</sup> Sa ye Cohācjū tiquiro yaquiro angel Felipere yahuahye:

—Yojopūre sur pehepū wahaya. Jerusalē caha ijiri mahapū Gazapū wahari mahapū wahaya, ni yahuahye angel Felipere.

Ti maha masa marienopū ijire. <sup>27</sup> Tiquiro sa nigū tūhoro tiquiro pehe ti mahapū wahahye. Came ti mahapū ihcāquiro masūnore piti caro taro niahye. Tiquiro piti catiquiro ijiahye Etiopía yehpa cjūno pūhoro. Sa yero Candace wame tiri-coro Etiopía cjōno pūhoro yere, niñerure ijipihitiyere ihña ihboriquiro ijiahye. Sa yero tiquiro Jerusalēpū mari Pacure ño peoro waha tuhasahye. <sup>28</sup> Tiquiro ya macapū tunuria mehna tojoa taro tiapū wahaeperoa buhero niahye. Cohācjū yere yahu mūhtariquiro Isaia tiquiro ojoari pūre buhero niahye. <sup>29</sup> Sa yero Espiritu Santo pehe Felipere ohō saha ni yahuahye:

—Siquiro tunuriapū wahariquiro cahapū wahaya, niahye Espiritu Santo tiquirore.

<sup>30</sup> Tiquiro sa nigū tūhoro Felipe pehe tunuria cahapū oma cā, Isaia ojoarire Etiopía cjūno buhegū tuhoahye. Sa tūhoro Felipe sinituahye tiquirore:

—¿Mūhū buheyere tūho masiajari mūhū? niahye tiquiro.

<sup>31</sup> Tiquiro sa nigū tūhoro Etiopía cjūno ohō saha ni yūhtiahye:

—Apequiro yūhūre yahu yūhūoatiquiro mariedagū quehnoano masiedaga yūhū. Ohō yūhūre yahu dūjigū ahtaya yahu pari paha, ni yūhtiahye tiquiro Felipere.

—Aū, ni, nuju sahye tiquiro caha.

<sup>32</sup> Sa ye Cohācjū yere Etiopía cjūnore tiquiro buheri pū ohō saha niahye:

Ovejare tiquina ñehe wejēdiro saha tiquiro gūhūre ñehe wejēta masa. Sa yero ovejagāre tiquiro poarire tiquina segū tiquiro dihta marieno saha tiquiro masano gūhū dihta marieno ijirota. <sup>33</sup> Tiquirore tiquina bujūpeeta. Sa ye tiquiro ñano yerapegūta tiquina pehe ñano yeeta tiquirore. Tiquiro ahri yehparū ijigū tiquina tiquirore wejēta. Sa yero tiquiro pohna marieniquiro yariaa waharota, ni ojoahye ti pūpūre.

<sup>34</sup> Ti pū sa ni yahugū ihñano, Etiopía cjūno sinituahye:

—Yahuya yūhūre. ¿Ohō saha Isaia tiquiro nidiquiro noa boro ijiajari ahriquiro? ¿Isaia tiquiro basi yahuro niagari? ¿O apequirore yahuro niagari? ni, sinituahye Etiopía cjūno.

<sup>35</sup> Tiquiro sa ni sinitugū tūhoro Felipe pehe ti pūre ihña, Jesu yere yahuahye Etiopía cjūnore. <sup>36</sup> Sa ye tiquina tia mehna waha, mágāpū esahye.

—Ihñaña, ohō mágā ijire. Ahri mágāpū yūhūre wame yeya, niahye Etiopía cjūno.

[<sup>37</sup>—Jesure mūhū quehnoano wacū tu-tuagū ihñagū mūhūre wame yeitja, niahye Felipe tiquirore.

—Jesure wacū tutuaja yūhū. Tiquiro Cristo Cohācjū macano ijire. Tire quehnoano masiaja yūhū, niahye Etiopía cjūno.]

<sup>38</sup> Sa ninota tunuria ohoturiquirore yūsho dutiahye. Tia yūshū quehe sari bato wijiahye tiquina. Wijia, ti mágāpū esa, ñumudāca sahye tiquina. Topū ñumudāca sa, Felipe pehe tiquirore wame yeahye.



<sup>39</sup> Wame ye tuhasa tiquina majaduca sagū Cohācǵū yaquiro Espírītu Felipere nea wahahye. Tiquiro sa wahari bato Etiopía cǵūno quehnoano bucueriquiro tiquiro ya yehpapu tojoaa wahahye. Tiquiro sa yeri bato tigū ne pari turi Felipere ihña nemoedahye. <sup>40</sup> Sa ye tuhasa Azotopu esahye Felipe pehe. Sa yero peye macarine quehnoañe buheyere buheahye masare. Cesareapu buhe bato tiahye.

## 9

*Saulo Jesucristore ihñano tiquireore wacū tutua dūcahye*

(Hch 22.6-16; 26.12-18)

<sup>1</sup> Ti pjere Saulo Jesu yequinare ihña tuhtiriquiro, “Tiquinare wejēgutja”, nino, tiquiro pahia pūhtoro cahapu wahahye. <sup>2</sup> Topu esaro tiquiro ojoari pūrīne siniahye pahia pūhtorore. Ohō saha niahye:

—Damasco cǵē wuhusepu judio masa mari buheye wuhusepu Jesu yequinare umuare, numiare boca sagū, tiquinare ñehe duhte, Jerusalēpu ne cāhtagutja. Ti wuhusepu ijyeyequinare yuhñeheatire pa-pera pūre ohoya, ni siniahye Saulo pahia pūhtorore.

<sup>3</sup> Ti pūre ne tuhasa, waha, Damasco cahagā tiquiro esagū waro umuanopu asi sitedoque dijioahye tiquireore. <sup>4</sup> Sa asi sitedoque dijioğūta tiquiro yehpapu bora quehe saro, yahuducugū tūhoahye:

—ǵSaulo, dūhsegū mūhñ yuhñare ñano yeajari? nino ca tahye.

<sup>5</sup> —ǵPūhto, noa boro ijajari mūhñ? niahye Saulo pehe.

—Yuhñ Jesu, mūhñ ñano yenohrigū ijajaja. [Mūhñ yuhñ mehna usuagu yuhñare yuhtieragu, mūhñ basita ñano yuhñare, niahye Jesu Saulore.

<sup>6</sup> Tiquiro sa nigū Saulo cue nanare, ohō saha ni sinituahye:

—ǵPūhto, dūhse yuhñ yegū cahmeajari mūhñ? niahye Saulo.

Tiquiro sa nigū ohō saha niahye Jesu:]

—Wahcādūcaya mūhñ. Si macapu wahaya. Ti macapu mūhñ esagū ti maca cǵūno mūhñ yeatire yahurota mūhñare, niahye Jesu Saulore.

<sup>7</sup> Tiquiro sa nigū Saulo mehna cǵēna pehe tiquiro yahuducuyē dihitarē tūhoahye. Jesu pehere ihñedahye. Tiquiro sa

wahagū ihñañe, cueye, tiquina yahuducu masiedahye. <sup>8</sup> Sa yero Saulo yehpapu cuñariquiro wahcādūca, tiquiro ihñagū tiquiro caperi bajuerahye. Sa ye tiquina tiquiro omocare ñehe, Damascopu tuā cāa wahahye tiquireore. <sup>9</sup> Sa yero tiquiro ihtia deco waro ne ihñeda, ihyera, ne sihniedahye.

<sup>10</sup> Sa ye Jesu buheriquiro Anania wame tiriquireo Damascopu ijiahye. Sa yero Jesu bajuahye Ananiare. Sa bajuaro pisuahye tiquireore:

—ǵAnania, ijajari mūhñ? niahye Jesu.

—Ijajaja, ni, yuhtiahye Anania tiquireore.

<sup>11</sup> Tiquiro sa nigū Jesu yahuahye tiquireore:

—Poto wame tiri mahapu wahaya. Topu wahagū Juda ya wuhupū Tarso cǵūnore Saulo wame tiriquireore macañā. Tiquiro Cohācǵūre sinino niaga. <sup>12</sup> Sa yero quehēno saha tiquiro ihñarire ihñano niaga topūre. Ohō saha ijyere ihñano niaga tiquiro: Mūhñ omocare tiquiro bui duhu peo, tiquiro caperi quehnoa wahagū ihñano niaga tiquireore bajarire, niahye Jesu Ananiare.

<sup>13</sup> Tiquiro sa nigū tūhoro Anania ohō saha niahye:

—Pūhto, tiquiro mūhñ yequinare quehnoañequinare Jerusalē cǵēnare ñano yeñohiti. Peyequina masa yuhñare sa ni yahuri. <sup>14</sup> Sa yero ohōre tiquiro ijipihtiyequina mūhñare cahmeñequinare peresu yero taro niñohiti. Pahia pūhtoa tiquiro sa ye dutiñohiti, niahye Anania Jesure.

<sup>15</sup> Tiquiro sa nigū Jesu pehe yahuahye tiquireore:

—Tiquiro Saulo pehe yuhñ beseriquiro ijire. Tiquiro yee buheyere peye macari cǵēnare, Israe masa ijyeyequinare, tiquina pūhtoare, Israe masa gūhñare buherota. Sa yegū wahaya mūhñ. <sup>16</sup> Sa yero peye tahari yeere tiquiro yeri buhiri tiquiro ñano yuhñdūrota. Tire tiquireore masigū yegutja, niahye Jesu Ananiare.

<sup>17</sup> Tiquiro sa nidi bato Anania pehe waha, esa, Saulo tiquiro ijiri wuhupū saǵahye. Saǵa sa, tiquiro omocare Saulo bui duhu peo, yahuahye tiquireore.

—Yuhñ acayū Saulo, mari pūhtoro Jesu pehe mahapu mūhñare bajuariquireo yuhñare ohori, mūhñ caperire ihña dutiro,

Espíritu Santore mǎhǎre cǎo dutiro, tiquiuro dutiriro sahata mǎhǎre ye dutiro, ni yahuahye Anania Saulore.

<sup>18</sup> Tiquiro sa nigǔta tiquiro caperire wahi nǔtǎri saha bajuyere tiquiro caperire pahna dijiagǔ ihǎahye Saulo. Tiquiro sa ihǎa tuhasari bato wahcǎdǔca sagǔ apequiore pehe wame yeahye tiquirore. <sup>19</sup> Sa yero tiquiro ihyari bato pagǔ tutuariquiore wahahye.

*Saulo Damascopǔ* Jesu yere buhe dǎc-ahye

Sa ye meheñe decorigǎ Damasco cjǎna Jesu yequina mehna ijiahye Saulo.

<sup>20</sup> Sa yero ti pjereta tiquiro judio masa buheye wǎhǔsepǔ Jesu yere buheahye masare. Jesu Cohǎcjǔ macǎno tiquiro ijiyere yahuahye Saulo. <sup>21</sup> Tiquiro sa yahugǔ ihǎañe ijipihtiyequina tiquirore tǎhoyequina acǔaa wahahye.

—Ahriquiore Cohǎcjǔ yequinare Jesure cahmeñequinare ñano yee tiriquiore ijire. Sa yero tiquiro tiquinare ñehe, dǔhte, pahia pǎhǔtoare oho duari jimedi. Sa ye duaro ohǔpǎre ahtari jimedi tiquiro, niahye masa tiquirore tǎhoyequina.

<sup>22</sup> Tiquina sa ni tǎhotepegǔta Saulo cuero marieno tutuaro mehna buhe dǎcahye. Judio masare Damasco cjǎnare quehnoano yahuahye. “Ahriquiore Jesu potota Cristo marine yǎhdǔoriquiore ijire”, tiquiro ni yahugǔ tiquina pehe tiquirore “Ni mehono nine ahriquiore”, ni masiedahye tiquirore.

<sup>23</sup> Sa ye peye decori bato judio masa tiquirore wejǎ duaye, tiquina basi yahuducuahye. <sup>24</sup> Sa yero Saulo tiquina wejǎ duagǔ masiahye tiquiro basi. Sa ye ti maca cjǎ sopecaharire decopǎre, ñamipǔ gǎhǔre cohtee tiahye tiquirore wejǎ duaye. <sup>25</sup> Tiquina sa wejǎ duagǔ ihǎañe ñamipǔ Saulo buheyequina tiquirore pǎhǔro pajiri pǎhǔdupǔ ne sǎa, ti maca cjǎ sahrǎno behero pehepǔ duhu dijiyahye tiquirore.

*Saulo Jerusalǎpǔ* ijiahye

<sup>26</sup> Sa ye Saulo Jerusalǎpǔ esaro, topǔ Jesu yequina mehna tiquiro iji duamahye. Tiquiro sa iji duepegǔta tiquina tiquirore “Jesu buheriquiro ijierare ahriquiore”, niñe, tiquirore cue niahye. <sup>27</sup> Tiquina sa cuepegǔta Bernabǎ pehe tiquirore ne

cǎhye Jesu cǔriquiina cahapǔ. Sa yero Saulo mahapǔ Jesure tiquiro ihǎarire, Jesu mehna tiquiro yahuducurire, Damascopǔ cuero marieno Jesu yere tiquiro buhe dǎcarire yahuahye Bernabǎ pehe. <sup>28</sup> Tiquiro sa ni yahuri bato Saulo tiquina mehna sajǎno, Jerusalǎpǔ tiquina mehna ijie tiahye. <sup>29</sup> Sa yero tiquiro cuero marieno Jesu yere buhee tiahye. Sa yero tiquiro judio masare Jesu yere yahu yǎhdǔdǔcaro niahye. Tiquina judio masa griego masa yere yahuducuyequina ijiahye. Sa ye Saulo tiquiro sa yahu yǎhdǔdǔcari buhiri tiquina tiquirore wejǎ duamahye. <sup>30</sup> Tiquina sa wejǎ duagǔ ihǎañe, Saulo mehna cjǎna Jesu yequina pehe tiquirore Cesarepǔ ne duhti cǎa wahahye. Topǔ tiquirore siho ijiducume Tarsopǔ ohoahye tiquirore.

<sup>31</sup> Sa ye ijipihtiropǔ, Judea yehpǎpǔ, Galilea yehpǎpǔ, Samaria yehpǎpǔ Cohǎcjǔ yequina quehnoano ijie tiahye. Ti pjere ne masa ñano yera tiahye tiquinare. Sa ye quehnoano buheahye tiquina. Sa ye tiquina Cohǎcjǔre cua pesaro ihǎahye. Espiritu Santo tiquinare tiquiro yedohogǔ tiquina pehe masa peyequina wahahye.

*Pedro Eneare quehnoa wahagǔ* yeahye

<sup>32</sup> Sa ye Pedro ijipihtiye macaripǔ waharo, Jesu yequina Lida maca cjǎna cahapǔ gǎhǔre esahye tiquiro. <sup>33</sup> Topǔ esaro Enea wame tiriquiore boca sahye. Enea tini masieniquiro ijiro, ocho cǎhmari waro cuñari cahsero mehna cuñae tiahye tiquiro. <sup>34</sup> Sa yero Pedro pehe tiquirore ohǔ saha niahye:

—Enea, Jesucristo mǎhǎre quehnoa wahagǔ yere. Wahcǎdǔcaya. Mǎhǔ eǔ tu cuñari cahserore quehnoña, niahye Pedro tiquirore.

Tiquiro sa nigǔta tiquiro wahcǎdǔca waha wahahye. <sup>35</sup> Sa ye ijipihtiyequina Lida cjǎna, Sarona cjǎna tiquirore ihǎañe, tiquina ñañe yerire duhu, Jesure wacǔ tu-tuahye.

*Dorca wame tiricore masoahye Pedro Jesu tutuaye mehna*

<sup>36</sup> Sa ye Jope wame tiri macapǔ Jesure ño peoricoro Tabita wame tiricoro ijiahye. Ticoro wame Tabita griego ye yahuducuyeh mehna Dorca ijire. Ticoro quehnoañene yero, peye ohoe tiahye pejecuoyequinare.

<sup>37</sup> Sa yero ti pjere ticoro dohati wahcǔ,

variaa wahahye. Ticoro yariagū ihñañe, tiquina ticorore quehnoano cose, umuano cjā tucūpū cūahye ticorore. <sup>38</sup>Lida wame tiri maca Jope cahagāpū ijiri. Sa ye Jesu buheyequina Jope cjēna Pedro Lidapū tiqiuro ijigū tūhoahye. Sa tūhoye, pūaro ohoahye Pedro cahapū. Tiquiro cahapū esaye, Pedore yahuahye tiquina.

—Sojaro mehna usā ijirōpū wahaya, ni yahuahye tiquina.

<sup>39</sup>Tiquina sa nigū tūhoro tiquina mehna wahaa wahahye tiqiuro. Topū tiqiurore tiquina ne sari bato umuano cjā tucūpū ne mūjaa wahahye tiqiurore. Sa ye ijipihtiyequina wape wiha numia tiqiuro cahapū esadaca, utiahye. Tabita tiquina mehna ijininōpū peye suhtire yee tiahye. Sa ye tiquina ticoro yeri suhti ijirire ihñoahye Pedore. <sup>40</sup>Tiquina sa ihñoepēgūta Pedro tiquinare ti tucūpū ijieyequinare wijia dutiahye. Tiquina wijari bato tiqiuro dusepe curi mehna quehe sa, Cohācjūre ticorore sini basahye. Sa yero ticoro pagure majare ihñañe.

—Tabita wahcāña, niahye tiqiuro.

Tiquiro sa nigūta ticoro pehe ihña wahcō, Pedore ihña, wahcā nuju sahye. <sup>41</sup>Ticoro wahcā nuju sagū ihña, tiqiuro ticoro omocare ñehe, tuā wahcō docoahye ticorore. Sa yero tiqiuro to cjēnare Jesu yequinare, wape wiha numiare pijio, ticorore catiricorore wiahye tiquinare. <sup>42</sup>Tiquiro sa yeri bato ijipihtiyequina Jope cjēna tire masiñe peyequina masa Jesure wacū tutua dūcahye. <sup>43</sup>Came Jōpēpū Simo wahiquina cahserire quehnoriquiro mehna peye decori Pedro tiqiuro mehna ijiahye.

## 10

*Pedro Cornelioe Jesu yere yahu dūcahye*

<sup>1</sup>Ti pjere Cesarepū Cornelio wame tiriqiuro ijiahye. Tiquiro cien surara pūhtoro ijiahye. Tiquina surara pehe tiquina ya curua Italiano wame tiahye. <sup>2</sup>Cornelio tiqiuro ya wūhū cjēna mehna mari Pacūre ño peoyequina, cua pesaro ihñañequina ijie tiahye. Sa yero tiqiuro judio masa pejecuoyequinare yedohoro, peye ohoahye. Sa yero decoripe tiqiuro mari Pacūre sinie tiahye. <sup>3</sup>Sa ye ñamicahapū tres hora ijigū Cohācjū yaquiuro angel

tiqiurore bajuahye. Sa bajuaro Cornelio cahapū sajāhye.

—Cornelio, niahye angel tiqiurore.

<sup>4</sup>Sa yero Cornelio tiqiurore ihña cuero ohō saha niahye:

—¿Pūhto, yabere cahmeajari? niahye tiqiuro.

—Pejecuoyequinare mūhū ohorire, mari Pacūre mūhū sinidire tiqiuro wacūno ni-aga. <sup>5</sup>Sa yegū Jōpēpū mūhū cahacjēnare ohoya. Topū Simo Pedro wame tiriqiuro ijire. Tiquirore ne cāhta dutiye mūhū cahacjēnare. <sup>6</sup>Tiquiro apequiuro Simo wahiquina cahseri quehnoriquiro cahapū, pajiri ma duhtu cahapū ijiri wūhūpū ijire, niahye angel Cornelio.

<sup>7</sup>Angel sa ni tuhasa, wijiaa wahahye. Tiquiro sa wijari bato Cornelio pūaro tiqiurore yedohoyequinare ihcāquiuro surara mehna cjānore pijiahye. Surara pehe mari Pacūre ño peoriquiro ijiro, decoripe Cornelio yedohoe tiahye. <sup>8</sup>Sa yero Cornelio tiquinare yahu peho, Jōpēpū ohoahye tiquinare.

<sup>9</sup>Sa ye ape deco Jōpēpū tiquina wahari watoa coheri pje ijigū Pedro pehe wūhū buipū Cohācjūre sinino wahahye. <sup>10</sup>Sa yero tiqiuro ūjua ahbagū ihya duahye. Sa ihya duaro apequina tiqiuro ihyayere tiquina dahreri watoa tiqiuro pehe bajuagū ihñañe. <sup>11</sup>Umūanōpū parī maagū, pajiri cahsero ti cahsero sohtoripū dūhteri cahsero dijia tagū ihñañe. <sup>12</sup>Ti cahsero puhiaṙpū peyequina wahiquina nūcū cjēna, yehṙapū būa tiniñequina, minicjua parī ijiahye. <sup>13</sup>Tire tiqiuro ihñari bato, Pedro yahuducugū tūhoahye.

—Pedro, wahcādūcaya. Ahriquinare wejē ihyaya, ni yahuducugū tūhoahye tiqiuro.

<sup>14</sup>Tiquiro sa niepegūta Pedro ohō saha niahye:

—Pūhto, ne tiquinare ihyeraja yūhū. Ñañequinare, Cohācjū tiqiuro ihya dutierariquinare ne ihyera tii yūhū, niahye Pedro.

<sup>15</sup>Sa yero Pedro pari turi yahuducugū tūhoahye:

—Cohācjū “Quehnoañequina ijire”, tiqiuro nidiquinare “Ñañequina ijire”, niedacāñña mūhū tiquinare, ni yahuducugū tūhoahye Pedro.

<sup>16</sup> Sa ye ihtia taha tiquina sa ni yahuducuri bato ti cahsero ummanonp mñjaa wahahye tja. <sup>17</sup> Sa yero Pedro tutuaro wacü “¿Duhse ni yahu duaro niajari sa bajuaro?” ni tãhotuahye tiqiro basi. Tiquiro sa tãhoturi watoa Cornelio ohoriquina pehe Pedro ijiri wuhup esahye. “¿Simo ya wuhuh nohopu ijjajari?” ni, tiquina sinituri bato ti wuhup esahye tiquina. <sup>18</sup> Sa ye tiquina sinitu madoqueohaye. “¿Simo Pedro wame tiriqiro ahri wuhure ijjajari?” ni sinituahye tiquina. <sup>19</sup> Sa yero Pedro tiqiro tãhoturi watoa Espiritu Santo tiqirore yahuahye:

—Ihñaña. Ihtiaro umua muhure macañe nine. <sup>20</sup> Wahcãdũcaya. Dijiahya. Tiquina mehna wahaya. Yabiro marieno wahaya quehnoano mehna. Yuhuh pehe tiquinare ohõpũre ahtagũ yei, niahye Espiritu Santo Pedore.

<sup>21</sup> Tiquiro sa nigũ tãhoro Pedro tiquina cahapũ dijiaa wahahye.

—Ihñaña. Ohõpũ ijjaja yuhuh mũsa maca cãhtarigũ. ¿Duhse yena tana niajari mũsa yuhuh cahapũre? niahye Pedro tiquinare.

<sup>22</sup> Tiquiro sa nigũta tiquina pehe ohõ saha niahye:

—Cornelio cien surara pũhtoro, quehnoañene yeriqiro, mari Pacũre cua pesaro ihñariqiro, ijjiphtiequina judio masa “Quehnoariqiro”, tiquina nidiquiro mũhure piji dutiro ohori usãre. Cohãcjũ quehnoariqiro yaqiro angel Corneliore mũhure piji dutiñohti. Ohõ saha niñohti: “Pedrore mũhuh ya wuhupũ ne cãhta dutiya mũhuh cahacjẽnare. Sa ye tiqiro mũhure yahurota”, ni piji dutiñohti angel Corneliore, ni yahuahye Cornelio Pedore tiqiro piji dutiriquina pehe.

<sup>23</sup> Tiquina sa nigũ Pedro pehe tiquinare sajã ta duti, ihyaye ohõ, tiqiro ijiri wuhupũ carĩ dutiahye tiquinare. Sa yero ape deco Pedro wahcã, tiquina mehna wahaa wahahye. Sa ye apequina Cristo yequina Jope cjẽna Pedore piti ti cãhye.

<sup>24</sup> Ape deco tiquina Cesareapũ esahye. Sa yero Cornelio pehe tiqiro acayere, tiqiro mehna cjẽna gũhure piji cahme-coa, Pedore cohteahye. <sup>25</sup> Sa yero Pedro Cornelio ya wuhuh cahapũ tiqiro ahtagũ ihñano Cornelio pehe tiqirore piti ca wijia, tiqiro dahpocãri cahapũ quehe sahye. <sup>26</sup> Sa

yepegũta Pedro tiqirore ne wahcõ doco ohõ saha niahye:

—Ducuya mũhuh. Yuhuh gãhuh mũhuh yero saha ijjigũ ijjaja. Cohãcjũ ijieraja yuhuh, niahye Pedro tiqirore.

<sup>27</sup> Tiquiro sa ni tuhasari bato Cornelio tiqirore ne sajãa wahahye tiqiro ya wuhupũ. Topũ sajã saro masa pari ti wuhupũ cahme-coa, tiqirore cohteyequinare ihñahye Pedro. <sup>28</sup> Sa yero Pedro tiquinare yahuahye:

—Judio masũ ijiepegũta ape curua cjẽna mehna ijjigũ usã dutiyere yuhudũcagũ ni-aja yuhuh. Tire quehnoano masine mũsa. Sa ijiepegũta ape curua cjẽnare “Ñañequina ijire”, yuhure ni dutierari Cohãcjũ. Sa ni yahuri yuhure tiqiro. <sup>29</sup> Tiquiro sa nigũ tãhogũ ohõpũre mũsa cahapũre ahtaũ. Mũsa yuhure pijigũ “Ne wahaeraja”, niedũ yuhuh. “¿Duhse ijiro boro yuhuh ohõpũ ahtagũ cahmeari mũsa?” niahye tiquinare Pedro.

<sup>30</sup> Tiquiro sa nigũ tãhoro Cornelio pehe ohõ saha niahye:

—Tres hora ijjigũ waro mari Pacũ yaqiro angel yuhure bajuari. Pititia deco wahare yuhure tiqiro bajuari bato. Ti decota mari Pacũre yuhuh sinini watoa angel asi siteri suhtiro sañariqiro yuhuh cahapũ ducuri. <sup>31</sup> Sa yero tiqiro yuhure ohõ saha nidi: “Cornelio, mũhuh mari Pacũre mũhuh sinigũ tiqiro tãhori. Sa yero pejecũoyequinare tiquina cahmeñene mũhuh ohogũ ihñano mari Pacũ wacũno mũhure yedohorota. <sup>32</sup> Sa yegũ Jopepũ mũhuh cahacjẽnare ohoya, Simore, Pedro wame tiriqirore mũhuh cahapũ tiquina ne cãhtarigũ. Tiquiro apeqiro Simo wahiquina cahseri quehnoariqiro ya wuhupũ pajiri ma dãhtũ cahapũ ijiri wuhupũ ijire tiqiro”, ni yahuri yuhure tiqiro. <sup>33</sup> Tiquiro sa nigũ tãhogũ yuhuh cahacjẽnare mũhure ne cãhta dutigũ ohou yuhuh. Sa yegũ quehnoano yegũ ahtari jiri mũhuh usã cahapũre. Sa yena usã ijjiphtina ohõre mari Pacũ tiqiro ihñonopũ ijina niaja usã. Ijjiphtiyere mari Pacũ mũhure tiqiro yahu dutirire tãho duana, cohteĩ usã, niahye Cornelio Pedore.

*Pedro Jesu yere yahuahye*

<sup>34</sup> Tiquiro sa nigũ tãhoro, Pedro ohõ saha ni yahuahye:

—Yojorɔɔ masiaja. Ijirota ijire. Cohācjū ihcāno saha quehnoano yere marine. <sup>35</sup> Sa yero ijipihtiye macarī cjēna Cohācjūre cua pesaro tiquina ihñagū, quehnoañene tiquina yegū Cohācjū pehe tiquina mehna bucuere. <sup>36</sup> Cohācjū usā judio masa caharɔ Jesucristore ohori. Masare Cohācjū mehna quehnoano jiji dutiro Jesu pehe quehnoañe buheyere yahuri. Ti buheyere mɔsa masine. Jesucristo pehe ijipihtiyequina masa puhtoro ijire. <sup>37</sup> Ńu wame yeriquiro ohō saha ni yahuri: “Mɔsa ñañene bujua witiya. Sa yena wame yenohrina ijija”, ni, yahuri Ńu. Masare tiquiro sa ni yahuri bato Galilearɔ quehnoañe buheyere Jesu pehe yahu dɔcari. Came Judea yehparɔ ti buheyere yahu pehori. <sup>38</sup> Ahriquirō Jesu Nazare cjānore Cohācjū pehe tiquiro tutuayere, Espiritu Santo mehna tiquiro ye masiatire ohori Jesure. Sa yero Jesu quehnoano yero wahari. Sa waharo watāre cɔoyequinare ñano yuhdɔyequinare ijipihtiyequinare quehnoa wahagū yeri. Mari Pacu Jesu mehna ijiri. <sup>39</sup> Judea yehparɔ, Jerusalēpɔ gāhure ijipihtiye tiquiro yerire usā ihñau. Came tiquina curusarɔ wejēdi tiquirore. <sup>40</sup> Sa yero ihtia deco wahaboro Cohācjū tiquirore masori jiri. Sa yero Jesure apequinare bajuagū yeri jiri mari Pacu. <sup>41</sup> Ti pjere Jesure ijipihtiyequina ihñedari. Meheñequinagāre bajuari tiquiro. Mari Pacu tiquiro cahmenare, Jesure ihñatinare panorɔ usāre mari Pacu beseahye. Usā pehe Jesu tiquiro masari bato tiquiro mehna ihya, sihnii. <sup>42</sup> Sa yero usāre tiquiro dutiri. “Masare yahuya. Yuhɔ Jesu ijipihtiyequina catiyequinare, yariariquina gāhure buhiri dahreacɔ yuhure ijigū yeri mari Pacu. Sa yena tire masare yahuya”, ni dutiri Jesu usāre. <sup>43</sup> Ijipihtiyequina Jesure tiquina wacū tutuagū ihñano Cohācjū tiquina ñañene borota. Tire ijipihtiyequina Cohācjū yere yahu mɔhtariquina panorɔ cjēna yahuyuahye, ni yahuahye Pedro.

*Judio masa ijieyequina Espiritu Santore cɔo dɔcahye*

<sup>44</sup> Ti ijipihtiyeere tiquiro sa ni yahuri watoarɔ, ijipihtiyequina tire tɔhoyequina mehna Espiritu Santo jiji dɔcahye. <sup>45-46</sup> Sa ye judio masa ijieyequina tɔhomehneñe yahuducuye mehna bucueye mehna

yahuducu dɔcahye. Ti yahuducuye mehna Cohācjūre “Tutuagū, quehnoagū ijire”, niñe ñahye. Tiquina sa nigū tɔhoahye Pedro acaye judio masa Jesu yequina. Sa ye Espiritu Santo judio masa ijieyequina mehna tiquiro jiji dɔcagū ihñañe judio masa pehe ihñā maria wahahye. Sa yero Pedro ohō saha ni yahuahye judio masare:

<sup>47</sup> —Mari yero sahata Espiritu Santore cɔore ahriquina gūhɔ. ¿Tiquina sa ijigū ihñana ahriquinare wame yeraboagari mari? ñahye Pedro tiquinare.

<sup>48</sup> Sa ni tuhasa Jesu wame mehna judio masa ijieyequinare wame ye duti-ahye Pedro. Tiquina sa yeri bato “Usā mehna meheñe decorigā tojoarīña”, ñahye tiquina Pedro gūhure.

## 11

*Pedro Jerusalē cjēnare Jesu yequinare yahuahye*

<sup>1</sup> Sa ye judio masa ijieyequina gūhɔ Cohācjū yere tiquina quehnoano cahmegū Jesu cūriquina pehe tiquina acaye Judearɔ ijieyequina mehna tɔhoohye. <sup>2</sup> Sa ye Pedro Jerusalēpɔ tiquiro tojoa sagū ihñañe judio masa Jesu yequina meheñequinagā tiquirore ohō saha ñahye:

<sup>3</sup> —¿Judio masa ijieyequinare dɔhse ijiro boro ihñagū esari mɔhɔ? ¿Dɔhse ijiro boro tiquina mehna ihyari mɔhɔ? ni, tuhtiahye Pedrorre tiquina.

<sup>4</sup> Tiquina sa nigū tɔhoro Pedro tiquiro yerire yahu peho cāhye tiquinare. <sup>5</sup> Ohō saha ni yahuahye:

—Yuhɔ Joperɔ ijigū Cohācjūre sinigū nii. Sa yero yuhure ohō saha bajuari. Pajiri cahsero ti cahsero sohtoripɔ dɔhteri cahsero ahmɔanorɔ yuhɔ caharɔ dijia tagū ihñau. <sup>6</sup> Sa yegū ti cahserore quehnoano ihñau, “¿Yabe boro ti cahseropɔre ijajari?” nigū. Sa yegū ihñau ti cahseropɔre ijieyequinare: Wahiquinare nɔcɔ cjēnare, yehparɔ bɔa tiniñequinare, minicjɔa parire ihñau. <sup>7</sup> Sa yegū yuhure tiquiro yahuducuyere tɔhou. “Pedro, wahcādcaya. Wejē ihyaya ahriquinare”, nino ca tari yuhure. <sup>8</sup> Tiquiro sa nigū tɔhogɔ ohō saha nii yuhɔ. “Puhto, ne tiquinare ihyeraja yuhɔ. Ñañequinare, Cohācjū tiquiro ihya dutieyequinare ne ihyera tii yuhɔ”, nii yuhɔ. <sup>9</sup> Yuhɔ sa niepegūta ahmɔanorɔ pari turi

yuhure yahuducuro ca tari tja. “Cohācjū ‘Quehnoañequina ijire’, tiquiro nidiquinare ‘Ñañequina ijire’, niedacāhña mūhū”, nino ca tari yuhure. <sup>10</sup> Sa yero ihtia taha usā sa ni yahuducuri bato ti cahsero ūhmanopū mūjaa wahari tja. <sup>11</sup> Yuhū sa ihñari watoa ihtiaro ūmua usā ijiri wūhūpū esari jiri. Tiquina Cesarea cjūno ohoriquina ijiri. <sup>12</sup> Sa yero Espiritu Santo pehe yuhure tiquina mehna waha dutiro “‘Tiquina ñañequina ijire’, niedacāhña tiquinare”, ni yahuri yuhure tiquiro. Sa ye ahriquina seis yuhū acaye mehna Cesarea cjūno ya wūhūpū sajāu usā. <sup>13</sup> Sa yero tiquiro usāre ohō saha ni yahuri. “Angel yuhū wūhūpū ducugū ihñau yuhū. Ohō saha ni yahuri yuhure: ‘Joperū Simore Pedro wame tiriquire ne cāhta dutiya. <sup>14</sup> Tiquiro mūhure mūhū acaye mehna mūsare ijipihtinare pecapū wahaborinare mūsa yuhduatire yahurota’, nidi angel yuhure”, ni, yahuri Cesarea cjūno yuhure. <sup>15</sup> Sa ye yuhū yahuducuri watoa Espiritu Santo pehe tiquina mehna iji dūcari, marine tiquiro ye mūhtariro sahata. <sup>16</sup> Sa yegū Jesu tiquiro yahurire wacūu yuhū. Ohō saha ni yahuri tiquiro: “Ñu mūsare wame yero aco mehna wame yemedi. Yuhū pehe tiquiro yuhduoro yeitja mūsare. Came Espiritu Santore mūsa mehna ijiducugū yeitja”, ni yahuri. <sup>17</sup> Sa yero Jesucristo mari pūhtorore mari wacū tutuagū ihñano Cohācjū yaquiro Espiritu Santore ohori marine. Sa yero Cohācjū marine Espiritu Santore tiquiro ohoriro sahata judio masa ijieyequina gūhure tiquiro ohori. Cohācjū tiquiro sa yegū ihñagū tiquirore yuhduadūca masiedaja yuhū, ni-ahye Pedro tiquinare, judio masare Jesu yequinare.

<sup>18</sup> Tiquiro sa nigū tūhoye, tiquina tiquirore ne ni nemoedahye. Tiquirore tuhti masiedahye. Sa ye tiquina,

—Cohācjū quehnoariquiro, tutuariquiro ijire, niahye.

Ohō saha ni nemoahye:

—Judio masa ijieyequina gūhū tiquina ñañene bujūa witiyequina ijieye, Cohācjū yequina ijietā. Sa tiquiro yequina ijieye, tiquina gūhū ijipihtiye decori tiquiro mehna ijietā, ni nemoahye tiquina.

*Antioquíapū* apequna Jesu yequina iji-ahye

<sup>19</sup> Sa ye Estebāre tiquina wejēdi bato masa Jesu yequinare ñano yeahye. Tiquina sa yegū ihñāne Jesu yequina duhti sitea wahahye. Sa ye tiquina Feniciapū, Chiprepū, Antioquíapū waha, judio masa dihitarē Cohācjū yere yahue timahye tiquina. <sup>20</sup> Tiquina sa yepegūta apequna pehe Jesu yequina mehna cjēna Chipre cjēna, Cirene cjēna, Antioquíapū esa, judio masa ijieyequinare Jesu yere buheahye Cohācjū tiquinare tiquiro yuhduoatire. <sup>21</sup> Sa yero mari pūhtoro tiquinare yedohoahye. Sa ye masa peyequina Jesure wacū tutuaye, quehnoañe pehere comesahye.

<sup>22</sup> Sa ye “Antioquíā cjēnapū Jesure cahmeaga”, ni tūhoahye Jerusalē cjēna Jesu yequina. Tiquina sa tūhoori bato Jerusalē cjēna Bernabé wame tiriquire Antioquíapū ohoahye. <sup>23</sup> Sa yero tiquiro Antioquíapū esaro, Cohācjū yedohoye mehna judio masa ijieyequina tiquiro yequina tiquina wahagū ihñano, tutuaro bucueahye. Sa yero tiquiro to cjēnare ohō saha ni yahuahye:

—Jesure sa wacū tutuaducuya. Tiquiro yere ne duhueracāhña, ni yahuahye tiquiro ijipihtiyequina tiquinare.

<sup>24</sup> Bernabé quehnoariquiro ijiro, Espiritu Santore pajiro cūoriquire ijiro, tiquiro dutiriro sahata yeriquire ijiro, Jesure quehnoano wacū tutuahye tiquiro. Sa ye tiquiro buheri bato masa peyequina wacū tutuahye Jesure.

<sup>25</sup> Came tiquiro Tarso wame tiri macapū Saulore macano wahahye. <sup>26</sup> Topū tiquirore boca sahye. Tiquiro boca sari bato Antioquíapū ne cāhye Saulore. Topū tiquina esari bato ihcā cūhna waro tiquina Cohācjū yequina mehna cahmeoca, peyequina masare buhee tiahye tiquina. Sa ye Antioquíapū Cristo yequina Cristiano wame ti dūcahye.

<sup>27</sup> Ti pjere Cohācjū yere yahu mūhtariquina Jerusalēpū ijiriquina waha, Antioquíapū esahye. <sup>28</sup> Sa yero tiquina mehna cjūno Agabo wame tiriquire Jesu yequina watoapū ducuro, Espiritu Santo tutuaye mehna yahuahye tiquinare. “Ijipihtiri yehpāpūre tutuaro ūjūa waharota”, ni yahuahye tiquiro. Ti pjere ihyaye mariedi pje ijigū ijipihtiyequina pūhtoro Claudio ijiahye. <sup>29</sup> Sa ye Cristo buheyequina, ijipihtiyequina tiquina cūoro puno tiquina

acayere oho duaye, tiquina basi cahme yahuducuahye. “Judea yehpa cjēna Jesu yequinare niñerure ohouhna”, niahye tiquina basi.<sup>30</sup> Tiquina sa nidi bato Bernabé, Saulo mehna ti niñerure ne cā basahye. Topu esaye Judea yehpa cjēnare Jesu yequina puhtoare wiahye ti niñerure.

## 12

### *Pedrore peresu yeahye*

<sup>1</sup> Ti pjere puhtoro Herode ihquēquinare Jesu yequinare ñano ye dūcae tiahye. <sup>2</sup> Sa yero tiquiro Ñu wahminore Santi-ago pehere ñoseni pjī mehna tiquiro wejē dutigū apequina pehe tiquirore wejēahye. <sup>3</sup> Santiagore tiquiro wejēgū judio masa bucueahye. Tiquina bucueyere Herode masino, “Sa dihita cahmene tiquina”, nino Pedro gūhure peresu yeahye. Ti decorire pugū yeye moremehneñe pāre tiquina ihy-ati bose deco pascua ijiahye.

<sup>4</sup> Sa ye Herode ñehe dutiriquina Pedrore ñehe, peresu yeahye. Sa yero diez y seis surarare cohte dutiahye tiquirore. Pititiaro surara cohteahye tiquirore. Came pititiaro tiquina comesayequina tiquirore cohte mū-jae tiahye. Sata yeahye tiquina diez y seis surara. Herode pehe pascua bato Pedrore peresupū ijiriquirore masa ihñonopū duhu doco duamahye tiquirore wejē dutiro taro. <sup>5</sup> Sa yero Pedro peresupū ijiahye. Topu tiquiro ijigū Jesu yequina pehe Cohācjūre tutuaro sini basae tiahye tiquirore.

*Peresupū ijiriquirore Pedrore Cohācjū wioahye*

<sup>6</sup> Sa ye ñamine Pedro come dari pua da mehna tiquina dūhteriquiro puaro surara watoapu carño niahye. Sa ye surara sopec-ahapu cohteducue tiahye tiquirore. Sa yero ti deco bohrearo Herode Pedrore judio masa ihñonopū duhu doco duamahye tiquirore wejē dutiro taro. <sup>7</sup> Sa yero Cohācjū yaquiro angel pehe Pedro cahapu tiquiro ducugū peresupū tiquiro ijiri tucū buhrio pihitia wahahye. Sa yero angel Pedro cahapu ducuro Pedro pati pahmapū ohbe careahye.

—Sojaro mehna wahcāña, niahye tiquiro Pedrore.

Tiquiro sa nigūta tiquiro omocarine tiquina dūhteri dari come dari suru site

dijiaa wahahye. <sup>8</sup> Sa yero angel tiquirore yahuahye:

—Weje dihoya mūhū weje dihori dare. Mūhū dahpo suhti gūhure sañaña, niahye tiquiro.

Tiquiro sa nigū Pedro pehe tiquiro nidiro saha yeahye.

—Mūhū bui cjā suhtirore sañaña. Yūhū mehna wahaya, niahye angel.

<sup>9</sup> Tiquiro sa nigū ti tucūpū ijiriquiro wija, angel bato wahaa wahahye tiquiro. Sa wahaeperota ohō saha ni tūhotumahye tiquiro. “¿Ahri poto ijieragari? ¿Quehēgū niagari yūhū?” ni, tūhotumahye tiquiro. <sup>10</sup> Sa ye tiquina tiquiro ijiri tucū sopec-ahapu ducuyequina surarare yūhdū cā, apequina yoa cjūno ducuyequina gūhure yūhdū cā, pajiri sopecahapu esahye. Ti sope pahma macapu wahari mahare cahmotari pahma ijiahye. Ti sope pahma esa tuharo parīgū tiquina wijaah wahahye. Wijaah waha, tiquina mahapu wahaa wahahye. Mehenogā tiquina waha nemogū angel pehe wahaa wahahye. Sa yero Pedro ihcāquirola tojoahye. <sup>11</sup> Sa tiquirore angel tiquiro wahari bato tiquiro yerire Pedro masiahye. Ohō saha ni tūhotuahye tiquiro. “Angel Cohācjū ohoriquiro peresupū yūhū ijigū yūhure wioro wihiri. Yojobu tire masiaja tiquiro sa yerire. Judio masa pehe yūhure tiquina ye duarire Cohācjū pehe tiquinare ye dutierari. Sa yero yūhure, Herode tiquiro peresu yerigure wiori”, ni, tūhotuahye Pedro.

<sup>12</sup> Tiquiro sa ni tūhoturi bato María Ñu pacoro ya wūhūpū esahye Pedro. Ñu pehe Marco wame tiriquiro ijiri. Ti wūhūpū masa peyequina cahmeco, Cohācjūre siniñe niahye. <sup>13</sup> Sa yero Pedro sope pahmare doteahye. Rode wame tiricoro cahācjōno tiquiro dotegū tūhoro ihñano esahye ticoro. <sup>14</sup> Sa yero Pedro ticorore tiquiro pisugū tūhoro tiquiro yahuducuyere tūho masi, tutuaro bucue, sopecahare pōedahye. Sa bucuemeno tiquirore pōboricoro boaa wahahye. Pedro topu tiquiro ducugūta ticoro maredūca oma sajāa wahahye.

—Pedro sopecahapu wihiri, ni, yahuro sajāhye.

<sup>15</sup> Sa ye tiquina wūhūpū ijiyequina ticoro sa nigū tūhoeye,

—Sa nicōo niaga mūhu. Sa ni macacōo nine mūhu, niahye tiquina ticorore.

—Poto tjire. Poto nigota niaja, niahye ticoro.

Ticoro sa nigū tuhoye,

—Tiquiro ijieraga. Tiquiro jeripohna wihiro niaga, niahye tiquina pehe.

<sup>16</sup> Tiquina sa nini watoa Pedro sope pahmare sata doteducuro niahye. Tiquiro sa yegū tuhoye, tiquina sopecahare pōo, tiquirore ihña, ihña maria wahahye. <sup>17</sup> Sa yero Pedro tiquiro omoca mehna “Dihtha mariahña”, nino, Cohācjū peresupū tiquirore wiorire yahuahye tiquinare.

—Ahrire yahuya Santiagore, apequina Jesu yequina gāhure, niahye tiquiro.

Sa ni yahu tuhasa tiquiro ape sie pahrēpū yahdu cāa wahahye. <sup>18</sup> Sa ye bohrea quehagū surara Pedro tiquiro dahse ye wijiarire ne masiedahye. Sa masiedaye acuaa wahahye. <sup>19</sup> Sa yero Herode Pedroro maca dutimahye. Sa yero tiquiro surarare peresu cohteriquinare tiquiro sinituri bato tiquinare wejē dutiahye Herode pehe. Sa yero Herode Judearū ijiriquiro waha, Cesarearū ijiro wahahye.

*Herode yariaa wahahye*

<sup>20</sup> Sa yero Tiro wame tiri maca cjēna mehna, Sidō cjēna mehna Herode pehe usuahye. Tiquiro sa usuagū ihñañe ti macari cjēna pehe Herode tiquina mehna tiquiro usarire quehnoñe waha, tiquiro mehna yahuducuye wahahye. Sa ye tiquiro cahacjūnore Blasto wame tiriqirore piti tiahye tiquina. Sa ye tiquina Blasto yedohoro mehna Herode caharū esahye. Tiquiro caharū esa, ohō saha niahye:

—Mari quehnoano ijiihna. Mari basi ihña tuhtieracūhna, ni siniahye tiquina Herodere.

Tiquina ya yehpa cjēna Herode ya yehparū ihyayere bocae tiahye. Sa ye Herode tiquinare ihña tuhtigū cahmedahye tiquina. <sup>21</sup> Sa yero Herode tiquiro queori decorū, pūhtoro tiquiro sañañe suhti quehnoañe suhtire sañahye tiquiro. Sa yero tiquiro dujiropū dujitjiāno, masare yahuducu ihñoahye. <sup>22</sup> Tiquiro sa yahuducu ihñogū tuhoye masa pehe sañuducuahye:

—Ahriquiro yahuducuriquiro masūno ijierare. Cohācjū ijire, ni sañuducumahye tiquina Herodere.

<sup>23</sup> Tiquina sa nigūta Cohācjū yaquiro angel Herodere dohatiyere ohoahye. “Cohācjū ijieraja yahu”, ne niedahye Herode. Tiquiro sa niedari buhiri angel tiquirore dohatigū yeahye. Tiquiro sa dohatigū tiquirore becoa ihya wejē cāhye.

<sup>24</sup> Sa ye Jesu yequina peyequina masare Jesu ye buheyere buhee tiahye.

<sup>25</sup> Sa ye Bernabé, Saulo mehna buhe peho, Jerusalēpū ijiyequina Antioquiarū tojoaa wahahye. Sa ye Ōu Marco wame tiriqirore tiquina ne cāhye tiquina mehna.

## 13

*Jesu yequina Bernabére Saulo mehna Cohācjū yere buhe dutiye ohoahye*

<sup>1</sup> Ti pjere Antioquiarū Cohācjū yequina mehna cjēna, Cohācjū yere yahu mūhtariquina ijiahye. Masare buheyequinata ijiahye tiquina gāhu. Bernabé, Simo Negro wame tiriqiro, Ludio Cirene cjūno, Manae, Saulo mehna tiquina ijiahye. Manae pehe pūhtoro Herode mūnana mehna tiquina pūaro ihcāno mehna bucuariquina ijimahye. <sup>2</sup> Sa ye tiquina Cohācjūre tiquina ño peori watoa, tiquina sijiri watoa, Espiritu Santo pehe yahuahye tiquinare.

—Bernabére, Saulo mehna cūña yahu cahmeno saha yeatiquinare. Tire yeatiquinare bese cūgu niaja tiquinare, niahye Espiritu Santo.

<sup>3</sup> Tiquiro sa nigū tiquina pehe siji Cohācjūre sini, Bernabé bui Saulo bui tiquina omocarine duhu peoahye. Sa duhu peoye tiquinare buhe dutiye ohoahye.

*Chiprepū Jesu cūriquina buheahye*

<sup>4</sup> Sa ye tiquina Saulo, Bernabé mehna Espiritu Santo tiquiro ohoriquina ijiye, Seleuciarū esa, ti macare yahdu cā, Chipre wame tiri nūcūorū esahye tiquina. <sup>5</sup> Sa ye Salamina wame tiri petamaharū esahye. Ti macarū judio masa buhaye wūhūserū, Cohācjū yere yahu dūcahye tiquina. Sa yero Ōu Marco gāhu tiquina mehna waha, tiquinare yedohoahye. <sup>6</sup> Sa ye tiquina ti nūcūo sohtoarū maja, ti nūcūo toperū ijiri macarū Pafō wame tiri macarū esaye, yairore boca sahye tiquina. Tiquiro judio masūno, Barjesu wame tiriqiro ijiahye. Barjesu griego ye mehna niñe Elima tiquina ni pisuriqiro ijiahye. “Cohācjū yere



yahu m̄htagu ijiaja yuh̄n”, ni, masare ni mehoducriquiro ijiahye tiquiro. <sup>7</sup> Sa yero tiquiro Sergio Paulo wame tiriquiro mehna cj̄no ijiahye. Sergio Paulo pehe ti нсuo cj̄na puhtoro masi pehoriquiro ijiahye. Sa yero Coh̄cj̄ yere tuho duaro tiquinare Bernabé, Saulo mehna pijioahye tiquiro. <sup>8</sup> Tiquiro sa pijiopegūta Elima, yairo pehe tiquinare buhe dutierahye. Tiquiro Sergio Paulo Jesu yere tiquiro ño peogū cahmesāedahye yairo pehe. Sa yero yairo pehe Sergio Paulore Coh̄cj̄ yere coh̄ dutiro nimahye. <sup>9-10</sup> Tiquiro sa coh̄ dutiepegūta Saulo, Pablo tiquina nidiquiro Esp̄ritu Santore c̄oriquiro ijiro, yairehore quehnoano ih̄na diho cū tiquirore yahuahye:

—M̄h̄n ni mehoñe peyagu, ñagu, watino tiquiro dutiyere yegu, quehnoañene ih̄na yabigu ijire m̄h̄n. ¿Duhse yegu Coh̄cj̄ yere “Ni mehoñe ijire”, sa niducujari m̄h̄n? <sup>11</sup> M̄h̄n sa nigū Coh̄cj̄ caperi bajoreagū yerota m̄h̄re. Sa yegu meheñe decorigā m̄h̄n ih̄nasi, niahye Pablo.

Tiquiro sa nigūta yairo pehe bueri yero saha ijiyere ih̄na m̄htano, nahitiano dihitare ih̄nahye. Sa yero tiquirore tuā-tiquirore macahye tiquiro. <sup>12</sup> Tiquiro sa wahagū ih̄nano, Sergio Paulo pehe Jesu yere “Ijirota ijire”, ni masiahye. Mari puhtoro yere tiquiro tuho, tuho maria waha, Jesure wacū tutua d̄cahye.

*Pablo Bernabé mehna Antioquíap̄n* Pisidia yehrap̄n ijiri macap̄n ijiahye

<sup>13</sup> Sa ye Pablo gūh̄n Pafop̄n ijiriquina yucsa mehna waha, Pergep̄n esahye. Perge Panfilia yehrap̄n ijire. Top̄n esa, Nu Marco tiquinare coh̄ cā, Jerusalēp̄n waha waha. <sup>14</sup> Sa ye tiquina Pergep̄n ijiriquina waha, Antioquíap̄n esahye. Antioquíá Pisidia yehrap̄n ijire. Top̄n esaye, saurú deco ijigū tiquina judio masa buheri wuh̄p̄n sajā sa, top̄n dujahye. <sup>15</sup> Sa ye ti wuh̄re cohteyequina Coh̄cj̄ dutiyere, Moisep̄n marine tiquiro cūrire, Coh̄cj̄ yere yahu m̄htariquina tiquina ojarire tiquina buheri bato tiquina pijiahye Pablo gūh̄re.

—¿Usā acaye, masare m̄sa yahu duaye ijiajari? Tire yahu duana yahuya mi-anogāta, niahye ti wuh̄re cohteyequina.

<sup>16</sup> Tiquina sa nigū tuhoro, Pablo wahcād̄ca sa, “Yahuducriacāh̄na”, nino tiquiro omoca mehna quē dijioahye. Tiquina dihta mariagū ih̄nano, tiquiro oh̄o saha niahye:

—Israe masa, Israe masa ijiena gūh̄n mari Pacure ño peona, tuhoya m̄sa. <sup>17</sup> Mari ñecusum̄na m̄na panop̄n cj̄na Coh̄cj̄re ño peoe tiahye. Tiquina m̄nare Coh̄cj̄ besee tiahye. Sa ye mari ñecusum̄na m̄na yoari pje Egiptop̄n ijie tiahye ape yehpa cj̄na ijiepetā. Top̄n tiquina ijigū Coh̄cj̄ quehnoano yee tiahye tiquinare. Sa ye peyequina masaputiahye tiquina. Oh̄o saha yeahye tiquinare. Tiquinare Egiptop̄n ijiritiquinare tiquiro tutuaye mehna wioahye Coh̄cj̄. <sup>18</sup> Tiquiro sa wiori bato tiquina cuarenta cūhmari waro masa marienop̄n tinie tiahye. Top̄n tiquirore tiquina yuh̄dud̄cagū Coh̄cj̄ sata tuhotu cāhye. <sup>19</sup> Sa yero Canaa wame tiri yehpap̄re siete cururi cj̄nare coh̄ tuhāsa, Coh̄cj̄ ti yehpare ohoahye Israe masa pehere. <sup>20</sup> Ti ijiphtiyere tiquina yegū cuatrocientos cincuenta cūhmari waro yuh̄duahye. Camep̄n masare dutiatiquinare cūahye Coh̄cj̄ Israe masare. Coh̄cj̄ tiquiro cūriquina Samuel tiquiro ijigūp̄n iji bato tie tiahye. Samuel pehe Coh̄cj̄ yere yahu m̄htariquiro ijie tiahye. <sup>21</sup> Came Israe masa pehe tiquina puhtoro ijiatiquirore macae tiahye. Sa ye Coh̄cj̄re sinie tiahye. Tiquina sa sinigū ih̄nano Coh̄cj̄ Saulore cūahye tiquinare. Saulo Cis mac̄no ijiro, Benjami ya curua cj̄no ijiahye. Sa yero cuarenta cūhmari waro tiquina puhtoro ijiatiquiro cūahye Coh̄cj̄ tiquirore. <sup>22</sup> Sa yero Coh̄cj̄ Saulore tiquiro coh̄ari bato Davire cūahye tiquiro. Oh̄o saha niahye Coh̄cj̄ Davire: “Davi Isaí mac̄nore bocau yuh̄n. Tiquiro mehna buceaja yuh̄n. Tiquiro yuh̄n cahmeñene yerota”, niahye Coh̄cj̄.

<sup>23</sup> Ahriquiro Davi panamino iji turi-ariquiro ijire Jesu. Coh̄cj̄ Jesure cūri jiri Israe masare yuh̄duoatiquiro. “Masare quehnoano yeitja”, niahye Coh̄cj̄. Tiquiro nidiro sahata yeri tiquiro. <sup>24</sup> Tiquiro sa yeato pano Jesu wih̄ato pano Nu oh̄o saha ni buheri jiri: “M̄sa ñañene bujua witiya. Quehnoañe pehere comesaya. Sa yena wame yenohrina ijia”, ni buheri

jiri Ñu ijipihiteyquina Israe masare. <sup>25</sup> Sa yero Ñu tiqiro buhe bato tiato pano, tiqiro yariato pano ohō saha ni yahue tiri jiri: “¿Noa boro ijijari yuhū, mūsa tuhōtugū? Cristo ijieraja yuhū. Apegu ijijaja. Yuhū sa ijiepegū tuhoya yuhūre. Yuhū bato yuhū yuhdūoro tutuariqiro ahtarota. Tiquiro quehnoa yuhdūriqiro ijire. Tiquiro yero saha ijieraja yuhū”, ni yahuahye Ñu masare.

<sup>26</sup> Yuhū acaye, Abrahā panamena iji turiana, Israe masa ijiena gūhū ijipihitina mari Pacure ño peona, marine ahri tiqiro yuhdūoatire yahuri buheyere ohōri jiri mari Pacū. <sup>27</sup> Jerusalē cjenā tiquina puhtoā mehna saurū decori ijigū Cohācjū yere yahu mūhtariquina tiquina ojoarire buhepeta quehnoano masiedari jiri. Sa masiedaye, Jesu tiquinare yuhdūoatiqiro tiqiro ijigū gūhūre masiedari jiri. Tiquina sa masiedapeta Jesure wejē dutiahye. Sa yeye Cohācjū yere yahu mūhtariquina tiquina ojoariro sahata yeye niahye. <sup>28</sup> Tiquirore tiquina wejēato pano tiquina Jesure yahūsāmahye. Sa ye tiqiro ñañene yerapegūta tiquina Pilatore Jesure wejē dutiye tee, siniahye. <sup>29</sup> Sa ye panopū tiquina ojoariro sahata Jesure ye tuhasa, tiqirore curusapū ijiriqirore ne dijio, masa copēpū utāre tiquina seheri copēpū ciahye tiqirore. <sup>30</sup> Sa ijiepegūta tiqiro yariari bato Cohācjū masori jiri tiqirore. <sup>31</sup> Sa ye Galileapū ahtariquina Jerusalēpū tiqiro mehna esariquina peye decori tiqirore yaria masa bajuariqirore ihñae tiahye. Sa ye yojopūre tiqirore tiquina ihñarire masare yahuri tiquina.

<sup>32-33</sup> Sa yena quehnoañe buheyere yahuaja usā mūsare. Cohācjū mari ñecusumūare “Masare quehnoano yeitja”, panopū tiqiro nidiro sahata yojopūre marine tiquina acayere yeri. Tire tiqiro yahurire ohō saha yeri tiqiro. Cohācjū Jesure masori jiri. Sa yena Jesure tiqiro masorire yahuaja mūsare. Pūaro Salmopū panopū tiquina ojoariro sahata sa wahari jiri. “Mūhū yuhū macū ijire. Miare mūhūre bajuagū yei’, nine Cohācjū tiqiro macūnōre”, ni ojoahye panopūre. <sup>34</sup> Sa yero Cohācjū Jesure tiqiro masoatire pari turi tiqiro yarietire yahuyuro ohō saha ni, yahu ojoahye Salmore ojoariqiro. “

‘Davire yuhū paja ihñariro sahata tiqirore yuhū nidiro sahata potota quehnoano yegūtja mūhū gūhūre’, nidi Cohācjū”, ni ojoahye. <sup>35</sup> Sa yero ape Salmo gūhūre ohō saha ni, yahuahye: “Cohācjū mūhū cahacjūno quehnoariqiro tiqiro pagūre ahba dutierare mūhū”, ni, ojoahye. <sup>36</sup> Sa yero Davi Cohācjū tiqiro cahmediro sahata tiqiro ijiri pje cjenare yedohoahye. Came tiqiro yariaa wahahye. Tiquiro yariari bato tiqiro pacusumūare tiquina yeriro sahata yahye tiqiro gūhūre. Sa yero tiqiro ahbaa wahahye. <sup>37</sup> Tiquiro sa ahbaepēgūta ahriqiro, Cohācjū tiqiro masoriquiro pehe ne ahbaerari. <sup>38</sup> Sa yena mūsa yuhū acaye ahrire masiña: Cohācjū mūsa ñañene tiqiro cohātire mūsare yahuaja usā. Jesu pehe ñañene cohātiquiro ijire. <sup>39</sup> Sa yero tiqirore wacū tutuayequinare tiqiro tiquina ñañe yerire borota. Moiserē Cohācjū cūri dutiyere mūsa yeri mehna Cohācjū cahapū wahasi mūsa. Sa yero dutiyere yeye mehna yuhdū duayequinare tiquina ñañene cohāsi Cohācjū. <sup>40</sup> Sa yena quehnoano yeya. Mūsa quehnoano yeragū Cohācjū yere yahu mūhtariquina tiquina ojoariro sahata mūsare wahaboaga. Ohō saha ni ojoahye:

<sup>41</sup> Tuhoya mūsa. Ñano ni bujapena, yuhūre ihñā tuhtina ijire mūsa. Yuhū ohō saha yegū cueya mūsa. Sa yena butia wahaya. Mūsa ijiye decorire Cohācjū tutuaye mehna mūsare ye ihñogūtja. Yuhū sa ye ihñogū ihñāepenata “Ijirota ijire”, nisi mūsa. Apeqiro tire mūsare tiqiro quehnoano yahuepegūta “Ijirota ijire”, nisi mūsa, ni ojoahye Cohācjū yere yahu mūhtariqiro, ni yahuahye Pablo tiquinare.

<sup>42</sup> Tiquiro sa ni yahuri bato judio masa buheri wuhūpū tiquina wijiari bato masa tiqirore tuhōriquina pehe tiquinare siniahye:

—Ape semanapū saurū ijigū usāre ahrire buheya tja, ni siniahye tiquina Pablo gūhūre.

<sup>43</sup> Sa ye ti wuhūpū ijiriquina wijiā, judio masa peyequina, judio masa ijieyequina gūhū Pablo gūhū mehna wahahye. Judio masa ijieyequina judio masa yere

buheyequina ijiahye. Tiquina sa wahagū Pablo, Bernabé mehna quehnoano yahuahye tiquinare. “Cohācjū musare cahīne. Sa yena tiquirore ño peoducuya”, ni buheahye tiquina.

<sup>44</sup> Sa ye ape semanare saurú ijigū ijipihtiyequina Jesu yere tuho duayequina cahmecoahye. <sup>45</sup> Sa yepegūta judio masa pehe peyequina masare Jesu yere tuho duayequinare ihñañe, ihña tuhtiahye. Sa ihña tuhtiye tiquina sijoro ni yahuducu, Pablöre ñano quitu dojomehneahye. “Musare tiquiro buheye poto ijierare”, niahye tiquina. <sup>46</sup> Tiquina sa nigū tuhoye, Pablo, Bernabé mehna tiquinare quitu dojomehnediquinare cuero marieno yahuahye:

—Cohācjū tiquiro dutiriro sahata musare buhe mahtami usā. Usā sa buhepegūta masa pehe tire cahmeda tuhasari. Ijipihtiye decori Cohācjū mehna ijiye gūhure cahmeda tuhasari masa. Sa yena usā pehe judio masa ijieyequina pehere buhe ducanātja. <sup>47</sup> Sata dutiahye mari pūhtoro usāre:

“Musa judio masa ijieyequinare buhena tiquinare Cohācjū yere quehnoano masigū yenata masa. Sa yegu masa yoaropū ijieyequinare masa buhegū tuhoyequinare tiquina pehere pecapū wahaboriquinare yūhduogūtja yuhū”, ni yahuahye usāre Cohācjū, ni yahuahye Pablo, Bernabé mehna.

<sup>48</sup> Tiquina sa nigū tuhoye judio masa ijieyequina pehe bucueahye. “Cohācjū ye pehe quehnoañe ijire”, niahye tiquina. Sa ye Cohācjū tiquiro cahmeñequina ijipihtiye decori tiquiro mehna tiquina ijiatire tiquiro oho duariquina Jesure wacū tutua dūcahye. <sup>49</sup> Sa ye mari pūhtoro Cristo yere ti yehparure yahu pehoahye. <sup>50</sup> Tiquina sa yahugū ihñañe judio masa coerahye. Topū mari Pacare ño peoye numia, quehnoañe numia ijiahye. Sa ye judio masa Pablo gūhure ñano ni yahu wajahe. Tiquina sa ni yahu wajagū tuhoye ti numia Pablo mehna, Bernabé mehna gūhure usuahye. Sa ye ti maca cjēna pūhtoa gūhū tiquina mehna usuahye. Sa usuaye to cjēna ñano yeahye Pablo gūhure. Tiquina sa yeri bato Pablo gūhure tiquina ya yehparū ijieyequinare cohā wioahye. <sup>51</sup> Tiquina sa yegū ihñañe

Pablo, Bernabé mehna tiquina dahpocāri cjē dihta wahārire wejē site boro cūahye ti maca cjēna tiquina ñañe buhirire ihñoñe. Sa ye tuhasa tiquina Iconiopū wahaa wahahye. <sup>52</sup> Sa ye tiquina Jesu jequina pajiro bucueye, Espiritu Santo yajiro cūoye, tiquiro dutiro sahata yeyequina ijiahye.

## 14

*Pablo, Bernabé mehna Iconiopū ijiahye*

<sup>1</sup> Sa ye Pablo, Bernabé mehna judio masa buheri wūhūpū sajā, Jesu yere yahuahye. Sa ye judio masa peyequina Jesure wacū tutua dūcahye. Sa ye judio masa ijieyequina gūhū Jesure wacū tutua dūcahye. <sup>2</sup> Sa ijiepegūta judio masa Jesure cahmedariquina gūhū tiquina mehna ijiahye. Tiquina judio masa ijieyequinare usuagū yeahye. Jesu yequina mehna tiquinare usuagū yeahye judio masa pehe. Tiquina sa yegū judio masa ijieyequina ñano tuhotuahye Jesu yequinare. <sup>3</sup> Tiquina sa tuhotugū ihñañe Jesu yequina Pablo, Bernabé mehna topū yoari pje ijiye, cuero marieno mari pūhtoro yere quehnoano buheahye. Cohācjū masare tiquiro cahīñene buheahye. Tiquina sa buheri watoa Cohācjū tutuaye mehna ye ihñoahye, “Ahri buheye ijirota ijire”, niñe. <sup>4</sup> Sa ijiepegūta ti maca cjēna deco mehna judio masa yere cahmeñequina tojoahye. Deco mehna Jesu yere cahmeñequina gūhū tojoahye. Tiquina pūa curua tojoahye. <sup>5</sup> Sa ye judio masa ijieyequina, judio masa, tiquina pūhtoa mehna Jesu cūriquinare ñano yemahye. Utā paca mehna doque wejē duamahye tiquinare. <sup>6</sup> Tiquina sa ye duarire masiñe, Pablo, Bernabé mehna Licaonia yehparū duhti cā wahahye. Ti yehparū ijiri maca Listra wame tiri macare yūhdu cā, Derberū esahye. <sup>7</sup> Topū esaye, quehnoañe buheyere buheahye tiquina.

*Listrapū Pablöre utā paca mehna doqueahye*

<sup>8</sup> Sa ye Listrapū tini masieniquiro ijiahye. Tiquiro wahma masa bajuaropūta tini masieniquiro ijiahye. <sup>9-10</sup> Sa yero tiquiro Pablo buhegū tuhoahye. Tiquiro tuhori watoa Pablo pehe tiquiro dihitare ihñañe.

—Ahriquirō Jesure wacū tutuare. Sa yero tiquiro quehnoariquirō waha duare, ni tuhotuahye Pablo.

Sa ni tūhoturo tutuaro mehna ohō saha niahaye Pablo tiqirore:

—Wahcādūcaya, niahaye Pablo tiqirore.

Tiqiro sa nigū tūhorota tini masieniquire pehe uhpudca sa, wahaa wahahye. <sup>11</sup> Pablo sa yegū ihñañe masa sañuducuahye. Tiqina Licaonia ye mehna sañuducuahye.

—Cohāmana, masa saha bajuyequina uhmūserū ijyeyquina mari cahapū dijia tari jiri, ni sañuducuahye tiqina.

<sup>12</sup> Sa ye tiqina Bernabére “Zeus”, ni, pisuahye. Sa ye Pablo buhe mūhtariquire puhtoro yero saha tiqiro ijigū ihñañe “Hermes”, ni, pisuahye tiqina tiqirore.

<sup>13</sup> Sa yero Zeure ño peoyequina ya wūhu ti maca duhtū cahapū ijiahye. Sa yero Zeus yequina tiqina yaquiro pahi pehe wecuare, cohori mehna macapū sajā tari sopecaha cahapū ne cāhtahye. Zeure ño peo duaro wecuare oho duamahye. Sa yero tiqiro wecuare uñūa mūoñe mehna Pablore, Bernabére ño peo duamahye tiqiro, masa mehna. <sup>14</sup> Tiqina sa yegū ihñañe Pablo, Bernabé mehna tiqina basi tiqina ye suhtire tūhrēdoqueeahye tiqina buñūa witiyere masare ihñoñe tehe. Tūhrēdoqueo tuhāsa masa watoa oma cā, sañuducuahye tiqina:

<sup>15</sup> —Musa ohō saha yeracāhñā. Uśā gāhu mūsa yero sahata masa ijiaja. Mūsa ohō saha yeye ne duhseati ijerare. Sa yena mūsaare buhena ahtaū mūsa ohō saha yeyere duhu dutina tana. Ahriquina cohāmanare mūsa yeriqināre ñañequināre cohāñā. Sa yena Cohācjūre catiriquiro pehere ño peoya. Cohācjū pehe uhmūserē, yehpare, pajiri mare ijipihtiyere yeriquiro ijire.

<sup>16</sup> Sa yero tiqiro panopū ijipihtiyere macari cjēna tiqina yerire sa ihñā cāhye. <sup>17</sup> Sa yeperota tiqiro ijyeyere iyere ihñore masare. Tiqiro masare quehnoañene ye, acoro ahtagū ye, dūca tigū ye, masare ihyayere ohoducure. Tiqiro sa ohogū masa bucuere. Sata tiqiro ijyeyere iyere ihñore masare, ni-ahye Pablo, Bernabé mehna.

<sup>18</sup> Tiqina sa nigū tūhoepeta masa wecuare wejē uñūa mūo, tiquinare ño peo duamahye. Sata tiqina ño peo duagū ihñañe tiquinare sa ye dutierahye Pablo gāhu. Tiqina sa yeyere duhu duerapeta duhuahye.

<sup>19</sup> Sa ye apequina judio masa Antioquía cjēna, Iconio cjēna gāhu Listrapū esahye. Topū esaye, Pablore ñano yahuducuahye judio masa. Tiqina sa ni yahuducugū tūhoye, masa tiqiro mehna usuahye. Sa usuaye utā paca mehna doqueahye tiqirore. Utā paca mehna tiqirore doque tuhāsa “Ahriquirō yariaa wahare”, niñe, ti maca duhtū cahapū tiqirore weje sa cū cā, wahaa wahahye. <sup>20</sup> Tiqina sa yeri bato Jesu yequina Pablore ihñañe esahye. Tiqiro cahapū tiqina cahmecoadauca sagū waro Pablo wahcādūca, tiqina mehna macapū tojoaa wahahye. Sa ye ape decopū tiqiro Bernabé mehna Derberū wahahye.

<sup>21</sup> Sa ye topū tiqina quehnoañe buheyere peyeyquina masare yahuahye. Sa ye peyeyquina Jesu yequina tiqina wahari bato, Pablo gāhu Listrapū esa, ti macare yūhdu cā, Iconiopū esa, ti macare yūhdu cā, Antioquíapū Pisidia yehpapū ijiri macapū esa, ti macapū tojoahye. <sup>22</sup> Ti macaripū esaye to cjēna Jesu yequinare quehnoañe buheyere yahuye, tiquinare quehnoano jeripohna tigū yehaye. Sa Jesure wacū tutuaducū dutiye ohō saha ni yahuahye tiquinare:

—Cohācjū ijirōpūre mari waha duana, tutuaro marine ñano yūhdūro cahmene, ni yahuahye Pablo gāhu.

<sup>23</sup> Sa ye macaripe cjēnare Jesu yequinare tiqina puhtoa ijiatire cūahye Pablo, Bernabé mehna. Sa ye tiqina sijiri bato Cohācjūre siniahye:

—Puhtō, ahriquina mūhū yequinare ihñā ihboya, ni sini basahye tiqina Cohācjūre, tiqina wacū tutuariquirōre.

*Pablo Bernabé mehna Antioquíapū tiqina iji mūhtari macapū tojoaa wahahye*

<sup>24</sup> Tiqina sa yeri bato tiqina Pisidia yehpapū ijiriquina wahaa wahahye Panfilia yehpapū. <sup>25</sup> Sa ye Pergepūre tiqina buhe tuhāsa, Atalia wame tiri macapū wahaa wahahye. <sup>26</sup> Sa ye ti macapū esa, Antioquíapū tojoaye, yucūsa mehna wahaa wahahye. Ti macapūta panopū tiqina ijinigū Jesu yequina Cohācjū yere buhe dutiye Pablo gāhūre ohoahye. Sa ohoye, ohō saha ni-ahye:

—Cohācjū mūhū cahñe mehna ahriquinare ihñā ihboya, ni ohoahye tiqina.

Sa ye tiquina buhe dutirire buhe pehoahye Pablo, Bernabé mehna. <sup>27</sup> Sa ye tiquina Antioquiapü tiquina tojoa sari bato Jesu yequina mehna cahmecoa, Cohäcäjü tutuaye mehna tiquina yerire yahu pehoahye tiquina. Judio masa ijieyequina gühü Cohäcäjü yequina tiquina waharire yahuahye tiquina. <sup>28</sup> Sa ye Pablo gühü topüre Jesu yequina mehna yoari pje ijie tiahye.

## 15

*Jerusalēpu* Jesu yequina cahmecoahye

<sup>1</sup> Sa ye Judea yehpa cjēna meheñequinagā Antioquiapü esaye, Jesu yequinare ohō saha ni buhe dūcahaye tiquina:

—Cohäcäjü dutiyere Moiserē cūno ohō saha ni cūahye. Ijipihtiyequina tiquina cuhnucunū sohtoa cahserogāre tiquina yahre neatire yahu cūahye Moiserē. Mūsa tire yeragū Cohäcäjü mū sare yuhduosi, ni buheahye tiquina to cjēnare.

<sup>2</sup> Sa ni buheye Judea yehpa cjēna pehe cahme dūse tini wiahye Pablo, Bernabé mehna. Tiquina sa cahme dūse tini wiari bato Jesu yequina pehe Pablōre, Bernabére apequina to cjēna gūhure Jerusalēpu ohoahye. Judea yehpa cjēna tiquina buherire Jesu cūriquinare, Jesu yequina puhtoa gūhure sinitu dutiye ohoahye Pablo gūhure.

<sup>3</sup> Sa ye Jesu yequina tiquinare ohogū waha, Fenicia yehpare esa, yuhdu cā, Samaria yehpapü esahye. Ti macaripü esaye, judio masa ijieyequina Cohäcäjü yere tiquina cahme dūcarire yahuahye tiquina to cjēnare. Tiquina sa yahugū tuhoye to cjēna Jesu yequina tutuaro bucueahye.

<sup>4</sup> Sa ye tiquina Jerusalēpu esagū ihñāñe to cjēna Jesu yequina tiqiuro cūriquina, tiqiuro yequina puhtoa mehna bucueye mehna quehnoano piti cahye tiquinare. Sa ye Pablo, Bernabé mehna Cohäcäjü tutuaye mehna tiquina yerire yahuahye tiquina Jerusalē cjēnare. Judio masa ijieyequina Jesu yequina tiquina wahari gūhure yahuahye tiquinare. <sup>5</sup> Sa ijiepegūta topü fariseo masa Jesu yequina meheñequinagā ijiahye. Sa ye tiquina topüre wahcādūca, ohō saha ni yahuahye:

—Tiquinare judio masa ijieyequinare tiquina cuhnucunū sohtoa cahserogāre yahre neno cahmene. “Cohäcäjü Moiserē

tiqiuro dutirire yeya mūsa gūhū”, nino cahmene tiquinare, niahye tiquina fariseo masa gūhū.

<sup>6</sup> Tiquina sa nigū tuhoye Jesu cūriquina, Jesu yequina puhtoa mehna tiquina sa ni dire quehnoñe tehe, cahmecoahye. <sup>7</sup> Sa ye peye tiquina yahuducuri bato Pedro wahcādūca yahuahye tiquinare:

—Yuhū acaye, panopü yuhure mūsa mehna ijirigūre Cohäcäjü ohō saha ye dutiro yuhure cūri. Tiqiuro yuhure quehnoñe buheyere judio masa ijieyequinare yahu dutiro cūri. Tiquinare Jesure wacū tutua dutiro yuhure tiquinare buhe dutiri. <sup>8</sup> Sa yero Cohäcäjü masa tuhotuyere masine. Sa yero tiqiuro judio masa ijieyequinare tiqiuro yequina tiqiuro yerire ihñono taro Espiritu Santore ohori tiquinare, marine tiqiuro yeriro sahata. <sup>9</sup> Sa ohoro tiqiuro marine tiquina gūhure ihcāno saha quehnoano yeri. Tiqiurore tiquina wacū tutuagū tiquina ñañene bori tiqiuro.

<sup>10</sup> Mari pehe Cohäcäjü Moiserē tiqiuro cūri dutiyere ye peho masiedaja. Sa ye mari ñecusumūa mūna gūhū ti dutiyere ye peho masiedahye. ¿Sa mari ye masiedapegūta dūhse yena Jesu yequinare judio masa ijieyequinare tire ye duti duajari mūsa? Sa ye dutina Cohäcäjü tiquinare tiqiuro yerire “Queoro wahaerare”, nina niaga mūsa. <sup>11</sup> Mūsa sa niepegūta ohō saha usā tuhoutuaja. Yojoপুরē judio masa ijieyequina yero sahata mari gūhure mari puhtoro Jesu cahñe mehna Cohäcäjü yuhduorota, niahye Pedro tiquinare.

<sup>12</sup> Tiqiuro sa nigū tuhoye ijipihtiyequina dihta maria wahahye. Sa ye Pablo, Bernabé mehna judio masa ijieyequina watoa Cohäcäjü tutuaye mehna tiquina ye ihñorire yahuahye tiquinare. <sup>13</sup> Sa tiquina yahu tuhasari bato Santiago yahuahye.

—Acaye, tuhoya yuhure. <sup>14</sup> Cohäcäjü judio masa ijieyequinare tiqiuro yequina wahagū yeahye. Coā tiquinare sa wahagū yeahye. Tire yahu tuhasari marine Pedro pehe. <sup>15</sup> Panopü cjēna Cohäcäjü yere yahu muhtariquina tiquina yahuriro sahata sa wahari judio masa ijieyequinare. Ohō saha ni mari Pacū yere ojoahye tiquina:

<sup>16</sup> Panopü Davi mūnāno ya curua cjēna tiquina puhtoa tiquina ijiri pihtia wahari. Came tojoa tautja yuhū. Sa

yegu pari turi Davi ya curua cĵenore puhtoro sōutja. <sup>17</sup> Yuhū sa yeri bato ijipihtiyequina apequina judio masa ijieyequina yuhure tiquina puhtore cahmeeta tiquina. “Yeequina ijija”, yuhū ni pisuriquina pehe yuhure cahmeeta. <sup>18</sup> Sata nine mari puhtoro. Panopu tiquiro ahrire masare yahue tiri jiri, ni ojoahye Cohācĵū yere yahu muhtariquina.

<sup>19</sup> Sa yegu ohō saha tuhutuaja yuhū. Judio masa ijieyequinare Cohācĵū yere wahma cahme ducayequinare peye ye dutieracūhna mari. <sup>20</sup> Sa dutierapenata tiquinare ojoa ohouhna mari. Ohō saha ni, ojoa ohouhna. “Ŋaŋe ihyayere, ‘Cohācĵū ijire’, tiquina nimesi queoyere ño peo tiquina duhu peori ihyayere ihyeracāhña. Sa yena wuana tieracāhña. Sa yena wamua tiquina ñehe wejēdiquinare wahiquinare ihyeracāhña. Diire sihniedacāhña”, ni yahu ojoa ohouhna. <sup>21</sup> Yoari pje judio masa buheye wuhusepu sauru ijigū Cohācĵū Moisere tiquiro cūri dutiyere buhee tiri masa. Sa ye ijipihtiye macaripu Moise tiquiro yahuyere buhee tiri. Sa yena yahu nidiro sahata judio masa ijieyequinare Jesu yequinare ojoa ohouhna, judio masa pehe tiquina mehna “Usuari”, nina, niahye Santiago.

*Judio masa ijieyequinare Jesu yequina puhtoa ojoa ojoahye*

<sup>22</sup> Ti pje Jesu cūriquina, Jesu yequina puhtoa ijipihtiyequina Jesu yequina mehna puaro tiquina mehna cĵenare beseahye tiquina ohoatiquinare. Antioquíapu Pablo, Bernabé mehna wahatiquinare tiquinare bese ojoahye. Sa ye tiquina Judare, Sila mehna ojoahye. Juda pehe Barsaba puaro wame wame tiahye. Tiquina acaye Jesu yequina tiquinare ño peoahye. <sup>23</sup> Tiquinare tiquina beseri bato Jesu yequina ojoari pūre ojoahye tiquina mehna. Ohō saha ni ojoahye tiquina:

—Jesu cūrina, tiquiro yequina puhtoa, musa acaye Jesu yequina mehna usā quehnoa dutiaja musare. Ijipihina judio masa ijinare Antioquíapu, Siriapu, Ciliciapu ijinare musare Jesu yequinare quehnoa dutiaja usā. <sup>24</sup> Usā mehna cĵena musa cahapu esaye, musare peye dutiyere ye dutiñohti. Sa ye musare

cariboñohti. Tiquina sa dutiepegūta usā pehe tiquinare tire buhe dutina ohoeru. <sup>25-26</sup> Sa yena usā ijipihina ihcāno mehna musa cahapu ohoatiquinare usā besei. Mari cahñequinare Pablo, Bernabé mehna Cristo Jesu mari puhtoro yere cuero marieno tiquina buhegū peye tahari apequina tiquinare wejēmahye. Tiquina sa wejē duagū mehenogā mehna yuhduahye tiquina. Tiquina mehna usā beseriquinare yojopure ojoaja. <sup>27</sup> Sa yena Judare, Sila mehna musa cahapu ojoaja. Usā ojoarire tiquina pehe musare yahueta. <sup>28</sup> Espiritu Santo wacūno sahata usā gūhu tuhutuaja. Ohō saha ijire ti: Apeye dutiyepure cūedaja musare. Ahri dutiye dihitare cūnata musare: <sup>29</sup> Ŋaŋe ihyayere, “Cohācĵū ijire”, tiquina nimesi queoyere ño peo tiquina duhu peori ihyayere ihyeracāhña. Diire sihniedacāhña. Wamua tiquina ñehe wejēdiquinare wahiquinare ihyeracāhña. Sa yena wuana tieracāhña. Ahri yuhū ye dutiarire yerana quehnoañene yena ninata musa. To puno tjire musare usā yahu duaye, ni ojoa ojoahye Jesu yequina Jerusalēpu ijieyequina.

<sup>30</sup> Ti pūre ojoa tuhasa, ojoahye Antioquíapu wahayequinare. Tiquina ohori bato waha, Antioquíapu esahye. Topu tiquina esari bato peyequina masare cahmecoa duti, tiquina ojoari pūre wiahye tiquinare. <sup>31</sup> Ti pūre tiquina buheri bato quehnoañene tiquina yahugū tuhoye, quehnoano bucueahye. <sup>32</sup> Sa ye Juda, Sila mehna Cohācĵū yere yahu muhtariquina ijieye, yoari pje Jesu yequinare Cohācĵū yere yahuahye. Tiquina sa yahugū tuhoye, Jesu yequina pehe bucue, quehnoano jeripohna tiahye. <sup>33</sup> Sa ye Juda, Sila mehna topu meheñe decorigā tiquina ijiri bato tiquina tojoa tagū to cĵenare tiquina cohe tigū, “Quehnoano wahaya musa”, niahye Antioquia cĵena. Sa ye Juda gūhure ohoriquinare quehnoa dutioahye. Tiquina sa nidi bato Juda pehe tojoa wahahye. <sup>34</sup> Sa ijiepegūta Sila pehe toputa tojoa cāhye Antioquíaputa. <sup>35</sup> Sa ye Pablo, Bernabé gūhu meheñe decorigā tojoariahye ti macapu. Sa ye tiquina apequina peyequina mehna Jesu yere buheahye.

*Pari turi Pablo quehnoañene buheyere buhe tinino wahahye*

<sup>36</sup> Sa ye meheñe decorigã bato Pablo, Bernabé mehna yahuducuahye:

—Ijipihtiyequinare mari buhe ducariquinare ihñana wahauhna tja, niahye Pablo gũhu tiquina basi.

<sup>37</sup> Sa yero Bernabé pehe Ñure tiquina mehna nea duamahye. Ñu Marco pũaro wame wame tiriquire ijiahye. <sup>38</sup> To pano tiquire tiquina mehna Panfiliapũ esaro tiquina mehna tojoerahye. Tiquire yerire ihcãno sahaeraro, tojoa wahahye. Tiquire ihcãno sahaeragũ ihñano Pablo pari turi tiquire nea duerahye. <sup>39</sup> Tiquire nea dueragũ ihñano Bernabé Pablo mehna pũaro tiquina basi cahme yahuducu cahme tu wahye. Bernabé pehe Chipre wame tiri nucũopũ Marco mehna pehãa wahahye. <sup>40</sup> Pablo pehe Sila mehna piti ti cã, wahahye. Sa ye tiquina buheye wahato pano Jesu yequina tiquire ohoye, “Cohãcjũ musare quehnoano ihña ihboahro”, niahye. Tiquire sa nidi bato Pablo, Sila mehna wahaa wahahye. <sup>41</sup> Sa wahaye, Siria yehparũ, Cilicia yehparũ gũhure esaye, topũ Jesu yequinare quehnoano jeripohna ti bucuegũ yeahye tiquire.

## 16

### *Timoteo Pablo mehna wahahye*

<sup>1</sup> Tiquire sa yeri bato Pablo gũhu Derberũ, Listrapũ esaye, Timoteore boca sahye. Timoteo Jesu yaquiro ijiro, judio masono macũno ijiahye tiquire. Tiquire pacoro gũhu Jesu yacorota ijiahye. Tiquire pacuro pehe griego masuno ijiahye. <sup>2</sup> Sa ye Litra cjẽna, Iconio cjẽna Jesu yequina ohõ saha niahye Timoteore: “Timoteo masa quehnoariquire ijire”, ni yahue tiahye. <sup>3</sup> Sa yero Pablo Timoteore nea duahye. Sa ijepegũta ti yehpa cjẽna judio masa pehe Timoteo pacuro griego masuno tiquire ijigũ masiahye. Sa yero Pablo judio masare “Usuari”, nino, Timoteo cuhnucunũ sohtoa cahserogãre yũhre neahye. Judio masa dutiye nidiro sahata yeahye. <sup>4</sup> Tiquire sa yeri bato tiquire esari macari cjẽnare tiquire dutiyere ojoari pũ cjẽne yahuahye. Ti pũ Jesu cõriquina, tiquire yequina pũhtoa mehna Jerusalẽpũ ijiyequina tiquina ojoari pũ ijiahye. Sa ye ti dutiyere quehnoano yahuahye to cjẽnare Jesu yequinare. <sup>5</sup> Tiquire sa yahugũ tũhoye

Jesu yequina pehe Jesure wacũ tutua nemoahye. Sa ye Jesu yequina decoripe peyequina wahaducuahye.

*Pablo quehẽnopũ Macedonia cjũnore ihñahye*

<sup>6-7</sup> Sa yero Asia yehparũ pehere quehnoañe buheyere buhe dutierahye Espõritu Santo tiquire. Sa ye tiquire Frigia yehpare yũhdũa, Galacia yehpare yũhdũa, Misia yehpa duhtũ cahapũ esahye. Bitinia yehpa pehe waha duamahye. Tiquire waha duepegũta Espõritu Santo pehe tiquire topũre waha dutierahye. <sup>8</sup> Tiquire sa nidi bato tiquire pehe Misia yehpare yũhdũa, Troapũ wihiri. <sup>9</sup> Topũ tiquire wihiri bato ohõ saha quehẽahye Pablo. Macedonia yehpa cjũno tiquire caha ducugũ ihñahye tiquire. “Usãre Macedonia yehpa cjãnare yedohogũ ahtaya”, ni, pijiahye tiquire Pablore. <sup>10</sup> Tiquire quehẽdi bato wahcã, usã yere quehno tuhaha, Macedoniapũ wahaa wahau usã. “Cohãcjũ ti yehparũre quehnoañe buheyere buhe dutiro nine marine”, ni tũhtou usã.

*Pablo, Sila mehna Filipopũ ijiahye*

<sup>11</sup> Sa yena usã Troapũ ijina yucusa mehna Samotracia wame tiri nucũopũ pehã sau usã. Sa yena ape deco Neapolipũ wahau usã. <sup>12</sup> Ti macare yũhdũ cãna Filipopũ Roma cjẽna ya macapũ esau usã. Ti maca Macedonia yehparũ ijiri maca ijiri. Ihyo ijiri maca ijierari. Topũre meheñe decorigã usã ijii. <sup>13</sup> Sa yena saurũ ijigũ usã ti maca duhtũ cahapũ, dia duhtũ cahapũ esau. Topũ Cohãcjũ mehna tiquire yahuducuro ijiri. Topũ dujina topũ cahmecoañe numia mehna yahuducuu usã. <sup>14</sup> Ihcãcoro usãre tũhoricoro Tiatira cjõno Lidia wame tiricoro ijiri. Sa yero ticoro quehnoañe suhti wapa tiye suhtire duaricoro, mari Pacure ño peoricoro ijiri. Sa yero Pablo yahuyere quehnoano tũhogũ yeri Cohãcjũ ticorore. <sup>15</sup> Sa ye ticorore, ticoro ya wũhu cjẽna mehna wame yeri Pablo. Tiquire sa wame yeri bato ohõ saha nidi ticoro:

—“Jesu yacoro tjire mũhu gũhu”, nine mũa yũhure. Sa yena ya wũhũpũ sajã tariña mũa. Yũhu mehna tojoariña, nidi ticoro usãre.

Ticoro sa nigũ tũhona ticoro ya wũhũpũ tojoari usã.

<sup>16</sup> Ape deco Cohācjū mehna tiquina yahuducuroḡ ūsā wahagū watīnore cūoricoro piti cari ūsāre. Ticoro apequina cahacjōno ijiri. Sa yero ticoro masare “Ohō saha waharota musare”, ni, yahuyuricoro ijiri. Sa yahuro pajiro wapata basari ticoro puhtoare. <sup>17</sup> Sa yero Pablo mehna ūsā wahagū, ūsāre nūnū tā, sañuducuri ticoro:

—Ahriquina Cohācjū tutua yūhdūariquiro yedohoriquina ijire. Mari yariari bato Cohācjū marine tiquiro quehnoano yūhdūoatire yahure tiquina, ni sañuducuri ticoro.

<sup>18</sup> Peye decori sa ni cariboducuri Pablōre. Sa yero pari turi ticoro sa ni sañuducugū tūhoro Pablo majare ihña, ohō saha nidi watīnore:

—Jesucristo tutuaye mehna dutiaja mūhure. Ticorore duhuya. Waharīsa mūhū, nidi Pablo.

Tiquiro sa nigūta watīno pehe wahaa wahari.

<sup>19</sup> Tiquina sa yeri bato ticoro puhtoahya pehe niñeru ticoro wapataericoro wahagū ihñañe, tiquina Pablōre, Sila mehna ñehedi. Ñehe tuhasa, tiquinare neari ti maca decopū puhtoahya cahapū. <sup>20</sup> Sa ne cā, buhiri dahre dutiyequina cahapū cūri tiquinare.

—Ahriquina judio masa mari ya maca cjanare cariboye nine. <sup>21</sup> Tiquina mari dutiyere cohā dutiye, apye buheyere buheye nine. Mari ye dutiyere yūhdūacagū ye duaye nine. Mari Roma cjana ijina ahriquina yahuye pehere ye masiedaja mari. Sa yena tiquina buheyere mari cahmedaja, nidi ticoro puhtoahya buhiri dahre dutiyequinare.

<sup>22</sup> Tiquina sa nigū tūhoye masa peyequina Pablo gūhū mehna usua yūhdūa wahahye. Sa ye buhiri dahre dutiyequina pehe Pablo gūhū suhtire tiquina tūhrē cohāri bato daye cjugā mehna tana dutiri tiquinare. <sup>23</sup> Tutuaro tana tuhasa peresu yeri tiquinare. Tiquina sa peresu yeri bato peresu ijijequinare cohteriquiro quehnoano ihña ihbo dutiahye tiquina.

<sup>24</sup> Tiquina sa dutiri bato tiquinare cohteriquiro pehe ti wūhū puhia cja tucūpū tiquinare cū, taboa mehna tiquina dahpocārine biha cūahye.

<sup>25</sup> Nami deco Pablo, Sila mehna Cohācjūre sini, tiquirore basa peoahye. Tiquina sa basagū tūhoahye apequina peresupū ijijequina. <sup>26</sup> Tiquina sa ni basagūta ti wūhū

tutuario ñuhmiahye. Sa ñuhmigū ihcāno mehna ijipihtiyē sope pahmari parīa wahahye. Sa ye peresupū ijijequinare tiquina dūhteri dari come dari suru site dijiaa wahahye. <sup>27</sup> Sa wahagū ihñano ti wūhure cohteriquiro pehe “Peresu ijijequina duhti tuhasari jiri”, ni tūhotumahye. Sa ni tūhoturo tiquiro ñoseni pñine nedoqueo tiquiro basi ñosemahye. <sup>28</sup> Tiquiro sa yegū ihñano Pablo tiquirore tutuario sañuducu ohō saha niahye:

—Mūhū basi ñano yera cāhña. Ijipihtina ohōre ijiaya ūsā, niahye tiquiro tiquinare cohteriquirore.

<sup>29</sup> Tiquiro sa nigū tūhoro tiquinare cohteriquiro pehe sihā duti, tiquina cahapū oma cā, Pablo, Sila tiquina dahpocāri cahapū nanare doque quehe sahye tiquiro. <sup>30</sup> Sa yero tiquiro tiquinare ti tucūpū ijijequinare ne wijia, sinituahye:

—¿Dūhse yeagari yūhū Cohācjū yaquiro iji duagū? ni, sinituahye tiquiro.

<sup>31</sup> —Jesucristore wacū tutuaya mūhū. Mūhū acaye gūhū tiquirore wacū tutuahro. Mūsa sa yegū musare pecapū wahaborinare Cohācjū yūhdūorota, ni, yahuahye tiquina.

<sup>32-33</sup> Tiquina sa nidi hora ñami deco batogā ijiahye. Tiquina sa nidi bato tiquinare cohteriquiro ya wūhūpū neahye tiquinare. Tiquiro ya wūhūpū ne sa, tiquina camine coseahye tiquiro. Tiquiro sa cose tuhasari bato tiquiro cohteriquiro acaye mehna ijigū Cohācjū yere buheahye Pablo gūhū. Tiquina buheri bato wame yeahye tiquinare. <sup>34</sup> Tiquina wame ye tuhasari bato tiquinare cohteriquiro Pablo gūhūre ihyaye peoahye. Sa ye tiquiro acaye mehna quehnoañe buheyere tiquina tūhori bato tutuario bucueahye, Cohācjūre masi ducaye.

<sup>35</sup> Bohrea parī cāhtagū ihñañe puhtoahya pehe surarare peresu yeri wūhūpū ohoahye Pablo gūhūre wio dutiye. <sup>36</sup> Tiquina sa wio dutiri bato ti wūhūre cohteriquiro Pablo gūhūre yahuahye:

—Puhtoahya musare wio dutiri. Sa yena cuero marieno wijiaja, niahye tiquiro Pablo gūhūre.

<sup>37</sup> Tiquina sa wio duepegūta Pablo yahuahye surarare:

—Ūsā ñano yerū. Sa yena ūsā ne buhiri mariedaja. Ihyo warota tiquina puhtoahya pehe masa ihñonopū yucari mehna tanari



usäre, usä Roma cjäna usä ijiepegüta. Tana tuhasa peresu yeri usäre. Sa ye yojopu masa tiquina ihñeno wio duare usäre, usäre ñano tiquina yerire “Буоро уһдһари”, niñe. Puhtoa tiquina basita wioye ahtaahro usäre, niahye Pablo surarare.

<sup>38</sup> Tiquiro sa nigü tuhoye surara pehe puhtoare yahuye wahahye. Tiquina sa ni yahuri bato Pablo, Sila mehna Roma cjëna tiquina ijigü masiñe puhtoa pehe cue ni ahye. <sup>39</sup> Sa ye tiquina Pablo gñhu cahapu esa, ohö saha niahye:

—Ñano yeahti usä musare. Ne pari turi sa yesi, niahye puhtoa Pablo gñhure.

Sa ni tuhasa puhtoa tiquinare peresupu ijieyquinare wio, tiquinare ape siepu waha dutiahye. <sup>40</sup> Tiquina sa nidi bato Pablo, Sila mehna peresupu ijiriquina wijia, Lidia wame tiricoro ya wuhupu wahahye. Ti wuhupu tiquina esari bato Jesu yequinare piti cahye. Sa ye tiquina Jesu yequinare quehnoano buheye, quehnoano jeripohna tigü yeahye tiquinare. Tiquina sa yeri bato Pablo, Sila mehna wahaa wahahye.

## 17

*Tesalónica cjëna usuahye Jesu yequina mehna*

<sup>1</sup> Sa ye tiquina Anfipolipu esa, yuhduaye, Apoloniapu esa, yuhduaye, Tesalonicapu esahye tiquina. Topu judio masa buheri wñhu ijiahye. <sup>2</sup> Semanaripe tiquiro yeriro sahata Pablo buheri wuhupu wahae tiahye. Topu esa, ihtia semana waro saurú decorire tiquiro panopu cje tiquina ojoarire Cohäcju yere masare buhe, tire tiquina basi cahme yahuducue tiahye Pablo. <sup>3</sup> Sa yero tiquiro Cohäcju yere yahuahye:

—Judio masa, musa puhthora musa cohteriquiro Cristo ahtahye ñano yuhduatiquiro. Sa yero tiquiro yariaa wahahye masa mujano taro. Sa yero ahriquiri Jesu, yahu yahuriquiro, tiquiro Cristo warota ijire marine yuhduoatiquiro. Tiquirota ijire musa cohteriquiro. Ohö sahata nine Cohäcju yere tiquina ojoari pu, ni yahuahye Pablo.

<sup>4</sup> Tiquiro sa nigü tuhoye meheñequinagä topu ijieyquina “Potota ijire”, niahye. Sa ye tiquina Pablo gñhu mehna wahahye. Sa ye apequina gñhu griego masa peyequina mari Pacure ño peoyequina pehe Pablöre

tuhoye, tiquina mehna cjëna numia gñhu peyequina puhtoa numia gñhu tiquirore tuhoye Jesu yequina tojoahye. Sa ye Pablo gñhu mehna wahahye. <sup>5</sup> Sa ijiepegüta apequina judio masa pehe tiquina sa wahagü ihñañe, ihña cooahye. Sa ye tiquina ñañequina dahraeyequinare peyequinare piji cahmeoca ohö saha ni dutiahye: “Ahriquina ñano yeye nine”, ni sañuducu dutiahye tiquinare. Sa sañuducuye ijiphtieyquina ti maca cjënaire usuagü yeahye Pablo gñhu mehna. Sa ye judio masa Jasö ya wuhupu sajä, Pablo gñhure macamahye, tiquinare masarure ohoye tehe. <sup>6</sup> Sa macaepeta tiquinare bocaerahye. Sa ye Jasöre, apequina Jesu yequina gñhure ñehe, weje wijiaa wahahye tiquinare. Puhtoa cahapu ne sa, ohö saha ni yahusähye tiquina.

—Pablo gñhu masare ijiphtipore caribo yuhduare. Sa ye yojopure tiquina mari ya macare wihi tuhasari. <sup>7</sup> Sa yero ahriquiri Jasö tiquinare tiquiro ya wuhupu sajä ta dutiri. Tiquina ijiphtieyquina mari puhthora Roma cjëno tiquiro dutiyere yuhduäcare. “Apequiri musa puhthora ijire. Jesu tiquirota ijire”, niñe, mari puhthora dutiyere yuhduäcare tiquina, ni yahusähye judio masa pehe puhthora.

<sup>8</sup> Tiquina sa ni yahusägü tuhoye, ijiphtieyquina masa, puhtoa gñhu usua, tutuaro sañuducuahye. <sup>9</sup> Tiquina sa sañuducuepegüta puhtoa Jasöre, tiquiro mehna cjëna gñhure, niñerure wapa ye duti, wioahye.

*Pablo Sila mehna Bereapu esahye*

<sup>10</sup> Ti pjeta ñamipu Pablo gñhure Jesu yequina nuo ohoahye Bereapu. Topu esa tiquina judio masa buheri wuhupu sajäa wahahye. <sup>11</sup> Beraa cjëna pehe Tesalónica cjëna yuhduoro Jesu yere quehnoano tuhoyequina ijiahye. Sa ye tiquina Jesu yere tuhori bato “¿Potota ijiajari?” ni masi duaye, decorepe tiquiro yere tiquina ojoari pure sa buheducue tiahye tiquina. <sup>12</sup> Sa ye tiquina peyequina Jesure wacü tutuayequina ijiahye. Griego masa gñhu, amna, puhtoa numia mehna Jesure wacü tutuayequina ijiahye. <sup>13</sup> Sa ijiepegüta Pablo Bereapu Cohäcju yere tiquiro buhegü gñhure tuhoye, Tesalónica cjëna judio masa topu esahye. Topu esahye, Beraa

çjênare quti dojomehneñe, Pablo gãhu mehna usuagũ yeahye tiquina. <sup>14</sup> Tiquina sa yegũ ihñañe Jesu yequina Pablöre sojaro mehna pajiri ma dũhtũ cahapũ ohoahye. Tiquina sa ohopegũta Sila, Timoteo mehna Bereapũ tojoahye. <sup>15</sup> Sa ye apequina Pablöre Atenapũ ne cã soahye. Tiquirore so tuhasa, majare tojoaa wahahye Bereapũ tja.

—Sojaro mehna waha, piti tina wahaya Pablöre, ni yahuahye Silare, Timoteo gãhure.

Sa ni yahu dutiahye Pablo tiquinare.

*Pablo Atenapũ ijiahye*

<sup>16</sup> Sa yero Pablo Atenapũ cohtero niahye Sila, Timoteo gãhure. Sa yero Atena çjêna “Cohãcjũ ijire”, tiquina niñe queoyere peye tiquina cuogũ ihñano Pablo tutuaro bũjua witiahye tiquina mehna. <sup>17</sup> Sa bũjua witiro judio masa buheri wũhũpũ judio masa mehna yahuducuahye. Sa yero tja judio masa ijieyequina gãhure yahuducuahye tiquiro. Tiquina ihquẽquina mari Pacũre ño peoyequina ijiahye. Sa yero Pablo ti maca decorũ decoripe tiquiro cahapũ sa tini majare sajãñequina mehna yahuducuahye. <sup>18</sup> Apequina Epicũreo yere buheyequina, Estoico yere buheyequina gãhu Pablo mehna yahuducuahye.

—¿Ahriquiro yahuducuye peyariquiro dũhse ni yahuducuro niajari tiquiro? niahye tiquina.

Pablo Jesu yere, tiquiro masa mũjarire tiquiro yahugũ tũhoye ohõ saha ni tũhotumahye masa. “Tiquiro apequina cohãmanare yahuro niaga”, ni, tũhotumahye tiquina. <sup>19</sup> Tiquina tũhori bato Areõpago wame tiropũ Pablöre nea wahahye.

—Ahri buheye, wahma buheyere yojopũ mũhũ yahurire masi duaja usã. <sup>20</sup> Mũhu buheye sijoro saha ijire. Sa yena usã tire masi duaja, niahye tiquina Pablöre.

<sup>21</sup> Ijipihtiyequina Atena çjêna decoripe wahma buheyere yahuducuducu duahye. Sa ye tire tũho duahye. Ape yehpa çjêna gãhu Atenapũ ijiye, sata ye duahye. Sa ye Pablo yahuyere tũho duahye tiquina.

<sup>22</sup> Sa yero Pablo Areõpago wame tiropũ wahcãdũca, ohõ saha ni yahuahye:

—Atena çjãna, peyequina masa cohãmanare masa tutuaro ño peona masa ijigũ masiaja yũhu. <sup>23</sup> Ahri maca masa ya macare

cohãmanare masa ño peorire ihña tiniu yũhu. Sa ihña tinigũ yũhu ihcã cultupũ, cohãmanare ño peona masa ohoyere masa cũnopũ ahrire buhei. “Cohãcjũ, mari masimehnediquiro ya cuhtu ijire”, ni, ojoari jiri masa tire masa cũnopũ. Masa tiquirore masiedapenata tiquirore ño peori jiri masa. Tiquiroreta masa masiediquirore yahugũ niaja yũhu musare.

<sup>24</sup> Cohãcjũ ijipihtiri yehpare, ijipihtiyere bajumehnediquiro ijire. Tiquiro uhmũsere, yehpãpũre, pũhtoro ijiro, tiquiro masa tiquina yeri wũhũpũ ijierare. <sup>25</sup> Sa yero tiquiro mari ijiyere, mari jeri neñe gãhure, ijipihtiyere marine apee borore ohoriquiro ijiro, mari yedohoyere cahmedare. Tiquiro pejecũoriquiro ijierare.

<sup>26</sup> Tiquiro ihcãquiro umũnore ye dũcahye. Tiquiro mehñata ijipihtiri yehpa çjênare masare yeahye. Sa yero ijipihtiri yehpãpũre marine cũahye tiquiro. “Ohõ puno yoari pje ohõpũre catieta”, nino queo cũahye marine. <sup>27</sup> “Tiquina yũhũre macañe, bocaeta”, ni tũhotuahye Cohãcjũ. Sa yero Cohãcjũ yoaropũ ijierare. Mari mehñata ijire. Ohõ saha ni ojoahye.

<sup>28</sup> “Marine ijigũ yere tiquiro. Sa yero masa mehna sa ijiducure tiquiro”, ni ojoahye. Masa mehna çjêna panopũ çjêna basayere quehnoano ojoayequina tiquina ojoariro sahata nii niaja. “Mari gãhu Cohãcjũ pohna ijiaja”, ni ojoahye tiquina. <sup>29</sup> Sa yena tiquiro pohna ijina ohõ saha ni tũhotueracãhña masa. Queoyere, uru, plata, utã mehna masa esa tuharo masa yeriquinare “Cohãmana ijire”, ni tũhotueracãhña masa. <sup>30</sup> Panopũ masa tiquina masieñequina ijinigũ tiquina ñañene yepegũta Cohãcjũ sa ihña cãhriahye. Sa yeperota yojopũre ijipihtiri yehpa çjênare tiquina ñañene bũjua witi dutire Cohãcjũ.

<sup>31</sup> Came Cohãcjũ tiquiro queori decorũ ijipihtiri yehpa çjênare queoro beserota quehnoañequinare, ñañequinare. Tiquiro bese duti cũriquiro Jesu pehe beserota. Jesure yariariquirore masoahye tiquiro. Sa masono “Ahriquiro yũhu cũriquiro ijire”, ni, ihñono niahye Cohãcjũ masare, ni yahuahye Pablo Atena çjênare.

<sup>32</sup> Tiquiro sa nigũ masa mũjarire tiquiro yahuducugũ tũhoye apequina tiquirore bũjũpeahye. Sa ye apequina pehe ohõ saha niahye:

—Pari turi ahrire mahu yahugū usā tuho duaja, niahye tiquina Pablore.

<sup>33</sup> Tiquina sa nidi bato Pablo wahaa wahahye. <sup>34</sup> Sa ye meheñequinagā tiqiuro mehna ijiye, Jesure wacū tutua dūcahye. Dionisio Areópago cjāno puhtoa mehna cjāno Jesure wacū tutua dūcahye. Damari wame tiricoro gāhu, apequina mehna Jesure wacū tutua dūcahye.

## 18

### *Pablo Corintopu ijiahye*

<sup>1</sup> Sa ye, Pablo Atenapu ijiriqiuro waha, Corinto wame tiri macapu esahye. <sup>2</sup> Topu esaro, judio masano Aquila wame tiriqiurore boca sahye tiqiuro. Ijipihtiye-quina puhtoro Claudio wame tiriqiuro judio masare Romapu ijieyequinare tiqiuro cohāgū, Aquila pehe tiqiuro namono Priscila mehna waha, Corintopu esahye. Aquila pehe Ponto wame tiri yehapu masa bajuariqiuro ijiahye. Sa ye tiquina Corintopu tiquina ijigū, Pablo tiquina cahapu esahye. <sup>3</sup> Aquila gāhu carpa cahseri wuhusere yeyequina ijiahye. Pablo gāhu carpa cahseri wuhusere yeriqiurota ijiahye. Sa yero tiqiuro tiquina mehna dahra, topu tojoahye. <sup>4</sup> Sa yero Pablo sauru ijigū semanaripe judio masa tiquina buheri wuhupu judio masare, judio masa ijieyequina gāhure Cohācjū yere yahuahye. Tiquiuro sa ni yahugū tuhoye, “Ijirota ijire”, niahye tiquina ihquēquina.

<sup>5</sup> Sa ye Sila, Timoteo mehna Macedoniapu ijiriquina, Pablo cahapu esahye. Topu tiquina esari bato Pablo pehe ijipihtiye decori judio masare quehnoano buhee tiahye:

—Jesu, Cristo marine yuhduoatiqiuro mari coheriqiuro ijire, ni yahue tiahye tiqiuro.

<sup>6</sup> Tiquiuro sa ni buhepegūta, judio masa pehe tiqiurore tuho duerahye. Sa ye tiquina ñano ni qiti dojomehneahye tiqiurore. Tiquina sa yegū Pablo tiquinare tiqiuro tuhtiboriro sahata, tiqiuro suhtirore dihta wahārire wejē site cūahye.

—Musa ye buhiri pecapu wahanata. Cohācjū tiqiuro dutiro sahata masare buhemi yahu. Sa buhepegūta musa yahure tuho duerari. Yojoparu judio

masa ijieyequina pehere buhegu wahaatja, niahye Pablo judio masare.

<sup>7</sup> Tiquiuro sa nidi bato tiqiuro topu ijiriqiuro waha, Ticio Justo wame tiriqiuro ya wuhapu esahye. Justo Cohācjūre ño peoriqiuro ijiahye. Tiquiuro ya wahu pehe judio masa buheri wahu cahapu ijiahye. <sup>8</sup> Sa ye Crispo wame tiriqiuro buheri wuhure coheriqiuro, tiqiuro namono, tiqiuro pohne gāhu Jesure wacū tutuayequina ijiahye. Sa ye apequina Corinto cjēna peyequina Cohācjū yere tuhoye, Jesure wacū tutuahye. Tiquina sa wacū tutuayequina ijigū tiquinare wame yeahye. <sup>9-10</sup> Ihcā ñami Cohācjū quehēnopu yahuahye Pablore. Tiriqiurore ohō saha niahye:

—Mahu mehna ijiaja. Ahri macare yeequina peyequina ijire. Sa ye apequina masa mahure ñano ye masiedare. Sa yegu cueracāhña mahu. Sa cueragu yeere tutuaro yahuya. Sa tuhotuercāhña, ni yahuahye Cohācjū Pablore.

<sup>11</sup> Sa ye ihcā cūhma quehnoano, ape cūhma deco waro to cjēnare Cohācjū yere buhe, ijie tiahye Pablo.

<sup>12</sup> Tiquiuro sa ijiri watoa Galiō wame tiriqiuro Acaya yehpa cjēna puhtoro tiqiuro ijigū judio masa ijipihtiyequina ihcāno mehna Pablore yahusāñe taye, tiqiurore buhiri dahre dutieyequina cahapu neahye tiquina.

<sup>13</sup> —Ahriqiuro masare Cohācjūre ño peo dutiro ahri yehpa cjē dutiye pehere cohā dutiro nine, ni yahusāhye judio masa buhiri dahre dutieyequinare.

<sup>14</sup> Tiquina sa ni yahusāgū tuhoro Pablo pehe tiquinare yahu duamahye. Sa yahu duepegūta Galiō pehe judio masare yahuahye:

—Ahriqiuro usā Roma cjāna ye dutiyere yuhduocariqiuro tiqiuro ijigū masare yuhthiboaya yahu. <sup>15</sup> Sa yena musa judio masa ye dutiye pehere ahriqiuro yuhduocariqiuro ijigū musa basi quehnoña. Ahrire musa mehna masino pjerare yahure, ni yahuahye tiqiuro judio masare.

<sup>16</sup> Sa ninota tiquinare judio masa yahusāñe ahtamediquinare tiqiuro ya tucūpu ijiriquinare cohā wioahye tiqiuro. <sup>17</sup> Tiquiuro sa cohā wiori bato ijipihtiyequina ti wuhupu ijiriquina Sostenene judio

masa buheri wuhure cohteriquirore Jesu yaquirore ñehe, buhiri dahre dutiyequina cahapu queahye tiquirore. Tiquina sa quegũ ihñano Galio sa ihña cahye.

*Pablo Antioquíapu tojoa wahahye*

<sup>18</sup> Sa yero Pablo Corintopu yoari pje ijiriquiro “Wahañ niaja”, ni cohe tiahye tiquiru Jesu yequinare. Tiquiro sa nidi bato tiquiru Priscila, Aquila mehna Siria yehrapu ijiri macapu pehã wahahye. Cencrea wame tiri petamahapu tiquina esari bato Pablo Cohãcjũre “Ohõ saha mũhure ye basautja”, tiquiru nidire ye tuhasariquiropu ijiahye. Sa yero sa yeriquina judio masa tiquina yeducuriro sahata tiquiru poarire wuha peho dutiahye.

<sup>19</sup> Sa yero tiquina Efeso wame tiri macapu pehã sa, Priscilare, Aquila gũhure cũahye Pablo. Tiquinare topu cũ, judio masa tiquina buheri wuhũpu wahahye. Ti wuhũpu esa, Cohãcjũ yere yahuahye. Sa yahuro judio masa mehna yahuducuahye.

<sup>20</sup> Tiquiro sa yahuducuri bato tiquirore tiquina mehna tojoa dutimahye. Tiquina sa dutiepegũta ohõ saha niahye Pablo:

—Tojoraja mũsa mehna, niahye Pablo tiquinare.

<sup>21</sup> Sa ninota,

—Wahagu niaja. Cohãcjũ cahmegũ pari turi tojoa taboaga, niahye tiquinare Pablo.

Sa ni tuhasa Efesopu ijiriquiro pehã wahahye tiquiru.

<sup>22</sup> Sa yero Cesareapu pehã sa, yuhdu cã, Jerusalẽpu esahye. Topu esa, to cjẽna Jesu yequinare “¿Ne ijiajari mũsa?” ni, tiquinare ihña yuhdu Antioquíapu esahye. <sup>23</sup> Topu meheñe decorigã ijiahye. Topu ijiriquiro yuhduahye. Galacia yehrapu ijiye macaripu, Frigia yehrapu ijiye macaripu pari turi esa, ti macari cjẽnare Jesu yequinare buhero, bucuegũ yeahye.

*Apolo wame tiriquiro Efesopu buheahye*

<sup>24</sup> Ti pjere, judio masũno Apolo wame tiriquiro, Alejandría cjãno Efesopu esahye. Tiquiro quehnoano yahu mihnidiquiro ijiahye. Sa yero tiquiru Cohãcjũ ojarire quehnoano masiahye. <sup>25</sup> Apequiro tiquirore Cohãcjũ yere yahu tuhasae tiahye. Sa yero tiquiru Ñu wame yeriquiro ye buh-eye dihitare masiahye. Sa ijieperota tiquiru tutuaro bucueye mehna Cohãcjũ

yere quehnoano buheahye. <sup>26</sup> Sa yero judio masa tiquina buheri wuhũpu tiquiru cuero marieno tiquinare buhe dũcahye. Tiquiro sa buhegũ tiquina tũhori bato Priscila, Aquila mehna tiquirore tiquina mehna neahye. Cohãcjũ yere tiquiru quehnoano poto yahu pehoeragũ ihñañe quehnoano poto yahu pehoahye tiquina tiquirore. <sup>27-28</sup> Sa ye tiquiru Apolo pehe Acaya yehrapu tiquiru waha duagũ Jesu yequina tiquirore “Quehnoano wahaya”, ni, ojoari pũrine ohoahye tiquirore. Ti pũri Acayapu ijiyequina Jesu yequinare Apolore quehnoano piti ca dutiye pũri ijiahye. Sa yero Apolo topu esaro, to cjẽnare Jesure wacũ tutuayequinare Cohãcjũ cahĩñe mehna quehnoano yedohoahye. Judio masare ti macapu ijiyequinare ohõ saha ni yahuahye:

—Cohãcjũ ohoriquiro mũsa cohteriquiro ijire Jesu. Cristo waro ijire tiquiru, ni yahuahye judio masare apequina masa tiquina ihñonopu.

Cohãcjũ yere tiquina ojoari mehna tiquiru quehnoano queero yahugũ tũhoye tiquina “Poto ijierare”, ni masiedahye. Sa yero Cohãcjũ cahĩñe mehna tiquirore wacũ tutuayequinare quehnoano yedohoahye Apolo.

## 19

*Pablo Efesopu wahahye*

<sup>1</sup> Corintopu Apolo tiquiru ijiri watoa, Pablo pehe cũnu cjũpu muja yuhdu, Efesopu esahye. Topu esaro ihquẽquina Jesu yequinare bocahye. <sup>2</sup> Tiquinare boca saro tiquiru tiquinare sinituahye:

—¿Mũsa Jesure wacũ tutuari bato mũsa pehe Espĩritu Santore cõo dũcari? ni, sinituahye Pablo.

Tiquiro sa nigũ tũhoye tiquirore ohõ saha ni yahuahye tiquina:

—“Espĩritu Santo ijire”, ni yahuerari usãre, ni yahuahye tiquina.

<sup>3</sup> Tiquina sa ni yahuri bato Pablo tiquinare sinituahye tja:

—¿Noa ye buheyere mũsa tũhori bato wame yeri mũsare? niahye tiquiru tja.

—Ñu ye buheyere usã tũhori bato wame yeri usãre, ni yahuahye tiquina.

<sup>4</sup> Tiquina sa nigũ tũhoro ohõ saha niahye Pablo:

—Masa tiquina ñañe yerire tiquina duhugū ihñano wame yeahye Ñu. Sa yero tiquiro wame yeye pehe tiquina ñañe yerire tiquina duhurire masare ihñoati ijire. Sa yero apee boro gūhure yahu nemoahye Ñu. “Yuhū bato ahtariquiro pehere wacū tutuaya mūsa”, ni yahuahye tiquiro. Sa nino Jesure yahuro niahye, ni yahuahye Pablo tiquinare.

<sup>5</sup>Tiquiro sa nigū tiquina tūhori bato, Jesu wame mehna wame yeahye tiquinare. <sup>6</sup>Sa yero Pablo tiquina ihquēquina bui tiquiro omoca duhu peogū, Espiritu Santo pehe wiahaye tiquinapure. Tiquiro sa wihiri bato tiquina pehe tūhomehneñe yahuducuye mehna yahuducu, Cohācjū yere yahuahye. <sup>7</sup>Tiquina ijipihtiyequina doce umua ijije ijiboaga.

<sup>8</sup>Came Pablo judio masa tiquina buheri wūhupū sajā, ihtia asū waro decoripe cuero marieno Cohācjū puhtoro tiquiro ijiyere yahuducuahe tiquina mehna. Tiquirore tiquina sa tūhori bato “Ahri ijirota ijire”, niahye tiquina. <sup>9</sup>Sa niepegūta apequina pehe tūho duerahye. Sa ye tiquina masa tūhoro quehnoañe buheyere ñano niahye. Tiquina sa nigū tūhoro Pablo pehe Jesu yequinare piji wijia, ape siepū wahahye. Waha, Tirano wame tiri wūhū buheri wūhupū decoripe masare Cohācjū yere yahuahye tiquiro. <sup>10</sup>Pūa cūhma waro buhee tiahye tiquinare. Tiquiro sa buhegū ijipihtiyequina Asia yehpa cjēna judio masa, judio masa ijieyequina mehna mari puhtoro Jesu yere tūhoahye. <sup>11</sup>Sa yero Cohācjū tutuaye mehna Pablo peye tahari ye ihñoahye. <sup>12</sup>Suhti cahseri Pablo tiquiro pagure pihari cahserire, tiquiro pihari suhti gūhure ne cā, dohatiyequinare ohoahye. Ti suhtire ohogū tire ñeheñe tiquina dohatiye yūhdūa wahahye. Sa ye watia tiquina mehna ijiriquina waha wahahye ti suhtire tiquina ñehedi bato.

<sup>13</sup>Sa ijigū apequina judio masa, sa tiniducuyequina, watiare cohāñequina judio masa yayia ijiahye. Sa ye Pablo tiquiro yeriro sahata Jesu tutuaye mehna watiare cohā duamahye. Sa ye watiare duhu dutimahye tiquina.

—Pablo yahuriquiro, Jesu tiquiro tutuaye mehna dutiaja mū sare. Wahaya.

Ahriquiro mehna pari turi ijieracāñña, nimahye tiquina watiare ohoye.

<sup>14</sup>Esceva wame tiriquiro siete tiquiro pohne pehe sata yemahye. Esceva pehe judio masūno pahia puhtoro ijiahye.

<sup>15</sup>Tiquiro pohne watinore tiquina waha dutiri bato, watino pehe ohō saha niahye tiquinare:

—Jesure masiaja. Pablo gūhure masiaja. Mūsa pehere masiedaja, niahye watino tiquinare.

<sup>16</sup>Tiquiro sa nigūta watinore cūoriquiro pehe tutuaro tiquinare ñehe maa wahahye. Sa yero tiquinare ña yūhdūaro yeahye. Tiquiro sa yeri bato suhti marieñequina, cami tiyequina oma wijiaa wahahye tiquina ti wūhure. <sup>17</sup>Tiquina sa yeri bato ijipihtiyequina Efeso cjēna, judio masa, judio masa ijieyequina mehna tire tūhoye, cue yūhdūahye tiquina. Sa ye mari puhtoro Jesu yere bujūpero marieno yahuducuahe masa pehe.

<sup>18</sup>Sa ye masa peyequina Jesure wacū tutuayequina tiquina ñano yerire yahuye ahtahye. <sup>19</sup>Tiquina mehna cjēna peyequina yayia masare ujuayequina yero saha yeyequina ijiahye. Sa ye tiquina ojoari pūrine yayia tiquina yerire yahuye pūrine topū ne cāhta, masa ihñonopū ti pūrine ujūa cohā cāhye tiquina. Ti pūri wapa tirire tiquina queogū, ijipihtiye pūri cincuenta mil cjoeri niñeru cjoeri wapa timahye ti pūri. <sup>20</sup>Sa ye Cohācjū yere cahmeñequina peyequina wahahye. Cohācjū tutuaye mehna tiquiro yequina wahahye.

<sup>21</sup>Tiquina sa wahari bato Pablo ohō saha ni tūhotuahye: “Macedonia yehpapū esa mūhta, ti yehpare yūhdūa, Acaya yehpare esautja. Ti yehpare yūhū esari bato Jerusalēpū wahaūtja. Ti macare yūhū esari bato Romapū wahaūtja”, ni tūhotuahye Pablo. <sup>22</sup>Pūaro tiquirore yedohoyequinare tiquiro pano oho mūhtahye Macedonia yehpapū. Timoteo, Erasto gūhū ijiahye tiquina. Sa yero Pablo pehe ihcāquirota tojoa nūnū tārīahye Asia yehpapū.

*Efesopū* masa usua, sañuducuahe

<sup>23</sup>Ti pjere Efesopū Jesu yere apequina cahmedaye, Pablo gūhure tuhtiahye.

<sup>24</sup>Plata mehna dahrariquiro Demetrio wame tiriquiro plata mehna cohācjōno Artemisa wame tiricoro ya wūhū queoyere

yeriquiro ijahye. Sa yero tiquiro apequina plata mehna dahrayequina mehna ti queoyere dua, pajiro wapatahye tiquina. <sup>25</sup> Sa yero Demetrio apequina plata mehna dahrayequinare piji cahmecoa yuahyehye tiquinare.

—Tuhoya musa. Ahri dahraye mehna pajiro mari wapatarire masine musa. <sup>26</sup> Ahriquiro Pablo yerire tiquiro buheri gūhure masine musa. Ohō saha ni buhere tiquiro. “Cohāmana queoye masa tiquina yeyequina catiyequina ijierare”, ni yahue tiri tiquiro. Tiquiro sa nigū tuhoye peyequina Efeso cjēna, ijiphiropu apequina Asia yehpa cjēna gūhū ti buheyere “Ijirota ijire”, nie tiri. <sup>27</sup> Sa niñe mari dahrayere masa nāno yahuducuboaga. Sa ye mari yacoro cohācjōno Artemisa ya wūhure masa cohāboaga. Sa yero ticoro ijiphiyequina Asia yehpa cjēna, ijiphihiri yehpa cjēna tiquina nō peoricoro ticoro ijiepegūta ticoro tutuaye butiarota. Sa ye masa ticorore masiedaboaga, niahye Demetrio tiquinare.

<sup>28</sup> Tiquiro sa nigū tuhoye tiquina pehe tutuaro usua, sañuducuahye:

—Artemisa Efeso cjāna mari yacoro cohācjōno tutuaricoro ijire, ni, sañuducuahye tiquina.

<sup>29</sup> Sa ye Efeso cjēna ijiphiyequina sañuducu yahdua, tuho masiñe pihitia wahahye. Sa wahaye, Gayore, Aristarco gūhure ñehe, masa tiquina cahmecoanopu tiquinare weje cāhye. Gayo, Aristarco mehna Macedonia cjēna ijiye, Pablo mehna tiniñequina ijie tiahye. <sup>30</sup> Sa ye Pablo masa cahapu tiquiro waha duagū, Jesu yequina pehe tiqiore waha dutierahye. <sup>31</sup> Sa ye apequina ti yehpa cjēna puhto, Pablo mehna cjēna ijiye, tiquina cahacjēnare yahu dutiahye Pablore:

—Masa tiquina cahmecoanopu wahaeracāhña, ni yahu duti ohoahye puhto tiquina cahacjēnare Pablopure.

<sup>32</sup> Sa ye topu cahmecoañequina mehna cjēna pehe peyequina “¿Dahsena tana mari cahmecoana niajari?” ni, masiedahye. Sa ye tiquina sañuducu nemoahye. Ahrie pehepu ijieyehina sijoro ni, sañuducuahye. Apequina gūhū sijoro ni sañuducuahye. <sup>33</sup> Sa ye judio masa pehe Alejandro wame tiriqiore masare yahu dutimahye. Sa yero Alejandro “Dihta mariahña”, nino

tiquiro omoca mehna quē dijioahye. “Ahriquina usāre judio masare tuhtiye nine”, ni tuhuturo judio masare cahmota duaro, yahuducumahye. <sup>34</sup> Tiquiro sa niepegūta judio masano tiquiro ijigū ihñañe masa ijiphiyequina ihcāno mehna puā hora waro sañuducuahye:

—Artemisa, Efeso cjāna mari yacoro cohācjōno tutuaricoro ijire, ni, sañuducuahye tiquina.

<sup>35</sup> Tiquina sa ni sañuducugū ihñano, Efeso cjēna puhtoare yedohoriquiro masare, “Dihta mariahña”, ni, yuahyehye tiquinare.

—Musa Efeso cjāna tuhoya. Efeso cjāna mari yacoro tutuaricoro cohācjōno Artemisa ya wūhū cohtena mari ijigū ijiphihiri yehpa cjēna masine. Sa ye ahmusepu bora dijia tari queoyere cohtena mari ijigū gūhure masine masa. <sup>36</sup> Sa ye apequina “Ahri poto ijierare”, ni masiedare. Sa yena usueracāhña musa. Quehnoano tuhutuya musa. <sup>37</sup> Ahriquina musa ñehe tariquina mari cohācjōnore nāno ni yahuducuerari. Sa ye tiquina cohāmana wūhusepūre sajā, yaquerari. Sa yena quehnoano yeya musa. <sup>38</sup> Sa ye Demetrio, plata mehna dahrayequina mehna ahriquinare musa ñehediquinare yahusā duaye, buhiri dahre dutiyequina pehere yuahro tiquina. Tiquina buhiri dahre dutiyequinare ahriquinare yahusā masine. <sup>39</sup> Puri turi cahmecoana quehnoano mehna cahmecoañe. Yojopure musa yeriro saha yeracāhña. <sup>40</sup> Miare musa ihyo waro usua, sañuducurire mari puhto tuhoye, “Marine cohāñe niaga”, ni tuhutueta tiquina. Sa yena musa sa ni sañuducurire tiquinare quehnoano poto yahu masiedaja mari, niahye puhtoare yedohoriquiro masare.

<sup>41</sup> Sa ni yahu tuhasa, “To puno tjire. Wahaya”, niahye tiquiro masare.

## 20

*Macedonia yehpapu gūhure, Grecia yehpapu gūhure Pablo esahye*

<sup>1</sup> Ti sa wahari bato, Pablo pehe Jesu yequinare piji cahmecoa yuahyehye. Yahu tuhasa, tiquinare cohe tiahye. Cohe ti tuhasa, Macedonia yehpapu waha wahahye. <sup>2</sup> Topu esa, buhe, to cjēna Jesu yequinare bucuegū yeahye tiquiro. Tiquinare buhe tuhasa, Grecia yehpapu

esahye tiqiro. <sup>3</sup> Topu tiqiro ihtia asū waro ijiahye. Topu ijiro Siria yehpapu pehāa waha duamahye. Tiqiro sa waha duepegūta judio masa duhti queahye, tiqirore ñehe duaye. Sa yero Pablo ape mahapu, Macedoniapu wahari mahapu wahahye. <sup>4</sup> Sa waharo Asiaputa esahye. Topu Berea cjūno Pirro macuno Sópater wame tiriqiro pehe Pablora piti ti cāhye. Sa ye Tesalónica cjēna Aristarco, Segundo gūhu tiqirore piti ti cāhye. Sa ye Asia cjēna Tíquico, Trófimo gūhu Asiapu tiqirore piti ti cāhye. Derbe cjūno Gayo wame tiriqiro Timoteo gūhu tiqiro mehna wahahye. <sup>5</sup> Tiqiro mehna cjēna tiqiro pano waha, Troa wame tiri macapu tiqirore cohteri jiri. <sup>6</sup> Tiquina sa cohtegū pugū yeye moremehneñe pāre tiquina ihyari bose deco bato usā pehe Filipopu ijirina yucusa mehna waha, ihcā omope decori pehā, Troapu usā esau. Siete decori waro ijii topure.

#### Troapu Pablo tinino wahahye

<sup>7</sup> Domingo ijigū Jesu yequina cahmecoa, pāre duhu peori Santa cena yeye tehe. Tiquina sa yeato pano Pablo tiquinare buheri. Sa yero Pablo ape decopu wahatiqiro ijiro yoari pje tiqiro buheri. Ñami decopu buhe duhuro taro nimedi. <sup>8</sup> Sa yena uhmuano cjā tucūpu peye paca sihāñe paca ijiri tucūpu cahmecoau usā. <sup>9</sup> Pablora tiqiro tuhori watoa wahmuano Eutico wame tiriqiro meheni sopecahagā buipm mija pje dujiri. Sa yero Pablo tiquinare yoari pje tiqiro buhe nemogū wahmunore wujua ahtari. Sa yero tiqiro carī maa, ihtia casario buipm dujiriqiro majare maa dijiaa wahari. Tiqiro bora dijiri bato tiquina tiqirore yariariqiroppure tu wahcō daporī. <sup>10</sup> Tiquina sa yegū ihñano Pablo dijia, wahmunore quē suhuri. Tiqiro sa yeri bato Jesu yequinare yahuri tiqiro:

—Jeripohna ñaedacāhña. Yarierare ahriqiro. Catire, nidi Pablo pehe.

<sup>11-12</sup> Tiqiro sa nigū wahmuano yariamediqiro masaa wahari. Tiqiro sa masagū ihñañe tiquina buce yuhduari. Sa bucueye uhmuano cjā tucūpu mija, pāre duhu peori Santa cena yeye tehe. Tiquina sa yeri bato yoari pje Pablo tiquinare buheri. Tee bohreato panogāpu tiquinare

buhe duhuri. Tiqiro buhe tuhasagū waha wahau usā.

*Pablo Troapu* ijiriqiro waha, Miletopu esahye

<sup>13</sup> Pablo pano yucusa mehna Asōpu usā pehe esa muhtaū. Pablo pehe mahapu waha duari. Pablo tiqiro nidiro sahata Asōpu tiqirore usā piti cau. <sup>14</sup> Tiqirore usā piti cagū, usā mehna tiqiro sajāri yucsapu. Tia mehna waha, Mitileneapu usā esau. <sup>15</sup> Topure esa yuhdua, ape decopu Quōre yuhduau usā. Ape decopu Samoru esau usā. Ape deco pehere Miletopu esau usā. <sup>16</sup> Pablo Pentecoste deco ijigū, Jerusalēpu esa duari. Sa yero Asia yehpapu yoari pje iji duerari. Sa yero Efesore poto yuhdua, Miletopu wahā sau usā.

*Pablo Efeso* cjēnare Jesu yequina puh-toare yahuahye

<sup>17</sup> Sa yero Pablo Miletopu ijiro, Efeso cjēnare Jesu yequina puh-toare pijiori tiqiro. <sup>18</sup> Sa tiqiro pijiori bato tiquina Pablo cahapu wihiri. Tiquina wihigū ihñano tiquinare Pablo yahuri:

—Asiapu coā wihigū musa mehna yahu yerire masine musa. <sup>19</sup> Musa mehna ijigū ne sijoro nino marieno Jesu, mari puh-toro yere yee tii yuhu. Sa yegu musare paja ihñau. “Musare yuhducaja”, niedu yuhu. Judio masa yuhure tiquina ñano yepegūta Cohācjū yere yee tii yuhu. <sup>20</sup> Sa yegu musa quehnoano wahatire cahmegu musare yahu peho cau yuhu. Masa tiquina ihñonopu musa wuhusepu gūhure buhei yuhu. <sup>21</sup> Sa yegu judio masare, judio masa ijieyequina gūhure ihcāno mehna buhei yuhu. “Musa ñañene bujua witina, Cohācjū ye pehere comesaya. Sa yena Jesu mari puh-toro wacū tutuaya”, ni yahuu yuhu. <sup>22</sup> Sa yegu Espiritu Santo tiqiro dutiro sahata yojopure Jerusalēpu wahau njaja. Yuhu topu wahagu yuhu duhse wahatire masiedaja yuhu. <sup>23</sup> Ohō saha nidi Espiritu Santo yuhure: “Jerusalēpu muhu ñano yuhduta. Sa ye muhure peresu yeeta”, nidi Espiritu Santo yuhure. Yojopure yuhu macaripe yuhu esagū sa ni yahuri yuhure. Jerusalēpu wahagu Espiritu Santo tiqiro yahuri dihitar masi-aja. <sup>24</sup> Tiqiro sa yahuepegūta quehnoañe buheyere, Cohācjū tiqiro cahñe buheyere yahucjū ijiaja. Jesu mari puh-toro tiqiro

ye dutirire ye peho duaja. Ahrire yerigu ijigū, yuhū yariatire cueraja yuhū.

<sup>25</sup> Sa yegu mūsa mehna ijigū Cohācjū tiquiro puhtoro ijiyere yahue tii yuhū mūsare. Ne mūsare pari turi ihñasi yuhū. Ahrire masiaja yuhū. <sup>26-27</sup> Sa masigū mire ahrire yahuaja mūsare. Ijipihtiyē Cohācjū yere yahuu yuhū mūsare. Sa yero ijipihtiyequina mūsa mehna cjēna Cohācjū yere cahmeeñequina tiquina ijigū yee buhiri ijierare. <sup>28-29</sup> Mūsa basī quehnoano yeya. Sa yena Jesu yequinare Espiritu Santo mūsare ihbo dutigū, tiquiro ihbo dutiriquinare quehnoano ihboya. Ovejare ihboyequina ovejare tiquina ihboro saha Jesu yequina gūhure ihboya mūsa. Cohācjū macūno tiquiro yariaro tiquiro dii cohāno mehna Cohācjū tiquinare tiquiro yequina ijiatiquinare yeri. Yuhū ohōre wahari bato apequina ñañequina pehe yaquiro ovejare tiquina wejēno saha Jesu yere mūsa yeborire dojomehneeta. Sa yena Jesu yequinare quehnoano ihboya. <sup>30</sup> Camepure apequina mūsa mehna cjēna pehe Jesu yequinare ni meho, apeye buheyere tuho dutieta. Tiquina sa dutigū tiquina tūhoeta. <sup>31</sup> Sa yena quehnoano yeya mūsa. Decoripe, ñaminipe paja ihñañe mehna buhei yuhū mūsare. Ihtia cūhma waro quehnoano buhei yuhū mūsare ijipihtinare. Tire quehnoano wacūña mūsa.

<sup>32</sup> Yojoपुरे yuhū wahari bato Cohācjū mūsare ihñā ihborota. Tiquiro cahñe buheyere buhena quehnoano ijinata mūsa. Cohācjū tiquiro buheye mehna mūsare tiquiro yequinare quehnoano yedoho masine. Sa yero tiquiro yequina dihitare tiquiro ye duararo sahata mūsa pūritare quehnoano yerota. <sup>33</sup> Mūsa niñeru cūoyere, mūsa suhti cūoye gūhure “Yuhūre ohoya”, niedu. <sup>34</sup> Yuhū basi dahra wapatau ye ijiatire. Sa yegu yuhū cahmeñene, yuhū mehna cjēna tiquina cahmeñe gūhure yuhū dahra wapataro mehna nei. Yuhū sa yerire masine mūsa. <sup>35</sup> Mari ohō saha tutuaro dahrana apee boro cūoyequinare yedohoro cahmene marine. Ahrire mūsare ye ihñou yuhū. Jesu mari puhtoro tiquiro nidire wacūña mūsa. “Tiquiro ohogū ñehediquiro yuhūoro ohoriquiro pehe bucuere”, nidi jiri Jesu tiquiro basi, ni yahuri Pablo Jesu yequina puhtoare.

<sup>36</sup> Sa nidi bato Pablo tiquina mehna dūsepe curi mehna quehe sa, Cohācjūre sinidi. <sup>37</sup> Tiquiro sa sinidi bato tiquina ijipihtiyequina Pablore quē suhsu, wahsupure ihmi, utiri. <sup>38</sup> “Mūsare pari turi ihñasi yuhū”, to pano tiquiro nigū tūhoye tutuaro bujua witiri tiquina. Sa ye tiquirore tu nūnu tā buhari petamahapu. Topū usāre ihñā nūnu tāri usā wahagū.

## 21

*Pablo Jerusalēpu pari turi wahahye*

<sup>1</sup> Jesu yequinare “Wahana niaja”, ni, yucūsa mehna, Cos wame tiri nūcūropū poto waha, pehā sau usā. Ape decopū Roda wame tiri nūcūropū pehā sa, yuhūua, Pātara wame tiri macapū esau usā. <sup>2</sup> Pātara pu ijina, feniciapu wahatiare yucūsa bocau usā. Sa yena tia mehna wahau usā. <sup>3</sup> Sa wahana Chipre wame tiri nūcūore poto ihñā yuhūua usā. Cū pehe pehe ijiri ti nūcūo. Ti nūcūore yuhūua, Siria wame tiri yehrapū esau usā. Sa yena yucūsa cjē doeri cjēne yucūsa cjēno Tiro wame tiri macapū tiquiro dure mogū topū pahsarīi. <sup>4</sup> Topū Jesu yequinare ihñana, siete decori waro tojoarīi usā ti macapū. Sa ye to cjēna Jesu yequinare Espiritu Santo tiquiro yahuriro sahata tiquina Pablore Jerusalēpu waha dutieramedi. <sup>5</sup> Tiquina sa niepegūta ti macare siete decori usā ijiri bato, wahau usā. Usā wahato panogā ijipihtiyequina Jesu yequina, tiquina namosānumia mehna, tiquina pohne mehna, maca duhtu cahapu usāre ihñā tojoari. Sa yena ijipihtina usā padūropū esa, dūsepe curi mehna quehe sa, Cohācjūre sinii. <sup>6</sup> Usā sa sinidi bato, “Wahana niaja”, ni, tiquinare quē suhsu bato ti wahau usā. Usā wahagū ihñā nūnu tā, tiquina pehe majaa wahari tiquina ye wuhūsepu.

<sup>7</sup> Tiro wame tiri macare maja yuhūua usā. Sa yena Tolemaidapu wahā sau usā. Topūta pajiri mare waha bato tii usā. Ti macapū esa, Jesu yequinare “¿Usā acaye, ijajari?” ni, ihcā deco usā tiquina mehna ijini. <sup>8</sup> Sa yena ape decopū tja Pablo mehna mahapu wahau usā Cesarea wame tiri macapū wahana. Topū esa, quehnoañe buheyere yahuriquiro Felipe wame tiri tiquiro ya wuhūpu esau. Sa yena tiquiro mehna tojoau usā. Felipe Jesu yequina tiquina siete besenohriquina



mehna cjëno ijiri. <sup>9</sup> Sa yero tiqiro pititiaro numia pacaro ijiri. Tiquina numia pehe Cohäcjä yere yahuye numia ijiri. Nuhmia ijiri. <sup>10-11</sup> Topu usä meheñe decorigä usä ijiri bato, Agabo wame tiriqiro Cohäcjä yere yahu muhtariquiro Judeapu ijiriqiro usäre ihñano wihiri. Sa yero tiqiro Pablo ya dare jeri turi dare ne, tiqiro dahpocarine, tiqiro omocarine duhtero, queo yahuri:

—Ohö saha nidi Espiritu Santo. “Ahri dare cuoriquiro Jerusalëpu tiqiro esagü, judio masa sa duhteeta tiqirore. Duhte tuhasa, judio masa ijieyequinare ohoeta tiquina tiqirore”, nidi Espiritu Santo, ni yahuri Agabo.

<sup>12</sup> Tiquiro sa nigü tuhona, usä Cesarea cjëna mehna Pablore tutuaro cahii usä. Tiquirore Jerusalëpu waha dutierami. <sup>13</sup> Usä sa nigü Pablo pehe yuhtiri:

—¿Duhtse ni utina najari musa? Yuhu pehere bujua witiügü yeaga musa. Tiquina yuhure peresu tiquina yegü quehnoanota. Yuhu Jerusalëpu Jesu mari puhtoro yere yuhu yeri buhiri yuhu yariagü quehnoanota, nidi Pablo usäre.

<sup>14</sup> “Wahaeraja”, tiqiro nigü tuho duana nimi usä. Tiquiro “Wahautja”, tiqiro nigü, sa tuhotu cähu usä. Ohö saha nii:

—Mari puhtoro tiqiro cahmeno sahata yeahro, nii usä.

<sup>15</sup> Tire yahu bato ti, usä yere quehno, waha waha usä Jerusalëpu wahana. <sup>16</sup> Topu usä wahagü meheñequinagä Cesarea cjëna Jesu yequina pehe usä mehna wahari. Sa yena tiquina mehna cjëno Chipre cjëno Mnasö wame tiriqiro ya wuhupu esau usä. Tiquiro yoari pje Jesu buheriquiro ijiri. Sa yero tiqiro ya wuhu usä ijiati wuhu ijiri. Sa yena Jerusalëpu esau usä.

*Pablo Santiagore ihñano wahahye*

<sup>17</sup> Jerusalëpu usä esagü, to cjëna Jesu yequina pehe “¿Wihiajari?” ni, bucu-eye mehna piti cari usäre. <sup>18</sup> Ape decopu Pablo usä mehna Santiagore ihñano esari. Usä topu esagü topu ijipihtieyequina Jesu yequina puhtoa ijiri. <sup>19</sup> Sa yero Pablo tiquinare tiqiro omoca ñehedi bato judio masa ijieyequinare tiqiro buherire yahu pehori Jesu yequinare. Cohäcjä tiqiro yedohoye mehna tiqiro yerire yahu pehori. <sup>20</sup> Tiquiro sa ni yahugü tuhoye, “Cohäcjä quehnoagu, tutuagu ijire muhu”, ni

ño peori tiquina pehe Cohäcjäre. Sa ni tuhasa tiquina Pablore ohö saha ni yahuri:

—Usä acayü, yojopure peyequina judio masa Jesure wacü tutuayequina ijire. Tire masine muhu. Sa ye tiquina ohö saha ni tuhoye: “Cohäcjä dutiyere, Moiseputa marine tiqiro cürire marine ye pehoro cahmene”, niñe nine. <sup>21</sup> Ohö saha ni nemore tiquina. “Ape siepu ijieyequinare judio masa ijieyequina watoapu ijieyequinare judio masare Cohäcjä Moisere tiqiro cürire cohä dutiahye Pablo”, nimesi ohö cjëna judio masa muhare. “Pablo judio masa pohnene cuhnucunu sohtoa cahserogäre yahre ne dutierare”, nimesi muhare tiquina. “Judio masa tiquina yee tiyere Pablo duhu dutire”, ni ahri gühure ni yahu wajare muhare. <sup>22</sup> Sa ye muhu ohöre wihigü tuhoye tiquina cahmecoaeta muhare tuhtieye tehe. Sa yegü ohö saha yero cahmene muhare. <sup>23</sup> Muhare usä dutiro sahata yeya. Yojopure ohöre pititiaro umua Cohäcjäre wacüñequina “Ohö saha yematja”, niñequina ijire. <sup>24</sup> Tiquina mehna wahaya. Sa ye Cohäcjä Moisere tiqiro dutiro sahata tiquina basi Cohäcjä yere yee tehe tiquina ñano yeyere coseye nine. Muhu gühu sata yeya. Sa yegü tiquina sa yeati wapare wapa yeya muhu pehe. Muhu sa wapa yeri bato tiquina poarire wuha peho duti masine tiquina. Muhu sa yegü ihñañe masa muhare tiquina niñe ni mehori ijigü masieta ijipihtieyequina. Cohäcjä Moisere tiqiro cüri dutiyere yegü muhu ijigü masieta tiquina.

<sup>25</sup> Sa yena judio masa ijieyequina Jesu yequina pehere usä ojoari püre oho tuhasau. Ohö saha ni, ojoau usä. “‘Cohäcjä ijire’, tiquina niñe queoyere ño peo tiquina duhu peori ihyayere, diire, wama tiquina ñehe wejëdiquinare wahiquinare ihyeracähña musa. Sa yena wuana tieracähña”, ni, yahu ojoau usä ojoari püpüre, nidi tiquina Pablore.

*Cohäcjä wuhupu judio masa Pablore ñe-heahye*

<sup>26</sup> Tiquina sa ni yahuducuri bato ape deco Pablo pehe pititiaro umua mehna tiquina basi Cohäcjä yere yeye tehe tiquina ñano yerire coseye tehe, Cohäcjä wuhupu sajä wahahye. Ti wuhupu sajä saro, tiquinare yahuahye Pablo: “Ohöpe decori

dahsare masa coseato”, ni yahuahye tiqiuro pittiarore. Sa ye tiquina cose bato tiri decopu tiquinapequina Cohācjūre wahiquinare tiquina ohoati deco ijiri.

<sup>27</sup> Sa ye tiquina cose pehororiro mehenogā dahsagū waro Cohācjū wuhupu Pablo tiqiuro ijigū Asia yehpa cjēna judio masa pehe ihñahye tiqiurore. Sa ihñañe Pablöre quti dojomehne, apequinare tiqiuro mehna usuagū yeahye tiquina. Sa usua, judio masa Pablöre ñehe, sañuducuahye:

<sup>28</sup> —Masa usā acaye, Israe masa usāre yedohona ahtaya. Ahriqiuro ijire. Ahriqiuro Cohācjū Moiserre tiqiuro cūri dutiyere, ahri wuhū gūhure cohā duti, buhere ijipihtiyequinare. Sa ye marine judio masare ñano ni yahuducure. Sa yero tiqiuro Cohācjū wuhupure judio masa ijieyequinare ne sajāri. Sa yero ahri wuhure ñañe mariedi wuhure tiqiuro dojomehnedi, ni, sañuducuahye judio masa Asia yehpa cjēna to cjēnare.

<sup>29</sup> To pano Jerusalēpu Pablo Tróximo mehna tiqiuro ijigū judio masa ihñae tiahye. Tróximo Efeso cjūno judio masano ijieriqiuro ijiri. Tiqiuro sa ijigū masiñe ohō saha ni tahotuahye tiquina: “Pablo Tróximo Cohācjū wuhure ne sajāno niaga”, ni tahotuahye judio masa. <sup>30</sup> Masare sa ni yahu tiquina sañuducuri bato ti maca cjēna peyequina tutuaro usuahye. Peyequina oma cāhta, Cohācjū wuhupū ijiriqiurore Pablöre ñehe weje wijiaa wahahye. Sa ye ti wuhū sopecaharire bihahye tiquina. <sup>31</sup> Sa ye tiquina tiqiurore wejēñe tee nimahye. Tiquina sa yegū ihñañe “Ijipihtiyequina Jerusalē cjēna usua, sañuducuye nidi”, ni, apequina pehe yahuye wahahye surara puhtorore. <sup>32</sup> Tiquina sa nigū tuhoro puhtoro pehe tiqiuro yequina surarare, tiquina dutiyequina gūhure cahmecoadoqueo, tiquina mehna Pablöre wejē duayequina cahapu oma cā esahye. Surara tiquina esagū ihñañe Pablöre quēmediquina quē duhu cāhye. <sup>33</sup> Sa yero surara puhtoro Pablo cahapu esa, puca da come dari mehna tiqiurore dahte dutiahye. Tiquina dahte tuhasagū ihñano, puhtoro Pablöre sinituahye:

—¿Noa boro ijijari ahriqiuro? ¿Yabe

buhiri tiqiurore sa yejari masa? ni, sinituahye tiqiuro tiquinare.

<sup>34</sup> Tiqiuro sa sinitugū tahoye masa pehe “Ohō saha yeri tiqiuro”, ni, apequina gūhū sijoro saha ni sañuducu, yahuahye surara puhtorore. Sa ni tiquina sañuducugū surara puhtoro quehnoano tuhohahye. Sa yero tiqiuro surara ya wuhupū Pablöre nea dutiahye. <sup>35</sup> Ti wuhupū esa, Pablo mujari escarerapu tiqiuro mujano taro yegū masa pehe tiqiurore quē duaye nimahye. Tiquina sa yegū surara pehe tiqiurore ne wua mujaa wahahye. <sup>36</sup> Masa tiquinare peyequina nūnū tā, sañuducu nūnū tāhye.

—Tiqiurore wejē cāhña, ni, sañuducuahye tiquina Pablöre.

Pablo “Ne masare ñano yeraja yuhū”, ni, yahuahye

<sup>37</sup> Sa ye ti wuhupū tiquina peresu yeato pano, Pablo pehe puhtorore sinituahye:

—Yuhū mūhū mehna yahuducu duaga, ni sinituahye Pablo.

—¿Mūhū griego masa yere yahuducujari? <sup>38</sup> ¿Sohō ijirigū, Egipto cjū ijierajari mūhū? Tiqiuro masare tiquina puhtoare cohā dutiriqiuro, cuatro mil masa wejēñequina pehere masa marienopu neari jiri. ¿Tiqiuro ijierajari mūhū? niahye surara puhtoro Pablöre.

<sup>39</sup> Tiqiuro sa nigū tuhoro Pablo yūhtiahye:

—Tiqiuro ijieraja yuhū. Judio masu ijijaja. Tarsopu Cilicia yehrapu ijiri macapu masa bajuu yuhū. Ihyo ijiri maca cjū ijieraja yuhū. Yuhū ahriquina masa mehna yahuducu duaga yuhū, niahye Pablo tiqiurore.

<sup>40</sup> Tiqiuro sa nigū tuhoro puhtoro pehe tiqiurore yahuducu dutiahye masa mehna. Sa yero Pablo mujari escarerapu ducuro tiqiuro omocari mehna “Dihta mariahña”, niahye masare. Tiqiuro sa yegū ihñañe, dihta mari pihtia wahahye. Tiquina dihta mariahgū ihñano, Pablo judio masa ye mehna yahuahye tiquinare.

## 22

<sup>1</sup> —Yuhū acaye, yuhū yerire yahutja masare. Yuhū yahugū tahoya masa, niahye Pablo.

<sup>2</sup> Tiqiuro sa nigū Pablo judio masa ye mehna tiqiuro yahuducugū tahoye masa

pehe dihta mari dojua wahahye. Sa yero Pablo tiquinare yahuahye:

<sup>3</sup>—Yuhũ judio masata ijijaja. Tarso wame tiri macapũ, Cilicia yehparũ ijiri macapũ masa bajuũ yuhũ. Sa ijiepeguta ahri maca Jerusalēpata bucũna yuhũ. Sa yero yuhũre Gamalie wame tiriqũro buhee tiri. Sa yegũ yuhũ mari ñecusũmũa mũna panopũ cjēna dutiyere quehnoano buhei. Yojoꝛũre mari Pacũre mũsa yero sahata yuhũ gũhũ ño peoe timi. <sup>4</sup> Sa yegũ Jesu yequinare ñano yee tii yuhũ. Ihqueũquina tiquinare wejēe tii yuhũ. Ɛmũare, numia gũhũre ñehe, peresu yee tii yuhũ. <sup>5</sup> Pahia pũh-toro, judio masa bucũna mehna tiquina ojoaye pũrine Jesu yequinare ñehe dutiye pũrine yuhũre ojoa basari. Mari acayere Damasco cjēnare ti pũrine ihũogũ tũu nimi Jesu yequinare ñehei tũhũ. Tiquinare ñehe, ne cãhta peresu yei tũu nimi. Jerusalēpu tiquinare ne cãhta duami buhiri dahrei tũhũ. Ohõ saha yuhũ nigũ pahia pũh-toro, judio masa bucũna gũhũ quehnoano masine, ni yahuahye Pablo.

*Pablo Jesu yaquiro tiquiro waha dũcarire yahuahye*

(Hch 9.1-19; 26.12-18)

<sup>6</sup> Sa ni tuhasa ohõ saha ni yahu nemoahye:

—Sa yero coheri pje ijigũ Damascopũ yuhũ esa quehegũ waro uhmũanopũ asi sitedoque dijiori yuhũre. <sup>7</sup> Sa wahagũ yuhũ yehparũ bora quehe saa waharu yuhũ. Yuhũ bora quehe sari bato yahuducuro ca tari yuhũre. “¿Saulo, dũhsegu yuhũre ñano yeajari?” nino ca tari yuhũre. <sup>8</sup> “¿Pũhto, noa boro ijijari mũhũ?” ni, sinituu yuhũ. “Yuhũ Jesu Nazare cjũ, mũhũ ñano yenohrigũ ijijaja yuhũ”, ni, yuhtiri yuhũre tiquiro. <sup>9</sup> Yuhũ sa wahagũ yuhũ mehna cjēna buhriorore ihũari. Sa ihũaepeta yuhũ mehna tiquiro yahuducugũ tũhoerari tiquina. <sup>10</sup> “¿Pũhto, dũhse yegũtari yuhũ?” ni sinituu Jesure. “Wahcãdũcaya. Damascopũ wahaya. Topũ mũhũ wahagũ, mũhũre ijipihtiyē yuhũ ye dutiatire apequiro yahurota mũhũre”, nidi tiquiro yuhũre. <sup>11</sup> Tutuaro tiquiro asi sitedoqueogũ, yuhũ caperi opoa waharu yuhũ. Sa ye, yuhũ mehna cjēna yuhũ omocare ñehe, Damascopũ tuã cãri yuhũre.

<sup>12</sup> Topũ Anania wame tiriqũro, Cohãcjũre ño peoriquiro marine Cohãcjũ dutiyere ye pehoriquiro ijiri. To cjēna judio masa ijipihtiyequina tiquina ño peoriquiro ijiri. <sup>13</sup> Sa yero tiquiro yuhũ cahapu wihidũca yuhũre yahuri. “Yuhũ acayũ Saulo, ihũaũa pari turi tja”, nidi tiquiro. Tiquiro sa nidi bato pari turi ihũaũ yuhũ. Sa yegũ tiquirore ihũaũ yuhũ. <sup>14</sup> Yuhũ sa ihũagũ tiquiro Anania yuhũre yahuri. “Mari Pacũ tiquiro cahmeñene quehnoano masiacjũre panopũ bese tuhasahye mũhũre. Sa yero ‘Yuhũ macũ quehnoariquirore ihũa, tũhorota’, ni yahuahye mũhũre mari Pacũ panopũ. Tiquiro ijire mari ñecusũmũa mũna tiquina ño peoriquiro. <sup>15</sup> Sa yegũ mũhũ ihũarire, mũhũ tũhorire yahugũta mũhũ ijipihtiyequinare. <sup>16</sup> Sa yena yojoꝛũre yoari pje ijieracũhna. Wahcãdũcaya. Sa yegũ wame yenohrigũ ijija. Jesure mũhũ sinigũ mũhũ ñaũene cohãnota”, nidi yuhũre tiquiro, niahye Pablo tiquirore wejē duariquinare.

*Pablo judio masa ijieyequinare tiquiro buherire yahuahye*

<sup>17</sup> Sa ni tuhasa Pablo yahu nemoahye:

—Sa ye tuhasa yuhũ Jerusalēpu tojota, Cohãcjũ wũhũpũ Cohãcjũre sinigũ esau. <sup>18</sup> Yuhũ topũ ijigũ Jesu yuhũre bajue tiri. Sa bajuaro yuhũre yahuri. “Jerusalē cjēna yeere mũhũ yahugũ tũho duerare. Sa yegũ uũmũano ape siepũ wahaya”, nidi Jesu yuhũre. <sup>19</sup> Tiquiro sa nigũ tũhogũ yahuu tiquirore: “Pũhto, mũhũ yequinare judio masa buheye wũhũsepũ ijieyequinare yuhũ ñehe, quẽdire masine Jerusalē cjēna. <sup>20</sup> Sa yegũ mũhũre yahuriquirore Estebã pehere tiquina wejēgũ ihũagũ ‘Quehnoano yeye wejēne’, nimi. Tiquirore tiquina wejēgũ tiquina suhtire cwo basau yuhũ. Ti gũhũre masine ahri maca cjēna. Sa ye yuhũ yahugũ tũhoboaga yuhũre”, ni yahuu yuhũ Jesure. <sup>21</sup> Yuhũ sa nigũ tũhoro Jesu yuhũre yahuri: “Yoaropũ judio masa ijieyequinare buheacjũre ohoutja mũhũre. Sa yegũ wahaya mũhũ”, nidi yuhũre yuhũ pũh-toro, niahye Pablo masare.

*Surara pũh-toro Pablo mehna yahuducuahye*

<sup>22</sup> Tiquiro yahu mũhtari dihitarē quehnoano tũhomahye masa. Sa

tũhoepeta judio masa ijieyequina caharũ Jesu Pablore tiqiro ohoatire tiqiro yahugũ tũhoye tiquina saũuducu dũcahye tja:

—Ahriqiro yojorũ pũritare yariacũnahdo, ni saũuducuahye tiquina.

<sup>23</sup> Sa ye tiquina saũuducu nemo, usuaye mehna tiquina suhtire wahba sitedũca, dihita mehna doque mũoahye. <sup>24</sup> Surara pũhtoro surara ya wũhũrũ Pablore ne saã dutiahye tiqiro yequina surarare. Sa yero surara pũhtoro “¿Dũhse ijiro boro Pablore mehna usua ñano saũuducuye niajari masa?” ni sinitu duamahye. Pablore tire sinituro taro, yuta dari mehna tana dutimahye tiqirore. <sup>25</sup> Sa tana dutiepegũta tiqirore tiquina dũhteri bato, tiqiro caharũ ijiriquirore surarare yahuahye Pablore:

—Yũhũ Roma cãũ ijiãja. Sa yena “Ñano yeriquiro ijire ahriqiro”, yũhũre ni masiedare mũsa. Sa yena yuta dari mehna yũhũre tana masiedare mũsa, niahye Pablore tiqirore.

<sup>26</sup> Tiqiro sa nigũ tũhoro surara tiqiro pũhtoro yahuro wahahye:

—Ahriqiro Roma cãũno ijire. Sa yegũ quehnoano yeya tiqirore, ni yahuahye tiqiro pũhtoro.

<sup>27</sup> Tiqiro sa nidi bato surara pũhtoro pehe Pablore sinituro wahahye:

—¿Potota mũhũ Roma cãũ ijiãjari? Yahuya yũhũre tire, niahye tiqiro.

—To cãũta ijiãja yũhũ, ni yũhtiahye Pablore.

<sup>28</sup> Tiqiro sa nigũ tũhoro pũhtoro pehe tiqirore yahuahye:

—Yũhũ Roma cãũ ijiã duagũ niñeru pajiro wapa yei, niahye tiqiro.

—Yũhũ Roma cãũ macarũ masa bajũũ. Sa yegũ Roma cãũ ijiãja yũhũ pehe, niahye Pablore.

<sup>29</sup> Tiqiro sa nigũ tũhoye tiqirore tanaboriquina wahaa wahahye. Sa yero Pablore Roma cãũno tiqiro ijigũ masino, tiqirore come dari mehna tiquina dũhterire wacũno, cue niahye pũhtoro pehe.

*Pablo judio masa pũhtoro yahuahye*

<sup>30</sup> Sa yero surara pũhtoro judio masa Pablore tiquina yahusãrire quehnoano masi duahye. Sa masi duaro ape decorũ come darire tiqirore pã dutiri bato, pahia pũhtoare, judio masa bũcũna mehna cahmecoa dutiahye surara pũhtoro.

Tiqiro sa cahmecoa dutiri bato tiqiro torũ Pablore ne cã, tiquina ihũono duhu docoahye tiqirore.

## 23

<sup>1</sup> Sa yero Pablore judio masa bũcũnare ihũna piti ca ducu, yahuahye:

—Yũhũ acaye, Cohãcãũ tiqiro ihũnonorũ ijipihtiye decori quehnoano yeducuaja yũhũ, niahye Pablore.

<sup>2</sup> Tiqiro sa nigũ tũhoro ijipihtiyequina pahia bui ijiriquiro Anania pehe Pablore dũserore quẽ dutiahye. <sup>3</sup> Tiqiro caharũ ducuyequinare quẽ dutiahye. Tiqirore tiquina quẽdi bato Pablore Ananiare tuhtiahye:

—Masa ihũono dihita quehnoano iji mehogũ ijire mũhũ. “Cohãcãũ dutiyere yũhdũducagũ nine”, yũhũre niepegũta yũhũre quẽ dutire mũhũ. Sa quẽ dutigũ mũhũ pehe dutiyere yũhdũducagũ niãga, niahye Pablore tiqirore.

<sup>4</sup> Tiqiro sa nigũ tũhoye Pablore caharũ ducuyequina ohõ saha niahye tiqirore:

—Cohãcãũ tiqiro beseriquiro pahia pũhtoro ñano yahuducueracãhũna mũhũ, niahye tiquina Pablore.

<sup>5</sup> Tiquina sa nigũ tũhoro Pablore ni nemoahye tja:

—Yũhũ acaye, tiqiro pahia pũhtoro ijiyere masiedũ yũhũ. Sa yegũ sa ni maca cãhti yũhũ. Cohãcãũ yere tiquina ojoari ohõ saha ni yahure tiqirore: “Mũhũ ya maca cãũna pũhtoro ñano ni, yahuducueracãhũna”, ni ojoahye, niahye Pablore tiquinare “Boya”, nino.

<sup>6</sup> Sa ye torũ pũa curua cãũna ijiãhye. Ihcã curua saduceo masa ijiãhye. Ape curua pehe fariseo masa ijiãhye. Pũa curua tiquina ijigũ masino, Pablore judio masa bũcũnare tutuaro saũuducu yahuahye:

—Yũhũ acaye, yũhũ fariseo masũ ijiãja. Fariseo masũno macũta ijiãja yũhũ gũhũ. “Yariariquina masa mũãaeta”, yũhũ sa nidi buhiri yũhũre ñano ye duare mũsa, niahye Pablore.

<sup>7</sup> Tiqiro sa nigũ tũhoye fariseo masa, saduceo masa tiquina basi cahme tuhtiahye. Sa ye tiquina basi pũa curua tuwahye. <sup>8</sup> Saduceo masa ohõ saha niñequina ijiãhye: “Yariariquina masa mũããã. Espiritua, angele gũhũ ne mariedare”, niñequina ijiãhye. Sa ye fariseo masa

pehe tiquina yero saha niedahye. Sa ye Pablo “Yariariquina masa mǎjaeta”, tiquiro nigũ tiquina basi cahme tuhtiahye. <sup>9</sup> Sa cahme tuhtiyeh, tutuaro sañuducuahye. Sa ye fariseo masa mehna cǎna judio masa buheyequina wahcǎdaca, tuhti, yahuahye:

—Ahriquiro Pablo ñano yerari. Sa yero espíritu o angel, potu tiquiro mehna yahuducuriquiro ijiboaga, niahye tiquina.

<sup>10</sup> Tiquina sa nidi bato tiquina ijipihitiyequina cahme tuhti, tutuaro usuahye. Pablore tiquina wejē duagũ ihñano cuesǎhye surara puhtoro pehe. Sa yero Pablore tiquiro ya wǎhǎpũ ne cǎ dutiro, tiquiro masa watoapũ surarare ohoahye.

<sup>11</sup> Ape ñami Jesu mari puhtoro Pablo cahapũ ducuro, yahuahye tiquirore:

—Cueracǎhña. Yojoþure ohõre Jerusalēpũ yee buheyerere yahuri mǎhũ. Sa yegu Romapũ gũhure ohõ sahata yei wahaya, niahye mari puhtoro Jesu Pablore.

#### *Judio masa Pablore wejē duamahye*

<sup>12-13</sup> Ape decopũ ñami cǎno ijigũ judio masa cahmeccoahye.

—Ohõ saha yeihna. Pablore wejēihna. Tiquirore mari wejēato pano sihniedacũhna. Ihyeracũhna. Tiquirore wejēdana cǎna mehna yariũhna. Sa yero Cohǎcǎjũ mari pehere wejēahdo, niahye tiquina.

Tiquina cuarenta bui cǎno judio masa ijiahye. <sup>14</sup> Tiquina sa nidi bato tiquina pahia puhtoare, bucuna gũhure yahuye wahahye:

—Pablore usǎ wejēato pano ihyayere usǎ ihyeraja. <sup>15</sup> Sa yena musa, bucuna mehna ohõ saha ni pijioya. “Pablore pari turi sinitu duaja”, niña surara puhtoro. Musa sa nidi bato surara puhtoro ne cǎhta dutiya Pablore. Sa yena Pablo ohõ cahagǎ tiquiro wihigũ waro tiquirore wejēnatja usǎ, niahye tiquina pahia puhtoare.

<sup>16</sup> Sa ye Pablo pacǎno tiquina sa ni yahuducugũ tahoahye. Tiquina sa nigũ tuhoro waha, surara ya wǎhǎpũ Pablore yahuro saǎhye. <sup>17</sup> Tiquiro sa yahuri bato Pablo pehe ihcǎquiro surarare pijio yahuahye tiquirore:

—Ahriquiro wahmũnore puhtoro cahapũ neahña. Ahriquiro mǎhũ puhtoro yahuduaro nine, niahye Pablo.

<sup>18</sup> Tiquiro sa nigũ tuhoro surara pehe Pablo pacǎnore tiquiro puhtoro cahapũ ne sa, yahuahye:

—Peresupũ ijiriquiro Pablo pehe yũhure pijio, ahriquiro wahmũnore mǎhũ cahapũ ne cǎ dutiri. Ahriquiro mǎhure yahuro taro niñohiti, niahye surara tiquiro puhtoro.

<sup>19</sup> Tiquiro sa nigũ tuhoro puhtoro pehe wahmũno omocare ñehē tuǎ cǎ, masa marienopũ tiquirore sinituahye:

—¿Dahse nigũ tuǎ niari mǎhũ yũhure? niahye tiquiro Pablo pacǎnore.

<sup>20</sup> Tiquiro sa sinitugũ tuhoro ohõ saha ni yahuahye:

—Judio masa ihcǎno mehna “Ohõ saha yeihna”, ni, ñamiapũ judio masa bucuna cahapũ mǎhure Pablore nea dutieta. “Bucuna Pablore pari turi sinitu duare”, ni mehoeta. <sup>21</sup> Sa niepegũta cuarenta bui cǎno masa tiquirore wejē duayequina duhti, cohte duare. Tiquina tiquirore wejēato pano ihyayere ihyasi. Sa ye sihnisi. “Tiquirore mari wejēdagũ Cohǎcǎjũ marine wejēahdo”, nidi tiquina basi. Sa ye yojoþure mǎhure Pablore ne cǎhta dutiye tiquina pehe duhti, cohte tuhasari, Pablore wejēne tehe. Sa yegu tiquina yahuye wihigũ tiquinare yuhtieracǎhña mǎhũ, ni yahuahye wahmũno surara puhtoro.

<sup>22</sup> Tiquiro sa nigũ tuhoro surara puhtoro ohõ saha niahye:

—Yũhure mǎhũ yahurire apequinare yahueracǎhña, ni yahuahye wahmũnore.

Sa ni tuhasa wahmũnore “Waharĩsa”, niahye tiquiro.

*Pablore puhtoro Feli wame tiriquiro cahapũ ohoahye*

<sup>23</sup> Sa yero surara puhtoro þaro tiquiro yequina cien surara puhtoare pijĩ cǎ, tiquinare dutiahye:

—Dos cientos surarare, setenta caballo bui pesayequinare, dos cientos doqueye cǎno yequina mehna Cesareapũ wahatiquinare tiquina yere quehno dutina wahaya. Sa yena musa mia ñami nueve ijigũ musa wahatore cohteya. <sup>24</sup> Sa yena Pablore caballoare tiquiro pesatiquinare quehno basaya. Puhtoro Feli cahapũ, Cesareapũ, quehnoano soya tiquirore, niahye surara puhtoro.

<sup>25</sup> Sa ni tuhasa papera ojoahye. Ohō saha ni ojoahye tiqiuro: <sup>26</sup> “Yahu Claudio Lisia mūhare tutuagu pūhto Felire quehnoa dutiaja. <sup>27</sup> Judio masa ahriqiuro Pablöre ñehe, wejēmedi. Sa yegu Roma cĵūno tiqiuro ijigū masigu, yequina surara mehna tiqiurore yedohou esau. <sup>28</sup> Sa yegu tiqiurore tiquina yahusārire masi duagu judio masa bucūna cahapu ne sau tiqiurore. <sup>29</sup> Sa yegu tiqiuro judio masa ye dutiye dihitare tiqiuro yūhdūdūcagū mari ye dutiyere tiqiuro yūhdūdūcaeragū ihñagu, tiqiurore peresupū cū dueru. Yabe buhiri yariaro mariedare tiqiurore. <sup>30</sup> Sa yero judio masa tiqiurore wejē dua, tiquina buca quehegū ihñano apeqiuro yahuri yūhure. Tiquiro sa yahuri bato Pablöre yojopure mūhu cahapu ohogu ni-aja. Sa yegu tiqiurore yahusāriquinare tiqiuro ñañe yerire mūhare yahu duti tuhasau yūhu”, ni, ojoahye surara pūhtoro.

<sup>31</sup> Sa ye surara tiquina pūhtoro tiqiuro dutiriro sahata yeahye. Ti ñamine Antipatri wame tiri macapu Pablöre ne sahye. <sup>32</sup> Ape decopū apequina surara caballoa bui pesaerariquina ti macapu toja tahye tiquina ya macapu. Apequina surara caballoa bui pesayequina dihita tiqiurore ne yūhdu cāhye. <sup>33</sup> Tee Cesareapu ne sahye Pablöre. Sa ye surara pūhtoro tiqiuro ohori pūre pūhtoro Felire wiahye. Sa ye Pablöre ne sahye pūhtoro cahapu. <sup>34</sup> Tiquina sa wiari bato pūhtoro ti pūre tiqiuro ihñari bato apequinare sinituahye:

—¿Di yehpa cĵūno ijiajari ahriqiuro Pablo? ni sinituahye tiqiuro.

—Cilicia yehpa cĵūno ijire, ni yahuahye tiqiurore.

<sup>35</sup> Tiquinare sinitu tuhasa, Feli Pablöre yahuahye:

—Mūhare yahusāriquina ohōre tiquina wihigū mūhu yahugū tuhoutja, niahye Feli Pablöre.

Tiquiro sa nidi bato Herode ya wūhūpū tiqiurore cūahye. Sa yero tiqiuro yequina surarare Pablöre cohte dutiahye pūhtoro.

## 24

Pablo “Ñano yeru yūhu”, ni yahuahye Felire

<sup>1</sup> Ihcā omope decori bato, Anania pahia pūhtoro, apequina judio masa bucūna, dutiyere mihnidiquiro Tertulo wame tiriquiro

mehna Cesareapu esahye. Sa ye tiquina Pablöre yahusā duaye pūhtoro Feli cahapu esahye. <sup>2</sup> Sa yero Pablöre topure tiquina ne sari bato Tertulo tiqiurore yahusā dūcahye. Sa yahusā ducaro ohō saha ni yahusāhye Felire:

—Mūhu quehnoano masigu, usā pūhto mūhu quehnoano dutigū usā ahri yehpa cĵāna quehnoano iji cĵā usā cahmequeno marieno. Mūhu dutiye mehna quehnoañe pehere comesaro nine ahri yehpa. <sup>3</sup> Sa yena usā quehnoano iji cāna bucueaja. Sa yena mūhu mehna quehnoano bucueaja. <sup>4</sup> Yojopure mehenogā mūhare cariboutja yūhu. Mehenogā mūhu mehna yahuducu duaja. Usāre tuhodoqueoriña mūhu. <sup>5</sup> Ahriqiuro usāre caribo yūhduare. Ijipihtiye yehpari cĵenare judio masare tiquina usua sañuducugū yere ahriqiuro. Sa yero masa tiquina basi cahme tultigū yere ahriqiuro. “Pūhtoare cohāñna”, ñiñequina mehna cĵūno ijire ahriqiuro. Sa yero nazareno wame tiri curua pūhtoro ijire. <sup>6</sup> Sa yero Cohācĵū wūhure ñano tiqiuro ye duagū ihñana usā ñehei ahriqiurore. [Usā ñehedi bato usā ye dutiyere tiqiuro yūhdūdūcariqiuro ijigū tiqiurore buhiri dahre duami usā. <sup>7</sup> Usā sa ye duepegūta surara pūhtoro Lisia wame tiriquiro tiqiurore usāre tutuaro mehna ehma cāri. <sup>8</sup> Came tiqiurore yahusāriquinare mūhu cahapu waha dutiri Lisia. Tiquiro sa nigū tuhona ahtau usā.] Mūhu pūrita ahriqiurore sinitugu, ijipihtiyere tiqiuro ye buhirire masigata mūhu, niahye Tertulo Felire.

<sup>9</sup> Tiquiro sa nidi bato apequina judio masa “Tertulo tiqiuro nidiro sahata pote ijire”, niahye tiquina gūhu. <sup>10</sup> Tiquina sa ni yahusāri bato pūhtoro Feli Pablöre yahu dutiahye. Ohō saha ni yahuahye Pablo:

—Peye cūhmari ahri yehpa cĵenare mūhu dutirire masiaja yūhu. Sa yegu yahu yerire mūhare yahugu bucueaja. <sup>11</sup> Doce decorita wahare Jerusalēpu Cohācĵüre yūhu ño peori bato. Mūhu ahri pote ijigū masi duagu apequinare sinituya. <sup>12</sup> Judio masa yūhure Cohācĵū wūhūpūre boca tiquina ñehegū masare ni sañuducugū niedu. Sa yegu “Musa pūhtoare cohāña”, nigū niedu. Sa yegu judio masa buheye wūhūserē, tiquina ya maca gūhure ne ñano yera tii.

<sup>13</sup> Sa ye yuhure yahusāriquina pehe tiquina yahusārire “Ohō saha yeri ahrikiro”, ni, yahu masiedare mūhure. <sup>14</sup> Yojobu yuhū yerire yahutja mūhure. Duita usā ñecusmūna tiquina ño peoriquirore mari Pacure ño peoaja yuhū gūhū. Sa yegu tiquiore yere yeaja Jesu ye quehnoañe buheye nidiro sahata. “Jesu ye ni mehoñe ijire”, ni yahuducure ahriquina judio masa. Tiquina sa niepegūta Cohācjū dutiye, Moisepure tiquiore cūrire ti gūhure ño peoaja yuhū. Sa yegu Cohācjū yere yahu mūhtariquina tiquina ojoari gūhure ño peoaja yuhū. <sup>15</sup> Ahriquina apequina judio masa tiquina tūhoturo sahata Cohācjū ijipihitiyequina masare yariariquinare quehnoañequina, ñañequina mehna tiquina masa mūjagū yerota. Yuhū gūhū sata ni tūhotuaja. <sup>16</sup> Sa yegu buhiri mariedaja yuhū. Cohācjū tire masine. Sa ye masa gūhū tire masine. Sa ye potota yahuaja yuhū mūhure. Sa yegu quehnoano tūhotuaja.

<sup>17-18</sup> Peye cūhmarine ape siepū tinidigu ijigū Jerusalēne tojoa wihi, yuhū acayere judio masa pejecuoyequinare niñerure ohogū tūu ni yuhū. Tojoa wihi Cohācjūre ño peogū tūu, tiquiore ya wūhupū sajāmi. Sa yegu Cohācjū tiquiore cose dutiriro sahata yuhū basi yuhū ñañene coseri bato wahiquirore oho duami tiquiore ño peogū tūhū. Topū yuhū ijigū ahriquina judio masa yuhūre bocari. Tiquina bocagū apequina yuhū mehna mariedari. Usua, sañuducuyequina mariedari. <sup>19</sup> Sa ye apequina judio masa Asia yehpa cjēna topū ijiri. Tiquina yuhū ñano yegū ihñariquina ijiye, yahusāne ahtaahro. <sup>20</sup> Ahriquina ohōpūre ijiyequina pehe judio masa bucna mehna yuhū ijigū ihñariquina yuhū ñano yerire masiñe, tiquina gūhū yahusāahdo. <sup>21</sup> Ihcānogā pūritare yuhūre tiquina yahusā masine: Ti pje tiquina mehna ijigū ohō saha ni tutuaro sañuducuu yuhū. “Yariariquina masa mūjaeta’, yuhū nidi buhiri, buhiri dahrere mūsa”, nii tiquinare, ni yahuahye Pablo Felire.

<sup>22</sup> Tiquiro sa ni yahuri bato Feli ohō saha ni yahuahye Pablore:

—Yojobu to puno tjire. Surara pūhtoro Lisia tiquiore wihiri bato mūhure yahu yeatore masiitja yuhū, niahye Feli Pablore.

Feli pehe Jesu yequina tiquina yerire quehnoano masi pehoriqiuro ijiahye.

<sup>23</sup> Sa ni tuhasa, Pablore cohteriquiro surarare Feli quehnoano ihña nūnū duti-ahye “Peresupū ijiriquiro duhtiari”, nino. Sa ijieperota mehenogā ohori tiquiore tini-atore. Pablo mehna cjēnare tiquiore peresupū ijiriquirore yedoho dutiro sa duti-ahye Feli.

<sup>24</sup> Meheñe decorigā bato Feli, tiquiore namono Drusila wame tiricoro mehna ahta, Pablore pijiahye. Feli namono pehe judio masono ijiahye. Pablore tiquina pijiri bato, Jesucristore tiquiore wacū tutuayere Pablo pehe yahuahye tiquinare. <sup>25</sup> Sa yahuro quehnoañene, quehnoano wacū masiñene, ñañene cahmedare, pihtiri deco ijigū Cohācjū masare tiquiore buhiri dahreatore yahuahye Pablo. Tiquiro sa ni yahugū tūhoro Feli cuero, Pablore yahuahye:

—Yojobure waharisa. Came yuhūre dahraye mariedagū mūhure pijitja tja, niahye Pablore.

<sup>26</sup> Sa nino Pablo tiquiore niñeru ohogū cahmemahye Feli. Sa yero tiquiore niñerure cahmeno, peye tahari Pablore piji, tiquiore mehna yahuducue timahye Feli. Niñerure tiquiore wapa yegū Pablore wioboaga, ape taha yero. <sup>27</sup> Pūa cūhma bato Porcio Festo wame tiriqiuro Feli comesariqiuro ijiahye. Sa ijiepegūta Feli pehe pūhtoro ijiro, judio masare bucuegū ye duahye. Sa yero tiquiore Pablore peresupū iji dutiniahye.

## 25

*Pablo Festore tiquiore yerire yahuahye*

<sup>1</sup> Sa ye Festo ti yehpapū ihtia deco tiquiore ijiri bato, Cesareapū ijiriquiro waha, Jerusalēpū esahye. <sup>2</sup> Topū tiquiore ijigū pahia pūhtoa, judio masa pūhtoa mehna Pablore tiquina yahusārire yahuahye Festore. <sup>3</sup> Pablo mahapū wahagū tiquiore bucā quehe, wejē duaye nimahye tiquina. Sa ye tiquina Festore tutuaro sinimahye:

—Pablore Jerusalēpū ohoya, ni, sinimahye tiquina Festore.

<sup>4</sup> Tiquina sa nigū tūhoro, Festo yahuahye tiquinare:

—Yojobure Pablo Cesareapū peresu ijire. Yojobure yuhū topū waha tūta niaja.

<sup>5</sup> Pablo tiquiore ñano yeriquiro ijigū, mūsa pūhtoa Cesareapū yuhū mehna waha, tiquiore yahusāahdo, niahye Festo.

<sup>6</sup> Sa yero Festo ocho o diez decori tiquina mehna tiquiro ijiri bato Cesareapũ tojoaa wahahye. Ape decopũ tiquiro buhiri dahre dutiri wuhũpũ dujiro, Pablöre ne cãhta dutiahye.

<sup>7</sup> Sa ye Pablo Festo cahapũ tiquiro wihigũ, judio masa Jerusalẽpũ ahtariquina pehe Pablo cahapũ ducu, tiquirore tutuaro mehna yahusã dũcahye. Sa yahusãepeta “Ahriquiro tiquiro ñano yegũ ihñaũ”, ni, masiedahye. <sup>8</sup> Tiquina sa ni yahusãri bato Pablo tiquiro yerire yahuahye:

—Judio masa tiquina dutiyere, Cohãcjũ wuhũ cjẽ dutiyere, Roma cjũno pũhtoro tiquiro dutiyere yũhdũdũcaerũ, niahye Pablo.

<sup>9</sup> Festo pehe judio masare bucuegũ ye duaro, Pablöre sinituahye:

—¿Jerusalẽpũ waha duajari mũhũ? Mũhũ yerire yũhũre topũ yahuta mũhũ, niahye Festo Pablöre.

<sup>10</sup> Tiquiro sa nigũ tũhoro Pablo yahuahye:

—Ijipihtiyequina pũhtoro tiquiro ya wuhũpũ buhiri dahre dutiri wuhũpũ ijiaja yojopũre. Ahri wuhũ boropũ yũhũ yerire tũhoya. Judio masare yũhũ ñano yerarire quehnoano masine mũhũ. <sup>11</sup> Dutiyere yũhdũdũcarigũ ijigũ “Yũhũre wejẽdacãhña”, niedaboaya yũhũ. Sa yegũ ahriquina yahusãri pehe ni mehoñe ijigũ yũhũre yahusãriquinare yũhũre oho masiedare mũhũ. Yũhũ yerire ijipihtiyequina pũhtoro Cãsare yahu duaja, niahye Pablo.

<sup>12</sup> Tiquiro sa nigũ tũhoro Festo pehe quehnoano masi yahuyequinare sinitu tuhãsa, yahuahye Pablöre:

—Mũhũ ijipihtiyequina pũhtoro mũhũ yerire mũhũ yahu duagũ tiquiro cahapũ ohonatja mũhũre, niahye Festo Pablöre.

Festo pũhtoro Agripare Pablo tiquiro ijije tiyere yahuahye

<sup>13</sup> Camepũ pũhtoro Agripa, Berenice wame tiricoro mehna Cesareapũ Festore ihñañe esahye.

—¿Ne, ijiajari mũhũ? niahye tiquina Festore piti caye.

<sup>14</sup> Topũ peye decori tiquina ijiri bato Festo yahuahye Agripare Pablo tiquiro ijije tiyere:

—Ohõre Feli tiquiro peresu yeriquiro ijire. <sup>15</sup> Sa ye Jerusalẽpũ yũhũ wahagũ

judio masa tiquina pahia pũhtoa, tiquina bũcũna mehna ahriquirore yahusãri.

“Tiquiro ye buhirire wejẽña tiquirore”, ni, sinidi tiquina yũhũre. <sup>16</sup> Tiquina sa ni sinigũ tuhõgũ yũhũ tiquinare ohõ saha ni yahuu. “Roma cjẽna pehe peresu tiquina yeriquinare masare ohoerare. Sa yegũ tiquirore ohoeraja mũsare. Hsã ñehediquirore tiquirore yahusãriquinare tiquiro ihñaato pano tiquirore buhiri dahre masiedaja usã. Tiquiro basi tiquiro yerire tiquiro yahueragũ tiquirore buhiri dahre masiedaja usã”, nii tiquinare.

<sup>17</sup> Sa yegũ ohõre tiquina wihigũ ihñaagũ yoari pje yerũ yũhũ. Sa yegũ ape decopũ buhiri dahre dutiri wuhũpũ dujigũ, tiquina yahusãriquirore pijii. <sup>18</sup> Sa ye ti wuhũpũ tiquiro wihigũ ihñañe tiquirore ihña tuhtiyequina wahcãdũcari. Tiquina sa wahcãdũcagũ ihñaagũ “Ña yũhdũaro ni yahusãeta”, ni, tũhotumi yũhũ tiquinare. Tiquirore yahusã duepeta yahusã masiedari tiquina. <sup>19</sup> Sa ye ahriquirore Cohãcjũ yere tiquiro yahuri buhiri judio masa tiquirore tuhtiri. Jesu wame tiriquiro tiquiro yaria masa mũjarire tiquiro yahuri buhiri yahusãri ahriquirore. Ahri dihitare yahusãri. <sup>20</sup> Tire masiedagũ tiquirore quehnoano sinituu. “¿Jerusalẽpũ waha duajari mũhũ yũhũ mehna? Topũ yahuya mũhũ yerire yũhũre”, nimi tiquirore. <sup>21</sup> Yũhũ sa niepegũta tiquiro waha duerari. “Yũhũ yerire ijipihtiyequina pũhtoro yahu duaja”, nidi tiquiro yũhũre. Tiquiro sa nidi bato ohõpũta tiquirore cohte dutii, ijipihtiyequina pũhtoro cahapũ tiquirore yũhũ ohoato pano, niahye Festo Agripare.

<sup>22</sup> —Yũhũ basi tũho duaja tiquirore, niahye Agripa Festore.

—Ñamipũ tiquirore tũhoya mũhũ, ni yahuahye Festo.

<sup>23</sup> Ape decopũ Agripa, Berenice mehna tiquina buhiri dahre dutiri wuhũpũ esa, “Pũhtoa ijiaja usã”, niñe cua pesaro ye ihñaohye tiquina, surara pũhtoa, ti maca cjẽna pũhtoa mehna. Sata ye sajãhye ti wuhũpũ. Tiquina sajã sari bato Pablöre pijiahye Festo. <sup>24</sup> Sa yero Festo ohõ saha ni yahuahye:

—Pũhto Agripa, masa ijiphtina ahri wũhũre cahmecoana, tũhoya. Ohõre



ahriquiroy peyequina judio masa tiquina yahusāriquiroy ijire. Jerusalēpā, Cesareapā gūhure tiquina tiquiroy yahusāri. “Tiquiroy wejēña”, sa niducuye nine tiquina. <sup>25</sup> Tiquina sa niepegūta ohō saha tuhōtuaja yūhū. Ahriquiroy ne ñano yeriquiroy ijierare. ¿Yabe buhiri wejēboagari mari tiquiroy? Sa yegū ijipihtiyequina pūhtorore César Augustore ahriquiroy yerire tiquiroy yahu duagū ijipihtiyequina pūhtoro cahapū ohogūtja tiquiroy. <sup>26-27</sup> Sa yegū ahriquiroy yerire tūho, quehnoano masiedarīaja yūhū. Sa masiedagū mari pūhtorore yahu oja masiedaja. Sa yegū musare tiquiroy yahugū tūho dutigū niaja yojopūre. Pūhto Agripa, yojopū pūritare ahriquiroy ijire mūhū sinituatiquiroy. Mūhū sinitu tuhāsa, mari masidi bato ahriquiroy tiquina yahusāriye quehnoano yahu ojaūtja. Ahriquiroy ñano yerire yūhū masiedapegūta mari pūhtoro cahapū tiquiroy yūhū ohogū quehnoaedare. Sa yegū yojopūre tiquina yahusāriye quehnoano masi duagū niaja, niahye Festo tiquinare.

## 26

*Pablo Agripare tiquiroy yerire yahuahye*

<sup>1</sup> Tiquiroy sa nidi bato Agripa Pablore yahuahye:

—Mūhū basita yahuya, niahye tiquiroy Pablore.

Tiquiroy sa nidi bato Pablo pehe, “Dihta mariañā”, nino tiquiroy omocarine siō mūo, tiquiroy yerire yahuahye:

<sup>2</sup> —Pūhto Agripa, yūhūre judio masa tiquina yahusāriye, yūhū yerire mūhūre yahugū, yojopūre quehnoano jeripohna tiaja. <sup>3</sup> Mūhū judio masa usā yee tiyere, usā buheye gūhūre mūhū quehnoano masigū pūritare bucueaja yūhū. Sa yegū mūhū yūhūre quehnoano tuhoya, ni dūcahye Pablo.

*Pablo Jesu yaquiroy tiquiroy ijiato pano tiquiroy ijie tirire yahuahye*

<sup>4</sup> Sa ni tuhasaro ohō saha ni nemoahye tiquiroy:

—Wahmū yūhū ijie tirire ijipihtiyequina judio masa masine. Ijipihtiye decori yahu masa bajuari bato yūhū ya dihtapūre, Jerusalēpā gūhūre yūhū ijirire masine tiquina. <sup>5</sup> Coā waropūre fariseo masu

ijimi. Sa yegū fariseo masa tiquina dutiyere, tiquina yeye borore ye pehogū yūhū ijigū tiquina masine. Tiquina mūhūre yahu duaye, tire yahu masine tiquina. <sup>6</sup> Ahri buhirita yūhūre yahusā mūjare. Usā ñecusūmūa iji turiayequinare “Yariariquinare masoutja”, Cohācjū tiquiroy ni cūriye “Poto tjire”, yūhū nidi buhiri ahriquina yūhūre yahusā mūjare. <sup>7</sup> Yūhū acaye judio masa ijipihtiyequina doce cururi cjēna Cohācjū masare tiquiroy masoatiye bucue, cohteducure. Sa ye Cohācjūre ño peoducure. Sa cohteducuyequina ijiye usā yero saha yere tiquina. Pūhto Agripa, sa ihcāno saha yena usā ijiepegūta tiquina pehe tiquiroy masoatiye yūhū cohteri buhiri yūhūre yahusā mūjare judio masa. <sup>8</sup> Mūsa judio masa pehe dūhse yena Cohācjū tiquiroy masoriye tiquina yahugū tūho duerajari mūsa, judio masa? ni yahuahye Pablo.

*Pablo Jesu yequinare tiquiroy ñano yee tirire yahuahye Agripare*

<sup>9</sup> Sa ni tuhāsa ohō saha ni yahu nemoahye:

—Jesure Nazare cjānore ihñedarīgū, ñañe dihitare ye duami tiquiroy yequinare.

<sup>10</sup> Sa yegū Jerusalēpā sa yee timi yūhū. Pahia pūhtoā yūhūre tiquina dutiri bato peyequina Jesu yequinare peresu yee tii. Sa yegū pūhtoā tiquinare wejē dutigū, wejē dutii yūhū gūhū. <sup>11</sup> Peye tahari ijipihtiye judio masa buheye wūhūsepu Jesu yequinare ñano ye dutie tiru. Sa yegū Jesu yequina Jesure tiquina cohāgū ye duagū nimi. Tiquina mehna tutuaro usuau yūhū. Sa yegū apeye macaripū gūhūre tiquinare ñano yegū esae tii yūhū, ni yahuahye Pablo.

*Pablo Jesu yaquiroy tiquiroy waharire yahuahye*

(Hch 9.1-19; 22.6-16)

<sup>12</sup> Sa ni tuhāsa ohō saha ni yahu nemoahye:

—Damascopū Jesu yequinare ñano ye duagū esami. Tiquinare ñano yūhū ye duagū ihñañe pahia pūhtoā yūhūre waha dutiri. <sup>13</sup> Ohō saha ijiri pūhto Agripa: Coheri pje ijigū waro mahapū yūhū wahagū wūhūmano cjē asi siteye, asū deco cjāno yūhūoro, yūhūre yūhū mehna wahayequina gūhūre asi siteri.

<sup>14</sup> ʔsā ijipihitina yehrapu bora quehe sa, judio masa ye mehna yuhare tiqiro yahuducugū tuhōu. “¿Saulo, duhse yegu mūhu yuhare ñano yeajari? Mūhu yūhu mehna usuagu yuhare yahtieragu, mūhu basi ñano yuhdure”, nidi yuhare. <sup>15</sup> “¿Pūhto, noa boro ijiajari mūhu?” ni, sinituu yūhu. “Yūhu Jesu, mūhu ñano yenohrigū ijiaja. <sup>16</sup> Wahcādūcaya mūhu. Mūhare yūhu cahācjū ijiajū yegu tagu, yojopu bajuaja yūhu. Miare yuhare mūhu ihñarire, came mūhare yūhu ihñoati gūhare apequinare yahuguta mūhu. <sup>17</sup> Judio masare, judio masa ijieyequina gūhare mūhare buhe dutigū ohogūtja. Tiquina cahapu mūhu ijigū, mūhare tiquina ihñā tuhtigū mūhare yedohogūtja. <sup>18</sup> Yeere tiquinare masigū yeya mūhu. Sa yegu tiquinare ñañene duhugū yeya. Quehnoañe pehere comesagū yeya tiquinare. Watīnore cahmedagū yeya mūhu. Sa yegu Cohācjū ye pehere yegū yeya mūhu tiquinare. Mūhu sa yegū tiquina yuhare wacū tutuaeta. Tiquina sa wacū tutuagū ihñagu tiquina ñañe yerire boutja. Sa ye tiquina Cohācjū tiqiro beseriquina mehna cjēna ijietā. Tiquiro ohoatire cūoatiquina ijietā tiquina”, nidi Jesu yuhare, ni yahuahye Pablo.

*Pablo tiqiro yerire tiqiro dahrayere yahuahye*

<sup>19</sup> Sa ni tuhasa ohō saha ni yahu nemoahye:

—Pūhto Agripa, uhmūano cjē yūhu tuhoyere yuhdūcāerū. <sup>20</sup> Damascopu buhe mūhtau. Came Jerusalēpu buhei tja. Came Judea yehrapu, judio masa ijieyequina cahapu gūhare masare tiquina ñañe yerire bujua witi dutii, Cohācjū yere cahme dutigu. “Quehnoañene musa yegū ihñañe ñañene musa bujua witiire apequina masieta”, nigū, tiquinare quehnoañene ye dutigu buhei. <sup>21</sup> Cohācjū ya wūhūpu yūhu ijigū yūhu sa ni yahuri buhiri judio masa yuhare ñehe, wejē duamedī.

<sup>22</sup> Tiquina sa yepegūta decoripe Cohācjū tiqiro yedohoro mehna sa buheducaja. Sa yegu yojopure musa ijipihitina pūhtoare, ihyo ijina gūhare tiqiro yere yahugū niāja. Panopu cjēna Cohācjū yere yahu mūhtariquina, Moise mehna tiquina yahuyuriro sahata yahuaja yūhu gūhu.

Ohō saha ni yahuyuahye tiquina. <sup>23</sup> “Cristo Cohācjū ohoriquiro pehe ñano yuhdūrota. Sa yero yariaro masa mūja mūhtariquiro waharota tiqiro. Sa yero masare tiqiro yuhduoatire judio masare, judio masa ijieyequina gūhare masigū yerota”, ni yahuyu ojoae tiahye panopu cjēna. Yūhu gūhu tiquina yero sahata yahuaja, ni yahuahye Pablo Agripare.

*Pablo Agripare Jesu yaquiro wahagū ye duamahye*

<sup>24</sup> Tiquiro sa ni yahuri bato Festo tiqirore tutuaro sañuducu yahuducuahye:

—Pablo, mūhu tuho masiegu ijire. Mūhu peye buhegu cohto tia wahare, ni sañuducuahye tiqiro Pablōre.

<sup>25</sup> Tiquiro sa nigū tuhoro Pablo yūhtiahye Festore:

—Pūhto, tuho masiegu ijieraja yūhu. Yūhu yahuye ijirota ijire. Sa yegu yūhu ahrire cua pesaro mehna quehnoano niāja. <sup>26</sup> Pūhtoro Agripa pehe ahri yūhu yahurire quehnoano masine. Sa yegu yūhu tiqirore cuero marieno yahuaja. Ahri yahuyere ijipihitiye ahrire yūhu nidire pūhtoro Agripa tiqiro masigū masiāja yūhu, niahye Pablo Festore.

Sa ni tuhasa ohō saha niahye Agripare:

<sup>27</sup> —Pūhto Agripa, Cohācjū yere yahu mūhtariquina tiquina yahue tirire tuhore mūhu. Tiquina yahue tirire mūhu tuhogū masiāja yūhu, niahye Pablo Agripare.

<sup>28</sup> —¿Ahrire yuhare yahugū mehenogā mūhu yahuye mehna Jesu yaquiro yūhu wahagū ye duagu niajari mūhu? niahye Agripa Pablōre.

Tiquiro sa nigū Pablo yūhtiahye:

<sup>29</sup> —Mehenogā yahuducugū o yoari pje yahuducugū musa ijipihitine “Yūhu ijiro sahata Jesu yequina ijiaho”, ni sini basaja Cohācjūre. Sa siniepegūta yūhu yero saha peresupu musa ijigū cahmedaja yūhu, niahye Pablo Agripare.

<sup>30-31</sup> Tiquiro sa nidi bato Agripa, Festo, Berenice ijipihitiyequina apequina mehna wahcādūca, wijia, tiquina basi yahuducuahye:

—Ahriquiro buhiri mariedare. Sa yena tiqirore ne peresu ye masiedaja mari. ¿Sa yena mari yabe buhiri tiqirore wejēboagari? ni, yahuducuahye tiquina basi.

<sup>32</sup>—Ahriquiuro “Ijipihtiyequina puhtorore César pehere yuhā yerire yahu duaja”, tiquiuro niedagū mari wioboaya tiquiore peresupu ijiriquiore, niahye Agripa Fes-tore.

## 27

*Pablo tiquiore tiquina yahusārire Romapu yahuro wahahye*

<sup>1</sup> Pablöre Italiapu yucusa mehna ohoye tehe, tiquiore apequina mehna tiquina peresu yeriquina mehna Julio wame tiriquiuro mehna cūri tiquina. Julio cien surara puhtoro ijiro, tiquiuro ya curua “Augusto yequina surara”, wame tiri. <sup>2</sup> Sa yena Adramitio wame tiro cjāria yucusapu sajān usā. Tia Asiapu wahatia ijiri. Sajā tuhasa, tia mehna waha. Aristarco Tesalónica wame tiri maca cjāno usā mehna wahari. Tesalónica Macedonia yehrapu ijire. <sup>3</sup> Ape decopu usā Sidōpu esau. Topu esaro Julio Pablöre quehnoano yeri. Sa yero Pablöre tiquiuro mehna cjēna cahapu ihñano waha dutiri. Sa yero Pablo mehna cjēna tiquiore tiquiuro cahmeñene tiquina ohogū “Quehnoanota”, nidi Julio. <sup>4</sup> Yucusa mehna usā pehāgū tutuaro wihnono usāre ape siepu wēdoque pehōri. Sa yena Chipre wame tiri nūcno cahmotaropu poto pehepu waha usā. <sup>5</sup> Tee Ciliciare yuhdua, Panfilia gūhure yuhdua, Mira wame tiri macapu Licia yehrapu ijiri macapu pehā sau.

<sup>6</sup> Topu esana, Alejandriapu ahtariare, Italiapu wahatiare yucusare bocau. Sa yero usāre tiapu waha dutiri surara puhtoro. <sup>7</sup> Peye decori dero dero waha, “Wape cūo yuhduare”, ni, waha, Gnido wame tiri maca potopu esau usā. Topu esa yuhdua, wihnono tutuaro wēgū, usā waha duariorpu usāre wē ohōedari. Sa yena usā cū pehe pehepu majare pehāa waha. Sa yena Creta wame tiri nūcno cahmotari pahrē pehe usā pehāa waha, Salmón wame tiri ñoare yuhdua waha usā. <sup>8</sup> Topu yuhdu, ti nūcno duhtu cahapu waha, “Wape cūo yuhduare”, ni, waha, Quehnoari petamaha wame tiroru wahā sau. Petamaha Lasea wame tiri maca cahapu ijiri.

<sup>9</sup> Topu yoari pje usā ijiri bato, usā wahato pehe cua yuhduari. Sa yero tiquina sijiri deco bose deco yuhdari bato, Pablo tiquinare yahuri:

<sup>10</sup>—Tuhoya musa. Sijiri deco bose deco bato mari wahagū marine minino cua yuhduare. Ahria yucusa, yucusa cjē, musa doeri cjē gūhū mari mehna cjēna gūhū mari butiboaga mari wahana, nidi Pablo.

<sup>11</sup> Tiquiuro sa niepegūta surara puhtoro yucusa upūore tuhoro, ohoturiquiuro gūhure tuhoro, Pablo yahuye pehere tuho duerari waha duaro. <sup>12</sup> Tiquina pahsari petamaha quehnoari petamaha pohecū ijigū tiquina pahsari petamaha ijierari. Sa ijiri petamaha ijigū yucusa cjēna peyequina waha dua, Fenicepu yojoa duamedī. Fenice Creta wame tiri nūcno cjā petamaha ijiro, wihnono ahtaro pehe, asū sajāno pehe cū pehe pehepu, poto pehepu gūhure ihñadoqueo, wihnono ahtagū quehnoano cahmotari maca ijiri. Sa ijiri petamaha ijigū masiñe tiquina topu ihcā pohecū jji duamedī.

*Pajiri mapu wihnono, acoro mehna pajiro wē cāhtahye*

<sup>13</sup> Sa ye sur pehe derogā wihnono ahta dūcari. “Miare quehnoari deco mari wahati deco ijire”, ni tuhutumahye tiquina. Sa wihnono wēgū yucusa mehna waha dūca, Creta nūcno duhtu cahagā yojoau usā. <sup>14</sup> Sa yojoaepegūta came cjūno wihnono noreste wame tiri wihnono tutuaro wēdi. <sup>15</sup> Sa yero yucusare wihnono tutuaro wahā wihiri. Wihnono ahtaro pehere waha masiedana, majare paha, wihnono wēonopu waha usā. <sup>16</sup> Cauda wame tiri nūcnogā cahapu sur pehepu waha, ti nūcnogā usāre mehenogā cahmotari. “Marine wape cūo yuhduare”, nina tore pajiria yucusa cjāria meheniagā yucusagāre quehnoano weje peo duhte usā. <sup>17</sup> Tiagāre yucusapu usā weje peo duhteri bato pajiria yucusapu pajiri da mehna tiquina wahme ñehe peori. Sirte wame tiri padūrore “Tia yucusa doque wahā sari”, niñe, cue nidi tiquina. Sa ye wihno ñeheñe suhtire tiquina ne dijiori bato yucusa dihitare wihnono wēdoqueori. <sup>18</sup> Wihnono, acoro mehna tutuaro ahtari. Ape deco gūhure wihnono mñananota ahtagū ihñañe tiquina doeri cjēne diapū duredoque ño tuhasa, pehāa waha usā. <sup>19</sup> Ape deco yucusa cjēne diapū cohāri tiquina basi. <sup>20</sup> Peye decori ñicuñe decori ijigū, asū deco cjūno ñahpicoha paca gūhū ne bajuerari. Sa yero tutuaro wihnono wēdi. Sa yena

“Minia wahaja mari. Sa yena yariaa wahanata”, ni tahotumi usā.

<sup>21</sup> Sa ye tiquina yoari pje tiquina sijiri bato Pablo tiquina poto ducu, yahuri tiquinare:

—To pano musare yuhū yahugū tuhoerari musa. “Cretapū ijirina mari wahagū cuariaga”, yuhū nigū tuhoerari musa. Yuhūre tuhona, ahria cjē ijiphtiyere boeraboaya musa. <sup>22</sup> Sa niepeguta yojopū musare yahuaja. Cueracāhña. Ijiphtina mari yuhūnata. Ahria yucusa dihita marine wahtia waha. <sup>23</sup> Mīa namine Cohācjū yaquiro angel yuhūre bajuari. Cohācjū yaquiro ijiaja yuhū. Sa yegu tiquirore ño peoja yuhū. Angel pehe yuhū cahapū ahtarō, yahuri. <sup>24</sup> “Pablo, cueracāhña. Ijiphtiyequina puhtorore muhū yerire muhūre yahuro cahmene. Cohācjū quehnoariquiro ijire. Sa yero tiquirore muhū sinidiro sahata yojopūre muhū mehna cjēna gūhūre yedohorota”, nidi yuhūre angel. <sup>25</sup> Sa yena cueracāhña musa. Angel yuhūre tiquiro nidiro sahata waha. Cohācjūre wacū tutuaja yuhū. Sa yegu tiquiro yahuriro sahata “Ijirota ijire”, ni tahotuaja yuhū. <sup>26</sup> Yuhū sa niepegūta marine nūcūropū wihnono wēdoque ohōnota, ni yahuri Pablo tiquinare.

<sup>27</sup> Ihcā nāmi pua semana bato pajiri ma Adria wame tiri mapū wihnono usāre tutuaro wēdi. Ti pjere nāmi decopū yucusa cjēna umua pehe “Duhtū cahapū ijiaja mari”, ni tahoturi tiquina. <sup>28</sup> Sa ni tahotuye nūcūria comea yuta da mehna duhte, duhudoque dijio, queori. Treinta y seis metro waro uhcuāri. Mehēnogā waha, queori tja. Ti pjere veintisiete metro waro uhcuāri. <sup>29</sup> Sa ye utā pacare “Doque wahā sari”, niñe yucusa ohoturopū pititia pjine duhte pohoye pjine duhudoque dijiori diapū. Sa ye “Sojaro mehna bohreahro”, ni, tutuaro sinidi tiquina. <sup>30</sup> Yucusa cjēna umua pehe duhtimedī. Tiquina meheniagāre yucusa cjāriare diapū weje boro poho, yucusa ehquēapū duhte pohoye pjine tiquina dijiriro sahata yeri tiquina meheniagāre “Marine ihñari”, niñe. <sup>31</sup> Tiquina sa yepēgūta Pablo surara puhtorore, tiquiro yequina surara mehna yahuri:

—Ahriquina umua meheniagā yucusa mehna tiquina wahagū musa ijiphtina yarianata, nidi Pablo.

<sup>32</sup> Tiquiro sa nigū tuhoye surara pehe meheniagāre duhteyē darire yuhūre sure, tiare cohāri.

<sup>33</sup> Bohreato panogā Pablo tiquinare tutuaro ihya dutiri:

—Pua semana waro musa duhse wahatire masi duana, cohtena, ne ihyerari musa. <sup>34</sup> Sa yena yojopūre ihyana taya. Tutuaro musare ihya dutiaja. Musā cati duana ihyaya. Ijiphtina musa yuhūnata, nidi Pablo tiquinare.

<sup>35</sup> Tiquiro sa nidi bato Pablo pāre ne, ijiphtiyequina tiquina ihñonopū Cohācjūre “Quehnoare”, ni duhu peo, tire ihya ducari tiquiro. <sup>36</sup> Tiquiro sa ihyagū ihñañe tiquina cuero marieno waha, ijiphtiyequina tiquina gūhū ihyari. <sup>37</sup> Usā ijiphtina doscientos setenta y seis masa yucūsapū ijii usā. <sup>38</sup> Tiquina ijiphtiyequina yapia waha “Ahria yucusa nūcū niaga”, ni, peye trigo ihyayere diapū cohāri.

Yucusa paduropū doque quehe sahye

<sup>39</sup> Bohreagū yucusa cjēna umua nūcūore ihñañe, “Ohō saha wame tiri nūcūo ijire ahri nūcūo”, ni, ihñā masiedari. Sa masiedapeta tiquina pari tucūpū padūro ijigū ihñañe, “Mari ti tucūpū wahana, topūre doque pje saboaga paduropū”, nidi tiquina. <sup>40</sup> Sa niñe duhte pohoye pjine duhteyē darire yuhūre sure dijioahye. Ohoturi pjī duhteyē dari gūhūre yuhūre sure cāri tiquina. Tiquina sa yeri bato yucusa ehquēa cjā suhtirore wahcō docori, poto wihnono wēdoqueogū cahmeñe. <sup>41</sup> Sa yepēgūta yucusa ehquēa pehe ape paduropū quehe sa, nūjua masiedari. Sa yero ohoturore tutuaro pahcōri quē ohōgū tia ohoturo wahtia wahari. <sup>42</sup> Tia sa wahagū ihñañe ohō saha nidi surara:

—Ahria minigū mari peresu yeriquina duhtū cahapū ba nūjua duhtietā. Sa yena tiquinare wejē pehouhna, nidi surara.

<sup>43</sup> Sa niepegūta surara puhtoro pehe Pablō wejē dueraro, ijiphtiyequina peresu ijiequinare wejē duerari. Sa yero ijiphtiyequina ba masiñequinare surara puhtoro poto duhtū cahapū ba nūjua dutiri.

<sup>44</sup> Sa ye apequina yucusa cjē pjine wahi siteri pjine mehna bora ñojoa, ti pjine bui pesa ba nūjua. Usā sa yena usā ijiphtina duhtū cahapū wahā sau.

## 28

*Pablo Malta wame tiri n̄nc̄uor̄n̄ ijiahye*

<sup>1</sup> Sa ye ti n̄nc̄uor̄n̄ us̄ā ijipihtina majad̄uca sana, ti n̄nc̄uo wamene masii. Malta wame tiri n̄nc̄uo ijiri. <sup>2</sup> Ti n̄nc̄uo cj̄ēna masa us̄āre quehnoano yeri. Sa yena us̄ā acoro weri bato yus̄ua yuh̄duari us̄āre. Sa ye to cj̄ēna pehe peca wijiā tuhasa, us̄āre soh̄ma dutiri.

<sup>3</sup> Pablo pecare ne c̄āhta, tu tiāri. Tiquiro tu tiāri bato ti peca puh̄iap̄u sañariquiro añ̄a tutuaro asiḡū wija taro, Pablo omocap̄u bahque wah̄ā sari yaha wero marieno.

<sup>4</sup> Tiquiro bahque wah̄ā saḡū ih̄ñāñe ti n̄nc̄uo cj̄ēna tiquina basi oh̄ō saha ni yahuducuri:

—Ahriquiro masa wej̄ēdiquiro ijiboaga.

Sa yero tutuaricoro buhiri dah̄rericoro uhm̄use cj̄ōno tiquirore buhiri dah̄rero, cati dutierare. Tiquiro pajiri map̄u minino yuh̄d̄u tuhasari j̄imedi. Yojoṗ̄are ticoro pehe tiquirore cati dutierare, n̄imedi tiquina basi.

<sup>5</sup> Sa niepeḡūta Pablo añ̄are pecap̄u wej̄ē s̄itidoqueori. Tiquirore añ̄a pur̄iedari.

<sup>6</sup> “Ipirota”, niñe, cohtemedi tiquina. Ne ipierari tiquirore. “Tiquiro yariaa wah̄arota”, niñe tiquina cohtemedi. Tiquirore pur̄iedari. Yoari p̄je bato tiquirore ip̄ieraḡū ih̄ñāñe, tiquirore pur̄iedaḡū ih̄ñāñe, s̄ijoro tuh̄oturi tiquina. “Ahriquiro coh̄āmana mehna cj̄ūno ijiboaga” n̄imedi tiquina.

<sup>7</sup> Tiquina ba wah̄ā sar̄iro cahaḡāp̄u Publio wame tir̄iquiro ye weseri ijiri. Tiquiro ti n̄nc̄uo cj̄ūno p̄htoro ijiri. Sa yena us̄āre tiquiro quehnoano yeḡū ihtia deco waro tiquiro ya wuh̄p̄u ij̄ini us̄ā. <sup>8</sup> Publio pac̄uro yojoa mehna, ujuaye dohatir̄iquiro ijiri. Sa yero tiquiro cuñanor̄p̄u cuñari. Sa yero Pablo dohatir̄iquiro ya tuc̄ūp̄u saj̄ā, Coh̄ācj̄ure sini, tiquiro omocarine tiquiro bui duhu peo, quehnoa wahaḡū yeri tiquirore. <sup>9</sup> Tiquiro quehnoa wahaḡū ih̄ñāñe ij̄ipihtiyequina apequina ti n̄nc̄uo cj̄ēna dohatiyequinare Pablo cahap̄u ne c̄āhtari. Tiquina sa ne c̄āhtaḡū ih̄ñāno Pablo quehnoa wahaḡū yeri tiquina ḡāh̄ure. <sup>10</sup> Came tiquina peyequina us̄āre wapa marieno ohori. Us̄ā wahato panoḡā ij̄ipihtiyē us̄ā cahmeñene, us̄ā wahana ihyatire yuc̄sap̄u dure s̄āri tiquina.

*Pablo Romap̄u esahye*

<sup>11</sup> Ihtia as̄ū ti n̄nc̄uor̄n̄ us̄ā ijiri bato yuc̄sa mehna wah̄ā us̄ā. Tia yuc̄sa

ehquēap̄u p̄uaro coh̄āmana Cástor, Pólux wame tiyequina tiquina queoye ducuri. Alejandriap̄u ahtaria ijiri tia. Pohec̄u ij̄iro puno ti n̄nc̄uor̄n̄ tia yuc̄sa pah̄sari. <sup>12</sup> Waha, Siracusa wame tiri macap̄u esana, ihtia deco waro ti macare ij̄i us̄ā. <sup>13</sup> Ti macare wija, waha, Regio wame tiri macap̄u us̄ā esau. Ape decop̄u surp̄u wi-hnono ahta, us̄āre wēdoqueori. P̄ua deco bato Puteoli wame tiri macap̄u esau. <sup>14</sup> Top̄u Jesu yequina meheñequinaḡā us̄āre piti cari.

—Ihc̄ā semana waro us̄ā mehna tojoaya, n̄idi tiquina us̄āre.

Tiquina sa niḡū tuhona ihc̄ā semana waro tiquina mehna tojoar̄i. Came mahap̄u maja, Romap̄u esau us̄ā. <sup>15</sup> To cj̄ēna Jesu yequina pehe Romap̄u us̄ā esatire tuhoye, Apio wame tir̄op̄u doeri cj̄ēne duar̄op̄u us̄āre piti cari. Apequina Jesu yequina ihtia wuh̄u wame tir̄op̄u us̄āre piti cari. Tiquina sa piti caḡū ih̄ñāno Pablo bucueye mehna Coh̄ācj̄ure “Quehnoare”, ni, quehnoano jeri s̄ā wahari.

<sup>16</sup> Romap̄u us̄ā esari bato peresu tiquina yeriquinare to cj̄ūnore peresu cohteyequina pah̄torore yahuri. Sa yahuepeḡūta Pablo pehere ihc̄āquirota c̄ūri to cj̄ēna puh̄to. Sa yero tiquirore ihc̄āquiro surara cohteri.

*Pablo Romap̄u buheahye*

<sup>17</sup> Ihtia deco bato Pablo judio masa p̄htoa mehna cahmecoano taro, tiquinare pijiri. Tiquina cahmecoari bato tiquiro tiquinare yahuri:

—Yuh̄u acaye, mari acayere, mari ñec̄us̄um̄ua panor̄p̄u cj̄ēna tiquina yee tir̄ire, marine tiquina buhiri ḡāh̄ure yuh̄d̄ucaera tii yuh̄u. Yuh̄u yuh̄d̄ucaerapeḡūta Jerusalēp̄u yuh̄ure ñehedi apequina judio masa. Tiquina sa yeri bato Roma cj̄ēnare yuh̄ure peresu ye dutiri tiquina. <sup>18</sup> Tiquina sa yeḡū Roma cj̄ēna yuh̄ure sinitu, yuh̄u ñāno yerariḡu yuh̄u ij̄iḡū yuh̄ure “Buhiri tir̄iquiro ij̄ire”, ni masiedari. “¿Ne yabe buhiri wej̄ēboagari mari tiquirore?” n̄idi yuh̄ure tiquina. Sa ye yuh̄ure sinituyequina pehe yuh̄ure wio duamed̄i. <sup>19</sup> Judio masa pehe yuh̄ure wio dutierari. Sa yeḡū yuh̄u acayere judio masare yuh̄ure tiquina yerire yahu duerapeḡūta “Ij̄ipihtiyequina pah̄torore yuh̄u yerire poto yahu duaja yuh̄u”, ni sini yuh̄u. Judio masa yuh̄ure

tiquina wio dueragū ihñagu “Romapu yahuro cahmene yahure”, nii yahu. <sup>20</sup> Sa yegu musare ahrire yahu duagu pijii. Cristo marine yuhduoatiqiro judio masa tiquina coheritiquiro yere yahu yahuri buhiri yahu peresupu ijijaja. Sa yegu tire musare yahugu tuhū pijii, nidi Pablo judio masa puhtoare.

<sup>21</sup> Tiquiro sa nigū tuhoye tiquina pehe tiqiurore yahuri:

—Judio masa mahure quti yahuye purine usāre ne ohoerari. Sa ye topu ahtariquina gūhu usā acaye usāre mahu sa waharire yahuera tiri. Tiquina “Tiquiro ñano yeriqiro ijire” ni mahure yahuerari. <sup>22</sup> Tiquina sa yahuerapegūta mahu ya curuare ijiphiropu masa ñano tiquina yahuducugū usā masiaja. Sa masina mahu buheyere mahu yahugū tuho duaja usā, nidi tiquina tiqiurore.

<sup>23</sup> Sa ni tuhasa, “Ape decopu ijihna”, nidi tiquina. Ape decopu Pablo mehna cahmecoa mūhtariquina yuhduoro masa peyequina tiqiuro ijiropu wihiri. Nami cjunogā Cohācjū tiqiuro puhtoro ijijere quehnoañe buheyere tiqiuro buhe dāca, tee ñamipū buhe duhuri. Cohācjū dutiyere Moisepūre tiqiuro cūrire, Cohācjū yere yahu mūhtariquina tiquina ojoari gūhure buheri. Sa buhero, tiquinare Jesure masigū ye duaro nimesi Pablo. <sup>24</sup> Ihquēquina tiqiuro buherire cahmedi. Sa cahmepegūta apequina pehe tuho duerari. <sup>25</sup> Sa ye tiquina basi pua curua tu wa, wahaye tee nidi. Tiquina wahato pano Pablo Isaia tiqiuro yahuducurire yahuri. Ohō saha nidi tiquinare:

—Isaia Cohācjū yere yahu mūhtariqiuro tiqiuro yahuri ijirota ijire. Mari ñecusumua muna iji turiayequinare yahuro taro Espiritu Santo Isaiare ohō saha ni yahu ojo dutiahye:

<sup>26-27</sup> Ahrire ahriquinare yahugu wahaya: “Dapu paca butina ijire musa. Sa yena yeere tuho duerare musa. Cahmo coperi susueyequina yero saha tuho duerare musa. Sa yena yeere tuhoopenata tuhosi musa. Musa sa ijierana quehnoano tuhoboaya musa. Sa yena quehnoañe pehere comesaboaya musa. Sa yegu musare pecapu wahaborinare yuhduoboaya yahu”,

nidi Cohācjū, ni ojoahye Isaia, nidi Pablo tiquinare.

<sup>28</sup> Tiquiro sa nidi bato Pablo yahu nemori:

—Ahrire masiña musa. Cohācjū ye buheyere masare tiqiuro quehnoano yuhduoyere judio masa ijieyequinare buhenatja usā. Tiquina pehe tuhoeta, nidi Pablo judio masare.

<sup>29</sup> Tiquiro sa nigū tuhoye judio masa tire tiquina basi tutuaro cahme duse tini wia, wijiari.

<sup>30</sup> Pua cahma waro Pablo apequina watori wuhupu, tiqiuro ijijere wapa wapa yeati wuhupu ijiri. Topu ijiro, ijiphiyequina ti wuhupu wihiyequinare bucueye mehna piti cari tiqiuro. <sup>31</sup> Sa yero tiqiuro cuero marieno Cohācjū puhtoro ijijere, mari puhtoro Jesucristo ye gūhure buhee tiri. Tiquiro sa buhegū ne apequina tiqiurore “Buheracāhña”, nieda tiri.

## Romanos

*Pablo Roma cjenare Jesu yequinare ojoa ohoahye*

<sup>1</sup> Yuhũ Pablo musare Roma cjanare ojoa ohoaja. Yuhũ Cohãcjũ cahãcjũ ijaia. Sa yero quehnoañe buheyere buhe dutiro yuhũre cũri tiqiro.

<sup>2</sup> Ti buheyere quehnoañe buheyere panopũ Cohãcjũ “Yahugũ tũn niaja”, nie tiahye. Tiquiro sa ni yahuriro sahata tiqiro yere yahu mũhtariquinare panopũ cjenare tiqiro yahuatire tiqiro ya pũpũ ojoa dutiahye. <sup>3</sup> Ti buheyeta tiqiro macũnore yahuye ijire. Tiquiro masũno waro ijiro taro Davi mũnãno panãmino iji turiariquiro ijahye tiqiro. <sup>4</sup> Jesucristo mari pũhtoro Cohãcjũ macũno ñãñe marieniquiro tiqiro ijiyere ohõ saha ihñoahye Cohãcjũ. Tiquiro yariari bato Cohãcjũ tutuaye mehna tiqirore masa wijiajũ yeahye. Sa yero Jesucristo potota Cohãcjũ macũno tiqiro ijiyere ihñoahye Cohãcjũ masare. <sup>5</sup> Tiquirota usãre paja ihñano usãre tiqiro yere buhe dutiro ohori ijipihitiyequina Jesucristore wacũ tutua tiquina ño peoatire. <sup>6</sup> Sa yero mũa gũhũre Jesucristo yequina ijianare beseahye tiqiro.

<sup>7</sup> Mũsare, Cohãcjũ cahĩnare, Roma cjanare, tiqiro yequina ijianare yeri mũsare tiqiro. Mũsare ijipihitinare ahri pũre ojoa ohoaja. Sa yegũ Cohãcjũ mari Pacũ, mari pũhtoro Jesucristo mehna mũsare quehnoa dutiaja. Tiquina yedohoye mehna quehnoano ijiya mũa.

*Pablo Romapũre ihñano waha duaro nimahye*

<sup>8</sup> Ahrire yahu mũhtautja mũsare: Ijipihitiye macari cjẽna Jesucristore mũa wacũ tutuarire masa yahuri yuhũre. Tiquina sa ni yahugũ tũhogũ “Quehnoare”, niaja Cohãcjũre. Jesucristo yedohoro mehna sa ni sini basaja. Cohãcjũre sini basagu mũsare sa sini basaducua. <sup>9</sup> Yuhũre tiqiro dutigũ tiqiro macũno ye buheyere quehnoañe buheyere tutuaro buhegũ tiqiro cahãcjũta ijaia yuhũ. Sa yero mũsare Cohãcjũre yuhũ sa sini basaducugũ tiqiro masine. <sup>10</sup> Sa sini basagu Cohãcjũ cahmegũ yojopũ pũritare

mũa cahapũ yuhũ ihñãũ wahatore siniaja. Yoari pje mũsare ihñã duagũ yuhũ wahatire cohteĩ ye cãmaja yuhũ. <sup>11</sup> Cohãcjũ yere mũsare buhe duaja Jesure mũa wacũ tutua nemoatire. Sa yegũ mũsare tutuaro ihñã duaja yuhũ. <sup>12</sup> Jesure wacũ tutuaja mari. Sa yegũ mũsare ihñã duaja Jesure mari wacũ tutuaye mehna pũa peheri mari cahme bu-cuegũ yeatore.

<sup>13</sup> Yuhũ acaye, ahrire mũa masigũ cahmeaja. Quehnoañe buheyere yuhũ buheri bato apequina mũa acaye judio masa ijieyequina Jesure wacũ tutuari. Sa yegũ peye tahari mũa cahapũ waha duami apequina Jesure tiquina wacũ tutuariro sahata mũa mehna cjẽna gũhũ tiquina wacũ tutuatire. Sa waha duepeguta waha masiedu yuhũ. <sup>14</sup> Ijipihitiyequinare quehnoañe buheyere buhero ijiro nine yuhũre. Pecasãre, pohteri cjẽ gũhũre, masiñequinare, masiñequina gũhũre buheacjũ ijiita niaja yuhũ. <sup>15</sup> Sa buheacjũ ijigũ mũsare Roma cjanare quehnoañe buheyere tutuaro buhe duaja.

*Quehnoañe buheyere masa tũhoye Jesure wacũ tutua dũcare*

<sup>16</sup> Quehnoañe buheyere tũhoye Jesure wacũ tutua dũcare masa. Sa yero ijipihitiyequinare Jesure wacũ tutuayequinare Cohãcjũ tutuaye mehna pecapũ waha-boriquinare yuhũduore. Tiquina sa yuhũdugũ masigũ ti buheyere quehnoañe buheyere buhegũ buoro yuhũdueraja. Ti buheyere judio masa pehere buhe mũhtari jiri Jesu gũhũ. Tiquina buheri bato judio masa ijieyequina gũhũre usã buhei. <sup>17</sup> Ti buh-eye ohõ saha ni yahure: Jesure wacũ tutuayequinare “Quehnoañequina ijire”, ni, ihñare Cohãcjũ. Tiquirore wacũ tutua dũcayequinare sata ni ihñare Cohãcjũ. Tiquiro sa ni ihñari bato tiqirore wacũ tutuaducure tiquina. Ahri panopũ tiquina ni ojoariro sahata ijire: “‘Quehnoañequina ijire’, tiqiro ni ihñãñequina Cohãcjũre wacũ tutuayequinata ijire. Sa wacũ tutuaye, ijipihitiye decori Cohãcjũ mehna sa ijiducuenta”, ni, ojoahye.

*Mũa tiquina ñãñe yeri buhirire yahuahye Pablo*

<sup>18</sup> Cohãcjũ uhmũsepeũ ijiriquirore masa tiquina yuhũdũdũcarire, tiquina ñãñe yeri gũhũre ihñano, tiquina sa yeri buhiri

usure. Tiquiro sa usarire masigū yere tiquinare. Masa tiquina ñaṇe yeye mehna apequinare quehnoañe buheyere tuhoeragū yere tiquina pehe. <sup>19</sup> Tiquiro basi tiquiro ijiye tiyere masigū yeahye Cohācjū. Tiquiro sa yegū Cohācjüre masigū mijloedare masare. <sup>20</sup> Cohācjū uhmuse cjuano tiquiro ijiyere, tutuariquiro tiquiro ijiye gūhure mari ihñedapegūta tiquiro basi tiquiro ijiyere marine masigū yere tiquiro. Ahri yehpare tiquiro bajumehnedi bato ijiplihtiye tiquiro bajumehnedire ihñañe “Cohācjū tiquiro yeri ijire ahri”, niñe, Cohācjū tiquiro ijiye tiyere masine masa. Sa ye masa Cohācjüre masiepeta sa ñañene yeducuye, buhiri tire. “Mūhure masiedū. Sa yegū ñañene yel”, ni masisi Cohācjüre. <sup>21</sup> Sa ye Cohācjū tiquiro ijiye tiyere masiepeta tiquina tiquirore ño peerare. Sa ye tiquinare tiquiro quehnoano yepēgūta tiquina pehe “Quehnoare”, niedare tiquirore. Sa tuho masieñequina ijiye, ñañe dihitate tuhoture tiquina. <sup>22</sup> “Tuho masina ijijaja”, niepeta tuho masieñequina wahare tiquina. <sup>23</sup> Sa wahaye Cohācjüre sa ijuducuriquirore tiquina ño peerare. Sa ño peeraye, “Cohācjū ijire”, tiquina niñe queoye pehere ño peore. Mari masa yarianaja dihita ijijaja. Mari sa ijina mari ijipegūta Cohācjüre ño peoyequina pehe masa queoyere yere tiquina. Tiquina sa yeri bato ti queoye pehere ño peore tiquina. Sa ye tja minicjua queoyere, pinoa queoyere, wahiquina queoye gūhure “Cohācjū ijire”, ni ño peo masa cāhre tiquina.

<sup>24</sup> Tiquina sa yegū ihñano “Tiquina esa tuharo ñañene yecūnahdo”, nino Cohācjū cohā cāri tiquinare. Tiquiro sa cohāri bato tiquina ña yūhduaro cahme yeducure tiquina basi. <sup>25</sup> Sa ye Cohācjū ye pehere cahmedaye, ni mehoñe pehere quehnoano tuhore tiquina. Cohācjū ye pehere ni mehoñe yero saha ijigū yere tiquina. Potota Cohācjū warore ijiplihtiye yeriquirore ño peoducuro cahmene. Sata ijiahrō. Tiquina pehe tiquirore ño peerare. Sa tiquirore ño peeraye, Cohācjū yeri pehere ño peore tiquina. Sata ijiahrō.

<sup>26</sup> Tiquina sa yeducugū ihñano “Tiquina esa tuharo ñañene yecūnahdo”, nino Cohācjū cohā cāri tiquinare. Sa ye tiquina mehna cjeña numia manū tiyequina numia

yero saha ijierare. Sa ye tiquina numia, numia sehsharo ñano yere tiquina paguri mehna. <sup>27</sup> Tiquina yero saha ijiyequina uṁma gūhu tiquina esa tuharo ña yūhduaro yere tiquina paguri mehna. Sa ye tiquina basita ñano yeri buhiri tiquina paguri pehe ñano yūhdure.

<sup>28</sup> Sa Cohācjüre tiquina cahmedari buhiri, Cohācjū tiquinare cohāri. Tiquiro sa cohāgū tiquina pehe ñano wacūducu, ñano yeducure. <sup>29</sup> Sa ye tiquina tutuaro ñano yeducure. Ñañene tutuaro cahmeducuyequina, apequina yere tutuaro cahmeñequina, apequinare ñano yeducuyequina, apequina apee boro tiquina cuogū ihña cooducuyequina, masare wejēñequina, cahme duse tini wiayequina, ni mehoñequina, masare ihña tuhtiyequina, ñañe quiti dahreyequina, <sup>30</sup> apequina tiquina yerapegūta ñano ni yahu wajayequina, Cohācjüre ihña tuhtiyequina, apequinare puriño yūhtiyequina, “Uṣā pehe masi yūhduducaja”, ni tuhotuyequina, apequinare sa ni yahuyequina, apeye ñañene ye ducayequina, tiquina pacusumare yūhtiyequina, <sup>31</sup> tuho masieñequina, tiquina nino sahata yeeyequina, masare ne cahñeñequina, tiquina basi cahme pihopūri duhueyequina, ne paja ihñeñequina ijire tiquina. <sup>32</sup> Sa ñano yeducuyequinare Cohācjū pecarū cohānota. Tiquiro sa cohātire masiepeta tiquina ti ñañene sa yeducure. Sa ye apequina tiquinare ihña cū tiquina yero saha ñano tiquina yegū ihñañe, “Uṣā yero saha yere”, ni bucuere.

## 2

*Masare buhiri dahre dutiro tire mehono marieno potota yerota Cohācjū*

<sup>1</sup> “Tiquina ña yūhdūyeyequina ijire”, ni yahu wajaeracāhña apequinare. Mūsa gūhu tiquina yero saha yere. “Ñañene yeraja. Sa yena ñañe buhiri mariedaga”, ni masiedare mūsa. Sa yena ijina tiquinare yahu wajana ijina, mūsa basi buhiri dahre dutina niaga. <sup>2</sup> Sa yena ñañe yena ijiepenata mūsa yahu wajagū mūsa gūhure Cohācjū buhiri dahrerota. Potota queoro tiquiro buhiri dahregū masiaja mari. <sup>3</sup> Apequinare “Buhiri tieta”, ni yahu wajana mūsa ijigū mūsa gūhure buhiri dahrerota. Sa yena “Uṣāre buhiri dahresi”, ni tuhotuboga



musa. Ijierare. Musa gũhure buhiri dahrerota tiqiro. <sup>4</sup> Musa ñano yepegũta Cohãcjũ musare paja ihñano duita buhiri dahrerare. Sa yena “Cohãcjũ yũhũ mehna usuasi”, ni tuhotuboaga musa. Ijierare. Cohãcjũ musare paja ihñano, duita buhiri dahrerare musa ñañene bujũa witiġũ ihña duaro, tiqirore musa yũhtigũ cahmeno. <sup>5</sup> Sa buhiri dahre dueraperota musa Cohãcjũre yũhti dueragũ, musa ñañe yerire bujũa witiġũ, buhiri dahrerota musare. Buhiri dahri deco pano musare tiqiro buhiri dahreboriro yũhdũoro ti deco waropũre ñano musare buhiri dahrerota Cohãcjũ. Ni mehono marieno buhiri dahrerota. <sup>6</sup> Sa yero ijipihtiyequinare tiquina ñano yeri buhiri buhiri dahrerota Cohãcjũ. Sa yero quehnoañene tiquina yeri wapa quehnoano yerota masare. <sup>7</sup> Ithũequina quehnoañene yeducyuequina ijire. Tiquina quehnoañene ye duayequina, Cohãcjũre quehnoano bucueġũ ye duayequina, ijipihtiye decori Cohãcjũ mehna iji duayequina ijire. Tiquina pũritare decoripe tiqiro mehna ijigũ yerota Cohãcjũ. <sup>8</sup> Apequina pehe tiquina yero saha ijierare. Tiquina esa tuharo yeyequina ijire. Cohãcjũ yere cahmedare. Tiquina mehna Cohãcjũ tutuaro usuarota. <sup>9</sup> Ijipihtiyequina ñano yeriquina ñano yũhdũeta. Judio masare sata waha muhtanota. Sa ye judio masa ijieyequina gũhure sata waharota. <sup>10</sup> Ijipihtiyequina quehnoañene yeyequina pehere Cohãcjũ “Quehnoare”, ninota. Sa ye masa tiquinare ño peota. Sa yero tiquinare quehnoano ijigũ yerota Cohãcjũ. Judio masare sata waha muhtanota. Sa ye judio masa ijieyequina gũhure sata waharota.

<sup>11</sup> Cohãcjũ mari yerire ihñano queoro besere ijipihinare, ñana, quehnoana gũhure. <sup>12</sup> Apequina Cohãcjũ Moiseri tiqiro dutirire masieñequina tiquina ijiepegũta ñañene tiquina yegũ, buhiri dahrerota Cohãcjũ tiquina gũhure. Sa yero ti dutiyere cwoyequina ñañene tiquina yegũ ti dutiyere tiquina yũhdũdũcari buhiri buhiri dahrerota Cohãcjũ. <sup>13</sup> Cohãcjũ dutiyere tuhoepeta yũhtieyequinare “Quehnoañequina ijire ahriquina”, niedare Cohãcjũ. Tiquiro ye dutiyere yeyequina pehere “Quehnoañequina ijire”, ni ihñare tiquinare Cohãcjũ. <sup>14</sup> Judio masa

ijieyequina Cohãcjũ Moiseri tiqiro cũri dutiye cwoerapeta, tiquina esa tuharo quehnoañene yeye, Cohãcjũ dutiyere yeye nine. Sa ye Moiseri tiqiro dutiyere ojoari pũre cwoerapeta tiquina tuhotuyepũ tiqiro ye dutiyere cwoere. <sup>15</sup> Sa ye tiqiro ye dutiyere tiquina tuhotuyepũ potota cwoere tiquina. Sa cwoye ñañene yeye, duita tiquina ñañe yerire masine tiquina. Sa yero ñañene yeriqiro “¿Dahse ijiro boro ñañene yeri yũhũ?” ni tuhoture tiqiro. Sa yero quehnoañene tiqiro basi yeri gũhure masine tiqiro. <sup>16</sup> Sa ye Cohãcjũ Jesucristore tiqiro ohoati decopũ masa tiquina yahu duerarire Jesucristo masi pehoru, tiqiro tiquinare beserota quehnoañequina, ñañequina gũhure. Sata tiquina yerire masidiquiro ijiro, beserota tiqiro quehnoañe buheye ti nino sahata. Ti buheyeta ijire musare yũhũ buhiri.

*Cohãcjũ* Moiseri tiqiro dutirire yahuahye Pablo

<sup>17</sup> Musa pehe judio masa ijina, Cohãcjũ Moiseri tiqiro dutiyere ño peona ijina, “Cohãcjũ yequina ijaja”, ni tuhotumene musa. <sup>18</sup> Sa yena Cohãcjũ dutiyere masina ijina, tiqiro cahmeñene masine musa. Sa masina ijina, “Quehnoañene usã yeatire bese masiaja usã”, ni tuhotumene musa. <sup>19</sup> Sa ni tuhotuna ohõ saha ni tuhotu nemore musa: “Apequinare ne masieñequinare quehnoano masigũ yeaja usã. Tiquinare usã buheragũ ne Cohãcjũre masiedaboaga tiquina. Sa ye ñañene duhueraboaga”, ni tuhotumene musa. <sup>20</sup> Sa yena “Tuho masieñequinare quehnoañene ye dutina, macanagã gũhure buhena ijaja usã”, ni tuhotumene musa. Sa yena “Cohãcjũ dutiyere cwoona, poto ijiyere masi pehoaja usã”, ni tuhotumene musa. <sup>21</sup> ¿Sa yena apequinare buhena ijiepenata, dahse yena musa pehe musa buheriro saha yerajari? ¿Apequinare yaque dutierapenata dahsena musa pehe yaqueajari? <sup>22</sup> ¿Apequiro namono mehna ñano ye dutierapenata dahsena musa pehe apequiro namono mehna ñano yeajari? “Cohãcjũ ijire”, tiquina niñe queoyere ihña yabina ijire musa. Sa ihña yabina ijina Cohãcjũ waro pehere ño peona ijimene musa. ¿Sa ño peona ijiepenata dahsena tiqirore quehnoano ño peerajari musa? <sup>23</sup> “Cohãcjũ Moiseri tiqiro

dutiyere çuoaja usâ”, nina ijiepenata ti dutiyere yuhduducare masa. Sa yuhduducana Cohâcjüre ño peoeragü yena niaga masa apequinare. <sup>24</sup> Sata nine Cohâcjü yere tiquina ojoari püpü: “Cohâcjü dutiyere masa yuhduducari buhiri judio masa ijieyequina pehere Cohâcjüre tiquina ñano yahuducugü yere masa judio masa”, ni ojoahye Cohâcjü yere tiquina ojoari püpü.

<sup>25</sup> “Cohâcjü yequina ijiaja”, ni tühature ihquëquina judio masa cuhnucunü sohtoa cahserogäre yühre nenohriquina. Cohâcjü yere tiquina yegü judio masa tiquina ijigü quehnoarîne. Tiquiro yere tiquina yeragü judio masa tiquina ijieye tiye dühseati ijierare. Yühre nenohriquina tiquina ijieye tiye gühü dühseati ijierare. <sup>26</sup> Sa yero judio masa ijieyequina cuhnucunü sohtoa cahserogäre yühre nemehneñequina tiquina ijiepegüta, Cohâcjü dutiyere tiquina yegü ihñano “Yeequina masata ijire”, ni ihñare Cohâcjü tiquinare. Judio masa pehere tiquiro sa ni ihñaboriro sahata judio masa ijieyequina pehere sa ni ihñare. <sup>27</sup> Peyequina judio masa Cohâcjü Moiserere tiquiro dutiyere çuoepeta tire yerare tiquina. Sa ye apequina judio masa ijieyequina pehe cuhnucunü sohtoa cahserogäre yahremehneñequina ijiepetata tiquiro dutiyere yere. Sa yeyequina ijieye judio masa tiquina ñano yerire masigü yeye nine. <sup>28</sup> Yojoþare judio masuno waro tiquiro ijiyere yahutja musare. Tiquiro cuhnucunü sohtoa cahserogäre yühre nenohriquiri ijieperota Cohâcjüre ño peoeraro, potota judio masuno waro ijierare. <sup>29</sup> Cohâcjü yaquiri Espiritu Santore çoriquiro tiquirore yuhtiriquiro tiquiro tjire judio masuno waro. Sa yero tiquiro cuhnucunü sohtoa cahserogäre tiquiro yühre ne cohâriro sahata tiquiro ñañe yerire duhere tiquiro. Tiquiro esa tuharo dutiyere yeriquiro ijieraperota Espiritu Santo yedohoye mehna tiquiro ñañe yerire duhere. Sa ijiriquirore “Quehnoariquiri ijire”, ni ihñare Cohâcjü pehe. Masa pehe tiquirore tiquina sa niedapegüta, sa nine Cohâcjü pehe.

### 3

<sup>1</sup> ¿Yuhü sa nigü judio masa ijieye tiye ihyo waro ijiajari, masa tühotugü? Ne

ihyo waro ijiro niedare. ¿Cohâcjü judio masare tiquiro dutiriro sahata tiquina pagurire cuhnucunü sohtoa cahserogäre tiquina yühre ne cohâñe ihyo waro ijiajari, masa tühotugü? Ne ihyo waro ijiro niedare. <sup>2</sup> Judio masa tiquina ijieye tiye ihyo waro ijierare. Cohâcjü yere tiquina ojoari püre judio masare cü muhtahye. Sa ye judio masa tiquina ijigü quehnoarîne tiquinare. <sup>3</sup> Sa ye ihquëquina judio masa Cohâcjüre tiquina tuhoerapegüta tiquiro nidi ijirota ijie. Sa yero tiquiro ni cüriro sahata yerota tiquiro. <sup>4</sup> Sata ijire. Ijipilhtieyequina masa ni mehoñequina tiquina ijiepegüta Cohâcjü pehe ne ni mehoedare. Panopü tiquiro yere yahu muhtariquiri tiquiro ni ojoariro sahata ne ni mehoedare Cohâcjü.

Poto nigü ijire muhü Cohâcjü. Sa ye muhüre masa ne “Queoro yahuducuerare”, ni yahusâ masiedare, ni ojoahye panopüre.

<sup>5</sup> Ohö saha ni tühotuboaga masa: “Mari ñañene yena Cohâcjü quehnoañene tiquiro yeriquiro ijigü masigü yeaja. Sa yero ñañene mari yegü quehnoarîne. ¿Ti sa quehnoañe ijiepegüta dühsero tiquiro mari ñañene yeri buhirire buhiri dahre maca çjâri?” ni tühotuboaga masa. Masa tiquina tühoturoro saha nigü niaja yuhü. <sup>6</sup> Sa ijierare. Mari ñañe yeri pehe quehnoañe ijigü Cohâcjü mari ñañene yeri buhirire buhiri dahre masiedaboaga.

<sup>7</sup> Masa pehe ni mehoñequina ijire. Cohâcjü pehe ne ni mehoedare. Sa yena masa tiquina ni mehögü ihñana Cohâcjü pehe ne ni mehoeniquiro tiquiro ijigü quehnoano ihña masiaja mari. Sa ye masa ni mehoñe, Cohâcjü tiquiro ni mehoeniquiro tiquiro ijiyere ihñoñe niþoaga tiquina. Sata ni tühotumene ihquëquina. Sa ni tühotuye ohö saha ni tühotu nemomene tiquina: “Usâ ni mehoñe mehna Cohâcjü tiquiro ni mehoeniquiro ijiyere ihñona niaja. Sa ihñona quehnoano yena niaja. Sa ye usâ ni mehoñe quehnoarîne. ¿Usâ ni mehoñe quehnoañe ijiepegüta dühse ijie boro usâ ni mehori buhirire usäre buhiri dahre maca çoþari Cohâcjü?” ni tühotumene ihquëquina masa. <sup>8</sup> Sa ye ohö saha ni mehore ihquëquina usäre: “‘Ñano yena Cohâcjü tiquiro quehnoariquiri ijigü ihñona niaga. Sa yena ñano yeihna’,

nidi Pablo gũhũ”, ni meho yahusãre usãre ihquẽquina. Tiquina sa nidi buhiri tiquinare Cohãcjũ buhiri dahrerota. Sata yero cahmene tiquinare.

*Ijipihitina buhiri tina ijiaja mari*

<sup>9</sup> ¿Sa ye dũhse ni tuhutuajari masa? ¿Mari judio masa apequina yũhdũoro quehnoana ijiajari mari? Ijieraja mari. Judio masa, judio masa ijiena gũhu ijipihitina buhiri tina ijiaja mari. Sata ijire ijipihitiyequinare yũhu buheriro sahata. <sup>10</sup> Panopũ tiquiuro ni ojariro sahata ijire ti: Ohõ saha ni ojahye:

Ne ihcãquiuro masũno quehnoariquiuro mariedare. <sup>11</sup> Ijipihitiyequina masa tũho dueyequina dihita ijire. Sa ye ijipihitiyequina masa ne Cohãcjũre wacũ peoerare. <sup>12</sup> Sa ye tiquina Cohãcjũ yere cohãne, ijipihitiyequina ñãñene yeyequina wahari. Ne ihcãquiuro quehnoañene yeriquiuro mariedare. <sup>13</sup> Tiquina dũseri masa coperi tiquina pũo docoro yero saha ijire. Tiquina yahuducugũ, masa coperi urĩ wijiario saha ni mehoñe dihita tiquina dũserire wijiare. Sa yahuducuye aña dũsero tiquiuro nima purĩne wijiario saha purĩno tiquina yahuducuye wijiare tiquina dũserire. <sup>14</sup> Sa ye tiquina apequinare ñano yahuducuyequina purĩno yahuducuyequina ijire. <sup>15</sup> Sa ye usua ñãñequina duita masare wejẽñequina ijire. <sup>16</sup> Sa ye noho tiquina waharopũ tiquina masare ñano ye, ñano yũhdugũ yere tiquinare. <sup>17</sup> Sa ye apequano masa mehna tiquina quehnoano ijierare. <sup>18</sup> Sa ye Cohãcjũre ne ño peoerare, ni ojahye panopũre.

<sup>19-20</sup> Cohãcjũ Moiserere tiquiuro dutiyere marine judio masare ohoahye tiquiuro dutiyere ijipihitina mari ye pehoatire. Ti dutiyere sũoepeta, tire yeraye, “Ñãñe buhiri mariedare usãre”, ni masiedare masa. Sa ye tiquina ijipihitiro cjẽna Cohãcjũ tiquiuro buhiri dahrenohatiquina tiquina ijigũ, masieta tiquina basi. Sa ye ñãñequina tiquina ijiyere masiñe, “Quehnoana ijiaja usã”, ni masiedare Cohãcjũre. Cohãcjũ tiquiuro ye dutiye pehere ne masa yerare. Sa ye tiquina ñãñequina ijiyere tiquiuro dutiye

pehe masigũ yere tiquinare. Sa masiñe ohõ saha ni masiedare tiquina: “Cohãcjũ dutiyere ye pehou. Sa yero Cohãcjũ usãre ‘Quehnoañequina ijire’, ni ihñare”, ne ni masiedare masa.

*Cohãcjũre quehnoano mari wacũ tutuana tiquiuro yequina wahaja mari*

<sup>21</sup> Sa ye Cohãcjũ Moiserere tiquiuro dutiye, tiquiuro yere yahu mũhtariquina tiquina ojoari gũhu Cohãcjũ masare tiquina ñãñe yerire tiquiuro borire yahuahye. Tiquiro dutiye sa yahuepegũta yojopũta Moiserere tiquiuro dutiri marieno masare tiquina ñãñe yerire tiquiuro borire yahure marine Cohãcjũ. <sup>22</sup> Ijipihitiyequina Jesucristore wacũ tutuayequinare, tiquiore tũhoyequinare “Quehnoañequina ijire”, ni ihñare Cohãcjũ. Cohãcjũ ijipihitiyequinare ihcãno saha yeriquiro ijire. <sup>23</sup> Mari ijipihitina ñãñene yerina ijiaja. Sa yena Cohãcjũ tiquiuro cahmediro sahata ne yerũ. <sup>24</sup> Mari sa yerapegũta mari Pacũ marine tiquiuro paja ihñagũ mari ñãñe yerire Jesucristo pehe bore. Tiquiro sa bogũ “Quehnoana ijire”, ni ihñare Cohãcjũ marine Jesure wacũ tutuanare. Mari esa tuhoro ye dutiro marieno Jesu yedohoro mehna mari ñãñe yerire bore. <sup>25</sup> Panopũ cjẽna tiquina ñãñe yerire ihñano Cohãcjũ duita buhiri dahrerahye tiquinare. Sa buhiri dahreraro tiquina ñãñe yerire ihyo warota sa tũhotu cãno niedahye. Came tiquiuro Jesucristore ohori jiri mari ñãñe buhiri yariatiquiurore tiquiuro diire cohãtiquiurore. Jesucristore mari wacũ tutuagũ Cohãcjũ pehe mari ñãñe yerire borota. Sa yero tiquiuro nidiro sahata yeriquiro tiquiuro ijiyere masigũ yero niahye. <sup>26</sup> Sa yero yojopũre tiquiuro nidiro saha yeriquiro tiquiuro ijiyere masa tiquina masigũ cahmene tiquiuro. Sa yero Jesure wacũ tutuayequinare quehnoañequina tiquiuro yerire tiquina masigũ cahmene Cohãcjũ. Tiquiro sa yerire tiquina masiatire tiquiuro macũnore mari ñãñe buhirire yariatiquiurore ohori jiri.

<sup>27</sup> ¿Yojopũre “Quehnoana ijiaja mari”, ni masiagari mari, masa tuhutugũ? Tire ne ni masiedaja mari. ¿Dũhsena tire ni masiedagari mari? ¿Cohãcjũ tiquiuro dutiyere yena, “Quehnoana ijiaja”, ni masiboari mari? Ijierare. Ti gũhũre ni masiedaja mari. Mari

sa ni masiedapegūta Jesure mari wacū tutuagū “Quehnoana ijire”, ni ihñanota marine Cohācjū. <sup>28</sup> Ohō saha masiaja mari: Jesure mari wacū tutuagū ihñano marine ihña coare Cohācjū. Sa yero marine “Quehnoana ijire”, ni ihñare tiqiuro. Tiquiro ye dutiyere mari yeri wapa sa ni ihñedare. Tiquirore mari wacū tutuagū sa ni ihñare.

<sup>29</sup> Cohācjū judio masa pūhoro dihita ijierare. Judio masa ijieyequina pūhoro gūhū ijire tiqiuro. <sup>30</sup> Sa yero Cohācjū ihcāqirota ijiro, ijipilhtieyquina pūhoro ijire. Sa ijiriqiuro ijiro judio masa Jesure tiquina wacū tutuagū tiqinane “Quehnoañequina ijire”, ni ihñanota. Sa yero judio masa ijieyequina gūhū Jesure tiquina wacū tutuagū tiquina gūhūre “Quehnoañequina ijire”, ni ihñanota Cohācjū. <sup>31</sup> ¿Sa yena Jesure wacū tutuana Cohācjū Moiserere tiqiuro dutiyere cohāna niboari mari? Cohāedaja mari tire. Jesure wacū tutuana, Cohācjū dutiyere yena niaja mari.

#### 4

*Abrahā Cohācjūre tiqiuro wacū tutu-  
arire yahuahye Pablo*

<sup>1</sup> Mari ñecū mūnano iji mūhtariqiropure Abrahā mūnanore Cohācjū ohō saha yeahye: <sup>2</sup> Abrahā quehnoano tiqiuro yepegūta “Quehnoariqiuro ijire”, ni ihñedarīahye Cohācjū tiqiurore. Sa yero quehnoano yeperota ñariqiuro ijinino “Yūhū pūrita quehnoagu ijīaja”, ni masiedahye Abrahā, Cohācjū ihñagū. <sup>3</sup> Cohācjū yere tiquina ojoari pū ohō saha nine: “Abrahā Cohācjū tiqiuro nidire quehnoano tuhogū, Cohācjūre tiqiuro wacū tutuagū Cohācjū tiqiurore ‘Potota quehnoariqiuro ijire’, ni, ihñahye”, ni ojoahye tiqiuro yere tiquina ojoari pūpū. <sup>4</sup> Pūhoro dahrayequinare wapa yero, ihyo waro tiqiuro paja ihñañe mehna wapa yero niedare. Tiquina dahrari wapa tiqinane wapa yero nine. <sup>5</sup> Cohācjūre wacū tutu-ayequina pehere dahrayequinare tiqiuro wapa yero saha yerare Cohācjū. Cohācjūre wacū tutuariqiurore “Quehnoariqiuro ijire”, ni ihñare Cohācjū. Tiquiro sa ni ihñagū ti quehnoañe tiqiuro yeri wapa ijierare. Cohācjū pehe tiqiurore cahmeñequinare quehnoañequina wahagū yere.

Sa yero masūno Cohācjūre tiqiuro wacū tutuagū ihñano “Quehnoariqiuro ijire”, ni ihñare Cohācjū tiqiurore. <sup>6</sup> Sata niahye panopū cǵno Davi mūnano. Masūno quehnoano tiqiuro yepegūta Cohācjū pehe ihña coeranine. Cohācjūre tiqiuro wacū tutuagū ihñano Cohācjū ihña coare. Sa yero tiqiurore “Quehnoariqiuro ijire”, ni ihñare. Tiquiro sa ni ihñanohriqiuro masūno pehe tiqiuro bucuyere yahuahye Davi mūnano. Ohō saha niahye:

<sup>7</sup> Tiquina ñañe yerire tiqiuro bonohriquina pehe tutuaro bucuere. <sup>8</sup> “Quehnoañequina ijire. Tiquina ñañe yerire wacūsi yūhū”, Cohācjū sa ninohriquina tutuaro bucuere, niahye Davi mūnano.

<sup>9</sup> Judio masa tiquina cūhnucunū sohtoa cahserogāre yūhre nenohriquina dihitare tiquina ñañe yerire boyari Cohācjū? Ijierare. Judio masa ijieyequina yūhre nemehneñequina gūhūre tiquina ñañe yerire bore tiqiuro. Pari turi Abrahāre wacūña mūsa. Tiquiro Cohācjūre wacū tutuagū ihñano “Quehnoariqiuro ijire”, ni ihñahye Cohācjū. <sup>10</sup> ¿Dūhse ijigū sa yeari Abrahā, mūsa tahotugū? Tiquiro cūhnucunū sohtoa cahserogāre tiqiuro yūhre neato panopūta tiqiurore “Quehnoariqiuro ijire”, ni ihñahye Cohācjū. Sa yero yūhre nenohno, tiqiuro ñañe yerire bo tuhasanohriqiropū yūhre nenohahye. <sup>11</sup> Sa yero duita Cohācjūre wacū tutua mūhtahye Abrahā. Tiquiro sa wacū tutuagū ihñano “Quehnoariqiuro ijire”, ni ihñahye Cohācjū tiqiurore. Sa tiqiuro wacū tutuayere, Cohācjū yaqiuro tiqiuro ijiyere tiqiuro ihñoatore Cohācjū tiqiurore cūhnucunū sohtoa cahserogāre yūhre ne dutiahye. Sa yero Abrahā tiqiuro yūhreato pano Cohācjū pehe “Quehnoariqiuro ijire”, ni ihña tuhasahye tiqiurore. Tiquiro yūhre neato pano tiqiuro sa ihñariro saha ijipilhtieyquina Cohācjūre wacū tutuayequinare judio masa ijieyequina yūhremehneñequinare “Quehnoañequina ijire”, ni ihñare Cohācjū. Tiquiro sa ni ihñañequina tiquina ijigū Abrahā tiquina ñecūno mūnano waro ijiriro saha wahare. <sup>12</sup> Tiquina yero sahata judio masa, yūhrenohriquina Cohācjūre tiquina wacū tutuagū tiquina ñecūno mūnano poto ijie tiahye Abrahā. Tiquiro yūhreato pano

Cohācjüre wacū tutuahye. Sa ye tiqiro yero saha wacū tutuayequina judio masa Abrahā panamena iji turiayequina ijire.

Cohācjū Abrahāre tiqiro ni cūrire “Poto tjire”, niahye Abrahā

<sup>13</sup> Panopu ohō saha niahye Cohācjū Abrahāre. “Ahri yehpare mūhure, mūhu panamena iji turiayequinapu gūhure ohoutja”, ni, cūahye Cohācjū Abrahāre. Ti dutiyere tiqiro quehnoano yeri wapa sa niedahye Cohācjū tiqirore. Abrahā Cohācjüre tiqiro wacū tutuari wapa pehere sa niahye Cohācjū tiqirore, “Quehnoariqiro ijire”, tiqirore tiqiro ni ihñari bato. <sup>14</sup> “Cohācjū Moiserere tiqiro cūri dutiye dihitare yero cahmene”, nine judio masa. Sa niñequina Cohācjüre wacū tutuaro marieno ahri yehpa ijipitirore ne duare. Wacū tutuaro marieno tiquina negū mari pehe Cohācjüre mari wacū tutuaye dūhseati ijieraboaya. Sa yero Cohācjū marine tiqiro ni cūri dūhseati ijieraboaya. <sup>15</sup> Moiserere tiqiro cūri dutiye pehere yerare masa. Sa ye ti dutiyere tiquina yerari buhiri ahri yehpare tiquinare neno basioerare. Sa yero ti dutiyere tiquina yūhdūcaro buhiri masare buhiri dahrerota Cohācjū. Sa ye ti dutiye mariedagū ti dutiyere yūhdūcaro gūhu mariedaboaya.

<sup>16</sup> Sa ye Cohācjüre wacū tutuayequina dihita tiqiro ohoatire neeta. Abrahā Cohācjüre wacū tutuahye. Sa yero ijipitiyequina tiqiro yero saha Cohācjüre wacū tutuayequina tiquina ñecūno poto yero saha tojoare Abrahā. Sa yero “Ahrirere mūsare ohoutja”, Cohācjū nino ijipitiyequinare tiqirore wacū tutuayequinare nino niahye. Sa ye Cohācjū Moiserere tiqiro dutirire yeyequina Cohācjüre wacū tutuayequina Cohācjū ohoatire neeta. Tiquina dihita nesi. Ijipitiyequina Abrahā yero saha Cohācjüre wacū tutuayequina gūhu tiquinare tiqiro ohoatire neeta. <sup>17</sup> Tire Abrahāre tiqiro nidiro sahata ojoahye panopure: “‘Peye macari cjēna tiquina ñecūno ijicjüre cūu mūhure’, ni cūahye Cohācjū Abrahāre”, ni ojoahye panopu. Sa yero tiqiro Cohācjüre wacū tutuahye. Sa ye tiqiro yero saha mari wacū tutuagū mari ñecu ijigū yeahye Cohācjū tiqirore. Cohācjū pehe yariariquinare masoriqiro, ijipitiyequinare bajumehnediqiro ijire.

Sa yero ijipitiyere, yojopure mariedagū gūhure bajumehnediqiro ijire.

<sup>18</sup> “Peye macari cjēna mūhu panamena iji turiayequina ijieti”, Cohācjū tiqiro sa nigū Abrahā pehe pohna mariediqiro ijieperota, “Ijirota ijire”, ni tūhotuahye. <sup>19</sup> Sa yero cien cūhmari cūoriqiro ijieperota pohna dahre masieniqiro ijieperota Sara tiqiro namono ne pohna mariedicoro ticoro ijiepegūta “Pohna ti masiedaja usā”, ni tūhotuerahye Abrahā. Sa yero Cohācjū tiqiro ni cūrire “Ijirota ijire”, niahye Abrahā. <sup>20</sup> “Tiqiro nidiro sahata yeraboaga”, ne ni tūhotuerahye Abrahā. Sa yero tiqiro Cohācjū cūrire quehnoano tūhoahye. Sa niñene tūhotjiāno “Cohācjū tutuariqiro ijire”, ni ño peoro niahye. Sa yero Cohācjüre wacū tutua nemoahye tiqiro. <sup>21</sup> “Cohācjū tiqiro nidiro sahata quehnoano ye masine”, ni tūhotu quehnoano masiahye Abrahā. <sup>22</sup> Tiqiro sa masigū Cohācjüre tiqiro wacū tutuagū Cohācjū pehe “Quehnoariqiro ijire”, ni ihñahye Abrahāre. Sata ni ojoahye Cohācjū yere tiquina ojoari pūpu.

<sup>23</sup> Sa ye Abrahā dihitare sa ni ojoerahye. <sup>24</sup> Tire mari masiatire mari gūhure sa ni ojoahye. Sa yero Cohācjüre mari wacū tutuagū “Quehnoana ijire”, ni ihñanota mari gūhure Cohācjū. Tiqiro pūrita mari puhtoro Jesu tiqiro yariagū masori jiri tiqirore. <sup>25</sup> Jesu pehe mari ñañe buhiri yariari jiri. Tiqiro yariari bato masa wijari jiri tiqiro Cohācjū marine “Quehnoana ijire”, tiqiro ni ihñatire.

## 5

“Quehnoana ijire”, Cohācjū ni ihñagū ohō saha waharota marine

<sup>1</sup> Jesucristore mari wacū tutuagū ihñano “Quehnoana ijire”, ni ihñare marine Cohācjū. Tiqiro sa ni ihñagū Cohācjū mehna cjāna marine ijigū yere mari puhtoro Jesucristo. <sup>2</sup> Sa yena mari tiqirore wacū tutuagū ihñano Cohācjū marine cahño, pecapu wahaborinare yūhdūori tiqiro mehna mari ijieti saha. Cohācjū pūrita quehnoa yūhdūariqiro ijire. Sa yero tiqiro yero saha ijigū yerota marine tiqiro. Tiqiro sa yeatire quehnoano masiaja mari. Sa yena bucueaja. <sup>3</sup> Mari ñano yūhdūana gūhu bucueaja mari. Ñano

yuhduna, tire dūca cĵā mari. Sa dūca cāna, ñano yuhduēpenata quehnoano Cohācĵüre wacū tutuana wahaja mari. Sa yena Cohācĵū yere duhueraja mari. <sup>4</sup>Mari sa yegū ihñano “Quehnoare”, ninota Cohācĵū marine. Tiquiro sa nigū marine tiquiro yuhduoatire quehnoano masiaja mari. <sup>5</sup>Sa yero Cohācĵū marine tiquiro yaquiro Espiritu Santore ohori mari mehna ijiatiquirore. Sa yero Espiritu Santo pehe mari mehna ijiro Cohācĵū marine tiquiro sa cahīducuyere masigū yere. Tiquiro sa masigū yegū marine tiquiro yuhduoati quehnoano waro ijiro nine. Potota yuhdunata mari.

<sup>6</sup>Sa yero mari ñaṇe yerire mari basi mari yuhduo masiedagū tiquiro queoriro esagū mari ñaṇe buhirire Cristo yariahye. <sup>7</sup>Quehnoaṇe dihitaro yeriquirore yuhduoro taro apequiro yariaboaga ape taha yero. <sup>8</sup>Mari pehe ñana mari ijinipegūta marine yuhduoro taro Cristo yariahye. Tiquiro sa yegū Cohācĵū marine tiquiro tutuaro cahīṇene masiaja mari. <sup>9</sup>Mari ye buhirire tiquiro sa yariagū tiquiro dii wijiagū Cohācĵū pehe marine “Quehnoana ijire”, ni ihñare. Tiquiro sa ni ihñari bato yojopu pehere marine pecapu wahaborinare yuhduorota Jesu. “Quehnoana ijire”, tiquiro niato pano marine yuhduoeranidi. Yojopu pehere marine Cohācĵū yequina tiquiro yeri bato marine buhiri dahresi pecapu Cohācĵū. <sup>10</sup>Sa yena Cohācĵüre ihña tuhtina mari ijinipegūta tiquiro macuno yariaro, mari ñaṇe yerire cohāri. Sa cohāno Cohācĵüre mari mehna usueragū yeri tiquiro. Sa yena tiquiro yequina wahaja mari. Yojopu pūritare ti yuhduo cĵūno yerota marine. Tiquiro yequina mari ijigū Jesu tiquiro masa mĵari mehna, marine pecapu wahaborinare quehnoano yuhduorota tiquiro. <sup>11</sup>Camepu mari yuhduatire bucueaja. Yojopu ahri gūhare bucueaja. Mari puhtoro Jesucristo mari ñaṇe buhirire tiquiro yariari bato Cohācĵū yequina ijiaja mari. Sa yena bucueaja.

*Adāre, Cristore yuahyehye Pablo Roma cĵēnare*

<sup>12</sup>Adán tiquiro ñaṇene yeri bato ahri yehpare ñaṇe iji dūcahye. Ñaṇe iji dūcagū masa yaria dūcahye. Ijipiltina mari ñaṇene yeaja. Sa yena ijipiltina

ñana mari ijiri buhiri yariaja. <sup>13</sup>Cohācĵū tiquiro dutiyere Moiseri tiquiro cūato pano potota ahri yehpa cĵēna ñaṇene yee tiahye. Tiquina sa yepegūta ti dutiye mariedagū ti dutiyere tiquina yuhduocari buhiri buhiri dahre masiedahye. <sup>14</sup>Tiquiro sa buhiri dahre masiedapegūta Adán gūhu tiquiro bato ijiyequina gūhu dutiye mariedapegūta yarie tiahye. Moise tiquiro ijiato pano dutiye mariedapegūta masa yarie tiahye. Apequina ñaṇe yeye Adán tiquiro ñano yeriro saha waro yera timahye. Sa ijiepetata tiquina gūhu yarie tiahye. Sa yero Adán ñaṇene tiquiro ye dūcariro saha yoari batopu ahri yehpapu ahtariquiro quehnoaṇene ye dūcari jiri.

<sup>15</sup>Adán tiquiro yuhduocari Cohācĵū masare tiquiro paja ihñaṇe yero saha ijierare. Cohācĵū tiquiro paja ihñaṇe pehe quehnoa yuhduare. Adán ihcāquirotata ijieperota ñaṇene tiquiro ye dūcari buhiri peyequina masa yarie tiahye. Cohācĵū pehe marine paja ihñano, Jesucristore ohori jiri. Sa yero tiquiro ihcāquirotata ijiriquiro pecapu wahaboriqinare masare peyequinare yuhduore. <sup>16</sup>Sa yero Cohācĵū masare tiquiro paja ihñaṇe Adán tiquiro yuhduocari yero saha ijierare. Adán pehe ihcāquirotata ijiriquiro ñaṇene tiquiro yeri buhiri ijipihtiequina masa buhiri tiyequina ijire. Sa tiquina buhiri tiyequina ijiepegūta masa pajiyo ñaṇene tiquina yepegūta yojopu masare paja ihñano Cohācĵū tiquina ñaṇene bore. Sa boro “Quehnoaṇequina ijire”, ni ihñare tiquiro tiquinare. <sup>17</sup>Adán ihcāquirotata ijiriquiro ñaṇene ye dūcagū ijipihtiequina masa yariaducure. Ti poto tjire. Sa ijiepegūta ahri pehere bucuenata mari. Yojopu Cohācĵū masare paja ihñano Jesucristo ihcāquirotata ijiriquiro tiquiro yariari mehna tiquina ñaṇene boro, tiquinare “Quehnoaṇequina ijire”, ni ihñare. Sa ye ijipihtiequina tiquiro sa ni ihñaṇequina uhmusepu Cristo mehna puhtoa ijietata.

<sup>18</sup>Ihcāquirotata Adán ñaṇene ye dūcagū ijipihtiequina ñaṇene ye dūcahye. Tiquina sa yegū Cohācĵū buhiri dahrerota tiquinare. Apequiro Jesu pehe quehnoaṇene tiquiro yegū ijipihtiequina tiquina ñaṇene bonohriquina iji masine. Ñaṇene tiquiro bonohriquina tiquina

ijigū “Quehnoañequina ijire”, ni ihñanota tiquinare Cohācjū. Sa ye ijipihtiye decori tiquiuro mehna ijiducuenta tiquina. <sup>19</sup> Ihcāqirota Adān Cohācjūre yuhdudacahye. Tiquiuro sa yegū peyequina masa ñano yeyequina iji dūcahye. Sa yero apequiuro Jesu pehe Cohācjūre yuhtiahye. Tiquiuro sa yegū peyequina masa tiquina ñañe yerire bonohriquina wahahye. Tiquina sa wahagū “Quehnoañequina ijire”, ni ihñahye Cohācjū tiquinare.

<sup>20</sup> Cohācjū dutiyere Moisere cūahye ijipihtiyequina masa tiquina ñañene tiquina quehnoano masiatire. Sa ye masa tiquina ñañene masiñe, ti yuhduoro Cohācjū tiquinare tutuaro tiquiuro cahñene masieta. Tiquiuro marine cahī yuhduare. <sup>21</sup> Tiquina ñañene tiquina yeri buhirire masa yariatiquina ijire. Sa ye pecapū wahaeta. Cohācjū mari Pacū pehe masare cahī yuhduare. Tiquiuro sa tutuaro cahīgū mari pūhtoro Jesucristore tiquiuro ohogū tiquiuro pehe masare quehnoañequina wahagū yere. Sa ye tiquinare “Quehnoañequina ijire”, Cohācjū tiquiuro ni ihñagū tiquina ijipihtiye decori tiquiuro mehna sa ijiducuenta.

## 6

*Yariariquina muna tiquina ñañene yerariro saha Cristo yequina gūhū ñañene yeducuerare*

<sup>1</sup> ¿Dahse yenatari mari yojopūre, mūsa tūhotugū? ¿Cohācjūre marine cahī nemo duti duana ñañene ye nemoboagari mari? <sup>2</sup> Ijierare. Ñañene yeracāhna mari. Yariariquina muna ñañene tiquina yerariro saha Cristo yequina ijina mari gūhūre ñañene yeraro cahmene. <sup>3</sup> Sa ye Jesu yequina mari ijiyere masa tiquina masiatire acu mehna wame yeri marine apequina. Jesu mari ñañe yeri buhiri yariari jiri. Sa yena tiquiuro yequina ijina, mari ñañe yerire ye duerū. Sa yena duhuu. Tiquiuro mari ñañe buhiri yariari jiri. <sup>4</sup> Sa yena Cristo pagure masa copepū tiquina ya cohāriro sahata mari ñañe yerire duhuaja. Sa yena mari Pacū tiquiuro tutuaye mehna Cristo tiquiuro masa mūjariro saha mari gūhū tiquiuro tutuaye mehna quehnoañe pehere comesaja. Sa yena quehnoana wahaja.

<sup>5</sup> Sa yena Cristo yequina ijina Cristo yariario ahri yehpa cā pagure tiquiuro cohāriro saha mari gūhū yariariquina tiquina duhuriro saha mari ñañe yerire duhuu. Sa yena Cristo yequina ijina tiquiuro masa mūjariro sahata mari gūhū quehnoana ijinata. Ti poto tjire. <sup>6</sup> Cristo yequina iji dūcana tiquiuro mehna yariariquina yero saha wahau pari turi mari ñañene yerato saha. Sa waharina ijina ñañene yeducu nemosi mari. Tire mari masi-aja. <sup>7</sup> Yariariquiuro mūnanopū ñañene ye nemoedare. <sup>8</sup> Cristo mehna yariariquina yero saha ijina, tiquiuro masa mūjariro sahata mari gūhū quehnoana ijinata. “Ti poto tjire”, ni tūhotuaja mari. <sup>9</sup> Cristo tiquiuro yaria masa mūjari bato ne pari turi yariasi. Apequiuro tiquiore pari turi yariagū ye masiedare. Tire mari masi-aja. <sup>10</sup> Sa yero Cristo ihcā taha yariario, masa tiquina ñañe yerire cohāno taro yariahye. Tiquiuro catiriquiro ijiro mari Pacū tiquiuro cahmeno sahata yeducuatiquiuro ijire tiquiuro. <sup>11</sup> Tiquiuro yero sahata mūsa gūhū ohō saha ni tūhotuya: “Yariariquina muna tiquina yeraro saha mari gūhū ñañene yeraja. Jesu yequina ijina mari Pacū tiquiuro cahmeno sahata yeana-aja ijina niaja mari gūhū”, ni tūhotuya mūsa.

<sup>12</sup> Sa yena mūsa yarianaja ijina ñañene yeducueracāhña. Sa yena mūsa ñañe ye duayere tutuaro cahmepenata tire sa tūhotu cāhña. <sup>13</sup> Ñañene yeracāhña. Pecapū wahaborina Jesu tiquiuro yuhdonohrina ijire mūsa. Tiquiuro sa yenohrina ijina Cohācjū cahmeñe dihitarē yeya mūsa. Sa yena quehnoañene yeya mūsa. <sup>14</sup> Yojopūre Cohācjū Moisere tiquiuro dutiye mehna marine dutierare. Cohācjū marine cahñno tiquiuro pehe marine dutire. Sa yena tiquiuro yedohoro mehna ñañene ye duasi mari.

*Mūsa ñañene yeducugū ti ñañe mūsa pūhtoro yero saha ijire*

<sup>15</sup> ¿Yuhū sa nigū dahse ni tūhotuajari mūsa? ¿Cohācjū pehere yuhtianaja ijina Moisere tiquiuro dutiyere yuhtianaja ijierana, ñañene yeducuboagari mari? Ijierare. Yeducusi. <sup>16</sup> ¿Ahrire masiedajari mūsa? Mūsa quehnoano yuhtiriquiro mūsa pūhtoro ijire. Sa yena tiquiuro cahacjana ijire mūsa. Mūsa sa yuhti mūsa pūhtoro tiriro sahata ñañene yeducuna mūsa

ijigū ti ñañe msa pūhtoro yero saha ijire. Sa yena ñañene duhu masiedare msa. Sa yena ijina pecapū wahanaja ijire msa. Cohācjūre quehnoano ño peona ijina tiqiro cahacjāna ijire msa. Sa yena tiqiro yequina quehnoana ijire msa. ¿Tire masiedajari msa? <sup>17</sup>Panopū ñañene yeducuna msa ijigū ti ñañe msa pūhtoro yero saha ijimedi. Yojoṗū pehere quehnoañe buheyere tuhona Jesure wacū tutuana Cohācjūre quehnoano ño peona wahari msa. Tire masigū “Quehnoare”, niaja Cohācjūre. <sup>18</sup>Sa wahana yojoṗūre ñañe ti dutiro saha yerare msa. Sa yena Cohācjū cahacjāna ijina quehnoañe pehere yere msa. <sup>19</sup>Cahacjēna pūhtoare tiquina quehnoano ño peoyere masi pehere msa. Sa yeḡū ti msa masidi mehna queoye mehna buhei msare “Ahri buheyere msa esa tuharo tuhōeraboaga”, nigū. Panopū ñañene yeducuna ijimedi msa. Msa sa yeducuriro sahata yojoṗū pehere quehnoañene yeducuna ijiya msa. Sa yena Cohācjū cahmeñe dihitare yenata msa.

<sup>20</sup>Panopū ñañe dihitare yerina ijina, quehnoañe pehere yera tiri msa. <sup>21</sup>¿Ti pjeṗūre ñañe dihitare yena yabere wapatarī msa? Ti msa ñañe yerire wacūna yojoṗūre bue tiaga msa. Ti ñañene msa yeri buhiri pecapū wahaboaya msa. Sa yena ñañene yena ne wapataerare msa. <sup>22</sup>Yojoṗū pehere msa ñañe yerire duhuna Cohācjū cahacjāna wahari msa. Sa yena Cohācjū cahmeñe dihitare yena ijinata. Sa yena ijipiṗtiye decori Cohācjū mehna ijinata. <sup>23</sup>Ñañene mari yeri buhiri pecapū wahanaja ijiaja ijipiṗtina mari. Mari sa ijiepegūta mari pūhtoro Jesucristore mari wacū tutuagū ihñano, ijipiṗtiye decori tiqiro mehna marine ijiducugū yerota. Mari sa ijiducuatire sa oho cānota.

## 7

*Cohācjū Moiserē tiqiro oho dutiyere yahu nemoahye Pablo*

<sup>1</sup>Yūhū acaye, Cohācjū Moiserē tiqiro dutirire quehnoano masine msa. Masūno tiqiro catinigū ti dutiyere yūhdūca dutierare. Tiqiro yariari bato pūritare ti dutiyere yero basioerare. Ti ḡūhūre masine msa. <sup>2</sup>Ohō saha ijire: Numinore ticoro

manūno mehna dihita iji dutire Cohācjū Moiserē tiqiro dutiri pehe. Tiqiro sa dutiepegūta ticoro manūno yariari bato ticoro pehe apequirore manū ti masine. Ticoro ti dutiro mehna iji nemoedare. Ohō saha ni yahure ti dutiye. <sup>3</sup>Sa yero ticoro manūno tiqiro catiepegūta ticoro apequirore manū tiro, ñano yero nine ticoro. Sa ijieperota ticoro manūno yariari batopū apequirore manū tiro, Cohācjū dutiyere yūhdūcaerare ticoro sa yericoro. Sa yero ñano yericoro ijierare ticoro.

<sup>4</sup>Msa ḡūhū yūhū acaye Jesu yequina wahana, dutiyere msa yeri wapa tiqiro yequina wahaerare msa. Sa yena yariariquina msa dutiye mehna tiquina ijieraro saha msa ḡūhū ti dutiye mehna ijierare. Msa Cristo ya curua cjāna ijire. Sa yena yojoṗūre tiqiro yequina ijire msa. Tiqiro pehe yariari bato masa mūjari jiri Cohācjū cahmeno saha mari yeatire.

<sup>5</sup>Panopū ñañene mari esa tuharo yee timi. Sa yena Cohācjū Moiserē tiqiro dutirire mari masidi bato ti dutiyere yūhdūca duami. Ti dutiye mariedagū yūhdūca dueraboya. Sa yena ti dutiyere mari masidi bato ñañene tutuaro yemi mari. Sa mari ñañene yena mari pecapū wahaborinata ijie timi. <sup>6</sup>Sa wahaborina ijiepenata Cristo yequina ijina yojoṗūre ti dutiye mehna ijieraja mari. Sa yero Espiritu Santo mari mehna ijiriquiro marine quehnoañe pehere comesagū yere. Tiqiro sa yeḡū panopū cjē dutiye tiqiro ojoari ti mehna ijieraja mari yojoṗūre.

*Tiqiro ñañe yerire yahuahye Pablo*

<sup>7</sup>¿Sa yena Cohācjū Moiserē tiqiro dutirire dūhse niboagari mari? ¿Ti dutiye ñañe ijiajari, msa tuhotugū? Ijierare. Ti dutiye mehna ñañene masii. Sa yeḡū ti dutiye mariedagū ñañene masiedaboya yūhū. Ti dutiye ohō saha ijire. “Apequina yeṗūre tutuaro cahmedacāhña”, niahye ti dutiye. Sa niedagū apequina yeṗūre tutuaro cahmeñe ti ñañe ijigū masiedaboya yūhū. <sup>8</sup>Sa yeḡū ti dutiyere yūhū masidi bato apequina yeṗūre tutuaro cahmee timi yūhū. Ti dutiyere masiedagū apequina yeṗūre tutuaro yūhū cahmeñe ti ñañe ijigū masiedaboya yūhū. <sup>9</sup>Ti dutiyere yūhū quehnoano masiato pano sa tuhotu cāhū. Sa yeḡū ti dutiyere yūhū masidi



bato tutuaro ñañene ye duami. Sa yegu pecapu yuhu wahatire masie tii. <sup>10</sup> Sa ye Cohācjū dutiyere yuhduducaeraye, masa tiqairo mehna quehnoano ijiducuboya. Sa ye ti dutiye pehe quehnoano ijiducugū yebori dutiye ijire. Sa ijieperota yuhu yuhduducari buhiri yuhure pecapu waha dutimedi. <sup>11</sup> Sa yegu ñañene yegu Cohācjū Moisere tiqairo dutiyere yuhduduca duami. Ñañene tutuaro cahmegu yuhu ijigu quehnoañene masiedu. Ti ñañe pehe yuhure dojomehnedi. Sa yegu quehnoano masiedu. Sa masiedagu Cohācjū dutiyere yuhduducan. Sa yegu ti dutiyere yuhu masidi bato yuhu ñañe buhirire pecapu yuhu wahaborirore masii. Ti dutiye mehna sa masii.

<sup>12</sup> Sa ye Moisere tiqairo cūri dutiye quehnoañe ijire. Sa ye queoro ijirota nine ti dutiye. <sup>13</sup> ¿Sa ijieperota marine ti quehnoañe dutiye pehe pecapu wahagū yeajari? Ijierare. Topu wahagū yerare. Mari ñañe yeye pehe marine pecapu wahagū yere. Ti dutiyere mari masidi bato ti dutiyere yuhduducana, ñañene yena mari ijiyere masiaja mari. Sa yena mari ñana mari ijiyere masina, mari pecapu wahati gāhure masiaja mari. Sa yena ti dutiyere masina mari yuhduducarire ti ña yuhduaye ijigū masiaja mari.

<sup>14</sup> Moisere tiqairo dutiri Cohācjū pehe tiqairo cūri ti ijigū masiaja mari. Yuhu pehe apequna yero saha ñagu ijiaja. Sa yegu ñañene yeducugū ijiaja. <sup>15</sup> Sa yeducugū ijiepegūta yuhu yerire ne masiedu yuhu. Yuhu cahmeno saha yeraja yuhu. Sa yegu yuhu tutuaro ye dueramedireta yeaga yuhu. Sa yegu yuhu yerire ne masiedaga yuhu. <sup>16</sup> Sa yegu ñañene ye duerapegūta ñañene yeaja yuhu. Tire yegu Cohācjū dutiye quehnoañe ijigū masiaja yuhu. <sup>17</sup> Sa yegu yuhu waro ti ñañene yojopure yeraja. Yuhu tuhutyepu ijije ñañe ti pehe yuhure ñañene yegū yere. <sup>18</sup> Quehnoañene tutuaro ye duepegūta ne cūedaga. Ñañe pehe yuhure dojomehne mujare. Ahri yehpa cjū yuhu ijigū yuhu tuhutyepu ñañe dihita ijire. Ne quehnoañe mariedabutiare. <sup>19</sup> Quehnoañe yuhu ye duaye pehere ne yeraja yuhu. Yuhu ñañene yuhu ye dueye pehere yeaja. <sup>20</sup> Sa yegu yuhu ye dueyere yegu yojopure yuhu waro tire yeraja. Yuhu tuh-

tuyepu ijije ñañe ti pehe yuhure ñañene yegū yere.

<sup>21</sup> Sa yero yuhure ohō saha wahare: Quehnoañene yuhu ye duepegūta yuhu tuhutyepu ñañe ijire. Sa yegu quehnoañe pehere yeraja. <sup>22</sup> Cohācjū Moisere tiqairo dutirire yuhu tuhutyepu mehna tutuaro cahmeaja. <sup>23</sup> Sa yegu yuhu ahrire masiaja: Yuhu tuhutyepu mehna quehnoañene ye duaja. Sa ye duepegūta yuhu basi ñañene tutuaro ye duaja. Sa yegu yuhu esa tuharo ñañene duhu masiedaga yuhu.

<sup>24</sup> Sa ñañene duhu masiedagu pejecuogu ijiaja yuhu. Ñañene yegu pecapu wahagūta yuhu. Yohnah. ¿Yuhu ñañene yuhure pecapu waha dutiye ñañene noa yuhure cohā basaboagari? <sup>25</sup> Jesucristore yuhu wacū tutuagū tiqairota yuhu ñañene cohānota. Tiquiro sa yegū Cohācjūre “Quehnoare”, niaja yuhu. Sa yegu yojopure yuhu basi yuhu tuhutyepu mehna Cohācjū dutiyere yeaja. Sa yegu ijiepegūta yuhu esa tuharo ijigū ñañe pehe yuhure ñañene yegū yere.

## 8

*Espíritu Santore* cwoyequina tiquina ijije tiyere yahuahye Pablo

<sup>1</sup> Yojopure Jesucristo yequinare tiquina buhiri tiato mariedare. [Tiquina ñañe tutuaro cahmeñene yerare. Sa ye Espiritu Santo tiqairo dutiro saha yeducure tiquina.] <sup>2</sup> Sa yero Jesucristo yaqairo yuhu ijigū Espiritu Santo ñañene duhugū yere yuhure. Sa yero Espiritu Santo ijipihtiye decori Cohācjū mehna ijigū yere yuhure. Ñañene yuhure duhugū yero yuhure pecapu wahaborigure yuhduore tiqairo. <sup>3</sup> Cohācjū Moisere tiqairo dutirire mari esa tuharo ne ye pehosi. Sa ye pehoerana yuhduducana ijiaja mari. Sa yena mari ijigū Cohācjū marine yuhduo-eranidi. Mari sa ijina ijiepegūta ohō saha Cohācjū marine yuhduorota. Tiquiro mari ñañe buhirire yariatiquirore, ti ñañene cohātiquirore tiqairo macunore ohoahye. Sa yero tiqairo macuno mari yero sahata pagu tiahye. Sa yero mari tuhutyepu ijije ñañene tiqairo cohāri. <sup>4</sup> Marine sata yeri Cohācjū dutiyere tiqairo tutuaye mehna mari ye pehoatire. Ti dutiyere ye pehona

ijina mari esa tuharo ijieraja. Sa ijina Espiritu Santo yedohoye mehna tiqiro dutiro sahata yeaaja mari.

<sup>5</sup> Ñañene ye duayequina, ti dihitare tutuaro cahmene. Espiritu Santo dutiro sahata yeducyequina pehe ti dihitare ye duare tiquina. <sup>6</sup> Ñañene ye duayequina ti dihitare tutuaro cahmeñe, pecarḡ wahaeta. Espiritu Santo cahmeno sahata tutuaro ye duayequina pehe ijipihtiyere decori Cohācjū mehna ijietā. Sa ye tiquina quehnoano iji cāeta. <sup>7</sup> Tiquina esa tuharo yeyequina Cohācjūre ihña tuhtire. Tiquina Cohācjū dutiyere ne yuhtierare. Tiquiro dutiyere yuhti duerare. Yuhti masiedare tiquina. <sup>8</sup> Sa ye tiquina esa tuharo yeyequina Cohācjūre bucuegū ye masiedare.

<sup>9</sup> Mūsa pehe mūsa esa tuharo yerare. Espiritu Santo mūsa mehna ijigū tiqiro cahmeno sahata yere mūsa. Sa ye Espiritu Santore cwoeyequina pehe Cristo yequina ijierare. <sup>10</sup> Mūsa pehe tiqiro yequina ijire. Mūsa ñañe buhirita mūsa paguri yariare. Sa mūsa paguri yarianaja ijiepenata Cristo mūsa mehna tiqiro ijigū tiqiro mehna sa ijiducunata mūsa. Cohācjū msare “Quehnoana ijire”, tiqiro ni ihñagū mūsa tiqiro mehna sa ijiducunata. <sup>11</sup> Cohācjūta Jesure masori jiri. Sa masoriquiro ijiro Espiritu Santo mari mehna tiqiro ijiducugū mari yariari bato Cohācjū mari gūhure masonota. Sa masono mari pagurire yariati pagurire catigū yerota marine.

<sup>12</sup> Yūhñu acaye, tiqiro sa yegū ihñana ñañe mari tutuaro cahmedire yeracūhna.

<sup>13</sup> Mari ñañene yerina ijina, pecarḡ wahaorina iji cānata niaja. Espiritu Santo yedohoye mehna ñañe yeyere duhurina ijina, ijipihtiyere decori Cohācjū mehna ijinata.

<sup>14</sup> Ijipihtiyequina Espiritu Santore yuhtiyequina Cohācjū pohne ijire.

<sup>15</sup> Espiritu Santo mari mehna tiqiro iji ducagūta Cohācjū pohna iji ducarḡ. Sa yena tutuaro mehna tiqiro dutinohrina ijieraja mari. Sa yena panorḡ mari cueriro saha yojoḡ pehere mari cueraja. Tiquiro pohna ijina, Espiritu Santo yedohoye mehna yojoḡre “Yūhñu Pacu”, niaja mari Cohācjūre. <sup>16</sup> Sa yero Espiritu Santo mari wacūnerḡ marine ohō saha masigū yere: Potota Cohācjū pohna ijiata mari. Tire marine masigū yere tiqiro. <sup>17</sup> Sa yena tiqiro pohna ijina, Cohācjū ijipihtiyere

tiqiro pohnene tiqiro “Ohoutja”, tiqiro nidire mari pehe cūonata. Jesucristo mehna mari cūonata tire. Cristo yere mari yeri buhiri ñano yūhdurina ijina mari tiqiro mehna ūhmūserḡ quehnoano bucueye mehna iji cānata. Sa yena Cohācjū tiqiro pohnene “Ohoutja”, tiqiro nidire cūonata mari.

<sup>18</sup> Yojoḡre ahri yehparḡ ñano yūhdurīaja mari. Camerḡ mari ūhmūserḡ quehnoano iji cānata. Sa yena yojoḡre ñano yūhdūna, pajiro buja witi wacū tahotueracūhna. Ahri mari ñano yūhduri sa iji cāno nine. Came quehnoano iji cānata Cohācjū mehna. Sa yena tutuaro bucuenata. Ahri pūrita ihyo waro ijierare. <sup>19</sup> Cohācjū pohna ijina Cohācjū mehna quehnoano ijinata. Mari sa wahatire cohteducuro saha yero nine Cohācjū bajumehnedi. <sup>20</sup> Ijipihtiroḡre tiqiro bajumehnedi quehnoano ijiborire dojomehneahye masūno ñano ye ducarḡ. Ti esa tuharo sa wahaerahye. Ñañe iji ducari bato tiqiro bajumehnedi sa wahahye. Sa yero Cohācjū tiqiro bajumehnedire sata ñano iji dutiniahye. Came tiqiro bajumehnedire quehnoañe wahagū yerota tiqiro. <sup>21</sup> Sa yero Cohācjū tiqiro bajumehnedire ahba pihtiborire quehnoañe wahagū yerota tja. Cohācjū pohnene quehnoañequina tiqiro wahagū yeriro sahata, tiquinare quehnoano tiqiro yūhduriro sahata quehnoañe wahagū yerota Cohācjū tiqiro bajumehnedire. <sup>22</sup> Ijipihtiyere Cohācjū tiqiro bajumehnedi ñano ti iji ducari bato ñano yūhdue tiahye. Numino niji wahcōno ticoro ñano yūhduro sahata tiqiro bajumehnedi gūhñu decoripe ñano yūhduducure. Tire mari masiaja. <sup>23</sup> Mari pehe Espiritu Santore cūona ijiata. Tiquiro yequina mari wahagū Cohācjū tiqiro yaquiro Espiritu Santore duita ohori marine. Tiquiro bajumehnedi yero sahata mari gūhñu ñano yūhdūaja. Sa yena quehnoañe pehere tiqiro comesatire tutuaro cohteaja. Sa yena tiqiro pohna mari tiqiro mehna mari quehnoano ijiata gūhñu tutuaro cohteaja mari. Wahma pagure marine tiqiro ohoati gūhñu cohteaja. <sup>24</sup> Mari sa cohtena ijigū, tiquirotā marine pecarḡ wahaorinare yūhdūore. Tiquiro caharḡ ijinata ijina tiqiro

cahapure mari wahatire cohteraboya mari. Marine tiqiro yuhduo tuhasari bato ijigū tire cohte nemoedaboya. <sup>25</sup> Sa yena tiqiro ohoatire ihñedapenata Cohācjū marine tiqiro yuhduoatire cohtena, sa cohteducujaja.

<sup>26</sup> Sa yena Cohācjūre wacū tutuera cjūna tiqiro cahmeñene quehnoano masiena mari ijigū Espiritu Santo marine yedohore. Cohācjūre mari quehnoano sini masiedaja. Espiritu Santo pehe marine Cohācjūre tutuaro sini basare. Marine tutuaro paja ihñano marine tiqiro Cohācjūre tutuaro sini basare. <sup>27</sup> Cohācjū cahmeno sahata marine Jesu yequinare sini basare Espiritu Santo. Tiqiro sa sini basagū Cohācjū mari tuhutuyere masi pehoriqiro ijiro, Espiritu Santo tiqiro sini basarire masine.

*Cristo tiqiro tutuaye mehna ñañe yeyere yuhduducanata mari*

<sup>28</sup> Ahrire yuhñ yahuatire masiaja mari: Ijipihitina Jesure cahina mari ijigū tiqiro cahmeñene yeanajare beseahye marine. Sa ijina mari ijigū ihñano Cohācjū sa ihña ihboducure marine. Sa yena mari ñano yuhdūepenata ñano yuhduducu dojoeraja. Cohācjū tiqiro yedohoro mehna quehnoano ijinata mari. <sup>29</sup> Cohācjū marine tiqiro yequinare duitaputa masi tuhasahye. Sa masino tiqiro macano Jesu tiqiro ijiro sahata marine iji dutiro, marine quehnoañe pehere camesa duti tuhasahye. Tiqiro macano yero saha marine iji dutiahye tiqiro peyequina masa tiqiro macanore mari wahmi tiatire. <sup>30</sup> Panopū tiqiro yequina tiqiro iji dutirina mari ijigū, tiqiro pohna mari ijiatina gūhure beseahye marine. Sa yero marine tiqiro beserinare tiqiro “Quehnoañequina ijire”, ni ihñare. Marine tiqiro sa ninohrinare tiqiro mehna ahmusepū quehnoano ijigū yerota marine Cohācjū.

<sup>31</sup> Tire masina ohō saha tuhutuaja mari: Cohācjū marine tiqiro cahñonare ne apequina ihña tuhtiye cūedare. <sup>32</sup> Cohācjū mari ye buhirire yariatiquirore tiqiro macanore ohoahye. “Yuhñ macure cahñaja. Sa yegu tiqirore ohoeraja”, niedahye tiqiro. Marine sa tutuaro yedohoriqiro ijiro, ijipihitye mari cahmeñe duhsarire

marine oho pehorota. <sup>33</sup> Cohācjū bese-rina mari ijigū, tiqiro marine “Quehnoana ijire”, ni ihñari. Mari sa ijina ijigū apequina marine “Ñana ijire”, ne ni yahusā masiedare. <sup>34</sup> Cristo mari ye buhirire yaria masa wijihahe. Sa yero Cohācjū poto pehepū yojopure tiqiro ijire dutiriquiro ijiro. Sa yero tiqiro marine potota sini basaro nine Cohācjūre. Sa ye apequina pehe marine ne buhiri dahre duti masiedare. <sup>35</sup> Cristo marine tiqiro tutuaro cahīgū apequina tiqirore “Cahñedacāhña”, ne ni masiedare. Cahī duhusi tiqiro. Mari ñano yuhdūepēgūta, mari cuepēgūta, apequina marine tiqina ñano yepēgūta, mari ujuā ahbaepēgūta, suhti mariena mari ijiepēgūta, cuaropū mari ijiepēgūta, marine tiqina wejēpēgūta Cristo marine sa cahñeducurota. <sup>36</sup> Cohācjū yere tiqina ojoari pūpū mari sa wahatire yahuro, ohō saha nine:

Muhñ yequina usā ijiri buhiri apequina usāre sa wejē duaducure. Oveja tiqina wejōatiqina tiqina ijiriro saha usā gūhure sa wahare, ni ojoahye Cohācjū yere tiqina ojoari pūpū.

<sup>37</sup> Sa yena mari ñano yuhdūepenata Cristo marine cahñiquiro tiqiro yedohoro mehna tutuaro mehna ñañene duhu pehonata mari. <sup>38-39</sup> Jesucristo yequina mari ijigū ihñano Cohācjū pehe marine tutuaro cahine. Sa yero tiqiro marine ne cahī duhusi. Mari yariagū gūhure, mari catigū gūhure, yojopure, camepū gūhure, tiqiro marine cahī duhusi. Sa ye angele, watia puhtoā, ahri yehpa cjēna puhtoā, ahmuse cjēna, ñañequina bajueyequina gūhñ Cohācjūre “Muhñ yequinare cahñedacāhña”, tiqina niepēgūta marine ne cahī duhusi Cohācjū. Cohācjū tiqiro bajumehnedi mehna marine ne cahī duhugū yeye mariedare. Marine ne tiqiro cahī duhusi.

## 9

*Israe masa Cohācjū beseriquina ijire*

<sup>1-2</sup> Yuhñ acaye Israe masare wacūgū, tutuaro bujuā witiaya yuhñ. Cristore cahmedare tiqina. Sa yegu ñano bujuā witi jeripohna tiaja yuhñ. Ti yuhñ sa ni yahuye ijirota ijire. Yuhñ Cristo yaqirota ijiaja. Sa yegu masare potota niaja. Sa yegu Espiritu Santo yuhñ mehna tiqiro ijigū

yojopure yuhu acayere yuhu ni yahuye ti potota ijigü quehnoano masiaja yuhu. Tiquiro tire yuhure quehnoano masigü yere. <sup>3</sup>Israe masa yuhu acaye ya maca cjëna pecarü wahaeta. Cohäcjure tiquinare yuhduo dutigu ohö saha niboia yuhu pehe: “Tiquina ye buhirire yuhu pehe pecarü wahaeta. Sa yero tiquina ye buhirire yuhu pehere buhiri dahreahro Cristo”, niboia yuhu. <sup>4</sup>Tiquina yuhu acaye Israe munano panamena iji turiayequina ijire. Sa yero Cohäcjure pohne ijiatiquinare cüahye Cohäcjure tiquinare. Sa yero Cohäcjure tiquiromo asi siteye mehna tiquina watoa ijie tiahye. Sa yero tiquina ijipihtiyequinare tiquiromo masare tiquiromo yuhduoatire yahue tiahye tiquinare. Sa yero Moiserere tiquiromo dutirire duita cü muhtahye Israe masare. Sa ye Cohäcjure ño peoati wuhure ye muhtae tiahye tiquina. Sa yero tiquinare tiquiromo quehnoano yeatire yahue tiahye Cohäcjure. <sup>5</sup>Usä ye cururi waro doce cururi waro ijire. Sa yena usä ñecusumua iji muhtariquina munarü tiquina panamena iji turianarü ijiaja usä Israe masa. Sa yero mari yero saha pagu tiriquiremo ahtarö, usä acayuro Israe masano waro ijire Cristo. Tiquiro Cohäcjure ijire. Sa yero tiquiromo ijipihtiyequina puhtoro ijire. Ijipihtiye decori tiquiromo quehnoano ño peouhna mari. Sa ño peoducuhna.

<sup>6</sup>Apequina Israe munano panamena iji turiayequina ijiepetä Cohäcjure yequina waro ijierare. Sa yena tiquina tiquiromo yequina ijieragü ihñana ohö saha ni tuhotuboa musa: “Israe masare yeequina ijigü yeitja”, nieperota ihquëquinare Cohäcjure tiquiromo nidiro sahata yerare”, ni tuhotuboa musa. Sa ni tuhotueracähña. <sup>7</sup>Ohö saha ijire: Apequina Israe masa Abrahä panamena iji turiayequina tiquina ijiepegüta “Abrahä panamena iji turiayequina waro ijire”, ni ihñedare Cohäcjure tiquinare. Sa yero ohö saha niahye Cohäcjure: “Muhu macu Isaac panamena iji turiayequina tiquina pürita potota muhu panamena iji turiayequina waro ijietä”, niahye Cohäcjure Abrahä. <sup>8</sup>Tiquiro sa ni yahugü ahrire masinata mari: Abrahä panamena tiquina masa bajuari bato duita Cohäcjure pohne wahariedaga tiquina. Cohäcjure tiquiromo ni cürire quehnoano tuhoeyequina tiquiromo wacü tutuayequina

pehe tiquinata ijiaja Cohäcjure pohne. Sa ye tiquinata ijire Abrahä panamena iji turiayequina waro. <sup>9</sup>Ohö saha niahye Cohäcjure Abrahä: “Ape cahma ahri pje borota yuhu majare toja tagü muhu namono Sara nijinogäre cuorota muhu macure”, niahye Cohäcjure Abrahä. Sa nino Cohäcjure Abrahä macano tiquiromo masa bajuatire yahuyuro niahye.

<sup>10</sup>Came Isaac namono Rebeca wame tiriromo duita puaro pohna tiahye. Tiquina pacuro Isaac usä ñecu munano iji tiriariquiremo ijiahye. <sup>11-12</sup>Sa ye tiquina pohne tiquina masa bajuato pano quehnoañene, ñañe gühure tiquina yeato pano Cohäcjure tiquina pacoro ijiatiorore ohö saha nie tiahye: “Tiquiro bahuro pehe tiquiromo wuhminore dutirota. Sa yero tiquiromo puhtoro ijiorota”, nie tiahye tiorore. Cohäcjure tiquiromo cahmeno sahata besere tiquiromo. Sa beseriquiro ijioro ihcäquirogäre besero tiorore sata ni yahue tiahye. Sa yero masa tiquina yeyere ihñedaperota tiquiromo cahmeno sahata tiquiromo yequina ijiatiquinare besere. <sup>13</sup>Sata ni ojoahye tiquiromo yere tiquina ojoari püpu: “Jacob pehere cahie tii. Sa yegu Esau pehere cahieda tii”, niahye Cohäcjure”, ni ojoahye panorü.

<sup>14</sup>¿Tire wacüna dahse ni tuhotuboari mari? ¿Tiquina yeyere ihñedaperota ihcäquiro sa besero Cohäcjure puero yeraboari, musa tuhotugü? Ijierare. <sup>15</sup>Ohö saha nie tiahye Cohäcjure Moiserere: “Yuhu cahmediquiro dihitare paja ihñatja”, niahye tiquiromo Moiserere. Sa yero ihcäquiro sa besero potota yero niahye Cohäcjure. <sup>16</sup>Sa yena mari esa tuharo mari cahmeno saha Cohäcjure marine paja ihñagü yeraja mari. Sa yero ne mari quehnoañene mari yeri wapa gühure marine paja ihñedare tiquiromo. Tiquiro esa tuharo tiquiromo cahmeñequina pehere paja ihñare. <sup>17</sup>Sa yero sata tiquiromo esa tuharo yeahye Egipto cjëna puhtoro gühure. Ohö saha niahye Cohäcjure tiquiromo faraore: “Egipto cjëna puhto ijicjäre cügu nii muhure yuhu tutuayere ijipihtiyequinare yuhu ihñoatire. Sa yegu ijipihtiye yehpari cjëna yuhure tiquina masiatire puhto söu nii yuhu muhure”, niahye Cohäcjure tiquiromo. Ohö sahata nine Cohäcjure yere tiquina ojoari püpu. <sup>18</sup>Sa yero tiquiromo cahmeñequinare tiquiromo esa tuharo

paja ihñare tiquiro. Sa yero tiquiro esa tuharo apequinare yuhtieragū yere tiquiro. Sa yero Cohācjū tiquiro cahmediro sahata yere.

<sup>19</sup> Tiquiro sa yeriquiro ijigū ihñana yahu pehere ohō saha niboaga musa: “Cohācjū marine tiquiro cahmediro sahata tiquiro yegū mari pehe tiqirore yuhdudāca masisi. ¿Mari sa yuhdudāca masiedapegūta dahse ijero boro marine buhiri dahre duajari tiquiro?” ni pihopūri sinituboaga musa yuhure. <sup>20</sup> Ohō saha ni yuhtiaja musare: “¿Masa ihyo ijina ijiepenata Cohācjūre tuhtiajari musa? Dihi sutu dahreriquirore ¿Duhsegu yuhure ohō saha ijiri sutu yeri muha?” ti sutu ni sinituboriro saha nina niaga musa Cohācjūre. Sa ni masiedare musa. <sup>21</sup> Dihi sutu dahreriquiro dihi mehna tiquiro cahmeno sahata yere. Sa yero quehnoañene pose yeati suture ye masine tiquiro. Tia dihi yabu mehната ihyo ijiyere pose yeati sutu gūhure ye masine tiquiro. Tiquiro yero saha Cohācjū gūhu tiquiro ye duaro sahata yere.

<sup>22</sup> Sa yero Cohācjū pecapū tiquiro cohātiquinare tiquina ñañe yerire tiquiro ihña usuario tiquinare buhiri dahre duamahye. Sa buhiri dahre dueperota, yoari pje tiquina ñañe yeyere sa ihña cāñahye, ijipihtiyequinare tiquiro buhiri dahreatire, tiquiro tutuayere ihñono taro. <sup>23</sup> Sata yeahye Cohācjū tiquiro quehnoa butiariquiro tiquiro ijiyere, tiquiro tutuaye gūhure mari masiatire. Panopū marine tiquiro paja ihñanohanajare tiquiro beseahye, ijipihtiye tiquiro tutuayere tiquiro quehnoañene mari cūoatire. <sup>24</sup> Sa yena mari pehe tiquiro beserina ijinata niaja. Sa ye tiquiro beseriquina pehe ihquēquina judio masa dihita ijierare. Ihquēquina judio masa ijieyequina gūhu ijire tiquiro beseriquina. <sup>25</sup> Sata nine judio masa ijieyequinare Cohācjū yere Osea mūnano tiquiro ojoariro sahata:

Yeequina ijieyequina gūhure camepū tiquinare “Yeequina ijire”, niitja. Sa yegu yuhū cahñeñequina gūhure camepū tiquinare “Yuhū cahña ijire musa”, niitja, niahye Cohācjū. <sup>26</sup> “Yeequina ijierare musa”, Cohācjū tiquiro nimeri yehpari cjēna tiquina Cohācjū catiriquiro pohñeta ijjeta, ni ojoahye Osea panopūre.

<sup>27</sup> Sa yero panopū cjēno Isaia mūnano Israe masare ohō saha ni yahuahye: “Pajiri ma cjē padū pjerigāre mari queona cūedaja. Israe masa ti padū pjerigā yero saha ijieyequina peyequina ijiepegūta meheñequinagā Cohācjū yuhduorota tiquinare.

<sup>28</sup> Cohācjū ahri yehpa cjēnare peyequina masare sojaro mehna potota buhiri dahre madoqueorota”, niahye Isaia. <sup>29</sup> Sa yero pari turita ohō saha ni ojoahye Isaia:

Mari puhtoro ijipihtiyequina puhtoro meheñequinagā mari mehna cjēnare yuhduoeraro, marine judio masare ijipihtinare butigū yeboya tiquiro. Sodoma cjēnare, Gomorra cjēna gūhure tiquiro butigū yeriro sahata mari gūhure butigū yeboya tiquiro, ni ojoahye Isaia yuhū acaye Israe masare tiquiro yeato panopū.

*Judio masa quehnoañe buheyere cahmedahye*

<sup>30</sup> Sa tjire. Sa yena ahrire masi nemoña musa: Judio masa ijieyequina Cohācjūre macaedapeta tiqirore bocare. Jesucristo tiquina wacū tutuagū, “Quehnoañequina ijire”, ni ihñari tiquinare Cohācjū.

<sup>31</sup> “Cohācjū dutiyere mari yegū tiquiro marine yuhduorota”, niñe judio masa pehe Cohācjū Moiserere tiquiro dutiyere yepeta, cūedari. Sa yero ti dutiyere tiquina yepegūta Cohācjū “Quehnoañequina ijire”, ni ihñedari. Sa ye quehnoañequina iji duepeta cūedari. <sup>32</sup> Ohō saha ye, tiquina cūedari: Tiquina Cohācjūre wacū tutuaro marieno tiquina esa tuharo Moiserere tiquiro dutirire ye duamedi, tiquiro yequina iji duaye. Mari queoye mehna buhegū Cristo utā yero saha ijiriquiro ijire. Omaperiquiro utāpū doque wahā sa bora quehero, tiquiro esaborirore ne eserare. (Tiquiro yero saha tiquina Cristore utā yero saha ijiriquirore cahmeeñequina Cohācjū cahapū ne esasi.) <sup>33</sup> Sata ni ojoahye Cohācjū yere tiquina ojoari pūpū:

Jerusalē wame tiri macapū utā yero saha ijiriquirore cūgū niaja. Mari queoye mehna buhegū ohō saha ijire: Omaperiquiro utāpū doque wahā sa bora quehero tiquiro esaborirore eserare. (Tiquiro yero saha ti maca cjēna utā yero saha ijiriquirore tiquina cahmedari buhiri Cohācjū

cahapu ne esasi. Tiquiro pehe tiquinare topure waha dutisi.) Sa ye tiqiurore wacu tutuayequina pehe quehnoano bucueeta, ni ojoahye.

## 10

<sup>1</sup>Yahu acaye, Israe masare pecapu wahaboriquinare Cohacju tiquiro yuhduoatire, tutuaro yahu jeripohna mehna cahmesaja yahu. Sa yegu Cohacju tiquinare tiquiro yuhduoatire sini basaja yahu. <sup>2</sup>Potota tiquina Cohacju cahmeene ye duamene. Sa ye duepeta tiquiro cahmeene masiedare. <sup>3</sup>Sa ye tiquinare Cohacju tiquiro quehnoaquine wahaгу yeborire tiquina masiedare. Sa masiedaye tiquina esa tuharo quehnoaene yepeta, cuedari. Tiquina sa yegu Cohacju tiquiro wacu tutua dutiuro sahata tiquina yeragu ihano, tiquiro pehe tiquinare "Quehnoaquine ijire", ni ihnedari. <sup>4</sup>Ijiphiyequinare Cristore wacu tutuayequinare "Quehnoaquine ijire", ni ihnare Cohacju. Sa yena dutiye yeye mehna yuhdu witieraja mari. Cristo mehna yuhduaja.

<sup>5</sup>Moise munano panopu cjuho ohoh saha ni ojoahye: "Cohacju dutirire mari duhuro marieno ye pehogu Cohacju yuhduorota marine", ni ojoahye tiquiro. <sup>6-7</sup>Tiquiro sa ni ojoapeguta yojopure masa Cristore tiquina wacu tutuagu Cohacju tiquinare "Quehnoaquine ijire", ni ihnare. Ti buheye quehnoaquine wahaгу yeri buheye ohoh saha ni yahure: Cristo tiquiro basi ahri yehrapu wihi tuhasari jiri. Sa yero masa mija tuhasari jiri. Sa yena ohoh saha ni tuhouteracahnha musa: "Idiquiro pehe umusepu Cristore ne cahata basaro wahaboagari marine tiquiro yuhduoato saha? Idiquiro pehe yariariquina cahapu Cristore maso basaro ne cahataboagari? Tiquirore ne cahaboriquiro mariedare", ni tuhouteracahnha musa. <sup>8</sup>Sa yero ohoh saha ni yahure Cohacju yere tiquina ojoari pupu: "Cohacju ye buheyere mari macagu ti buheye ohopu ijire. Ti buheyere masi tuhasare musa. Sa yena ti buheyere yahuducue tire musa", ni ojoahye. Ti buheyere Cristore wacu tutuaye buheyere masare yahuaja usa. <sup>9</sup>Ti buheye ohoh saha ni yahure: "Jesu mari puhtoro ijire", ni mari yahugu, "Cohacju Jesure yariariquirore potota masori", ni mari tuhogug, Cohacju marine

pecapu wahaborinare yuhduorota. <sup>10</sup>Jesure mari wacu tutuagu Cohacju pehe marine "Quehnoana ijire", ni ihnana. Sa yero Jesure mari wacu tutuayere apequinare mari yahugu tiquiro marine pecapu wahaborinare yuhduorota.

<sup>11</sup>Ohoh saha nine Cohacju yere tiquina ojoari pupu: "Cohacjure wacu tutuayequina tiqiurore tiquina wacu tutuarire ne buja witi", niahye Cohacju yere tiquina ojoari pupu. <sup>12</sup>Judio masare, judio masa ijieyequina ghure Cohacju ihcāno saha yedohore. Mari puhtoro ijiphiyequina puhtoro ijire tiquiro. Sa yero ijiphiyequinare tiqiurore siniyequinare quehnoano pajiro ohorota tiquiro. <sup>13</sup>Ohoh saha ni ojoahye panopure: "Yahu nāne cohāna. Sa yegu yahure yuhduoya", ni mari puhtoro masa tiquina sinigu tiquinare pecapu wahaboriquinare mari puhtoro yuhduorota", ni ojoahye Cohacju yere. <sup>14</sup>Sa ye masa Cristore wacu tutuayere tiqiurore sini masiedare tiquina. Sa ye tiquiro buheyere tuhoeraye, tiqiurore wacu tutua masiedare. Sa ye tiquiro buheyere yahuriuro mariedagu tire tiquina ne masi. <sup>15</sup>Sa ye tiquiro ye buheyere yahuatiquinare Cohacju pehe tiquiro ohoeragu tiquiro ye buheyere yahu masiedare. Tire ojoahye Cohacju yere tiquina ojoari pupu: "Quehnoahe buheyere yahuatiquina tiquina ahtagu ihnana quehnoano bucueaja mari", ni ojoahye panopure.

<sup>16</sup>Ti sa ijiepeguta masa peyequina quehnoahe buheyere tuho duerare. Sata ni ojoahye Isaia munano: "Puhto, tiquinare mari yahurire tiquina ne tuho duerari", ni yahuahye Isaia Cohacjure. <sup>17</sup>Sa ye masa quehnoahe buheyere tuho Cristore wacu tutuari. Sa ye Cristo yequina tiquiro yere tiquina yahugu, tiquiro ye buheyere tuhoere masa.

<sup>18</sup>Sa yegu ahrire sinitu duaja musare: Idisrae masa Cohacju yere tuhoera tiari, musa tuhogug? Poto waro tiquina tuhomed. Sata nine Cohacju yere tiquina ojoari pu ghuh:

Cohacju yere yahueyehina ijiphiropu yahu siteye wahari. Sa ye ijiphiuro cjenapu tiquiro yere tuhori, ni ojoahye panopu.

<sup>19</sup> Pari turi mäsare sinitu duaja tja: ¿Israe masa tuhoepeta quehnoano masiedari tiquina, masa tuhotugü? Masie timahye. Ahrire yahu nemogu Moise nidire yahu muhtautja. Ohõ saha ni ojoahye tiqiuro:

Ohõ saha ni yahure Cohäcjö Israe masare: “Tuho masieñequina, ñañequina, ihyo ijyequina ijire”, ni masa ihñañequinare yeequina ijatiquina yeitja. Yuhu sa yegü masa pehe tiquinare ihña coonata. Sa yegu mäsare usuagü yeitja yuhu, ni yahuri Cohäcjö Israe masa ijyequinare tiqiuro yequina ijigü yero taro, ni ojoahye Moise.

<sup>20</sup> Ape püpäre Isaia cuero marieno ohõ saha niahye:

Ohõ saha nine Cohäcjö: Yuhure macaedariquina pehe yuhure bocari. Sa yegu yuhure cahmeeñequinare tiquinare yuhure masigü yei yuhu, nidi Cohäcjö, ni ojoahye Isaia judio masa ijyequinare.

<sup>21</sup> Israe masa pehere ohõ saha ni ojoahye Isaia: “Ohõ saha nine Cohäcjö: Tiquina yuhure yuhuducayequina, yuhure cahmeeñequina ijire. Sa yegu tiquinare tiquina ñañene bujua witi dutigü ‘Yeequina ijija’, sa niducumi tiquinare”, nidi Cohäcjö, ni ojoahye Isaia.

## 11

*Meheñequinagã Israe masare pecarü waboriquinare yuhduorota Cohäcjö*

<sup>1</sup> ¿Sa yero Israe masare Cohäcjö tiqiuro beseriquinare yojopäre cohäyari tiqiuro, masa tuhotugü? Ijierare. Tiquinare cohäedari tiqiuro. Yuhu gähü Israe masu, Abrahã panami iji turiaguru ijiaja. Sa yegu Benjami ya curua cjö ijiaja yuhu. <sup>2</sup> Panopü Israe masare Cohäcjö besee tiahye. Tiquiro sa beseriquinare cohäedari. Cohäcjö yere tiquina ojoari püpu Elia münano tiqiuro yerire yahure. ¿Ti püpu Israe masare Elia Cohäcjöre tiqiuro yahusãrire masiedajari masa? Ohõ saha ni yahusãhye tiqiuro: <sup>3</sup> “Puhto Cohäcjö, tiquina Israe masa muhu yere yahu muhtariquinare wejedi. Sa ye tiquina mähure wacü usã ño peoye altarire cohãri. Sa yegu yuhu dihita muhu yaquiro dhusaja yojopäre. Yuhu sa ijigü tuhoeye yuhu gähure wejedi

duare tja, yojopäre”, niahye Elia Cohäcjöre. <sup>4</sup> Tiquiro sa nigü tuhoru Cohäcjö pehe ohõ saha ni yuhtiahye Eliare: “Siete mil umua yeequina ijire yojopäre. Tiquinare ihbou yuhu. Baal wame tiriqiuro queoyere ne ño peera tiri tiquina, yeequina”, niahye Cohäcjö Eliare panopäre cue dutieraro. <sup>5</sup> Ti pjere Elia tiqiuro ijiri pjere tiqiuro yequina masare beseriro sahata yojopü gähure meheñequinagã Israe masare tiqiuro yequina ijatiquinare beseri jiri Cohäcjö. Cohäcjö tiquinare paja ihñano beseri jiri. <sup>6</sup> Quehnoañene tiquina yeri wapa tiquinare beserari jiri. Tiquinare paja ihñano beseri jiri. “Quehnoañene masa yeri wapa mäsare beseitja”, nino, tiqiuro tiquinare potota paja ihñano niedaboya.

<sup>7</sup> Sa ye ohõ saha ijire. Israe masa Cohäcjö tiquinare “Quehnoañequina ijire”, tiqiuro ni ihñagü cahmepeta tiquina ihcãno sahaerari. Cohäcjö tiqiuro basi tiqiuro beseriquina pehe quehnoañequina tiqiuro yequina wahari jiri. Apequina pehe tiqiurore ihcãno sahaeraye, tiquina pehe tiqiuro yere tuho duerari. <sup>8</sup> Sata niahye Cohäcjö yere tiquina ojoari püpu: “Cohäcjö tiqiurore cahmeeñequinare tiqiuro yere tuhoeyequina ijigü yeri. Sa yero potota ijyere tiquina tuhopegüta tiquinare quehnoano tuhogü yerari Cohäcjö. Sata ijiducure tiquina yojopü gähure”, ni ojoahye panopäre. <sup>9</sup> Sa yero ohõ saha niahye Davi panopü cjäno Cohäcjöre:

Tiquina Israe masa tiquina bese decori tiquina bucuete decori yeye, ñano yere tiquina. Tiquina sa yegü ihñagü buhiri dahreya muhu. <sup>10</sup> Tiquinare quehnoano tuhoeragü yeya muhu. Sa ye sa buhiri tiducuyequina ijiaho tiquina. Sa ye sa bujua witiducuetä, niahye Davi Cohäcjöre.

*Judio masa ijyequinare pecarü waboriquinare yuhduorota Cohäcjö*

<sup>11</sup> ¿Judio masare Cristore tiquina cahmedagü ihñano Cohäcjö tiquinare cohãno, cohã bo cãno niboari, masa tuhotugü? Cohã bosu tiquinare. Sa cohäedaperota tiquina Cristore tiquina cahmedagü yojopäre judio masa ijyequina pehere Cohäcjö yuhduorota. Yojopäre tiquinare tiqiuro yequina wahagü

yeri Cohācjū. Tiquiro sa yegū ihñāñe ihquēquina judio masa pehe tiquinare ihña cooboa. <sup>12</sup>Judio masa tiquina yuhdudcagū tiquina quehnoano yeragū apequina pehere ahri yehpa cjenare ihquēquinare Cohācjū yuhduori. Tiquiro sa yuhduogū tiquina pehere quehnoano wahari. Tiquiro sa yeriro yuhduoro, came judio masa pehe Cristore tiquina quehnoano wacū tutua ducagū pūritare ahri yehpa cjenare quehnoa yuhduaro waharota.

<sup>13</sup>Yojoṗure musare judio masa ijienare yahugū tū niaja. Cristo cūri yuhure judio masa ijieyequinare buheacjare. Sa buhegū ihyo waro yei niedaja. <sup>14</sup>Sa niaja yuhū acayere judio masare musare tiquina ihña coogū ye duagu. Cohācjū yuhduorina mūsa ijigū ihñāñe tiquina gūhū Cristore cahme, tiquiro yuhduoriquina wahaboa. <sup>15</sup>Judio masare mehenogā cohābo curero, judio masa ijieyequina pehere quehnoañe buheyere Cohācjū yahu dutiri. Ti buheyere tiquina tūhori bato Jesure tiquina wacū tutuari bato ihquēquina ahri yehpa cjenā Cohācjū yequina wahari. Sa ye judio masare mehenogā tiquiro cohābo curegū quehnoano wahari ahri yehpa cjenare. Tiquiro sa yeriro yuhduoro judio masare tiquiro yequina ijiatiquina tiquiro yegū pūrita quehnoa yuhduaro waharota ahri yehpa cjenare. Tiquiro yequina tiquina wahagū peyequina masa Jesure wacū tutuayequinare pecarū wahaboriquinare yuhduorota. <sup>16</sup>Ohō saha ijire: Mehenogā trigo yūbū Cohācjūre ño peo tiquina duhu peori yūbū quehnoari yūbū Cohācjū tiquiro yegū, duhsari yūbū gūhū quehnoari yūbūta ijire. Sa yero yucugū nuhcori quehnoagū, tū dūpūri gūhū quehnoañe dūpūri ijire. (Ohō saha mari ni queoye mehna buhegū Abrahā usā ñecu mūnāno quehnoariquiro tiquiro ijiriro sahata tiquiro panamena iji turiayequinapū gūhū quehnoañequina ijietā Cristore wacū tutuayequina ijiye.)

<sup>17</sup>Ihquēquina sa ijiatiquina tiquina ijiepegūta apequina tiquina acaye pehere judio masare Cohācjū mehenō cohābo cureri. Olivo wame tidū dūpūrire ihquē dūpūrire tiquiro dūte cohāboriro saha apequina judio masa pehere Cohācjū mehenō cohābo cureri. Sa yucugū dūpūrire cohāno tiquiro cohāri dūpūri ijiriroṗū apeye dūpūrire nūcū cjānū

olivogu dūpūrire comesa doho ohōri. Sata Cohācjū musare judio masa ijienare Abrahā panamena iji turianare comesari musare, mūsa gūhūre yuhduoro taro. <sup>18</sup>Musare tiquiro sa cūgū “Judio masa yuhduoro quehnoana ijiaja usā”, ni tūhotueracāhña. Ahrire yuhū yahuatire wacūña mūsa: Judio masa pehere bese mūhtahye Cohācjū. Sa besero tiquina acayaro ijiatiquirore cūahye Cristore, marine yuhduoro taro. Sa yena “Judio masa yuhduoro quehnoana ijiaja”, ni tūhotueracāhña mūsa.

<sup>19</sup>Mūsa judio masa ijiena pehe ohō saha niboa: “Ihquē ñāñe dūpūrire tiquiro cohāboriro saha Cohācjū judio masare cohābo cureri ihquēquinare. Sa cohābo cureri tiquiro apeye dūpūrire comesa tiquiro doho ohōno saha tiquiro yequina marine cūno taro”, niboa mūsa judio masare yuhdudca duana. <sup>20</sup>Ti mūsa niñe ijirota ijire. Sa ijiepegūta tiquina Jesure tiquina wacū tutuerari buhiri Cohācjū cohābo cureri tiquinare. Sa yero mūsa gūhūre Jesure mūsa wacū tutueragū tiquiro yequina ijianaja musare cūedaboaya. Sa yena “Judio masa yuhduoro quehnoana ijiaja usā”, niedacāhña mūsa. Sa niedana Cohācjūre quehnoano ño peoya. <sup>21</sup>Uhmū tāñe dūpūri yero saha judio masa pehe Cohācjū yequina iji mūhtahye. Tiquiro comesari dūpūrire tiquiro doho ohōboriro saha cameṗū Cohācjū tiquiro yequina mūsa pehere cūahye. Sa yero tiquiro yequina iji mūhtariquina judio masa tiquirore tiquina wacū tutueragū, tiquinare cohābo cureri. Tiquinare tiquiro cohāriro saha mūsa gūhūre cohānota, tiquirore mūsa wacū tutueragū. Sa yena Cohācjūre quehnoano ño peoya mūsa. <sup>22</sup>Cohācjū musare quehnoano yeriquiro tiquiro ijigū masiña mūsa. Sa yena cua pesaro mehna buhiri dahreriquiro tiquiro ijigū gūhūre masiña mūsa. Tiquirore ño peoyequinare tiquiro buhiri dahrerota. Sa mūsa tiquirore ño peoducugū pūrita musare quehnoano yerota tiquiro. Ño peoerana ñāñe dūpūrire tiquiro cohāboriro saha mūsa gūhūre cohānota Cohācjū. <sup>23</sup>Sa yero judio masa tiquiro cohābo cureriquina Cristore tiquina wacū tua ducagū, yucugū dūpūrire masa tiquina doho ohōno saha Cohācjū tiquiro yequina ijigū yerota tiquinare. Cohācjū tiquiro sa yeati tutuayere cuori. Sa yero



tiquiro tiquinare ihquēquinare tiquiro yequina wahagū yerota. <sup>24</sup> Mūsa judio masa ijiena ijina, nūcu cjānū olivogū dūpuri yero saha ijire mūsa. Sa ijina mūsa ijiepegū olivogū otedūpū nūcu cjē dūpurire masa tiquina ohōno saha Cohācjū mū sare tiquiro yequina ijigū yerota. Judio masa Cohācjū tiquiro bese mūhtariquina ijire. Sa yero tiquiro bese mūhtarina mūsa ijierapegūta tiquiro yequina mū sare ijigū yeri tiquiro. Judio masare tiquiro bese mūhtariquina pehere tiquiro yequina ijigū ye duare. Tire tiquiro yegū mū sare yero yūhdūoro mijioeda cjūre.

*Came judio masare pecapū waha-*  
*boriquinare yūhdūorota Cohācjū*

<sup>25</sup> Yūhū acaye, ahrire masa tiquina masiedarire mū sare yahutja. “Yojoṗure usā dihitarē besere Cohācjū. Usā pehe masi peho cjā”, mūsa ni tūhotuerato saha ahrire yahutja. Ohō saha ijire: Yojoṗure peyequina judio masa Cohācjūre tūho duasi. Sa ye peyequina judio masa ijieyequinare Cohācjū tiquiro queoriro puno tiquiro yequina tiquiro yeri bato judio masa pehe tiquirore cahmeeta. <sup>26</sup> Tiquina sa cahmegū ijipihtieyēquina tiquirore cahmeñequinare judio masa pecapū waha boriquinare Cohācjū yūhdūorota. Cohācjū yere tiquina ojoari pūpū sata ni ojoahye:

Jerusalē wame tiri macapū judio masa ya macapū tiquinare yūhdūoati tiquiro ahtarota. Sa yero Jacob panamena iji turīayequinare tiquina ñañe yerire tiquiro cohānota. <sup>27</sup> Sa yegū tiquinare yūhdūogū panopū tiquinare yūhū ni cūrīro sahata yei niaja, nidi Cohācjū, ni ojoahye Cohācjū yere tiquina ojoari pūpū.

<sup>28</sup> Yojoṗure tiquina judio masa Cristo yere ño peoyequina Cohācjūre ihña tūhtire. Tiquina sa yegū yojoṗure mūsa pehe judio masa ijiena Cristore wacū tutua dūcari. Judio masa pehere Cohācjū bese mūhtahye. Sa yero judio masa ñecūsūmū māna panopū cjēna tiquiro beseriquina tiquina ijigū yojoṗure ijieyequina judio masa gūhūre tiquiro cahīne. <sup>29</sup> Cohācjū tiquiro ni cūrīro sahata masare tiquiro beseriro sahata potota yerota tiquiro. Tiquiro ni-dire bosī tiquiro. <sup>30</sup> Panopūre mūsa gūhū

Cohācjūre yūhdūdūcari jiri. Yojoṗure judio masa Cohācjūre tiquina yūhdūdūcagū ihñano tiquiro mūsa pehere paja ihñano yūhdūori. <sup>31</sup> Yojoṗure judio masa tiquirore yūhdūdūcari. Tiquina sa yepegūta Cohācjū mū sare tiquiro paja ihñarīro sahata tiquina gūhūre cameṗure paja ihñanota. <sup>32</sup> Ohō saha ijire: Ijipihtieyēquina masare “Buhiri tiyequina ijire”, nine Cohācjū. Sa yero ijipihtieyēquina buhiri tiyequina tiquina ijigū ihñano ijipihtieyēquinare paja ihña masine tiquiro.

<sup>33</sup> Yohou. Cohācjū tutua yūhdūari tiquiro ijiajari. Quehnoano masi pehoritiquiro ijire tiquiro. Sa yero tiquiro tūhotuyere, tiquiro yerire marine quehnoano masino basioerare. <sup>34</sup> Ohō saha ni ojoahye Cohācjū yere: “Cohācjū mari pūhtoro tiquiro tūhotuyere ne masa quehnoano masiedare. Sa ye masa tiquirore ‘Ohō saha yeya’, ni masiedare. <sup>35</sup> Sa ye masa Cohācjūre apee borore tiquina ohori bato ‘Tiquiro marine wapamore’, ni masiedare masa”, ni ojoahye panopūre. <sup>36</sup> Cohācjū ijipihtiyere yeahye. Sa yero tiquiro tutuaye mehna ijipihtiyere ijigū yere tiquiro. Sa ye ijipihtiyere tiquiro ye ijire. Tiquiro sa ijirī tiquiro ijigū ijipihtiyere decori tiquirore ño peouhna mari. Sata yeducuuhna.

## 12

*Cohācjū cahmeñene marine yeducu dū-*  
*tiahye Pablo*

<sup>1</sup> Cohācjū marine tutuaro paja ihñari. Tiquiro sa paja ihñarī tiquiro ijigū ihñana yūhū acaye, mūsa basita Cohācjū yere yeducuya. Sa yena quehnoañe pehere comesarina, ñañe mariena ijija. Mūsa sa ijigū tiquiro bucuerota. Sata yero cahmene marine Cohācjūre ño peona. Sa yegū mū sare tire tutuaro ye dutiaja. <sup>2</sup> Ahri yehpa cjēna ñañequina tiquina yero saha ye nemoedacāhña mūsa. Sa yena mūsa tūhotuyepure quehnoañe pehere comesaya mūsa. Sa yena quehnoañe pehere comesarina ijinata mūsa. Sa comesana Cohācjū mū sare tiquiro ye dutirire masinata mūsa. Sa yena quehnoañene, Cohācjū cahmeñene, ñañe mariene masinata mūsa.

<sup>3</sup> Cohācjū yūhūre paja ihñano mū sare buhe dutiro beseri yūhūre. Sa yegū ijipiltinare mū sare ahrire ni dutieraja

yuhũ. “Quehnoa yuhũdũana iji yuhũdũdũcaja usã”, ni tuhotuercãhña. Sa tuhotuercãhña. Jesure musa wacũ tutuari bato Cohãcjũ musare tiqiro yedohoro punota “To punota ye masiaja usã”, ni tuhotuya. <sup>4</sup> Ohõ saha ni yahu nemotja yuhũ: Mari omocari, mari dahpocãri, mari caperi, ijiptihiro mari pagurũ ijiye peye ijire. Mari pagurũ ijiye ihcã pagurũ ijiepetã sijoro saha ijiye dahraye dihitare cõore. <sup>5</sup> Mari queoye mehna buhegũ ahri yero saha ijire. Cristo pagũ yero saha ijina ihcã curuata ijiaja mari. Sa yena mari ijipihitina peyequina ijiepenata ihcã curuaputa ijiaja mari.

<sup>6</sup> Cohãcjũ marine tiqiro yedohoro punota tiqiro tutuaye mehna ye dutire. Sa yero maripe sijoro saha ijiye dahrayere cõre tiqiro. Tiquiro sa yegũ marine tiqiro cõrre mari quehnoano yeihna. Sa ye Jesu yequina ohõ saha yeahro. Ihuẽquinare Cohãcjũ tiqiro yere yahuatiquire cõre. Sa ye tiquina Cristore tiquina masino puno tiqiro yere quehnoano yahuhro. <sup>7</sup> Ihuẽquinare Cohãcjũ masare yedohotiquinare cõre. Sa ye tiquina masare quehnoano mehna yedohohro. Ihuẽquinare Cohãcjũ masare buheatiquire cõre. Sa ye tiquina masare quehnoano buheahro. <sup>8</sup> Masare bucuegũ yeatiquina ijiye, tire quehnoano yeahro. Sa ye apee borore ohoyequina quehnoano mehna jeripohna ti, pajiro ohohro. Sa ye apequinare dutieyequina quehnoano mehna dutiaho. Sa ye pejecõoyequinare yedohoyequina bucueye mehna yedohohro.

*Jesu yequina ijina ohõ saha yena ijiaja*

<sup>9</sup> Apequinare cahña, potota cahña tiquire. Sa yena ñañene ihña yabina ijiaja musa. Sa yena quehnoañe pehere cahmeña. <sup>10</sup> Musa bahanare musa cahño sahata Jesu yequinare musa mehna cjẽnare cahña. Sa yena musa mehna cjẽnare quehnoano cahme ño peoya.

<sup>11</sup> Cohãcjũ cahmeñene yena, ne capercãhña. Sa yena mari puhtoro tiqiro dutihiro sahata quehnoano bucueye mehna yeya.

<sup>12</sup> Cohãcjũ musare pecapũ wahaborinare tiqiro yuhũdũorinarũ ijire musa. Tire masina bucueya musa. Sa yena ñano yuhũdũna, ihcãno sahaya “Cristo yere

duhuari”, nina. Sa yena Cohãcjũre sa siniducuya.

<sup>13</sup> Apee boro Jesu yequinare dahsagũ ohoya tiquire. Sa yena musa ye wuhũsepũ masa tiquina esagũ quehnoano jeripohna ti, tiquire piti caya.

<sup>14</sup> Musare ñano yeyequina pehere quehnoa dutiya. Sa quehnoa dutina, tiquire “Ñano yuhũdũcũnahdo”, niedacãhña.

<sup>15</sup> Apequina bucueyequina mehna ijina musa gũhũ bucueya. Sa yena utieyequinare ihñana, uti dohoya.

<sup>16</sup> Musa mehna cjẽna mehna quehnoano ijiaja musa. Sa yena “Apequina yuhũdũoro quehnoana ijiaja”, ni tuhotuercãhña. Ohõ saha ni tuhotuya. “Ihyo ijina ijiaja”, ni tuhotu, ihyo ijieyequina mehna ijiaja. Sa yena “Masi yuhũdũdũcana ijiaja usã”, ni tuhotuercãhña.

<sup>17</sup> Apequina musare tiquina ñano yepegũta, tiquire ñano ye cahmedacãhña. Sa yena quehnoañene yeya, quehnoana musa ijiye tiyere ijipihitiquina masa tiquina masiatire. <sup>18</sup> Tutuaro mehna quehnoañene yeya musa, ijipihitiquina mehna musa quehnoano ijiatire. <sup>19</sup> Musa yuhũ cahña, yuhũ acaye apequina musare tiquina ñano yepegũta tiquina yero saha ñano ye cahmedacãhña. Cohãcjũ pehe musare tiquina ñano yeri buhiri buhiri dahreahro tiquire. Cohãcjũ yere tiquina ojoari pũpũ sata ni ojoahye: “Yuhũ pehe masa tiquina ñano yeri buhiri buhiri dahreacjũ ijiaja. Sa yegũ potota buhiri dahreitja’, nine mari puhtoro”, ni ojoahye panopure. <sup>20</sup> Sa yena ohõ saha yeya musa: “Musare ihña tuhtiriquire tiqiro uhjũ ahbagũ ihñana nuña tiquire. Tiquiro aco wõogũ ihñana tiquire sihõña. Musa sa yegũ ihñano tiqiro bæ tirota”, nine mari puhtoro. <sup>21</sup> Sa yena apequina musare tiquina ñano yepegũta musa pehe tiquire ñano ye cahmedacãhña. Sa yena tiquire quehnoano yeya. Sa yena ñañene ye duerana ninata musa.

## 13

<sup>1</sup> Ijipihitiquina puhtoare Cohãcjũ dihitã cõre. Sa yero musa puhtoa gũhũre Cohãcjũ bese cõre. Tiquiro sa cõriquina tiquina ijigũ ihñana ijipihitina musa tiquire yahtiya. <sup>2</sup> Mari bui cjẽna puhtoare

quehnoano yuhtierana Cohācjū tiquiro bese cūriquinare yuhduducana niaga mari. Sa yuhduducariquinare Cohācjū pehe buhiri dahrerota. <sup>3</sup> Quehnoañequinare cuegū yeatiquina ijierare puhtoa. Ñañene yevequina pehere cuegū yeatiquina ijire tiquina. Quehnoañene yeya mūsa puhtoare mūsa cueratire. Sa yena cuesi mūsa. Quehnoañene mūsa yegū puhtoro pehe “Quehnoano yeri mūsa”, mū sare ninota. <sup>4</sup> Mūsa puhtoa mū sare yedohoatiquinata ijire mūsa quehnoano ijiatire. Sa ye tiquina mū sare buhiri dahreatiquinata ijire. Ijipihtieyquina ñañene yeriquinare buhiri dahre dutiro Cohācjū tiquinare beseri. Tiquina sa buhiri dahreatiquina ijigū ñañene yena mūsa puhtoare cueya. <sup>5</sup> Sa yena mari puhtoare yuhtina, tiquina buhiri dahreatire cueracūhna. Sa yena ño peoye mehna “Quehnoañene yero cahmene yuhure”, ni tuhoturo mehna quehnoano yuhtiihna. <sup>6</sup> Mūsa puhtoare tiquina dahrayere cūri Cohācjū. Sa yena tiquina dahrayere tiquina yegū ihñana mūsa puhtoare wapa ne cohteyequinare wapa yere mūsa.

<sup>7</sup> Ijipihtieyquinare mūsa puhtoare quehnoano yuhtiya. Sa yena puhtoare wapa ne cohteyequinare wapa yeya mūsa. Sa yena puhtoa pehe apeyere tiquina wapa ye dutigū gūhure wapa yeya. Sa yena ijipihtieyquina puhtoare quehnoano ño peoya. <sup>8</sup> Apequina masare wapamoedacāhña. Tiquinare cahño cahmene. Sa ye cahñi nemono cahmene. Tiquiro cahapū ijiriquire cahidiquiro Cohācjū dutiyere ye peho tuhasariquire ijire. Sa yena mūsa caha ijieyquina gūhure cahñña. <sup>9</sup> Ohō saha nine Cohācjū dutiye: “Apequiro namono mehna ñano yeracāhña. Masare wejēdacāhña. Yaqueracāhña. Apequina yere tutuaro cahmedacāhña”, ni yahure tiquiro dutiye. Apeye dutiye gūhu ijire. Sa ijiepegūta ihcāno dutirore mū sare yahugū tūhū niaga. Ti dutiro ihcāno dutiro ijiepegūta ti dutirore yena, Cohācjū dutiyere ye pehona niaga mari. “Mūhū basi mūhū cahño saha mūhū caha ijieyquina gūhure cahñña”, nine ti dutiro. Ti dutirore yena Cohācjū dutiyere ye pehona ijina nine mūsa. <sup>10</sup> Mūsa caha ijiriquire cahñña, tiquirore ñano yesi. Sa yena tiquirore cahñña, Cohācjū dutiyere ye pehona nine

mūsa.

<sup>11</sup> Sa yena carñequina yero saha ijieracāhña mūsa. Quehnoano wacū masiña. Jesure quehnoano wacū cohteya. Jesu marine tiquiro tojoa ta, tiquiro neato mehenogā dūhsatjiāre. Tiquirore mari coā masi ducana, “Yoari batopū marine yuhduoro tarota Jesu”, ni tuhotumi. Mari sa ni tuhotuepegūta yojopūre mehenogā dūhsare Jesu marine tiquiro yuhduoro ahtato. Ahri yuhū nidire masine mūsa. <sup>12</sup> Yojopūre ñañene tiquina yeri deco ijire. Cristo tiquiro ahtagū ahri deco pihtirota. Tiquiro ahtato mehenogā dūhsare. Tiquiro ahtato mehenogā dūhsagū ihñana ñañene duhu pehocūhna mari. Sa yena Cohācjū cahmeñe pehere yeihna mari. Sa Cohācjū yere yena, ñañene duhu pehocūhna mari. <sup>13</sup> Sa yena quehnoañe pehere yeihna. Sa yena bese decorire yena ñano yeracūhna. Sa yena queheracūhna. Sa yena wūana tina, apequina mehna ñano yena, cahme dūse tini wiana, ihñña coona ijieracūhna. <sup>14</sup> Sa yena mari puhtoro Jesucristo tiquiro yedohoye mehna quehnoano ijia mūsa. Sa yena ñañene mūsa tutuaro cahmeñene yeracāhña.

## 14

Mūsa acayere Jesu yequinare “Ñano yee nine”, ni yahu wajaeracāhña  
(1 Co 8.1-13)

<sup>1</sup> Jesure wacū tutuariquire Jesu yere tiquiro quehnoano masiedarīgū tiquirore quehnoano yedohoya. Sa yena Jesu yere tiquiro quehnoano masiedarīgū ihñana “Ne masiedare mūhū”, ni cahme dūse tutueracāhña tiquiro mehna. <sup>2</sup> “Ijipihtiyere ihya masiaja yuhū”, ni tuhoture apequina. Sa ye apequina pehe Jesu yere quehnoano masiedarñe, wahiquinare ihyeraye, oteye dūca dihitarē ihyare. <sup>3</sup> Ijipihtiyere ihyayequina pehe oteye dūcare ihyayequinare ihñña tuhtieracāhdo. Sa ye oteye dūca dihitarē ihyayequina pehe ijipihtiyere ihyayequinare “Ñano yeye nine”, ni yahu wajaeracāhdo. Ijipihtiyere ihyayequina pehe Jesure wacū tutuayequina tiquina ijigū Cohācjū tiquinare tiquiro yequina ijigū ye tuhasari. Tiquiro yequina tiquina ijigū ihññañe wahiquinare ihyeyequina pehe tiquinare

yahu wajaeracãhdo. <sup>4</sup> Jesure wacū tutu-ayequina Cohãcĵũ cahacĵēna ijire. Tiquina sa ijigũ ihñana musa tiquinare yahu waja masiedare. Jesure wacū tutuayequina Jesu cahmeno saha tiquina yeragũ ihñano tiquiro dihita tire yahu masine. Tiquina quehnoano yegũ gũhũre tire yahu masine tiquiro tiquinare. Sa yero tiquiro pehe “Ñano yeri muhũ”, ni yahuatiquiro ijirota. Sa yero tiquiro cahacĵēnare quehnoañene yeducu masigũ yeriquiro ijire Cohãcĵũ.

<sup>5</sup> Ihquẽquina ihcã decore Cohãcĵũre tiquina ño peoti deco yere. Sa ye apeye decorire “Dahraye decori ijire”, ni tãhoture. Apequina pehe decoripe Cohãcĵũre ño peoducure. Tiquina ihcãno saha sa yerariquina ijiepetã ijipihtiyequina ohõ saha ni tuhotuahro: “Jesu tiquiro cahmeno sahata quehnoano yena niãja”, ni tuhotu masiahdo. <sup>6</sup> Masũno ihcã deco tiquiro ño peoti deco yere Cohãcĵũre ño peoro taro. Sa yero decoripe ño peoducuriquiro Cohãcĵũre quehnoano ño peore tiquiro gũhũ. Sa yero sijeriquiro gũhũ ihyaro, Cohãcĵũre “Quehnoare”, ni sinine. Sa yero tiquiro gũhũ ihyariquiro ijiro Cohãcĵũre ño peoriquiro ijire. Sa yero ihquẽ ihyayere sijeriquiro pehe tiquiro sijire Cohãcĵũre ño peoro taro. Sa yero tiquiro gũhũ Cohãcĵũre “Quehnoare”, ni sinine.

<sup>7</sup> Mari cahmeñe dihitarẽ yena iji masiedaja mari. Cristo ijire mari puhtoro. Sa yero mari catigũ mari yariagũ gũhũre mari puhtoro ijire. <sup>8</sup> YojoPURE mari catiro puno Cristo yere yeana ijiãja mari. Tiquiro yequina ijiãja. Mari yariari batopũ gũhũre tiquiro yequina ijinata. Sa yero mari catigũ mari yariagũ gũhũre Cristo mari puhtoro ijire. <sup>9</sup> Sata ijire. Cristo yaria masa mujahye, catiyequina, yariariquina gũhũ tiquina puhtoro ijiro taro.

<sup>10</sup> ¿Dahsena tana musa acayũrore Jesu yaquirore “Ñano yero nine”, ni yahu waja duajari musa? ¿Dahsena tana musa acayũrore cuhta diho cũ duajari musa? Mari ijiphtina Cristo caha mari ducugũ tiquiro pehe mari yerire masi pehoro, marine beserota quehnoana, ñana gũhũre. Tiquiro sa beseatiquiro ijigũ musa acayũrore “Ñariquiro ijire” ni yahu wajaeracãhña. <sup>11</sup> Cohãcĵũ yere tiquina

ojoari pũpũ ohõ saha ni ojoahye:

Ohõ saha nidi mari puhtoro: “Ahri potota ijire. Ijipihtiyequina yuhũ poto ðusepe curi mehna quehe saeta. Sa ye ijipihtiyequina ‘Quehnoaga, tutuaga ijire’, ni, yuhũre ño peota”, nidi mari puhtoro, ni ojoahye.

<sup>12</sup> Sa yena ijiphtina mari yerire Cohãcĵũ siniturota. “¿Dahse yena sa yeari?” ni siniturota. Tiquiro sa ni sinitugũ yũtiro cahmene marine.

Musa acayũrore ñano yegũ yeracãhña musa

<sup>13</sup> Sa yena mari mehna cĵēna gũhũre “Ñañequina ijire”, ni yahu wajaeracãhña. Sa yena mari acayũrore Jesu yaquirore ñano yegũ yeracãhña. <sup>14</sup> Yuhũ Jesucristo yaquiro ijiãja. Sa yegũ ahri yuhũ niatire quehnoano masiaja yuhũ: Yuhũ pehe ijiphtiyẽ ihyayere yuhũ ihyagũ yuhũ ihyari buhiri, buhiri mariedare. Apequiro pehe “Ahri ihyayere ihyagũ ñano yei niãja”, ni tuhoturiquiro pehe ihyaro, potota buhiri tiriquiro ijire. <sup>15</sup> Ti potota ijire. Musa apee borore musa ihyagũ musa acayũrore musare ihña cũ ihyaro, “Yohou, ñano yei niãja yuhũ”, ni pajiro tuhutuboaga tiquiro. Tiquirore sa ihña cũ ihyagũ yena, tiquirore cahiedare musa. Apee borore musa ihyagũ ihña cũ ihyaboaga tiquiro. Sa ihyaro “Ñano yei niãja”, ni tuhuturo Cristore duhuboaga. Musa acayũrore ye buhirire yariari Cristo. Sa yena “Cristore duhuari”, nina tiquirore ihña cũgũ yeracãhña. <sup>16</sup> Sa ye “Ahri usã yeri quehnoariãga”, musa ni tuhutugũ apequina musare yahu wajaboaga. Tiquina sa yahu wajagũ ihñana, musa sa yerire ye nemoedacãhña, “Yahu waja nemoari” nina.

<sup>17</sup> Cohãcĵũ pehe mari puhtoro ijire. Tiquiro sa ijigũ mari ihyaye, mari sihniñe gũhũ sa iji cãno nine. Ihyo warota ijire. Sa ye mari puhtoro tiquiro dutiyere, quehnoañe gũhũre mari yegũ ti waro ijiro nine. Sa ye apequina mehna mari quehnoano ijigũ gũhũre quehnoañe waro ijiro nine. Sa ye Espĩritu Santo yedohoye mehna mari bucuẽgũ quehnoañe waro ijiro nine. <sup>18</sup> Sata Cristo yere yeriquirore ihñañe Cohãcĵũ, masa gũhũ “Quehnoano yeri muhũ”, nieta.

<sup>19</sup> Sata yeihna mari pũrita quehnoano mari ijiatire, mari basi mari cahme yedohoatire. Sa yena Jesure wacū tutua

nemonata. <sup>20</sup> Apequiro Jesu yaquiro tiquiro ihya dutierarire m̄sa ihyagū ihñano tire coeraro, Cohācjū yere cohāboaga. Sa yena tire ihyeracāhña. Potota ijipihtiye ihyaye quehnoañe ihyayeta ijire. Sa ijiepegūta apee borore mari ihyagū apequiro “Nañe ihyaye ijiaga ahri”, nidiquiro ijieperota ihña cū ihyaboaga. Sa ihyaro ñano yero niaga tiquiro. Sa yena marine tiquiro ihña cū ihyagū, mari gūhñ ñano yena niaja. <sup>21</sup> Wahiquina dihire m̄sa ihyagū ihñano, vinore m̄sa sihniğū ihñano, apequiro Jesu yaquiro “Tire ihyagu ñano yei niaga yuhñ”, ni t̄hoturiquiro ijieperota tiquiro gūhñ ihña cū, ihya sihniboaga. Sa ni t̄hoturiquiro pūrita ihya sihniño ñano yero nine. Sa yena tiquiro ñano yerato saha Jesure tiquiro wacū tutua duhuerato saha wahiquina dihire, vino gūhñre m̄sa pehe m̄sa duhugū quehnoarñe. <sup>22</sup> “Ijipihtiyere ihya masiaja”, ni t̄hotuna, tire Cohācjū dihitare yahuya. Nañene yerariquiro, “Quehnoano yei niaga yuhñ”, ni t̄hoturiquiro bucueriquiro ijire. <sup>23</sup> Apequiro pehe “Ahri ihyayere ihyagu ñano yei niboaga yuhñ”, ni t̄hoturiquiro ijieperota ti ihyayere ihyaro, buhiri tiriquiro ijire tiquiro. “Ahrire ihyagu potota quehnoañene yei niaja”, ni t̄hotuerare tiquiro. Sa ni t̄hotueraro tire ihyaro, tiquiro ihyari buhiri buhiri tire tiquiro. “Quehnoañene yei niaja”, ni t̄hotueraro tire yero, buhiri tire tiquiro.

## 15

*Mari caha ijieyequinare quehnoano yeihna*

<sup>1</sup> Mari Cohācjūre quehnoano wacū tutuana pehe wacū tutuera cññequinare yedohouhna. Sa yena mari ye dihitare yeducueracūhna. <sup>2</sup> Sa yena mari caha ijieyequinare Jesu yequinare quehnoano yeihna tiquina quehnoano ijiatire, Cohācjūre tiquina quehnoano wacū tutua nemoatire. <sup>3</sup> Cristo pehe tiquiro ye dihitare yerahye. Sata nine Cohācjū yere tiquina ojoari pūpū. Ohō saha ni ojoahye: “Cristo ohō saha nidi Cohācjūre: ‘Mūhñ pehere ñano yahuducuboriquina yuhñ pehere ñano yahuducuri’, nidi Cristo Cohācjūre”, ni ojoahye panopure. (Sa tiquina ñano yahuducunohriquiro ijiro Cristo tiquiro Pacuro ye pehere ye basaro niahye.)

<sup>4</sup> Panopū Cohācjū yere tiquina ojoari pūpū tiquina ojoahye mari quehnoano buheaire. Sa yena ti pūre buhena bucueaja. Sa buhena mari ñano yuhduna ihcāno sahanata. <sup>5</sup> Cohācjū m̄sare tutuagū yeriquiro bucuegū yeriquiro m̄sare ijipihtinare ihcāno saha quehnoano ijigū yeahro, Cristo cahmediro sahata. <sup>6</sup> Sata yeahro tiquiro m̄sa ijiphtina ihcāno mehna Cohācjūre mari pūhtoro Jesucristo Pacurore “Quehnoagu, tutuagu ijire”, ni m̄sa ño peatore.

*Judio masa ijieyequinare quehnoañe buheyere yahu dūcahye*

<sup>7</sup> Cristo marine tiquiro yeriro sahata m̄sa mehna cjenare quehnoano cahme piti caya. M̄sa sa yegū ihñañe “Potota Cohācjū quehnoariquiro ijire”, ni ihñaeta masa pehe. <sup>8</sup> M̄sare ahrire niita niaja: Judio masare yedohoatiquiro ahtahye Cristo. Cohācjū tiquiore ohoro judio masa usā ñecusumña m̄napure panopū cjenare tiquiro ni yahuriro sahata yero niahye. Tire tiquiro yerire masare masigū yeatiquiro ahtahye Cristo. <sup>9</sup> Masare Cristo tiquiro yedohogū Cohācjū paja ihñano nine tiquinare. Tiquiro sa paja ihñagū judio masa ijieyequina gūhñ Cohācjūre “Quehnoagu, tutuagu ijire”, ni, ño peore yojopure. Tiquina gūhñre tiquiro yequina ijigū yero ahtahye Cristo. Cohācjū yere tiquina ojoari pūpū sata ni ojoahye:

Cristo ohō saha niahye Cohācjūre:

Judio masa ijieyequina caha mūhñre “Cohācjū quehnoagu, tutuagu ijire”, ni ño peoutja. Sa yegu tiquina caha basagu mūhñre basautja, niahye Cristo Cohācjūre, ni ojoahye panopure.

<sup>10</sup> Sa yero ohō saha ni ojoahye tja:

Cohācjū tiquiro beseriquina judio masa mehna cahme bucueya m̄sa gūhñ judio masa ijiena, ni ojoahye panopure.

<sup>11</sup> Sa yero ohō saha ni ojoahye tja:

Judio masa ijieyequina ijipihtiyequina Cohācjūre ño peohro. Sa ye ijiphtiro cjenā tiquiore “Quehnoagu, tutuagu ijire”, ni ño peohro, ni ojoahye.

<sup>12</sup> Sa yero Isaiā m̄nana gūhñ ohō saha ni ojoahye:

Isaí panamino iji turiariquiro ahtarota.

Sa ahtarota judio masa ijieyequina puhtoro ijirota tiquiro. Sa ye tiquina pehe tiqiurore wacū tutua, tiquinare pecapu wahaboriqinane tiquiro yuhduoatire masieta tiquina, ni ojoahye panopure.

<sup>13</sup> Cohācjū marine yuhduoro ahtatiquiro quehnoano musare bucuegū yeahro. Sa yero Jesure masa wacū tutuagū musare quehnoano ijigū yeahro tiquiro. Musare tiquiro sa yegū musare tiquiro yuhduoatire Espiritu Santo tutuaye mehna bucueye mehna masi nemonata masa.

<sup>14</sup> Ahrire musare yuhū yahuatire quehnoano masiaja. Māsa pehe quehnoana ijire. Sa yena Jesu yere quehnoano masine. Sa masina masa mehna cjēnare cahme quehnoano yahu, buhe masine masa.

<sup>15</sup> Māsa sa masina masa ijiepegūta ihquē tahari ahri pūpure musare cuero marieno quehnoano yahu peho ojoan masa wacūato saha. Cohācjū yuhūre cahīno musare buhe dutiro cūri yuhūre. Sa yegū tiquiro cūriro sahata yegū tagū musare wacūgū yei. <sup>16</sup> Yuhūre tiquiro sa cūgū Jesucristo cahacjū ijigū tiquiro yere quehnoañe buheyere judio masa ijieyequinare buheaja yuhū. Yuhū sa buhegū tuhoye judio masa ijieyequina Jesure wacū tutuaeta. Tiquina sa wacū tutuagū ihñano tiquinare Cohācjū “Quehnoañequina ijire”, ni ihñanota. Sa yero tiquinare cahmenota. Sa yero Espiritu Santo pehe Cohācjū yequina ijigū yerota tiquinare. Pahia űjūa mmo Cohācjūre tiquina ohoriro sahata, tiquinare ñañe marieñequinare Cohācjūre oho duaja.

<sup>17</sup> Sa yegū Jesucristore wacū tutuagū ijigū Cohācjū tiquiro buhe duti cūrigū ijigū bucueye mehna buheaja musare.

<sup>18-19</sup> Apequina judio masa ijieyequinare Cristo yedohoye mehna tiquinare yuhū buhegū tuhoye, yuhū yerire ihñañe, Cohācjū tutuaye mehna ye ihñorire ihñañe, Espiritu Santo tiquiro tutuaye mehna tiquina Cristore wacū tutuari. Ahri pūritare musare pototi yahu duaja. Apequinapu tiquina yerire yahueraja. Jerusalēpu coā yuhū buhe ducari bato ijipihtiye macaripū buhe ducan. Tee llirico yehpapū gūhūre Cristo ye buheye quehnoañe buheyere buhei esau.

<sup>20</sup> Sa yegū Cristo yere masieñequina

dihitare quehnoañe buheyere tutuaro buhe duau, yuhū mehna cjēna tiquina buhenohriquinapure buhe dueragu. <sup>21</sup> Sata ni ojoahye Cohācjū yere tiquina ojoari pūpu:

Panopu tiquirore ne tuhōerariquina tiquirore masieta. Sa ye tiquirore ne tuhōerariquina tiquiro yere quehnoano tuhōeta, ni ojoahye Cohācjū yere tiquina ojoari pūpu.

Pablo Romapu tiquiro wahatire yahuahye

<sup>22</sup> Sa yegū ijipihtiuro cjēnare buherigu ijigū peye tahari masa cahapu waha duepegūta waha masiedahti. <sup>23</sup> YojoPURE ahri yehparipure yuhū dahraye pihitia wahari. Sa pihitigū ihñagū, peye cūhmari masa cahapu waha duarigu ijigū masa cahapu wahaatja.

<sup>24</sup> Sa ye EspañaPu wahagu musare topū ihña yuhdu cāutja. Sa yegū masa mehna bucueitja. Sa yegū masa mehna yuhū mehenogā ijiri bato yuhūre masa yedohoye mehna EspañaPu wahaatja. <sup>25</sup> YojoPURE Jerusalēpu wahan tūu niaja. To cjēnare Jesu yequinare yuhū acayere niñerure sogu wahan tūu niaja. <sup>26</sup> Macedonia yehpa cjēna, Acaya yehpa cjēna gūhū quehnoano mehna Jesu yequinare Jerusalēpu ijieyequinare pejecuoyequinare niñerure ohori tiquinare yedohoye.

Sa yegū tiquinare tire oho basagu wahan tūu niaja. <sup>27</sup> Ti niñerure ohoye, quehnoano mehna ohori tiquina. Tiquina sa yegū quehnoarīne, yuhū tuhōtugū. Tiquinare judio masa ijieyequinare judio masa pehe Cohācjū yere buhe muhtari. Sa ye tiquinare tiquiro yuhduoato gūhūre buhe muhtari judio masa. Tiquina sa buhegū ihñagū Macedonia cjēna, Acaya cjēna mehna tiquinare tiquina yedohogū quehnoarīne yuhūre.

Tiquinare tiquina buheri wapa yero saha ijire ti, yuhū tuhōtugū. <sup>28</sup> Sa yegū Jerusalē cjēnare ti niñerure oho tuhasagu EspañaPu wahaatja. Topū wahagu musare ihña yuhdu cāutja. <sup>29</sup> Sa yegū masa cahapu yuhū wahagū Cristo yere musare yuhū buhegū tiquiro musare quehnoano jeripohna tigū yerota.

<sup>30</sup> Yuhū acaye, mari puhtoro Jesucristore wacū tutuare masa. Sa yena Espiritu Santo tutuaye mehna apequinare cahīne masa. Sa yena yuhū gūhūre tutuaro sini basaya

Cohācǵüre. <sup>31</sup> Ohō saha ni sini basaya: Judea yehpa cǵēna Jesure ño peoeyequina yǵhure tiquina ñano ye duagǵ Cohācǵǵ yǵhure tiqiro yedohoato saha sini basaya. Sa yena Jerusalē cǵēnare niñerure yǵhū ohogǵ tiquina tire bucueye mehna tiquina ñe-heato saha sini basaya. <sup>32</sup> Mǵsa sa sinigǵ Cohācǵǵ cahmegǵ bucueye mehna mǵsa cahapu wahautja. Sa yegǵ mǵsa mehna ijigǵ bucueye mehna soutja. <sup>33</sup> Cohācǵǵ marine quehnoano ijigǵ yeriquiro mǵsa mehna ijiducuahro. Sata ijiahero.

## 16

### *Pablo quehnoa dutiahye*

<sup>1</sup> Mari acayoro Febe wame tiricoro mǵsa cahapu waharo taro nine. Ticoro Cencrea wame tiri macapu Jesu yequinare cahmecoañequinare yedohoricoro ijire. <sup>2</sup> Sa yero peyequinare yedohoricoro yǵhū gǵhure yedohoricoro ijiri ticoro. Sa yero mari puhtoro Jesu yacoro ijire. Sa yena ticorore quehnoano mehna piti caya. Sata yero cahmene marine Jesu yequinare. Sa yena apee boro ticorore mariedagǵ ihñana ticorore ohoya mǵsa.

<sup>3</sup> Aquila, tiqiro namono Priscila gǵhū quehnoahdo. Jesucristo yere yǵhū buhegǵ tiquina gǵhū yǵhū mehna dahrari. <sup>4</sup> Tiquinare meheni weǵemedi, apequina yǵhure tiquina weǵe duagǵ tiquina yedohori buhiri. Sa yegǵ tiquina mehna bucueaja yǵhū. Sa ye judio masa ijieyequina Jesu yequina ijipihtiyequina tiquina gǵhū tiquina mehna bucuere. <sup>5</sup> Sa ye Aquila ya wǵhupǵ cahmecoañequina gǵhū Jesu yequina quehnoahdo. Yǵhū cahñiquiro Epeneto gǵhū quehnoahdo. Tiquiro Asia yehpa cǵño topǵ ijiro Cristore wacǵ tutua muhtariqiro ijiri. <sup>6</sup> María gǵhū quehnoahdo. Ticoro mǵsa mehna tutuaro dahrari. <sup>7</sup> Yǵhū acaye Andronico, Junia gǵhū quehnoahdo. Peresupǵ yǵhū ijigǵ tiquinata yǵhure piti tiyequina ijiri. Sa ye yǵhū pano Cristore wacǵ tutua muhtari tiquina pehe. Apequina Jesu cǵriquina pehe tiquinare “Potota quehnoañequina ijire”, ni yahuducure.

<sup>8</sup> Amplia gǵhū yǵhū cahñiquiro Jesu yaquiro ijire. Tiquiro quehnoahdo. <sup>9</sup> Sa yero Urbano gǵhū quehnoahdo. Tiquiro gǵhū mari mehna Cristo yere dahrari. Sa yero

yǵhū cahñiquiro Estaqui quehnoahdo. <sup>10</sup> Sa yero Apele gǵhū quehnoahdo. Tiquiro potota quehnoano Jesure wacǵ tutuare. Tiquiro yerire ihñana tire masiaja mari. Sa ye Aristobulo ya wǵhū cǵēna ijipihtiyequina tiqiro namono tiqiro pohne gǵhū quehnoahdo. <sup>11</sup> Yǵhū acayoro Herodiō quehnoahdo. Sa ye Narciso ya wǵhū cǵēna Jesu yequina quehnoa pihti cǵhdo. <sup>12</sup> Sa ye Trifena, Trifosa gǵhū quehnoahdo. Ti numia mari puhtoro Jesu ye dahrayera tutuaro yere. Mari cahñicoro Pérsida gǵhū quehnoahdo. Ticoro mari puhtoro yere tutuaro dahrari. <sup>13</sup> Sa yero Ruffo mari puhtoro Jesure quehnoano wacǵ tutuariqiro, tiqiro yere quehnoano yeriquiro quehnoahdo. Tiquiro pacoro gǵhū quehnoahdo. Ticoro yǵhū paco yero saha ijiricoro ijire. <sup>14</sup> Asincrito, Flegonte, Herma, Patroba, Herme, apequina Jesu yequina tiquina mehna cǵēna gǵhū quehnoahdo. <sup>15</sup> Sa ye Filologo, Julia, Nereo, tiqiro bahoro gǵhū, Olimpa, apequina tiquina mehna cǵēna gǵhū Jesu yequina quehnoahdo.

<sup>16</sup> Sa yena mǵsa mehna cǵēnare piti cana, quehnoano mehna piti caya. Ijipihtiyequina Jesu yequina ijipihtiro cǵēna mǵsare quehnoa dutire.

<sup>17</sup> Yǵhū acaye, mǵsa mehna cǵēna ihquēquina mǵsare cahme ihña tuhtigǵ yeyequina, cahme tu wagǵ yeyequina ijinohti. Sa ye mǵsare Jesu ye buheyere dojomehnene. Sa yena sa yeyequinare ihñana quehnoano yeya, “Dojomehneari”, nina. Sa ijieyequinare piti tieracǵhña. <sup>18</sup> Sa yeyequina mari puhtoro Jesucristo yere yerare. Ñañene tiquina tutuaro cahmeñe dihitare yere. Sa ye quehnoano tuho coaro dero majare doco ni meho buhere quehnoano masieñequinare. Tiquina sa ni mehogǵ tiquinare quehnoano tuhore. Sa yena tiquinare piti tieracǵhña mǵsa. <sup>19</sup> Mǵsa pehe Jesure quehnoano yǵhtina ijinohti. Tire ijipihtiyequina masine. Sa quehnoano yǵhtina mǵsa ijigǵ bucueaja yǵhū. Sa yegǵ quehnoano mǵsa yeatire mǵsa masigǵ cahmeaja yǵhū. Sa yegǵ ne ñañene mǵsa yeragǵ gǵhure cahmeaja yǵhū. <sup>20</sup> Sa yero Cohācǵǵ marine quehnoano ijigǵ yeriquiro mehenogǵ bato mǵsare yedohorota “Satanare yǵhdǵdǵcaahro”,

nino. Mari puhtoro Jesucristo mehna musare quehnoa dutiaja.

<sup>21</sup> Timoteo yuhu piti musare quehnoa dutire. Yuhu acaye judio masa gũhu, Lucio, Jasõ, Sosipate musare quehnoa dutire.

<sup>22</sup> Yuhu Tercio ahri pũre Pablоре ojoa basagu ijiaja. Yuhu Jesu yaquiro ijigu musare Jesu yequinare quehnoa dutiaja.

<sup>23</sup> Gayo ya wuhuru ijigu niaja yuhu Pablo. Tiquiro ya wuhuru Jesu yequina cahme-coare. Tiquiro gũhu musare quehnoa dutire. Sa yero Erasto ahri maca cjẽna puhtoare niñeru ihbo cohteriquiro musare quehnoa dutire. Mari acayuro Jesu yaquiro Cuarto gũhu musare quehnoa dutire.

[<sup>24</sup> Mari puhtoro Jesucristo mehna musare ijiphtinare quehnoa dutiaja.]

*Pablo Cohãcjũre ño peoro ojoa bato tiahye*

<sup>25-27</sup> Mari puhtoro Jesucristo ye buheye mehna quehnoañe buheye mehna Cohãcjũ musare tiquirore wacũ tutua nemogũ ye masine. Panopure quehnoañe buheye ne masare yahuerari buheye ijimahye. Yojopure Cohãcjũ yere yahu muhtariquina muna tiquina ojoari mehna ti buheyere yahuri jire. Yuhu gũhu tire buheaja. Ti buheyere ijiphtiro cjẽna yojopure masine. Cohãcjũ sa ijiducuriquiro tiquiro dutiro sahata tiquina masine. Ti buheyere tiquirota yahu dutiahye masa tiquirore tiquina yahtiatire, tiquirore tiquina wacũ tutuati gũhure. Sa yena tiquirore “Potota quehnoagu, tutuagu ijire”, ni ño peouhna. Tiquiro ihcãquirotã Cohãcjũ dihita quehnoano masi pehoriquiro ijire. Jesucristo yedohoye mehna Cohãcjũre sa ño peoducuuhna mari. Sata ijiducuuhna.



## 1 Corintios

*Pablo Cohācjū* yequinare Corinto cĵenare oĵoa ohoahye

<sup>1,2</sup> *Yūhū* Pablo, Jesucristo yere buhe duti tiquiro cūrigū ijiaja. Cohācjū tiquiro cahmeno sahata Jesu tiquiro cūacĵure beseahye yūhure tiquiro. Mūsare Cohācjū yequinare Corinto cĵenare oĵoa ohoaja yūhū. Sostene mehna quehnoa dutiaja mūsare. Ahriquiro gūhū mari acayūro Jesu yaquiro ijire. Jesucristo mehna cĵāna mūsā ijigū Cohācjū yequina ijiana beseahye Jesu mūsare. Sa ye ijipihityequina apequina mari puhtoro Jesucristore siniñequina ijiye, tiquina gūhū Cohācjū yequinata ijire. Tiquina sa ijigū Jesucristo pehe mari ijipihitina puhtoro ijire. Sa yena mūsare ijipihitinare oĵoa ohoaja yūhū. <sup>3</sup> Sa yena Cohācjū mari Pacū, mari puhtoro Jesucristo mehna mūsare quehnoa dutiaja. Tiquina yedohoye mehna quehnoano ijiya mūsā.

*Jesucristo pehe mūsare* quehnoano ye basahye mari Pacū tiquirore dutiriro sahata

<sup>4</sup> Jesucristo yequina mūsā ijiri bato tiquiro pehe mūsare quehnoano ye basare Cohācjūre. Tiquiro sa yegū ihñagu, Cohācjūre “Quehnoare”, niducujaja yūhū decoripe. <sup>5</sup> Cristo yequina mūsā ijigū ihñano Cohācjū pehe mūsare quehnoano ijigū yere. Sa yero tiquiro yere mūsare apequinare quehnoano yahuanare yeri tiquiro. Sa yero tiquiro yere quehnoano masigū yeri mūsare. <sup>6</sup> Cristo yere mūsare usā buheriro sahata sata wahari mūsare, Cristo yequina mūsā wahagū. <sup>7</sup> Sa yero Cohācjū mūsare quehnoano yedoho peho cānota. Mari puhtoro Jesucristo ahri yehpapū tiquiro toĵoa tatire mūsā cohtero watoa Cohācjū pehe mūsare sa yedohoducurota. <sup>8</sup> Sa yero Jesucristo pehe mūsā ñañe yerire cohāriquiro ijire. Tiquiro sa ijiriquiro ijigū mūsā pehe decoripe, ahri deco pihitigūpū gūhure mūsā ñañe yerire tiquiro cohānohrina iiducunata. Sata tiquiro mūsare yedohorota. Sa yena Jesucristo mari puhtoro tiquiro toĵoa tagūpūre ñañe buhiri mariena ijinata mūsā. <sup>9</sup> Tire Cohācjū tiquiro nidiro sahata tiquiro yere. Tiquiro macano mari

puhtoro Jesucristo yequina iĵianare marine beseahye. Tiquiro sa besenohrinare Jesu yequina ijigū yeri marine.

*Jesu yequina Corinto cĵēna* cahmecoañe cahme tuhtiahye

<sup>10</sup> *Yūhū* acaye, mari puhtoro Jesucristo tiquiro dutiro mehna mūsare tutuaro dutigū tagu niaja ahrire: Mūsā basi cahme tuhtieracāhña. Sa yena mūsā basi cahme tu waeracāhña. Ihcā curuata ijiya mūsā. Sa yena sĵoro saha ni yahuducueracāhña mūsā basi. Sa yena mūsā yeatire tuhtotuna, ihcāno mehna yeya mūsā.

<sup>11</sup> *Yūhū* acaye, mūsā basi cahme tuhtina niñohiti mūsā. Sa ni yahuri Cloe ya wūhū cĵēna yūhure. <sup>12</sup> Ihquēquina mūsā mehna cĵēna ohō saha ni cahme tuhtiñohiti: “Pablo ya curua cĵāna ijiaja usā”, ni cahme tuhtiñohiti ihquēquina mūsā. Sa ye apequina “Apolo ya curua cĵāna ijiaja usā”, niñohiti tiquina gūhū. Sa ye apequina pehe “Pedro ya curua cĵāna ijiaja usā”, niñohiti tiquina gūhū. Sa ye apequina pehe “Cristo ya curua cĵāna ijiaja usā”, niñohiti tiquina gūhū. <sup>13</sup> Mūsā sa niepegūta Cristo yequina ihcā curuata iĵiaja mari. Mari basi cahme tu wa doco masiedaja mari. Ihcā curuata iĵiaja mari. *Yūhū* Cristo ijieraja. Tiquiro yero saha mūsā ye buhirire curusapū yariarigū ijierū. Tutuayere cuoeraja. Sa yegu ihyo ijigū ijiaja. Sa yero mūsare apequiro wame yero, Cristo ye tutuaye mehna wame yeri. Yee tutuaye mehna wame yerari. <sup>14</sup> Mūsare, mūsā mehna cĵēna gūhure wame yerū yūhū. Crispore, Gayo gūhure tiquina dihitare wame yei. Apequina pehere wame yerarigū yūhū ijigū quehnoare yūhure. <sup>15</sup> Peyequina masare wame yerigū yūhū ijigū “Pablo ye tutuaye mehna tiquiro wame yeri usāre”, ni ihñaboaga mūsā yūhure. Sa yegu tire cahmedu. <sup>16</sup> Estefana ya wūhū cĵēna gūhure wame yei yūhū. Topequinata wame yei yūhū. Apequinare yūhū wame yeriquinare boaa wahau yūhū. <sup>17</sup> Cristo yūhure ohoro, wame yeacĵure cūedari tiquiro yūhure. Quehnoañe buheyere buheacĵū pehere cūri yūhure. Cristo curusapū tiquiro yariarire yahuye buheye marine quehnoana wahagū yere. Tiquiro sa yepegūta quehnoañe buheyere yūhū esa tuharo yūhū buhegū yūhū pehere ihña wahāboaga mūsā. Mūsā

sa ihña wahña quehnoañe buheye pehere ño peeraboaga masa. Sa yena quehnoana wahaeraboaga. Sa yegũ Jesu ye buheyere buhegũ yũhũ esa tuharo yũhũ masiñe mehna buheraja yũhũ.

Cohãcjũ tiquiro tutuayere tiquiro masiñe gũhũre cœoriqũiro ijire Cristo

<sup>18</sup> Pecapũ butiatiquina pehe Cristo curusapũ tiquiro yariarire yahuye buheyere “Tũho masieñequina ye buheye ijire ti”, nimene butiatiquina pehe. Mari pehe Cristo tiquiro yũhdũonohatina ijina ohõ saha niaja: “Curusapũ tiquiro yariarire yahuye buheye ti waro ijiro nine. Ti buheye Cohãcjũ tiquiro tutuayere yahure marine”, niaja mari. <sup>19</sup> Cohãcjũ pehe tiquiro yere tiquina ojoari pũpũ ohõ saha nine:

Ahri yehpa cjẽnare “Quehnoano masiñequina ijire”, tiquina niñequinare tiquina masidire dũhseati ijieragũ masigũ yeitja yũhũ, niahye Cohãcjũ tiquiro yere tiquina ojoari pũpũ.

<sup>20</sup> Sa ye ahri yehpa cjẽna quehnoano masiñequina dũhseatiquina ijierare. Ʋsã acaye judio masare buheyequina gũhũ dũhseatiquina ijierare. Yojoapũre yahuducu miñniñequina gũhũ dũhseatiquina ijierare. Ahri yehpa cjẽna quehnoano masiñequina tiquina ijiepegũta masieñequina tiquina ijiyere masigũ yeri Cohãcjũ. <sup>21</sup> Cohãcjũ pũrita quehnoano masiniqũiro ijire. Tiquiro sa ijigũ ahri yehpa cjẽna tiquina esa tuharo tiquina masiñe mehna Cohãcjũre ne masiedare tiquina. Cohãcjũ tiquiro masi dutiero sahata sa wahari tiquinare. Cohãcjũre cahmeeñequina pehe ohõ saha nine quehnoañe buheye warore: “Tũho masieñequina ye buheye ijire”, nimene. Sa yeye quehnoañe buheyere “Tũho masieñe buheye”, tiquina niñe buheyere tuhoye, Cristore masi dũcare masa. Tiquina sa masi dũcagũ Cristore tiquina wacũ tutuagũ ihñaño tiquinare tiquiro yequina wahagũ yere Cohãcjũ. Sa waha dutiri tiquiro.

<sup>22</sup> Judio masa Cohãcjũ tutuaye mehna tiquiro ye ihñorire ihña duaye nine. Sa yeye griego masa pehe, judio masa ijieyequina pehe quehnoano tiquina masiatire macañe nine. <sup>23</sup> Mari pehe Cristo curusapũ tiquiro yariarire yahuye buheyere buheaja mari. Ti buheyere judio masa pehe ihña tuhtire. Sa ye ti buheyere judio masa

ijieyequina pehe “Tũho masieñequina ye buheye ijire”, ni tuhoture. <sup>24</sup> Tiquina sa ni tuhotuepegũta Cohãcjũ yequina ijiatire tiquiro beseriquina pehe ti buheyere ohõ saha nine. “Cristo ye buheye Cohãcjũ tutuayere tiquiro quehnoano masiñe masigũ yere marine”, nine tiquina ahri buheyere. Tiquina judio masa, judio masa ijieyequina ijiepete, sa nine Jesu yequina.

<sup>25</sup> Cohãcjũ masi pehoriquiro ijire. “Tiquiro tuho masieniquiro ijire”, masa tiquina ni tuhotuepegũta ahri yehpa cjẽna yũhdũoro quehnoano masi pehoriquiro ijire tiquiro. Sa yero Cohãcjũre “Tutueriquiro ijire”, masa tiquina ni tuhotuepegũta tiquina bui tutua yũhdũucariqũiro ijire tiquiro. <sup>26</sup> Ti yũhũ nidi ijirota ijire.

Yũhũ acaye, Cohãcjũ musare tiquiro yequina wahagũ tiquiro yegũ masa peyequina ihyo ijina masa ijirire wacũña masa. Ahri yehpa cjẽnare “Quehnoano masiñequina”, tiquina niñequinare meheñequinagã Jesu yequina ijiatiquinare beseahye Cohãcjũ. Sa yero puhtoa gũhũre meheñequinagã Jesu yequina ijiatiquinare beseahye tiquiro. Sa yero puhtoa pohne gũhũre meheñequinagã Jesu yequina ijiatiquinare beseahye tiquiro. <sup>27</sup> “Tũho masieñequina ijire”, tiquina niñequinare Cohãcjũ beseahye “Quehnoano masiñequina ijire”, tiquina niñequina tiquina buoro wahatire. Sa yero “Wacũ tutueyequina ijire”, tiquina niñequinare Cohãcjũ beseahye, “Wacũ tutuayequina ijire”, tiquina niñequina tiquina buoro wahatire. <sup>28</sup> Masa tiquina ihña tuhtiyequinare “Dũhseatiquina ijierare”, nine masa. Tiquina sa nidiquinare Cohãcjũ tiquiro yequina ijiatiquinare beseahye tiquinare. Sa besero “Pũhtoa waro ijire”, tiquina niñequinare ihyo ijieyequina tiquina ijiyere masigũ yeahye Cohãcjũ tiquinare. <sup>29</sup> Tiquiro sa yegũ ahri yehpa cjẽna ne ihcãqũiro “Tutuagũ, quehnoano masigũ ijiaja”, ne ni yũhdũuduca masiedare, Cohãcjũ ihñonopũ.

<sup>30</sup> Cohãcjũ pehe marine Jesu yequina ijigũ yeri. Tiquiro yequina ijina marine tiquiro yũhdũori bato ijipihtiyere decori Cohãcjũ mehna ijinata mari. Jesucristo pehe Cohãcjũ yere quehnoano masigũ yere marine. Sa yero mari ñaño buhirire cohãre.

Sa yero mari ñañe yerire cosero, marine “Quehnoañequina ijire”, Cohācjū ni ihñagū yere Cristo Cohācjüre. Sa yero marine pecapū wahaborinare yūhdūore. <sup>31</sup> Tiquiro sa yegū Cohācjū yere tiquina ojoari pūpū tiquiro ni ojoario sahata sa wahare: “Yūhū esa tuharo masi pehogu ijiaja’, ni-diquiro tire niedacāhdo. Ohō saha ni-ahdo: ‘Mari puhtoro Cristo pehe marine yūhdūoriquiro ijire’, niahdo tiquiro”, nine Cohācjū yere tiquina ojoari pūpū.

## 2

*Ahri buheye Cristo curusapū tiquiro yari-arire yahure*

<sup>1</sup> Yūhū acaye, mūsa cahapū esagu “Quehnoano masi pehoaja”, mūsare ni buherū. Cohācjū yere mūsare buhegū, sa ni buhegu niedū. <sup>2</sup> “Ohō saha ni buheitja”, nigū mūsa mehna ijigū Jesucristo ye dihitare curusapū tiquiro yariari dihitare wacūgū, ti buheyere buhei yūhū. <sup>3</sup> Sa yegū mūsa mehna ijigū ihyo ijigū yero saha ijii yūhū. Sa yegū Cohācjū yere queoro buhe duagu ijigū cuegū, nanaredigū yero saha ijii yūhū. <sup>4</sup> Sa yegū Cohācjū yere buhegū, “Masi pehoaja”, ni buherū. Tiquiro yere yūhū buhegū Espiritu Santo tutuaye mehna yūhū buhegū ihñari mūsa. <sup>5</sup> Ohō sahata ni buhei yūhū mūsare masa tiquina esa tuharo buheye pehere mūsa cahmedatire. Cohācjū pehere mūsa wacū tuatire sa ni buhei yūhū.

*Espiritu Santo pehe Cohācjū ijiye tiyere buhere marine*

<sup>6</sup> Sa yena Cohācjū ye buheyere tiquiro masiñene mūsare Jesure quehnoano wacū tutuanapūre yahuaja usā. Masa tiquina esa tuharo tiquina buheye yero saha ijierare ahri mūsare usā buheye. Ti buheye puhtoa ye buheye gūhū ijierare. Tiquina puhtoa pehe pihtia wahaeta. <sup>7</sup> Apequina tiquina masiedarire Cohācjū ye yahuducuyere yahuaja usā pehe. Panopū ahri buheyere Cohācjū yequina mūna quehnoano masi pehoerahye. Ahri yehpa ijiato pano ahri buheye ti nidiro sahata “Sata wahaahro”, ni tuhasahye Cohācjū. Marine pecapū wahaborinare tiquiro yūhdūoatire, tiquiro mehna mari ijiati gūhūre “Sata wahaahro”, ni tuhasae tiyahye tiquiro. <sup>8</sup> Tiquiro sa nigū Cohācjüre cahmeeñequina puhtoa ne tiquiro ye buheyere tūho dueraye,

masiedare. Tire quehnoano masiñe, mari puhtore Cohācjū macūno warore curusapū quē biha wejēdaboaya tiquina. <sup>9</sup> Cohācjū yere tiquina ojoari pūpū ohō saha nine:

Ijipihtiyequina Cohācjüre cahñequina ye ijiatire Cohācjū quehnoano quehno basa tuhasahye. Quehnoa yūhdūyere tiquiro quehno basahye. Tire masa ne ihñedari. Sa ye tire ne tūhoerari. Tire dūhse masino basioerare marine, nine Cohācjū yere tiquina ojoari pūpū.

<sup>10</sup> Tiquiro sa niepegūta Espiritu Santo pehe Cohācjū yere masigū yere marine. Ijipihtiyē Cohācjū yere Espiritu Santo masi pehore. Sa masino tiquiro marine tire masigū yere.

<sup>11</sup> Ne apequina pehe masūno tiquiro masiñene ne masiedare. Sa ijiepegūta masūno pehe tiquiro esa tuharo tiquiro wacūñepū tiquiro tūhotuyere masine. Sata apequina Cohācjū tiquiro masiñene ne masiedare. Cohācjū yaquiro Espiritu Santo dihita tiquiro masiñene masine, masūno tiquiro esa tuharo tiquiro wacūñene tiquiro masino sahata. <sup>12</sup> Sa yena mari pehe Jesu yequina ijina masa tiquina esa tuharo tiquina buheyere cūoeraja. Cohācjū yaquiro Espiritu Santore ohori marine masigū yero taro. Marine tiquiro quehnoano yeatire masigū yere Espiritu Santo pehe. <sup>13</sup> Sa yena Cohācjū yere mūsare buhena, masa ye masiñe mehna usā esa tuharo buheraja usā. Espiritu Santo tiquiro buheye pehere mūsare buheaja. Sa buhena Espiritu Santore cūoyequinare Cohācjū yere quehnoano buheaja usā.

<sup>14</sup> Espiritu Santore cūoyequina pehe Espiritu Santo yere ne cahmedare. “Tiquiro ye ihyo warota ijire”, nimene tiquina. Espiritu Santo tiquiro yedohoro marieno tiquiro yere masino basioerare masare. Sa ye tiquina tiquiro yere ne masiedare. Espiritu Santo yedohoro mehna tiquiro yere masiaja mari. <sup>15</sup> Espiritu Santore cūoyequina pehe Cohācjū yere quehnoano masine. Apequina pehe tiquinare “Quehnoañequina ijire. Ñañequina ijire”, ni bese masiedare Espiritu Santore cūoyequinare. <sup>16</sup> Ohō saha nine Cohācjū yere tiquina ojoari pūpū: “Mari puhtoro Cristo tiquiro tūhotuyere masiñequina

ne mariedare. Sa ye tiqirore masa duti masiedare”, nine tiqirore yere tiquina ojoari pūpū. Mari pehe Cristo yequina ijina, Cristo yero sahata masiaja.

### 3

*Jesu yequina ihcāno saha Cohācjūre dahra cohteyequina ijire*

<sup>1-2</sup> Yuhū acaye, musare buhegū Espiritu Santore quehnoano yuhtieyquinare yuhū buheriro sahata buhe masiedū musa pehere. Cristo yequina ijiepenata, macanagā dihire tiquina ihya masieno saha Cohācjū yere quehnoano masiedare musa. Yojoṛpū gāhure quehnoano masiedañohti musa. Ahri yehpa cjēna űaűequina yero saha tūhotuñohti musa. Sa yena macanagā epēcore tiquina apūno saha mijoeda cjūűe buheye dihitare tūhoñohti musa. Sa yegū ti yero saha ijiye buheye dihitare buhei musare. Cristo yequina ijiepenata macanagā tiquina ihya masieno sahata Cristo yere quehnoano masiedañohti musa. <sup>3</sup> Musa pehe musa mehna cjēnare cahme coona, cahmequena, musa basi ihquē cururi tu wadūca sana, Espiritu Santore cuoeyequina yero saha yena niñohti musa. Sa yena ahri yehpa cjēna Cristore cahmeűequina yero saha yeñohti musa. <sup>4</sup> Ohō saha niñohti musa: “Pablo ya curua cjāna ijiaja usā”, niñohti musa ihquēquina. Sa yena apequina musa mehna cjēna pehe “Apolo ya curua cjāna ijiaja usā”, niñohti. Musa sa ni yahuducuna Espiritu Santo marieűequina yero saha ni yahuducuñohti musa.

<sup>5</sup> ¿Yuhū Pablo, Apolo mehna duhseanaja ijiajari usā, musa tūhotugū? Ohō saha yeana ja ijina niaja usā: Cohācjū tiqirore dutiriro sahata tiqirore dahra cohtena ihyo ijina ijiaja usā. Sa yena musare usā buhegū tūhona Jesucristore wacū tutua dūcare musa. <sup>6</sup> Quehnoaűe buheyere buheyequina wesepū dahrayequina yero saha ijire, mari queoye mehna buhegū. Wese upūro tiqirore ote muhtariro saha yuhū gāhū musare buhe muhtau. Sa yero apequiro wesere tiqirore cure nūnū tāno saha Apolo pehe yuhū bato musare buhe nūnū tāri. Usā sa buhepegūta wese cjē oteyere buca nemoḡū tiqirore yero saha Cohācjū pehe musare tiqirore yere masi nemoḡū

yero. <sup>7</sup> Sa yegū yuhū buhe muhtarigu ijiepegūta ihyo ijigū ijiaja. Sa yero Apolo yuhū bato buhe nemoriquiro gūhū ihyo ijiriquirota ijire. Cohācjū pūrita oteyere tiqirore buca nemoḡū yero saha tiqirore yequinare tiqirore masi nemoḡū yere. Sa yena Cohācjū pehere űo peoro cahmene musare. <sup>8</sup> Ote muhtariquiro, came cure nūnū tāriquiro ihcāno saha dahra cohteyequina ihyo ijieyequinata ijimene tiquina. Sa ye tiquina dahrariro punota wapatare tiquina. Sata ijiaja usā, Apolo mehna. <sup>9</sup> Sa yena usā Cohācjū yere dahra cohtena ijiaja. Sa yero Apolo yuhū mehna cjāno ijire. Usā sa ijigū musa pehe Cohācjū ya wese yero saha ijire. Musa sa ijigū Cohācjū ya wese cjē oteyere tiqirore buca nemoḡū yero saha musare tiqirore yere masi nemoḡū yerota tiqirore.

Sa ye Cohācjū musare tiqirore yequinare quehnoari curua yero nine. Sa yena utā mehna tiquina yeri wuhū yero saha ijire musa tiqirore ya curua cjāna, mari queoye mehna buhegū. <sup>10</sup> Musa sa ijigū Cohācjū yuhūre tiqirore dutiriro sahata yuhū pehe wuhū dahre mihnidiquiro utāre tiqirore cū muhtariro sahata Jesucristo yere musare buhe muhtau. Sa yero ti utā paca bui apequiro tiqirore ye nemo mujano sahata apequiro yuhū bato buhe nemo nūnū tāno nine. Sa buhe nemono quehnoano mehna buherota. Sa yero Cristo ye dihitare buherota tiqirore. Sata buheahro tiqirore. <sup>11</sup> Wuhūre tiquina dahre dūca tiquina cū muhtaria utā yero saha ijire Cristo. Sa yena ti utāre usā quehnoano cū muhtariro saha Cristo yere buhe tuhasau. Apequiro ye buheye pehere mari buhegū quehnoadaga.

<sup>12-15</sup> Uru mehna, plata mehna, wapa bujūye utā paca mehna mari yeri wuhūre mari ujūa tuhugū ujūedare. Sata Jesucristo yere mari quehnoano yeri bato pihtiri deco ijigū Cohācjū mari yerire ujūa tuhuriro saha yero mari yerire masino taro. Sa tiqirore yegū quehnoano yeri wuhū ujūedariro saha mari yerire ti quehnoaűe ijigū masinota. Sa yero mari quehnoano yerina mari ijigū masigū yerota tiqirore. Quehnoano mari yeri wapa quehnoano yerota marine.

Sa yero yucari mehna, taa mehna, űaidi pūri mehna mari yeri wuhūre mari ujūa tuhugū ujūa wahare. Sata Jesucristo yere

mari quehnoano yerari bato pihtiri deco ijigū, Cohācjū mari yerire ujāa tuhuro yero saha yerota mari yerire masino taro. Sata tiqiro yegū ñano yeri wuhū ti wuhū ujūriro saha mari yerire ñañe ijigū masinota. Sa yero mari quehnoano yerari bato ijigū marine masigū yerota tiqiro. Sa yero quehnoano yerarina mari ijigū ihñano quehnoañene mari yemedi wapare quehnoano yesi marine. Sa ijyeyuinare Cohācjū yuhduorota. Sa ye sa quehnoano yerariquina mehenogā mehna yuhdueta.

<sup>16</sup> Musa pehe Jesu yequina Cohācjū ya wuhū yero saha ijire. Musa sa ijigū ihñano ti wuhūpū tiqiro ijiboro saha Espiritu Santo pehe musa mehna ijire. ¿Tire masiedajari musa? <sup>17</sup> Cohācjū ya wuhū ñañe marieni wuhū ijire. Sa yena musa gūhū ti wuhū yero saha ijina tiqiro yequina waro ijire. Sa yero Jesu yequinare ihcāquiro dojomehnegū Cohācjū pecapū cohānota tiqiro pehere.

<sup>18</sup> Ni mehoñene tuhoturacāhña musa. “Yojopū cjēna ye masiñene quehnoano masiaja”, ni tuhoturiquiro musa mehna cjūno ijiro Jesu ye pehere quehnoano masi-ahdo. Tiquiro sa masigū ihñañe apequina tiqirore “Tūho masieni-iquiro ijire”, nieta. Sa yero Jesu ye masino, potota quehnoano masidiquiro waharota. <sup>19</sup> Masa esa tuharo tiquina basi tiquina masiñene “Ihyo warota ijire”, ni tuhature Cohācjū. Sata nine Cohācjū yere tiquina ojoari pūpū: “Tiquina esa tuharo masiñequina tiquina masiñe dūhseati ijierare, Cohācjū tiqiro ihñagū. Sa yero tiquina cahmeno saha yeragū yere tiquinare”, nine Cohācjū yere tiquina ojoari pūpū. <sup>20</sup> Sa ye ape pūpū ohō saha nine: “Masa tiquina esa tuharo masi pehoyequina tiquina tuhutuye dūhseati ijieragū masine mari puhtoro Cohācjū pehe”, nine Cohācjū yere tiquina ojoari pūpū.

<sup>21-22</sup> Sa yena “Pablo ya curua cjāna ijiaja usā”, niedacāhña. “Apolo ya curua cjāna ijiaja usā”, niedacāhña. “Pedro ya curua cjāna ijiaja usā”, niedacāhña. Usā ijipiltina musa yequina dihita ijiaja. Ijipiltiye musa ye ijire. Cohācjū tiqiro bajumehnedire, catiye gūhūre ohori musare. Sa yero pecapū wahaeragū yerota musare. Yojopū ijyere, camepū ijiati gūhūre musare ohorota. Sa ye ijipiltiye musa ye ijire. <sup>23</sup> Sa

yena musa pehe Cristo yequina ijire. Sa yero Cristo pehe Cohācjū yaquiro ijire.

## 4

*Cristo tiqiro yere buhe duti tiqiro cūriquina tiquina dahrayere yahuahye Pablo*

<sup>1</sup> Ohō saha ni tuhutuya musa yuhūre Apolo gūhūre: “Tiquina Cristore dahra cohteyequina ijire. Sa ye masa tiquina masiedarire Cohācjū yere buheyequina ijire”, ni, tuhutuya musa usāre. <sup>2</sup> Dahra cohteyequinare tiquina puhtoro tiqiro dutiriro saha ye cohtero cahmene tiquinare. Yuhū gūhūre sata yero cahmene Cristore. <sup>3</sup> Sa ijiepegūta yuhūre musa yahu wajaepēgūta sa tuhutu cjā yuhū. Apequina puhtoa yuhūre tiquina yahu wajaepēgūta sa tuhutu cjā yuhū. Yuhū yerire ihñano “Ahri quehnoañe ijire. Ahri ñañe ijire”, ni masiedare musa. Yuhū gūhū masūta ijiaja. Sa yegu yuhū yerire quehnoano masi pehoeraja yuhū gūhū. <sup>4</sup> “Cristo yere yuhū yuhduducari yuhūre mariedare”, ni tuhutumaja yuhū. Yuhū ohō saha ni tuhutuepegūta buhiri tiboaga yuhū. Mari puhtoro Cristo dihita yuhū yerire ihñano, quehnoano masine. <sup>5</sup> Sa yena mari puhtoro tiqiro tojoa tato pano masare ñano ni yahu wajaeracāhña musa. Tiquiro tojoa taro masa tiquina yerire, panopū apequina tiquina masiedarire Cristo masigū yerota. Sa yero mari ye duayere, mari tuhutuyere tiqiro masigū yerota. Sa yero tiqiro yere yeriquinare “Musa quehnoano yeri”, ninota Cohācjū.

<sup>6</sup> Yuhū acaye, yuhū Apolo mehna usā buherire yahuu yuhū, musare buhegū tagū. Sa ni yahuu yuhū Cohācjū tiqiro yere tiquina ojoari pūpū tiqiro nidiro sahata musa yeducuatiye. Sa yena musa mehna cjēnare ihcāno saha cahme ño peoya. Ihcāquiroreta ño peoeracāhña. <sup>7</sup> Musa pehe apequina yuhduoro quehnoana ijierare. Masi yuhduducana ijierare musa. Cohācjū musare tiqiro ohori dihitare cuore musa. Sa yena musare tiqiro yahuri dihitare masine musa. ¿Musa esa tuharo cūona, musa esa tuharo masina ijierapenata, dūhse yena “Masi pehona ijiaja”, nijari musa? Sa nina “Cohācjū usāre ohoerari. Sa yero usāre yahuerari”, niboriro saha yere musa.

<sup>8</sup> Musa pehe “Cohâcÿu yere masi pehoaja usâ. Usâre yabe boro duhsaerare”, nimene musa. Sa yena musa cahapû usâ ijier-agû musa ohô saha ni tuhutumene: “Puh-toa yero saha masina ijiaja usâ”, ni tuhutumene musa. Potota Cohâcÿure masi pehona puh-toa yero saha masina musa ijigû musare quehnoa yuhduaboaga. Musa sa ijigû musa mehna usâ gûhu puh-toa yero saha masina ijiboaga. “Masina ijiaja usâ”, ni tuhutumene, quehnoa yuhduaro ni tuhutumene musa. <sup>9</sup> Ohô saha ni tuhutuaja yuhû pûrita: Usâre Jesu tiquiro yere buhe dutiro cûno, ijiphiyequina iji bato tiri cÿa curua cûri usâre. Tiquina wejê dutinohriquina yero saha ijanare cûri usâre. Masa tiquina cahacÿena yero saha ijiaja usâ. Ahri yehpa cÿena masa, angele gûhu cahacÿena yero saha ihñare usâre. <sup>10</sup> Cristo yere usâ buhegû ihñañe “Tuhô masieñequina ijire”, nine masa usâre. Sa Cristo yere usâ yegû ihñañe, usâre ihña tuhtire. Musa pehe quehnoa yuhduaro Cristo yere masina ijiajari musa. “Cohâcÿure wacû tutueyequina ijire”, ni tuhutumene masa usâre. Musa pehe quehnoa yuhduaro wacû tutua yuhduana ijiajari. Musa pehere masa ño peore. Usâ pehere masa ne ño peoerare. <sup>11</sup> Usâ pehe yojopure ñano yuhduana, uÿua ahbana, aco wûona, ñano suhti mariena, wuhuse mariena ijiaja. Sa ye apequina usâre ño peoera, usâre ñano yere. <sup>12</sup> Sa yena usâ tutuaro dahraja. Sa yena apequina usâre tiquina ñano yahuducuepegûta usâ pehe tiquinare “Quehnoano ijiya”, niaja usâ. Sa yena apequina usâre ñano tiquina yepegûta sa tuhutu cÿa usâ. <sup>13</sup> Sa yena “Ñano yeyequina ijire”, usâre tiquina niepegûta usâ pehe quehnoano mehna tiquinare yuh-tiaja. Sa ye panopû, yojopû gûhure ñañe wete yero saha masape cururi iji bato tiri curua cÿena yero saha ihñare masa usâre.

<sup>14-15</sup> Musare quehnoañe buheyere buhe muhtagu musa pacu yero saha wahaû yuhû. Peyequina musare Cristo yere buheyequina tiquina ijiepegûta musare buhe muhtarigu ihcûta ijiaja yuhû. Sa ijigû musare bæ tigû yegu tagu ahrire ojoagu niedu yuhû. Yuhû pohñare, yuhû cahinare yuhû dutiboriro saha musare quehnoano mehna dutigu tagu ahrire ojoagu yuhû. <sup>16</sup> Sa yegu ahrire musare tutuaro mehna dutigu tagu niaja

yuhû. Yuhure ihña cuña musa.

<sup>17</sup> Ahrire ye dutigu tagu musa cahapû Timoteore ohou. Tiquiro yuhû macu yero saha ijiriquiro yuhû cahiniquiro mari puh-toro Jesu yaquiro ijire. Sa yero Cristo yere yeducure tiquiro. Cristo yere mari yeatire ijiphiyequina Jesu yequina cahapû buhei yuhû. Timoteo tire musare wacûducugû yerota. Sa yegu Cristo yere yuhû yeriro sahata musa ihña cûato saha Timoteore ohou yuhû. <sup>18</sup> Timoteore yuhû ohogû ihquëquina musa mehna cÿena puh-toa iji duayequina ohô saha nine: “Pablo marine cuero, mari cahapû ahtasi”, ni tuhutumene tiquina. <sup>19</sup> Cohâcÿû cahmegû musa cahapû mianogâta esautja. Sa esagu puh-toa iji duayequinare musa mehna cÿenare Cohâcÿû ye tutuayere tiquina cuogû masigutja yuhû. Sa yegu tiquina sa ni maca cûri gûhure masigutja yuhû. <sup>20</sup> “Cohâcÿû usâ puh-toro ijire”, mari ni yahuepegûta tiquiro yere mari yeragû ti mari niñe duhseati ijierare. Cohâcÿû tutuaye mehna tiquiro cahmeno saha ye masiaja. Ti ihyo waro ijierare. <sup>21</sup> ¿Musa cahapû musare buhiri dahreacÿu musare tuhtiacÿu yuhû wahagû cahmeajari musa yuhure? ¿O musare cahÿgu musare bucuegu yuhû wahagû cahmeajari musa yuhure? ¿Duhse ijigû yuhû wahagû cahmeajari musa?

## 5

*Corinto cÿena tiquina wûana tirire yahuahye Pablo*

<sup>1</sup> Potota ohô saha quiti tire usâre apequina: Ihcâquiro musa mehna cÿeno tiquiro muonore wûana tiñohti. Sa ni yahuri masa usâre. Apequina pehe Cohâcÿure cahmeeñequina ijiepetâ tiquina pehe sa yerare. <sup>2</sup> Musa mehna cÿano tiquiro sa yepegûta musa pehe “Quehnoana ijiaja usâ”, ni tuhutumene. ¿Duhse yena tiquiro ñano yeyere masiepenata buÿua witiarajari musa? Sa yena sa ñano yeriquirore musa mehna Jesu yequina mehna ijiriquirore cohâña musa. <sup>3-4</sup> Yuhû musa mehna ijierapegûta yuhû wacûñepû musa mehnata ijiaja yuhû. Sa yegu musa mehna ijigû yuhû niboriro saha ñano yeriquirore tiquiro sa ñano yeri buhiri buhiri dahre duti tuhasaja yuhû. Jesu tiquiro dutiro mehnata sa ye dutiaja. Sa yena musa cahmecoana yuhû

wacũñe mehnapu m̄sa mehna yũhu ijigũ mari puhtoro Jesu tiquiro tutuaye mehna tiquirore ñano yeriquirore cohãna, ohõ saha niña: <sup>9</sup>“Watĩno tiquiro cahmeno saha muhũre yecũnahdo”, niña tiquirore. Sata niña tiquirore ñañene tiquiro tutuaro cahmeñene tiquiro duhuatire. M̄sa sa cohãgũ tiquiro ñano yuhdurota. Mari puhtoro Jesu tiquiro tojoa tati deco ñano yeriquiro Jesu mehna tiquiro quehnoano yuhduatire yojopũre tiquirore sa niña.

<sup>6</sup>“Quehnoana ijiaja usã”, niepenata ñano yena niaga m̄sa. Ñano yeriquirore m̄sa sa ihña cãna, ti ñañene m̄sa ijipihtina piha pihtia wahanata. Pãre pugũ yeye trigore ti quehnoano sehsaro saha ti ñañe musare piharo quehnoano sehsaa waharota. ¿Tire masiedajari m̄sa? <sup>7</sup>Yũhu acaye judio masa pascua ijigũ ovejare wejẽ, ujuã m̄so, Cohãcjũre ño peore. Sata oveja tiquiro yariariro saha Cristo mari ñañe buhirire yariaa wahahye. Tiquiro sa waharire masina m̄sa pehe ñano yeriquirore m̄sa mehna cjũnore cohãña ti ñañe musare “Pihari” nina. M̄sa ñañe yerire cohã tuhasari Cristo. Sa yena ñano yeriquirore cohãña “Pari turi ti ñañene pihari”, nina. <sup>8</sup>Pãre pugũ yeye trigore ti sehsari saha panopũ ñañene ihña cũ, ye pihtirina ijimi mari. Sa yena pascua bose decopũ pãre pugũ yeye marieno pãre tiquina ihyariro saha mari gũhu ñañene cahmeno marieno ñano yero marieno ijiihna mari. Panopũ mari ñañene yeriro saha yeracãhna. Sa yena potota quehnoano tuhutuye mehna, quehnoañene yeihna.

<sup>9</sup>Musare yũhu ojoari pũpũre Jesu yaquiro tiquiro ijiepegũta sa wũana tiducuriquirore ne piti ti dutierami. <sup>10</sup>Sa nigũ wũana tiyequinare, apequina yere tutuaro cahmeñequinare, yaqueyequinare, “Cohãcjũ ijire”, tiquina niñe queoyere ño peoyequinare Jesu yequina tiquina ijieragũ “Tiquina mehna ijieracãhña”, niedaja. Ahri yehrapũ sa ijieyequina marieno Jesure cahmeñequina marieno mari dihita iji masiedaja. Ijipihtiropũre ijire tiquina pehe. <sup>11</sup>Sa yegu musare ojoagu ohõ saha dutimi: M̄sa mehna cjũno “Jesu yaquiro ijiaja”, nidiqiro ijieperota numino mehna ñano yeriquiro, apee borore tutuaro cahmediquiro, “Cohãcjũ ijire”, tiquina niñe queoyere ño peoriquiro, ñano quiti

yeducuriquiro, queheriquiro, yaqueriquiro tiquiro ijigũ tiquirore piti tieracãhña. Sa yeriquiro “Jesu yaquiro ijiaja”, nidiqiro ijigũ tiquirore piti tieracãhña. Sa yena sa yeriquiro mehna ihyeracãhña. <sup>12</sup>Sa yegu Jesu yequina ijieyequinare tiquina ñañe yeri buhirire buhiri dahre dutirigu ijieraja yũhu. Sa yũhure yeraro cahmene. Yũhu sa niepegũta m̄sa mehna cahmecoañequina Jesu yequina m̄sa basi m̄sa yerire ihñana, masino cahmene musare. Sa ihña cãdaro cahmene. Sa yena tiquina ñano yegũ ihñana musare buhiri dahrero cahmene tiquinare. <sup>13</sup>Jesu yequina ijieyequina pehere Cohãcjũ pehe buhiri dahrerota. Sa yena m̄sa pehe m̄sa mehna cjũnore ñano yeriquirore buhiri dahrena tiquirore cohãña.

## 6

*Jesu yequinare yahusãrire yahuahye Pablo*

<sup>1</sup>¿Musa basi cahme ihña tuhti yahusã duana dahse ijiro boro Jesu yequina ijieyequina cahapu m̄sa acayere Jesu yequinare yahusãna wahajari? Jesu yequinare m̄sa mehna cjẽnare yahusã duana apequina Jesu yequinare tire yahuro cahmene musare. Sa ye Jesu yequinapu beseahro. <sup>2</sup>Pihtiri deco ijigũ mari Jesu yequina pehe masa ijipihitiyequina tiquina yerire ihñana besenata mari tiquinare. ¿Tire masiedajari m̄sa? Sa yena pihtiri deco ijigũ masa ijipihitiyequinare beseatina ijina, yojopũ gũhure bese masiaja mari. Sa yena yojopũre ihyo ijijegã buhiri gũhure bese masiaja mari. <sup>3</sup>Angele tiquina yerire ihñana tiquina gũhure besenata mari. ¿Tire masiedajari m̄sa? Mari sa beseatina ijina potota ti yuhduoro yojopũ gũhure Jesu yequina tiquina yerire ihñana bese masiaja mari. <sup>4</sup>¿Sa yena dahse yena m̄sa mehna cjẽnare yahusã duana Jesure cahmeñequina cahapu ihyo ijijegã buhirire yahusãna wahajari m̄sa? <sup>5</sup>Ahrire nigũ niaja m̄sa queoro yerarire m̄sa bujuã witiatire. ¿Musa mehna cjẽnare m̄sa cahme duse tini wiagũ musare yahuatiquiro m̄sa mehna cjũno quehnoano masiniquiro mariedajari? Ijire. <sup>6</sup>Sa ijiepegũta m̄sa mehna cjũno Jesu yaquiro apequiro Jesu yaquirore yahusã duaro Jesu yequina ijieyequinare yahusãno wahare.

<sup>7</sup> Masare beseyequina puhtoah cahapu musa mehna cjenare yahusana Cohacjü ye pehere yuhduducana nine musa. Apequiro musa mehna cjäno musare ñano tiquiro yegü sa tuhutu cäboaga musa. Jesu yequina ijieyequinare musa yahusäto pano musa acayarore musa sa tuhutu cägü quehnoa yuhduaboaga. Jesu yaquiro musare tiquiro yaquegü tiquirore musa yahusäto pano tiquiro yaquerire musa sa tuhutu cägü quehnoa yuhduaboaga. <sup>8</sup> Musa gähu sa ijinata ijire. Apequinare ñano yere musa. Sa yena yaquere musa. Sa yena apequina musa mehna cjäna Jesu yequina tiquina ijiepegüta tiquinare ñano yena, yaquere musa.

<sup>9</sup> Sa yeyequina Cohacjü puhtoro ijiropure uhmusepüre waha masiedare. ¿Tire masiedajari musa? Ni mehoñene tuhutueracähña musa. Mari puhtoro ijiropü ne wahasi ohö saha yeyequina: Wuana tiyequina, “Cohacjü ijire”, tiquina niñe queoyere ño peoyequina, numia mehna ñano yeyequina, umua mehna ñano yeyequina numia, umua sehsharo tiquina paguri mehna ñano yeyequina, numia sehsharo tiquina paguri mehna ñano yeyequina numia, <sup>10</sup> ni meho ehmañequina, apequina yere tutuaro cahmeñequina, queheyequina, masare ñano tuhtieyequina, yaqueyequina, ne Cohacjü puhtoro ijiropure uhmusepüre waha masiedare. <sup>11</sup> Panopure musa gähu sa yerina ijimedi. Sa yemedina musa ijiepegüta yojopure musa ñano yerire cose tuhasari Jesucristo pehe. Sa tiquiro cosenohrina musa ijigü tiquiro yequina ijiatinare yeri Cohacjü musare. Sa yero “Quehnoana ijire”, ni ihñare musare tiquiro. Sata yere musare mari puhtoro Jesucristo, Espíritu Santo gähu tiquina tutuaye mehna.

*Mari paguri Cristo ye paguri ijire*

<sup>12</sup> “Yuhü cahmeno saha ye masiaja yuhü”, nine ihquëquina. Sata ijire. Yuhü gähu sa nidigü ijiepegüta tire yegü apequinare yedohorigü ijieraboaga yuhü. Yuhü cahmeno saha ye masiaja. Sa ye masiepegüta ihquë tahari sa yegü ijigü duhu masiedaboaga yuhü. Sa yegü tire pari turi yesi yuhü, “Duhu masiedaboaga”, nigü. <sup>13</sup> Ohö saha nine musa: “Ijipihtiye ihyaye mari paa cjä ijiati ijire. Sa yero mari paa ihyaye

pose tiati paa ijire”, nine musa. Ti ijirota ijire. Sa ijieperota came Cohacjü pehe mari ihyaye mari paa gähure pihitia wahagü yerota. Sa ye mari ihyaye ihyo warota ijiro nine. Ihyaye mari paa cjä ijiati ijire. Sa ijieperota mari paguri numia mehna ñano yeati paguri ijierare. Mari paguri pehe mari puhtoro Cristo ye paguri ijieye nine. Sa yero mari puhtoro pehe mari pagurire quehnoano yeatiquiro ijire. <sup>14</sup> Sa yero Cohacjü tiquiro tutuaye mehna mari puhtoro Cristore masoahye. Sa tiquiro yero saha mari gähure masonota tiquiro.

<sup>15</sup> ¿Sa yena musa paguri Cristo ye paguri ijigü masiedajari musa? ¿Ti sa ijigü Cristo ya pagü mehna wuana tiricoro mehna mari ñano yegü quehnoajari? Quehnoaedare. <sup>16</sup> Wuana tiricorore ñeheniquiro tiquiro pagü pehe ticoro ya pagü mehna ijiro, ihcä pagü yero saha ijire. ¿Tire masiedajari musa? Sata ni ojoahye Cohacjü yere tiquina ojoari püpu: “Tiquina puaro ijiepetä ihcä pagü yero saha wahare”, ni ojoahye. <sup>17</sup> Mari puhtoro Jesu tiquiro yaquiro masuno mehna ijiro nine. Sa yero masuno mari puhtoro mehna puaro ijiepetä ihcä pagü yero saha ijire.

<sup>18</sup> Sa yena wuana tieracähña. Tire musa yabiro saha tire yeracähña. Apeye ñañene mari yena mari pagure dojomehnedaja. Wuana tiriquiro pehe tiquiro pagure ñano dojomehnene. <sup>19</sup> Espíritu Santore marine ohoi Cohacjü. Sa yero mari paguri mehna ijire Espíritu Santo. ¿Tire masiedajari musa? Sa ye musa paguri, musa jeripohnari gähu musa ye waro ijierare. <sup>20</sup> Musa ñañe buhirire buhiri dahre tuhasari Cristore. Sa yena tiquiro yequina waro ijire musa. Tiquiro yequina ijina musa paguri mehna Cohacjü tiquiro cahmeno saha yeya. Sa yena Cohacjüre ño peona nine musa. Sa yena apequina gähure tiquirore ño peogü yena nine.

## 7

*Namo tiyere yahuahye Pablo*

<sup>1</sup> Yojopure yuhüre musa sinitu ojoarire yuhü gähu yuhti cahmegü tagü naja: Masuno namo tieragü quehnoare, yuhü ihñagü. <sup>2</sup> Ti sa ijiepegüta apequina umua pehe namo tiahro apequina numia mehna tiquina “Ñano yeati”, niñe. Sa ye ihquë



numiata manu tiahro apequina mehna tiquina “Ñano yeari”, niñe. <sup>3-4</sup> Manu tioro pagu tioro ya pagu dihita ijierare. Tioro manño ya pagu gũhu ijire. Tioro manño gũhu tiqiro pagu tiqiro ya pagu dihita ijierare. Tiquiro namono ya pagu gũhu ijire. Sa yena msa umua pehe msa namosãnumiare quehnoano cuoya. Sa yena msa numia gũhu msa manusũmare “Yũhu pagure pihercãhña”, niedacãhña. <sup>5</sup> Sa ijiepegũta Cohãcjũre puaro msa sini duana “Meheñe decorigã yũhu mehna ijieracãhña. Cohãcjũre siniilhna”, ihcãno mehna sa nina, sa ye masine msa. Msa sa nidi bato msa iji mũhtariro saha ijiducuya tja, Satana musare “Ñano ye dutiari”, nina. “Apequina mehna ñano yeboaga”, nina, msa basi piti ti duhueracãhña. Msa iji mũhtariro saha ijiducuya tja.

<sup>6</sup> Ahrire musare yojopu yũhu nidire nigu musare dutiye waro mehna niedaja. Sa yahugũ niaja msa yeatire msa masiatire. <sup>7</sup> Ijiphtina msa yũhu yero saha namo tienam msa ijigũ quehnoaboaga yũhure. Sa iji duepenata mari ijiphtina ihcãno saha ijieraja. Ihquẽquinare namo ti dutire Cohãcjũ. Sa yero tiqiro ihquẽquinare namo ti dutiare.

<sup>8</sup> Sa yegũ namo marienare, manu marienare, wape wiha numia gũhure ohõ saha niaja musare: Namu mariena, manu mariena iji masina, sata iji cãhña yũhu yero saha. <sup>9</sup> Sa iji masiedana tutuaro ñañene cahmena, namo tiya. Sa yena manu tiya. Ñañene msa tutuaro cahmegũ quehnoaedare musare. Msa sa tutuaro cahmegũ msa namo tigũ pũrita quehnoarĩne. Sa yena msa manu tigũ gũhure quehnoarĩne.

<sup>10</sup> Msa namo tinare, manu tina numiare ohõ saha dutiaja. Yũhu sa niepegũta yee dutiye waro ijierare ahri. Mari puhtoro Cristo ahrire dutire: Msa numia pehe msa manusũmare cohãedacãhña. <sup>11</sup> Msa manusũmare cohãna, manu mariena numia tojoaya. Sa tojoerana pari turi msa manusũma mehna quehnoano ijiya tja. Sa yena msa gũhu umua msa namosãnumiare cohãedacãhña.

<sup>12</sup> Sa yegũ msa gũhure apequinare ohõ saha niaja yũhu. Mari puhtoro tiqiro dutiye ijierare ahri. Yũhu pehe ohõ

saha niaja musare: Ihquẽquina msa mehna cjẽna Jesu yequina pehe Jesure cahmeeñequina numiare namo tiriquina ijire. Sa ye tiquina namosãnumia tiquina mehna tojoa duagũ tiquina numiare cohãedacãhdo tiquina. <sup>13</sup> Sa ye ihquẽquina msa mehna cjẽna numia Jesu yequina numia Jesure cahmeeñequinare manu tiriquina numia ijire. Sa ye tiquina manusũma tiquina numia mehna tojoa duagũ tiquinare cohãedacãhdo. <sup>14</sup> Msa manusũma Jesure cahmeeñequina ijiepegũta Jesu yequina numiare tiquina namo tigũ, Cohãcjũ quehnoañequina yero saha ihñare tiquinare. Sa yena msa umua pehe Jesu yequina msa ijigũ msa namosãnumia Jesure cahmeeñequina numia ijiyoaga. Tiquina sa ijiepegũta msa mehna tiquina numia manu tigũ Cohãcjũ quehnoañe numia yero saha ihñare tiquina numiare. Tiquiro sa ihñedagũ msa pohna Jesure cahmeeñequina pohne yero saha ihñaboaga Cohãcjũ. Sa yero tiquina pohne gũhure quehnoañequina yero saha ihñare Cohãcjũ. <sup>15</sup> Sa ye msa umua pehere msa namosãnumia Jesure cahmeeñequina numia musare cohã duaye, sata yeahro. Msa manusũma gũhu sa cohã duaye, sata yeahro. Quehnoano mari ijigũ cahmene Cohãcjũ. Sa yero tiquina numia Jesu yequina ijieye numia musare cohã duagũ “Tiquina numia mehna ijiniña”, ni, dutiare Cohãcjũ. <sup>16</sup> Tiquina namosãnumia Jesu yequina numia pehe quehnoano yegũ ihñañe camerũ tiquina manusũma Jesure cahmeboaga. Sa cahmegũ Cohãcjũ tiquinare pecarũ wahaboriquinare yũhduorota. Sa ye tiquina manusũma Jesu yequina pehe quehnoano yegũ ihñañe camerũ tiquina namosãnumia Jesure cahmeboaga. Sa cahmegũ Cohãcjũ tiquina numiare pecarũ wahaboriquina numiare yũhduorota. Sa Jesure cahmeboriquina tiquina ijiepegũta potota Jesure tiquina cahmeatire masiyuro basioerare musare.

<sup>17</sup> Sa yena ijiphtina msa mari puhtoro Cristo musare tiqiro iji dutiriro sahata yeya. Sa yena Cohãcjũ musare tiqiro cũrire yeya msa. Tire ijiphtieyquina Jesu yequinare sa ye dutiducuya yũhu. <sup>18</sup> Jesu yequina msa ijiato pano cuhnucunũ sohtoa cahserogãre yũhure nena ijina,

tire ihña yabieracãhña. Sa yena Jesu yequina msa ijiato pano cuhnucunã sohtoahserogãre yãhre nedarina ijina yojopũ gãhũre sata ijuducuya. <sup>19</sup> Yojopũre ti cahserogãre yãhre nedina msa ijigũ dũhseati ijierare. Tire yerarina msa ijigũ gãhũre dũhseati ijierare. Sa ijiepegũta Cohãcũ dutiyere mari yegũ ti pũrita ihyo waro ijierare. <sup>20</sup> Sa yena Cohãcũ Jesu yequina msare tiqiuro cũri pje msa ijiriro sahata tojoaya. <sup>21</sup> Jesu yaquiro mũhũ iji dũcato pano apequiro cahacũ mũhũ ijigũ quehnoanota. Sata tojoaya. Mũhũ pũhtoro mũhũre tiqiuro wio duagũ pehere wijiaya mũhũ. Mũhũ wijiagũ quehnoanota mũhũre. <sup>22</sup> Sa yero mari pũhtoro Jesu yaquiro ihcãquiro ijiro masũno cahacũno ijieperota Jesu tiqiuro yũhdũoriquiro ijire. Sata apequiro mari pũhtoro Jesu yaquiro ijiro, masũno cahacũno ijieraperota Jesu cahacũno ijire tiqiuro gãhũ. <sup>23</sup> Mari ñãñe buhirire buhiri ti tuhasahye Cristo. Sa yena tiqiuro dihitare potota msa pũhtoro waro tũhotuya msa. Apequina msare tire tiquina ye dutieragũ tiquinare tũhoeracãhña. <sup>24</sup> Sa yena yũhũ acaye, Jesu yequina ijiatiquina Cohãcũ msare tiqiuro cũri pje msa ijiriro sahata tojoaya. Sa tojoana Cohãcũ mehna cjãna ijiya.

<sup>25</sup> Yojopũre namo marienare, manũ mariena numia gãhũre yahu duaja msare. Mari pũhtoro ahrire “Ohõ saha niña”, niedare yũhũre. Yũhũre tiqiuro paja ihñagũ yũhũre tiqiuro yedohogũ tiqiuro cahmeno sahata yeducurigu ijijaja yũhũ. Sa ijirigu ijigũ ahrire quehnoano yahutja msare. <sup>26</sup> Yojopũre msa ñano yũhdũna niaga. Sa yena msa namo mariena gãhũ, manũ mariena gãhũ msa tojoagũ quehnoanota, yũhũ tũhotugũ. <sup>27</sup> Namu mariena, manũ mariena numia msa ijina sata tojoaya. Sa yena msa pehe namo tina, manũ tina numia gãhũ sata tojoaya. <sup>28</sup> Namu tina ñano yerare msa. Sa yena msa nuhmia manũ tina, ñano yerare msa gãhũ. Sa yena namo tina, manũ tina numia msare wape sũoro tojoarota. Sa yegũ msare “Sa wape tiari”, nigũ “Namu mariena, manũ mariena numia tojoaya”, nijaja yũhũ.

<sup>29</sup> Yũhũ acaye, ahrire msare yahugũ nijaja. Cristo ahri yehpapũ tiqiuro tojoa tato mehenogã dũhsare. Sa ye yo-

jojũre namo marieñequina Cohãcũ cahmeno saha tiquina quehnoano ye masino sahata quehnoano yero cahmene namo tiyequina gãhũre. Sa ye manũ tiyequina numia gãhũre sata Cohãcũ tiqiuro cahmeno saha quehnoano yero cahmene. <sup>30-31</sup> Ahri yehpa yojopũ ijiro saha camepũ ijisi. Camesa pihtia waharota. Sa pihtiatu yehpa ijigũ yojopũre mari ñehe quea utiye, mari bucueye, mari cũoye pihtia waharota. Sa ye ti ihyo waro ijire. Cohãcũ yere yere pehe ihyo waro ijierare. Sa ye ahri yehpa cjẽne cũoyequina, cũoyequina yero saha ijiahro. Ahri yehpa cjẽne pajiro tũhotuero cahmene. Ahri yehpa yojopũ ijiri yehpa camesa pihtia waharota.

<sup>32</sup> Msa ñano yũhdũeragũ cahmeaja yũhũ. Sa yegũ msa pajiro msa tũhotuere agũ gãhũre cahmeaja. Namu mariediquiro Jesu yaquiro ijiro Jesu yere wacũducure. Sa wacũducuro Jesu cahmeñene tutuaro ye duare. <sup>33</sup> Namu tiriquiro pehe tiqiuro namono cahmeñe pehere tutuaro ye duare. Sa yero ahri yehpa cjẽne pajiro tũhoture. <sup>34</sup> Sa yero tiqiuro pũarore ye duare. Jesu cahmeñene, tiqiuro namono cahmeñe gãhũre tiqiuro ye duare. Sa yero bũsũoro manũ mariedicoro ijiro, ticoro mari pũhtoro Jesu cahmeñene tutuaro ye duare. Nuhmino gãhũ sata ye duare. Sa ye duaro ticoro tutuaro Cohãcũ yacoro iji duare. Manũ tiricoro pehe ahri yehpa cjẽ pehere ticoro manũno cahmeñe pehere tutuaro ye duare. Sa yero ahri yehpa cjẽne pajiro tũhoture.

<sup>35</sup> Ahrire msare nii nijaja msare yedohogũ tagũ. Tutuaro dutiyere msare cũ dueraja. Sa cũ duerapeguta quehnoano msa yegũ cahmeaja. Sa yegũ Jesu mari pũhtoro yere msa tutuaro ye duagũ cahmeaja yũhũ.

<sup>36</sup> Msa mehna cjũno tiqiuro cahmedicoro bũsũoro wahagũ ihñano ticorore namo tiaho. “Sata yero cahmene”, ni tũhoturo, namo tiaho. Sa yero ticorore namo tiro ñano yero niedare. <sup>37</sup> Apequiro pehe tiqiuro cahmedicorore “Yũhũre namo tiro cahmene”, ni dueraro, tiqiuro cahmediro sahata yealro. Tiquiro namo ti dueragũ, quehnoanota. Quehnoano yero nine. <sup>38</sup> Sa yero tiqiuro cahmedicorore namo tiriquiro gãhũ quehnoano yere. Sa

yero yojopure ticorore namo tieriquiro pehe apequiro yuhduoro quehnoano yere.

<sup>39</sup> Manu tiricorore ticoro manano tiquiro cohā dutierapegūta ticoro manano tiquiro yariari bato ticoro apequiro mehna ticoro cahmediquiro mehna manu ti masine. Ticoro manu tiriquirore Jesu yaquiro ijiro cahmene tiquirore. <sup>40</sup> Ticoro manu mariedicoro tojoaro, manu tiricoro yuhduoro quehnoano bucuericoro ijirota ticoro. Sata ni tuhoutuaja yuhu pehe. Cohācjū yaquiro Espiritu Santore cuogu ijiaja. Yuhu sa cuogu ijigū masina, ahri yuhu yahurire masiña musa.

## 8

“Cohācjū ijire”, tiquina niñe queoyere ño peo, ihyayere duhu peohaye masa. Ti ihyayere yahuahye Pablo

<sup>1</sup> Yojopure “Cohācjū ijire”, tiquina niñe queoyere ño peo, tiquina duhu peori ihyayere yahu duaja. Ijipihtina musa ti borore “Masijaja”, ni tuhature musa. Sa ni tuhutuna “Apequinare masi yuhducaja”, ni tuhutumene musa. Sa ni tuhutuna apequinare yedohere musa. Apequinare cahina tiquinare yedohore musa. Sa ye masiñe yuhduoro apequinare cahine pehe ihyo waro ijierare. <sup>2</sup> “Masi peho cja”, nina ijina, Cohācjū quehnoañene tiquiro masi dutiere masiedariga musa. <sup>3</sup> Sa ijepegūta Cohācjūre musa cahigū musare masine tiquiro. Sa yena tiquiro yequina ijire musa.

<sup>4</sup> “Cohācjū ijire”, tiquina niñe queoyere ño peo, tiquina ihyayere duhu peore. Ti ihyayere musare yahutja: Ti queoye ne dahseati ijierare. Potota ti queoye jeripohna mariedare. Cohācjū pehe ihcāquirola ijire. Apequina cohāmana mariedare. Ahrire masijaja mari. <sup>5-6</sup> “Peyequina cohāmana ijire. Tiquina mari puhtoa ijire”, ni tuhutumene masa. Sa yero uhmusepu, ahri yehpapu gāhure “Cohāmana”, tiquina niñequina ijepegūta mari pehere ihcāquirola ijire Cohācjū. Tiquiro mari Pacu ijipihtiyere bajumehnediquiro ijire. Sa yero tiquiro yequina ijiatina yeahye tiquiro marine. Sa yero mari puhtoro Jesucristo ihcāquirola ijire. Tiquiro ijipihtiyere mari Pacure ye basariquiro ijire. Tiquiro yequina ijiatinare

yeahye tiquiro marine. Sa yena tiquiro mehna sa ijuducunata mari.

<sup>7</sup> Yuhu nidiro saha ijepegūta apequina Jesu yequina tire masiedare. Panopu tiquina “Cohācjū ijire”, tiquina niñe queoyere “Catiyequina ijire”, ni tuhutuducumahye. Ti pjeure sa yeriquina ijiye yojopu gāhure ti queoyere ño peo, tiquina duhu peo ihyayere “Cohāmana ye ihyaye ijire”, ni tuhutumene. Sa ye ti ihyayere ihyaye, “Mari ñano yena niaja”, ni tuhutumene. Tire tiquina yerire quehnoano masiedaye, sa ni tuhutumene. <sup>8</sup> Ti ihyayere mari ihyagū mari ihyeragū gāhure Cohācjū marine “Quehnoañequina ijire”, ni ihñedare. Sa ye ti ihyayere mari ihyagū ihyo warota iji cāhno nine ti ihyaye. Mari tire ihyana ñano yeraja. Ti ihyayere mari ihyeragū gāhure ihyo warota iji cāhno nine. Mari ihyerana apequina yuhduoro quehnoana ijieraja mari gūhu. <sup>9-10</sup> Sa ijepegūta quehnoano yeya musa. Ti ihyayere ihyarina musa ijigū apequina musare “Masijaja”, ninare ihña cū ihyaboaga. Sa ihña cū ihyaye tiquina yerire quehnoano masiedaye, “Ñano yena niaja mari”, ni tuhoutueta tiquina gūhu. Tiquina sa ni tuhotugū tiquina pehere ñano yegū yena niaga musa. Sa yena quehnoano yeya musa. <sup>11</sup> “Mari ti ihyayere mari ihyagū quehnoanota marine”, musa ni tuhutuna ijina apequina quehnoano masieñequinare ñano yegū yeboaga musa, musare tiquina ihña cūgū. Sa yeriquina ye ijiati gāhure yariahye Cristo. Sa yena Cristo yequinare musa acayere ñano yegū yena niboaga musa. <sup>12</sup> Quehnoano masieñequinare Cristo yequinare musa ñano yegū yena, Cristo gāhure ñano yena nine musa. <sup>13</sup> Sa yegū ti queoyere ño peo, tiquina duhu peo ihyayere yuhu ihyagū Cristo yequinare ñano yegū yegū niboaga yuhu. Jesu yequina ñano yegū cahmedaja. Sa yegū “Yuhu tiquinare ñano yegū yeari”, nigū ti ihyayere ne pari turi ihyasi yuhu.

## 9

Pablo Jesu cūriquiro tiquiro ijiyere yahuahye

<sup>1</sup> Jesu tiquiro yere buhe dutiro cūrigū ijiaja. Sa yegū apequina tiquiro cūriquina tiquina yero saha ye masijaja yuhu gūhu.

Jesu cūriguta ijiaja yuhū gūhū. Mari puh-toro Jesure ihñariguta ijiaja yuhū. Sa yena Jesu yere yuhū buhegū musa pehe tire quehnoano tuhona tiqiro yequina wahare musa. Sa yena Jesu cūrigū yuhū ijiyere masi tuhasare musa. <sup>2</sup> Apequina yuhūre yahu wajaye “Jesu cūriquiuro ijierare”, ni-boaga. Tiquina sa niepegūta musare yahu buheri bato Jesu yequina wahana, “Jesu cūriquiuro ijire”, ni, yuhūre masi tuhasare musa. Sa yena apequina yahu wajaepēgūta musa pehe tiqiro cūrigū yuhū ijie tyere masine.

<sup>3</sup> Yuhūre yahu wajayequinare ohō saha ni yuhtiitja. <sup>4</sup> Musare yuhū buheri bato yuhū ihyatire yuhū sihniati gūhūre yuhūre ohoro cahmene musare. <sup>5</sup> ¿Sa yegu namo tigu ijigū yuhū namono Jesu yacoro ticoro ijigū ticoro mehna tini masiedaboagari yuhū? Apequina Jesu cūriquina, Jesu bahana, Pedro gūhū tiquina namosānumia mehna tiquina tinidiro sahata yuhū gūhū tini masiboaga. Yuhū sa tinigū yuhū namo tigu ijigū ticoro gūhūre ihyayere ohoboaga musa. <sup>6</sup> Yuhū Bernabé mehna musare quehnoañe buheyere usā buhepegūta usāre ne apee borogā ohoerari musa. Sa yena usā basita usā ihyatire dahra wapatañ usā. ¿Usā dihitarē wapataro marieno buhero cahmejari, musa tuhō-tugū? ¿Usā sa buhena apee dahraye pehere duhu masiedaboagari usā? <sup>7</sup> Ahriquina yuhū queoye mehna yahuatiquina pehe tiquina dahrari wapa wapatare. Ihcāquiuro surara dahragū tiqiro puhōtoa tiqirore wapa yere. Tiquiro basi wapa yerare. Ihyayere oteriquiro gūhū tiqiro oteri dāca tigū tireta ihya masine. Sa yero wapatare tiqiro. Sa yero ovejare ihña ihboriquiro tiqiro nuñequina epēcore sihni masine tiqiro. Sa yero wapatare tiqiro gūhū. <sup>8</sup> “Tiquina dahrari wapare wapa yero cahmene”, nigū masa tiquina dutiye dihitarē musare yahueraja. Cohācjū dutiyeṗu tiqiro nidi gūhūre musare yahugū niaja. <sup>9</sup> Tiquiro dutiyere tiquina ojoari pūṗu ohō saha ni yahure: “Wecu trigo pjerire tiqiro dahpocāri mehna suhti weriquiro ihya duagū tiqiro duserere cahmotaeracāhña”, niahye Cohācjū dutiye. Sa dutiro wecuare nino niedahye. <sup>10</sup> Sa dutiro marine nino niahye marine buhero

taro. Wesere seheriquiro gūhū ti dācare nediquina gūhū tiquina dahrari bato dāca tiri pje ijigū tiquina wapatare cohtere. Sa yena dahrayequinare tiquina dahrari wapare ohoro cahmene marine. <sup>11</sup> Musare Cohācjū yere quehnoañe buheyere buhei usā. ¿Usā sa buhegū musa pehe usāre ihyayere ohoeraro cahmejari, musa tuhō-tugū? Ohoro cahmene. Musa ohogū quehnoaboaga usāre. Sa ijiepegūta musa ohoerari usāre. <sup>12</sup> Sa ohoerapenata apequina ihyayere musare sinigū tiquina pehere ohore musa. Tiquina musare ihyayere sinigū tiquina yuhūoro usā pehe oho dutiboaga musare.

Sa oho dutiborina ijiepenata usā pehe “Usāre ohoya” ne niedu. “Cristo ye buheyere masapū cahmedaboaga” nina, usāre mariedapegūta musare ne siniedu. <sup>13</sup> Cohācjū wuhapū dahrayequina ti wuhapūta tiquina ihyayere nene. Sa ye Cohācjūre tiquina ño peori altarṗu cohteyequina wahiquirore tiquina ujūa mūoriquirore mehenogā ne, ihyari tiquina gūhū. ¿Tire masiedari musa? <sup>14</sup> Sa tiquina yeriro saha quehnoañe buheyere buheyequinare tiquina buheri wapare tiquina ihyatire tiquinare ohoro cahmene musare. Sata ye dutiri mari puhōto Jesu. <sup>15</sup> Sa yegu musare siniborigū ijiepegūta yuhū ne apee borore siniedu musare. Sa yegu ahrire yojopure ojoa ohogu apee borore wapa cahmegū tagū ojoagu niedaja. Musare ne wapa cahme dueraja. Yariacjū ijiepegūta ne wapa cahmesi yuhū musare. Wapa marieno buhegu tutuaro bucueraja. Sa yegu musare yuhū buheri wapa ne wapata ihyasi.

<sup>16</sup> Quehnoañe buheyere buhe dutiro yuhūre cūri Cohācjū. Tire buheacjūta ijigū niaja yuhū. Quehnoañe buheyere buheragu pejesocgu ijiboaga yuhū. Sa yegu ti buheyere buhegu “Apequinare masi yuhūdudacaja”, niacjū ijieraja yuhū. <sup>17</sup> Quehnoañe buheyere yuhū esa tuhoro buhegu yuhū buheri wapa wapa neboaga yuhū. Cohācjū yuhūre tiqiro yere buhe dutiro cūri yuhūre. Sa yegu yuhūre tiqiro cūrire yegu niaja. Sa buheacjū ijiaja yuhū. <sup>18</sup> ¿Tiquiro yere sa buhegu yabe borore wapatajari yuhū? Ohō saha ijire yuhū wapataye: Quehnoañe buheyere buhegu

mūsare ne apee borore siniedagu wapa marieno ti buheyere buheaja mūsare. Yūhu sa nidire masigū bucueaja. Yūhu bucueyeta ijire yūhu wapataye.

<sup>19</sup>Ne masa cahacjū ijierapegūta ijipihtiyequina cahacjū yero saha ijiaja yūhu apeqūina masa Jesu yequina tiquina wahatire. <sup>20</sup>Sa yegū yūhu acaye judio masa mehna ijigū, tiquina yero saha yeaja yūhu Jesu yequina tiquina wahatire. Cohācjū dutiyere Moiserē tiquiro cūrire ño peorigū ijierapegūta, ti dutiye dihitare ño peoyequina mehna ijigū ti dutiyere ño peoriquiro yero saha ijiaja yūhu. Sata yeaja yūhu tiquina Jesu yequina tiquina wahatire. <sup>21</sup>Sa yegū Cristo yaquiro ijigū Cohācjū dutiyere Moiserē tiquiro cūrire cohā dueraja. Ti dutiyere cohā duerapegūta ti dutiye marieñequina mehna ijigū ti dutiye marieniquiro yero saha ijiaja. Sata yeaja yūhu Jesu yequina tiquina gūhu wahatire. <sup>22</sup>Jesu yere quehnoano masieñequina mehna ijigū tiquina yero saha ijiaja. “Masi pehogū ijiaja”, niedaja yūhu. Sata yeaja yūhu Jesu yequina tiquina gūhu wahatire. Sa yegū ijipihtiyequina masa tiquina ijiro saha ijiaja yūhu, ihquēquina Jesu yequina tiquiro yūhdūoriquina tiquina wahatire. <sup>23</sup>Ahrire yeaja quehnoañe buheyere ijipihtiyequina tiquina tūhoatire. Yūhu sa yegū ihñano Jesu tiquiro buheriro saha yūhu gūhūre quehnoano yere. Sa yegū masa tiquina ijiro tiro saha ijiaja.

<sup>24</sup>Ohō saha ijire mari queoye mehna buhegū. Oma cohāpeyequina omañe tiquina ijipihtiyequina omare. Tiquina sa oma pihtiepegūta oma tutuariquiro pehe esa mūhtare. Sa esa mūhtariquiro wapatate. Sa yena tiquina omariro saha mūsa gūhu Cohācjū cahmeñene yeya mūsa wapatatire. <sup>25</sup>Ijipihtiyequina omañequina tiquina pagure dojemehneñene duhu cā, quehnoano omapore tiquina oma tutuatire. Sa ye tiquina quehnoano omatire queoro ihyaye, queoro carñe, quehnoano yere tiquina. Sata yere tiquina wapatato saha. Sa ye tiquina wapatate pūri mehna tiquina yeri behto ijire. Ti behto pehe yoari pje ijierare. Duita ahbaa wahare. Mari pehe Cohācjū yere quehnoano buheaja tiquiro yere mari wapatato saha. Ti wapatate pūrita ne ahbaerare. <sup>26</sup>Sa yegū yūhu ape

siepu omariquiro yero saha yeraja. Sa yegū cahmequeperiquiro ape siepu dote maca cāriquiro yero saha yeraja. Sa yegū Cristo yere queoro ye duaja. <sup>27</sup>Sa yegū omapeyequina, cahmequepeyequina gūhu tiquina pagurire tiquina buheriro saha, quehnoano queoro tiquina yeriro saha yūhu gūhu yūhu pagū mehna quehnoañe dihitare yepoaja. Sa yeragu apeqinane buherigu yūhu ijiepegūta dahseacjū ijieraboaga yūhu pehe.

## 10

“Cohācjū ijire”, tiquina niñe queoyere ño peo dutierahye Pablo

<sup>1</sup>Sa yena yūhu acaye, ahrire masiñā mūsa. Ūsā Israe masa ñecsumma mūna panopu cñena ijipihtiyequina Cohācjū ya ehmeo curuare ihñā mūhu tā cāa wahahye. Sa wahaye, aco sohāri mare aco pua peheri tojoaducari mahapu wua queheri mahapu tiniñe, pehāa wahahye. <sup>2</sup>Sa wahaye, tiquina ijipihtiyequina ehmeo curua mehna aco sohāri ma cñe aco mehna Cohācjū ye ijiatire wame yenohriquina yero saha wahahye. Wame yenohrina wahana Cristo yequina mari ijiyere ihñona niaja. Sa tiquina aco sohāri mare wame yenohriquina yero saha wahaye, Moise yequina tiquina ijiyere ihñone niahye. <sup>3</sup>Sa ye tiquina ijipihtiyequina hūmuse cñe ihyayere ihyae tiahye Cohācjū tiquiro ohoyere. <sup>4</sup>Sa ihyaye tiquina ijipihtiyequina Cohācjū ohori aco gūhūre sihnie tiahye. Ti pjeppure ti acore Cohācjū cūri utāpu wijiari acore sihnie tiahye tiquina. Tia utā yero saha ijiriquiro, tiquinare aco ohoriquiro Cristo ijiahye. <sup>5</sup>Tiquina sa wahariquina ijiepegūta apeqūina tiquina mehna cñena ñano yegū ihñano Cohācjū pehe peyequina tiquina mehna bucuerahye. Sa yero tiquinare masa marienopu yariagū yeahye Cohācjū.

<sup>6</sup>Sata yeahye tiquinare Cohācjū marine buhero taro. Sa yero tiquinare ihñā cū ñañene mari tutuaro cahmedatire Cohācjū sa yeahye tiquinare. <sup>7</sup>Sa yena “Cohācjū ijire”, tiquina niñe queoyere tiquina ño peoriro saha yeracāñā mūsa. Ti queoyere tiquina ño peorire Cohācjū yere tiquina ojoari pūpu yahuro ohō saha niahye: “Tiquina ihya duji sihni tuhasa, wahcādūca, bose deco ye dūcahye wecu queoyere ño

peoye tehe”, ni ojoahye panopure. <sup>8</sup> Came apequina Israe masa pehe numia mehna ñano yeahye. Tiquina yeriro saha yeraro cahmene marine. Tiquina ñano yeri bato ihcã decota tiquina veintitres mil masa yariaa wahahye. <sup>9</sup> Apequina Israe masa Cohãcjũre tiquina mehna usuagũ yeahye. “Marine buhiri dahresi”, niñe Cohãcjũre tuhtiahye. Sa tuhtiyeh tiquirore usuagũ yeahye. Tiquina sa yeri buhiri Cohãcjũ añaa pari mehna bahque wejẽahye tiquinare tja. Sa yena tiquina yero saha Cristore yeracãhña musa. <sup>10</sup> Apequina Cohãcjũre unure tuhtigũ angel masare wejẽdiquiro tiquinare wejẽahye. Sa yena tiquina yero saha yeracãhña.

<sup>11</sup> Sa wejẽ dutiahye tiquinare Cohãcjũ marine buhero taro. Mari pehe pihtiri deco panogã ijina ijiaja. Mari sa ijina ijigũ panopũ cjẽna tiquina sa waharire Cohãcjũ oja dutiahye marine quehnoano buhero taro. <sup>12</sup> Sa yena “Quehnoana ijiaja, Cohãcjũ tiquiro ihñagũ”, ni tuhotu, quehnoano yeya musa “Ñañene yeari”, nina. <sup>13</sup> Mari ijipihitina ihcãquiro duhsaro marieno ihquẽ tahari ñañene wacũaja. Sa wacũna ti ñañene ye duaja. Mari sa ye duepegũta Cohãcjũ marine yedohoducuriquiro ijire. Sa yero ti ñañene wacũñene mari bo masiedagũ tiquiro pehe marine yedohorota. Sa yero ti ñañene mari ye duagũ ihñano Cohãcjũ ti ñañene marine ye dueragũ yerota. Tiquiro sa yegũ ti ñañene ye duasi mari.

<sup>14</sup> Sa yena yũhũ cahĩna yũhũre tuhoya. “Cohãcjũ ijire”, tiquina niñe queoyere ne ño peoeracãhña. <sup>15</sup> Musa quehnoano masina ijigũ musare yahuaja. Sa yena yũhũ niato poto ijigũ masiña musa basi. <sup>16</sup> Cristore tiquina ñehedi ñamine vinore tiquiro sihniato pano Cohãcjũre “Quehnoare”, niahye. Tiquiro nidiro saha mari gũhũ ti vinore sihniata Cohãcjũre “Quehnoare”, nina, mari ye buhiri Cristo tiquiro yariarire masigũ yena nijaja. Tiquiro dii wijiariere masigũ yena nijaja. Sa yena tiquiro yequina mari ijijye gũhũre masigũ yena nijaja mari. Sa yena pãre mari Cristo yequina nuhana mari ye ijiatire tiquiro pagũ curusapũ tiquiro yariarire masigũ yena nijaja. Sa yena tiquiro yequina mari ijijye tiye gũhũre masigũ yena nijaja. <sup>17</sup> Sa yena peyequina masa ijiepenata ihcãria pagãre ihyana, ijipihitina mari Cristo

yequina ihcã curuata ijiaja. Sa yena peyequina ijiepenata ihcã curuata ijiaja.

<sup>18</sup> Israe masa tiquina yerire wacũña musa: Tiquina wahiquirore wejẽñe, uñũ mũo, ohoye, Cohãcjũre ño peore. Sa tiquina ohori bato ihcã curuata tiquina ohoriqirore ihyare. Sa ihyaye Cohãcjũ yequina tiquina ijijye tiyere masigũ yere tiquina. <sup>19</sup> Ohõ sahata nii nijaja musare: “Cohãcjũ ijire”, tiquina niñe queoye dahseati ijierare. Sa yero queoyere ño peo tiquina duhu peoye ihyaye pehe ihyo warota ijiro nine. Ti ihyaye marine sijoro saha wahagũ yerare. <sup>20</sup> Ti ihyaye sijoro saha wahagũ yerapegũta ti ihyayere ihyeraro cahmene. Ohõ saha ijire ti. Cohãcjũre cahmeeñequina wahiquirore wejẽ, uñũ mũo, Cohãcjũre ño peoye niedare. Sa ye queoyere ño peoye watia pehere ño peore tiquina. Tiquina sa ño peoyequina ijigũ tiquina mehna ihyana watino yequina yero saha yena niaga musa. Musa sa yegũ pũritare ne cahmedaja. <sup>21</sup> Santa cenare mari yeri deco mari puhtoro Jesure wacũna tana sihniaja. Mari sa sihniata, watino ye pehere sihni masiedaja mari. Sa yena Jesure wacũna tana pãre ihyaja. Mari sa ihyana, watia ye pehere ihya masiedaja mari. <sup>22</sup> ¿Jesure musa mehna usuagũ ye duajari musa? ¿Tiquiro yũhũoro tutuana ijiajari musa? Ijierare musa. Sa yena quehnoano yeya musa.

*Cohãcjũ cahmeñe dihitare yeya*

<sup>23</sup> Musa yeri ñañe ijierapegũta tire yena apequinare yedohoeraboaga musa. Sa yena tire yena Jesure wacũnutua nemogũ yeraboaga musa apequinare. <sup>24</sup> Musa cahmeñe dihitare yeracãhña. Apequina pehere quehnoano yedohoya musa.

<sup>25-26</sup> Ihyaye duaropure ihyayere dũna “¿Ahri ihyaye cohãmana queoye cahapũ tiquina duhu peori ihyaye ijiajari?” ni, sinitueracãhña. “Ñañene yeari”, nina, sinituboaga musa. Sa ni sinitueracãhña. Ahri yehpa, ahri yehpapũ ijijye gũhũ Cohãcjũ ye ijire. Sa yena ti ihyayere “¿Ñañe ihyaye ijiajari?” niedacãhña.

<sup>27</sup> Jesure cahmeediquiro musare ihya dutiro tiquiro pijioagũ waha duana wahaya. Sa wahana musare tiquiro duhu peoyere ihyaya. “¿Ahri ihyaye Cohãcjũ queoye

cahapu tiquina duhu peori ihyaye ijia-jari?" ni, sinitueracãhña. <sup>28</sup> Sa yena apequiro Jesu yaquiro "Ahri ihyaye Cohãcjũ queoyere tiquina duhu peori ihyaye ijire", musare tiquiro ni yahugũ ti ihyaye pũritare ihyeracãhña. Musare sa ni yahuriquiro "Ñãne ihyayere ihyare ahriquina", musare tiquiro ni tuhoturatiere ihyeracãhña. <sup>29</sup> Sa ihya dutieragu musa pehere yedohogu tagu sa niedu. Musare ahrire yahuriquiro pehere yedohogu tagu sa ihya dutieraja. Tiquiro pehe musare "Ñãne ihyayere ihyare ahriquina", niobaaga. "Sa niari", nina ti ihyayere ihyeracãhña.

"Ihyeracãhña", yũhu nigũ ohõ saha ni sinitu yũhtiboaga musa yũhure: "¿Dũhse ijiro boro apequirore 'Sijoro saha wacũari' ", nina ihyeraboagari usã? <sup>30</sup> "¿Ti queoyere ohori ihyayere usã ihyagũ Cohãcjũ warore 'Quehnoare', usã niepegũta dũhsero tire usã ihyari buhiri apequiro usãre yahu wajaboagari?" ni sinitu yũhtiboaga musa yũhure. <sup>31</sup> Ahri ijipihitiyere yahugũ ohõ saha nigũ niaja musare: Decoripe Cohãcjũ tiquiro dutiriro sahata bucueye mehna ihya, sihniaja, Cohãcjũre masa tiquina ño peotire. Sa yena ijipihitiyere quehnoano yeducuya Cohãcjũre masa tiquina ño peotire. <sup>32</sup> Ne judio masare, judio masa ijieyequinare, Cohãcjũ yequina gũhure ñano yegũ yeracãhña musa tiquinare. <sup>33</sup> Ohõ saha yeaja yũhu pehe. Masa ijipihitiyequinare yedoho duaja. Sa yegu yee ijia ti pehere pajiro tuhoturaja. Yũhu ñano yũhdugũ quehnoanota. Masa pehere yedohoaja tiquinare pecapu wahaboriquinare Cohãcjũ tiquiro yũhdũotire.

## 11

<sup>1</sup> Sa yena Cristore yũhu ihña cũriro sahata musa gũhu yũhure ihña cũña.

*Corinto cjẽna cahmecoanopũ numia tiquina yeatire yahuahye*

<sup>2</sup> Musare yũhu buhe turarire wacũ pehoñhti musa. Sa wacũna musare yũhu nidire yũhu ye dutiriro saha yeñhti musa. Sa yena quehnoano yere musa.

<sup>3</sup> Sa yena musa ijiepegũta ahri gũhure musa masigũ cahmeaja: Ijipihitiyequina umua tiquina puhtoro, Cristo ijire. Sa yero tiquiro namono puhtoro ijire ticoro

manano. Sa yero Cristo puhtoro tiquiro Pacuro ijire. <sup>4</sup> Cohãcjũre sinidiquiro tiquiro dapure mohariquiro sinino, tiquiro basi puhtoro ijiyere wijiuro nine. Cohãcjũ yere yahuriquiro gũhu tiquiro dapure mohano, sata yero nine tiquiro gũhu. <sup>5</sup> Sa yero ticoro dapure moheno Cohãcjũre sinino, ticoro manano puhtoro ijiyere wijiagũ yero nine. Cohãcjũ yere yahuricoro gũhu ticoro dapure moheno, sata yero nine ticoro gũhu. Sa yero ticoro poarire wũhari pjĩ mehna wũha pehoricoro yero saha yere ticoro. <sup>6</sup> Ticoro dapure moha dueraro ticoro poarire se peho cã dutiauro. Ticoro sa yeri bato ticoro dapure bue tiro, ticoro mohaaudo ticoro dapure. <sup>7</sup> Umua pehe Cohãcjũ yero saha puhtoa ijire. Sa ye Cohãcjũ quehnoariquiro, tutuariquiro tiquiro ijieye tiyere ihñore tiquina pehe. Sa ye tiquina dapure moheñequinata ijiauro. Numia pehe umua tiquina puhtoa ijieye tiyere ihñore. Sa yeye tiquina dapure mohaaudo. <sup>8</sup> Cohãcjũ umunore yero, numino ya pagu cjẽ mehna umunore yerahye. Numino pehere yero, umuno ya pagu cjẽ mehna yeahye ticorore. <sup>9</sup> Sa yero umunore yero, numino yaquiro ijiatiquirore yerahye. Numino pehere yero umuno yacoro ijaticorore yeahye Cohãcjũ ticorore. <sup>10</sup> Sa ye numia tiquina dapure mohaaudo angele gũhu tiquina ihña bucueatire. Sa mohañe umua tiquina puhtoa tiquina ijieye ihñõne nine. <sup>11-12</sup> Cohãcjũ numinore yero, umuno pagu cjẽ mehna yeahye. Sata yojopure umuno masa bajuaro, numino pagupu masa bajuare. Sa yero ijipihitiyequinare Cohãcjũ pehe yeahye. Sa yero umuno tiquiro iji muhtaedagũ numino mariedaboaga. Sa ye numino ticoro mariedagũ umuno gũhu mariedaboaga. Sa ye tiquina umua numia gũhu tiquina basi cahme yedohore masa putiatire. Sa yero ijipihitiyequinare ijiatiquinare bajumehnediquiro ijire Cohãcjũ.

<sup>13</sup> ¿Musa basi dũhse ni tuhutuajari? ¿Numino ticoro dapu mohedico, Cohãcjũre ticoro sinigũ quehnoajari, musa tuhutugũ? Ne quehnoaedare. <sup>14</sup> Sa yero umuno poa nahmo cœoriquiro tiquiro ijigũ ñarĩne. Ijipihitiyequina masa tire masine. <sup>15</sup> Sa yero numino ticoro poa nahmo ticoro dapure mo-

hari cahsero yero saha ijire. Sa yero ticoro poa nahmo cuoricoro ijiro quehnoaricoro bajure ticoro. Ti gũhure ijiphiitiyequina masine. <sup>16</sup>Musa mehna cãno ahrire yũhũ yahurire tiquiro cahmedagũ, ohõ saha ni yahutja tiquirore: “Yũhũ ni yahuriro saha yeducuaja mari. Apequina Jesu yequina gũhũ sata yere tiquina gũhũ. Ûsã sa yerina ijigũ ihũagũ yũhũ ni yahuriro saha yero cahmene mũhũ gũhũre”, ni yahutja yũhũ yahurire cahmeediquirore.

*Santa cenare tiquina ihyari watoa do-jomehneahye Corinto cãena*

<sup>17</sup>Yojopũre mũsare ahrire yahugũ tũũ, “Quehnoano yena ijire”, niedaja yũhũ mũsare. Musa cahmecoana quehnoano yerare. Ñano yere musa. <sup>18</sup>Ohõ saha ni yahu mũhtautja mũsare: Musa cahmecoanopũ cahme dũse tutuana musa basi ihquẽ cururi tu wana niõhti musa. Apequina tire yũhũre tiquina yahugũ “Potota ijiaga”, ni tũhotuaja yũhũ. <sup>19</sup>Sata yere musa. Sa yena ohõ saha ni tũhotumene musa. “Mari tu warina ijina, Jesu yequina waro ijieyequina pehere masinata mari. Sa yena marine tu waro cahmene”, ni tũhotumene musa. <sup>20</sup>Musa basi sa cahme ihũa tuhtina, musa ihcãnopũ cahmecoã ihyana quehnoano yerare. Potota Santa cena waro yena niedare. <sup>21</sup>Musa cahmecoana ihquẽquina musa sehsharo ihya mũhtana, apequina pehere ujua ahbagũ yere. Sa ye sihni mũhtana quehea wahare. <sup>22</sup>¿Mũsare musa ihyaye wũhũse mariedajari? ¿Mũsare musa sihniũe wũhũse mariedajari? Ti wũhũseputa ihya, sihniũa. Yojopũre Cohãcãjũ yequina tiquina cahmecoanore dojomehnena niaga musa. Sa yena apequina Jesu yequina pejecũoyequinare ihyaye marieũequina pehere musa pehe bũoro yũhdagũ yere. ¿Dũhse ni yahugũtari yũhũ mũsare? “Quehnoano yerare musa”, niaja yũhũ.

*Santa cenare ihyarire yahuahye Pablo*  
(Mt 26.26-29; Mr 14.22-25; Lc 22.14-20)

<sup>23</sup>Mari pũhtoro Jesu tiquiro ihya bato tirire yahuri yũhũre. Sa tiquiro yahuri bato yũhũ pehe mũsare tire yahuu. Ti ohõ saha ijire: Tiquirore ihũa tuhtieyequinare Juda tiquiro ihũoati ñamine mari pũhtoro Jesucristo pãre ne, <sup>24</sup>Cohãcãjũre “Quehnoare”, niõhti. Tiquiro sa nidi bato

ti pãre nuha, tiquiro buhयेequinare itiõhti. Sa itiro ohõ saha niõhti: “Ahrire ihyaya. Ahri yũhũ pagũ ijire. Musa ye ijiatire yariũtja. Yũhũre musa wacũatire ahrire ihyaya”, niõhti Jesu mari pũhtoro. <sup>25</sup>Sa tiquina ihyari bato tiquiro sihnidi pare neno ohõ saha niõhti: “Musa ñaũe yeyere cohãgũ tagũ yariũtja. Sa yegũ ye diire cohãgũtja. Cohãcãjũ ‘Mũsare yũhdũoutja’ tiquiro nidiro esagũ yũhũ yariaro mehna tiquiro nidiro sahata sohtori tiroto. Ahri papũ pose tiyere sihnina, yũhũ dii wijiarire wacũnata. Ahrire sihnina, yũhũre musa wacũatire sihniũa”, niõhti Jesu. <sup>26</sup>Sa yena Santa cena cãjẽ pãre musa ihyana, sihniũene sihnina, Jesu mari pũhtoro mari ye buhirire tiquiro yariarire wacũ, ihũona nine musa. Sa ihũoducunata musa tee ahri yehpapũ tiquiro tojoa tato pano.

*“Santa cenare ihya sihnina ohõ saha yeya”, ni yahuahye Pablo*

<sup>27</sup>Santa cenare ihya, sihnina, Jesure ño peoro marieno cua pesarõ yerana, tiquiro pagure tiquiro dii cohãri gũhũre bujũpero saha yena niaja mari. Sa yena Jesure bujũpena niaja mari. Sa yeyequina buhiri tiyequina ijire. <sup>28</sup>Sa yena mari yerire, mari ijieye tiyere quehnoano wacũuhna. Sa wacũna Santa cenare ihya, sihni masiaja mari. <sup>29</sup>Mari pũhtoro mari ye ijiatire tiquiro pagũ yariarire wacũno marieno Santa cenare ihya, sihnina mari buhiri tinata. <sup>30</sup>Ohõ saha dihita yere peyequina musa mehna cãena. Sa ye tiquina ihquẽquina tutueyequina, dohatieyequina wahare. Sa ye apequina tiquina sa yeri buhiri yariaa wahare. <sup>31</sup>Sa ijiepegũta tiquina ihya, sihniũe tiquina yerire, tiquina ijieye tiyere quehnoano wacũũe, tiquina ñaũe yerire duhu, ti buhirire buhiri tieraboaga. <sup>32</sup>Mari pũhtoro pehe marine tuhtire, tiquina ye buhirire marine buhiri ti dutieraro. Apequina ñaũequina Jesure ño peoyequina buhiri tiatiquina dihita ijire. Tiquina yero saha marine buhiri tigũ cahmedare mari pũhtoro.

<sup>33</sup>Sa yena yũhũ acaye, Santa cenare ihyana tana cahmecoana, musa basi cohteniũa. <sup>34</sup>Sa ye musa mehna cãena ujua ahba, tiquina ye wũhũseputa ihyariãhdo. Sa yena Santa cenare ihyana tana cahmecoana, cua pesarõ yerariquina ye buhiri buhiri tisi



musa. Apee borore yahu duami musare. Came yahu basi esaguru musare yahutja tire.

## 12

*Cohācjū* yere mari yeatire cūno marine ye masigū yere Espiritu Santo

<sup>1</sup> Yuhu acaye ahrire yahu duaja musare. Cohācjū yere mari yeatire cūno marine ijipihntinare ye masigū yere Espiritu Santo. Sa yegu tire musa quehnoano masigū cahmeaja.

<sup>2</sup> Jesu yequina ijieranina sijoro saha ijiye buheyere tuho nununa ijina, musa pehe “Cohācjū ijire”, tiquina niñe queoyere, yahuducuyere queoyere ño peomedi. Tire masine musa. <sup>3</sup> Sa ijimedina musa ijigū yojoḡare ohō saha ni yahutja musare. “Jesu ñano wahacūnahdo”, niñequina Cohācjū yaquiro Espiritu Santo tutuaye mehna sa niñe niedare. Espiritu Santo warore cuoerare tiquina. Sa ijiye “Jesu mari puhtoro ijire”, niñequina pehe Espiritu Santo tutuaye mehna sa niñequina ijire tiquina.

<sup>4</sup> Cohācjū yere ye masiñe peye ijire. Ti sa ijiepegūta marine ye masigū yeriquiro pehe ihcāquirota ijire. Tiquiro Espiritu Santo ijire. <sup>5</sup> Sa ye apequinare yedohoye gūhu peye ijire. Ti sa ijiepegūta mari puhtoro Jesu pehe marine yedoho dutiriquiro ihcāquirota ijire. <sup>6</sup> Sa ye Cohācjū yere yeye gūhu peye ijire. Ti sa ijiepegūta Cohācjū ijipihntina marine ye masigū yeriquiro pehe ihcāquirota ijire. <sup>7</sup> Marine Jesu yequinare Espiritu Santo yedohoro, Cohācjū tutuayere ihñono nine. Ohō sahata yedohore tiquiro Jesu yequinare ijipihntiyequinare mari quehnoano yeatire. <sup>8</sup> Ihuēquinare quehnoano masi yahugū yere Espiritu Santo. Sa yero apequinare Cohācjū yere quehnoano buhegā yere tiquiro. <sup>9</sup> Sa yero apequinare Cohācjūre quehnoano wacū tutuagū yere tiquiro. Sa yero apequinare Cohācjū tutuayere ohore tiquiro. Ti tutuaye mehna tiquina pehe dohatiyequinare yuhdugū yere. Cristore tiquina wacū tutuagū ihñano tiquirore tiquina sinidiro sahata yere tiquiro. Espiritu Santo ihcāquirota ijiriquiro ti tutuayere ohore. <sup>10</sup> Sa yero apequinare Cohācjū tutuaye mehna ihñonene ye masigū yere tiquiro. Sa yero apequinare Cohācjū yere quehnoano yahu masigū

yere tiquiro tiquinare. Sa yero apequina Jesu yequinare buheyere quehnoano bese masigū yere tiquiro. Sa masiñe watino ye buheye ti ijigū masine tiquina. Espiritu Santo waro ye buheye gūhare ti ijigū masine tiquina. Sa yero apequinare tuhohemeñe yahuducuyere yahuducu masigū yere tiquiro. Sa yero tuhohemeñe yahuducuyere yahuducuyequina tiquina nino sahata yahu yuhduo masigū yere tiquiro apequinare. <sup>11</sup> Espiritu Santo ihcāquirota ijiriquiro tiquiro cahmeno saha marine ijipihntinare yahu yahuriro saha ye masigū yere. Ihuēquinare sijoro saha ye masigū yere. Apequina gūhare sijoro saha ye masigū yere.

*Cristo yequina ijina ihcā curuata ijiaja mari*

<sup>12</sup> Ohō sahata ijire ahri mehna mari queoye mehna yahugū: Mari pagu ihcā pagu ijiepegūta omocari, caperi, dahpocāri, cahmo ti pūrita peye ijire mari paguru ijiye. Sata ijiaja mari Cristo yequina gūhu. Cristo yequina tiquiro pagu yero saha ihcā curuata ijiaja. <sup>13</sup> Sa yena Cristo yequina ijina, tiquiro pagu yero saha ihcā curuata ijiaja mari. Judio masa, judio masa ijiena, cahacjana, cahacjana ijiena peye cururi mari ijiepenata ihcāquirota ijiriquiro tiquiro pagu yero saha ihcā curuata ijiaja mari. Espiritu Santo ihcāquirota ijiriquiro tiquiro tutuaye mehna wame yenohrina ijiaja mari ijipihntina. Sa yena ihcāquirota Espiritu Santore cuoaja mari, Cristo ya curuata cjāna ijina.

<sup>14</sup> Mari pagu ihcā pagu ijiepegūta omocari, caperi, dahpocāri, cahmo, ti mari paguru ijiye peye ijire. <sup>15</sup> Mūhu dahpocā yahuducuri dahpocā ijiro, ohō saha niboaga mūhare sijoro saha ni duaro: “Omoca ijieraja yuhu. Sa yegu pagu cjā dahpocā ijieraja yuhu”, niboaga. Mūhu dahpocā sa nieperota pagu cjā dahpocā ijirota nine. <sup>16</sup> Mūhu cahmono yahuducuri cahmono ijiro, ohō saha niboaga mūhare sijoro saha ni duaro: “Capea ijieraja yuhu. Sa yegu pagu cjā cahmono ijieraja yuhu”, niboaga. Mūhu cahmono sa nieperota pagu cjā cahmono ijirota nine. <sup>17</sup> ¿Mari pagu capea dihita ijigū dahse tuhoboagari mari? Basioerare. ¿Sa yena mari pagu cahmono dihita ijigū dahse wijiboagari mari? Basioerare. <sup>18</sup> Sa ijierare mari pagu. Ohō saha

ijire. Mari pagurp ijiyere Cohăcĵu tiqiro cahmeno saha cūahye mari pagure. <sup>19</sup> ĽMari pagurp ijiye mariedagŭ dăhse wahaboagari mari pagu? ĽMari omocari dihita ijigŭ dăhse wahaboagari mari pagu? <sup>20</sup> Mari pagu ohŭ saha ijire: Ihcă pagu ijiepegŭta mari pagurp ijiye peye ijire.

<sup>21</sup> “Măhu yedohogŭ cahmedaja”, măhu capea ni masiedare măhu omocare. Sa yero măhu dapu măhu dahpocărine “Măsa yedohogŭ cahmedaja”, ni masiedare. <sup>22</sup> Apeye mari pagurp ijiyere “Ihyo iji cĵŭne ijire”, mari niŭe pehere pototi cahmeaja mari apeye mari pagurp ijiye yăhdŭoro. <sup>23</sup> Sa yena mari pagurp ijiyere “Ihyo ijiye ijire”, mari ni tăhotuepenata tire mari pagurp ijiyere cahmeaja mari, mari quehnoano ijiato saha. Sa yena apeye mari pagurp ijiyere mari bŭe tiyere suhti mehna nŭoaja mari. <sup>24</sup> Apeye mari pagurp ijiyere nŭoedaja mari. Ti pŭritare ihŭona, bŭe tieraja. Ohŭ saha iji dutiahye Cohăcĵu mari pagure. Mari ihŭoefene mari pagurp ijiyere mari quehnoano ņo peoye mehna cŭoaja. Sata ye dutiahye Cohăcĵu. <sup>25</sup> Sa ye mari pagurp ijiye ti basi cahme yedohore. <sup>26</sup> Sa ye mari caperi ņano yăhdŭgŭ apeye mari pagurp ijiye gŭhu ņano yăhdŭre. Sa ye mari caperi quehnoaŭe wahagŭ mari pagurp ijiye gŭhu quehnoano tăhoture.

<sup>27</sup> Sa yegu ohŭ saha nigŭ niaja mŭsare: Măsa pehe Cristo pagu yero saha ihcă curuata ijire. Sa yena ijipihina măsa tiqiro pagurp ijiye yero saha tiqiro yequina ijire. <sup>28</sup> Sa yero Jesu yequinare mari yedohoatire cūahye Cohăcĵu marine. Ohŭ saha cūahye tiqiro marine. Ihqŭequinare marine buhe dutiro Jesu cŭ mŭhtarinare cūahye tiqiro. Apequinare tiqiro yere yahu mŭhtariquinare cūahye. Apequinare masare buheatiquinare, apequinare Cohăcĵu tutuaye mehna yeatiquinare, apequinare dohatiequinare yăhdŭoatiquinare, apequinare masare yedohoatiquinare, apequinare masa puh-toa ijiatiquinare, apequinare tăhomehneŭe yahuducuyere yahuducuatiquinare cūahye Cohăcĵu marine. <sup>29</sup> Sa tiqiro cŭgŭ ijipihina ihcăno saha tiqiro cŭrina ijieraja mari. Apequina Cohăcĵu buhe dutiro tiqiro cŭriquina ijierare. Sa yena apequina Cohăcĵu yere yahu mŭhtarina ijieraja

mari. Sa yena apequina masare buhena ijieraja mari. Sa yena apequina Cohăcĵu tutuaye mehna yeatina ijieraja mari. <sup>30</sup> Sa ye apequina dohatiequinare yăhdŭoatiquina ijierare. Sa yena apequina tăhomehneŭe yahuducuyere yahuducuna ijieraja mari. Sa yena apequina tăhomehneŭe yahuducuyere yahu yăhdŭoana ijieraja mari. Sa yero maripe mari yeatire cūahye tiqiro. <sup>31</sup> Sa yena Cohăcĵu yere ye masi duana quehnoa yăhdŭye pehere tutuaro cahmeŭa mŭsa. Sa yegu ijipihiyere yăhu nidi yăhdŭoro mŭsa cahmeatire yojorpure yahutja mŭsare yăhu.

### 13

*Apequinare quehnoano tiquina cahiatire yahuahye Pablo*

<sup>1</sup> Masa ye yahuducuyere yahuducu masiepenata, angele ye yahuducuyere yahuducu masiepenata apequinare cahiedana, dăhseanaja ijieraja mari. Sa ye mari yahuducuyere gŭhu dăhseati ijierare. Sa yena apequinare cahiedana mari yahuducuna, ihyo waro yahuducuna niaja. <sup>2</sup> Cohăcĵu yere quehnoano yahu masiepenata, masa tiquina masiedarire Cohăcĵu yere tiquina buheri gŭhure masi pehoepenata apequinare cahiedana dăhseanaja ijieraja mari. “Ahdŭ canŭ ape sierp wahaahro”, mari nigŭ “Potota mari nidiro sahata Cohăcĵu yerota”, ni mari tăhotugŭ sata yerota. Cohăcĵure sa ni tăhotuyequina ijiepenata apequinare cahiedana ne dăhseanaja ijieraja mari. <sup>3</sup> Ijipihiyere pejecŭoyequinare mari ohoepegŭta apequinare mari cahiedagŭ ti mari ohori dăhseati ijierare. Sa yena Cohăcĵu yere yena tana mari pagure mari ŭjŭa mŭo dutiepegŭta apequinare mari cahiedagŭ ti mari sa yeye dăhseati ijierare.

<sup>4</sup> Useraja apequinare cahina. Tiquinare cahina quehnoano yeaja tiquinare. Sa yena apequinare cahina tiquinare coer-aja. Sa yena mari cahiniqiro mehna ijina “Măhu yăhdŭoro ijigŭ ijiaja”, niedaja mari. <sup>5</sup> Apequinare cahina “Mŭsare masi yăhdŭdŭcaja”, niedaja mari tiquinare. Sa yena apequinare cahina tiquinare ņo peoro mehna yeaja mari. Apequinare cahina “Ŭsă cahmeno saha yeaja. Măsa cahmeno saha yeraja”, niedaja mari. Sa yena tiquinare

cahīna duita usueraja mari tiquina mehna. Sa yena apequinare cahīna marine nāno tiquina yegū gūhure tiquina mehna sa usuaducueraja mari. <sup>6</sup>Apequinare cahīna nāne tiquina yegū ihñana bucueraja mari. Quehnoañe pehere tiquina yegū ihñana tutuaro bucueraja. <sup>7</sup>Apequinare cahīna tiquina ye buhiri nāno yūhduepenata tiquinare sa cahīducaja mari. Apequinare cahīna apequina pehe mari cahīñequinare tiquina yahu wajagū tūhoepenata tire tūho dueraja. Mari cahīñequinare apequina yahugū quehnoañe dihitare tūho duaja mari. Apequinare cahīna “Tiquina nāne yesi”, ni tūhotuaja mari tiquinare. Apequinare cahīna nāno yūhduepenata tiquinare cahī duhosi mari.

<sup>8</sup>Ti cahme cahīne ne pihtisi. Cohācjū yere yahuye pehe came pihtia waharota. Tūhomehneñe yahuducuye gūhu came pihtia waharota. Cohācjū yere masa tiquina buheri gūhu came pihtia waharota. Apequinare cahme cahīne pehe ne pihtisi. <sup>9</sup>Yojopure Cohācjū yere mari masi peho masiedaja. Sa yena tiqiuro yere yahuna mari yahu peho masiedaja. Mari masi pehoati dūhsare. <sup>10</sup>Sa yena Cristo nāne marieniquiro tiqiuro tojoa wihiri bato mari masi pehonata. Sa yena nāne mariena ijinata. Ti pjere masi pehonata. “Masiedaja”, ni nemosi.

<sup>11</sup>Mari masi pehoati ohō saha ijire: Nijigū ijigū nijinogā yero saha yahuducumi yūhu. Sa yegū nijinogā yero saha tūhotumi. Sa yegū bucu wahagū nijinogā tiqiuro yeriro saha duhu cāu. Sata mari yojopure “Masi pehoeraja”, niepenata camerūre masi pehonata. <sup>12</sup>Eōno quehnoano wūhdoa bajuero saha yojopure quehnoano masi pehoeraniaja mari. Came apequirore quehnoano mari ihñā masino saha mari masi pehonata. Yojopure mari masi pehoati marine dūhsare. Cohācjū marine tiqiuro quehnoano masi pehoriro saha came mari gūhu quehnoano masi pehonata. <sup>13</sup>Sa ye ihtiarore mari ye masiaja yojopure. Cohācjūre wacū tutua masiaja. Sa yena marine tiqiuro yūhdūoatire masina, mari quehnoano cohte masiaja. Sa yena apequinare cahme cahī masiaja. Ahri ihtiaro ijire pototi mari yeati. Sa yena apequinare cahme cahīna, ahri pūaro yūhdūoro yena niaja. Wacū tutuaye, tiqiuro yūhdūoatire

cohteye yūhdūoro ijire cahme cahīne pehe.

## 14

Tūhomehneñe yahuducuyere yahuahye Pablo

<sup>1</sup>Sa yena apequinare cahme cahīna mūsa. Sa ye Cohācjū yere mūsa quehnoano ye masiatire cahmeñā mūsa. Cohācjū yere mūsa yahuati pūritare tutuaro cahmeñā mūsa. <sup>2</sup>Tūhomehneñe yahuducuyere yahuducuriqiuro Cohācjū mehna dihita yahuducure. Sa ni yahuducuro masa mehna yahuducuro niedare tiqiuro. Tiquiro sa ni yahuducugū tūhoye masa pehe ne tūhoerare tiqiuro. Masa tiquina masiedarire Espiritu Santo tutuaye mehna yahuducuro nine tiqiuro. <sup>3</sup>Cohācjū yere yahuriqiuro pehe masa pehere yahure. Sa yahuro tiqiuro masare yedohoro nine. Sa yero tiquinare buhero nine tiqiuro. Sa yero tiquina nāno yūhdūgū tiquinare bucuēgū yere. <sup>4</sup>Tūhomehneñe yahuducuyere yahuducuriqiuro ihcāqiurota buhere. Apequinare buherare. Cohācjū yere yahuriqiuro pehe apequinare Jesu yequinare buhero, yedohore tiqiuro.

<sup>5</sup>Tūhomehneñe yahuducuyere ijipihtina mūsa yahuducugū quehnoaboaga, yūhu tūhotugū. Sa ijiepegūta Cohācjū yere mūsa yahugū pūritare tutuaro cahmeaja. Cohācjū yere yahuriqiuro pehe tūhomehneñe yahuducuyere yahuducuriqiuro yūhdūoro apequinare yedohore. Sa ijiepegūta tūhomehneñe yahuducuriqiuro tiqiuro yahuducuyere apequiro yahu yūhdūogū tiquina pehe pototi apequinare yedohore. Tiquiro yahuducuyere yahu yūhdūoriqiuro ijiro tiqiuro pehe apequinare Jesu yequinare buhero nine. <sup>6</sup>Tūhomehneñe yahuducuyere mūsa mehna yūhu yahuducugū, apequiro musare tiqiuro yahu yūhdūoeragū musare yedohoeraboaga yūhu. Sa yegū Cohācjū yūhure tiqiuro yahurire yahugū, tiqiuro yere yūhu masiñene yahugū, apeyere tiqiuro yere yahugū musare yedohogū niaja. Tire mūsa tūhoatire musare buhegū musare quehnoano yedohogū niaja yūhu.

<sup>7</sup>Tūhomehneñe yahuducuriqiuro tiqiuro yahuducuye basa wamoa yero saha ijire. Carisure putina, arpare būa putēna tire mari queoro yeragū ti basayere

apequinare masino basioerare. <sup>8</sup> Sa yero cornetare putiriquiro surara ijiro tiquina cahme wejĕato panore queoro tiquiro putieragŭ apequina surara pehe tiquina cahme wejĕatire masisi. Sa ye tiquina cahme wejĕato pano tiquina wejĕatire wamoare quehnoyuriquina ijisi tiquina. <sup>9</sup> Sata musa gŭhu tŭhomehneñe yahuducuyere musa yahuducugŭ tŭhoye, yahu yŭhduoriquiro mariedagŭ apequina tire ne masisi. Tiquina sa masiedagŭ musa yahuducuye dŭhseati ijierare. <sup>10</sup> Ahri yehpapŭ peye yahuducuye ijiaga. Sa ye tire yahuducuyequina tiquina basi sa yahuducuyere quehnoano tŭhore. <sup>11</sup> Ihcŭciquiro ye yahuducuyere yahu tŭhoeragŭ ihŭano tire yahuducuriquiro pehe “Ape dihta cĵano ijire”, ni tŭhoturota yŭhŭre. Sa yegu yŭhu gŭhu sata ni tŭhotutja tiquirore. <sup>12</sup> Sata ijiri musa gŭhu tŭhomehneñene yahuducuna. Espiritu Santo tiquiro tutuaye mehna tutuaro ye duamene musa. Tiquiro tutuaye mehna sa ye duana apequina Jesu yequinare musa buheatire tiquinare musa yedohoatire tutuaro cahmeña musa.

<sup>13</sup> Sa yero tŭhomehneñene yahuducuriquiro tiquiro yahuducurire tiquiro quehnoano yahu yŭhduoatire Cohŭcĵŭre siniahdo tiquiro. <sup>14</sup> Tŭhomehneñe yahuducuye mehna Cohŭcĵŭre sinigu yŭhu tŭhotuye mehna sinigu niaja. Sa sinigu yŭhu tŭhotuyere apequinare quehnoano yahueraja. Sa yegu apequinare yedohoeraja yŭhu.

<sup>15</sup> Ahrire masina, ohŭ saha yenata mari: Espiritu Santo tutuaye mehna tŭhomehneñe yahuducuye mehna Cohŭcĵŭre sininata. Sa yena ape decopŭ quehnoano masi tŭhotu, apequina tiquina quehnoano tŭhoatire tiquina ye mehna Cohŭcĵŭre sinina, ti gŭhŭre sininata tja. Espiritu Santo tutuaye mehna tŭhomehneñe yahuducuye mehna Cohŭcĵŭre yere basanata. Sa yena ape deco quehnoano masi tŭhotu, apequina tiquina quehnoano tŭhoatire tiquina ye mehna Cohŭcĵŭre yere basana, ti gŭhŭre basanata tja.

<sup>16</sup> Mari sa yeragŭ tŭhomehneñe yahuducuye mehna Espiritu Santo tutuaye mehna Cohŭcĵŭre “Quehnoariquiro, tutuariquiro ijire”, mari niepegŭta apequina pehe ne tŭhoerare. Sa tŭhoeraye “Poto ijire”, ni

masiedare. <sup>17</sup> Tŭhomehneñe yahuducuye mehna Cohŭcĵŭre “Quehnoare”, ni masiaja mari. Mari sa niñe quehnoañe ijiepegŭta tire yahu yŭhduoerana apequinare buheraja mari. Sa yena tiquinare yedohoeraja mari. <sup>18</sup> Ijipihtina musa yŭhduoro yŭhu pehe tŭhomehneñene yahuducujaja. Sa yegu Cohŭcĵŭre yŭhŭre sa yahuducu masigŭ tiquiro yegŭ tiquirore “Quehnoare”, niaja yŭhu. <sup>19</sup> Sa yahuducugu yŭhu ijiepegŭta Jesu yequina cahmeoanequina watoa yŭhu ijigŭ, tŭhomehneñe yahuducuye mehna peye yŭhu yahuepegŭta dŭhseati ijierare. Ti yŭhduoro masa tiquina quehnoano tŭhoati pehe meheñegŭ yŭhu yahuepegŭta quehnoarĭne, yŭhu tŭhotugŭ.

<sup>20</sup> Yŭhu acaye, macanagŭ tŭho masieñequinagŭ tiquina ijiro saha ijieracŭhŭna musa. Sa yena coŭ bajuayequina ñañe yeyere tiquina masieno saha ijiya musa gŭhu. Sa yena bucŭna tŭho masieñequina tiquina ijiro saha ijiya musa. <sup>21</sup> Cohŭcĵŭre yere tiquina ojoari pŭpŭ ohŭ saha nine: “Tŭhomehneñene yahuducuyequinare ahriquina masare yeere yahu dŭtiitja. Sa yegu ape dihta cĵenare yeere yahu dŭtiitja ahriquina masare. Yŭhu sa yahu dŭtiepegŭta ahriquina yŭhu yahuyere tŭhosi, nine Cohŭcĵŭre mari pŭhoro”, nine Cohŭcĵŭre yere tiquina ojoari pŭpŭ. <sup>22</sup> Sa ye tŭhomehneñene yahuducuye Jesu yequinare Cohŭcĵŭre tutuayere masigŭ yeati ijierare. Ti yahuducuye Jesure cahmeñequina pehere Cohŭcĵŭre tutuayere masigŭ yeati ijire. Sa yero Cohŭcĵŭre yere yahuyere Jesure cahmeñequinare Cohŭcĵŭre tutuayere masigŭ yeati ijierare. Cohŭcĵŭre yere yahuyere Jesu yequina pehere Cohŭcĵŭre tutuayere masigŭ yeati ijire.

<sup>23</sup> Sa ye ijipihtina musa Jesu yequina cahmeoagŭ tŭhomehneñene musa yahuducugŭ tire masieñequina, apequina Jesure cahmeñequina gŭhu saja, tŭhoboaga. Sa tŭhoye “Tiquina tŭho masieñequina ijire”, niboaga musare tiquina. <sup>24</sup> Ijipihtina musa Cohŭcĵŭre yere musa yahugŭ pŭrita tire masiedariquiro, Jesure cahmedariquiro saja dŭca tŭhoro, tiquiro ñañe yerire masiboaga tiquiro. Sa yero tiquiro ñañe yerire bujŭa witiboaga tiquiro. <sup>25</sup> Sa yero poto tiquiro ijiye tiyere tiquiro tŭhotuye gŭhŭre masiboaga tiquiro. Sa yero Cohŭcĵŭre

poto dusepe curi mehna quehe saro, tiqiurore ño peorota. Sa yero “Cohãcjũ potota m̄sa mehna ijire”, ninota tiqiuro m̄sare.

M̄sa cahmecoana quehnoano yeya do-jomehnenno marieno

<sup>26</sup> Sa yegũ yũhũ acaye, m̄sare ahrire nigũ niaja: Cahmecoana ihquẽquina m̄sa mehna cjẽna Cohãcjũ yere basa duare. Sa yena apeqũna buhe duare. Sa yena apeqũna Cohãcjũ m̄sare tiqiuro buherire yahu duare m̄sa. Sa yena apeqũna tũhomehneñe mehna yahuducu duare m̄sa. Sa yena m̄sa apeqũna ti yahuducuyere yahu yũhũduo duare m̄sa. Ti ijipihitiyere sa yena apeqũna m̄sare tũhoyeqũna tiqũna quehnoano masiatire tire yeya.

<sup>27</sup> Sa yena tũhomehneñe mehna m̄sa yahuducuna pũana, ihtiana tope-nata yahuducuya m̄sa. Sa yena camesa yahuducuya. M̄sa sa yahuducugũ, ihcãquiuro m̄sa mehna cjũno m̄sa yahuducurire apeqũnare yahu yũhũduoahro. <sup>28</sup> M̄sa yahuducuyere yahu yũhũdoriqiuro mariedagũ m̄sa cahmecoana ijipihitina m̄sa tũhomehneñene yahuducu duana yahuducueracãhña. Sa yena masa marienopũ Cohãcjũ mehna yahuducuya m̄sa. <sup>29</sup> Sa yena Cohãcjũ yere yahu duana pũana, ihtiana topenata yahuya m̄sa. M̄sa sa yahugũ apeqũna m̄sare tũhoyeqũna m̄sa yahurire quehnoano tũho nũnahdo. <sup>30</sup> Sa yero Espĩritu Santo Cohãcjũ yere apeqũrore topũ dujiriqiurore yahu dũcaboaga. Tiquiro yahu dũcagũ tiqiurore tũhoriqiuro gũhũ Jesu yeqũnare yahu duaboaga. Sa yero tiqiuro pano yahuriqiuro pehe dihta mariahdo. <sup>31</sup> Sa yena ijipihitina m̄sa Cohãcjũ yere yahuna, camesa yahuya m̄sa ijipihitiyequina apeqũna tiqũna quehnoano tũhoatire, tiqũna quehnoano bucueatire. <sup>32</sup> Sa yena Cohãcjũ yere yahuna ijina, quehnoano tũho masi, quehnoano tũhotu yahuducuya.

<sup>33</sup> Cohãcjũ tiqiuro yeqũna tiqũna cahmecoanopũ tiqũna cahme yahuducugũ, suhrigũ cahmedare tiqiuro. Dojomehnenno marieno tiqũna quehnoano ijigũ cahmene

tiqiuro. Ijipihitiropũ Jesu yeqũna cahmecoana, ohõ saha yere tiqũna. <sup>34</sup> Tiquina cahmecoanopũ numiare yahuducu dutierare. Tiquina numiare mari pehe yahuducu dutieraja. Cohãcjũ ojoari pũpũ tiqiuro ni-diro sahana numiare ãmuare quehnoano yũhtiyequina numia ijiro cahmene. Sa ye cahmecoanopũ numia masare yahuducueracãhdo. <sup>35</sup> Jesu yeqũna tiqũna cahmecoanopũ numia tiqũna yahuducugũ ñarĩne. Sa yero apee borore masi duaro numino ticoro ya wũhũpũta ticoro manũnore sinituahro.

<sup>36</sup> Ahri yũhũ yahuatire quehnoano masiña m̄sa. Cohãcjũ yere yahu muhtana ijierare m̄sa. Sa yena tiqiuro yere tũhorina m̄sa dihita ijierare. Apeqũna gũhũ tiqiuro ye buheyere cõore. <sup>37</sup> M̄sa mehna cjũno “Yũhũ Cohãcjũ yere yahugũ ijiaja”, ni tũhoturiqiuro ijiro ahri m̄sare yũhũ ojoari Cohãcjũ dutiye ijigũ masiahdo tiqiuro. Sa yero apeqũro “Espĩritu Santo tutuaye mehna ye masiaja”, ni tũhoturiqiuro ijiro tiqiuro gũhũ ahri yũhũ ojoari Cohãcjũ dutiye ijigũ masiahdo tiqiuro. <sup>38</sup> Tire tiqiuro masi duerağũ yũhũ ojoarire “Poto ijierare”, tiqiuro nigũ tiqiurore duhu cãhña. Tũhoeracãhña tiqiurore.

<sup>39</sup> Sa yena yũhũ acaye, Cohãcjũ yere yahuna m̄sa ijiatire tutuaro cahmeña m̄sa. Sa yena m̄sa mehna cjẽna m̄sa cahmecoanopũ tũhomehneñe yahuducuyere mehna tiqũna yahu duagũ “Sa yahuducueracãhña”, niedacãhña tiqũnare. <sup>40</sup> Sa cahmecoana quehnoano, cahme dojomehnenno marieno yeya m̄sa.

## 15

*Quehnoañe buheyere tiqiuro yahurire yahuahye Pablo*

<sup>1</sup> Yojoapũre yũhũ acaye, quehnoañe buheyere m̄sare yũhũ yahurire m̄sare wacũgũ ye duaja. Ti buheyere quehnoano cahmene m̄sa. Sa cahmena ti buheyere ne cohãedare m̄sa. <sup>2</sup> M̄sa sa cahmegũ tire m̄sa cohãedagũ Cristo m̄sare pecapũ wahaborinare yũhũduo tuhasari. M̄sa sa tũhori bato Cristo yere m̄sa duhu cãgũ ti m̄sa tũhori duhseati ijierare.

<sup>3</sup> Ohõ saha ni yahu muhtaantja m̄sare. Ahri ihyo waro ijierare. M̄sare buhegũ yahure Cristo tiqiuro yahurire m̄sare ohõ saha ni yahuu: Cohãcjũ yere tiqũna

ojoariro sahata mari ñañe buhirire Cristo yariahye. <sup>4</sup> Sa yero Cohăcĵu yere tiquina ojoariro sahata Cristo tiqiro yariari bato apequina tiqirore tiquina yagŭ ihtia deco wahaboro tiqiro pehe masa wijiahye. <sup>5</sup> Tiquiro sa masa wijari bato Pedrore bajuahye. Tiquiro sa bajuari bato apequinare tiqiro buheyequinare bajuahye tja. <sup>6</sup> Tiquiro sa bajuari bato ihcă tahata quinientos bui ijiyequinare tiqiro yequinare bajuahye tja. Ihqŭequina tiqirore ihŭariquina mŭna yojopŭre yariariquina mŭna ijire. Tiquina sa ijipegŭta peyequina tiquina mehna cĵena yojopŭre ijinine. <sup>7</sup> Came Cristo Santiagore bajuahye tja. Sa tiqiro bajuari bato ijiptiyequina buhe duti tiqiro cŭriquinare bajuahye tja.

<sup>8</sup> Ijipitiyequina apequinare tiqiro bajuari bato yŭhu gŭhŭre bajuari tja. Nijinogă queoro masa bajueriqirogă tiqiro masa baja nŭnu tăriro saha yŭhu gŭhu Jesure wacŭ tutua nŭnu tărigŭ ijiaja. Yŭhu sa ijirigŭ ijigŭ tiquina batopŭ bajuari Jesu yŭhu gŭhŭre tja. Yŭhureta tiqiro bajua bato tiri. <sup>9</sup> Panopŭre Jesu yequinare űano yemi. Sa yerigŭ ijigŭ apequina Jesu cŭriquina ijiptiyequina tiquina dopŭ waro ijiaja yŭhu. Sa yegŭ yojopŭ gŭhŭre Jesu buhe duti tiqiro cŭnohborigŭ ijierami yŭhu. <sup>10</sup> Sa ijipegŭta Cohăcĵu yŭhure cahigŭ yojopŭre Jesu cŭrigŭ ijiaja yŭhu. Sa yegŭ yŭhure tiqiro cahigŭ yojopŭre tiqiro cahmeŭne ye pehoaja. Sa yegŭ yŭhure cahigŭ tiqiro yaqiro sa iji căgŭ niedaja. Ijipitiyequina apequina tiqiro cŭriquina yŭhdŭoro yŭhu pehe tutuaro buhei. Sa buhegŭ yŭhu esa tuharo buherŭ. Cohăcĵu yŭhure cahino yŭhure yedohori. <sup>11</sup> Ŭsă buheye pehe ihyo waro ijierare. Yŭhu mŭsare quehnoăne buheyere buherigŭ yŭhu ijigŭ apequina yŭhdŭoro yŭhure mŭsa űo peogŭ ihyo waro ijiro nine. Tiquina gŭhu mŭsare buheyequina ijigŭ apequina yŭhdŭoro tiquina gŭhure mŭsa űo peogŭ ihyo waro ijiro nine. Ŭsă pehe ahrire buhena ijiepenata ihyo ijina ijiaja. Ŭsă buheye pehe ihyo waro ijierare. Sa yena mŭsa pehe ahri buheyere quehnoano tuhore.

*Yariariquina mŭna tiquina masa wijiarire yahuahye Pablo*

<sup>12</sup> Cristo yariari bato tiqiro masa wijiarire űsă buhepegŭta “Yariariquina mŭna ne masa wijiaerare”, nine mŭsa mehna cĵena ihqŭequina. ĵDŭhse ijiro boro sa niajari tiquina tire? <sup>13</sup> Sa yero yariariquina mŭna masa wijiaeragŭ Cristo gŭhu ne masa wijiaeraboya. <sup>14</sup> Sa ye Cristo masa wijiaeragŭ quehnoăne buheyere űsă yahuri ne dŭhseati ijieraboya. Tiquiro masa wijiaeragŭ tiqirore mŭsa wacŭ tutuaye gŭhu dŭhseati ijieraboya. <sup>15</sup> Masa wijiaro mariedagŭ űsă pehe Cohăcĵu yere ni mehona niboya. Yariariquina mŭna tiquina masa wijiaeragŭ Cohăcĵu pehe Cristore masa wijiaĵu yeraboya. Tiquiro sa yeragŭ “Cohăcĵu Cristore masa wijiaĵu yeahye”, nina ni mehona ijiboaga űsă. <sup>16</sup> Yariariquina mŭnare Cohăcĵu masoedaro, Cristo gŭhŭre tiqiro masoedaboya. <sup>17</sup> Sa yero Cristo masa wijiaeragŭ tiqirore mŭsa wacŭ tutuaye dŭhseati ijieraboaga. Sa yena mŭsa ñañe buhiri, buhiri tiboaga mŭsa. <sup>18</sup> Masa wijiaro mariedagŭ Cristo yequina mŭna yaria mŭhtariquina pecapŭ waha tuhasaboya. <sup>19</sup> Cristore mari wacŭ tutuara bato mari yariana masa wijia masiedana ijiptiyequina apequina masa yŭhdŭoro pejecŭona ijiboaga mari pehe. Sa yena tiqirore ihyo warota wacŭ tutuana niboaga mari.

<sup>20</sup> Potota Cohăcĵu Cristore masa wijiaĵu yeahye. Cristo masa wijiaro bato mari gŭhu yarianapŭ masa wijianata ijiaja. Tiquiro sa masa wijiaro, marine siho masa wijia mŭhtariqiro ijire. <sup>21</sup> Ohŭ saha ijire ahri: Adán mehna masa yaria dŭcahye. Ohŭ saha apeqiro mehna yariariquina mŭna masa wijiaeta. <sup>22</sup> Adán yequina iji nŭnu tănapŭ mari ijiptihina yarianata. Sata Cristo yequina mari ijigŭ mari yariari bato marine masa wijiaĵu yerota Cohăcĵu. <sup>23</sup> Ihqŭe cururi masare tiquina queori pje ijigŭ masa wijiaeta. Cristo marine iji mŭhtariqiro masa wijia mŭhtahye. Came ahri yehpapŭ tiqiro toja tagŭ tiqiro yequina gŭhu masa wijiaeta. <sup>24</sup> Ti pjeta pihitiri deco ijirota. Sa yero ijiptiyequina watŭare, watŭa pŭhtoare, tutuayequinare cohăno, Cristo yŭhdŭucarota. Tiquiro sa yeri bato ijiptiyequina pŭhtoro tiqiro ijirire Cristo wijiaro, Cohăcĵure mari Pacure comesarota. <sup>25</sup> Tiquiro wijiatro pano mari Pacŭ Cristore ihŭa tuhtiyequinare tiqiro yŭhdŭuca pehoato pano Cristo

pūrita ijipihtiyequina pūhtoro ijirota. Sa ijiriqirota ijiro cahmene tiqirore.

<sup>26</sup> Tiquirore ihña tuhtiyequinare tiqiro yuhduducari bato, yariamedi gūhure cohā cānota. Yariaye pihtia waharota.

<sup>27</sup> Ijipihtiyequina bui dutiatiquirore cūahye Cohācǰū Cristore. Ijipihtiyere cūoriquiro gūhure cūahye tiqirore. Sata nine Cohācǰū yere tiquina ojoari pūpū. Cohācǰū pehe tiqirore cūriquiuro ijire. Sa yero “Ijipihtiyequina bui dutiatiquirore cūahye tiqirore”, nino, “Cohācǰū bui dutiriquiro ijire tiqiro”, nino niedahye tiqiro yere tiquina ojoari pūpū. <sup>28</sup> Ijipihtiyequina bui dutiriquiro Cristo Cohācǰū macuno ijigū Cohācǰū tiqirore cūriquiuro pehe tiqiro macuno bui dutiriquiro ijirota. Sa yero Cohācǰū pehe ijipihtiyequina puhtoro waro ijire. Ijipihtiyere cūoriquiro gūhū ijire.

<sup>29</sup> ¿Masa wijiario mariedagū dahse ye apequina masa yariariquina mūna ye ijiatire tiquina wame yenhriquina ijijari? Yariariquina mūna masa wijaeragū tiquina ye ijiatire apequina wame yegū ihyo warota wame yenhriquina ijiboaya.

<sup>30</sup> Usā pehe usā buheri buhiri decoripe apequina usāre tiquina ñano ye duagū cuarīne usā gūhure. Usāre sa cuaepegūta masa wijiario ijigū masina sa buheducaja usā. <sup>31</sup> Mari puhtoro Jesucristo yequina masa ijigū tiqirore wacū tutua nemona masa wahagū yuhū pehe tutuaro bucueaja yuhū masa mehna. Ti ijirota ijire. Sa yero “Duhse ijiri decopū yuhure yariaro cuarīne”, yuhū nigū ti gūhū ijirota ijire. <sup>32</sup> Efeso cjēna usuaequina quehnoañe buheyere yuhū buheri buhiri yuhure quēdi. Masa wijiario mariedagū Jesu yaquiuro yuhū ijieragū, yuhū sa ñano yuhdūri dahseati ijieraboya. Ihyo waro ñano yuhdūgu niboya yuhū. Yariariquina mūna tiquina masa wijaeragū ohō saha niboaga mari: “Came cjūnogā yarianata. Duhse wahasi mari. Sa yena ihya sihniilna. Mari esa tuharo yeihna”, niboaga mari.

<sup>33</sup> Ni mehoñene tuhhotueracāhña masa. “Ñañequinare piti tina, quehnoañe masa yerire bonata masa”, nine masa. Ti ijirota ijire. <sup>34</sup> Quehnoañene tuhhotuna ijija masa. Sa yena quehnoañene yena ijija tja. Sa yena ñañene ye nemoedacāhña tja. Ihquēquina masa mehna cjēna ne

Cohācǰūre masiedare. Mūsa buoro wahati pehere mūsare sa niaja.

*Yariariquina mūna tiquina masa wijiariore yahu nemoahye Pablo*

<sup>35</sup> Sa ye mūsa mehna cjūno ohō saha ni sinituboaga yuhure: ¿Duhse yariariquina mūna masa wijaetari? ¿Duhse ijije paguri masa wijaetari? ni sinituboaga. <sup>36</sup> Sa sinituriquiuro tūho masieniquiro ijire. Oteri pjeri mari oteri bato ti pje ahbagū waro pihnine. Ahbaeraro ne pihnisi. Tire masine mūsa. <sup>37</sup> Bujūye cjūpūre oteraja mari. Ti pjeri dihitare oteaja mari. Ti pjeri trigo pjeri ijiro ijiboaga. O apee boro pjeri ijiro ijiboaga. <sup>38</sup> Ti pjerire mari oteri bato Cohācǰū tiqiro cahmediro saha ti pjerire bucua mūjagū yere. Sa yero oteye pjerire bujūye pihnigū yere tiqiro. Sata pihni dutire Cohācǰū.

<sup>39</sup> Ijipihtiyequina paguri ihcāno saha bujerare. Masa paguri pehe ihcāno saha ijire. Wahiquina paguri gūhū sijoro saha bajure. Minicjua paguri gūhū sijoro saha bajure. Sa yeye wahi gūhū sijoro saha pagū tire. <sup>40</sup> Sa ye uhmuse cjē gūhū sijoro saha bajure. Sa yeye ahri yehpa cjēna gūhū sijoro saha pagū tire. Sa yeye uhmuse cjēna paguri gūhū sijoro saha bajure. Sa yeye ahri yehpa cjē uhmuse cjē yero saha ijierare. <sup>41</sup> Ohō saha ijire. Asū deco cjūno asī sitere. Sa ye ñami cjūno gūhū sijoro saha ijire tiqiro gūhū. Ihyo buhriore. Sa yeye ñahpicoha gūhū sijoro saha asi paare. Ñahpicoha pari gūhure mari ihñagū ihquē paca mehenogā asiye paca bajure. Sa yeye apeye paca tutuaro asiye paca bajure.

<sup>42</sup> Ohō saha ijire yariariquina mūna tiquina masa wijiagū. Masuno tiqirore pagure mari yari bato tiqirore pagū ahbaa waharota. Sa yero ape pagū sijoro saha ijiri pagū ijipihtiye decori catiati pagū masa wijiario. <sup>43</sup> Ti pagure mari yagū yariariquiuro mūnana pejecno nine. Cohācǰū tiqirore masogū tiqirore pagū quehnoa yuhdūri pagū ijire. Sa yero tiqirore pagū mari yari pagū tutuaye mariedi pagū ijire. Sa yero Cohācǰū tiqirore masogū tiqirore pagū tutua yuhdūare. <sup>44</sup> Ahri yehpa cjā pagure mari yagū yariariquiuro mūnana tiqirore masa wijiagū tiqirore pagū uhmuse cjā pagū ijirota. Ahri yehpa cjā pagure mari cuona,

uhmuse cjā pagu gūhure cuonata, masa wijiana.

<sup>45</sup> Sata ni yahure Cohācjū yere tiquina ojoari pūpū: “Ahri yehpapū iji muhtariquiro Adán wame tiriquiro catiripegūta wahahye”, ni ojoahye. Ti sa ijiepegūta Adán yero saha ijiriquiro bato tiriquiro Cristo pehe catiyere ohoro ahtahye. <sup>46</sup> Ahri yehpa cjā pagu iji muhtari pagu ijire. Camepū uhmuse cjā pagu ijirota. <sup>47</sup> Ohō saha ijire: Iji muhtariquiro Adán pehe ahri yehpa cjūno dihta mehna tiquiro yeri pagure pagu tiahye. Tiquiro bato ahtariquiro, Cristo pehe uhmusepū ahtahye. <sup>48</sup> Dihta mehna tiquiro yeri pagure pagu ti muhtariquiro tiquiro ijiriro saha ijipihtina apequina dihta mehna tiquiro yeri pagure pagu tina ijijaja mari. Sa yena uhmusepū ahtariquiro yero saha tiquiro yequina ijipihtina tiquiro yero saha pagu tina ijinata mari. <sup>49</sup> Dihta mehna tiquiro yeri pagure pagu tiriquiro yero saha bajuaja mari. Tiquiro yero saha mari ijiriro saha uhmuse cjūno yero saha bajunata mari.

<sup>50</sup> Yūhū acaye, musare ahrire yahu duaja: Ahri yehpa cjā pagu dii mehna, dihi mehna ijiri pagu Cohācjū puhtoro ijirōpūre uhmusepūre ne wahasi. Mari pagu ahbati pagu ijire. Sa ye uhmusepū ijipihtiyē decori mari ijiatōpūre ahri pagu wahasi. <sup>51-52</sup> Panōpūre masa tiquina masiedarire yojoopūre musare yahu duaja: Mari mehna cjēna ihquēquina yariasi. Sa ye duita, tiquina pagūrire comesayequina ijietā. Cornetare tiquiro puti, bato tiri decopū sata waharota marine. Ohō saha waharota. Corneta bisiri bato yariariquina mūnare Cohācjū masonota ijipihtiyē decori tiquina ijiatire. Sa yena pagūrire comesarina ijinata mari gūhū. <sup>53</sup> Mari pagūrire tiquiro comesagū to pano mari ahbati pagūri ijiepegūta mari comesari bato ne ahbasi. Sa ye mari pagūri comesagū to pano mari yariati pagūri ijiepegūta ne yariasi. <sup>54</sup> Mari ahbati pagūri ne ahbaerati pagūrire comesarota. Sa ye mari yariati pagūri sa ijiducuatī pagūrire comesarota. Sa marine comesagū panopū tiquiro ojoariro sahata sa waharota: “Cohācjū yariayere cohā cāri. <sup>55</sup> Yojoopūre ne pari turi mari yariasi. Sa yena yariaro mehna pari turi ñano yuhdusi mari”, ni ojoahye panōpūre. <sup>56</sup> Mari ñahe buhiri ijigū pūrita yariaro mehna

ñano yuhdunata. Sa ye Cohācjū dutiye Moiserē tiquiro cūrire mari masidi bato, buhiri tija mari. Sa yero marine pecapū waha dutire Cohācjū dutiye. <sup>57</sup> Tiquiro sa dutiepegūta mari puhtoro Jesucristo pehe marine pecapū wahaeragū yere. Tiquiro sa yeriquiro ijigū masina Cohācjū mehna bucue, “Quehnoare”, niaja mari.

<sup>58</sup> Sa yena yūhū acaye, yūhū cahīna, Cristore wacū tutua duhueracāhña. Sa yena apequina musare quehnoañē buheyere tiquina cohā dutigū, ne cohāedacāhña tire. Sa yena decoripe mari puhtoro Jesucristo tiquiro ye dutiyere quehnoano yeducuya musa. Mari puhtoro Jesucristo yere mari yegū, ahri ihyo waro ijierare. Ahrire masina tiquiro ye dutiyere quehnoano yeducuya musa.

## 16

*Apequinare Jesu yequinare Corinto cjēna niñeru tiquina ohoatire yahuahye Pablo*

<sup>1</sup> Yojoopūre apequinare Jesu yequinare musa niñeru ohoatire yahu duaja musare. Galacia yehpa cjēnare Jesu yequinare yūhū dutiriro sahata musa gūhū yeya. <sup>2</sup> Semanaripe domingo ijigū ijipihtina musa Jesu yequinare ohoati niñerure mehenogā ohoya. Mehenogā cuona mehenogā ohoya. Sa yena paji cjūnogā cuona paji cjūnogā ohoya. Semanaripe musa sa yegū musa cahapū yūhū esagū musa ohoati niñeru iji tuhasarota. <sup>3</sup> Musa ohoatire yahuyē pūrine ojoantja. Sa yegu yūhū topū esagū ti pūrine topū wahatiquinare musa beseriquinare ohoutja. Sa oho tuhasagū Jesu yequinare musa ohori niñerure neatiquinare ohoutja Jerusalēpū. <sup>4</sup> Ti macapūre yūhū yeati ijigū yūhū gūhū wahagutja. Yūhū sa wahagū yūhū mehna tiquina wahaeta.

*Tiquiro tiniatire yahuahye Pablo*

<sup>5</sup> Macedonia yehpa cjēnare ihña yuhdutja yūhū. Yuhdū cā, musa cahapū Corintopū esautja. <sup>6</sup> Topū esagū musa mehna meheñē decorigā ijiboaga yūhū ape taha yegu. Yoa cjūri pje pohero ijiro puno musa mehna ijiboaga yūhū. Sa yena ape siepū yūhū wahagū musa gūhū yūhūre yedoho masine. <sup>7</sup> Meheñē decorigā iji dueraja yūhū musa mehna. Sa yegu Cohācjū cahmegū yoa cjūri pje musa mehna ijitja yūhū. <sup>8</sup> Sa iji duepegūta Pentecoste bose deco ijigūpū



Efesopu ijiniitja yuhu. <sup>9</sup> Ohõpu Efesopu yojopare mari puhtoro Jesu yere tuho du-ayequina peyequina ijire. Tiquina sa ijigũ tiquinare yahuaja. Yuhu sa yahugũ yuhure ihña tuhtiyequina peyequina ijire.

<sup>10</sup> Timoteo yahu yero saha mari puhtoro yere yere. Tiquiro sa yeriquiro ijigũ musa cahapu esagũ quehnoano mehna tiquirore piti ca, tiquiro mehna quehnoano bucueye mehna ijiya musa. <sup>11</sup> Sa yena tiquirore yahdudcaeracãhña musa. Sa yena tiquiro cohe tigũ quehnoano mehna tiquirore yedohoya yuhu cahapu tiquiro tojoa tagũ. Apequina Jesu yequina mehna usã tiquirore cohtena niaja. Sa yena quehnoano yedohoye mehna tiquirore ohoya.

<sup>12</sup> Apolo mari acayuro Jesu yaquiro musare ihñano wahagũ tutuaro cahmemi. Sa yegu tiquirore waha dutimi apequina Jesu yequina mehna tiquiro wahatire. Yuhu sa waha dutiepegũta yojopare tiquiro waha duerare. Sa yero came tiquiro yeye mariedagũ musa cahapu waharota.

*Pablo quehnoa duti bato tiahye*

<sup>13</sup> Quehnoano wacũ masiña musa. Cristore wacũ tutua duhueracãhña. Ne cuenata ijiducuya musa. Sa yena Cohãcjũ tutuaye mehna tutuana ijiya musa. <sup>14</sup> Apequinare sa cahiducuya.

<sup>15</sup> Yojopare yuhu acaye musare ahrire yahu duaja: Estefana ya wuhu cjëna Acaya yehpa cjëna quehnoañe buheyere tuho muhtariquina, tiquina ya yehpapu Cristore wacũ tutua muhtariquina ijire tiquina pehe. Sa ye apequinare mari acayere Jesu yequinare tiquina quehnoano yedohoducure. Tire musa masine. <sup>16</sup> Tiquina yero saha ijiyequinare, apequina Cristo yere yedohoyequinare musa quehnoano yuhtigũ cahmeaja yuhu. <sup>17</sup> Estefana, Fortunato, Acaico gũhu yuhu cahapu wihi tuhasare. Ohõpu tiquina ijigũ quehnoano bucueaja yuhu. Musare tiquina bucuegũ yeriro saha yuhu gũhure bucuegũ yere tiquina. Musa mariedagũ musare tutuaro wacũmi yuhu. Sa yegu tiquina wihigũ bucueaja yuhu. <sup>18</sup> Tiquina mehna ijigu quehnoano jeripohna tigu ijii yuhu. Musa gũhure sata bucuegũ yere tiquina, yuhu tuhotugũ. Tiquinare quehnoano ño peoya musa. Sa yena apequina tiquina yero saha ijiyequina gũhure ño peoya.

<sup>19</sup> Asia yehpa cjëna Jesu yequina musare quehnoa dutire. Sa ye Aquila, Priscila, tiquina ya wuhapu cahmecoañequina mehna Cristo tiquiro cahñe mehna musare tutuaro quehnoa dutire. <sup>20</sup> Ohõ cjëna Jesu yequina ijipihtiyequina musare quehnoa dutire. Musa mehna cjënare quehnoano mehna piti caya.

<sup>21</sup> Yuhu, Pablo yuhu basi ahri dihitare ojoaja. Musare quehnoa dutiaja.

<sup>22</sup> Mari puhtoro Jesucristore apequiro tiquiro cahñedagũ, Cohãcjũ tiquirore buhiri dahreahro. Mari puhtoro sojaro mehna tojoa taahro.

<sup>23</sup> Mari puhtoro tiquiro cahñe mehna musare quehnoa dutiaja. <sup>24</sup> Mari ijipihtina Jesucristo yequina ijiaja. Sa yegu musare tutuaro cahñaja.

## 2 Corintios

*Ohō saha ojoa ohoahye Pablo Corinto cjanare*

<sup>1</sup> Yuhū Pablo, Jesucristo yere buhe duti tiqiro cūrigū ijiaja. Mari Pacū tiqiro cahmediro saha cūri yuhūre Jesu. Yuhū, mūsare Cohācǵū yequinare, Corinto cjanare ojoa ohoaja. Ijipiltina Cohācǵū yequinare Acaya cjanare mūsa gūhure ojoa ohoaja. Mari acayuro Timoteo mehna quehnoa dutiaja mūsare. <sup>2</sup> Sa yena Cohācǵū mari Pacū, mari puhtoro Jesucristo mehna mūsare quehnoa dutiaja. Tiquina yedohoye mehna quehnoano ijiya mūsa.

*Pablo tiqiro nāno yuhdūrire ohō saha ni yahuahye:*

<sup>3</sup> Mari puhtoro Jesucristo Pacuro Cohācǵū marine paja ihñare. Sa yero tiqiro dihita marine yedohore. Quehnoa yuhdūriqiro ijire tiqiro. <sup>4</sup> Mari nāno yuhdūgū ihñano ijipiltinare marine tiqiro yequinare yedohore tiqiro apequinare mari yedohotire. Sa yena apequina tiquina nāno yuhdūgū ihñana tiquina pehere yedohoro cahmene marine. Cohācǵū marine tiqiro yedohoye mehna mari gūhū tiquina gūhūre yedohonata. <sup>5</sup> Cristo yequina mari ijiri buhiri mari nāno yuhdūgū tiqiro tutuaro yedohorota marine. <sup>6</sup> Ūsā pehe mūsare yedohona nāno yuhdūaja. Sa yena Cristo mehna mūsa yuhduatire mūsare ūsā yahuri buhiri nāno yuhdūaja. Sa yena Cristo ūsāre tiqiro yedohogū ūsā pehe mūsa gūhūre yedoho masiaja. Sa yena ūsā nāno yuhdūriro sahata mūsa gūhū nāno yuhdūna, quehnoano mehna ihcāno sahanata mūsa, yuhū tuhōtugū. <sup>7</sup> Quehnoano mehna mūsa ihcāno sahatire ūsā masiaja. Ūsā nāno yuhdūriro sahata nāno yuhdūri mūsa gūhū. Sa yena Cohācǵū tiqiro yedohoye mehna ūsā ihcāno saharo sahata mūsa gūhū ihcāno sahanata, yuhū tuhōtugū.

<sup>8</sup> Ūsā acaye, yojoṗure ahri yuhū yahuatire mūsa quehnoano masigū ūsā cahmeaja. Asia yehṗapū nā yuhdūaro yuhdūe tii ūsā. Ohō saha ni tuhōtumi ūsā: “Ne yuhdūsi mari. Sa yena mari yarianata”, ni tuhōtumi ūsā. <sup>9</sup> Sa yena “Marine wejē cāeta”, ni tuhōtumi ūsā. Sa nāno yuhdūna

Cohācǵū dihitare ūsā wacū tutua nemou. Ūsāre tiquina nāno yegū cahmeahye Cohācǵū tiqirore ūsā wacū tutua nemoatire. Tiquiro pehe yariariquinare masoriquiro ijire. Sa tiqirore wacū tutuana ūsā esa tuharo ūsā ihcāno sahaerare masiaja. Cohācǵū marine yedohore. <sup>10-11</sup> Ūsāre cuaro yepēgūta tiqiro yedohoro mehna ūsā yuhdūu. Cameṗu gūhūre pari turi ūsāre yuhdūorota. Ūsāre Cohācǵūre mūsa sini basagū tiqiro ūsāre yedohorota. Ūsāre tiqiro yedohotire masiaja ūsā. Sa yena ūsāre tiqiro yedohogū ihñana, tiqirore “Quehnoare”, ninata mūsa. Peye mūsa sini basarire tiqiro yuhdigū ihñana bucue, “Quehnoare”, ninata mūsa Cohācǵūre. Peyequina apequina gūhū sata nieta.

*Pablo Corintopū tiqiro waha duamedire yahuahye*

<sup>12</sup> Sa yena mūsa mehna ūsā ijirire wacūna bucuēye mehna ohō saha tuhōtuaja ūsā: Ahri yehṗapū Cohācǵū tiqiro yedohoye mehna nāñe marieno quehnoano mehna masare piti ti buhei. Mūsa pūritare quehnoano piti ti buhei. Ohō saha yena ūsā esa tuharo yeru. Cohācǵū cahiñe mehna tiqiro tutuaye mehna sa yei. <sup>13-14</sup> Sa yena quehnoano yahu ojoa mūsare, quehnoano mūsa masiatire. Yojoṗu ūsāre quehnoano masiedare mūsa. Ūsā ijiye tiyere mūsa quehnoano masigū tutuaro cahmeaja ūsā. Sa yena mari puhtoro Jesu tiqiro tojoa tagū ūsā mehna bucuenata mūsa. Mūsa mehna ūsā bucuero sahata mūsa gūhū ūsā mehna bucuenata.

<sup>15-16</sup> Ohō saha nigū Macedonia yehṗapū waha duamaja yuhū. Sa yegū mūsare ihñā yuhdū cā duamaja yuhū. Sa yegū topure esarigū tojoa tagū pari turi mūsa mehna meheñe decorigā ijiboaga yuhū. Sa yena ṗa taha mūsa mehna yuhū ijigū ihñana ṗajiro yuhū mehna mūsa bucuēboaga. Mūsa caṗapū ijirigū Judea yehṗapū yuhū wahagū ihñana yuhūre yedohoboaga mūsa. <sup>17</sup> Ū“Wahautja”, yuhū nigū tuhōrina ijina mūsa caṗapū yuhū eseragū ihñana “Pablo ni mehono nine”, ni tuhōtuajari mūsa? “Wahautja”, nigū yuhū esa tuharo sa nigū niedaja yuhū. Ū“Tiqiro nidiro saha yerare”, yuhūre ni tuhōtuajari mūsa? <sup>18</sup> Ohō saha ni mehōgū ijieraja yuhū. Sa yegū

“Yeitja”, nigu yuhũ nidiro saha yeaja yuhũ. Tire masine Cohãcjũ.

<sup>19</sup> Yuhũ, Sila, Timoteo mehna Jesucristo Cohãcjũ macũno yere musare yahuu usã. Cristo pehe “Yeitja”, nino, poto yeriquiro ijiro nine. Cohãcjũ tiquiro nidiro sahata Cristo yere. <sup>20</sup> Ijipihtiyere Cohãcjũ tiquiro yahurire Cristo ye pehoahye. Tiquiro sa yeriquiro ijigũ ihñana tiquiro yere usã apequinare yahuaja Cohãcjũre tiquina ño peotire. <sup>21</sup> Cristo yequina marine ijiducugũ yeriquiro Cohãcjũta ijire. Sa yero tiquiro yere yahuanajare marine sõri tiquiro. <sup>22</sup> Sa yero tiquiro yequina mari ijiyere ihñano tire marine masigũ yere tiquiro. Sa yero tiquiro yaquiro Espiritu Santore mari mehna iji dutiri tiquiro. Mari mehna ijiro tiquirota marine Cohãcjũ yuhduoatore masigũ yere.

<sup>23</sup> Yojoõre poto yahutja musare. Poto yuhũ yahueragũ Cohãcjũ pehe musare poto yahuahro. Tiquirota yuhũ tuhutuyere masine. Musare tuhti dueragu musa cahapũ wahaeru. “Musare bujua witiõgũ yeari”, nigu musa cahapũre Corintopũre wahaeru. <sup>24</sup> Sa yena “Musare dutina ijiaja usã”, nina niedaja. Cristore quehnoano wacũ tutua tuhasari musa. Sa yena “Ohõ saha Cristore wacũ tutuaro cahmene musare”, nina niedaja usã. Musare quehnoano bucuegũ ye duaja usã.

## 2

<sup>1</sup> Sa yegu ohõ saha ni tuhutu: “Pari turi tiquinare bujua witiõgũ ye dueraja. Sa yegu yojoõre wahaeraja”, ni tuhutu. <sup>2</sup> Musare bujua witiõgũ ye dueraja. Musa bujua witiõgũ ihñagu yuhũ pehe musare bucueraboaga. Sa yena yuhũre bucuegũ yeatina ijieraboaga musa pehe. <sup>3</sup> Sa yegu musa cahapũ wahaeru. Sa wahaeragu musare ihyo ojoau. Musa yuhũre bucuegũ yeatina ijiepenata yuhũre bujua witiõgũ yeboaga musa, musa cahapũ yuhũ esagũ. Musa mehna yuhũ bucuegũ, musa gũhu bucuenata. Tire masiaja yuhũ. Sa yegu yojoõre musa mehna bujua witiõgũ ye dueragu wahaeru musa cahapũ. <sup>4</sup> Pajiro tuhutuõgũ, ñano jeripohna tigu, tutuaro utigu musare ojoaepegũta musare bujua witiõgũ ye dueru. Musare tutuaro yuhũ cahĩnene musare masigũ ye duagu musare ojoau.

Corinto cjẽna mehna cjẽno tiquiro ñano yerire bo dutiahye Pablo Jesu yequinare

<sup>5</sup> Ihcãquiro musa mehna cjẽno yuhũre bujua witiõgũ yeriquiro ijiri. Sa yeriquiro ijiepegũta musare tiquiro tutuaro bujua witiõgũ yeriro saha yuhũ pehere pajiro bujua witiõgũ yerari tiquiro. Tiquiro sa ñano yepegũta pajiro waro buhiri dahre duti dueraja. <sup>6</sup> Peyequina musa mehna cjẽna tiquirore buhiri dahre tuhasaõhti. To punota buhiri dahre duhuro cahmene tiquirore. <sup>7</sup> Tiquirore musa buhiri dahreducugũ tutuaro bujua witiõboaga tiquiro. Sa yero Cristo yere duhuboaga. Sa yena tiquiro ñañe yerire boya musa. Tiquirore yedohoya tiquiro bucuegũ. <sup>8</sup> Sa yena tiquirore quehnoano yeya musa tiquirore musa cahĩnene tiquiro masigũ. Musa sa yegũ tutuaro cahmeaja yuhũ. <sup>9</sup> To pano musare ojoau “¿Potota yuhũre yuhtietari?” nigu sa ni ojoau musare. Yuhũre musa yuhtigũ ihña duagu musare sa ni ojoau. <sup>10-11</sup> Yojoõre tiquiro ñañe yerire musa bogũ ihñagu yuhũ gũhu tire boutja. Yuhũre ñano yerahye tiquiro. Musa pehere ñano yeahye. Tiquiro sa ijiepegũta tiquiro ñañe yerire boaja yuhũ gũhu. Musare quehnoano yedoho duagu Cristo ihñonopũ tiquiro ñañe yerire boaja. Tire boaja Satana marine tiquiro yuhducaeratare. Tiquiro marine ñañene yegũ cahmene. Tire quehnoano masiaja mari. Sa yena Jesu yequina tiquina ñañe yerire wacũducueraja mari, “Tiquinapũ Satana yere yeari”, nina.

Troa wame tiri macapũ ijiro Titore bocaeraro pajiro bujua witiõgũ yahye Pablo <sup>12</sup> Sa yegu Troa wame tiri macapũ esau Cristo yere buhegu wahagu. Topũ yuhũ ijigũ peyequina masa quehnoañe buheyere tũho duayequina ijiri. Mari puhtoro tiquiro yedohoye mehna tiquiro yere yuhũ buheatiquina peyequina masa ijiri. <sup>13</sup> Sa ijiepegũta mari acayõrore Titore bocaeragu pajiro bujua witiõgũ yahye. Sa yegu to cjẽnare cohe ti tuhasagu Macedonia yehapũ wahaũ.

Cristo yedohoye mehna ñañene yeducueraja mari

<sup>14</sup> Sa ye Cohãcjũ pehe marine ñañene yeragũ yere. Cristo yequina mari ijigũ ihñano marine ñañene yeragũ yere. Sa yegu Cohãcjũre bucue, “Quehnoare”, niaja. Sa yena Cohãcjũ marine tiquiro dutigũ

masina ijipihitropu Cristore masare masigū yeaja mari. Sa tiqirore masiñe tiquina quehnoano tuhature. <sup>15</sup> Cristo yequina ijina, Cohācjū pehere bucegū yeaja mari, ehme sitiye mari bucuero saha. Sa ye Cristo yequina mari ijiyere ihña masine apequina Cohācjū yuhduoatiquina. Apequina tiquina ñañe buhiri pecapu waha-tiquina gññu Cristo yequina mari ijiyere ihña masine. <sup>16</sup> Cristo yequina mari ijigū ihñañe, tiquina ñañe buhiri pecapu waha-tiquina pehe pecapu tiquina wahatire masine. Cohācjū yuhduoatiquina pehe marine Jesu yequinare ihñañe, ijipihitiye decori tiqiro mehna tiquina ijiatire masine. Sa ye Cristo ye ihyo ijije buheye ijierare. Sa yero ahrire Cristo yere ihcāquiro esa tuharo buhe sohtori tiriqiro ne mariedare. Cohācjū yedohoro mehnata tiqiro yere mari buhe masiaja. <sup>17</sup> Peyequina apequina Cohācjū yere buhemene niñerure wapata duaye. Ūsā pehe tiquina yero saha yeraja. Ni mehono marieno Cristo tutuaye mehna tiqiro yere buheaja ūsā. Cohācjū ūsāre cūgū tiqiro ihñonopu quehnoano buheaja ūsā.

### 3

*“Ohō saha yetija”, Cohācjū ni cūrire wahma buheyere yahuahye Pablo*

<sup>1</sup> ¿Pari turi ūsā ijije tiyere musare yahuna nijari ūsā, musa tuhutugū? Apequina musare tiquina buheato pano tiquina ijije tiyere masi duana tiquina ojoari pūre cahme muhtari musa. Ūsāre masi tuhasari musa. ¿Ūsāre masiepenata ti pū borore cahmeajari musa? ¿O apequina cahapu ūsā buhena wahana ti pū borore ūsāre neno cahmeajari, musa tuhutugū? <sup>2</sup> Ti pū borore cahmedaja ūsā. Musa pehere ijipihitiyequina apequina ihñañe musare ūsā quehnoano buherire masieta. Musare ūsā buhegū Cristo yequina iji ducari musa. <sup>3</sup> Cristo yequina musa ijigū ihñañe masa musare Cohācjū ye buheye warore ūsā queoro buherire masi tuhasare. Musare buhena Cohācjū yaquiro Espiritu Santo tiqiro yedohoye mehna buhei. Tiqiro Cohācjū catiriqiro waro ijire. Ūsā sa buhegū tuhona Cristore quehnoano cahmedi musa. Sa cahmena musa ijigū apequina musare ihñañe Cristo yequina musa ijiyere quehnoano masine. Sa masiñe

musare Cohācjū ye buheye warore ūsā queoro buherire masine masa.

<sup>4</sup> Ahrire ijipihitiye tuhoutuaja ūsā Cohācjūre quehnoano wacū tutuana. Cristo tiqiro yedohoye mehna sa wacū tutuaducuaaja mari. <sup>5-6</sup> “Ūsā esa tuharo ahri dahrayere yeaja ūsā”, ni masiedaja ūsā. Cohācjū tiqiro yedohoye mehna ye masiaja ūsā.

Yojoṗure tiqiro yahuyere quehnoañe buheyere Cohācjū pehe quehnoano ūsāre buhe masigū yere. Ahri buheye panopu tiqiro dutiye tiqiro ojoari yero saha ijierare. Quehnoañe buheye pehere buheaja ūsā. Panopu tiqiro dutirire mari esa tuharo ne ye masiedaja. Sa mari ye masiedari buhiri pecapu wahaboya mari. Quehnoañe buheye pehere tuhona Cristore wacū tutuaja. Sa yena ijipihitiye decori Cohācjū mehna ijinata mari. <sup>7</sup> Cohācjū tiqiro dutiyere ūtā pññipu ojoaro Moiserere cūahye. Tiqiro sa cūri bato tiqiro asi siteye bajuahye. Moise wuhdoasi siteahye. Asi site yuhduahye. Came ti asi siteye pihitia wahahye. Came ti asi siteye pihitia wahati ijiepegūta coā warore tiqiro wuhdoare masa ne ihñadoque ohō masiedahye. Ti dutiyere masa tiquina ye pehoerari buhiri pecapu waha-tiquina ijiahye. Sa ye ti dutiye masare pecapu waha dutiepetata, tutuaro asi siteye mehna iji ducahye ti dutiye.

<sup>8</sup> Ti dutiye yuhduoro quehnoañe buheye pehe quehnoa yuhduare. Ahri buheyere apequinare mari buhegū tiquina quehnoano tuhogū Espiritu Santo tiquina mehna ijirota. Sa ye panopu cjē dutiye yuhduoro Cristo ye pehe quehnoa yuhduare. <sup>9</sup> Cohācjū dutiye panopu cjē masare pecapu waha dutiahye. Sa dutieperota Cohācjū tutuaye mehna tiqiro asi siteye mehna iji ducahye. Ti yuhduoro quehnoañe buheye pehe Cohācjū tutuaye mehna ijire. Ti buheye mehna quehnoañequina wahare masa, Cohācjū ihñagū. <sup>10</sup> Panopu Cohācjū tiqiro dutiri pehe ihyo ijije dutiye yero saha tojoa cāhre yojoṗure quehnoañe buheye mehna mari ihña piti cagū. Quehnoañe buheye pehe quehnoa yuhduare. Ti buheye mehna uhmusepu mari waha masiaja. <sup>11</sup> Panopure tiqiro ye dutiye yoa cūiri

pje asi siteye ijdudume, pihitia wahahye. Ti dutiye yuhduoro quehnoañe buheye pehe quehnoa yuhduare. Ti buheyere quehnoano tuhona, Cohãcǵũ mehna sa ijdudunata.

<sup>12-13</sup> Mari sa ijduduatire masina, cuero marieno quehnoañe buheyere quehnoano yahu peho cǵã usã. Moise pehe usã yero saha ijierahye. “‘Cohãcǵũ asi siteye pihitiro nine’, Israe masa ni ihñari”, nino, tiqiuo wuhdoare cahmotahye Moise. Bue tiro sa cahmotahye. Tiquiro yee tiri saha bue tieraja usã pehe. Sa yena cuero marieno tiqiuo yere quehnoañe buheyere buheaja. <sup>14</sup>Ti pǵerũ cǵena Israe masa pehe ne masieda tiahye. Yojoꝛũ gũhũre Cohãcǵũ yere panopũ tiqiuo ojarĩ pũrine tiqiuina buheye, ne masiedare. Moise tiqiuo wuhdoare cahmotagũ Cohãcǵũ asi siteyere tiqiuina ihñadoque ohõedariro saha tiqiuina quehnoañe buheyere quehnoano masiedare. Cristore cahmedaye, masisi tiqiuina. Tiquirore tiqiuina wacũ tutuari bato, tiqiuo yere masieta.

<sup>15</sup> Yojoꝛũ gũhũre Israe masa Cohãcǵũ dutiye Moiserẽ tiqiuo cũrire buheye, tiquinare cahmotaro saha ne masiedare tiqiuina. <sup>16</sup> Mari pehe mari pũtorore cahmegũ tiqiuota marine masigũ yere. Moise tiqiuo wuhdoã cahmotarirore tiqiuo ne cãboriro saha mari pũtoro marine tiqiuo yere quehnoano masigũ yere. <sup>17</sup> “Mari pũtoro”, nigũ Espĩritu Santore nigũ niaja. Cohãcǵũ yaquiro Espĩritu mari mehna tiqiuo ijigũ pecapũ wahaborinare tiqiuo yuhduorina ijiaja. Sa yena “Panopũ cǵẽ dutiye mehna mari yuhduñata”, niedaja mari. Sa yena ti dutiyere duhuna, Espĩritu Santo ye dutiye pehere yeaja mari. <sup>18</sup> Sa yena Jesu yequina ijina, Cohãcǵũ yere masiaja mari. Tiquina wuhdoã pacare cahmotamehneñequina yero saha Cristo tutuayere ihñona niaja mari. Sa yero mari pũtoro Espĩritu Santo marine quehnoañe pehere comesagũ yere. Tiquiro sa yegũ Cristo quehnoa yuhduariquiro tiqiuo ijiro saha wahana niaja mari.

#### 4

<sup>1</sup> Sa ye Cohãcǵũ usãre paja ihñano, quehnoañe buheyere yahuanajare cũri usãre. Tiquiro sa cũgũ masina, tiqiuo

yere buhena caributieraja usã. <sup>2</sup> Tiquiro yere buhena ni meje cũ buheraja. Sa yena usã tire comesaeraja. Sijoro saha cǵunogã buhena buoro yuhduboaga. Sa yena tire buhe dueraja. Cohãcǵũ ihñonopũ ijiaja usã. Sa yena quehnoañe buheyere quehnoano poto buheaja usã. Usã sa buhegũ ihñañe tire quehnoano masine usãre ihñañequina waro. <sup>3</sup> Usã buheyere quehnoañe buheyere buheaja usã. Usã tire buhepegũta apequina ne tuho duerare. Sa tuhoeyequina pecapũ wahatiquina ijire. <sup>4</sup> Satana ñariquiro ahri yehpa cǵena pũtoro tiquinare masiedagũ yere. Caperi bajueyequina tiqiuina ihña masiedaro saha masiedagũ yere tiquinare. Quehnoañe buheyere Cristo tutuayere tiquinare masiedagũ yere tiqiuo. Cristo pehe Cohãcǵũ ijijye tiyere marine masigũ yere. Tiquiro Cristo Cohãcǵũ waro ijire. <sup>5</sup> Usã buhena “Usã pehere ño peoya”, ni buheraja. Ohõ saha ni buheaja usã: “Jesucristo pehe ijire mari pũtoro”, ni buheaja usã. Usã pehe Jesure yuhntina ijiaja usã. Sa yena musare yedohojaja usã. <sup>6</sup> Panopũ ohõ saha niahye Cohãcǵũ: “Nahitianopure buhrioro ijija”, ni, dutiahye tiqiuo. Yojoꝛũre tiqiuota ijire marine tiqiuo tutuayere masigũ yeriquiro. Buhrioro marine ti ihñagũ yero saha, tiqiuo tutuayere marine masigũ yere. Cristo Cohãcǵũ tutuayere marine masigũ yere.

#### *Cristo tutuaye mehna mari ijiaja*

<sup>7</sup> Sa masina ijina, tiqiuo tutuayere apequinare masigũ yeaja. Sa yena ijiepenata tutueraja usã. Dihi sutu duita wahtiro ti butiro saha usã gũhũ tutueraja. Sa ijiepenata Cohãcǵũ tutuayere apequinare buheaja usã. Usã sa tutuerapenata tire buheaja usã. Usã sa buhegũ ihñañe usãre “Tiquina esa tuharo ahri buheyere masiedare. Cohãcǵũ pehe tiquinare masigũ yere”, ni masieta apequina usãre. <sup>8</sup> Ijipihitoyequina apequina usãre ñano yepeta Cohãcǵũ usãre tiqiuo yedohogũ tiqiuina usãre yuhduducaerare. Sa yena usã caributiepenata, Cohãcǵũ yere ne yahu duhueraja. <sup>9</sup> Usãre tiqiuina ñano yeducepegũta Cohãcǵũ usãre sa yedohoducure. Usãre tiqiuina quõdoque cũ mujaepegũta tiqiuo yedohoye mehna yarieraja usã. <sup>10</sup> Tiquina wejẽatina ijinata niaja usã, Cristo ahri yehpapũ tiqiuo ñano

yuhdüriri saha. Tiquina wejēatina ijiducuna niája usā Cristo catiducugū yeriquiro tiquiro ijiyere masa tiquina masiato saha. Usā sa ñano yuhdugū ihñañe tire masieta masa.

<sup>11</sup> Sa ye decoripe usāre apequina wejēno cuarīne Cristo yequina usā ijiri buhiri. Ohō sahata ñano yuhdñaja usā Cristo catiducugū yeriquiro tiquiro ijiyere apequina tiquina masiato saha. Usā paguri came yariaa waharota. Usā sa wahatina ijiepenata Cristore catiducugū yeriquirore masigū yeaja usā apequinare. <sup>12</sup> Sa ye musare usā buheri buhiri usā pehere apequina wejēno cuarīne. Usā buheyere musa tuhori bato ijipihtiye decori Cohācjū mehna ijiatina jire musa.

<sup>13</sup> Cohācjū yere tiquina ojoari pūpū ohō saha nine: “Cohācjūre wacū tutuagu, tiquiro yere buhei”, ni ojoahye panopū cjūno. Usā gūhū sata yeaja. Cohācjūre wacū tutuana, tiquiro yere buheaja. <sup>14</sup> Ahri yuhū niati gūhūre quehnoano masiaja usā: Cristo yariari bato Cohācjū tiquirore masoahye. Sa yero Cristo yequina mari ijigū ihñano tiquiro mari gūhūre masonota. Tiquiro sa masori bato tiquiro cahapū neanota marine. <sup>15</sup> Sa yena musare yedoho duana, ñano yuhdñaja usā. Sa yena Cristo yequina musa peyequina wahana, peyequina musa Cohācjūre bucueye mehna ño peonata. Tiquirore “Quehnoare”, ninata.

<sup>16</sup> Musa sa wahagū ihñana, usā ñano yuhdñepenata bujua witieraja. Sa yena Cristo yere buhe duhueraja. Usā pagū tutuaye decoripe pihti cāno nine. Usā tutuaye sa pihti cāepēgūta quehnoano jeri sajāja usā. <sup>17</sup> Yojoṗure ñano yuhdñepenata ñano yuhdu dojoeraja. Ti mari ñano yuhdñe pihtia waharota. Sa yena marine mehenogā ñano yuhdñero cahmene. Sa mari ñano yuhdñarina ijina, cameṗure tutuaro bucueye mehna ijiducunata Cohācjū mehna. Sa yena mari ñano yuhdñari yuhdñoro pajiro bucueye mehna ijiducunata. <sup>18</sup> Mari ihñari ahba pihtia waharota. Mari ihñedari pehe sa ijiducurota. Sa yena mari ihñarire wacūducueraja. Mari ihñedari pehere Cohācjū yere sa wacūducuaaja mari. Sa yena cameṗuri mari quehnoano ijiatire bucueaja.

## 5

<sup>1</sup> Wuhure tiquiro cohāboriro saha came mari paguri pehe butia waharota. Sa yero wahma wuhure tiquiro yeboriro saha Cohācjū wahma pagurire yerota. Sa yero ti pagurire marine ohorota. Ti paguri masa tiquina yeri paguri ijierare. Sa yena uhmuseṗu sa ijiducunata ti paguri mehna. Tire mari masiaja. <sup>2</sup> Sa yena ti pagurire uhmuse cjē pagurire tutuaro cahmena, mari sa cohteducuna niája. <sup>3</sup> Suhtirore tutuaro mari saña duaro saha ti pagurire tutuaro cahmeaja mari. Sata cohteaja mari paguri mariena iji duerana. <sup>4</sup> Yojoṗure ahri pagurire cohā duerapenata wahma paguri pehere tutuaro cohteaja mari. Yojoṗure mari pagurire cohā duerapenata ijipihtiye decori Cohācjū mehna mari ijiatire tutuaro cahmeaja mari. Sa yena ahri mari paguri yariati paguri ti ijigū masina, wahma paguri mehna Cohācjū mehna sa ijiducu duaja mari. <sup>5</sup> Mari sa ijiducuatire quehnoahye Cohācjū pehe. Sa quehnoano tiquiro yaquiro Espiritu Santore ohori marine. Sa yero tiquiro yaquiro Espiritu Santo mari mehna ijiro, marine Cohācjū tiquiro yeatire “Poto tjire”, nino, marine masigū yere tiquiro.

<sup>6</sup> Sa yena Cohācjūre wacū tutuaducuaaja mari. Cuero marieno ijiaja mari. Ahri mari iji muhtari pagurū ijina, mari puhtoro mehna ijieraniaja. <sup>7</sup> Uhmuse cjēne Cohācjū gūhūre mari ihñedapenata “Ti potota ijire”, ni tuhotuaja mari. Sa yena tiquirore wacū tutuaja mari. <sup>8</sup> Sa yena mari cueraja. Mari pagurire ahri yehṗapū cohāna mari puhtoro mehna uhmuseṗu ijiducunata mari. Sa yero mari yariagū quehnoanota marine. <sup>9</sup> Sa yena Cristore bucuegū ye duaja mari. Ahri yehṗa cjā pagū mehna ijinina tiquirore bucuegū ye duaja. Uhmuseṗu gūhūre tiquirore bucuegū ye duaja. <sup>10</sup> Ijipihtina Cristo cahapū mari wahagū ihñano tiquiro mari yerire ihñano marine beserota. Ñano mari yerire masinota tiquiro. Sa masino marine tiquiro ohoborire marine ohosi tiquiro. Quehnoañene mari yeri gūhūre masinota. Sa masino bucuro marine quehnoano yerota. Tiquiro sa masidiquiro ijigū ihñana tiquirore bucuegū ye duaja mari.

Cohācjūre mari ihña tuhtigū ihñano

Cristo pehe marine bosare

<sup>11</sup> Sa yena cua pesaro mehna Cristore ño peoro cahmene marine. Tire masina, Cristo yere masigū yeaja usā masare. Tiquinare cuesāna, tiquirore wacū tutuagū ye duaja usā tiquinare. Quehnoano mehna tire usā buherire Cohācjū quehnoano masine. Usā sa buherire musa gūhure quehnoano masigū cahmeaja yūhu. <sup>12</sup> Pari turi quehnoano usā ijiye tiyere musare yahuna niedaja. “Apequinare yūhduducaja”, niñequinare musa yahuati pehere quehnoano mehna usā buherire yahuna niaja usā musare. Tiquina pehe tiquina wacūñepu ñañequina ni mehoñequina ijiepetā masa tiquina ihñono dihita quehnoañequina yero saha ye ihñomene. Sa yena usā mehna musa bucueati pehere ahri ijipihitiyere musare yahu ojoana niaja. “Pablo gūhu usāre quehnoano mehna buhere”, usāre apequinare musa ni cahmotati pehere ahri ijipihitiyere musare yahu ojoana niaja. <sup>13</sup> ¿Usā ohō saha ni yahuna tuho masiena ijajari usā, musa tuhotugū? Masa usāre ihñañe, tuho masieñequina yero saha ihñare usāre. Cohācjū yere usā yegū ihñañe sa ihñaboaga usāre. Sa tiquina ihñanohrina ijiepenata sa ijina ijieraja musare yedoho nemona tana.

<sup>14</sup> Cristo marine tiquiro cahīgū ihñana musare sa yedohoaja. Tiquiro sa cahīgū ihñana tiquiro yere sa yahuducuja usā. Ihcāquirola Cristo ijipihitina mari ñañe buhirire yariari jiri. Tiquiro sa yariari bato mari pehe ijipihitina mari ñañe buhirire yariariquina yero saha ijiaja. Tiquiro buhiri dahre tuhasariquina yero saha ijiaja. Cristo tiquiro yariari mehna marine tiquiro buhiri dahre tuhasariquina yero saha ihñanota Cohācjū. <sup>15</sup> Ijipihitina mari ñañe buhiri yariari jiri Cristo tiquiro ye dihitare mari yeato saha. Sa yero tiquiro cahmeñe pehere marine ye dutiro yariari jiri tiquiro. Mari ye ijiatire yariaro, masa mujari jiri. <sup>16</sup> Sa yena yojoṗure usā esa tuharo masare “Quehnoañequina ijire. Ñañequina ijire”, ni ihñedaja usā. Panopu usā esa tuharo yee timi. Sa yena Cristore masiedu. Yojoṗure Espiritu Santo yedohoye mehna tiquirore quehnoano masi tuhasaja. <sup>17</sup> Sa yena Cristo yequina wahana quehnoañe pehere yena wahaja mari. Panopu mari esa tuharo mari yemedire duhu cjā mari. Yojoṗure

quehnoañe pehere comesana tire yeaja mari.

<sup>18</sup> Cohācjū pehe marine quehnoañe pehere comesagū yeri. Cohācjūre ihñā tuhtina mari ijigū ihñāno Cristo pehe mari ñañene cohāri. Sa cohāno mari ihñā tuhtiyere duhugū yeri tiquiro. Sa yegū yeri Cohācjū Cristore. Sa yero usāre tiquiro yere buhe dutiro cūri. Sa buhena, apequinare Cohācjū mehna tiquina ihñā tuhtirire duhugū yeaja usā gūhu. <sup>19</sup> Ohō saha masare yahu dutiri Cohācjū usāre: “Cristore mari wacū tutuagū ihñāno mari ñañe buhirire buhiri dahrerare Cohācjū marine. Sa yero marine ihñā tuhtiriquire ijieperota tiquiro marine tiquiro yequina ijigū yere”, ni yahu dutiri Cohācjū usāre. <sup>20</sup> Sa yena Cristo yere buheanaja tiquiro cūrina ijiaja usā. Cohācjū musare tiquiro yahuboriro saha usā pehe ohō saha ni musare yahuaja: Cristore yahu basana niaja. Sa yena musare ihñā tuhtieragū yeaja. Cohācjūre musa ihñā tuhtiyere to punota duhuya. <sup>21</sup> Cristo tiquiro ñañene yerapegūta Cohācjū pehe tiquirore mari ñañe buhirire yaria dutiahye. Sa yero mari ñañe buhirire buhiri dahreahye Cohācjū tiquiro pehere. Sa yero Cristo yequina mari wahagū Cohācjū yero saha quehnoano marine ijigū yere tiquiro.

## 6

<sup>1</sup> Cohācjūre yedohona ijiaja usā. Sa yena ahrire tutuaro musare ye dutiaja usā. Cohācjū yere quehnoañe buheyere musa tuhoriro sahata yeya musa. Musa tuhoriro sahata musa yeragū ti musa tuhori duhseati ijierare. <sup>2</sup> Ohō saha nine Cohācjū: Musare yūhu quehnoano yeati pjere musa siniñene tuho yuhtitja. Sa yegū musare yūhu yūhdwoati decore musare yedohoutja, nine tiquiro. Tuhoja musa. Yojoṗure Cohācjū musare tiquiro quehnoano yeati pje ijire. Yojoṗure Cohācjū musare tiquiro yūhdwoati deco ijire.

<sup>3</sup> Ne mehenogā apequinare ñāno yeraja usā. Apequinare ne ñāno ni yahuducueraja, “Quehnoañe buheye pehere cahmedari”, nina. <sup>4</sup> Sa yena Cohācjū cahacjana usā ijiyere musare masigū ye duaja. Sa yena ohō saha ijiaja usā: Ñāno yūhdūna, apee borore cwoerana sa tuhotu cjā. Usāre

tiquina ñano yepegũta usuaro marieno ijiaja. <sup>5</sup> Ohõ saha ñano yũhdũũ usã: Masa usãre quẽgũ, peresu tiquina yegũ, peyequina masa usãre wejẽ duagũ tiquina saũducugũ ñano yũhdũũ usã. Usã tutuaro dahra wahyia yũhdũna, wũjũa purĩtepegũta carĩedana, ẽjũa ahbana ñano yũhdũũ. <sup>6</sup> Numia mehna ñano yerũ. Sa yena Cohãcjũ yere quehnoano masiĩne mehna buhei musare. Sa yena ne usueru usã. Sa yena quehnoano cahĩĩne mehna yei usã musare. Sa yena Cohãcjũ cahacjãna usã ijiyere musare masigũ yena nii usã. Espiritu Santo tiquiro yedohoye mehna Cohãcjũ cahacjãna usã ijiyere masigũ yena nii musare. Sa yena potu musare usã cahĩgũ ihñana, tiquiro cahacjãna usã ijiyere masine musa. <sup>7</sup> Sa yena quehnoañe buheyere musare potu usã buhegũ ihñana, Cohãcjũ tutuaye mehna usã yegũ ihñana tiquiro cahacjãna usã ijiyere masine musa. Quehnoañe pehe ijipihitiye usã yeri usã wamoã yero saha ijire quehnoano usã cahmotati pehe. Tire quehnoañene yena watĩnore usã cahmotana niaja. Sa yena ti quehnoañene usã yeri mehna tiquirore usã yũhdũducaja.

<sup>8</sup> Apequina usãre ño peore. Apequina pehe usãre ño peerare. Apequina ñano ni yahuducure usãre. Apequina pehe quehnoano ni yahuducure usãre. Potu usã buhepegũta “Ni mehoñequina ijire”, ni yahusãre apequina usãre. <sup>9</sup> Apequina usãre ihña masiĩnequina yero saha yere. Ihquẽ tahari usãre masiĩnequina yero saha yere. Usãre tiquina wejẽ duepegũta catiniaja usã. Ihñaña usãre. Ijirota ijire. Tiquina wejẽ dutinohrina ijiepenata, yarieraniaja usã. <sup>10</sup> Usã ihquẽ tahari bujũa witina ijiepenata, sa bucueducujaja. Pejecũona ijiepenata apequinare quehnoañe buheyere buhena tiquinare pajiro doeri cjẽne usã ohoboro saha yena niaja tiquinare. Apee boro cuoena ijiepenata, potota Cohãcjũ ye pehere cuo peho cjã usã.

<sup>11</sup> Ne Corinto cjãna yũhu acaye, musare quehnoano mehna yahu peho ojoau usã musare. Musare tutuaro cahĩna, sa yahuu musare. <sup>12</sup> Usã pehe musare cahĩ duhueraja. Musa pehe usãre cahĩeda cjũre. <sup>13</sup> Sa yegũ pohna tigu yũhu pohñare yũhu yahuboro saha musare yahutja: Musare usã tũho-

turiro sahata musa gũhu sata quehnoano tũhotuya usãre. Sa yena usãre cahĩña musa.

*Cristore cahmeeñequinare piti ti dutierahye Pablo*

<sup>14</sup> Sa yena Cristore cahmeeñequina mehna sa piti tiducueracãhña. Tiquina mehna cjãna ijieracãhña. Ihcãno saha ijierare musa. Quehnoañene yeriquiro ñañene yeriquiro mehna quehnoano iji masiedare. Cohãcjũre cahmeeñequina Cohãcjũre cahmeeñequina mehna quehnoano cahme piti ti masiedare. <sup>15</sup> Sa yero Cristo watĩno mehna ihcãno saha tũhotuerare. Sa yero Cristo yaquiro, Cristore cahmeediquiro mehna quehnoano cahme piti ti masiedare. <sup>16</sup> Cohãcjũ wũhũpu “Cohãcjũ ijire”, tiquina niĩne queoyere mari cũogũ ñarĩne. Ti wũhũpu ti queoyere mari cũgũ quehnoaedare. Ti yero sahata Cristo yequina Cristore cahmeeñequina mehna mari piti tiducugũ gũhũre ñarĩne. Ti cururi pũa curua ihcãno mehna iji masiedare. Cohãcjũ catiriquiro tiquiro ya wũhu yero saha ijiaja mari. Ti wũhũpu tiquiro ijiro saha mari mehna ijire tiquiro. Ohõ saha nine Cohãcjũ:

Tiquina mehna ijigutja yũhu. Sa yegũ tiquina watoa sa ijiducugutja. Yũhu Cohãcjũ tiquina pũhto ijigutja. Sa ye tiquina pehe yeequina masa ijietã, nine tiquiro.

<sup>17</sup> Sa yero ohõ saha ni nemore tiquiro mari pũhtoro:

Ñañequina mehna tojoeracãhña. Sa yena tiquinare piti tieracãhña. Cristore cahmeeñequinare tiquina ñañene ne piheracãhña. Sa yegũ yũhu pehe musare piti tigutja. <sup>18</sup> Sa yegũ musa Pacũ ijigutja. Musa pehe yũhu pohna ijinata, nine Cohãcjũ mari pũhtoro tutua yũhdũariquiro.

## 7

<sup>1</sup> Yũhu acaye, yũhu cahĩna, musare ahrire yahutja: Ahri ijipihitiyere Cohãcjũ tiquiro sa ni yahugũ tũhona ijipihitiyere mari ñañene yeyere duhuuhna. Sa yena mari ñañene wacũĩne gũhũre duhuuhna. Sa yena Cohãcjũre quehnoano ño peoye mehna ñano yero marieno ijihna mari.

*Pablo bucueye mehna yahuahye Corinto cjẽnare*



<sup>2</sup> Quehnoano mehna ijiya musa usā mehna. Ne mehenogā mehna ñano yeru usā musare. Sa yena usā buheye mehna musare ñano yegū yeru usā. Ne ihcāquiro musa mehna cñjnore ni mehoñe mehna wapa cahmedu. <sup>3</sup> Sa nigu “Usāre wapa yerari. Sa yena buhiri tina ijire musa”, nigu niedaja musare. Musare yahu tuhasau. Musare cahñaja usā. Catinina ihcā curuata ijiya mari. Mari yariari batopu gūhure ihcā curuata ijinata mari. <sup>4</sup> Quehnoano musa yerire masiaja yuhu. Sa yegu musare wacūdoqueogu bucueaja. Sa yena usā ñano yahduri watoa musa pehe yuhure pajiro bucuegū yeri.

<sup>5</sup> Sa ye Macedonia yehpapu usā esari bato topu ijina, ne soeru usā. Topure ñano yahduru usā. Apequina usā mehna cahmeque duari. Sa yena “Cristo yere duhuari”, nina Cristo yequina pehere cuesā nii usā. <sup>6</sup> Usā sa ñano yuhdūpegūta Cohācjū usāre bucuegū yeri. Tiquiro bujua witiyequinare bucuegū yeriquiro ijire. Sa yero Tito usā cahapu tiquiro wihiro mehna usāre bucuegū yeri Cohācjū. <sup>7</sup> Tito wihigū ihñana bucuei. Ahri gūhure bucuei. Musare tiquiro quiti yahugū gūhure tutuaro bucuei usā. Yuhure musa ihña duarire yahuri usāre. Yuhure musa wacūe ti bujua witiiri gūhure yahuri tiquiro. Tiquiro sa ni yahugū tuhogu tutuaro bucuei yuhu.

<sup>8</sup> To pano yuhu ojoari pū mehna musare bujua witiigū yemi. Sa yerigu ijiepegūta bujua witiaraja yuhu pehe. Ti pūre musa buheri bato bujua witiñohti musa. Sa yena mehenogā bujua witi, duhuñohti musa. Sa yegu coā ojoa muhtagu bujua witipegūta yojopure bujua witiaraja. <sup>9</sup> Yojopu pūritare bucueaja yuhu. Musa bujua witiigū tuhogu bucueraja. Sa ijiepegūta sa bujua witina, quehnoañe pehere comesañohti musa. Sa yero musa bujua witiigū ihñano, Cohācjū pehe musare quehnoañene comesagū yere. Sa yena musare bujua witiigū yena, ñano ye dojomehna niedu usā musare. <sup>10</sup> Sa yena Cohācjū tiquiro cahmeno saha bujua witina, mari ñañene bujua witinana. Quehnoañe pehere comesanata. Sata mari bujua witiigū ihñano marine pecapu wahaborinare yuhduore Cohācjū. Mari sa bujua witiigū quehnoañe marine. Cristore cahmeeñe-

quina pehe tiquina ñañene bujua witiarapeta, sa bujua witi maca cā, pecapu waha-tiquina ijinine.

<sup>11</sup> Musa pehe Cohācjū tiquiro cahmeno saha bujua witiñohti. Musa sa bujua witina ohō saha yeñohti musa: Yojopure ñañene yeyequinare sa ihña cādañohti musa. Tiquinare duhu dutiñohti musa. Sa yena tiquina ñañe yeyere cueñohti musa “Tiquina yero saha yeari”, nina. Sa yena yuhure ihña duañohti musa. Sa yena ñañene yeriquirore buhiri dahre duañohti musa. Ti ijipihtiyere musa yena yojopure poto yena musa ijiyere masigū yeri musa usāre. <sup>12</sup> Panopu ñano yeriquirore musare yahu ojoapegūta tiquirore yedohogu tagu sa ni yahu ojoaeru. Tiquiro ñano yenhriquiro gūhure yedohogu tagu sa ni ojoaeru. Musa pehere yedohogu tagu ti pūre ojoa. Usāre quehnoano ño peore musa. Tire musa ño peorire quehnoano musa masiatire ti pūre ojoa musare. Cohācjū tire musare masigū cahmene. <sup>13</sup> Sa yena Tito musa yerire tiquiro quiti yahugū tuhona tutuaro bucuei usā.

Tito gūhu tutuaro bucueri. Tiquirore musa quehnoano mehna musa piti cagū tuhona, musa mehna tiquiro bucuereire tuhona usā gūhu quehnoano bucuei. <sup>14</sup> Coā waropu musa cahapu tiquiro wahato pano musa mehna yuhu bucuereire, quehnoana musa ijirire yahuu tiquirore. Sa yena yuhu nidiro sahata quehnoano yeñohti musa tiquirore. Sa yegu tiquirore yuhu nidire bue tieraja. Musare poto sa yahuducuaja usā. Ohō saha Tito gūhure poto usā yahuu musare tiquiro ihñariro saha. <sup>15</sup> Musa cahapu tiquiro esagū ño peoye mehna tiquirore piti cañohti musa. Sa yena quehnoano yuhitina yuhduducaro mariena musa ijigū ihñanohti tiquiro. Sa yero musare cahñe nemore tiquiro. <sup>16</sup> Yojopure quehnoano yuhitina, Cohācjū cahmeno saha musa quehnoano ye pehona musa ijigū quehnoano masiaja yuhu. Sa masigu tutuaro bucueaja.

## 8

*Cristo yequina ijina, pejecmoyequinare sa oho cāno cahmene marine*

<sup>1</sup> Usā acaye, ahri yuhu yahuatire musare masigū cahmeaja usā. Cristo yequina Macedonia yehpa cñena Cohācjū

cahiñe mehna tiqiro paja ihñañe mehna tiquina yerire musare yahutja. <sup>2</sup> Tiquina ñano yahduēpeta, niñeru marieñequina ijiepetata cañino marieno sa oho cāhri pejecuoyequinare Jesu yequinare. Cristo mehna tutuaro bucueyequina ijiye, tiquina Judea yehpa cjenare quehnoano mehna tiquina cuoyere sa oho cāhri. <sup>3</sup> Musare niita niaja. Tiquina curoo puno ohori. Ijierare. Bui cjunogā ohori. Usā sini basaerapegūta pejecuoyequinare ohori tiquina. <sup>4</sup> Cohācjū yequinare pejecuoyequinare tutuaro yedoho duaye, tiquinare tiquina ohoatire nea dutiri usāre. <sup>5</sup> “Ohō puno ohoeta”, tiquinare usā ni tahoturiro bui cjunogā ohori tiquina. Ohō saha yeri tiquina: Coā warore niñerure tiquina ohoato pano mari puhtoro Cristo cahmeno saha ye pehori jiri tiquina. Sa ye Cohācjū cahmeno saha usā gāhure ño peoye mehna yuhtiri jiri. Sa yeuquina ijiye tiquina niñerure ohori.

<sup>6</sup> Tiquina sa oho tuhasagū ihñana Titore usā pehe ohō saha nii: “Corinto cjenare muñu buhe ducarero sahata quehnoano mehna pejecuoyequinare tiquina ohoatire buhe pehoya”, nii usā tiqiore. Musa gāhu apequinare paja ihñana, musa yedohoatire sa nii tiqiore. <sup>7</sup> Sa yena musa pehe ijipihiyere quehnoano yena iji tuhasare: Cristore potota quehnoano wacū tutuare musa. Sa yena tiqiro yere quehnoano yahure musa. Sa yena Cohācjū yere quehnoano masine musa. Sa yena Cohācjū cahmeno saha tutuaro ye duare musa. Sa yena usāre cahine musa. Ohō saha quehnoano yena iji tuhasare musa. Musa sa quehnoana ijiepegūta mehenogā dūhsare musare. Pejecuoyequina pūritare musa paja ihñagū cahmeaja usā. Sa yena cañino marieno tiquinare quehnoano mehna musa pajiro ohogū cahmeaja usā.

<sup>8</sup> Sa nigu musare dutigu niedaja. Sa ni yahugūta niaja musare. Apequina pejecuoyequinare tiquina tutuaro yedohore musare yahugū niaja. “¿Potota paja ihñana ijijari musa?” ni, masi duagu niaja. <sup>9</sup> Mari puhtoro Jesucristo pehe marine tiqiro paja ihñarire masine musa. Ti ijirota ijire. Tiquiro ahmusepu pajiro cuoriquiro ijieperota ahri yehpapu ahtaro pejecuoriquiro wahahye. Sa yero mari ye ijiatire yariaro pejecuoriquiro wahahye. Ohō saha wahahye tiqiro mari

pehe tiqiro yere pajiro mari cuoatire, tiqiro mehna mari sa ijiducuatire.

<sup>10</sup> Musare sa yahugūta niaja. Ohō saha tuhotuaja yahu pehe: Ihcā cūhma wahare musa oho duagū. Musa pehe pejecuoyequinare oho dua muhtamedi. Sa yena tiquinare oho muhtaborina ijimedi musa. <sup>11</sup> Sa yena musa ye duarero saha yojopure sohtori tiya. Musa oho dua muhtarero saha yojopure quehnoano oho pehoya. Sa yena pajiro cuona ijina pajiro ohoya. Mehenogā cuona ijina mehenogā ohoya. <sup>12</sup> Tutuaro musa oho duagū tire musa ohorire Cohācjū bucuero. Sa yena noho musa curoo puno ohoya. Musa ohoro punota bucuero Cohācjū. “Pejecuoyequinare musa cuoye yahduoro ohoya”, musare nino niedare Cohācjū.

<sup>13</sup> “Pejecuoyequinare ohoya”, nigu tiquinare pajiro cuo dutigu niedaja. Sa yegu musa pehere pejecuroo ye dueraja. <sup>14</sup> Musare ihcāno saha cuo dutigu sa nigu niaja. Yojopure musa pehe pajiro cuore. Sa cuona apee boro marieñequinare oho masine musa. Came musare apee boro mariedagū tiquina gāhu oho masine musare. Musa sa cahme ohona ihcāno saha cuonata ijipihitina Cristo yequina. <sup>15</sup> Ohō saha nine Cohācjū yere tiquina ojoari pūpu: “Pajiro nediquiro gāhu apequina bui cjunogā cuerari. Mehenogā nediquiro gāhure ne mehenogā dūhsareri”, nine Cohācjū yere tiquina ojoari pūpu.

*Tito tiqiro mehna cjenā mehna Corintopu wahahye*

<sup>16</sup> Sa ye musare yahu yedohorero sahata Tito gāhu musare yedoho duare. Cohācjū pehe tiqiro yedoho duagū yeri tiqiore. Tiquiro sa yegū ihñagu “Quehnoare”, niaja Cohācjūre. <sup>17</sup> Titore musa cahapu usā waha dutigu tiqiro quehnoano mehna yuhtiri. Sa yero tiqiore usā waha dutiatio pano tiqiro basita musa cahapu tutuaro waha duariquiro iji tuhasari.

<sup>18</sup> Tiquiro apequiro Jesu yaquiro mehna piti dahrei usā tiqiore. Tito mehna cjunore ijipihiyequina apequina Jesu yequina quehnoano ño peore. Quehnoañe buheyere tiqiro quehnoano yahuriquiro ijigū ihñañe tiqiore quehnoano ño peore. <sup>19</sup> Sa ye Jesu yequina tiqiore cahmene usā mehna tiqiro tinino wahagū. Tiquina

ye niñerure pejecnoyequina cahapũ usã neagũ usã mehna wahatiquirore cahmene tiquirore. Sa ye ti niñerure usã ohogũ ihñañe “Marine yedohoriquiro ijire”, nieta masa Cohãcjũre. Usã sa ohona, tiquinare tutuaro mari yedoho duarire masigũ yenata tiquinare. <sup>20</sup> Sa yena ahri niñerure, pajiro Jesu yequina tiquina ohorire neana, quehnoano ihña ihbonata tiquina ohorire, “Usãre yahusãri”, nina. <sup>21</sup> Mari puhtoro tiquiro ihñonopũ queoro, quehnoano ye duaja usã. Sa yena masa tiquina ihñono gãhũre queoro ye duaja.

<sup>22</sup> Sa yena tana apequirore mari acayũrore ohonatja Tito gãhũ mehna. Usã piti dahreriquirore peye tahari apequinare tiquiro quehnoano yedohogũ ihñaũ usã. Sa yero yojopũre mũa pehe apequinare mũa yedoho duagũ ihñano to pano tiquiro yeriro yũhdũoro quehnoano mũsare yedoho duare. <sup>23</sup> Tito pehere mũsare yahutja. Tiquiro yũhũ mehna cjẽno ijire. Mũsare yũhũ yedohogũ tiquiro yũhũ mehna dahrariquiro ijire. Apequina tiquiro mehna wahatiquina Jesu yequina tiquina bese ohoriquina ijire. Cristo yere tiquina yere, apequina tiquirore ño peoatire. <sup>24</sup> Sa yena cahĩno mehna quehnoano mehna tiquinare piti caya mũa. Mũa sa yegũ ihñañe apequina Jesu yequina quehnoañequina pehe mũa cahĩñene masieta. “Quehnoano piti caeta Corinto cjẽna”, ni yahu tuhasau apequinare. Mũa sa quehnoano piti cagũ ihñañe tiquina usã yahuri poto ijigũ masieta apequina Jesu yequina.

## 9

*Jesu yequinare pejecnoyequinare tiquina ohoatire yahuahye Pablo*

<sup>1</sup> Sa yena Cohãcjũ yequinare mũa yedohoatire mũa ohoatire masi tuhasare mũa. <sup>2</sup> Apequinare mũa yedoho duagũ masiaja yũhũ. Sa masigũ Macedonia yehpa cjẽnare ohõ saha ni yahuu: “Corinto cjẽna Jesu yequina pehe apequinare yedoho dua tuhasari. Ihcã cũhma yũhdũare tiquina yedoho duari”, ni yahu tuhasau tiquinare. Mũa sa yedoho duagũ tũhoye peyequina tiquina gãhũ pejecnoyequinare yedoho duari. <sup>3</sup> Mũsare sa ni yahugũ yojopũre ahriquinare mari acayere mũa cahapũ

ohogu tagu niaja, yũhũ yahuriro saha mũa yeato. Sa yegũ pejecnoyequinare mũa ohoatire mũa cahmecoa cnoyuatire ahriquinare ohogu niaja. <sup>4</sup> Tiquinare ohoeragũ Macedonia yehpa cjẽna mehna mũa cahapũ esagu, mũa ohoatire mũa cnoeragũ ihñagu bue tisãboaga yũhũ mũsare. “Pejecnoyequinare ohoeta”, mũsare yũhũ ni tũhoturi bato mũa ohoeragũ ihñagu bue tisãboaga yũhũ. Mũa gãhũ buoro yũhdũboaga. <sup>5</sup> Sa yegũ mũa cahapũre yũhũ esato pano tiquinare mari acayere oho mũhtagũ niaja. “Pejecnoyequinare ohonatja”, to pano mũa nidire mũa cnoyuatire tiquinare oho mũhtagũ niaja. Mũa ohoatire mũa cahmecoagũ tiquina pehe mũsare yahuetã. Mũa ohoatire mũa cnoyũ tuhasagũ bucueye mehna mũa oho duari ijigũ masiitja.

<sup>6</sup> Sa yena ahrire wacũña mũa: Meheñe pjerigã oteriquiro meheñe pacagã nenota. Peye pjeri oteriquiro peye paca nenota. (Ohõ saha ijire pejecnoyequinare mari ohogũ. Mehenogã mari ohogũ, Cohãcjũ mehenogã ohorota marine. Pajiro mari ohogũ, pajiro marine ohorota.) <sup>7</sup> Sa yena ihquẽquina mũa “Ohõ puno ohonatja”, ni ohoya. Cahĩno marieno ohoya. “Marine oho dutiri”, nino marieno ohoya. Bucueye mehna ohoyequinare cahĩne Cohãcjũ. <sup>8</sup> Tiquiro pehe mũa cahmeno yũhdũoro mũsare ohorota. Sa yena ijipihtiye mũa cahmemedire dũhsaro marieno cno pehonata. Sa yero apequinare mũa ohogũ gãhũre quehnoano esa tuharota mũa cnoye. <sup>9</sup> Sata nine Cohãcjũ yere tiquina ojoari pũpũ:

Pejecnoyequinare pajiro ohore tiquiro. Quehnoano mehna masare sa yeduceure tiquiro, nine tiquiro yere tiquina ojoari pũpũ.

<sup>10</sup> Sa yero oteye dũca tiri bato oteriquiro tiquiro oteati capere ohore Cohãcjũ. Came tiquiro oterire dũca tigũ yere tiquiro ihyatire. Pejecnoyequinare mũa pajiro ohogũ oteriquirore tiquiro ohoriro saha mũa gãhũre pajiro ohorota Cohãcjũ. Sata mũsare ohorota pejecnoyequinare mũa oho nemoatire. <sup>11</sup> Sata ijire. Pajiro ohorota mũsare apequinare pajiro mũa sa ohoducuatire. Sa ye mũa oho

durire pejecuoyequinare usã ohogũ peyequina tiquina pehe Cohãcjũre bucueye mehna “Quehnoare”, nieta. <sup>12</sup> Sa yena pejecuoyequinare Cohãcjũ yequinare ohona, tiquinare yedohore msa. Sa yedohona bucueye mehna Cohãcjũre “Quehnoare”, tiquina nigũ yenata msa. <sup>13</sup> Sa msa apequinare yedohogũ ihñañe, Cohãcjũre ño peoye mehna yahuduceta masa. Sa ye tiquinare apequina gũhũre pajiro msa ohogũ ihñañe Cohãcjũre “Quehnoa yũhdũgũ ijire muhũ”, nieta masa. Ohõ saha nieta Cristo buheye quehnoañe buheye ti nidiro sahata msa yegũ ihñañe, tiquinare msa ohogũ ihñañe. <sup>14</sup> Sa ye Cohãcjũ msare tiquiro paja ihñaño sahata msa gũhũ tiquinare msa paja ihñañgũ tiquina pehe msare cahmeeta. Sa cahmeñe msare sini basaeta Cohãcjũre. <sup>15</sup> Cohãcjũ marine quehnoa yũhũaro yerota. Tiquiro sa yeatire masina “Quehnoa yũhũare”, niinha mari tiquirore.

## 10

*Jesu cũriquiro tiquiro ijyere yahuahye Pablo*

<sup>1</sup> Yojopũre yũhũ Pablo, msare yahutja. Ihquẽquina msa mehna cjẽna ohõ saha nine yũhũre: “Mari mehna ijiro apequinare yũhdũdũca dueriquiro, ihyo ijiriquiro yero saha ijire. Sa ijieperota ape siepũ ijiro marine cuero marieno tuhti ojoadoqueore”, nine msa ihquẽquina yũhũre. Cristo pehe ne usueriquiro, masare quehnoano yeriquiro ijire. Tiquiro yero saha yũhũ gũhũ iji duaja. <sup>2</sup> Sa yegũ msare ahrire tutuaro mehna yahutja: Msa cahapũ yũhũ esagũ quehnoano yeya msa “Pablo usãre tuhtiari”, nina. Ihquẽquina yũhũre ohõ saha nine: “Tiquiro esa tuhãro, Cohãcjũ dutiro marieno yere”, nine yũhũre ihquẽquina. Sa niñequina pũritare tuhti-boaga yũhũ.

<sup>3</sup> Usã gũhũ ahri yehpa cjãnata ijina niaja. Sa ijiepenata ahri yehpa cjẽna tiquina esa tuhãro tiquina yero saha yeraja usã. <sup>4</sup> Surara cahme wejẽ tiquina yũhdũdũcariro saha usã pehe ñañene yũhdũdũca duaja. Ti ñañene ye dueraja. Usã sa yegũ usã wamoã ahri yehpa cjẽna tiquina wamoã yero saha ijierare. Surara tiquina wamoãre tiquina cuoro saha usã pehe Cohãcjũ tutuayere

cuoaja. Ti tutuaye mehna Cohãcjũre cahme dutieyequinare cohãja usã. Masa tiquina esa tuhãro tiquina masiñene ti dũhseati ti ijieragũ masigũ yeaja usã ti tutuaye mehna. <sup>5</sup> Sa yena ijipihtiyequina tiquina esa tuhãro tuhotuyequinare Cohãcjũre tiquina masi dutierarire duhugũ yeaja usã. Sa yena ti tutuaye mehna Cohãcjũre cahmeeñequinare Cristore quehnoano yũhtiyequina tiquina ijigũ yeaja usã. Cristo cahmeno saha tiquinare tuhotugũ yeaja usã. <sup>6</sup> Sa yena apequina msa mehna cjẽna Cristore tiquina yũhdũdũcagũ ihñana tiquinare buhiri dahrenatja usã. Msa pehe msa quehnoano yũhtiri bato Cristore yũhdũdũcayequinare sa buhiri dahreatinata ijinata msa.

<sup>7</sup> Yũhũ pagũ dihitarẽ masine msa. Yũhũ ijyẽ tiye pehere ne masiedare msa. “Cristo yequina ijiaja”, nina ijina, ohõ saha masiña msa: Usã gũhũ msa yero saha Cristo yequinata ijiaja. <sup>8</sup> “Mari puhtoro ye buheyerẽ quehnoañe buheyerẽ buhe dutiro, cũri usãre”, nigũ peye tahari msare sa ni yahuepeguta bæ tieraja yũhũ. Usãre sa buhe dutiro msare yedohoanajare cũri usãre. Msare dojomehneanajare cũno niedari usãre. <sup>9</sup> Ohõ saha potõ ni yahuaia msare “Cueari”, nigũ. Ahri yũhũ ojoari pũre ihñana msa ihña mariagũ cahmedaja. <sup>10</sup> Ihquẽquina msa mehna cjẽna ohõ saha nine: “Pablo ojoaro dusero purĩniquiro yero saha ojoa mujare marine. Sa ijiriquiro ijieperota mari mehna ijiro ne sa ijiaja niediquiro ijire. Pejecuoriquiro yero saha ijire. Sa yero marine tiquiro yahuducuye dũhseati ijierare”, nine ihquẽquina. <sup>11</sup> Sa niñequinare ohõ saha ni yahutja: Msare usã ojoa ohoriro sahata yahunatja msare msa cahapũ ijina. Sa yena “Ohõ saha yenata”, usã ni ojoariro sahata yematja usã, msa cahapũ ijina.

<sup>12</sup> Ihquẽquina msa mehna cjẽna “Quehnoano masi pehona ijiaja”, ni yahuducure tiquina basi. Yohou, quehnoã yũhũaro masiñequina ijiajari tiquina sa ni yahuducuye. Usã pehe tiquina yero saha ne sa nisi. Tiquina basi cahme ihña piti ca “Mari pehe quehnoã yũhdũdũcana ijiaja”, nine tiquina basi. Sa ni macã cañe nine tiquina basi. <sup>13</sup> Usã pehe tiquina

yero saha yesi. Cohācjū ũsāre buhe duti tiquire cūri dihitarē yahuaja ũsā pehe mūsare. Apequina ye dahrayere “Yei”, nina niedaja. Cohācjū mūsare buhe dutiro ũsāre cūri. <sup>14</sup> Ohō saha nina, ni mehona niedaja ũsā. Quehnoāne buheyere Cristo yere mūsare buhe mahtana esau ũsā. <sup>15</sup> Sa yena apequina ye dahrayere “Ũsā pehe tire yei”, ne niedaja ũsā. Sa yena Cristore mūsare wacū tutua nemogū cahmeaja ũsā. Sa cahmena mūsare buhe nemo duaja ũsā. Sa buhena Cohācjū tiquire cūriro punota buhe duaja mūsare. <sup>16</sup> Sa yena mūsare ya yehpa yūhdwopu quehnoāne buheyere yahuna wahanatja. Sa wahana apequina tiquina buheri bato esana, “Ũsā buhei”, nisi ũsā.

<sup>17</sup> Mari yerire “Ũsāta yeaja”, niedaro cahmene. Mari puhtoro Jesu tiquire yeri pehere ihñana bucuero cahmene. Ti pehere apequinare yahuro cahmene. <sup>18</sup> Masa tiquina basi “Ũsā pehe yei”, tiquina nigū bucuere Cohācjū. Mari puhtoro Cristo “Ahriquina quehnoano yeri”, tiquire ninohriquina pehere bucuere Cohācjū.

## 11

“Jesu cūrīna ijīaja ũsā”, ni mehoñequinare yahuahye Pablo

<sup>1</sup> Yūhu ijīye tiyere yahugū tuho masiegū yero saha yahugū niaja. Yūhu ijīye tiyere yahugū mehenogā bue tiaja. Sa yahurigu yūhu ijīepēgūta yūhure tuhoriña mūsare yojopure. <sup>2</sup> Cohācjū mūsare tiquire cahino saha tutuaro cahīaja yūhu gūhu mūsare. Sa yegū mūsare cuesāja yūhu “Ñañene yeari”, nigū. Nuhmino omoca dūhteaticoro umūno mehna ijiericoro quehnoaricoro ticoro ijīro saha quehnoana mūsare ijīgū tutuaro cahmeaja, Cristo dihitarē mūsare cahme dutigū. Sa yegū Cristo cahapu mūsare wahagū ñañe mariena mūsare ijīgū cahmeaja.

<sup>3</sup> Apequina ñañequina mūsare ni mehoñe, sijoro saha ijīye buheyere cahmegū yeboaga mūsare. Pinono Evare ni mehono tiquire masiñe mehna ticorore Cohācjūre yūhdwucagū yeahye panopure. Tiquire sa yeriro sahata yojopure ñañequina mūsare ni mehoñe, Cristore mūsare quehnoano ño peerağū yeboaga. Sa yegū mūsare cuesāja. <sup>4</sup> “Ohō saha ijīriquire ijire Jesu”, tiquina esa tuharo sijoro saha ni meho buhepegūta tuhomene mūsare.

Mūsare ũsā buheriro saha ijierapegūta mūsare ni meho buheyequinare tuhomene mūsare. Sa yena “Ohō saha ijīriquire ijire Espīritu Santo”, tiquina esa tuharo sijoro saha ni meho buhepegūta tuhomene mūsare. Ũsā mūsare buheriquire Espīritu Santo waro ijire. Tiquire pehere queoro tiquina yahuerapegūta mūsare ni meho buheyequinare tuhomene mūsare. Tiquina sijoro saha ijīye buheyere tiquina ni meho buhegū quehnoāne buheyere tiquina buherapegūta tire tuhomene mūsare.

<sup>5</sup> Mūsare mehna cūrīna “Jesu cūrīna ijīaja”, nimediquina yūhure masi yūhdwucare. Tiquire docadwucaraja yūhu. <sup>6</sup> Quehnoano yahu mihnigū ijieraboaga yūhu. Quehnoano yahu mihniedapegūta Cohācjū yere quehnoano masiaja. Yūhu sa masiñene peye tahari mūsare quehnoano masigū yei.

<sup>7</sup> Quehnoāne buheyere Cohācjū yere mūsare buhegū ne wapa cahmedū. Mūsare yedoho duagu wapa cahmedū. Ihyo ijīriquire yero saha ijīi yūhu. ¿Yūhu sa wapa cahmedagū quehnoedajari, mūsare tuhutigū? <sup>8</sup> Mūsare yūhu buhegū apeye macari cūrīna Jesu yequina yūhure niñerure ohori. Tiquina sa ohogū ti niñerure ñehei sinino marieno mūsare buhegū tagū. Mūsare pehe yūhure mūsare ohoborire tiquina pehe yūhure ohori. <sup>9</sup> Mūsare mehna ijīgū apee boro yūhure dūhsapegūta mūsare niñerure ne siniedū. Mari acaye Macedonia yehpa cūrīna Jesu yequina ijīpihtiyē yūhu cahmedire ne wihiri yūhure. Panopure mūsare ne cariboeru yūhu. Cameru gūhure mūsare ne caribosi. <sup>10</sup> Cristo potota tiquire yahuriro sahata yūhu gūhu yojopure mūsare potota yahugū niaja. Ijīpihtiro Acaya yehpapu ijīyequinare ahri mūsare yūhu siniedarire sa yahuducugūta. <sup>11</sup> ¿Mūsare yūhu siniedarire apequinare yūhu sa yahuducugū tuhona, dūhse tuhotuajari mūsare? ¿“Pablo sa yahuro ũsāre cahiedaro niaga”, ni tuhutuboagari mūsare? Ijierare. Mūsare cahīaja. Mūsare yūhu cahīgū Cohācjū masine.

<sup>12</sup> Wapa cahmeno marieno mūsare yūhu buhe ducariro sahata sohtori tiitja. Yūhu buheri wapa yūhu wapa negū ihñañe tiquina “Jesu cūrīna ijīaja”, ni mehoñequina ohō saha niboaga: “Pablo quehnoāne

buheyere buhero, wapa cahmene. Sa yena usã gũhu tiquiro yero sahata yenatja”, ni-boaga tiquina wapa cahmeñe. <sup>13</sup>Tiquina potota Jesu cûriquina waro ijierare. Tiquinare ne cüedari tiquiro. “Jesu cûrina ijiaja”, ni mehoñe, usã yero saha ijimene. <sup>14</sup>Tiquina sa ni mehoñequina ijigũ masi tuhasaja yũhu. Satana gũhu quehnoariquiro yero saha comesa mujare. Tiquiro angel asi siteriquiro yero saha iji duaro comesamene. <sup>15</sup>Tiquiro sa yeriquiro ijigũ masigũ, Satanare yedohoyequina “Jesu cûrina ijiaja”, ni mehoñequina Cohãcjũre yedohoyequina yero saha tiquina comesagũ ihñagu, ni mehoñequina tiquina ijigũ masi tuhasaja yũhu. Yojoþare tiquina sa comesaepegũta pihitiri deco ijigũ ijipihitiye tiquina ñano yeri buhirire buhiri dahrerota Cohãcjũ tiquinare.

*Tiquiro ñano yuhdũreire yahuahye Pablo*

<sup>16</sup> Pari turi ahrire musare yahutja. Ne “Tũho masieniquiro ijire”, yũhure niedacãhña. Yũhu sa ni dutierapegũta yũhure musa sa ni tũhotugũ quehnoanota yũhure. “Tũho masieniquiro ijire”, yũhure ni tũhotuepenata tũhorĩña musa yũhure. Mehenogã yũhu ijije tiyere yũhu yahugũ tũhoya musa. <sup>17</sup> Musare sa yahugũ tũho masiegu yero saha yei njaja. Yũhu ijije tiyere yahugũ mehenogã bue tjaja. Mari þũtoro Jesu yũhure “Mũhu basi mũhu ijije tiyere yahuya”, niedare yũhure. <sup>18</sup> Tiquiro sa niedapegũta ahrire yahutja musare. Tiquina esa tuharo “Quehnoana ijiaja”, niñequina tiquina ijigũ ihñagu yũhu gũhu yũhu ijije tiyere musare yahutja. <sup>19</sup> Musa pehe tũho masieñequinare tũhona bucueye mehna ihñare musa tiquinare. Quehnoa yuhduaro masina ijijari musa pehe sa tũhona. <sup>20</sup> Musare cahacjãna tiquina yegũ, musa yere tiquina ehmagũ, sa ihña cãhre musa. Sa yena musare tiquina doca cũgũ, musa wahsupurire tiquina quẽgũ sa tũhotu cãhre musa. <sup>21</sup> Quehnoa yuhduaro yeajari musare tiquina. Usã pehe tiquina yero saha yuhdũdũcaeraja.

Sa yena tiquina yero saha yeraja. Tiquina yero saha ijierapegũta tiquina “Ohõ saha ijina ijiaja”, tiquina nigũ tũhogũ yũhu gũhu sata ni yahuboaga. Pari turi bue tiepegũta ohõ saha ni yahutja musare tjaja.

<sup>22</sup> Tiquina “Hebreo masa ijiaja”, nine apequinare masi yuhdũdũca duaye. Hebreo masuta ijiaja yũhu gũhu. “Israe masa mari Pacu tiquiro beserina ijiaja”, nine tiquina pehe. Tiquina yero saha tiquiro beserigu ijimaja yũhu gũhu. “Abrahã panamena iji turiana ijiaja”, nine tiquina tjaja apequinare masi yuhdũdũca duaye. Tiquina yero saha Abrahã panami iji turiagũta ijimaja yũhu gũhu. <sup>23</sup> “Cristo cahacjãna ijiaja”, nine tiquina pehe. Yũhu gũhu Cristo cahacjũta ijiaja. Tiquina yuhduoro Cristo yere quehnoano yeaja yũhu. Yohou, sa nigũ tũho masieniquiro yero saha yahuducugũ njaja. Sa yahuducugũ mehenogã bue tjaja yũhu. Tiquina yuhduoro tutuaro dahrau yũhu Cristo yere yegu. Peye tahari tiquina yuhduoro Cristo yaquiro yũhu ijiri buhiri peresu yeri apequina yũhure. Tiquina yuhduoro peye tahari tanari yũhure masa. Tiquina yuhduoro Cristo yaquiro yũhu ijiri buhiri masa yũhure wejẽ duamedi. Sa yegu mehenogã yuhdũu yariaborigu. <sup>24</sup> Ihcã omope tahari judio masa yũhure ñehedi. Yũhure tiquina ñehepe tahari treinta y nueve tahari yũhure tanari. <sup>25</sup> Ihtia taha apequina yũhure ñehedi. Sa ñehẽñe tiquina þũrita yũhure ñano yucũri mehna quẽdi. Ape taha yũhure apequina utã paca mehna doqueri. Ihtia taha yucũsa mehna utãþũ doque quehe sa, minii. Sa yegu ihcã deco, ihcã ñami taboa þjĩ bui þajiri ma decorũre ba pahsaũ. <sup>26</sup> Peye tahari macaripũre buhe tinigu esaũ. Yũhu sa buhe tinigũ cua yuhduari yũhure. Yũhure minino cua yuhduari. Yũhure apequina yaquero cua yuhduari. Ya dihta cjẽna judio masa, judio masa ijieyequina gũhu yũhure ñano yero cua yuhduari. Macaripũ, masa marienopũ, þajiri mapũ gũhure yũhure yariaro cua yuhduari. “Mũhu mehna cãna ijiaja”, ni mehoñequina gũhu yũhure ñano yero cua yuhduari. <sup>27</sup> Cristo yere yegu tutuaro dahrae tii. Sa dahragũ ñano wahyie tii. Peye tahari yũhure wũþũ ñano þurĩepẽgũta sa dahraducue tii. Nano uþũa ahbae tii. Sa yegu ñano aco wũoe tiru. Peye tahari ihyaye bocaera tii. Yũhu suhti sañaboye gũhu ne marieda tiri yũhure. Sa yero yũhure yusũa yuhdũe tiru.

<sup>28</sup> Sa ñano yuhdũepẽgũta decoripe ijipihitiyequina apequina Cristo yequinare,

musa gūhure pajiro wacū tuhoutuaja. <sup>29</sup> Sa yegu ihcāquiro Cristo yaquiro tiquiro sa iji cāriquiro ijigū ihñagu bujua witiája. Apequina Cristo yaquirore ñano ye dutiboaga. Tiquina sa yegū ihñagu Cristo yaquirore cuesāgu, tiquina ñañequina mehna usuaja.

<sup>30</sup> Yahu duerapeguta yuhū ijiye tiyere yahugu tagu, yuhū esa tuharo tutuegu yuhū ijiye tiyere musare bucueye mehna yahuaja. <sup>31</sup> Cohācjū mari puhtoro Jesu pacuro decoripe mari ño peoatiquiro tiquirota musare yuhū ni mehoedagū masine. Ahrire musare poto yahutja.

<sup>32</sup> Damasco wame tiri macapu yuhū ijigū ihñano, ihcāquiro puhtoro yuhure ñehe duamedí. Ijipihtiequina masa puhtoro Areta wame tiriquiro doca ijiriquiro puhtoro pūrita yuhure ñehe duamedí. Sa ñehe duaro ti maca cjā sahrīno sopecaharipe surarare cohte dutimedí.

<sup>33</sup> Tiquina sa cohteri watoata yuhū mehna cjēna pajiri puhudupu yuhure duhu sã, ti sahrīno cjā sopecahagāpu yuhure duhu dijiori. Ti sahrīno behero pehepu yuhure duhu dijiori. Tiquina sa duhu dijiori bato duhti cāa wahau.

## 12

*Pablo Cristo tiquiro ihñorire yahuahye*

<sup>1</sup> Yuhū ijiye tiyere bucueye mehna yuhū yahugū dahseati ijierare. Sa ni yahugu mehenogā bæ tiepegūta yahu nemoutja musare. Mari puhtoro Jesu yuhure tiquiro ihñorire tiquiro masigū yerire yahutja musare. <sup>2</sup> Ohō saha ihño ducari tiquiro yuhure: Catorce cūhmari waro wahare yuhure Cristo yaquirore ūhmusepu tiquiro ne mujari bato. Ūhmusepu ñahpicoha buipu yuhure ne mujari. Yuhū jeripohna dihitare tiquiro negū masiedaja yuhū. O yuhū pagu gūhure tiquiro negū masiedaja. Cohācjū dihita tire masine. <sup>34</sup> Sa yero paraíso wame tiropū ne mujari yuhure. Yuhū jeripohna dihitare tiquiro negū masiedaja yuhū. O yuhū pagu gūhure tiquiro negū masiedaja. Cohācjū dihita tire masine. Tiquiro sa ne mujagū esagu topure tiquiro yahurire tūhou. Ti yuhū tuhore masa ne masiedare. Tiquiro yahurire yahu dutierare.

<sup>5</sup> Ohō saha yuhure tiquiro ihñorire musare yahugu, “Yuhū ihcāta apequinare

yuhūdudacaja”, niboaga yuhū. Sa niedaja yuhū. Yuhū esa tuharo masiegu yuhū ijiyere, yuhū tutuegu yuhū ijiyere bucuegu musare yahutja. Ti dihitare bucuegu musare yahutja. <sup>6</sup> “Apequinare yuhūdudacaja”, musare ni yuhū yahu duagū yuhū nidi potota ijiboaga. Sa yegu sa ni yahugu tuho masiegu ijieraboaga yuhū. Sa ijierapeguta “Ohō saha apequinare yuhūdudacaja”, ni yahusi yuhū musare, “Cua pesa yuhūaro yuhure ihñari”, nigū. Yuhure ihña masina ño peore musa. Musa ño peopegūta ti yuhūoro yuhure musa ño peogū cahmedaja.

<sup>7</sup> Cristo quehnoa yuhūayere ūhmūserē yuhure tiquiro ihñogū ihñarigu ijigu, “Apequinare yuhūdudacaja”, niboaga yuhū pehe. Sa yuhū niedatire Satana yuhū pagure tiquiro duti dahregū ihñano “Quehnoanota”, nidi Cohācjū. Yuhure duti dahrerī Satana yuhure ñano wahagū yero. Ahri dohatiye pota sajāno purīno saha yuhure purīne. <sup>8</sup> Ohō yahu dohatiye yuhure yuhūo dutigu sinie timi Cristore mari puhtorore. Ihtia taha sinimi. <sup>9</sup> Ohō saha ni yuhūtie tiri yuhure tiquiro: “Ohō mūhū dohatiye pūritare mūhure yuhūosi yuhū. Sa mūhure yuhūoerapeguta mūhure cahāja. Yuhū cahīñe mehna quehnoano ijiita mūhū. Dohatigu tutuegu ijigu yuhū tutuayere quehnoano ihñoguta mūhū. Tutuayequina yuhūoro mūhū pehe yuhū tutuayere masare masigū yeita mūhū”, ni yuhūtie tiri tiquiro yuhure. Tiquiro sa nigū tuhogu tutuegu yuhū ijirire masigu bucueaja. Sa yegu tutuegu yuhū ijiyere musare bucueye mehna yahutja. Ohō saha ni yahutja Cristo tiquiro tutuaye pehere musare yuhū quehnoano masigū yeatire.

<sup>10</sup> Sa yegu Cristo yaquiro yuhū ijiri buhiri yuhure purītepegūta bucueaja. Apequina ñano yuhure tiquina yahu wajaepēgūta, ña yuhūoro yuhūepegūta bucueaja. Yuhure tiquina ñano yeducepegūta yuhure bujua witiġū tiquina yepegūta bucueaja yuhū. Sa ñano yuhūepegūta Cristo tutuaye mehna ihcāno sahaja, tiquirore wacū tutuagu. Sa yegu bucueaja.

*Corinto cjēnare Cristo yequinare pajiro bujua witi tuhoutuahye Pablo*

<sup>11</sup> Yuhū ijiye tiyere yahugū mehenogā bue tiaja yuhū. Yuhū sa yahuepegāta ti mūsa ye buhiri ijire. Mūsa pehe yuhū ijiye tiyere apeqinare quehnoano yahuboaga. Yuhū esa tuharo ijigu dahseacjū ijieraboaga yuhū. Sa ijiborigū ijiepeguta “Jesu cūrīna, masi pehona ijijaja”, ni mehoñequinare docaducaeraja yuhū. <sup>12</sup> Potota ñano yuhdurīgu ijiepeguta Cohācjū tutuaye mehna ye ihñomi mūsa. Sa ihñogu Jesu cūrīgu yuhū ijijere ihñogu nimi mūsa. <sup>13</sup> Apeye macari cjenare Jesu yequinare mūsa gūhure ihcāno saha yee timi yuhū. Sa yepeguta mūsa pehere sijoro saha cjunogā yemi. Mūsa dihitare cariboeramī. Mūsa dihitare apee boro gūhure siniedami. ¿Yuhū sa siniedagū ñaniajari, mūsa tuhhotugū? Ti ñañe ijigū ti ñañene boya mūsa yuhure.

<sup>14</sup> Ahri yuhū yahuatire tuhoya mūsa. Pua taha mūsa cahapū yuhū esari bato pari turi waha duaja tja. Topū esagū mūsa caribosi yuhū. Apee borore sinisi yuhū mūsa. Mūsa yere cahmedaja. Cristo ye pehere mūsa yuhutigū cahmeaja yuhū. Masa pohne pehe tiquina pacsummare tiquina cahmeñene ohoerare. Tiquina pacsumma pehe tiquina pohne cahmeñe pehere ohore. Ohō saha mūsa yuhū pohna yero saha ijina yuhū cahmeñe pehere ohosi mūsa. <sup>15</sup> Sa yegū yuhū pūrīta yuhū cuoye pehere oho duaja mūsa yedohogu tagu. Mūsa cahacjūno yero saha iji duaja mūsa yedohogu tagu. Mūsa pehere yuhū tutuaro cahiepegāta yuhū pehere mūsa mehenogā cahīne, yuhū tuhhotugū.

<sup>16</sup> Sa yegū mūsa mehna ijigu mūsa careboerū. ¿Sata ijijari yuhū, mūsa tuhhotugū? Yuhū sa ijiepegāta ihquēquina mūsa mehna cjenā ohō saha niaboaga: “Pablo apee borore marine ne duaro ni mehori marine”, niaboaga. <sup>17</sup> ¿Mūsa sa nidiro saha yerīgū ijigū, dahse tire yeari yuhū, mūsa ihñagū? ¿Mūsa cahapū yuhū ohoriquina yabe borore yuhure ni meho ehma basari tiquina mūsa, mūsa ihñagū? Ni meho ehmedari jiri. <sup>18</sup> Sohō ijiri pjerū mūsa cahapū Titore waha duti tuhasau tiqiore. Sa yegū apeqirore Cristo yaqiore tiqiore mehna piti dahre ohou. ¿Tito apee borore mūsa ni meho ehmarī, mūsa ihñagū? Ni meho ehmedari jiri. Tiqiore yuhū yero saha Cohācjū cahmeno saha yeriqiuro ijire.

¿Sa yero yuhū yero saha yerari tiqiuro, mūsa ihñagū? Yuhū yero saha yeri jiri.

<sup>19</sup> “Ñano yeraja usā”, ni cahmotana niedaja usā. Cristo yequina ijijaja. Sa yena Cohācjū tiqiuro ihñonopū mūsa yahuna niaja. Yuhū acaye, yuhū cahīna, mūsa yahuu mūsa pehere yedoho duana. Mūsa yahuna, usā pehere mūsa cahmegū yena niedū. <sup>20</sup> Topū yuhū esagū yuhū cahmeno saha yerapena ijiboaga mūsa. Sa yegū mūsa tutuaro cuesāja. Sa yegū mūsa cahmeno saha yerīgū ijieraboaga yuhū gūhū, topū esagū. Sijoro saha mūsa yegū ihñagu yahutja mūsa. Topū yuhū esagū mūsa pehe cahme duse tini wiana, apee boro tiquina cuogū ihña coona, duita usuana, mūsa esa tuharo apeqinare yuhdurūca duana, apeqinare ñano yahuducuna, ñano quti yena, “Apeqinare masi yuhdurūcaja”, nina, mūsa cahmeconore dojomehna ijiboaga mūsa. “Tire yeari”, nigū cuesāja yuhū mūsa. <sup>21</sup> Topū yuhū esagū yuhure mūsa bue tisāgū yeboaga Cohācjū. Sa yegū ijipihyequinare panopū ñano yevequinare, tiquina ñañene bājua witeyequinare ihñagu, tutuaro bājua witiitja yuhū. Numia mehna ñano yevequinare, umma mehna ñano yeye numiare, wana tiyequinare, ñañene tutuaro cahmeñequinare ihñagu bājua witiitja yuhū.

## 13

*Pablo yahu bato tiahye*

<sup>1</sup> YojoPURE mūsa cahapū wahagu ihtia taha esagutja topūre. Pua taha topūre esa tuhasau. Sa yegū mūsa ahire yahutja. Ohō saha nine Cohācjū yere tiquina ojoari pūpū: “Ihcāqiore mari buhiri dahreato pano ihtiaro tiqiore yahusāno cahmene. Ihtiaro mariedagū pūaro tiqiore yahusāno cahmene. Tiquina sa yahusāri bato buhiri dahre masiaja mari”, nine Cohācjū yere tiquina ojoari pūpū. <sup>2</sup> Panopūre ñano yerina mūsa ijigū mūsa, ijipihyequina apeqina gūhure pari turi ahire cuaro mehna yahutja. Ihcā taha mūsa cahapū pari turi esagū mūsa ahire yahuu. YojoPURE mūsa mehna ijieragu pari turi mūsa ahire yahutja: YojoPURE mūsa cahapūre esagū, ñano yevequinare potota buhiri dahregutja yuhū. <sup>3</sup> Sa yeitja Cristo



yũhũ mehna tiquiro buherire mũasa ihũo dutigũ. Cristo pehe mũasa dutiriquiro tutua yũhũariquiro ijire. Sa yero tiquiro tutuayere ihũore mũasa. <sup>4</sup> Mari yero saha pagũ tiro, tiquiro tutueriquiro ijiro, curusapũ yariahye. Sa yarieperota Cohãcũ tutuaye mehna catiriquiro ijire tiquiro yojopũre. Tiquiro curusapũ ijiro tiquiro tutuerariro saha usã gũhũ tutuena ijiaja. Sa yena usã esa tuharo mũasa yedoho masiedaboaga. Sa yena Cohãcũ tutuaye mehna ijinata mũasa yedohona tana.

<sup>5</sup> Sa ye mũasa pehe mũasa basi ohõ saha ni tuhotuya. “¿Potota Cristore wacũ tutuajari yũhũ?” ni tuhotuya mũasa. ¿Potota Cristo mũasa mehna cũno ijiajari? Tiquiro ijieragũ tiquiro yequina waro ijierare mũasa. Tiquiro yequina ijierana ni mehona ijire mũasa. <sup>6</sup> Usã pehe “Jesu yequina ijiaja”, ni mehona ijieraja. Tiquiro yequina waro ijiaja usã. Tire mũasa masigũ cahmeaja yũhũ. <sup>7</sup> Sa yegũ mũasa ñano yeratire Cohãcũre sini basaja mũasa. Sata sini basaja usã mũasa quehnoañene mũasa yeatire. Mũasa sa yegũ ihũana usã ohõ saha ni boaga: “Usã pehe tiquinare quehnoañequina wahagũ yei usã”, ni boaga usã apequnare usãre ño peo dutina. Sa ño peo dutieraja usã. Sa yena Cohãcũre sini basana, mũasa ye ijiatire sini basana niaja. Apequna usãre “Ni mehoñequina ijire”, tiquina niepegũta quehnoañene mũasa yegũ pũritare cahme yũhũaja usã. <sup>8</sup> Ijipihtiyẽ mũasa quehnoañene yegũ cahmeaja usã. Cohãcũ yere quehnoañene dojomehne masiedaja usã. <sup>9</sup> “Cristo cahmeñene yeaja usã”, ni ihũo masiedana, tutueyequina yero saha ijiboaga usã, mũasa ihũagũ. Quehnoanota. Quehnoañene yena mũasa pehe tutuana ijire. Mũasa sa ijigũ ihũana tutueyequina yero saha usã ijiepenata bucueaja. Sa yena quehnoana mũasa wahatire Cohãcũre sini basana niaja usã mũasa. <sup>10</sup> Sa yegũ mũasa mehna ijieragũ mũasa ahri pũre ojoayugũ niaja. Mũasa cahapũ esagũ, mũasa ñano yerina ijigũ ihũagũ mũasa buhiri dahreitja. Cristo yũhũre tiquiro dutiriro sahata mũasa buhiri dahreitja. Yũhũ sa buhiri dahreratire ahri pũre mũasa ojoayugũ niaja. Cristo yũhũre tiquiro dutiriro sahata mũasa yedohoacũ ijiaja. Mũasa

dojomehneacũ ijieraja.

<sup>11</sup> Yojopũre, yũhũ acaye, mũasa quehnoa dutiaja. Cristore wacũ tutua nemoña. Sa yena quehnoana ijiaja. Mũasa yũhũ yahurire quehnoano tuho nũnũña. Mũasa mehna cũna mehna ihcãno mehna ijiaja. Mũasa basi quehnoano mehna ijiaja. Mũasa sa ijigũ ihũano mũasa mehna Cohãcũ ijirota. Tiquiro marine cahme cahigũ yeriquiro, marine quehnoano mehna ijigũ yeriquiro ijire. <sup>12</sup> Sa yena mũasa mehna cũnare quehnoano bucueye mehna piti caya. <sup>13</sup> Ijipihtiyequina ohõ cũna Cohãcũ yequina mũasa quehnoa dutire.

<sup>14</sup> Mari puhtoro Jesucristo mehna mũasa ijipihtinare quehnoa dutiaja. Sa yegũ Cohãcũ mari Pacũ tiquiro cahũne mehna ijipihtina mũasa quehnoa dutiaja. Sa yero Espĩritu Santo ijipihtina mũasa mehna quehnoano ijire.

## Gálatas

*Galacia wame tiri yehpa cǵenare Jesu yequinare oja ohoahye Pablo*

<sup>1</sup> Yǵhǵ Pablo, Cristo yere buhe duti tiqiro cǵrighǵ iǵiaja. Masa cǵrighǵ ijieraja yǵhǵ. Masa pehe yǵhǵre buhe dutiye cǵedari. Cohǵcǵǵ mari Pacǵ pehe Jesure yariariquirore masoriquiro yǵhǵre cǵiri tiqiro yere buheacǵǵre. Jesucristo gǵhǵ yǵhǵre cǵiri. Tiquina sa cǵrighǵ ijighǵ ahrire oja ohoaja mǵsare. <sup>2</sup> Yǵhǵ mǵsare Jesu yequinare Galacia yehpa cǵǵnare quehnoa dutiaja. Yǵhǵ mehna cǵǵna Jesu yequina gǵhǵ mǵsare quehnoa dutire. <sup>3</sup> Cohǵcǵǵ mari Pacǵ, mari pǵhtoro Jesucristo mehna mǵsare quehnoa dutiaja. Tiquina yedohoye mehna quehnoano iǵiya mǵsa. <sup>4</sup> Tiquiro Jesucristo pehe mari ñañene yeri buhirire yariahye. Yoǵopǵre masa tiquina ñañene yeri pǵe ijire. Sa yero tiqiro yariahye Cohǵcǵǵ mari Pacǵ tiqiro cahmediro saha marine yǵhǵduoro taro. Sa tiqiro yǵhǵduogǵ yoǵopǵre ñañene tiquina yero saha ye duasi mari. <sup>5</sup> Sa ye ijiphihtye decoripe tiqirore mari Pacǵre ño peuhna. Sata yeihna.

Cohǵcǵǵ masare tiqiro yǵhǵduoati buheye ihcǵnota ijire. Apeye buheye mariedere

<sup>6</sup> Cristo mǵsare cahno tiqiro yequina ijianajare mǵsare cǵiri. Sa yegǵ mǵsare cǵiriquiro yere cohǵna sǵjoro saha iǵiye buheye pehere duita mǵsa cahmegǵ ihǵña acuaa wahaja. <sup>7</sup> Apeye buheye quehnoañe buheye yero saha iǵiye buheye waro ijierare. Tǵ sa ijierapegǵta ihǵqǵequina mǵsa cahapǵ iǵiyequina mǵsare cariboye, sǵjoro saha iǵiye buheye buheye, quehnoañe buheye doǵomehne duare. <sup>8</sup> Sa yena mǵsare usǵ buhe mǵhtarire mari cohǵgǵ sǵjoro saha iǵiye buheye mari buhegǵ Cohǵcǵǵ marine buhiri dahreahro. Sa yero angel ǵhmǵse cǵǵno sa tiqiro buhegǵ tiqiro gǵhǵre buhiri dahreahro Cohǵcǵǵ. <sup>9</sup> Mianogǵta usǵ nǵdoro saha pari turi niitja: Ihcǵquiro mǵsare usǵ buherire cohǵno, sǵjoro saha iǵiye buheye tiqiro buhegǵ Cohǵcǵǵ tiqirore buhiri dahreahro.

<sup>10</sup> Sa nigǵ yǵhǵ “Pablo dihita quehnoano buheriquiro ijire”, yǵhǵre ni dutighǵ

niedaja. Cohǵcǵǵ pehe yǵhǵre “Quehnoano buheri mǵhǵ”, tiqiro nigǵ cahmeaja. Masare bucuegǵ yegǵ tagǵ sǵjoro saha iǵiye buheye buheboaga yǵhǵ. Masa dihitaro bucuegǵ yegǵ ijighǵ ne Cristo cahǵcǵǵ ijieraboaga yǵhǵ.

*Pablo Cristo cǵiriquiro tiqiro iǵi dǵcarire yahuahye*

<sup>11</sup> Yǵhǵ acaye, ahrire mǵsa masigǵ cahmeaja yǵhǵ: Quehnoañe buheye yǵhǵ buheri masa ye buheye ijierare. <sup>12</sup> Ti buheye masare yǵhǵ tǵhori ijierare. Sa ye apequina masa yǵhǵre ti buheye yahuerari. Jesucristo pehe yǵhǵre ti buheye masigǵ yeri.

<sup>13</sup> Panopǵ judio masǵ yǵhǵ iǵie tirire masine mǵsa. Ohǵ saha yee tǵi yǵhǵ: Jesu yequinare tutuaro ñano yegǵ tiquinare quehnoano wejǵ peho cǵ duami. <sup>14</sup> Mari ñecǵsumǵa mǵna iǵi turiayequina tiquina buherire tutua yǵhǵduoro ye duagu yǵhǵ acaye yǵhǵ ihcǵno mehna masariquina yǵhǵduoro ye mǵhtarighǵ iǵie timi yǵhǵ. <sup>15</sup> Yǵhǵ sa ijirighǵ ijiepegǵta yǵhǵ masa bajurato pano Cohǵcǵǵ yǵhǵre bese tuhasari jiri. Sa yero yǵhǵre cahno tiqiro yaquiro ijiaǵǵ cǵiri yǵhǵre. <sup>16</sup> Sa yero tiqiro cahmeno saha tiqiro macǵnore yǵhǵre masigǵ yeri. Tiquiro yere quehnoañe buheye judio masa ijieyequinare buheacǵǵ yǵhǵ ijiatire tiqiro macǵnore masigǵ yeri yǵhǵre. Tiquiro sa yegǵ “ǵDǵhse ni buhero cahmeagari yǵhǵre?” ni masare sinituerǵ yǵhǵ. <sup>17</sup> Sa yegǵ Cristo cǵiriquina yǵhǵ pano ijiriquina cahapǵre Jerusalǵpǵre sinitugǵ wahaerǵ. Duita Arabia yehpapǵ wahaǵ. Sa yegǵ Damascopǵ majare tojoa wihii.

<sup>18</sup> Ihtia cǵhǵma bato Pedrore ihǵnagǵ wahaǵ Jerusalǵpǵ. Topǵre pǵa semana waro ijii. <sup>19</sup> Sa yegǵ apequinare Cristo cǵiriquinare ihǵnedǵ. Santiago dihitaro mari pǵhtoro bahurore ihǵna. <sup>20</sup> Ohǵ saha ni oǵogǵ Cohǵcǵǵ mehna ne ni meho oǵoeraja.

<sup>21</sup> Came Siria yehpapǵ, Cilicia yehpapǵ gǵhǵre wahaǵ. <sup>22</sup> Topǵre yǵhǵ esagǵ ti pǵere Judea yehpapǵ iǵiyequina Jesu yequina yǵhǵre ihǵna masiedari. <sup>23</sup> Sa ye ahri dihitaro yǵhǵre masi dǵcari tiquina: “Panopǵre marine ñano yeriquiro yoǵopǵre quehnoañe buheye tiqiro cohǵ duari buheye buhero nine”, ni, masi dǵcari

tiquina. <sup>24</sup> Yuhure sa masiñe Cohãcjũre “Quehnoa yuhduagũ ijire”, nidi tiquina.

## 2

*Apequina Cristo cũriquina Pablõre piti ca, duita cahmene*

<sup>1</sup> Catorce cãhmari bato pari turi Jerusalẽpũ wahagũ Bernabẽ mehna wahau. Tito gãhũ wahari yuhũ mehna. <sup>2</sup> Cohãcjũ yuhure tiquiro waha dutigũ topũre wahau. Jerusalẽpũ ijigũ “Jesu yequina pũthoa”, masa niñequina tiquina sehõsaro cahmecoagũ quehnoañe buheyere judio masa ijieyequinare yuhũ buherire yahuu tiquinare. “¿Judio masa ijieyequinare quehnoañe buheyere yuhũ buhegũ quehnoajari, mũsa tũhotugũ?” nigũ, sa yahuu tiquinare. Sa yahuu tiquinare panopũ yuhũ buherire, yojopũre yuhũ buheri gãhũre tiquina quehnoano masiatire, tire “Quehnoare”, tiquina niatire. Tiquina sa niedagũ yuhũ buheri dũhseati ijieraboaga.

<sup>3</sup> Yuhũ mehna cjũno Tito judio masũno ijieriquire ijiri. Sa yero cuhnucunũ sohtoa cahserogãre yuhre nemehnediquiro ijire. Sa yuhremehnediquiro tiquiro ijiepegũta Jesu yequina pũthoa “Mũhũ gãhũ ti cahserogãre yuhre neña”, niedari tiquirore. <sup>4</sup> Tiquina sa niedapegũta ihquẽquina “Jesu yequina ijiaja”, ni mehoñequina wacũeno mehna usã mehna sajã, tiquirore ti cahserogãre yuhre negũ cahmemedi tiquina. Jesu yequina mari ijina “Panopũ cjẽne tiquina dutiriro saha yena ti mehna yuhdũsi”, ni tũhotuaja mari. Mari sa ni tũhotugũ mari yeyere ihña duaye tiquina pehe usã mehna ni meho sajãri. Sa yeye usã ñecusumũna mũna jji turiayequina ye dutiyere ye duti duaye, ti dutiyere ño peoducugũ ye duamedĩ usãre tiquina. <sup>5</sup> Tiquina sa ye duepegũta quehnoañe buheyere poto mũsa masiatire ne mehenogã mehna tũho dueru usã tiquinare.

<sup>6</sup> Sa ye Jesu yequina pũthoa quehnoañe buheyere yuhũ buherire tiquina tũhori bato “Ahri buheye mehna apeye buheyere buhe moreña”, ne niedari tiquina yuhure. Jesu yequina pũthoare ihyo ijieyequina yero saha tũhotuaja tiquinare. Cohãcjũ pehe ijipihtiyequinare ihcãno saha ihñare. Sa yegũ sata tũhotuaja yuhũ gãhũ pũthoa gãhũre, ihyo ijieyequina gãhũre. <sup>7</sup> Sa ye

yuhũ buheri mehna tiquina “Ahri buheye mehna apeye buheyere buhe moreña”, ne niedari. Sa ye judio masa ijieyequinare yuhũ buheaire Cohãcjũ yuhure tiquiro cũrire tũhoye, “Tita ijire”, nidi tiquina. Judio masare buheyere Cohãcjũ Pedrore tiquiro cũriro sahata yuhũ gãhũre cũri judio masa ijieyequinare yuhũ buheaire. <sup>8</sup> Judio masare Pedrore buhe dutiriquirota Cohãcjũ yuhũ gãhũre tiquirota buhe dutiri judio masa ijieyequinare.

<sup>9</sup> Sa ye Santiago, Pedro, Ñu mehna Jesu yequina pũthoa waro quehnoañe buheyere buherire Cohãcjũ yuhure tiquiro cũrire tũhoye “Tita ijire”, nidi tiquina. Sa nieta yuhure Bernabẽ mehna quehnoano bucuyeye mehna omoca ñehedi usãre piti tiye tehe. Sa yena judio masa ijieyequinare buhena ijiaja usã. Santiago gãhũ pehe judio masare buheyequina ijire. “Sata ijiajro”, nii usã basi. <sup>10</sup> Sa ñiepeta tiquina judio masare pejecũoyequinare yedoho dutiri usãre. Pejecũoyequinare yedohoacjũ ijiiita niaja yuhũ.

*Antioquíapũ Pablo Pedrore tuhtiahye*

<sup>11</sup> Sa ye Antioquíapũ yuhũ esari bato Pedro gãhũ esari. Sa yegũ quehnoano tiquiro yerari buhiri tuhtii tiquirore. <sup>12</sup> Ohõ saha yeri tiquiro: Santiago ohoriquina Antioquíapũ tiquina esato panogã, Pedro pehe judio masa ijieyequina mehna ihyaro nidi, judio masũno ijieperota. Santiago ohoriquina judio masa ijieyequinare “Cuhnucunũ sohtoa cahserogãre yuhre neña”, niñequina, usã judio masa panopũ cjẽna ye dutiyere ye dutiyequina ijiri. Pedro sa ihyari watoa Santiago ohoriquina esari. Sa ihyariquire ijieperota tiquina tiquiro cahapũ esagũ ihñano, tiquinare cuero, Pedro judio masa ijieyequinare duhu cã, pari turi tiquina mehna ihyaro wahaerari. “Panopũ cjẽna mari judio masa yere yuhduducagũ niaja. Sa yeye yojopũre wihyequina yuhure tuhtiarĩ”, nino, judio masa ijieyequina mehna ihya nemoedari. <sup>13</sup> Tiquiro sa ye mehoriro saha tiquiro yegũ ihñañe, apequina judio masa gãhũ tiquiroreta ihña cũ, tiquina gãhũ tiquiro yero saha yeri. Sa yero Bernabẽ quehnoariquire ijieperota tiquina yero saha yeri tiquiro gãhũ.

<sup>14</sup> Cristo ye buheye marine quehnoano, queoro ye dutire. Sa ye Pedro gãhũ ti

buheye nidiro sahata yerari, judio masa ijieyequina mehna ihya duhuye. Tiquina sa yegū ihñagu, ijipihyequina Jesu yequina ihñonopu Pedrore ohō saha ni yahuu: “Muhū judio masū ijiepeguta judio masa ye dutiyere, tiquina ijieye tiyere duhu cāri mūhū, Jesu yere yegu tūhū. Sa yegu judio masa ijieyequina dutiye marieñequina yero saha yee tiri mūhū. Sa yerigū ijiepeguta apequina judio masa wihigū ihñagu, judio masa ijieyequinare piti ti nemoedari mūhū. ¿Judio masa dihitare mūhū piti tigū ihñañe, dahse ni tuhuetari judio masa ijieyequina pehe? ‘Judio masa yero saha ijiihna’, ni tuhutuboaga tiquina. ¿Tiquina gūhure judio masare ihña cūgū cahmeajari mūhū? To ijierare”, nii tiquirore.

*Judio masare apequina masa yero saha Jesure wacū tutua dutiahye Cohācjū*

<sup>15</sup> Ūsā pehe judio masa masa bajuana, apequina ñano yeyequina judio masa ijieyequina yero saha ijieraja ūsā. <sup>16</sup> Sa ijina ijiepenata Cohācjū dutiyere Moisere tiquiro cūrire ūsā yerina ijigū “Quehnoana ijire”, ni ihñedare Cohācjū ūsāre. Tire mari masiaja. Sa yero Jesucristore mari wacū tutuagū Cohācjū marine “Quehnoana ijire”, ni ihñanota. Tire masina, ūsā gūhū Jesucristore wacū tutuaja tiquirore ūsā wacū tutuari mehna ūsāre “Quehnoana ijire”, Cohācjū tiquiro ni ihñatire. Sa yero tiquiro dutiyere ūsā yerina ijigū “Quehnoana ijire”, ni ihñedare Cohācjū ūsāre. Ne masa ti dutiyere yeye mehna “Quehnoañequina ijire”, ni ihñedare Cohācjū tiquinare.

<sup>17</sup> Cristore mari wacū tutuaye mehna quehnoana Cohācjū yequina mari waha dugū, ñana mari ijiyere masigū yerota Cristo. ¿Cristo mari ñañene marine masigū yero, ñana marine ijigū yeajari tiquiro, mūsa tuhutugū? Ne mehenogā mehna sa yerare. <sup>18</sup> Ūsā dutiye yeye mehna yūhdū duamedina ijiepenata ti buheyere cohāu. Sa cohāepenata pari turi ti buheyere yena ti dutiyere ūsā ye pehoerari buhiri potota buhiri tinata ūsā. <sup>19</sup> Cohācjū dutiyere Moisere tiquiro cūrire ihcāno sahaeraja mari. Sa yena ti dutiye mehna ne yūhdūsi mari. Sa yena Cohācjū tutuaye mehna tiquiro yequina ijiaja mari.

<sup>20</sup> Cristo mehna curusapu yariariquina yero saha ijiaja mari. Sa yena yariariquiro

tiquiro esa tuharo tiquiro yerariro saha mari esa tuharo yeraja. Cristo ye tutuaye mehna yeaja. Sa yena yojopure Cohācjū macnōre wacū tutuaye mehna ijiducuaja mari. Tiquiro Cohācjū macno marine cahīne. Sa yero mari ye buhirire yariari. <sup>21</sup> Ti dutiye yeye mehna quehnoana Cohācjū yequina mari wahagū Cristo yariari pehe ne dahseati ijieraboaga. Cohācjū marine tiquiro cahīdire, Cristo tiquiro yariarire ihyo ijie waro yero saha ijigū ye dueraja yūhū pehe. Sa yegu “Dutiye mehna yūhdugutja”, ne nisi yūhū.

### 3

*Cohācjū dutiye Moisere tiquiro cūrire, wacū tutuaye gūhure yahuahye Pablo*

<sup>1</sup> Yūhū acaye, mūsa Galacia cjana tūho masiena iji wame tire mūsa. Jesucristo curusapu tiquiro yariarire buheyere ijipihyequina tiquina ihñonopu musare yahuu. ¿Sa yena yojopure tiquiro yere mūsa yūhdūducature ni mehoñequina musare tiquina dojomehnegū dahse yena tiquinare yūhtiri mūsa? <sup>2</sup> Ahrireta yahu duaja masare: Dutiye mūsa yeye mehna Espiritu Santore cūo dūcaerari mūsa. Quehnoañe buheye pehere tuhona Cristore mūsa wacū tutuaye mehna Espiritu Santore cūo dūcari mūsa. <sup>3</sup> Espiritu Santo tutuaye mehna mūsa Cristo yequina iji dūcagū yojopure mūsa basī dutiyere mūsa yeye mehna Cohācjū cahapu mūsa waha duagū ñarīne. Tūho masiena ijire mūsa, sa yena. <sup>4</sup> ¿Quehnoañe buheyere mūsa yeri buhiri peye tahari mūsa ñano yūhdūna ihyo warota ñano yūhdūna niyari mūsa, sa wahana? Ihyo waro ijierare mūsa sa ñano yūhdūri. Dutiye yeye mehna Cohācjū cahapu mūsa waha duana ihyo warota ñano yūhdūna niboaga mūsa. <sup>5</sup> ¿Dahse mūsa yeri wapa Espiritu Santore masare ohori Cohācjū, mūsa tuhutugū? Tiquiro dutiyere mūsa yeri wapa ohoerari tiquiro. Tiquiro buheyere quehnoano mūsa tuhogū ihñano tiquirore mūsa wacū tutuari batopu Espiritu Santore ohori tiquiro. ¿Cohācjū mūsa watoa tiquiro tutuaye mehna ye ihñono dahse ijiro boro sa ye ihñojari tiquiro, mūsa tuhutugū? Tiquiro dutiyere mūsa yeri wapa sa ye ihñoedari tiquiro. Tiquiro buheyere quehnoano mūsa tuhogū

ihñano tiquiore masa wacū tutuagū sa ye ihñori tiquiore.

<sup>6</sup> Abrahā Cohācjūre wacū tutuahye. Tiquiro sa yegū tiquiore Cohācjū “Quehnoariquiore ijire”, ni ihñahye. <sup>7</sup> Sa yena ahri yuhū niatire masiña masa: Cohācjūre wacū tutuayequinata potota Abrahā panamena iji turiayequina ape tjuro cjēna yero saha ijire. <sup>8</sup> Panopū Cohācjū yere tiquina ojoari pūpū ohō saha ni yahuahye: Judio masa ijieyequina Cohācjūre tiquina wacū tutuagū ihñano “Quehnoañequina ijire”, ni ihñare Cohācjū. Tiquiro sa ni ihñatire Cohācjū panopū masiyuro, tiquiore quehnoañe buheyere Abrahāre yahu mūhta tuhasahye. “Mūhū mehna ahri yehpa cjēnare ijipihtiyequinare quehnoano yeitja”, niahye Cohācjū Abrahāre. <sup>9</sup> Sa yero Abrahā Cohācjūre quehnoano tuho wacū tutuahye. Tiquiro sa wacū tutuagū ihñano Cohācjū tiquiore quehnoano yeahye. Sa ye apequina masa Cohācjūre tiquina wacū tutuagū, tiquina gūhure quehnoano yerota Cohācjū, Abrahāre tiquiore yeriro sahata.

<sup>10</sup> “Ti dutiyere Moiserere tiquiore cūri mehna Cohācjū yequina wahanata”, ni tūhotuyequina buhiri tiyequina ijire. Tiquiro ojoari pūpū sata nine: “Cohācjū dutiyere tiquiore ya pūpū tiquina ojoarire ye pehoeyequina buhiri tiyequina ijire tiquina ijipihtiyequina”, ni ojoahye. <sup>11</sup> Cohācjū yere tiquina ojoari pūpū ohō saha nine: “Cohācjūre wacū tutuayequinare ‘Quehnoañequina ijire’, ni ihñare Cohācjū. Sa wacū tutuaye ijipihtiye decori Cohācjū mehna sa ijiducuetā”, nine Cohācjū yere tiquina ojoari pūpū. Tiquiro sa nigū ahri yuhū niatire mari quehnoano masiāja: Ti dutiyere tiquina yeye mehna masare quehnoañequina yero saha ihñedare Cohācjū. <sup>12</sup> Dutiyere yeye mehna Cohācjū cahapū waha duayequina Cohācjūre wacū tutuerare. Ohō saha nine Cohācjū yere tiquina ojoari pūpū: “Dutiyere yeye mehna quehnoañequina waha duayequinare ti dutiyere ye pehoro cahmene tiqinane”, nine Cohācjū yere tiquina ojoari pūpū.

<sup>13</sup> Sa ye ti dutiyere marine buhiri tigū yere. Mari buhiri tigū ihñano Cristo pehe tiquiore basi mari ye buhirire buhiri tiriquiuro waharo, mari buhiri tiborire

buhiri ti basahye marine. Cristo tiquiore buhiri tiatire yahuro ohō saha ni ojoahye panopūre: “Ijipihtiyequina yucuripū tiquina duhu ohōriquina buhiri tiriquina ijire”, ni, ojoahye panopūre. <sup>14</sup> Tiquiro sa ni ojoariro sahata sa yeahye Cristore. Cohācjū Abrahāre “Ahri yehpa cjēnare quehnoano yeitja”, tiquiore nidiro sahata yero niahye masare. Sa yeahye Cristo mehna. Tiquiro yariahye judio masa ijieyequinare Cohācjū quehnoano tiquiore yeatire. Sa yero Jesucristo mehna sohtori tiahye Cohācjū Abrahāre tiquiore nidiro sahata. Sa yeahye tiquiore mari wacū tutuari bato Espiritu Santore mari cuoatore.

*Tiquiro buherire quti mehna yahu nemoahye Pablo*

<sup>15</sup> Yuhū acaye, masa ye quti mehna ti yuhū nidire yahutja musare: Tiquina pacuro tiquiore yariato pano tiquiore pohne comesatire yahuri pū ohō saha ni ojoare. “Yeere yuhū pohñare ohoutja”, ni ojoare. Tiquiro sa ni ojoa cūri pūre tiquiore yariato pano apequiore pehe ti pūre sijoro saha ni ojoa nemo masiedare. Sa yero ti pūre “Poto ijierare”, ni masiedare. <sup>16</sup> Ti pūre tiquina pacuro tiquiore pohñene tiquiore cūriro saha “Musare quehnoano yeitja”, Cohācjū nino, Abrahāre tiquiore panamino iji turiariquiore gūhure nino niahye. Sa nino apequina tiquiore panamena iji turiayequinapūre nino niedahye. Ihcāquioreta tiquiore panamino iji turiariquiore dihitare nino niahye Cohācjū. Tiquiro Abrahā panamino iji turiariquiore Cristo ijire. <sup>17</sup> Yojoapūre quehnoano yahutja musare: Abrahā gūhure Cohācjū “Musare quehnoano yeitja”, tiquiore ni cūri bato cuatro ciento treinta cūhmari yūhdari bato tiquiore dutiyere Moiserere cūahye. Sa cūno Abrahā gūhure Cohācjū “Musare quehnoano yeitja”, tiquiore nidiro boro taro niedahye. <sup>18</sup> Cohācjū marine yūhdoro dutiyere mari yeye mehna marine yūhdoreare. Dutiyere yeye mehna mari yūhdugū Cohācjū “Musare quehnoano yeitja”, tiquiore nidi pehe dūhseati ijieraboaga. Marine yūhdoro taro Cohācjū Abrahāre tiquiore ni cūri mehna sa yero taro niahye.

<sup>19</sup> ¿Sa yero dūhse yeatire tiquiore dutiyere cūri Cohācjū? Tiquiro dutiyere cūahye ti dutiyere mari yūhdūcarire

mari quehnoano masiatire. Sa yero panopure Cohācjū “Mūhu panamino iji turiariquiro mehna masare quehnoano yeitja”, Abrahāre tiquiro nidiro tiquiro wihiato pano Cohācjū dutiyere cuomahye masa. Sa yero Cohācjū dutiyere tiquiro cūgū tiquiro yequina angele pehe tire duti turiahye. Sa ye Moiserē tiquina cūgū, tiquiro pehe masare cū turiahye tja. <sup>20</sup>Ti dutiyere Moise cū turiagū Cohācjū tiquiro basita masare cūedahye. Sa cūedaperota Cohācjū “Mūhure quehnoano yeitja”, Abrahā pehere ni cūno, tiquiro basita sa ni cūahye.

<sup>21</sup>Cohācjū Moiserē tiquiro dutiyere cūno, to pano Abrahāre tiquiro nidire “Abrahāre yūhu nidiro saha yesi yūhu”, nino niedahye tiquiro. Abrahāre tiquiro nidiro sahata yero taro niahye. Tiquiro dutiye yeye mehna Cohācjū yequina wahana ti pje pūrita dutiyere mari yeye mehna quehnoana wahaboaga mari. <sup>22</sup>Sa yero Cohācjū tiquiro yere tiquina ojoari pū pehe ijipihitiyequina űaűe buhiri tiyequina tiquina ijiyere yahuahye. Sa ni yahuahye Cohācjū “Mūhare quehnoano yeitja”, to pano tiquiro nidiro sahata yero taro. Sa yero Jesucristore wacū tutuayequinare quehnoano yere to pano tiquiro nidiro sahata.

<sup>23</sup>Cohācjūre wacū tutuati buheyere marine tiquiro cūato pano tiquiro dutiye pehe mari űaűe yerire marine masigū ye tuhasari. Sa ye marine yahuri ti dutiye pehe. Cohācjūre wacū tutuati buheyere marine tiquiro yahugūpū tiquiro dutiye marine yahu duhuri. <sup>24</sup>Sa ye Cohācjū dutiye pehe Cristo wihiato pano marine yahuri. Sa yahuri marine Cristore mari wacū tutuaye mehna Cohācjū “Quehnoana ijire”, marine tiquiro ni ihűatire. <sup>25</sup>Yojoṗū pūritare Cristore mari wacū tutuari pje ijire. Ti sa ijigū tiquiro dutiye pehe marine yahu nemoedare. Marine duti nemoedare.

<sup>26</sup>Sa yena Cristo Jesure mūsa wacū tutuaye mehna Cohācjū pohna ijire mūsa. <sup>27</sup>Ijipihitina mūsa Cristo wame mehna wame yenohrina ijina, Cristo Cohācjū macūno tiquiro ijiro sahata tiquiro pohnata ijire mūsa gūhu. <sup>28</sup>Yojoṗure pūa curua ijierare mūsa. Judio masa ijiena, judio masa mehna pūa curua ijierare mūsa. Cahacjāna, cahacjāna ijiena mehna pūa curua ijierare

mūsa. Ūmūa, numia mehna pūa curua ijierare mūsa. Sa yena ijipihitina mūsa Cristo yequina ijina, ihcā curuata ijire mūsa. <sup>29</sup>Sa yena Cristo yequina ijina, Abrahā panamena iji turiana yero saha ijire mūsa. Mūsa sa ijina ijigū Cohācjū Abrahāre “Mūhare quehnoano yeitja”, tiquiro nidiro sahata mūsa gūhure quehnoano yerota tiquiro. Cristo yequina mūsa ijigū ihűano mūhare quehnoano yerota.

## 4

<sup>1</sup>Ohō saha ijire ahri quitu mehna yūhu yahu nemogū: Tiquiro pacūro came tiquiro yere neatiquiro wahmūno iji cāhtariquiro ijiroṗū ijipihitiye tiquiro ye ijiepegūta cahacjāno yero saha ijire tiquiro. <sup>2</sup>Sa ye tiquiro wahmūno iji cāhtariquiro ijigū tiquirore ihűa ihboyequina tiquiro yere ihűa ihbore. Sa yero tiquiro pacūro queoriro esagūpū tiquiro pacūro yere cūorota. <sup>3</sup>Ohō saha wahmūno iji cāhtariquiro yero saha ijimi mari gūhu. Sa ijina mari ijigū cahacjēnare tiquina dutiro saha ahri yehpa cjē dutiye masa ye dutiye marine dutinimedi. <sup>4</sup>Mari sa ijina ijiepegūta tiquiro queori pje esagū Cohācjū tiquiro macūno ohoahye. Sa tiquiro ohogū tiquiro macūno ihcācōro nuhmino mehna masa bajuahye. Sa yero tiquiro judio masūno masa bajuagū Cohācjū dutiye Moiserē tiquiro cūri tiquirore dutinimahye. <sup>5</sup>Mari gūhure ti dutiyeta dutinimahye. Sa yero marine yūhdūoatiquirore ohoahye Cohācjū tiquiro macūno, tiquiro pohna mari wahatire.

<sup>6</sup>Sa yero tiquiro pohna mari ijigū Cohācjū macūno tiquiro yaquiro Espiritu Santore mari mehna ijiatiquirore ohoahye Cohācjū. Tiquiro yaquiro Espiritu Santo pehe Cohācjūre “Mai”, niniquiro ijire. <sup>7</sup>Sa yena mūsa Cohācjū yedohoye mehna cahacjāna ijierare mūsa yojoṗure. Tiquiro pohna ijire mūsa. Sa yena tiquiro pohna ijina, Cohācjū tiquiro ohoatire cūonata.

*Pablo Galacia* cjēnare Jesu yequinare cuesāhye

<sup>8</sup>Panopū Cohācjūre mūsa masiena ijina “Cohācjū ijire”, mūsa niűe queoyere űo peona ti queoye cahacjāna ijimahye mūsa. Mūsa sa űo peoyequina cohāmana waro ijierahye. <sup>9</sup>Sa ijirina ijiepenata yojoṗure Cohācjūre masine mūsa. Ijierare. Tiquiro

pūrita mūsa pehere masine. ¿Tiquiro sa masiepegūta dūhse yena ahri yehpa cĵēna ye buheye pehere cahmeajari mūsa? Ti buheye dūhseati ijierare. ¿Dūhse yena panopū mūsa yeriro sahata Cristo marieno ye duajari mūsa? ¿Dūhse yena dutiyere mūsa yeducuri mehnata Cohācjū cahapū waha duajari mūsa? Wahasi mūsa. <sup>10</sup> Ihquē decorire, ihquē asūrīne, ihquē pohecārīre, ihquē cahmarine bose decorire dahre dutire mūsa. “Mari sa yeye mehna dutiye mehna yūhdunata”, ni, tuhotumene mūsa. <sup>11</sup> Mūsa sa ni tuhotugū mūsare tutuaro yūhu buheri dūhseati ijieraboaya, yūhu tuhotugū. Sa yegū mūsare cuesāja.

<sup>12</sup> Yūhu acaye ahrire tutuaro dūtītja mūsare: Cristore yūhu tuhoturiro sahata mūsa gūhu tiquirore tuhotuya. Panopū dutiye yeye mehna yūhdū duayequina ijieramahye mūsa judio masa ijina ijina. Yojoṗū pehere yūhu gūhu mūsa yero saha wahaū, dutiye yeye mehna yūhdū dueragu. Sa yena Cristore yūhu tuhoturiro sahata mūsa gūhu sata tiquirore tuhotuya.

Mūsa mehna yūhu ijigū quehnoano yeri mūsa yūhūre. <sup>13</sup> Dohatigūpata mūsare quehnoāne buheyere coā warore buhe dūcaū yūhu. <sup>14</sup> Yūhu sa dohatigū ijiepegūta yūhūre yabierari mūsa. Sa yena yūhūre cohā tojoerari mūsa. Sa yena Cohācjū yaquiro angelre, Jesucristo gūhūre mūsa piti caboriro saha yūhūre quehnoano piti cari mūsa. <sup>15</sup> ¿Yojoṗūre dūhse wahari mūsa bucueye? Mūsare ahrire niitja: Purīñene dūcana mūsa caperire ore we ne yūhūre ohoboaya mūsa. <sup>16</sup> ¿Yūhu mehna cĵāna ijiepenata yojoṗūre queoro mūsare yūhu yahuri buhiri ihñā tuhtiajari mūsa yūhūre?

<sup>17</sup> Sohō ijiriquina mūsare tutuaro cahmesāre. Tiquina tuhotuye sijoro saha ijire. Quehnoāne ijierare. Tiquina mūsare yūhūre yūhdūdcagū cahmene, tiquina pehere ño peo dutiye. <sup>18</sup> Quehnoano mehna mūsa quehnoano wahati pehe mūsare tiquina cahmesāgū quehnoarīboaga. Sa ye topūre yūhu mariedagū gūhūre tiquina sa cahmesāgū quehnoarīboaga. <sup>19</sup> Yūhu pohnagā, niĵi wahcōricoro ticoro ñano yūhdūro saha mūsare ñano wacū tuhotuaja yūhu. Tee Cristo yero saha mūsa ijigūṗū mūsare wacū duhutja. <sup>20</sup> Mianogā mūsa mehna ijigu tuhtiro marieno bucueye

mehna mūsa mehna yūhu yahugū quehnoaboaga yūhūre. Mūsare pajiro tuhotugū nija yūhu.

*Agar Sara mehna tiquina ijirire yahuahye Pablo*

<sup>21</sup> Tuhoaya mūsa yūhūre. Cohācjū dutiyere yeye mehna yūhdū duana ijiepenata tiquiro dutiye pehere quehnoano masiedare mūsa. <sup>22</sup> Ohō saha niahye Cohācjū yere tiquina ojoari pūṗū: Abrahā ṗāro pacuro ijiahye. Tiquiro cahcĵōno Agar wame tiricoro mehna ihcāquirore pohna tiahye. Sa ye tiquiro namono poto Sara wame tiricoro mehna gūhūre ihcāquiro pohna tiahye. <sup>23</sup> Sa ijiepegūta tiquiro cahcĵōno macūno masa mari yero saha masa bajuahye tiquiro. Tiquiro namono poto macūno pehe “Ihcāquirogā pohna tinata mūsa”, Cohācjū ni yahuriro sahata masa bajuahye tiquiro pehe. <sup>24</sup> Ahri quiti marine quehnoano queoye mehna yahure: Cohācjū ṗā taha masare “Mūsare yedohoutja”, tiquiro niñe yero saha ijire ahriquina numia ṗāro numia. Ihcācoro Sinaī wame tidūṗū Cohācjū dutiyere ohori yero saha ijire. Ticoro Agar ijire. Ticoro mehna mari queoye mehna buhegū judio masa gūhu dutiyere yeducuro mehnata yūhdū duayequina ticoro yero saha ijire. Tiquina cahcĵēna yero saha ijire. <sup>25</sup> Ticoro Sinaī wame tidū Arabiapū ijidū yero saha ijiricoro ijire. Yojoṗūre Jerusalē cĵēna judio masa dutiye yeye mehna yūhdū duayequina dutiye cahcĵēna yero saha ijire. Sa yeye mari queoye mehna buhegū tiquina ticoro yero saha ijire cahcĵōno ticoro iĵiro saha. Tiquina Cohācjū pohne ijierare. <sup>26</sup> Mari pehe Cristo yequina ijina Cohācjū pohna ijiaja. Sa yena ūhmūse cĵāna ijiaja. Jerusalē ūhmūsepū ijiri maca cĵāna ijiaja mari. Topūre masa tiquina yūhdūatire dutiyere yeye mariedare. <sup>27</sup> Cohācjū yere tiquina ojoari pūṗū ohō saha ni ojoahye Cohācjū pohne warore, Sara yero saha ijiricorore yahuro:

Pohna mariego, bucueya. Sa ijigo bucueye mehna sañuducuya, niĵi wahcōno purinore masiego ijigo. Mūhu pehe manū cohōrigo ijigo apecoro manū tiricoro yūhdūoro peyequina pohna tigota. Sa yego bucueya, ni ojoahye

panopure ticoro pohna tiato pano Sara yero saha ijiricorore yahuro.

<sup>28</sup> Yuhū acaye, Cohācjū nidiro sahata Isaac masa bajuahye. Mari gūhu tiquiro yero saha Cohācjū nidiro sahata tiquiro pohna ijiaja mari. <sup>29</sup> Sa ijiepegūta ti pjepure ihyo ijiriquiro yero saha masa bajuariquiro űano yeahye apeqirore Espiritu nidiro sahata masa bajuariquiro. Yojoṗu gūhure sata ijire Cohācjū yequinare masa űano yegū. <sup>30</sup> Sa yero ohō saha nine Cohācjū yere tiquina ojoari pūṗu: “Cahācjōno macno tiquiro paṗuro yere cūo masiedare. Tiquiro namono potō macno pehe tiquiro paṗuro yere cūo masine. Sa ye tiquiro cahācjōnore ticoro macno mehnata cohā cāhña”, ni ojoahye. <sup>31</sup> Yuhū acaye, ne cahācjōno pohne yero saha ijieraja mari. Sa yena Abrahā namono potō pohne yero saha ijiaja. (Sa yena Cohācjū mari Paṗu yere cūo masiaja.)

## 5

*Cristo marine cahācjēna yero saha ijiyere tiquiro duhugū yeri bato tutuana ijiro cahmene marine*

<sup>1</sup> Sa yero mari cahācjēna yero saha ijirire potota Cristo marine duhugū yeri. Tiquiro sa duhugū yeri bato tutuana ijiaja masa. Ti dutiye mehna yuhdu duayequina cahācjēna yero saha ijimedina pari turi cahācjāna sajaedacāhña masa.

<sup>2</sup> Yojoṗure yuhū Pablo ahrire yahutja musare: “Cuhnucunū sohtoa cahserogāre mari yuhre nedi mehna yuhdunata”, masa ni tuhhotugū Cristo musare tiquiro yedohori dūhseati ijierare musare. <sup>3</sup> Ijipiltina ti cahserogāre masa yuhre nedi mehna yuhdu duanare pari turi ohō saha ni yahutja yuhū. Ti cahserogāre masa yuhre nedi mehna yuhdu duana, apeye Cohācjū dutiyere ye pehoerana, yuhdusi masa. <sup>4</sup> Dutiyere yere mehna yuhdu duana Cristo pehere cohāri masa. Sa yena musare Cohācjū tiquiro cahīfene, tiquiro yuhduo duayero duhu cāri masa. <sup>5</sup> Sa ijiepegūta Espiritu Santo tutuaye mehna Cohācjūre mari pehe wacū tutuaja. Mari sa wacū tutuagū “Quehnoana ijire”, ni ihñare Cohācjū marine. Tiquiro sa ni ihñagū marine tiquiro yuhduoatire masiaja mari. <sup>6</sup> Cristo Jesu yequina ijina cuhnucunū sohtoa cahserogāre mari yuhre negū ne dūhseati ijierare. Ti cahserogāre

mari yuhre nedagū gūhure ne dūhseati ijierare. Sa ijiepegūta Cristo pūritare wacū tutuana apeqinare cahīnata mari. Ti wacū tutuaye pehe ihyo waro ijiro niedare.

<sup>7</sup> Masa Cristore quehnoano wacū tutuamedi. ¿Quehnoañe buheyere musare yuhū acaye judio masa tiquina yuhdudaca dutigū dūhse yena tiquinare yuhhiri masa? <sup>8</sup> Tiquina ye buheye Cohācjū musare cūriquiro tiquiro ye buheye ijierare. <sup>9</sup> Ahri yuhū niatire wacūna masa: Mehenogā pā pugū yeye trigo yubure quehnoano ti sehsaro saha yuhū acaye judio masa ye buheye pehere peyequina masa mehna cjēna cahmeboaga. <sup>10</sup> Mari pahtoro Cristore wacū tutuaja yuhū. Sa yegu ahri yuhū niatire masiaja yuhū. Cristo yedohoye mehna apeye buheyere camerure cahmesi masa. Tire masiaja yuhū. Musare dojomehne cohteyequina noho ijieyequina ijiaja. Tiquinare Cohācjūre buhiri dahrerota.

<sup>11</sup> Yuhū acaye, “Dutiye yeye mehna yuhdunata”, tiquina ni buheyere yuhū buhegū ijigū judio masa yuhure űano yeraboaga. Cristo curusapū tiquiro yariarire yahuye buheyere yuhū buhiri buhiri tiquina űano yeri yuhure. Cristo ye buheye mehna judio masa ye buheyere yuhū buhe moregū yuhure űano yeraboaga tiquina. <sup>12</sup> Musare dojomehne cohteyequina masa cuhnucunū sohtoa cahserogāre yuhre ne dutiyequina tiquina basi dihita yuhre neahdo.

<sup>13</sup> Yuhū acaye, “Dutiye mehna yuhdunata”, ni tuhhotu dutierare Cohācjū musare. Ti dutiye mehna yuhduerapenata ti dutiyere yuhdudacaeracāhña masa. Sa ye masa mehna cjēnare cahme cahīna, tiquina cahācjēna yero saha yedohoya tiquinare. <sup>14</sup> Ihcā dutiire quehnoano yena, Cohācjū dutiyere ye pehona niaja mari. Ohō saha ijire ti dutiro: “Muhū basi muhū cahīno saha muhū cahapū ijieyequina gūhure cahīna”, ni, dutiahye. <sup>15</sup> Sa yena wahiquina yero saha masa basi cahme duse tutueracāhña. Sa yena cahmequedacāhña. Masa mehna cjēna “Cristo yere duhuari”, nina, quehnoano yeya masa.

*Masa űañene tiquina tutuaro cahmeñene, Espiritu Santo cahmeñe gūhure yahuahye Pablo*



<sup>16</sup> Espíritu Santo tiquiro cahmeno sahata ijiya msa. Sa yena msa ñañene msa tutuaro cahmeñene yeracãhña. <sup>17</sup> Ñañene msa tutuaro cahmegũ Espíritu Santo ihña tuhtire. Tiquiro sa ihña tuhtigũ ti ñañene duhu duare msa. Sa yena ñañene msa tutuaro cahmena, Espíritu Santore ihña tuhtire msa. Sa ihña tuhtina tiquiro cahmeno saha yerare msa. Sa ye ñañene msa tutuaro cahmeñe Espíritu Santo tiquiro cahmeñe yero saha ijierare. Sa ye Espíritu Santo tiquiro cahmeñe ñañene msa tutuaro cahmeñe yero saha ijierare ti. Sa yena msa cahmeno saha yerare msa. <sup>18</sup> Sa yena Espíritu Santo tiquiro cahmeñene yena ijina “Dutiye mehna mari yuhdũnata”, ni, tuhotuerare msa.

<sup>19</sup> Masa ñañene tiquina yeyere mari quehnoano masi tuhasaja. Ohõ saha ijire ti: Numino mehna ñano yeye, umno mehna ñano yeye, wana tiye, bæ tiro marieno ñano yeye, <sup>20-21</sup> “Cohãcjũ ijire”, tiquina niñe queoyere ño peoye, masare ujuayequina yayia tiquina yeye, ihña tuhtiyey, cahme duse tini wiaye, doeye, usuaye, tiquiro basi dihita cõ duaye, ihña tuhti cahme tu waye, ihcã curua cjẽna ape curua cjẽnare ihña tuhtiyey, apequina yere cooye, masare wejẽne, queheye, queheye bose decorire yeye, ohõ saha ijire ijire ñañene yeye. Panopũ musare cuaro mehna yuhũ nidiro sahata yojopũ gãhure niitja: Ti borore yeriquina Cohãcjũ puhtoro ijirõpure ummusepũre ne esasi.

<sup>22</sup> Espíritu Santo pehe marine ohõ saha yena ijigũ yere: Masare cahña, bucuenta, cueye mariena, usua muñena, apequinare quehnoano yena, quehnoana, duhuo marieno Cohãcjũ cahmeñene yena, <sup>23</sup> quehnoano mehna yena, tiquina ñañe ye duarire yerana ijigũ yere marine tiquiro. Sa yeyequinare “Sa yeracãhña”, ne ihcãquiõ niedare. <sup>24</sup> Cristo Jesu yequina ijina tutuaro mari ñañene ye duarire cohã tuhasau. <sup>25</sup> Espíritu Santo marine Cohãcjũ mehna sa ijiducugũ yerota. Sa yena tiquiro cahmeno sahata yeducuna ijilhna mari.

<sup>26</sup> “Apequinare masi yuhdũdũcaja usã”, ni, tuhotuna ijieracãhna mari. Sa yena mari mehna cjẽnare usuagũ yeracãhna mari. Sa yena mari basi cahme cooeracãhna.

## 6

Msa mehna cjẽnare yedohoya

<sup>1</sup> Yuhũ acaye, ihcãquiõ msa mehna cjẽno tiquiro ñañene yegũ Cristore quehnoano wacũ tutuana ijina cahĩne mehna tiquire yedohoya quehnoañene pari turi tiquiro yeatire. Sa yena msa gãhũ “Ñañene tutuaro cahmeari”, nina quehnoano yeya. <sup>2</sup> Msa mehna cjẽna tiquina ñano yuhdũgũ gãhure yedohoya tiquinare. Msa sa yena Cristo tiquiro dutiro saha yena ninata msa.

<sup>3</sup> Ihcãquiõ ihyo ijiriquiro ijieperota “Apequinare masi yuhdũdũcaja”, ni tuhoturo, tiquiro basi ni mehoñe dihitare tuhoturiquiro ijire. <sup>4</sup> Ihquẽquina msa sehsaro msa yerire “Ahri quehnoañe ijire. Ahri ñañe ijire”, ni masiña. Sa masina msa yeri quehnoañe ijigũ msa basi bucuenata. Sa yena “Apequinare masi yuhdũdũcaja”, nisi msa. Sa niedana apequinare msa yuhdũdũcari mehna bucuesi msa. <sup>5</sup> Sa yero Jesu yaquiõ Cohãcjũ yere tiquiro basi yere. Apequiõ masno tiquire tire yedoho masiedare.

<sup>6</sup> Sa yena quehnoañe buheyere buheriquirore apee boro msa cõoyere tiquire ohoya msa tiquiro buhena.

<sup>7</sup> Oteyere oteriquiro ñañe pjerire otero ñañe dũcare cõorota. Quehnoañe pjerire otero quehnoañe dũcare cõorota. Ohõ saha mari gãhũ ñañene yena ñañene cõonata. Sa yero mari ñari buhiri buhiri dahrerota. Quehnoañene yena quehnoañene cõonata. Sa yena quehnoano ijinata. Sa yena “Usã ñañene yegũ Cohãcjũ usãre buhiri dahresi”, ni tuhotueracãhña. Ñañene yeyequina Cohãcjũre bujupeyequina ijire. Cohãcjũre bujupeyequinare buhiri dahrerota tiquiro. <sup>8</sup> Mari ñañene tutuaro cahmena, tire yena, ti mehnata yarianata. Sa yena pecapũ wahanata. Espíritu Santo pehe tiquiro cahmeñene mari yegũ tiquiro marine ijipihtiyey decori ummusepũ ijiducugũ yerota. <sup>9</sup> Sa yena quehnoañene yena tire caributieracãhna mari. Cohãcjũ tiquiro queori pje ijigũ quehnoañene cõonata mari caributierana. <sup>10</sup> Sa yena ijipihtiyequinare mari ihñañequinape quehnoano yeihna mari. Mari acaye Jesu yequina pũritare apequina yuhdũoro quehnoano yeihna.

*Pablo yahu bato tiro, quehnoa duti bato tiahye*

<sup>11</sup> Bujuye letra yuhu ojoari mehna ya omoca mehna musare yuhu ojoarire ihñaña masa. <sup>12</sup> Musare cuhnucunu sohtoa cahserogäre yuhre ne dutiyequina masa tiquinare ño peogü cahmene. Cristo curusapu tiquiro yariarire yahuye buheyere mari buheri buhiri masa ñano yere marine. Tiquina sa yegü ihñañe ahriquina musare cuhnucunu sohtoa cahserogäre yuhre ne dutire “Judio masa ye buheyere yeaja”, niñe. Sa tiquina ye dutigü judio masa tiquinare ñano yeraboaga. Sa ye ti cahserogäre yuhre ne dutire. <sup>13</sup> Musare ti cahserogäre yuhre ne dutiyequina pehe Cohäcjö tiquiro dutirire ye pehoerare. Sa ye ti cahserogäre musare tiquina yuhre ne dutiri bato masa yuhtigü ihñañe, judio masa pehe tiquinare musare yuhre ne dutiyequinare ño peoboaga. Tiquina sa ño peoatire musare dutire tiquina.

<sup>14</sup> Yuhu pehe masa yuhre tiquina ño peogü cahmeda yuhduaja. Mari puhtoro Jesucristo curusapu tiquiro yariari pehere masa tiquina ño peogü cahmesäja yuhu. Sa curusapu tiquiro yariagü ahri yehpa cje ñañene watino yuhre tiquiro ye dutigü yeru yuhu. Sa yariaro ti ñañene yuhre cahmedagü yeri tiquiro. <sup>15</sup> Tiquiro sa yegü Cristo Jesu yequina ijina ti cahserogäre mari yuhre negü ne duhseati ijierare. Ti cahserogäre mari yuhre nedagü gähure ne duhseati ijierare marine. Sa ijiepegüta quehnoañe pehere mari comesagü püritare quehnoare. <sup>16</sup> Ijipihina ahri yuhu buherire yena, potota Cohäcjö yequina ijina, cuero marieno quehnoano ijiya masa. Sa yena Cohäcjö tiquiro paja ihñano mehna ijiya masa.

<sup>17</sup> Mari puhtoro Jesu cahacjö yuhu ijiri buhiri yuhu pagure cami tiaja yuhu. Yuhu sa ijirigü ijigü yojopure apequina yuhre cariboeracähdo.

<sup>18</sup> Yuhu acaye, mari puhtoro Jesucristo mehna musare ijipihinare quehnoa duti-aja. Sata ijiahro.

## Efesios

*Efeso cjenare oja ohoahye Pablo*

<sup>1</sup> Yuhū Pablo musare Efeso wame tiri maca cjanare oja ohoaja. Yuhū Jesucristo yere buhe duti tiqiro cūrigū ijiaja. Cohācjū tiqiro cahmeno sahata Jesu yuhūre tiqiro yere buheacjūre cūri. Sa yegū musare Jesucristore sa wacū tutuaducunare oja ohoaja yuhū. <sup>2</sup> Sa yegū Cohācjū mari Pacū mehna, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijiya musa.

*Cristo yequina mari ijigū ihñano Cohācjū quehnoano yere marine*

<sup>3</sup> Cohācjū, mari puhtoro Jesucristo Pacuro marine quehnoano yeducure. Ijipihtye tiqiro ye ūhmuse cjē quehnoañe mehna tiqiro marine quehnoano yeducure. Marine tiqirore quehnoano wacū tutuagū yeducure. Cristo yequina mari ijigū ihñano sa marine quehnoano yeducure. Tiquiro sa yeriqiro ijigū ihñana quehnoano ño peoye mehna tiqirore quehnoano yahuducuhna. <sup>4</sup> Ohō saha yeahye tiqiro marine tiqiro yequinare: Ahri yehpa ijiato pano tiqiro yequina ijanajare bese tuhasahye tiqiro marine. Sa beseahye marine ñañe mariena mari ijiatire. Sa yena ñañe mariena ijiaja mari, tiqiro ihñagū. Sa yero marine “Ñana ijire musa”, nisi tiqiro. <sup>5</sup> Marine cahño, paja ihñano panopū ohō saha niahye tiqiro marine: “Yuhū macū Cristo yedohoro mehna tiquina yuhū pohna ijietā”, ni cūahye marine panopū. Tiquiro cahmediro sahata sa yeahye tiqiro marine. <sup>6</sup> Marine tiqiro sa quehnoano yegū ihñana ño peoye mehna tiqirore quehnoano yahuducuhna. Tiquiro macno tiqiro cahñiqiro yequina mari ijigū ihñano quehnoano yere marine. Sa yena tiqirore quehnoano yahuducuhna.

<sup>7-8</sup> Cristota ijire marine pecapū waha-borinare yuhdūriqiro. Mari ñañe yerire tiqiro cohāgū ihñano, Cohācjū pehe mari ñañene bore. Cristo mari ñañe buhirire yariaro tiqiro diire cohāhye. Marine tutuaro cahño, marine paja ihñano sa ye dutiahye Cohācjū. Tiquiro masi pehoye mehna

sa ye dutiahye tiqiro. <sup>9-10</sup> Sa yero marine tiqiro yeatire marine masigū yeri. Panopū apequinare tire masigū yerahye tiqiro. Ohō saha ijire marine tiqiro yeati: Tiquiro cahmediro sahata tiqiro tuhoturiro sahata ijipihtyequinare ihcā curuata Cristo yequina ijigū yerota. Sa yero ijipihtiyere tiqiro ye ijigū yerota. Tiquiro queori pje ijigū ūhmuse cjenare, ahri yehpa cjēna gāhure, ihcā curuata tiqiro yequina ijigū yerota. Sa yero ūhmuse cjenare, ahri yehpa cjē gāhure tiqiro ye ijigū yerota. Sa yero Cristo pehe ijipihtyequina puhtoro ijirota. Sa ye ijipihtye tiqiro ye dihita ijirota. Sa ijiatiquiro iji dutiahye Cohācjū tiqirore.

<sup>11</sup> Sa yero Cristo yequina mari ijiatire masino panopū Cohācjū marine bese tuhasahye tiqiro yequina mari ijiatire. Ahri ijipihtiyere cūahye tiqiro tuhoturiro sahata, tiqiro cahmediro sahata yero taro. <sup>12</sup> Sa yeahye tiqiro yere mari yeatire. Mari sa yegū ihñañe apequina tiqirore ño peoye, “Tutuagū ijire mūhā”, nine. Ūsā pehe judio masa Jesure cahme ducarina ijina tiqirore wacū tutua muhtarina ijii. <sup>13</sup> Musa gāhū poto yahuducuyereta quehnoañe buheyere tūhori. Ti buheye mehnata Cohācjū cahapū wahanata musa. Tire tūhona tiqirore wacū tutuari musa. Sa wacū tutuana tiqiro yequina wahari musa. Tiquiro yequinare ohō saha niahye Cristo: “Musare Espiritu Santore ohoutja”, ni yahu cūahye. Sa yero tiqirore musa wacū tutuagū ihñano Espiritu Santore ohori musare. Sa yero Espiritu Santo musa mehna ijiro Cohācjū yequina musa ijiepe tiyere masigū yere tiqiro pehe. <sup>14</sup> Cohācjū marine yuhdūgū yere. Sa yero came tiqiro cahapū neanota marine. Marine tiqiro neatō pano Espiritu Santo pehe Cohācjū yere mari cūoatire masigū yere marine. Cohācjū marine tiqiro sa yegū ihñana tiqirore ño peoye mehna “Quehnoagū ijire mūhā”, ni aja mari.

*Pablo Cohācjūre sini basahye Jesu yequinare*

<sup>15-16</sup> Cristore musa wacū tutuana ijigū ihñagū Cohācjūre sa sini basaducujā musare. Jesucristore musa wacū tutuarire, ijipihtyequina tiqiro yequinare musa cahidire tuhogū Cohācjūre “Quehnoare”, ni aja. Ohō saha tiqirore sini basaja musare: <sup>17</sup> Cohācjū ūhmuse cjūno tiqiro

yere m̄sa quehnoano masiatire sini basaja. Sa yegū tiquirore m̄sa quehnoano masiatire sini basaja m̄sare. Tiquiro mari p̄h̄toro Jesucristo Pac̄ro ijire.<sup>18</sup> Sa yegū m̄sa quehnoano masiatire m̄sare sini basaja Coh̄c̄j̄re. Tiquiro m̄sare ȳhd̄oro, tiquiro yequina ijigū yeri m̄sare. Tiquiro sa yegū quehnoa ȳhd̄are marine. Tire m̄sa masiatire sini basaja m̄sare Coh̄c̄j̄re. Sa yegū marine tiquiro ohoatire quehnoa ȳhd̄aye ti ijigū ḡh̄ure m̄sa masiatire sini basaja.<sup>19</sup> Oh̄o saha m̄sa masiatire sini basaja m̄sare Coh̄c̄j̄re. Coh̄c̄j̄re wacū tutuana mari ijigū ih̄n̄ano tiquiro tutuaye mehna marine yedohore. Tutua ȳhd̄ariquiro ijire. Ti ḡh̄ure m̄sa masiatire sini basaja Coh̄c̄j̄re.<sup>20</sup> Ti tiquiro tutuaye mehna tiquiro Cristo yariariquirore masoahye. Sa yero āhm̄sepē tiquiro poto pehepē Cristore dujigū yeahye Coh̄c̄j̄, ijipihtiyequinare tiquiro dutiatio saha.<sup>21</sup> Top̄ dujiro ijipihtiyequina āhm̄se c̄j̄na p̄h̄toa bui, ijipihtiyequina apequina bui ijire Cristo. Sa yero yojop̄re ijipihtiyequina ahri deco c̄j̄na bui p̄h̄toro ijire. Caper̄ ijipihtiyequina ape deco c̄j̄nap̄ ḡh̄ure tiquina bui p̄h̄toro ijiatiquirota ijire tiquiro.<sup>22</sup> Sa yero ijipihtiyequina bui c̄uahye Coh̄c̄j̄ Cristore. Sa yero ijipihtiyere c̄oriquiro yeahye tiquirore. Sa yero Cristo yequina ih̄c̄ curua ijieyehna bui p̄h̄toro s̄oahye tiquirore. Tiquina dapu ijire tiquiro pehe.<sup>23</sup> Cristo yequina ih̄c̄ curuata ijina, tiquiro pagū yero saha ijiaja. Cristo ijipih̄torop̄ sa ijiducure. Sa yero ijipihtiye tiquiro bajumehnedi mehna sa ijiducure.

## 2

*Coh̄c̄j̄* marine cah̄no, paja ih̄n̄ano ȳhd̄oahye marine

<sup>1</sup> N̄aie buhiri tina, pecap̄ butiborina m̄sa ijiepeḡta Coh̄c̄j̄ m̄sare ȳhd̄ori.  
<sup>2</sup> Panop̄re ahri yehpa c̄j̄na Coh̄c̄j̄re ȳhd̄ud̄ucayequina yero saha yemedi m̄sa. Sa yena wat̄no tiquiro nidiro saha yemedi m̄sa. Tiquiro wat̄no ahri yehpap̄ dutiriquiro Coh̄c̄j̄re ȳhd̄ud̄ucayequina p̄h̄toro ijire.  
<sup>3</sup> Panop̄re ijipih̄tina mari oh̄o saha dihita yerina ijimi. Mari n̄aie dihitaro tutuaro cah̄m̄emi. Mari esa

tuharo, mari tuh̄oturiro saha yemi. Sa yena ijina ijipihtiyequina apequina yero saha, mari ḡh̄u n̄ana ijimi. Mari sa yena ijigū ih̄n̄ano Coh̄c̄j̄ mari mehna usuaro, buhiri dahre duamahye.<sup>4</sup> Sa ye duariquiro ijieperota marine tutuaro paja ih̄n̄ano, quehnoano cah̄di marine.  
<sup>5</sup> Sa cah̄i ȳhd̄aro, mari n̄aie buhiri pecap̄ butiborina mari ijiepeḡta marine tiquiro mehna sa ijiducuanaja ijigū yeri. Cristo yequina mari ijigū ih̄n̄ano marine sa yeri. Marine paja ih̄n̄ano, ȳhd̄ori tiquiro marine.  
<sup>6</sup> Sa yero Cristo yequina mari ijigū ih̄n̄ano Coh̄c̄j̄ marine came tiquiro masoatinare c̄ri. Cristo tiquiro masoatinare c̄ri marine. Sa yena tiquiro mehna masa m̄janata mari. Sa yero āhm̄sepē marine Cristo mehna ijigū yerota Coh̄c̄j̄.  
<sup>7</sup> Oh̄o saha yeri marine tiquiro paja ih̄n̄are, c̄apē ijiatiquinare masiḡ yero taro. Sa yeri tiquiro tutuaro cah̄n̄ene tiquinare masiḡ yero taro. Cristo yequina mari ijigū ih̄n̄ano sa ȳhd̄ori tiquiro marine.

<sup>8</sup> Cristore mari wacū tutuagū ih̄n̄ano Coh̄c̄j̄ marine pecap̄ wahaborinare ȳhd̄ori. Marine paja ih̄n̄ano, marine cah̄no marine ȳhd̄ori. Mari esa tuharo mari quehnoano yeye mehna Coh̄c̄j̄ cahap̄ waha masiedaja mari. Coh̄c̄j̄ pehe marine ȳhd̄ore. Sa yero tiquiro mehna mari sa ijiducuatire ohore marine. Tiquiro sa ohogū mari esa tuharo quehnoañene mari yeri wapa ijierare ti.  
<sup>9</sup> “‘Us̄a esa tuharo pecap̄ wahaborina ȳhd̄u’, niboaga”, nino oh̄o saha dutiahye tiquiro: Mari esa tuharo ȳhd̄u dutierare marine.  
<sup>10</sup> Cristo yequina ijigū yeri marine Coh̄c̄j̄ pehe quehnoañene dihitaro yeanaja mari ijiatire. Panop̄ quehnoañene mari yeatire c̄u tuhasahye tiquiro marine.

*Cristore c̄uona mari quehnoano ijiaja*

<sup>11</sup> Sa yena panop̄ m̄sa ijie tirire yojop̄ ḡh̄ure wacūna m̄sa. Cristo yequina ijieranina judio masa ijiena ijina m̄sa acaye yero saha yerina ijimedi m̄sa. Cuh̄nucun̄ cahseroḡare ȳhre nedari m̄sa. M̄sa sa ȳhre nedagū ih̄n̄ano us̄a judio masa pehe cuhnucun̄ cahseroḡare ȳhre nena pehe m̄sare ih̄n̄a tuhtina oh̄o saha nie tii. “Cuh̄nucun̄ cahseroḡare ȳhre

neeqequina ijiye, Cohācǵū yequina ijierare”, nie tii mūsare. <sup>12</sup> Ti pjere Cristo yequina ijierari jimedi mūsa. Ūsā judio masa pehe Cohācǵū beserina ijie tii. Ūsā sa ijigū “Mūsare yuhduoutja”, ni cūahye Cohācǵū ūsāre. Sa yena mūsa pehe tiqiro sa ni cūrina ijierari jimedi. Sa ye Cohācǵū beseriquinare ihña tuhtina ijinimedi mūsa. Mūsa ñañe buhirire pecapū wahanaja ijiri jimedi mūsa. Cohācǵū mariena ijina pecapū waha, butiborina ijie tiri jimedi mūsa.

<sup>13</sup> Yojoṗure pehere Cristo Jesu yequina ijire mūsa. Panopū Cohācǵūre ihña tuhtirina ijiepenata, yojoṗure tiqiro yequina ijire mūsa. Cristo mūsa ñañe buhiri curusapū tiqiro dii cohāri bato Cohācǵū yequina ijigū yeri mūsare. <sup>14</sup> Ūsāre judio masare ihña tuhtina mūsa ijigū ihñano Cristo marine ihña tuhti dutierari. Masare sa ni yahuriqiro ijire tiqiro. Ūsā judio masa, judio masa ijiena mehna pūa curua mari ijigū ihñano, tiqiro ihcā curuata ijigū yeri marine. Mari cahme ihña tuhtirire duhgū yeri tiqiro. <sup>15-16</sup> Ohō saha tire yeri tiqiro: Mari ñañe buhirire curusapū yariaro marine pecapū wahaborinare yuhduori. Sa yuhduoro tiqiro yequina ijigū yeri marine. Sa yero pūa curua mari ijiepegūta ihcā curuata wahma curua ijigū yeri marine. Sa yero panopū mari cahme ihña tuhtirina mari ijiepegūta marine ihña tuhtieragū yeri. Sa yero judio masa ūsā dutiyere cohāri tiqiro. Ti dutiye marine pūa curua iji dutiri jimedi. Yojoṗure ihcā curuata ijiaja mari. Sa yero Cristo Cohācǵū yequina ijigū yeri marine.

<sup>17</sup> Sa yero marine cahme ihña tuhtieragū yero taro Cristo quehnoañe buheyere yahuro ahtahye. Mūsa judio masa ijiena Cohācǵū yere cūoerari jimedi. Mūsa sa cūoeragū ihñano mūsare yahuro ahtahye. Ūsā judio masa pehe Cohācǵū yere cūou. Ūsā gūhure yahuro ahtahye. Sa yero ijiphtinare marine cahme ihña tuhtieragū yero, bosaro ahtahye tiqiro. <sup>18</sup> Yojoṗure ijiphtina mari judio masa, judio masa ijiena gūhū mari Pacu mehna quehnoano iji masiaja mari. Espiritu Santo tiqiro yedohoye mehna mari Pacu mehna quehnoano iji masiaja mari. Cristo pehe marine sa ijigū yeri.

<sup>19</sup> Sa yena yojoṗure ape dihta cǵēna yero

saha ijierare mūsa. Yojoṗure Cohācǵū yequinare ihña tuhtina ijierare mūsa. Cohācǵū yequina mehna cǵāna ijire mūsa. Tiquiro ya curua cǵāna ijire mūsa. <sup>20</sup> Cohācǵū yere yahu muhtariquina panopū cǵēna tiqiro ye yahuducuyere ojoa, mūsare yahue tiahye. Ūsā gūhū tiqiro yere yahu dutiro tiqiro cūrina gūhū Cristo yere yahue tii mūsare. Ūsā ijiphtina sa yahugū tuhona, Cristore wacū tutua dūcari mūsa. Quehnoa yuhduariqiro, ñañe marieniqiro ijro, tiqiro yequina ijigū yeri tiqiro mūsare. Tiquiro mariedagū mari ne yuhdueraboya. <sup>21</sup> Sa yero tiqiro masiñe mehna marine tiqiro yequinare ihcā curua ijigū yeri tiqiro. Sa yena tiqiro masiñe mehna quehnoana wahaja mari. Mari sa ijigū ihñano, tiqiro mari mehna ijire. <sup>22</sup> Sa yena Cristo yequina ijina ijiphtiyequina apeqina tiqiro yequina mehna ihcā curua wahari mūsa gūhū. Mūsa sa wahagū Cohācǵū yaqiro Espiritu Santo mūsa mehna ijro nine.

### 3

*Judio masa ijieyequinare quehnoañe buheyere yahuriqiro ijiahye Pablo*

<sup>1</sup> Sa yegu yuhū Pablo, Cristo Jesu yere mūsare ijiphtina judio masa ijienare yuhū yahuri buhiri peresupū ijiaja yuhū. <sup>2</sup> Cohācǵū yuhure paja ihñano, yuhure cahino, quehnoañe buheyere mūsare judio masa ijienare yuhure yahu dutiro, cūri. Tire tuho tuhasari mūsa. <sup>3</sup> Panopū mūsare tiqiro yahuerarire Cohācǵū yojoṗure yuhure masigū yeri. Ahrire mehenogā yahu, mūsare ojoa tuhasan. <sup>4</sup> Yuhū sa ojoarire buhena Cristo yere yuhure tiqiro masigū yerire masinata mūsa. <sup>5</sup> Ti tiqiro yahurire panopū cǵēnare tiqiro yahuerahye. Yojoṗure pehere ūsāre Jesu cūrinare, Cohācǵū yere yahu muhtariquina gūhure tiqiro yahurire masigū yeri Cohācǵū. Tiquiro yaqiro Espiritu Santo pehe ūsāre masigū ye basari tiqirore. <sup>6</sup> Ohō saha ijire tiqiro yahuri: Ūsā judio masa dihitare Cohācǵū yuhduoerare. Judio masa ijieyequina gūhure yuhduorota tiqiro. Quehnoañe buheyere tiquina quehnoano tuhogū yuhduorota tiqiro tiquinare. Sa yena ūsā judio masa, mūsa judio masa ijiena mehna ihcā pagū yero saha ihcā curuata

ijiaja mari. Sa yena mari ijipihntina Cristo Jesu yequina ijina ihcāno saha Cohācjū “Musare yūhdūoutja”, tiqiuro ni cūriro sahata tiqiuro yūhdūonohrina ijiaja mari.

<sup>7</sup> Cohācjū yūhure paja ihñano, yūhure cahīno ahri quehnoañe buheyere yahuacjūre yūhure cūri. Tiquiro masiñe mehna sa cūri yūhure tiqiuro. <sup>8-10</sup> Ijipihntiyequina apequina Jesu yequina docapū ijieyequina tiquina docapū waro ijiaja yūhū. Yūhū sa ijiepegūta judio masa ijieyequinare quehnoañe buheyere yahuacjūre cūri Cohācjū yūhure. Ti buheye Cristo quehnoa yūhdūariqiuro tiqiuro ijijere, quehnoa yūhdūye tiqiuro cūoyere tiqiuro ohoatire yahure marine. Yūhure sa cūno Cohācjū “Ohō saha yūhdūoutja masare pecapū wahaboriquinare”, nino tiqiuro yūhdūoatire quehnoano yahu pehoacjūre cūri tiqiuro yūhure. Sa yero panopū cjēnare ti buheyere ne yahu pehoeraniahye Cohācjū. Ijipihntiye bajumehnediquro ijire tiqiuro. Yojoṗure quehnoañe buheyere yahu dutiro cūri tiqiuro yūhure, tiqiuro quehnoano masi pehoyere masigū yero taro. Masi pehoriquiro tiqiuro ijieye tiyere ūhmūse cjēna dutiyequinare, angele pūhtoa gūhure masigū ye duahye tiqiuro. Sa yero taro quehnoañe buheyere buhe dutiri marine Jesu yequinare. Musare judio masa ijienare yahu dutiri yūhure.

<sup>11</sup> Ahri yehpa ijiaito panopūta “Masare pecapū wahaboriquinare yūhdūoutja” ni-ahye Cohācjū. Sa nidiquiro ijiro yojoṗure mari pūhtoro Cristo Jesu tiqiuro yari-aro mehna tiqiuro nidiro sahata marine yūhdūori Cohācjū. <sup>12</sup> Tiquiro sa yūhdūogū yojoṗure Cristore wacū tutuana tiqiuro yequina wahaja mari. Tiquiro yequina ijina cuero marieno Cohācjū mehna yahuducu masiaja mari. <sup>13</sup> Quehnoañe buheyere musare yūhū buheri buhiri yojoṗure peresupū ijigū yūhū ñano yūhdūgū ihñana bujūna witeracāhña. Quehnoañe buheyere yūhū yahugū tūhona Cohācjū yequina wahari musa. Yūhū sa yeri buhiri peresupū ijiaja. Sa yegū musa ye ijiatire ñano yūhdūgū niaja. Sa yena bucueya musa. Tire tutuaro buce dutiaja musare.

*Cristo masare tutuaro cahīne*

<sup>14</sup> Sa yegū ahri ijipihntiye mari Pacū tiqiuro yerire wacūgū tiqiuro poto dūsepe curi mehna quehe sagū sini basaja musare. <sup>15</sup> Tiquiro ijipihntiye cururi cjēna, tiqiuro yequina ūhmūseṗū ijieyequina, ahri yehpapū ijiniñequina gūhū tiquina Pacūro ijire. Ijipihntina mari Pacū ijire tiqiuro. <sup>16</sup> Tiquirore ohō saha ni sini basaja musare: Tiquiro masi pehoriquiro ijire. Tutua yūhdūariqiuro ijire. Sa yero tiqiuro masiñe mehna musare quehnoano tiqiuro wacū tutuagū yeatire sini basaja. Espiritu Santo yedohoro mehna sa yerota.

<sup>17</sup> Sa yegū Cristore musa wacū tutua nemoatire tiqiuro musa mehna tiqiuro quehnoano ijiatire sini basaja musare. Sa yegū apequinare quehnoano cahīna musa ijigū, Cristo tiqiuro tutuaro cahīñene musa masiatire sini basaja musare. <sup>18-19</sup> Ijipihntiyequina apequina Cohācjū yequina gūhū Cristo tiqiuro tutuaro cahīñene tiquina masiatire sini basaja. Tiquiro ijipihntiyequina masare cahī yūhdūariqiuro ijire. Sa cahīniqiuro tiqiuro ijieye tiyere musa quehnoano masiatire sini basaja musare. Sa yegū tiqiuro cahīñene musa masigū cahmeaja musa mehna Cohācjū quehnoano ijiatire. Quehnoa yūhdūariqiuro, ñañe marieniquiro tiqiuro ijiro saha musa wahatire tiqiuro cahīñene musa masigū cahmeaja. Sa yegū tiqiuro cahīñene musa masiatire sini basaja musare Cohācjūre.

<sup>20</sup> Sa ye Cohācjūre ño peoye mehna “Tiquiro tutuariqiuro ijire”, niñna mari. Tiquiro masiñe mehna quehnoañe pehere comesa masine tiqiuro marine. Marine quehnoana ijigū ye masine. Mari sinidi yūhdūoro ye masine tiqiuro. Mari cahmeñene mari tūhoturi yūhdūoro ye masine tiqiuro. <sup>21</sup> Cristo Jesu yequina mari ijigū ihñañe, Cristo ijieye tiye gūhure ihñañe, ijipihntiye decori ijipihntiyequina Cohācjūre ño peahro. Sata yeahro.

#### 4

*Cristo yequina ijina ihcā curuata ijiaja mari*

<sup>1</sup> Sa yegū musare tutuaro yahuaja: Cohācjū tiqiuro yequina ijiatinare musare be-see tiahye. Sa yena tiqiuro beserina ijina tiqiuro iji dutiro saha quehnoana ijiaja musa. Tire musare yahuaja yūhū. Mari

puhtorore yuhu yedohori buhiri peresupu ijiaja yuhu. Sa ye musare quehnoana iji dutiaja. <sup>2</sup> “Usa pūrita masi yuhduducaja”, ni tuhotuna ijieracāhña. Apequinare quehnoano mehna yeya usuario marieno. Musa mehna cĵena musare tiqina ñano yepēgūta tiquinare cahñe mehna sa ihña cāhña. <sup>3</sup> Sa yena Espiritu Santo yedohoye mehna quehnoano mehna ihcāno mehna ijiducuya musa. Sa yena cahmequeno marieno ijinata musa. <sup>4</sup> Ihcā pagu yero saha ihcā curua ijiaja mari. Sa yero Espiritu Santo ihcāquirotā ijire. Cohācĵū tiquiroyequina ijanajare musare beseetiahye musare yuhduoro taro. Sa yena tiquiroyehduoatire masine musa. Ti musa masidi ihcānota ijire. <sup>5</sup> Mari puhtoro Cristo ihcāquirotā ijire. Tiquiroyebuhye gāhu ihcānota ijire. Tiquiroyequinare wame yeye gāhu ihcānota ijire. <sup>6</sup> Sa yero Cohācĵū ihcāquirotā ijire. Tiquiroyequina ijiptiyequina Pacuro ijire. Sa yero mari puhtoro ijire. Sa yero ijiptinare marine yedohore tiquiroyequina ijiptina mari mehna ijire tiquiroyequina. Sa yero ijiptiroyequina ijire tiquiroyequina.

<sup>7</sup> Ihcā curua mari ijiptiyequina marine mari ye masiatire cūri Cristo. Tiquiroyequina cūriro sahata ye masiaja mari. Tiquiroyequina marine sa cūno apee borore tiquiroyequina sa oho cāriroyequina sa yero nidi tiquiroyequina. <sup>8</sup> Sata nine Cohācĵū yere tiqina ojoari pūpū:

Cohācĵūre ihña tuhtiyequinare tiquiroyequina yuhduducari bato tiquiroyequina pari turi mĵjaa waharota. Sa mĵjano tiquiroyequina peye sa oho cānota masare, ni ojoahye panopure.

<sup>9</sup> “Tiquiroyequina pari turi mĵjaa waharota”, tiquiroyequina nigū coā warore tiquiroyequina dija tari gāhure mari masiaja. Ahri yehpapure tiquiroyequina dija tarire mari masiaja. <sup>10</sup> Sa yero ohopure dija tariquiroyequina ijiptiyequina mĵjaa wahariquiroyequina. Ijiptiyequina bui mĵjaa wahariquiroyequina, ijiptiroyequina ijiptiroyequina taro. <sup>11</sup> Tiquiroyequina ijire “Masare peye sa oho cāriquiroyequina”, tiqina nidiquiroyequina. Masare tiquiroyequina sa oho cāno saha tiquiroyequina peye tiqina ye masiatire cūri masare.

Ohō saha cūri tiquiroyequina: Ihuēquinare Cristo ye buhyere buheatiquinare cūri. Apequinare Cohācĵū yere yahu muhtatiquinare cūri. Quehnoañe buhyere buhe tiniatiquinare apequinare cūri. Cristo yequina cahmeoñequina puhtoa

ijiatiquinare, quehnoano buheatiquinare cūri apequinare.

<sup>12</sup> Sa dihita cūri marine apequinare tiquiroyequinare mari yedohoitire. Sa cūri marine tiquiroyequina yequinare tiquiroyequina mari wacū tutua nemoatire, tutuana mari wahatire. <sup>13</sup> Sa yena mari ijiptiyequina quehnoano mehna ihcāno mehna ijinata. Sata ijiptiyequina cahmene marine Cristore wacū tutuana ijinata. Sa yena mari ijiptiyequina Cohācĵū macunore quehnoano masinata. Sa yena Cristo tutuariquiroyequina, quehnoano masiniquiroyequina tiquiroyequina ijiptiroyequina saha mari gāhu quehnoano masina wahanata.

<sup>14</sup> Mari sa wahana macanagā yero saha ijiptiyequina mari. Macanagā quehnoano tuho masiedariaga. Apequina tiqina buhegū “Ahri poto ijire”, ni tiqina ni meho buhegū macanagā yero saha ijiptiyequina apeye buhyere tuho, beseducure. Sa ye apequina tiqina sijoro saha buhegū ti buhyere pehere cahmene. Tiquina yero saha ijiptiyequina mari.

<sup>15</sup> Ohō saha yematja mari: Mari mehna cĵenare cahme cahña, poto quehnoañe buhyere yahumatja tiquinare. Sa yena macanagā tiqina bucua tuho masiñequina tiqina wahariroyequina saha mari gāhu tutuana, Cohācĵū yere quehnoano masina wahanatja. Cristo ijiptiyequina saha wahanata.

Tiquiroyequina ijire mari dapu. <sup>16</sup> Tiquiroyequina yequina ijinata tiquiroyequina pagu yero saha ihcā curuata ijiptiyequina mari. Sa yena mari caperi, mari cahmo, mari dahpocāri ihcā pagupū ti quehnoano ijiptiyequina saha mari gāhu peyequina ijiptiyequina ihcāno mehna quehnoano ijiptiyequina. Mari sa ihcāno mehna mari ijiptiyequina Cristo yedohore. Mari omocari mari pagure ti quehnoano yedohoro saha mari quehnoano yedohoaapequinare Cristo yequinare. Sa yena mari mehna cĵenare Cristo yequinare quehnoano cahña, tiquinare quehnoano yedohona, tutuana Cristore wacū tutua nemonawahanata mari.

*Cristo yequina wahanata mari ñañe yeyere duhu, quehnoañe pehere comesaja mari*

<sup>17</sup> Sa ye mari puhtoro Cristo tiquiroyequina dutiroyequina mehna ohō saha niitja musare: Cohācĵūre cahmeñequina waro yero saha yeracāhña musa. Tiquina tuhotuyequina pehe ñañe dihita ijire. Sa ye tiqina tuhotuyequina duhseati ijierare. <sup>18</sup> Sa yero Satana Cohācĵū yere tiquinare

tũhoeragũ yere. Sa ye tiquiro yere ne tũhoerare. Tũho duerare tiquina. Sa ye Cohãcjũ tiquiro quehnoano iji dutiriro saha ijierare tiquina. <sup>19</sup> Sa ye tiquina ñano yeye ne bue tiera yũhdũare. Ne bujũa witiere. Ñañene tiquina tutuaro cahmeñe dihitare yeducure. Ijipihtiye ti ñañene yeducuye duhu duerare. <sup>20-21</sup> Musa pehe pototo tiquiro yere tũhona mũa ijigũ, Jesu yere quehnoano masina mũa ijigũ mũa pehere tiquina yero saha ye dutierare tiquiro. <sup>22</sup> Sa yena panopũ mũa yerire duhu cãhña. Ti pjere ñañene yeducuna mũa ijigũ ti ñañe pehe mũaare dojomehmeno nimesi. “Ñañene yena, quehnoano bucuenata”, ni tũhotuna ijiepenata ne bucuerari mũa. <sup>23</sup> Sa ye mũa tũhotuyere quehnoañe pehere comesaro cahmene mũaare. <sup>24</sup> Panopũ mũa ñañe yerire duhu cãhña. Sa yena quehnoañe pehere comesarina ijiya mũa. Ohõ saha ijieyequina Cohãcjũ yero saha ijire. Mũa sa ijina, quehnoañene yeducunata. Sa yena ñañene yabinata mũa.

<sup>25</sup> Sa yena mũa ni mehorire duhu cãhña. Mũa mehna cjẽnare pototo yahuya, ni mehono marieno. Mari ihcã pagu yero saha ihcã curua cjãnata ijina niaja. Sa yena mũa basi ni mehoedacãhña.

<sup>26</sup> Apequinare usuana, tiquinare ñano yeracãhña. Sa yena usuana, ne yoari pje usuaducueracãhña mũa. <sup>27</sup> Yoari pje usuana, watĩno tiquiro cahmeno saha yena niaga mũa. Sa yeracãhña.

<sup>28</sup> Ihuẽquina mũa mehna cjãna Jesu yequina mũa ijiato pano yaquerina ijina pari turi yaqueracãhña. Sa yena yojopũre quehnoano dahraya pejecũoyequinare mũa ohoatire.

<sup>29</sup> Ne ñano yahuducueracãhña. Quehnoañene yahuducuna apequinare yedohore mũa. Sa yena quehnoañe dihitare yahuducuya. <sup>30</sup> Ñañene yena Espĩritu Santore bujũa witiigũ yena niaga mũa. Sa yeracãhña. Yojopũre pihtiri deco pano Cristo marine tiquiro neato pano Espĩritu Santo marine ihña ihbore marine ñañene ye dutieraro. Sa yero Cristo yequina mari ijiyere masigũ yere tiquiro marine. Sa yena tiquirore bujũa witiigũ yeracãhña.

<sup>31</sup> Sa yena ne ñano ye nemoedacãhña. Usua, cahme dũse tutua nemoedacãhña. Apequinare ñano ni saũducu

nemoedacãhña. Apequinare quiti dahre nemoedacãhña. Ne apequinare ñano ni tũhotu nemoedacãhña. <sup>32</sup> Sa ye mũa mehna cjẽnare quehnoano mehna quehnoano yeya. Cristo yequina mũa ijigũ ihñano mũa ñañene bo cãhri Cohãcjũ. Ohõ saha apequina mũaare tiquina ñano yegũ ihñana tiquina ñañene bo cãhña mũa gũhu.

## 5

“Cohãcjũ pohne ohõ saha ijiro cahmene”, ni yahuahye Pablo

<sup>1</sup> Sa ye Cohãcjũ pohna tiquiro cahñona ijina Cohãcjũre ihña cũña mũa. <sup>2</sup> Sa yena apequinare sa cahĩducuya. Cristo marine cahño, mari ñañe buhiri yariahye. Sa yariaro Cohãcjũre bucuegũ yeahye tiquiro. Sa yena marine tiquiro cahĩdiro saha mũa gũhu apequinare cahña.

<sup>3</sup> Sa yena Cohãcjũ yequina ijina ne numia mehna ñano yeracãhña. Numia gũhu mũa mehna ñano yeracãhña. Apeye ñañene ohõ saha ijie ñañene yeracãhña. Apee borore cahme yũhdũeracãhña. Ne sa yeraro cahmene mũaare Cohãcjũ yequina ijina.

<sup>4</sup> Sa yena buoyere cahme yahuducueraro cahmene mũaare. Tũho masieñequina yero saha yahuducueraro cahmene mũaare. Sa yena ñano ni bujũperaro cahmene mũaare. Ahri pehere yero cahmene mũaare. Cohãcjũ mehna yahuducuro cahmene mũaare. Sa yahuducuna tiquirore “Quehnoano yeri mũhu usãre”, nino cahmene. <sup>5</sup> Apee borore cahme yũhdũana, “Cohãcjũ ijire”, mari niñe queoyere mari cahmeno saha yena niaja mari tire. Doeri cjẽne ño peoyequina yero saha yena niaja mari. Sa ye wũana tiyequina, ñañe dihitare tũhotuyequina, apee borore cahme yũhdũayequina Cohãcjũ, Cristo mehna tiquina puhtoro ijioropũ ne wahasi tiquina. Tire quehnoano masiaja mari. <sup>6</sup> Ohõ saha yeyequina tiquina yeri buhiri buhiri dahrerota Cohãcjũ tiquirore yũhdũucayequinare. Sa yena apequina mũaare “Ahri ñañe ijierare”, tiquina ni mehogũ tũhoeracãhña. <sup>7</sup> Sa yena ohõ saha ñano ye yũhdũucayequinare ne piti tieracãhña.

<sup>8</sup> Cristo yequina mũa ijiato pano sa ijirinata ijimesi mũa gũhu. Yojopũ



pehere tiquiro yequina ijina, Cohācjüre quehnoano masine musa. Cohācjü yequina quehnoañene yere. Sa yena sa yero cahmene musare. <sup>9</sup> Sa yena Cristo yequina ijina quehnoañene, Cohācjü cahmeñene, ni mehono marieno yeducunata musa. <sup>10</sup> Quehnoañene mari yegü ihñano mari puhtoro Cristo bucuere. Sa yena tire yeya. <sup>11</sup> Cristore cahmeeñequina ñañe tiquina yeye ñañe waro ijire. Sa yena tiquina yero saha musa pehe yeracähña. Quehnoañe buheyere Cristo yere yahuya tiquinare. Sa yena tiquina ñañe yeyere tiquinare masigü yeya. <sup>12</sup> Masa ihñenopu tiquina ñano ye cohtere. Tiquina sa yerire yahuducuna mari bæ tiboaga. Sa yeye ña yuhduaro yere tiquina. <sup>13</sup> Sa yena tiquinare quehnoañe buheyere mari yahuna, ña yuhduayequina tiquina ijiyere masigü yena niaja mari tiquinare. Ijipihtiye mari yerire marine masigü yere quehnoañe buheye, buhrioro marine ti ihña masigü yero sahata. <sup>14</sup> Ti ijirota ijire. Sa ye ohö saha ni yahure Cohācjü yere yahuyequina:

Ne, yuhure tuho duena, tuhoya musa. Musa ñañe yeyere bujua witi, tire duhuya. Cristo musa ñañe yeyere masigü yerota, ni yahure.

<sup>15</sup> Sa yena decoripe quehnoano yeya musa. Tuho masieñequina yero saha ijieracähña. Tuho masina ijija. <sup>16</sup> Yojoḡpü cjëna masa ña yuhduaro yeducure. Sa yena musa pehe quehnoañene, Cristo yere sa yeducuya musa. <sup>17</sup> Sa yena tuho masiena ijieracähña. Cohācjü cahmeñene quehnoano masiña. Sa yena tire yeya. <sup>18</sup> Sa ye pairure sihni queheracähña. Queheyequinare ñano yuhduro cua yuhduare. Sa yena pairure tutuaro cahmedacähña. Espiritu Santo pehere tutuaro cahmeña musa mehna tiquiro quehnoano ijiatire. Tiquirore quehnoano yahtiya. <sup>19</sup> Sa yena musa basi Cohācjüre ño peo basayere cahme yahuducuya. Sa yena Salmore Cohācjü yere basayere, apeye tiquirore ño peo basaye gühure tiquirore basa peoya musa. Quehnoano wacü ño peoye mehna basa peoya. Sa yena mari puhtoro Cristore ño peoya. <sup>20</sup> Cohācjü mari Pacü ijipihtiyere musare tiquiro ohorire bucue “Quehnoare”, sa niducuya musa tiquirore. Mari puhtoro Jesucristo yequina ijina mari Pacure “Quehnoare”, sa niducuya musa.

“Musa ihcā wuhü cjāna Jesu yequina ijina, ohö saha yeya”, ni yahuahye Pablo

<sup>21</sup> Sa ye musa mehna cjënare cahme ño peoye mehna yahtiya. Sa cahme ño peo yahtina Cristo gühure ño peona nine musa.

<sup>22</sup> Musa namosānumiare yahutja yojopure. Mari puhtoro Cristore mari yahtiro saha musa manūsümüare quehnoano mehna yahtina numia ijija. <sup>23</sup> Jesucristo marine yuhduore tiquiro ya curua cjāna mari ijiatire. Sa yero mari tiquiro ya curua cjāna mari puhtoro tiquiro ijiro saha musa manūsümüa musa namosānumia puhtoa ijire. <sup>24</sup> Sa yena Cristo yequina ijina tiquirore sa yahtiducuja mari. Sata musa namosānumia musa manūsümüare quehnoano yahtiducuna numia ijija.

<sup>25</sup> Musa manūsümüa pehere yahutja yojopure. Cristo marine tiquiro yequinare cahño, mari ye ijiatire yariahye. Sa yena marine tiquiro cahñiro saha musa gühü musa namosānumiare quehnoano cahñiducuya. <sup>26</sup> Cristo mari ye ijiatire yariahye mari ñañe yerire cosero taro. Tiquiro buheye quehnoañe buheye mehna mari ñañe yeyere cosere. Sa yero tiquiro yequina mari ijigü ihñano aco mehna marine wame yere. <sup>27</sup> Sa cosere marine tiquiro yequina ijiatire yero taro. Tiquiro sa cosegü ne ñañe buhiri mariena ijinata, tiquiro ihñagü. Sa yena quehnoana, Cristo yero saha ijinata. <sup>28</sup> Musa namosānumiare cahña, musa basi musa pagurire musa cahño saha tiquina numiare cahña. Mari namonore cahña mari pagure cahña niaja.

<sup>29-30</sup> Ne mari pagurire ñano wahagü cahmedaja. Mari ihyayere ihyana quehnoano yena niaja mari pagurire. Cristo yequina ijina tiquiro pagü yero saha tiquiro ya curua cjāna ijiatire mari. Sa yero marine quehnoano yere tiquiro. Sa yena Cristo marine tiquiro quehnoano yeriro sahata mari gühü mari pagure quehnoano yeaja. Mari namosānumia gühure sata quehnoano yero cahmene marine. <sup>31</sup> Sata nine Cohācjü yere tiquina ojoari püḡpü: “Sa ye umüno tiquiro pacūsümüare wijiario tiquiro namono mehna ijirota. Sa ye tiquina puaro ijiepetā ihcāquiro yero saha ijietā”, ni ojoahye panopü. <sup>32</sup> Ahri tiquiro ojoarire apequina quehnoano tuhoerari jiri. Sa yegü tire ohö saha ni yahutja musare. Ohö saha ni yahuro niaga. “Cristo

tiqiro yequina mehna ihcã pagu yero saha ihcã curuata ijire”, ni yahuro niaga. <sup>33</sup> Sa yegũ musare ohõ saha ni yahu nemoutja tja: Mũsa pagurire mũsa cahĩno saha mũsa namosãnumiare cahĩña. Sa yena mũsa manũsumũare quehnoano ño peoya mũsa.

## 6

<sup>1</sup> Yojoþure macanagãre yahutja. Mari puhtoro Cristo yequina ijina mũsa pacũsumũare quehnoano yuhtiya. Mũsa sa yegũ quehnoarĩne. <sup>23</sup> Ohõ saha niahye Cohãcũ dutiye: “Mũsa pacũsumũare quehnoano ño peoya”, ni dutiahye tiqiro. Ahri dutiro mehna Cohãcũ yahu nemoahye. Ohõ saha niahye: “Mũsa pacũsumũare ño peona, ahri yehpapu yoari pje bucueye mehna ijinata mũsa”, ni yahuahye. Tiquiro sa ni yahugũ ahri dutiro ihyo ijiri dutiro ijierare. Sa yena tiqiro nidiro saha mũsa pacũsumũare ño peoya.

<sup>4</sup> Yojoþure tiquina pacũsumũare yahutja: Mũsa pohñare sa tuhtiducueracãhña, “Usuagũ yeari”, nina. Mari puhtoro Cristo tiqiro cahĩne mehna tiqiro yedohoye mehna tiquinare quehnoano cohteya. Sa yena tiquinare quehnoano yahuya.

<sup>5</sup> Yojoþure cahacjãñare musare yahutja: Cua pesaro mehna, ño peoye mehna ahri yehpa cjenare mũsa puhtoare quehnoano yuhtiya. Ni mehono marieno quehnoano yuhtiya. Cristore mũsa yuhtiro sahata tiquinare yuhtiya mũsa.

<sup>6</sup> Tiquina ihñono dihitare yuhtina ijieracãhña. Sa yeyequina mũsa dihitare tiquinare ihña bucuegũ cahmene. Mũsa pehe Cristo tiqiro cahacjãna mũsa ijiro saha mũsa puhtoa gũhure sa yuhtiducuya. Cohãcũ tiqiro cahmeno sahata quehnoano bucueye mehna yuhtiya. <sup>7</sup> Sa yena Cristore yuhtina mũsa ijiro saha bucueye mehna yuhtiya mũsa puhtoa gũhure. “Masa dihitare yuhtina niaja”, ni tuhotueracãhña. <sup>8</sup> Sa yena ahrire wacũña: Ijipiltina quehnoañene mari yegũ ihñano Cohãcũ quehnoano yerota marine. Cahacjẽnare, cahacjãna ijieyequina gũhure quehnoano yerota.

<sup>9</sup> Yojoþure puhtoare yahutja: Mũsa cahacjẽnare quehnoano yeya. Tiquinare quehnoano yuhtu ye dutiriro sahata yeya

mũsa gũhu tiquinare. Tiquinare tuhtiperacãhña. Uhmũse cjũno Cohãcũ potota tiquina puhtoro ijire. Mũsa yaqiro puhtoro ijire tiqiro gũhu. Sa yena ijipiltina mũsa tiqiro cahacjãna dihita ijire. Sa yero tiqiro ihcãno saha ihñare musare ijipiltinare. Sa yena mũsa cahacjẽnare tuhtiperacãhña.

*Cristo yequina watĩnore tiquina cahmotarire yahuahye Pablo*

<sup>10</sup> Ahrire yahu bato tiitja musare: Quehnoano wacũ tutuana ijiya mũsa. Mari puhtoro Cristo mũsa mehna ijire. Sa yena tiqiro ye masiñe mehna wacũ tutuana ijiya. <sup>11</sup> Watĩno marine ni mehono, ñano ye dutire marine. Cohãcũ marine cahmotare mari ñañene yeborire. Marine tiqiro cahmotaye surara tiqiro cahmotari suhtiro, come suhtiro yero saha ijire. Sa yena ti suhtirore mũsa sañano saha Cohãcũ tiqiro cahmotayere quehnoano cwo pehoya. <sup>12</sup> Jesu yequina mari ijigũ, marine ihña tuhtieyequina masa waro ijierare. Uhmũse cjẽna ijimediquina ñañequina, tutuayequina, tiquina pehe ijire marine ihña tuhtieyequina. Watĩ ahri yehpa cjẽna puhtoa ijire. Sa ye tiquina gũhu ijire marine Jesu yequinare ihña tuhtieyequina.

<sup>13</sup> Sa yena yojoþure cahmotari suhtirore mũsa sañano saha Cohãcũ musare tiqiro cahmotatire tiqiro yere quehnoano cwo pehoya. Sa yena watĩno musare tiqiro ñano ye dutigũ, musare tiqiro ñano ye duagũ, tiqirore cahmotanata. Sa yena yuhtiducanata. Sa tiqirore yuhtiducana, tutuana tojoanata mũsa.

<sup>14</sup> Sa yena tutuana ijiya. Cohãcũ musare tiqiro cahmotatire ohõ saha yeya mũsa:

Surara tiqiro come suhtiro mehna tiqiro jeripohñare cahmotariro saha poto yahuyere Cohãcũ yere quehnoano tuhoya mũsa watĩnore mũsa cahmotatire. Sa yena Cristo yedohoye mehna quehnoana ijiya mũsa, watĩnore mũsa quehnoano cahmotatire.

<sup>15</sup> Surara tiqiro dahpo suhti mehna tiqiro dahpocãrine tiqiro cahmotariro saha quehnoañe buheyere quehnoano masiña mũsa, watĩnore mũsa cahmotatire. Ti buheye marine quehnoano ijigũ yere.

<sup>16</sup> Surara tiqiro tohoriro mehna tiqiro cahmotariro saha Cristore quehnoano wacū tutuaducuya m̄sa watĩnore m̄sa cahmotatire. Bueye c̄u mehna tiqiro sih̄a m̄sare tiqiro b̄uedoqueboro saha watĩno m̄sare ñano yegū ye duare. Sa yena Cristore quehnoano wacū tuana, cahmotanata m̄sa.

<sup>17</sup> Surara tiqiro come sapea mehna tiqiro dapure cahmotariro saha m̄sare pecap̄u wahaborinare Cristo yuh̄duorina ijiya m̄sa, watĩnore m̄sa cahmotatire.

Surara tiqiro ñoseni p̄j̄ mehna tiqiro cahmotariro saha Coh̄c̄j̄u ye buheyere quehnoano masiña m̄sa, quehnoano m̄sa cahmotatire. Sa yena apequinare quehnoano yahuya tiqiro yere. Ti Coh̄c̄j̄u ye buheyere Esp̄ritu Santo marine yahure.

<sup>18</sup> Sa m̄sa watĩnore cahmotana Coh̄c̄j̄ure decoripe sa siniducuya. Esp̄ritu Santo yedohoye mehna sa siniducuya. Sa yena quehnoano wacū masiña. Sa sinina, caributierac̄h̄ña. Ij̄piht̄yequina Coh̄c̄j̄u yequinare sa sini basaducuya. <sup>19</sup> Sa yena yuh̄u ḡuh̄ure sini basaya Coh̄c̄j̄ure. Oh̄o saha ni sini basaya: Quehnoañe buheyere, panop̄u tiquina masiedarire quehnoano yuh̄u yahuatire sini basaya yuh̄ure. Sa yena cuero marieno yuh̄u yahuatire sini basaya yuh̄ure. <sup>20</sup> Cristo tiqiro yere yahu dutiro yuh̄ure ohori. Yuh̄u sa yahuri buhiri peresup̄u ij̄iaja yojop̄ure. Oh̄õp̄u yuh̄u ij̄iepeḡuta cuero marieno tiqiro yere yahu yahuatire sini basaya yuh̄ure. Tiqiro yere yahuc̄j̄u ij̄iḡuta n̄iaja yuh̄u.

*Pablo quehnoa duti bato tiahye*

<sup>21</sup> Yojop̄ure T̄iquico m̄sa cahap̄u esaro yuh̄u ijiye tiyere m̄sare yahu pehorota. Tiqiro mari acayuro mari cah̄niqiro ij̄ire. Sa yero mari p̄h̄toro yere quehnoano yedohoriqiro sa ij̄iducure. <sup>22</sup> Us̄a ijiye tiyere m̄sare yahu dutiḡu tiqirore ohoḡu n̄iaja m̄sa quehnoano bucueatire.

<sup>23</sup> Coh̄c̄j̄u mari Pac̄u mari p̄h̄toro Jesucristo ḡuh̄u tiquina mehna m̄sa ij̄ipih̄tinare us̄a acayere quehnoa dutiaja. Cristore m̄sa quehnoano wacū tutuaye mehna m̄sa cahme cah̄iatire Coh̄c̄j̄ure sini basaja m̄sare. <sup>24</sup> Ij̄piht̄yequina mari p̄h̄torore Jesucristore sa cah̄iducuyequinare Coh̄c̄j̄u mehna quehnoa dutiaja.

## Filipenses

*Peresupũ* ijiriquiro ahri pũre ojoa ohoahye Pablo

<sup>1</sup> Yũhũ Pablo, Timoteo mehna Jesucristo cahacjãna ijtaja usã. Sa yena ijip-ihtinare musare quehnoanare Jesucristo yequinare Filipino cjanare quehnoa dutiaja usã. Musare, musa puhtoã gũhũre, musare yedohoyequina gũhũre ojoa ohoaja yũhũ, Pablo. <sup>2</sup> Sa yena Cohãcjũ mari Pacũ, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijiya musa.

*Pablo Jesu yequinare Cohãcjũre* sini basahye

<sup>3-6</sup> Cohãcjũ musare quehnoañe pehere comesagũ yero nine. Sa yero musare tiquiro sa ye dũcaro sahata sohtori dahrerota tiquiro. Sa yena Jesucristo ahri yehpapure tiquiro wihigũpure ñãne mariena ijinata musa. Sa yena coã waropũre Jesu yequina musa ijiri bato, yojopũ gũhũre yedohore musa yũhũre quehnoañe buheyere yũhũ buhegũ. Musã sa yegũ ihãagũ Cohãcjũre “Quehnoare”, njaja yũhũ. Musare wacũgũ sa dihita njaja yũhũ. Musare Cohãcjũre sini basagũ, bucueye mehna sini basaja.

<sup>7</sup> Musare yũhũ sa tuhotugũ quehnoarĩne. Quehnoañe buheyere “Poto tjire”, puhtoare yũhũ tutuaro ni yahuducugũ musa yũhũre yedohori. Poto ti buheye ijigũ yũhũ tiquinare yahugũ musa yũhũre yedohori. Peresupũ yũhũ ijigũ gũhũre musa yũhũre yedohori. Sa yero Cohãcjũ marine quehnoano yero, tiquiro ye buheyere cũri marine. Musã yũhũre yedohori. Sa yena ti buheyere yũhũ mehna musa buheboriro saha yena nine musa, yũhũre yedohona. Sa yegũ yũhũ jeripohna mehna tutuaro wacũaja yũhũ musare. <sup>8</sup> Jesucristo cahĩne mehna tutuaro musare wacũaja yũhũ. Yũhũ sa wacũgũ Cohãcjũre tire masine.

<sup>9</sup> Musare ohõ saha ni sini basaja yũhũ Cohãcjũre: Cohãcjũ yere quehnoano masiĩne mehna, tãho masi pehoye mehna apequinare musa cahĩ nemoatire sini basaja yũhũ musare Cohãcjũre. <sup>10</sup> Quehnoa yũhũdũyere musa masiati gũhũre sini basaja

musare. Musã sa masina Cristo ahri yehpapũ tiquiro tojoa tagũ quehnoañene yena, ñãne buhiri mariena ijinata musa. <sup>11</sup> Sa yena ijina Cohãcjũ cahmeĩene yena musa. Musare sa yegũ yerota Jesucristo pehe. Cohãcjũ quehnoa yũhũariquiro, tutuariquiro tiquiro ijiyere ihõono taro, ijipihtiyequina tiquirore tiquina ño peoatire tiquiro cahmeĩene musare yegũ yerota.

*Pablo Cristo yaquiro tiquiro ijiye tiyere yahuahye*

<sup>12</sup> Yũhũ acaye, ahri yũhũ niatire musa quehnoano masigũ cahmeaja yũhũ. Yojopũre peresupũ yũhũ ijiepegũta quehnoañe buheye pehe sa uhmũ tãducuro nine. <sup>13</sup> Sa ye Cristo yaquiro yũhũ ijiri buhiri peresupũ yũhũ ijirire masi pihtire puhtoro ya wũhũ cjẽna surara. Ijipihtiyequina apequina gũhũ ohõpũ ijiequina tire masine. <sup>14</sup> Sa ye peresupũ yũhũ ijigũ ihããne, peyequina mari acaye Jesu yequina mari puhtoro Jesure wacũ tutua nemoĩne nine. Sa wacũ tutuaye, cuero marieno quehnoañe buheyere apequinare buhere tiquina.

<sup>15</sup> Ihquẽquina Cristo yere buheraboriquina ijiepetã yũhũre ihãã cooye, Cristo yere buhere apequinare tiquinare ihãã wahãgũ cahmeĩne. Apequina pehe quehnoano mehna Cristo yere buhere. <sup>16-17</sup> Quehnoañe buheyere yũhũ tutuaro yahuatire Cohãcjũ yũhũre tiquiro cũrre quehnoano masine ahriquina pehe. Sa masiĩne tiquina cahĩne mehna Cristo yere buhere. Apequina pehe yũhũre ihãã tuhtiyere, masare tiquina pehere tiquina ihãã wahãgũ cahmeĩne, Cristo yere buhere. Sa ye peresupũ yũhũ ijigũ tiquina yũhũre bujũna witiĩgũ ye duare. <sup>18</sup> Quehnoanota. Cristo yereta buheye nine. Tiquina Cristore poto cahiedapeta Cristo yereta buhere. Apequina pehe quehnoano mehna buhere. Ijipihtiyequina tiquina tiquiro yere buhegũ bucueaja.

<sup>19</sup> Sa yegũ sa bucueducugũtja yũhũ. Cohãcjũre musa sini basari mehna Jesucristo yaquiro Espĩritu yedohoye mehna Cohãcjũ yũhũre wiorota peresupũ ijirigũre. Tire masiaja. <sup>20</sup> Ohõ saha yeitja yũhũ. Decoripe yũhũ yeriro sahata yojopũ gũhũre cuero marieno Cristo

## 2

yere buheaja, masa tiquireore quehnoano tiquina ño peoato saha. Ohō saha ye duaja yuhū yerire yuhū buoro yuhduerato saha. Catinigū waro ohō saha ye duaja. Tiquina yuhure wejē duepegūta ohō saha ye duaja. <sup>21</sup> Catinigū Cristo yere yenigutja. Yariagapū pūrīta ti yuhduoro quehnoano tojoagutja yuhū. <sup>22</sup> Sa niepegūta catinigū Cristo yere yuhū ye nemoato saha cati nemo duaja. Sa niepegūta yariaye gūhure cahmeaja. <sup>23</sup> Dise boro pehere yuhū cahmeboagari? Masiedaja yuhū. <sup>23</sup> Yuhū ohō saha ni yahuducugū mijorīne yuhure. Cristo mehna tutuaro iji duaja. Sa yegū yojopure tiquireo cahapū waha duaja. Catiye yuhduoro ahri pehe quehnoa yuhduducare. <sup>24</sup> Sa ijiepegūta musare yuhū yedohoato saha catinino cahmene yuhure. <sup>25</sup> Tire masigū ohōpū mūsa mehna yuhū ijiniatire masiaja yuhū. Sa ijinigutja Cristore mūsa wacū tutua nemoatire, ti wacū tutuaye mehna mūsa bucuatire. <sup>26</sup> Ahri yehpapū ijinigū mūsa cahapū pari turi yuhū wahagū mūsa bucuenata. Cristo Jesu yuhure tiquireo yedohogū masina, “Tutuagū ijire mūhū”, ni ño peonata mūsa tiquireore.

<sup>27</sup> Yojopure ahri dihitare yahutja musare. Cristo ye buheye ti nidiro sahata ijiducuya mūsa. Wacū tutuana ijīya. Sa yena cahme tu waro marieno quehnoañe buheyere yahu tutuaya. Sata yuhū mariedadū gūhure yuhū ijigū gūhure mūsa yegū cahmeaja. Sa ijina mūsa ijigū tuhoo duaja yuhū. <sup>28</sup> Musare ihña tuhtiyequinare cueracāhña. Mūsa sa cueragū ihñañe Cohācjū yequina mūsa ijigū masieta tiquina. Sa masiñe pecapū tiquina wahati gūhure masieta. Sa ye Cohācjū musare tiquireo yuhduoati gūhure masieta. Ohō saha masigū yere Cohācjū masare. <sup>29</sup> Cristore mūsa wacū tutuatire Cohācjū cūri. Ahri gūhure cūri. Cristo yere mūsa yeri buhiri mūsa ñano yuhduati gūhure cūri Cohācjū. <sup>30</sup> Sa ye Cristo yequina mūsa ijiri buhiri apequina musare ñano yere. Musare tiquina yeriro saha yuhū gūhure ñano yere tiquina. Mūsa mehna yuhū ijigū yuhure tiquina sa yegū ihñari mūsa. Yojopū gūhure yuhure tiquina sa yegū tuhoore mūsa. Sa yena mari ihcāno saha ñano yuhduaja.

*Cristo ihyo ijiriquireo sajāno, ijipihtiyequina puhtoro ijiatiquiro ijiahye*

<sup>1-2</sup> Cristo musare quehnoano jeripohna tigū tiquireo yegū, Cristo tiquireo cahñe mehna mūsa bucuena, yuhure quehnoano bucuegū yeya mūsa. Sa yena Espiritu Santo ijipihtina mūsa mehna tiquireo ijigū apequinare cahña, paja ihñana ijina, yuhure quehnoano bucuegū yeya mūsa. Ahrire mūsa yegū bucuaitja: Ihcāno mehna quehnoano jeripohna tiya mūsa. Sa yena mūsa basi cahme cahña. Quehnoano mehna ijiducuya. Sa yena ihcāno mehna quehnoano ijīya. <sup>3</sup> Apequinare yuhduducā dueracāhña. Sa yena sa tuhutu cāhña mūsa. Sa yena apequinare quehnoano ño peo, ohō saha ni tuhutuya: “Tiquina pehe yuhū yuhduoro quehnoañequina ijire”, ni tuhutuya. <sup>4</sup> Ihcāquireo apequinare yedoho dueraboaga. Tiquireo yero saha yeracāhña. Apequina gūhure yedohoya.

<sup>5</sup> Cristo Jesu apequinare yuhduducā dueriquiro tiquireo ijiro saha mūsa gūhū apequinare yuhduducā dueracāhña. <sup>6</sup> Tiquireo pehe Cohācjū waro ijieperota “Cohācjū mehna ihcāno saha ijigū wijiasi yuhū”, ni tuhotuerahye tiquireo. <sup>7</sup> Sa yero tiquireo Cohācjū mehna ihcāno saha tiquireo ijīyere wijia, ohōpū ahtaro masunota masa bajoaro tiquireo cahacjūno yero saha iji dūcahye. <sup>8</sup> Sa yero tiquireo masuno ihcāno saha pagū tiriquireo ijiro, ihyo ijiriquireo waro wahahye. Sa waharo “Curusapū wejēña tiquireore”, tiquina nigū tiquireo yuhduducāerahye. Curusapū yariatiquiro ijieperota tiquireo yuhduducāerahye. <sup>9</sup> Sa yero mari Pacū ijipihtiyequina tiquina ño peoatiquireore cūahye Jesure. Sa yero ijipihtiyequina apequina puhtoro sōahye Cohācjū tiquireore, <sup>10</sup> ijipihtiyequina uhmuse cjēna, ahri yehpa cjēna, yariariquina gūhū Jesu wamene tuhoyequina tiquina dūsepe curi mehna quehe sa, tiquina ño peoato saha. <sup>11</sup> Sa puhtoro sōahye tiquireore mari Pacū, “Jesucristo mari puhtoro ijire”, ijipihtiyequina tiquina niatiquirore. Sa niñe Cohācjūre mari Pacūre ño peoye nine.

*Cristo yequina buhrioro yero saha ijīye, quehnoano masare yahu, masigū yere*

<sup>12</sup> Sa yena yuhū cahīna, mūsa mehna yuhū ijigū mūsa yuhtiducuro saha, yojopū yuhū yoaropū ijigū gūhure panopū mūsa yuhtiriro yuhūoro yuhtiya yuhure. Sa yena ijipihitina mūsa quehnoana ijina tana Cristo yedohoro mehna ñañene yeracāhña. Sa yena ño peoye mehna apepero marieno Cohācjū yere yeya. <sup>13</sup> Cohācjū quehnoañe pehere musare cahmegū yero nine tiqiro cahmeno saha mūsa yeato saha. Sa yero tire mūsa yeatire yedohorota Cohācjū. Tiquiro sa yedohogū ti yuhū ni- diro saha yeya mūsa.

<sup>14</sup>Ijipihiyere yena tuhtiro marieno, mūsa basī unureno marieno yeya. <sup>15</sup> Sa yeya mūsa ñañe buhiri mariena, ñañene yerarina Cohācjū pohna mūsa ijiatire. Sa yeya mūsa masa ni mehoñequina, ñañequina watoapū dojomehnenno marieno mūsa ijia- to saha. Tiquina ñañequina watoapū ijina, buhriero ihña masigū yero saha quehnoañe buheyere buhena, masigū yere mūsa ahri yehpa cjēnare. <sup>16</sup> Ti buheyere mūsa tuho ñehedi bato Cohācjū mehna sa ijiducua- na wahari mūsa. Ti buheyere ahri yehpa cjēna pehere mūsa sa buhegū ihñagu mūsa mehna bucueitja. Sa yegu musare yuhū buherire “Ihyo waro buherari ijii yuhū”, niitja yuhū. Sa yegu Cristo ahri yehpapū tiqiro tojoa tagū mūsa mehna bucueitja. Sa yegu buoro yuhdusi yuhū. <sup>17</sup> Cristore mūsa wacū tutuagū Cohācjū mūsa mehna bucuero. Tiquiro sa bucuegū masigū musare Cristo yere yuhū buheri buhiri yuhure tiquina wejē duepegūta bucueitja. Sa yena mari ijipihitina ihcāno saha bucu- nata. <sup>18</sup> Sata mūsa gūhure bucuero cahmene yuhū mehna, came yuhū sa yariagū ihñana.

*Timoteore, Epafrodito gūhure yahuahye Pablo*

<sup>19</sup> Mari puhtoro Jesu tiqiro cahmegū sojaro mehna Timoteore mūsa cahapū oho duaja yuhū mūsa ijije tiyere masigū tuhū. Sa masigū bucueitja. <sup>20</sup> Ijirota ijire. Timoteo mūsa quehnoano ijiatire pajiro tuhature musare. Apequiro tiqiro yero saha ijiriquiro mariedare yuhū mehna. <sup>21</sup> Apequina pehe ijipihiyequina tiquina cahmeñe dihitare ye duaye, Cristo Jesu tiqiro cahmeñe pehere ye duare. <sup>22</sup> Timoteo pehe quehnoano yeriquiro tiqiro ijiyere masine mūsa. Yuhū macu

yero saha tiqiro yuhū mehna quehnoañe buheyere yahue tiri. Sa yena usā ihcāno saha Cristo yere buhee tii. <sup>23</sup> Sa yegu puhtoa yuhure tiquina dahse yeatire masigū, Timoteore mūsa cahapū oho duaja. <sup>24</sup> Sa yegu mari puhtoro Jesu yedohoye mehna sojaro mehna yuhū gūhū mūsa cahapū wahautja.

<sup>25-26</sup> Yuhure yedoho dutina mūsa Epafrodite oho yuhū cahapū. Tiquiro yuhū acayro yuhū mehna dahrariquiro, yuhū mehna cjūno, Cohācjū yere buhe tutuariquiro ijire. Tiquiro musare tutuaro wacū tiri. Sa yero tiqiro dohatirire mūsa tuhogū masino tiqiro pehe pajiro bujua witi tuhaturi. Sa pajiro tiqiro tuhutu- gū ihñagu “Tiquirore mūsa cahapū oho majare tojoro cahmene yuhure”, ni tuhutuaja yuhū yojopure. <sup>27</sup> Potota ijire. Tiquiro tutuaro dohatiri. Meheno yariabo cure yuhduri. Tiquiro sa tutuaro dohatiepegūta Cohācjū tiqirore paja ihñano, yuhdugū yeri. Tiquiro yariagū yuhū pehe tutuaro bujua witiboya. Sa yero Cohācjū yuhū gūhure paja ihñari tiqirore yuhdugū yero. <sup>28</sup> Sa yegu yojopū pūritare sojaro mehna tiqirore mūsa cahapū oho duaja pari turi mūsa tiqirore ihña, mūsa jeri sajāno quehnoano. Mūsa sa bucuegū ihñagu yuhū gūhū bucueitja. <sup>29</sup> Sa yena tiqirore Epafrodite mari puhtoro yaquirore mari acayrore quehnoano bucuere mehna piti caya. Sa yena apequinare tiqiro yero saha ijieyueñe ño peoya. <sup>30</sup> Tiquiro Cristo yere yedohomeho yariamedi. Mūsa pehe yuhū cahapū ijieragū, yuhure yedoho masiedagū tiqiro pehe yuhure yedohomedi. Sa yero yariamedi tiqiro.

### 3

*Quehnoano yeye warore yahuahye Pablo*

<sup>1</sup> Yojopū pūritare ahrire yahutja. Mari puhtoro yequina ijina bucuere. Ahri buheyere to pano yuhū yahurire pari turi musare ni ojoagu bucuereja yuhū. Sa yegu musare ahrire yahugu yedohogu niaja musare. <sup>2</sup> Quehnoano yeya mūsa. Ñañene yeducuyequina, diaye yero saha ijieyueñe ñañequina culnucunū cahserogāre yuhure ne dutiye, mūsa pagurire yuhure ne duare. Quehnoano yeya mūsa, “Sa ye dutieyueñe

sijoro saha ni buheari”, nina. <sup>3</sup>Tiquina cuhnucunū cahserogāre yūhre nepeta Cohācǰū dutiyere quehnoano yerare. Mari pehe potota Cohācǰū dutiyere quehnoano yena ijiaja mari. Espiritu Santo tiquiro yedo-hoye mehna Cohācǰūre ño peoaja mari. Sa yena Jesu yequina mari ijiyere bucueye mehna apeqinare mari yahuaja. “Ūsā esa tuharo Cohācǰū dutiyere ye peho masiaja”, ne ni tuhotureraja. “Sa ni tuhoturapegūta “Tiquinare doca cū cǰā”, tiquina yero saha nidigū ijigū sa tǰiboa yuhū gūhū. Apeqiro ohō saha ni yuhdudūca duare. Yuhū pehe tiquiro yuhdūoro sa niboaga yuhū.

<sup>5</sup>Ohō saha yerigū ijimi yuhū: Ocho decori yuhū masa bajuari bato cuhnucunū cahserogāre yūhre nedi jiri yuhūre. Israe masū ijigū Benjami ya curua cǰū ijiaja yuhū. Yuhū pacusumū hebreo masa tiquina ijigū potota hebreo masū warota masa bajuu. Cohācǰū dutiyere potota peho duagu fariseo curua mehna saǰāmi yuhū. “Cohācǰū ye ijiri”, nigū quehnoano yemi. Sa yegu Jesu yequina pehere ñano yee timi yuhū. Potota Cohācǰū dutiyere yegu tire yuhdudūcaro marieno ye pehou.

<sup>7</sup>Panopure “Ti quehnoañe ijiri”, ni tuhutumi. “Ti yuhū sa ni tuhoturi panopū yuhū ijie tiri dūhseati ijierari”, ni tuhotuaja yojopure. Sa ni tuhotu dūcau yuhū Cristore wacū tutuagu tuhū. <sup>8</sup>Cristo Jesu yuhū pūhtorore yuhū masigū pūrita quehnoa yuhdūare. Sa yegu apeye pehere masa “Quehnoañe ijire”, tiquina nidire “Ti ijipihitiye dūhseati ijierari”, ni tuhotuaja yuhū. Tire ijipihitiyere duhu cūhū Cristo ye pehere yegu tuhū. Sa yegu tire yuhū cohārire “Ñañe waro ijire”, ni tuhottuu Cristore quehnoano masigū tuhū, tiquiro mehna cǰū ijigū tuhū. <sup>9</sup>Sa yero yuhū esa tuharo quehnoano yuhū yeri wapa “Quehnoagu ijire”, ni ihñedare Cohācǰū yuhūre. Sa yero Cohācǰū dutiye Moiseri tiquiro cūrire yuhū yeri wapa gūhūre “Quehnoagu ijire”, ni ihñedare. Cristore yuhū wacū tutuari bato “Quehnoagu ijire”, ni ihñare tiquiro yuhūre. Cohācǰū pehe marine buhiri mariena ijigū yere, tiquirore mari wacū tutuagū. <sup>10</sup>Sa yegu to pano yuhū ni tuhotu māhtamedire duhu cǰā Cristore quehnoano masigū tuhū. Cohācǰū tutuaye mehna Cristo masa mājahye. Ti tutuaye

mehna iji duaja. Sa yegu ti tutuaye mehna quehnoañene ye duaja. Cristo curusapu yariahye mari ñañe yerire cohāno taro. Sa yegu tiquiro yere yuhū yeri buhiri tiquiro yero saha ñano yuhdū duaja yuhū gūhū. <sup>11</sup>Sa yegu Cristo tiquiro masa mājariro sahata masa mājacū ijiiitja yuhū gūhū.

<sup>12</sup>Ahri ijipihitiyere sa nigū, “Cristo yero saha ñañe mariegu ijiaja”, ni tuhotureraja. Yuhū sa ni tuhoturapegūta Cristo tiquiro yaquiro ijigū ye tuhasari yuhūre. Sa yegu tiquiro yere tiquiro gūhūre quehnoano masi duagu tutuaro mehna tiquiro yere yeaja yuhū. <sup>13</sup>Yuhū acaye, “Tiquirore quehnoano masi peho tuhasaja”, ni tuhotureraja. Sa ni tuhoturapegūta ahri pūritare yeaja: <sup>14</sup>Omaperiquiro tiquiro wapata duariro saha tutuaro yeaja yuhū, yuhū wapatarire yuhū ñeheatō saha. Cristo yaquiro yuhū ijigū ihñano Cohācǰū ti yuhū wapatarire yuhūre ohoro taro ūhmūsepu pijiori yuhūre.

<sup>15</sup>Ohō saha yuhū tuhoturiro sahata tuhottuya masa gūhū Cristore quehnoano masina. Sa yero ahri mū sare yuhū yahurire masa tuho dueragū, sijoro saha masa tuhottugū Cohācǰū mū sare quehnoano masigū yerota. <sup>16</sup>Sa yena tiquiro yere mari masidire quehnoano ye sohtori tiuhna.

<sup>17</sup>Yuhū acaye, masa ijipihitiyere yuhūre ihñā cūñā. Sa yena apeqina ūsā yero saha yeyequinare quehnoano ihñā diho cūñā masa tiquinare masa ihñā cūato saha. <sup>18</sup>Peye tahari apeqina tiquina ijie tiyere yahū yuhū mū sare. Yojopū gūhūre tutuaro bujua witigū tiquinaretā yahuaja mū sare. Tiquina Cristo curusapu tiquiro yariari buheyere ihñā yabiyequina ijire. <sup>19</sup>Tiquina pecapu wahatiquina ijire. Tiquina ñañe tutuaro cahmeñe pehere tutuaro ye duare tiquina. Sa ye tiquina bue tiboyere yeye, tire quehnoañe yero saha tuhotture tiquina. Ahri yehpa cǰē dihitare quehnoano tuhotture tiquina. <sup>20</sup>Mari pehere mari ya maca ūhmūsepu ijire. Sa yero topūta marine yuhdūoatiquiro, mari pūhtoro Jesucristo ahtarota. Sa yena tiquiro ahtatire cohtena niāja mari. <sup>21</sup>Tiquiro ahtarō mari pagurire pejucūoye pagurire sijoro saha ijie paguri dihita comesarota tiquiro. Sa yero tiquiro ya pagū yero saha quehnoari pagure asi siteri pagure ohorota

marine tiquiro tutuaye mehna. Ijipihtiye-quina puhtoro sajāri tiquiro, tiquiro tutuaye mehna. Sa yero ijipihtiye upāro ijire tiquiro ti tutuaye mehna.

## 4

*Decoripe mari puhtoro mehna bucueya*

<sup>1</sup> Sa yena yūhū acaye, yūhū cahīna, tutuaro yūhū wacūna, yūhūre bucuegū yena, yūhū buhegū quehnoano tūhorina, panopū masa wacū tutuaro saha mari puhtoro tutuaro wacū tutuaya masa.

<sup>2</sup> Ahrire yahutja musare Evodiare, Sintiye gūhūre: Jesu yequina numia ijire masa. Sa yena cahme dūse tutuaro marieno quehnoano mehna ijiducuya masa. <sup>3</sup> Mūhū pehe potota yūhū mehna cĵū warota ijire. Mūhū gūhūre yahutja: Tiquina numia yūhū mehna, Clemente mehna, apequina yūhū piti tiyequina mehna dahrari quehnoañe buheyere ūsā buhegū. Cohācĵū tiquinare ijipihtiyequina wamene oja ohōahye tiquiro ya tĵupū. Ijipihtiye decori catiyere tiquiro ohoriquina wamene tiquiro oja ohōri tĵupū oja ohōahye. Sa yegu tiquina numiare bosaya mūhū.

<sup>4</sup> Decoripe mari puhtoro mehna bucueya. Pari turita yahutja: Bucueya. <sup>5</sup> Quehnoano yeya ijipihtiyequinare. Mari puhtoro Cristo ahtato mehenogā dūhsare.

<sup>6</sup> Ne bujua witi tūhotueracāhña. Cohācĵūre quehnoano yahu pehoya. Sa yena tiquirore siniña. Sa yena masa sinidire tiquiro yūhtigū ihñana “Quehnoare”, niña tiquirore. <sup>7</sup> Masa sa yegū quehnoano ijigū yerota musare Cohācĵū. Tiquiro sa yegū quehnoa yūhduare. Ahri mari quehnoano ijiye quehnoa yūhduare. Sa yero Cristo Jesu yequina mari ijigū marine quehnoano ijigū yero, Cohācĵū marine quehnoano jeripohna tigū yerota. Sa yero bujua witi tūhotueragū yerota marine.

*Quehnoañene tūhotuya*

<sup>8</sup> Ahrire yahu bato tigu tū niaja musare, yūhū acaye. Queoro ijiyere, masa tiquina űo peoyere, quehnoano yeyere, ñañe mariēene, bucueyere, masa “Quehnoañe ijire”, tiquina niñene tūhotuya masa. Quehnoa yūhduye ijigū treta tūhotuya. Masa quehnoañene

ihñañe tiquina bucueye pehere masa gūhū bucue tūhotuya.

<sup>9</sup> Musare yūhū buheriro sahata sa yeducuya masa. Sa yena yūhūre ihñā cūñā masa. Masa sa yegū Cohācĵū musare quehnoano ijigū yeriquiro masa mehna ijirota.

*Filipo cĵēna Pablore tiquina ohorire yahuahye tiquiro*

<sup>10</sup> Yojoṛū pūrita yoari pje bato masa pari turi yūhūre wacūna, masa yedohoyere bucueaja. Sa bucuegū mari puhtoro Cristore “Quehnoare”, niaja. “Yūhūre boaa wahari masa”, niedaja yūhū. Panopūre yūhūre yedoho duepenata yedoho masiedari masa. <sup>11</sup> Yūhūre masa yedohorire yahugu yūhūre dūhsarire musare yahuu tū niedaja. Musare apee borore cahmegū sa nigū niedaja. Yūhū cuoye mehna iji masiaja yūhū. <sup>12</sup> Apee boro cuoeragu gūhū quehnoano iji masiaja yūhū. Sa yegu pajiṛo cuogu gūhū quehnoano iji masiaja. Decoripe űjua ahbagū gūhū dūcapoa wahaja. Yapigu ijigu gūhū ijipoa wahaja. Pajiṛo cuogu gūhū ijipoa wahaja. Yūhūre apee boro mariedagū gūhūre ijipoa wahaja. <sup>13</sup> Cristo yūhūre tutuagū yeriquiro mehna ijipihtiyere Cohācĵū cahmeñene ye masi pehoaja yūhū. <sup>14</sup> Yūhū sa ijiporigū yūhū ijiepegūta yūhū űano yūhdugū masa yedohona yūhūre quehnoano yeri masa.

<sup>15</sup> Quehnoañe buheyere yūhū buhe dūcagū Macedonia yehrapū masa ya yehrapū ijirigu yūhū wahagū masa dihita yūhūre yedohori. Sa yedohona, musare yūhū buheri wapa masa wapa yero saha yena nidi masa. <sup>16</sup> Sa yena Tesalōnicapū yūhū ijiri watoa yūhūre yedohona, ihquē tahari ohori masa. <sup>17</sup> Apee borore sinigu sa nigū niedaja. Apequinare masa yedohogū Cohācĵū musare quehnoano yerota. Tiquirore masa yedohori wapa Cohācĵū musare tiquiro quehnoano yegū cahmeaja yūhū. Sa yegu yūhūre masa yedohorire wacūgū yeaja musare.

<sup>18</sup> Yojoṛūre yūhūre quehnoano oho pehori masa. Yūhū cahmedi yūhdūoro ohori masa yūhūre. Yūhūre Epafrodito mehna masa ohori bato apee boro ne dūhsaerare yūhūre. Cohācĵū wūhūre ehme sitiye bue mūo, Cohācĵūre tiquina quehnoano bucuegū yeriro saha yūhūre masa ohori



gãhũ Cohãcjũre quehnoano bucuẽgũ yeri.  
<sup>19</sup> Mũsa Cristore wacũ tutuare. Sa yero  
 ijipihitiyere mũsare dũhsarire ohorota mari  
 Pacũ mũsare, quehnoa yũhdũye tiqũiro  
 cũoyere. <sup>20</sup> Ijipihitiye decori mari Pacũre  
 Cohãcjũre ño peuhna. Sata yeihna.

*Pablo quehnoa dutiahye*

<sup>21</sup> Ijipihitiyequina quehnoañequina Jesu-  
 cristo yequina quehnoahdo. Mari acaye  
 gãhũ Jesu yequina yũhũ mehna cjẽna  
 mũsare quehnoa dutire. <sup>22</sup> Ijipihitiyequina  
 ohõ cjẽna quehnoañequina Jesu yequina  
 quehnoa dutire. Roma cjẽna pũhtoro ya  
 wũhũ cjẽna pũrita tutuaro quehnoa dutire.

<sup>23</sup> Mari pũhtoro Jesucristo cahĩĩne mehna  
 quehnoano ijiya.

## Colosenses

*Colosa cĵĕnare oĵo ohoahye Pablo gĕhu*  
<sup>12</sup> *Yĕhu Pablo mari acayuro Timoteo mehna mĕsare Colosa cĵĕnare quehnoa dutiaja ũsĕ. Yĕhu Jesucristo yere buhe dutiro tiqiro cĕrigĕ ijiaja. Cohĕcĵĕ cahmeno sahata Jesu yĕhure tiqiro yere buheacĵure cĕri. Sa yegĕ mĕsare ũsĕ acaye Cristore wacĕ tutuaducunare oĵo ohoaja yĕhu. Sa yena Cohĕcĵĕ mari Pacu mehna mĕsare quehnoa dutiaja. Sa yena tiqiro mehna quehnoano ijiaja mĕsa.*

*Jesu yequinare Pablo sini basahye Cohĕcĵĕre*

<sup>38</sup> *Mĕsa ye ijiatire Cohĕcĵĕre sini basana “Quehnoare”, sa niducuaĵa ũsĕ. Tiqiro pehe mari puĥtoro Jesucristo Pacuro ijire. Ijiphiŵe decori ũhmĕsepu mĕsare ijigĕ yerota Cristo pehe. Tiqiro sa yeatiqiro ijigĕ tire mĕsa sa cohteducu wame tire. Cristo Jesure wacĕ tutua wame tire mĕsa. Sa yena tiqiro yequinare cahĕ wame tire mĕsa. Mĕsa sa iĵi wame tigĕ Cohĕcĵĕ mehna bucue, tiqirore “Quehnoare”, niaja ũsĕ. Ijiphiŵepure Jesu yequina poto ijie buheyere quehnoaĕne buheyere tiquina yahugĕ tuĥoye masa quehnoaĕne pehere comesare. Ahrireŵa mĕsa gĕhure Epafra quehnoaĕne buheyere yahuri jiri. Tiqiro ũsĕ tutuaro cahĕniqiro ũsĕ mehna Cristore dahra cohteriqiro ijire. Sa yero Cristo yere ne duherare tiqiro. Mĕsare tiqiro sa yahugĕ tuĥona, duita quehnoano ye wame tire mĕsa. Sa yena Cohĕcĵĕ mĕsare tiqiro cahĕne poto masina, duita quehnoano ye wame tire mĕsa. Mĕsa sa yerire Epafra yahuri ũsĕre. Espĕritu Santo yedohoye mehna Jesu yequinare mĕsa cahĕne yahuri tiqiro ũsĕre. Tiqiro sa yahugĕ tuĥona “Quehnoare”, niaja ũsĕ Cohĕcĵĕre.*

<sup>9</sup> *Sa yena mĕsare tuĥona mĕsare duita sa sini basaducuaĵa ũsĕ Cohĕcĵĕre. Cohĕcĵĕ cahmeĕene mĕsa masi pehoatire tiqirore sini basaja ũsĕ. Tiqiro yere quehnoano masina mĕsa ijiatire sini basaja ũsĕ.*  
<sup>10</sup> *Sa sini basaja ũsĕ mari puĥtoro Cristo cahmeno sahata quehnoano mĕsa yeatire. Mĕsa sa yegĕ ihĕano tiqiro bucuerota. Sa yena ijiphiŵe quehnoaĕne mĕsa yeatire*

sini basaja. Cohĕcĵĕre mĕsa masi nemoatire sini basaja. <sup>11</sup> *Ahri yĕhu yahuati gĕhure sini basaja ũsĕ. Cohĕcĵĕ tutuaye mehna mĕsa tutuatire mĕsare sini basaja. Sa sini basaja ĕano yĕhduĕepenata mĕsa ihĕano sahatare, mĕsa bucueye mehna mĕsa sa ijiducuatire gĕhure sini basaja. <sup>12</sup> Cohĕcĵĕ tiqiro yequina iĵanare marine yere. Sa yero tiqiro ohoyere cuoanajare yere marine tiqiro. Tiqiro iĵiropu buhriropu marine ohorota tiqiro. Tiqiro sa yegĕ ihĕana tiqirore mĕsa “Quehnoare”, niatire sini basaja ũsĕ mĕsare.*

<sup>13</sup> *Tiqirota marine pecapu wahaborinare yĕhduĕgĕ yere. Panopure ti ĕaĕene ye duhu masiedami mari. Ēariqiro pehe marine dutiriqiro iĵinimedi. Cohĕcĵĕ pehe marine pecapu wahaborinare yĕhduĕgĕ yeri. Macunore tiqiro cahĕniqirore puĥtoro sĕno ũhmĕsepu marine ijigĕ yere. Sa yena tiqiro macno mehna iĵinata. <sup>14</sup> Tiqiro macno mehna marine yĕhduore Cohĕcĵĕ. Tiqiro macno yariari mehna mari ĕaĕe yerire bori Cohĕcĵĕ.*

*Masa Cohĕcĵĕ mehna tiquina cahme ihĕa tuhtigĕ ihĕano Cristo bosahye*

<sup>15</sup> *Mari Pacure ihĕamehnedare. Tiqiro macno pehe tiqiro Pacuro ijie tiyere ihĕore masare. Tiqiro macno ijiphiŵe-quina pano, ijiphiŵe pano iĵi tuhasari jiri. Sa yero puĥtoro ijie tiqiro. <sup>16</sup> Mari Pacu tiqiro dutigĕ tiqiro macno pehe tiqiro Pacuro mehna ijiphiŵeyequinare, ijiphiŵeyere bajumehneahye. ũhmĕsepu ijieyere, ahri yehpapu ijie gĕhure bajumehneahye. Mari ihĕarire, mari ihĕedari gĕhure bajumehneahye. ũhmĕse cĵĕna puĥtoare, dutieyequinare ijiphiŵeyequinare bajumehneahye. Tiqiro ijiphiŵeyequina gĕhure ijiphiŵe gĕhure bajumehneahye. Sa yere ijiphiŵeyequina tiqiro yequina iĵiatiquina iĵimahye. Ijiphiŵe gĕhu tiqiro ye ijiaŵi iĵimahye. <sup>17</sup> Ijiphiŵeyequina pano, ijiphiŵe pano Cristo iĵi tuhasahye. Sa ye tiqiro tutuaye mehna ijiphiŵe gĕhu, ijiphiŵeyequina gĕhu yoĵopure ijie nine.*

<sup>18</sup> *Mari tiqiro yequina ijiphiŵe tiqiro pagu yero saha tiqiro ya curua cĵĕna ijiaja. Sa yero tiqiro mari dapu ijie. Tiqiro yariaro masa muĵa muĥtariqiro ijie ijiphiŵeyequina puĥtoro, ijiphiŵeyere*

caoriquiro ijiro taro. <sup>19</sup> Cristo ihcāno sahata ijire mari Pacu tiquiro ijiro sahata. Tiquiro sa ijigūta cahmeahye mari Pacu pehe. <sup>20</sup> Ijipihtiyequina masa tiquiro Pacurore cahme ihña tuhtie tiahye. Sa tiquina cahme ihña tuhtigū ihñano Cristo bosa duahye. Ūhmuse cjēnare, ahri yehpa cjēna gūhure tiquiro Pacurore ihña tuhtieragū ye duahye Cristo. Sa yero ūhmuse cjē, ahri yehpa cjē gūhu quehnoano ijigū cahmeahye tiquiro. Sa bosa duahye tiquiro curusapu yariaro, tiquiro diire cohāno. Tiquiro Pacuro cahmediro sahata yeahye Cristo.

<sup>21</sup> Musa gūhure sata yeri tiquiro. Tiquiro Pacurore ihña tuhtina tiquiro mehna cjāna ijieramahye musa gūhu. Nāñene yeri jimedī musa. <sup>22</sup> Tiquiro yariari mehna tiquiro Pacurore musare ihña tuhtieragū yeri tiquiro. Sa yeri tiquiro quehnoana, nāñe mariena, buhiri mariena musare ijigū yero taro. Musa sa ijigū musare sa buhiri marienapure tiquiro Pacurore ohorota. <sup>23</sup> Sata ohorota, musa tiquirore wacū tutuaducugū. Sa yerota tiquiro quehnoañe buheyere musa tuhorire musa boeragū. Ti buheyere quehnoañe buheyere ijipihtiyequina ahri yehpapure ijieyequina tuhori jire. Sa yegu yūhu gūhu Pablo ti buheyereta yahugata ijiaja.

*Jesu yequinare yedohoriquiro ijiro, bucueahye Pablo*

<sup>24</sup> Cristo mari ñano yeri buhirire ñano yūhduahye. Sa yegu yūhu gūhu musare yūhu buheri buhiri ñano yūhdugū bucueaja. Sa ñano yūhdugū Cristo marine tiquiro cūrire ye sohtori tigū niaja. Sa yegu bucueaja. Cristo yere mari yeri buhiri mari ñano yūhdu nemoati dahsarīne. Sa yegu tiquirore musa wacū tutuatire ñano yūhdugū bucueaja yūhu. Tiquiro pagū yero saha ijina tiquiro ya curua cjāna ijire musa. <sup>25</sup> Jesu yequinare yedo-hoacjūre cūri Cohācjū yūhure. Musa ye ijiatire yedo-hoacjūre yūhure cūri tiquiro. Tiquiro yere masare yahu pehoacjūre cūri yūhure. <sup>26</sup> Tiquiro yere peye cahmari panopu cjēnare yahu pehoera tiahye mari Pacu. Yojoṛu cjēnare tiquiro yequinare tire quehnoano yahu peho cāhre. <sup>27</sup> “Judio masa ijieyequinare yūhu buhegū yee buheyere quehnoa yūhdūare”, ni tiquiro yequinare

tire yahuri. Panopu tiquiro yahuerarire yojoṛu yahuri. Ohō saha ijire tiquiro ye: Cristo tiquiro yequina mehna ijire. Tiquiro sa ijigū tiquiro yequina ūhmusepu quehnoa yūhdūaropu ijietā. Ti ijire panopu tiquina masiedari mari Pacu ye.

<sup>28</sup> Cristoreta yahuaja. Ijipihtiyequinare cuesāgu tiquinare buheaja yūhu. Quehnoano masiñe mehna buheaja yūhu quehnoano Cristore masare masigū yegu tagu. Sa buheaja yūhu tiquiro yere tiquina quehnoano yequequina ijigū yegu tagu. <sup>29</sup> Ahri ijire yūhu dahraye. Mari Pacu tiquiro ye tutuaye mehna yūhure tiquiro ohori tutuaye mehna tutuaro dahraja yūhu, tiquiro yere buhegu.

## 2

<sup>1</sup> Ahrire musa masigū cahmeaja. Musa ye ijiatire, Laodicea cjēna ye ijiatire, ijipihtiyequina apequina ye ijati gūhure tutuaro dahraja yūhu. Ijipihitina musa yūhure ihñena ye ijati gūhure tutuaro dahraja yūhu. <sup>2</sup> Sa dahraja yūhu musa quehnoano jeripohna tiatire. Musa mehna cjēnare musa cahme cahīati gūhure sa dahraja yūhu. Cohācjū ye panopu tiquiro yahuerari Cristore masigū yeye ijire. Tiquiro yere masina tiquirore wacū tutuare musa. Tiquirore musa quehnoano masiatire, tiquiro mehna musa quehnoano ijiatire tutuaro yedo-hoaja musare. <sup>3</sup> Apequina tiquina masiedarire Cristo dihita quehnoano masi peho cāhre. Sa yero quehnoano masiniquiro ijire tiquiro. <sup>4</sup> Ahrire niaja musare “Apequina musare sijoro saha tuho coaye buheyere mehna ni mehoari”, nigū. <sup>5</sup> Yūhu musa watoa ijierapeguta yūhu wacūno mehna musa watoa ijigū yero saha tuhotuaja. Sa yegu Cristore musa quehnoano wacū tutuaducurire, musa quehnoano yeri gūhure masigū bucueaja yūhu.

<sup>6</sup> Sa yena Cristore musa wacū tutuaro dūcariro sahata sata tiquirore wacū tutuaye mehna decoripe quehnoano ijiducuya. <sup>7</sup> Tiquirore quehnoano masina ijiaja musa. Sa yena decoripe tiquirore masi nemoña panopu musare apequina tiquina buheriro sahata. Sa yena Cristore bucuea, “Quehnoare”, niducuna ijiaja musa.

*Cristo yequina ijina, quehnoañe pehere cahmeaja mari*

<sup>8-10</sup> Quehnoano yeya musa. Masa tiquina esa tuharo tiquina buheye tiquina ni mehoñene tuhoeracãhña. Tiquina panopu cjëna tiquina esa tuharo niñene buhere. Tiquina sa niñe dahseati ijierare. Æhmuse cjëna puhto yere, wafia ye gũhure sa buhe maca cãhre. Cristo ye pehere buherare. Cristo mari Pacu ijiro sahata ijiriquiro ijiro, Cohãcjũ warota ijirota nine. Tiquiro yequina ijina Cohãcjũ mehna quehnoano ijiaja mari. Tiquirota ijipihtiequina puhto bui, angele puhto bui gũhure puhtoro ijire. Tire masina ni mehoñene buheyequinare tuhoeracãhña.

<sup>11</sup> Sa yena Cristo yequina ijina culnucunu cahserogãre yũre nediquina yero saha ijire musa. Ti cahserogãre tiquina yũre ne cohãriro sahata Cristo musa ñañene tutuaro cahmeñene cohãri. <sup>12</sup> Tiquiro yequina ijina wame yenohrina wahari jiri musa. Tiquiro wame yenohrina wahana ohõ saha ni ihñona nidi jiri musa: Panopu cjë musa ñañe yerire musa duhurire ihñona nidi jiri musa. Ti musa ñañe yerire musa ya cũboro saha tire duhuri jiri musa. Cristo masa majano quehnoanopu wahahye. Tiquiro sa wahariro sahata Cohãcjũre wacũ tutuana “Tiquiro tutuariquiro ijire”, nina, quehnoañe pehere comesari jiri musa. Tiquiro Cohãcjũ pehe Cristore masoriquiro ijire. Tiquiro wame yenohrina ijina quehnoañe pehere musa comesarire ihñona niaga musa.

<sup>13</sup> Panopure musa ñana musa ijiri buhiri pecapu wahaborina ijimahye musa. Sa wahaborina ijimahye musa Cohãcjũ yequina ijierana. Tiquiro dutiye mariena ijimahye musa. Yojobure mari Pacu marine tiquiro mehna sa ijiducuanare yeri. Cristo tiquiro yariari mehna sa yeri tiquiro marine. Sa yero ijipihtina mari ñañe yerire bo cãhri jiri tiquiro. <sup>14</sup> Cohãcjũ tiquiro dutiye yehduducana mari ijiepegũta tiquiro marine buhiri ti dutierari jiri. Ti dutiye marine buhiri dahre dutiepegũta ti dutiye sa ihña cãhno, marine buhiri ti dutierari jiri. Cristo curusapu tiquiro yariari mehna Cohãcjũ pehe mari ñañe buhirire cohã cãhre.

<sup>15</sup> Masa tiquina ihñonopu wafia puhtoare Cohãcjũ yehduducahye. Ihyo ijieyequina tojoa cãhye tiquina pehe. Sa yero tiquinare buoro wahagũ yeahye. Curusapu yariaro

Cristo ñañequina puhtoare yehduducahye.

*Æhmuse cjëne Cohãcjũ yere cahmeña*

<sup>16</sup> Sa ye apequina musa ihyayere, musa sihniñe gũhure ihñañe musare “Buhiri tina ijire”, ni ihñaaboaga. Tiquina sa ni ihñaagũ sa ihña cãhña tiquinare. Cũhmaripe ijie decorire, asũripe ijie decorire, semanaripe ijie decorire bese decori musa yeragũ ihñañe musare “Buhiri tina ijire”, niboaga tiquina. Tiquina sa nigũ sa ihña cãhña tiquinare. <sup>17</sup> Panopu ti ihyo dutiye, bese decorire ye dutiye, apeye dutiye gũhure cũahye Cohãcjũ marine buhero taro. Ti dutiye mehna camepu tiquiro yeatire Cohãcjũ ye ihñono niahye. Cristo tiquiro ijie tiatire mehenogã ye ihñono niahye masare. “Tiquiro ohõ saha waharota”, nino sa ye ihñono niahye. Sa yeati ijimahye ti dutiye. <sup>18</sup> Ohõ saha nimene ti dutiye ye dutieyequina. “Sijoro saha ijiyere bajuagũ ihñaũ usã”, niñe, tiquina angelere Cohãcjũre tiquina ño peoboro saha ño peomene. Apequina masa yero saha tiquina ñañene tutuaro cahmeñene tuhotumene tiquina. Sa ijieyequina ijie “Masi peho cjã usã”, ni tuhotumene tiquina. Sa yeye tiquina apequinare “Yehduducaeraja”, niñequina, sijoro saha yeeyequina yero saha ye ihñomene musare. Sa yeye musare tiquinare ihña cũ dutire. Tiquina sa dutigũ tiquinare sa ihña cãhña.

<sup>19</sup> Sa yepeta Cristo tiquiro dutiro saha yeye niedare. Cristo pehe tiquiro yequinare dapu yero saha ijire tiquiro yequina puhtoro ijiro. Tiquiro yequina pehe tiquiro pagu yero saha ijieyequina tiquiro ya curua cjëna ijire. Mari cohãri dohoye mari wa dari gũhu mari pagure ihcã pagu ijigũ yere. Sata Cristo pehe tiquiro yequinare ihcãno mehna quehnoano mehna ijigũ yere. Sa yero Cohãcjũ pehe tiquiro yequinare tiquirore masi nemogũ yere.

<sup>20</sup> Sa ye Cristo yequina ijina ñañene ye duhurina ijire musa. Sa yena ahri yehpa cjë ñañe buheyere cahmedacãhña. Ti buheye æhmusepu ijimediquina ñañequina puhto ye ijire. Sa yena ti buheyere cahmedacãhña. ¿Dũhse yena masa tiquina esa tuharo dutiye ño peojari musa?

<sup>21</sup> Ohõ saha ni dutire tiquina esa tuharo dutieyequina: Ahri borore ihyeracãhña. Ahri borore ne ihyo tuhueracãhña. Ahri

borore piheraçãhña. Sata ni, dutire tiquina. <sup>22</sup>Mari apee borore ihyagũ duita pihitia wahare. Sa ijiye borore pihtiyere borore tũhotuyeyere nine sa dutiyequina. Tiquina sa dutigũ ahri yehpa çjẽ dutiye dihita ijire ti dutiye. Masa tiquina esa tuharo tiquina buheye dihita ijire ahri buheye. Sa ye dũhseati ijierare. <sup>23</sup>Ti dutiye yeyequina Cohãçjũre ño peoyequina yero saha ijimene. Sa ijiye apequinare yũhdũdũcaeyequina yero saha ye ihñomene. Tiquina pagũrire ñano yũhdũgũ yeye Cohãçjũre ño peoyequina yero saha ye ihñomene tiquina. Tiquina sa yegũ tiquina ye dutiye pehe masi pehoeyequina ye dutiye yero saha ijimene. Sa ijierare. Ti dutiye yepeta tiquina ñañene tutuaro cahmeñene duherare. Sa ye tiquina ye dutiye pehe dũhseati ijierare.

### 3

<sup>1</sup> Sa yena Cristo yequina ijire masa. Panopũ masa ñañe yerire duhu, quehnoañe pehere comesari jiri masa. Sa comesana ijina uhmuse çjẽne Cristo yere cahmeña masa. Topũre mari Pacũ poto pehepũ dujire tiquiro. <sup>23</sup>Uhmuse çjẽ Cohãçjũ yere quehnoano tũhotuya masa. Ahri yehpa çjẽ ñañene wacũ nũnũedacãhña masa. Cristo yequina ijina ti ñañene wacũ duerare masa. Tiquiro pehe ti ñañene cahmotare. Sa yena tire wacũ nũnũedaro cahmene musare. <sup>4</sup>Sa yena Cristo uhmusepũ marine sa ijiducuatinare yeriquiro tiquiro ahtagũ tiquiro mehna wahanata masa. Sa wahanata tiquiro mehna çjana ijinata.

*Cristo yequina mari ijato panore ñañene yemi mari*

<sup>5</sup> Sa ye ñañene ye duhu cãhña masa: Omoca dũhterina gũhũ, dũhterina gũhũ wũana tiyere, ña yũhdũaro yeyere, apequiro namonore tutuaro cahmeñene, apecoro manũnũore tutuaro cahmeñene, ñañene tutuaro cahmeñene duhu cãhña masa. Apee borore tutuaro cahmedacãhña. Apee borore tutuaro cahmena “Cohãçjũ ijire”, tiquina niñe queoyere mari cahmeno sahata yena naja mari tire. Doeri çjẽne ño peoyequina yero saha yena niaga masa. <sup>6</sup>Ti ñañene yeyequina Cohãçjũre yũhdũdũcaeyequina ijire. Tiquina sa ye yũhdũdũcagã ihñano tiquinare buhiri dahrerota. <sup>7</sup>Panopũre masa pehe ti ñañene

yena ijina tiquina mehna ijirina ijimahye masa.

<sup>8</sup> Sa ijimedina ijiepenata yojopũre ahri ñañene duhu peho cãhña masa: Usuayere, apequinare ñano ni tũhotuyere, apequinare ñano quiti dahreyere, ñano yahuducuyere tire ijipihtiyere duhu cãhña. <sup>9-10</sup> Masa pehe Jesu yequina wahana ti ñañe yeyere duhu tuhasari jiri. Sa yena quehnoañe pehere comesarina ijire masa. Musare quehnoañe pehere cahmegũ yero nine Cohãçjũ tiquiro yero saha masa ijato saha. Sa ye tiquiro quehnoano tiquirore masa masiato saha. Sa yena masa mehna çjẽnare ni mehoedacãhña. <sup>11</sup>Cristo yequina ijina judio masa, judio masa ijiena gũhũ ihcãno saha ijire masa, Cohãçjũ ihñagũ. Cuhnucunũ cahserogãre yũhre nediquina, yũhre nedariquina gũhũ Cristo yequina ijiye ihcãno saha ijire, Cohãçjũ ihñagũ. Ape yehpa çjẽna, masa masieñequina, masa ya yehpa çjẽna gũhũ Cristo yequina ijiye ihcãno saha ijire, Cohãçjũ ihñagũ. Dahra cohteyequina, dahra cohteyequina ijieyequina gũhũ Cristo yequina ijiye ihcãno saha ijire, Cohãçjũ ihñagũ. Jesu ijipihtiyequina tiquiro yequina mehna ijire. Ihyo ijiriquiro ijierare, tiquiro yequina ihñagũ.

<sup>12-13</sup> Sa ye Cohãçjũ beserina, quehnoana, tiquiro cahña ijina ohõ saha ijiya masa: Apequinare paja ihñana, apequinare quehnoano yena, apequinare quehnoano mehna yena, “Apequinare masi yũhdũdũcaja”, niena, musare tiquina ñano yepegũta sa tũhotu cãna ijiya masa. Masa mehna çjẽna mehna usuana, tiquinare quiti dahrena, masa basi usua duhuya. Mari puhtoro masa ñañe yerire bori. Sa tiquiro boriro sahata masa gũhũ masa mehna çjẽna musare tiquina ñañe yerire boya. <sup>14</sup>Ahri dutiye yũhdũoro ohõ saha ni dutiaja musare: Apequinare cahña. Masa sa yena quehnoano ijipihtiyequina mehna ihcãno mehna ijinata. <sup>15</sup>Cristo marine quehnoano ijigũ yere unureno marieno mari ijato saha. Tiquiro sa yegũ quehnoano ijiya masa basi. Sa yeatinare tiquiro yequina ijiatinare cũahye mari Pacũ musare. Sa yena Cristo pagũ yero saha ihcã curuata ijire masa. Sa ye Cohãçjũre “Quehnoare”, ni bucuena ijiya masa.

<sup>16</sup> Cristo ye buheyere quehnoano wacū-ducuya mūsa. Quehnoano masi buheya tiquiro yere. Cua pesaro mehna tire yahuya. Sa yena Salmore Cohācjū yere basayere, apeye tiqiore ño peo basayere tiqiore basa peoya. Quehnoano wacū ño peoye mehna basa peoya. Sa basana tiquiro yere quehnoano wacūña mūsa. Sa yena Cohācjūre “Quehnoare”, ni bucuena ijiya mūsa. <sup>17</sup> Ijipihtiyere dahse ijiyere mūsa yeyere quehnoano jeripohna ti yeya, mari puhtoro Jesu tiquiro bucueto saha. Cristore ño peore mūsa. Sa yena tiqiore ño peoye mehna quehnoañe dihitare yahuducuya. Sa yena Cristo yedohoye mehna Cohācjū mari Pacūre sinina “Quehnoare”, ni bucuena tiqiore.

*Jesu yequinare ihcāno mehna iji dutiye ohō saha ijire*

<sup>18</sup> Mūsa manū tina numia, mūsa manusumūare quehnoano yuhtiya mūsa. Sata yero cahmene mū sare mari puhtoro Cristo yequina numia ijina.

<sup>19</sup> Mūsa namo tina, mūsa namosānumiare cahñña. Sa yena tiquina numiare tuhtieracāñña.

<sup>20</sup> Mūsa tiquina pohna gūhū, mūsa pacūsumūare yūhdūducāeracāñña. Mūsa sa yegū ihñano mari puhtoro quehnoano bucuere.

<sup>21</sup> Mūsa tiquina pacūsumūa gūhū mūsa pohñare sa tuhtiducueracāñña “Būjua wit-igū yeari”, nina.

<sup>22</sup> Cahacjāna, mūsa puhtoare ahri yehpa cjēnare quehnoano yuhtiducuya. Tiquire bucuere dutina tiquina ihñonopū dihitare yuhtina ijieracāñña. Tiquire mariedagū gūhūre yuhtiya. Mari puhtoro Cristore cua pesaro mehna mūsa ihñano sahata quehnoano mehna yuhtiya mūsa puhtoa gūhūre.

<sup>23</sup> Potota Cristo yequina ijina quehnoano yuhtire mūsa tiqiore. Sa yena mūsa puhtoare ahri yehpa cjēnare yuhtina, Cristore mūsa yuhtiro saha yuhtinata nine mūsa. Sa yena mūsa puhtoa tiquina dutiro sahata tutuaro mehna dahraya, Cristo ye dutiye ti ijiboriro saha. <sup>24</sup> Mūsa sa yegū Cristo mū sare quehnoano yerota. “Mū sare ohoutja”, tiquiro niñene mū sare ohorota mari puhtoro. Tire masine mūsa. Mari puhtoro Cristo cahacjāna ijire mūsa. Sa yero tiquiro pehe mūsa puhtoro waro ijire.

<sup>25</sup> Tiquire puhtoare yūhdūducāequinare buhiri dahrerota mari puhtoro pehe. Sa yūhdūducāequinare ihcāquiro dūhsaro marieno ihcāno saha buhiri dahrerota tiquiro.

#### 4

<sup>1</sup> Mūsa puhtoa pehe, mūsa cahacjēnare poto queoro quehnoano yeya tiquire. Mūsa gūhū puhtore cuore. Mūsa puhtoro mūsa cuoriquiro pehe uhmūse cjūno ijire. <sup>2</sup> Decoripe Cohācjūre siniñña mūsa. Quehnoano wacū tuhotu siniñña. Sa yena “Quehnoare”, niñña mari Pacūre. <sup>3</sup> Usā ye ijiati pehere sini basaya tja. Cristo yere apequina panopū tiquire masiedarire buhena niñña usā. Tiquire usā quehnoano masigū yeati pehere sini basaya mari Pacūre. Cristo yere yūhū buheri buhiri yūhū yojopūre peresupū ijiaja. Sa yegū mūsa sa sini basagū cahmeja tiquiro yere yūhū quehnoano yahuatire. Cristo dutiriro saha yūhū yahuatire pehere sini basaya.

<sup>5</sup> Jesu yequina ijieyequina mehna ijina quehnoano yeya mūsa. Cristo yere yahuya tiquire. Tiquire mehna mūsa ijiro puno sata quehnoano yeya. <sup>6</sup> Tiquire mehna yahuducuna quehnoano bucuere mehna yahuducuya. Quehnoañe dihitare yahuducuya. Apequina mū sare tiquire sinitugū quehnoano masiñña mūsa yuhtiatire.

*Quehnoa duti bato tiahye Pablo*

<sup>7</sup> Tiquiro mari acayuro Jesu yaquiro ijire. Tiquire yūhū ijieye tiyere mū sare yahurora. Tiquire mari cahñniquiro ijire. Cristo yere buhero, usā mehna dahrariquiro ijire. Sa yero Cristo yere ne duherare tiquiro. <sup>8</sup> Mūsa cahapū tiqiore ohou yūhū usā ijieye tiyere mūsa masino quehnoano. Tiquire ohou yūhū mū sare bucuere yeatiqiore. <sup>9</sup> Onésimore mari acayuro mūsa cahapū ohou. Tiquire gūhū Cristo yere ne duherare. Mūsa mehna cjūno ijire. Tiquire puaro usā ohōre dahse yūhdūre yahuetā mū sare.

<sup>10</sup> Aristarco peresupū ijiriquiro yūhū mehna cjūno mū sare quehnoa dutire. Marco gūhū quehnoa dutire. Tiquire Bernabé basuriro ijire. Tiquire yahu tuhasau mū sare. Mūsa cahapū tiquiro esagū quehnoano mehna tiqiore piti caya. <sup>11</sup> Jesu “Justo”, tiquire ni pisuriquiro quehnoa dutire tiquiro gūhū. Ahriquina

ihtiarota yuhū mehna dahrayequina judio masa waro ijire. Judio masa waro tiquina dihita Cohācjū yere yuhū mehna buhere. Sa buheaja usā Cohācjū yequina masa wahatire, Cohācjūre tiquina puhtoro tiatire. Tiquina yuhūre quehnoano yedohoriquina ijire. <sup>12</sup> Epafra mūsa mehna ijiriquiro mūsare quehnoa dutire. Tiquiro Cristore dahra cohteriquiro ijire. Cohācjūre sinino, mūsa ye ijiatire tutuaro sini basaducuro nine tiquiro. Cohācjūre quehnoano wacū tutuaducuatiquinare, tiquiro cahmeno saha yeatiquinare mūsa ijiatire sa sini basaducuro nine tiquiro Cohācjūre. <sup>13</sup> Tiquiro mūsa ye ijiatire tutuaro sini basare. Laodicea cjēna ye ijiatire, Hierapoli cjēna ye ijiati gūhūre tiquiro tutuaro sini basare. Tiquiro sa yeriquiro ijigū ihñagu mūsare yahugu niaja. <sup>14</sup> Duturu Luca mari cahīniquiro mūsare quehnoa dutire. Dema gūhū quehnoa dutire.

<sup>15</sup> Quehnoahdo mari acaye Jesu yequina Laodicea cjēna. Ninfa gūhū quehnoahdo. Jesu yequina ticoro ya wuhupū cahme-coañequina gūhū quehnoahdo. <sup>16</sup> Ahri pūre yuhū ojoa ohori pūre mūsa mehna cjēnare mūsa buhe tuhasari bato Laodicea cjēna gūhūre ohoya. Sa yena tiquinare Laodicea cjēnare yuhū ojoa ohori pūre mūsa gūhū buheya. <sup>17</sup> Sa yena ohō saha niña Arquipore: “Mari puhtoro Jesu yaquiro mūhū ijigū tiquiro yere buheacjūre cūri mūhūre. Tiquiro sa cūgū quehnoano buhe sohtori tiya mūhū”, niña tiquiore.

<sup>18</sup> Yuhū Pablo, yuhū omoca mehna ahrire ojoaja. Mūsare quehnoa dutiaja yuhū. Peresupū yuhū ijiyere wacū, sini basaya mūsa Cohācjūre. Quehnoano ijiya mūsa. Cohācjū cahīne mehna mūsare quehnoa dutiaja.

## 1 Tesalonicenses

*Pablo ojoa ohoahye Jesu yequinare Tesalónica cjēnare*

<sup>1</sup> Yũhũ Pablo, Silvano, Timoteo gũhu musare quehnoa dutiaja. Sa yegu ahrire musare ojoa ohoaja yũhũ, Pablo. Musa pehe Tesalónica cjāna mari Pacũ Cohācjũ yequina ijire. Mari puhtoro Jesucristo yequina gũhu ijire musa. Sa yena Cohācjũ mari Pacũ, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijija musa.

*Jesu yequina Tesalónica cjēna pehe Jesure quehnoano wacũ tutuahye*

<sup>2</sup> Cohācjũre sinina ijipihtiyequina Jesure musa wacũ tutuayere wacũna, “Quehnoa yũhdũare usāre”, niducuaja usā musare. Cohācjũre sinina, musa ye ijiatire sa sini basaducuna niaja usā. <sup>3</sup> Musa pehe Jesucristore quehnoano wacũ tutuañohti. Sa wacũ tutuana, Jesu yere yeñohti musa. Jesucristore, apequina gũhure musa cahĩñohti. Sa cahĩna, Jesu yere tutuaro yena niaga musa. Jesucristore mari puhtorore wacũ tutuaducuñohti musa. Sa wacũ tutuaducuna musare tiquiro yũhdũoatire masina, tire cohtena niñohti musa. Sa yena tiquirore wacũ tutua duhuerañohti musa. Cohācjũ mari Pacure sinina, tire musa sa yerire wacũaja usā. <sup>4,5</sup> Usā acaye, Cohācjũ cahĩnona ijire musa. Musare tiquiro beserire masiaja usā. Sohõ ijiri pje musare quehnoañe buheyere buhena sa yahu cāna niedu musare. Espĩritu Santo tiquiro tutuaye mehna quehnoañe buheyere buhena nii musare. Sa buhena ti buheye poto ijigũ quehnoano masii usā. Sa yena musa watoa usā ijina, usā yerire masine musa. Musare yedohona sa yei usā. Musare buherina ijina, Cohācjũ beserina musa ijigũ masiaja usā.

<sup>6</sup> Sohõ ijiri pjepeure musa ñano yũhdũna, quehnoañe buheyere cahmedi musa. Musa sa cahmegũ, Espĩritu Santo pehe musare quehnoano bucuẽgũ yeri. Tiquiro sa yegũ musa pehe usāre ihña cũ, usā yeriro sahata yeri. Sa yena Jesu gũhure ihña cũri musa. <sup>7</sup> Sa ye Jesu yequina Macedonia yehpa cjēna, Acaya yehpa cjēna gũhu Jesu

yere musa yerire masidi. Sa masiñe tiquina gũhu musare ihña cũ, musa yeriro sahata yeri. <sup>8</sup> Macedonia yehpa cjēna, Acaya yehpa cjēna gũhu mari puhtoro yere musa buhegũ tuhooñohti. Cohācjũre musa wacũ tutuarire tuhoriquina pehe tiquina dihita ijierare. Ijipihtiro cjēna musa wacũ tutuarire tuhooñohti. Sa ye usā tiquinare yahuerapegũta tire masi tuhasari tiquina. <sup>9</sup> Sa ye musa cahapũ usā tinidire, usāre musa quehnoano piti carire yahuri ijipihitiro cjēnare. Sa yena Cohācjũ pehere wacũ tutuana, “Cohācjũ ijire”, ni musa ño peoye queoyere cohā cāri musa Cohācjũ ye pehere yena tana. Tiquiro Cohācjũ pehe catiriquiro, Cohācjũ waro ijire. <sup>10</sup> Sa ye “Cohācjũ macunore uhmusepũ ahtatiquirore Tesalónica cjēna cohteye nine”, ni yahuri masa musare. Tiquiro macunore yariariquirore Cohācjũ masoahye. Tiquiro sa masogũ tiquiro macuno Jesu pehe marine ña yũhdũaro tiquiro buhiri dahreborinare yũhdũori jiri.

## 2

*Tesalónica wame tiri macapũ tiquiro dahrarire yahuahye Pablo*

<sup>1</sup> Musa cahapũ ijina usā sa iji cāna nieda tii. Musare quehnoano yedohorina ijie tii usā. Tire quehnoano masine musa, usā acaye. <sup>2</sup> Sa yena Filipopũ ijina ñano usā yũhdũrere, usāre ñano tiquina yerire quehnoano masine musa. Usāre tiquina sa yepegũta Cohācjũ yedohoye mehna cuero marieno Cohācjũ yere quehnoañe buheyere buhei usā musa gũhure. Usāre masa peyequina tiquina ihña tuhtiepegũta quehnoañe buheyere buhei usā musare. <sup>3</sup> Musare buhena quehnoano usā masidire buhei usā musare. Sa buhena potota musare yedohona nii. Musare buhena ni mehoedu. <sup>4</sup> Cohācjũ cahmeno saha buheaja usā. Quehnoañe buheyere buheanare Cohācjũ beseri usāre. Tiquiro sa beserina usā ijigũ tiquiro ye buheyere usā buhegũ quehnoarĩne, Cohācjũ ihñagũ. Sa yena ohõ saha buheaja usā. Masa tiquina ihña bucuẽatire buhena niedaja usā. Cohācjũ pehe usāre tiquiro ihña bucuẽatire tiquiro yere buheaja usā. Tiquiro pehe mari tuhotuyere, mari ye duayere quehnoano masine. <sup>5</sup> Quehnoañe buheyere buhena



tũho bucueati yahuducuye mehna buhena niedũ. Queoro quehnoano mehna buhei usã musare. Ahrire masine musa. Sa yena usã buhena, musare apee borore wapa cahmena niedũ usã. Ahrire Cohãcjũ masine. Potota nigu niaja. <sup>6</sup> Sa buhena masa usãre tiquina ño peotire yena niedũ usã. Musare apequina gũhũre usãre ño peo dutina tana niedũ.

<sup>7</sup> Sa ño peo dutierapenata Cristo cũrina ijiaja. Sa tiquiro cũrina ijina musare wapa cahmeboya usã. Sa yena puhtoa yero saha musare dutina ijiboya usã. Sa ijiepenata numino ticoro nijinogãre ticoro quehnoano masoriro saha quehnoano mehna yei usã musare. <sup>8</sup> Sa yena musare quehnoano cahmena, Cohãcjũ yere quehnoañe buheyere buhei usã musare. Sa yena ti dihitaro yena niedũ musare. Musare quehnoano yedohou, usã catinina. Usã cahĩna musa ijigũ musare sa yedohou usã. <sup>9</sup> Sa musare cahĩna tutuaro yedohou usã musare. Tire wacũre musa, usã acaye. Cohãcjũ yere quehnoañe buheyere buhena musa cuoyere sini cariboeru musare. Sa yena decori, ñamini gũhũre dahraũ usã.

<sup>10</sup> Quehnoano, poto, ni mehono marieno musare Jesu yequinare usã yerire masine musa. Cohãcjũ gũhũ tire masine. <sup>11</sup> Sa yena ihcãquiro masũno tiquiro pohnene tiquiro quehnoano yahu bucuegũ yeriro saha musa gũhũre yahuna bucuegũ yei. Tire masine musa. <sup>12</sup> Cohãcjũ tiquiro puhtoro ijiorũ, quehnoa yũhduaropũ musare pijiori. Sa yena tiquiro yequina musa ijigũ Cohãcjũ cahmediro sahata musare iji dutii usã.

<sup>13</sup> Cohãcjũ yere musare usã yahurire musa tuhona, ohõ saha ni tuhoturi musa: "Masa tiquina esa tuharo tiquina buheye ijierare. Cohãcjũ ye buheyeta ijire", ni tuhoturi musa. Tire musa tuhotugũ masina bucueaja usã. Sa yena Cohãcjũre sinina "Quehnoare", niaja usã tiquirore. Ijirota ijire. Musare usã buheye Cohãcjũ yahuducuye poto ijiora nine. Sa yero musa Jesure wacũ tutuana ijigũ Cohãcjũ tiquiro ye buheye mehna musare quehnoañe pehere comesagũ yere. <sup>14</sup> Jesucristore wacũ tutuayequinare Judea yehpa cjẽnare tiquina yeriro saha musa gũhũre yeri apequina. Judea yehpa cjẽna Jesu yequina pehere tiquina acaye ijiepetata ñano yũhdũgũ yeri judio masa

pehe. Musã gũhũre musã ya dihta cjẽna ñano yũhdũgũ yeri. <sup>15-16</sup> Judio masa pehe Cohãcjũ yere yahu muhtariquinare panopũ cjẽnare wejẽe tiahye. Sa ye mari puhtoro Jesu gũhũre wejẽahye tiquina. Sa yeye tiquina usãre cohãri. Cohãcjũre tiquina bujũna witigũ yeri. Sa ye peyequina masare ihña tuhtiri tiquina. Judio masa ijieyequinare Cohãcjũ yere usã yahu duami tiquina gũhũre pecapũ wahaboriquinare "Cohãcjũ yũhdũoahro", nina. Usã sa yahu duepegũta judio masa pehe usãre ne Cohãcjũ yere apequinare yahu dutierari. Sa yahu dutieraye pajiro buhiri ti nemoñe nine tiquina. Yojoũre tiquinare tutuaro Cohãcjũ buhiri dahrerota.

*Pablo Tesalónica* cjẽna cahapũ pari turi tini duamahye

<sup>17</sup> Usã acaye, yojoũre mehenogã musa cahapũ ijierana musare wacũna niaja. Sa yena musare tutuaro ihña duana, musa cahapũ waha duami. <sup>18-19</sup> Ihquẽ tahari yũhu Pablo musare ihñaũ waha duami. Yũhu sa waha duepegũta Satana pehe usã wahaborirore dojomehnedi. Sa yena wahaeru usã. Usãre bucuegũ yena musa ijigũ musare ihña duami. Usã buhegũ quehnoano tuhõrina ijire musa. Mari puhtoro Jesu ahri yehpapũ tiquiro tojoa tagũ musa pehe usãre bucuegũ yenata. Sa yena bucueye mehna musa mehna Jesu poto ducunata. <sup>20</sup> Sata ijire. Musare ihñano Jesu pehe "Quehnoano buheri musa", ninota usãre. Sa yena quehnoano bucueaja usã.

### 3

<sup>1-2</sup> Sa ye musare yoari pje ihñedana musare tutuaro tuhõ duana tire wacũna, Timoteore musa cahapũ ohou. Tiquiro mari acayũro Jesu yaquiro Cohãcjũ cahacjũno ijiro, usã mehna quehnoañe buheyere buheriquiro ijire. Sa yena tiquirore ohou Jesucristore quehnoano musa wacũ tutuatiire, musa bucueati gũhũre. Tiquirore ohona usã sehõsaro Atena wame tiri macapũ tojoarĩ. <sup>3</sup> Musã ñano yũhdũepenata Jesu yere musa cohãedatire ohou usã Timoteore. Jesu yequina ijina ñano yũhdũnata mari. Tire masine musa. <sup>4</sup> Panopũre musa mehna usã ijinina, mari ñano yũhduatireta yahu tuhasaũ musare. Sa yena usã nidiro sahata mari ñano yũhdũnũ. Tire musa quehnoano masine. <sup>5</sup> Sa

yegü musare yoari pje ihñedagü musare tutuaro taho duau. Sa yegü Jesure musa wacü tutuarire masigü tagü Timoteore ohou yahü. “Watino musare ñano ye dutiari”, nigü, “Musare usä buherire musapu duhuari”, nigü, tiqiurore ohou yahü. Jesu ye buheyere musa duhugü musare usä buheri duhseati ijieraboaga.

<sup>6</sup> Sa yero yojopure Timoteo musa cahapu ijiriquiro usä cahapu tojoa wihiri. Sa tojoa wihiro quehnoañe quitire usäre yahuri tiqiuro. Jesure musa quehnoano wacü tutuayere, apequinare musa cahñe gühure tiqiuro yahuri usäre. Sa ni tuhasa usäre musa quehnoano wacürire, musare usä ihña duariro sahata musa gühü tutuaro usäre musa ihña duarire yahuri usäre tiqiuro. <sup>7</sup> Sa yena usä acaye yojopure ñano yuhdüepenata musa Jesure quehnoano wacü tutuagü tuhona usä bucueaja. <sup>8</sup> Jesure musa quehnoano wacü tutuarire tiqiuro yere musa cohäedarire tuhona quehnoano jeri sajäja usä. <sup>9</sup> Sa ni tuhótuna, Cohäcjö ihñonopü usä tutuaro bucueaja. Sa bucuena Cohäcjöre “Quehnoare”, niaja usä. <sup>10</sup> Deco gühure, ñamipü gühure Cohäcjöre siniaja musare usä ihñatire. Jesu yere musa quehnoano masi pehogü ye duaja usä quehnoano musa tiqiurore wacü tutua nemoatire.

<sup>11</sup> Cohäcjö mari Pacu tiqiuro basi, mari puhtoro Jesu gühü usäre tiquina yedohogü cahmeaja musa cahapu usä wahatire. <sup>12</sup> Sa yero mari puhtoro Jesu ijipihtiyequina musa mehna cjënare, ijipihtiyequina apeqüna gühure cahñi nemogü yehoro musare. Musare usä cahñiro sahata tutuaro cahñi nemogü yehoro musare. <sup>13</sup> Musare quehnoano tiqiuro yedohogü, buhiri mariena, ñañe mariena ijinata musa, Cohäcjö mari Pacu ihñagü. Mari puhtoro Jesu ijipihtiyequina tiqiuro yequina quehnoañequina mehna ahri yehrapü tiqiuro tojoa tagü sata ijinata musa.

#### 4

“Cohäcjöre bucuegü ye duana ohö saha yeya”, ni yahuahye Pablo

<sup>1</sup> Yojopure Jesu mari puhtoro tiqiuro dutiro mehna musare ohö saha ni yahuaja: “Cohäcjöre bucuegü ye duana ohö saha yeya”, ni buhei usä musare. Usä sa buheri

bato usä buheriro sahata yeñohti musa. Musa sa yeriro sahata ye nemoña. Tire tutuaro ye dutiaja musare.

<sup>2</sup> Jesu mari puhtoro tiqiuro buhe dutiro mehna musare usä buherire quehnoano masine musa. <sup>3</sup> Ahrire musare yahu nemoutja: Musa ohö saha ijigü cahmene Cohäcjö: Ñañene yeracähña. Cohäcjö ye pehere yeya. Sa yena numia mehna ñano yeracähña. Musa numia gühü umua mehna ñano yeracähña. <sup>4</sup> Ñano yero marieno, ño peoye mehna musa namosanumiare cuoya. Cohäcjö musa tire masigü cahmene. <sup>5</sup> Cohäcjöre cahmeeñequina Cohäcjöre masieñequina ñañene tutuaro cahmeñe, numia mehna ñano tiquina yeriro saha yeracähña musa pehe. <sup>6</sup> Tiquina yero saha musa yeragü cahmene Cohäcjö, musa acayuro namono mehna musa ñano yeratire. Musa sa ñano yena musa acayurore yuhdüducana niaga. Mari puhtoro Cohäcjö ti ñañene tiquina yegü ihñano buhiri dahreatiquiro ijiro nine. Sa yena musare cuesäna tire yahuaja musare. <sup>7</sup> Ñañene yeanare beserahye Cohäcjö marine. Ñañene ye dutieraro beseahye marine. <sup>8</sup> Sa yena ijipihtina musa ahri usä buherire yuhdüducana, masa ye buheyere yuhdüducana niedare musa. Cohäcjö ye pehere yuhdüducana nine. Tiquiro musare Espiritu Santore ohoriquiro ijire.

<sup>9-10</sup> Musa acayere Jesu yequinare cahme cahñene Cohäcjö musare buhe tuhasari. Tiquiro sa buhegü potota Jesu yequinare Macedonia cjënare ijipihtiyequinare quehnoano cahñe musa. Musa sa cahñgü ihñana “Musa acayere cahme cahñña”, ni buheraja musare. Tiquinare cahñi tuhasare musa. Sa ni buhe nemoedapenata ahri pehere musare dutiaja. Yojopure apequinare musa cahñno sahata cahñi nemoña musa. <sup>11</sup> Sa yena musa basi cahme ihña tuhtiro marieno ijija musa. Apequinare sijoro saha ni yahuducueracähña. Sa ihña cähña tiquinare. Sa yena musa ye dahraye pehere quehnoano dahraya. Panopata musare sa ye dutii. <sup>12</sup> Sata yeya musa, apeqüna musare tiquina ño peoatire, apeqüna yere musa cariboeratire.

Ahri yehrapure Jesu tojoa tatire yahuahye Pablo

<sup>13</sup> Yojoṗure yariariquina mūnare yahutja mūsare: Jesure cahmedaye, masa Cohācjū cahapū wahasi. Sa ye tiquina mehna cjēna tiquina yariagū ihñañe tutuaro bñjua witire. Yariariquina mūna tiquina duhse wahatire potota quehnoano mūsa masigū cahmeaja usā, apequina tiquina bñjua witiro saha mūsa bñjua witiatore. <sup>14</sup>Jesu yariari bato masa mūjari jiri. “Ti potota ijire”, niaja mari. Sa yena ahri gūhure “Ijirota ijire”, ninata. Cohācjū pehe tiqiuro yequina mūnare yariariquina mūnare masa mūjagū ye, neanota Jesu mehna. Ti gūhure “Ijirota ijire”, niaja mari.

<sup>15</sup>Jesu tojoa tagū tiqiuro yequina yariariquina mūna catiyequina pano masa mūja muhtaeta. Mari puhtoro Cohācjū ye yahuyeta ijire ahri. <sup>16</sup>Ohō saha ijirota Jesu tojoa tagū: Mari puhtoro tiqiuro basi tutuaro sañuducu muhtanota. Sa yero tiqiuro yequina angele puhtoro tutuaro pisurota. Sa tiqiuro pisugū Cohācjū ya corneta bisirota. Tiquina sa yegū Jesu yequina yariariquina mūna masa mūja muhtaeta. <sup>17</sup>Came catiyequinare, yariariquina mūna mehna Cohācjū uhmusepū mūjagū yerota. Tiquiro sa yegū mari puhtoro Jesure piti canata mari. Sa piti cana ijipihtiyē decori mari puhtoro Jesu mehna ijinata mari. <sup>18</sup>Ahri yahū yahurire mūsa mehna cjēnare yahuya. Sa ni yahuna, bucuenata mūsa ijipihtina.

## 5

<sup>1</sup>Jesu tojoa tati decore “Ahri deco tojoa tarota”, ni, mūsare yahu ojoasi. <sup>2</sup>Yojoṗ mūsa masino saha tiqiuro tojoa tati decore marine masino basioerare. Yaqueriquiro ñamipū wacūeno mehna tiqiuro yaquero ahtaro saha ahri yehpapure mari puhtoro wacūeno mehna tojoa tarota. Ahrire mūsa basita masine. <sup>3</sup>“Yojoṗure mari quehnoano ijiaja. Curo mariedare marine”, masa tiquina ni wacūgū duita ñano waharota tiquinare. Sa wahagū tiquina duhti masisi. Niji wahcōricoro wacūeno mehna ticoro purīno tuhoturo saha wacūeno mehna sa waharota masare.

<sup>4</sup>Yūhū acaye, mūsa pehere sa wahasi. Yaqueriquiro wūhū cjēnare tiqiuro cuegū yeriro saha mūsa pehere sa wahasi. Jesu ahtaro mūsare cuegū yesi. Nahitianopū

ijiyequina tiquina ihñā masieno saha apeqūina Jesure ne masiedare. Mūsa pehe tiquina yero saha ijierare. <sup>5</sup>Mūsa ijipihtina Jesu yequina ijire. Sa yena buhrioropū tiquina ihñā masino saha Jesu ahtatire masine mūsa. Apeqūina tiqiurore masieñequina yero saha ijieraja mari.

<sup>6</sup>Sa yena Cohācjūre tuho nūnuna ijihna. Carīnequina yero saha Cohācjūre tuho nūnūena ijieracūhna mari. Apeqūina sata yere. Tiquina yero saha yercūhna mari. Carīnequina yero saha, queheyequina yero saha quehnoano wacū masina ijiihna mari. <sup>7</sup>Carīnequina ñamipū carīne. Sa ye queheyequina ñamipū quehere. <sup>8</sup>Mari pehe buhrioropū ijiyequina yero saha Jesure masina ijina, quehnoano wacū masina ijiihna. Sa yena surara come suhtiro mehna tiqiuro cutiurore saña cahmotariro saha Cohācjūre wacū tutuaya mūsa, watinore tiqiuro cahmotatire. Sa yena Cohācjūre, apeqūina gūhure cahiña. Mūsa sa yegū Cohācjū mūsare ihñā iħborota. Sa yena mūsare pecapū wahaborinare Jesu tiqiuro yūhduoatire “Potota ijire”, niña mūsa. Mūsa sa nigū surara tiqiuro dapure come sapea mehna tiqiuro pesa cahmotariro saha watino mūsare ñano ye dutigū Cohācjū tiqiurore cahmotarota.

<sup>9</sup>Tiqiuro buhiri dahreatinare marine beserahye Cohācjū. Jesucristo mari puhtoro pecapū wahaborinare tiqiuro yūhduoatinare marine beseahye tiqiuro. <sup>10</sup>Jesu mari ye ijiatireta yariahye tiqiuro mehna mari ijiatire. Catiyequina, yariariquina gūhū tiqiuro mehnata ijietta. Sa yena ijipihtina tiqiuro mehna ijinata mari tiqiuro yequina ijina. <sup>11</sup>Sa yena mūsa mehna cjēnare yojoṗ mūsa bucuēgū yeriro saha mūsa basita bucuēgū ye nemoña mūsa. Sa yena mūsa basita Cohācjūre wacū tutua nemogū yeya mūsa mehna cjēnare.

*Jesu yequinare Pablo yahu bato tiahye*

<sup>12</sup>Mūsare buheyequinare mari puhtoro buhe dutiro beseri jiri. Tiquiro sa ni besenohriquinare quehnoano ño peoya mūsa. Mūsa sa ño peogū cahmegū mūsare tutuaro dutiaja. <sup>13</sup>Tiquina dahrayere yegū tiquinare cahiñe mehna quehnoano ño peoya. Sa yena mūsa mehna cjēna mehna cahmequeno marieno ijiaja.

<sup>14</sup> Músare usã acayere, ahrire tutuaro dutiaja: Dahra dueyequinare dahra dutiya mûsa. Bujua witiyequinare bucuegũ yeya mûsa. Jesure wacũ tutuera cãñe-quinare yedohoya. Tiquina ijipihtiyequina mehna quehnoano usuaro marieno bucueye mehna ijiya mûsa.

<sup>15</sup> Ihcãquiro músare tiquiro ñano yegũ ihñana tiquirore ñano ye cahmedacãhña. Sa yena mûsa mehna cjenare, ijipihtiyequina apequina gũhure quehnoano yeya.

<sup>16</sup> Sa yena decoripe sa bucueducuya mûsa.

<sup>17</sup> Sa yena decoripe Cohãcjũre siniducuya.

<sup>18</sup> Mûsa ñano yuhduepenata Cohãcjũre bucue, “Quehnoare”, niña. Mûsa quehnoano yuhduri pje gũhure “Quehnoare”, niña. Sa nina Cohãcjũ cahmeno sahata yena niaga mûsa. Cristo Jesu yequina mûsa ijigũ ihñano mûsa sa nigũ cahmene tiquiro.

<sup>19</sup> Espiritu Santore yahtiena ijieracãhña.

<sup>20</sup> Espiritu Santo masiñe mehna apequina músare buhere. Tiquina sa buhegũ ti buheyere yahtiena ijieracãhña. <sup>21</sup> Apequina músare sijoro saha tiquina ni buhegũ ti Cohãcjũ ye ijieragũ masiña mûsa. Sa yena Cohãcjũ ye buheye ti ijigũ gũhure masiña mûsa. Sa masina quehnoañe buheye dhitare cahmeña. <sup>22</sup> Sa yena ijipihtiye ñañene yeracãhña mûsa.

<sup>23</sup> Cohãcjũ marine quehnoano ijigũ yeriquiro ijire. Tiquiro basi músare tiquiro yequinare quehnoana, ñañe mariena ijigũ ye nemoahdo músare. Mûsa pagari gũhure mûsa jeripohnari gũhure quehnoano ihña ihboahro. Mari puhtoro Jesucristo ahri yehpapure tiquiro tojoa tato pano músare Cohãcjũ quehnoano ihña ihboahro músare “Ñañene yeari”, nino. Tiquiro sa yegũ Cristo ahtagũ ñañe mariena ijinata mûsa. <sup>24</sup> Sata ijigũ yerota Cohãcjũ. Tiquiro músare beseriquiro tiquiro nídro sahata yere.

*Pablo gũhu quehnoa dutiahye*

<sup>25</sup> Usã ye ijiatire Cohãcjũre sini basaya mûsa, usã acaye.

<sup>26</sup> Mûsa mehna cjenare quehnoano mehna piti caya.

<sup>27</sup> Ijipihtiyequina Jesu yequinare ahri pũre buheya mûsa. Jesu mari puhtoro dutiye mehna ahrire músare dutiaja yũhu.

<sup>28</sup> Jesucristo mari puhtoro cahiñe mehna músare tutuaro quehnoa dutiaja.

## 2 Tesalonicenses

*Pablo ojoa ohoahye Jesu yequinare Tesalónica cjēnare*

<sup>1</sup> Yuhū Pablo, Silvano, Timoteo gāhu mūsare quehnoa dutiaja. Sa yegū yuhū Pablo ahrire ojoa ohoaja. Mūsa pehe Tesalónica cjāna mari Pacū Cohācjū yequina ijire. Mari puhtoro Jesucristo yequina gāhu ijire mūsa. <sup>2</sup> Sa yena Cohācjū mari Pacū, mari puhtoro Jesucristo mehna mūsare quehnoa dutiaja. Tiquina yedohoye mehna quehnoano ijiya mūsa.

*Ahri yehpapure* Cristo tojoa tagū buhiri dahrerota Cohācjū

<sup>3</sup> Cohācjūre sinina, Jesure mūsa wacū tutuayere wacūna “Quehnoa yuhduare usāre”, niducuaja usā Cohācjūre. Usā sa nigū quehnoarīne. Decoripe Cohācjūre mūsa quehnoano wacū tutua nemona niñohti. Sa yena decoripe mūsa mehna cjēnare cahī nemona niñohti mūsa. Sa ye Cohācjūre “Quehnoa yuhduare usāre”, usā nigū quehnoarīne. <sup>4</sup> Apequina mūsare nāno tiquina yepegūta Jesure wacū tutuaducūnohti mūsa yojopū gūhure. Sa yena tiqiore wacūna duhuerānohti. Mūsa sa yegū ihñana tire mūsa yerire apequinare Cohācjū yequinare bucueye mehna yahuaaja usā. <sup>5</sup> Sa wacū tutuaducuna Cohācjū mari puhtoro yequina mūsa ijiri buhiri nāno yuhdūna niñohti mūsa. Sa yero Cohācjū tiqiuro puhtoro ijiropure waha dutiri jiri mūsare. Tiquiro sa dutigū queoro yeriqiuro tiqiuro ijigū masiaja mari.

<sup>6</sup> Sa yero Cohācjū queoro yeriqiuro ijire. Sa yero mūsare nāno yuhdugū yeyequina pehere nāno yuhdugū yerota tiqiuro. <sup>7</sup> Sa yero mari nāno yuhdūrina ijigū ihñano tiqiuro marine quehnoano ijigū yerota. Mari puhtoro Jesu tiqiuro yequina angele tutuayequina mehna, peca mehna uhmūsepū bajuaro quehnoano ijigū yerota marine, nāno yuhdūrinare. <sup>8</sup> Sa yero Cohācjūre masieñequinare, mari puhtoro Jesu ye buheyere quehnoañe buheyere yuhdūcariquinare Cohācjū buhiri dahrerota. <sup>9</sup> Sa yero Cohācjū tiquinare ohō saha buhiri dahrerota: Pecapū tiquina nāno yuhdūducueta. Sa

ye tiquina tutuariqiuro mari puhtoro Jesu cahapū ne waha masiedare. Sa ye tutua yuhdūariqiuro tiqiuro ijiyere ihñasi tiquina. <sup>10</sup> Sata waharota ti decopū Jesu tiqiuro tojoa tagū. Ti decopūta tiqiuro ahtarota tiqiuro yequina “Quehnoariqiuro, tutuariqiuro ijire Jesu”, tiquina ni ño peoatire. Sa ye tiqiore wacū tutuayequina ño peoeta tiqiore. Mūsare usā buherire mūsa quehnoano tuhori. Sa yena mūsa pehe tiqiuro mehna ijinata.

<sup>11</sup> Sa yena Cohācjūre sa sini basaducuaja usā mūsa ye ijiatire. Ohō saha ni Cohācjūre sini basaja usā: Tiquiro cahmeno sahata mūsa yeatire, mūsa mehna tiqiuro bucueatire sini basaducuaja usā mūsare. Mūsa quehnoana iji duanata niñohti. Sa yena Cohācjū tutuaye mehna quehnoana mūsa iji duariro sahata mūsa ijiatire sini basaducuaja usā. Mūsa Cohācjūre wacū tutuañohti. Sa wacū tutuana tiqiuro yere yeñohti mūsa. Tire mūsa quehnoano ye nemoatire Cohācjūre sini basaducuaja usā mūsare. <sup>12</sup> Sa yena mari puhtoro Jesucristo apequinare tiquina ño peogū yenata mūsa. Mūsa sa yegū Jesucristo yequina mūsa ijigū ihñāne apequina ño peoeta mūsare. Cohācjū cahīne mehna, mari puhtoro Jesucristo gāhu tiqiuro cahīne mehna sa waharota.

## 2

*Ñano yeducuriqiore yahuahye Pablo*

<sup>1</sup> Yojopure mari puhtoro Jesucristo ahri yehpapure tiqiuro tojoa tatire, tiqiore mari cahmecoa mari piti catire yahu nemo duaja yuhū. Ahrire tutuaro yahu duaja mūsare, usā acaye. <sup>2</sup> Apequina mūsare ohō saha niboaga: “Mari puhtoro tiqiuro tojoa tati deco, mianogā pihtiri decopū ijiro nine”, ni mehoboaga mūsare. Tiquina sa nigū tuhona, tuho mariedacāhña. Sa yena tuho wisieracāhña. “Cohācjū yuhūre sata nidi ijiri”, ni mehoboaga mūsare apequiuro. Apequiuro gāhu mūsare buhero, sata ni mehoboaga. Apequiuro gāhu sata ni ojoa ohoboaga, “Yuhū Pablota ijiaja”, ni meho ojoaro. Tire mūsare yahuriqiore masiedaja yuhū. <sup>3</sup> Apequina mūsare tiquina ni mehogū tuhoeracāhña mūsa. Ti decopū ahri yehpa pihtiato panogā peyequina

masa Cohãcjüre duhueta. Sa yero ti decopu ñano yeducuriquiropu pecapũ waha-tiquiropu ijjirota. <sup>4</sup> Tiquiropu Cohãcjũ warore, “Cohãcjũ ijjirota”, tiquina niñe queoye gũhure ijjiptiyequina masare ño peo dutisi ñano yeducuriquiropu. Tiquiropu ohõ saha ni tuhõturota. “Ahriquina ijjiptiyequina puhto tjiaja yũhũ”, ni tuhõturota. Sa yero Cohãcjũ wuhũpu dujiropu “Yũhũ pehe Cohãcjũ ijjirota”, ninota.

<sup>5</sup> Mũsa mehna ijjinigũ tireta yahuu mũsare. ¿Tire wacũajari mũsa? <sup>6</sup> Yojoapũre apequiropu pehe ñano yeducuriquiropu ne iji dutieranine. Sa yena tiquiropu iji dutieriquiropu masine mũsa. Sa yero tiquiropu dutigũ tiquiropu queori deco ijigũ ñano yeducuriquiropu ijjirota. <sup>7</sup> Yojoapũre masa ihñenopũ tiquiropu yero saha apequina ñañene ye tuhasari. Tiquina sa yepegũta ñañene ye dutieriquiropu tiquiropu wahato pano ñano yeducuriquiropu pehe ijisi. <sup>8</sup> Tiquiropu wahari bato pũritare ñano yeducuriquiropu ijjirota. Sa yero came mari puhtoro Jesucristo tiquiropu yaria dutiropu. Tiquiropu asi siteye mehna ahri yehpapũ tojoa taro, tiquiropu putiye mehna tiquiropu wejẽ borota. <sup>9</sup> Ñano yeducuriquiropu pehe watĩno ye tutuaye mehna ahtaropu, ti tutuaye mehna ni meho, peye ye ihñonota. <sup>10</sup> Tiquiropu peye ñañe mehna ni mehogũ pecapũ waha-tiquina pehe tiquiropu tuhõta. Tiquina pehe quehnoañe buheyere cahmedare. Tiquina sa cahmedagũ Cohãcjũ tiquinane pecapũ waha-tiquinane yũhduosi. Sa ye tiquina ñano yeducuriquiropu ni mehoriquiropu tiquiropu yerire “Ijirota ijjirota”, nieta. <sup>11</sup> Sa yero, quehnoañe buheyere tiquina cahmedari buhiri Cohãcjũ tiquinane wisiagũ yerota. Sa wisiaye ni mehoñene cahmeeta tiquina. <sup>12</sup> Sa yero ijjiptiyequina quehnoañe buheyere tuhõ dueyequinare, ñañe ye coayequinare tiquiropu buhiri dahrerota.

“Cohãcjũ mũsare beseahye tiquiropu yequina ijigũ yero taro”, ni yahuahye Pablo

<sup>13</sup> Mũsa usã acaye, mari puhtoro Jesu tiquiropu cahõna ijjirota mũsa. Duita coã waropũreta mũsare pecapũ wahaborinare tiquiropu yũhduoatinare Cohãcjũ beseahye mũsare. Mũsare beseahye Espĩritu Santo tutuaye mehna tiquiropu yequina ñañe mariena mũsare ijigũ yero taro. Sa

yero quehnoañe buheyere “Ijirota ijjirota”, nianaja mũsa ijigũ ihñano mũsare bese neahye. Tiquiropu sa besenohrina mũsa ijigũ ihñana Cohãcjüre bucuena, “Quehnoare”, niducuaia usã. <sup>14</sup> Quehnoañe buheyere mũsare usã buhegũ Cohãcjũ mũsare beseahye mari puhtoro Jesucristo tiquiropu masa mũjariro sahata mũsa gũhũ masa mũjatire.

<sup>15</sup> Sa yena quehnoano wacũ tutuana ijjiya mũsa. Sa yena usã yahuducuye mehna usã ojoari pũri mehna mũsare usã buherire quehnoano wacũña mũsa. Sa yena ti buheyere yũhducaeracãhña. <sup>16</sup> Mari puhtoro Jesucristo tiquiropu basi, Cohãcjũ mari Pacũ gũhũ marine cahĩne, ijjiptiye decori marine bucuegũ yere. Marine cahĩne, marine pecapũ wahaborinare yũhduoeta. Sa yena Cohãcjũ tiquiropu yũhduoatire quehnoano masina, bucuaja mari. <sup>17</sup> Jesucristo, mari Pacũ mehna mũsare quehnoa dutiropu quehnoano mũsa bucueatire. Sa ye ijjiptiye quehnoañene mũsa yeatire, mũsa quehnoano yahuducuatire Cohãcjüre mũsare sini basaja.

### 3

“Usã ye ijjiatire Cohãcjüre sini basaya”, ni ojoahye Pablo gũhũ

<sup>1</sup> Yojoapũ usã acaye, usã ye ijjiatire Cohãcjüre sini basaya mari puhtoro Jesu ye buheyere peyequina masare usã buheatire. Sa yena tiquiropu ye buheyere mũsa quehnoano cahmediro sahata apequina pehe ti buheyere ño peoye mehna tiquina cahmeatire sini basaya mũsa Cohãcjüre. <sup>2</sup> Ihquẽquinata Jesure wacũ tutuare. Apequina pehe tiquiropu yere tuhõ dueraye, Jesure wacũ tutuare. Sa yena ñañequina masa usãre tiquina ñano ye duagũ Cohãcjüre sini basaya mũsa usãre tiquiropu yedohogũ. <sup>3</sup> Mari puhtoro Jesu tiquiropu ni diro sahata yeriquiropu ijjirota. Sa yero mũsare tiquiropu wacũ tutuagũ yerota. Sa yero watĩno mũsare tiquiropu ñano ye dutigũ Jesu mũsare yedohorota. <sup>4</sup> Cohãcjũ mũsare tiquiropu yedohorire masiaja usã. Sa yena mũsare usã dutiropu sahata mũsa yegũ gũhure masiaja usã. Sa yena sata yeducunata mũsa. Ti gũhure masiaja usã. <sup>5</sup> Cohãcjũ mũsare tiquiropu cahĩñene mũsare masigũ yeahro. Sa yero Cristo yero saha mũsa ñano yũhdupegũta ihcãno saha gũ

yeahro musare mari puhtoro. Sa ihña cãhña musare ñano yevequinare.

*Marine tutuaro dahraro cahmene*

<sup>6</sup> Jesucristo mari puhtoro tiquiro dutiro mehna ohõ saha ni dutinatja musare: Jesu yevequinare dahra duevequinare, usã dutiyere yevevequinare, tiquinare piti ti duhuya. <sup>7</sup> Sohõ ijiri pje musa mehna usã ijigũ tutuaro usã dahragũ ihñari musa. Sa yena usã yeriro saha musa gãhũre dahraro cahmene. Tire quehnoano masine musa. <sup>8</sup> Sa yena musa ihyayere wapa yero marieno ihyeru usã. Sa yena decorure, ñamipũ gãhũre tutuaro dahra usã “Musa ihyayere siniari”, nina. <sup>9</sup> Usã buheri wapa musare wapa ye dutiboaga usã. Sa wapa ye dutiborina ijiepenata wapa ye dutierana, tutuaro dahra usã, usãre musa ihña cãtãre. <sup>10-11</sup> Musa mehna ijina, ohõ saha ni buhei musare: “Dahraeyequina ihyeracãhdo”, ni buhei usã musare. Ihquẽquina musa mehna cãena ne dahra duerañohiti. Sa ye avevequinare ñano quiti yeve, caribo yũhdũañohiti tiquina. Sa yevequina musa mehna tiquina ijigũ ihñana ohõ saha ni ojoaja musare: “Dahraeyequina ihyeracãhdo”, niaja usã. <sup>12</sup> Mari puhtoro Jesucristo tiquiro dutiro mehna dahra duevevequinare ohõ saha niaja: Quehnoano bucuveve mehna dahraahro quehnoano tiquina ijiatire.

<sup>13</sup> Usã acaye, musa pehe quehnoañene yeducuna caributieracãhña. <sup>14</sup> Ihquẽquina to cãena ahrire usã ojoarire yũhdũducaboaga. Tiquina sa yegũ tiquina yerire quehnoano ihñaña. Sa ihñana tiquinare piti ti duhuya tiquina buoro wahatire. <sup>15</sup> Sa piti ti duhuepenata tiquinare ihña tuhtieracãhña. Tiquina musa acaye, Jesu yevevequinata ijire. Tiquina sa ijigũ tiquina yũhdũducãre yahuya tiquinare tire tiquina duhugũ.

*Pablo tiquinare quehnoa duti bato tiahye*

<sup>16</sup> Mari puhtoro Jesu marine quehnoano ijigũ yeriquiro mehna decoripe quehnoano ijiducuya musa. Sa yegũ “Mari puhtoro musa mehna ijipihtina mehna ijiducuahro”, nigũ musare quehnoa dutiaja.

<sup>17</sup> Yũhũ Pablo, yũhũ omoca mehnata yojopũre yũhũ basita ojoa bato tiaja. Sa yegũ musare quehnoa dutiaja. Ijipihtiyeyũhũ ojoari pũrine ohõ saha dihita yũhũ

omoca mehna ojoa bato tiaja yũhũ. Yũhũ ohõ saha dihita yũhũ ojoa bato tigũ ihñana yũhũ ojoari pũ ijigũ masinata musa. <sup>18</sup> Mari puhtoro Jesucristo cahñe mehna tutuaro quehnoa dutiaja musare ijipihtinare.

## 1 Timoteo

*Pablo Timoteore oja ohoahye*

<sup>1</sup> Yuhū Pablo ahrire mūhure Timoteore oja ohoaja. Cohācjū marine pecapū wāhaborinare yūhdūoriqūiro ijire. Jesucristo yere buhe duti tiqūiro cūrigū ijiaja yuhū. Mari Pacū, Jesu mehna tiquina dutiriro sahata tiqūiro cūrigū ijiaja yuhū. Jesuta marine yedohore. Sa yena marine tiqūiro yūhdūoatire masina, tire cohteaja mari. <sup>2</sup> Mūhure Timoteore Jesu yere buhei. Yuhū sa ni buhegū tūhogū Jesure wacū tutua dūcari mūhū. Sa yegū mūhū potota yuhū macū yero saha ijiguta nine. Sa yegū Cohācjū mari Pacū mehna, mari pūhtoro Jesucristo mehna mūhure quehnoa dutiaja. Sa yegū mūhure paja ihñāne tiquina yedohoye mehna quehnoano ijiaja mūhū.

*Pablo ni mehoñe buheyere buhe dutierahye*

<sup>3</sup> Sohō ijiri pjere Macedonia yehpapū wahagū mūhure Efesopū cū yūhdū cān. Topū ihquēquina tiquina ye buheyere ni mehoñe buheyere buheyequina ijiri. Ti buheyere buhe dutieracjūre mūhure cūu yuhū. <sup>4</sup> Tiquina esa tuharo sa buhe macā cāre. Sa ye tiquina acaye panopū cjēna tiquina esa tuharo tiquina buherire sa buheducure. Ti buheye mehna apequina mehna cahme dūse tutuaducure. Cohācjū marine tiqūiro dutirire quehnoano yegū yerare tiquina sa buheye. Cohācjū ye pehere yena tiqūirore wacū tutuaja. Sa yegū tiquina esa tuharo tiquina buherire buhe dutieracjūre cūu mūhure.

<sup>5</sup> Sa cūu mūhure Jesu yequina apequinare “Cahñahdo”, nigū. Nāne buhiri marieno mehna, quehnoañe wacūne mehna, poto Cohācjūre wacū tutuaye mehna apequinare tiquina cahñatire sa cūu mūhure. <sup>6</sup> Ihquēquina ahri quehnoañe buheyere cohā tuhāsa, apeye buheye pehere cahmene. Sa ye ti buheye pehere cahme dūse tutuaye wisia wahare. Ti buheyere tiquina cahme dūse tutuaye ti dūhseati ijierare. <sup>7</sup> Sa ye tiquina Cohācjū dutiyere buheyequina iji duamene. Sa buhe dūepeta ti buheyere tiquina basi quehnoano masiedare. Sa ye ti buheyere masiñequina yero saha buhepeta ti buheyere ne masiedare tiquina.

<sup>8</sup> Cohācjū dutiyere Moise marine tiqūiro cūrire queoro mari buhegū quehnoañe dutiye ijire. Tire mari quehnoano masiaja. <sup>9-10</sup> Ti dutiyere buhena ahrire masino cahmene: Ti dutiye quehnoañequinare tiquina buheati ijierare. Ahriquina pehere tiquina buheati ijire. Dutiyere yūhdūdūcayequinare, Cohācjūre yūhdūdūcayequinare, ñāne dihitare yequequinare, Cohācjūre cahmeeñequinare, tiquina pacosūmūare wejēñequinare, tiquina pacosānumia gūhure wejēñequinare, apequina masare wejēñequinare, wūana tiyequinare, cahme numia mehna tiquina ñano yeriro saha ūmūa sehāro o numia sehāro ijiepetā tiquina pagūri mehna ñano yequequinare, masa tiquina ijiepegūta tiquinare duayequinare, ni mehoñequinare, Cohācjū dutiye Moise marine tiqūiro cūri pehe tiquinare buheati ijire. Sa yero apequina ijipihtiyequinare quehnoañe buheyere yūhdūdūcayequinare buheati ijire Cohācjū dutiye. <sup>11</sup> Quehnoañe buheye pehe quehnoariqūiro Cohācjū tiqūiro ye buheyeta ijire. Ti buheye pehere yūhure Cohācjū buhe dutiri.

*Cohācjū paja ihñāne yahuahye Pablo*

<sup>12</sup> Sa yuhū buhegū Jesucristo mari pūhtoro yūhure tutuayere ohoro, yūhure yedohore. “Pablo buhero, yee buheyere quehnoano buherota”, ni tūhoturi Jesu yūhure. Sa yero yūhure besero tiqūirore yedohoacjūre cūri yūhure. Tiquiro sa yegū “Quehnoare”, niāja yuhū tiqūirore. <sup>13</sup> Panopūre Cristore yuhū ñano yahuducuepegūta, tiqūiro yequinare ñano yuhū yepegūta, tiqūiro yūhure beseri. Sa yegū tiqūirore masiedarīgū tiqūirore ñano yegū “Ñano yei niaga yuhū”, ni tūhotuerū. Yuhū sa masiedagū ihñano tiqūiro paja ihñari yūhure. <sup>14</sup> Sa yero Cohācjū mari pūhtoro yūhure tutuaro cahño, quehnoano yeri yūhure. Sa yero Cristo Jesure wacū tutuagū yeri yūhure tiqūiro. Sa yero apequinare cahīgū yeri yūhure Cohācjū.

<sup>15</sup> Yuhū pehe apequina yūhdūoro ña yūhdūagu ijimi. Nāna mari ijiepegūta Jesucristo ahri yehpapū ahtari jiri ñānequinare pecapū wāhaboriqūinare yūhdūoatiqūiro. Ti ijirota ijire. Tiquiro sa ijiriqūiro ijigū ijipihtiyequina tire masiahdo. <sup>16</sup> Nā yūhdūagu yuhū ijiepegūta tiqūiro yūhure



paja ihñari. Sa paja ihñano Jesucristo usuaro marieno yahure tiqiro quehnoano yerire masigū yero nidi apequinare came tiqirore wacū tutuatiquinare masigū yero taro. Sa wacū tutuatiquina hñmusepū sa ijiducuetā. <sup>17</sup> Cohācjū ijipihtiye decori masa puhtoro ijire. Tiquiro ne yariere. Sa yero mari mehna tiqiro ijiepegūta tiqirore ihñedaja mari. Sa yero tiqiro dihita Cohācjū waro ijire. “Potota quehnoarīqiro, tutuariqiro ijire tiqiro”, niñna mari tiqirore. Ijipihtiye decori tiqirore ño peouhna. Sata yeiñna.

<sup>18</sup> Timoteo yuhū macū yero saha ijire mūhū. Sa yegū yojopure ahrire mūhure dutiaja: Mari acaye Jesu yequina Cohācjū yere yahu mūhtariquina mūhure tiquina ni mūhtarīro sahata mūhure dutiaja. Cristo yere quehnoano yahuducuya. Sa yegū ñano yahdūpegūta tiqirore wacū tutua duhueracāhñna mūhū. <sup>19</sup> Jesure sa wacū tutuaducuya. Ñañe buhiri mariegū ijiya mūhū. Sa yegū quehnoañe dihitare yeya. Ihquēquina tire yeraye, Jesu yere cohāre. Sa cohāñe tiqirore wacū tutua duhuri. <sup>20</sup> Sata yeri Himeneo, Alejandro mehna. “Watīno tiqiro cahmeno sahata yecūnahdo mūhare”, ni cūu tiquinare, Cohācjūre tiquina ñano yahuducu nemoe-daire.

## 2

Cohācjūre sini basayere yahuahye Pablo

<sup>1</sup> Yojopure ohō saha ni duti mūhtaja mūhare: Ijipihtiyequina ye ijiatire Cohācjūre sini basaya. Sa sini basana “Quehnoare. Bucueaja”, niñna Cohācjūre. <sup>2</sup> Puhtoa, apequina masa bui dutiyequina gūhū tiquina ye ijiatī gūhure Cohācjūre sini basaya, cahmequeno marieno Cohācjūre ño peona mari quehnoano ijiatire. Sa sini basana mari quehnoañene yena quehnoano iji masiaja. <sup>3-4</sup> Sata apequina ye ijiatire mari sini basagū quehnoarīne. Tire mari yegū ihñano Cohācjū marine yahduoatiqiro pehe marine quehnoano ihñna bucuere. Ijipihtiyequina pecapū wahaboriquinare tiqiro yahduoriquina ijigū cahmene Cohācjū. Sa yero quehnoañe buheyere tiquina masigū cahmene tiqiro. Sa yero apequina ye ijiatire mari sini basagū bucuere tiqiro. <sup>5</sup> Ihcāquirola ijire Cohācjū. Sa yero Cohācjūre mari ihñna

tuhtigū Cohācjū gūhū marine tiqiro ihñna tuhtigū, marine bosariqiro ihcāquirola ijire. Tiquiro Jesucristota ijire. Jesucristo gūhū masñota ijiri. <sup>6</sup> Sa yero wapamonore wapa ye basaro saha ijipihtina mari ñañe buhirere yariahye. Cohācjū tiqiro queori pjepe tire masare masigū yeri. <sup>7</sup> Tire yahucjūre, Jesu tiqiro cūacjūre Cohācjūre yahure beseri. Sa yero judio masa ijieyequinare Jesure wacū tutuayere, quehnoañe buheyere buheacjūre beseri yahure. Potota mūhare yahugū niaja yuhū. Ni mehoedaja.

<sup>8</sup> Cohācjū yere quehnoano yeyequina, ijipihtiro cjēna pehe Cohācjūre tiquina sinigū cahmeaja. Sa yegū tiquina usuaro marieno, unureno marieno tiqiro mehna tiquina yahuducugū cahmeaja.

<sup>9</sup> Sa yegū numia pehere quehnoañequina numia ye suhti yero saha sañañequina numia ijigū cahmeaja. Sa ye sijoro saha bajuye poari tiquina poarire yeracāhdo. Uru dari busaye darire, perla dari gūhure busaeracāhdo, tiquina umūare “Ihñna ñe pjeari”, niñe. Sa ye wapa bujūye suhtire sañaedacāhdo tiquina Jesu yequina numia. Umūare tutuaro ñe pjege yeracāhdo.

<sup>10</sup> Sa ye tiquina numia quehnoañe pehere yeahro. Sata yero cahmene “Cohācjū yequina numia ijiaja”, niñequina numiare. <sup>11</sup> Dihta marieno ño peoye mehna buheyere tūhoahro tiquina numia. <sup>12-14</sup> Sa yeye numia umūare buheracāhdo. Sa yeye umūare dutieracāhdo. Tiquina numia pehe dihta marieno ijiaho. Adāre Cohācjū ye mūhtahye. Tiquiro bato Evare yeahye. Sa yero watīno ni mehogū tūhoriquiro Adān ijierahye. Tiquiro ni mehogū tūhoricoro pehe Eva ijiahye. Sa tiqiro ni mehogū tūhoro, Cohācjūre yahduducaricoro wahahye ticoro. Sa yeye, numia pehe umūare dutieracāhdo.

<sup>15</sup> Numino iji mūhtaricoro ticoro yahduducepegūta numia tiquina pohna tigū ihñano tiquinare Cohācjū yedohorota. Tiquina numia pohna tiye numia pehe Cohācjūre tiquina wacū tutuaducugū tiqiro yedohorota tiquinare. Sa yero masare, Cohācjū gūhure tiquina cahducugū, quehnoañequina numia tiquina ijiducugū, ñañe marieñequina numia tiquina ijigū Cohācjū tiquinare yedohorota.

## 3

*Jesu yequina puhto* tiquina yeatire yahuahye Pablo

<sup>1</sup> Masa Jesu yequina puhto iji duaye, quehnoañene ye duaye niaga tiquina. Ti ijirota ijire. <sup>2</sup> Jesu yequina puhtoare besegu ohō saha ijiyequinare beseya: Buhiri marieñequinare beseya “Apequina tiquinare ñano ni yahusāri”, nigu. Sa yegu ihquēquina numiare namo tiyequinare, quehnoano tuho masiñequinare, cua pesayequinare, masare quehnoano mehna tiquina ya wuhare sajā ta dutiyequinare, apequinare quehnoano buhe mihniñequinare beseya muhu. <sup>3</sup> Sa besegu queheye marieñequinare, cahmequeñe marieñequinare, masare quehnoano yeyequinare, cahme duse tutueyequinare, niñerure cahñeñequinare beseya muhu. <sup>4</sup> Sa ye muhu beseriquina tiquina pohne, tiquina namosānumia gūhure ño peoye mehna yuhtigū yeyequina ijahro. <sup>5</sup> Tiquinare yuhtigū ye masiedaye Jesu yequina gūhure yuhtigū ye masiedaboaga tiquina.

<sup>6</sup> Jesu yequina puhto iji duayequina Jesu yequina coā sajāñequina ijiye, tiquina puhto iji masiedare. Coā sajāñequinare Jesu yequina puhto masa cūgū tiquina “Quehnoa yuhduana ijiaja”, ni tuhotuboaga. Tiquina sa ni tuhotugū Cohācjū tiquinare buhiri dahre dutirota watīnore tiquiroyero saha. Watīno gūhu sata ni tuhotumahye Cohācjūre yuhduca duaro.

<sup>7</sup> Sa ye Jesu yequina puhto ijiatiquina ohō sahata ijiro cahmene. Jesu yequina ijieyequina tiquina ño peonohñequina ijiro cahmene tiquinare. Quehnoano yeyequina tiquina ijigū ihñañe apequina ño peota tiquinare. Sa quehnoano yeye, watīno cahmeñene wacūno mehna tiquiroyero ye dutigū tiquina pehe watīno cahmeñene yesi. Sa ye masa tiquinare ñano quiti dahresi.

*Jesu yequinare yedohoatiquina tiquina yeatire yahuahye Pablo*

<sup>8</sup> Sa yegu Jesu yequinare yedohoatiquina pehere besegu ohō saha ijiyequinare beseya: Tiquina cua pesaro ijiyequinare, quehnoano potota yahuducyequinare, queheye marieñequinare, apequina yere ni meho ehmeñequinare beseya muhu. <sup>9</sup> Sa yegu ñañe buhiri marieno Cohācjū ye buheyere sa wacū tutuaducyequinare

beseya muhu. <sup>10</sup> Sa yegu Jesu yequinare yedohoatiquina iji duayequinare tiquina yerire ihñañe muhu. Tiquinare muhu sa ihñari bato tiquina pehe buhiri marieñequina ijiye, Jesu yequinare yedohoatiquina sajāhdo tiquina.

<sup>11</sup> Sa yena tiquina namosānumia ohō saha tiquina ijigū cahmeaja mari. Cua pesayequina numia, ñañe quiti marieñequina numia, tuho masiñequina numia, ijipihiyere quehnoañene yeducyequina numia tiquina ijigū cahmeaja mari. <sup>12</sup> Sa yegu Jesu yequinare yedohoatiquinare besegu ihquēquina numiare namo tiyequinare, tiquina pohne apequina tiquina ya wuhū cjēna gūhure quehnoano yuhtigū yeyequinare beseya.

<sup>13</sup> Sa ye muhu beseriquina Jesu yequinare tiquina yedohogū apequina tiquinare quehnoano ihñā bucueta. Sa ye tiquina yedohoyequina pehe quehnoañe buheyere, Jesucristore tiquina wacū tutuaye gūhure cuero marieno buheeta tiquina.

*Cohācjū ye buheyere yahuahye Pablo*

<sup>14-15</sup> Yojoṗure muhu cahapū waha duagu niaja. Sa waha duepegata yojoṗure wahaeranigu ahri rūpū yahu, muhure oja ohogu niaja. Jesu yequina cahmeçoañequina watoa masa yeatire muhure yahu oja ohogu niaja, “Mianore waharisi”, nigu. Jesu yequina Cohācjū catiriquiro yequina ijire. Tiquiro yequina pota ijiye buheyere Cohācjū ye buheyere cūore. Sa cūoye tire buheducure. <sup>16</sup> Ahri ijirota ijire. Marine Cohācjū tiquiroyero buheri, panopū mari quehnoano masiedari quehnoa yuhduaye buheye ijire. Ahri buheye ohō saha ijire:

Tiquiro Cristo mari pagū yero saha pagū tiriquiro masa bahuahye. Quehnoariquiro, ñañe marieniquiro tiquiroyero ijigū ihñori Espiritu Santo pehe. Angele gūhu tiquiroyero ihñari. Sa ye tiquiroyero buhe duti cūriquina pehe apeye yehpari cjēnare tiquiroyero yere yahu buhere. Sa ye ahri yehpapū masa peyequina tiquiroyero wacū tutuari. Came ūhmusepū Cohācjū neari tiquiroyero. Ti ijire quehnoañe buheye.

## 4

*Quehnoañe buheyere cohãriquinare yahuahye Pablo Timoteore*

<sup>1</sup> Espiritu Santo ahrire quehnoano yahure: Pihitiri deco panogã ihquẽquina masa Jesu ye buheyere cohãeta. Sa ye ni meho buheyere watino ye buheyere pehere tũho nũnũeta tiquina. <sup>2</sup> Ti buheyere ni mehoducuyequina yahueta masare. Tiquina ni mehoducuyequina pehe “Ñañe buhiri mariedare usãre”, ni tuhotuyequina ijire. Sa ye tiquina ñañe yeyere “Ñañe ijire”, ni tuhotuerare. <sup>3</sup> Ohõ saha ni buheeta tiquina: “Namo tieracãhña. Ahri ihyayere ihyeracãhña”, ni buheeta tiquina. Tiquina sa ihyã dutierapegũta Cohãcjũ ihyayere bajumehnenõ mari ihyatire quehnoañene cũahye tiqiuro. Mari Cristore wacũ tutuana ijigũ quehnoañe buheyere mari masina ijigũ, mari ye ijiatire ti ihyayere bajumehneahye tiqiuro. Ti ihyayere cwona tiqiurore “Quehnoare”, mari nigũ cahmene tiqiuro. <sup>4</sup> Ijipihtiyẽ Cohãcjũ tiqiuro bajumehnedi quehnoañe ijire. Sa yena tiqiuro bajumehnedi ihyayere nena, Cohãcjũre “Quehnoare”, nina, tire marine cohãedaro cahmene. Tire marine bucue ihyaro cahmene. Sa yegũ apequina tiquina ihyã dutieragũ tuhoeracãhña tiquinare. <sup>5</sup> Tiquiro bajumehnedi quehnoañe ti ijigũ yahu tuhasahye Cohãcjũ. Sa ye tiqiurore “Quehnoare”, mari ni bucueri bato ti ihyaye tiqiuro yeri ihyaye quehnoañe waro ijiro nine.

*Jesucristo cahacjũnore Timoteore quehnoariqiurore yahuahye Pablo*

<sup>6</sup> Ahri yũhũ yahurire Jesu yequinare mari acayere buhegũ Jesucristo cahacjũ quehnoagũ ijire mũhũ. Sa buhegũ quehnoañe buheyere, quehnoano mũhũ tuhorire quehnoano masi pehogũ ijire mũhũ. <sup>7</sup> Sa yegũ tiquina esa tuharo tiquina buherire, Cohãcjũ ye ijieyere tuhoeracãhña. Sa yegũ Cohãcjũ cahmeñe pehere yepogũ ijiya mũhũ. <sup>8</sup> Mũhũ dahrapogũ quehnoa cjũre. Mũhũ dahraporiro yũhũoro Cohãcjũ cahmeñene mũhũ yepogũ quehnoa yũhũare mũhũre. Cohãcjũ cahmeñene yepogũ yojopure quehnoano ijigũta mũhũ. Sa yegũ mũhũ yariari batopũ gũhũre masa mũjagũ quehnoano ijigũta mũhũ. <sup>9</sup> Ti ijirota ijire. Ijipihtiyequina tire

yũhũ nidire masiñequinare “Ijirota ijire”, nino cahmene tiquinare. <sup>10</sup> Ijipihtiyequina tire tiquina niatire Cohãcjũ cahmeñene tiquina yeatire mari tutuaro dahraja. Sa yena ñano yũhũaja mari apequina marine ñano tiquina yegũ. Cohãcjũ catiriqiuro, ijipihtiyequinare pecapũ wahaboriquinare yũhũoriquiro ijire. Tiquirore wacũ tutuayequina pũritare tiqiuro yũhũorota. Sa yena tiqiuro yũhũoatire masina, cohteaja mari. Sa yena Cohãcjũ cahmeñe pehere masa tiquina yeatire tutuaro buhe dahraja mari.

<sup>11</sup> Ti ijipihtiyẽ yũhũ nidire dutiya Jesu yequinare. Sa yegũ tire buheya mũhũ. <sup>12</sup> Wahmũ mũhũ ijigũ ihñañe apequina Jesu yequina mũhũre yũhũduca duaboaga. Tiquina “Sa yeari”, nigũ, ohõ saha ye ihñõña tiquinare. Masare cahñña. Sa yegũ Jesure wacũ tutuaducuya. Sa yegũ buhiri mariegũ ijiya. Wahmũ ijiepegũta mũhũ sa yegũ ihñañe mũhũre yũhũducasi tiquina. Sa ye mũhũ yahuducurire tuhoje, mũhũ yerire ihñañe mũhũre ihñã cũeta. <sup>13</sup> Sa yegũ mũhũ cahapũ yũhũ esato pano Jesu yequinare Cohãcjũ yere tiquina ojoari pũre buhe tuhasa tiquinare sa yahu quehnoducuya. <sup>14</sup> Jesu yequina pũhtoare Cohãcjũ tiqiuro dutigũ tiquina pehe Cohãcjũ yere yahu tuhasa mũhũ bui tiquina omocarine duhu peori. Tiquina sa duhu peogũ Cohãcjũ ye ijiatire mũhũ ye masiatire cũri mũhũre Cohãcjũ. Tiquiro sa cũrre ye duhueracãhña.

<sup>15</sup> Ahri dutiyere sa yeducuya mũhũ. Sa yegũ ahri dutiyere quehnoano masiña. Mũhũ sa yeri bato quehnoañene mũhũ ye nemogũ ijipihtiyequina ihñãeta. <sup>16</sup> Mũhũ pehe quehnoano yeya mũhũ, “Sijoro saha yeari”, nigũ. Sa yegũ quehnoano buheya mũhũ, “Sijoro saha buheari”, nigũ. Sa yegũ mũhũ basita pecapũ wahaborigũ yũhũgũta mũhũ. Sa ye mũhũre tuhoriquina gũhũ pecapũ wahaboriquina yũhũeta.

## 5

*“Apequina Jesu yequinare ohõ saha yeya mũhũ”, niahye Pablo Timoteore*

<sup>1</sup> Ne bucuore tuhtieracãhña. Mũhũ pacure mũhũ quehnoano yeriro sahata bucuore gũhũre quehnoano mehna

yahuya. Sa yegū mūhū bahanare mūhū quehnoano yeriro sahata wahma pĵia gūhure quehnoano ño peoro mehna tiquinare yahuya. <sup>2</sup> Sa yegū mūhū pacore mūhū quehnoano yeriro sahata bucūna numia gūhure quehnoano ño peoye mehna yahuya. Sa yegū mūhū bahana numiare mūhū quehnoano ño peoriro sahata nuhmia gūhure ñano ũe pĵero marieno, quehnoano ño peoye mehna yahuya tiquinare.

<sup>3</sup> Sa yegū wape wiha numiare potota acaye marieñequina numiare ño peoye mehna yedohoya tiquinare. <sup>4</sup> Wape wihoro pohna tiricoro ijigū, o panamena tiricoro ticoro ijigū gūhure ticoro pohne, ticoro panamena gūhū yedohoahro ticorore. Sa yedohoye Cohācĵū masare tiquina acayere tiquiro ye dutiyere yeye nine tiquina. Sa yeye tiquina ticorore wapamonore wapa yeye niaga. Tiquina sa yegū ihñano Cohācĵū quehnoano bucuere. <sup>5</sup> Pejecuoricoro, wape wihoro acaye marienicoro ijiro, Cohācĵū ticorore tiquiro yedohoatire cohtere ticoro. Sa yero ñaminipe, decoripe ticoro Cohācĵūre sa siniducure. <sup>6</sup> Apecoro pehe wape wihoro ñañe mehna bucue duaricoro ijiro ticoro catiricoro ijieperota pecapū waticoro ijire.

<sup>7</sup> Ahri ijipihtiye yahū yahurire Jesu yequina gūhure ye dutiya mūhū, quehnoañe dihitare tiquina yeatire. Tiquina sa yegū ihñañe apequina tiquinare “Nano yeye nine”, ni masiedare. <sup>8</sup> Ihcāquiro tiquiro acayere ihña ihboeraro, tiquiro pohne tiquina pacoro gūhure quehnoano ihña ihboeraro “Jesu yaquiro ijiaja”, ni masiedare. Sa yero Jesure cahmeeñequina yahduoro ña yahduariquiro ijire tiquiro.

<sup>9</sup> Wape wiha numiare yedohonata mūsa. Ohō saha beseya mūsa yedohoatiquina numiare. Tiquina wamene oĵoa ohōati pūpū oĵoagū tagū ohō saha beseya tiquina numiare: Sesenta cūhmari cūericorore ticoro wamene oĵoa ohōedacāhña. Sa yegū wape wihoro ihcāquiroreta manū timediorore ticoro wamene oĵoa ohōña. <sup>10</sup> Sa manū timediquina numiare “Quehnoañene yeyequina numia ijire”, masa tiquina niñequina numiare, tiquina pohne quehnoano masori numiare beseya. Sa yegū tiquina ye wūhūsepū apequinare quehnoano saĵā ta dutiequina numiare,

cahacĵēna yero saha Jesu yequinare yedohoye numiare, tiquina dahpocārine coseri numiare, ñano yahduyequinare yedohoye numiare, quehnoañe dihitare yeye numiare beseya. Tiquina numiare mūsa yedohoati numiare bese tuhasagupū, tiquina wamene oĵoa ohōña mūhū.

<sup>11</sup> Sa ye wape wiha numia nuhmia cĵūno tiquina ijigū tiquina numia pehere beseracāhña. Sa yegū ti pūpū tiquina wamene oĵoa ohōedacāhña. Came tiquina yere tutuaro ye duaye, Cristore cohā, pari turi manū tiboaga. <sup>12</sup> Tiquina Cristore “Mūhū yequinare yedohonatja”, nidiquina numia ijiepetā camepūre tiquina nidiro sahata yedohoeraboaga tiquina. Tiquina sa yedohoerari buhiri buhiri tieta. <sup>13</sup> Tiquina numia ohō saha yere: Dahraeye numia ijipore. Sa ye apequina ye wūhūsepū waha, ñañe quiti dahre, sĵoro saha mari yegū marine sa yahuducure. Sa ye tiquina yahu dutierarire yahu wajare tiquina numia.

<sup>14</sup> Sa yegū tiquina numia ohō saha yegū cahmeaja yahū: Wape wiha numia nuhmia cĵūnogā ijiepe numia manū tiaĵro. Sa ye Jesu yequinare “Ūsāre yedohoya”, nino marieno ijiaĵro tiquina numia. Sa ye tiquina pohna tiaĵro. Sa ye tiquina ye wūhūse cĵēnare quehnoano ihña ihboahro. Mari ye numia wape wiha numia tiquina sa yegū marine ihña tuhtiyequina marine “Ñañene yeye nine”, ni tuhti masiedare. <sup>15</sup> Yoĵopū pūritare ihquē numia wape wiha numia Cristo yere duhu, watino cahmeñe pehere ye tuhasare. Sa yegū sa ni yahūaja mūhure.

<sup>16</sup> Jesu yequina tiquina acayoro wape wihoro ticoro ijigū tiquina ticoro acaye ticorore yedohoahro. Apequina Jesu yequina pehe ticorore yedohoeracāhdo. Sa ye Jesu yequina ticoro acaye cūoricorore yedohoeraye, apequina numia wape wiha numia acaye marieñe numia pehere yedoho masine.

<sup>17</sup> Jesu yequina pūhtoa mū sare tiquina quehnoano buhegū tiquina dahrayere tiquina quehnoano yegū ihñana ño peoya tiquinare. Sa yena quehnoano wapa yeya tiquinare. Ihquēquina tiquina mehna cĵēna Cohācĵū yere yahūyequina mū sare buheyequina gūhū ijire. Tiquina pūritare apequina yahduoro quehnoano ño peoya.

<sup>18</sup> Cohācĵū yere tiquina oĵoari pūpū ohō

saha nine, dahrariquirore tiquina wapa yeatire yahuro: “Wecu trigo pjerire tiqiro dahpocari mehna suhti wegū tiqiro duserore cahmotaeracāhña. Tiquiro cahmeno ihyaahro”, ni ojoahye. Sa yero ape pūpū ohō saha nine: “Dahrariquirore tiqiro dahrari wapare ohoro cahmene”, nine Cohācjū yere tiquina ojoari pūpū. Tiquiro sa nigū tuhona Jesu yequina puhtoare quehnoano ño peoya msa. Sa yena quehnoano wapa yeya tiquinare.

<sup>19</sup> Jesu yequina puhtorore tiqiro ñano yegū ihñano ihcāquirola yahusā masiedare. Puhtorore ñañene yahusātiquina ihtiaro ijiye, tiquirore yahusā masine. Ihtiaro mariedagū puaro yahusā masine. <sup>20</sup> Sa yena ñañene yeducuriquirore ijiphtina msa watoa tiqiro ijigū tiquirore tuhtiya, apequina cueatire, ñañene tiquina yeratire. <sup>21</sup> Sa yegū Cohācjū, Jesucristo, tiqiro beseriquina angele gāhu tiquina ihñonopu ahrire dutiaja mñhure: Yojoṗu mñhure yahu dutirire ye pehoya. Sa yegū ijigū ijiphtiyequinare Jesu yequinare ihcāno saha yeya. Apequirore sijoro saha, apequirore sijoro saha yeracāhña. <sup>22</sup> Apequinare Cohācjū dahrayere mñhu cūatire tiquina bui mñhu omocarine mñhu duhu peoato pano sojaro marieno quehnoano tuho masiñe mehna tiquinare beseya. Tiquina ñañequina ijiboaga. Sa ijiyequinare Cohācjū dahrayere cūedacāhña. Sa cūgu mñhu gāhu mñhu duhu peoyequina tiquina ñañene yero sahata yegū niboaga mñhu. Sa yeracāhña. Sa yegū ñañe mariegū ijiya mñhu.

<sup>23</sup> Usuro waro paa purīnohgu ijire mñhu. Sa yegū yojoṗure aco dihitare sihnimene mñhu. Sa yegū mehenogā vino gāhure sihniña mñhu. Paa purīne co ijire ti.

<sup>24</sup> Ihquēquina tiquina ñañene yegū mari ihñaja. Sa yena Cohācjū tiquinare tiqiro buhiri dahreatire masiaja mari. Apequina pehere tiquina ñañe yerire mari masiedaja. Tiquina ñañe yerire came masinata. <sup>25</sup> Ti ijiro sahata ihquēquina quehnoañene tiquina yegū tire mari masiaja. Apeye tiquina quehnoañe yerire yojoṗure masiedapenata cameṗu masinata mari. Ti quehnoañene nñono basioerare.

## 6

<sup>1</sup> Cahacjēna Jesu yequina pehe tiquina

puhtoare quehnoano ño peoahro. Tiquina sa ño peogū ihñañe apequina Cohācjūre, mari buheye gāhure ñano yahuducu masiedare. <sup>2</sup> Tiquina puhtoa Jesu yequina tiquina ijigū ihñañe tiquina cahacjēna pehe Jesu yequina ijiye, tiquinare ihñapoye ño peoeraboaga. Sa yeraro cahmene. Tiquina puhtoa Jesu yequina tiquina ijigū pūritare tiquina cahacjēna quehnoano ño peoahro tiquinare. Sa ño peoye tiquina cahacjēna pehe Jesu yequinare, tiquina cahñequinare yedohoye nine. Tiquina puhtoare Jesu yequinare yedohoye, Jesure cahmeeñequinare tiquina ño peoriro yuhduoro Jesu yequina pehere ño peoahro tiquina cahñequina ijigū. Ahri yahu yahurire buheya. Sa yegū ahrire dutiya.

Cohācjūre ño peoye gāhure quehnoano ijiye gāhure yahuahye Pablo

<sup>3</sup> Sijoro saha ijiye buheyere buheriquiro mari puhtoro Jesucristo ye buheyere quehnoañe buheyere “Ijirola ijire”, ni tuho duerare. Sa yero mari ye buheyere Cohācjūre ño peoye buheyere cahmedare. <sup>4</sup> Sa yero tiqiro “Masī pehogu ijijaja”, nieperota tire ne masiedare. Sa yero tuho masieniquiro yero saha tutuaro cahme duse tutua duare tiqiro. Sa yero Cohācjū yere sa ni maca cāriquiro ijire. Masa tiqiro yero saha ijiyequina cahme duse tutuaye, tiquina basi cahme ihña cooye, cahme ihña duerare. Sa ye apequinare ñano quiti dahreye, masiedapeta masare ñano ni tuhoture tiquina. <sup>5</sup> Sa ye tiquina ñañe dihitare tuhotuyequina, poto ijiyere ne masieñequina sa cahme duse tutuaducure. Sa ye “Cohācjū yere buhena, niñerure wapatanata mari”, ni tuhoture tiquina.

<sup>6</sup> Mari ye mehenogā mari cuoye mehna bucuena, Cohācjūre ño peona, potota quehnoano ijina niaja mari. <sup>7</sup> Ahri yehpapure masa bajauna ne apee borore ne cāhtaerū mari. Sa yena mari yariari bato wahana, ne apee borore nea masiedaja mari. Sa yena msa yere msa cuoye mehna to punota bucueya. Pajiro cahme nemoedacāhña. <sup>8</sup> Sa yena mari ihyayere mari suhti gāhure cuona apeyere cahme nemoedacāhña. Msa cuoro punota bucueya msa. <sup>9</sup> Doeri cjē opana iji duayequinare watino ñañene tiqiro ye dutigū tiquina pehe peye ñañene

yeducueyquina ijiaboaga. Sa ye tiquina peye tahari tuho masieñequina yero saha apee borore tutuaro cahmeñe, ñañe yeyere duhueraye, tiquina basita ñano yuhdare. Sa duhueraye, pecarᵐ wahaeta tiquina. <sup>10</sup> Niñerure tutuaro cahmeñe, peye ñañene ye ducare masa. Ihquẽquina niñerure cahñe, tutuaro cahmeñe, Jesure wacū tutua duhuye, peye tahari ñano jeripohna tire tiquina.

*Cohācjū yere yena ñañene duhuya*

<sup>11</sup> Mũhũ pūrta Cohācjū yaquiota ijire. Sa yegũ ahri ñañene yeracāhña. Sa yegũ quehnoañe pehere cahmeña. Cohācjū yere yeya. Sa yegũ Jesure wacū tutuaya. Sa yegũ apequinare cahñña. Ñano yuhduepegũta ihcāno sahaya. Sa yegũ sa tũhotu cāhña. <sup>12</sup> Ūhmũsepũ sa ijiducuaçjũre Cohācjū beserĩ mũhũre. Sa yegũ Cohācjũre mũhũ wacū tutuayere peyequina masare quehnoano yahuri mũhũ. Sa yegũ ñano yuhduepegũta tiquire wacū tutua duhueracāhña ūhmũsepũ mũhũ sa ijiducuatire. <sup>13</sup> Cohācjū ijipihtiyequinare catigũ yeriquiro ijire. Ijipihtiyere ijigũ yeriquiro ijire. Sa yero Jesucristo pehe Poncio Pilatore Cohācjū yere quehnoano yahuriquiro ijire. Sa yegũ Cohācjū, Jesucristo gũhũ tiquina ihñonopũ ahrire mũhũre ye dutiitja: <sup>14</sup> Mũhũre tiquire dutirire ye peho cāhña. Jesucristo tiquire tojoa tato pano masa mũhũre ñañene tiquina “Yahusārĩ”, nigũ, tiquire dutirireta yeducuya. <sup>15</sup> Tiquire queoriro sahata Cohācjū Cristore tojoa tagũ yerota. Cohācjū quehnoariquiro, tiquire dihita masare dutiriquiro ijire. Sa yero ijipihtiyequina apequina puhto bui puhtoro ijire tiquire. <sup>16</sup> Sa yero tiquire dihita ne yarieriquiro ijire. Tiquire asi siteye mehna ijiriquiro ijire. Sa ye masa tiquire asi siteye caharũ waha masiedare. Sa yeye tiquire masa ne ihñedari. Sa yeye yojopũ gũhũre tiquire ihñedare. Tiquire pehere ño peouhna. Sa yena “Ijipihtiyede decori tutuariquiro ijire tiquire”, niñhna tiquire. Sata niñhna.

<sup>17</sup> Ahri yehpa çjẽna doeri çjẽ opanare ohõ saha ni dutiya mũhũ: “Apequinare masi yuhdudacaja”, ni tiquina basi tahotueracāhdo. Tiquina doeri çjẽ tiquina cõoye

piehtia waharota. Sa yeye tiquina cõoye dihitare bucueraçāhdo. Cohācjū pehere bucuẽahro. Ijipihtiyepototi mari cahmeñene ohoriquiro ijire tiquire. Tiquire pehere wacū tutuahro tiquina doeri çjẽ opana. <sup>18</sup> Sa yeye tiquina quehnoañe pehere yeahro pajiro quehnoañene yeyequina tiquina ijiatire. Sa yeye tiquina cõorire apequinare ohoahro. <sup>19</sup> Tiquina sa yegũ ūhmũsepũ Cohācjū caharũ tiquina ye ijirota. Topũ tiquina ye ijigũ ne butisi. Sa ye topũ sa ijiducueti tiquina.

*Pablo Timoteore duti bato tiahye*

<sup>20</sup> Timoteo, mũhũre Cohācjū tiquire cõirire tiquire buhe dutirire quehnoano yeya. Boeracāhña mũhũ. Ihquẽquina masa Cohācjũre cahmeeñequina yero saha ni mehoñe, tuho masieñequina ye buheyere yahuducuducure. Sa yahuducuyede “Quehnoano masieñequina ye buheye ijire”, nimene tiquina. Sa tiquina ni buheyere tuho mũhũedacāhña. <sup>21</sup> Ihquẽquina ti buheyere tuho mũhũñequina Cristo yere cohā cāhre. Cohācjū tiquire cahñe mehna mũhũre tutuaro quehnoa dutiaja.

## 2 Timoteo

*Pablo Timoteore pari turi oja ohoahye*

<sup>1</sup>Yũhũ Pablo, ahrire mũhũre Timoteore oja ohoaja. “Ijipihtiyequina Jesucristore wacũ tutuayequina uhmũsepu sa ijiducuetã”, ni, cũri marine Cohãcjũ. Tiquiro sa ni cũrire yahuacjũre yũhũre bese cũri Jesu. Sa cũno Cohãcjũ tiquiro cahmeno sahata yero nidi yũhũre. <sup>2</sup>Mũhũ Timoteo yũhũ cahĩgu ijire. Mũhũre Jesu yere yũhũ buhegũ tuhogu tiquirore quehnoano wacũ tutua dũcarĩ mũhũ. Sa yegu yũhũ macu yero saha ijire mũhũ. Sa yegu Cohãcjũ mari Pacu, mari puhtoro Jesucristo mehna mũhũre quehnoa dutiaja. Sa yeye mũhũre paja ihña, tiquina yedohoye mehna quehnoano ijiya mũhũ.

*Masare Cristo yere tiquina yahurire yahuahye Pablo*

<sup>3</sup>Namĩpu, decoru gũhũre Cohãcjũ mehna yahuducugu mũhũ ye ijiatire sini basagu mũhũ mehna bucueaja. Sa bucuegu Cohãcjũre “Quehnoare”, niaja yũhũ. Panopu cjẽna yũhũ acaye ñaũe buhiri marieno Cohãcjũ yere tiquina yeriro sahata yũhũ gũhũ yojopũre tiquiro yere yeaja. <sup>4</sup>Sohõ ijiri pjere yũhũ wahagũ mũhũ uti nũnũ tãe tirire wacũgu mũhũre tutuaro ihña duaja, mũhũ mehna quehnoano bucue duagu. <sup>5</sup>Sa yegu Jesure potota mũhũ wacũ tutuarire wacũaja yũhũ. Mũhũ ñeco, Loida, mũhũ paco Eunice gũhũ mũhũ yero sahata Jesure wacũ tutua mũhtari mũhũ pano. Sa yegu yojopũre mũhũ gũhũ tiquirore mũhũ wacũ tutuagũ quehnoano masiaja yũhũ.

<sup>6</sup>Sa yegu ahrire mũhũre wacũgũ ye duaja. Mũhũ bui yũhũ omocarine yũhũ duhu peogũ Cohãcjũ yere mũhũ yeatire tutuayere ohori mũhũre. Ti tutuaye mehna ye nemoña mũhũ. <sup>7</sup>Cohãcjũ marine tiquiro yaquiro Espĩritu Santore ohori. Sa yero masare marine cueragũ yere Espĩritu Santo. Sa yero tutuana, masare cahĩna, tuho masina marine ijigũ yere tiquiro. <sup>8</sup>Sa yegu mari puhtoro ye ijiatire apequinare yahugu, bue tieracãhña mũhũ. Yũhũ tiquiro yere yũhũ yeri buhiri peresupu ijigu niaja. Peresupu yũhũ ijigũ yũhũre bue tisãedacãhña mũhũ. Sa yegu

quehnoañe buheyere mũhũ buheri buhiri ñano yũhdũgu “Quehnoanota”, niña mũhũ gũhũ. Mũhũ sa ñano yũhdũgũ Cohãcjũ mũhũre yedohorota. <sup>9</sup>Cohãcjũ pehe marine pecapu wahaborinare yũhdũori. Sa yero quehnoana, tiquiro yequina ijianare tiquiro beseahye marine. Mari quehnoano yeye mehna tiquirore marine besegũ yeru. Tiquiro esa tuharo tiquiro cahmediro sahata yero ahri yehpare tiquiro bajumehneato pano marine cahĩno, tiquiro marine beseahye. Marine sa cahĩno marine yũhdũoatiqirore Jesucristore ohoahye Cohãcjũ. <sup>10</sup>Yojopũre Jesucristore marine yũhdũoatiqirore ohoro, marine potota tiquiro cahĩnene masigũ yero niahye Cohãcjũ. Jesu marine tiquiro yequinare pecapu wahaeragũ yeri. Sa yero “Yũhũre wacũ tutuana Cohãcjũ mehna sa ijiducunata”, nino, quehnoañe buheyere marine yahuro ahtahye tiquiro.

<sup>11</sup>Ti buheyere quehnoañe buheyere yahuacjũre tiquiro cũacjũre beseri yũhũre.

<sup>12</sup>Sa tiquiro beserigu ijigu yojopũre ñano yũhdũaja yũhũ. Ohõ saha ñano yũhdũepẽgũta yũhũ bue tieraja. Yũhũ wacũ tutuariqirore Jesure masiaja yũhũ. Tutuariqiro ijire tiquiro. Sa yero yũhũre tiquiro yere buhe duti cũno quehnoano yedohorota. Sa yero ahri yehparu tiquiro tojoa tato pano, “Mũhũre yũhdũogũtja”, tiquiro nidiro sahata sohtori tirota yũhũre. Yũhũre yũhdũorota tiquiro. Tire quehnoano masiaja.

<sup>13</sup>Mũhũre quehnoano yũhũ yahurire ye pehoya. Cristo Jesu yequina ijina tiquirore quehnoano wacũ tutuaja mari. Sa yena apequinare quehnoano cahĩaja. Sa yegu tiquirore sa wacũ tutuaducuya mũhũ. Apequinare quehnoano cahĩducuya. <sup>14</sup>Sa yegu Espĩritu Santo mari mehna ijiriqiro tiquiro yedohoro mehna quehnoañe buheyere quehnoano yeya. Queoro buheya.

<sup>15</sup>Ijipihtiyequina Asia yehpa cjẽna Jesu yequina yũhũre yedoho dueraye, cohã cãa wahari. Tiquina mehna cjẽna puaro Figelo, Hermõgene sata yeri tiquina gũhũ. Tiquina sa cohã cãrĩre masi tuharsare mũhũ. <sup>16-17</sup>Tiquina sa cohãepẽgũta Onesiforo pehe peye tahari yũhũre yedohoro quehnoano jeri sajãgũ yeri. Sa yero yũhũ peresupu

ijigū tiqiro yuhure bue tisædari. Sa yero yuhū Romapū ijigū sa macaducuri jiri yuhure. Sa macaducuro yuhure bocari. Sa yero tiqiro pohnene, tiquina pacoro gāhure paja ihñanota Jesu mari puhtoro. Tiquirore sa paja ihña dutigu tiqirore sini basaja. <sup>18</sup> Sa yero ahri yehpapū Jesu mari puhtoro tiqiro tojoa tati deco tiqirore paja ihñanota. Tiquirore sa paja ihña dutigu tiqirore sini basaja. Efe-sopū marine Onesiforo tiqiro yedohorire quehnoano masine mūhū.

## 2

Ñano yuhdūepenata Jesu yequina ijina ihcāno saharo cahmene marine

<sup>1</sup> Mūhū pehe yuhū macū yero saha ijigū, Jesucristo yedohoro mehna tiqirore wacū tutuaducuya. <sup>2</sup> Sa yegū peyequina masare yuhū buherire mūhū tuhore apequina gāhure buheya mūhū. Tiquina mūhū buheyequina Cohācjū yere yeducyequina ijiahro. Sa ye apequinare buhe masiñe-quina ijiahro.

<sup>3</sup> Surara ñano yuhdūeperota tiqiro ihcāno saharo saha mūhū gūhū Jesu yaqiro ijigū ñano yuhdūgū, ihcāno sahaya mūhū. Sa yegū apequina Jesu yequina yero saha yegū nine mūhū. <sup>4</sup> Surara tiqiro puhtoro dutiye pehere yere. Sa yero tiqiro surara ijieyequina yero saha ihyo ijiyere yerare tiqiro. Mūhū gūhū sata Cohācjū dutiye dihitarē yeya. <sup>5</sup> Omariqiro oma dutiyequina tiquina dutiyere queoro yeraro, tiqiro oma yuhdūdcari wapare ne masiedare. (Sa yegū omariqiro ti dutiyere queoro tiqiro yero saha Cohācjū dutiyere quehnoano ye pehoya mūhū.) <sup>6</sup> Sa yero wese dahrariqiro quehnoano dahrariqiro pehe apequina pano quehnoano wapatare. (Sa yegū mūhū gūhū tiqiro yero saha quehnoano dahraya mūhū.) <sup>7</sup> Ijipihtiyere quehnoano masigū yerota Jesu mari puhtoro mūhūre. Sa yegū yojopure mūhūre yuhū nidire quehnoano wacū tuhutuya.

<sup>8</sup> Sa yegū Jesucristore wacūña. Tiquiro puhtoro Davi mūnano panopū cjūno tiqiro panamino iji turariqiro ijiahye. Sa yero yariaro masa mūjahye tiqiro. Quehnoañe buheyere buhegū tiqiro sa waharireta buhegū niaga. <sup>9</sup> Tiquiro yere

buhegū ñano yuhdūaja yuhū. Sa yegū tire yuhū buheri buhiri ñañene yeriqiro yero saha peresupū ijajaja yuhū. Yuhū sa ijiepegūta Cohācjū ye yahuducuyere buhe duhugū ye masiedare masa yuhure. <sup>10</sup> Sa yegū Cohācjū beseriquinare buhegū peye tahari ñano yuhdūaja yuhū, tiquina gūhū Jesucristo yequina tiquina ijiatire. Tiquiro yequina ijieye tiquina pecapū wahaboriquina pehe tiqiro yuhdūoatiquina ijietā. Sa ye tiquina Cohācjū mehna sa ijiducuetā.

<sup>11</sup> Ahri yuhū niati ijirota ijire. Cristo yere mari yeri buhiri apequina marine tiquina wejēgū tiqiro mehna mh-mūsepu sa ijiducunata.

<sup>12</sup> Sa yena tiqiro yere mari yeri buhiri ñano yuhdūepenata ihcāno sahana tiqiro puhtoro ijiropure tiqiro mehna puhtoata ijinata mari gūhū.

<sup>13</sup> “Cristore usā masiedaja”, mari nigū, tiqiro gūhū marine sata ninota. Tiquirore mari yuhdūdcagū ihñano tiqiro nidiro sahata marine buhiri dahrerota. Tiquiro nidiro sahata yeriqiro ijire tiqiro. Ne ni mehoedare. Ahri ijipihtiyē tiqiro yahuri ijirota ijire.

Cohācjū tiqiro ihña coayequinare, tiqiro yere buheyequinare yahuahye Pablo Timoteore

<sup>14</sup> Ahri yuhū yojopū yahuatire mūhū mehna cjēnare wacūgū yeya. Tiquina esa tuharo ihyo ijiyere tiquina yahuducuye dahseati ijierare. Sa yeye tiquinare tuhoriquinare ñano yegū yere. Sa yegū mari puhtoro ihñonopū ohō saha ni yahuya tiquina esa tuharo buheriquinare. “Mūsa yahuducuro saha yahuducueracāhñā”, niña tiquinare.

<sup>15</sup> Mūhū pehe Cohācjū yere quehnoano buheya. Sa yegū Cohācjū yere tutuaro yeya. Mūhū sa yegū ihñano “Quehnoano yeri mūhū”, ninota Cohācjū mūhūre. Sa yegū mūhū buherire tiqiro ihñagū bue tisi mūhū. Sa yegū tiqiro ye buheyere quehnoano masiña. Sa yegū tire queoro buheya. <sup>16</sup> Tiquina esa tuharo yahuducye-quina ñañene sa yeducure. Sa yegū tiquina sa ni yahuducuyere tuho yabiya mūhū. <sup>17</sup> Tiquina pehe tiquina yahuducuye camino ahba mūjano yero saha ijire. Camino ahba



mujano saha tiquina yahuducuye gāhu apequina Jesu yequinare ñañequina wahagū yeeta. Sa yahuducuyequina mehna cjēna Himeneo, Fileto gāhu ijire. <sup>18</sup> Sa yeye tiquina “Jesu yequina masa maja tuhasari”, ni buheye, quehnoañe buheyere duhu cāri tiquina. Sa sijoro saha buheye, meheñequinagā Jesu yequinare tiqiurore wacū tutua duhugū yeri tiquina. <sup>19</sup> Tiquina sa ñano buhepegūta Cohācjū ye buheye pehe ne comesaerare. Ohō saha nine tiqiurore ye buheye: “Mari puhtoro Jesu tiqiurore yequinare masine. Sa ye, ijiphiyequina ‘Jesu yequina ijijaja’, niñequina ñañene duhu cāhdo”, ni yahure Cohācjū ye buheye.

<sup>20</sup> Mari queoye mehna buhegū masa sihniñe pari yero saha ijire. Pajiri wuhupū uru, plata mehna tiquina yeri pari ijire. Sa yero ti wuhupū apeye pari yucugū mehna, dihi mehna tiquina yeri pari ijire. Uru, plata mehna tiquina yeri pari quehnoañene tiquina pose yeati ijire. Apeye pari ihyo ijijere tiquina pose yeati ijire. <sup>21</sup> Sa yero ñañene yerariqiuro uru pa quehnoari pa yero saha ijirota. Sa yero tiqiurore pehe Jesu ye dihitare yeducuriqiuro ijirota. Sa yero wuhū cjūno quehnoari pa mehna quehnoañene tiqiurore yeriro saha, ñañene yerariqiuro Jesu ye ijiatire quehnoañene yerota.

<sup>22</sup> Wahmū ijire mūhū. Sa yegū wahma pija ñañene tiquina tutuaro ye duaro sahata yeracāhña mūhū. Sa yegū quehnoañene yeya. Jesure wacū tutuaducuya. Sa yegū tiqiurore, masa gāhure cahñña. Sa yegū mūhū mehna cjēna Jesu yequina mehna ijigū cahmequeno marieno quehnoano ijija mūhū. Sa yeya mūhū Cohācjūre yahtiyequina tiqiurore siniducuyequina mehna ijigū. <sup>23</sup> Sa yegū tuhoturo marieno tiquina cahme yahuducuyere mūhū gāhu tuho nunedacāhña. Sa yegū mūhū gāhu sa cahme yahuducueracāhña. Sa ni yahuducuye masa tiquina basi cahme tuhti, usuare. <sup>24</sup> Cohācjū cahacjūno ihcāquiuro ijiro, cahme tuhtieraro cahmene tiqiurore. Sa yero ijiphiyequinare quehnoano yeriqiuro, buhe mihnidiquiro, duita useriqiuro ijiro cahmene tiqiurore. <sup>25</sup> Sa yero apequina tiqiurore mehna tiquina cahme tuhtigā tiqiurore tiquinare yahuro, quehnoano mehna usuaro marieno

yahuro cahmene tiqiurore. Tiquiro sa yahugū ihñañe Cohācjū yedohoye mehna tiquina pehe tiquina ñañe yerire bujua witiboaga. Sa ye quehnoañe buheyere masi dācaboaga. <sup>26</sup> Tiquinare watino cūmedi tiqiurore cahmeñene yeatiquinare. Sa ye tiquina ñañe yerire bujua witiri bato quehnoañe buheyere masiñe, watinore cohā cāeta.

### 3

*Pihtiati deco ijiatire yahuahye Pablo Timoteore*

<sup>1</sup> Pihtiati deco panogāre ñano yuhdueta masa. Tire quehnoano masiñña mūhū. <sup>2</sup> Ti pjere masa apequinare wacū peoyequina, niñerure cahme yuhduducayequina, “Apequinare masi yuhduducaya”, ni tiquina basi tuhotuyequina, masare ñano tuhtiyequina, tiquina pacusmūare yuhduducayequina, tiquina ohoepēgūta “Quehnoare”, nieñequina, Cohācjūre ño peoyequina ijijeta. <sup>3-4</sup> Sa ye masare cahñequina, paja ihñequina, ñañe quti dahreyequina, tiquina esa tuhoro ñano yeducuyequina, masare sa quēducuyequina, quehnoañene yabiyequina, tiquina mehna cjēnare ñano yeyequina, tuho masieñequina, “Masi pehoaja”, ni tuhotuyequina ijijeta masa. Sa ye ñañene cahme yuhduducayequina ijijye, Cohācjū pehere cahmeeñequina ijijeta. <sup>5</sup> Sa ye tiquina masa ihñonopū Cohācjūre ño peopeta “Cohācjū ihyo ijiriquiro ijire”, ni tuhotumene tiquina.

Sa niñequinare piti tieracāhña mūhū. <sup>6</sup> Tiquina mehna cjēna tuho masieñequina numia ye wuhūsepu sajā, tiquina numiare ni mehoñene buhere. Tiquina numia pehe sa ñañene yeducuyequina numia, tutuaro ñañene ye duare. <sup>7</sup> Tiquina numia sa bueducuye ihyo ijijye buheyere, sijoro saha ijijye buheyere tuhoye numia ijijye, Cohācjū ye buheye pehere ne masiedare. <sup>8</sup> Panopū Jane, Jambre yayia mūna Moisere tiquina ihñña tuhtiroro sahata pihtiati deco panogā ijijeyequina masa quehnoañe buheye pehere ihñña tuhtietia. Tiquina ñañe dihitare tuhotuyequina ijijeta. Sa ye Jesure wacū tutuayequina waro ijierare. <sup>9</sup> Sa yeyequina tiquina ni mehoñene tuho duasi apequina pehe. Came tiquina ni mehoñene, tuho masieñequina tiquina ijijye gāhure ijiphiyequina masieta. Jane, Jambre mehna

tiquina ni mehoñene panopu masa tiquina masidiro sahata sata masieta pihtiati deco panogã ni mehoñequina tiquina ijiyere.

*Pablo Timoteore duti bato tiahye*

<sup>10</sup> Yuhu buheyere, yuhu yee tirire, yuhu ijiye tiyere, yuhu ye duayere, Jesure yahu wacū tutuayere masine muhu. Sa yegu usuaro marieno yuhu yerire, masare yuhu cahñene, ñano yuhdupeguta yuhu ihcãno saharire masine muhu. <sup>11</sup> Sa yegu yuhure tiquina ñano yerire, yuhu ñano yuhdurire masine muhu. Sa yegu Antioquíaru, Iconiuru, Listraru, yuhure ña yuhduaro tiquina yerire masine muhu. Yuhu sa wahagū ihñano mari puhtoro Jesu pehe yuhure yedohori. <sup>12</sup> Ijipihtiyequina Jesucristo yequina tiquina iji duagū Cohãcjũ dutiriro sahata tiquina yeducu duagū apequina tiquinare ñano yeeta. Ti ijirota ijire. <sup>13</sup> Sa ye ñañequina pehe ni mehoñequina gũhu ña yuhduayequina wahaeta. Apequinare ni mehoñe, tiquina basi ni mehoñene "Sa tjire", niñe, ña yuhduayequina wahaeta.

<sup>14</sup> Muhu pehe muhure yuhu buherire, quehnoano muhu tuhore sa wacūducuya. Sa yegu yuhu buheriro sahata yeya. Muhure buheriquinare masine muhu. <sup>15</sup> Muhu nijigu ijiguputa Cohãcjũ yere tiquina ojoari pũre masi dachahye muhu. Tiquiro yere tiquina ojoari pũpu ohõ saha ni yahure muhure: Jesucristore wacū tutuayequina dihitare pecaru wahaboriquinare yuhduore Cohãcjũ. <sup>16</sup> Cohãcjũ yere tiquina ojoari pũpu ijipihtiyere Cohãcjũ pehe oja dutiahye. Sa yena ti pũre buhena mari masi nemoaja. Ti pũre buhena Cohãcjũ dutiyere mari yeatire masiaja. Sa buhena mari ñañe yerire "Ahri ñañe ijire", ni tuhotuaja mari. Sa yero ti pũ marine quehnoañe pehere comesa dutire. Sa yero decoripe quehnoañene mari yeducuatire yahure ti pũ. <sup>17</sup> Sa yero Cohãcjũ yaquiro tiquiro ya pũre buhero, masi pehorota. Sa masino ijipihtiyere quehnoañene ye masinota tiquiro.

#### 4

<sup>1</sup> Jesucristo ijipihtiyequina puhtoro, tojoa tatiqiro, catiyequinare, yariariquina gũhure buhiri dahre dutiatiquiro tiquiro ihñonopu muhure ohõ saha ni yahutja. Cohãcjũ ihñonopu gũhure ohõ saha ni yahutja

muhure: <sup>2</sup> Decoripe masa tiquina tuho duagū tiquina tuho dueragū gũhure Cohãcjũ yere yahuya. Sa yahugu masa tiquina ñañe yerire masigū yeya tiquinare. Sa yegu tiquina ñañe yerire "Ye nemoedacãhña", ni yahuya tiquinare. Quehnoañe pehere ye dutiya. Sa buhegu ne usuegu, caributieracãhña muhu. Sa yegu ne apequinare buhe duhueracãhña. <sup>3-4</sup> Caperu masa quehnoañe buheyere tuho duasi. Sa tuho dueraye, tiquina cahmeno sahata yeye, tiquina tuho coaye dihitare buheyequinare cahmeeta tiquina. Sa ye ni mehoñe buheyere peyequina buheyequinare cuoeta. Tiquina sa yeye quehnoañe buheye pehere cohã, tiquina sa buhe maca cãrire tuho nuneta. Sa yegu quehnoañe buheyere buhe duhueracãhña muhu. <sup>5</sup> Muhu gũhu sa ijigu decoripe tuho masigu ijiya. Sa yegu ñano yuhdupeguta ihcãno sahaya. Sa yegu quehnoañe buheyere sa buheducuya. Cohãcjũ muhure tiquiro ye dutirire ye peho cãhña muhu.

<sup>6</sup> Yuhu Cohãcjũ yere yuhu yeri buhiri yuhu yariato mehenogã duhsare. Sa yegu meheñe decorigã catiniitja. <sup>7</sup> Yuhu yariato panogã ahrire yahutja: Jesu quehnoañe buheyere yuhure buhe dutiro tiquiro cũrire quehnoano buhe sohtori tii. Tiquiro ye dutiyere quehnoano ye pehou. Sa yegu ñano yuhdupeguta tiquirore ne wacū tutu duhueru. <sup>8</sup> Yojopure quehnoañene yuhu yeri wapare ahmuseru ihboro niga. Sa yero mari puhtoro, ijipihtiyequinare masi pehoriquiro, buhiri dahre dutiro queoro yahuriquiro tiquiro tojoa tati deco tiquiro yere yuhu yeri wapare ohorota yuhure. Apequina gũhure tiquiro tojoa tatire cohteyequinare tiquirore cahñequinare tiquiro yere tiquina yeri wapare ohorota Jesu.

*Pablo yahu nemoahye Timoteore*

<sup>9</sup> Yuhu caharu umañano ihñagu ahtaya muhu. <sup>10</sup> Dema ahri yehpa cjẽ ijipihtiyere tutuaro cahmeno yuhure yedoho dueraro cohã cãa wahari Tesalónicaru. Crescente gũhu Galacia yehparu wahari. Sa yero Tito gũhu Dalmaciaru wahari. <sup>11</sup> Luca dihita yuhu mehna ijire. Marco yuhure quehnoano yedohoatiqiro ijire. Sa yegu tiquirore ne cãhtaya muhu. <sup>12</sup> Sa yegu Tiquicore Efesoru ohou. <sup>13</sup> Ohõru ahtagu,

yuhū bui sañari suhtirore, Troapū Carpo ya wuhūpū yuhū cūri suhtirore ne cāhtaya. Sa ye sohō ijiri tunuri ojoari tunuri gāhure ne cāhtaya. Sohō ijiri cahseri ojoari cahseri pūritare tutuaro cahmeaja yuhū. Sa yegu ti cahseri gāhure ne cāhtaya.

<sup>14</sup> Alejandro comene dahrariquiro yuhūre ña yuhūaro yeri. Sa yero tiquiro sa yeri buhiri Cohācǰū buhiri dahrerota. <sup>15</sup> Tiquiro Alejandro mari ye buheyere tutuaro ihña tuhtiri. Sa yegu tiquiro musare “Ñano yeari” nigu, tiquirore ihñagu, quehnoano wacū masiña.

<sup>16</sup> Masare beseriquirore peresupu ye dutiriquirore yuhū yerire, yuhū buherire tiquirore yuhū coā yahugā ne ihcāquiro boro Jesu yaquiro yuhūre yedohoerari. Ijipihtiyequina yuhūre yedohoeraye, cohā cāa wahari. Tiquina sa cohāepēgūta yuhūre tiquina cohāri buhiri Cohācǰū buhiri dahreracāhdo. <sup>17</sup> Yuhū sa wahaepēgūta Cohācǰū yuhūre yedohori. Sa yero tiquiro ye buheyere yuhū quehnoano yahuatire tiquiro ye tutuayere ohori yuhūre, ijipihtiyequina judío masa ijieyequina ti buheyere tiquina tuhoatire. Sa yero yuhūre tiquina ñano tiquina ye duepēgūta yuhūre tiquina ñano yeborigure yedohori mari puhtoro. <sup>18</sup> Ijipihtiyequina yuhūre ñano yeyequinare yuhūduducaro, yuhūre yedohorota mari puhtoro. Sa yero uhmusepū tiquiro puhtoro ijiropū yuhūre iji dutiro, yuhūre yuhūorota tiquiro. Sa yena “Tiquiro quehnoa yuhūariquiro, tutua yuhūariquiro ijire”, niihna mari ijipihtiyē decori. Sata niihna.

*Pablo quehnoa dutiahye Timoteo cahapū ijieyequinare*

<sup>19</sup> Prisca, Aquila, Onesíforo ya wuhū cjēna gāhū quehnoahdo. <sup>20</sup> Erasto Corintopū tojoari. Trófimo Miletopū dohatia wahari. Sa yegu tiquirore topū cūu yuhū. <sup>21</sup> Pohero pano umñano ahtaya mūhū. Eubulo, Pudente, Lino, Claudia gāhū, ijipihtiyequina Jesu yequina mūhūre quehnoa dutire.

<sup>22</sup> Mari puhtoro Jesucristo mūhū mehna ijirota. Sa yegu musare ijipihtinare Cohācǰū mehna pajiro quehnoa dutiaja.

## Tito

*Pablo Titore oja ohoahye*

<sup>1</sup>Yuhñ Pablo Cohãcjũ cahãcjũ, Jesucristo yere tiqiro buhe duti cûrigũ ijiãja. Cohãcjũ beseriquina Jesure tiquina wacũ tuatire quehnoañe buheyere tiquina masiatire Jesu buhe dutiro yuhñre cûri. Ti buheye Cohãcjũ dutiro saha mari yeatire yahure. <sup>2</sup>Sa yegũ ijiphiytye decori Cohãcjũ yequina ãhmusepũ tiquina ijiducuati gũhure buheaja tiquinare. Cohãcjũ ne ni mehoñe marieniquiro ahri yehpare tiqiro bajumehneato pano ohõ saha ni cũahye marine: “Ûhmusepũ sa ijiducunata masa”, ni cũahye marine. <sup>3</sup>Sa yero tiqiro queori pje Cohãcjũ tiqiro ni cûrre yahu dutiri masare. Sata yuhñre ni yahu dutiri tiqiro. Marine pecapũ wahaborinare yuhñdũriqiro ijire. <sup>4</sup>Muhñre Titore Jesu yere buhei. Yuhñ sa buhegũ tuhõgũ Jesure wacũ tutua dũcari muhñ. Sa yegũ muhñ potota yuhñ macu yero saha ijiguta nine. Muhñre ahrire ojoagũ niãja. Sa yegũ Cohãcjũ mari Pacũ mehna, Jesucristo marine yuhñdũriqiro mehna muhñre quehnoa dutiaja. Sa ye paja ihñañe, muhñre tiquina yedohoye mehna quehnoano ijiya muhñ.

*Creta wame tiri nũcnopũ* Tito tiqiro yeatire yahuahye Pablo

<sup>5</sup>Creta wame tiri nũcnopũ muhñre yuhñ cũgũ Jesu yequina tiquina buheati dũhsarĩdi ti pjere. Sa yegũ tiquina yeatire yahuyacjũre cũgũ niĩ yuhñ muhñre. Sa yegũ macaripe cjẽna Jesu yequina pũtoa ijiatiquinare bese dutigũ cũgũ niĩ muhñre. <sup>6-8</sup>Tiquina pũtoa Cohãcjũ cahãcjẽna ijire. Sa yegũ tiquinare besegũ quehnoañequinare beseya sijoro saha yeeyequinare. Sa yegũ ihquẽquina numiaretã namo tiyequinare, “Apequinare masi yuhñdũcãja”, ni tuhõtyeyequinare, usueyequinare, queheye marieñequinare, cahmequeñe marieñequinare, apequina yere ni meho ehmeñequinare beseya. Sa besegũ tiquina wuhñsepũ sajã sayequinare quehnoano ihña ihboyequinare, quehnoañe pehere quehnoano bucueyequinare, tuhõ masiñequinare, quehnoañene yeducueyequinare, ñañe

marieñequinare, ñañene yeeyequinare, niiji siaro marieno dahrayequinare, quehnoañene yeducueyequinare beseya. Sa ye muhñ beseatiquina pohñene ohõ saha ijiyequina ijiro cahmene: Jesure wacũ tutuayequina, quehnoano yeducueyequina, ijiphiytyequinare quehnoano yuhñtyequina ijiro cahmene pũtoa pohñene. <sup>9-10</sup>Sa ye quehnoañe buheyere queoro mari buheducurro saha ne duhueyequina ijiãhro pũtoa muhñ beseatiquina. Sa ye tiquina quehnoañe buheyere yahueyequina ijiãta. Sa ye quehnoañe buheyere ihña tuhtyeyequinare buheye, tiquina ye ni mehoñe ijigũ masigũ yeeta tiquina. Sa yegũ quehnoano beseya Jesu yequina pũtoa ijiatiquinare.

Peyequina tiquina pũtoare yuhñdũdcayequina, quehnoano tuhõtu yahuducueyequina, ni mehoñequina ijire yojopũre. Sa yeeyequina judio masa pũrita ña yuhñdũaro ye ye nine. Tiquina ye buheye potõ ijieragũ tiquinare masigũ yero cahmene. <sup>11</sup>Tiquina judio masa pehe niñerure wapata dua, buhere. Sa yeraro cahmene. Sa buheye ihquẽ wuhñse cjẽnare ijiphiytyequinare Cohãcjũ ye pehere cohãgũ ye ye niãga tiquinare. Tiquina sa yegũ tiquinare sa ye dutieraro cahmene.

<sup>12</sup>Tiquina yere panopũ yahuriqiro ti nũcno cjẽno ijieperõta ohõ saha ni yahuahye: “Creta nũcno cjẽna sa ni mehõducueyequina ijire. Ti nũcno cjẽna wahiquina yero saha usuayequina ijire. Sa ye sa ihyaducueyequina ijiye ne dahra duerare”, niahye tiqiro, tiqiro ya nũcno cjẽnare. <sup>13</sup>Tiqiro sa niñe ijirota ijire. Tiquina sa ijigũ ihñagũ tiquinare tutuaro tuhtya Jesu ye buheye pehere quehnoano tiquina masiatire. <sup>14</sup>Sa yegũ judio masa panopũ cjẽna tiquina esa tuhõro tiquina ni macã cãrre, Jesu yere cahmeeñequina tiquina dutiye gũhure Creta cjẽna tiquina tuhõ nũnũdatire tuhtya tiquinare.

<sup>15</sup>Buhiri marieñequina quehnoañe dihitare tuhõture. Ñañene yeducueyequina, Jesure wacũ tutueyequina pehe ñañe dihitare tuhõture. Tiquina tuhõtyepũre ña yuhñdũare. Sa ye quehnoañe pehere bese masiedare. <sup>16</sup>Tiquina “Cohãcjũre masiaja usã”, niepeta, ñañene yere. Sa yeeyequina tiquina ijigũ ihñana Cohãcjũre masieñe-

quina tiquina ijigū masiaja mari. Sa ye tiquina ña yuhduayequina, Cohācjū yere yuhduducayequina ijire. Sa ye tiquina quehnoañene ye masiedare.

## 2

*Quehnoañe buheyere queoro yahu duti-  
ahye Pablo Titore*

<sup>1</sup>Muhū pehe buhegu, quehnoañe buheye ti nidiro sahata quehnoano buheya. <sup>2</sup>Bucūnare ohō saha ni yahuya: Cua pesayequina, masa ño peonohñequina, tūho masiñequina, Jesure quehnoano wacū tutuayequina, quehnoañe buheyere quehnoano yeyequina, Jesure masa gūhure cahñequina, ñano yuhdūepeta ihcāno sahayequina ijiahro tiquina. <sup>3</sup>Bucūna numia gūhure sata ni yahuya: Cua pesaye numia, ñañe quitī dahreraye numia, queheraye numia ijiahro tiquina numia gūhū. Sa yeye numia ijiye, quehnoañene buheahro apequna numiare. <sup>4</sup>Apequna numiare ohō saha ni buheahro bucūna numia: Tiquina manusumūare, tiquina pohne gūhure cahiahdo. <sup>5</sup>Sa yeye tiquina tūho masiñe numia, apequna umūa mehna ñano yeraye numia, ihcā wuhū cjēna ijiyequinare quehnoano ihña ihboye numia, masa quehnoañe numia, tiquina manusumūare quehnoano yuhtiyē numia ijiahro tiquina, Cohācjū ye buheyere apequna “Nano yahu wajari”, niñe.

<sup>6</sup>Sa yegū wahma pjia gūhure ohō saha ni yahuya: Tūho masiñequina ijiahro tiquina. <sup>7</sup>Sa yegū muhū pehe quehnoañe dihitare yeducuya mūhure tiquina ihña cūatire. Buhegu ne ni mehono marieno buheya. Sa buhegu cua pesaro mehna buheya muhū. <sup>8</sup>Sa buhegu tūho masiñe mehna quehnoano buheya apequna mūhure “Yahu wajari”, nigū. Muhū sa buhegū ihñañe marine ihña tuhtiyequina ijiepetā marine ihyo warota yahu waja masiedare. Marine sa yahu waja maca cāñe, būoro wahāeta tiquina.

<sup>9</sup>Sa yegū cahacjēnare ohō saha ni yahuya: Tiquina puhtoare quehnoano yuhtiahro. Sa yeye tiquina puhtoare quehnoano bucuegū yeahro. Sa dihita yeahro. Sa ye tiquina puhtoare purīno yuhtieracāhdo. <sup>10</sup>Sa ye tiquina puhtoā yere yaqeracāhdo. Sa ye quehnoañequina ijiahro. Tiquina puhtoā dutiyere queoro yeducuahro. Tiquina sa quehnoano yuhtiyequina ijigū

ihñañe, Cohācjū marine yuhduoriqiro ye buheyere tūho bucueeta apequna.

<sup>11</sup>Masare tiqiro cahñene Cohācjū ihño tuhasari. Sa cahñō ijipihtiyequina pecapū wahaboriquinare Cohācjū tutuaro yuhduo duare. <sup>12-13</sup>Masare sa cahñō Cohācjū marine ohō saha ni buhere: Cohācjūre ihña tuhtiyere, ñañe tutuaro cahmeñene duhu cā dutire marine. Cohācjū tutuariqiro, Jesucristo marine yuhduoriqiro tiqiro asi siteyere mari ihñati decore, quehnoari decore mari cohtena njaja. Sa yero mari cohteri deco pano tūho masina, quehnoañene yeducuna, Cohācjūre ño peoducuna marine iji dutire Cohācjū. <sup>14</sup>Tiqiro Jesucristo mari ye ijiatire yariahye ijipihtiye mari ñañe yerire duhugū yero taro, marine tiqiro yequina wahagū yero taro. Mari ñañene tiqiro sa cohāgū mari ñañe buhiri mariena ijinata. Sa yena tutuaro quehnoañene ye duana ijinata.

<sup>15</sup>Ahri ijipihtiyere ti nūcūo cjēnare Jesu yequinare buheya muhū. Tiquina puhtoro ijigūta nine muhū. Sa yegū tiquinare yahuya. Sa yegū tiquina ñañene yegū ihñagu tuhtiya tiquinare. Sa ye ijipihtiyequina apequna mūhure doca cūedacāhdo.

## 3

*Jesu yequina tiquina yeatire yahuahye  
Pablo*

<sup>1</sup>Ohō saha ni yahuya to cjēnare Jesu yequinare: Tiquina puhtoare quehnoano yuhtiyequina ijiahro. Ijipihtiyere quehnoañene yeatiquina ijiahro. <sup>2</sup>Sa ye apeqinare ne ñañe quitī dahreracāhdo. Cahme tuhtieracāhdo. Sa ye masa quehnoañequina, ijipihtiyequinare ño peoyequina ijiahro.

<sup>3</sup>Panopūre mari gūhū tūho masiena, yuhduducana, ni mehoñene tūho nunūna, ñañene ye duana, ñañene tutuaro cahme duhu masiena, decoripe ñañene yeducuna, apeqinare ihña coona ijie timi mari gūhū. Sa ye marine apequna ihña tuhtiri. Sa yena mari gūhū tiquinare ihña tuhtimi. <sup>4-5</sup>Sa ijirina mari ijiepegūta Cohācjū marine pecapū wahaborinare yuhduori. Sa yuhduoro tiqiro quehnoariqiro ijiyere, masare tiqiro cahñe gūhure marine ihñono nidi. Quehnoano mari yeri mehna yuhduoerare marine. Marine

paja ihñano mari ñañe yerire cohãno Espiritu Santo mehna marine yahduori. Sa yero marine tiqiro pohna wahagũ yeri. Espiritu Santo pehe quehnoana mari ijiatire comesagũ yeri marine. <sup>6</sup>Jesucristo marine yahduoriquiro tiqiro yaria masa mũañe mehna Cohãcjũ yaquiro Espiritu Santore ohori marine pajiro tiqiro tutuayere mari cœoatire. <sup>7</sup>Marine cahĩno, marine quehnoano ye duari. Sa yero tiqiro yaquiro Espiritu Santore marine ohori ñañe buhiri mariena mari ijiatire, ahmũsepu mari sa ijiducuatire. Mari sa ijiducuatire masina, tire cohtena niaja.

<sup>8</sup>Ti yũhũ nidi ijirota ijire. Sa yegu tire yũhũ ni ojoariro sahata masare buhegu, ti dutiyere ye peho dutiya mũhũ. Sa yegu Cohãcjũre wacũ tutuayequinare tire buheya quehnoañene tiquina quehnoano yeatire. Ahri yũhũ ni buheri quehnoañe buheye ijire. Sa ye masa ahri buheyere tiquina tuho nũnũgũ ihyo waro ijierare. <sup>9</sup>Apequina tiquina yahuducuye pehe dahseati ijierare. Sa ye masiedapeta tiquina yahuducu yahduducayere mũhũ tuho nũnũgu ihyo waro tuho nũnũgu nine mũhũ. Sa ye tiquina acaye panopũ cjẽna tiquina ijie tirire yahuducu yahduducayere, Cohãcjũ Moiserere tiqiro dutirire tiquina yahuducu yahduducayere ti ijipihtiyere quehnoano mũhũ tuho nũnũgu ihyo waro tuho nũnũgu nine mũhũ. Sa yegu tire tuho nũnũedacãhña. Mũhũ gũhũ tiquina yero saha yahuducu yahduducaeracãhña.

<sup>10</sup>Musa mehna cjũno sa ni yahduducariquiro mũsare cahme tu wagũ tiqiro yegũ ihñagu “Yeracãhña”, niña tiquiore. Pua taha tire tiquiore mũhũ ye dutierari bato tiqiro yũhtieragũ ihñagu tiquiore piti ti duhuya. <sup>11</sup>Ohõ saha yeriquiro ñañe dihitare tutuaro cahmeducuriquiro ijire. Tiquiro sa ijigũ ihñana tiqiro ñariquiro ijigũ masiaja mari.

*Pablo duti bato tiahye*

<sup>12</sup>Nicopolipu pohecũ ijiro puno ijigũ tagũ niaja. Sa yegu Artemare o Tiquicore mũhũ cahapu yũhũ oho mũhtagũ topũre yũhũre piti caya mũhũ. <sup>13</sup>Sa yegu dutiyere quehnoano mihnidiquiore Zena wame tiriquiore, Apolo gũhũre quehnoano yedohoya tiquina wahatire. Sa yegu apee boro tiquina cahmeñene ijipihtiyere

tiquinare ohoya tiquinare tiquina cahmeno puno. <sup>14</sup>Sa ye Jesu yequina mari mehna cjẽna quehnoañene yepoahro apee borore dahsayequinare tiquina yedohoatire, quehnoañene yeducuequina tiquina ijiatire.

*Pablo quehnoa dutiahye Jesu yequinare*

<sup>15</sup>Ijipihtiyequina yũhũ mehna cjẽna mũhũre quehnoa dutire. Topũ ijieyequina Jesu yequina usãre cahĩñequina quehnoahdo. Ijipihtinare mũsare Cohãcjũ mehna pajiro quehnoa dutiaja.

## Filemón

*Pablo Filemo wame tiriquire ore oja dachaye*

<sup>1</sup> Yuhū Pablo, Jesucristo yaquiro yuhū ijiri buhiri peresupū ijiaja. Yuhū, mari acayuro Jesu yaquiro Timoteo mehna mūhure Filemore quehnoa dutiaja usā. Sa yegū mūhure oja ohoaja yuhū, Pablo. Mūhū usā cahīgū Cristo yere usā mehna dahradohogu ijire mūhū. <sup>2</sup> Sa yena Jesu yequina mūhū ya wuhapū cahmecoañequina gūhure oja ohoaja yuhū. Mari acayoro Jesu yacoro Apia gūhure oja ohoaja yuhū. Mari cahīniquire Arquipo gūhure oja ohoaja yuhū. Arquipo pehe usā yero saha Cristo yere yahuriquire ijire. <sup>3</sup> Sa yena Cohācjū mari Pacū, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijija musa.

*Filemo apeqinare tiquiro cahīnene, Cristore tiquiro wacū tutuayere yahuahye Pablo*

<sup>4</sup> Yuhū acayū Filemo, Cohācjūre mūhure sini basagū mūhure wacūgū “Quehnoare”, niaja tiquirore. Cristore mūhū cahīgū tiquirore mūhū wacū tutuagū, apeqina Cohācjū yequinare mūhū cahīgū tuhōu yuhū. Sa yegū Cohācjūre “Quehnoare”, ni bucueaja. <sup>6</sup> Mari ihcāno mehna Cristore wacū tutuana ijiaja. Sa wacū tutuagū mūhū ijigū ohō saha ni sini basaja Cohācjūre. Jesucristo yequina ijina, pajiro quehnoañene sonata mari. Tire quehnoano mūhure masi peho dutigu sini basagu niaja Cohācjūre. <sup>7</sup> Yuhū acayū, yojopūre apeqinare mūhū cahīgū tuhōgu bucueaja yuhū. Ijip-ihitiyequina Cohācjū yequinare quehnoano bucuegū yeñōhti mūhū. Mūhū sa yegū tuhōgu bucueaja yuhū.

*Pablo Onésimore sini basahye Filemore*

<sup>8-10</sup> Sa yegū yojopūre Onésimore mūhū cahacjūnore mūhū quehnoano yeatire mūhure sini basa duaja. Peresupū yuhū mehna tiquiro ijigū Cristo yere yahūu yuhū tiquirore. Tire tuhōro Cristore cahmedī tiquiro. Sa yero tiquiro Cohācjū yaquiro wahari. Sa waharo yuhū macū yero saha ijire. Sa yegū yuhū Pablo bacū ijigū Cristo yere yuhū buheri buhiri peresupū ijigū

mūhure yahutja Onésimore mūhū yeatire. Cristo buhe dutiro tiquiro cūrigū ijiaja yuhū. Sa tiquiro cūrigū ijigū Onésimore mūhū yeatire dutioborigū ijiaja yuhū. Sa niepeguta mūhure dutisi yuhū. Cahīne mehna mūhure yahutja, to punota.

<sup>11</sup> Cristo yaquiro tiquiro ijimoto pano Onésimo mūhū cahacjūno ijiro dūhsea-tiquiro ijierari jiri. Mūhure quehnoano yedoho masiedari jiri. Yojopū pūritare tiquiro mūhure, yuhū gūhure quehnoano yedohoriquiro ijirota. Yojopūre Cristo yaquiro ijiro ihyo ijiriquiro waro ijierare.

<sup>12</sup> Sa yegū yojopūre tiquirore mūhure wia tojogu niaja. Sa yegū tiquirore quehnoano piti caya mūhū. Tiquirore tutuaro cahīaja. <sup>13</sup> Quehnoañe buheyere yuhū buheri buhiri peresupū yuhū ijiri watoa tiquirore yuhure yedoho dutiboaya yuhū tiquirore ohoeragu. Sa yegū yuhū mehna tojoa dutiboaya yuhū. Mūhū pehe yuhure mūhū yedohoro basioeragū tiquiro pehe mūhure comesariquiro ijiboaya. <sup>14</sup> Yuhūre yedohoboriquiro tiquiro ijiepegūta tiquirore mūhure oho tojoaja. Mūhū pehe tiquirore “Pablo mehna tojoarīna”, mūhū nigū masigu yuhū mehna tiquirore tojoa dutiboaya yuhū. Yuhū pehe “Yuhū mehna cūña tiquirore”, ni dueraja mūhure. Sa yegū tiquirore oho tojorīaja.

<sup>15</sup> Tiquiro Onésimo meheñe decorīgā mūhure tiquiro duhti cāri bato pari turi mūhū mehna ijire. Cohācjū tiquiro cahmediro sahata mūhure duhti cāri jiri tiquiro Cohācjū yaquiro tiquiro wahato saha, yuhū tuhōtugū. Sa yero pari turi mūhū mehna ijiro, sa ijiducurota mūhū mehna. <sup>16</sup> Sa yero tiquiro yojopūre cahacjūno ijierare. Cahacjūna tiquina bui cjūno ijiriquiro ijire tiquiro, yuhū ihñagū. Yojopūre tiquiro mūhū acayuro Jesu yaquiro ijire. Sa yegū tiquirore tutuaro cahīaja. Mūhū pehe yuhū yuhduoro tiquirore cahīgūta. Mūhū sa cahīdiquiro ijiro, cahacjūno ijieperota yojopūre cahacjūno tiquiro ijiriro saha ijierare tiquiro. Tiquiro mūhū acayuro Jesucristo yaquiro ijire.

<sup>17</sup> Sa yegū yuhure mūhū piti caboriro sahata Onésimo gūhure quehnoano piti caya. Mūhū mehna cjū yuhū ijigū tuhōtugū tiquiro gūhure quehnoano piti caya mūhū. <sup>18</sup> Sa yegū mūhure sijoro saha tiquiro

yeriquiro ijigũ mũhũre tiquiro wapamor-  
iquiro ijigũ yũhũ pehe tire wapa yeitja.

<sup>19</sup> Yũhũ Pablo, yũhũ basi ahrire mũhũre  
yahu ojoautja: Yũhũ pehe wapa yeitja  
mũhũre. Mũhũre yũhũ buheri bato Cristo  
yaquiro wahagũ ijipilthiye decori Cohãcjũ  
mehna ijiajũ ijire mũhũ. Mũhũre yũhũ  
sa buheri bato mũhũ gãhũ yũhũre pajiro  
wapamorigũ ijiboaya. Mũhũ sa ijiepegũta  
mũhũre wapa yeitja tiquiro wapamoñene.

<sup>20</sup> Sa yegũ yũhũ acayũ, yũhũ cahĩgũ, mari  
puhtoro Cristo yaquiro ijire mũhũ. Sa yegũ  
Onésimore quehnoano piti caya. Cristo  
yaquiro ijigũ yũhũ acayũ ijire mũhũ. Sa  
yegũ yũhũre quehnoano bucuegũ yeya.

<sup>21</sup> Ahri yũhũ yahurire quehnoano yegũta  
mũhũ. Sa yegũ yũhũ yahuri yũhũoro  
yegũta mũhũ. Tire masigũ mũhũre ojoa  
ohogũ niaja. <sup>22</sup> Ahri gãhũre yahugũtja  
mũhũre. Mũsa caharũ yũhũ wahatire Co-  
hãcjũre sini basañohti mũsa yũhũre. Mũsa  
sa sini basarire tiquiro yũhtiboaga. “Au”,  
tiquiro nigũ cahmeaja yũhũ. Sa yegũ mũsa  
caharũ yũhũ esatĩ tucũre quehnoyuya  
mũhũ.

*Pablo quehnoa duti bato tiahye Filemore*

<sup>23</sup> Epafra mũhũre quehnoa dutire.  
Tiquiro pehe Cristo yere tiquiro yeri buhiri  
yũhũ mehna peresupũ ijire. <sup>24</sup> Sa ye Marco,  
Aristarco, Dema, Luca mehna mũhũre  
quehnoa dutire. Cristo yere yũhũ buhegũ  
tiquina pehe yũhũre yedohoyequina ijire.

<sup>25</sup> Mari puhtoro Jesucristo mehna  
quehnoa dutiaja mũsare. Tiquiro mũsare  
quehnoano yerota.



## Hebreos

<sup>1</sup> Panopu Cohăcju ijiahye. Tiquiro peye tahari mari acayere panopu cjenare tiquiro yere yahuahye. Apequinare tiquiro bajoaro yahuahye. Apequinare quehēnopu yahuahye. Apequinare tiquiro piti caro yahuahye. Tiquiro yere yahu mūhtariquinare yahu dutiro, sa yahuahye tiquiro mari acayere. <sup>2</sup> Yojoꝛuꝛe pihtiri deco panogā ijiye decorire tiquiro macnōre tiquiro yere yahu dutigū tiquiro pehe marine yahue tiri. Tiquiro Pacuro ye dutiro mehna ahri yehpare, ũhmuse gūhure yeriquiro ijire. Tiquiro Pacuro pehe pihtiri deco ijigū ijipihtiyere cūoatiquirore cūahye tiquiro macnōre. <sup>3</sup> Sa yero tiquiro macnō pehe tiquiro Pacuro ye asi siteyere cūoriquiro ijiro, tiquiro tutuayere marine ihñore. Sa yero ihcāno saha tiquiro Pacuro yero sahata ijiro, tiquiro Pacuro ijiye tiyere marine ihñore tiquiro macnō. Sa yero tiquiro macnō tiquiro macnō tutuaye mehna dutigū ahri yehpa, ũhmuse gūhū sa ijiducure. Sa yero mari űano yerire tiquiro coseri bato ũhmuseꝛu tiquiro Pacuro tutua yahduariquiro poto pehe dujiahye, puhtoro tiquiro ijiyere ihñono.

Cohăcju macnō angele yūhdūoro ijire <sup>4</sup> Tiquiro “Cohăcju macnō”, wame tire. Ti wamene Cohăcju cūahye tiquirore. Sa wame tiro apequina puhtoro ijire. Sa yero tiquiro angele yūhdūoro ijire. <sup>5</sup> Tiquiro yequina angele pehere Cohăcju ne ohō saha ni yahuera tiahye: Yūhu macu ijire mūhu. Miare mūhure bajuagū yei, niahye Cohăcju tiquiro macnōre.

Angele pehere ne sa ni yahuera tiahye. Sa yero tiquinare ahri gūhure ne yahuera tiahye:

Tiquiro Pacuro ijitiya yūhu. Sa yero tiquiro yūhu macu ijirota, niahye Cohăcju tiquiro macnōre.

Angele pehere ne sa ni yahuera tiahye. Sa yero tiquiro macnō tiquina yūhdūoro ijire. <sup>6</sup> Sa yero ape taha tiquiro macnōre coā masa bajuariquirore ahri yehpaꝛu cūno ohō saha niahye Cohăcju tiquirore: Ijipihtiyequina yeequina angele dusepe curi mehna quehe sa, űo peoeta

tiquina yūhu macure, niahye tiquiro.

<sup>7</sup> Sa yero tiquiro yequina angele pehere yahuro taro ohō saha niahye tiquiro:

Yeequina angelere wihnono yero saha pagu tigū yeaja yūhu. Tiquina yūhu cahacjēna ijire. Sa yegu tiquinare peca pohna yero saha pagu tigū yeaja yūhu, ni yahuahye Cohăcju.

<sup>8</sup> Tiquinare sa nieperota tiquiro macnō pehere ohō saha niahye:

Mūhu Cohăcju ijipihtiyequina puhto sa ijiducugata. Queoro dutigata mūhu, mūhu yequinare. <sup>9</sup> Ni mehono marieno yeyere, quehnoano yeyere tutuaro cahmene mūhu. Sa yegu űaűe yeyere ihña yabire mūhu. Mūhu sa ijigū ihñagu yūhu mūhu Pacu ijipihtiyequina apequina yūhdūoro mahure bucegū yei, niahye Cohăcju mari Pacu.

<sup>10</sup> Ahri gūhure niahye tiquiro, tiquiro macnōre “Puhto” ni pisuro:

Puhto, coā waropuꝛe ahri yehpare, ũhmuse gūhure bajumehnedi mūhu. <sup>11</sup> Ti ijipihtiyē comesa pihtia wahaꝛota. Mūhu pehe ne comesasi. Sa ijiducugata mūhu. Ti ijipihtiyē suhtiro ahba bora dijiaro saha pihtia wahaꝛota. <sup>12</sup> Ti ijipihtiyē ũhmūseꝛe, ahri yehpa gūhure comesagū yeita mūhu. Mūnāno suhtirore mūhu cohāboro saha ti ijipihtiyere comesagū yeita mūhu. Sa yero suhtiro ahba bora dijiaro saha ti ijipihtiyē comesarota. Mūhu pehe ne comesasi. Sa ijiducugata mūhu, niahye Cohăcju tiquiro macnōre.

<sup>13</sup> Ne angele pehere ahrire yahuera tiahye mari Pacu:

Yūhu poto pehe dujiya mūhu. Puhto ijire mūhu. Sa yegu mūhure ihña tuhtiyequinare yūhdudaca basagūta. Sa yegu tiquina puhto ijigata mūhu, niahye Cohăcju tiquiro macnōre.

<sup>14</sup> Ijipihtiyequina angele pehe Cohăcju cahacjēna ijire. Sa yero mari Pacu ohore tiquiro yequina angelere Cristo yūhdūoatiquinare yedoho dutiro.

## 2

Cohācjū yere quehnoañe buheyere marine sa tuhotu cāhno cahmedare

<sup>1</sup> Sa yena Cohācjū macno waro marine yahuriquiro tiquiro ijigū masina tiquiro yahuyere mari tuhore quehnoano wacūno cahmene marine, “Tire boari”, nina. <sup>2-3</sup> Angele yahurire masa pehe yuhdudacagā ihñano Cohācjū tiquinare buhiri dahreahye. Sa buhiri dahrero angele tiquina yahuri poto ijigū ihñono niahye. Sa yena angele yahuri poto ijigū masina, tire marine yuh tiro cahmene. Ti yuhduoro Cristo pehere yuh tiro cahmene. Tiquiro mari puhtoro marine tiquiro yuhduoatire yahu mūhtahye. Sa ye tiquirore tuhoriquina pehe tiquiro yahurire marine yahu turiari, marine quehnoano masigū yee tehe. Sa yero ti buheyere marine tiquiro yuhduoati buheyere mari sa tuhotu cāgū Cohācjū marine buhiri dahrerota. Tire duhti masiedaja mari.

<sup>4</sup> Ti buheyere tuho mūhtariquina tiquina buheri watoa Cohācjū pehe ti buheye poto ijigū ihñono nidi. Tiquiro tutuaye mehna ihñono nidi. Sa yero peye tahari tiquiro tutuaye mehna ye ihñono ti buheyere poto ijigū ihñono nidi. Sa yero tiquiro yequinare tiquina ye masiatire tiquiro cahmeno sahata cūahye. Espiritu Santo pehe ijire marine ye masigū yeri quiro.

*Jesucristo mari yero sahata pagū* tiri quiro masa bajuahye

<sup>5</sup> Pihitiri deco bato ijiequina Cohācjū caha ijiequina puhtoaji isiji angele pehe. Tiquinare puhtoaji sōsi mari Pacū. <sup>6</sup> Sa yero ihcāquiro mari Pacūre tiquiro yahuducurire ohō saha ni ojoahye panopū:

Masa ihyo ijiequina tiquina ijiepegūta tiquinare wacūre mūhū. Masare quehnoano yere mūhū. <sup>7</sup> Meheñe decorigā angele docapū masare cūahye mūhū. Sa cūiepegūta yojopūre tiquinare tutuayere ohogū, puhtoaji sōahye mūhū. <sup>8</sup> Mūhū sa sōgū ahri yehpapū ijiequina wahi quina gūhū bui dūhsaro mariene masare cūahye mūhū, niahye panopū cūno mari Pacūre.

Sa sōno ahri yehpapū ijiequina wahi quina gūhū bui dūhsaro mariene masare cūahye. Masare tiquiro sa puhtoaji sōiepegūta ijiepihiyequina ahri yehpapū ijiequina wahi quina masare ihñā wahādarīaga, usā tuhutugū. Ahri yehpapū ijiequina wahi quinare ihñā wahāgū yeraniaga masa. Ijiepihiye bui ijieraniaga masa. <sup>9</sup> Sa tiquinare ihñā wahāgū yerapenata Jesu pehere wacū tutuaja mari. Meheñe decorigā angele docapū mari Pacū tiquiro macno gūhūre cūahye, mari ñañe buhiri yariati quirore. Mari Pacū marine cahñino mari yariaborirore Jesure yariagū cahmeahye. Sa yero tiquiro sa yariagū ihñano tiquirore tutuayere ohoro, puhtoro sōahye tiquirore.

<sup>10</sup> Cohācjū ijiepihiyere bajumehnediquiro ijire. Sa ye ijiepihiye tiquiro ye dihita ijire. Sa yero Jesure yaria dutiro ñañene cohāgū yeahye tiquirore. Sa yeahye tiquiro masa peyequina tiquiro yequina ijiepihiyere mūhūsepeñe neno taro. Jesu sa yero, ñañe marieniquiro, quehnoa yuhduariquiro tiquiro ijieyere ihñono niahye. Sa yero Jesu pehe marine yuhduariquiro, mari puhtorota ijire. <sup>11</sup> Ijiepihiyequina masare tiquina ñañe yerire cose were tiquiro. Sa yero Jesu mari tiquiro cose wenohrina mehna Pacū tire Cohācjūre. Mari Pacū ihcāquirota ijire. Mari Pacū tiquiro ijigū Jesu marine tiquiro yequinare tiquiro cose wenohrinare “Yūhū acaye ijire”, ni pisuro ne bue tierare. Tiquiro sa ni pisurire masare yahutja. <sup>12</sup> Ohō saha nino niahye tiquiro:

Cohācjū, mūhū ijieyere tiyere yahutja yūhū acayepūre. Ijiepihiyequina yeequina ihñonopū mūhūre ño peogū “Tutuariquiro ijire”, ni yahutja yūhū tiquinare, niahye tiquiro Pacūre.

<sup>13</sup> Ahri gūhūre niahye tiquiro:

Cohācjūre wacū tutuautja yūhū, niahye tiquiro.

Ahri gūhūre niahye tiquiro:

Ohō ijiaja yūhū. Cohācjū pohne mehna ohō ijiaja. Yūhūre tiquiro cūri quina yūhū acaye mehna ohō ijiaja, niahye tiquiro yequinare “Yūhū acaye” ni pisuro.

<sup>14</sup> “Tiquiro pohne” tiquiro niñequina pagū tiyequina mari ijigū ihñano, Jesu pehe

mari ya pagu saha pagu tiriquireo ahtahye. Sa ijiriquiro ahtahye tiquireo curusapu yariaro taro, watinore butigū yero taro. Tiquireo watino pehe yaria dutiriquiro ijire. <sup>15</sup> Sa ye watinore butigū yero, marine yuhduore. Mari pehe decoripe mari yariatire cuemi. Sa cuerina ijina pecapu wahaborina ijimi mari. Sa ijina mari ijigū ihñano tiquireo marine yuhduore. <sup>16</sup> Sa yuhduoro angele pehere yedohoro ahtaerahye tiquireo. Abrahā panamena iji turianare Cohācjū yequinare mari pehere yedohoro ahtahye. <sup>17</sup> Sa yero tiquireo mari acayuro warota ahtahye. Ihcāno saha mari yero saha pagu tiriquireo ahtahye. Sa ahtarō mari yuhduatire mari ñañe yerire mari Pacure cohā dutiro ahtarō niahye. Sa yero mari yequina pahia puhtoa tiquina yeriro saha yero ahtarō niahye. Mari yero saha ijiro marine quehnoano paja ihñare. Sa yero Cohācjū cahmeno saha sa yeducuriquiro ijire. Sa yero tiquireo mari yaquiro pahia puhthoro ijiro nine. <sup>18</sup> Tiquireo ñano yuhduahye. Sa yero watino tiquireore ñano ye dutimahye. Yerahye tiquireo. Sa ñañene yerariquiro ijiro, tiquireo pehe mari gñhure ñañene yeragū ye masine. Watino ñañene tiquireo ye dutigū ihñano marine ñañene yeragū ye masine Jesu.

3

*Jesu Moise yuhduoro ijiriquiro ijire*

<sup>1</sup> Jesu tiquireo sa ijiriquiro ijigū ihñana tiquireore quehnoano wacūña mūsa. Yuhu acaye Jesu yequina, Cohācjū besenohrina ijire mūsa. Tiquireo Jesu pehe Cohācjū cūriquireo ijiro mari yaquiro pahia puhthoro ijire. Tiquireo ye buheyere quehnoañe buheyere mari quehnoano ño peoaja. Tiquireo pehere quehnoano wacūña mūsa. <sup>2</sup> Cohācjū tiquireore marine yuhduoat-iquireore tiquireo cūgū tiquireo pehe Cohācjū cūriro saha yeahye. Ne yuhduucaerahye. Moise gñhū Cohācjū yequina Israe masare yedohoro ne yuhduucaerahye. Sata yeahye Jesu gñhū.

<sup>3</sup> Sa yero Moisere tiquina ño peoriro yuhduoro Jesu pehere ño peoro cahmene marine. Ohō saha ijire ti mari queoye mehna buhegū. Wuhure mari ño peoriro yuhduoro wuhū dahreriquiro pehere ño peoro cahmene marine. Sa yero

Jesu pehe wuhū dahreriquiro yero saha ijiriquiro tiquireo ijigū Moisere mari ño peoriro yuhduoro tiquireo pehere ño peoro cahmene marine. <sup>46</sup> Ohō saha ijire ti. Mari Cristo yequina Cohācjū ya curua cjāna ijiaja. Cristo pehe wuhure tiquireo cūboriro saha marine tiquireo ya curua cjāna ijiatınare cūno nine. Masa pehe wuhuse yeyequina ijire. Cohācjū pehe ijipihtiyere yeriquiro ijire. Moise pehe Cohācjū ya curua cjēnare yedohoducuriquiro ijiro, cameru Cohācjū yahuatire yahue tiahye masare. Cristo pehe Cohācjū macno ijiro, Cohācjū yere yeducuriquiro ijiro, Cohācjū ya curua cjēna puhthoro ijire. Sa ijiriquiro ijigū ihñana Moisere mari ño peoriro yuhduoro Cristo pehere ño peoro cahmene marine. Sa yena mari pehe Cristore wacū tutua duhuerana, marine tiquireo yuhduoatire sa bucueducuna, tiquireo ya curua cjāna ijiaja mari.

*Cohācjū tiquireo yequinare tiquireo mehna quehnoano sogū cahmene*

<sup>7</sup> Sa yena Cristore mari wacū tutua duhueratire ohō saha yero cahmene marine. Ohō saha nine Espiritu Santo:

Miare yuhu, Cohācjū, musare yuhu yahugū, yuhti dueyequina yero saha ijieracāhña. <sup>8</sup> Quehnoano yuhtiya mūsa yuhure. Panopu Israe masa masa marienopu ijiye, sa yuhduucari yuhure. Sa ye yuhure ne bucuerağū yeri tiquina. Sa yena tiquina yero saha yeracāhña mūsa yuhure. <sup>9</sup> Topure cuarenta cūhmari waro tiquinare yuhu tutu-aye mehna ye ihñomi. Yuhu sa ye ihñoepegūta tiquina pehe ohō saha ni tuhōtue timedi: “¿Ñañene mari yegū ihñano Cohācjū marine buhiri dahreboagari?” ni tuhōtue timedi. Sa ni tuhōtue ñano ye tuhue tiri. <sup>10</sup> Tiquina sa yegū ihñagū tiquina mehna usuau. Sa usuagu ohō saha nii: “Tiquina yuhu yahuducuyere tuho dueraye, sijoro saha ijiye buheyere sa wacūducuye nine. Yee pehere ne yuhti duerare”, nii tiquinare. <sup>11</sup> Sa yegū tiquina mehna usuagu ohō saha ni yahuu: “Tiquina yuhu mehna cjēna ne jisi. Sa ye wape tiro marieno

ijisi tiquina', ni yahuu yuhū", ni yahuahye Cohācjū, niahye Espiritu Santo pehe.

<sup>12</sup> Sa yena yuhū acaye, quehnoano yeya mūsa, "Cohācjūre cohāri", nina. Mūsa ñañene tūhotuna, Cohācjūre catiriquirore wacū tutuerana, tiquirore cohāboaga mūsa. Ne ihcāqui mūsa mehna cjēno sa yeracāhdo. <sup>13</sup> Sa yena ahri pehere yero cahmene: Mūsa mehna cjēnare decoripe Cohācjū yere mūsa basi cahme yahuducuya "Ñañene yeari", nina. Ñañene yena, "Ti mehna bucueaja", nina ni mehoñene tūhotuna niaja mari. Sa ni tūhotueracāhña. Ñañene yeducuna Cohācjū ye pehere cahmedaja mari. Sa yena ñañene duhu dueraja. "Sa yeari", nina, mūsa mehna cjēnare Cohācjū yere mūsa basi cahme yahuducuya. Cristo tiquiro ah-tato pano decoripe tire sa cahme yahuducuya. <sup>14</sup> Sa yena coā waropū Cristore mari wacū tutua ducariro saha mari wacū tutuaducuna, mari catiro puno tiquiro yere duherana, tiquiro mehna cjāna iijaja.

<sup>15</sup> Ohō saha nine Cohācjū yere tiquina ojoari pūpū:

Miare yuhū Cohācjū mū sare yuhū dutigū quehnoano yūhtiya mūsa yūhūre. Panopū cjēna Israe masa yuhū yahuepegūta ño peo dueraye, yūhūre yūhti duerari. Sa yena tiquina yero saha yeracāhña mūsa, niahye Cohācjū, ni ojoahye panopūre.

<sup>16</sup> Sa ye Cohācjū tiquiro yahurire tūhome-diquina ijiepetā tiquina tiquirore yūhtierahye. Tiquina ijipihtiyequina Egiptopū ijieyequina Cohācjū wioriquina ijiepetā tiquirore ne yūhtierahye. <sup>17</sup> Sa ñano yeye cuarenta cūhmari waro Cohācjūre usuagū yee tiahye. Tiquina sa yeri buhiri masa marienopū yariahye tiquina. <sup>18</sup> Tiquirore tiquina sa yūhti dueragū ihñano ohō saha cua pesaro mehna niahye tiquiro: "Tiquina yuhū mehna cjēna ne ijisi. Sa ye wape tiro marieno ne ijisi tiquina", niahye tiquiro. <sup>19</sup> Tiquiro sa nigū tūhona ahri pehere masinata mari: Cohācjūre tiquina wacū tutuerari buhiri tiquiro mehna cjēna iji masiedahye. Sa ye tiquiro mehna quehnoano so, iji masiedahye.

## 4

<sup>1</sup> Sa yero panopū cjēnare tiquiro mehna tiquina quehnoano soatire cahmeno, tiquinare "Yuhū mehna wape tiro marieno sonata", ni cūahye Cohācjū. Mari gūhūre sata ni cūahye tiquiro. Sa yena cua pesaro mehna Cohācjūre quehnoano yūhtihna mari, "Wihearī", nina. Sa wihena tiquiro mehna quehnoano sosi mari. <sup>2</sup> Panopū cjēna Cohācjū yere tiquina tūhori saha mari gūhū quehnoañe buheyere tūhou. Tiquina tūho mūhtariquina pehe tūhoye, "Cohācjū ye waro ijire", ni tūhotuerahye. Sa ye tiquina tūhori dūhseati ijierahye. <sup>3</sup> Mari pehe tiquirore wacū tutuana Cohācjū mehna cjāna ijinata. Sa yena tiquiro mehna quehnoano iji, sonata. Wape tiro marieno ijinata. Cohācjū tiquiro nidiro sahata ijire ti. Ohō saha niahye tiquiro tiquirore yūhtierariquinare:

Tiquina mehna usuagū cua pesaro mehna ohō saha ni yahuu: "Tiquina yuhū mehna cjēna ne ijisi. Sa ye wape tiro marieno ne ijisi", ni yahuu, niahye Cohācjū yere tiquina ojoari pūpū.

Ahri yehpare tiquiro yeri bato dahra duhuriahye tiquiro. <sup>4</sup> Ahrire mari masiaja. Seis decori ahri yehpare tiquiro yeri bato tiquiro dahra duhurire yahuro ohō saha niahye Cohācjū ye yahuducuyere tiquina ojoari pūpū:

Seis decori bato ijipihtiyere tiquiro dahrarire pehorō, Cohācjū dahra duhuahye, niahye tiquiro yere tiquina ojoari pūpū.

<sup>5</sup> Sa yero Cohācjū yere tiquina ojoari pūpū ohō saha ni yahure tiquiro mehna quehnoano ijieyequinare:

"Tiquina yuhū mehna cjēna ne ijisi. Sa ye wape tiro marieno ne ijisi", niahye Cohācjū, nine tiquiro yere tiquina ojoari pūpū.

<sup>6</sup> Sa ye quehnoañe buheyere tūho mūhtariquina tiquirore tiquina yūhdūdcari buhiri tiquiro mehna cjēna ijisi tiquina. Sa ye tiquiro mehna wape tiro marieno ijisi tiquina. Apequina pehe tiquiro mehna cjēna ijietā. Sa ye tiquiro mehna wape tiro marieno soyeyequina ijietā. <sup>7</sup> Sa yero masare tiquiro yūhdūoati deco ihcā deco cūahye pari turi Cohācjū. Ti decota yojopūre ijire. Peye cūhmari bato Israe masa Cohācjūre tiquina tūho mūhtari bato

ti decore yahuahye Davi pehe. Cohācjū tiquirore yahu dutigū yahuahye. Cohācjū ye yahuducuye tiquina ojoarire musare yūhu yahuri decore ohō saha ni ojoahye Davi:

Ahri decore yūhu Cohācjū musare yūhu yahugū yūhdūducaro marieno quehnoano yūhtiya mūsa yūhure, ni ojoahye panopure.

<sup>8</sup> Coā waropure Josué Israe masare Cohācjū ohorī yehpapū ne sahye. “Yūhu mehna wape tiro marieno soyequina iji-eta”, nino, ti yehpapū tiquina soatire nino niedahye Cohācjū. Ti yehpapū so dutiro, ape deco tiquiro yūhdūoati decore cūedaboaga tiquiro. <sup>9</sup> Seis decori bato ahri yehpapure tiquiro yeri bato Cohācjū tiquiro dahra duhuriro saha mari tiquiro yequina gūhu tiquiro mehna wape tiro marieno mari soati ijirota. Tiquiro mehna mari quehnoano ijiato ijirota. <sup>10</sup> Sa yero Cohācjū tiquiro dahrarire duhu cāriahye. Sa yena mari gūhu mari wape tirire duhu cānata. <sup>11</sup> Sa yena mari tiquiro yequina quehnoano yeihna. Cohācjū yere quehnoano yūhtihna tiquiro mehna mari quehnoano soato saha. Panopū cjēna mari acaye tiquina yūhdūducaro bato Cohācjū mehna cjēna iji masiedahye tiquina. Tiquina yero saha yeracūhna mari.

<sup>12</sup> Cohācjū ye yahuducuye marine catigū yere. Quehnoāne pehere marine comesagū yere. Sa ye tiquiro ye yahuducuye ihyo ijiye ijierare. Sa ye űoseni pji pua peheri siori pji mehna dihirore tiquina yūhre ihña tiquina masino saha tiquiro ye yahuducuye gūhu mari ijiye tiyere quehnoano masigū yere. Tiquiro ye yahuducuyere mari tūhogū, tire mari buhegū mari ijiye tiyere quehnoano masi pehogū yere marine. <sup>13</sup> Ne Cohācjūre mari ijiye tiyere mari yerire nūo masiedaja mari. Ijipihtiyere tiquiro bajumehnedire, tiquiro bajumehnediquina gūhure ihñare tiquiro. Sa yena mari yerire tiquirore yahu yūhdūro cahmene marine.

*Jesu tutuariquiro mari yaquiro pahia puhtoro ijire*

<sup>14</sup> Jesu Cohācjū macuno tiquiro Pacuro cahapū tojoariquiro ijire. Tiquiro tutuariquiro mari yaquiro pahia puhtoro ijire. Sa yero marine Cohācjūre sini basare. Tiquiro sa ijiriquiro ijigū ihñana

mari pehe tiquiro yere quehnoano yūhtihna. Tiquirore quehnoano wacū tutuaducuhna. <sup>15</sup> Tiquiro mari yaquiro pahia mari űano yūhdūgū ihñano quehnoano paja ihñariquiro ijire. Mari űañene tutuaro cahmeñene masine tiquiro. Watīno ijipihtiyere űañene marine tiquiro ye dutiriro sahata tiquiro gūhure űañene ye dutimahye. Tiquiro sa ye dutiepegūta tiquiro űañene yerahye. Sa űañene tiquiro ye dutinohriquiro ijiro, marine paja ihñano tiquiro yedoho masine marine. <sup>16</sup> Sa yena cuero marieno Cohācjūre siniihna. Tiquiro marine cahñe. Sa yero tiquirore mari sinigū tiquiro pehe paja ihñano, marine yedohorota. Watīno marine tiquiro űañene ye dutigū, mari űano yūhdūgū gūhure tiquiro marine yedohorota.

## 5

<sup>1</sup> Ijipihtiyequinare pahia puhtoare besero, masare besere Cohācjū. Sa tiquiro beseri bato pahia puhtoa pehe tiquina mehna cjēnare yedohoye tehe Cohācjū cahacjēna ijire. Sa ye űañene tiquina yeri buhiri Cohācjūre sini basare tiquina mehna cjēnare. Wahiquirore wejē űjūa mūoñe, Cohācjūre sini basare. <sup>2</sup> Pahia puhtoa apequina masa yero saha quehnoano masi pehoeyequina ijire. Sa masieñequina ijiye, apequina masieñequinare yedoho masine. Sa ye quehnoano yerariquina gūhure quehnoano yedoho masine. <sup>3</sup> Sa ye pahia quehnoano ye pehoeyequina ijiye űañe buhiri tiyequina ijire. Sa ye tiquina basi űañene tiquina yeri buhiri wahiquirore wejē űjūa mūo, Cohācjūre sinine. Apequina masare yedohoye tehe, tiquina űañe buhiri tiquina sini basariro sahata tiquina basi tiquina űañe buhiri gūhure sinine Cohācjūre.

<sup>4</sup> Sa yero tiquiro basi tiquiro esa tuharo pahia puhtoro sajāedare. Cohācjū pehe tiquirore besero, pahia puhtoro sōre. Panopū cjāno Aaron mūanore tiquiro cūriro sahata apequina pahia puhtoa gūhure cūre tiquiro. <sup>5</sup> Sata Cristo gūhu tiquiro basi tiquiro esa tuharo pahia puhtoro sajāedahye. Cohācjū pehe tiquirore puhtoro sōno, ohō saha niahye:

Yūhu macū ijire mūhu. Miare mūhure bajuagū yei, niahye Cohācjū.

<sup>6</sup> Ape taha ohō saha niahye Cohācjū Cristore:

Ijipihtiye decori pahi ijiducuguta m̄h̄h̄.  
Melquisede tiqiro ijiriro saha pahi  
ijiducuguta m̄h̄h̄, niahye tiqiro  
mac̄nore.

<sup>7</sup> Cristo ahri yehp̄p̄ ijiro sañuducuy  
mehna, utiye mehna mari Pac̄re tutuaro  
siniahye tiqiro “Ȳh̄h̄re masoña”, nino.  
Mari Pac̄ pehe tiqirore yariariqirore  
maso masiniqiro ijire. Tiqiro sa siniḡ  
mari Pac̄ tuhoahye tiqirore. Mari Pac̄  
cahmeñe dihitare tiqiro ye duaḡ ih̄n̄ano  
mari Pac̄ pehe tiqiro sinidire tuhoro,  
tiqirore yuhtiahye. <sup>8</sup> Sa yero Cristo Co-  
h̄c̄j̄ mac̄no ijieperota ñano yuh̄duahye  
tiqiro. Sa ñano yuh̄duro yuhtiahye mari  
Pac̄re. Sa yuhtiro quehnoano yuhti masi-  
ahye. <sup>9</sup> Sa ñano yuh̄duro, curusap̄ yariaro  
ijipihtiyequina tiqirore yuhtiatiquinare  
yuh̄duoatiqiro wahahye. <sup>10</sup> Sa yero mari  
Pac̄ pehe tiqirore pahia p̄h̄toro c̄uahye.  
Sa yero Melquisede pahia p̄h̄toro tiqiro  
ijiriro saha ijire Cristo.

*Cristo yequina tiqirore wac̄i tutua  
duhuḡi cuar̄ine*

<sup>11</sup> Peye oh̄o saha ijiyere musare yahu  
nemo duaja us̄a. Us̄a sa yahu nemo  
duepeḡta musa pehe dapu b̄tina ijire.  
Sa yena musare yahuro basioerare us̄are.  
<sup>12</sup> Yoari pje Cristo yequina ijimene musa.  
Sa yena yojōp̄re apequinare buhenap̄  
iji tuhasaboya musa. Musa sa ijiborina  
ijiepeḡta apequina musa pehere buheeta.  
Coh̄c̄j̄ yere mijoeda c̄j̄ñe buheye di-  
hitare tuhore musa. Macanaḡ ep̄co di-  
hitare tiquina ap̄i masino saha musa ḡh̄h̄  
mijoeda c̄j̄ñe dihitare quehnoano tuhore.  
Coã buhe d̄c̄c̄yequina yero saha ijire musa.  
<sup>13</sup> Ep̄c̄ore ap̄ñequina macanaḡ ijinine.  
Tiquina yero saha musa ḡh̄h̄ ijire. “Ahri  
ñañe ijire. Ahri quehnoañe ijire”, ni ih̄ña  
masiedare musa. <sup>14</sup> Ihyayere ihyayequina  
pehe b̄c̄c̄na ijire. Tiquina yero saha  
ijiyequina quehnoano tuho masiñequina  
quehnoano buheriquina ijire. “Ahri ñañe  
ijire. Ahri quehnoañe ijire”, ni ih̄ña masine  
tiquina pehe.

## 6

<sup>1-2</sup> Sa yena Coh̄c̄j̄ yere quehnoano  
masina, quehnoano yuhtina ijih̄na. Cristo  
yere coã warore mari buhe d̄c̄cana oh̄o  
saha masi d̄c̄cañ: Mari ñañene yerire  
b̄j̄ña witi, duhuro cahmene. Mari ñañene

yero buhiri pecap̄ wahanata. Sa yena  
Coh̄c̄j̄re wac̄i tutuaro cahmene marine.  
Ahrire coã warop̄re marine buhe d̄c̄c̄ari.  
Sa ye wame yeyere, omocarine marine  
tiquina duhu peoyere, yariariquina tiquina  
masa m̄jañene, ahri deco pihtiri bato  
Coh̄c̄j̄ buhiri dahreatire, tiqiro buhiri  
dahreatiquina tiquina ñano yuh̄ducuato  
ḡh̄h̄re ahri ḡh̄h̄re coã warop̄re marine  
buhe d̄c̄care. Sa ijyie buheyer masi  
tuhasana, quehnoano buhe nemouhna tja.  
<sup>3</sup> Sa yena Coh̄c̄j̄re, tiqiro ye ḡh̄h̄re masi  
nemouhna. Coh̄c̄j̄ cahmeḡi sa yenata  
mari.

<sup>4</sup> Mari sa yerana Coh̄c̄j̄ yere duhuboaga  
mari. Coh̄c̄j̄ yere duhuriqinare ne  
pari turi tiquina ñañe yerire tiquinare  
b̄j̄ña witiye ye masiedare. Sa ijyiequina  
Cristo tiqiro yuh̄duomediquina ijyie, Es-  
p̄ritu Santore c̄uomedi. <sup>5</sup> Sa ye Coh̄c̄j̄  
ye yahuducuyere tuhoye quehnoañe ti  
yahuducuyere ijiḡ masimedi. Sa ye pi-  
htiri deco batop̄ Coh̄c̄j̄ tutuaye mehna  
mari sa ijiducuatire, masare tiqiro buhiri  
dahreato ḡh̄h̄re tiquina masimedi.

<sup>6</sup> Sa ijiriqinap̄re Cristo yere tiquina  
duhuḡi pari turi tiquina ñañe yerire  
tiquinare b̄j̄ña witiye ye masiedare. Sa  
duhuriquina Coh̄c̄j̄ mac̄nore pari turi  
curusap̄ tiquina qūe bihaboriro saha  
tiqirore yeye nine. Tiquina sa yeḡ ih̄ñe  
apequina masa Cristore b̄j̄p̄re. Sa ye  
tiquina ñañe yerire tiquinare b̄j̄ña witiye  
ye masiedare. <sup>7</sup> Oh̄o saha ijire ti mari  
queoye mehna buheḡi: Quehnoari yehpare  
pajiro acoro ahtaḡi ti oteye quehnoano  
b̄c̄ca, d̄ca tire. Sa yero ti wese up̄ro  
d̄c̄care c̄uore tiqiro ihyatire. Ti yehpa  
Coh̄c̄j̄ quehnoano tiqiro yeri yehpa  
ijire. Sa quehnoano yere tiqiro yequina  
ḡh̄h̄re. <sup>8</sup> Sa ijiepeḡta pota mehna, taa  
mehna ti yehpa diaro duhseati ijierare. Sa  
ijiri yehpare Coh̄c̄j̄ ūj̄ña coh̄n̄ota. Sata  
yere tiqiro tiqirore duhuyequinare.

*Cristore sa ño peoducuyequinare  
yuh̄duore Coh̄c̄j̄*

<sup>9</sup> Ȳh̄h̄ cah̄ina, musare sa ni yahuepeḡta  
musa pehere “Cristore duhuna ijire”, nigu  
niedaja. Musa pehe Cristo yuh̄duonohrina  
ijire. Sa yena quehnoañene yena niaga  
musa. Ahrire masiaja yuh̄h̄. <sup>10</sup> Quehnoano  
mari yeri wapa queoro marine quehnoano

yeriquiro ijire mari Pacu. Sa yero tiquiro yere m̄sa tutuaro dahrari wapare bosu tiquiro. Tiquirore cah̄na quehnoano yedohore m̄sa tiquirore. Apequina Cristo yequina ḡh̄re yedohore m̄sa. Sa yena tiquinare yedohona niaga m̄sa. Sa yerina m̄sa ijiḡu ih̄n̄ano bosu tiquiro. <sup>11</sup> M̄sa catiro puno apequinare m̄sa cah̄ducuḡu, m̄sa yedohoducuḡu ḡh̄re cahmeaja us̄a. M̄sa sa yeri wapa queoro quehnoano yerota mari Pacu m̄sare. <sup>12</sup> Sa yena m̄sa cape buj̄na m̄sa ijiḡu cahmedaja us̄a. Apequina Cristo yequina ñano yuh̄d̄ereta tiquiro yere ne duhuerare. Tiquina sa yeḡu ih̄n̄ano mari Pacu “M̄sare ohoutja”, tiquiro nidire tiquinare oho pehorota. Sa yena m̄sa ḡh̄u tiquina yero saha yeducuya.

<sup>13-14</sup> Panopu Coh̄c̄j̄u Abrah̄re oh̄o saha ni c̄uahye. “Yuh̄u wame mehna ahrire potu ni niaja m̄h̄re. M̄h̄re quehnoano yeitja. Sa yeḡu m̄h̄u panamena iji tur̄iayequinare peyequina masa ijiḡu yeitja”, ni yahu c̄uahye Coh̄c̄j̄u. Sa ni yahu c̄uno tiquiro ye wame mehna wame peo yahuro niyahye. Apequiro tiquiro bui ijiriquiro ne mariedaḡu tiquiro ye wame mehna tiquiro basita sa wame peo yahuahye. <sup>15</sup> “M̄h̄re quehnoano yeitja”, Coh̄c̄j̄u tiquiro ni c̄urire Abrah̄a pehere quehnoano tiquiro cohteḡu ih̄n̄ano tiquiro nidiro sahata tiquirore quehnoano yeahye. <sup>16</sup> “Coh̄c̄j̄u mehna potu ni n̄a n̄a”, masa pehe niñe, tiquina bui ijiriquiro wame mehna wame peo yahuye nine. “Coh̄c̄j̄u mehna potu ni n̄a n̄a”, ih̄c̄aqui n̄iḡu tuhoro apequiro pehe tiquiro mehna cahme d̄use tutuariquiro pehe “Ijirota ijire”, ninota. Sa ye cahme d̄use tutua duhuetu tiquina. <sup>17</sup> Sa yero Coh̄c̄j̄u Abrah̄re “M̄h̄re quehnoano yeitja”, ni c̄uno wame peo yahuahye. Tiquiro sa wame peorire tuhona “Ijirota ijire ti. Tiquiro sa nidi ne comesasi”, ni, masiaja mari. Tire mari masiata saha tiquiro ni c̄uri mehna wame peo yahuahye.

<sup>18</sup> Sa yero puaro tiquiro ni yahuducuri mehna tiquiro nidi potu ijiḡu masiḡu yeahye Coh̄c̄j̄u marine: Tiquiro ni c̄uri ḡh̄u tiquiro wame peori ḡh̄u ti puaro mehna tiquiro ni yahuducurire yahuahye tiquiro. Sa ye tiquiro ni c̄uri ḡh̄u, tiquiro wame peori ḡh̄u ne comesaer-

are. Sa yero Coh̄c̄j̄u ne ni mehoedare. Tiquiro sa ijiriquiro ijiḡu masina, mari tiquirore quehnoano wac̄u tutuana, bucu-eye mehna marine tiquiro yuh̄d̄oatire cohtenatja mari. <sup>19-20</sup> Sa tiquiro yuh̄d̄oatire cohtena, wac̄u tutuana ijiaja mari. Sa yena cueraja. Pahia puhtoro Coh̄c̄j̄u ijiri tuc̄u waropu saj̄ano, cahmotari suhtirore yuh̄du saj̄are. Sa saj̄ano masa ye ijiatire sini basare Coh̄c̄j̄ure. Tiquiro sa yeriro sahata Jesu ḡh̄u came mari wahato sahata uh̄m̄sepu Coh̄c̄j̄u cahapu waharo, mari ye ijiatire sini basare Coh̄c̄j̄ure. Topu mari wahato pano tiquiro pehe wahahye. Sa yero ijip-ihtiye decori pahia puhtoro ijire tiquiro. Melquisede pahi tiquiro ijiriro saha pahia puhtoro ijire tiquiro ḡh̄u.

## 7

*Melquisede pahi tiquiro ijiriro saha Jesu pahia puhtoro ijire*

<sup>1</sup> Melquisede Sal̄e wame tiri maca c̄j̄ena puhtoro ijiahye. Sa yero pahi ijiro Coh̄c̄j̄u tutuariquirore, uh̄m̄se c̄j̄nore sini basariquiro ijiahye. Sa yero apequina puhtoare Abrah̄a wej̄e tuhasa, tiquiro tojoa taḡu waro Melquisede tiquiro ya macapu ijiriquiro Abrah̄re piti caro esahye. Sa piti caro tiquirore sini basahye Coh̄c̄j̄ure. “Quehnoano yeya ahriquirore”, ni sini basahye Abrah̄re Coh̄c̄j̄ure. <sup>2</sup> Tiquiro sa piti cato pano Abrah̄a pehe tiquirore ih̄na tuhtiyequinare wej̄e tuhasa tiquiro wej̄ediquina puhtoa yere neahye. Tiquiro sa nedire mehenoḡa ohoahye Melquisedere. Melquisede tiquiro wame pehe “Puhtoro quehnoano yeriquiro ijire”, nino nine. Sa yero tiquiro Sal̄e wame tiri maca c̄j̄ena puhtoro ijiḡu tiquiro wame oh̄o saha nino nine: “Puhtoro quehnoano ijiḡu yeriquiro”, nino nine. “Sal̄e” nino, “Quehnoano ijiye”, nino nine. <sup>3</sup> Ne Melquisede pacus̄maare, tiquiro pano iji m̄htariquinare, tiquiro acayere tiquina yahu ojoa oh̄ori mariedare. Tiquiro masa bajarire, tiquiro yariari ḡh̄re yahu ojoa oh̄ori mariedare. Sa yero sa ijiducuriquiro yero saha ijire tiquiro. Tiquiro sa ijiriquiro ijiḡu Coh̄c̄j̄u tiquiro mehna marine queoye mehna buhere. Coh̄c̄j̄u mac̄no tiquiro pahi ijiire marine buhere. Melquisede pahi sa ijiducuriquiro yero saha

ijire. Tiquiro yero saha Cristo gūhū pahi sa ijiducuriquiro ijire.

<sup>4</sup> Sa yero Melquisede ne ihyo ijiriquiro ijierahye. Abrahā mari ñecu mūnano puhtoro waro ijieperota mehenogā tiquiro nedire Melquisede pehere ohoahye. <sup>5</sup> Sa yero Cohācjū dutiye Moiserē tiquiro cūri ijipihtiequina apequina Israe masare to punota wapa ye dutire. Sa dutiro Levī panamena iji turiayequinare tiquina acaye wapa yerire ñehe dutiro, cūahye. Levī panamena pahia wahae tiahye. Sa ye Israe masa Abrahā panamena iji turiayequina ijieperota tiquina pahiare wapa yee tiahye. <sup>6</sup> Melquisede pehe Levī panamino iji turiariquiro ijieraperota wapa neahye Abrahāre. Sa yero Cohācjū “Mūhure quehnoano yeitja”, tiquiro ni cūriiquiro ijieperota Abrahā pehe Melquisedere wapa yeahye. Sa yero Melquisede pehe Cohācjūre Abrahāre sini basaro quehnoano ye dutiahye.

<sup>7</sup> Quehnoano ye dutiriquiro Melquisede pehe tiquiro quehnoano ye dutinohriiquiro Abrahā bui ijire. Tire mari quehnoano masiaja. <sup>8</sup> Mari mehna cjēna pahia marine mehenogā wapa neñequina mari yero saha masa ijire. Sa ye yariatiquinata ijire tiquina gūhū. Ahriiquiro Melquisede pehe Abrahāre mehenogā wapa nediquiro sa catiducuriquiro yero saha ijire. Tiquiro yariarire yahueraro, sata nino niahye Cohācjū yere tiquina ojoari pūpū. <sup>9</sup> Yojoṗū cjēna Levī panamena iji turiayequina pahia ijiye, mehenogā wapa nene. Sa ijiyequina tiquina ijiepegāta Abrahā Melquisedere mehenogā wapa yero, ijipihtiequina Levī panamena ye ijiati gūhure oho basaro saha yero niahye. Sa ye tiquina gūhū Melquisedere mehenogā ohoyequina yero saha ijire. <sup>10</sup> Melquisedere Abrahā tiquiro wapa yeri pjere Levī pehe masa bajuera-niahye. Sa ijieperota tiquiro ñecuno mūnano Abrahā pagūpū tiquiro ijiboriro saha Levī pehe iji tuhasaro niahye. Sa yero Melquisede Abrahāre tiquiro piti cagū Levī gūhū tiquiro ñecuno mūnano mehna ijiro saha ijiro niahye. Sa ye Levī, tiquiro panamena mehna Melquisedere mehenogā wapa yeyequina yero saha ijiye, tiquina tiquiro docapū ijiye niahye.

<sup>11</sup> Tiquiro dutiyere cūno Cohācjū

Levīre tiquiro acaye gūhure pahia iji dutiahye. Sa ye tiquiro dutiye nidiro sahata tiquina pahia wahiquinare wejē űjūa mūo, Cohācjūre sini basahye masare. Tiquina sa yeri mehna mari yūhdūna, apequiro pahi sijoro saha ijiriquiro pahire cahme nemoedaboya mari. Sa yena apequiro pahire cahmeaja mari yojoṗūre, Melquisede yero saha ijiriquirore. Levī ya curua cjēno Aaron mūnano yero saha ijiyequina pahiare yojoṗūre mari cahmedaja. <sup>12</sup> Sa yena pahiare comesana niaja mari. Mari sa comesana, marine dutiye gūhure comesaro cahmene marine. <sup>13</sup> Aaron, Levī gūhū tiquina ya curua cjēna dihitarē pahia saja duti mūhtamahye Cohācjū, tiquiro dutiyere cūno. Tiquiro sa dutiepegāta yojoṗūre mari puhtoro pahi sōriiquiro ape curua cjēno ijire. Sa ye ti curua cjēna ne pahia sajaedahye. <sup>14</sup> Tiquiro Cristo Judā ya curua cjēno masa bajuahye. Tire mari quehnoano masiaja. Sa yero, Moise pahia sōno, Judā ya curua cjēnare ne pahia sōeda tiahye.

<sup>15</sup> Ahrire masina, ohō saha mari quehnoano masiaja: Yojoṗūre wahma tiquiro sōriiquiro pahi Cristo Melquisede yero saha ijiriquiro ijire. <sup>16</sup> Panopū cjē dutiye ti nidiro sahata Levī ya curua cjēna dihita pahia sajahye. Yojoṗūre tiquiro sōriiquiro pahia tiquina yero saha pahi sajaedahye. Tiquiro Cohācjū tutuaye mehna ijipihtie decori ijiriquiro ijire. Sa yero ti tutuaye mehna pahi sajahye tiquiro. <sup>17</sup> Ohō saha nine Cohācjū yere tiquina ojoari pūpū: Ijipihtie decori pahi ijiducugūta mūhū.

Melquisede pahi tiquiro ijiriro saha pahi ijiducugūta mūhū, niahye Cohācjū tiquiro macūnore, ni ojoahye panopū.

<sup>18</sup> Ti dutiye tiquiro cū mūhtari dutiye dūh-seati ijierahye. Sa yero ti dutiyere duhu cāhye Cohācjū. <sup>19</sup> Moiserē tiquiro cūri dutiye mehna ne yūhdūerare masa. Sa yero yojoṗū pehere Cohācjū marine tiquiro yūhdūoatire marine cūre. Tiquiro sa yegū yojoṗūre tiquiro mehna yahuducu masiaja.

<sup>20</sup> Sa yero Cristore pahi sōno, wame peoro mehna tiquiroro sōahye. Apequina pahiare tiquiro yero saha wame peo sōedahye.

<sup>21</sup> Cristo pehe Cohācjū wame peoro mehna pahi sajahye. Ohō saha niahye tiquiro Pacūro Cristore:



Yahū mahū pūhto yahū wame mehna mahūre poto yahutja. Sa yegu ahrire ne duhu cūno marieno yahuaja mahūre. Pahi sa ijiducugata mahū, ni cūahye Cohācjū tiqiuro macūnore.

<sup>22</sup> Sa wame peo cūno, wahma buheyere quehnoañe buheyere marine cūno, marine tiqiuro yūhdūoatire cūno niahye. Panopū cjē dutiye yūhdūoro mari quehnoano ijiatire cūno niahye. Sa yero Cohācjū “Mūsare yūhdūoutja”, tiqiuro nidiro sahata yero taro, Jesure ohoahye marine yūhdūoatiqiurore. <sup>23</sup> Iji māhtariquina pahia tiquina yariagū ihñañe apequina camesa sajāre tja. Sa ye tiquina peyequina pahia wahare. <sup>24</sup> Jesu pehe sa ijiducure. Sa ye tiqiurore camesayequina mariedare pahia. <sup>25</sup> Sa yero tiqiuro sa ijiducuro, Cohācjūre sa sini basaducure tiqiuro yequina ye ijiatire. Sa yero Cohācjū mehna tiquina sa ijiducuatō saha masare yūhdūo masine tiqiuro. Ijipihtiyequina tiqiurore wacū tutuayequina Cohācjū cahapū wahaeta. Sa yero Jesu ijire potota tiquinare yūhdūoriqiuro.

<sup>26</sup> Sa yero Jesu ijire mari yaqiuro pahia pūhtoro. Tiquiro pūritare tutuaro cahmeaja mari. Ne ñañe buhiri marieniquiro ijire tiqiuro. Sa yero masa yero saha ne ñañene yerare. Sa yero Cohācjū tiqiurore ñañequina cahapū ijiriquirore neano, ūhmūsepu cū, ijipihtiyequina apequina bui pūhtoro sōahye. <sup>27</sup> Apequina pahia yero saha ijierare tiqiuro. Tiquina pehe decoripe wahiquinare wejē, ūjūa mūo, Cohācjūre sinie tiri. Tiquina basi tiquina ñañe buhirire sini māhtae tiri. Came apequina masa tiquina ñañe buhiri gūhūre sini basae tiri tiquina. Sa ye peye tahari tiquina Cohācjūre sinie tiri. Jesu pehe pahi ijiro, ihcā tahata tiqiuro yariari mehna siniahye Cohācjūre masa tiquina ñañe buhirire yūhdūoro taro. Sa yariaro tiqiuro basi tiqiuro pagure tiqiuro jeripohna gūhūre tiqiuro ohoboriro saha yero niahye. <sup>28</sup> Cohācjū dutiye Moiserere tiqiuro cūri pahia pūhtoare sajā dutire. Sa sajāepeta ñañe marieñequina ijierare sa pahia sajāñe. Ti dutiye bato ijire buheyere mehna Cohācjū wame peoro mehna tiqiuro yahuri buheyere mehna tiqiuro macūno pahia pūhtoro sajāhye. Tiquiro pehe ñañe marieniquiro sa ijidu-

cure.

## 8

Cohācjū “Mūsare yūhdūoutja”, ni cūahye tja Moiserere tiqiuro cūrire comesaro. Tire yahu basariqiuro ijire Jesu

<sup>1</sup> Ti ijipihtiyere yahuna, ahri pūritare mūsare yahuna tana niaja: Mūsare ūsā yahuriqiuro pahia pūhtoro tiqiuro pūrita mari yaqiuro waro ijire. ūhmūsepu Cohācjū tutua yūhdūariqiuro tiqiuro pūhtoro dujiro poto pehe dujire Cristo mari yaqiuro pahia pūhtoro. <sup>2</sup> Sa yero ahri yehpa cjā wūhūpū, masa tiquina yeri wūhūpū pahia dahrayere yerare tiqiuro. ūhmūsepu ijiri wūhūpūre mari pūhtoro tiqiuro yeri wūhūpūre pahia dahrayere yere tiqiuro. Ti wūhū pūrita Cohācjū waro ya wūhū ijire.

<sup>3</sup> Ijipihtiyequina ahri yehpa cjēna pahia pūhtoa wahiquinare wejē ūjūa mūo, ohore Cohācjūre ño peoye. Sa ye dutie tiahye tiquinare. Mari yaqiuro pahi gūhūre Cohācjūre oho dutiahye. Mari ñañe buhirire tiqiurore oho dutiahye. Sa yero Cristo mari ñañe buhiri yariaro bucuegū yehye Cohācjūre, pahia pūhtoa Cohācjūre ohoye tiquina bucuegū yeriro saha. <sup>4</sup> Mari judio masa mari dutiye ti nidiro sahata ahri yehpū pahia masa tiquina ñañe buhirire ohore Cohācjūre siniñe. Sa ye ahri yehpū pahia iji tuhasare. Sa yero Jesu pehe mari yaqiuro pahi ahri yehpū ijimino, pahi ijieraboa tiqiuro pehe. <sup>5</sup> Ahri yehpa cjēna pahia tiquina dahrayere ahri yehpa cjā wūhūpūta dahrare. Ti wūhūpū Cohācjūre tiquina ño peorire ihñana ūhmūse cjā wūhūpūre tiqiurore mari ño peoatire masi cjūna niaja. “Ti wūhū yero saha ijire”, nino niahye Cohācjū cūnpū Moiserere tiqiuro ya wūhūre dahre dutiro. Tiquiro sa dahreato panogā Cohācjū ohō saha niahye tiqiurore. “Cūnpū mahūre yūhū ihñoriro sahata ti wūhū ijiriro sahata ya wūhūre queoro dahreya”, niahye Cohācjū tiqiurore. <sup>6</sup> Sa yero yojopū pehere Jesu pahi ijiro, tiqiuro dahraye apequina pahia ye dahraye yūhdūoro ijire. Ihyo waro ijierare. Cohācjū marine “Mūsare yūhdūoutja”, tiqiuro ni yahuri panopū cjē dutiye Moiserere tiqiuro cūri dutiye yūhdūoro ijire. Marine tiqiuro yahuri ti dutiye yūhdūoro marine quehnoano ijigū yeeta. Sa yero marine

yuhduo basariquiro ijiro, Cristo pehe apequina pahia yuhduoro ijire.

<sup>7</sup> Coã waropure tiquiro dutiri mehna mari yuhdueraja. Ti dutiye mehna mari yuhdugã, apeye buheyere cuedaboya Cohãcjũ. <sup>8</sup> Sa yero ti dutiyere tiquina ihcãno sahaerarire yahuro ohõ saha niahye tiquiro yeequinare Israe masare:

Ohõ saha nine mari puhtoro: “Quehnoano tuhoya. Camerũ apeye buheyere yahutja yequinare Israe masare, Judã ya curua cjẽna gũhure. <sup>9</sup> Ti buheye tiquina ñecusumãna muna iji turiayequinare yũhũ yahu cũri yero saha ne ijisi. Yũhũ basi tiquinare Egipto yehparũ ijieyequinare wioꝑũ tiquinare yahu cũmi. Yũhũ sa ni yahu cũrire yuhduucare tiquina. Tiquina sa yegũ ihñaꝑũ wahmanore tiquinare yũhũ yahumedire duhu cũhũ.

<sup>10</sup> Sa yegũ camerũ Israe masare ohõ saha ni yahutja: Yũhũ dutiyere tiquinare wacũgũ yeitja. Sa ye yũhũ dutiyere yuhtietã. Sa yegũ yũhũ Cohãcjũ tiquina puhto, tiquinare ihña ihbogũ ijigutja. Sa ye tiquina pehe yeequina masa ijietã. <sup>11</sup> Sa ye ti pjere tiquina mehna cjẽnare ne tiquina ohõ saha cahme nisi: ‘Mari puhtoro Cohãcjũre masiña musã’, ne ni cahme buhesi. Tiquina ijipihtieyquina yũhũre masi tuhasaeta. Macanagã, bucũna gũhũ yũhũre masiñequina dihita ijietã. <sup>12</sup> Sa yegũ tiquina ñaãe yerire boutja yũhũ. Sa yegũ tiquinare buhiri dahresi yũhũ. Tiquina ñaãe yerire pari turi wacũsi yũhũ”, niahye mari puhtoro, nine Cohãcjũ yere tiquina ojoari pũpũ.

<sup>13</sup> Yoꝑorũ marine tiquiro ye buheyere cũno, panopũ cjẽ dutiyere duhuro nidi. Sa yero mũna dutiyere tiquiro duhuri bato ti dutiye comesaa wahare.

9

Ahri yehpa cjã tucũre uhmũse cjã tucũ gũhũre Cohãcjũre ño peori tucũre yahuahye

<sup>1</sup> Coã waropure Cohãcjũ tiquiro dutiyere Moiserẽ cũno, masa tiqũrore tiquina ño peoato gũhũre cũahye. Sa yero Cohãcjũre tiquina ño peoati wũhũ gũhũre ye dutiro

cũahye. <sup>2</sup> Ti wũhũ wahiquina cahseri wũhũ ijiahye. Pũa tucũ cũoahye. Paji cjũri tucũ tiquina saãã sa muhtari tucũ “Cohãcjũ ya tucũ”, wame tiahye. Ti tucũpũ tiquina sihõ docodu ijiahye. Sa yero mesa gũhũ ijiahye. Ti mesa bui Cohãcjũre tiquina ohori pã pesahye. <sup>3</sup> Ape tucũ suhti cahseri mehna tiquina cahmotari tucũ ijiahye. Ti tucũ “Cohãcjũ ijiri tucũ waro”, wame tiahye. <sup>4</sup> Ti tucũpũ uru mehna tiquina yeri altar, ehmeo bueyere tiquina uñũari altar ijiahye. Sa yero uru quehnoafe mehna tiquina duhu ohõri acaro topũ cuñahye. Ti acaro puhiarũ uru pa manã wame tiye ihyaye pose tiri pa ijiahye. Sa yero ti acaro puhiarũ Aaron yadu tuadu pũri tidũ ijiahye. Sa yero pũa pjĩ utã pjĩni Cohãcjũ dutiyere tiquiro ojoari pjĩni gũhũ ti acaro puhiarũ sañahye. <sup>5</sup> Ti acaro bui pũaro angele queoye ijiahye. Ti queoye Cohãcjũ asi siteyere, ti tucũpũ tiquiro ijiyere ihñoñe niahye. Ti acaro mohano bui tiquina wũye dũpũri mehna mohahye. Ti acaro mohano bui masa ñaãe buhirire tiquina ohorire wejẽ site peoe tiahye pahia puhtoro. To punota yahutja ahri wũhũ cjẽne yoꝑorũ.

<sup>6</sup> Sa ye ti wũhũre tiquina quehnoano quehnoari bato pahia decoripe tiquina saãã sa muhtari tucũpũ saãã sa, tiquina dahrayere yee tiahye. <sup>7</sup> Sa yero pahia puhtoro dihita ape tucũpũ saããhye. Cũhmaripe ihcã tahata tiquiro saããri deco boropũta saããe tiahye tiquiro. Sa saããno tiquina wejẽdiquiro wahiquiro tiquina ohoriquiro diire ne saããno, Cohãcjũre ño peoe tiahye. Dii marieno ne saããedahye. Ti quiro basi tiquiro ñaãe yeri buhirire diire ne saããe tiahye. Sa yero ijipihtieyquina apequina Israe masa “Ñãne ijiaga”, nino marieno tiquina ñaãe yeri buhiri gũhũre diire ne saããe tiahye tiquiro Cohãcjũre sinino taro.

<sup>8</sup> Ijipihtiey ahri mehna Espĩritu Santo ohõ saha ni marine buhero nine: Ti wũhũpũ Moiserẽ tiquiro cũri wũhũpũ mari ño peorĩna, tiquiro cũri dutiyere yeatina ijinina, ihyo ijina Cohãcjũre ño peona wahaeraboya mari. Pahia puhtoro dihita Cohãcjũ ijiri tucũ waropũ saãã masine. Sa yena ihyo ijieyquina tiquina ño peoye wahaeraro saha sa ijiboya mari Moiserẽ tiquiro cũri dutiyere yena.

<sup>9</sup> Ahri ijipihiyere Cohācjüre ño peori wuhapū ijiyere marine cūno, marine yojopū cjenare buhero niahye Cohācjū. Wahiquinare wejē ujūa mūo, masa Cohācjüre tiquina ño peori mehna ne Cohācjū cahapū wahasi. Tiquina sa yeri mehna tiquina ñañe yerire cose werahye.

<sup>10</sup> Sa wahiquinare ohoye, tiquina ihyaye, tiquina sihniñe, tiquina pagū coseye, tiquina ohō saha yeye mehna Cohācjüre ño peoe timahye. Ahri tiquina sa yeri ihyo warota ijire yojopūre. Sa yeye ti dutiye Moisere tiquiro cūri dutiye marine quehnoana wahagū yerahye. Sa ye wahma buheyere Cohācjū tiquiro cūri bato muna dutiye pehe dūhseati ijierare.

<sup>11</sup> Cristo pehe mari pahia puhtoro ijiro ahta tuhasari jiri. Sa ijiro marine quehnoañene cū tuhasari jiri. Cohācjüre ño peori wuhū ūhmūsepū pahia puhtoro tiquiro dahrari wuhū apeqūina pahia tiquina dahraye wuhūse yuhduoro quehnoari wuhū ijire. ūhmūse cjā wuhū ijire. Ti wuhū ahri yehpa cjā wuhū ijierare. Sa yero masa tiquina yeri wuhū ijierare.

<sup>12</sup> Sa yero Cristo ūhmūsepū Cohācjū ijiro waropū ihcā taha sajahye mari ñañene yeri buhirire Cohācjüre ohoro saha yero taro. Topū ūhmūsepū ohōpū tiquiro ijiri tucū waro yero saha ijire mari queoye mehna buhegū. Sa yero chivoa diire, wecuagā diire ne sajà, ohoerahye tiquiro. Tiquiro pehe tiquiro ye dii warore Cohācjüre tiquiro ohoro saha yero niahye yariaro. Ijipihiyere decori Cohācjū mehna mari ijiducuatō saha tiquiro ye diire cohāhye. Mari ñañe buhirire yariahye.

<sup>13</sup> “Yariariquinare dahra peona mūsa pagū wete tina ijire”, ni cūahye Cohācjū Moisere. Sa ijije ñañene wete tiyere cose wee tiahye chivoa diire tiquina ohori mehna. Wecua diire tiquina ohori mehna, wecuagāre tiquina ujūari nitine tiquina ohori mehna sa ijije ñañene cose wee tiahye. <sup>14</sup> Sa ijije ñañene wahiquina diire tiquina ohori mehna, nitine tiquina ohori mehna tiquina cose weriro saha ti yuhduoro Cristo pehe tiquiro diire cohāno mehna mari ñañe yerire quehnoano cose we peho cāre. Tiquiro ñañe marieniquiro ijiro, curusapū yariaro tiquiro basita tiquiro pagū, tiquiro jeripohna mehna Cohācjüre ohoro saha yeahye. Espiritu

Santo sa ijiducuriquiro yedohoye mehna sa yeahye tiquiro. Sa ye mari ñañe yerire tiquiro cose wegū ihñano mari ñañe buhirire Cohācjū bo cāhye. Ti ñañe buhirire cūona pecapū wahaborina ijimi mari. Tiquiro cose wenohrina ijina, Cohācjū catiriquiro tiquiro cahmeñene ye masiaja mari.

<sup>15</sup> Sa yero “Ohō saha mū sare yuhduoutja”, masare pari turi Cohācjū ni yahu cūgū Cristo pehe tiquiro yahuyere yahu basariquiro ijire. Sa yahu basare tiquiro Cohācjū beseriquinare yuhduoro taro. Tiquiro sa yuhduogū ijipihiyere decori tiquiro mehna ijinata mari tiquiro yequina. Sa yena mari tiquiro yequinare Cohācjū marine ohoatire cūonata mari. Moisere tiquiro cūri dutiye dihita ijigū masa tiquina ñañe buhiri ijiniahye. Sa yero curusapū yariaro ti pjeta tiquina ñañe yeri buhirire yuhduoahye tiquiro yequinare.

<sup>16-17</sup> Masūno came tiquiro acayere tiquiro ohoatire ojoa ohōyure papera pūpū. Tiquiro ohoatire yahuro taro ojoa ohōyure. Ti pūre ojoa ohōyuriquiro tiquiro yariaranigū ti pū dūhseati ijierare. Tiquiro acaye tiquiro cūorire nea masiedare. Sa ye tiquiro yariagū ihñañe ti pūpū tiquiro ni ojoariro sahata tiquiro yere neañeta tiquina. <sup>18</sup> Tiquiro yariato pano ti pū dūhseati ijieraro sahata yariaro marieno dii wijiario marieno Cohācjū Moisere tiquiro cūri dutiye gūhū ne dūhseati ijieraboya. Sa yero wahiquiro diire tiquiro wejē siteri bato ti dutiyere potota yero niahye.

<sup>19</sup> Sa yero ohō saha ye mūhtahye Moise: Cohācjū tiquiro cūri dutiyere masare yahu pehoahye. Came wecuagā diire, chivoa diire aco mehna moreahye. Sa yero hisopo wame tidū dūpū mehna oveja poari sohañe mehna tiquina ñimiori poarire torēahye. Ti dūpū mehna diire soharo, Cohācjū dutiyere tiquiro ojoari pū bui wejē site peoahye. Ijipihiyequina masa bui gūhūre wejē site peoahye.

<sup>20</sup> Sa yero ohō saha niahye tiquiro: “Cohācjū marine tiquiro yahuri tiquiro dutiri ahri dii mehna poto ijigū masiaja mari. Ahri diire ihñana tiquiro nidiro sahata marine tiquiro yeatire masiaja mari. Ti dutiyere yūhti dutiahye tiquiro marine”, niahye Moise. <sup>21</sup> Sa yero masare tiquiro

yeriro saha Cohăcjure tiquina ño peori wuhu wahiquina cahseri wuhare, ijipihitiye ti wuhupu ijiye gũhure wejê siteahye. <sup>22</sup> Sa tjire. Ti dutiye ti nidiro sahata peye ñañene dii cohăno mehna cose wero cahmene. Mehenogă duhsaye ñañene apee boro mehna cose wegũ quehnoare. Sa yero Cohăcjũ mari ñañe yerire ne bosî dii cohăedagũ.

*Cristo tiqiro diire cohăno, yariaro, tiqiro yequina ñañe yerire cose weahye*

<sup>23</sup> Ti ijipihitiye Cohăcjure tiquina ño peori wuhu, ti wuhupu ijiye gũhu ũhmuse cjă wuhupu ijiye yero saha ijahye mari queoye mehna buhegũ. ũhmuse cjă wuhu pehe potota Cohăcjũ ya wuhu waro ijire. Sa yero ahri yehpa cjă wuhure, ti wuhupu ijiye gũhure wahiquina diire tiqiro wejê siteri mehna cose wero cahmeahye. Sa ye ti yuhduoro ũhmusepu wahatiquinare tiquina ñañe buhiri tiyequinare cose wero cahmene. Sa yero wahiquina yuhduoro ijiriquiro ye dii tiqiro cohăno mehna tiquina ñañe yerire cose wero cahmene.

<sup>24</sup> Sa yero Cohăcjure tiquina ño peori wuhu masa yeri wuhu ijire. ũhmuse cjă wuhu yero saha ijire ti wuhu gũhu, mari queoye mehna buhegũ. Sa yero Cristo pahî ijiro, marine sinî basaro taro ahri yehpa cjă wuhure sajăedahye. Potota ũhmusepu wahahye tiqiro Cohăcjũ cah marine sinî basaro taro. <sup>25</sup> Mari judio masa mari pahîa puhtoro cuhmaripe Cohăcjũ ijiri tucũ waropu sajăe tiahye wahiquina diire ohoro taro. Cristo pehe tiqiro diire Cohăcjure ohoro saha yero taro, yariaro, peye tahari sajăedahye. <sup>26</sup> Peye tahari yariariquiro ijiro, ahri yehpa ijî ducari bato peye tahari yariaboya tiqiro. Peye tahari tiqiro mari ñañe buhirire yariaducuriquiro ijiboya. Sa ijiboriqiro ijieperota pihitiri deco panogă yojopure marine ijipihitine yuhduoro taro ihcă taha bajuahye tiqiro ahri yehpau. Sa bajuahye yariaro taro, mari ñañe buhirire cohăno taro.

<sup>27</sup> Ijipihitiyequina masa ihcă tahata yarieta. Tiquina sa yariari bato masa quehnoaŕequinare, ñañequina gũhure beserota Cohăcjũ. <sup>28</sup> Ihcă tahata mari yariaro saha Cristo gũhu ihcă tahata yariahye peyequina masa tiquina ñañe yerire cohăno taro. Came pari turi ahtarota.

Mari ñañe yerire cohă tuhasariquiropu ijirota. Sa yero pari turi mari ñañe yerire cohăno taro ahtasi. Sa ahtarota tiqirore cohteyequinare, bucheye mehna tiqirore ihña duayequinare yuhduoro ahtarota.

## 10

<sup>1</sup> Cohăcjũ dutiye Moisere tiqiro cũri quehnoaŕe buheye yero saha ijiepete, ihcăno saha ijierare. Ti dutiye ti ye dutiriro saha cuhmaripe wahiquinare wejê, ũjũa muo, Cohăcjure ño peoducure. Tiquina sa yeye mehna masa tiquina ñañe yerire boerare Cohăcjũ. <sup>2</sup> Ti mehna tiquina ñañe yerire Cohăcjũ bogũ, ihcă tahata Cohăcjure tiquina ño peori bato “Yojopure buhiri mariedare ũsăre”, ni tuhotuboya masa. Sa ye pari turi wahiquinare wejê ũjũa muo, Cohăcjure ño peo ohoeraboya. Duhu căboya. <sup>3</sup> Cuhmaripe wahiquinare wejê ũjũa muo, Cohăcjure tiquina ño peogũ tiquinare ñañe buhirire wacũgũ yere. To panogăta yedoho duare ti tiquinare. <sup>4</sup> Wecua dii mehna mari ño peori mehna, chivoa dii mehna mari ño peori mehna ne mari ñañe buhirire cohăedare.

<sup>5</sup> Ti ijirota ijire. Ti sa ijigũ ihñano Cristo ahri yehpaupe tiqiro ahtato pano ohô saha niahye Cohăcjure:

Wahiquinare ũjũa muo tiquina ohogũ, trigore tiquina ohogũ gũhure muhu ihñagu bucuereare muhu. Sa yegu yuhu pagure yeri muhu ya pagu ijiatire. <sup>6</sup> Ñañene tiquina cohătope wahiquinare wejê, tiquina ũjũa muogũ ihñagu bucuereare muhu. <sup>7</sup> Muhu sa bucuereagũ ihñagu ohô saha nii muhure: “Muhu cahmeno sahata yegu wahagutja. Sata ni yahure muhu ya pũpu”, nii yuhu, niahye Cristo tiqiro Pacurore.

<sup>8</sup> “Wahiquinare ũjũa muo tiquina ohogũ, trigore tiquina ohogũ gũhure ihñagu bucuereare muhu”, ni yahu muhtahye tiqiro. Coă waropure tiqiro ye dutiye wahiquinare, trigo gũhure tiquina ohoye mehna ti ño peo dutiepegũta sa niahye tiqiro. <sup>9</sup> Sa ni tuhasa ohô saha ni nemoahye: “Muhu cahmeno sahata yegu wahagutja”, niahye. Tiquiro sa nigũ ohô saha masiaja mari. Panopu wahiquinare wejê ũjũa muoŕe mehna tiquina ño peorire duhugũ yero, apeye buheye pehere cũno

niahye Cohācjū. (Sa cūno yojoṗure Cristo tiqiro yariari mehna masare yuhduorota Cohācjū.) <sup>10</sup>Jesucristo tiqiro ṗagure ohoro, yariaro, ijipihitina marine mari ṗano yerire cohāre. Ihcā tahata tiqiro ṗagure ohore mari ṗañene cohāno taro. Sa yero Cohācjū cahmeno sahata yero niahye.

<sup>11</sup>Ijipihitina mari judio masa mari yequina pahia decoripe Cohācjūre ṗo peori wuhṗu dahraducure. Sa dahraducuyey decoripe muananota wahiṗuare wejē, ṗjūa mūo, Cohācjūre siniducure. Tiquina sa wejē ṗjūa mūoepēgūta ti ṗjūa mūori mari ṗano yerire ne cohāedare. <sup>12</sup>Cristo pehe ihcā tahata mari ṗañe buhirire yariahye, mari ṗañe yerire quehnoano cohā pehorotaro. Tire cohā tuhasa, wahaa wahahye tiqiro Pacuro cahapū tiqiro poto pehe dujiro waharo. ṗahtoro ijiro, topū dujire.

<sup>13</sup>Topū dujiro, cohtero nine. Tiquirore ihña tuhtiyequinare Cohācjū pehe tiqiro yuhduṗca basatore cohtero nine. <sup>14</sup>Sa yero ihcā tahata tiqiro yariari mehna tiquina ṗañene cohānohriṗuare ṗañe marieṗequina sa ijiducugū yere tiquinare. <sup>15</sup>Ti ijirota ijire. Sata ni yahure Espiritu Santo marine. Ohō saha ni yahure tiqiro:

<sup>16</sup>Ohō saha nine Cohācjū: “Cameṗure ohō saha ni yahutja Israe masare. ‘Yuhū dutiyere tiquina wacūṗepū cūtja’, ni yahutja”, nine tiqiro.

<sup>17</sup>Ohō saha ni nemore Cohācjū: “Tiquina ṗañe yerire pari turi wacū nemosi yuhū”, nine tiqiro, ni yahure Espiritu Santo.

<sup>18</sup>Mari ṗañe yerire tiqiro sa bogū pari turi mari ṗañe buhiri yariatiquirore cahmedaja mari.

Cohācjū cahapū esana, cuero marieno tiqiro mehna mari yahuducaboriro saha tiqiro mehna yahuducu masiaja yojoṗure (Mt 27.51; Mr 15.38; Lc 23.45)

<sup>19</sup>Sa yena yuhū acaye, Cristo tiqiro yariaro mehna tiqiro dii cohāno mehna yojoṗure mari gūhū cuero marieno Cohācjū mehna yahuducu masiaja. Sa yena tiqirore sini masiaja. <sup>20</sup>Ahri yehpa cjuño pahia ṗahtoro Cohācjū ijiri tucū waropū tiqiro yemedi yojoṗure marine duṗseati ijierare. Ti mehna Cohācjū mehna yahuducu masiedaja mari. Cristo pehe mari ṗañene yeri buhirire yariaro

tiqiro dii cohāri mehna Cohācjū mehna yahuducu masiaja mari. Pahia ṗahtoro ti tucūpū tiqiro sajiro sahata Cristo pehe Cohācjū cahapū esahye mari ṗañe yerire bo dutiro waharo. Ti tucū cja cahserore cahmotari cahserore tiqiro tuhrē cohāriro saha Cristo tiqiro ṗagure cohāhye Cohācjū mehna marine iji dutiro.

<sup>21</sup>Sa yero Cohācjū ya wuhṗu dahrariqiro mari yaqiro pahi tutua yuhduariqiro ijire tiqiro. <sup>22</sup>Sa yena Cohācjūre sinihna poto ni mehono marieno. Tiquirore quehnoano wacū tutua, cuero marieno tiqirore sinihna. Cristo mari ṗañe yerire tiqiro cose wenohrinapū ijiaja. Sa yena “Buhiri tina ijiaja mari”, ni tuhotuna ijieraja mari. Sa yena wete marieṗe aco mehna mari cose wero saha Espiritu Santo tiqiro cose wenohrinapū ijiaja. Sa yena Cohācjūre sinihna. <sup>23</sup>“Musare yuhduoutja”, tiqiro nidiro sahata yerota. Sa yena marine tiqiro yuhduoatore quehnoano masiaja mari. Tire masina, ne boeracūhna. Cohācjūre sa wacū tutuaducuhna. Sa wacū tutuana tire apequinare yahuaja.

<sup>24</sup>Mari mehna cjenare cahina, tiquinare yedohouhna mari, ijipihitina mari ihcāno saha mari cahme cahī yedohoato saha. <sup>25</sup>Sa yena quehnoano cahmecoaducuhna Cohācjū yere yena tana. Apequina pehe tiquina cahmecoamedirore duhuyey nine. Tiquina yero saha yeracūhna. Mari mehna cjenare bucuegū yeihna. Ahri yehṗapure mari ṗahtoro ahtato mehenogā duṗsare. Tire masina tutuaro bucuegū yeihna mari mehna cjenare Jesu yequinare.

<sup>26</sup>Poto ijiye buheyere quehnoañe buheyere mari masiepenata ṗañene mari pari turi sa yeducugū mari ṗañene cose we nemoato ne mariedare. <sup>27</sup>Sa yero sa yeyequinare cuarīne. Ijipihitiyequina tiqirore ihña tuhtiyequinare buhiri dahrero, tutuaro ṗjūnopū cohānota Cohācjū tiquinare. Sa ye tiqiro buhiri dahreatire cueyequina dihita ijimene tiqirore duhuyequina. <sup>28</sup>Cohācjū dutiye Moiserē tiqiro cūrire yuhduṗcayequinare buhiri dahreye, mari acaye judio masa wejēne tiquinare. Ne paja ihñano marieno wejēne tiquinare. Ihtiaro tiquina yahusāgū tuṗoro beseriquiro tiquina yuhduṗcarire masino tiquinare buhiri dahre dutire. Ihtiaro mariedagū

puaro tiquina yahusāgū tiquinare buhiri dahre dutire. Sa dutigū tiquinare wejēne.

<sup>29</sup> Ti bui cjūno Cohācjū macunore ihña yabiyequina tiqiuro buhiri dahreatiquina ijieta. Cristo dii cohāri mehna mari ñañe yerire cohāre Cohācjū. Sa cohātore yahuahye tiqiuro marine. Sa yeye tiquina ñañe yerire cohānohriquina ijiepetā pari turi ñañene yeye, tiquina ñañe yerire tiqiuro cohārire tiqiuro dii gūhure “Ihyo waro ijire”, niñe nieta. Sa niñequina tiqiuro buhiri dahreatiquina waro ijiye nieta. Sa niñequina Espiritu Santore ñano ni yahuducuyequina ijire. Tiquiuro tiquinare cahīniqiuro ijire. Tiquina sa ñano yahuducugū ihñano tutuaro buhiri dahrerota Cohācjū tiquinare. <sup>30</sup> Ahrire mari quehnoano masiaja. Cohācjū tiqiuro basita ohō saha niahye: “Yūhū ijiāja buhiri dahreacjū. Tiquina ñañene yeri buhiri buhiri dahreitja yūhū”, niahye tiqiuro. Ohō saha ni nemoahye: “Yeequina ijimedtiquinare ñano yeyequinare buhiri dahreitja yūhū”, niahye tiqiuro. <sup>31</sup> Cohācjū catiriquiuro marine tiqiuro buhiri dahregū cua yūhūare.

<sup>32</sup> Panopū mūsa ijiire wacūña mūsa. Ti pjere Cohācjū yere coā masi dūcana peye tahari ñano yūhūepenata tiqiuro yere cohāedari mūsa. <sup>33</sup> Ihquē tahari masa tiquina ihñonopū apeqūna mū sare ñano ni, ñano yeperi mū sare. Sa yena apeqūna Jesu yequinare tiquina ñano yegū ihñana, tiquinare paja ihñari mūsa. <sup>34</sup> Peresupū ijieyequinare paja ihñari mūsa. Sa yena mūsa yere tiquina ehmaepēgūta bucueye mehna, “Quehnoanota”, nidi mūsa. Ahri yehpa cjē yūhūoro quehnoañene cūore mūsa ūhmūserū. Ti quehnoañe sa ijiducuetā. Tire masina, mūsa cūoyere tiquina ehmagū bujūa witiere mūsa. <sup>35</sup> Sa yena cueracāhña. Cohācjūre sa wacū tutaducuya. Mūsa sa yeri wapa tiqiuro quehnoano yerota mū sare. <sup>36</sup> Cohācjū “Mū sare ohō saha yedohoutja”, tiqiuro ni cūrire quehnoano cohteya mūsa tiqiurore wacū duhuro marieno. Sa cohtena tiqiuro cahmeñene yenata mūsa. Sa yena tiqiuro ni cūrire cūonata. <sup>37</sup> Ohō saha nine Cohācjū yere tiquina ojoari pūpū:

Mehenogā dūhsare Cristo wihiato. Sa ahtarō duita wihi madoqueorota. <sup>38</sup> Yeequina quehnoañequina pehe yūhūre wacū tutaducuetā. Sa

ye yeequina yūhū mehna sa ijiducuetā. Yeere cohāñequina pehere ihña yabiāja yūhū, niahye tiqiuro ye yahuducuye tiquina ojoari pūpū.

<sup>39</sup> Mari pehe Cohācjū yere cohārina ijieraja mari. Sa yena pecapū wahatina ijieraja mari. Cohācjūre wacū tutuaja mari. Sa yena tiqiuro yūhūorina ijiāja.

## 11

### *Wacū tutuayere yahuahye*

<sup>1</sup> Ohō saha ijire wacū tutuaye: Cohācjūre wacū tutuana, marine tiqiuro quehnoano yeatire quehnoano masiaja mari. Cohācjū tiqiuro nidiro sahata yeraniepegūta tiqiuro yahuyere “Ijirota ijire”, ni tūhotuaja mari tiqiurore wacū tutuana. Tiquiurore ihñedapenata, wacū tutuana, “Ijirota ijire”, ni tūhotuaja mari tiqiuro yahuyere tūhona. <sup>2</sup> Panopū cjēna Cohācjūre tiquina wacū tutuagū ihñano bucueahye tiqiuro pehe.

<sup>3</sup> Cohācjū tiqiuro yahuducuye mehna ijipihtiyere bajumehnee tiahye. Sa yero tiqiuro mari ihñedari mehna ijipihtiyē mari yojopū ihñañene bajumehnee tiahye. Tire mari quehnoano masiaja Cohācjūre wacū tutuana pūrita.

<sup>4</sup> Cohācjūre wacū tutuaro Abe pehe corderore wejē, ūjūa mūo, Cohācjūre ño peo “Quehnoare”, niahye. Tiquiuro wahmino Caī yūhūoro quehnoanore ohoro, ño peohye tiqiuro Cohācjūre. Sa yero Cohācjū tiqiuro ohorire bucueahye. Sa bucuro “Quehnoariqiuro ijire”, ni ihñahye tiqiuro Abere. Sa Cohācjūre tiqiuro wacū tutuagū ihñana mari tiqiurore ihña cūaja. Sa yena tiqiuro yariari bato ijiepegūta tiqiuro wacū tutuare ihña cūaja mari.

<sup>5</sup> Enoco Cohācjūre tiqiuro wacū tutuagū ihñano bucueahye Cohācjū. Sa bucuro tiqiurore tiqiuro cahapū ne mūoahye. Sata nine Cohācjū yere tiquina ojoari pūpū. Tiquiuro ne mūori bato masa tiqiurore ne bocaerahye. Tiquiuro ne mūonohriqiuro ijiro ne yarierahye. <sup>6</sup> Cohācjūre wacū tutuerana tiqiurore bucuegū ye masiedaja mari. Cohācjūre wacū tutuerana, tiqiurore ño peo masiedaja mari. “Potota tiqiuro Cohācjū warota ijire. Sa yero tiqiurore mari ño peogū marine quehnoano yere tiqiuro”, mari ni tūhotuerana mari tiqiurore sini masiedaja.

<sup>7</sup>Noé Cohācjüre wacū tutuaro, tiqiurore Cohācjū yahurire quehnoano yuhtiahye. Caperu tiquina ñano wahatore tiqiuro yahugū tuhoro quehnoano yuhtiahye tiqiuro. Sa yuhtiro, pajiria yucusare yeahye. Sa yeye tia yucusa mehna tiqiuro acaye mehna dia mininore yuhduahye. Sa wacū tutuariqiuro ijiro ahri yehpa cjēna ñañequina tiquina wacū tutuerarire tiquina pecaru wahato gūhure ihñono niahye. Sa yero tiqiuro wacū tutuagū ihñano “Quehnoariqiuro ijire”, ni ihñahye Cohācjū tiqiurore.

<sup>8</sup>Abrahā gūhū Cohācjüre wacū tutuaro tiqiurore yuhtiahye. Ape dihtapure tiqiurore ohoati dihtapure Cohācjū waha dutigū tuhoro Abrahā yuhtiahye. Tiquiro ya dihtapu ijiriquiro wijiaa waharo, tiqiuro masiedi dihtapu esahye. <sup>9</sup>“Ahri dihtare mūhure ohoutja”, Cohācjū nigū tuhoro tiqiurore wacū tutuaro ti dihtaputa tojoahye tiqiuro. Topu ijiro ape dihta cjūno ijieperota toputa tojoa cāhye. Tiquirore, tiqiuro macūno Isaac gūhure, tiqiuro panamino Jacob gūhure tiquinare “Ahri dihtare musare ohoutja”, ni Cohācjū yahue tiahye tiquinape. Tiquina tuhoe tiahye. Sa yeye tiquina ti dihtapu ijiye, wahiquina cahseri wūhūseru ijie tiahye mūnano ijieyequina ijiye. <sup>10</sup>Topu ijinie tiahye Abrahā Cohācjū mehna tiqiuro ijiatore cohtero. Ape macapu Cohācjū ijiri macapu ūhmūseru tiqiuro wahatore cohtero niahye. Ti macare dahreahye Cohācjū. Sa yero ti maca ne pihitisi.

<sup>11</sup>Cohācjüre wacū tutuaro, bucuro waro ijieperota, tiqiuro namono Sara bucuro waro ticoro ijiepegūta, Abrahā pohna tiahye. “Tiquiro nidiro sahata yerota”, Cohācjüre nino sa pohna tiahye. <sup>12</sup>Sa yero Abrahā bucuro waro ijieperota pohna tiahye. Sa yeye tiqiuro panamena iji turiayequinapu peyequina waha cāhye. Ñahpicoha parire, padu pjeri gūhure mari queona ihcāno sahaeraro sahata tiqiuro panamena iji turiayequina gūhure queona ihcāno sahaeraja mari.

<sup>13</sup>Ijipihityequina ahriquina yuhū yahuriquina Cohācjüre wacū tutua tuhasayequinapu yariahye. Cohācjū tiquinare “Musare ohō saha yeitja”, tiqiuro ni cūrirore eserapeta yariaa wahahye. Tire

ñehedapeta Cohācjū tiqiuro nidiro sahata camepu tiquina cūoatire masiahye. Sa masiñe bucueahye. Sa yeye ohō saha niahye tiquina: “Ahri yehpapu tinina ijiaja. Ape yehpa cjāna ijiaja”, niahye tiquina. <sup>14</sup>Sa niñequina ape yehpare tiquina ya yehpa ijiatore cohteye nine. Tire mari quehnoano masiaja. <sup>15</sup>“Ape yehpa cjēna ijire”, nigū panopu tiquina cohāri yehpare nigū niedaja. Ape yehpapu tiquina iji mūhtari yehpapu waha dua, wahaa wahaboya. <sup>16</sup>Quehnoa yuhduari yehpa pehere cahmeñe niahye. Ti yehpa ūhmūseru ijire. Tiquina sa cahmegū ihñano “Cohācjū usā puhtoro ijire”, tiquina nigū tuhoro bue tisi Cohācjū. Tiquina ya maca ijiatore dahre basa tuhasahye tiqiuro.

<sup>17-18</sup>Cohācjū Abrahāre tiqiuro macūnore Isaare wejē ūjūa mūo dutiahye. Tiquirore ihña duaro sa dutiahye, “¿Ijirota yūhūre wacū tutuajari?” nino. Cohācjüre wacū tutuaro tiqiuro nidiro sahata yemahye Abrahā. “Mūhū macu Isaac mehna panamena iji turiayequinare peyequinare cūoguta mūhū”, Cohācjū tiqiuro nidiqiuro ijiepegūta tiqiuro macūnore wejēno taro nimahye Cohācjüre ño peoro taro. <sup>19</sup>“Yūhū macu Isaare yuhū wejēgū Cohācjū tiqiurore masonota”, ni tuhuturo, tiqiurore wejēno taro nimahye. Sa nidiqiuro ijieperota Cohācjū tiqiurore cahmota, wejē dutierahye. Tiquiro pacuro tiqiuro sa wejēboriquiro ijiri yaria masariqiuro yero saha ijiahye Isaac, Abrahā ihñagū. Sa yero Abrahā tiqiurore catiriquirore pari turi cūoahye.

<sup>20</sup>Isaac Cohācjüre wacū tutuaro, tiqiuro pohnene Jacore, Esaú gūhure “Caperu Cohācjū musare pajiro quehnoano yerota”, niahye.

<sup>21</sup>Cohācjüre wacū tutuaro Jacob tiqiuro yariato panogā José pohmene, ūmūare “Cohācjū musare pajiro quehnoano yerota”, niahye Jacob. Dusepe curi mehna quehe sa, tiqiuro tuadū mehna tua ñehe cuña, Cohācjüre ño peoro “Cohācjū musare quehnoano yerota”, ni cūahye.

<sup>22</sup>Cohācjüre wacū tutuaro José tiqiuro yariato panogā Israe masa Egiptopu ijieyehye. Sa tiquina wijiatire masiyuro tiqiuro yariari bato tiqiuro pagure nea dutiahye tiqiuro pohnene.

<sup>23</sup> Cohācjüre wacū tutuaye, Moisegāre ihtia asū waro n̄o c̄uoahye tiqiuro p̄ac̄us̄m̄ua, tiqiuro masa bajuari bato. Quehnoariqiurogā tiqiuro ijigū ihñāñe tiqiurogāre n̄oahye. Ti yehpa cjēna p̄h̄t̄oro tiqiuna pohnene tiqiuro wejē dutiurore ȳh̄d̄ud̄uca cāhye tiqiuna. Tiquiurore cuerahye.

<sup>24</sup> Moiserē masoricoro Egipto yehpa cjēna p̄h̄t̄oro macono ijiahye. Sa ticoro masonohriqiuro ijiro, Cohācjüre wacū tutuaro “Ticoro mac̄ano ijire”, ni pisugū cahmedahye Moise. <sup>25</sup> Cohācjüre ȳh̄d̄ud̄ucariqiuro ijiro tiqiurore masoricoro cahapū meheñe decorigā quehnoano ijiboya. Sa ijiboriqiuro ijieperota ti ȳh̄d̄uoro tiqiuro Cohācjū yequina mehna ñano ȳh̄d̄u duahye. <sup>26</sup> Sa ñano ȳh̄d̄uro Cristore tiqiuna b̄j̄up̄eato sahata tiqiuna b̄j̄up̄eriqiuro ijiahye. Camer̄p̄u tiqiuro quehnoano yeri wapa Cohācjū tiqiurore tiqiuro quehnoano yeatire masino ñano ȳh̄d̄u duahye, Cristo tiqiuro ñano ȳh̄d̄uato sahata. Ijipihtiyequina Egipto cjēna quehnoañene tiqiuna c̄uoro ȳh̄d̄uoro tiqiuro Cohācjū pehere tutuaro cahmeahye. Ñano ȳh̄d̄ueperota, Cohācjüre cahmeahye.

<sup>27</sup> Cohācjüre wacū tutuaro, Egipto cjēna p̄h̄t̄oro tiqiuro mehna usuagū cuerahye. Sa cueraro ti yehpapū ijiriqiuro ti yehpare cohā cāa wahahye. Sa yero Cohācjüre b̄j̄ueriqiurore tiqiuro ihñaboriro saha cuerariqiuro ijiahye. Cohācjū tiqiurore ye dutirire ne cohāedahye Moise. <sup>28</sup> Cohācjüre wacū tutuaro Moise Israe masare Cohācjū ȳh̄d̄uotire masiahye. Sa masino Cohācjū dutiriro sahata Israe masa tiqiuna sopecaharire ohōñe p̄j̄inine dii mehna wejē site dutiahye tiqiuro. Tiquina sa yegū ihñano angel masare wejēdiqiuro tiqiuna wahmis̄m̄uare wejēboriqiuro Israe masa pohne wahmis̄m̄uare wejēdahye.

<sup>29</sup> Cohācjüre wacū tutuaye, Israe masa “Sohāri ma”, tiqiuna nidi mapū aco watoa ijiri mahapū aco marieni mahapū pehāa wahahye. Tiquina sa pehāgū ihñāñe Egipto cjēna gūh̄u tiquinare ihñā cū, n̄n̄u tā pehāmehe, mini yariaa wahahye.

<sup>30</sup> Cohācjüre wacū tutuaye, Israe masa Jericó wame tiri maca cjā sahr̄ino pajiri sahr̄ino behero pehe majare sotoahye. Siete decori waro ti macare majare sotoa

tiniahye. Tope decori tiqiuna majare sotoa tinidi bato ti sahr̄ino sehte bora dijia pihtia wahahye. <sup>31</sup> Cohācjüre wacū tutuaro m̄m̄ua mehna ñano yeducumedicoro Rahab wame tiricoro, ti maca cjōno Israe masare yedohoahye. Ti macare tiqiuna cohāto pano meheñequinagā Israe masa topū sajā tiqiuna duhti ihñagū, ticoro tiquinare yedohoahye. Ticoro sa yedohogū ihñāñe Israe masa wejēdahye ticorore. Sa yeye ti maca cjēnare Cohācjüre ȳh̄d̄ud̄ucayequinare wejēpeta ticoro pehere wejēdahye.

<sup>32</sup> Apequinare Cohācjüre wacū tutuayequinare yahu nemoboa ȳh̄u. Sa yahu duepeguta peyequinare sa Cohācjüre wacū tutuayequinare yahu ojoa peho masiedaga ȳh̄u. Peyequina ijire tiqiuna. Gedeō, Barac, Sansō, Jefté, Davi, Samuel, Cohācjū yere yahu m̄h̄t̄ariqiuna gūh̄u ahriqiuna ijipihtiyequina ȳh̄u yahuboriqiuna ijire. <sup>33</sup> Cohācjüre wacū tutuayequina ihquēquina apeye yehparipū ijiye macari cjēnare cahme wejē ȳh̄d̄ud̄ucahye. Sa yeye apequina quehnoano dutiyequina ijiahye. Cohācjū tiquinare “M̄sare yedohout̄ja”, tiqiuro nidiro sahata tiquinare yedohoahye. Tiquiurore tiqiuna wacū tutuagū ihñano sa tiquinare yedohoahye. Sa wacū tutuaye, yaya tiquinare ihya duagū tiqiuna d̄userire bihagū yeahye tiqiuna. <sup>34</sup> Tutuaro m̄j̄uri pecapū ijiepetā m̄j̄ūedahye tiqiuna Cohācjüre wacū tutuaye. Apequina tiquinare ñose wejē duagū duhti cāa wahahye Cohācjüre wacū tutuaye. Tutueyequina ijiepetā Cohācjüre wacū tutuaye tutuayequina wahahye. Cohācjüre wacū tutuayequina ijiye, cahme wejēñe tutuayequina ijiahye. Sa ye apeye yehpari cjēna surara tiquinare wejēñe ahtayequina ne ihcāno sahaerahye tiquinare. <sup>35</sup> Ihquēquina numia Cohācjüre wacū tutuagū ihñano tiqiuna acaye yariagū ihñano Cohācjū pehe tiquinare maso basahye.

Apequina “Cohācjüre cahmedacāhñā”, tiqiuna ni peresu yenohriqiuna ijiepetā Cohācjüre duhu duerahye. “Cohācjüre m̄sa duhugū m̄sare wionata”, nimahye tiquinare peresupū yenohriqiuna Cohācjū yequinare. Tiquina sa niepegūta tiquinare ȳh̄t̄ierahye, Cohācjū cahapū



tutuario waha duaye. Sa yeye tiquinare ña yuhduaro tiquina yepegū yariaa wahahye. <sup>36</sup> Apequinare Cohācjüre wacū tutuayequinare ñano ni bujpe tiquinare tana mǎjæe tiahye. Sa yeye apequinare dahpocārine, omocarine dāhte cāa, peresu yeahye. <sup>37</sup> Cohācjüre wacū tutuayequinare ñañequina utā mehna doque wejēahye. Apequinare tiquina pagūrire seroti mehna yahre sure mǎjahye. Apequinare ñoseñe pǎjmi mehna ñose wejēahye tiquina. Sa yeye tiquina sa ñano yepenohñequina oveja cahseri mehna, cabra cahseri mehna suhti tiyequina pejecuoyequina ijiahye. Sa ye apequina tiquinare ñano yepeahye. <sup>38</sup> Tiquina quehnoa yuhduayequina ijigū ahri yehpa cjēna ñañequina tiquina mehna ijiboriquina ijierare. Ahriquina Cohācjüre wacū tutuayequina wuhuse marieñequina ijiye, masa marienopu, cǎnu cǎpu iji soto tae tiahye. Sa iji soto tae, cǎnpu ijiye coperipū, yehpāpū ijiye coperipū gūhure carī soto tae tiahye.

<sup>39</sup> Ahriquina ijipihtiyequina Cohācjüre tiquina wacū tutuagū ihñano bucueahye tiquiuro. Tiquina sa wacū tutuepegūta Cohācjū tiquinare “Mūsare yuhduoutja”, tiquiuro nidiro eseraniahye. <sup>40</sup> Tiquiuro yuhduoeranidire yahuro ohō saha ni tūhotuahye Cohācjū. “Ahriquina yeequina camerpūre ijiatiquina mehna ihcāno saha ihcā curuapūta yuhduoutja”, ni tūhotuahye. Sa ni tūhoturo tiquiuro nidiro sahata yerota. Tiquiuro sa yegū quehnoa yuhduare panopū tiquiuro yeriro yuhduoro.

## 12

### *Jesure sa wacūducuhna mari*

<sup>1</sup> Sa yena ahriquina yuhū yahuriquinare peyequina Cohācjüre wacū tutuayequinare ñañene yeeyequinare masina, ijipihtiye ñañe yeyere duhu cāuhna mari gūhu. Ohō saha ijire mari queoye mehna buhegū: Omaperiquiurore oma tutuagū cahmotaye ijire apeye. Tiquiuro dahpo suhti nūcuñe suhti tiquiurore oma tutueragū yeboaga. Ti yero saha Cohācjū cahmeñene mari ye dugū cahmotaye gūhu ijire. Ti gūhure duhuuhna mari. Sa yena omapeyequina tiquina oma tutuario saha mari gūhu tutuario Cohācjū cahmeno saha yeihna. <sup>2</sup> Sa yena Jesure sa wacūducuhna mari. Tiquiurota

ijire marine wacū tutua dūcagū yeriquiro. Sa yero marine wacū tutua nemogū gūhure yere tiquiuro. Curusapū yariaro wacū tutuahye. Came tiquiuro bucueatore masino curusapū yariahye. Sa yariaro bue tibiropiuro ijieperota bue tierahye tiquiuro. Sa yero yojopūre Cohācjū tiquiuro pahutoro dujiro potō pehe dujtjiāno tiquiuro dutiriquiuro ijire.

<sup>3</sup> Ñañequina masa tiquiurore tiquina ña yuhduaro yegū ihcāno sahahe tiquiuro. Tire wacūña mūsa, mūsa gūhu ñano yuhdūna, “Ihcāno sahaeraboa”, nina. Tire wacūña mūsa “Tiquiurore wacū tutua duhuari”, nina. <sup>4</sup> Ñano yuhduepenata ñañene yerare mūsa. Sa ñano yuhduepenata ña yuhduaro waro yuhdueraniaga mūsa. Ñañequina mūsare wejēdarīaga. <sup>5</sup> ¿Cohācjū mūsare tiquiuro pohñare tiquiuro yahurire bo cjāri mūsa? Mūsa ñano yuhduatire tiquiuro yahurire wacūña mūsa. Ohō saha niahye tiquiuro:

Yuhū macū, mūhure yuhū yahugū usueracāhña ñano yuhdupepegūta. Mūhure yuhū tuhtigū tuhogu bujua witierracāhña. <sup>6</sup> Ijipihtiyequina yuhū cahñequinare yahuaja. Sa yegū ijipihtiyequina “Yuhū pohna ijire mūsa”, yuhū ni ihñañequinare yuhduadūca dutieraja. Sa yegū tiquina yuhduadūcagū ihñagū tiquinare buhiri dahreaja, niahye Cohācjū.

<sup>7</sup> Ñano yuhdūna Cohācjū yere duhueracāhña. Cohācjū mūsare tiquiuro pohñare buhiri dahrero nine. Tiquina pacusūmua tiquina pohñene sa yahuducure. Sa yeye tiquinare buhiri dahreducure. Sata yere Cohācjū gūhu marine tiquiuro pohñare. <sup>8</sup> Ijipihtiyequina tiquiuro pohñene yahure Cohācjū. Cohācjū mūsare yahueragū tiquiuro pohna waro ijierare mūsa. Pacusūmua marieñequina yero saha ijire mūsa tiquiuro yahumēhnena ijina. Sa ijina “Ūsā pacū waro ijire”, ni masiedare mūsa Cohācjüre, mūsare tiquiuro yahueragū. <sup>9</sup> Mari pacusūmua marine tiquina yahugū tūhona tiquinare ño peoaja mari. Mari pacusūmūare mari ño peoro yuhduoro ño peoro cahmene mari Pacure Cohācjüre tiquiuro yahugū. Sa yena tiquiurore yuhtiro cahmene marine. Sa yuhtina ijina ijipihtiye decori tiquiuro mehna ijinata.

<sup>10</sup> Meheñe decorigã ahri yehparu mari ijinigũ mari pacusumna marine yahuye, buhiri dahrere. Tiquina esa tuharo tiquina masino punota marine yahuye, buhiri dahrere. Cohãcã pehe marine quehnoano yahure. Sa yero tiquiro masiñe mehna marine buhiri dahrere, marine quehnoana bucua dutiro. Sata yere marine tiquiro yero saha quehnoana marine iji dutiro. <sup>11</sup> Marine tiquiro buhiri dahregũ bucueraja mari. Mari ihyo bujua witiaja. Sa bujua witepenata tiquiro sa buhiri dahreri bato quehnoana wahanata mari. Sa yena ñañene yero marieno quehnoano ijinata.

Cohãcã marine tiquiro dutiyere mari yuhtieragũ cuarine marine

<sup>12</sup> Sa yena wacũ tutuera cjũna ijiepenata Cohãcãre wacũ tutuana ijija. Tiquirore duhuercãhña. <sup>13</sup> Quehnoano potori mahare musa waharo saha quehnoano potoyeya musa. Musa sa yegũ ihña cũñe apequna Jesu yequina ñañene yesi. Musa quehnoano yegũ ihña cũñe quehnoano wacũ tutuera cjũñequina gũhu wacũ tutuayequina wahaeta.

<sup>14</sup> Ijiphiyequina masa mehna quehnoano ijija, cahmequeno marieno. Sa yena ñano yeracãhña. Ñañe marieñequina dihita mari puhtoro Cristore ihñaeta. <sup>15</sup> Quehnoano yeya musa. Cohãcã musare tiquiro yedohogũ quehnoano yuhtiya. Ñañe taa diaye tiquina oteyere ti dojomehmeno saha musa gũhu Cristo yere duhuercãhña, “Apequinare dojomehneari”, nina. <sup>16</sup> Ne wuana tieracãhña. Sa yena Cohãcã yere cahmeena ijieracãhña. Cohãcãre cahmeediquiro ijiahye Esaú. Tiquiro wahmino ijimahye. Sa yero tiquiro pacuro yariari bato tiquiro pacuro yere cuoatiquiro ijimahye. Cohãcã tiquiro pacurore tiquiro ni cãri gũhure cuoatiquiro ijimahye. Sa yero ihcã deco ihcã pa ihyaye pose tiri pare cahmeno, ti pa mehna tiquiro bahuro pehere tiquiro wahmino wahagũ yero taro camesahye. <sup>17</sup> Tiquiro sa yeri bato tiquiro dahse waharire masine musa. Tiquiro pacuro tiquirore ohoatire tutuaro cahmemahye Esaú. Tiquiro sa cahmepegũta tiquiro bahurore wahmino wahagũ yeri buhiri, came tiquiro cuoborire ohoerahye tiquiro pacuro. Tire utiye mehna tiquiro siniepegũta tiquirore ohoerahye.

<sup>18</sup> Cohãcã dutiyere Moiserere tiquiro cãgũ mari acaye Israe masa muna Cohãcã mehna ijie tiahye. Tiquina tiquiro mehna ijiriro saha musa pehe ijierare. Ohõ saha yeahye tiquina pehe. Cũnã Cohãcã mehna ijie taye, esahye. Ti cãnã pehe Sinã wame tidũ ijiahye. Ti cãnãre dahra tuhu masiahye masa. Ti cãnãre tiquina esagũ tutuaro peca ujuahye. Sa yero nahitiano, bueri, tutuaro wihnono mehna ijiahye ti cãnãre. <sup>19-20</sup> Ti cãnãre tiquina esagũ corneta bisiro ca tahye. Sa yero yahuducuye bisiro ca tahye. Ti sa yahuducuye bisigũ tuhoye, masa ihcãno sahaerahye. Cohãcã cuaro mehna ohõ sahani, dutiahye tiquinare: “Ijiphiyequina ahdũ cãnãre dahra tuhuyequinare utã mehna doque wejẽna tiquinare. Ahdũre dahra tuhuriquiro wahiquiro waro tiquiro ijiepegũta tiquiro gũhure utã mehna doque wejẽna tiquirore. O ñosenũ mehna ñose wejẽna tiquirore”, niahye Cohãcã. Tiquiro sa nigũ tuhoye ihcãno sahaerahye tiquina. <sup>21</sup> Sa yero ijiphiye tã cãnãre ijiro tiquiro ihñarire ihña cuero, ohõ saha niahye Moise: “Cuegũ nanaregũ naja”, niahye tiquiro.

<sup>22</sup> Sa Cohãcã mehna tiquina iji ducariro sahata ijierare musa pehe. Cohãcã mehna ijina wahana, Siõ wame tidãre uhmuse cjãdãre musa esaboro saha potota Cohãcã mehna yahuducure musa. Cohãcã catiriquiro ya macãre musa esaboro saha potota tiquiro mehna yahuducure musa. Ti maca ape maca wahma maca Jerusalẽ uhmuse cjã maca ijire. Topãre peyequina angele pari ijire. <sup>23</sup> Tiquina Cohãcã mehna bucueye tehe cahmecoañequina ijire. Sa yena musa pehe tiquiro ya maca cjãna ijina, topã Cohãcã pohne iji muhtañequina mehna musa cahmecoaboriro saha ijire. Tiquina tiquiro pohne wamene tiquiro ojoa ohõri tjupe uhmusepe tiquina wamene tiquiro ojoa ohõnohriquina ijire tiquiro pohne. Tiquiro pehe mari Pacu pehe ijiphiyequinare beseatiquiro ijire. Tiquiro mehna cjãna ijire musa pehe. Sa yena tiquina quehnoañequina Cohãcã yequina mehna cahmecoano saha ijire musa gũhu. Tiquinare iji muhtariquinare ñañe marieñequina ye tuhasahye Cohãcã. <sup>24</sup> Sa yena Jesu mehna cjãna ijire musa pehe. Wahmanopã Moiserere tiquiro duti cãrere

comesaro “Musare yuhduoutja yuhñ”, ni cūahye Cohācjū marine. Tiquiro sa ni cūriro sahata yeriquiro ijire Jesu. Tiquiro diire cohā, tiquiro yariari mehna marine sa yuhduore. Abe munano tiquiro dii cohāgū ihñano Cohācjū Abere wejēdiquireore buhiri dahreahye. Jesu pehe tiquiro diire cohāgū, tiquiro yariari mehna quehnoano yuhduaja mari. Sa yero Abe tiquiro dii cohāri ihyo warota ijyahye. Cristo pehe tiquiro dii cohāri bato quehnoa yuhduaro yeahye Cohācjū marine. Sa ye tiquiro dii cohāri ihyo warota ijierare.

<sup>25</sup> Sa yena quehnoano yeya mūsa. Cohācjū yere musare yahuriquireore quehnoano yuhtina ijija. Panopu ahri yehrapu ijiriquiro Moise Cohācjū yere tiquiro yahugū tuhoye, peyequina tire tuho duerahye. Sa tiquina tuhoerari buhiri buhiri dahreahye Cohācjū tiquinare. Tiquina yuhduoro buhiri dahrerota Cristore cohānequinare. Cristo pehe uh-musepu ijiriquiro Cohācjū yere yahuriquireo ijire. <sup>26</sup> Ti pjere Moiserere tiquiro dutiyere cūri pjere Cohācjū tiquiro yahuducuro mehna yehpa ñuhmigū yeahye. Yojobu pehere ohō saha ni yahuahye tiquiro: “Ihcā tahata ahri yehpa ñuhmigū ye nemoutja. Ahri yehpa dihitare ñuhmigū yesi yuhñ. Uhmusepu gūhure ñuhmigū yeitja”, ni yahuahye tiquiro. <sup>27</sup> “Ahri yehpa ñuhmigū ihcā tahata ye nemoutja”, nino, ijipihiyere tiquiro bajumehndire tiquiro cohātire masigū yero niahye. Cohācjū puhtoro ijirpure cohāno basioerare. Sa yero tiquiro bajumehndire cohāgū tiquiro puhtoro ijiro dihita tojoarota. <sup>28</sup> Tiquiro puhtoro ijiroru wahanata mari. Sa yena tiquiro puhtoro ijirore tiquiro cohāedagū ihñana, Cohācjūre “Quehnoare”, niilna mari. Sa yena tiquirore ño peoye mehna, cua pesaro mehna tiquiro yere yeihna mari tiquirore bucuegū yena tana. <sup>29</sup> Peca ujuño cuaro saha Cohācjū gūhñ cuaro mehna buhiri dahreriquiro ijire.

### 13

*Ohō saha Cohācjūre bucuegū yeya*

<sup>1</sup> Mūsa mehna cjēnare cahī duhueracāhña. <sup>2</sup> Masa mūsa ihña masieñequina tiquina ijiepegāta tiquinare mūsa wuhusepu quehnoano mehna sajā ta

dutiya. Apequina sa yeye, masiedapeta angelere tiquina ye wuhusepu sajā ta dutiahye. Sa yena tiquina yero saha yeya mūsa gūhñ.

<sup>3</sup> Peresupu ijiequinare paja ihñaña. Mūsa pehe tiquina mehna peresupu ijina mūsa ijiboro saha tiquinare paja ihñaña. Apequina tiquina ñano yenohriquina gūhure paja ihñaña. Tiquina yero saha mūsa gūhñ ñano yuhduoro saha tiquinare paja ihñaña.

<sup>4</sup> Omoca dakterina ijipihitina mūsa basi quehnoano cahme ño peoya. Sa yena apequina mehna ñano yeracāhña. Ijipihiyequina numia mehna ñano yeyequinare, umua mehna ñano yeye numia gūhure buhiri dahrerota Cohācjū.

<sup>5</sup> Niñerure ne cahiedacāhña. Ohō saha niahye Cohācjū: “Musare ne cohāsi yuhñ. Musare sa yedohoducugūtja”, niahye tiquiro. Sa yena noho puno mūsa cuoye mehna to punota bucueya. Pajiro cahme nemoedacāhña. <sup>6</sup> Sa yena cuero marieno ohō saha ni tuhutonata mari:

Mari puhtoro Cohācjū marine yedohoriquiro ijire. Ne cuesi mari. Masa marine tiquina ñano yeatire cuesi mari, ni tuhutonata.

<sup>7</sup> Cohācjū yere musare yahuriquinare musare dutiriquinare wacūña mūsa. Sa yena quehnoano tiquina ijie tirire quehnoano tiquina yee tirire wacūña. Sa wacūña, Cristore tiquina wacū tutuariro saha yeya mūsa gūhñ.

<sup>8</sup> Jesucristo ne comesaerare. Panopu, yojobu gūhure, camepu gūhure tiquiro ijiriro sahata ijiducurota tiquiro. <sup>9</sup> Peye buheyere sijoro saha ijie buheyere tuhoeracāhña mūsa “Quehnoañe buheyere usāpu cohāri”, nina. “Ahrire ihyaya. Ahrire ihyeracāhña”, ni buhere ihquēquina. Sa tiquina ni buheyere mari yuhtigū ti marine yedohoerare. Sa yero sa ijie buheyere mari yegū ihyo warota ijire. Ti marine wacū tutuana ijigū yerare. Cohācjū pehe marine wacū tutuana ijigū yere. Sa yena tiquiro ye tutuaye mehna tiquirore wacū tutuana ijija mūsa gūhñ.

<sup>10</sup> Cristo mari ñañe buhirire yariahye mari ñañene cohāno taro. Pahia pehe ohō saha niñequina ijire: “Wahiquina mari wejē ujāna muo, mari ohoyequina mehna

yahdunata”, niñequina ijire pahia. Sa niñequina tiquina ñañe yerire cohānohriquina iji masiedare. <sup>11</sup> Mari judio masa mari pahia puhtoro Cohācjū ijiri tucū waropu diire ne sajāno wejē siteahye, masa tiquina ñañe yerire cose wero taro. Sa yero tiquiro wejēdiquiro wahiquiro pagure ti maca duhtu cahapu ujūa cohā cāre. <sup>12</sup> Tiquiro yeriro saha Jesu gūhu maca duhtu cahapu yariahye, masa tiquina ñañene tiquiro dii cohāno mehna cose wero taro. <sup>13</sup> Maca duhtu cahapu tiquiro yariagū ihñañe, tiquina ye buheyere tiquiro cohāgū ihñañe judio masa puhtoa tiquirore ihña tuhtiahye. Sa yena mari gūhu tiquiro mehna cjāna ijihna. Mari sa ijigū ihñañe, masa mari gūhure ihña tuhtieta. <sup>14</sup> Ahri yehapu mari iji dojoati maca ne mariedare. Mari camepu ijia ti macare cohtena niāja mari. <sup>15</sup> Sa yena Jesu yedohoro mehna mari Pacu mehna yahuducuaja mari. Sa yena tiquirore quehnoano sinihna. “Mūhu usā Pacu quehnoagu, tutuagu ijire”, ni, ño peoducuhna. “Jesu yequina ijiaja”, ni, sa niña mari Pacure. Mari sa nigū tiquiro bucuerota. <sup>16</sup> Musa mehna cjēnare quehnoano yeya. Sa yena tiquinare yedohoya. Tire boeracāhña. Musa sa quehnoano yena Cohācjūre ño peona niaga musa. Sa yena tiquirore bucuēgū yena niaga.

<sup>17</sup> Musa puhtoare quehnoano yuhtiya. Tiquina dutiro sahata yeya. Cohācjū ihña ihbo, buhe dutiro cūre musare tiquinare. Sa cūnohriquina ijiye musare sa ihña ihboducuye nine “Cohācjūre yuhduducari”, niñe. Camepu musare tiquina dutirire, tiquina yerire Cohācjūre yahueta. Sa yena tiquinare quehnoano yuhtiya musa. Musa sa yuhtigū ihñañe bucuēye mehna musare yedohoeta tiquina. Musa yuhtieragū ihñañe tiquina bujua witieta. Sa yuhtierana quehnoano ijisi musa.

<sup>18</sup> Usāre sini basaducuya Cohācjūre. Decoripe quehnoañe dihitare ye duaja usā. Sa yena “Ñañene yena niāja”, ni tuhotueraja usā. <sup>19</sup> Ahri pūritare tutuaro sini basaya Cohācjūre yuhure: Sojaro mehna musa cahapu yuhū wahatire tiquirore sini basaya.

<sup>20</sup> Cohācjū mari puhtoro Jesure yariariquirore masoahye. Marine quehnoano ijigū yeriquiro ijire. Tiquiro “Musare yuhduoutja”, ni cūahye Cohācjū marine. Tiquiro sa ni cūrire yeriquiro marine yuhduoriquiro Jesu pehe ijire. Mari ñañe buhirire yariahye tiquiro. Sa yero tutuariquiro ovejare ihña ihboriquiro yero saha ijiro, marine tiquiro yequinare quehnoano ihña ihbore. <sup>21</sup> Sa yero Cohācjū tiquirore masoriquiro musa gūhure yedohoahro ijipihtiye quehnoañene tiquiro cahmeñene musa yeatire. Sa yero Jesucristo yedohoro mehna Cohācjū cahmeno saha ijiphtinare marine quehnoañe pehere comesagū yeahro. Sa yena ijipihtiye decori Cristore ño peuhna. Sata yeiha.

<sup>22</sup> Yuhū acaye, ahrire tutuaro musare dutiitja: Ahri pūpu yuhū yahurire quehnoano mehna tuhoya musa. Ahri musare yuhū ojoari pū pajiro ijierare. Sa yena ahrire quehnoano tuhoya. <sup>23</sup> Ahri gūhure musare yahutja: Mari acayurore Timoteore peresu ijiriquirore wioñohiti. Sojaro mehna tiquiro wihigū musare ihñaga wahagu tiquirore neagutja. Yuhū mehna waharota.

<sup>24</sup> Musa puhtoare, ijipihtiyequina apequinare Cohācjū yequinare topu ijiiyequinare quehnoa dutiaja. Italia cjēna Jesu yequina gūhu musare quehnoa dutire.

<sup>25</sup> Ijiphtinare musare Cohācjū mehna quehnoa dutiaja.

*Ahri pūre ojoariquiro quehnoa duti bato tiahye*

## Santiago

*Santiago Israe masare macari wahariquinare ojoa ohoahye*

<sup>1</sup> Yũhũ, Santiago ahri pũpũ musare quehnoa duti ojoa ohogũ niája. Mari Pacũ, mari pũhtoro Jesucristo gũhũ cahacjũta ijijaja yũhũ. Sa yegũ Israe masa ye cururi cjãnare doce cururi cjãnare Jesu yequinare macari waharinare yũhũ acaye musare ojoa ohogũ niája.

*Cohãcjũ* pehe quehnoano masigũ yere

<sup>2</sup> Yũhũ acaye, peye ijieti masa ñano yũhdũati. Sa ñano yũhdũepenata quehnoano bucueye mehna tũhotuya. <sup>3</sup> Sa ñano yũhdũana, potota Jesure masa wacũ tutuarire ihñona ninata masa. Sa yena ñano yũhdũepenata Jesure masa quehnoano wacũ tutuana ijina, tiqiurore wacũ tutua nemona wahanata. Sa wahanata masa ñano yũhdũeyere ihcãno sahanata. <sup>4</sup> Sa yena duhuro marieno sa ihcãno sahana ijiducuya masa quehnoano tũho masina masa ijiatire.

<sup>5</sup> Masa masiati duhsagũ tũhotuna Cohãcjũre siniña. Tiquiro duhsaro marieno ijipihtiyequinare ohore. Sa ohoro tiqiurore siniñequinare sijoro saha nino marieno ohore tiqiuro. Tiquiro sa ijiriquiro ijigũ masina, masa masiati duhsagũ tũhotuna, tiqiurore siniña. Masa sa sinigũ musare masi nemogũ yerota tiqiuro. <sup>6</sup> Sa sinina Cohãcjũre quehnoano wacũ tutuatjiana siniña masa. “Usã sinigũ Cohãcjũ ohoeraboaga usãre,” ni tũhotueracãhña. Sa ni tũhotuyequina pajiri ma cjẽ pahcõri yero saha ijire. Pahcõri ti usuro comesaro saha tiquina gũhũ tiquina wacũñepũre usuro comesare. Ihcãno saha yerare tiquina. Sa ye Cohãcjũre wacũ tutuerare. <sup>7</sup> Sa ni tũhotuyequinare tiquina siniñepẽgũta ne mehenogã tiquina siniñene tiquinare ohosi mari pũhtoro, Cohãcjũ. <sup>8</sup> Miare ahrire cahmediquiro ijieperota ñamiare sijoro saha tũhoture tja. Sa yeriquiro queoro yerare.

<sup>9</sup> Jesu yequinare ihyo ijieyequinare Cohãcjũ pehe pũhtoa sõnota. Sa ijiatiquina ijieye bucueahro tiquina. <sup>10</sup> Sa ye Jesu yequina doeri cjẽ opana ijieye tiquina ye doeri cjẽ pĩhtiatire masiñe bucueahro. Ti

doeri cjẽ ihyo warota ijire, Cohãcjũ ihñagũ. Cohori ti duita ahba bora dijiaa waharo saha ti doeri cjẽ pĩhtia waharota. Sa ijieye tiquina gũhũ bucueahro. <sup>11</sup> Asũ mũja taro tiqiuro tutuaro asigũ taa pehe ñaia wahare. Sa ye cohori gũhũ ñai bora dijiaa waha, quehnoañe cohori ti ijieye pĩhtia wahare. Sata waharota doeri cjẽ opanare doeri cjẽne tiquina ne cahmecono watoa. Tiquina, ti doeri cjẽ mehnata butia wahaeta.

*Ñano ye dutiyere yerariquiro bucueriquiro ijire*

<sup>12</sup> Ñano yũhdũeriquiro ihcãno saharo, ñano ye dutiyere yeraro bucueriquiro ijirota. Tiquiro sa ihcãno sahangũ, tiqiuro ñañene yeragũ ijipihtiye decori uhmũsepu ijiducugũ yerota Cohãcjũ tiqiurore. “Sa uhmũsepu ijiducugũ yeitja”, ni cũahye Cohãcjũ ijipihtiyequina tiqiurore cahñequinare. <sup>13</sup> Musare apequina ñano ye dutigũ “Cohãcjũ yũhũre ñano ye dutiro nine,” ni tũhotueracãhña. Ñano yeyere tũhoturiquiro ijierare Cohãcjũ. Sa yero tiqiuro pehe masare ñano ye dutiriquiro ijierare. <sup>14</sup> Masa ñañene tiquina tutuaro cahmeñeta tita tiquinare ñano yegũ yere. <sup>15</sup> Sa ye ñañene tutuaro cahmene masa. Sa ye ti pehere tũhoture. Sa tũhotuye, ti ñañene yeduce tiquina. Tiquina sa yeducuri buhiri Cohãcjũ tiquinare pecarũ cohãnota.

<sup>16</sup> Sa yena yũhũ acaye yũhũ cahña, “Cohãcjũ yũhũre dutigũ ñano yei,” ni tũhotueracãhña. Poto ijierare ti. <sup>17</sup> Mari Pacũ uhmũse cjãno marine quehnoañe dihitare ohore. Tiquiro pũrita asũ deco cjũnore, ñami cjũnore, ñahpicoha paca gũhũre bajumehnediquiro ijiro, tiqiuro pehe tiqiuro ijiriro saha sa ijiducu cãre. <sup>18</sup> Tiquiro cahmediro saha quehnoañe buheye mehna marine tiqiuro pohna wahagũ yeri. Sa yeri tiqiuro, tiqiuro pohna iji mũhtana marine iji dutiro.

*Potota Cohãcjũre ño peoye ohõ saha ijire*

<sup>19</sup> Yũhũ cahña, yũhũ acaye, ahrire quehnoano tũhoya masa. Cohãcjũ yere quehnoano tũhoya masa. Sa tũhona, tũhoturo marieno yahuducueracãhña. Sa yena usuercãhña. <sup>20</sup> Ihcãquiro usuariquiro ijigũ tiqiuro yerire bucuerare Cohãcjũ. <sup>21</sup> Sa yena ijipihtiye masa ñañe yeyere, masa ñañene tutuaro cahmedire duhuya masa.

Sa yena Cohācjüre quehnoano yuhtina ijina tiqiro buheyere tuho, cahmeña msa. Tiquiro ye buheyere msa tuho cahmegū Cohācjū pehe msare pecarū wahaborinare yuhduorota.

<sup>22</sup> Tiquiro yere tuhoepenata yuhtierana ni mehoñene tuhotuna nine msa. “Yuhtieragū quehnoanota,” ni tuhotuna ni mehoñene tuhotuna nine msa. Sa yena tiqiro yere tuhona ti pehere yeya. <sup>23</sup> Cohācjū yere tuhoepenata, yuhtierana, tiqiro wuhdoare eño mehna ihñariqiro yero saha ijire msa. <sup>24</sup> Tiquiro wuhdoare tiqiro ihñari bato waha, tiqiro ihñarire boaa wahare. <sup>25</sup> Sa yero apeqiro pehe tiqiro ihñarire boero saha Cristo ye dutirire tuho tire yero, bucuertiquiro ijirota. Ti dutiye Cristo cahñe mehna masare tiqiro yuhduoati buheyere ijire. Ti buheyere ne cohāediquiro bucuertiquiro ijirota. Tiquiro pūrita tiqiro tuhorire yeriquiro ijire. Sa yeriquiro quehnoano yerota Cohācjū.

<sup>26</sup> Ihcāqiro sa ni maca cāriqiro ijiro, potota Cohācjüre ño peerare. “Cohācjüre quehnoano ño peoja,” ni tuhoturiqiro ijieperota ni mehoñene tuhoture tiqiro. “Cohācjüre ño peoja,” nidiqiro ijiepegūta tiqiro ño peoye ne duhseati ijierare. <sup>27</sup> Ijirota Cohācjüre mari Pacure mari ño peona, tiqiro cahmeno saha ño peona, ohō saha yeaja mari: Pacusmua marieñequinare, wape wiha numia gāhure tiquina ñano yuhdugū ihñana, tiquinare yedohoa ja mari. Sa yena ahri yehpa cjēna ñañene tiquina yerire ne ye dueraja mari. Sa yena potota Cohācjüre ño peonata ija ja mari.

## 2

*Masare ihcāno saha quehnoano yero cahmene marine*

<sup>1</sup> Yuhū acaye, quehnoa yuhduariqirore Jesucristore mari puhtorore tuhona, tiqirore wacū tutuana ijire msa. Sa wacū tutuana masare ihcāno saha quehnoano yero cahmene msare. <sup>2,3</sup> Sa ye uru behtorire, omoca sañañe behtorire cuoriquiro, wapa bujaye suhtire sañariqiro msa Jesu yequina cahmecoano caharū tiqiro ahtagū ihñana tiqirore quehnoano mehna piti caboaga. “Ohōpū dujiro ijire,” niboaga msa tiqirore. Sa niepenata ti pjeta

pejecuoriquiro gūhū ñano suhti tiriqiro msa caharū tiqiro ahtagū ihñana tiqiro pehere quehnoano piti caeraboaga. “Ohōpū ducuya. O yehparū dujiya,” niboaga msa tiqirore. <sup>4</sup> Msa sa yena masare ihcāno saha yena niedaga msa. Sa yena ñañene tuhotuyequina masare beseyequina yero saha ijina niaga msa. “Ahriqiro pehe quehnoariqiro ijire. Ahriqiro ñariqiro ijire,” ni besemene msa.

<sup>5</sup> Yuhū acaye, yuhū cahñana, yuhūre tuhoya. Peyequina pejecuoyequina pehere Cohācjū beseahye. Tiquirore quehnoano wacū tutuatiquinare, tiqiro puhtoro ijirupure ijiatiquinare beseahye tiquinare. “Topure wahanata msa,” ni cūahye Cohācjū tiqirore cahñequinare. <sup>6</sup> Tiquinare tiqiro sa besepegūta msa pehe pejecuoyequinare quehnoano ño peerare. Doeri cjē opana pehe msare ñano yere. Sa ye tiquina masare beseriquiro caharū msare neare msare yahusañe tehe. <sup>7</sup> Msa pehe “Cristo yequina,” masa tiquina ninohna ijire. Peyequina doeri cjē opana pehe Cristore ñano ni yahuducuyequina ijire. Sa ye pejecuoyequinare msa ño peoriro yuhduoro doeri cjē opanare msa ño peogū ñarñe.

<sup>8</sup> Cohācjū dutiye mehna cjā dutirore apeye dutiye bui cjūnogā ijiri dutirore ohō saha ni ojoahye: “Muhū basi muhū cahñano saha muhū caharū ijieyequina gūhūre cahñana,” nine Cohācjū dutiro. Ahri dutirore yena, quehnoañene yere msa. <sup>9</sup> Masare ihcāno saha yerana ñano yena nine msa. Sa yena Cohācjū dutiyere yuhduocana ijire msa. Sata nine Cohācjū yere tiquina ojoari pūpū. <sup>10</sup> Cohācjū dutiyere yena ijiepenata ihcāno dutirogāre msa yeragū apeye dutiyere msa yeppegūta duhseati ijierare. Sa yena ñañe buhiri tina ijinine msa. <sup>11</sup> “Apeqiro namono mehna ñano yeracāhña,” ni, msare dutiriquiro Cohācjūta ijire. “Masare wejēdacāhña,” nidiqiro tiqirota ijire Cohācjū. Apeqiro namono mehna ñano yerapenata masñore wejēna Cohācjū dutiyere yuhduocana ijire msa.

<sup>12</sup> Cristo marine tutuaro cahñano, marine dutire marine yuhduoro taro. Tiquiro dutiyere mari yerire, mari yerari gūhūre

ihñano marine besero ahtarota. Tiquiro sa besenohanaja ijina tiquiro dutiyere quehnoano yeihna. Sa yena tiquiro cahmeno sahata yahuducuuhna mari. <sup>13</sup>Yojopure mari apequinare paja ihñedagū Cohācjū pehe masare tiquiro beseri pje ijigū marine paja ihñasi. Sa yena apequinare mari paja ihñagū Cohācjū pehe marine paja ihñano, marine buhiri dahresi.

*Cristore wacū tutuayequina pehe quehnoañene yere*

<sup>14</sup>Yūhu acaye, tuhoya mūsa. “Cristore wacū tutuaja yūhu,” ihcāquiro tiquiro ni tuhohuepegūta tiquiro quehnoañene yeragū tiquiro sa nimesi pehe ne dahseati ijierare. Sa ni wacū tutua maca cāriquirore Cohācjū yuhduosi. <sup>15-16</sup>ǃJesu yaquiro, Jesu yacoro ñañe suhti dihita tiquina cūogū ihñana, tiquina ihyati mariedagū ihñana, dahse yeajari mūsa tiquinare apee boro cūona ijina? “Quehnoano ijiya mūsa. Sa yena quehnoano suhti sañaña. Sa yena quehnoano ihya yapi iji cāhña,” niepenata tiquina calmeñene mūsa ohoeragū mūsa sa nimesi ne dahseati ijierare. <sup>17</sup>Sa yena “Cristore wacū tutuaja,” mūsa niepegūta quehnoañene mūsa yeragū Cristore mūsa wacū tutuaye ne dahseati ijierare.

<sup>18</sup>Mūsa mehna cǃño ahri yūhu buherire tuho dueraro ohō saha masi-ahdo. Quehnoañene yeraperota “Cristore wacū tutuaja,” niboaga tiquiro. Quehnoañene yeraro Cristore tiquiro wacū tutuayere apequinare masigū ye masiedare. Quehnoañene yeriquiro pūrita quehnoañene tiquiro yeye mehna Cristore tiquiro wacū tutuayere masigū ye masine. <sup>19</sup>“Cohācjū ihcāquirota ijire,” ni tuhohure mūsa. Mūsa sa ni tuhohugū quehnoarīne. Sa ijiepegūta to punota Cohācjūre yuhtiro marieno tiquirore mūsa masigū ti dahseati ijierare. Watīa gūhu mūsa tuhohuro sahata tuhohuhti. Sa ijie Cohācjū tiquiro ijie tiyere masiñohti tiquina. Sa masiñe, cue, nanareñohti. <sup>20</sup>Ihcāquiro quehnoañene yeraperota “Cristore wacū tutuaja,” ni tuhohuriquiro ijero tuho masieniquiro ijire. Cristore wacū tutuamediquiro quehnoañene yeraro potota Cristore wacū tutuerare.

Ohō saha ni yahutja musare ahrire:

<sup>21</sup>Abrahā mari ñecū mūnano tiquiro macno Isaac wame tiriquirere wejē

basamahye Cohācjūre. Sa yero tiquirore utā paca mehna tiquina yeri buhu bui duhu peomahye. Sa duhu peoro Cohācjū dutiriro sahata tiquiro macūnore wejēno taro nimahye Cohācjūre ño peoro taro. Tiquiro sa yegū ihñano “Potota quehnoariquiro ijire,” ni ihñahye Cohācjū tiquirore. <sup>22</sup>Tiquiro sa ni ihñagū ahrire masine mūsa: Abrahā Cohācjūre wacū tutuaro tiquirore yuhtiahye. Sa yuhtiro Cohācjūre tiquiro wacū tutuayere ihñono niahye. <sup>23</sup>Sa yero Cohācjū yere tiquina ojoari pūpū tiquiro nidiro sahata sa wahahye: “Abrahā Cohācjūre wacū tutuahye. Tiquiro sa yegū ihñano ‘Quehnoariquiro ijire tiquiro’, ni ihñahye Cohācjū tiquirore”, ni ojoahye Cohācjū yere tiquina ojoari pūpū. Tiquiro sa ni ihñagū masiñe “Abrahā Cohācjū mehna cǃño ijire”, nine masa tiquirore.

<sup>24</sup>Sa yena ahri yūhu yahuatire masine mūsa: “Cohācjūre wacū tutuaja,” nidiquiro, tiquiro quehnoañene yeragū ihñano Cohācjū pehe tiquirore “Quehnoariquiro ijire,” ni ihñedare. Cohācjūre wacū tutuariquiro pehere potota tiquiro quehnoañene yegū ihñano “Quehnoariquiro ijire,” ni ihñare Cohācjū tiquiro pehere. <sup>25</sup>Sata ni ihñahye Cohācjū Rahab wame tiorore umūa mehna ñano yeducomedicorore. Josué mūnano tiquiro ohoriquinare quehnoano piti ca, “Quehnoano sajā taya,” niahye ticoro. Sa yero tiquina tojoa duagū ticoro pehe ape maha pehere ihñohye tiquinare “Tiquinare ihña tuhtieyequina wejēari,” nino. Ticoro sa yegū ihñano “Quehnoaricoro ijire,” ni ihñahye Cohācjū ticorore.

<sup>26</sup>Sata ijire. Mari pagūpure jeripohna mariedagū catieraja mari. Sa yero jeripohna mariedagū mari pagū dahseati ijierare. Sata “Cohācjūre wacū tutuaja,” mari niepegūta mari quehnoañene yeragū queoro ijierare mari wacū tutuaye. Sa yero mari quehnoañene yeye mariedagū mari wacū tutuaye dahseati ijierare, jeripohna marieni pagū yero saha.

### 3

Mari duseropū wijiayere mari yahuducuyere yahuahye

<sup>1</sup> Cohācjū yere masare buheyequina tiquiro yere tiquina quehnoano yeragū ihñano tiquina pūritare masare buheeyequina yuhduoro Cohācjū buhiri dahrerota. Tire msa masine. Sa yena msa mehna cjēna masare buheyequina peyequina ijieracāhdo.

<sup>2</sup> Ijipihtiyequina peye tahari mari ñañene yeaja. Ihcāquiro ñañene yahuducueriquiro Cohācjū cahmeñene quehnoano yeriquiro ijire tiquiro. Sa yero apeye ñañe gūhure yerare.

<sup>3</sup> Ohō saha ijire ahri mari queoye mehna buhegū: Caballo duseropu come pji tiquiro ñehmenore ña dihori pjine mari cūaja, tiquirore mari majareducagū yena tana. Sa yena ti pji come pji mehna tiquirore tiquiro wahatopu mari weje majare do-coaja. Ti pjigā meheni pjigā ijiepegūta ti pjigā mehna tiquirore wahagū yeaja mari. Sata mari dusero mehenogā ijiepegūta ti dusero mehna pajiro yeaja mari.

<sup>4</sup> Yucsa quitu mehna queoye mehna yahu nemoutja msare: Yucsa pajiria ijiepegūta tiare wilhono tutuaro wēdo-queoepegūta ohoturiquiro pehe meheni pjigā mehna tiare noho tiquiro waha duaropu ohoture. <sup>5</sup> Sata ijire mari duseropu wijiaye. Mari dusero mehenogā ijiepegūta ti dusero mehna pajiro yeaja mari. Meheni pecagā pajiro ti peca ujū cāno saha mari dusero mehna mari yahuducuye mehna pajiro ñañene yeaja. <sup>6</sup> Sa yero mari dusero ujūri peca yero saha ijire. Mari duseropu wijiaye ijipihtiye ñañene yegū yere marine. Peca ujū ducaro saha mari duseropu wijiaye mehna mari quehnoano ijiborire ña yuhduaro yeaja mari. Ñañene yahuducuna watino tiquiro dutiro saha mari yena niaja.

<sup>7</sup> Ijipihtiyequinare nacu cjēnare wahiquinare, minicjare, sihcō cāhñequinare, wahire mari ihña wahagū ye masiaja. Sa yena mari peyequina tiquina borore ihña wahagū ye tuhasau. Sa ye tiquina quehnoano tuho masine. <sup>8</sup> Tiquinare mari yuhtigū yepegūta mari dusero pehe ñañene yahuducuro ne duhuera yuhduare. Sa yero nuñequinare mari yuhtigū yero saha mari dusero pehere ne yuhtigū ye masiedaja mari. Mari duseropu wijiaye ña yuhduaye ijire. Sa yero aña apeqinane tiquiro wejēno saha marine

apequina gūhure ña yuhduaro wahagū yere mari dusero.

<sup>9</sup> Mari dusero mehna Cohācjū mari puhtoro mehna mari quehnoano yahuducujaja. Sa yahuducuepenata masa Cohācjū yero saha ijieyequinare tiquiro bajumehnediquina tiquina ijiepegūta tiquinare ña yuhduaro ni yahuducujaja mari. <sup>10</sup> Ihcā duseroputa quehnoañene yahuducuye gūhu, ñañene yahuducuye gūhu wijiare. Yuhū acaye, sa ni yahuducueracāhña. <sup>11</sup> Māgā pohtepu aco wijiari coperu quehnoañe aco, ñañe aco gūhu ne wijaerare. <sup>12</sup> Yuhū acaye, higueraqu olivo pacare dca tierare. Sa yero uhse da higuera pacare dca tierare. Sa ye moreno mehna pue paca dca tierare. Sa ye māgā pohtepu aco wijiari coperu moa yuaye co wijiagū moa marieñe co wijaerare. Sata mari duseropu quehnoañe yahuducuye, ñañe yahuducuye mehna wijaeracāhdo.

*Quehnoano masiñe waro ohō saha ijire*

<sup>13</sup> Ihquēquina msa mehna cjēna quehnoano masiñequina ijire. Sa yena “Apequina yuhduoro quehnoano masiaja usā,” niedacāhña. Sa niedana quehnoañene yeya msa. Sa quehnoano yena potota quehnoano masina ijire msa. <sup>14</sup> Sa yena apeqiro apee borore tiquiro cuogū ihñana cahme ihña coona, apeqina mehna usuaducuna, apeqinane yuhduca duana, “Cohācjū yere quehnoano masiaja usā,” niedacāhña msa. Msa sa nina ni mehona ijire msa. <sup>15</sup> Sa yeyequina tiquina wacūñe Cohācjū ye wacūñe ijierare. Tiquina wacūñe ahri yehpa cjēna tiquina ñañe wacūñe ijire. Tiquina wacūñe pehe watino ye ijire. <sup>16</sup> Masare cahme ihña cooyequina, apeqinane yedoho dueyequina sa cahme tuhtiducure. Sa ye ijipihtiye ñañene yeducure.

<sup>17</sup> Apeqina pehe Cohācjū yere quehnoano masiñequina pehe tiquina pūrita sa ye maca quēhe niedare. Sa ye tiquina ne cahme tuhtierare. Sa ye masa quehnoañequina, dutiyere quehnoano yuhtiyequina, paja ihñañequina, masare yedohoyequina, masare ihcāno saha yeyequina ijire tiquina. Tire yeye, ni mehono marieno yere tiquina. <sup>18</sup> Sa yena cahmequeno marieno ijina, apeqinane



“Cahmequedacāhña,” mari ni yahuna quehnoañequina wahagū yena niaja mari masare.

## 4

Ahri yehpa cjē ñañene cahmena, Cohācjüre ihña tuhtina ijire mūsa

<sup>1</sup> ¿Dahse ijiro boro mūsa cahme tuhtijari? ¿Sa yena dahse ijiro boro cahmequeajari mūsa? Ñañene tutuaro cahmena, cahmeque duare mūsa. Quehnoañene ye duepenata ñañene yere mūsa. <sup>2</sup> Apee borore mūsa cahmene. Sa cahmena masare wejēne mūsa tiquina yere nena tana. Sa yena apequiro apee borore tiquiro cūogū ihñana tire mūsa tutuaro cahmene. Sa cahmepenata tire nea masiedare mūsa. Sa yena tire cahme sehña soducure mūsa. Cohācjüre siniedana, mūsa cahmeñene ne bocaerare. <sup>3</sup> Sa yena Cohācjüre sinina, mūsa ye ijiasi dihitare sinimene mūsa, mūsa cahmeno sahata yeducuna tana. Apequina ye ijiasi pehere sini basaerare. Sa mūsa sinigū Cohācjū mūsa siniñene ohoerare.

<sup>4</sup> Cohācjüre duhurina ijire mūsa. Ahri yehpa cjē ñañene cahmena, Cohācjüre ihña tuhtire mūsa. ¿Tire masiedajari mūsa? Sa yero ahri yehpa cjē ñañene cahmediquiro Cohācjüre ihña tuhtiriquire iji tuhasare. <sup>5</sup> Ohō saha niahye Cohācjū yere tiquina ojoari pūpū: “Cohācjū yaquiro Espiritu Santore mari mehna ijiatiquirore cūri. Sa yero Espiritu Santo pehe marine cahño, ñañene mari tutuaro cahmepegūta cahmesāedare tiquiro. Ihcāquiro namonore tiquiro cahī doero saha marine tutuaro cahñe Espiritu Santo”, ni ojoahye panopū. Tiquiro sa ni ojoari ihyo warota ijierare. Poto ijirota nine.

<sup>6</sup> Sa yero Cohācjū marine quehnoano yedohore tiquirore mari quehnoano yuhtiatire. Ohō saha nine Cohācjū yere tiquina ojoari pūpū: “Yūhū pūrita apequinare masi yūhdūcaja,” nidiquirore, Cohācjū ihña tuhtire. Apequiro pehere “Ñagu, ihyo ijigu ijiaja,” nidiquiro pehere Cohācjū yedohore, tiquirore quehnoano yuhti dutiro”, nine tiquiro yere tiquina ojoari pūpū.

<sup>7</sup> Sa yena Cohācjüre quehnoano yuhtina ijiaja mūsa. Sa yena watīnore yuhtieracāhña. Sa mūsa yuhtieragū ihñano

tiquiro pehe mūsa duhti oma cāa waharota. <sup>8</sup> Cohācjüre quehnoano yuhtiaja mūsa. Mūsa sa yegū tiquiro pehe mūsa yedohorota.

Ñana ijire mūsa. Sa yena ñañene ye nemoedacāhña. Ñañe gūhure cahmena, quehnoañe gūhure cahmena ijire mūsa. Sa yena mūsa ñañe yerire bujua witiya. Mūsa sa yegū ihñano Cohācjū mūsa ñañe yerire cohānota. <sup>9</sup> Mūsa ñañene yerire tutuaro bujua witiya. Sa yena mūsa ñañe yeri buhirire utiya. Bucueye mehna bujana ijieracāhña. Sa yena mūsa ñañe yerire ñano jeripohna tina, tire bue tina ijiaja. <sup>10</sup> “Ñagu ihyo ijigu ijiaja yūhū”, nina, Cohācjüre ño peoya. Mūsa sa yegū tiquiro pehe mūsa ñañe yerire cohāno, quehnoano yerota mūsa.

*Tiquina acayere Jesu yequinare tiquina basi ñano quti ye dutierahye*

<sup>11</sup> Yūhū acaye, Jesu yequina ijina, mūsa basi ñano quti yeracāhña. Mūsa acayurore ñano quti yena tiquirore buhiri dahre duti duana niaga mūsa. Cristo ye dutiye pehe masare buhiri dahre dutiye iji tuhasare. Sa yena masare ñano quti yena Cristo ye dutiye ohō saha nina niaga mūsa: “Marine quehnoano dutierare Cristo ye. Sa yena mari esa tuharo buhiri dahre dutiuhna”, nina niaga mūsa masare ñano quti yena. Sa nina Cristo ye dutiye ñano ni yahuducuna tojoare mūsa. Sa yena ti dutiye yerana tojoare. <sup>12</sup> Masare dutiye ohoriquiro, masare beseriquiro Cohācjūta ijire. Sa yero masare pecapū wahaboriquinare tiquirota yūhdūo masine. Sa yero tiquirota masare pecapū cohā masine. Sa yena mari pehe masare “Ñañequina ijire”, ni masiedaja. Cohācjū dihita mari acayere besetiquire ijire.

*Ñamiare dahse mari ijiatire masiedaja mari*

<sup>13</sup> Yojoapūre yūhūre tuhoya mūsa. Ohō saha nina tuhoya yūhūre: “Miare, ñamiare ape macapū ijina wahanata. Topūre ihcā cūhma ijina, apee boro dua, dūnata. Sa yena wapatinata mari”, nine ihquēquina mūsa mehna cjēna Cohācjüre wacūno marieno. Sa nina ijina, yūhū pehere tuhoya mūsa. Sa niñequinare ahrire yahugū tagū niaja. <sup>14</sup> Ñamiapū dahse mūsa

ijiatire masiedare m̄sa. Ehmeo iji, duita pihti m̄jano saha ijire mari ijiye tiye. Ehmeo mehenogā iji, pihtia wahare. Ohō saha mari ḡh̄h̄ mehenogā ijina, yariaa wahanata. <sup>15</sup> Sa yena ohō saha ni t̄hotuya m̄sa: “Cohācj̄ū cahmegū ijinata mari. Sa yena tiq̄iuro cahmegū ohō saha yenata mari”, ni t̄hotuya m̄sa. <sup>16</sup> Yuh̄h̄ sa niepegūta yojop̄ure “Mari esa tuh̄aro ohō saha yenata”, niducumene m̄sa pehe Cohācj̄ure wacūno marieno. Sa niducuna ñañene yere m̄sa. <sup>17</sup> Quehnoañene mari yeatire masiepenata tire yerana, ñañene yena niaja mari.

## 5

*Doeri cjē opanare yahuahye Santiago*

<sup>1</sup> Doeri cjē opana m̄sa yojop̄ure t̄hoya yuh̄re. Camer̄pe m̄sa ñano yuh̄d̄nata. Sa yena uti sañuducuya m̄sa. <sup>2</sup> M̄sa doeri cjē ahba pihtia waharota. Sa ye m̄sa suhtire casia ḡh̄h̄ ihya pehoeta. <sup>3</sup> M̄sa niñerure m̄sa pajiro ihbogū ne ti duhseati ijierare. Pihtiri deco panogā m̄sa sa ihbogū ihñano niñerure m̄sa cahīgū masine Cohācj̄ū. Sa yena niñerure m̄sa cahīdi buhiri pihtiri deco ijigū ñano yuh̄d̄nata pecar̄p̄ m̄sa uj̄gū m̄sa pagure uj̄j̄ p̄ero saha. <sup>4</sup> M̄sa weserire dahra cohteyequinare wapa yerari m̄sa. Sa yena m̄sa tiquinare ni mehori. Sa yero tiquinare m̄sa wapa yerari niñerure ihñano, m̄sa ni mehore masine Cohācj̄ū. M̄sare dahra cohteyequina wapa ye dutiye, sañuducure tiquina. Tiquina sa ni sañuducugū mari p̄htoro Cohācj̄ū tutua yuh̄d̄ariq̄iuro tiquinare tuhore. <sup>5</sup> Ahri yehpap̄ure peye doeri cjē mehna ijie tiri m̄sa. Sa yena m̄sa bucueye dihitar̄e yee tiri m̄sa. Sa yena pajiriq̄iuro wecū tiquina quehnoano nuriq̄iuro yero saha ijire m̄sa. Sa ye pajiriq̄iuro wecū pajiro tiq̄iuro ihyari bato tiq̄iurore tiquina wej̄ēati chutp̄ur̄ ne cāre. Sata m̄sa ḡh̄h̄re pajiro m̄sa c̄ori bato m̄sare tiq̄iuro buhiri dahreatop̄ur̄ ne cānota Cohācj̄ū. <sup>6</sup> Quehnoañequinare peresu ye, wej̄ē dutiri m̄sa tiquinare. M̄sa sa yegū tiquina pehe duhti wijia masiedare.

*Cristo tiq̄iuro tojoa tatire quehnoano cohte dutiahye marine Santiago*

<sup>7</sup> Sa yena yuh̄h̄ acaye, mari p̄htoro Cristo ahri yehpap̄ure tiq̄iuro tojoa

tatire quehnoano cohteya. Wese up̄ro tiq̄iuro oteye duca tiati p̄jere quehnoano tiq̄iuro cohtero saha quehnoano cohteya. Tiq̄iuro oteyep̄ure “Acoro ahtaahro” nino tiq̄iuro ya wesere ti quehnoano piñiatire quehnoano cohtere tiq̄iuro. <sup>8</sup> Sata m̄sa ḡh̄h̄ quehnoano cohteya. Mari p̄htoro tiq̄iuro tojoa tato mehenogā duhsare. Sa yena Cohācj̄ure sa wacū tutuaducuya m̄sa. Sa yena tiq̄iuro ahtatire sa cohteducuya m̄sa. <sup>9</sup> Yuh̄h̄ acaye, m̄sa basi ñano quit̄i yeracāh̄ña Cohācj̄ū m̄sare “Buhiri dahreari”, nina. Sa yena ahrire wacūña m̄sa. Buhiri dahreatiq̄iuro tiq̄iuro ahtato mehenogā duhsare. <sup>10</sup> Yuh̄h̄ acaye, ñano yuh̄d̄epenata mari p̄htoroquehnoano cohteya Cohācj̄ū yere yahu muhtariquina tiquina yeriro sahata. Tiquina ihcāno sahariro sahata ihcāno sahaya, tiquinare ihña cūna.

<sup>11</sup> Sa yena ahri yuh̄h̄ yahuatire wacūña m̄sa. Ñano yuh̄d̄epeta Cohācj̄ure duhueyequina bucueyequina ijire. Panop̄ur̄ cj̄ūnore Job wame tiriq̄iurore t̄hori m̄sa. Tiq̄iuro ñano yuh̄d̄eperota Cohācj̄ure duhuerahye. Sa yero tiq̄iuro ñano yuh̄d̄uri bato Cohācj̄ū tiq̄iurore quehnoano yeahye. Cohācj̄ū mari p̄htoro quehnoano paja ihñariq̄iuro ijiro, sata yeahye tiq̄iuro. Ti ijipihtiyere masine m̄sa.

<sup>12</sup> Yuh̄h̄ acaye, ahrire t̄hoya. Ohō saha ni wame peore masa: “Uhm̄use cj̄ūno mehna poto nina niaja”, nine masare t̄ho dutiye. Tiquina yero saha sa ni wame peoeracāh̄ña. Uhm̄use mehna, ahri yehpa mehna, apee boro mehna sa ni wame peoeracāh̄ña. Ahrire m̄sare tutuaro duti-aja. M̄sa apequinare yahuna, quehnoano potota yahuya tiquinare. Ni wame peo yahu nemoedacāh̄ña. Sa m̄sa poto yahugū ihñano Cohācj̄ū sijoro saha m̄sa nidi buhirire buhiri dahresi.

<sup>13</sup> M̄sa mehna cj̄ūno ñano yuh̄d̄ariq̄iuro ijiro, Cohācj̄ure siniahdo tiq̄iuro. Apeiq̄iuro bucueriq̄iuro ijiro Cohācj̄ure bucueye mehna basaahro. <sup>14</sup> M̄sa dohatina, Jesu yequina p̄htoare pijioya m̄sa. M̄sa sa pijiogū tiquina pehe m̄sare uhse mehna wisōeta. Sa yeye mari p̄htoroquehnoano Cohācj̄ure m̄sare sini basaeta tiquina. <sup>15</sup> Sa tiquina sini basagū “Mari sinino sahata tiq̄iuro yerota”, tiquina ni t̄hotugū Cohācj̄ū m̄sare dohatinare yuh̄d̄uorota. Sa yero

mūsare quehnoana wahagū yerota mari puhtoro. Sa ye mūsa ñañe yeri buhiri mūsa dohatina ijigū ihñañe mūsare sini basaeta. Tiquina sa sini basagū ihñano mūsa ñañe yerire borota Cohācjū. <sup>16</sup> Sa yena mūsa mehna cjēnare mūsa ñañe yerire cahme pua peheri yahu yūhdūya. Sa yena mūsa basi Cohācjūre cahme sini basaya. Mūsa sa sini basagū mūsa sini basariquinare Cohācjū yūhdūorota. Quehnoañene yena mūsa ijigū Cohācjūre tutuaro mūsa sini basariro sahata yerota Cohācjū. Sa ye mūsa sini basaye tutuarīaga. Ihyo ijiye ijierare. <sup>17</sup> Cohācjū yere yahu muhtariquiro mūnano Elia wame tiriquiro mari yero sahata masūno ijie tiahye. Sa yero “Acoro ahtaeracāhdo” ni tutuaro siniahye Cohācjūre. Tiquiro sa ni sinigū ihtia cūhma quehnoano ape cūhma deco ahri yehpapure ne acoro ahtaerahye. <sup>18</sup> Sa yero pari turi tja Cohācjūre acorore tiquiro sinigū acoro ahtaahye. Sa yero pari turi ahri yehpapu yucuri pihni, bācua, dāca tiahye. Sa ye Cohācjūre mari siniñe ihyo ijiye ijierare.

<sup>19</sup> Yūhu acaye, mūsa mehna cjūno Cohācjū yere cohāriquiro Cohācjū yere pari turi tiquiro cahmeatire tiquirore yahuna, quehnoano yena nine mūsa. <sup>20</sup> Sa yena ahrire masiña mūsa: Cohācjūre duhuriquirore Cohācjūre pari turi cahmegū yena, pecapu wahaboriquirore yūhdūgū yena niaga mūsa. Sa yero tiquiro ñañe yerire Cohācjū borota.

## 1 San Pedro

*Jesu yequinare macari wahariquinare ojoa ohoahye Pedro*

<sup>1</sup>Yuhū, Pedro, Jesucristo tiquiro buhe duti cūrigūta ijaia. Sa yegu musare yoaro cĵē macaripū waharinare Ponto yehparū, Galacia yehparū, Capadocia yehparū, Asia yehparū, Bitinia yehparū ti yehparipū waharinare musare ijipiltinare ojoa ohoaja yuhū. Musare quehnoa duti ojoaja yuhū. <sup>2</sup>Coā waropūre Cohācĵū mari Pacū “Ohō saha yeitja”, tiquiro ni wacūyuro sahata musare beseahye. Tiquiro sa beseri bato tiquiro yaqiro Espiritu Santo musare Cohācĵū yequina ijigū yeahye. Sa yeahye tiquiro Jesucristore quehnoano yūhtiana musa ijiatire, tiquiro dii cohāno mehna musa űañene cosenohrina musa ijiatire. Cohācĵū cahīne mehna tutuaro quehnoa dutiaja musare.

*Jesu yequina ijina marine űhmusepū tiquiro neatire cohtena niaja mari*

<sup>3,5</sup>Cohācĵū marine tutuaro paja ihñano, Jesucristo yaria masa mĵari mehna marine pecapū wahaborinare yūhdugū yere tiquiro. Sa marine yūhdugū tiquiro yegū pari turi mari masa bajuariro saha Cohācĵū pohnata wahaja mari. Sa wahaűa tiquiro mehna mari sa ijiducuatire quehnoano masiaja mari. Sa yero musare quehnoano yero taro musare cohtero nine. Tiquiro mehna musa sa ijiducuatire cūnota tiquiro. Sa yena sa ijiducunata musa. Sa yero tiquirore musa wacū tutuagū, Cohācĵū tiquiro tutuaye mehna musare ihñā ih-boro, yūhdugū yerota. Pihitiri deco ijigū musare tiquiro yūhdūore masigū yerota tiquiro. Marine tiquiro sa paja ihñagū ihñana, tiquirore Cohācĵūre mari pūhtoro Jesucristo pacūre űo peouhna.

<sup>6</sup>Sa tiquiro yūhdūoana ijina, mehenogā ahri yehparū musa ijiro puno peye tahari musa űano yūhdūepenata bucuere musa. <sup>7</sup>Sa űano yūhdūepenata Cohācĵūre cohādana musa tiquirore wacū tutuaye potota ti ijigū tire masigū yena niaga musa. Uru ahri yehpa cĵē pūrita pihitia waharota. Uru yūhdūoro musa wacū tutuaye pehe ihyo waro ijierare. Sa

ye masa uru ti ijiyere masi duaye doha tuhu ihñare. Urure tiquina doha tuhu ihñano saha musa wacū tutuayere Cohācĵū ihñā duaro “űano yūhdūahro”, niboaga musare. Musa sa űano yūhdūri bato potota tiquirore musa quehnoano wacū tutuaducugū ihñano, Cristo űo peoye mehna musare “Quehnoano yeri musa”, ninota. Ahri yehparū tojoa taro sa ninota.

<sup>8</sup>Tiquirore Jesucristore musa ihñedapenata cahine musa. Sa yena yojoopūre tiquirore ihñedapenata tiquirore wacū tutuare. Sa wacū tutuana, tutuaro bucuere musa. Cohācĵū tiquiro sa musare bucuegū yegū tutuaro bucuere musa. Ti bucueye quehnoa yūhdūare. <sup>9</sup>Sa yero Cohācĵū musare pecapū wahaborinare yūhdugū yerota, musa tiquirore quehnoano wacū tutuagū.

<sup>10</sup>Cohācĵū musare tiquiro sa yūhdūoatire panopū cĵēna Cohācĵū yere yahu mūhtariquina tire masi duaye, sinitue tiahye. <sup>11</sup>Cristo tiquiro űano yūhdūatire, tiquiro masa mĵatire, ijipihituequina pūhtoro tiquiro ijiatire tiquiro masa bajuato panopūta tire yahuyu tuhasae tiahye tiquina. Jesucristo yaqiro Espiritu Santo tiquiro yedohoye mehna sa yahuyuahye tiquina. Sa ye tiquina Cohācĵū yere yahu mūhtariquina tiquina yahurire quehnoano masi duaye sinitue tiahye tiquina Cohācĵūre. “Cristo wihirota”, Espiritu Santo tiquiro nidire “ĴNoa boro pehe ijioritari?” ni sinitue tiahye tiquina. Tiquiro wihiati pje gūhure sinitue tiahye. <sup>12</sup>Tiquina yahuyuri tiquinare masi pehogū yeati ijierahye. Maripūre masi pehogū yeatire sa ni yahue tiahye. Tire tiquinare masigū yeahye Cohācĵū. űhmusepū ahtariquiro Espiritu Santo yedohoye mehna yojoopūre quehnoañe buheyere musare űsā yahujaja. Panopū musa masiatire tiquina yahuyuri tita ijire yojoopūre musare űsā yahuye. Ti buheyere angele gūhū tutuaro masi duae tiahye.

*Cohācĵū marine űañe mariena iji dutire*

<sup>13</sup>Sa yena quehnoano wacū masitĵiāna ijiyuya musa. Sa yena tuho masina ijiya. Cristo tiquiro tojoa tagū Cohācĵū musare quehnoano tiquiro yeatire wacūñā. Sa yena tire quehnoano cohteya. <sup>14</sup>Panopū Cohācĵūre masiedarina űañene tutuaro

cahmena ijimedi musa. Yojoṗure tire yeracāhña. Sa yena tiquina pohne tiquina pacusumhare quehnoano tiquina yahtiro saha yeya musa. <sup>15</sup> Sa yena tiqiuro yequina ijiatire musare beseriquiro ñañe marieniquiro tiqiuro ijiro sahata musa gūhu ñañe mariedacāhña. Sa yena quehnoañe dihitare yeya. <sup>16</sup> Sata ni ojoahye Cohācjū yere tiquina ojoari pūpū: “Ñañe mariegu ijiaja yūhu. Yūhu sa ijigū musa gūhu ñañe mariena ijiya”, ni, ojoahye.

<sup>17</sup> Tiquiro Cohācjū ijiphihtiquinare tiquina yerire ihñano ihcāno saha besere tiquinare. Ñañequinare, quehnoañequinare besere. Tiquiro sa yeriquiro ijigū tiqiurore “Yūhu Pacu” ni duana quehnoano yeya. Ahri yehpapu musa ijiro puno cua pesaro mehna quehnoano ijiducuya musa. <sup>18</sup> Musa ñecusumha muna panopu cjēna tiquina yeri ne duhseati ijierahye. Musa gūhu tiquina yeriro saha yena musa ijiepegūta Cristo musare tiqiuro yequina ijigū yeri. Wapamoñequinare tiquina wapamorire tiquina boriro sahata tiqiuro pehe musa ñañe yerire potota bo cāhri. Tire quehnoano masine musa. Musare sa yero plata mehna, uru mehna wapa ye wioerare tiqiuro musare sa yero. Plata, uru butia waharota. <sup>19</sup> Tiquiro pehe oweja quehnoariqiuro, wete marieniquiro yero sahata ijiriqiuro Cristo tiqiuro dii mehna tiqiuro yariari mehna musa ñañe yerire cohā, musare yuhduorota. Tiquiro dii mehna marine sa yero quehnoano waro yero nidi. <sup>20</sup> Panopure ahri yehpare tiqiuro bajumehneato pano Cristo tiqiuro sa wahatire masi tuhasahye mari Pacu. Yojoṗu pehere pihtiatu deco panogā ijigū, Cristore quehnoano masigū yeri mari Pacu musare. <sup>21</sup> Cristo yedohoro mehna mari Pacure wacū tutuare musa. Mari Pacu pehe Cristore yariariqiurore masori jiri. Sa yero tiqiurore uhmusepū cūno ijiphihtyequinare tiqiurore ño peogū yeahye mari Pacu. Tiquiro sa yegū mari Pacure wacū tutuare musa. Sa yena musare tiqiuro yuhduoatire quehnoano masine musa.

<sup>22</sup> Quehnoañe buheyere tiqiuro nidiro sahata yena ijina, musa ñañe yerire cohānhrina ijire musa. Sa yena potota mari acayerre Jesu yequinare cahī masine musa. Sa yena musa mehna cjēnare musa jeripohnari mehna tutuaro cahiña.

<sup>23</sup> Sa yena coā bajuayequina yero saha ijina Cohācjū pohna wahari musa. Mari pacusumha mehna masa bajuarina ijina came yarianata. Ti yero saha ijierare Cohācjū pohna musa wahagū. Cohācjū buheye mehna tiqiuro catigū yeye buheye mehna tiqiuro pohna wahari musa. Ti buheye mehna Cohācjū mehna sa ijiducunata mari. <sup>24</sup> Ohō saha nine Cohācjū yere tiquina ojoari pūpū:

Ijiphihtyequina masa taa yero saha ijire.

Sa ye quehnoañe tiquina cuoye, taa cohoru yero saha ijire. Taa ñaia wahare. Cohori gūhu buru dijia, ahbaa wahare. Ti yero saha yariare masa gūhu. <sup>25</sup> Mari puhtoro ye buheye pehe ne pihtisi. Tiquiro nidiro sahata sa waharota, ni ojoahye.

Ti buheye musare tiquina yahuri quehnoañe buheyeta ijire.

## 2

<sup>1</sup> Sa yena ijiphihtye ñañe yeyere, ni mehoñene, masa ihñono dihita quehnoano iji mehoñene, apee borore tiquina cuogū cooyere, apequinare ñano quiti yeyere tire duhuya musa. <sup>2</sup> Sa yena coā masa bajuayequina epēcore tiquina cahmeno saha musa gūhu quehnoañe buheyere Cohācjū yere tutuaro cahme nemoña. Sa cahme nemoña musa tiqiurore musa wacū tutua nemoatire, tiqiuro yuhduonohatina musa ijiatire. <sup>3</sup> Sata ijinata musa. Mari puhtoro musare tiqiuro quehnoano yeyere mehenogā masi tuhasare musa.

*Cristo catigū yeriquiro utā yero saha ijire*

<sup>4</sup> Cristo catigū yeriquiro utā yero saha ijire. Wūhu dahreyequina ihcāria utāre tiquina cahmedaro saha masa tiqiurore cahmedare. Cohācjū pehe tiqiurore ihñagū tiqiuro beseriquiro quehnoa yuhduariqiuro ijire. Tiquiro sa ijiriqiuro ijigū tiqiurore wacū tutuaya. <sup>5</sup> Sa yena musa gūhu wūhu cjē utā paca yero saha ijire. Musa sa ijina Cohācjū ya wūhu cjē utāre ihcāno saha tiquina cūriro saha musa tiqiuro yequina gūhu ihcāno saha quehnoano ijinata. Sa yena Cohācjū ya wūhu cjāna quehnoana pahia ijinata musa. Sa yena Jesucristo yedohoye mehna Cohācjū yere quehnoano yenata musa.

Musa sa yegū ihña bucueroa Cohācjū. <sup>6</sup>Ohō saha nine Cohācjū yere tiquina ojoari pūpū: Ɛtā wuhupū tiquina cū mahtaria mariedagū wuhure ye dūca masiedare. Sata Cristo marieno yeequina waha masiedare masa. Sa yero tiquiro ihyo ijiriqiro ijierare. Sa yegū tiquirore Jerusalēpū yojoḡure cūḡu niāja. Tiquiro yuhū beseriquiro quehnoa yuhduariqiro ijire. Sa ye tiquirore wacū tutuayequina bucueta, ni ojoahye.

<sup>7</sup> Tiquirore wacū tutuayequina pehe quehnoa yuhduaro wahaeta. Sa yero ihyo ijiriqiro ijierare tiquiro. Tiquirore wacū tutueyequina pehe sijoro saha wahaeta. Tiquinare ohō saha nine Cohācjū yere tiquina ojoari pūpū.

Ahriqiro Cristo Ɛtā yero saha ijire. Ɛtāre wuhū dahreyequina tiquina bese cohāno saha masa tiquirore cohāeta. Tiquina sa yepegūta yojoḡure wuhū dahreyequina wuhure yeye, tiquina cū mahtaria Ɛtāre tiquina cūno saha Cohācjū tiquirore puhtoro cūri, ni, ojoahye.

<sup>8</sup> Ahri ḡāhure nine Cohācjū yere tiquina ojoari pūpū:

Omariquiro Ɛtāre doque wahā saro tiquiro esaborirore ne eserare. Sata Ɛtā yero saha ijiriqirore Cristore cahmedana, tiquirore yuhduaducana, Cohācjū cahapū esasi mari, ni ojoahye panopū.

Tiquina Cohācjū ye buheyere yuhtierare. Sa yeye panopū tiquiro ni ojoari sahata Cristore cahmedare. Cohācjū panopū “Sa waharota”, tiquiro nidiro sahata Cristore cahmedare tiquina. Sa yeatiquinare cūahye Cohācjū tiquinare.

*Ohō saha ijire Cohācjū yequina*

<sup>9</sup> Musa pehe Cohācjū beserina ijire. Tiquiro mari puhtoro tiquiro yequina pahia, tiquiro yere ye basana ijire masa. Sa yena tiquiro ya curua cjāna ḡāne mariedana, Cohācjū yequinata ijire masa. Sata ijire masa. Cohācjū tiquiro quehnoa yuhduayere tiquiro yerire apequinare yahuatina ijire masa. Musare beseahye tiquiro musare ḡāne ye dutiaro. Sa besero quehnoāne pehere yeanajare cūri musare. <sup>10</sup> Panopūre dūhseatina

ijierari jiri masa. Yojoḡū pūritare Cohācjū yequina ijire masa. Panopūre musare paja ihñariqiro musare mariedahye. Yojoḡū pūritare musare Cohācjū paja ihñari.

*Cohācjū yere yena ijiya masa*

<sup>11</sup> Yuhū cahīna, ahri yehpapū iji dojoatina ijierare masa. Cohācjū yequina ijire masa. Musa sa ijina ijigū ahrire tutuaro yahuaja musare: Musa ḡāne tutuaro cahmeñene yeracāhña. Ti ḡāne tutuaro cahmena, ḡāna wahana niāga masa. <sup>12</sup> Cohācjūre cahmeeñequina watoa ijina quehnoano yena ijiya masa, musare “Yahusāri”, nina. Musa sa yegū tiquina yojoḡure musare ḡāno yahusā duepeta, masa quehnoano yeyere masieta tiquina. Sa masiñe, tiquina Cohācjūre “Quehnoagū, tutuagu ijire”, nieta. Sata nieta Cristo ahri yehpapū tiquiro tojoa tagū.

<sup>13</sup> Mari puhtorore yuhti duana ahri yehpa cjēna puhtoā ḡāhure yuhtiya masa. Roma cjūnore masa ijipihntina puhtoro tiquiro ḡāhure yuhtiya. <sup>14</sup> Puhtoare yuhduaducayequinare buhiri dahre dutiro, ohori puhtoro tiquirore yedohoyequinare. Sa yero quehnoano yeyequinare “Quehnoano yeri masa”, ni dutiro ohori tiquiro tiquinare. Tiquiro sa ohogū, tiquinare yuhtiya masa. <sup>15</sup> Musa quehnoano yegū ihñāne tuho masieñequina tiquina esa tuharo musare quiti dahre duepeta quiti dahre masiedare. Musa sa yegū cahmene Cohācjū. Sa yena masa puhtoare yuhtiya.

<sup>16</sup> Cohācjū masa puhtoro ijire. Apequina cahacjāna ijierare masa. Sa ijiepenata “Ɛsāre dutiriqiro mariedare. Sa yena ḡāne yematja”, ni tuhotueracāhña, “ḡāne yeari”, nina. Cohācjū cahacjāna ijire masa. Sa yena tiquirore quehnoano yuhtina ijiya masa. <sup>17</sup> Ijipihntequina masare ḡo peoya. Mari acaye Jesu yequinare cahīna. Cohācjūre ḡo peoye mehna ihñāna. Ahri yehpa cjēna puhtoro ḡāhure ḡo peoya.

*Cristo ḡāno yuhduaro tiquiro ihcāno sahariro sahata ihcāno sahaya masa ḡāhū*

<sup>18</sup> Cahacjāna, masa cua pesaro mehna masa puhtoare yuhtiya. Quehnoañequina, musare quehnoano yeyequina dihitaro yuhtina ijieracāhña. Musa mehna usuayequina ḡāhure yuhtiya masa. <sup>19</sup> Musa ḡāno yerapegūta musare tiquina buhiri

dahregū “Cohācjū cahmeno sahata ye duaja”, mūsa ni tuhotugū tire mūsa ihcāno sahaḡū “Quehnoano yeri mūsa”, ninota Cohācjū musare. <sup>20</sup> Mūsa ñano yeri buhiri tiqina musare buhiri dahregū tire mūsa ihcāno sahaḡū ti duhseati ijierare. Sa yena mūsa quehnoano mūsa yeri buhirire tiqina buhiri dahregū tire mūsa quehnoano mehna ihcāno sahaḡū Cohācjū “Quehnoano yeri mūsa”, ninota musare.

<sup>21</sup> Sa ñano yuhduanjare musare tiqiro yequina iji dutiri jiri Cohācjū. Cristo mūsa ye ijiatire ñano yuhduri tiqirore mūsa ihña cūatire. <sup>22</sup> Tiqiro ne ñano yerari. Sa yero ne ni mehoedari. <sup>23</sup> Tiqirore tiqina tuhtigū, tiqiro pehe tiqinare tuhti cahmedari. Tiqirore tiqina ñano yepegūta “Quēitja musare”, ne niedari. Tiqina sa yepegūta tiqinare Cohācjū tiqiro buhiri dahreatire potota tiqiro yeatire masino, “Yuhū Pacapū tiqinare buhiri dahrerota”, ni tuhoturi. <sup>24</sup> Tiqiro basi curusapū mari ñaṇe buhirire yariari. Sa waha yariari pari turi mari ñañene yeratire, Cohācjū cahmeñe pehere mari yeatire. Tiqiro ñano camī tire, marine pecapū wahaborinare yuhduoro taro. <sup>25</sup> Oveja wisiaye tiqina butiriro sahata mari ḡūhu pecapū butiatina ijimi. Yojoḡū pehere Cristore, ovejare ihña ihboriqiro yero saha ijiriqirore, marine ihña ihboriqirore wacū tutuaja mari. Sa wacū tutuana, tiqiro yequina wahaḡū mari.

### 3

*Omoca* duhteriqinare ohō saha yero cahmene tiqinare

<sup>1</sup> Sa yegū cahacjēnare yuhū dutiriro sahata mūsa namosānumiare dutiitja. Mūsa manūsumūare yuhducaeracāhña tiqina Cohācjū buheyere tiqina cahmeatire. Ihuēquina tiqina Cohācjū buheyere cahmeñequina ijiye, tiqinare mūsa yuhducaeragū ihñañe Cohācjū ye buheyere cahmeboaga tiqina. Ti buheyere mūsa yahuerapēgūta tiqiro yere cahmeboaga tiqina. <sup>2</sup> Sata cahmeboaga tiqinare mūsa quehnoano yeyere, mūsa ño peoye ḡūhure ihñañe. <sup>3</sup> Mūsa numia, cariboyequina numia yero saha yeracāhña. Sa yena mūsa poarire wūhapo sepahtana numia, uru darire busana numia, wapa

bujuyē suhtire sañana numia ijieracāhña, mūsa musare “Ue pjegū yeari”, nina. Mūsa pagūrire masa tiqina ue pjegū yeracāhña. <sup>4</sup> Sa yena mūsa cua pesaro mehna apeqinare tutuaro cañiñe mehna yena, cua pesaro mehna yahuna, ti pehere ihña bucuēgū yeya. Ti pehere mūsa yegū ihyo waro ijierare, Cohācjū ihñagū. <sup>5</sup> Sata yee tiahye panopū cjenā numia Cohācjū yequina numia. Tiqina numia Cohācjūre wacū tutuaye numia ijiye, tiqina manūsumūare yuhducaera tiahye. <sup>6</sup> Sata Sara ticoro manūno Abrahāre quehnoano mehna yuhtie tiahye. Sa yero tiqirore “Pūhto”, ni pisuahye. Sa yena mūsa quehnoano yena numia ijina, cuero marieno ijina numia ijina, Sara yero saha ijire mūsa ḡūhu.

<sup>7</sup> Sata mūsa mūsa ḡūhu mūsa namosānumiare quehnoano yeya. Tiqina numia mari mūsa yero saha tutuayequina numia ijierare. Sa yena ño peoye mehna quehnoano yena tiqina numiare. Cohācjū ijipihtiye decori tiqiro mehna mari ijiatire tiqiro ohoriro sahata tiqina numia ḡūhure ohorota tiqiro. Tiqina sa ijiyequina ijigū tiqina numiare quehnoano yeya. Cohācjūre mūsa siniñene mūsa dojomehnedatire tiqina numiare quehnoano yeya.

*Quehnoano tiqina yepegūta* apeqina tiqinare ñano yeyere yahuahye Pedro

<sup>8</sup> Ahri mehna musare yahu bato tiitja: Mūsa ijipitina ihcāno saha quehnoano mehna ijiya. Sa yena mūsa mehna cjenare quehnoano paja ihñaña. Mūsa acaye Jesu yequinare pua peheri cahme cañiña. Sa yena quehnoano yeya tiqinare. Sa ye “Ihyo ijina iijaja”, ni tuhotuya. <sup>9</sup> Apeqina musare tiqina ñano yegū tiqinare ñano ye cahmedacāhña. Musare tiqina tuhtigū tiqinare tuhti cahmedacāhña. Musare tiqina sa yepegūta quehnoano yeya tiqinare. Sa yena “Quehnoano ijiya”, niña tiqinare. Tire yeatinare tiqiro yequinare cūri musare Cohācjū pehe musare quehnoano yero taro.

<sup>10</sup> Sata nine Cohācjū yere tiqina ojoari pūpū:

Mūsa quehnoano bucuēye mehna iji duana ne ñano ni yahuducueracāhña. <sup>11</sup> Ñañe yeyere duhu

cãhña. Quehnoañe pehere yeya. Cahme mûsa basi ihña tuhtiro marieno ijiya. Tire tutuaro yeya.<sup>12</sup> Quehnoañequinare mari puhtoro sa ihña ihbuducuro nine. Sa yero tiquiroro tiquina siniñene sa tuhducuro nine. Nãno yeyequina pehere tiquiroro ihña tuhtire, ni joahye.

<sup>13</sup> Quehnoañene mûsa tutuaro ye duagũ apequina pehe musare ñano yuhdugũ ye duaye, ye masisi tiquina. <sup>14</sup> Quehnoano mûsa yepegũta musare tiquina ñano yuhdugũ yegũ ihñano Cohãcjũ musare quehnoano yerota. Tiquiro sa yegũ musare ñano ye duayequinare cueracãhña. Sa yena bujua witieracãhña. <sup>15</sup> Mûsa Cristore “Ûsã puhtoro ijire”, ni tahotuna, ño peoya tiquiroro. Sa yena Cristore mûsa wacũ tuuayere, Cohãcjũ mehna mûsa ijiatire apequina sinituboaga. Tiquina sa sinituato pano tiquinare mûsa yuhtiatire quehnoano masiyuya. Sa yuhtina cahño mehna, quehnoano ño peoye mehna yahuya tiquinare. <sup>16</sup> Quehnoana ijiya. Sa yena “Ñañene yeaja”, ni tahotusi mûsa. Sa ye Cristo ye quehnoano yena mûsa ijigũ apequina musare ñano quiti yeye, buoro wahaeta tiquina. <sup>17</sup> Ñañene mûsa yeri buhiri mûsa ñano yuhdugũ quehnoaedare. Sa yero Cohãcjũ cahmegũ quehnoañene mûsa yeri buhiri mûsa ñano yuhdugũ quehnoarĩne ti pũrita.

<sup>18</sup> Sata ñano yuhdũri Cristo. Ihcã tahata ijiiphtiequina tiquina ñañe buhirire yariari tiquiroro. Quehnoariquiroro ijiri. Sa yero mari ñañe buhiri ñano yuhdũri tiquiroro. Nãno yuhdũri tiquiroro marine Cohãcjũ yequina wahagũ yero taro. Tiquiro pagu yariaa wahari. Yariari bato tiquiroro masari jiri. <sup>19</sup> Sa masariquiroro ijiro tiquina buhiri dahreatire cohteyequina muna yariariquina muna jeripohnarine buheahye tiquiroro. <sup>20</sup> Sa cohteyequina panopũ Cohãcjũre yuhtierariquina muna ijiahye. Ti pjepũre Noé tiquiroro ijiri pjepũre, pajiria yucusare dohoro niahye. Tiare tiquiroro dohori watoa Cohãcjũre yuhtierariquina munare tiquina yuhtigũ cahmeno, tiquina yuhtiatire yoari pje cohtemahye Cohãcjũ. Sa ye meheñequinagã ocho masa dia minidi pjere yuhduahye. <sup>21</sup> Minigũ tiquina yuhdũriro saha wame yeye mehna yuhdũre

masa. Mari pagure mari wete tu cosero saha ijierare wame yeye. Sijoro saha ijire wame yeye. Nãñe mariena mari ijiatire Cohãcjũre mari siniñe ijire ahri wame yeye. Sa yena Jesucristo tiquiroro masa mujari mehna yuhduaja mari. <sup>22</sup> Tiquiro Jesucristo uhmũsepu wahahye poto pehepu dujiro taro, Cohãcjũ mehna dutiro taro. Sa yero tiquiroro angele bui, uhmũse cjẽna puhtoa bui, dutieyequina bui tiquina puhtoro ijire.

## 4

*Cristo yequina ijina quehnoañe pehere comesarina ijinata*

<sup>1</sup> Mari ñano yuhdũna ñañe yeyere duhu cjã mari. Sa yena Cristo ñano yuhdũro tiquiroro cuerariro sahata tiquiroro usuerariro sahata mûsa gũhu tiquiroro yero sahata yeya. <sup>2</sup> Sa yeya mûsa ñañene mûsa ñe pjerire mûsa duhoro quehnoano, Cohãcjũ cahmeñe pehere mûsa yero quehnoano.

<sup>3</sup> Panopũ Cohãcjũre cahmeeñequina ñañene tiquina ñe pjerire tiquina yeriro sahata yeducumahye mûsa gũhũ. Bue tiro marieno ñano yena, ñañene tutuaro mûsa ñe pjerire yena, quehena, queheye bose decorar yena, “Cohãcjũ ijire”, mûsa niñe queoyere ño peona ti pehere yee timahye mûsa. Ti queoyere ihña yabire Cohãcjũ. Sa yena to punota ye bato tiya. <sup>4</sup> Sa ye ti ña yuhduayere yeyequina mehna mûsa ijigũ yojopure mûsa tire yeragũ ihñañe tiquina pehe ihña maria wahari. Sa ye tiquina musare quiti dojomehnedi. <sup>5</sup> Tiquina sa yegũ ihñano tiquina ñañe yerire Cohãcjũ pehe sinituro, yahu yuhdu dutirota tiquinare. Tiquiro catieyequinare, yariariquina gũhũre beseatiquiroro buhiri dahreatiquiroro ijire. <sup>6</sup> Tiquiro sa beseatiquiroro ijigũ Jesu yequina pehe yojopure yariariquina munare quehnoañe buheeyere yahuri tiquina yariato pano. Sa ni yahuri tiquina pagurire Cohãcjũ tiquiroro yaria dutiepegũta. Sa yahuri tiquinare Cohãcjũ ijiiphtie decori tiquiroro ijiro saha tiquiroro mehna tiquina ijiducuatire.

<sup>7</sup> Pihtiati deco mehenogã dahsare. Sa yena quehnoano wacũ masina ijiya, yojopure Cohãcjũ mehna mûsa quehnoano yahuducuatire. <sup>8</sup> Apequinare cahña, peye tahari tiquina ñañene tiquina yepegũta sa ihña cjã mari. Sa yena mûsa mehna cjẽnare sa cahiducuya. Apeye dutieye yuhdũoro



ahrireta yeya. <sup>9</sup> MUSA mehna cĵenare un-ureno marieno MUSA ye wuhusepu saĵa ta dutiya. <sup>10</sup> Cohăcĵu musare ijiphtinare MUSA yeatire cŵri. Tiquiro sa cŵgŵ, MUSA ye masino sahata MUSA mehna cĵenare tire quehnoano yeya. Cohăcĵu musape cŵri MUSA yeatire. Tiquiro cŵriro sahata apequinare quehnoano yedohona, Cohăcĵu cŵriro saha quehnoano yena niaga MUSA. <sup>11</sup> MUSA quehnoano yahuna, Cohăcĵu tiquiro yahuboriro saha quehnoano yahuya MUSA gŵhu. Masare yedohona Cohăcĵu tiquiro cŵri tutuaye mehna apequinare yedohoya. Ti ijiphtiyere yena Cohăcĵure masa tiquina ņo peotire sa yeducuya. Jesucristo pehe tire MUSA yegŵ yedohorota. Tiquirore ijiphtiyere decori ņo peo, "Tutuagu ijire", nino cahmene ijiphtiyequinare. Sata niahdo.

*Jesu yequina tiquina ijiri buhiri tiquina ņano yuhduyere yahuahye Pedro*

<sup>12</sup> Yŵhu cahĭna, yojopure ņa yuhduaro yuhduna, "Yohou, sijoro saha ijiro wahaga yuhure", ni, wacŵedacăhĭna. <sup>13</sup> Cristo tiquiro ņano yuhduriro saha MUSA gŵhu tiquiro yero saha sa wahana, bucueya MUSA. Sa bucuenta Cristo asi siteye mehna tiquiro tojoa tagŵ MUSA quehnoano bucuenata. <sup>14</sup> Cristo yequina MUSA ijiri buhiri apequina musare tiquina tuhtigŵ Cohăcĵu yaquiro Espŵritu Santo asi siteriquiro MUSA mehna ijiro nine. Sa yena bucueya MUSA. <sup>15</sup> Sa yena masare wejĵedacăhĭna MUSA. Apee borore yaqueracăhĭna. ņano yeracăhĭna. Sa yena apequina tiquina yerire ihĭana tiquinare sijoro saha ni dojomehnedacăhĭna. Ti buhiri MUSA ņano yuhdugŵ ņarĭne. <sup>16</sup> Sa yena Cristo yequina MUSA ijiri buhiri ņano yuhduna, bue tieracăhĭna. ņano yuhdepenata Cristo yequina MUSA ijije mehna bucuenta, Cohăcĵure "Quehnoare", ni, ņo peoya MUSA.

<sup>17</sup> Cohăcĵu tiquiro yequina yerire ihĭano tiquiro beseati pje ijiro nine yojopure. Ijiphtina mari tiquiro yequina mari yerire ihĭano bese muhtanota, "Ahri ņaĭe ijire. Ahri quehnoaĭe ijire", nino. ŷSa bese muhtano dahse yerotari tiquiro yequina ijieyequina pehere? Tiquirore yuhtieyequina pehere tutuaro buhiri dahrerota. <sup>18</sup> Sa ye quehnoaĭequina yuhdueta. Tiquina sa yuhduati mijo cĵure. Ti sa mijo cĵugŵ Cohăcĵure cahmeeĭequina, ņaĭequina pehe ne yuhdasi. Basioerare

tiquinare. <sup>19</sup> Sa yena Cohăcĵu cahmegŵ MUSA ņano yuhduna, quehnoaĭene MUSA yerire duhueracăhĭna. Sa yena musare bajumehnediquirore, musare ne duhueriquirore tiquirore wacŵ tutuaya MUSA.

## 5

*Jesu yequina tiquina yeatire yahuahye Pedro*

<sup>1</sup> Yojopure Jesu yequina puhtoare yahutja. Yŵhu Jesu yequina puhto ijiaja. MUSA gŵhu tiquina puhtoata ijire. Musare yŵhu yero saha puhtoata ijinare ahrire yahugu tagŵ niaja yŵhu. Cristo tiquiro ņano yuhdurire ihĭarigu ijigu, ŵhmusepu Cristo mehna yuhduacĵu ijigu ahrire musare yahutja: <sup>2</sup> Cohăcĵu yequina oveja yero saha ijire. MUSA pehe ovejare ihĭa ihboyequina yero saha ijire. Tiquinare Cohăcĵu musare tiquiro cŵriquinare tiquiro yequinare quehnoano ihĭa ihboya. Sa yena Cohăcĵu tiquiro cahmediro sahata quehnoano jeripohna tiye mehna tiquinare ihĭa ihboya. Sa yena tiquinare ihĭa ihbona, "Ūsă ihĭa ihbori wapa niĭerure wapatanata", niedacăhĭna MUSA. Cohăcĵu cahmeno sahata yeducuna ijija. <sup>3</sup> Sa ihĭa ihbona tiquinare ņano dutiperacăhĭna. Sa yena quehnoano yeya MUSA Jesu yequina musare tiquina ihĭa cŵatore. <sup>4</sup> MUSA sa yena Cristo ijiphtinare marine ihĭa ihboriquiro tojoa tagŵ tiquiro musare quehnoaĭene ohoatire MUSA yuhduatire cuonata. Ti MUSA cuoati ne pihtisi.

<sup>5</sup> Tiquinare yŵhu dutiriro sahata MUSA wahma pĵia gŵhu MUSA puhtoare yuhtiya. Sa yena MUSA mehna cĵenare ijiphtiyequinare ņo peoya.

"Masi yuhduacĵa", niĭequina pehere Cohăcĵu ihĭa tuhtire. Apequinare ņo peoyequina pehere "Ihyo ijina ijiaja", ni tuhotuyequina pehere quehnoano yere tiquiro.

<sup>6</sup> Sa yena Cohăcĵu tutuariquiro musare tiquiro dutigŵ tiquirore ņo peoya. MUSA sa yegŵ tiquiro queori pje ijigŵ musare apequina ņo peota tiquiro dutiro mehna. <sup>7</sup> Tiquiro musare pajiro tuhotu ihĭa ihbore. Sa yena tiquirore wacŵ tutuana, ne pajiro tuhotueracăhĭna MUSA pehe.

<sup>8</sup> Sa yena wacŵ masi ijija. Musare ihĭa tuhtiriquiro watino yairo usuariquiro

tiqiro maca ihya duaro saha mäsare ñano yãhdugũ ye duare. Sa yero mäsare ñano ye dutire. <sup>9</sup> Ijiphtiropũ ahri yehpapũre apequina Jesu yequinare ñano yãhdugũ yere watĩno. Tire masina, tiqirore yãhtieracãhña. Sa yena Cristore tutuaro wacũ tutuaya mäsã. <sup>10</sup> Sa yena mehenogã mäsã ñano yãhdũri bato Cohãcjũ mäsare yedohorota. Mäsare quehnoana ijigũ yerota. Sa yero tiqirore mäsã wacũ tutua nemogũ, tiqirore mäsã ne duhueragũ yerota mäsare. Tiquiro ijiphtiyẽ decori ãhmãsepũ Cristo mehna mäsã ijiatire mäsare cũriqiro ijire. Tiquiro Cohãcjũ ijire ijiphtiyẽquinare paja ihñariqiro. <sup>11</sup> “Ijiphtiyẽ decori tiqiro tutuariqiro ijire”, ni ño peuhna tiqirore. Sata yeihna.

*Quehnoa duti bato tiahye Pedro*

<sup>12</sup> Ahri pũ meheni pũgãre mäsare yũhũ oho duagũ Silvano pehe yũhũre ojoa basari. Tiquiro Jesu yaqiro yũhũ acayũro Jesure duhueriqiro ijire, yũhũ tãhotugũ. Mäsare quehnoano yahu duaja. Sa yegũ “Ahri buheye potota Cohãcjũ marine tiqiro cahñene yahuri buheye ijire”, ni yahugũ mäsare ahri pũre ojoaja. Sa yena ahri buheyere ne duhueracãhña mäsã.

<sup>13</sup> Mäsare tiqiro yequina ijiatinare tiqiro beseriro sahata Jesu yequina Babilonia cjẽna gãhũre beseahye Cohãcjũ. Tiquina pehe mäsare quehnoa dutire. Marco gũhũ yũhũ macũ yero saha ijiriqiro mäsare quehnoa dutire. <sup>14</sup> Mäsã mehna cjẽnare quehnoano mehna piti caya.

Ijiphtina Jesucristo yequinare quehnoa dutiaja mäsare.

## 2 San Pedro

*Jesu yequinare ojoa ohoahye Pedro*

<sup>1</sup> Yuh̄u Simo Pedro, Jesucristo buhe duti tiqiro cūrigū ijiaja. Sa yegū tiqiro cahacjūta ijiaja. Sa yegū musare ojoa ohoaja yuh̄u. Cohācjū marine yuh̄dūoriquiro Jesucristo pehe ñaṇe marieniquiro ijire. Sa yero tiqirore musa wacū tutuagū, tiqiro yequina wahagū yeri jiri musare. Sa wahana musa gūh̄u usā yero saha tiqiro yequina ijire. Mari ihcāno saha tiqiro yequina ijiaja. Sa yegū musare ojoa ohoaja. <sup>2</sup> Sa yena Cohācjū gūh̄ure, mari puhtoro Jesu gūh̄ure masi nemona tiquina cahīne mehna quehnoano ijiducunata musa. Sa quehnoano musa ijiatire musare sini basaja. Sa yegū musare quehnoa dutiaja.

*Ohō saha ijire Cristo yequina*

<sup>3-4</sup> Tiquiro yequina ijiatinare Cristo marine pijiri. Tiquiro sa pijigū tuhona, tiqirore yuhtii mari. Sa yuhtina Cohācjūre masi nemona, tiqiro tutuaye mehna tiqiro cahmeno sahata quehnoana ijinata mari. Tiquiro ijire tiqiro yequina ijiatinare marine pijiriquiro. Quehnoariquiro, masi pehoriquiro tiqiro ijiro sahata ijiatinare marine pijiriquiro ijire. Sata tiqiro tutuaye mehna marine quehnoa yuh̄duaro yeri. “Ohō sahata musare quehnoano yeitja”, tiqiro nidiro sahata marine quehnoa yuh̄duaro yeri. Marine tiqiro sa yegū ahri yehpa cjē ñañene, ñañene mari űe pjeje pehere mari duhu cjā. Ti ñañe pehe marine ñano wahagū yemedi. Sa yena tiqirore yuhtina, Cohācjū ijiro saha ijinata mari. <sup>5</sup> Sa yena Cristore wacū tutuana iji tuhasare musa. Sa yena ohō saha ye nemoña tja: Quehnoana ijiya musa. Quehnoano wacū masina ijiya musa. <sup>6</sup> Ñano ye duepenata Cohācjū cahmeñe pehere yeducuya musa. Sa yena Cristo yequina musa ijiri buhiri ñano yuh̄duepenata sa ihcāno sahaducuya musa. Sa yena Cohācjūre ño peona, tiqiro cahmeñene yeya musa. <sup>7</sup> Sa yena musa mehna cjēnare cahme cahīna, tiquinare quehnoano yedohoya musa. Sa yena

ijipihtiyequina apequina gūh̄ure cahīña musa.

<sup>8</sup> Musa sa ye nemogūta quehnoa yuh̄duare. Musa sa ye nemona, quehnoañene yena ijiducunata. Sa yena Cristo tiqiro cahmeñene quehnoano yeducuna ijinata musa. Ihyo ijina ijisi musa. Sa ye Cristore musa wacū tutuari ihyo warota ijisi. Yuh̄u nidiro sahata musa ye nemogū quehnoa yuh̄duare.

<sup>9</sup> Musa sa ye nemoedana Cohācjū yere ne masiedabutiare musa. Sa ye nemoedana Cristo musa ñano yerire tiqiro cohārire ne wacūedare musa. Sata bo cā duare musa. <sup>10</sup> Sa yena, yuh̄u acaye, Cohācjū yequina ijiatinare musare tiqiro iji dutigū yuhtiri musa. Sa yuhtirina ijina, tiqiro yere wacūducu duana, tiqiro cahmeñene tutuaro sa yeducuya. Musa sa yena potota Cohācjū mehna ijinata musa. Sa yena potota tiqiro beserina ijinata musa. Sa yena ñañene yeducusi musa. <sup>11</sup> Musa sa tiqiro cahmeno saha yerina ijina mari puhtoro marine yuh̄dūoriquiro Jesucristo tiqiro ijiropū quehnoano wahanata musa. Potota tiqiro yequina waro musa ijigū ihñano “Quehnoano mehna yuh̄u mehna ijiya musa”, ninota Jesu musare.

<sup>12</sup> Sa yegū ahrire musare sa wacūgū yeducutja. Ahri musare yuh̄u yahurire masi tuhasari musa. Sa masina Cohācjū yere musa tuhōro sahata quehnoano yena nine musa. Sa yerina musa ijiepegūta ahri musare yuh̄u yahurire sa wacūgū yeducutja musare. <sup>13-14</sup> Mehenogā dūhsare yuh̄u yariato. Tire quehnoano yahuri mari puhtoro Jesucristo yuh̄ure. Sa yegū catinigū waro ahri yuh̄u yahurire musare sa wacūgū yeducutja. Yuh̄u sa yegū quehnoarīne. <sup>15</sup> Sa yegū ahri yuh̄u yahu ojarire musare ojoa cū pehogutja, yuh̄u yariari bato musa quehnoano masiatire. Sa yena ahri yuh̄u yahurire sa wacūducunata musa.

*Cristo tutuariquiro tiqiro ijiye tiyere ihñahye Pedro gūh̄u*

<sup>16</sup> Sa yena Cristo tiqiro tutuaye gūh̄ure tiqiro ahtati gūh̄ure musare yahuna, usā esa tuharo yahuna niedaja. Tutuariquiro tiqiro ijiyere usā basita ihñau. <sup>17</sup> Cristo tutua yuh̄dūariquiro tiqiro ijiyere usāre ihñori Cohācjū mari Pacu. Tiquiro sa

ihñogũ tiqiro pehe quehnoano asi siteriquiro ijiri. Tiquiro sa asi sitegũ ohõ saha nino ca tari ti asi siteropũ: “Ahriquiro yũhũ macũ, yũhũ cahĩniquiro ijire. Tiquiro mehna quehnoano bucueaja”, nino ca tari usã tuhogũ. <sup>18</sup> Æhmũsepũ tiqiro sa nigũ tũhou usã. Cũnũ buipũ Cohãcjũ tiqiro ijiri cũnũpũ Cristo mehna ijii usã.

<sup>19</sup> Tire ihñarina ijina, Cohãcjũ yere yahu mũhtariquina panopũ cjẽna tiquina ojoari potota ijigũ quehnoano masiaja usã. Tiquina ojoarire quehnoano buheducuna quehnoano yena nine mũsa. Ti tiquina ojoari Cohãcjũ yere marine quehnoano masigũ yere. Ahri yehpapũ ñano tiquina yeri yehpapũ mari ijigũ quehnoano masigũ yere marine. Sa yena Cohãcjũ yere tiquina ojoarire sa buheducuya. Sa buheducuna Cristo tiqiro tojoa tagũpũ buhe duhunata. Sa tojoa taro tiqiro yere mari masiedarire marine quehnoano masi pehogũ yerota. <sup>20</sup> Ijipihtiyẽ ti yũhũ yahuri yũhũoro ahri pehere quehnoano masiña mũsa: Cohãcjũ yere panopũ tiquina ojoarire buhena mari esa tuharo tire buhena, “Ohõ saha nino niaga”, ni masiedaja mari. Espĩritu Santo yedohoro mehna masiaja mari. <sup>21</sup> Ne masa tiquina esa tuharo Cohãcjũ yere ojoaerahye. Panopũ cjẽna Cohãcjũ yere tiquina ojoagũ Espĩritu Santo pehe tiquina joatire tiquinare masigũ yeahye.

## 2

“Cohãcjũ ye buheye ijire”, ni meho buheyequinare yahuahye Pedro  
(Jud 1.4-12)

<sup>1</sup> Panopũ mari acaye judio masa mehna cjẽna “Cohãcjũ yere yahu mũhtarina ijiaja”, ni mehoñequina ijie tiahye. Tiquina yero sahata yojopũ gũhũre mũsa mehna cjẽna sa ni mehoñequina ijietã. Potota tiquina buheboro sahata ni mehoñe pehere buheeta. Sa buheye Cristo ye buheye pehere dojomehneeta. Sa ye “Cristo yũhũonohrina ijiaja”, niepeta Cristo dutiyere ne yũhtierare tiquina. Sa ye tiqiore “Usã pũhtoro ijire”, ni tũhotuerare. Ti ijipihtiyere tiquina sa yeri buhiri duita tiquinare Cohãcjũ pecapũ waha dutirota. <sup>2</sup> Sa ni meho tiquina buhegũ tũhoye tiquina ñañene tutuaro cahmediro sahata peyequina masa tiquinare ihña

cũ ñano yeeta. Tiquina sa ñano yegũ ihñañe apequina masa gũhũ quehnoañe buheye ñano quti dahreeta. <sup>3</sup> Sa ye tiquina ni mehoñequina niñerure wapa cahmeñe, ni mehoñe buheye buheeta mũsare. Tiquina sa buheri buhiri Cohãcjũ tiquinare pecapũ waha dutirota. Panopũre sa yeyequinare buhiri dahre duti tuhasahye tiqiro.

<sup>4</sup> Sata panopũ buhiri dahre dutiahye ñañequina angele gũhũre. Tiquinare pecapũ peresu yeahye. Sa yero pihtiri deco bato tiquinare buhiri dahrerota. <sup>5</sup> Sata panopũ cjẽnare Cohãcjũre cahmeeñequinare buhiri dahreahye. Sa yero ijipihtiro ahri yehpare miono, ijipihtiyequina ñañequina masare mio wejẽahye. Sa yero Noẽne tiqiro mehna cjẽna gũhũre yũhũoahye. Tiquina ijipihtiyequina tiqiro yũhũoriquina ocho masa ijiahye. Noẽ pehe quehnoañene ye dutiro ti pje cjẽnare buhee timahye. <sup>6</sup> Sata Sodoma wame tiri maca cjẽnare, Gomorra wame tiri maca cjẽna gũhũre Cohãcjũ buhiri dahreahye. Ti macarine peca mehna quehnoano uẽña peho cãhye. Sa yero camerũ ijiatiquinare tiqiore cahmedatiquinare ihñono niahye. Ñañequinare tiqiro buhiri dahreatire ihñono niahye tiquinare. <sup>7</sup> Sa yero Lote wame tiriqiore yũhũoahye. Lote pehe quehnoariquiro ijiahye. Sa quehnoariquiro ijiro Sodoma cjẽna Cohãcjũ dutiyere yũhũdũcayequina ña yũhũaro tiquina yegũ ihñano caributia wahahye tiqiro Lote. Sa yero umũa tiquina basi tiquina paguri mehna tiquina ñano yegũ ihñano caributia wahahye tiqiro. <sup>8</sup> Tiquiro quehnoariquiro ñañequina watoa ijiahye. Sa yero decoripe ña yũhũaro tiquina yegũ ihñano, ñano tiquina yahuducugũ tũhoro ñano jeripohna tiahye. <sup>9</sup> Tiquiore Cohãcjũ yũhũogũ ihñana ahri yũhũ yahuatire masiaja mari. Cohãcjũ mari pũhtoro tiqiore cahmeeñequinare tiquina ñano yũhũgũ ihñano tiquinare yũhũorota. Sa yero ñañequina pehere peresu yero, tiquinare cũore pihtiri deco ijigũ tiqiro buhiri dahreatiquinare.

<sup>10</sup> Ñañene tutuaro ñe pjeyequina Cohãcjũre yũhũdũcayequina tiquina pũritare ñano buhiri dahrerota tiqiro. Tiquina mũsa mehna cjẽna ni meho

buheyequina ñañene yeye, ne cuerare. Sa ye bue tierare tiquina. “Apequinare masi yuhduducaja”, ni tuhotuyequina ijire tiquina. Sa ijyeyequina ijyie uhmuse cjēna tutuayequinare ne ño peoera, ñano ni bujūpere tiquinare. <sup>11</sup> Angele pehe ne tiquina yero saha yerare. Tiquina pehe ni meho buheyequina yuhduoro tutuayequina ijire. Sa ijiepetata tiquina ne bujūpeye mehna ni meho buheyequinare ñano yahusaedare Cohācjūre, yuhduducayequina ijyie.

<sup>12</sup> Sa ye ahriquina ni meho buheyequina pehe nūcu cjēna wahiquina yero saha tuho masieñequina ijire. Nūcupu boca sa tiquina wejēatiquina yero saha ijyie tiquina. Tiquina basi cahmeno saha yere tiquina. Sa ye tiquina masieñequinare bujūpe, ñano ni yahuducu cohtere. Sa yeyequina ijigū wahiquinare mari wejēdiro saha Cohācjū tiquinare pecapū cohānota. <sup>13</sup> Sa yero tiquina ñano yeri buhiri buhiri dahrerota Cohācjū. Tiquina ñañene tutuaro cahmene. Sa ye ñano yeducure. Musa mehna bose deco yeye, ti bose deco ijigū tiquina ñañene ye yuhduare. Sa yeye musa bose decore tiquina wete ohōno saha tiquina ñañene pihore musare.

<sup>14</sup> Sa ye numiare ihñañe, ñehe duare tiquina. Sa ye ñañene sa yeducu duare. Cohācjūre wacū tutuera cjūñequinare ñañene ye dutiye, sa ijyeyequinare tiquinare ihñañe cūgū yere. Sa ijyie tiquina sehsharo apee borore, niñeru gūhure ni meho ehma miñiñequina ijire. Tiquina Cohācjū tiquiuro buhiri dahreatiquina ijire. <sup>15</sup> Tiquina Cohācjū yere buheraye, sijoro saha ijyie buh-eye pehere buhere. Sa ye Balāa yero saha yeye nine. Balāa, Beor macuno ijyahye. Tiquiuro pehe panopu tiquiuro ñañe yeri mehna niñerure wapata duamahye.

<sup>16</sup> Tiquiuro sa yegū ihñano tiquiuro yacoro burro tuhtiahye ticoro upūrore. Tiquiuro yacoro burro yahuducuericoro ijyiepegūta Cohācjū ticoro upūrore tuhti dutiahye ticorore. Ticoro sa tuhtigū tuhoro Balāa tutuaro tiquiuro ñañene ye duamedire duhu cāhye.

<sup>17</sup> Ahriquina ni mehoñequina mári pohteripū aco marieno yero saha ijire. Aco marieñe pohteri ti dūhseati ijieraro saha tiquina ni mehoñequina ne dūhseati ijierare. Sa ye ehmeo cururi wiñnono ti

wēdoqueoye cururi ti sa comesaducuro sahata, tiquina ni mehoñequina gūhu ihcāno saha yahuducuera, sa comesaducure. Sa yero nahitiano warore quehno tuhasahye Cohācjū topū tiquinare buhiri dahrero taro. <sup>18</sup> Tiquina ni mehoñequina tiquina yahuducuye dūhseati ijierare. Masiñequina yero saha masare sa buhe maca cāhre. Ohō saha ni buhere tiquina: “Mari cahmeno sahata mari yegū quehnoarīne”, ni buhemene tiquina. Tiquina sa ni buhegū masa tuhoye ñañene ne pjeje, tiquina ye buheyere cahmene. Apequina masa Cohācjūre potota coā cahme ducayequina mehenogāta wahare tiquina ñañene tiquina duhuri bato. Tiquinare ni mehoñequina buhegū tuhoye ñañene cahmene tja Cohācjū yequina ijiboriquina ijiepetata. <sup>19</sup> Tiquinare ohō saha ni buhere ni mehoñequina: “Mari cahmeno sahata mari yegū quehnoarīne”, ni buhemene tiquina. Tiquina sa ni buhepegūta tiquina ni diro saha wahaerare tiquinare. Ñañene duhu dueraye, tire duhu masiedabutiare. Tiquina sa ñano yeye, “Queoro ijire usā yeri”, ni tuhutumene tiquina. Sa ye tiquina ti ñañene ne duhu masiedare. Ti ñañe tiquina puhtoro yero saha ijire.

<sup>20</sup> Mari puhtoro Jesucristore marine yuhduoriquirore coā cahme ducayequina pehe ahri yehpa cjē ñañene duhu cāmedi. Tiquina sa duhuri bato pari turi ñañene yeye, ña yuhduaro tojoare tiquina. Cristore tiquina masiato pano tiquina iji muhtariro yuhduoro ña yuhduaro tojoare, pari turi ñañene yeye. <sup>21</sup> Sa ña yuhduaro tojoaye quehnoañe buheye pehere tiquina ne masi muhtaedagū quehnoa yuhduboya tiquinare. <sup>22</sup> Sa ye pari turi ñañene yeye, masape tiquina ni yahuducue tiro saha yee nine tiquina. Ohō saha ni yahuducure masa: “Diero etoa tuhasa pari turi tiquiuro etoa cūrire ihyare. Sa yero yesere tiquina coseri bato pari turi tiquiuro ñari sahbarū cuhsare tja. Sata yere quehnoañene cahmemediquina gūhu pari turi ñañene cahmeñe tja”, ni yahuducue tire masa.

## 3

*Cristo ahri yehpapu tiquiuro tojoa tatire yahuahye Pedro*

<sup>1</sup> Yuhũ cahĩna, musare ihcã pũ ojoa oho tuhasau. Sa yegũ ahri pũre tja yojopure musare ojoa ohogu niaja. Sa yegũ pua taha ojoagu ahri ijipihitiyere musare wacũgũ ye duagu niaja quehnoañe dihitare musare tuhotu dutigu. <sup>2</sup> Ahri yuhũ yahuatire wacũña musa: Panopũ cjẽna quehnoañequina Cohãcjũ yere yahu muhtariquina muna tiquina yahu ojoaire wacũña. Sa yena mari puhtoro marine yuhduoriqiro Cristo tiqiro dutiye gũhare wacũña. Ti dutiyere usã tiqiro cũrina musare buhei.

<sup>3</sup> Sa yena ahrire wacũ muhtaña: Pihitiati deco panogã Cohãcjũ yere bujũpeyequina ijietã. Tiquina ñañene tutuaro cahmeducuyequina ijiye, ti ñañene yeducueta. Ohõ saha ni bujũpeeta: <sup>4</sup> “Cristo ‘Tojoa tautja’, nieperota ne tojoa tasi. ¿Tojoa ta dueperota duhsero ne bajuerajari tiqiro? Ahri yehpa iji ducari bato mari ñecusumua muna iji turiayequina tiquina yariari bato ijipihitiro sijoro saha waharo marieno sa ijiducure. Mũnanota sa ijiducu cãre. Sa yero ahri yehpare ahtatiqiro uhmusepure mariedare”, ni bujũpeyequina ijietã. <sup>5</sup> Sa ni bujũpeye ahri pehere ne wacũ duerare tiquina: Panopure Cohãcjũ tiqiro dutiro mehna ahri yehpare, uhmuse gũhare bajumehneahye. Sa yero ahri yehpapũ aco dihita ijirirore dihta jigũ yeahye tiqiro. Sa yero aco mehna ahri yehpa yojopure ti ijiro sahata ahri yehpare yeahye tiqiro. <sup>6</sup> Sa yero camepũ ahri yehpare miono, cohã pehoahye ahri yehpa cjẽne. Sa yero ahri yehpare ihcã tahata sijoro saha wahagũ ye tuhasahye Cohãcjũ. <sup>7</sup> Sa sijoro saha wahagũ yeperota yojopure uhmusere, ahri yehpa gũhare pari turi comesagũ yerari tiqiro. Tiquiro dutiro mehna ahri yehpare, uhmuse gũhare yojopure ti ijiro sahata ijiducu nemogũ yero nine. Sa yero cohtero nine came ijipihitioropure ujhãno taro. Sa cohtero nine Cohãcjũ tiqirore cahmeñequinare buhiri dahrero taro. Sa buhiri dahrero tiqinare pecapũ cohãnota.

<sup>8</sup> Yuhũ cahĩna, ahrire wacũña musa: Mil cahmarine “Yoa yuhduari pje ijire”, mari ni tuhotuepegũta ihcã decota ijire, Cohãcjũ ihãagũ. <sup>9</sup> “Cohãcjũ tiqiro nidiro saha umãñano yerabutiare”, nine masa. Sa ijierare. Masare quehnoano ye duaro cohtenino nine. Ne ihcãqiro masũnore pecapũ

cohã duerare tiqiro. Sa yero ijipihitiyequina tiquina ñañene bujũa witiğũ, ñañene duhugũ cahmeno nine tiqiro.

<sup>10</sup> Namipure yaque bucãro tiqiro wacũeno mehna yaquero sajãriro saha Cristo ahri yehpapure wacũeno mehna ahtarota. Tiquiro ahtagũta ahtuaro bisigũta uhmuse cjẽ pihitia waharota. Ujũ pihitia waharota. Sa yero ahri yehpa gũhu, ahri yehpa cjẽ gũhu ujũ pihitia waharota.

<sup>11</sup> “Ahri ijipihitiye pihitia waharota”, Cohãcjũ nigũ tuhona ñañene duhuna, Cohãcjũ cahmeñene yero cahmene marine. <sup>12</sup> Mari puhtoro ahri yehpapũ tiqiro ahtatire cohtena, sojaro mehna tiqiro ahtagũ yeya musa. Ti deco uhmuse cjẽ ujũ pihitia waharota. <sup>13</sup> Ti sa cuaro wahati ijiepegũta mari pehe Cohãcjũ ni cũriro sahata ijipihitiyere tiqiro comesagũ yeatire cohteaja mari. Ijipihitiye ti ujũ pihitiari bato ohõ saha ijirota. Uhmusepũ gũhu ahri yehpapũ gũhu wahma ijirota. Sa ye ti pjeppure quehnoañe dihitare yeeta ijipihitiyequina. Tireta cohteaja mari.

<sup>14</sup> Sa yena yuhũ cahĩna, mari puhtoro tiqiro ahtatire cohtena, Cohãcjũ ihũonopũ quehnoano yena ijiya musa. Sa quehnoano yena ijiya musa Cohãcjũ musa mehna tiqiro bucueatire. <sup>15</sup> Sa yena yoa cjũri pje tiqiro bajueragũ ihũana ahrire masiña musa. Masa tiqirore cahmeñequina tiqiro yuhduoatiquina duhsarĩne yojopũ. Sa yero tiqinare cohtenino nine Cohãcjũ. Sata ni musare ojoa ohoi jiri mari acayuro mari cahĩniqiro Pablo. Cohãcjũ masiñe mehna tire ojoari jiri tiqiro. <sup>16</sup> Sa dihita ni ojoari jiri Pablo tiqiro ojoaripe. Cristo tiqiro ahtatire, ñañene yeeyequina mari ijiatĩ gũhare yahuro ohõ saha dihita ni ojoari jiri tiqiro. Ihquẽ tahari mijo cjũñene tiqiro yahu ojoari jiri. Apequina ne masieñequina, tuho masieñequina ni mehoñe mehna tiqiro sa nidire comesa mujare. Sa ye tiqiro sa nidi ijiepegũta sijoro saha ni comesa yahure tiquina. Apeye Cohãcjũ yere tiquina ojoari pũri gũhare sata yeri tiquina. Tiquina sa yegũ ihũano Cohãcjũ tiqinare buhiri dahrero, pecapũ cohãnota.

<sup>17</sup> Yuhũ acaye, yuhũ cahĩna ahri ijipihitiyere ti sa wahato pano yahuu musare. Sa yena ahrire masina, quehnoano yeya

musa. Ñañequina musare sijoro saha ni tiquina buhegũ tuhoeracãhña tiquinare, “Cristo yere duhuari”, nina. <sup>18</sup> Sa yena mari pũhtorore marine yãhdũoriqirore Cristore quehnoano wacũ tutua nemoña musa. Tiquirore quehnoano masi nemoña musa. Yojoþare, ijipihtiye decori tiquirore quehnoano ño peuhna mari. “Quehnoariqiro, tutuariqiro ijire”, niihna mari tiquirore. Sata niihna.

## 1 San Juan

### *Jesucristo catiyere ohoriqiro ijire*

<sup>1</sup> Jesu Cohācjū mari Pacu ye yahuducuyere yahuriqiro ijire. Duita coā waroputa ijiriquiro tiqiro mari Pacu mehna masare sa ijiducugū yeriquiro ijiahye. Yojoṗure usā tiqiro yere, tiqiro ijiye tiyere yahu ojoana niaja. Tiquirore tuhona, tiqiro waroreta ihñau usā. Sata ijire. Tiquirore ihñana, usā omocari mehna tiqirore dahra tuhuu. <sup>2</sup> Ahriqiro mari Pacu mehna sa ijiducugū yeriquiro ahri yehpapu tiqiro masa bajuari bato tiqirore usā ihñau. Sa yena tiqirore yahuaja usā musare. Ijipihtiyē decori mari Pacu mehna tiqiro ijiducuriqiro ijigū, yojoṗure mari Pacu tiqirore ihñori usāre. Tire yahuaja usā musare. <sup>3</sup> Mari Pacu mehna cjāna ijiaja usā. Tiquiro macno mehna cjāna gūhu ijiaja usā. Sa yena musa gūhu usā mehna cjāna, mari Pacu mehna cjāna, tiqiro macno mehna cjāna musa ijiatire usā ihñarire, usā tuhoreta musa gūhure usā yahuaja. <sup>4</sup> Ahrireta usā ojoaja quehnoano mari buceatire.

*Buhriro to wete marieno saha Cohācjūre* ñañe ne mariedare

<sup>5</sup> Ahri buheye Cohācjū macno usāre tiqiro yahuri ijiye nine. Yojoṗuta ahrire yahunatja usā musare: Cohācjū buhriro yero saha ijire. Buhriro to wete marieno saha tiqirore ne ñañe mariedare. Ñañe nahitiano yero saha ijire. Cohācjūre ne ñañe mariedare. Tiquiro sa ijiye tiyere yahuaja musare. <sup>6</sup> Sa yena nahitianoṗu ijina yero saha mari ñañene yena ijiepenata “Cohācjū mehna cjāna ijiaja”, nina, mari ni mehona niaja. Sa yena Cohācjū yere queoro yeraja. <sup>7</sup> Sa yena buhriroṗu ijina yero saha Cohācjū tiqiro yeriro sahata mari quehnoañe pehere yena, apequna Jesu yequina mehna quehnoano ijina niaja. Mari sa yegū Cohācjū macno Jesu tiqiro dii cohāno mehna, curusapu tiqiro yariari mehna ijipihtiyē mari ñañe yerire bore.

<sup>8</sup> “Yūhu pūrita ne ñañene yeraja”, ni wacūna, mari ni mehoñene tuhutuna niaja. Mari sa ni tuhutuna Cristo yere ne masiedaja. <sup>9</sup> Sa yena Cohācjūre mari ñañene

mari yahu yūhdugū tiqiro poto yeriquiro mari ñañene borota. Sa yero ijipihtiyē mari ñañe yeri gūhure, mari ñano tuhutuyē gūhure cose werota tiqiro. Tiquiro nidiro sahata yeriquiro ijire. <sup>10</sup> “Ñañene yeraja”, nina, “Cohācjū ni mehoriqiro ijire”, nina niaja mari. Sa niñequina tiqiro buheyere cahmedare.

## 2

### *Cristo marine yedohore*

<sup>1</sup> Yūhu pohna, musare “Ñañene yeari”, nigū ahrire ojoagu niaja. Yūhu sa ni ojoaepēgūta ñañene yeboaga musa. Musa sa yegū ihñano Jesucristo quehnoariqiro musa ye ijiatire tiqiro Pacurore ohō saha ni sini basarota: “Ahriquina tiquina ñañene yeri buhirire buhiri dahreracāhña”, ni sini basarota tiqiro Pacurore. <sup>2</sup> Cristo mari ñañene cohāriqiro ijire. Mari ñañene mari dihitare cohāedare. Ijipihtiro cjēna gūhure tiquina ñañene cohā masine tiqiro.

<sup>3</sup> Cohācjū dutiyere yena, tiqirore potota quehnoano masiaja mari. <sup>4</sup> Ihcāqiro Cohācjū dutiyere yeraperota “Yūhu Cohācjūre masiaja”, nino, tiqiro ni mehoriqiro ijire. Sa yero Cristo yere ne masiedare. <sup>5</sup> Apeqiro pehe Cohācjū dutiyere yeriquiro Cohācjūre tutuaro cahñiqiro ijire. “¿Cohācjū mehna cjāna ijiajari mari?” ni masi duana, ohō saha mari masinata: <sup>6</sup> Cohācjū mehna cjāno Jesucristo quehnoañene tiqiro yeriro sahata yeriquiro ijire. Sata yeducuuhna mari.

### *Wahma dutirore yahuahye*

<sup>7</sup> Yūhu cahña, ahri dutiro yojoṗure musare yūhu yahuati wahma dutiro ijierare. Ahri dutiro musa coā waropure cuoriro muna dutirota ijire. Ti dutirore musa tuho tuhasari. <sup>8</sup> Yojoṗu pehere musare yūhu yahuati muna dutiro ijieperota wahma dutiro gūhu ijire. Cristo gūhu, musa gūhu ti dutirore yere. Yojoṗu nahitiano pihti cā mari ihña masino saha mari masiedarire masi duca cāna niaja mari. Sa yero buhriro mehna mari ihña masino saha Cristo musare poto ijiyere masigū yero ahta tuhasari.

<sup>9</sup> “Yūhu buhriroṗu ijiriquiro yero saha Cohācjū dutiyere yegū ijiaja”, ihcāqiro nieperota, apeqinare ihña tuhtiro, tiqiro



Cohācǵū dutiyere yerare. <sup>10</sup> Sa yero apequirore cahīniquiro pūrta buhrioropu ijiriquiro yero saha Cohācǵū dutiyere yeriquiro ijire tiquiro. Sa yero ñañene pari turi ye duerare. <sup>11</sup> Masare ihña tuhtiriquiro pehe nahitianopu ijiriquiro yero saha ijiro nine. Tiquiro caperi bajueriquiro yero saha ijire. Tiquiro wahatore ihña masiedare tiquiro.

<sup>12</sup> Yuhū pohna, Cristo tiquiro yariari mehna musa ñañe yerire cohāri jiri. Sa yegu musare yahu ojoagu niaja. <sup>13</sup> Musa pacusumua gūhū, musa Cristore coā waropu ijiriquirore masine musa. Musa sa masigū ihñagu musa gūhure yahu ojoagu niaja. Musa wahma pǵia ñariquiro watīnore yuhduducari musa. Musa sa yuhduducana ijigū musa gūhure yahu ojoagu niaja.

Yuhū pohna, mari Pacure musa masine. Musa sa masigū ihñagu musare yojopure yahu ojoagu niaja. <sup>14</sup> Musa pacusumua, musa Cristore coā waropu ijiriquirore masine musa. Musa sa masigū ihñagu musare yahu ojoagu niaja. Musa wahma pǵia potota musa Cohācǵure wacū tutuana ijire. Sa yena musa Cohācǵū yere yena niaga. Sa yena, musa ñariquiro watīnore yuhduducari. Sa yegu musare yahu ojoagu niaja. <sup>15</sup> Ahri yehpa cǵē ñañene cahmedacāhña. Ahri yehpa cǵē ñañene cahmena mari Pacu pehere cahmedare musa. <sup>16</sup> Ñañequina tiquina basi ñañene tiquina tutuaro cahmedi, ñañene tiquina ihña duari mari Pacu Cohācǵū ye ijierare. “Ijipihtiyē cūo pehogu, masi pehogu ijijaja yuhū. Ne ihcāquiro masūno yuhure yuhduducaerare”, masa tiquina ni tuhotuye mari Pacu ye ijierare. Ti ijipihtiyē ahri yehpa cǵē ijire. <sup>17</sup> Ahri yehpa, ahri yehpa cǵē gūhū masa tiquina cahmeñe pihtia waharota. Sa yero Cohācǵū cahmeñe yeriquiro ijipihtiyē decori Cohācǵū mehna ijirota.

*Cristore ihña tuhtiriquiro pehere yahuahye Ñu*

<sup>18</sup> Yuhū pohna, ahri yehpa pihtiatu deco mehenogā duhsare. “Cristore ihña tuhtiriquiro ahtarota”, ni, Jesu yequina musare yahu tuhasari. Yojopure Cristore ihña tuhtiyequina peyequina iji tuhasare. Tiquina sa ijigū ihñana yojopure pihtiatu deco mehenogā duhsagū masiaja mari.

<sup>19</sup> Ahriquina Cristore ihña tuhtiyequina

pehe mari caha ijiepetata potota mari mehna cǵēna ijierare. Sa ye tiquina marine cohā cāri. Tiquina mari mehna cǵēna ijiye, mari mehna ijiboaga. Marine cohā cāri. Tiquina sa cohāgū mari mehna cǵēna tiquina ijieragū masiaja mari.

<sup>20</sup> Cristo Espiritu Santore musa pehere ohori. Sa yero Espiritu Santo musa mehna ijire. Sa yena musa ijipihtina Cristo yere masi tuhasare. <sup>21</sup> Musare yahugu “Cristo yere masiedare musa”, ni tuhotueraja yuhū. Musa Cristo yere masigū ihñagu musare yahuaja. Cristo ye ne ni mehoñe mariedare. Ti gūhure masina musa ijigū masiaja yuhū. <sup>22</sup> Ahriquiro ijire ni mehoriquiro: “Jesu Cohācǵū macano ijierare”, nidiquiro pehe ni mehoriquiro ijire. Potota Cristore ihña tuhtiriquiro ijire tiquiro. Mari Pacure, tiquiro macano gūhure cahmedariquiro ijire Cristore ihña tuhtiriquiro. <sup>23</sup> Ohō saha ijire: Jesure cahmediquiro pehe mari Pacu gūhure cahmediquirota ijire. Jesure cahmediquiro pehe mari Pacu gūhure cahmediquiro ijire.

<sup>24</sup> Coā waropu Cohācǵū yere musa tuhorire quehnoano wacūña. Tire musa wacūna, Jesu mehna cǵāna ijinata. Sa yena mari Pacu mehna cǵāna ijinata. <sup>25</sup> Tireta Jesu marine yahuri. Ohō saha ijire tiquiro yahuri: “Musa ijipihtiyē decori Cohācǵū mehna ijiducunata”, ni cūri Jesu marine.

<sup>26</sup> Apequina musare ni mehoñe nine. Tiquina sa ni mehogū masigū musare yahu ojoagu niaja. <sup>27</sup> Tiquina sa ni mehonohrina musa ijiepegūta musa pehere Cristo tiquiro yaquiro Espiritu Santore oho tuhasari. Espiritu Santo musa mehna ijire. Musa mehna ijiro musare buheriquiro ijire. Tiquiro ijipihtiyere musare yahure. Tiquiro yahuye ijirota ijire. Ni mehoñene yahuerare tiquiro. Espiritu Santo nidiro sahata yeya musa yojopure. Sa yena musa Cristo yere tuhona, tiquiro mehna quehnoano ijiya.

<sup>28</sup> Sata ijire. Yuhū pohna, musa Cristo mehna cǵāna ijiya. Sa yena Cristo ahtati decore cuesi musa. Sa yena tiquiro ahtati decore bue tiye mehna duhtisi musa.

<sup>29</sup> Cristo quehnoañene yeriquiro tiquiro ijigū musa masine. Tire masina ahri gūhure masiña musa. Ijipihtiyequina

quehnoañene yeyequina Cohăcĵŭ pohneti ijire. Ti găhure masiña musa.

## 3

Musata Cohăcĵŭ pohna ijire

<sup>1</sup>“Musa yŭhu pohna ijire”, nino, tutuaro cahĭ yŭhduducaro nine marine mari Pacu. Tiquiro sa cahĭnana ijina tiquiro pohna ijiaja mari. Ahri yehpa cĵena ñaŭequina Cohăcĵŭre masiedare. Sa yeye Cohăcĵŭ pohna mari ijigŭ ihĭñaŭe tiquina mari gŭhure masiedare. <sup>2</sup>Yŭhu cahĭna, yojopure Cohăcĵŭ pohna ijiaja mari. Sa ijiepenata came mari ijiatire mari quehnoano masiedaja. Sa masiedapenata ahri pehere masiaja. Cristo tojoa tagŭ mari ihĭnana, tiquiro ijiriro sahata tiquirore mari ihĭnanata. Sa yena Cristo marine bajuagŭ ihĭnana tiquiro yero saha mari comesanata. <sup>3</sup>Ijipihtiyequina ahrire masiŭequina Cristore ihĭna cŭŭne, ñaŭene ye duerare.

<sup>4</sup>Ñañene yena dutiyere yŭhduducana ni-aja. Sa ye ijipihtiyequina ñañene yeyequina Cohăcĵŭ dutiyere yŭhduducayequina ijire. <sup>5</sup>Cristo masare tiquina ñañene cohătiqiro bajuahye. Tiquiro ne ñañene yerare. Tire masine musa. <sup>6</sup>Sa ye ijipihtiyequina Cristo yequina ñañene yeducuerare. Apeqiro pehe ñañene sa yeducuriqiro Cristore ne masiedare. Sa yero Cristo yaqiro ijierare. <sup>7</sup>Yŭhu pohna, musare ni mehoŭequinare tŭhoeracăhĭna. Ijipihtiyequina quehnoañene yeyequina Cristo yero saha quehnoañequina ijire. <sup>8</sup>Apeqiro pehe ñañene sa yeducuriqiro watĭno yaqiro ijire. Watĭno pŭrita duita ñañene yeriqiro ijiahye. Sa yero watĭno tiquiro ñañene ye dutiyere cohătiqiro Cohăcĵŭ macĭno masa bajuahye.

<sup>9</sup>Cohăcĵŭ pohna ijina Cohăcĵŭ yero saha ijina ijiaja. Sa yena ñañene yeducueraja. Cohăcĵŭ mari Pacu tiquiro ijigŭ mari pehe ñañene yeducu masiedaja. <sup>10</sup>Ohŭ saha ijieyequina Cohăcĵŭ pohne tiquina ijigŭ masinata: Cohăcĵŭ pohne watĭno pohne yero saha ijierare. Ñañene yeducuyequina, apequinare cahĭŭequina Cohăcĵŭ pohne ijierare.

Musa mehna cĵenare cahĭna

<sup>11</sup>“Mari mehna cĵenare cahĭhna”, ni buheyere coă waropure tŭho tuhasari musa. <sup>12</sup>Mari Caĭ tiquiro ñano yeriro sahata

yeracăhĭna. Tiquiro watĭno yaqiro ijiro, tiquiro bahurore wejĕahye. ĴDahse yero tiquirore wejĕyari, musa tŭhotugŭ? Tire yahutja musare: Caĭ tiquiro yeri ñañe ijiahye. Tiquiro bahuro pehe quehnoañene yeriqiro ijigŭ ihĭnana tiquiro wahmino pehe tiquirore wejĕahye.

<sup>13</sup>Sa yena yŭhu acaye, ahri yehpa cĵena musare tiquina ihĭna tuhtigŭ “ĴDahse ijiro boro yŭhure ihĭna tuhtiajari tiquina?” ni, tŭhotueracăhĭna. <sup>14</sup>Mari pecapŭ wahaborina ijimi. Yojopure ŭhmuserpŭ sa ijiducuatina comesarina ijiaja mari. Jesu yequinare cahĭna, Cohăcĵŭ marine tiquiro comesagŭ yerire masiaja mari. Masare cahĭniqiro pecapŭ wahatiqiro ijire. <sup>15</sup>Tiquiro acayurore ihĭna tuhtiriqiro masare wejĕdiqiro ijire, Cohăcĵŭ ihĭnagŭ. Masare wejĕŭequina ŭhmuserpŭ ijiducusi. Tire quehnoano masine musa. <sup>16</sup>Masare cahĭŭene ohŭ saha masinata. Ijipihtiye decori Cohăcĵŭ mehna mari ijiatire Cristo yariaro marine tutuaro cahĭdi. Sa yariaro marine tiquiro sa cahĭducure masigŭ yero nidi. Sa yena mari găhure Jesu yequina ye ijiatire yariaro cahmeboaga. <sup>17</sup>Peye cuoriqiro Jesu yaqirore pejecuoriqirore ihĭnaeperota tiquirore paja ihĭnedaro, Cohăcĵŭre cahĭedare tiquiro. <sup>18</sup>Yŭhu pohna, masare mari cahĭŭe pehe mari dusero dihita wijiaeracăhdo. Masare mari cahĭna, tiquinare yedohoro cahmene marine.

*Cuero marieno Cohăcĵŭ* cahapŭ iji masiaja mari

<sup>19-20</sup>Sa cahĭna mari potota Cohăcĵŭ yequina mari ijiye gŭhure masinata. Sa yena Cohăcĵŭ cahapŭ cuero marieno mari iji masiaja. Sa yena “Ñañe buhiri ijiaja yŭhure”, mari ni tŭhotuepegŭta, Cohăcĵŭ cahapŭ cuero marieno iji masiaja. Tiquiro pehe mari yŭhduro tutuariqiro ijiro ijipihtiyere masine. <sup>21</sup>Yŭhu cahĭna, quehnoañene yena, “Quehnoañe pehere yena niaja”, ni tŭhotuna, Cohăcĵŭ cahapŭ mari cuero marieno iji masiaja. <sup>22</sup>Cohăcĵŭ dutiyere, tiquiro cahmeŭe gŭhure mari yegŭ, tiquirore mari sinino punota tiquiro ohorota. <sup>23</sup>Ohŭ saha dutire tiquiro marine: “Cohăcĵŭ macĭnore Jesucristore wacŭ tutuaya. Sa yena Cristo marine tiquiro dutiriro sahata musa mehna cĵenare cahĭna musa”, nino, ye dutire marine. <sup>24</sup>Cohăcĵŭ

dutiwere yeriquireo Cohācjū mehna cjūno ijiro nine. Sa yero Cohācjū tiquireo mehna cjūno ijire. Cohācjū mari mehna cjūno tiquireo ijiyere mari masi duagū marine tiquireo ohoriquireo Espiritu marine masigū yerota.

## 4

*Ni mehoñe buheye gūhure, Cohācjū ye buheye gūhure quehnoano ihña masi duti-ahye*

<sup>1</sup> Yūhū cahīna, apequna “Cohācjū yaquireo Espiriture cwoaja”, niñequina tiquina ijiepegūta tiquina ye buheye ni mehoñe ijire. Sa ye apequna pehe Espiritu Santo warore cwoyequina ni mehono marieno buhere tiquina. Peyequina “Cohācjū yere yahu muhtarina ijijaja”, niepeta ni mehoñequina ijire yojopure. Ijipihitropure ijire tiquina. Sa yena apequna masare tiquina buheye ni mehoñe buheye ijigū ihña masiña masa. Cohācjū ye ti ijigū gūhure ihña masiña masa. <sup>2</sup> Cohācjū yaquireo Espiriture cwoyequinare masa ihña masi duana, ohō saha masinata: “Jesucristo ahri yehparū masuno pagū waro cuoriquiro ahtari jiri”, ni, buheyequina Cohācjū yaquireo Espiriture cwoyequina ijire tiquina. Sa yena sa ni buheyequinare ihña masinata masa. <sup>3</sup> Apequna pehe “Jesu ahri yehparū masuno pagū waro cuoriquiro ahtaerari jiri”, ni buheyequina Cohācjū yaquireo Espiriture cwoyequina ijire. Tiquina ye tuhutuye Cristore ihña tuhtiriquireo tiquireo tuhuturo saha ijire. “Cristore ihña tuhtiriquireo ahtarota”, tiquina nidire tuho tuhasari masa. Sa ye tiquireo ye buheye ahri yehparūre wihi tuhasari.

<sup>4</sup> Masa pehe yūhū pohna, Cohācjū yequina ijire masa. Sa yena “Cohācjū yere yahu muhtarina ijijaja usā”, ni, mehoñequinare yūhdūdcā tuhasari masa. Masa mehna ijiriquireo Espiritu Santo pehe tutua yūhdūdcare. Sa yero ahri yehpa cjēna yaquireo wafino yūhdūoro tutuare. Sa yena ni mehoñequinare yūhdūdcari masa. Sa yena ti buheyere cahmedari masa. <sup>5</sup> Ni mehoñequina pehe ahri yehpa cjēna ijire. Sa ye tiquina ahri yehpa cjē ñañene tiquina buhegū ahri yehpa cjēna ñañequina pehe tiquinare quehnoano

tūhore. <sup>6</sup> Mari pehe Cohācjū yequina ijijaja. Sa ye Cohācjūre masiñequina marine quehnoano tūhore. Apequna pehe Cohācjū yequina ijieraye, marine ne tuho duerare. Tiquina sa tuho dueragū ihñana tiquina ye buheye Cohācjū ye buheye ti ijieragū masinata mari. Sa yena apequna pehe marine tiquina tuhogū tiquina ye buheye quehnoañe buheye ti ijigū gūhure masiaja mari.

*Cohācjū masare tutuaro cahīdu-curiquireo ijire*

<sup>7</sup> Yūhū cahīna, Cohācjū marine apequnare cahīgū yeriquireo ijire. Tiquireo sa yeriquireo ijigū ihñana mari mehna cjēnare cahīhna mari. Masare quehnoano cahīñequina pehe Cohācjū pohne ijire. Sa ye tiquina Cohācjūre quehnoano masine. <sup>8</sup> Cohācjū masa ijipihityequinare tutuaro cahīducuriquireo ijire. Tiquireo sa cahīducuriquireo ijigū masare cahīñequina pehe Cohācjūre masiedare. <sup>9</sup> Cohācjū marine tiquireo cahīñene mari masi duana, ohō saha masinata: Cohācjū pehe tiquireo macnore ihcāquirotā ijiriquireore marine yūhdūoatiquireore ahri yehparūre ohoahye. Sa ohoro marine tiquireo cahīñene marine masigū yero ñahye. <sup>10</sup> Apequnare cahīñe waro ohō saha ijire: Cohācjūre mari cahīñe pehe poto cahīñe waro ijierare. Marine Cohācjū tiquireo cahīñe pūrīta potota cahīñe waro ijire. Sa yero tiquireo macnore mari ñañene cohātiquireore ohoro marine tutuaro cahīne tiquireo.

<sup>11</sup> Yūhū acaye, Cohācjū marine tiquireo sa tutuaro cahīgū ihñana mari gūhū mari mehna cjēnare cahīhna. <sup>12</sup> Masa pehe ne Cohācjūre ihñedari. Tiquireore mari ihñedapegūta mari mehna cjēnare mari cahīgū, Cohācjū pehe mari mehna sa ijiducuro nine. Sa yero potota marine cahī nemoducugū yere tiquireo. <sup>13</sup> Cohācjū pehe marine tiquireo yaquireo Espiriture ohori. Sa yena Espiriture cwoña, Cohācjū mehna mari quehnoano ijiyere masiaja mari. <sup>14</sup> Sa yena mari Pacū tiquireo macnore ahri yehpa cjēnare yūhdūoatiquireore tiquireo ohorire usā ihñā. Tire ihñana apequnapure tire yahuaja usā. <sup>15</sup> Cohācjū mehna cjūno ohō saha nidiquiro ijire: “Jesu Cohācjū macno ijire”, nidiquiro tiquireo

pūrita Cohācjū mehna cjūno ijiro nine. Sa yero Cohācjū gāhu tiquiuro mehna cjūno ijiro nine.

<sup>16</sup> Sa yena marine Cohācjū tiquiuro cahīne mari masiaja. Sa yena marine potota cahīniquiuro tiquiuro ijigū masiaja mari. Cohācjū masa ijipihitiyequinare tutuaro cahīducuriquiuro ijire. Sa yero apequiuro masare cahīducuriquiuro Cohācjū mehna cjūno ijire. Sa yero Cohācjū gāhu tiquiuro mehna cjūno ijire. <sup>17</sup> Sa yena mari quehnoano cahī nemoeducaja Cohācjūre, apequina gāhure, buhiri dahreri deco ijigū mari cuero marieno mari ijiatire. Sa yena cuedi mari ahri yehpapū Cristo yero saha ijina. <sup>18</sup> Apequinare mari cahīgū cuero mari edare. Cohācjū marine tiquiuro cahīne masina mari ne cueraja. Masa cueye tiquinare buhiri dahreatire cue nine. Sa cueye nāno yahdure. Sa yero cueriquiuro pehe Cohācjū cahīne masieniquiuro ijire. <sup>19</sup> Marine Cohācjū cahī muhtahye. Sa yena mari gāhu tiquiore cahīaja. <sup>20</sup> Ihcāquiuro “Cohācjūre cahīaja”, nidiquiuro ijieperota apequiore ihña tuhtiro, ni mehoriquiuro ijire tiquiuro. Tiquiuro ihñariquiore cahīedaro, Cohācjūre tiquiuro ihñeniquiuro gāhure cahī masiedare tiquiuro. <sup>21</sup> Sa yero ahri ijire marine Cristo tiquiuro dutiriro: Cohācjūre cahīna, masa cahapū ijieyequina gāhure cahīna.

## 5

*Cohācjū* pohne ahri yehpa cjē nāne ye duere

<sup>1</sup> Ijipihitiyequina Jesure “Cristo ijire. Cohācjū ohoriquiuro ijire”, niñequina, Cohācjū pohne ijire. Apequina pacurore cahīna, tiquiuro pohne gāhure cahīaja mari. Sata Cohācjūre cahīna, tiquiuro pohne gāhure cahīaja mari. <sup>2</sup> Cohācjūre cahīna, tiquiuro dutiyere quehnoano yena, tiquiuro pohne gāhure mari cahīna niaja. <sup>3-4</sup> Tiquiuro dutiyere yena Cohācjūre cahīna niaja. Marine Cohācjū dutiyere yegū mijoadare. Mari ijipihitina Cohācjū pohna ijina, nāne cahmedaja mari. Sa ye marine tiquiuro dutiyere yegū mijoadare. Cohācjūre wacū tuwana nāne cahmedaja. Sa yena tiquiore mari wacū tutuari bato nāno ye dueraja. <sup>5</sup> Nāne cahmedana ohō saha nina ijiaja

mari: “Jesu Cohācjū macūno ijire”, nina nāne cahmedaja mari.

*Cohācjū* macūnore yahuahye Nū

<sup>6</sup> Jesucristo ahri yehpapū tiquiuro ah-tagū tiquiore Nū aco mehna wame yerire masina, curusapū tiquiuro dii cohāri gāhure masina, Cohācjū macūno tiquiuro ijiyere masiaja mari. Tiquiuro wame yeri dihita Cohācjū macūno tiquiuro ijiyere marine masigū yerare. Tiquiuro dii cohāri gāhu marine tire masigū yere. Espiritu Santo “Ahri ijirota ijire”, ni yahure marine. Tiquiuro pototo ni yahuriquiuro ijire. [ <sup>7</sup> Sa ye Jesu Cohācjū macūno tiquiuro ijiyere uhmūse cjēna yahueyehna ihtiaro ijire: Mari Pacū, tiquiuro macūno Jesu, Espiritu Santo mehna “Jesu potota Cohācjū macūno ijire”, niñequina ijire tiquina. Tiquina ihtiaro ijiepetā ihcāno mehna yahure tiquina Jesure.] <sup>8</sup> Jesu Cohācjū macūno tiquiuro ijiyere ahri yehpapūre ihtiaro yahure: Cohācjū macūno tiquiuro ijiyere Espiritu Santo pehe marine yahure. Sa yena Jesure aco mehna tiquiuro wame yeri gāhure masina, Cohācjū macūno tiquiuro ijiyere masiaja mari. Sa yena mari ye ijiatire tiquiuro yariarire tiquiuro dii cohāri masina, Cohācjū macūno tiquiuro ijiyere masiaja mari. Sa ye ti ihtiaro ihcāno mehna marine masigū yere Cohācjū macūno Jesu ijiyere.

<sup>9</sup> Masa tiquina yahuyere tuhona “Ijirota ijire”, niaja mari. Sa niepenata mari Pacū tiquiuro macūnore yahugū masa tiquina yahue yahdūro tiquiuro pehere tuhoro cahmene marine. Cohācjū waro tiquiuro ijigū tiquiuro yahuyere tuhoro cahmene marine. <sup>10</sup> Sa ye ijipihitiyequina Cohācjū macūnore wacū tutuayequina Jesure yahuri buheyere quehnoano tuhore. “Queorota ijire”, ni tuhore tiquina Jesure yahuri buheyere. Cohācjū macūnore tiquiuro yahurire tuhoriquiuro “Cohācjū ni mehoriquiuro ijire”, nidiquiuro ijire tiquiuro. <sup>11</sup> Cohācjū marine ijipihitiye decori tiquiuro mehna sa ijiducugū yerota. Cohācjū macūno yequina mari ijigū tiquiuro mehna sa ijiducugū yerota marine. Ahri ijire Cohācjū marine tiquiuro yahue. <sup>12</sup> Cohācjū macūno yequina ijieye tiquiuro mehna sa ijiducūta. Sa ye apequina pehe tiquiore cahmeeñequina tiquiuro mehna sa ijiducūsi.

*Ñu yahu oja bato tiahye*

<sup>13</sup> MUSA Cohācjū macunore wacū tutuana Cohācjū mehna sa ijiducunata. Tire mUSA masiatire musare yahu ojaogu niaja.

<sup>14</sup> Cohācjū tiquiro cahmediro sahata mari tiquirore dahse ijyere mari sinigū tiquiro marine quehnoano tūhorota. Sa mari sinina “Potota quehnoano tūhore tiquiro”, ni masiaja mari. <sup>15</sup> Tiquirore mari sinigū, marine tūhore. Tiquiro sa tūhorire masina, tiquirore mari sinino punota tiquiro ohoati gūhure masiaja mari.

<sup>16</sup> MUSA acayuro tiquiro ñañene yegū ihñana, ti ñañe Cohācjū pecapū tiquiro waha dutiye ñañe ijieragū, tiquirore sini basaya Cohācjūre. Sa yero Cohācjū tiquirore yedohoro tiquiro mehna sa ijiducugū yerota tiquirore. Cohācjū pecapū tiquiro waha dutieyequina dihitare sini basaya mUSA. Apeye ñañe pehe Cohācjū pecapū tiquiro waha dutiye ñañe waro ijire. Ihcāquiro ti ñañe warore tiquiro yegū “Tiquirore sini basaya mUSA”, niedaja yūhu.

<sup>17</sup> Ijipihtiye ñañe yeye ñañe warota ijire, Cohācjū ihñagū. Ti sa ijiepegūta apeye ñañe Cohācjū pecapū tiquiro waha dutiye ñañe ijierare.

<sup>18</sup> Cohācjū macuno Jesu pehe Cohācjū pohnene quehnoano ihña ihbore. Tiquiro sa ihña ihbogū watino pehe Cohācjū pohnene ñano ye masiedare. Sa ye Cohācjū pohne pehe ne ñañene sa yeducuerare. Ahrire mari masiaja.

<sup>19</sup> Mari pehe Cohācjū yequina ijiaja. Watino pehe ahri yehpa cjēna puhtoro ijire. Ahri gūhure mari masiaja.

<sup>20</sup> Cohācjū macuno ahri yehpapure ahtaro marine quehnoano masigū yeri tiquiro. Tiquiro sa yegū potota Cohācjū waroreta mari quehnoano masiaja. Ahri gūhure mari masiaja. Cohācjū macuno Jesucristo yequina ijiaja mari. Sa yena potota Cohācjū waro mehna cjāna ijina niaja mari. Ahriquiro yūhu nidiquiro potota Cohācjū waro ijire. Sa yero tiquiro ahmūsepū sa ijiducugū yeriquiro ijire.

<sup>21</sup> Yūhu pohna, “Cohācjū ijire”, tiquina niñe queoyere ño peoeracāhña.

## 2 San Juan

*Jesucristo yere, potota apequinare cahĩne gũhure yahuahye Ñu*

<sup>12</sup> Yũhũ bucũ mũsare Cohãcũ beserinare ahri pũre ojoa ohoaja. Jesucristo yere yuhtina ijiaja mari. Sa ye tiquiro buh-eye gũhũ mari mehna ijipilthiye decori sa ijiducurota. Sa yegu potota mũsare cahĩaja yũhũ. Yũhũ dihita cahĩgu niedaja mũsare. Apequina Jesu yere masĩnequina tiquina gũhũ potota cahĩne mũsare. <sup>3</sup> Cohãcũ mari Pacũ, Jesucristo tiquiro macũno gũhũ poto tiquina cahĩne mehna marine quehnoano yeeta. Sa ye marine paja ihĩaeta. Sa yeye marine quehnoano ijigũ yeeta tiquina. Sata yeahro marine. Sa nigũ mũsare quehnoa dutiaja.

<sup>4</sup> Mari Pacũ marine tiquiro dutiro sa-hata ihquẽquina mũsa mehna cẽna tiquiro yere yuhtiyequina tiquina ijigũ masigu bu-cueaja yũhũ. <sup>5</sup> Yojoũre mũsare yũhũ dutiati wahma dutiro ijierare. Coã waropũre ahri dutiro marine duita ijiahye. Ohõ saha dutire marine. Mari mehna cẽnare cahĩ-hna. <sup>6</sup> Tiquiro ye dutiyere ye pehona mari tiquirore cahĩaja. Sa yero coã waropũre mũsa tuhoro sa-hata yojoũ gũhure ohõ saha dutire mũsare. Apequinare sa cahĩdu-cuya.

*Peyequina ni mehoñequina ijire*

<sup>7</sup> Peyequina ni mehoñequina “Potota Jesucristo ahri yehpapũ masũno pagũta cũoriquiro ahtaerari jiri”, niñequina gũhũ ahri yehpa cẽnare buh-eye wahari. Cristore ihĩña tuhtiriquiro ni mehoriqiro tiquina yero sa-hata ijire. <sup>8</sup> Quehnoano yeya mũsa. Cohãcũ ye wapare mũsa quehnoano yeri wapare boeracãhĩña. Mũsa sa boeragũ Cohãcũ quehnoa yũhdũaro yerota mũsare.

<sup>9</sup> Ijipilthiyequina Cristo yere yũhdũdũ-cayequina, Cristo yere cohãñequina mari Pacũ yequina ijierare. Sa ye Cristo yere ne duhuyequina Cohãcũ mari Pacũre, tiquiro macũno gũhure masine tiquina.

<sup>10</sup> Cristo ye buheyere cahmedariqiro, apeye buheyere buheriquiro mũsa cahapũ ahtagũ, tiquirore mũsa ya wũhũpũ sajã ta dutieracãhĩña. Tiquirore piti caeracãhĩña.

<sup>11</sup> Apeye buheyere buheriquiro Cristo

yere cahmedariqiro ñano yere. Sa yero tiquirore piti cariquiro pehe ñano yeriquirore yedohoro nine. Sa yena tiquirore piti caeracãhĩña.

*Ñu yahu ojoa bato tiahye*

<sup>12</sup> Peye mũsare yahu duepeguta tire ojoa dueraja. Mũsare ihĩnagu waha duaja. Mũsare ihĩnagu mũsa mehna yahuducutja, mari quehnoano bucueatire.

<sup>13</sup> Cohãcũ beseriquina ohõpũ cahme-coañequina, mũsa mehna cẽna mũsare quehnoa dutire.

### 3 San Juan

*Ñu Gayo wame tiriquireore “Quehnoariquireo ijire”, niahye*

<sup>1</sup> Yuhñu bucñu mñhure Gayore potota yuhñu cahĩgure ahri pũre ojoa ohoaja.

<sup>2</sup> Yuhñu cahĩgũ, Cohãcjũ mehna cjũ mñhũ ijigũ masiaja yuhñu. Tiquiro mehna mñhũ quehnoano ijiriro sahata mñhũ quehnoano yuhñu, mñhũ pagũ dohatiro marieno mñhũ ijiatire Cohãcjũre sini basaja mñhure. <sup>3</sup> Ihquẽquina Jesu yequina yuhñu cahapũ wihye mñhũ ijiye tiyere yahuri yuhñure. “Cristo cahmeno sahata potota yere Gayo”, ni yahuri tiquina yuhñure. Tiquina sa ni yahugũ tuhogũ tutuaro bucuei yuhñu. <sup>4</sup> Mũsa Jesu yere yuhñu buherina tiquiro cahmeno sahata mũsa yegũ tuhogũ tutuaro bucueaja.

<sup>5</sup> Yuhñu cahĩgũ, Jesu yequinare yedohogũ quehnoano yeri mñhũ. Sa yegũ Jesu yequinare mñhũ ihña masieñequina pehere yedohogũ quehnoa yuhñu yeri mñhũ. <sup>6</sup> Tiquina panopũ mñhũ ihña masieñequina pehe Jesu yequina ohõpũ cahmecoañequinare usãre ohõ saha ni yahuri: “Gayo usãre quehnoano cahine”, ni yahuri panopũ mñhũ ihña masieñequina pehe. Came mñhũ ya macare tiquina yuhñu cãgũ ihñagũ tiquinare quehnoano yedohoya Cohãcjũ tiquiro bucueatire. <sup>7</sup> Tiquina Jesu yere buhe tiniñe wahaye, Cohãcjũre cahmeeñequinare yedohogũ cahmedari. <sup>8</sup> Sa yena tiquinare Jesu yere buhe tiniñequinare yedohuhna mari. Tiquinare sa yedohona, tiquina yero saha mari gũhũ Cohãcjũre yedohona niaja.

*Diotrefe tiquiro ñañe yerire yahuahye Ñu*

<sup>9</sup> To cjẽnare Jesu yequinare ojoami. Yuhñu sa ojoaepẽgũta Diotrefe tiquiro basi tiquina puhtoro yero saha iji duaro, yuhñure tuhõ duerari. <sup>10</sup> Mũsa cahapũ yuhñu esari bato tiquiro yerire mũsare yahu pehoutja. Usãre ñano yahuducure tiquiro. Sa yero ni mehoñe peyariquireo ijire tiquiro. Sa yero apeye ñañe gũhure yere tiquiro. Jesu yequinare tiquiro yere buhe tiniñequinare tiquiro ya wuhñure sajà dutierare. Sa yero apequina to cjẽna Jesu yequina pehe buhe tiniñequinare tiquina sajà dutigũ ihñano

tiquiro pehe “Buhe tiniñequinare sajà dutieracãhña mũsa ye wuhñure”, ni yahusãre tiquinare. “Mũsa ye wuhñure buhe tiniñequinare mũsa sajà dutiri buhiri mari Jesu yequina mari ye wuhñure mari cahmecoari wuhñure sajàedacãhña mũsa pehe”, nine Diotrefe to cjẽnare Jesu yequinare.

<sup>11</sup> Yuhñu cahĩgũ, ñañequinare ihña cũedacãhña. Quehnoano yeyequina pehere ihña cũña. Quehnoañene yeyequina Cohãcjũ yequina ijire. Ñañene yeyequina Cohãcjũre masiedare.

*Demetrio quehnoañene tiquiro yerire yahuahye Ñu*

<sup>12</sup> Ijipihtiyequina quehnoano yahuducuri Demetrio. Sa ye tiquiro yerire ihñañe quehnoano tiquiro yeriquireo ijigũ masine masa. Usã gũhũ tiquirore sata ni yahuaaja. Sa yena usã yahuye pehere potota ijigũ masine mũsa.

*Yahu bato tiahye Ñu*

<sup>13</sup> Mñhure peye yahu duami. Sa yahu duepeguta tire ojoeraja. <sup>14</sup> Mehenogã bato mñhure ihña duaja. Sa yena mari basi cahme yahuducunata.

<sup>15</sup> Quehnoa dutiaja mñhure. Mari mehna cjẽna ohõ cjẽna Jesu yequina mñhure quehnoa dutire. To cjẽna mari mehna cjẽna ijipihtiyequina quehnoahdo.

## San Judas

### *Juda Jesu yequinare oja ohoahye*

<sup>1</sup> Yuhū Juda Santiago bahū, Jesucristo cahācjū mūsare Jesu yequinare ahri pūre oja ohoaja. Mūsare mari Pacū Cohācjū beseahye. Sa yena tiqiro cahīne mehna quehnoano ijire mūsa. Sa yero Jesucristo yedohore mūsare “Ŋañene yeari”, nino. <sup>2</sup> Quehnoa dutiaja mūsare. Cohācjū yedohoro mehna quehnoano ijija mūsa. Sa yegū Cohācjūre paja ihña dutigū, mūsare cahī dutigū sini basaja Cohācjūre yuhū.

*Ni mehoñequina tiquina ye buheyere yahu dūcahye Juda*

<sup>3</sup> Cohācjū marine pecarū wahaborinare tiqiro yuhduoye pehere tutuaro oja dūami mūsare, yuhū cahīnare. Sa oja dueregata mūsare yojopure ni mehoñe buheyere cahme dutieragū mūsare ohoaja. Sa yena Jesucristo ye buheye pehere tutuaro buheya mūsa. Ahri buheye pehe Jesu yequinare Cohācjū cūri buheye sa ijiducurota comesaro marieno. <sup>4</sup> Ihqēquina masa ñañequina wacūeno mehna mūsa caharū esari. Mūsa mehna ijije tiquina ohō saha ni buhemene mūsare: “Cohācjū yequina mūsa ijigū, tiqiro cahīne mūsare. Sa yero numia mehna mūsa ñano yegū tiqiro mūsare ne buhiri dahresi”, ni buhemene tiquina. Sa ye mari puhtorore ihcāquirotā ijiriqirore Jesucristore “Cohācjū macūno ijierare”, ni buhemene tiquina. Ohō saha ni buheyequinare Cohācjū tiqiro buhiri dahreatire yahuahye panopure. Tiqiro yere tiquina ojoari pūpū sata ni yahuahye.

<sup>5</sup> Yojopure mūsare apeyere wacūgū ye duaja. Ahrire mūsa masiepegūta pari turi ahrire mūsare wacūgū ye duaja. Cohācjū judio masare Egiptorū ijijequinare tiqiro wiori bato tiquina mehna cjēnare tiqirore wacū tutueyequinare tiqiro wejēahye.

<sup>6</sup> Sa yena mūsa apequina gūhure wacūña. Apequina angele pehe Cohācjū dutiyere ye duerahye. Sa ye tiquinare tiqiro iji duti cūriore tiquina iji duerahye. Sa ye tiquina ijimedirore duhu cāhye tiquina. Tiquina sa duhugū ihñano Cohācjū nahitianopū tiquinare peresu yeahye. Sa ye tiquina

phtiati deco pano come dari mehna dūhteriquina yero saha ijiducuetā. Sa yero phtiati deco ijigū tiquinare buhiri dahrerota Cohācjū.

<sup>7</sup> Sata yeahye apequina gūhū. Tiquina gūhure wacūña mūsa. Tiquina Sodoma wame tiri maca cjēna, Gomorra wame tiri maca cjēna ti macari caharū ijije macari cjēna gūhū numia mehna ñano yeahye. Sa ye sijoro saha yeye gūhure ye, umūa pehe tiquina basita tiquina paguri mehna ñano yeahye. Numia gūhū sata yeahye. Tiquina sa yeri buhiri Cohācjū tiquinare uñūa peho cāhye. Tiquinare uñūano Cohācjū ijipihitiyequina tiqirore yuhdūcariquinare tiqiro buhiri dahreatire masare ihñono niahye. Tiquinare tiqiro buhiri dahrerota peca ne yatisi.

<sup>8</sup> Tiquina Cohācjū buhiri dahrenohriquina mūna yero saha yojopū gūhure sata yeducure ni mehoñene buheyequina. Tiquina quehñequina yero saha ijije, tiquina paguri mehna ñano yere. Sa yeye Cohācjū dutiyere cahmedare tiquina. Sa ye tiquina yuhduoro tutuayequinare tiquina pehe ñano yahuducu cohtere. <sup>9</sup> Quehnoañequina angele pehe tutuayequina ijiepetā sa ni yahuducuerare. Miguel wame tiriqiro angele puhtoro pehe Moise pagure cahmeno, watīno mehna cahme sehña soahye. Tutua yuhdūariqiro ijieperota tiqiro “Watīno yuhduoro yuhū pūrita tutuaja”, ni tuhotuerahye. Sa yero tiqiro esa tuharo watīnore ñano yahuducuera, tiqirore tuhtierahye. Sa yero ohō saha niahye watīnore. “Cohācjūpū muhure tuhtiahro”, niahye Miguel watīnore. <sup>10</sup> Sa ye ahriquina ni mehoñequina pehe tiquina masieñequinare ñano yahuducu cohtere. Sa ye wahiquina tuho masieñequina tiquina esa tuharo tiquina yero saha ni mehoñequina pehe yere. Sa yeyequina ijije, pecarū wahaeta.

<sup>11</sup> Tiquinata ñano yuhdueta. Caī yeriro saha ñano yeri tiquina. Sa ye Balāa tiqiro yeriro saha tiquina niñerure cahī wapata duaye, ni mehoñene buhere. Sa ye niñeru neati dihitare tuhotu, ti dihitare yere. Sa ye Coré tiqiro puhtorore cohā duariro saha tiquina gūhū tiqiro yero saha yere. Sa ye tiqiro yero saha tiquina gūhū pecarū wahaeta. <sup>12</sup> Tiquina



ni mehoñequina pehe m̄sa cahme cahīati bose decorire ihyaye, ño peoro marieno tiquina cahmeno saha apere. Sa ye tiquina sehsarota ihyayere bore apequinare ohoro marieno. Wete yero saha tiquina m̄sa bose decorire quehnoañe decori ijiborirore dojemehne cohtere.

Ehmeo cururi acoro marieñe cururi ti d̄hseati ijierero saha tiquina ni mehoñequina ne d̄hseati tiquina ijierare. Sa ye ehmeo cururi wiwnono wēdoqueoye cururi ti sa comesaducuro saha tiquina ni mehoñequina ḡh̄u ihcāno saha yahuducueraye, sa comesaducure.

Sa ye, d̄ca tiri pje ijigū d̄ca marieñe c̄j̄u yero saha ijire tiquina. Ti c̄j̄u p̄a tahap̄u yariaa wahare. Ihcā taha d̄ca tieye c̄j̄u, yariaye c̄j̄u yero saha waha tuhasare. Ti c̄j̄ure tiquina duhari bato pari turi yariaa wahare tja. Ti c̄j̄u yero saha ijiye d̄hseati tiquina ijierare tiquina ni mehoñequina.

<sup>13</sup> Sa ye pajiri ma c̄j̄e pahcōri buj̄uye pahcōri yero saha ijire tiquina. Ti pahcōri quē ohōgū, wete buj̄uye sahpori wahare. D̄hse ijiyere tiquina ni mehoñequina tiquina yegū pahcōri c̄j̄e sahpori wete buj̄uye sahpori ti waharo saha ni mehoñequina tiquina ñano yeye ijire.

Sa ye asi maa c̄ae paca ñahpicoha paca yero saha ijire tiquina. Sa yeye ñahpicoha paca nahitianop̄u ti waharo saha tiquina ḡh̄u ñanop̄u wahaeta. Sa ye top̄ure sa ijiduceta tiquina ni mehoñequina.

<sup>14-15</sup> Enoco panop̄u c̄j̄ūno Adán panamino iji turiariquiro seis cururi bato masa bajuariquiro ohō saha niahye. Tiquinare ni mehoñequinare ohō saha niahye: “T̄hoya yuh̄are. Cohāc̄j̄ū peyequina tiquiro yequina angele quehnoañequina mehna ijipihtiyequina ñañequinare tiquina ñañe buhiri buhiri dahrero ahtarota. Sa yero ijipihtiyequina Cohāc̄j̄ūre ihñā tuhtiyequinare tiquina ñañe yeri buhiri tiquinare buhiri dahre dutiro ahtarota Cohāc̄j̄ū. Sa yero Cohāc̄j̄ūre ñano tiquina yahuducuri buhiri ḡh̄ure tiquinare buhiri dahre dutiro ahtarota”, niahye Enoco.

<sup>16</sup> Tiquina ni mehoñequina unoreducuyequina, apequinare yahu wajayequina tiquina ñano wacūne dihitarare yere tiquina. Sa ye “Apequinare masi yuh̄d̄ud̄caja usā”, niducure tiquina. Sa ye tiquina cahmeno saha ye duaye, ap̄ee borore ehma

duaye, tuhoro quehnoanop̄ta yahuducure masare.

#### *Jesu yequinare yahu nemoahye Juda*

<sup>17</sup> Mari puhtoro Jesucristo buhe duti tiquiro c̄ūriquina tiquina buherire wacūña m̄sa, yuh̄u cahīna. <sup>18</sup> Ohō saha nidi tiquina m̄sare. “Ahri yehpa pihtiatō panogā Cohāc̄j̄ūre ñano yahuducu buj̄upeyequina ijieta. Sa ye tiquina Cohāc̄j̄ūre cahmedaye, ñañene tiquina tutuaro cahmeñene yeeta tiquina”, ni yahuri Jesu c̄ūriquina m̄sare. <sup>19</sup> Jesu yequinare tiquina basi tiquina cahme ihñā tuhtigū yere tiquina ni mehoñequina pehe. Sa ye tiquina ñañequina ahri yehpa c̄j̄ēna ijiye, Espiritu Santore ne c̄uoerare tiquina. Sa ye tiquina ñañene tutuaro cahmeñe dihitarare yere tiquina.

<sup>20</sup> M̄sa pehe yuh̄u cahīna, Jesucristo ye buheyere quehnoano tuho nemoña, quehnoano wacū tutuana m̄sa ijiro quehnoano. Ti buheye pehe quehnoa yuh̄duare. Espiritu Santo yedohoye mehna Cohāc̄j̄ū mehna yahuducuya m̄sa. <sup>21</sup> Quehnoañene yeya m̄sa Cohāc̄j̄ū m̄sare tiquiro cahīñene m̄sa masino quehnoano. Sa yena Jesucristo mehna m̄sa sa ijiducuatire cohteya. Tiquiro marine paja ihñāno uhm̄sepē sa ijiducugū yerota.

<sup>22</sup> Cristo yere tuho duera c̄j̄ūnequinare paja ihñāña. Sa yena tiquinare buhe, masigū yeya. <sup>23</sup> Tiquinare pecap̄u wahaboriquinare Cohāc̄j̄ūre yuh̄duogū yeya m̄sa. Sa yena apequinare paja ihñāña m̄sa. Tiquinare yedohona m̄sa ḡh̄u tiquina ñañe yeyere ihñā c̄ūedacāhñā. Wete tiri suhtirore m̄sa yabiro saha, apequina tiquina ñañe yeyere yabiya, “Tiquina ñañe yeyere pihari”, nina.

#### *Juda Cohāc̄j̄ūre tiquiro ño peoye ijire*

<sup>24-25</sup> Cohāc̄j̄ū mari puhtoro marine ihñā ihbo masine “Ñañene yeari”, nino. Sa yero tiquiro marine ñañe buhiri marienare uhm̄sepē tiquiro cahap̄u c̄ū masine. Sa marine top̄u tiquiro c̄ūgū mari bucuenata. Tiquiro Cohāc̄j̄ū ihcāquirola ijire. Apequiro mariedare. Sa yero marine pecap̄u wahaborinare yuh̄d̄oriquiro ijire tiquiro. Tiquiro pehe panop̄u, yojop̄ure, ijipihtiye decori ḡh̄ure quehnoa yuh̄d̄ariquiro, mari puhtoro, tutua yuh̄d̄ariquiro, ijipihtiyequinare dutiriquiro ijire. Tiquiro

sa ijigã mari pãhtoro Jesucristo yedohoro  
mehna tiqirore ño peouhna. Sata yeihna.

## Apocalipsis

*Camepüre* ahri deco dūhse wahatire marine masigū yeahye Jesucristo

<sup>1</sup> Ahri pūpū Jesucristo marine tiquiro masigū yerire yahu ojoagu niaja. Mari Pacu pehe tire yahu dutiro cūahye tiqiore, tiquiro yequinare tiquiro cahacjēnare masigū ye dutiro. Sa yero mianota dūhse wahatire masigū yeri tiquiro. Mehenogā dūhsatjiāno nine sa wahato. Jesucristore tiquiro sa cūgū tiquiro pehe angelre tire yūhure ņure yahu dutiro ohori. <sup>2</sup> Sa yegu yūhū ņu ijipihitiyere yūhū ihñarire yahu ojoagu niaja. Cohācjū ye yahuducuyere Jesucristo ye buheyere yahu ojoagu niaja.

<sup>3</sup> Ahri pūpū camepüre dūhse wahatire yahu ojoagu niaja. Mehenogā dūhsatjiāno nine ahri ijipihitiye sa wahato. Sa ye ijipihitiyequina ahri pūre buheyequina, yūhū yahurire quehnoano tūhoyequina ahri pū nidiro sa yeyequina bucuweyequina ijieta.

*Siete cururi* cjenare Jesu yequina cahme-coañequinare ojoa ohoahye ņu

<sup>4</sup> Yūhū, ņu musare siete cururi cjanare Jesu yequinare Asia yehpa cjanare ojoa ohoaja: Cohācjū tiquiro cahñe mehna musare quehnoa dutiaja. Sa yena tiquiro yedohoye mehna quehnoano ijiya musa. Tiquiro panoputa sa ijiducuriquiro ijie tiahye. Yojoṛpū gūhure sa ijiducure. Camepū ahtarota. Tiquiro puhtoro dujiro poto ijieyequina siete pagū bajueyequina ijire. Tiquina cahñe mehna musare quehnoa dutiaja tja. <sup>5</sup> Cristo tiquiro cahñe mehna musare quehnoa dutiaja tja. Cohācjū yere ni mehono marieno yahuriquiro ijire tiquiro. Sa yero tiquiro yariari bato tiquiro masa mūjari bato ne pari turi yariasi tiquiro. Sa yero ijipihitiyequina ahri yehpa cjenā puhtoa tiquina bui puhtoro ijire tiquiro. Marine cahñe tiquiro dii cohāri mehna mari ñañene coseri tiquiro. <sup>6</sup> Sa cosero marine puhtoa sōri tiquiro. Marine pahia wahagū yeri tja. Cohācjū mari Pacu tiquiro yere yeatiquinare marine sa sōri tiquiro. Ijipihitiye decori “Tutuagu ijire mūhū”, ni ño peoducuenta ijipihitiyequina tiqiore.

Ijipihitiyequina puhtoro sa ijiducure tiquiro. Sata ijahro.

<sup>7</sup> Quehnoano wacū masi cohteya musa. Ehmeo cururi watoa dijia tarota Cristo. Tiquiro sa ahtagū ihñæta ijipihitiyequina. Tiquirore quē biha wejēdiquina gūhū tiqiore ihñæta. Sa ye tiquiro ahtagū ihñæne ahri yehpa cjenā ijipihitiye cururi cjenā tutuaro utieta. Sata utiaho.

<sup>8</sup> Ohō saha nine mari puhtoro Cohācjū: “Yūhū ijipihitiyere bajumehnedigu ijiaja. Sa yegu ijipihitiyere pihitigū yeacjū ijiaja. Tutua yūhduducagu ijiaja yūhū. Panopū gūhure sa ijiducue tii. Yojoṛpū gūhure sa ijiducuaja. Came ahtaŭtja”, nine Cohācjū.

*Cristore asi siteriquirore tiquiro ihñarire yahuahye ņu*

<sup>9</sup> Yūhū ņu musa acayū Jesu yaquiro ijiaja. Sa yegu musa yero saha yūhū gūhū Jesu yere yūhū yeri buhiri ñano yūhdūhū. Sa yegu musa yero saha yūhure tiquina sa ñano yepēgūta Jesu yedohoye mehna Jesure cohædū. Mari ihcāno saha tiquiro puhtoro ijiro cjanā ijiana ijiaja mari. Ya dihta cjenā tiquina cohārigū ijigū Patmo wame tiri nucuopū ijiaja. Cohācjū yere, Jesucristo tiquiro buheri gūhure apequinare yūhū buheri buhiri ohōpū tiquina cohārigū ijiaja. <sup>10</sup> Ohōpū yūhū ijigū ihcā deco domingo ijigū Espiritu Santo yūhure quehēnopū ihñono nidi. Tiquiro sa ihñogū yūhū behero pehepū tutuaro yahuducuro ca tari. Corneta tutuaro bisiro saha tutuaro bisiro ca tari tiquiro yahuducuye. <sup>11</sup> Ohō saha nino ca tari yūhū tūhogū:

—Yūhū ijipihitiyere bajumehnedigu ijiaja. Sa yegu ijipihitiyere pihitigū yeacjū ijiaja. Yojoṛpū mūhū ihñatire ojoati pūpū ojoa ohōña. Mūhū sa ojoa ohōri bato siete cururi cjenare Cohācjū yequinare ohoya ti pūre. Tiquina siete cururi Asia dihtapū ijie macari cjenā ijire. Efeso cjenare, Esmirna cjenare, Pérgamo cjenare, Tiatira cjenare, Sardis cjenare, Filadelfia cjenare, Laodicea cjenare mūhū ihñatire ojoa ohoya, nino ca tari yūhure.

<sup>12</sup> Tiquiro sa nigū tūhogu majaredūcau yūhure yahuducuriquirore ihñagu tūhū. Sa majaredūcagu siete sihāne pacare tiquina duhu peoye cjure uru mehna tiquina yeri cjure ihñau. <sup>13</sup> Ti cju watoa ducuriquirore masūno yero saha bajuriquirore ihñau.

Tiquiro yoari suhtiro dahpocāripu esari suhtirore sañariquiro ijiri. Sa yero uru mehna tiquina yeri cahsero mehna tiquiro cutiro bui tuā dihoriquiro ijiri. <sup>14</sup> Sa ye tiquiro poari buhsa cohari yero saha yehseri. Sa ye tiquiro caperi peca pohna yero saha asiri. <sup>15</sup> Sa ye tiquiro dahpocāri bronze wame tiye come asiye come yero saha asi siteri. Broncere peca mehna tiquina quehnoano ujūa weri bato tire wahtere quehnoano asi paha dutiye. Ti quehnoano wahtenohriro yero saha tiquiro dahpocāri quehnoano asi siteri. Sa yero tiquiro yahuducuye peo tutuaro cuari peo yero saha tutuaro bisiro ca tari. <sup>16</sup> Tiquiro omoca poto pehe siete ñahpicoha pacare cuori. Sa yero tiquiro duseropu ñoseni pji pua peheri siori pjiñe cuhñuri. Sa yero asū deco cĵūno tiquiro tutuaro asi sitero saha tiquiro wahdoa tutuaro asi siteri.

<sup>17</sup> Sa yegu tiquirore ihñagu tiquiro dahpocāri cahapu doque quehe sau yariariquiro yero saha. Yuhu sa doque quehe sagū ihñano tiquiro poto pehe cĵā omoca mehna yuhure duhu peo ohō saha nidi:

—Cueracāhña. Yuhu ijipihitiyere bajumehnedigu ijiaja. Sa yegu ijipihitiyere pihitigū yeacĵū ijiaja. <sup>18</sup> Catigu ijiaja yuhu. Yariarigu ijimi. Yojoṗure ihñaña. Ijipihitiye decori sa catiducugu ijiaja yuhu. Pari turi masagu masare pari turi yari-eragū ye masiaja yuhu. Sa yegu masare yariariquina tiquina ijiropu wahaeragū ye masiaja yuhu. <sup>19</sup> Sa yegu yojoṗu wahatire ihñagu, ojoa ohōña. Cameru dahse wahati gūhure ihñagu ojoa ohōña mūhu. <sup>20</sup> Ahri siete ñahpicoha pacare yuhu poto pehe yuhu cuoye pacare yahutja mūhure. Sa yegu siete sihāñe pacare tiquina duhu peoye cĵū uru cĵū gūhure yahutja. Ohō saha ijiye yahuyere panopu cĵēna masare ne yahuera tii. Ohō saha ijire ti: Siete ñahpicoha paca siete cururi cĵēna yeequina pūtoa ijiye nine, mari queoye mehna buhegū. Sa ye siete sihāñe pacare tiquina duhu peoye cĵū siete cururi cĵēna yeequina ijiye nine, mari queoye mehna buhegū, nidi yuhure.

## 2

Efeso cĵēnare Jesu yequinare ojoa oho basa dūca dutiahye Ñure

<sup>1</sup> Sa ni tuhasa ohō saha ni nemori yuhure ojoa dutiriquiro:

—Efeso cĵēna yeequina, tiquina pūhtoro gūhure ohō saha ni ojoa oho basaya mūhu: “Yuhu omoca poto pehe siete ñahpicoha pacare cuogu ijiaja. Sa yegu siete sihā do- coyey cĵū watoa tinigu ijiaja. Sa tinigu ijigu musare ohō saha ni yahuaja: <sup>2</sup> Ijipihitiye musa yerire masi pehoaja. Yee ijiatire musa tutuaro dahrarire, yuhure musa wacū tutua duhuerari gūhure quehnoano masiaja. Ñañene yeriquinare musa ihña yabigū gūhure masiaja. Sa yena ‘Jesu buhe dutiro tiquiro cūrina ijiaja’, nimediquinare queoro tiquina buheragū ihñana, ni mehoñequina tiquina ijigū masidi musa. <sup>3</sup> Yeere musa yeri buhiri musa ñano yūhduepenata ihcāno sahari musa Efeso cĵāna. Sa yena yuhure ne duhuerari musa. <sup>4</sup> Sa quehnoano yena ijiepenata ihcānore queoro yerari musa. Ahri ijire ti: Yuhure musa quehnoano cahī mūhtariro saha yojoṗure yerare musa. <sup>5</sup> Yuhure musa cahī mūhtarire wacūña musa tja. Yojoṗure yuhure musa cahīeda cĵūrire wacūña. Sa yena musa ñañe yerire bujua witiya. Tire duhuya. Sa duhuna, yeere musa ye mūhtariro sahata yeya tja. Musa ñañe yerire musa duhueragū sojaro mehna sihāriare yuhū duhu peodu musa ya dūre yuhū dapodure ne cohātja. (Sa nigū ohō saha ni yahugu niaja musare. Musa to cĵāna yuhure cohāboaga. Sa cohāna to punota pihitina musa ñañe yeyere duherana.) <sup>6</sup> Yuhure cahīeda cĵūna ijiepenata ahrire quehnoano yeri musa: Nicolaita wame tiyequinare ñañequinare ihña yabire musa. Yuhū gūhu tiquinare ihña yabiaja. <sup>7</sup> Cahmo tina ijire musa. Sa yena musa ye cururi cĵēnare yeequinare Espiritu Santo tiquiro yahurire tūhoya musa. Ohō saha nine tiquiro: ‘Ijipihitiyequinare Jesure wacū tutua duhueyequinare Cohācĵū ya wese paraíso wame tiro cĵādū dūcare ihya dutiitja. Tū dūca catigū yeye ijire’, nine Espiritu Santo”, ni yahu ojoa oho basaya Efeso cĵēna yeequinare, tiquina pūhtoro gūhure.

Esmirna cĵēnare Jesu yequinare ojoa oho basa dutiahye Ñure

<sup>8</sup> Esmirna cĵēna yeequinare, tiquina pūhtoro gūhure ohō saha ni ojoa oho basaya mūhu: “Yuhū ijipihitiyere bajumehnedigu

ijiaja. Sa yegū ijipihitiyere pihitigū yeacjū ijiaja. Yariaa wahau. Pari turi catiaja tja. Sa yegū ohō saha ni yahuaja musare: <sup>9</sup>Musa ñano yuhdūrire masiaja. Pejecuona musa ijigū gūhure masiaja. Sa ijiepenata Cohācjū yere quehnoañene pajiro cuore musa. Apequina pehe 'Judio masa ijiaja', nimediquina ni mehonēquina ijire. Tiquina musare ñano quti yere masiaja. Tiquina Satana yequina ijire. <sup>10</sup>Yojoꝛꝛe musa ñano yuhduatire cueracāhña. Tūhoya musa. Watīno musare Cohācjūre duhu dutiro ihquēquina musa mehna cjēnare peresu ye dutirota. Pua omope decori waro ñano yuhdūnata musa. Tiquina sa ñano yegū musare tiquina sa wejē duepegūta yūhure, yee gūhure cohāedacāhña. Musa sa yūhure cohāedagū ihñagu ijipihitiye decori Cohācjū caharꝛꝛ musare sa ijiducugū yeitja. <sup>11</sup>Cahmo tina ijire musa. Sa yena musa ye cururi cjēnare yeequinare Espiritu Santo yahurire tūhoya musa. Ohō saha nine tiqiro: 'Ijipihitiyequina Jesure wacū tutua duhueyequina pecarꝛꝛ wahasi. Tiquina yariari bato pecarꝛꝛ wahasi', nine Espiritu Santo", ni oja oho basaya Esmirna cjēna yeequinare, tiquina puhtoro gūhure.

*Pérgamo* cjēnare Jesu yequinare oja oho basa dutiahye Nūre

<sup>12</sup>Pérgamo cjēna yeequinare, tiquina puhtoro gūhure ohō saha ni oja oho basaya mūhū: "Yūhū ñoseni pji pua peheri siori pjiñe cuogū ijiaja. Musare ohō saha ni yahutja: <sup>13</sup>Musa yerire, musa ya maca cjēna tiquina yeri gūhure masiaja. To cjēna puhtoro Satana ijire. To cjēna Satanare ño peoyequina Antipare yeere quehnoano yahuriquirore wejēdi. Tiquirore tiquina sa wejēgū ihñaeppenata yūhure ne wacū tutua duhuerari musa. <sup>14</sup>Musa sa wacū tutua duhuerapenata mehenogā yūhure yuhdūdcari musa. Ihquēquina musa mehna cjēna Balāa ye buheyere cahmene. Panopꝛꝛ Balac wame tiriqiro puhtoro ohō saha ni buhee tiri Balāa pehe: 'Israe masare yuhdūdcā duana "Cohācjū ijire", musa niñe queoyere ño peo musa duhu peo ihyayere ihya dutiya tiquinare. Sa yena numia mehna ñano yegū yeya tiquinare', ni buhee tiri Balāa mūnano. Panopꝛꝛ tiqiro yeriro saha yojoꝛꝛ gūhure ñano yegū yere ihquēquina musa mehna cjēna apequinare. <sup>15</sup>Sa ye tiquina yero saha apequina musa

mehna cjēna Nicolaita wame tiyequina ye buheye pehere cahmene. <sup>16</sup>Sa yena musa ñañe yerire duhuya musa. Musa sa duhueragū ihñagu sojaro mehna musa caharꝛꝛ wahagū, sa ñano yeyequina mehna cahmequitja yūhū duseropꝛꝛ ijiri pji ñoseni pji mehna. <sup>17</sup>Cahmo tina ijire musa. Sa yena musa ye cururi cjēnare yeequinare Espiritu Santo tiqiro yahurire tūhoya musa. Ohō saha nine tiqiro: 'Ijipihitiyequinare Jesure wacū tutua duhueyequinare maná wame tiye ihyayere hūmuse cjē ihyayere ohoutja. Yehseye utā paca gūhure ohoutja tiquinare. Ti utā pacarꝛꝛ wahma wamene yūhū oja ohōati utā paca ijirota. Apequina ti wamene ne masisi. Ti utā pacare neñequina dihita ti wamene masieta', nine Espiritu Santo", ni oja oho basaya Pérgamo cjēna yeequinare, tiquina puhtoro gūhure.

*Tiatira* cjēnare Jesu yequinare oja oho basa dutiahye Nūre

<sup>18</sup>Tiatira cjēna yeequinare, tiquina puhtoro gūhure ohō saha ni oja oho basaya mūhū: "Yūhū Cohācjū macū yūhū caperi peca pohna yero saha asire. Sa ye yūhū dahpocāri bronze wame tiye come tiquina wahteri come yero saha asi sitere. Musare ohō saha ni yahuaja.

<sup>19</sup>Musa yerire masiaja yūhū. Cohācjūre, apequina gūhure musa cahīdire, yūhure musa cohāedarire, apequinare musa yedohorire, ñano yuhdūepenata yūhure musa duhuerarire masiaja. Coā waropꝛꝛ musa yeriro yuhduoro yojoꝛꝛ pehere quehnoano ye nemonā nine musa. Ti gūhure masiaja yūhū.

<sup>20</sup>Musa sa quehnoano yena ijiepenata ohō saha yūhure yuhdūdcari musa: Jezabe wame tiricoro 'Cohācjū yere yahugo ijiaja', ni mehoricoro musare ticoro ñano buhegū tūhona ticorore tuhtierari musa. Ni meho buhero yeequinare yūhū cahācjēnare numia mehna ñano yegū yere. Sa yero 'Cohācjū ijire', tiquina niñe queoyere apequina ño peo, tiquina duhu peo tiri ihyayere. Ti ihyayere yeequinare ihya dutire ticoro. <sup>21</sup>Ticoro ñañe buja witiatire cohtenimi. Yūhū sa cohācjūta mūa mehna ticoro ñano yeyere duhu duerari. <sup>22</sup>Yūhure tūhoya musa. Ticorore dohatigū yeitja. Ticoro mehna ñano yeriquina

gũhure dohatigũ yeitja. Sa ye tiquina tutuaro ñano yuhdueta. Sata yeitja tiquinare ticoro mehna tiquina ñano yerire tiquina buña witieregũ, tire tiquina duhueragũ.<sup>23</sup> Sa yegũ ticoro pohnene wejẽitja. Yũhu sa yegũ ihñañe ijipihtiyequina yeequina yũhu quehnoano masigu ijigũ masieta. Masa tuhutuyere tiquina tutuaro cahmeñe gũhure masiaja. Yũhu sa masiñene masieta tiquina ticorore yũhu buhiri dahregũ ihñañe. Ijipihtina mũa ñañene yeri buhirire buhiri dahreitja musare. Sa yegũ mũa quehnoañene yeri wapa pehere quehnoano yeitja musare.<sup>24</sup> Apequina mũa mehna cẽna Tiatira cẽna ticoro ye buheyere cahmedari. Mũa pehe Satana ye buheyere 'Panopũ tiquiro yahuerari jiri', tiquina niñe buheyere cahmedari mũa. Sa yegũ mũa pehere duti nemosi yũhu.<sup>25</sup> Ahri dihitare ye duti nemoutja musare: Mũa cahapũ yũhu tojoa tato pano yũhu buheyere mũa masidire ne mehenogã duhueracãhña.<sup>26-27</sup> Ijipihtiyequina ñañene duhuyequinare, yeere sa yeducuyequinare puhto sũutja. Yũhu Pacũ yũhure tiquiro puhtoro sũriro sahata mũa gũhure puhto sũutja. Ijipihtiyere yehpari cẽna bui puhto sũutja musare. Sa puhto sajanã, mũa docapũ ijieyequinare ijipihtiyere yehpari cẽnare tutuaro dutinata mũa. Dihi suturire mari yucũgũ mehna pohagũ duita wahtiro saha tiquina duita pihitia wahaeta.<sup>28</sup> Sa yegũ musare yeere ne duhuyequinare ñahpicoha bohrea mũa tariare ohoutja musare. Sa yegũ mũa mehna ijitja yũhu.

<sup>29</sup> Cahmo tina ijire mũa. Sa yena mũa ye cururi cẽnare yeequinare Espiritu Santo tiquiro yahurire tuhoya mũa", ni ojoa oho basaya Tiatira cẽna yeequinare, tiquina puhtoro gũhure.

### 3

*Sardis* cẽnare Jesu yequinare ojoa oho basa dutiahye Ñure

<sup>1</sup>Sardis cẽna yeequinare, tiquina puhtoro gũhure ohõ saha ni ojoa oho basaya mũhu: "Yũhu siete pagũ bajueyequinare Cohãcjũ yequinare cõogũ ijiaja. Sa yegũ sete ñahpicoha pacare cõogũ ijiaja. Musare ohõ saha ni yahuaja:

Mũa yerire masiaja. Ohõ saha ni tuhutumene apequina musare: 'Tiquina

Cohãcjũ yere quehnoano ye pehoyequina ijire', ni tuhutumene musare apequina. Tiquina sa ni tuhutumepẽgũta Cohãcjũ yere quehnoano yerare mũa.<sup>2</sup> Sa yena quehnoano yeya mũa 'Ñañene yeari', nina. Cohãcjũ yere mũa masidire quehnoano wacũña, 'Tiquiro yere duhuari', nina. Cohãcjũ ihñañgũ quehnoano ye pehoerare mũa.<sup>3</sup> Sa yena yeere mũa tuhõ mũhtarire quehnoano wacũña mũa. Sa wacũna yeere yeno. Mũa ñañe yerire duhuya. Yũhu nino saha mũa yeragũ wacũeno mehna musare buhiri dahreitja. Yaqueriquiro wacũeno mehna tiquiro yaquero sajanãro saha musare wacũeno mehna buhiri dahreitja.<sup>4</sup> Ihquẽquina mũa mehna cẽna Sardis cẽna ñañene yeducuerare. Wete marieni suhtirore mũa sañaboriro saha ti ñañe yeyere piha duerare mũa. Sa quehnoana ijina, yehseri suhtiro sañana yũhu mehna ijinata mũa pehe.<sup>5</sup> Ijipihtiyequina yeere duhuyequina sata yehseye suhti sañaducuyequina ijietã. Sa yeere yũhu mehna sa ijiducuatiquina wamene tiquiro ojoa ohõri tjupe tiquina gũhu tiquina wamene ojoa ohõnohriquina ijietã. Tiquina wamene tiquiro ojoa ohõri cose si yũhu. Yũhu Pacũ ihõnopũ, angele gũhu tiquina ihõnopũ yeequina mũa ijirire yahutja tiquinare.

<sup>6</sup> Cahmo tina ijire mũa. Sa yena mũa ye cururi cẽnare yeequinare Espiritu Santo tiquiro yahurire tuhoya mũa", ni ojoa oho basaya Sardis cẽna yeequinare, tiquina puhtoro gũhure.

*Filadelfia* cẽnare Jesu yequinare ojoa oho basa dutiahye Ñure

<sup>7</sup> Filadelfia cẽna yeequinare, tiquina puhtoro gũhure ohõ saha ni ojoa oho basaya mũhu: "Yũhu ñañe mariegu ijiaja. Poto yegũ ijiaja. Davi mũnãno panopũ cẽno sawire tiquiro cõoboriro saha, masare tiquiro puhtoro ijioropũ tiquiro põoboriro saha yeitja yũhu. Sa yegũ Cohãcjũ tiquiro puhtoro ijioropũ sajanãro yũhu põogũ ne apequina tire biha masiedare. Yũhu bihagũ ne apequina põo masiedare.

<sup>8</sup> Ijipihtiyere mũa yeyere masiaja yũhu. Wacũ tutuera cẽna ijiepenata yũhu buheyere quehnoano tuhori mũa. Sa yena yũhure, yee gũhure duhuerari mũa. Sa

yegü yeere cūu müsare. Sa ye apequina 'Tire yeracáhña', ni cahmota masiedare müsare. <sup>9</sup>Sa yegü ohō saha yeitja: Apequina müsä caha ijiyequina Satana yequina ijire. 'Judio masa ijiaja', niepeta judio masa waro ijierare. Tiquinare müsä caha dusepe curi mehna quehe sa, müsare ño peogü yeitja tiquinare. Yuhü sa yegü ihñañe müsare yuhü cahñene masieta tiquina. <sup>10</sup>Müsare yeere yuhü duhu dutieragü tuhona quehnoano yuhñiri müsä. Müsä sa yegü ihñagu ahri yehpa cjëna ijipihtiyequina tiquina ñano yuhduati pje ijigü müsare cahmotautja. Ti pje ijipihtiyequina tiquina ñano yuhduati pje ijirota. <sup>11</sup>Mehenogä duhsare ahri yehpapü yuhü tojoa tato. Yeere müsä masidire boeracáhña. Sa yena yuhüre sa yuhñiducuya, müsä quehnoano yeri wapare 'Boari', nina. <sup>12</sup>Sa yegü yeere sa yeducuyequinare yuhü Pacü ya wuhü cjëna ijiatiquinare cütja tiquinare. Tiquiro ya wuhü cjë botari ti yoari pje ijiducuro saha Cohäcjü mehna ijiducugü yeitja tiquinare. Sa ye tiquina mehna cjëna sa ijiducueta. Sa yegü Cohäcjü wuhü cjë botaripü yuhü ojoa ohōno saha tiquinare tiquina paguripü ohō saha ni ojoa ohōutja: Cohäcjü yuhü Pacü wamene, tiquiro ya maca wame gühüre ojoa ohōutja. Tiquiro ya maca wahma maca Jerusalë ijirota. Ti maca uhmusepü Cohäcjü cahapü ahtari maca ijirota. Yuhü wahma wame cuoutja. Ti wame gühüre ojoa ohōutja tiquina paguripü.

<sup>13</sup>Cahmo tina ijire müsä. Sa yena müsä ye cururi cjëmare yeequinare Espiritu Santo yahurire tuhoya müsä", ni ojoa oho basaya Filadelfia cjëna yeequinare, tiquina puhñoro gühüre.

*Laodicea* cjëmare Jesu yequinare ojoa oho basa dutiahye Ñure

<sup>14</sup>'Laodicea' cjëna yeequinare, tiquina puhñoro gühüre ohō saha ni ojoa oho basaya mähü: "Yuhü poto yegü ijiaja. Sa yegü ni mehono marieno yuhü ihñarire, yuhü tuhore sa yahuducugü ijiaja. Ijipihtiye mari Pacü tiquiro yerire ye basagu ijiaja yuhü.

<sup>15</sup>Ijipihtiye müsä yerire masiaja yuhü. Yuhüre wacü tutuana ijiepenata mehenogä wacü tutuana ijire müsä. Ohō saha ijire ti: Aco yusueye aco asü mehna asi busuye aco yero saha ijire müsä. Sata ijie acore

mari coero saha yuhüre wacü tutuana cjüna müsä ijigü yuhü gühü müsare coeraja. Yuhüre müsä quehnoano wacü tutuagü quehnoaboaga yuhüre. Yuhüre müsä wacü tutueragü ñariboaga yuhüre. Ti yuhñoro mehenogä wacü tuana müsä ijigü ña yuhñuare. <sup>16</sup>Müsä sa ijigü ihñagu yabi yuhñuaja yuhü. Ñañe acore yuhü sihco puti cohāno saha yuhüre mehenogä wacü tutuayequinare yabi yuhñuaja yuhü. <sup>17</sup>Sa yena ohō saha ni tuhutumene müsä: 'Ijipihtiye cwoaja. Ne yabe duhsaerare marine', ni tuhutumene müsä. Sa niepenata pejecwoyequina yero saha ijire müsä. Sa yena suhti marieñequina bue tiro saha Cohäcjü ihñonopü müsä ñañe yerire bue tiana ijire müsä. Sa yena caperi bajueyequina tiquina ihña duayere tiquina masieno saha Cohäcjü yere ne masiedare müsä. <sup>18</sup>Müsä sa yena ijigü ihñagu ohō saha ni yahutja müsare: Uru warore müsä dúro saha quehnoañene yuhü cuoyere neña müsä. Müsare yuhüre wacü tutuagü yeitja. Sa yena potota Cohäcjü ye mehna pajiro cuonata. Sa yena yehseri suhtirore müsä dú müsä sañano saha yuhü dii cohāri mehna yuhü yariari mehna müsä ñañe yerire cosenohrina ijiaja. Sa yena quehnoañe suhti sañañequina tiquina bue tiero saha müsä ñañene cosenohrina ijina ne bue tisi müsä gühü. Sa yena müsä caperire müsä aco tiri bato quehnoano müsare caperi bajuro saha Cohäcjü yere quehnoano tuhoya, müsä masino quehnoano.

<sup>19</sup>Ijipihtiyequina yuhü cahñequinare yahuaja. Sa yegü yuhü cahñequina tiquina ijigü ihñagu, tiquina yuhñieragü tiquinare buhiri dahreja, tiquinare yedohogu tuhü. Sa yena yee pehere tutuaro cahmeña. Sa yena ñañene duhuya. <sup>20</sup>Tuhoya yuhüre. Müsä wuhüre bihari wuhüre yuhü esaduca yuhü sajä duaboriro saha müsä mehna cjü iji duagu niaja. Yuhü sa ye duagü tuhona yuhüre müsä mehna iji dutiya. Yeequina ijiaja. Müsä sa ye dutigü müsä mehna ijitja. Sa yegü mari siho ihyaro saha müsä mehna quehnoano ijitja. Sa yena yuhü mehna cjäna ijinata müsä. <sup>21</sup>Ñañene yuhü cohāri bato yuhü Pacü puhñoro tiquiro dujiro cahapü dujiaja yuhü gühü dutigü tuhü. Sata müsä gühü ñañene müsä duhuri bato yuhü puhñoro dujiro cahapü dujinata müsä

dutina tana. Māsare yūhū cahapū dujigū yeitja.

<sup>22</sup> Cahmo tina ijire mūsa. Sa yena mūsa ye cururi cjēnare yeequinare Espiritu Santo tiqiro yahurire tūhoya mūsa”, ni ojoa oho basaya Laodicea cjēna yeequinare, tiquina pūhtoro gūhūre, nidi yūhūre ojoa du-tiriqiro.

#### 4

Uhmūsepu Cohācjū cahapū dūsepe curi mehna quehe sa tiquina ño peoyere ihñahye Ñu

<sup>1</sup> Yūhūre tiqiro sa ni yahuri bato uhmūsepu pūori sopecahare ihñā. Pari turi corneta tutuaro bisiro saha tutuaro yahuducuye bisiro ca tari, yūhū tūhogū. Ohō saha nidi yūhū tūhogū.

—Ohōpu mūja taya. Ahri yūhū yahuati camēpūre sijoro saha waharota. Sa wahatire mūhūre ihñoutja. Yūhū nidiro sahata waharota, nino ca tari uhmūsepu.

<sup>2</sup> Tiqiro sa ni yahugūta topū mūja esagu Espiritu Santo tutuaye mehna ihñagū nii. Sa yegū pūhtoro dujirore uhmūsepu ihñā. Topū ihcāquiro dujiri. <sup>3</sup> Sa yero quehnoano asī siteriqiro dujiri. Jaspe wame tiri utā yero saha, cornalina wame tiri utā yero saha quehnoano asī siteriqiro dujiri tiqiro. Sa yero buheni da esmeralda yero saha asī siteri da docapu dujiri tiqiro. <sup>4</sup> Sa yero tiqiro dujiro cahapū veinticuatro dujiyere ihñā. Ti dujiye pūhtoa ye dujiye yūhū ihñā mūhtariquirore duji behtoari. Ti dujiyepū veinticuatro Jesu yequina pūhtoa dujiri. Yehseye suhti sañānequina ijiri. Sa ye pūhtoa pesaye behtori uru behtorire pesariquina ijiri tiquina. <sup>5</sup> Yūhū ihñā mūhtariquiro dujiropū miadoqueori. Sa yero sijoro saha ijiro bisiro ca tari. Upo gūhū bisiro ca tari. Ti dujiro poto siete sihāne paca ijiri. Siete sihāne paca mehna tiqiro queoye mehna buhegū Cohācjū yequina siete pagū bajueyequina ijiri. <sup>6</sup> Sa yero tiqiro dujiro poto pajiri ma yero saha vidrio yero saha, quehnoano aco sitiri ma yero saha ijiri.

Ti dujiro cahapū pititiaro sijoro saha bajueyequina ijiri. Tiquina pagūri paa pehe gūhūre tiquina behero pehe pehe gūhūre peye caperi tiyequina ijiri tiquina. <sup>7</sup> Yūhū ihñā mūhtariquiro sijoro saha bajuriqiro

yairo sohāriqiro yero saha bajuri. Tiqiro bato ijiriqiro wecū yero saha bajuri. Tiquina bato ijiriqiro masūno wūhdo saha wūhdo tiriqiro ijiri. Tiquina ihtiaro bato ijiriqiro cacū wūye dūpūrire seō dujiriqiro yero saha bajuri. <sup>8</sup> Tiqiro seis dūpūri wūye dūpūri tiriqiro ijiri. Tiqiro mehna cjēna gūhū sa dihita wūye dūpūri tiri. Sa ye tiquina wūye dūpūri pūa peheriputa peye caperi tiye dūpūri ijiri. Sa ye decoripe, ñaminipe sa basaducuye nidi. Ne basa duhuerari. Ohō saha ni basari: Quehnoariqiro, quehnoariqiro, quehnoariqiro, Cohācjū mari pūhtoro tutua yūhdūriqiro ijire. Tiqiro panoputa sa ijiducuahye. Yojoṗū gūhūre sa ijiducure. Camēpū ahtarota, ni basaducuye nidi.

<sup>9</sup> Sa basaye tiquina pititiaro sijoro saha bajueyequina tiqiro tutuayere basa peoye nidi. Sa ye tiqiore ijipihtiyē decori ijiducuriquirore ño peoye “Quehnoare”, niñe nidi. <sup>10</sup> Tiquina sa ye peogū ihñāne veinticuatro Jesu yequina pūhtoa pehe pūhtoro dujiropū dujiriqiro poto dūsepe curi mehna quehe sa, tiqiore ño peori. Tiqiro ijipihtiyē decori ijiducuriquiro ijire. Sa ño peoye tiquina pūhtoa pesaye behtorire tiqiro dujiro caha doque peori. Sa doque peoye ohō saha nidi tiquina:

<sup>11</sup> Mūhū Cohācjū usā pūhto waro ijire. Tutuagu, quehnoagu ijire mūhū. Mūhū usā ño peogūta ijigu nine. Mūhūre sa ño peoducuro cahmene usāre. Ijipihtiyere bajumehnedigu ijire mūhū. Mūhū cahmediro sahata ti ijipihtiyere bajumehneahye mūhū, nidi tiquina Cohācjūre, topū dujiriquirore.

#### 5

Ojoari pūre torēdi tunure cordero gūhūre yahuahye Ñu

<sup>1</sup> Came topū dujiriqiro tiqiro omoca poto pehe tiqiro cūori pūre ojoari pūre ihñā. Ti pū pūa peheri ojoari pū tiqiro torēdi tunu ijiri. Sa yero siete piha ñeheñe mehna tiqiro piha ñehedi tunu ijiri. <sup>2</sup> Sa yegū tutuariquiro angelre ihñā. Tiqiro tutuaro yahuducuye mehna ohō saha ni yahuri:



—Ahri tunure piha ñeheñene quehnoariquiro dihita tührē masine. ¿Diquiro pehe ijijari tührēatiquiro? nidi tiquiro angel.

<sup>3</sup> Sa nieperota tiquina ti tunure tührēatiquirore bocaerari. Ti tunure tührēatiquirore, quehnoariquirore bocaerari. Өhmusepu, ahri yehpapu, catiyequina watoapu, yaria tuhasariquina watoapu ne ti tunure ñeheñene tührēatiquiro mariedari. Sa yero ti tunure buheatiquiro mariedari.

<sup>4</sup> Sa yegu tührēatiquirore, ti püre buheatiquirore tiquina bocaeragū ihñagu tutuaro utii yahu. <sup>5</sup> Yahu sa utigū ihñano ihcāquiro Jesu yequina puhto mehma cñano ohō saha nidi yuhure:

—Utieracāhña. Ti tunure ñeheñene ihcāquiro tührē masine. Tiquiro Judá ya curua cñano tutuariquiro ijire. Tutuariquiro ijiro “Yairo sohāriquiro”, tiquina ni pisuriquiro ijire. Tiquiro puhtoro Davi panamino iji turiariquiro ijire. Watñore yuhdudcariquiro ijire tiquiro. Sa yero tiquiro ti tunure siete ñeheñene tührē mäsidiquiro ijire, nidi tiquiro yuhure.

<sup>6</sup> Tiquiro sa nigū tühogu puhtoro dujiro poto cordero ducugū ihñau. Pititiaro sijoro saha bajuyequina, Jesu yequina puhto gūhu tiquina watoa ducuri cordero. Tiquiro tiquina wejēdiquiro mñano saha bajuri. Siete sahari tiriquiro, siete caperi tiriquiro ijiri. Ti siete caperi mehma tiquiro queoye mehma buhegū Cohācjū yequina pagu bajuyequina siete bajuyequina yero saha ijire. Tiquina tiquiro yequina pagu bajuyequina ijiphtiro ahri yehpapu Cohācjū ohoriquina ijiri. <sup>7</sup> Sa yero cordero pehe puhtoro dujiro chapu esaro, tiquiro poto pehe cuori tunure tuā we nedī tiquirore. <sup>8</sup> Tiquiro sa tuā we negū ihñane cuatro sijoro bajuyequina, veinticuatro puhto gūhu cordero poto dusepe curi mehma quehe sa, tiquirore ño peori. Tiquina puhto ijiphtiyequina arpa wame tiye bua putēñene, uru pari gūhure cuori. Ti pari bueye ehme sitiye quehnoano wahpaye pose tiye pari ijiri. Ti ehme sitiye mehma tiquiro queoye mehma buhegū Cohācjū yequina tiquirore tiquina sini basari yero saha ijiri. <sup>9-10</sup> Sa tiquirore ño peoye ohō saha ni wahma basayere tiquina basa peori tiquirore:

Mahu tiquina wejēdigu ijire. Sa yegu mahū dii cohāri mehma usā ñañe yerire coseri mahū Cohācjū yequina usāre iji dutigu. Sa yegu usāre ijiphtiyē cururi cñanare, ijiphtiyē yahuducuyere yahuducunare, ijiphtiyē yehpari cñanare usāpe usāre ijiphtinare mūhure cahmena dihitare usā ñañe yerire mahū dii cohāri mehma cosere mahū Cohācjū yequina usāre iji dutigu. Usāre ijiphtinare Cohācjū yequina ijiatinare cūri mahū. Sa yegu pahia cūri mahū usāre Cohācjū cahacjana usāre iji dutigu. Sa yegu peye yehpari cñena bui puhto sōri mahū usāre. Sa yerigu ijigu mahū ti tunure piha ñeheñene tührēacju ijire mahū, ni basa peori tiquina corderore.

<sup>11</sup> Pari turi ihñagu millones angele parire ihñau. Puhtoro dujirore pititiaro sijoro saha bajuyequinare, veinticuatro puhtoare angele pehe tiquinare wahme dāca sari. Tiquina angele pari tutuaro tiquina sañuducu peogū ihñau. <sup>12</sup> Ohō saha ni tutuaro yahuducu peori tiquina:

Cordero tiquina wejēdigu mahū ijiphtiyequinare dutigu, ijiphtiyere cuogu, masi pehogu, tutua yuhdugu ijire mahū. Masa tiquina ñañe buhiri tiquina wejēdigu mahū ijigū ihñana sa ni ño peoja mūhure. “Quehnoa yuhdugu ijire”, ninatja mūhure. Mūhure quehnoano yahuducunatja, ni yahuducu peori angele pari.

<sup>13</sup> Sa yegu apequina gūhure tiquina yahuducu peoye ca tagū tūhou. Ijiphtiyequina Өhmuse cñena, ahri yehpa cñena, catiyequina, yariariquina gūhu, pajiri ma cñena, ijiphtiropu ijiyequina ohō saha ni yahuducu peoye ca tari:

Cohācjūre mahū dujiropu dujigure, Cordero gūhure mūsare pñanare quehnoano yahuducunatja. Mūsare ño peonatja. “Quehnoa yuhduna ijire. Tutua yuhduna ijire”, nina, ijiphtiyē decori sa niducunatja mūsare, ni yahuducu peoye ca tari.

<sup>14</sup> Sa ye tiquina pititiaro sijoro saha bajuyequina tiquina sa yahuducu peogū

tuhoye “Sata ni yahuducu peohro”, nidi. Sa ye Jesu yequina puhto pehe dusepe curi mehna quehe sa Cohäcüre, Cordero gähure ño peori.

## 6

*Papera tunure tiqiro nedi tunure piha ñe-heñene tuhrëne Cordero*

<sup>1</sup> Came papera tunure tiqiro nedi tunure Cordero piha ñehe muhtaritore tuhrëdi. Tiquiro sa tuhrëgü ihñau. Tiquiro sa tuhrëdi bato ihcäqiro sijoro saha bajuyequina mehna cjäno, “Ihñana ahtaya”, nidi. Sa nino upo yero saha bisiri tiqiro.

<sup>2</sup> Tiquiro sa nidi bato ihñau yuhü. Yehseriqiro caballore ihñau. Tiquiro bui pesariqiro buedäre cüori. Tiquirore puhtoro pesari behtore ohori apeqiro pehe. Tiquiro sa ohori bato tiqiro pehe tiqirore ihña tuhtiyequinare yuhdücaro wahari.

<sup>3</sup> Came ihcäno ñehenore tuhrë tuhasa Cordero apero ñehenore tuhrëdi tja. Tiquiro sa tuhrëdi bato apeqiro sijoro saha bajuyequina mehna cjäno “Ihñana ahtaya”, tiqiro nigü tuhou tja.

<sup>4</sup> Sa yegu apeqiro caballore sohäriqirore ihñau tja. Tiquiro bui pesariqirore tutuayere ohori apeqiro pehe. Ahri yehpa cjënare cahme wejë dutiatiquirore cüri tiqirore. Sa ye ijipihitiro cjëna cahme wejëeta ahri yehpapü. Sa yero pajiri pjñ ñoseni pjñe ohori tiqirore.

<sup>5</sup> Came puarore tuhrë tuhasa Cordero apero ñehenore tuhrëdi tja. Tiquiro sa yegü puaro tiquina yahuducuri bato apeqiro sijoro saha bajuyequina mehna cjäno “Ihñana ahtaya”, tiqiro nigü tuhou.

Tiquiro sa nidi bato ñiniquiro caballore ihñau. Tiquiro bui pesariqiro balanza nücüñe queorore cüori. <sup>6</sup> Tiquirore yuhü ihñari bato sijoro saha bajuyequina wa-toapu ohö saha bisiro ca tari:

—Ihcä deco dahrari wapa mehna trigore ihcä kilota düeta masa. Ihcä deco dahrari wapa mehna cebada wame tiye pjerire ihtia kilota düeta masa. Trigo, cebada gähü pihitia wahaota. Sa ye ti wapa bujuninota. Sa ijiepegüta ihyaye dahreye uhse, vino gähü peye ijiminota, nino ca tari.

<sup>7</sup> Came ihtiarore tuhrë tuhasa Cordero apero ñehenore tuhrëdi tja. Tiquiro sa

tuhrëdi bato apeqiro sijoro saha bajuyequina mehna cjäno iji bato tiriquiro “Ihñana ahtaya”, nidi tja.

<sup>8</sup> Tiquiro sa nigü tuhogu opoariqiro caballore ihñau. Tiquiro bui pesariqiro “Yariagü yeriquiro”, wame tiri. Sa yero tiqiro bato ahtariqiro “Peca”, wame tiri. Sa yero tiquinare tutuayere ohori apeqiro pehe. Ahri yehpapure deco mehna ijieyequina docapu peyequina masare wejë dutiri. Cahme wejëne mehna, ujua ahbaye mehna, dohatiye mehna, wahiquina nücüri cjëna usuayequina mehna peyequina masare tiquina wejëatire cüri tiquinare.

<sup>9</sup> Came pititiro ñehedire tuhrë tuhasa Cordero apero ñehenore tuhrëdi tja. Tiquiro sa tuhrëgü altar docapu Jesu yequinare tiquina wejëdiquina jeripohnarine ihñau. Cohäcjö yere tiquina yahuri buhiri, “Jesu yequina ijiaja”, tiquina ni yahuri buhiri tiquinare wejëdi jiri. <sup>10</sup> Tiquina sañuducuye ohö saha nidi Cohäcjöre:

—Muhü usä puhto, ñañe mariegu, ni mehoñe mariegu, muhü nidiro sahata yegu ijire muhü. ¿Ahri yehpa cjënare, usäre wejëdiquinare duhse ijigü buhiri dahreitjari muhü? ni sañuducuri tiquina.

<sup>11</sup> Sa yero tiquinare yehseye suhti yoaye suhtire ohori. Tiquinare sa ohoro ohö saha nidi tiquinare:

—Sorñña. Apequina musa acaye Jesu yequina musa yero sahata yojopu gähure quehnoañe buheyere buheniñe nine. Musare tiquina wejëdiro sahata tiquina gähure tiquina wejë pehoato duhsarine. Sa yena tiquinare ijipihitiyequinare tiquina wejëato pano mehenogä sorñña musa, nidi tiquinare.

<sup>12</sup> Came ihcä omope ñehedire tuhrë tuhasa Cordero apero ñehenore tuhrëdi tja. Tore tiqiro sa tuhrëgüta tutuaro yehpa ñuhmidi. Sa yero asü deco cjäno ñiniquiro wahari. Nini suhtiro yero saha ñiniquiro wahari. Sa yero asü ñami cjäno dii yero saha sohäriqiro wahari. <sup>13</sup> Sa ye ñahpicoha paca yehpapü bora dijiaa wahari. Yucu dca yahsayere wilnono wë bure dijioro saha ñahpicoha paca bora dijiaa wahari. <sup>14</sup> Sa yero uhmuse butia wahari. Papera tunure mari torëgü bajuero saha bujauerari uhmuse. Sa ye ijipihitije canu cju gähü, nücüpo gähü ape siepu esaducari. <sup>15</sup> Sa

wahagū ihñañe, ahri yehpa cjēna pūhtoa cānu cju cjē utā wuhūsepū duhtiri. Apequina pūhtoa, surara pūhtoa, doeri cjē opana, tutuayequina, ijipihtiyequina tiquina cahacjēna, cahacjēna ijieyequina gūhū topūta duhtimedi. <sup>16</sup> Sa duhtiye, cānu cjūre, utā wuhūse gūhūre ohō saha nidi:

—Ūsā bui bora pjeja. Ūsāre nūoña. Siquiro pūhtorore, dujiropū dujiriqirore cue yūhdūaja. Cordero ūsāre ñano buhiri dahretera. Sa yena nūoña ūsāre. <sup>17</sup> Ijipihtiyequinare tutuaro buhiri dahreati deco iji tuhasare. Sa ye ti buhiri dahreatire ne ihcāquiro duhtiriqiro ihcāno sahasi, nidi tiquina ijipihtiyequina.

## 7

*Israe masa pagūrire Cohācjū tiqiro wame ña ohōatire yahuahye Ūnu*

<sup>1</sup> Came pititiaro angelere ihñañ. Tiquina ijipihtiropū wahari. Ihcāquiro nortepū waharo topū ahtari wihnonore ahtaeragū yerī. Apequiro surpū, apequiro asū mūja taropū, apequiro asū sajanopū wahaye, nortepū wahariqiro yero saha yerī tiquina gūhū. Sa yero ahri yehparū, pajiri marū gūhūre ne wihnono ahtaerari. Ne ihcādū yucūgūre wihnono ñuhmigū yerari. <sup>2</sup> Sa yegū apequiro angelre ihñañ tja. Asū mūja taropū ahtaro nidi tiqiro. Cohācjū catiriqiro tiqiro wame ña ohōnore ne cāhtaro nidi tiqiro. Sa ne cāhtaro apequina pititiaro angelere tiqiro sañuducuri. Tiquina angele pehe ahri yehpare, pajiri ma gūhūre Cohācjū tiqiro ñano wahagū ye dutinohriquinapū ijiri. <sup>3</sup> Tiquinare sañuducuro ohō saha nidi angel:

—Cohteniña. Cohācjū cahacjēna tiquina wūhdoā pacare tiqiro wamene ohōna tana niāja. Ūsā sa ohōato pano ahri yehpare, pajiri mare, yucuri gūhūre ñano wahagū yeracāhña musa, nidi tiqiro apequina pititiaro angelere.

<sup>4</sup> Sa yero Cohācjū tiqiro wame mehna tiquina wūhdoā pacare tiquina ohōatiquinare “Ohōpequina ijire”, ni yahuri yūhūre ihcāquiro. Israe masa doce cururi cjēna ciento cuarenta y cuatro mil masa tiquina ohōatiquina ijiñohiti. <sup>5</sup> Ahriquina ijiñohiti tiquina ohōatiquina: Doce mil masa Judā panamena iji turiayequina tiquina ohōatiquina ijiri. Apequina doce

mil masa Rubē panamena iji turiayequina tiquina ohōatiquina ijiri. Apequina doce mil masa Gad panamena iji turiayequina tiquina ohōatiquina ijiri. <sup>6</sup> Apequina doce mil masa Aser panamena iji turiayequina, apequina doce mil masa Neftalī panamena iji turiayequina, apequina doce mil masa Manase panamena iji turiayequina tiquina ohōatiquina ijiri. <sup>7</sup> Apequina doce mil masa Simeo panamena iji turiayequina, apequina doce mil masa Levī panamena iji turiayequina, apequina doce mil masa Isacār panamena iji turiayequina tiquina ohōatiquina ijiri. <sup>8</sup> Apequina doce mil masa Zabulón panamena iji turiayequina, apequina doce mil masa José panamena iji turiayequina, apequina doce mil masa Benjami panamena iji turiayequina tiquina ohōatiquina ijiri. Topequinata ijipihtiyequina masa ciento cuarenta y cuatro mil tiqiro wame mehna tiqiro ohōatiquina ijiri.

*Peyequina yehseye suhti sañañequinare yahuahye Ūnu marine*

<sup>9</sup> Came peyequina masare ihñañ. Ijipihtiye yehpari cjēnare, ijipihtiye cururi cjēnare, ijipihtiye yahuducuyere yahuducuyequinare, ijipihtiye macari cjēnare peyequinare Cristore cahmeñequina dihitare topū ducuyequinare ihñañ. Pūhtoro dujiro poto, Cordero caha ducuri tiquina masa. Peyequina masa ijiri. Sa ye queo pehoyequina ijierari. Yehseye suhti sañañequina ijiri tiquina. Sa ye iqui pohnarine cūori. <sup>10</sup> Sa ye tiquina ijipihtiyequina ohō saha ni tutuaro sañuducuri:

Cohācjū ijire ūsāre yūhdūoriquiro. Tiqiro dujiropū dujiriqiro ijire. Cordero gūhū ūsāre yūhdūoriquiro ijire, ni sañuducuri tiquina.

<sup>11</sup> Sa ye ijipihtiyequina angele, Jesu yequina pūhtoa gūhū, sijoro saha bajueyequina mehna pūhtoro dujiro cahapū ducuri. Sa ducuye tiqiro dujiro poto dūsepe curi mehna quehe sa, Cohācjūre ño peori. <sup>12</sup> Ohō saha ni ño peori tiquina:

Sa tjiere. Cohācjū ūsā pūhto, mūhūre quehnoano yahuducūaja. Quehnoa yūhdūagū ijire mūhū. Masi pehogū ijire mūhū. Mūhūre “Quehnoare”, niāja. Mūhūre ño peoaja. Tutu yūhdūagū ijire mūhū. Mūhū

tutuaye mehna yerigu ijire mahu. Sa ijiducuga ijire mahu ijipihtiyedecori. Sa tjire, ni ño peori tiquina.

<sup>13</sup> Sa yero ihcãquiro Jesu yequina puhto mehna cjãno yuhare sinituri:

—¿Ahriquina yehseye suhti sañañequinare masiajari mahu? ¿Tiquina ahtaritore masiajari mahu? ni sinituri yuhare.

<sup>14</sup> Tiquiro sa nigũ tuhogu,

—Masiedaja, ni yuhtii.

—¿Noa ijiajari tiquina? ni sinituu tiquirore.

Yuhu sa nigũ tuhoro ohõ saha nidi yuhare:

—Ahriquina ña yuhduaro yuhdari deco ijigũ ihcãno sahayequina ijire. Tiquina suhti cosenohriquina tiquina ijiro saha Cordero tiquiro dii cohãno mehna tiquina ñañene cosenohriquina ijire. Sa ye quehnoano yehseye suhti sañañequina ijire.

<sup>15</sup> Sa tiquiro cosenohriquina ijiye Cohãcjũ dujiro poto tiquirore sa ño peoducure. Decoripe, ñaminipe tiquirore sa ño peoducure, pahia Cohãcjũ wuhurũ tiquina yeriro saha. Sa yero tiquina mehna sa ijiducuro, tiquinare yedohorota Cohãcjũ “Sijoro saha wahari”, nino. <sup>16</sup> Ne pari turi ujãa ahbasi tiquina. Sa ye ne ac wuosi tiquina. Ne asũ deco cjũno asiye tiquina asiye posi. Tutuaro asiye tiquinare ñano yuhdugũ yesi. <sup>17</sup> Puhtoro dujiro poto ducuriquiro Cordero tiquinare ihña ihborota. Ovejare ihña ihboriquiro yero saha tiquinare ihña ihborota. Sa yero mári pohteripu catigũ yeye mári pohteripu tiquinare umũ tã cãnota, ovejare ihña ihboriquiro tiquiro umũ tã cãno saha. Sa yero sa bucueducugũ yerota tiquinare. Sa ye ne pari turi utisi tiquina, nidi Jesu yequina puhto mehna cjãno yuhare.

## 8

*Seis papera tunurine tiquina piha ñehedire tuhrẽ tuhasaro aperore tuhrẽahye tja Cordero*

<sup>1</sup> Seis papera tunurine tiquina piha ñehedire tuhrẽ tuhasaro aperore tuhrẽdi tja

Cordero. Tiquiro sa tuhrẽ tuhasagũ hora deco topũ umhusepu quehnoano dihta mariaa wahari. <sup>2</sup> Sa yegu siete angelere Cohãcjũ poto ducuyequinare ihña. Sa yero tiquinare siete cornetarire ohori apequiro. <sup>3</sup> Apequiro angel uru pare bueye ehme sitiye pose yeati pare cuoriquiro altar cahapu esa, ducuri. Topũ tiquiro ducugũ peye ehme sitiye tiquirore ohori ijipihtiyequina Cohãcjũ yequina tiquirore tiquina sinidi mehna moreaire. Sa yero uru altarpũ Cohãcjũ dujiro caha ijiri altarpũ ti ehme sitiye bueri Cohãcjũre. <sup>4</sup> Sa ye angel tiquiro cuori pa cjẽ ehme sitiye altarpũ tiquiro poho siteri bato ti ehme sitiye cjẽ ohmeo Cohãcjũ yequina tiquirore tiquina sinidi mehna mujãa wahari. <sup>5</sup> Sa wahari bato altar cjẽ nitine ti papũ wehe sãa tuhasa, yehpapũ doque cãri. Tiquiro sa doque cãgũta mia sitedoqueo, tutuaro upo pari. Sa yero sijoro saha ijiro bisi maa, yehpa ñuhmi maari.

### *Cornetarire yahuahye Ñu*

<sup>6</sup> Came siete angele tiquinape tiquina cornetarire putie tee nidi.

<sup>7</sup> Ihcãquiro angel tiquiro yariare puti muhtari. Tiquiro sa putigũ aco paca yusua ye paca, peca mehna, dii mehna moreñe paca yehpapũ doque dijiori. Sa doque dijio gũta yehpa ujãa wahari. Ohõ puno ujãri: Ahri yehpa deco esaro taro yemehno ujãa wahari. Sa yero to puno poseta yucuri gũhu, taa gũhu ujãa wahari.

<sup>8</sup> Angel ihcãquiro tiquiro sa puti muhtari bato apequiro angel tiquiro yaria cornetare putiri tja. Tiquiro sa putigũ pajidu canũ yero saha bajudu quehnoano ujãducudu pajiri mapure waha maa ñojoaa wahari. Sa yero yehpa ujãriro puno to punota pajiri ma dii ma dojoa wahari. <sup>9</sup> Sa ye pajiri ma cjẽna wahi deco mehna mehenõ esaboro yariaa wahari. Sa ye tope yucusari gũhu minia wahari pajiri mapure.

<sup>10</sup> Puaro angele tiquina putiri bato apequiro angel gũhu tiquiro yaria cornetare putiri tja. Tiquiro sa putigũ pajiria ñahpicoha, sihãria yero saha asiria yehpapũ bora sa quehea wahari. Ahri yehpa cjẽ mári deco mehna mehenõ esaboro tope mári bui bora sa quehea wahari ñahpicoha. Tope mári pohteri bui bora sa quehea wahari. <sup>11</sup> Tope márita suẽñe mári wahari. Sa wahagũ

peyequina masa ti mári cjē acore sihnime, yariaa wahari. Tia ñahpicoha “Saēnia”, wame tiri.

<sup>12</sup> Ihtiaro angele tiquina putiri bato apequiro angel gāhu tiquiro yaria cornetare putiri tja. Tiquiro sa putigū asū deco cjāno, ñami cjāno gāhu deco mehna meheno esaboro dojoa wahari. Ñahpicoha pari gāhu deco mehna meheno esaboro tope pacata dojoa wahari. Tope paca ūhmuse cjē paca quehnoano buhrioterari. Decopū pititia hora waro asū deco cjāno ne buhrioterari. Ñamine pititia hora waro asū ñami cjāno, ñahpicoha pari gāhu ne buhrioterari.

<sup>13</sup> Came ihñadoque mōuou tja. Ūhmusepū wūriquiore cacure ihñau. Sa yegū tiquiro sañuducugū tūhou. Ohō saha nidi tiquiro:

—Ña yūhdūare. Ña yūhdūare. Ihtiaro angele dūhsari yojopū putiatiquina. Tiquina putiri bato ña yūhdūaro waharota. Sa wahagū ahri yehpapū ijieyiquina ña yūhdūaro yūhdūeta, nidi tiquiro.

## 9

<sup>1</sup> Came pititiaro angele tiquina putiri bato apequiro angel tiquiro yaria cornetare putiri tja. Tiquiro sa putigū ñahpicoha yero saha ijiri quiro angel ūhmusepū bora dijia tariquiore ihñau. Sa yero tiquiore ūhcuāri cope cjā sawire ohori. <sup>2</sup> Sa yero tiquiro ti copere tiquiro pōogū peca ohmeo wijiari. Pajiri peca cjē ohmeo yero saha pajiro ohmeo wijiari ti copere. Sa wijiario ti ohmeo duita asū deco cjānore, ūhmuse gāhure butia wahagū yeri. <sup>3</sup> Sa ye ti ohmeo puhia pū ijieyiquina poreroa yehpapū ahtari. Sa ye cutipa tiquina tutuaro purīno saha tiquina gāhu tutuaro purīdi. <sup>4</sup> Sa yero taare, yucūrire, apeye oteyere ñano ye dutierari tiquinare. Masa dihitare ñano ye dutiri tiquinare. Cohācjū wamene tiquina wūhdōa pacare ohōmehneñequina dihitare ñano ye dutiri tiquinare poreroare. <sup>5</sup> Sa ñano ye dutieperota tiquinare wejē dutierari. Tiquinare wejē dutieraperota ihcā omope asūri waro tiquinare ñano purīgū ye dutiri. Cutipa toaye tiquina purīno saha purīgū yeyequina ijiri poreroa gāhu. <sup>6</sup> Tiquinare tiquina sa purīgū yegū masa yariaa duaeta. Tiquina sa yaria duepegūta tiquinare yaria dutisi.

<sup>7</sup> Poreroa pehe caballoa yero saha bajuri. Tiquina cahme wejēato pano caballoare tiquina suhti sāraro saha sa bajuyequina ijiri tiquina poreroa gāhu. Tiquina dapu paca bui puhtoa pesaye behtori uru behtori yero saha bajuri. Tiquina wūhdōa paca masa yero saha bajuri. <sup>8</sup> Tiquina poari numia poari yero saha ijiri. Sa ye tiquina upiri yayia upiri yero saha ijiri. <sup>9</sup> Jeripohna cahmotari cahsero come cahsero yero saha bajuri tiquina cutiro. Sa ye tiquina wūgū peyequina caballoa omañequina tiquina omano saha tiquina wūgū bisiri. Caballoa tunuñe paca wejeyequina tiquina cahme wejēnopū wahaye, tiquina bisiro saha bisiri poreroa wūgū. <sup>10</sup> Sa ye cutipa picōno tiro saha, toaria tiquiro cūoro saha ijiri tiquina poreroa. Sa ye tiquina toaye paca mehna toaye, ihcā omope asūri waro masare purīgū yeri. <sup>11</sup> Sa ye tiquina puhtoro tiyequina ijiri. Ūhcuāri cope upūro ijiri tiquina puhtoro. Tiquiro angel ijiri. Hebreo ye mehna Abadón wame tiri tiquiro. Griego ye mehna Apolión wame tiri. (Apolión “Dojomehneniquiro” nino nine.)

<sup>12</sup> Poreroa masare ñano tiquina purīgū yeri bato ahri tiquina ñano yūhdū mūhtariro pihitia wahari. To bato pūa taha pari turi ñano yūhdūeta masa.

<sup>13</sup> Came ihcā omopequina angele tiquina putiri bato apequiro angel tiquiro yaria cornetare putiri tja. Tiquiro sa putigū Cohācjū caha ducuri altar pū uru altar pū yahuducuye bisi wijiario ca tari. Ti altar cjē sahari pititia saharopū yahuducuye bisi wijiario ca tari. <sup>14</sup> Sa yahuducuro cornetare putiri quiro angelre yahuri:

—Eufrates wame tiri ma pajiri mapū peresupū ijieyiquinare angelere wiyoa. Tiquina pititiaro angele ijire, nino ca tari.

<sup>15</sup> Sa nigū tūhoro angel pehe tiquinare pititiarore wiori, peyequina masare wejēatiquinare. Ahri cūhmare, ahri asūre, ahri decore, ahri horare queoro cohteye nidi tiquina pititiaro angele. Tiquina cohteriro esa tuhasare. Sa ye wejēne tee nine. Ijipihitiyequina deco esaboro caha masare wejēatiquinare ijire. <sup>16</sup> Sa yegū tiquina yequina surarare “Ohōpequina ijire”, tiquina nigū tūhou. Tiquina caballoa bui pesayequina ijiri. Doscientos millones surara ijiri.

<sup>17</sup> Sa yegũ caballoora tiquina bui pesayequina gũhure ihñaũ. Sa ye caballoora bui pesayequina tiquina jeripohnarine cahmotaye suhti come suhti sohãñe suhti, yahsaye suhti, bojoyaye suhti ijiri. Sa ye caballoora tiquina dapu paca yayia sohãñequina yero saha bajuri. Tiquina duseripũ peca, ohmeo, azufre wame tiye ohmeo gũhu wijiari. <sup>18</sup> Sa ye caballoora duseripũ wijiaye masare wejedi. Ijipihtiyequina deco mehna meheno esaboro waro topequina masare wejedi. Sa ye peca mehna, ohmeo mehna, azufre mehna peyequina masare wejedi. <sup>19</sup> Tiquinare caballoora duseri mehna wejedi. Sa ye caballoora picõri mehna wejedi tja. Tiquina picõri sohtoapũ añaa dapu paca yero saha bajuri. Sa ye tiquina picõri mehna ñano yeri tiquina masare.

<sup>20</sup> Peyequina masa yarieyequina tiquina wejẽ duhariquina pehe tiquina ñañe yerire ne duhuerari. Watĩare ño peo duhuerari. “Cohãcjũ ijire”, tiquina niñe queoye gũhure ño peo duhuerari. Ti queoye uru mehna, plata mehna, bronce wame tiye come mehna, utã mehna, yucuri mehna tiquina yeri queoye ijiri. Sa ye ti queoye pehe ihñedari. Tũhoerari. Tiniedari. <sup>21</sup> Peye ñañe gũhure tiquina ne bujua witierari. Masare tiquina wejẽdire, tiquina numia mehna tiquina ñano yerire, tiquina yaqueri gũhure ne bujua witierari tiquina. Sa ye masare ujuayequina yayia tiquina yero saha yeye, ti gũhure ne bujua witierari tiquina.

## 10

*Meheni tunugãre papera tunugãre ne cãhtahye angel*

<sup>1</sup> Came apequiro tutuariquiro angel uhmuserũ tiquiro dijia tagũ ihñaũ. Ehmeo curua watoapũ ahtari. Sa yero buheni da tiquiro dapu bui pesari. Tiquiro wũhdoã asũ deco cjãno yero saha asi siteri. Tiquiro ñecari uñuri peca yero saha bajuri. <sup>2</sup> Sa yero meheni tunugã papera tunugãre tiquiro pãri tunugãre cõri tiquiro. Tiquiro dahpocã poto pehe cjã dahpocã mehna pajiri mapũ cãhta cõri. Tiquiro dahpocã cõ pehe pehe mehna dihtapũ cãhta cõri. <sup>3</sup> Sa ducuro yayia tiquina sañuducuro saha tiquiro tutuaro sañuducuri. Tiquiro sa sañuducuri bato siete upoa yahuye ca tamedĩ. <sup>4</sup> Tiquina sa yahugũ tũhogũ ojoã ducami. Yũhu sa ojoã

ducagũta uhmuserũ yũhure yahuducuro ca tari.

—Siete upoa tiquina nidire apequinare yahueracãhña. Sa yegũ tire ojoã nedacãhña, nino ca tari yũhure.

<sup>5</sup> Tiquiro sa nidi bato pajiri mapũre cãhta cõ, dihtapũre cãhta cõriquiro angel tiquiro omoca poto pehe siõdoque mũori uhmuserũ. <sup>6</sup> Sa siõdoque mũono Cohãcjũ sa catiducuriquiro wame mehna wame peori. Tiquiro Cohãcjũ pehe ijipihtiyere uhmuserẽ, uhmuse cjẽne, ahri yehpare, ahri yehpa cjẽne, pajiri mare, pajiri ma cjẽne yeriquiro ijire. Sa yero ohõ saha nidi angel:

—Cohãcjũ mehna poto nii niãja. To punota cohtenatja. <sup>7</sup> Seis angele corne tarire tiquina putiri bato apequiro angel putigũ Cohãcjũ panopũ tiquiro “Ohõ saha yeitja” nidiro sahata yerota. Panopũ masare tire quehnoano yahuerahye. Came tiquiro cahacjẽnare, tiquiro yere yahu mũhtariquina pehere quehnoano yahu pehoahye tiquiro. Ti tiquiro yahu cõrre yojopũre yerota tiquiro, nidi angel.

<sup>8</sup> Tiquiro sa nidi bato uhmuserũ yũhure yahuducuriquiro pari turi yahuducuro ca tari tja. Ohõ saha nino ca tari yũhure:

—Pajiri mapũ cãhta cõriquiro dihtapũ cãhta cõriquiro siquiro angel cahapũ waha. Sa wahagũ papera tunugãre tiquiro cõri tunugãre neña, nino ca tari yũhure.

<sup>9</sup> Tiquiro sa nigũ tũhogũ angel cahapũ waha. Tiquirore papera tunugãre yũhu sinigũ tũhoro ohõ saha ni yũhtiri yũhure:

—Neña. Sa yegũ ahri tunu papera tunugãre ihyaya. Mũhu coã ihyagũ umi yero saha quehnoano bisirota. Mũhu paapũ mũhu ihya sõri bato suẽne waharota, nidi yũhure.

<sup>10</sup> Tiquiro sa nigũ tũhogũ ti tunugãre angelre yũhu nedi bato ihya. Yũhu coã ihyagũ umi yero saha bisiri. Yũhu ihya sõri bato yũhu paapũ suẽno wahada. <sup>11</sup> Yũhu sa ihyari bato ohõ saha nidi yũhure:

—Pari turi ijipihtiyẽ macari cjẽna, ijipihtiyẽ yehpari cjẽna, peye yahuducuyere yahuducuyequina, tiquina pũhtoa gũhu came tiquina dũhse wahatire yahuyuya mũhu, nidi yũhure.

## 11

Ʋaro Cohācjū yere yahuatiquinare yahu ojoahye Ņu marine

<sup>1</sup> Came yūhure queodure ohori Cohācjū. Tuadu puno yoadu ijiri ta. Ture ohoro ohō saha nidi yūhure:

—Ya wūhure queogu wahaya. Ti wūhu cjā altar gūhure queoya. Sa yegu ti wūhuru yūhure ño peoyequinare queoya. <sup>2</sup> Sopecaha wijia sadūcari paare quehnoari paare queoeracāhña. Ti paa yūhure cahmeeñequinare tiquina cūri paa ijire. Tiquina cuarenta y dos asūri waro Cohācjū ya macare, ti maca cjēna gūhure ñano yeeta. Sa yegu queoeracāhña tiquina ya paare quehnoari paare. <sup>3</sup> Sa yegu yeere yahuatiquinare Ʋarore ohoutja. Mil doscientos sesenta decori waro yeere yahueta. Masa dija suhtire sañañequina ijietā tiquina yūhu yahu dutiyequina, ni yahuri yūhure.

<sup>4</sup> Ahri yehpa cjēna Ʋahutoro poto Ʋadu Olivo wame tiye cju ducure. Ʋadu sihā peoye cju gūhu ti cju caharu ducure. Ti cju mehna queoye mehna yūhu buhegū ahriquina Ʋaro mari Ʋahutoro yere yahuyequina ti cju yero saha ijire. <sup>5</sup> Sa ye tiquinare ihña tuhtiyequina tiquinare ñano ye duagū tiquina pehe duseri cjē peca mehna űjūa pehoeta tiquinare ihña tuhtiyequinare. Sata tiquinare ñano yeyequinare wejēeta tiquina Ʋaro mari Ʋahutoro yere yahuyequina pehe. <sup>6</sup> Sa ye tiquina Ʋaro acoro ahta dutieragū acoro ahtasi. Sa yero mari Ʋahutoro yere tiquina yahuro puno acoro ahtasi. Sa ye mārīne dii mārī wahagū yeeta tiquina. Sa ye ahri yehpare ñano wahagū yeeta. Ijipihtiye dūhse ijiyere, ijipihtiyequina dūhse ijieyequinare masare ñano wahagū yeeta. Tiquina cahmeno sahata sa ñano wahagū yeeta ahri yehpare.

<sup>7</sup> Tiquina sa ye pehogū űhcuāri coperu ijiriquiro ñariquiro nucu cjēno wijiarota. Sa wijiaro Cohācjū yere yahuyequina mehna cahmequenota. Sa cahmequeno tutua yūhdudūcaro tiquinare wejēnota. <sup>8</sup> Tiquiro sa wejēdi bato tiquina paguri pajiri maca cjā maharu cuñaeta. Yahuyequina Ʋahutorore tiquina quē biha wejēdi maca ijire ti maca. Ti maca cjēna ñañequina ijiye Sodoma cjēna, Egipto cjēna yero saha

ijire. <sup>9</sup> Sa cuñañe ihtia deco quehnoano cuña, ape deco deco mehna tiquina paguri maharu cuñaeta. Sa ye ijipihtiye yehpari cjēna, ijipihtiye cururi cjēna, ijipihtiye yahuducuyere yahuducuyequina tope decori waro tiquina pagurire ihñaducuetā. Sa ye tope decori waro tiquina pagurire ya dutisi. <sup>10</sup> Tiquina sa yariariquina ijigū ihñañe ahri yehpa cjēna bucuetā. Sa bucueye bose decore yeye, tiquina basi apee borore sa oho quēeta. Tiquina Ʋaro Cohācjū yere yahuyequina masare ñano yūhdugū yeriquina ijiahye. Sa ye tiquina sa yariagū ihñañe bucue yūhdūeta ahri yehpa cjēna.

<sup>11</sup> Sa yero ihtia deco ape deco deco mehna bato Cohācjū tiquina pagurire masonota. Tiquiro sa masogū tiquina pari turi wahcādūcaeta. Tiquina sa wahcādūcagū ihñañe ijipihtiyequina cue yūhdūeta tiquinare. <sup>12</sup> Came tiquina Ʋaro űhmūseƲu tutuaro yahuducugū tūhoeta. Ohō saha ninota tiquinare.

—OhōƲu mūja taya mūsa, ninota.

Tiquiro sa nigū tūhoye ehmeo curua wato mūjaa wahaeta. Tiquina yabiriquinare mūjagū ihñaeta masa. <sup>13</sup> Tiquina sa mūjagūta yehpa tutuaro ñuhminota. Sa ñuhmigū ti maca cjē wuhuse peye bora dijiaa waharota. Sa ye yehpa ñuhmino mehna siete mil masa yariaa wahaeta. Apequina dūhsariquina pehe acuaa wahaeta. Sa ye Cohācjūre űhmuse cjānore “Tutuagu ijire” ni ño peoeta tiquirore.

<sup>14</sup> Ahri ijipihtiye tiquina sa wahari bato Ʋa taha masa ñano yūhdū tuhasariquina ijietā. Tiquina sa yūhdūri batogāta pari turi duita masa ñano yūhdūeta tja.

*Seis cornetarire tiquina putiri bato apequiro putiahye*

<sup>15</sup> Came seis cornetarire tiquina putiri bato apequiro angel tiquiro yariare putiri. Tiquiro sa putigū űhmūseƲu tutuaro yahuducuye ca tari. Ohō saha nino ca tari: YojoƲu mari Ʋacu, Cristo mehna ahri yehpa cjēna Ʋahutoro ijietā. Sa yero Ʋahutoro sa ijiducurota Cohācjū, nino ca tari.

<sup>16</sup> Sa ye Cohācjū poto Ʋahutoro dujiyepu dujiyequina veinticuatro Jesu yequina Ʋahutoro Cohācjū poto quehe sa, tiquirore ño peori.

<sup>17</sup> Sa ño peoye ohō saha nidi:

űsā Ʋahūto Cohācjū, tutua yūhdūagu ijire mūhu. Mūhu panopu sa

ijiducuahye. Sa yegu yojopu gūhure sa ijiducure. Camedu ahtauta mahu. Mahu tutuaye mehna masa tiquina puhto mahu ijiducagu "Quehnoare" niaja mahare.<sup>18</sup> Ijiphtiyequina ahri yehpa cjenā mahure cahmedariquina mahu mehna usuamedī. Yojopure tiquinare mahu buhiri dahreati pje ijire. Yariariquina gūhure mahu buhiri dahreati pje ijire. Sa yero mahu yequina pehere quehnoañene tiquina yeri wapare mahu ohoati pje ijire. Ihuqequina tiquina mahu cahacjēna mahu yere yahu mahitariquina ijire. Sa ye tiquina, apequina mahu yequina mehna ijiphtiyequina mahure ño peoyequina ijire. Sa yegu puhtoare, ihyo ijyequina gūhure mahu yequina tiquina ijiri wapa quehnoano yeita mahu. Sa yero ahri yehpa cjenare dojomehne cohteriquinare mahu cohāti pje ijire yojopure, ni ño peori puhtoā Cohācjāre.

<sup>19</sup> Tiquina sa yeri bato ūhmuse cjā wahu Cohācjū ya wahu tiqiuro pōori wahu ijiri. Sa yena ti wuhuru ijiri acarore ihñau. Ti acaro puhiahu Cohācjū masare tiqiuro yedohtatire yahuri pū sañari. Yahu sa ihñagūta mia sitedoqueo, upo pa maari. Sa yero sijoro saha ijiro bisi maa, yehpa ñuhmi maa, aco paca yusaaye paca ūhmusepu peye bora dijia tari.

## 12

*Numino gūhure pinono gūhure yahuahye Ñu*

<sup>1</sup> Came ahri yehpa dahse wahatire ūhmusepu ihñori. Tiquiro sa ihñori ihyo waro ijterari. Ohō saha ihña mahatā; ūhmusepu numinore ihñau. Ticoro suhtiro asū deco cjēno yero saha asi siteri. Sa yero asū ñami cjēno bui ducuri. Puhtoro pesari behto borore doce ñahpicoha paca cuori behtere pesaricoro ducuri. <sup>2</sup> Sa yero mehenogā dahsari ticoro pohna tiato. Sa yero ticoro sañuducuri. <sup>3</sup> Came pari turi ihñau ūhmusepu tja: Pajiriquiro pinonore sohāriquiore ihñau. Siete dapu paca tiriquiro ijiri. Ijiphtiye tiqiuro dapu paca

puhtoā pesaye behitori borore pesaye dapu paca ijiri. Sa yero diez waro sahari tiriquiro ijiri tiqiuro. <sup>4</sup> Tiquiro picōno mehna ñahpicoha pacare wahba sitedoque dijiori yehparu. Ijiphtiye ñahpicohare deco esaboro caha wahba sitedoque dijiori. Sa yero numino pohna tiaticoro poto ducuri pinono. Ticoro macunogā bajuagū tiqiurogāre ihyaro taro nimeđi. <sup>5</sup> Camegāta cuo tuhasari nininogāre. Ijiphtiye yehpari cjenā puhtoro ijiatiquiro ijiri tiqiurogā. Tiquiro sa puhtoro tutuariquiuro ijigū, masa tiquiore yuhduducaye ihcāno sahasi. Tiquiro sa masa bajuagūta Cohācjū tiqiuro dujiro cahapu tiqiurogāre ne cāa wahari. <sup>6</sup> Tiquiro sa yegū numino pehe masa marienopu duhti cāa wahari. Cohācjū tiqiuro quehnoyuripū duhti cāa wahari ticoro. Topure mil doscientos sesenta decori waro Cohācjū ticorore ihña ihbōri.

<sup>7</sup> Coā waropure ūhmusepu cahme wejē ducahye. Miguel wame tiriquiro angel tiqiuro yequina angele gūhu pinono mehna cahmequeahye. Tiquina sa cahmequegū pinono tiqiuro yequina angele mehna Miguel gūhu mehna cahmequeahye. <sup>8</sup> Sa ye Miguel gūhu pinonore yuhduducahye. Sa yero pinono yequina angele gūhure ūhmusepu iji nemo dutierahye. <sup>9</sup> Sa yero pajiriquiro pinonore cohā cāhye Cohācjū. Tiquiro pinono watīnota ijiro nidi. Satana wame tiriquiro ijiri. Panopu tiqiuro pinono pagu saha bajuriquiro ijiahye. Sa yero ijiphtiri yehpa cjenare ni mehoriqiuro ijire. Tiquirore tiqiuro yequina angele mehna yehparu cohā dijioahye.

<sup>10</sup> Came ūhmusepu sañuducuro ca tagū tūhou:

Yojopure mari Pacu masare yuhduori. Yojopu pūritare mari Pacu mari puhtoro ijiro ahtari tiqiuro tutuayere ihñono taro. Sa yero tiqiuro ohoriqiuro Cristo gūhu tiqiuro puhtoro ijyere tiqiuro tutuayere ihñori ijiphtiyequinare. Watīnore ūhmusepu ijiriquirore yehparu cohā dijiori. Sa yero tiqiuro tutuayere ihñori mari Pacu. Tiquiro watīno pehe decori, ñaminipe Jesu yequinare "Ahriquina ñañequina ijire", ni yahusāno niahye mari Pacure. Sa yero mari acayere Jesu yequinare





mehna quehe sa tiquireore ño peori. Ahri yehpare Cohācjū tiquireo bajumehneato pano tiquireo yequina ijiatiquire, sa ijiducuatiquinare tiquina wamene ojoa ohō tuhasahye. Ti tju tiquireo sa ojoa ohōri tju Cordero tiquina wejēdiquireo ya tju ijire. Ti tjupe tiquina wamene ojoa ohōnohedariquina dihita nucu cjūnore ño peori.

<sup>9</sup> Cahmo tina ijire mūsa. Sa yena tūhoya. <sup>10</sup> Ijipihtiyequina masare peresu yehatiquinare came tiquire peresu yeeta. Ijipihtiyequina masa ñose wejēnohatiquinare tiquire ñose wejēeta. Tire masina mari Cohācjū yequina ñano yūhdūepenata tiquireore cohāedacūhna. Sa yena tiquireore wacū tutuūhna.

<sup>11</sup> Came apequireo nucu cjūnore ihñau tja. Yehpa puhīapū ijiriquireo wijīagū ihñau. Pna sahoro oveja sahari yero saha bajuye sahari sahari tiriquireo ijiri. Sa yero pinono yero saha yahuducuri. <sup>12</sup> Sa yero nucu cjūno iji mūhtariquireo pehe came ijiriquireo pehere pūhtoro sōri. Tiquireo sa pūhtoro sōnohriquireo pehe ijipihtiye yehpari cjēnare iji mūhtariquireore ño peogū yeri. Iji mūhtariquireo nucu cjūno tiquina wejēbo cureriquiro camino yatiriquireo ijiri. <sup>13</sup> Sa yero came ijiriquireo nucu cjūno tutuaye mehna ye ihñori masa tiquina ihña mariatore. Sa yero masa tiquina ihñonopū peca pajiri peca ūhmūsepū bora dijia tagū yeri. <sup>14</sup> Sa yero iji mūhtariquireo ihñonopū apequireo nucu cjūno pehe tutuaye mehna masare mehori “Ahriquireo mūsa ño peoatiquireo ijire”, nino. Sa yero tiquireo masare mehono, iji mūhtariquireo queoyere masare ye dutiri. Tiquireo iji mūhtariquireo ñoseni pji mehna tiquina ñosediquiro ijieperota catiriquireo ijiri. Tiquireo yero saha bajuye queoye ye dutiri apequireo nucu cjūno masare. Tiquina sa yegū Cohācjū yabieperota sa ihña cārīahye. <sup>15</sup> Sa yero came ijiriquireo nucu cjūno pehe iji mūhtariquireo queoyere catigū yeri masare ti queoye dutiatio saha. Sa yero ti queoyere ño peoyequinare wejē dutiri masare queoye pehe. <sup>16</sup> Sa yero ijipihtiyequina tiquina omocari poto pehe, tiquina wūhdo paca gūhure ojoa ohō dutiri nucu cjūno came ijiriquireo. Ihyo ijieyequinare, pūhtoare, doeri cjē opanare, pejecūoyequinare, tiquina cahacjēnare,

cahacjēna ijieyequinare, ijipihtiyequina tiquina omocarine tiquina wūhdo paca gūhure ojoa ohō dutiri. <sup>17</sup> Tiquireo iji mūhtariquireo nucu cjūno tiquireo wamene, tiquireo ya numerore ojoa ohōēnequinare ne dú dutierari. Sa yero tiquireore dua dutierari.

<sup>18</sup> Tire quehnoano wacū masiña mūsa. Tūho masina ijina nucu cjūno tiquireo ya numerore quehnoano ihña masiña. Ti numero ūmno wame yero saha ijire. Ti numero seis cientos sesenta y seis ijire.

## 14

*Cohācjū tiquireo yūhdūoriquina wahma basayere basahye*

<sup>1</sup> Came Siō wame tidū cūnū bui ducuriquireore Corderore ihñau. Tiquireo mehna ciento cuarenta y cuatro mil masa ijiri. Tiquina tiquireo ye wamene, tiquireo Pacuro ye wame gūhure tiquina wūhdo pacare tiquina ojoa ohōnohriquina ijiri. <sup>2</sup> Tiquireore yūhū ihñagūta ūhmūsepū yahuducuro ca tari. Pajiri peo bisiro saha ūpo tutuaro bisiro saha bisiro ca tari tiquireo yahuducuye. Sa yero arpa wame tiyere tiquina bua pūtēno saha bisiro ca tari tiquireo yahuducuye. <sup>3</sup> Topū pūhtoro dujoro cahapū pititiaro sijoro saha bajuyequina, Jesu yequina pūhto gūhū ijiri. Sa ye tiquina poto ciento cuarenta y cuatro mil masa ducuri. Topū ducuye, wahma basayere basaye nidi. Ti basayere tiquina dihita masidi. Cristo yūhdūoriquina dihita ti basayere masidi. Tiquina ahri yehpapū ijimediquina tiquireo ne mūoriquina ijiri. <sup>4</sup> Ne tiquina ihcā tahagā numino mehna ñano yerari. Sa ye Corderore ihña cūnequina ijiey, tiquireo yere sa yeducuyequina ijiri. Sa yero ñānequina mehna ijieyequinare tiquireo yūhdūoatiquinare nedi Cohācjū pehe. Sa tiquireo yūhdūoriquina ijiey, Cohācjū yequina ijiatiquina, Cordero yequina ijiatiquina gūhū iji mūhtariquina ijiri. <sup>5</sup> Sa ye tiquina mehna cjēna ne ihcāquireo ni mehoriquireo mariedare. Sa ye Cohācjū tiquireo tūhotugū ñāne mariequina ijiri tiquina.

*Ihtiaro angele yahuducu dijioahye*

<sup>6</sup> Came ùhmùsepù wùriquiròre angelre ihñau. Tiquiro ahri yehpa cjènare, ijipihitiye cururi cjènare, ijipihitiye yahuducuyere yahuducuyequinare, ijipihitiye yehpari cjènare, quehnoañe buheyere yahua-tiquiro ijiri. Ti buhaye ne camesaeraye, sa ijiducure. <sup>7</sup> Sa yero angel sañuducuro ohò saha ni yahuducu dijiori:

—Cohàcjüre cueya. “Tutua yùhduagu, quehnoa yùhduagu ijire”, niña tiquirore. YojoPURE masare tiquiro buhiri dahreati pje ijiro nine. Tiquiro ùhmùsere, ahri yehpare, pajiri mare, mári pohteri gùhàre yeriquiro ijire. Sa yena tiquirore dùsepe curi mehna quehe sa, ño peoya, ni sañuducuri angel.

<sup>8</sup> Tiquiro sa nidi bato apequiro angel ùhmùsepù wùriquiròre ohò saha ni yahuducu dijiori:

—Tiquinare cohà càhri. Pajiri maca Babilonia wame tiri maca cjènare cohà càhri Cohàcjü. Tiquina tiquiro cohàriquina pehe ijipihitiyequina apequinare ñano yegü yeri. Queheyequina vinore tiquina tutuaro cahmeno saha tiquina ñañene tutuaro cahmeñe, Babilonia cjènare ihña cùri. Sa yero Cohàcjü tiquinare tutuaro buhiri dahreri, ni yahuducu dijiori apequiro angel.

<sup>9-10</sup> Tiquina pùaro angele tiquina sa nidi bato apequiro angel tiquina bato wùriquiròre ohò saha ni yahuducu dijiori:

—Ijipihitiyequina nùcu cjünore ño peoyequinare, tiquiro queoyere ño peoyequinare, tiquina wùhdoa pacare, tiquina omocarine tiquiro wamene oja ohònohriquina gùhàre buhiri dahrerota Cohàcjü. Tiquina mehna usuaro, tiquina pùritare tutuaro waro buhiri dahreducurota Cohàcjü. Nùcu cjünore ño peoyequina ijipihitiyequina pecapù wahaeta. Topù tutuaro purìnota tiquinare peca mehna, azufre wame tiye mehna tiquina wijiàri peca mehna. Quehnoañequina angele, Cordero gùhu tiquina ihñonopù ñano yùhdùeta tiquina. <sup>11</sup> Ti peca sa ohmeo tiducurota. Ne yatisi. Tiquinare sa purìducugü yere. Ijipihitiyequina nùcu cjüno poto dùsepe curi mehna quehe sa, ño peoyequinare sa purìducurota. Decoripe, ñaminipe sa purìducù càhnota. Tiquiro queoyere ño peoyequina, tiquiro wamene oja ohònohriquina gùhu sata ñano yùhdùeta, ni yahuducu dijiori angel.

<sup>12</sup> Sa tiquina ñano yùhdugü ihñana Cohàcjü yequina tiquiro dutiyere yena, Jesure cohàedarina ijina, tiquiro yere duhueracàhña. Ñano yùhdùepenata Cohàcjü yere cohàedacàhña.

<sup>13</sup> Came ùhmùsepù yùhàre yahuducuro ca tagü tùhou. Ohò saha nidi yùhàre:

—Ahrìre ojoaya mùhu. Cohàcjü yequina tiquirore cohàedarina ijina yojoPURE mùsa yariari bato gùhàre bucuena ijire mùsa, ni yahuducu dijiori yùhàre.

Tiquiro sa nidi bato Espiritu Santo pehe ohò saha ni nemori tja:

—Sa tjire. Poto tjire. Tiquina tutuaro tiquina dahrayere duhu, soeta. Ùhmùsepù tiquina wahagü quehnoano tiquina yerire wacùnota Cohàcjü. Sa yero tiquina sa yeri wapa tiquinare quehnoano yerota. Sa ye tiquina bucueyequina ijire, ni nemori Espiritu Santo.

Wese cjé oteye ducare mari bese neno saha Cohàcjü tiquiro yequinare bese nenota. Nañequina pehere sijoro bese docorota

<sup>14</sup> Came ehmeo curua yehseri curuare ihñau. Ti curua bui masùno yero saha baturiquiro dujiri. Tiquiro uru behto pùhtoro pesari behto borore pesari. Sa yero dihi pjì siori pjìne cuori tiquiro. <sup>15</sup> Came apequiro angel Cohàcjü wùhàpù ijiriquiro wija tari. Sa wija taro tutuaro sañuducuri ehmeo curua bui dujiriquirore:

—Mùhu dihi pjì mehna wese cjé ducare ahri yehpa cjé ducare dute ne pehoya. YojoPURE tiquiro queori pje esare. YojoPURE daca neni pje esare, nidi angel.

<sup>16</sup> Tiquiro sa nigü tùhoro tiquiro dihi pjì mehna ahri yehpa cjé ducare ne ducari ehmeo curua bui dujiriquiro.

<sup>17</sup> Came apequiro angel gùhu Cohàcjü wùhàpù ijiriquiro wija tari. Tiquiro gùhu dihi pjì siori pjìne cuori. <sup>18</sup> Sa yero apequiro angel altar cahapù ijiriquiro wija tari. Tiquiro pehe altar cjá pecare ihña ihboriquiro ijiri. Sa wija taro dihi pjì siori pjìne cuoriquirore sañuducuri:

—Mùhu dihi pjì mehna ahri yehpapù ijiri wese, ùhse wese cjé ducare neña. Ùhse pehe ñi tuhasari, ni sañuducuri.

<sup>19</sup> Tiquiro sa nigü tùhoro angel tiquiro ya pjì dihi pjì mehna ahri yehpa cjé ùhse tùhorine yùhàre nedi. Tiquiro sa yeri bato

ti tōhorine əhse tōhorine tiqiro ñatihātopu cohāri. Tiquiro sa cohāriro saha Cohācjū tiqirore cahmeeñequinare tutuaro usuaro, cohānota. <sup>20</sup> Ti maca dūhtā cahapu tiquina ñatihātopu ti əhse tōhorine ñatihāri. Topu tiquina ñatihāgū dii wijiari. Dii ma yero saha ijiri. Tres cientos kilómetro yoari ma, ihcā metro quehnoano ape metro deco əhcuāri ma ijiri.

## 15

*Masa tiquina ñano yəhduatire angele cū bato tiahye masare*

<sup>1</sup> Came əhməsepu sijoro saha ijirore ihñau. Tire ihñañe masa ihña maria wahaga. Ahri yehpapure dəhse wahatore marine ihñori. Sa yero ti ihyo waro ijierare. Ohō saha ihñau: Siete angele ijiri. Cohācjū usuaro, siete tahari masare buhiri dahre bato tiro nidi. Sa ye tiquina siete angele pehe buhiri dahre dutiro tiqiro cūatiquina ijiri.

<sup>2</sup> Angelere yəhñ ihñari bato pajiri mare quehnoano aco sitiri ma yero saha ijiri mare ihñau. Ti ma peca mehna ijiri ma ijiri. Sa yegū nəcū cñūnore tiqiro queoye gūhure yəhduəcayequinare ihñau. Tiquina tiqiro wamene tiqiro ya numerore cəoyequina ijiri. Tiquina yəhñ ihñagū pajiri ma aco sitiri ma dūhtā cahapu ducuri. Topu ducuyequina arpa wame tiyere bua putēñe cūori. Ti bua putēñe Cohācjū tiqiro ohori ijiri. <sup>3</sup> Sa ye Cohācjū cahacjūno, Moise ye basayere basaye nidi. Cordero ye basaye gūhure basaye nidi. Ohō saha ni basari:

Əsā pəhto məhñ Cohācjū tutua yəhduagu ijire. Məhñ yerire ihñana ihña maria wahaja usā. Məhñ yeri quehnoa yəhduare. Məhñ ijipihtiyeyehpari cñēna pəhto ijire. Quehnoano ni mehono marieno yeducure məhñ. Ijipihtiyequina məhure cueeta. <sup>4</sup> Ijipihtiyequina məhure “Tutuagu ijire”, nieta. Məhñ dihita ñañe mariegu ijire. Ijipihtiyeyehpari cñēna məhñ cahapu esaye, dəsepe curi mehna quehe sa, məhure ño peoeta. Sata yeeta tiquina ijipihtiyequina queoro məhñ yerire ihñañe, ni basaye nidi tiquina.

<sup>5</sup> Came əhməsepu ihña məogū, Cohācjū wəhñ pōori wəhure ihñau. Topu Cohācjū ijiri tucū waropu Cohācjū dutiyeyehpari ojoari pñini utā pñini tiquina ihbori pñini ijiri. <sup>6</sup> Ti wəhure yəhñ ihñagūta siete angele ti wəhñ puhiapu ijiriqina wijia tari. Tiquina Cohācjū buhiri dahre dutiro tiqiro cūatiquina ijiri. Tiquinape tiquina buhiri dahreatire cūori tiquina angele. Quehnoañe suhti, yehseye suhti sañañequina ijiri. Sa ye tiquina cutiro bui uru cahsero mehna tūā dihoriquina ijiri. <sup>7</sup> Ti wəhñpu ijiriqina tiquina wijia tagū pititiaro sijoro saha bajuyequina mehna cñūno tiquinare siete angelere siete uru parire ohori. Ti pari Cohācjū usua tiqiro buhiri dahreati mehna quehnoano wahpari ti pari. Tiquiro Cohācjū sa ijiducuriqiro ijire. <sup>8</sup> Tiquiro sa ohogū Cohācjū wəhñ puhiapu tiqiro asi siteyeyehpari mehna tiqiro tutuayeyehpari mehna ohmeo ti sehśaa wahari. Sata ohmeo wəhñ wahagū ne masa ti wəhure sañā masiedari. Siete angelere Cohācjū buhiri dahre dutiro tiqiro cūriro saha masare tiquina buhiri dahre tuhasari bato pari turi ti wəhñpu sañā masine tja. Tiquiro buhiri dahreato pano sañā masiedari.

*Cohācjū masare tiqiro buhiri dahreatore yahuahye*

## 16

<sup>1</sup> Came Cohācjū wəhñpu tutuaro yahuducuro ca tari. Siete angelere yahuro nidi:

—Siete paripu pose tiyere yehpapu pio sitedoque dijiona wahaya. Yehpa cñēnare Cohācjū tiqiro nidiro sahata buhiri dahreya yojopure, ni yahuducuro ca tari.

<sup>2</sup> Tiquiro sa nigū təhoro iji məhtariqiro angel tiqiro cūori papu pose tiyere yehpapu pio sitedoque dijiori. Tiquiro sa pio sitedoque dijioğū nəcū cñūno wamene ojoa ohōnohriqina, tiqiro queoyere ño peroriqina ñano cami tiri. Ti cami tutuaro puridi tiquinare.

<sup>3</sup> Tiquiro sa pio siteri bato apeqiro angel tja tiqiro cūori papu pose tiyere pio sitedoque dijiori tja pajiri mapu. Tiquiro sa pio sitedoque dijioğūta ti ma dii ma wahari. Yariariqiro dii yero saha ijiri ti dii. Sa wahagū ti ma puhiapu ijiyequina yaria pihitia wahari.

<sup>4</sup>Puaro tiquina sa pio siteri bato apequiro angel tja tiquiro cūori papu pose tiyere pio sitedoque dijiori tja máripa, ti mári pohteripū gūhure. Tiquiro sa pio sitedoque dijiogū mári dii mári dihita wahari. <sup>5</sup>Sa wahagū ihñano apequiro angel márine cohteriquiro ohō saha nidi:

Cohācjū mūhu ñañe mariegū ijire. Yojoṗu gūhure sa ijiducugū ijire mūhu. Panopu gūhure sa ijiducue tiri mūhu. Sa yegu masa tiquina ñano yegū ihñagu queoro buhiri dahreri mūhu tiquinare. Dii márine yegu quehnoano yeri mūhu. <sup>6</sup>Nucu cjāno yequina pehe mūhu yequinare wejēne, dii cohāgū yeri. Mūhu yere yahuyequina gūhure wejēne, dii cohāgū yeri. Tiquina sa wejēdi buhiri mári dii mári wahari. Sa ye tiquinare diire mūhu sa sihnigū yegū quehnoarīne. Sata mūhu buhiri dahregū tiquina ye buhiri ijire, nidi márine cohteriquiro angel.

<sup>7</sup>Tiquiro sa nidi bato altarpū yahuducuro ca tari:

—Sa tjire. Cohācjū usā puhto tutua yahduagu ijire mūhu. Ni mehono marieno, queoro masare bese, buhiri dahrere mūhu, ni yahuducuro ca tari.

<sup>8</sup>Ihtiaro angele tiquina pio siteri bato apequiro angel tiquiro cūori papu pose tiyere pio sitedoque dijiori tja asū deco cjāno bui. Tiquiro sa pio sitedoque dijiogūta asūre masare tutuaro asigū yeri Cohācjū. <sup>9</sup>Sa yero asū deco cjāno masare tutuaro asiri. Sa ye Cohācjū tiquinare tiquiro buhiri dahre dutigū masiñe, tiquirore ñano yahuducuri masa. Sa ñano yūhdūepeta tiquina ñañe yerire ne bujua witierari. Sa ye duhuerari. Cohācjūre “Tutuagu ijire”, ni ño peo duerari.

<sup>10</sup>Pititiaro angele tiquina pio siteri bato apequiro angel tja tiquiro cūori papu pose tiyere pio sitedoque dijiori tja nucu cjāno tiquiro dujiro bui. Pūhtoro dujiro ijiri tiquiro dujiro. Tiquiro sa pio siteri bato tiquiro yequina tiquina ijiri yehpapu nahitiaa wahari. Sa ye tiquiro yequina masa ñano purigū bahque dihori. <sup>11</sup>Tiquinare ñano puriepegūta ñano cami tiepeta, ne tiquina ñañe yerire bujua witierari. Sa ye tire duhuerari. Sa ye Cohācjū tiquinare

tiquiro cami dahregū masiñe tiquirore uhmuse cjānore ñano yahuducuri.

<sup>12</sup>Ihcā omopequina angele tiquina pio siteri bato apequiro angel tja tiquiro cūori papu pose tiyere pio sitedoque dijiori tja Eufrates wame tiri ma pajiri mapu. Tiquiro sa pio sitedoque dijiogūta ti ma sihbi quehea wahari. Asū mūja taro cjēna puhtoa yequina masa mehna ti mare tiquina pehā tatore sa yeri.

<sup>13</sup>Came ihtiaro watīare taharocua yero saha bajuyequinare ihñau. Ihcāquiro pinono puhiapū ijiriquiro tiquiro dūseropu wijia tari. Apequiro watīno nucu cjāno dūseropu wijia tari. Apequiro watīno “Cohācjū yere yahu muhtagu ijiaja”, ni mehoriquiro dūseropu wijia tari. <sup>14</sup>Sa ye tiquina ihtiaro watīa tutuaye mehna yeyequina ijiri. Ijipihtiro cjēna puhtoare cahmecoagū yeri tiquina cahme wejē dutiye tehe. Tiquina sa cahme wejēati deco Cohācjū tutua yahduariquiro ijipihtiyequinare tiquiro dutiati deco, pihtiatu deco ijire.

<sup>15</sup>Ohō saha nidi Jesu: “Ihñaña masa. Yaqueriquiro wacūeno mehna tiquiro yaquero ahtaro saha yahu gūhu wacūeno mehna ahtautja. Yahu ahtatore quehnoano cohteriquiro bucueriquiro ijirota. Tiquiro ye suhtire quehnoano quehnoyuriquiro yero saha yeere quehnoano yeriquiro ijire bucueriquiro. Sa yeriquiro ijiro yahu ahtagū suhti marieniquiro tiquiro bue tiboriro saha bue tisi tiquiro”, nidi Jesu.

<sup>16</sup>Came ihtiaro watīa yehpari cjēna puhtoare cahmecoagū yeri tiquinare. Tiquina cahmecoano Hebreo ye mehna “Armagedon”, wame tiri.

<sup>17</sup>Seis angele tiquina pio siteri bato apequiro angel tja tiquiro cūori papu pose tiyere ehmeo cururi cahapu pio sitedoque dijiori tja. Tiquiro sa pio sitedoque dijiori bato puhtoro dujiropu Cohācjū wuhapu tiquiro dujiropu tutuaro yahuducuro ca tari:

—To punota ijiaga, nino ca tari.

<sup>18</sup>Tiquiro sa nigūta mia sitedoqueo, upo pa maa, sijoro saha ijiro bisi maa, cuaro yehpa ñuhmidi. Ahri yehpapu masa tiquina iji ducari bato ne sa ñano yehpa ñuhmieda tiri. Apeye ñuhmiñe yahduoro

cuaro yehpa ñuhmidi. <sup>19</sup> Sa ñuhmigü pajiri macare ihtia maha yihti maa wahari. Sa ye bujüye macari ahri yehpapü ijije macari sehte dijiaa wahari. Sa yero Babilonia wame tiri maca pajiri maca cjenare wacüri Cohäcjö tiquinare buhiri dahrero taro. Tiquina ñañene yeri buhiri tiquina mehna tutuaro usuari. Sa usuaro tiquinare tutuaro buhiri dahreri. <sup>20</sup> Tiquiro sa yegü ijipihtiye nücüpo, cünü cju güñu cohö pitia wahari. Sa ye ne mariedare. <sup>21</sup> Sa ye bujüye paca aco paca yüsüye paca yehpapü masa bui bora dijia tari. Ijipihtiye paca aco paca cuarenta kilo nücüñe paca ijiri. Tiquina bui ti paca sa bora dijia tagü Cohäcjö masare tiquiro tutuaro buhiri dahregü masife ñano yahuducuri masa Cohäcjöre.

## 17

Umua mehna ñano yeducuricorore ña yuhduaro yericorore buhiri dahre dutirota <sup>1</sup> Came siete pari cuoyequina angele mehna cjüno yuhñ cahapü wihiro ohö saha nidi yuhure:

—Ihñagu ahtaya. Peye mári bui dujiricorore umua mehna ñano yeducuricorore ña yuhduaro yericorore Cohäcjö tiquiro buhiri dahreatire ihñagu ahtaya muhu. <sup>2</sup> Ahri yehpa cjëna puhtoa ticoro mehna tiquina ñano yeboro saha ticoro yero saha yeri. Cohäcjö ye pehere cahmedari. Ahri yehpa cjenare ticoro quehegü yeboro saha tiquina mehna ticoro ñano yeboro saha ticoro masare ñañene tutuaro cahmegü yeri. Sa yero ñañene yegü yeri masare, ni yahuri angel yuhure.

<sup>3</sup> Tiquiro sa nidi bato Espiritu Santo pehe yuhure ihñori: Angel pehe masa marienopü neari yuhure. Topü numinore ihñau. Ticoro nücü cjüno sohäriquiro bui pesaricoro ijiri. Nücü cjüno pehe tiquiro pagupü peye wame tiquina oja ohönohriquiro ijiri. Ti wame ñañe wame Cohäcjö tiquiro ihña yabiye wame ijiri. Sa yero siete dapu paca tiriquiro, diez sahari tiriquiro ijiri nücü cjüno. <sup>4</sup> Sa yero numino pehe quehnoano yahsaye suhti puhto tiquina sañañe suhti saha ijijere sañaricoro ijiri. Sohñe suhti güñure sañaricoro ijiri. Peye urure, wapa tiye utäre, perla pjeri güñure ohöri suhtire sañaricoro ijiri ticoro. Sa yero uru pare cwöri ticoro. Ti papü pose

tiye ñañe ticoro yeri jiri. Umua mehna ñano yero, pajiro ñano yeri ticoro. Ti ñañene ihña yabire Cohäcjö. <sup>5</sup> Ticoro wuhdoapü ticoro wame tiquina oja ohönohricoro ijiri. Ti wamene quehnoano masiedaja mari. Ti wame queoye mehna buheri wame ijire. Ahri ijire ti wame: “Pajiri maca Babilonia wame tiri maca ijire. Ijipihtiye wüana tiye dahpoto cjöno, ña yuhduayere yericoro ijire”, ni, ticoro wuhdoapü tiquina oja ohönohricoro ijiri. <sup>6</sup> Sa yero ticoro peyequina Cohäcjö yequinare wejedicoro ticoro ijigü masii. Queheyere ticoro bucuero saha tiquinare wejëno, tiquina dii cohägü bucueri ticoro. Jesure tiquina cohäedari buhiri ticoro wejedi tiquinare. Ticorore ihñagu, ihña maria wahañ.

<sup>7</sup> —¿Dähsegu müñu ihña maria wahajari? nidi angel yuhure.

Sa nino yuhure ohö saha ni nemori:

—Müñu masiedarire müñure yahutja. Numinore müñure yahutja. Ticoro pesariquiro güñure yahutja. Tiquiro nücü cjüno ijiri. Sa yero siete dapu paca tiriquiro, diez sahari tiriquiro ijiri. <sup>8</sup> Tiquiro panopü ijiriquiro ijiri. Yojoþure mariedare tiquiro. Came tiquiro uhcüari copeþü ijiriquiro wijia tarota. Tiquiro sa wijia tari bato pecapü waharota. Ahri yehpa cjëna tiquirore ihña maria, ño peori tiquirore. Ahri yehpa ijiato pano Cohäcjö tiquiro yequina ijiatiquinare sa ijiducuatiquinare tiquina wamene oja ohöahye. Tiquiro oja ohönohedariquina ijiri nücü cjüno ño peoyequina. Tiquiro pehe panopü ijiri. Yojoþu pehere mariedare. Cameþu pari turi bajuarota. Sa ye tiquiro bajuagü ihñañe masa tiquirore ihña maria wahaeta.

<sup>9</sup> Yojoþure yuhñ yahuatire masi duana, quehnoano tuhonata msa. Sa yena tuho masina ijia. Nücü cjüno dapu paca siete dapu paca siete cünü cju ijire, mari queoye mehna buhegü. Ti cünü cju buipü pesare ticoro umua mehna ñano yeducuricoro. <sup>10</sup> Ti dapu paca siete puhtoa yero saha ijire, mari queoye mehna buhegü. Peyequina masa puhtoa ijire. Ihcä omopequina puhtoare cohä tuhasari. Apequiro tiquina bato ijiriquiro puhtoro ijire yojoþure. Apequiro pehe came puhtoro sañanota. Sa sañano mehenogä puhtoro ijirota tiquiro. <sup>11</sup> Sa yero nücü cjüno sohäriquiro panopü

iji muhtariquiro, yojopure marieniquiro tiquina siete puhtoato bato puhtoro ijirota. Siete puhtoato mehna cjanõ ijire. Came pecarpu waharota.

<sup>12</sup> Nucu cjanõ sahari diez sahari diez puhtoato yero saha ijire, mari queoye mehna buhegũ. Peyequina masa puhtoato ijire. Tiquina puhtoato sajãedare yojopu. Camerpu puhtoato sajãne mehenogã puhtoato ijieta. Yoari pje iji dutisi tiquinare. Sa puhtoato ijiye nucu cjanõ mehna puhtoato ijieta. <sup>13</sup> Tiquina diez puhtoato ihcãno saha tuhotuyequina ijire. Sa ijiye tiquina nucu cjanõre tiquina ye yehpari cjanõ puhtoro sõeta. <sup>14</sup> Sa ye Cordero mehna cahme wejẽeta. Tiquina sa cahme wejẽpegũta Cordero tiqiro beseriquina mehna tiqirore ne cohãnequina mehna tiquinare yuhducaeta. Tiquiro ijiptiyequina apequina puhtoato bu puhtoro ijire. Sa yero tiquinare yuhducarota, nidi angel yuhure.

<sup>15</sup> Ahrire yuhure yahu nemori angel:

—Umãa mehna ñano yeducuricoro mãri bui dujiri. Ti mãri ahri yero saha ijire mari queoye mehna buhegũ: Ijipthiye yehpari cjanõ, peye cururi cjanõ, peye yahuducuyere yahuducuyequina yero saha ijire ti mãri. <sup>16</sup> Nucu cjanõ, diez puhtoato gũhu umãa mehna ñano yeducuricoro ihña yabieta. Tiquina diez puhtoato nucu cjanõ mehna ticoro yere ehma peho, suhti mariedicoro cohãeta ticoro. Sa ye ticoro pagure ihyãeta. Tiquina sa yeri bato ticoro ure ujãa pehoeta. <sup>17</sup> Tiquina diez puhtoato ihcãno saha tuhotuye, nucu cjanõre tiquina ye yehpari cjanõ puhtoro sõeta. Tiquinare sa yegũ yeri Cohãcju, tiqiro cahmeno saha yero taro. Sa yero nucu cjanõ pehe puhtoro ijirota. Ijipthiye Cohãcju panopu tiqiro yahuriro sahata tiqiro yeri bato nucu cjanõre cohãnota. <sup>18</sup> Ticoro muhu ihñaricoro mehna ohõ saha ni queoye mehna buhere: Ticoro pajiri maca Babilonia wame tiri maca yero saha ijire. Ijipthiyequina apequina puhtoato bu ijire ti maca cjanõ, nidi angel yuhure.

## 18

*Babilonia wame tiri maca tiqiro cohãri maca ijire*

<sup>1</sup> Came apequiro angel ummẽsepu dijia tariquirore ihña. Tiquiro puhtoro waro ijiri. Sa yero tiqiro asĩ siteye ijiptiropu

quehnoano buhrio sehãa wahari. <sup>2</sup> Tiquiro sa dijiri bato tutuaro sañuducu yahuri:

—Cohãri jiri. Babilonia wame tiri maca pajiri maca cjanõre cohãri jiri. Yojopure wafã, peyequina ñãnequina pagu bajueyequina gũhu ti macarpu ijiye nine. Ñãnequina boro minicjua pari gũhu ti macarpu ijiye nine. Tiquina minicjua masa tiquina ihña yabiyequina ijiri. <sup>3</sup> Ijipthiye yehpari cjanõ ti maca cjanõre ñãnequinare ihña cũne, tiquina gũhu ñano yeri. Sa ye ahri yehpari cjanõ puhtoato ti maca cjanõ numia mehna ñano yeri. Ticoro sa umãa mehna ñano yeducuricoro ijiro wapa tiyere due tiri. Pajiro ticoro sa dũgũ ahri yehpa cjanõ doeri cje duayequina pajiro wapatarĩ, ni yahuri angel.

<sup>4</sup> Came pari turi ummẽsepu yahuducuro ca tari. Ohõ saha nidi:

—Yeequina, ahricoro umãa mehna ñano yeducuricoro mehna ijieracãhña msa. Ticoro mehna msa ijigũ msa gũhure buhiri dahrerota. Sa yena ticoro ñano yeyere ihña cuedacãhña. <sup>5</sup> Ticoro ñano yeri peye ijire. Ticoro ñano yerire pari tju mari duhu peo muogũ ti tju pehe ummẽsepu wahã sa cãboaga. Sa ye ticoro ñano yeri peye ijire. Sa yero ticoro ñano yerire wacũre Cohãcju. Sa wacũno ticoro buhiri dahre dutirota. <sup>6</sup> Ticoro tutuaro tiqiro buhiri dahrenohaticoro ijiahro. Masare ticoro ñano yegũ yeriro saha ticoro gũhure ñano yuhdugũ yehro. Masare ticoro sa ñano wahagũ yeriro saha ti yuhduoro ticoro ñano buhiri dahrehro. <sup>7</sup> Ticoro “Quehnoago ijiaja”, ni tuhotumedi. Sa ni tuhoturo, wapa bujuyere pajiro cuori ticoro. Ti wapa bujuyere pajiro ticoro cuoro punota ticoro pajiro ñano yuhdugũ yehro. To punota ticoro bujua witiigũ yehro. Ticoro basi ohõ saha ni tuhotumene. “Ohõpu dutigo dujiaja. Wape wilho ijieraja. Sa yego ne ñano yuhdusi yuhũ”, ni tuhotumene ticoro. <sup>8</sup> Sa ni tuhoturicoro ijigũ wacũeno mehna ticoro buhiri dahrerota. Ticoro dohati, yariariquinare yahco uti, ujua ahbarota. Sa yero ticoro ure ujãa borota. Msa puhtoro Cohãcju ticoro buhiri dahre dutiriquiro tutua yuhduariquiro ijire. Sa yero sa yuhũ nidiro saha ticoro buhiri dahre dutirota, nino ca tari ummẽsepu.

<sup>9</sup> Sa ye ticoro yero saha ijiri macare Cohācjū tiquiro buhiri dahreri bato ahri yehpa cjēna puhtoa tutuaro bujua witi, utieta. Ti maca cjēna mehna nāno yeyequina ijiri. Ti maca ʔjūgū ihñañe utieta tiquina. <sup>10</sup> Sa ʔjūgū ihñañe tiquina puhtoa yoropu ihñadoqueoducuetā, “ʔsā gūhure buhiri dahreari”, niñe. Topu ihñadoqueoducuye ohō saha nieta:

—Yohou, pejecuori maca ijire, Babilonia. Si maca pajiri maca tutuari maca ijimedi. Wacūeno mehna si macare buhiri dahreri, nieta tiquina.

<sup>11</sup> Ijipihtiro cjēna doeri cjē duayequina ti macare ihñañe tutuaro bujua witi utieta. Ti maca pihtigū ihñañe, tiquina ye doeri cjēne dúyequina mariedagū ihñañe bujua witieta tiquina. Sa ye utieta. <sup>12</sup> Tiquina ne cāhtarire urure, platare, wapa bujaye ʔtāre, perla wame tiye paca gūhure dúyequina marisi. Sa ye apeye tiquina ne cāhtarire suhti quehnoañe suhtire, yahsaye suhti puhtoa tiquina sañañe suhti saha ijiye suhtire, seda wame tiye suhtire, sohāñe suhtire dúyequina marisi. Sa ye apeye tiquina ne cāhtarire yucari ehme sitiye yucarire dúyequina marisi. Sa ye apeye tiquina ne cāhtarire marfil wame tiye mehna tiquina yerire, wapa bujaye cju mehna tiquina yerire, bronze wame tiye come mehna tiquina yerire, come batiye mehna tiquina yerire, marmol wame tiye mehna tiquina yerire dúyequina ne marisi. <sup>13</sup> Sa ye apeye tiquina ne cāhtarire canela wame tiyere tiquina ihyayere ocagū yeyere, apeye tiquina ihyayere ocagū yeyere, bueyere, mirra wame tiye ehme sitiye, apeye ehme sitiye dúyequina marisi. Sa ye apeye tiquina ne cāhtarire vinore, ʔhse ihyaye moreñene, trigore, trigo pjerire, wecuare, corderoare, caballoare, tunuñe cohroni caballo tiquina wejeye cohronire dúyequina marisi. Cahacjēnare dú tiquinare cuoyequina gūhu marisi. Masa tiquina ijiepegūta tiquinare dúyequina ijimedi. Yojoṗare marisi. Sa ye bujua witieta doeri cjēne duayequina. <sup>14</sup> Sa ye ohō saha nieta tiquina ti maca cjēna ijiriquinare:

—Adei, ñabutiario wahayari. Ijipihtiyē msa cahīmedi pihtia wahari. Sa ye ijipihtiyē quehnoañe msa cuomedi pihtia wahari. Sa yena tire pari turi bocasi msa,

nieta doeri cjēne duayequina.

<sup>15</sup> Tiquina ti macare doeri cjēne duaye, pajiro wapatamedi. Sa ye tiquina ti macare yoropu ihñadoqueoducuetā, “ʔsā gūhure buhiri dahreari”, niñe. Sa ihñadoqueoducuye ti macare tutuaro bujua witi utieta. <sup>16</sup> Ohō saha nieta ti macare:

—Adei, pejecuoyequina ijire si maca pajiri maca quehnoari maca cjēna muna. Si maca numino yero saha quehnoañene cuori. Numino pehe quehnoañe suhtire, yahsaye suhti puhtoa tiquina sañañe saha ijiye suhtire, sohāñe suhti gūhure sañari. Sa yero uru, wapa bujaye ʔtā, perla wame tiye paca ohōri suhtire sañari. Sa yeri si maca cjēna. <sup>17</sup> Sa ye wacūeno mehna si maca buti pihtia wahari, nieta ti macare.

Sa ye ijipihtiyequina yucusari mehna tiniñequina, ti yucusari opana, tiquina ʔmna, apequina pajiri mapu dahra wapatayequina gūhu ti macare yoropu ihñadoqueoducuetā. <sup>18</sup> Topu ihñadoqueoducuye ti macare to ʔjūgū ihñañe ohō saha ni sañuducuetā:

—Quehnoañe macari si maca yero saha ijiye macari ne apeye macari mariedare, ni sañuducuetā tiquina.

<sup>19</sup> Sa bujua witiyequina ijiye tiquina dapu paca bui dihtare orē peoeta. Sa ye tutuaro yahco utiye ohō saha nieta:

—Adei, pejecuoyequina ijire si maca cjēna muna. Quehnoari maca ijimedi. Ijipihtina yucusarire cuona pajiri mapu tinina ijina si maca cjē doeri cjē mehna quehnoano wapatami mari. Sa ye duita si maca cjē buti pihtia wahari, nieta yucusari cjēna.

<sup>20</sup> Ti macare tiquiro cohāgū ihñana bucueya msa ʔhmse cjāna. Cohācjū yequina, Jesu tiquiro cūrina, tiquiro yere yahu mahtarina ijipihtina msa bucueya. Ti maca cjēna msare nāno yūhdgū yeri. Tiquina sa yeri buhiri buhiri dahreri Cohācjū. Sa yena bucueya msa.

<sup>21</sup> Sa yero tutuariquiro angel pajiria ʔtāre ne wahcō, pajiri mapu doque ñori. Sa doque ñono ohō saha nidi:

—Ahria ʔtā bora ñojoariro saha pajiri maca Babilonia wame tiri maca boraro tutuaro bisirota. Sa borari bato ti macare pari turi ihñasi masa. <sup>22</sup> Ti macare butia wahagū yerota. Sa ye ti macapu basayere msa basaducuriro saha ne acaro tisi. Arpa



wame tiyere m̄sa b̄a p̄t̄ēducuro saha, flauta wame tiye pacare, corneta ḡh̄ure m̄sa putiducuro saha pari turi ti macap̄ acaro tisi. Sa ye ti maca mariedaḡ̄ pari turi ti macap̄ dahrayequina dahrasa. Sa ye ūt̄ā mehna trigore m̄sa ña m̄toñe ḡh̄ure t̄uhonohsi. <sup>23</sup> Ne ti maca buhrio cuñariro saha ne ijisi. Sa ye omoca d̄h̄tena m̄sa bucie yahuducuro saha pari turi ne acaro tisi. Ti maca c̄jana m̄sa doeri c̄j̄ene duana, d̄una ḡh̄u apequina ȳh̄d̄uro cuomedi m̄sa. Sa yena yayia masare ujuayequina yero saha yena ijipih̄tiro c̄j̄enare mehori m̄sa. M̄sa sa yerire ih̄ña mariañe, Coh̄āc̄j̄ū pehere cahmedari masa, nidi tutu-  
ariquiro angel.

<sup>24</sup> Ti maca c̄j̄ena Coh̄āc̄j̄ū yere yahu m̄h̄tariquinare apequina tiq̄iuro yequina ḡh̄ure ijipih̄tiro c̄j̄enare wej̄ēdi jiri. Tiquina sa wej̄ēdi buhiri buhiri dahreri Coh̄āc̄j̄ū Babilonia c̄j̄enare.

## 19

<sup>1</sup> Babilonia d̄h̄se wahatire ȳh̄u ih̄ñari bato ūhm̄sepe peyequina masa sañuducue ca tari ȳh̄u t̄uhoḡ̄. Oh̄o saha ni sañuducuri:

Alেলা. Coh̄āc̄j̄ūre quehnoano yahuducuhna. Coh̄āc̄j̄ū marine ȳh̄d̄oriquiro ijire. Tiquirore quehnoano ño peouhna. Tutua ȳh̄d̄ariquiro ijire tiq̄iuro. <sup>2</sup> Mehono marieno queoro masare buhiri dahre tiq̄iuro. Nañe buhiri marieñequinare tiquinare buhiri dahrerare. Ñaricorore ūm̄na mehna ñano yeducuricorore ih̄ña c̄ñe ijipih̄tiro c̄j̄ena, ahri yehpa c̄j̄ena ñano yeri. Ticoro pehere buhiri dahreri Coh̄āc̄j̄ū. Sa yero tiq̄iuro cahac̄j̄enare ticoro wej̄ēdi buhirire buhiri dahreri tiq̄iuro, ni sañuducue ca tari.

<sup>3</sup> Pari turi sañuducue ca tari tja:

Alেলা. Coh̄āc̄j̄ūre quehnoano yahuducuhna. Ti maca ñari maca tiq̄iuro ūj̄ari maca sa ohmeo tiducurota, ni sañuducue ca tari.

<sup>4</sup> Sa yeye veinticuatro Jesu yequina p̄h̄toa, p̄ititiro s̄joro saha bajuyequina mehna d̄sepe curi mehna quehe sa, mari Pac̄ure tiq̄iuro dujirop̄ dujiriquirore ño peori. Oh̄o saha ni ño peori tiquina:

“Alেলা. Sata yeihna. Mari Pac̄ure quehnoano yahuducuhna,” nidi tiquina. <sup>5</sup> Came p̄h̄toro dujirop̄ oh̄o saha nino ca tari:

Mari p̄h̄toro Coh̄āc̄j̄ūre ño peoya. Tiquiro cahac̄j̄ana, tiq̄iurore ño peona, ih̄yo ijina, p̄h̄toa ḡh̄u ijipih̄tina m̄sa tiq̄iurore quehnoano yahuducuya, nino ca tari.

*Cordero tiq̄iuro omoca d̄h̄teati deco bosc decore yahuahye Ñu*

<sup>6</sup> Came peyequina masa tiquina yahuducuḡ̄ t̄uhou. Sa ye pajiri peo, ūpo mehna tutuaro bisiro saha yahuducue ca tari ȳh̄u t̄uhoḡ̄:

Alেলা. Coh̄āc̄j̄ūre quehnoano yahuducuhna. Tiquiro mari p̄h̄toro pehe p̄h̄toro saj̄a tuhasari. Tutua ȳh̄d̄ariquiro ijire tiq̄iuro.

<sup>7-8</sup> Cordero tiq̄iuro omoca d̄h̄teati p̄je ijire yojop̄ure. Tiquiro omoca d̄h̄teaticoro quehnoano tiquina quehno tuhasaricorop̄ ijire. Ticoro quehnoari suhtiro wete marieni suhtirore ohori. Ti suhtiro Coh̄āc̄j̄ū yequina quehnoañene tiquina yeri yero saha ijire, mari queoye mehna buheḡ̄. Sa yena ti omoca d̄h̄teati p̄je ijiḡ̄ buceihna mari. Coh̄āc̄j̄ūre “Tutua ȳh̄d̄ariquiro ijire”, niñna, ni yahuducue ca tari.

<sup>9</sup> Tiquina sa nidi bato angel oh̄o saha nidi ȳh̄ure:

—Ahr̄ire oja neña: “Cordero tiq̄iuro omoca d̄h̄teri deco bosc decore tiq̄iuro p̄j̄ioriquina buceyequina ijire”, ni oja neña, nidi angel ȳh̄ure.

Sa ninota oh̄o saha ni nemori:

—Ij̄irot̄a ijire ahri ȳh̄u yahuri. Coh̄āc̄j̄ū ye yahuducuye ijire, ni nemori ȳh̄ure.

<sup>10</sup> Tiquiro sa niḡ̄ tuhoguta tiq̄iuro caha d̄sepe curi mehna quehe sa, tiq̄iurore ño peou t̄u nimi. Ȳh̄u sa yeḡ̄ waro oh̄o saha nidi tiq̄iuro ȳh̄ure:

—T̄ire yerac̄h̄ña. M̄h̄u yero saha ȳh̄u ḡh̄u Coh̄āc̄j̄ū cahac̄j̄uta ij̄iaja. M̄h̄u acaye Jesu yequina ijipih̄t̄iyequina tiq̄iuro ye buh̄ere duhueyequina yero saha ȳh̄u ḡh̄u Coh̄āc̄j̄ū cahac̄j̄uta ij̄iaja. Sa yeḡ̄ Coh̄āc̄j̄ū pehere d̄sepe curi mehna quehe sa, tiq̄iurore ño peoya, nidi angel ȳh̄ure.

Cohācjū yere yahu muhtariquina muna panopu cjēna Espiritu Santo yedohoro mehna ti buheyere Jesu ye buheyere yahuyuahye.

*Caballo yehseriquiro bui pesariquirore yahuahye Ņu*

<sup>11</sup> Came ūhmuse parī maa wahagū ihñau. Topu caballo yehseriquiro ijiri. Tiquiro bui pesariquiro ohō saha wame tiri: Tiquiro ni-diro sahata yeriquiro potu yeriquiro wame tiri tiquiro. Queoro masare dutiriquiro ijiro, tiquirore ihña tuhtiyequina mehna cahme wejēne. <sup>12</sup> Tiquiro caperi peca pohna yero saha ijiri. Sa yero tiquiro dapupu peye puhtoā pesaye behtori ijiri. Sa yero tiquiro pagupu wame oja ohōnohriquiro ijiri. Ti wamene tiquiro dihita masidi. Apequina masiedari. <sup>13</sup> Tiquiro sañari suhtiro yoari suhtiro dii wahñari suhtiro ijiri. Tiquiro ohō saha wame tiri: Cohācjū ye yahuducuyere yahuriquiro wame tiri tiquiro. <sup>14</sup> Sa ye tiquiro yequina surara ūhmuse cjēna tiquirore nūnū tāri. Yehseyequina caballo bui pesayequina quehmoañe yehseye suhtire, wete marieñe suhtire sañariquina ijiri. <sup>15</sup> Tiquiro duseropu ñoseni pjine siori pjine cuhñuri. Ti pjī ijipihtiye yehpari cjēnare tiquiro yuhduducati pjī ijiri. Sa yero tiquiro tutuaye mehna tiquiro dutigū ne ihcāquiro tiquirore yuhduducaro cūsi. Cohācjū ijipihtiye yehpari cjēna mehna usuare. Tiquiro sa usuagū caballo bui pesariquiro tiquinare tutuaro buhiri dahrerota. <sup>16</sup> Tiquiro suhtiropu, tiquiro ñecu gūhure ahri wamene oja ohōri jiri: “Ijipihtiyequina apequina puhtoā bui puhtoro”, ni oja ohōri jiri.

<sup>17</sup> Came asū asiropu ducuriquirore angelre ihñau. Ijipihtiyequina ūhmusepu wūyequina yucaā parire sañuducu mūori tiquiro. Ohō saha ni tutuaro sañuducu mūori:

—Cahmecoana ahtaya. Cohācjū tiquiro bose decopu ihyana ahtaya. <sup>18</sup> Peyē yehpari cjēna puhtoare, surara puhtoare, surara parire, caballoare, tiquina bui pesayequinare, ijipihtiyequina apequina masare, cahacjēnare, cahacjēna ijieyequinare, apequina puhtoare, ihyo ijieyequinare tiquina ijipihtiyequina tiquina paguri ijirire ihyana ahtaya, nidi angel yucaare.

<sup>19</sup> Came nūcu cjūnore, ahri yehpa cjēna puhtoā tiquina yequina surara pari gūhure ihñau. Caballo bui pesariquiro mehna tiquiro yequina surara pari mehna cahme wejēne tehe cahmecoari tiquina. <sup>20</sup> Tiquina sa cahme wejēgū caballo bui pesariquiro nūcu cjūnore peresu yeri. Apequiro “Cohācjū yere yahu muhtagu ijija”, ni mehoriquiro gūhure peresu yeri. Tiquiro ni mehoriquiro pehe nūcu cjūno tiquiro ihñonopu tutuaye mehna ye ihñoriquiro ijiri. Tiquiro sa ye ihñori mehna nūcu cjūno wamene wahñañequinare tiquiro queoyere ño peoyequinare ni mehori “Ahri Cohācjū ye ijire”, nino. Tiquina puarore tiquiro peresu yeri bato tiquinare catiequinareta pecapu cohāri. Ti peca pajiri ma yero saha pajiri peca azufre mehna ūjūri peca ijiri. <sup>21</sup> Sa yero dūhsariquinare tiquina yequina surara parire ñoseni pjī mehna tiquiro duseropu ijiri pjī mehna wejēdi caballo bui pesariquiro pehe. Sa tiquiro wejēdi bato yucaā pari tiquina paguri ijirire ihyaye, yapi yuhdua wahari.

## 20

*Mil cuhmari waro Cristo tiquiro yequina mehna masare dutirota*

<sup>1</sup> Came apequiro angel ūhmusepu tiquiro dijia tagū ihñau. Ūhcūari cope cā sawire, pajiri da, come da gūhure cuori tiquiro. <sup>2</sup> Sa dijia wihiro pinonore ñehedi tiquiro. Tiquiro pinono panopu pinono saha pagu tiriquiro ijiro, watino Satana wame tiriquiro ijiri. Tiquirore ñeheno tiquirore dūhteri mil cuhmari waro peresu yero taro. <sup>3</sup> Sa dūhte tuhasa, ūhcūari copepu cohāri tiquirore ahri yehpari cjēnare mil cuhmari waro tiquiro “Mehoari”, nino. Sa cohā tuhasaro ti copere biha, piha ñehe cāri. Sa yero mil cuhmari bato pari turi meheñe decorigā tiquirore wiorinota.

<sup>4</sup> Came puhtoā dujiyere ihñau. Ti dujiyepu dujiyequina gūhure ihñau. Tiquinare masare tiquina beseatore ñañene yeyequinare tiquina buhiri dahreatore cūri Cristo. Apequina gūhure ihñau. Tiquina pehe Jesu yere Cohācjū yere tiquina yahuri buhiri tiquina dapu pacare dūte cohānohriquina ijiri. Nūcu cjūnore tiquiro queoye gūhure dusepe curi mehna quehe sa ño peoerari. Sa ye tiquina wuhdoā pacare tiquina omocari

gāhure tiquiro wamene ojoa ohō dutierari tiquina. Sa ye apequina tiquinare wejēdi bato masaa wahari tja. Masari tiquina mil cahmari waro Cristo mehna puhtoā ijiye tehe. <sup>5</sup> Apequina Cristo yequina yariariquina muna masaedarīdi. Tiquina wejēdiquina tiquina masari bato mil cahmari puhtoā tiquina ijiri bato apequina gāhu masaa wahaeta. Sa ye tiquina wejēdiquina muna Cristo yequina tiquiro bato masa mahtañequina ijiri. <sup>6</sup> Tiquiro maso muhtariquina pehe tutuaro bucueyequina ijietā. Nañe marieñequina ijietā tiquina. Sa ye pecapu wahasi tiquina. Masa pecapu wahaye, pari turi tiquina yariaro saha wahare. Sa ye tiquina pecapu wahaerare. Masa muhtariquina Cohācjū, Cristo yequina pahia ijietā tiquina. Sa ye mil cahmari waro Cristo mehna masa puhtoā ijietā.

<sup>7</sup> Mil cahmari bato Satanare peresupu ijiriquirore wiorota. <sup>8</sup> Tiquirore sa wiori bato ahri yehpa cjēnare mehono waharota tiquiro. Gog wame tiyequinare, Magog wame tiyequina gāhure mehono waharota. Sa ye tiquina tiquiro mehoñene tuhoye, tiquina yequina surara parire cahmecoeta cahme wejēne tehe. Surara pari peyequina ijietā. Pajiri ma cjē padu pjeri peye ti ijiro saha peyequina surara ijietā.

<sup>9</sup> Sa ye ahri yehpature waha siteye, Cohācjū yequina tiquina ijiri macare Cohācjū tiquiro cahīdi macare majare behtoa cahmotaeta. Tiquina sa cahmotari bato Cohācjū tiquinare uhmuse cjā peca mehna uñūadoque dijiorota. <sup>10</sup> Sa wahari bato wafinore tiquinare mehoriquire pecapu cohānota. Ti peca pajiri ma yero saha ijiri peca azufre mehna uñūri peca ijiri. Topu nucu cjūnore, “Cohācjū yere yahu muhtagū ijiāja”, ni mehoriquire gāhure cohā tuhasari. Topu tiquina ijigū deco, ñamipū gāhure sa ñano purīducurota tiquinare.

*Cohācjū* masare buhiri dahre bato tire

<sup>11</sup> Came pajiro dujiore quehnoano yehserore puhtoro dujiore ihñau. Ti dujiro bui dujiriquiro gāhure ihñau. Ahri yehpa cjēna gāhu uhmuse cjēna gāhu tiquirore cueye, duhti oma cāa wahari. Sa duhtiepeta tiquirore duhtie cūedari. <sup>12</sup> Sa yegu puhtoro poto yariariquina muna tiquina ducugū ihñau. Tiquina ihyo ijiequina,

puhtoā ijiriquina gāhu ijiri. Topu tiquina ducugū ojoa ohōne tjurire pōori. Ti tjuri masa tiquina yerire tiquina ojoa ohōne tjuri ijiri. Sa yero beseriquiro ti tjurire ihña tuhasa tiquina yerire masidi. Tire masino yariariquinare beseri ñañequina, quehnoañequina gāhure. Came ape tju gāhure pōori. Ti tju Cohācjū mehna sa ijiducuatiquinare tiquina wamene ojoa ohōri tju ijiri. <sup>13</sup> Came pajiri mapu, diapu gāhure yaria dijariquina wahcā mūjaa wahari. Sa ye yehpa puhapu ijiequina, yariariquina tiquina ijiropu ijiequina gāhu mūjaa wahari. Tiquina sa mūja sagū topu dujiriquiro tiquina yerire masi pehoro, tiquinare beseri ñañequina, quehnoañequina gāhure. <sup>14</sup> Came yariarore, yariariquina tiquina ijiro gāhure cohā cāhri Cohācjū pari turi mari yariatore. Pecapu cohā cāhri. Ti peca pajiri ma yero saha ijiri peca pajiri peca ijiri. Pecapu wahayequina pehe pari turi yariaro saha wahare. <sup>15</sup> Sa yero sa ijiducuatiquina tiquina wamene Cohācjū tiquiro ojoa ohōri tju puñū ijipihitiyequina tiquina wamene ojoa ohōmehneñequina pehere pecapu cohāri tiquiro.

## 21

*Uhmusepu*, ahri yehpa gāhure wahmare comesarota Cohācjū

<sup>1</sup> Came uhmusepu, ahri yehpa gāhure wahmare tiquiro comesarire ihñau. Uhmusepu iji muhtari, yehapu iji muhtari, pajiri mapu iji muhtari gāhu pihitia wahari. Mariedari. <sup>2</sup> Sa yegu yuhu Nu quehnoari macare, wahma macare Jerusalēne ihñau. Ti maca uhmusepu Cohācjū cahapu dijia tagū ihñau. Omoca duhteaticorore quehnoañe suhti mehna wahma suore omoca duhteatiquire bucuegū yero taro. Sata ti macare quehnoyuri jiri Cohācjū, tiquiro yequinare bucuegū yero taro. <sup>3</sup> Tire yuhu ihñari bato puhtoro dujiropu tiquiro sañuducugū tuhoye:

—Ihñāna. YojoPURE masa watoapu ijiro nine Cohācjū. Tiquina mehna ijirota tiquiro. Sa ye tiquiro yequina ijietā tiquina. Sa yero Cohācjū tiquiro basi tiquina mehna cjūno ijiro, tiquina yaquiro Cohācjū ijirota. <sup>4</sup> Sa yero sa bucueducugū yerota tiquiro tiquinare. Sa ye pari turi bujua witisī tiquina. Sa ye ne pari turi yariasi tiquina.

Ne ñano jeripohna tiye, utiye, puriñe gũhu marisi tiquinare. Ahri ijipihitiye panopu cjē ijiri pihitia waharota, ni sañuducuro ca tari.

<sup>5</sup> Came puhtoro dujiropu dujiriquiro ohō saha nidi:

—Ihñaña. Ijipihitiyere wahma comesagũ yeitja, nidi.

Tiquiro sa nidi bato yuhure ohō saha nidi tja:

—Ahri yuhũ niñene ojoa neña. Yuhũ niñe ijirota ijire. Sa yero yuhũ nidiro sahata sa waharota. Sa yegu yuhũ niñene ojoa neña, nidi yuhure.

<sup>6</sup> Came ohō saha nidi tja yuhure:

—To punota ijiaga. Yuhũ ijipihitiyere bajumehnedigu ijiaga. Sa yegu ijipihitiyere pihitigũ yeacju ijiaga. Aco wnoyequina tutuaro tiquina acore cahmeno saha yuhũ cahapu ahta duayequina yuhure cahmeeta. Sa ye yuhure yuhtieta. Yuhũ catigũ yeye aco yero saha ijigũ ijiaga. Yuhure cahmeñequinare yuhũ mehna sa ijiducugũ yeitja tiquinare. Tiquina esa tuhuro ye dutiro marieno, yuhũ tutuaye mehna yuhũ mehna sa ijiducugũ yeitja. <sup>7</sup>Ijipihitiyequina yuhure wacũ tutua duhueyequinare ohō saha yeitja: Tiquina yaquiro Cohãcjũ ijiitja. Sa ye tiquina pehe yuhũ pohna ijieta. <sup>8</sup> Sa ijiepetã cueye, yeere duhueyequina, yuhure cahmeñequina, ña yuhũyere yeyequina, masare wejẽñequina, wana tiyequina, masare ujuayequina yero saha yeyequina yayia, “Cohãcjũ ijire”, tiquina niñe queoyere ño peoyequina, ijipihitiyequina ni mehoñequina pecapu wahaeta. Topu pajiri ma yero saha ijiri peca pajiri peca azufre mehna ujuño nine. Topu wahayequina pari turi tiquina yariaro saha wahaye nine, nidi yuhure.

*Wahma maca Jerusalēne yahuahye*

<sup>9</sup> Came ihcãquiro angel yuhũ cahapu wi-hiri. Tiquiro sietepari cnoyequina, tiquiro buhiri dahre duti cūriquina angele mehna cjũno ijiri. Sa wihiro, ohō saha nidi yuhure:

—Ihñañu ahtaya. Cordero tiquiro omoca dũhtericorore ihñoutja mahure, nidi angel yuhure.

<sup>10</sup> Sa yero Espiritu Santo yuhure Cohãcjũ ya macare ihñori. Ohō saha bajuro ihñori yuhure: Uhmuanũ cunu buipũ yuhure ne mujari. Tũpũ usã ijigũ Jerusalēne Cohãcjũ ya macare quehnoari macare

ihñori yuhure. Cohãcjũ cahapu uhmũsepu ijiri maca dijia taro nidi ahri yehpapũ.

<sup>11</sup> Cohãcjũ tiquiro asi siteye mehna asi siteri maca ijiri ti maca. Wapa tiye utã yero saha asi siteri. Jaspe wame tiye utã yero saha asi siteri. Sa yero vidrio yero saha quehnoano aco sitiri maca ijiri ti maca. <sup>12</sup> Sa yero pajiri sahrĩno uhmũari sahrĩno tiquina sahrĩ sãri maca ijiri ti maca. Doce sopecahari tiri ti sahrĩno. Ti sopecaharipe cohteri angele. Ti maca cjē sope pahmaripu Israe masa cururi doce cururipe tiquina wame wahñari. <sup>13</sup> Asũ muja taro pehe ti sahrĩno cuori ihtia sopecaha. Sur cũ pehe pehe ihtia sopecaha ijiri. Norte poto pehe ihtia sopecaha ijiri. Asũ sañano pehe gũhure ihtia sopecaha ijiri. Ijipihitiro doce sopecahari waro cuori ti sahrĩno. <sup>14</sup> Ti sahrĩno doce utã paca bui pesari. Ti utã pacape Cordero cūrina doce tiquiro cūrina usãpe wame wahñari.

<sup>15</sup> Sa yero angel yuhure yahuriquiro queodu uru mehna tiquina yedure cuori. Ti macare, ti maca cjē sopecaharire, sahrĩno gũhure queoro taro nidi. <sup>16</sup> Ti maca yoaro punota ehsaro gũhu to punota ehsari. Uhmũano gũhu to punota uhmũari. Sa yero angel queodu mehna ti macare queori. Ti maca dos mil doscientos kilómetro yoari maca ijiri. To punota ehsari maca ijiri. To punota uhmũari maca ijiri. <sup>17</sup> Sa yero ti maca cjã sahrĩnore queori angel. Sesenta y cinco metro uhmũari sahrĩno ijiri. Masa mari queoro sahata queoro nidi tiquiro angel.

<sup>18</sup> Ti sahrĩno jaspe wame tiye utã paca mehna tiquiro yeri sahrĩno ijiri. Sa yero ti maca pehe uru mehna tiquiro yeri maca ijiri. Ti uru wete marieñe ijiro quehnoano asi siteri. <sup>19</sup> Ti sahrĩno docapu ijie utã pacapure peye sijoro saha ijie wapa tiye paca wahñari. Ti utã paca sahrĩnopu pesaye paca doce paca ijiri. Iji muhtaria utãre jaspe wame tiye utã wahñari. Ti paca bato ijiria utãre zafiro wame tiye utã wahñari. Puaria bato ijiria utãre ágata wame tiye utã wahñari. Ihtitaria bato ijiria utãre esmeralda wame tiye utã wahñari. <sup>20</sup> Pititaria bato ijiria utãre ónice wame tiye utã wahñari. Ihcã omope paca bato ijiria utãre cornalina wame tiye utã wahñari. Seis paca bato ijiria utãre crisólito wame tiye utã wahñari. Siete paca bato ijiria utãre berilo wame tiye utã wahñari. Ocho

paca bato ijiria utäre topacio wame tiye utā wahñari. Nueve paca bato ijiria utäre crisoprasa wame tiye utā wahñari. Diez paca bato ijiria utäre jacinto wame tiye utā wahñari. Once paca bato ijiria utäre amatista wame tiye utā wahña bato tiri.

<sup>21</sup> Sa ye doce sope pahmari doce perla mehna tiquiro yeri pahmari ijiri. Ti pahmaripe ihcā pje perla pje mehna tiquiro yeri pahmari ijiri. Sa yero ti maca cjā maha uru mehna tiquiro yeri maha ijiri. Ti uru wete marieñe uru ijiri. Sa yero quehnoano aco sitiri maha ijiri ti maha.

<sup>22</sup> Ti macapū Cohācjū wuhñe ihñeda. Mariedari. Ti macapū ijipihitropū mari puhtorore Cohācjū tutua yuhduariquirore, Cordero gūhñe ño peore masa. Sa yero ti maca ijipihitiro Cohācjū wuhñe yero saha ijiri. <sup>23</sup> Sa yero ti macapū Cohācjū tiquiro asī siteye quehnoano buhriori. Cordero gūhñe sihāria yero saha buhriori. Sa ye asū deco cjūno gūhñe ñami cjūno gūhñe topū tiquina buhriogū cahmedari. <sup>24</sup> Sa ye ahri yehpapū ti buhrioye mehna ijieta ijipihitiro cjēna. Sa ye ijipihitiye yehpari cjēna puhtoia ti macapū quehnoa yuhduayere tiquina cuoyere ne wihieta. <sup>25</sup> Sa ye decore ti maca cjē sopecahari pōori sopecahari ijieta. Topūre ne ñami marisi. Sa ye ti sopecaharire ne bihasi. Sa susuducurota. <sup>26</sup> Sa ye ahri yehpari cjēna quehnoañene tiquina cuoyere ti macapū ne wihieta. <sup>27</sup> Ñañe pehere ti macapū ne ne wihisi. Bue tigū yeyequina, ñañene yeyequina gūhñe ti macapū ne wahasi. Mehoñequina gūhñe ne wahasi. Cordero tiquiro ojoari tjuṗū tiquina wame wahñañequina dihita ti macapū wahæta. Ti tju tiquiro yuhduoriquina tiquina wamene tiquiro oja ohōri tju ijire. Ti tjuṗū tiquina wame wahñañequina sa ijiducuetā.

## 22

<sup>1</sup> Came quehnoari mare catigū yeri mare ihñori yuhñe angel. Ti ma quehnoano aco sitiri ma Cohācjū, Cordero gūhñe tiquina dujiropū ahtari ma ijiri. <sup>2</sup> Sa yero ti maca cjā maha deco buruarī ti ma. Ti ma pua peheri duhtū cahapū catigū yeye cjū ducuri. Ti cjū asūripe duca tiri. Ihcā cūhmare doce tahari duca tiri. Sa ye ti cjū cjē pūri mehna quehnoano aco tieta ahri yehpa cjēna. <sup>3</sup> Ti macare ne ñañe buhiri dahreati marisi. Ti macapū Cohācjū dujiro ijirota.

Cordero dujiro gūhñe ijirota topū. Sa ye ijipihitiyequina masa topū ijiequina tiquina cahacjēna tiquina poto dusepe curi mehna quehe sa, tiquinare ño peoeta. Sa yero topū ñañe ne marisi. <sup>4</sup> Tiquina Cohācjūre ihña piti ca dujieta. Sa ye tiquina wuhdoa pacapū tiquiro wame wahñañequina ijieta. <sup>5</sup> Topūre ñami ne marisi. Sa ye sihāñe paca gūhñe cahmesi topū ijiequina. Asū buhriogū gūhñe cahmesi. Mari puhtoro Cohācjū buhriorota. Sa ye ti macapū ijiequina ape sie cjēna puhtoia ijiducuetā.

*Jesucristo ahri yehpapū* tiquiro tojoa tato mehenogā dūhsare

<sup>6</sup> Came angel yuhñe ohō saha nidi:

—Ijipihitiye ahri tiquina yahuri ijirota ijire. Sa ye tiquina nidiro sahata waharota. Mari puhtoro Cohācjū tiquiro yere yahu muhtariquinare masigū yeriquiro ijire. Tiquiro pehe yojopūre tiquiro yaquiro angelre ohori tiquiro cahacjēnare masigū yero taro. Came cjūnogā dūhse wahatire masigū yero taro tiquiro yaquiro angelre ohori, nidi angel yuhñe.

<sup>7</sup> Jesu pehe ohō saha nidi:

—Tuhoya musa. Mehenogā dūhsare yuhñe tojoa tato. Ahri pū cjē yahuyere yuhducaeyequina bucueyequina ijieta, nidi Jesu.

<sup>8</sup> Yuhñe Ñū ahri ijipihitiyere yuhñe ojoa nedire tuhōu. Sa yegū tire ihñañ. Sa yegū yuhñe tuhōri bato, yuhñe ihñari bato yuhñe ihñoriquiro angel poto dusepe curi mehna quehe sami. Tiquirore ño peogū tuu nimi. <sup>9</sup> Yuhñe sa yegū ihñano ohō saha nidi yuhñe:

—Sa yeracāhña. Mūhñe yero saha yuhñe gūhñe Cohācjū cahacjūta ijieta. Mūhñe acaye Cohācjū yere yahu muhtariquina, ijipihitiyequina ahri pū cjē dutiyere yeyequina gūhñe tiquina ijiro saha yuhñe gūhñe Cohācjū cahacjūta ijieta. Sa yegū Cohācjū poto dusepe curi mehna quehe sa, tiquiro pehere ño peoya, nidi angel yuhñe.

<sup>10</sup> Sa yero ohō saha ni yahu nemori yuhñe:

—Ahri pūpū came dūhse wahatire yahure. Sa wahato mehenogā dūhsare. Sa mehenogā dūhsagū ahri pūpū yahurire nuoadacāhña mūhñe. <sup>11</sup> Ti pje yuhñe yahuri pjere ñañequina pehe sa yeducucūnahdo ñañene. Nabutiayequina gūhñe ña

yahduaro yeducucūnahdo. Quehnoañequina pehe quehnoano yeducuahro. Sa ye ñañe marieñequina gūhū ñañe marieñequina sa ijiducuahro ti pjere, nidi angel yūhure.

<sup>12</sup> Ohō saha nidi Jesu:

—Tūhoya mūsa. Mehenogā dūhsare yūhū tojoa tato. Mūsare yeequinare yūhū ohoatire ne cāhtagū tūū niaja. Sa yegū quehnoañene mūsa yeri wapa mūsare quehnoano yeitja. <sup>13</sup> Yūhū ijipihitiyere bajumehnedigū ijiaja. Sa yegū ijipihitiyere pihtigū yeacjū ijiaja.

<sup>14</sup> Ijipihitiyequina wete marieñe suhtire sañañequina tiquina ijiro saha tiquina ñañe yerire cosenohriquina ti macapū esaeta. Sa ye ti maca cjē cjū catiyere ohoye cjū dūcare ihyaeta. Sa ye bucueyequina ijietā tiquina, nidi Jesu. <sup>15</sup> Ti macapū eseyequina pehe ahriquina ijire: Ña yūhdūayequina, masare ūjuayequina yero saha yeyequina yayia, wūana tiyequina, masare wejēñequina, “Cohācjū ijire”, tiquina niñe queoyere ño peoyequina, ni meho peyayequina gūhū ijire ti macapū eseyequina.

<sup>16</sup> Sa yero ohō saha ni yahu nemori Jesu:

—Yūhū, Jesu, yaquiro angelre ohou mūsare yeequinare ahri pū cjēne yahugū tūhū. Pūhtoro Davi panami iji turiagū ijiaja yūhū. Yūhū bohrearia yero saha ijigū ijiaja, ni yahu nemori Jesu.

<sup>17</sup> Espíritu Santo Jesure “Tojoa taya”, nine. Jesu yequina tiquiro omoca dūhteatícoro yero saha ijieyequina gūhū “Tojoa

taya”, nine. Ijipihitiyequina tiquina “Tojoa taya”, nidire tūhoyequina gūhū “Tojoa taya”, nahdo Jesure.

Aco wūoyequina acore tutuaro tiquina cahmeno saha Cohācjū cahapū waha duana Jesure tutuaro cahmeña. Tiquiro catigū yeye aco yero saha ijire. Tiquirore cahmeñequinare ūhmūsepū sa ijiducugū yerota Cohācjū. Tiquina esa tuhoro ye dutiro marieno Jesu yedohoro mehna sa ijiducugū yerota.

<sup>18</sup> Yūhū Ñu, ijipihitina ahri pū cjē Cohācjū yere tūhorinare mūsare ohō saha ni cua pesaro mehna yahutja. Ahri buheye mehna apeye buheye mehna more yahu nemoñequina Cohācjūre yūhdūducaye nine. Tiquina sa yūhdūducagū ihñano ijipihitiye ahri pūpū tiquiro buhiri dahreatire tiquiro yahuriro sahata cūnota tiquina gūhūre. Sa yero sata tiquina gūhūre buhiri dahrerota. <sup>19</sup> Sa ye ahri pū cjē yahuyere yahu dūhayequina Cohācjūre yūhdūducayequina ijire. Tiquina sa yūhdūducagū ihñano catigū yeye cjū dūcare tiquinare ihya dutisi. Sa ye sa ijiducusi tiquina. Sa yero tiquiro ya macapū quehnoari macapū waha dutisi. Ti cjū, ti maca gūhū ahri pūpū tiquina yahuripū ijire.

<sup>20</sup> Ijipihitiye ahri pū cjēne yahuriquiro ohō saha nine:

—Sa tjiere. Mehenogā dūhsare ahri yehapū yūhū tojoa tato, nine tiquiro.

Sa tjiya. Ūsā pūhto Jesu, tojoa taya.

<sup>21</sup> Mari pūhtoro Jesu tiquiro yedohoro mehna ijipihitina mūsa quehnoano ijiaja.